

5-2-









THEOLOGIA  
PATRUM  
DOGMATICA,  
SCHOLASTICO-POSITIVA,  
TOMUS PRIMUS.



# THEOLOGIA PATRUM

DOGMATICA,  
SCHOLASTICO-POSITIVA,

AUCTORE R. P.

ANTONIO BOUCAT  
BITURICO;

Ordinis S. Francisci de Paula Religioso, Provinciæ Franciæ Professo atque  
Alumno, & veterano apud Parisios in sacra Theologia Professore.

TOMUS PRIMUS,  
CONTINENS TRACTATUS

*De Deo Uno, ejusque Attributis in genere.*

*De Dei Invisibilitate & Visibilitate.*

*De Dei Intellectu & Scientia.*

*De Concordia Libertatis cum Præscientia Divina.*



EDITIO SECUNDA VENETA  
accuratior & emendatior.



VENETIIS MDCCLXV.

Typis GASPARIS GHIRARDI  
SUPERIORUM PERMISSU.

# PRÆFATIO.



Arii multique ad hæc usque tempora extitere Theologiæ Tractatus ; alii solum Scholastici , alii Dogmatici , alii Positivi , quidam & partim Mørales . Sed quia divisæ hinc inde in diversis operibus materiæ , aut frangunt animum , aut mentem plura disparata disparate cogitantem deprimunt , aut etiam terrore stupendi & supra modum ardui laboris ab amore doctrinæ sacræ plures omnino , vel saltem ex parte avertunt , æquum duximus , immo & necessarium , istas Theologiæ partes unico in opere concludere , ut cuncta & principiorum & conclusionum conjunctione , cito & facilliter pateant legentibus .

*Scholasticam partem* a multis quæstionibus vix alicujus momenti purgatam tradimus , Dogmaticam quidem , sed omnium ~~perne~~ difficultatum solutionibus adornatam ; tercio loco Positivam , eam dico , quæ omittis plurimis Historiis fidem divinam non spectantibus , ad solam sistit Theologiæ metam .

*Plura* in uno opere , pie & doctè Lector , habebis opera Theologica . Dispersa in diversis habebis adunata in uno : intricata variis Dissertationibus , breviter soluta : copiosa Scholasticæ , Positivæ & Dogmaticæ Theologiæ , ad claram methodum concinnata : obscura , elucidata , profunda , adamussim explanata : altissima ad caput Lectoris , in quantum fieri potest , exposita : difficilia & ardua , paucis , sed validissimis explicata lectionibus .

*Hausimus* ad hujusce Operis & compositionem & perfectionem , quidquid in antiquis Theologiis invenitur optimum , quidquid in recentioribus jucundum , quidquid in Tractatibus , in Synodis , Ritualibus , Liturgiis Græcorum , Melchitarum , Coptitarum , Æthiopum , pro dogmatibus Purgatorii , cultus Sanctorum , numeri septenarii Sacramentorum astruendis , optimum ; quidquid in variis eruditissimorum Virorum codicibus affugit pretiosum , sed maxime , quod est tum in divinis Scripturis , tum in Decretalibus SS. Pontificum , tum in Definitionibus Conciliorum , tum in Sententiis Patrum perutile & sanctum , ut , sacra hæc Doctrina omnibus supremæ veritatis decorata monumentis , aut perfectus sit homo Dei Theologus , aut saltem lectione , & labore & studio evadere queat .

*Quia* vero sententiæ divi Augustini circa gratiam & liberum arbitrium ex locis a verbis antecedentibus & subsequentibus divulsis , in adulterinos possunt detorqueri sensus , ipsa Sancti Doctoris de his momentis opera juxta editionem novam breviter & compendiose , præmissis ad quemlibet librum argumento , explanamus , ut ex integris de uno controversiæ capite contextibus quisque absque negotio capiat , quamnam sit secundum sanctum Doctorem & efficacia & suavitas gratiæ Salvatoris .

*Opè-*

*Opera pretium est hic subnotare multa esse ad salutem necessaria ; sed potissimum cognitionem Dei , & eorum quæ propter nos homines misericorditer patravit , quæ ad duo præcipue capita revocari possunt : alterum quidem circa Dei existentiam & essentiam ; alterum vero de mediis quibus ad finem ultimum homines conducuntur .*

*De primo momento dicitur quod Deus sit unus in se , & summe perfectus , quod possit a creatura possideri , quod cuncta sciat , quod se velit , & alia a se , quod prædestinet & reprobet , quod sit Trinus , visibilium & invisibilium Creator & Præmotor .*

*De secundo momento tria sunt plurimum ponderanda : primo quidem , quod Filius Dei propter nostram salutem sit incarnatus , quod sit largitor munerum & omnium Salvator . Ad ista explicanda & concinnanda tractare juvat de Deo uno ejusque proprietatibus , de Deo Trino , de Deo Creatore & Præmotore , ubi de Angelis , de opere sex dierum , de homine ejusque statibus , denique de Deo incarnato , de Deo largitore gratiæ , & omnium Mediatore .*

*Primus igitur Tractatus est de Deo Uno ejusque attributis in genere .*

*Secundus , de invisibilitate & visibilitate Dei .*

*Tertius , de intellectu & scientia Dei .*

*Quartus , de voluntate Dei .*

*Quintus , de Deo Trino .*

*Senius , de Deo Creatore & Præmotore , de Angelis , de Opere sex dierum , & de Homine .*

*Septimus , de Deo incarnato .*

*Octavus , de Gratia Mediatoris .*

*Nonus , de Actibus humanis & peccatis .*

*Decimus , de Deo Pastore : ubi de Fide , Spe & Charitate , de Regulis Fidei , maxime vero de Scriptura sacra , etiam in speciali , de Ecclesia & Conciliis , quorum Canones omnes fidei calamo referuntur .*

*Undecimus , de Sacramentis tum in genere ; tum in particulari , quorum quidem numerus septenarius primum omni Traditionis genere ; deinde ex consensu utriusque Ecclesiæ , Græcæ scilicet & Latinæ probatur , immo & ex Traditione petita ex usu Ecclesiarum Protestantium Galliæ , Germaniæ , Angliæ , Poloniæ , Sueviæ , Daniæ , Bataviæ , quæ quidem universaliter eandem ante Schisma , cum Ecclesia Romana , de his septem Capitibus tenuerunt Fidem .*

*Ducem & Magistrum in hoc cursu Theologico fideliter sequimur D.Th. Aquinatem , cujus laus super omnem laudem , ab ipsius Christi ore promanavit : Bene scripsisti de Me Thoma ; de cujus doctrina , istud S. Hier. ad Lætam de Hilarii scriptis , jure merito dicimus : " S.Th. Libros inoffenso decurrat pede . " Hinc omnes illum aut audiunt Magistrum , aut de mirantur ut magnum Scholæ Angelum .*

# APPROBATIO

*Regii Librorum Censoris .*

**I**LLUSTRISSIMI Galliarum Cancellarii Mandato , Traſtatus de Deo uno , ejuſque attributis , de deo Trino , de Deo Creatore , de Verbo Incarnato , de Gratia Salvatoris , de Eccleſia , de Fide , Spe & Charitate , de Actibus humanis , de Sacramentis tum in genere , tum in particulari , ea qua potui attentione perlegi , in quibus omnia Orthodoxæ Fidei , & ſanctis moribus conſona mihi viſa ſunt , & ad Theologiæ Candidatorum utilitatem , eruditionemque elucubrata . Datum Pariſiis die ultima Martii anni 1713.

REGERY.

# APPROBATIO

*Reverendiſſimi Patris Generalis .*

Fr. SYRUS-JOSEPH VIGUS , Lector Jubilatus , ac  
totius Ordinis Minimorum Correſtor Generalis.

**T**ENORE Præſentium facultatem concedimus R. Patri ANTONIO BOUCAT , Provinciæ noſtræ Pariſienſis Prædicatori , ac Theologiæ veterano Profeſſori , luci publicæ mandandi ſuum opus , cujus titulus : *Theologia Patrum dogmatica , ſcholæſtico-poſitiva* , in varios digeſtum Traſtatus , ſcilicet de Deo uno , de Deo Trino , de Deo Incarnato , de Deo gratificante , &c. Volumus tamen ut approbetur a R. admodum Patre Provinciali ejuſdem præfatæ Provinciæ , necnon a Reverendis Patribus Natali Geofroy , & Carolo Soubzmain , antiquis Theologiæ Profeſſoribus , ac cætera ſerventur , de jure & more ſervanda , in quarum fidem . Datum Romæ , in noſtri Sancti Andree de Fratrſ Conventu , die 3. Junii 1712.

Fr. SYRUS-JOSEPH VIGUS ,  
Correſtor Generalis.



# APPROBATIO

*Reverendi Patris Provincialis.*

Nos Fr. ROBERTUS QUINQUET, Provinciæ Franciæ  
Ordinis S. Francisci de Paula Provincialis.

**V**ISIS tum Doctoris Illustrissimi Cancellarii, tum Theologorum nostri Ordinis approbationibus, R. P. ANTONIO BOUCAT, in sacra Theologia Lectori, licentiam facimus prælo mandandi varios Theologiæ Tractatus; & in fidem, Præsentes Officii nostri sigillo munientes & obsignantes subscripsimus in nostro Conventu Parisiensi, hac die 23. mensis Maii anni 1713.

Fr. ROBERTUS QUINQUET, Provincialis.

# APPROBATIO

*Theologorum Ordinis.*

**N**OS infra scripti Provinciæ Franciæ Ordinis Minimorum Antiqui sacrae Theologiæ Lectores, ex commissione Reverendissimi Patris Generalis nostri, attente legimus Tractatus de Attributis divinis, & de Trinitate; &c. a R. P. ANTONIO BOUCAT, ejusdem Ordinis & Provinciæ, in Conventu Parisiensi Sacrae Theologiæ actuali Professore compositos, in quibus doctissimus Auctor, sine fidei, morumque præjudicio, de Dei natura, personis, perfectionibus & operationibus, de divinorum Decretorum suavi efficacia, de prædestinatione & reprobatione, &c. differens rationum suavitatem, argumentorumque subtilitatem cum mira claritate sic assequitur, ut quidquid in Conciliorum Definitionibus grave; quidquid in Sanctorum Patrum, præcipue Augustini & Doctoris Angelici Libris eruditum; quidquid demum in celebriorum & probatorum Theologorum Commentariis exquisitum de altissimis hisce quæstionibus, & profundissimis Mysteriis sparsum ac diffuse scriptum legitur, illud totum facili & ordinatissima methodo hic congestum reperiat. Dignum idcirco censemus Opus, quod in magnum Studioforum emolumentum promulgetur. Datum Parisiis in Conventu nostro ad Circum Regium, die 25. Maii anni 1713.

Fr. NATALIS GÉOFROY.  
Fr. GAROLUS SOUBZMAIN.

# S E R I E S DISSERTATIONUM,

Articulorum, Sectionum, & Conclusionum & Argumentorum,  
quæ in hoc primo Tomo continentur.

*De Deo uno, ejusque proprietatibus, sum in genere,  
sum in particulari.*

ix

<b>I D E A</b> Operis.	pag. 1
<i>Dogmata de Deo uno, ejusque attributis.</i>	2.
<i>Hereses.</i>	ibid.
<i>Dissertatio præambula de Doctrina sacra.</i>	4
<i>De nomine, definitione &amp; divisione Doctrinæ sacræ.</i>	ibid.
<b>ART. I.</b> <i>Utrum Theologia sit necessaria?</i>	5
<b>Concl. I.</b> <i>Theologia secundum se spectata, est simpliciter necessaria pro toto corpore Ecclesiæ.</i>	ibid.
<b>Concl. II.</b> <i>Theologia Scholastica perutilis est.</i>	7
<i>Diluuntur objectiones contra primam Conclusionem militantes.</i>	8
<i>Diluuntur objectiones contra secundam Concl. &amp;c.</i>	10
<i>Synopsis Probationum.</i>	12
<i>Synopsis Solutionum ad Objectiones.</i>	ibid.
<b>ART. II.</b> <i>De objecto Theologiæ.</i>	ibid.
<b>Concl. I.</b> <i>Objectum materiale Theologiæ, est quodcumque revelatum.</i>	12
<b>Concl. II.</b> <i>Objectum formale quod Theologiæ, est Deus sub ratione Deitatis &amp; ultimis finis.</i>	ibid.
<b>Concl. III.</b> <i>Objectum formale sub quo Theologiæ, est Revelatio virtualis.</i>	13
<i>Proponuntur objectiones adversus secundam Concl. &amp; solvuntur.</i>	ibid.
<i>Synop. Probationum de multiplici Theologiæ objecto.</i>	14
<i>Synop. solutionum ad difficultates.</i>	ibid.
<b>ART. III.</b> <i>Utrum Theologia sit scientia &amp; qualis?</i>	ibid.
<b>Concl. I.</b> <i>Theologia est vere scientia.</i>	15
<b>Concl. II.</b> <i>Theologia est una specie atomæ scientiæ.</i>	ibid.
<b>Concl. III.</b> <i>Theologia est habitus intrinsece supernaturalis.</i>	16
<i>Solvuntur objectiones contra 1. Concl.</i>	17
<i>Diluuntur objectiones contra 2. Concl.</i>	19
<i>Fit satis objectionibus contra 3. Concl.</i>	20
<i>Synop. probationum.</i>	22
<i>Synop. solutionum ad objectiones.</i>	23
<b>ART. IV.</b> <i>Utrum Theologia sit scientia speculativa simul &amp; practica?</i>	ibid.
<i>Conclusio affirmativa.</i>	ibid.
<i>Solvuntur objectiones.</i>	ibid.
<i>Synop. probationum.</i>	25
<i>Synop. solutionum ad objectiones.</i>	ibid.

Boudet Theol. Tom. I.

## TRACTATUS PRIMUS

<i>De existentia &amp; unitate Dei, ejusque natura &amp; attributis.</i>	
<i>Dissertat. Ide existentia Dei contra Atheos.</i>	26
<b>ART. I.</b> <i>Utrum detur ignorantia invincibilis de Deo ut Auctore naturæ?</i>	ibid.
<b>Conclusio.</b> <i>Non datur ignorantia invincibilis de Deo ut Auctore naturæ.</i>	ibid.
<i>Fit satis objectionibus.</i>	29
<i>Synop. probationum.</i>	33
<i>Synop. solutionum ad objectiones.</i>	ibid.
<b>ART. II.</b> <i>Utrum ista Propositio, Deus est, sit aliquo modo nota quoad nos?</i>	ibid.
<b>Concl. I.</b> <i>Inest nobis ingenita aliqua auctoritatis naturæ notio.</i>	34
<b>Concl. II.</b> <i>Ista Propositio, Deus est, nota est aliquo modo quoad nos.</i>	35
<i>Solvuntur objectiones contra 1. Concl.</i>	ibid.
<i>Synop. probationum.</i>	37
<i>Synop. solutionum ad objectiones.</i>	ibid.
<b>ART. III.</b> <i>Utrum omnes creaturæ Deum existere conclament?</i>	ibid.
<b>Concl.</b> <i>Omnes creaturæ Deum Auctorem naturæ indignant.</i>	ibid.
<i>Diluuntur Atheorum objectiones.</i>	41
<i>Synop. probationum.</i>	43
<i>Synop. solutionum ad objectiones.</i>	ibid.
<b>ART. IV.</b> <i>Utrum omnis generis ratio Deum existere?</i>	ibid.
<b>Concl. affirmativa.</b>	ibid.
<i>Rationes Physicæ.</i>	ibid.
<i>Rationes Metaphysicæ.</i>	44
<i>Rationes Morales.</i>	45
<i>Rationes Mathematicæ.</i>	46
<i>Rationes ex omnium creaturarum consensu de promptæ.</i>	48
<i>Expelluntur vana Atheorum commenta.</i>	49
<i>Synop. probationum.</i>	52
<i>Synop. responsum ad difficultates.</i>	ibid.
<b>ART. V.</b> <i>Utrum materia sit increata, &amp; sine principio?</i>	ibid.
<b>Concl.</b> <i>Materia non est æterna.</i>	ibid.
<i>Solvuntur objectiones Hermogenis.</i>	56
<i>Synop. probationum.</i>	60
<i>Synop. solutionum ad objectiones.</i>	ibid.
<b>ART. VI.</b> <i>Utrum mundus, &amp; omnia quæ continent, casu facta sint ex variis materiæ atomis?</i>	ibid.

b

Se&I.

Señ. I. de systemate mundi secundum Epicurum.	ibid.
Synop. systematis Epicuri.	63
Señ. II. Convellitur Epicuri systema per ordinem ad atomos.	ibid.
Concl. I. Mundus non est ens casu factum.	ibid.
Concl. II. Cuncta quæ sunt in mundo, non sunt ex atomis.	65
Concl. III. Motus rectus non est essentialis atomis.	67
Concl. IV. Combinationes atomorum sunt finitæ.	68
Synop. probationum.	69
De systemate Epicuri per ordinem ad mundum.	ibid.
Concl. I. Mundus non est a seipso.	70
Concl. II. Attributa divina non conveniunt atomis & materiæ.	ibid.
Concl. III. Materia quæcumque etiam subtilissima, non est independens.	72
Solvuntur objectiones Epicuri.	74
Synop. probationum.	77
Synop. solutionum ad objectiones.	ibid.
De systemate Epicuri per ordinem ad Deum cuius existentiam inficiatur.	ibid.
Concl. Deus est Creator rerum omnium I. Argumentum petitur ab initio, quod res omnes habuerunt, sicut narrat Moyses.	78
Solvuntur objectiones Epicurorum & Spinozæ.	88
II. Argum. Deus est Auctor rerum omnium, quia causa mundi debet esse ex natura sua spiritualis & infinite intelligens.	88
Solvuntur objectiones Spinozæ.	89
III. Argum. Deus est mundi Creator, quia sic proficitur Gens Judaica.	91
IV. Argum. Deus est Creator mundi, quia sic proficitur Religio Christiana.	102
Solvuntur objectiones.	106
Synop. probationum.	110
Synop. solutionum ad difficultates.	ibid.
Señ. III. Convellitur systema materiæ subtilioris, cui inest potentia cunctas facienda, ut quidam & posuerunt & ponunt.	111
Concl. Materia subtilior quam quidam quintam essentiam, quidam vero bonitatem essentialem vocant, non est mundi creatrix, non sanctitatis & beatitudinis hominum causa.	113
I. Argum. Tanta efficacia non convenit materiæ etiam subtilissimæ.	ibid.
II. Argum. Systema prædictum implicat contradictionem.	114
III. Argum. Bonitas essentialis non est ratio gubernandi, ut explicans Sinenfes.	115
IV. Argum. Bonitas essentialis immersa in materia, non est sanctitatis principium & ultimus finis beatificans.	118
V. Argum. Probatur a conglobatis, Deum, qualem agnoscunt Christiani, solum esse agnoscendum.	120

Solvuntur objectiones Atheorum Sinenfium.	122
Synop. probationum.	124
Synop. responsum ad difficultates.	ibid.
Dissert. II. de unitate Dei.	126
Historia critica idololatriæ.	ibid.
Historia critica Marcionistarum & Manichæ.	129
Art. I. Utrum ex traditione ab Adam usque ad nos, constet unicum esse Deum?	133
Concl. affirmativa.	ibid.
Probatur unitas Dei ex traditione veteris Testamenti.	ibid.
Probatur ex punitione idololatrarum.	134
Probatur ex traditione novi Testamenti.	135
Probatur ex punitione personarum Ecclesiæ.	ibid.
Solvuntur objectiones idololatrarum.	136
Solvuntur objectiones Manichæorum duo prima principia admittentium.	140
Synop. probationum.	145
Synop. solutionum pro objectionibus.	ibid.
Art. II. Utrum constet auctoritate miraculorum, unum esse Deum?	ibid.
Concl. Ex multis miraculis in utroque Testamento patris, constat unicum esse Deum.	ib.
Miracula veteris Testamenti.	146
Miracula novi Testamenti.	149
Solvuntur objectiones idololatrarum.	150
Synop. probationum.	152
Synop. responsum ad objectiones.	ibid.
Art. III. Utrum constet ex Sibyllis, & ex auctoritate doctissimorum inter Gentiles, unicum esse Deum?	53
Concl. Constat ex Sibyllis, &c.	ibid.
Solvuntur objectiones.	155
Synop. probationum.	161
Synop. responsum ad objectiones.	ibid.
Art. IV. Utrum ex ratione constet unicum esse Deum?	ibid.
Rationes pro parte affirmativa afferuntur.	ibid.
Consutatur pluralitas inanum Gentilium deorum rationibus Tertulliani.	163
Solvuntur objectiones adversariorum.	166
Synop. probationum.	167
Synop. responsum ad objectiones.	ibid.
Dissert. III. de essentia & constitutivis Dei.	168
Art. I. Utrum Deus sit formaliter ens a se.	ibid.
Concl. Constitutivum Dei metaphysicum est ens a se.	ibid.
Dissuntur objectiones.	170
Solvuntur objectiones eorum qui ponunt constitutivum Dei in intelligere per essentiam.	171
Synop. probationum.	173
Synop. solutionum ad objectiones.	ibid.
Art. II. Utrum Deus sit purus spiritus?	174
Concl. affirmativa.	ibid.
Solvuntur objectiones.	176
Synop. probationum.	177
Synop. solutionum ad difficultates.	ibid.
Art. III. Utrum Tertullianus crediderit Deum esse corporeum?	178
Concl.	

Concl. negativa.	ibid.
Solvuntur objectiones.	ibid.
Synop. probationum.	181
Synop. solutionum ad objectiones.	ibid.
ART. IV. Utrum Melito Sardenfis, Audius & Epiphanius adhaerent Anthropomorphismis?	ibid.
Concl. I. Melito non adhaerit.	ibid.
Concl. II. Nec Audius adhaerit.	182
Concl. III. Nec Epiphanius.	ibid.
Solvuntur objectiones contra primam conclusionem.	183
Solvunt. contra secundam.	ibid.
Solvunt. contra tertiam.	184
Synop. probationum.	185
Synop. responsum ad difficultates.	ibid.
ART. V. Utrum Deus sit ens indivisibile, nullam in se admittens distinctionem & divisionem?	ibid.
Concl. I. Nulla est distinctio realis, immo nec formalis ex natura rei, inter naturam divinam & personas, & attributa: nulla inter attributa ad invicem & personas.	186
Concl. II. Attributa distinguuntur ad invicem ab essentia & a personis virtualiter tantum, actu vero solum per mentis operationem.	189
Solvuntur objectiones.	ibid.
Synop. probationum.	194
Synop. solutionum ad objectiones.	ibid.
ART. IV. Utrum Deus sit ens ita simplex, ut nullam in se admittat compositionem etiam Logicalem?	ibid.
Concl. Deus omnem se eliminat compositionem.	ib.
Solvuntur objectiones.	106
Solvuntur objectiones ex ratione procedentes.	197
Synop. probationum.	199
Synop. responsum ad objectiones.	ibid.
Dissert. IV. de perfectionibus Dei.	200
ART. I. Utrum Deus sit sanctus?	ibid.
Concl. Deus est sanctissimus.	ibid.
Probatur multipliciter.	ibid.
I. Ex nominibus Dei.	ibid.
II. Ex Scriptura utriusque Testamenti.	201
III. Ex Patribus.	ibid.
IV. Ex pulchritudine Dei.	201
V. Ex impeccabilitate Dei.	ibid.
Solvuntur objectiones.	204
Synop. probationum.	209
Synop. responsum ad difficultates.	ibid.
ART. II. Utrum Deus sit omnibus modis infinitus.	ibid.
Concl. Deus est simpliciter infinitus.	210
Diluantur objectiones.	212
Synop. probationum.	213
Synop. solutionum ad objectiones.	ibid.
ART. III. Utrum Deus sit immutabilis.	ibid.
Concl. Deus est immutabilis.	ibid.
Solvuntur objectiones.	214
Synop. probationum.	216

Synop. responsum ad difficultates.	ibid.
ART. IV. Utrum Deus sit immensus.	ibid.
Concl. I. Deus est ubique.	ibid.
Concl. II. Deus est ubique per operationem.	218
Fit satis objectionibus contra primam conclusionem.	219
Solvuntur objectiones contra secundam conclusionem.	222
Synop. probationum.	223
Synop. responsum ad objectiones.	ibid.
TRACTATUS SECUNDUS.	
De invisibilitate & visibilitate Dei.	
DISSERTATIO I. DE possibilitate visionis beatificae.	224
ART. I. Utrum intellectus creatus possit videre Deum?	ibid.
Conclusio. Intellectus creatus gratia illustratus potest videre Deum intuitivè.	ibid.
Solvuntur objectiones ex Scriptura sacra procedentes.	226
Solvuntur objectiones quae ex Patribus deducuntur.	227
Diluantur objectiones ex ratione.	229
Synopsis probationum.	233
Synopsis solutionum ad objectiones.	ibid.
ART. II. Utrum S. Chrysostomus negaverit possibilitatem visionis beatificae?	233
Conclusio. Non negavit.	ibid.
Solvuntur objectiones.	ibid.
Synopsis probationum.	236
Synopsis responsum ad difficultates.	237
ART. III. Utrum Theodoretus agnovit visionem Dei possibilem?	ibid.
Conclusio. Agnovit.	ibid.
Solvuntur objectiones.	ibid.
Synopsis probationum.	241
Synopsis solutionum ad objectiones.	ibid.
ART. IV. Utrum intellectus creatus lumine gloriae perfundatur, ut videat intuitivè Deum?	ibid.
Conclusio. Perfunditur.	ibid.
Solvuntur objectiones.	243
Synopsis probationum.	245
Synopsis responsum ad difficultates.	ibid.
ART. V. Utrum essentia divina uniat per modum speciei impressae & expressae intellectui creato, ut illum reddat proxime potentem ad videndum intuitivè Deum?	ibid.
Conclusio affirmativa.	246
Solvuntur objectiones.	247
Synopsis probationum.	249
Synopsis objectionum & solutionum.	ibid.
ART. VI. Utrum oculus corporeus de potentia extraordinaria possit videre Deum intuitivè?	ibid.
Conclusio negativa.	ibid.
Solvuntur objectiones.	251
Synopsis probationum.	253
Synopsis solutionum ad objectiones.	ibid.
ART. VII. Utrum S. Augustinus crediderit Deum posse immediate videri ab oculo corpore?	254

Conclusio. Non creditis.	ibid.	hensive?	ibid.
Solvuntur objectiones.	256	Conclusio. Creatura non potest Deum compre-	
Synopsis probationum.	259	hendere.	295
Synopsis responsum ad difficultates.	ibid.	Solvuntur objectiones.	297
DISSERTATIO II. De actu visionis beatificæ,		Synopsis probationum.	299
ejusque objecto.	260	Synopsis objectionum & solutionum.	300
ART. I. Utrum Deus videatur intuitivè a bea-		ART. IV. Utrum visio beatifica sit æqualis in	
tis?	ibid.	omnibus Sanctis?	ibid.
Conclusio. Deus videtur a Sanctis in Cælo. ib.		Conclusio. Visio non est æqualis in omnibus. ib.	
Solvuntur objectiones.	262	Solvuntur objectiones.	303
Synopsis probationum.	264	Synopsis probationum.	304
Synopsis solutionum ab objectiones.	ibid.	Synopsis Objectionum & solutionum.	ibid.
ART. II. Utrum Beati videant omnia quæ sunt		DISSERTATIO IV. De tempore quo Sancti do-	
in Deo?	265	nantur visione beatifica.	305
Conclusio. Beati vident essentiam, personas		ART. I. Historia Critica Millenariorum.	ibid.
& attributa.	ibid.	Ortus.	ibid.
Solvuntur objectiones.	266	Progressus.	306
Synopsis probationum.	269	Proscriptio.	ibid.
Synopsis objectionum & solutionum.	ibid.	ART. II. Utrum detur in terris regnum cum A-	
ART. III. Utrum Beati videant in Deo creatu-		gno mille annorum pro animabus Justis? ibid.	
ras?	ibid.	Conclusio. Regnum mille annorum cum A-	
Concl. Beati vident in essentia divina tan-		in terris est fictitium.	ibid.
quam in speculo, aliqua possibilia; vident præ-		Solvuntur objectiones ex sacra Scriptura.	308
sentia, quæ ad suum spectant statum; vident		Solvuntur objectiones ex aliis sacra Scripturæ	
præterita & futura, quando Deus ea revelare		locis & Patribus depromptæ.	310
congruum & opportunum judicat.	270	Synopsis probationum: regnum mille annorum	
Solvuntur objectiones.	271	est fictitium.	312
Synopsis probationum.	273	Synopsis responsum ad difficultates.	ibid.
Synopsis responsum ad objectiones.	ibid.	ART. II. Utrum anime Sanctorum ab omni	
ART. IV. Utrum Moyses & Paulus in via vi-		labe puræ statim post mortem videant in-	
derint intuitivè oculis mentis divinam es-		tuitivè Deum?	ibid.
sentiam?	ibid.	Conclusio: Anime Sanctorum quibus nihil est	
Conclusio. Viderunt.	ibid.	pro peccatis expiandum statim post mortem	
Solvuntur objectiones generales.	276	vident intuitivè Deum.	ibid.
De Moyse in particulari.	280	Solvuntur objectiones ex Scriptura sacra de-	
De B. Paulo in particulari.	282	sumptæ.	316
Synopsis probationum.	283	Solvuntur objectiones ex sanctis Patribus de-	
Synopsis responsum ad difficultates.	ibid.	promptæ.	318
DISSERTATIO III. De mensura visionis bea-		Solvuntur objectiones ex ratione in Scriptura	
tificæ.	284	sacra fundatæ.	320
ART. I. Utrum homo per suas vires naturales &		Objectiones ex Liturgiis.	323
sine gratia, possit Deum intuitivè videre? ib.		Synopsis probationum.	325
Conclusio negativa.	ibid.	Synopsis solutionum ad objectiones.	ibid.
Solvuntur objectiones.	286	ART. III. Utrum S. Hilarius impegerit in er-	
Synopsis probationum.	288	rorem Millenariorum?	325
Synopsis responsum ad objectiones.	ibid.	Conclusio negativa.	ibid.
ART. II. Utrum visio beatifica sit debita homini		Solvuntur objectiones.	ibid.
secundum se considerato?	ibid.	Synopsis probationum.	328
Concl. I. Visio Dei non est debita homini in		Synopsis objectionum & solutionum.	ibid.
se spectato.	ibid.	ART. IV. Utrum S. Ambrosius adhaeserit Mil-	
Conclusio II. Non est possibilis substantia crea-		lenariis?	ibid.
ta intrinsece supernaturalis.	290	Conclusio. Non adhaesit.	ibid.
Diluuntur objectiones contra primam Conclusio-		Solvuntur objectiones.	329
nem.	291	Synopsis probationum.	ibid.
Diluuntur objectiones contra secundam Conclusio-		Synopsis solutionum ad objectiones.	ibid.
nem.	292	ART. V. Utrum S. Chrysostomus adhaeserit	
Synopsis probationum.	294	Millenariis?	331
Synopsis responsum ad objectiones.	ibid.	Conclusio. Non adhaesit.	ibid.
ART. III. Utrum Beati videant Deum compre-		Solvuntur objectiones.	ibid.

Synopsis probationum.	ibid.	Concl. Nihil definit.	ibid.
Synopsis objectionum & solutionum.	ibid.	Solvuntur objectiones.	373
ART. VI. Num S. Augustinus post Episcopatum adhæserit Millenariis?	ibid.	Synopsis probationum.	376
Conclusio negativa.	333	Synopsis objectionum & solutionum.	377
Solvuntur objectiones.	ibid.	DISSERTATIO V. De cultu Sanctorum & eorumdem Reliquiarum & Imaginum.	378
Synopsis probationum.	335	Historia Critica Iconomachorum.	ibid.
Synopsis objectionum & solutionum.	ibid.	Ortus.	ibid.
ART. VII. Utrum S. Bernardus adhæserit Millenariis?	ibid.	Progressus.	379
Conclusio. Non adhæsit.	ibid.	Proscriptio.	ibid.
Solvuntur objectiones.	336	De gestis post Synodum VII. pro causa sanctorum Imaginum.	ibid.
Synopsis probationum.	339	ART. I. Utrum humanitas Christi, ut verbo unita adoranda sit? utrum B. Virgo & Sancti colendi sint?	380
Synopsis objectionum & solutionum.	ibid.	Concl. I. Humanitas Christi ut verbo unita adoratione latræ donanda est, cultu vero solum hyperdulie secundum se considerata.	381
ART. VIII. Utrum anime in Purgatorio deæte ulla absque mora visione Dei intuitiva donentur, ut primum Iustitiæ divinæ fecerunt satis?	ibid.	Concl. II. B. Virgo cultu hyperdulie colenda est, Angeli vero & Sancti cultu dulie venerandi sunt.	382
Sectio I. Utrum detur Purgatorium?	ibid.	Solvuntur objectiones.	383
Conclusio. Datur Purgatorium.	340	Synop. probationum.	384
I. Argument. Ex veteri Testamento.	ibid.	Synop. difficultatum & responsonum.	385
Solvuntur objectiones Heterodoxorum.	341	ART. II. Utrum reliquie Sanctorum colende sint.	ibid.
II. Argument. Ex novo Testamento.	343	Conclusio affirmativa.	ibid.
Solvuntur objectiones Protestantium.	ibid.	Solvuntur objectiones.	387
III. Argument. Ex Conciliis.	347	Synop. probationum.	388
Solvuntur objectiones Hereticorum.	ibid.	Synop. difficultatum & responsonum.	ibid.
IV. Argument. Probatur Purgatorium ex Traditione.	349	ART. III. Utrum B. Virgo & Beati invocandi sint?	ibid.
I. Seculum.	ibid.	Conclusio affirmativa.	ibid.
II. Seculum.	350	Fis satis objectionibus.	312
III. Seculum.	ibid.	Synop. probationum.	394
IV. Seculum.	ibid.	Synopsis objectionum & responsonum.	ibid.
V. Seculum.	351	ART. IV. De cultu sanctorum Imaginum.	394
VI. Seculum.	ibid.	Sectio I. De adoratione sanctæ Crucis.	ibid.
VII. Seculum.	ibid.	Concl. I. Vera Crux & singule illius partes adorande sunt cultu latræ relativo ad Christum.	ibid.
Diluuntur objectiones.	352	Concl. II. Imago sanctæ Crucis eodem cultu donanda est.	395
V. Argument. Probatur Purgatorium ex consensu totius orbis Ecclesiarum.	353	Concl. III. Signum Crucis quo aliquis se signat in fronte, ab Apostolis originem ducit, & hoc est in praxi religiosissimum.	396
Ex consensu Ecclesiarum Orientalium.	354	Solvuntur objectiones adversus I. Conclusionem.	397
Fis satis difficultatibus.	358	Synopsis probationum.	399
VI. Argument. Ex more & usu quem tenuit Ecclesia, ut per suos injungeret semper adversus propugnantes contrarium.	361	Synopsis objectionum & solutionum.	400
VII. Argument. Ex diversis historiis fide dignissimis.	ibid.	Sectio II. De cultu sanctarum Imaginum in speciali.	ibid.
VIII. Argument. Ex ratione Theologica, eaque multiplici.	363	Punctum I. Utrum Deus & sancti Angeli representari possint sub aliqua sensibili figura, ut hac ad invisibilem cognitionem & amorem perducamur?	401
Respondetur objectionibus.	365	Con-	
Synopsis probationum.	366		
Synopsis objectionum & solutionum.	ibid.		
Sectio II. Utrum anime Iustorum post exitum in Purgatorio penitentiam cito citius Deum intuitive videant.	ibid.		
Conclusio affirmativa.	ibid.		
Solvuntur objectiones.	369		
Synopsis Probationum.	371		
Synopsis objectionum & solutionum.	ibid.		
ART. IX. Utrum Joannes XXII. aliquid definit in gratiam Millenariorum?	ibid.		

Conclusio affirmativa.	ibid.
Solvuntur objectiones.	402
Synopsis probationum.	404
Synopsis objectionum & solutionum.	ibid.
Punctum II. Utrum pius sit & licitum pingere Sanctorum imagines.	405
Conclusio. Hoc pius est & licitum.	ibid.
Solvuntur objectiones.	ibid.
Synopsis probationum.	410
Synopsis objectionum & solutionum.	ibid.
Punctum III. Utrum Sanctorum imagines cultu pio & religioso donande sint?	411
Conclusio affirmativa.	ibid.
I. Argumentum ex Scriptura utriusque Testamenti.	ibid.
II. Argument. Ex Traditione Patrum desumitur.	413
III. Argument. Ex Decretis Summorum Pontificum & Conciliorum deponitur.	414
IV. Argument. Desumitur ex auctoritate Ecclesie Gallicane.	415
V. Argument. Petitur ex diversis fidei professionibus ab Eccl. receptis & approbatis.	416
VI. Argument. Eruntur ex Ecclesis Orientalibus.	417
VII. Argument. Petitur ex miraculis sanctorum Imaginum.	418
VIII. Argument. Desumitur ex poenitentis quas Iconomachi luerunt pro impietatis scelere in sanctas imagines patrato.	420
IX. Argument. Depromitur ex ratione, eaque multiplici.	421
Solvuntur objectiones Iconomachorum ex Scriptura sacra desumptæ.	423
Solvuntur objectiones ex auctoritate Patrum deductæ.	427
Solvuntur objectiones ex auctoritate Ecclesie Gallicane desumptæ.	430
Ex Libris Carolinis.	434
Ex Concilio Parisiensi.	438
Solvuntur objectiones ex ratione prodeunte.	440
Synopsis probationum.	444
Synopsis objectionum & responsum.	ibid.
Definitio & explanatio fidei Patrum secundæ Concilii Nicæni pro cultu sanctorum Imaginum.	445
<b>TRACTATUS TERTIUS.</b>	
De Scientia Dei.	
DISSERTATIO I. De Scientia Dei secundum se spectata contra negantes omnia a Deo cognosci.	447
ART. I. Utrum Deus sit intelligens, & sit in eo scientia?	448
Conclusio. Deus cuncta cognoscit per causas: immo scientia est unum ex ejus attributis celeberrimum.	ibid.
Divisio scientiæ Dei.	449
Solvuntur objectiones.	ibid.
Synopsis probationum.	454

Synopsis solutionum ad difficultates.	ibid.
ART. II. Utrum Deus intelligat seipsum & suas perfectiones?	ibid.
Conclusio. Deus intelligit se, & omnia quæ in ipso sunt, personas scilicet & attributa: & est de fide.	ibid.
Solvuntur objectiones.	455
Synopsis probationum. Deus & suam naturam & suas perfectiones intelligit atque cognoscit.	456
Synopsis responsum ad objectiones in contrarium.	ibid.
ART. III. Utrum Deus intelligat alia a se, idest, omnes creaturas?	457
Conclusio. Deus cognoscit omnes creaturas possibiles, omnes futuras & præteritas; cognoscit secreta cordium, & quicquid est, aut esse potest in omni creatura, tam secundum rationes genericas & communes, quam particulares consideratum, & hoc unico & simplici intuitu.	ibid.
Solvuntur objectiones.	459
Solvuntur Objectiones ex aliis principis petitis.	461
Synop. probationum. Deus cognoscit alia a se.	463
Synop. responsum ad objectiones.	ibid.
ART. IV. Utrum scientia Dei sit causa rerum?	ibid.
Conclusio. Scientia Dei adjuncta voluntate est causa realis & vera rerum.	ibid.
Fis satis objectionibus.	464
Synopsis probationum: Scientia Dei est causa rerum.	466
Synopsis solutionum pro difficultatibus.	ibid.
DISSERTATIO II. De medio in quo Deus cognoscit possibilia & absolute futura.	467
ART. I. Utrum Deus cognoscat omnes creaturas in ideis?	ibid.
Conclusio. Dantur in Deo rerum omnium ideæ.	468
Solvuntur objectiones.	469
Synopsis probationum: Deus cognoscit res in ideis.	472
Synopsis responsum ad objectiones.	ibid.
ART. II. Utrum Deus cognoscat creaturas in sua æternitate?	ibid.
Conclusio. Deus cognoscit futura in sua æternitate tanquam realiter præsentia.	473
Solvuntur objectiones.	474
Synopsis probationum: Deus cognoscit futura in sua æternitate & quidem tanquam objecta realiter sibi præsentia.	476
Synopsis solutionum ad difficultates.	477
ART. III. Utrum Deus cognoscat res possibiles per scientiam simplicis intelligentiæ.	ibid.
Conclusio. Deus per scientiam simplicis intelligentiæ cognoscit res possibiles.	ibid.
Solvuntur objectiones.	ibid.
Synopsis probationum. Deus cognoscit res possibiles.	ibid.

les per scientiam simplicis intelligentia. 478  
 Synopsis solutionum ad objectiones. ibid.  
 ART. IV. Utrum Deus cognoscat futura per scientiam visionis? 479  
 Conclusio. Deus per scientiam visionis cuncta cognoscit futura. ibid.  
 Diluuntur objectiones. ? ibid.  
 Synopsis probationum. Deus cognoscit futura per scientiam visionis. 481  
 Synopsis responsum ad objectiones. ibid.  
 DISSERTATIO III. De medio in quo cognoscit Deus futura libera conditionata. 483  
 ART. I. Utrum dentur futura conditionata contingentia, & ea cognoscat Deus? ibid.  
 Concl. I. Dentur futura libera conditionata. 483  
 Conclusio. II. Deus certo cognoscit futura conditionata. Hoc sequitur ad primam conclusionem. 484  
 Objectiones contra utramque conclusionem proponuntur simul, & promiscue diluuntur. 485  
 Synopsis probationum. Dentur futura conditionata, & ea certo Deus cognoscit. 487  
 Synopsis solutionum ad objectiones. 488  
 ART. II. Utrum Deus cognoscat futura contingentia, maxime conditionata, in seipsis, independentes a decretis, ut contendunt multi Doctores Parisienses? ibid.  
 Conclusio. Secundum Humbertum, & multos alios Doctores Academiae Parisienses per celebres, Deus cognoscit futura omnia contingentia, etiam conditionata in se ipsis, id est, in eorum veritate obiectiva, & quidem perfectissime, independentes a decretis premonitionibus. ibid.  
 Respondetur ad objectiones. 491  
 Solvitur difficile argumentum. 495  
 Synopsis probationum. Deus cognoscit futura conditionata in sua essentia ante decretum. 496  
 Synopsis solutionum ad argumenta in contrarium. ibid.  
 ART. III. Utrum Deus cognoscat futura contingentia conditionata per scientiam mediam? ibid.  
 Conclusio. Deus cognoscit futura conditionata libera per scientiam mediam secundum Theologos Societatis Jesu, & de facto datur iuxta illorum sententiam talis scientia. ibid.  
 Solvuntur objectiones ex Scriptura sacra de prompta. 499  
 Solvuntur objectiones ex auctoritate Divi Augustini & Divi Thomae. 501  
 Fitis objectionibus ex ratione deductis. 503  
 Synopsis probationum. Deus secundum multos Theologos cognoscit futura conditionata per scientiam mediam. 505  
 Synopsis solutionum ad difficultates. 506  
 ART. IV. Utrum Deus cognoscat futura conditionata in decreto suae voluntatis independentes a scientia media? ibid.

Conclusio. Thomistae affirmativam propugnant. ibid.  
 Solvuntur objectiones ex Scriptura sacra prodeuntes. 511  
 Objectiones ex Divo Augustino. 513  
 Objectiones ex Divo Thoma. 515  
 Objectiones ex aliis Patribus. 518  
 Objectiones ex ratione. 519  
 Solvitur argumentum desumptum ex lectione sanctitatis Dei. 524  
 Synopsis probationum. Deus secundum Thomistae cognoscit futura conditionata in decretis. 526  
 Synopsis solutionum ad argumenta in contrarium. 527  
 DISSERTATIO IV. De concordia libertatis humane cum praesentia divina. 528  
 ART. I. Utrum homo lapsus sit liber libertate indifferentiae actus in actionibus tum naturalibus, tum supernaturalibus? ibid.  
 Sectio I. Utrum homo lapsus sit liber libertate indifferentiae ad bonum & malum? 529  
 Conclusio: est liber ad bonum & malum, morale & civile. ibid.  
 Probat per primo ex auctoritate veteris Testamenti. ibid.  
 Primo. Ex novo Testamento. ibid.  
 Secundo. Ex Traditione. 530  
 Tertio. Ex Decretis Summorum Pontificum. 532  
 Quarto. Ex Conciliis. ibid.  
 Quinto. Ex antiquis Philosophis & Oratoribus. ibid.  
 Sexto. Ex ratione. 533  
 Solvuntur objectiones Protestantium quas ex Scriptura sacra deducunt. ibid.  
 Objectiones ex Divo Augustino. 537  
 Objectiones ex ratione. 539  
 Synopsis probationum. 540  
 Synopsis responsum ad objectiones. ibid.  
 Sectio II. Utrum homo sit liber ad actiones supernaturales faciendas? ibid.  
 Conclusio affirmativa. ibid.  
 Solvuntur objectiones Haeticorum. 542  
 Synopsis probationum. 548  
 Synopsis solutionum ad objectiones. ibid.  
 Sectio III. Utrum libertas essentialiter possit sit in indifferentia actus. 547  
 Conclusio. Essentialis libertatis consistit in indifferentia actus. ibid.  
 Solvuntur objectiones Heterodoxorum ex auctoritate D. Augustini & D. Thomae desumpta. 548  
 Argumenta ex ratione deducta discutuntur & diluuntur. 550  
 Synopsis probationum. Libertas essentialiter consistit in indifferentia actus. 553  
 Solvuntur objectionum & solutionum. 554  
 ART. II. Utrum libertas humana sit cum praesentia divina. ibid.  
 Concl. Stat libertas humana & quavis creata cum praesentia divina, & est de fide. ibid.  
 Fit



Est satis objectionibus Protestantium.	356
Synopsis probationum: Libertas optime cum præscentia Dei consociatur.	360
Synopsis objectionum & solutionum.	361
ART. III. Utrum Patres & Theologi a Christo nato, ad nostra usque tempora convenient de concordia libertatis humane cum divina præscentia.	ibid.
Concl. A Christo nato suis semper una fides & una tum Patrum, tum Theologorum orthodoxorum sententia de concordia libertatis humane voluntatis cum præscentia Dei.	361
SECTIO I. Traditio pro concordia libertatis cum præscentia Dei ex SS. Patribus.	ibid.
SECTIO II. Concordia libertatis humane cum gratia, cum præscentia Dei, & cum prædestinatione Sanctorum specialiter ex Divo Augustino ostenditur.	364
Appendix Operum Sancti Augustini de necessitate & efficacia gratiæ cum observationibus.	365
Punctum I. De Libris qui hunc præ se ferunt titulum, de Libero arbitrio.	ibid.
Punctum II. De Libro cuius titulus est, de Spiritu & Littera.	366
Punctum III. De Libro cuius titulus, de Natura & Gratia.	369
Punctum IV. De Libro cuius titulus, de Gratia Christi.	371
Punctum V. De quatuor Libris adversus duas, Epistolas Pelagianorum.	372
De Libro primo.	ibid.
De Libro secundo.	373
De Libro tertio.	377
De Libro quarto.	378
Punctum VI. De Libro cuius titulus, de Gratia & Libertate arbitrio.	379
Punctum VII. De Libro qui inscribitur, de Correctione & Gratia.	384
Punctum VIII. Sanctus Augustinus cum gratiæ actualis materiam ad metam fidei pari facilitate, soliditate, & profunditate, immo & claritate pertrahat.	389
Punctum IX. Sanctus Augustinus circa palmarum de gratia actuali difficultates fidelis sui ipsius interpretis est.	395
Synopsis eorum omnium quæ de libris eximii gratiæ Doctoris dicta sunt pro consociatione liberi hominis arbitrii cum Christi adiutorio.	603

Conclusio quæ connaturaliter ad dicta, & prædicata in istis Libris sequitur, est, hominem sub dominio gratiæ quantumvis efficacis liberum manere.	603
Consequentiæ quas Jansenius ex Sancti Augustini locis deducit sunt omnino verbi, Jansenius & scopo Sancti Doctoris oppositæ.	604
SECTIO III. Traditio pro concordia libertatis cum præscentia Dei iterum explanatur ex libris Patrum ex professo pro hoc momento conscriptis & ex definitione Conciliorum, quæ quidem contrarium docentes perstrinxerunt.	606
SECTIO IV. Traditio pro concordia libertatis cum præscentia Dei ex sententia unanimi Theologorum orthodoxorum exponitur.	607
SECTIO V. Concordia libertatis cum præscentia Dei ex Sententia Sacre Facultatis Parisiensis.	608
SECTIO VI. Concordia libertatis cum præscentia Dei ex Sententia Scholæ Societatis Jesu.	611
SECTIO VII. Concordia libertatis cum præscentia Dei ex Sententia Scholæ Angelicæ.	612
Solvuntur objectiones ex præscentia decretis præmoventibus directæ.	616
Solvitur argumentum ex gratia per se efficaci de promptum.	623
Solvitur argumentum quod ex gratia prædestinationis Sanctorum eruitur.	229
SECTIO VIII. Fusius explicatur concordia libertatis creaturæ rationalis cum decretis præmoventibus.	632
Diluuntur objectiones.	637
SECTIO IX. Conclusio concordie libertatis cum præscentia, & Synopsis probationum.	654
Synopsis solutionum ad argumenta contra concordiam cum libertate & gratia.	656
ART. IV. Puritas fidei plurimum commendatur sapientia, virtute & sanctitate Scholarum sanctæ Ecclesiæ Romanæ.	ibid.
SECTIO I. Puritas fidei celebratur virtute, scientia & sanctitate multorum Doctorum Universitatis Parisiensis.	657
SECTIO II. Puritas fidei affulget in eximii Scholæ Angelicæ Theologis, maxime vero rutilat sanctitate & sapientia D. Thomæ Aquinatis.	659
SECTIO III. Puritas fidei affulget, rutilatque in aliis Ecclesiæ Academicis & Theologis.	663



# DE ATTRIBUTIS DEI, TUM IN GENERE, TUM IN PARTICULARI.

## IDEA OPERIS.



**F**IDES expressa in sacris Scripturis, & divinis explanatione traditionibus, sufficit ex se ad salutem, si jungamus Symbola, quibus præcipua Religionis capita ad captum omnium, etiam rudiorum, breviter & compendiose ab Ecclesia proponuntur, sed quia inimicus per peccatum seminavit in agro Domini zizania: ecce a lapsu Adami tenebræ operiuntur terram, & caligo populos, donec oriatur ut splendor lux Christi, fides scilicet proposita, & explicata, quæ & ignorantie, & malitiæ, errorumque omnium expellat umbras. Ad hæc datur, in scholis Catholicis doctrina facta, ex qua mille clipei pendunt, tum ad stabiliendam fidem contra negantes, tum ad defendendam contra impugnantes, tum ad explicandam contra ignorantes & blasphemantes.

Ad hanc igitur læti ducimus animum; siquidem tota pulchra est, & amicta lumine sicut vestimento. Ipsius nomen nequidem vacuum est laudis: Enimvero nescio quid magnitudinis & suavitatis simul erudat, ut eo ipso quomodo eius persuasitæ memoriæ, nihil ad veritatis discussionem aptius, ad defendendam virtutem nihil, ad ciendos pietatis affectus efficacius esse, confiteatur.

Tom. I.

Nec mirum, ad ipsius enim doctrinæ sacræ auditum mutescunt passiones, quiescit appetitus, exultat cor hominum. Quid memorem præclaras, quas nobis tradit de Deo & Mysteriis cognitiones. Ibi est sapientia, quæ vitium expellere, virtutem stabilire, bonum variis multisque naturæ corruptionibus absconditum invenire mirum in modum edocet: eam solem animæ esse dicamus, cujus radiis humane mentes illustrantur: intelligentiam nominemus, quæ ducit animus noster per universa Dei attributa speculanda deducitur: velut aquilam suspiciamus, cujus alis mortalium mentes usque ad profunda Dei scrutanda rapiuntur.

Merito igitur B. Thomas, loquens de sacra doctrina l. 2. contra Gentes, c. 2. ait: „Inter omnia vero studia hominum, sapientiæ studium est perfectius, sublimius, & utilius & jucundius... Perfectius quidem, quia in quantum sapientiæ studio dat se, in tantum veræ beatitudinis jam aliquam partem habet. Unde Sapiens dicit: Beatus vir qui in sapientia morabitur. Sublimius, quia per ipsam homo ad divinam similitudinem præcipue accedit... Utilius, quia per ipsam sapientiam ad immortalitatis regnum pervenitur... Jucundius, quia non habet amaritudinem conversatio illius, nec tædium convictus illius, sed lætitiā & gaudium.

A

CRE-

**CREDENDA DE DEO UNO,  
EJUSQUE ATTRIBUTIS.**

**H**ÆC sunt præcipua dogmata de Deo uno, ejusque proprietatibus credenda, proponenda, explicanda, & defendenda.

Primum, est Deus.  
 Secundum, est unus.  
 Tertium, est Ens a se.  
 Quartum, est incorporeus.  
 Quintum, est simplicissimus.  
 Sextum, est bonus.  
 Septimum, est infinitus.  
 Octavum, est omnipotens.  
 Nonum, est æternus.  
 Decimum, est immutabilis.  
 Undecimum, est immensus.  
 Duodecimum, est summe perfectus.  
 Decimum-tertium, est visibilis intuiti-  
 ve viribus gratiæ ab oculo intellectu-  
 alii.  
 Decimum-quartum, est incomprehen-  
 sibilis.

Decimum-quintum, se præbet videndum & possidendum ad mensuram.

Decimum-sextum, videtur nunc intuiti-  
 tive a Sanctis, qui vel egressi sunt de hoc  
 mundo ab omni labe, & culpæ & pœnæ  
 puri, vel in purgatorio justitiæ fecerunt  
 satis.

Decimum-septimum, Deus cognoscit  
 omnia possibilia & futura.

Decimum-octavum, Præscientia Dei non  
 tollit libertatem.

Decimum-nonum, Deus vult se, & a-  
 mat se.

Vigesimum, Deus vult alià a se, sed  
 libere.

Vigesimum-primum, Deus vult omnium  
 hominum salutem.

Vigesimum-secundum, Deus quosdam  
 prædestinat ad vitam, per merita habenda.

Vigesimum-tertium, Deus multos repro-  
 bat propter peccata.

*De Hæresibus.*

Eccæ tenebræ, quæ a lapsu Adami ope-  
 ruerunt terram; & hæreses maxime cir-  
 cæ Deum unum, & ejus attributa.

*Primo*, multi sunt qui ita evanuerunt  
 in cogitationibus suis, ut nullum esse Deum  
 crediderint. Hunc errorem tribuit Pro-  
 pheta Regius impio; his verbis: (*Dixit  
 insipiens in corde suo, non est Deus.*) *Psal.* 13.  
*v. 1.* & illi vocantur Athei.

*Secundo*, quidam admiserunt pluralita-  
 tem deorum, ut Phylisini, qui Dagoræ ut  
 deum venerabantur. Judæi ingrati, Baal  
 & Astaroth, immo & vitulum aureum,  
 de quibus multus est sermo in Scripturis  
 sacris; maxime de Gentilibus, qui per an-  
 tonomasiam dicti sunt Idololatæ. Etiam  
 inter Christianos, Valentinus initio seculi  
 trigesimi æonæ veluti totidem  
 deos finxit. *Ter. 1. contra Valentinianos &  
 Aug. 1. de hæresibus 11.*

Lobkovicz, vulgo Caramuel, & Mona-  
 cho factus miles, in Italia degens, docuit  
 in apologia Casuistarum, deorum multitu-  
 dinem posse defendi, stando principiis na-  
 turalibus.

*Tertio*, Anthropomorphitæ in quarto cir-  
 citer sæculo apparuerunt, maxime apud Æ-  
 gyptios Monachos circa Theodosii senioris  
 tempora, dicentes Deum habere corpus.  
*Socrates 1. 6. hist. Eccl. Ep. 7. & 10.*

*Quarto*, Gilbertus Porretanus, Pistavi-  
 ensium Episcopus admittebat distinctionem  
 realem inter essentiam & attributa, ut re-  
 fert D. Bern. *serm. 8. in cant. & lib. de  
 Consideratione cap. 7. & 10.* Idem error  
 tribuitur quibusdam Græcis recentioribus,  
 qui Palamitæ nominantur a Principe suo  
 Palama, Episcopo Thessalonicensi.

*Quinto*, Sociniani negant Deum esse in-  
 finitum, & ipsius immutabilitatem etiam  
 inficiantur.

*Sexto*, Judæi quidam rudes crediderunt  
 Deum in Templo Jerusalem posse conclu-  
 di. *Hieron. in cap. 66. Isai. Orig. Hom. 12.  
 in Gen.*

Valentiniani; Gnostici & Manichæi,  
 putabant Deum esse solum in supremo Cœ-  
 lo, & ex hoc loco omnia ab ipso videri  
 & gubernari. Ita refertur Irenæus. *Episc.  
 Eugén. Stanchus, in ps. 108.*

*Septimo*, Eunomius credebatur se Deum  
 comprehendere, & tantam habere de Deo  
 noticiam, quantum ipse habet de seipso.  
 Ita refert Theodoretus, *lib. 4. hæres. fabu-  
 capi. 7.* Decimo-quarto sæculo Begardi di-  
 cebant visionem beatificam debitam esse  
 animæ, quam credebant naturaliter bea-  
 tam: eos proseripsit Clemens V. *tit. 3. c.  
 ad nostrum de Heret.*

*Octavo*, Gregorius magnus refert quod-  
 dam credidisse Deum non videri in se a  
 beatis, sed tantum in quadam claritate &  
 irradiatione. *Lib. 18. m. c. 28.* Idem error  
 tribuitur Armenis, si credamus Radulpho,  
 Archiepiscopo Armaceno. *Lib. 14. q. 9.  
 Armenor. cap. 1.*

**Nono**, Chiliaſta voluerunt animas Sanctorum a corpore ſolutas viſione beatificati non frui, niſi poſt reſurrectionem univerſalem, & elapſo mille annorum regno in terris cum Chriſto, ut per viſionem ſanctiſſimæ Humanitatis paulatim ſe diſponerent ad viſionem Dei intuitivam. Papias creditur huiusce erroris auctor; & cum eſſet auditor Joannis, immo pietate, & morum puritate inſignis, multos etiam Patres in ſuum traxit opinionem, inter quos annumerantur Irenæus, Lactantius, Juſtinus, Tertullianus, & alii. Sed inter Millenarios quidam docebant animas corporibus iterum conjunctas, vitam voluptatibus, etiam obſcenis plenam ducere, ut Cerynthus: alii quidem delicias, ſed puras, ſed honeſtas & ſpirituales concedebant. Ita multi ex ſanctis Patribus, inter quos permulti animæ beatitudinem uſque ad diem judicii univerſalis ſolummodo protrahebant; verumtamen quoniam ſine fundamento hanc ita diſtulerunt, adhæſiſſe Millenariis cenſentur. *Irenæus l. 5. cap. 33. Euseb. l. 3. Hiſt. cap. 28.*

**Decimo**, D. Hieronymus lib. contra Jovinianum dicit de illo, quod ſicut omnia peccata credebat æqualia, ita pariter &

merita, & conſequenter ſanctorum gloriam in cælis æqualem.

**Undeſimo**, Impii quidam apud Job aſſerunt cap. 22. v. 14. *Non noſtra conſiderat: & circa cardines cæli perambulat.*

**Duodecimo**, Manichæi fatum in vita humana admittebant.

Origenes lib. de principiis cap. 8. dicit animas, ob boni vel mali opera detru-di in corpora, & exinde ſalutem & reprobationem ſortiri necesse eſſe.

**Decimo-tertio**, Pelagiani ex una parte prædeſtinationem ad gloriam refundebant in merita naturæ. Sempelagiani volebant illam prædeſtinationem dependere ſiltem a bona hominis inclinatione, & voluntate. Lutherani & Calviniſtæ ex alia parte docent per præſcientiam & decreta Dei tolli libertatem, immo dari prædeſtinationem neceſſitantem, alteram ad vitam, alteram ad mortem. Huiusce hæreſeos principes fuerunt Prædeſtiniani circa Auguſtini tempora.

Plures alii erraverunt circa Deum unum & circa ipſius attributa, de quibus multus eſt ſermo apud Petaytium. Nunc operæ pretium eſt explicare & defendere Fidei dogmata, tractando de eis, tum in genere, tum in particulari, tom. 1.



# DISSERTATIO PRÆAMBULA

DE

## DOCTRINA SACRA.



UM copus Theologi Christiani sit defendere articulos fidei contra impugnantes; singulos exponere, explicare simul & defendere juvat; ut lux si fieri potest, etiam in tenebris luceat: utilitatem & ad Hæreticorum conversionem. Sed ut fundamentum sit a montibus sanctis, incipiendum est a sacra doctrina, ut scienti fidei hostes nos in prælium cum eis descendere in nomine Domini; stipatos scilicet, non humanæ sapientiæ verbis, verum potius sacro scientiæ revelatæ ad ostensionem spiritus & veritatis.

*De nomine, definitione & divisione doctrinæ sacræ.*

THEOLOGIA vocatur a beato Augustino, sermo de Deo, ut ipsum sonat nomen: a D. Thoma, doctrina sacra; quandoquidem in tradendis & explicandis rebus divinis tota incumbit: ab aliis Theologis, facultas omnium disciplinarum nobilissima, quippe quæ explicet doctrinam fidei, & circa eam tum ad instruendos mores, tum ad revincendos Hæreticos occupetur.

Definitur habitus innixus revelatione virtuali, inclinans mentem ad verum supernaturale cognoscendum. Hanc Theologiæ delineationem esse congruam probatur. Illa definitio est bona, quæ constat genere & differentia; talis est modo allata: igitur & bona, immo optima: minor, in qua solum potest aliqua reperiri difficultas, explicatur & comprobatur. Primo quidem quod sacra doctrina sit habitus, per hoc sane cum cæteris scientiis convenit & affinis est: jam vero, quod sit ad verum, discrepat a disciplinis mere pra-

cticis: quod sit ad verum supernaturale & divinum, longe distat & a Metaphysica & a cæteris scientiis naturalibus: quod innitatur revelatione, secernitur a Theologia Beatorum: denique, quod procedat revelatione virtuali, a fide penitus distinguitur & distinguenda est.

1. Theologia, quamvis in se una, attamen ratione diversorum modorum, quibus potest vel haberi, vel tradi, multiplex est. Dividitur in Theologiam patriæ & in Theologiam viæ: prima est scientia beatorum, quæ ex principiis lumine gloriæ notis, suas eruit conclusiones: secunda vero est sermo de Deo per revelationem virtualem.

Dividitur Theologia viæ in Theologiam fabulosam, naturalem & Christianam. Fabulosa, est doctrina quam Pagani tradunt de suis falsis numinibus: naturalis, scientia de Deo ut auctore naturæ lumine innato patet: Christiana, cognitio rerum divinarum virtuali innixa revelatione, & discursu acquisita.

Dividitur Theologia Christiana in Theologiam infusam per se, & in acquisitam: illa est vel fides, vel prophetia, vel etiam domus sapientiæ: ista vero est scientia de Deo ut auctore gratiæ, sed parva labore & industria, habens pro principiis, fidei articulos.

Jam vero Theologia acquisita suas etiam partitiones habet. Alia enim symbolica est, alia propria, alia positiva, alia rationalis, alia poetica, alia oratoria, alia scholastica speculativa, alia moralis, alia controversia. Symbolica ea dicitur quæ utitur figuris ad explicandas res divinas; propria, quæ propriis eas explanat vocibus; positiva procedit auctoritate & Scripturæ sacræ, & summorum Pontificum, & Conciliorum, & etiam Patrum: rationalis, seu ratiocinans, suas per discursum ex articulis fidei, velut ex principiis, deducit conclu-

fic-

siones: poetica se prodit versibus: oratoria fulso & exquisito utitur stylo, ad veritates fidei indagandas; scholastica, pressiori: speculativa sistit in contemplatione mysteriorum: practica, hominem non suae solum utrumque salutis, sed Evangelicæ perfectionis cupidum instruit, ejusque affectus in Deum dirigit & movet: quandoque dicitur mystica seu affectiva, vel etiam ut verbis divi Bonaventuræ utar, cognitio sapida rerum divinarum: *Hanc scientiam*, inquit S. Bernardus serm. 108. *sermo non explicat, sed unctio docet*. Denique contraversa ad fidem contra Hæreticorum impetus defendendam occupatur.

Lutherani & Calvinistæ Theologiam sanctæ matris Ecclesiæ Romanæ variis insulsiq; afficiunt contumeliis, scholasticam præcipue partem, quam quidem injuriosam Scripturæ sacræ, ignotam Patribus, vanam prorsus & inutilem esse prædicant. Sed contra, illud quod dicit B. Augustinus l. 14. de Trinitate c. 1. *Huius scientiæ tribuens, sed illud tantummodo quo fides saluberrima gignitur, nutritur, defenditur, roboratur*.

Quatuor potissimum momentiis sacram doctrinam utilem & necessariam esse ostenditur.

Primo, quia exponit, explicat & defendit fidei dogmata.

Secundo, quia respicit Deum, & cætera per ordinem ad illum.

Tertio, quia est scientia Sanctorum.

Quarto, quia est speculativa simul & practica, pascit cor & mentem.

## ARTICULUS PRIMUS.

Utrum Theologia sit necessaria ad fidem explicandam & defendendam, necnon ad salutem.

**P**RÆNOTANDUM est aliquid dici necessarium dupliciter, nimirum absolute & secundum quid, seu ad melius; absolute quidem, cum finis absque tali medio obtineri non potest, sic nullus omnia præceptorum observationem suam consequi salutem valet: secundum quid vero, cum idem finis potest haberi sine tali vel tali adminiculo, verum neque tam secure, neque tam perfecte: aliquem verbi gratia posse salvari absque laboriosa claustrii pœnitentia ultro fatemur, sed profecto non tanta

Tom. I.

cum perfectione, non tanta cum securitate, juxta illud D. Bernardi pag. 436. „Non, ne hæc Religio sancta, pura & immaculata, in qua homo vivit purius, cadit rarius, surgit velocius, incedit cautius, irroratur frequentius, quiescit securius, moritur fiducius, purgatur citius, præmiatur copiosius?

Annotes iterum velim, benevole Lector, Theologiam posse spectari & secundum se, & secundum diversos modos, quibus tradita est a sanctis Patribus, & nunc traditur in scholis: certum est eam non esse simpliciter necessariam, si consideretur secundum hanc vel istam methodum potius quam secundum alteram. Et vero, modo tradatur & suscipiatur, poterit per eam homo proficere, tum in virtute, tum in cognitione & scientia Dei; sed caput controversiæ in eo potissimum versatur, an sit secundum se spectata simpliciter & absolute necessaria ad fidem explicandam, ad eandem defendendam; & hoc in Proceribus Ecclesiæ. Nam eam non esse necessariam omnibus & singulis fidelibus, patet, cum multi absque ejus auxilio ad supremum sanctitatis apicem pervenerint, sic enim scriptum est apud Prophetam Psal. 70. 17. *Quoniam non cognovi litteraturam, introibo in potentias Domini*. Quæritur etiam utrum ea, quæ scholastica nuncupatur, sit perutilis? Pro quorum resolutione sit.

## CONCLUSIO PRIMA.

Theologia secundum se spectata, est simpliciter & absolute necessaria pro toto Ecclesiæ corpore.

Probatum auctoritate & ratione:

Primo, ex Scriptura sacra.

**A**POSTOLUS 2. ad Tim. 3. sic loquitur: *Omnis scriptura divinitus inspirata, utilis est ad docendum, ad arguendum, ad corripiendum, ad erudiendum in justitia, ut perfectus sit homo Dei*. (Rursum Ephel. 4. *Ipse dedit quosdam quidem Apostolos, quosdam autem Prophetas, alios vero Evangelistas, alios autem Pastores & Doctores ad consummationem Sanctorum in opus ministerii, in edificationem corporis Christi* . . . . ut jam non simus parvuli fluctuantes, & cumseramur omni vento doctrinæ in nequitia hominum, in astutia ad circumventionem

nam erroris.) Ex his licet sic argumentari. Illa scientia est pro toto corpore Ecclesiae simpliciter & absolute necessaria, quae docet, quae arguit, quae corripit & erudit in iustitia, ut perfectus sit homo Dei; atqui talis est Theologia; & probatur. Primo quidem docet, varias enim instituit Lectiones, tum de Deo colendo & amando; tum de praeceptis, ut instruat mores; deinde arguit & erudit, juxta illud Pauli: "*Ipse dedit quosdam . . . Doctores ad consummationem Sanctorum in opus ministerii, in aedificationem Corporis Christi . . . ut jam non simus parvuli fluctuantes, & circumferamur omni vento doctrinae in nequitia hominum, in astutia ad circumventionem erroris.*" Igitur Theologia docet, arguit, corripit, erudit in iustitia ut perfectus sit homo Dei: igitur & simpliciter & absolute necessaria est corpori, seu Proceribus Ecclesiae.

Secundo, ex divo Augustino.

SANCTUS ille Doctor eidem plurimum afflipulator veritati, maxime l. 14. de Trinit. c. 1. num. 3. his verbis: "*Huic scientiae tribuens, sed illud tantummodo, quo fides saluberrima . . . gignitur, nutritur, defenditur, roboratur.*" Quas quidem dotes Theologiae convenire nemo non videbit, si attendat. Primo quidem fides gignitur per istam scientiam, quippe quae doceat & praedicet quoniam sint de Deo credenda. Apostolus hujus disciplinae, pro hoc momento indigitat utilitatem, Rom. 10. 14. Quomodo ergo, inquit, invocabunt, in quem non crediderunt? aut quomodo credent ei, quem non audierunt? quomodo autem audient sine predicante? Fides per eandem scientiam nutritur; quoniam quidem docet & erudit in iustitia. Fides per eam roboratur; Theologus enim defendit nos a peccatis doctrinis, ne circumferamur omni vento doctrinae in nequitia hominum ad circumventionem erroris. Igitur & Fides defenditur contra impugnantes: unde Apostolus ad Tit. 1. 9. ait: Oportet enim Episcopum . . . esse amplectentem eum, qui secundum doctrinam est, fidelem sermonem, ut potens sit exhortari in doctrina sana, & eos qui contradicunt, arguere.

Tertio, ex rationibus divi Thomae.

PRIMA sic exponitur. Illa scientia est simpliciter & absolute necessaria in Pro-

ceribus Ecclesiae, quae sola nos conducit ad finem ultimum & beatitudinem: atqui inter omnes disciplinas sola Theologia dirigit hominem ad finem ultimum: igitur est simpliciter & absolute necessaria Ecclesiae. Prob. min. in qua est difficultas. Ceterae disciplinae sunt naturalis ordinis, nec quicquam; praeter objecta naturalia, eaque ad caput hominis naturalem percipiunt; finis vero & beatitudo nostra supernaturalis est, unde sola facultas superioris ordinis eam demonstrat, sola ad eam dirigit hominem. Igitur soli Theologiae competit hominem dirigere ad finem ultimum & beatitudinem; ergo simpliciter & absolute pro corpore Ecclesiae utilis & necessaria est. Ita D. Thomas hic 1. p. q. 1. art. 1. ubi sic loquitur: "Dicendum quod necessarium fuit ad humanam salutem esse doctrinam, nam quandam secundum revelationem divinam praeter Philosophicas disciplinas, quae ratione humana investigantur, primo quidem, quia homo ordinatur ad Deum, sicut ad quemdam finem qui comprehensionem rationis excedit secundum illud Isa. 64. Oculus non vidit Deum absque te, quae praeparasti diligentibus te: finem autem oportet esse praecognitum hominibus, qui suas intentiones & actiones debent ordinare in finem. Unde necessarium fuit homini ad salutem, quod ei nota fierent quaedam per revelationem divinam, quae rationem humanam excedunt."

Secunda potest sic exponi. Cognitio rerum naturalium manuducit ad cognitionem Creatoris, immo & beatitudinis: sed homo indiget scientia in revelatione fundata, ut cognoscat omnes veritates naturales ad Deum & beatitudinem conducentes; ergo, &c. Major patet, probatur minor, & quidem pluribus momentis. Primo, vita brevior est, nec ad cuncta investiganda sufficit. Secundo, corpus quod corrumpitur, aggravat sensum & deprimit multa cogitantem. Tertio, multae circumferuntur de eisdem rebus opiniones, nec sine magna difficultate verum a falso secernitur. Hinc multi post arduos & exantlatos labores ad divinorum notitiam, sicut oportet, non perveniunt: igitur scientia, saltem in principiis suis revelata, qualis est Theologia, indiget homo ad cognoscendas omnes veritates naturales, quae ad Deum ut ad finem ultimi



num conducunt. Igitur ista scientia est simpliciter necessaria toti Ecclesie corpori.

Divus Thomas hanc delineat rationem ibidem his verbis: "Ad ea etiam quæ de Deo ratione humana investigari possunt, necessarium fuit hominem instrui revelatione divina, quia veritas de Deo per rationem investigata, a paucis & per longum tempus, & cum admixtione multorum errorum homini proveniret: a cuius tamen veritatis cognitione dependet tota hominis salus, quæ in Deo est. Ut igitur salus hominibus & convenientius & certius proveniat, necessarium fuit quod de divinis per divinam revelationem instruerentur: Necessarium igitur fuit, præter philosophicas disciplinas, quæ per rationem investigantur, sacram doctrinam per revelationem haberi."

## CONCLUSIO SECUNDA.

Theologia Scholastica perutilis est.

*Probatur auctoritate & ratione.*

Primo, ex sanctis Patribus.

CLEMENS Alexandrinus, l. 2. Strom. cap. 7. illam sic describit: "Demonstratio firma & stabilis eorum quæ per fidem accepimus: quæ per doctrinam Domini super fidem edificatur, & ad hoc deducit, quod immutabile."

Basilii eam magnis celebrat laudibus, comment. in caput secundum Isaie: "Facultas dialecticæ matris instar est dogmatibus, quod ea non sinit facile diripi, & quorumlibet incursionem patere."

Concinit Augustinus lib. 2. de doctrina christiana, cap. 31. ait enim: "Disputationis disciplina ad omnia genera questionum quæ in Litteris sanctis sunt penetranda & dissolvenda plurimum valet." Ex his sententiis istud sequitur argumentum: Illa disciplina perutilis est, quæ firmiter demonstrat credenda, quæ non sinit aliquid e dogmatibus detrahi, quæque ad omnia clare & faciliter explananda plurimum valet: atqui talis est Theologia scholastica; namque secundum Clementem Alex. est demonstratio firma & stabilis rerum divinarum; teste S. Basilio non sinit dogmatibus veritatem diri-

pi; plurimum inservit, inquit Augustinus tum ad penetranda quæ sacris continentur in Litteris, tum ad eadem enucleanda: igitur utilisissima est.

His accedit auctoritas Synodi Constantiensis quæ inter alios VViclefii errores hanc damnat propositionem: *Collegia, Universitates, vana garrulitate introducta sunt.*

Secundo, Ex rationibus.

PRIMA sic deducitur. Theologia quæ Christus, quæ Apostoli & Patres usi sunt, perutilis censenda est: atqui Theologia scholastica & Christus, & Apostoli, & Patres quandoque saltem aequaliter usi sunt: & probatur. Theologiam scholasticam eam vocamus quæ methodo quadam suas concinnat rationes & argumenta ad veritatem vel suadendam vel defendendam contra impugnantes: Christus autem non semel argumentatione urgebat Phariseos, ut illos confunderet. Sic Luc. 13. insurgit contra Archisynagogum, qui eo quod sanasset mulierem die Sabbati obmurmurabat. Respondens enim ad illum Dominus, dixit: *Hypocrite, nunquidque vestrum Sabbato non solvit bovem suum, & asinum a præsepio, & ducit adquare? hanc autem filiam Abraham quam alligavit satanas, ecce decem & octo annis non oportuit solvi a vinculo isto die Sabbati? Et cum hæc diceret erubescerant omnes adversarii ejus.* Rursus Luc. 20. volens suam probare Divinitatem Judæis qui ipsam Davidis duntaxat filium & purum hominem esse credebant, dixit ad illos: *quomodo dicunt Christum filium esse David? & ipse David dicit in libro Psalmorum, Dixit Dominus Domino meo sede a dextris meis.* Paulus 1. Cor. 15. 13. ex resurrectione Christi nostram concludit resurrectionem. Simili modo Patres Theologia utuntur deductiva, tum ad explicanda mysteria, tum ad eadem contra Hæreticorum pravitatem defendenda; licet igitur Theologiam argumentosam ad trutinam scholæ non habuerint, eandem tamen saltem quoad substantiam, perutilem esse senserunt: ergo, &c.

Secunda ratio hæc est. Theologia scholastica qualis nunc in scholis traditur, stylo pressa & admodum methodico procedit; hinc cito vincitur animus & concludit: sed talis Theologia ita utilis est, ut cito citius veritatis confundat inimicos, ipso teste Bucero, qui B. Thomæ Theologiam tantopere formidabat, ut dicere



cere soletet: Tolle Thomam, & ego dis-  
cipulo Ecclesiam: ergo, &c.

Tertia cæteris adjungitur. Illa discipli-  
na perutilis est, quam ipsa Ecclesia plu-  
rimum commendat: atqui ipsa Ecclesia  
plurimum commendat Theologiam scho-  
lasticam; cujus rei argumentum est, quod  
voluerit ut Theologi scholastici audirentur  
in Conciliis suis ad dogmatum Fidei  
elucidationem, ut in Florentino, in La-  
teranensi in Lugdunensi, & potissimum  
in Tridentino; quod eosdem laurea Do-  
ctoratus donari censuerit; quod ut indul-  
tis & privilegiis Baccalauræi, alique in  
gradibus scholæ constituti insignirentur,  
æquum duxerit; quod decreverit, ut in-  
ter scholasticos Doctores permulti, ut Di-  
vus Bonaventura, S. Thomas, quem ipsa  
nominavit Angelum scholæ, in albo San-  
ctorum exultans & lætabunda adirentur:  
ergo, &c.

*Solvuntur objectiones contra primam conclu-  
sionem militantes.*

*Obicies 1.* Non opus est in nova lege  
Magistro qui doceat proximum; sed omnes  
ab ipso Deo edocentur: igitur Theologia,  
ne quidem pro toto Ecclesiæ corpore simpli-  
citer & absolute necessaria est. Probat  
antecedens ex promissione facta in veteri  
lege pro nova ad hoc momentum: sic  
enim legitur Isaia 54. 13. *Ponam univer-  
sos filios tuos doctos a Domino:* rursus Je-  
remitæ, 31. 33. *Dabo legem meam in visce-  
ribus eorum, & in corde eorum scribam eam,*  
& non docebis ultra vir proximum suum, &  
vir fratrem suum dicens: cognosco Dominum;  
omnes enim cognoscent me a minimo eorum  
usque ad maximum: & iterum Joan. 6. 45.  
*Erunt omnes docibiles Dei.* Igitur nunc  
omnes ipsum Deum habent Magistrum, &  
edocentur ab eo.

*Respondeo* distinguendo antecedens. Om-  
nes nunc edocentur interius a Deo, &  
exterius per Magistros, concedo: & ibi  
excluduntur Magistri, qui exterius auri-  
bus populi insonent, nego. Hoc ipsum  
patet ex Scriptura, quæ utique promittit  
Pastores, qui gregem selectis sanæ doctri-  
næ præcibus instruant & nutrant, dicente  
Domino Jeremia 3. 15. *Dabo vobis Pas-  
tores juxta cor meum, & pascunt vos scientia  
& doctrina;* quam quidem promissionem  
adimplet Christus Dominus, Matth. 28. 19.  
dicens Apostolis: *Euntes ergo docete omnes  
gentes.*

*Ad primam probationem, distinguo: &*  
Isaias ibi tantummodo designat gratiam  
Christi fore uberiores, quatenus legem  
suam non in tabulis lapideis, sed magis  
in cordibus conscripserit, concedo: & ex-  
cludit Magistros, nego. Quod hic sit ge-  
nuinus Prophætæ sensus, patet ex ejus  
scopo; quippe qui probare intendat legem  
Evangelicam ad perfectam sanctitatem con-  
ducere; eandem legem habere pro Sacra-  
mentis non vacua elementa ut lex vetus,  
sed gratiis omnibus plena, immo exuber-  
rantia, juxta illud Joannis, cap. 1. *Lex  
per Moysen data est, gratia & veritas per  
Jesum Christum facta est.* Ad locum Jerem-  
iæ eadem est responsio: quidam illum  
de gloria in Cælo iustis donanda interpre-  
tantur, & bene; ibi vir non docet pro-  
ximum, omnes quippe Beati cuncta vi-  
dent in Verbo. Ad auctoritatem B. Joan-  
nis similiter distinguo: omnes erunt do-  
cibiles Dei in Patria, concedo: in via,  
subdistinguo; hoc est illuminantur & in-  
struuntur interius per gratiam, concedo:  
instruuntur per exclusionem omnimodam  
Magistri, nego. Norunt omnes Christia-  
ni nos edoceri interius: quot enim in-  
spirationes ad bonum faciendum? quot il-  
luminations a Spiritu sancto prodeunt?  
hinc Apostolus, Ephes. 4. 30. ait: *Nolite  
contristari Spiritum sanctum;* sed profecto  
Beatus Joannes non excludit Theologiam,  
quæ vias Domini in veritate docet; cum  
ipse fuerit teste Hieronymo, Magister Ec-  
clesiarum Alia: Quinimodo, fides ex au-  
ditu inquit Apostolus: unde Rom. 10.  
15. ait: *Quomodo audient sine prædicante?  
quomodo vero prædicabunt, nisi mittantur?*

*Instabis:* Fides sufficit ad Deum cogno-  
scendum & amandum, immo & ad salu-  
tem, juxta illud Marci 16. 16. *Qui credi-  
derit & baptizatus fuerit, salvus erit:* igitur  
& Theologia & Magistri inutiles sunt in  
nova lege. Confirmatur: multi utriusque  
sexus absque scientiarum ope ad summum  
sanctitatis gradum pervenerunt, quod &  
comptum se habuissent testatur Propheta di-  
cens: *Quoniam non cognovi litteraturam, in-  
troibo in potentias Domini,* Psal. 70. 16. er-  
go, &c.

*Respondeo* distinguendo antecedens. Fi-  
des proposita & explicata sufficit ad salu-  
tem, concedo: non proposita, neque ex-  
plicata, nego. Quod fides debeat proponi  
& explicari, experientia comprobatur quo-  
tidiana; quandoquidem sunt Pseudo-Pro-  
phetæ & Doctores, quos Joannes Anti-  
chri-

christos vocat, qui verbum Dei in astutia & ad circumventionem erroris adulterantur; porro ad Ecclesiam pertinet & proponere & explicare credenda, quod omisso Theologiæ adminiculo peragere non valet: Fideles plebei fidem testam habent. in Proceribus & Doctoribus Ecclesiæ; igitur Theologia est simpliciter necessaria pro toto Ecclesiæ corpore.

*Ad Confirmationem.* dico argumentum tantummodo probare Theologiam non esse absolute necessariam omnibus & singulis fidelibus, quod ultro fatemur; satius enim est pro multis absque inquisitione credere, quam cuncta scrupulose rimari: hinc Apostolus 2. ad Tim. 3. 7. quasdam feminas, de credendis rationes ullo absque fine luxuriando inquirentes, sic redarguit: *Semper discenses, & nunquam ad scientiam veritatis pervenientes.*

*Iterum* instabis: Fides sufficienter in divinis explanatur Scripturis; non enim semel & Apostoli, & ipse Christus ad hanc provinciam adimplendam ratiociniis, argumentis & similitudinibus utuntur: Igitur ne quidem ad propositionem & defensionem credendorum necessaria est Theologia: tum quia Ecclesia fidem in symbolis proponit & explanat.

*Respondeo* distinguendo: Et ipsæ parabolæ, ipsaque tum Apostolorum, tum Christi argumenta pro fidei vel expositione, vel etiam defensione debent ultimate proponi, explicari & defendi ab Ecclesia, concedo: Et non debent neque proponi, neque ulterius defendi nego. Perversi homines divinas Scripturas in praves sensus detorquere satagunt, quocirca adversus malignantes, & proponi & defendi debent juxta genuinum sensum; quod quidem Ecclesia ope Theologiæ mirum in modum facit, ut Christiani tutam habeant fidem.

*Ad confirmationem.* fidenter dico opus esse Theologia, quæ ipsa utique symbola juxta mentem Ecclesiæ explicet. Et vero sua etiam Heterodoxi habent falsa & prava symbola, quibus incanti inducuntur in errorem. Quatuor fidei apparere professiones, quibus Semi-Ariani suam malam de consubstantialitate fidem subtexere conabantur, quis ideo Hilarius Pictavorum Episcopus fidem temporum & politicam vocat. Theodorus Mopsuestenus suum pariter in lucem edidit fucatum symbolum, quo imbutus Nestorius contra Filii Dei incarnationem debacchatus est. Et sic de aliis hæreticis, qui ad fidem evacuant omnia

moliti sunt. Igitur necessaria est scientia in revelatione fundata, quæ cuncta fidei dogmata defendat adversus impugnantes. *Alia sit instantia:* Saltem Traditio sacra adjuncta Scripturæ plusquam sufficiens est ad fidem rite tenendam: igitur prorsus inutilis est Theologia.

*Respondeo* eodem modo quo supra, sic distinguendo: Et ipsa traditio ope Theologiæ tenetur, concedo: Et ad hoc non opus est Theologia, nego. Inter traditiones quædam sunt hamanæ & fallibiles, quædamque etiam penitus falsæ, quædam vero divinæ & infallibiles; sed quænam sint istæ, ad Ecclesiæ prævio examine definire spectat. Cæterum traditio, quæ est fidei regula, habetur Patrum sententiis, quæ magnis continuisque fulciuntur Theologiæ argumentis, quibus sancti Doctores utuntur ad fidem defendendam, servandam & nutriendam.

*Oppones* 2. A Christo nato non indigemus veritatis inquisitione: igitur prorsus inutilis est Theologia deductiva. Probat autem ex Tertulliano, qui lib. de præscriptione, c. 8. sic loquitur: *Nobis curioſitate opus non est post Christum Jesum, nec inquisitione post Evangelium:* ergo, &c.

*Respondeo* distinguendo antecesser. A Christo nato non indigemus inquisitione ad nova dogmata adveniendi, concedo: Ad tradita tum explicanda, tum defendenda, nego. Lex Christi perfecta censetur, & omnia quæ ad supremum sanctitatis apicem conducunt, præcontinet; hinc Christus expirando clamavit, *consummatum est.* Hoc ipsum innuit Apostolus, Hebr. 10. 14. ubi de eodem Christo Domino disserens, ait: *Una enim oblatione consummavit in sempiternum sanctificatos.* Verum Theologia necessaria est ad fidei dogmata propugnanda, vel etiam enucleanda. Quod autem sensus Tertulliani sit, nova non esse exquirenda dogmata, patet ex his quæ subdit: *Cum credimus, nihil desideramus ultra credere, hæc enim prius credimus, non esse quod ultra credere debeamus.* Ibi revincit Hæreticos, qui nova in diis dogmata inducere non erubescabant.

*Urgetis:* Theologia nihil addit supra fidem nisi rationem: sed non opus est ratione ad credendum: igitur nec Theologia Confirmatur 1. quia ratio tollit meritum, juxta illud Gregorii Magni Hom. 26. in Evangelium: *Fides non habet meritum, ubi ratio humana præbet experimentum.* 2. Perfectius est simpliciter credere, quam in-

quirere. 3. Doctores inquirentes de omnibus rationem, ad vitam contemplativam, & perfectionem capeccendam minus capaces esse censentur: ergo, &c.

*Respondeo* distinguendo: Theologia nihil addit supra fidem nisi rationem elevatam, concedo: nisi rationem nudam, & in se relictam, nego. Ratio nuda nihil potest ad credenda, quandoquidem scriptum excidit: humanum: at vero ratio elevata ad omnia utilis est: hoc ipsum declarat Augustinus his verbis: *Huic scientiæ attribuitur illud tantummodo quo fides saluberrima gignitur, nutritur, defenditur, roboratur.*

*Ad primam confirmationem*, distinguo: ratio nuda, quæque est causa motiva assensus, concedo: ratio elevata, nego. Motivum assensus conclusionis Theologiæ non est sola ratio humana, qualis est in Hæreticis, qui divina in dolo rationis humanæ statera appendunt; sed revelatio virtualis. Et vero, quare in isto ratiocinio: omnis homo est passibilis: sed Christus est homo; igitur in via fuit passibilis: huic assensus conclusio: ergo Christus in via passibilis erat? Et ratio est, quia fide teneo Christum esse hominem. Gregorius loquitur de ratione nude sumpta & in se relictâ; hæc enim fidem evacuat, ut non semel compertum est in multis, qui sibi, & non Deo loquenti, credunt.

*Ad secundam confirmationem*, respondeo etiam distinguendo: Perfectius est credere simpliciter quam inquirere, si fides sit proposita & clare explicata; si non sint impedimenta vel ex parte rationis propriæ, vel ex parte impugnantium, concedo: si non sit proposita, & explicata; si ratio humana adversus ipsam fidem reerudescit, nego. Cum igitur multa occurrunt ad credendum impedimenta, quis dubitat opus esse scientiæ, cuius fundamenta sine in montibus sanctis, hoc est, in articulis fidei modo ad revincendos Hæreticos, modo ad fidem assequendam? Igitur prius fides proponi debet, deinde explicari, postea defendi adversus impugnantes: sed & hæc absque Theologiæ auxilio recte fieri non possunt.

*Respondeo 2. distinguendo.* Perfectius est simpliciter credere quam inquirere rixandi pruriginis concedo: quam inquirere ad sum vel proximi instructionem, nego. Solutio est D. Aug. qui l. de Doctrina christiana c. 31. sic loquitur: *Disputationis disciplinæ ad omnia genera questionum que in Literis sanctis sunt penetranda & dissolven-*

*da, plurimum valet, tantum ibi cavenda est libido rixandi.*

*Ad tertiam confirmationem*, dico istam propositionem, *Docti minorem habent contemplationem, quam simplices*, esse sexagesimum quartam propositionem Molinos, ab Innocentio undecimo in Bulla, *Cælestis Pastor*, & per Decretum Inquisitionis 28. Augusti ann. 1687. cum multis aliis scriptam. Et vero, ubi major est cognitio, ibi & maior amor, juxta illud tritum axioma, nihil amatum quin præcongnitum. Cum igitur detur Theologis per studium cognoscere mysteria Dei, etiam datur eis, si gratiæ interiori obtemperant, proficere & crescere in amore divino, ut legitur de Athanasio, de Basilio, de Gregorio Magno, de Augustino, de D. Thoma & de cæteris Ecclesiæ sanctis Doctoribus.

*Diluantur objectiones contra secundam conclusionem.*

*Obijcies 1. Eccl. 3. habetur: Altiora sunt quæstus, nec mirum; Seruator mjestatis opprimetur a gloria: sed Theologia scholastica in scrutandis mysteriis tota occupatur: igitur inutilis.*

*Respondeo* distinguendo majorem; altiora te ne quæstus lumine solo naturali ductus, concedo: lumine fidei instructus, nego: qui sola ratione investigat mysteria, profecto aut cæcutit, aut errat: verum Theologia scholastica, non nuda, sed elevata per fidem ratione procedit; hinc & Ecclesiæ non modicum utilis est, quippe quæ explicet & defendat fidem contra impugnantes.

*Oppones 2. Apostolus 1. Cor. 2. ait: Sermo meus non in persuasibilibus humanæ sapientiæ verbis, sed in ostensione spiritus & veritatis, ut fides nostra non sit in sapientia hominum, sed in virtute Dei. Igitur Theologia scholastica, quæ utitur humanæ sapientiæ verbis & subtilitatibus, prorsus inutilis est.*

*Respondeo* distinguendo consequens: Et Theologia scholastica præter ratiocinium & sermonem methodicum addit revelationem, concedo: & non addit, nego. Ceterum Apostolus probare tantummodo intendit non opus fuisse, nascente Ecclesiâ, uti exquisitis & subtilibus argumentationibus, ut fidei propagatio sapientiæ humanæ, potius quam virtuti Christi tribueretur; verum potius necesse fuisse sermonem

sim-

simplicem, signis & portentis confirmatum adhibere ad ostensionem spiritus.

*Instabis* : idem Apostolus ad Col. 2. sic effatur : *Videte ne quis vos seducat per Philosophiam & inanem sapientiam secundum traditionem humanam* : sed Theologia scholastica Philosophia ut plurimum utitur, igitur Theologia quantumvis elevata rejicitur ab Apostolo.

Respondeo distinguendo minorem : Theologia utitur Philosophia, ut suas explicet & probet conclusiones, ut Hæreticorum superbiam contundat, & eorum detegat astutias & errores, concedo : ut decipiat, nego. Attamen si forte aliquem subtilioribus alicujus Theologi argumentationibus decipi contingat, per accidens est, & ratione operantis, qui ea abutitur. Porro Apostolus Philosophiam fallacem dumtaxat explodit, illam scilicet, quæ falsis hominum traditionibus innititur, unde dicit Aug. l. 9. de Trin. cap. 1. *De credendis, nulla infidelitate dubitemus ; de intelligendis, nulla temeritate affirmemus* : in illis auctoritas tenenda est : in his, unitas exquirenda.

*Objicies* 3. Antiqui Patres adversantur Theologiæ scholasticæ : ergo &c. Probatur antecedens. Rejiciant Philosophiam dialecticam, qua tamen perpetuo utitur Theologia scholastica : ergo & Theologiam : probatur antecedens. Tertull. de Anima, c. 3. vocat Philosophos Hæreticorum Patriarchas. c. 8. dicit argumenta Philosophiæ esse tormenta cruciandæ simplicitatis & suspendendæ veritatis. c. 23. Platonem nominat condimentarium hæreticorum. Et de præscrip. c. 7. Aristotelem miserum vocat, eo quod dialectica sua Hæreticis contra Ecclesiam armis suppeditaverit. D. Gregorius Oratione 26. graviter conqueritur, quod in Ecclesia sancta Dei irreperint & subtilitates philosophicæ, & ipsius Aristotelis ægypti plagas. Aug. Serm. 87. de tempore, Hieronymus in Psal. 104. similia proferunt. Denique Ambrosius in Psal. 118. sic loquitur : *Nihil nobis cum Philosophia, ne fidem nostram per elementa mundi traducat* ; ergo, &c.

Respondeo, Philosophiam non rejici a Patribus, ut ex probationibus liquet ; sed dumtaxat abusum : unde nego minorem : ad probationem distinguo : Patres abiciunt Philosophiam fidei dominam, quæ sola & nuda ratione de mysteriis discurrit & judicat, dialecticam vanam & fallacem, concedo. Philosophiam ancillam fidei, &

dialecticam elevatam, veritatis indagatricem, nego. Ista Philosophia solummodo utitur Theologia ; a prima dumtaxat dialectica abhorrent Partes & sancti Doctores. Et vero vix nata religione, fides christiana Paganos, qui mysteria nostra irridebant, habuit hostes intensissimos ; postea Hæreticos, qui ex officina Platonis, Aristotelis, & ex aliis Philosophorum academicis procedentes, Platonismum & Aristotelismum in religionem inducere satagebant. Quod autem hic sit germanus Patrum sensus, patet ex Ambrosio, qui in loco mox in objectione laudato hæc subdit : *Arianos in perfidiam sic misse novimus, dum Christi generationem curant hujus sæculi usu colligendam*.

*Refusus objicies*. Theologia scholastica varias & prope infinitas instituit quæstiones inutiles, quæ nihil profunt nisi ad subversionem legentium : quot enim oppositæ opiniones, quarum multæ a recto veritatis tramite non modicum recedere videntur ? hinc in ipsis fidei dogmatibus dubia permulta : hinc confusio : hinc error & quandoque salutis desperatio : igitur eliminanda est ab Academicis Theologia scholastica tanquam inutilis, immo & tanquam nociva.

Respondeo distinguendo : Theologia scholastica multiplicat quæstiones ad majorem claritatem, concedo ; ad legentium subversionem, nego. Enimvero fusior explicatio parit claritatem ; unde si quidam ex variis quæstionibus magis implicantur, est per accidens, & defectu aut attentionis, aut intelligentiæ. Similiter si ex his oriatur vel dubium in fide, vel a veritate flagitiosus recessus, hoc profecto ex animi imbecillitate, & ut plurimum a cordis pravitate originem ducit. Caterum, si sint qui in multiplicandis quæstionibus luxuriuntur ; Magistrorum, nullum vero Theologiæ scholasticæ in se spectatæ defectus est. Hinc totam materiam juvat verbis D. Bernardi concludere. *Non ignoro*, inquit, *quantum Ecclesiæ profuerint litterati sui, sive ad refellendos eos qui ex adverso sunt, sive ad simplices instruendos*. Legi enim : *quia tu repulisti scientiam, repellam te ; legi, qui docti fuerint, fulgebunt sicut stellæ in perpetuas æternitates*. Serm. 36. in Cant.

## SYNOPSIS PROBATIONUM.

*Theologia secundum se spectata est simpliciter,  
& absolute necessaria pro Corpore  
Ecclesiæ.*

**PRIMO**, quia teste Apostolo Eph. 4. ipse Christus quosdam dedit Doctores ad consummationem sanctorum, in opus ministerii ad ædificationem corporis sui mystici.

**Secundo**, quia ex Augustino l. 19. de Trin. c. 7. *Huius scientiæ attribuitur, illud quo fides saluberrime nutritur, defenditur, roboratur.*

**Tertio**, quia teste D. Thoma 1. p. q. 1. art. 1. præter disciplinas naturalis ordinis, alia superior quæ ad finem supernaturalem dirigat, requiritur, & est Theologia, quandoquidem divina innititur revelatione.

SYNOPSIS SOLUTIONUM AD  
OBJECTIONES.

**OBJICITUR**, Theologiam esse inutilem, 1. Quia Deus ipse juxta Prophetas omnem docet veritatem. 2. Quia fides ex se sola sufficit ad salutem, maxime si scripturas, si symbola & traditionem adiungamus. 3. Quia Theologia his omnibus solummodo addit rationem, scientias autem mere rationales ad salutem inutiles esse nemo non novit.

Ad primum respondetur, Deum interius docere per gratiam, Theologiam vero exterius per lectiones.

Ad secundum, dicimus fidem ad salutem sufficere, sed quæ debet & proponi & explicari; immo genuinus tum scripturarum, tum symbolorum, tum etiam traditionis sensus Theologia aperitur, & contra impugnantes defenditur.

Ad tertium, non est paritas; siquidem Theologia addit non quaecumque rationem, sed reflatam, unde Fideles fidem habent rectam in Doctoribus Ecclesiæ.

Ex his sequitur Theologiam scholasticam utilissimam esse; quippe quæ clara methodo explicet & defendat mysteria; scholasticam disciplinam fallacem Patres censorio perstringunt stylo, nusquam vero eam quæ divina innititur revelatione.

## ARTICULUS SECUNDUS.

*De objecto Theologiæ.*

**Q**UÆRIMUS impræsentiarum quodnam sit Theologiæ objectum? ad cuius re-

solutionem operæ pretium est annotare triplex distingui objectum, videlicet materiale, formale quod, & formale sub quo: materiale, est res ipsa de qua tractatur; formale quod, est ratio quæ in rebus attingitur & consideratur; formale sub quo est medium quo aliquod cognoscitur: quæ quidem omnia possunt illustrari exemplo objecti potentia visiva: objectum oculi materiale, est res omnis sensibilis: formale quod, dicimus esse coloratum, id enim quod attingit oculis est color; ita ut si res non subesset colori, nec utique illam posset videre: medium, quo illam intuetur, est lumen solis, quo sublato, res quantumvis colorata fugit oculi aciem. De illo triplici objecto novemus quæstionem, unde sit.

## CONCLUSIO PRIMA.

Objectum materiale Theologiæ est quodcumque revelatum.

*Probatur isto ratiocinio.*

**O**BJECTUM materiale illud censetur de quo tractat aliqua facultas & multa demonstrat: atqui Theologia agit de rebus revelatis; puta de Deo uno & Attributis, de Trinitate, de Gratia, de Sacramentis, & multa de ejusmodi rebus demonstrat. Enimvero de Deo demonstrat esse actum purum, esse bonum, immensum, trinum in Personis, & sic proportionem servata de cæteris aliis revelatis: igitur omne revelatum est objectum materiale Theologiæ.

## CONCLUSIO SECUNDA.

Objectum formale quod Theologiæ, est Deus sub ratione Deitatis & ultimi finis.

*Probatur ratione.*

**O**BJECTUM formale quod, est ratio quæ consideratur in rebus ab aliqua disciplina: sed id quod Theologia in rebus revelatis respicit, est Deus sub ratione Deitatis, Deus ut est alpha & omega, principium & finis. Enimvero quæ contemplatur vel sunt Deus ipse, vel Deus ut beatitudo & finis ultimus, ad quem & Angeli, & homines referuntur, vel media quibus ad talem finem perveniunt, nem-

oe Gratia, Virtutes, Sacramenta, actus humani; igitur Deus sub ratione Deitatis & ut est principium & finis recte assignatur, & dicitur obiectum formale quod Theologia. Hoc ipsum innuit S. Thomas hic 1. p. q. 1. art. 7. his verbis: *Cum omnia que tractantur in sacra Doctrina considerentur sub ratione deitatis per revelationem cognoscibilis, Deus illius est subiectum.*

### CONCLUSIO TERTIA.

Obiectum formale sub quo Theologia, est revelatio virtualis.

*Probatur a priori.*

**O**BIECTUM formale sub quo est medium quo disciplina aliqua sua attingit obiectum formale quod; v. g. Solis lumen respectu oculi corporis: atqui medium quo utitur Theologia ut suum attingat obiectum formale est revelatio virtualis: igitur ejusmodi revelatio est obiectum formale sub quo Theologia; major patet, probatur minor: revelatio virtualis est discursus fundatus in aliquo fidei articulo: sed Theologia transit de rebus divinis per discursum in fide fundatum; omnis quippe demonstratio Theologica aliquam habet præmissam de fide, ergo, &c.

*Proponuntur objectiones adversus secundam conclusionem militantes, & solvuntur.*

**Objectiones.** 1. D. Thomas non semel dicit Deum non esse obiectum formale Theologiae; ut in prologo sent. art. 4. ibi enim ens divinum per inspirationem cognoscibile pro obiecto assignat: ergo, &c.

**Respondeo** 1. Contrarium patere ex loco sancti Doctoris in probatione adducto. 2. D. Thomam loqui de obiecto fidei, quod magis per revelationem & inspirationem cognoscitur, quam per discursum.

**Oppones** 2. Scientia suum debet cognoscere obiectum: sed Theologus, quid sit Deus, prorsus ignorat; quinimo ipsos Beatos latet infinitas, latet omnipotentia, &c. Igitur Deus sub ratione Deitatis non est obiectum formale Theologiae.

**Respondeo** distinguendo majorem. Scientia naturalis suum debet cognoscere obiectum, concedo; scientia in revelatione fundata, subdistinguo; debet cognoscere vel mediate, vel immediate, concedo; immediate semper, nego. Scientia, naturalis

est ejusdem cum suo obiecto ordinis, unde illud per suum innatum lumen cognoscit: at vero Theologia habet obiectum supernaturale, excedens omnem creaturæ captum, unde indiget revelatione, ut illud attingat, & hoc in præsentis statu sufficit: quid plura? ipsum etiam immediate contemplatur, in patria, ubi lumine gloriæ dirigitur.

**Ad confirmationem**, distinguo. Multa ipsos latent Beatos, & hæc non sunt beatitudini & scientiæ maturinæ essentialia, concedo: & sunt essentialia, nego. Varia distinguuntur in Deo; nempe natura, personæ, attributa, & hæc omnia vident Beati: alia sunt libera eaque secreta; & ista Beatos latere non implicat: possunt tamen illa eadem, si Deus vellet, cognoscere. Denique Beati vident infinitatem & omnipotentiam Dei, nusquam vero utriusque attributi quantitatem virtutalem, alias Deum comprehenderet creatura: igitur Sancti cognoscunt Deum esse & infinitum & omnipotentem, sciunt multa a Deo patrari posse majora: sed non omnia possibilia intuentur; ista quippe cognitio est comprehensiva, unde soli Deo competit.

**Objectiones de novo.** Nulla scientia probat sui obiecti existentiam, sed supponit illud: atqui tamen Theologia probat Dei existentiam: igitur Deus sub ratione deitatis non est obiectum formale Theologiae.

**Respondeo** distinguendo. Nulla scientia probat sui obiecti existentiam a priori, concedo: a posteriori & per effectus, nego; & sic distincta minore, nego consequentiam: demonstratio a priori est per causam rei; a posteriori vero, per effectus qui denotant causam. Scientia quidem non probat suum obiectum a priori, quia scientiæ supponitur & est ante eam: sed nihil prohibet quin illud ex abundantia, & ad majorem claritatem, per effectus delineet, & hoc modo Dei existentiam probat Theologia. Sic respondet ad argumentum D. Thomæ, hic q. 1. art. 7. his verbis: „Ad primum ergo dicendum, quod licet de Deo non possimus scire quid est; utitur tamen ejus effectus in hac doctrina, vel naturæ, vel gratiæ, loco definitionis ad ea, quæ de Deo in hac doctrina considerantur, sicut & in aliquibus scientiis Philosophicis demonstratur aliquid de causa per effectum; accipiendo effectum loco definitionis causæ.

*Insta-*

*Instabis* : Ad Metaphysicam spectat probare existentiam Dei per effectus : igitur hoc ipsum non pertinet ad Theologiam.

*Respondeo* distinguendo antecedens . Ad Metaphysicam spectat probare existentiam Dei ratione nuda , concedo : ratione elevata , nego . Dens ut Auctor naturæ est objectum Metaphysicæ quæ ejus probat existentiam rationibus a lumine naturali prodeuntibus . Deus vero ut Auctor gratiæ & finis noster ultimus , est objectum Theologiæ : unde non est par ratio ; ultro tamen fatemur per Theologiam probari a posteriori existentiam Creatoris ; sed divina revelatione procedit , quatenus per revelationem Theologus scit creaturas a Deo ut a primo motore tum in esse , tum in operari pendere , & sic necessariam cum ipso habere connexionem , adeoque & illum indigare compertum habet . Solutio colligitur ex *D. Thoma* qui hic q. 1, art. 1, hoc modo solvit difficultatem : „ Eandem conclusionem demon-  
strat Astrologus & Naturalis ; puta quod  
„ terra est rotunda : sed Astrologus per  
„ medium Mathematicum , idest , a ma-  
„ teria abstractum ; Naturalis autem per  
„ medium circa materiam consideratum .  
„ Unde nihil prohibet de iisdem rebus de  
„ quibus disciplinæ Philosophicæ tractant ,  
„ secundum quod sunt cognoscibilia lumine  
„ naturalis rationis , etiam aliam scien-  
„ tiam tractare , secundum quod cogno-  
„ scuntur lumine divinæ revelationis .

*Objicies* 4. Theologia tractat de multis quæ non sunt Deus ; puta , de gratia , de virtutibus , immo & de historiis Regum . Igitur Deus solus non est objectum Theologiæ .

*Respondeo* 1. Prædicta pertinere ad objectum materiale Theologiæ : hic autem agimus de objecto formali . *Respondeo* 2. distinguendo : allata non sunt Deus , sed referuntur ad Deum , concedo : & non referuntur , nego . Omnes creaturæ respiciunt Deum & ut principium a quo fiunt , & ut finem , ad quem vel tendunt , ut homines , vel conducunt , ut gratia , lex , virtus : etiam Regum historiæ , eatenus ad Deum habent relationem , quatenus ejus demonstrant , vel omnipotentiam , vel bonitatem : immo & ipsa peccata iustitiam indignant , & sub ipso respectu de eis discurrit Theologia . *Respondeo* 3. Argumentum probare dumtaxat Deum solum non esse objectum quidem adæquatum sacrae Doctrinæ , cum de aliis pluribus per-

tractet . *D. Thomas* , hic q. 1, art. 7. occurrat difficultati propositæ his verbis : *Ad secundum dicendum quod omnia alia quæ determinantur in sacra Doctrina , comprehenduntur sub Deo , non ut partes , vel species , vel accidentia , sed ut ordinantur æqualiter ad ipsum .*

## SYNOPSIS PROBATIONUM.

*De diverso Theologiæ objecto .*

*PRIMO*, Objectum materiale Theologiæ , est quodcumque revelatum , quandoquidem ista scientia multa demonstrat de rebus ut divinæ subsunt revelationi .

*Secundo*, Objectum formale quod , est Deus sub ratione deitatis & finis ultimi ; quia Theologus cuncta considerat vel in Deo , vel per ordinem ad Deum ut gratiæ Auctorem .

*Tertio*, Objectum formale sub quo , est revelatio virtualis : & vero , ejusmodi revelatio est medium & lumen quo cuncta intuetur Theologia .

## SYNOPSIS SOLUTIONUM.

AD DIFFICULTATES.

*PRIMO*, Creaturæ non sunt quidem Deus ipse , sed ad eum relationem habent , immo & ipsa peccata non præcise ut mala ; sed ut iustæ vindictæ objecta , unde de his omnibus pertractat Theologia .

*Secundo*, Utiq; a Metaphysica consideratur Deus , sed ut Auctor naturæ & lumine rationis , nusquam vero ut Auctor gratiæ & per revelationem , unde objectum formale Theologiæ distinguitur ab objecto formali Metaphysicæ .

*Tertio*, Non implicat Theologiam suum probare objectum a posteriori & per effectus .

## ARTICULUS TERTIUS.

*Utrum Theologia sit scientia , & qualis ?*

**I**LLAM disciplinam dicimus scientiam , quæ est cognitio rei certæ & evidens per causas ; illam asserimus unam , quæ de cunctis tractat sub eadem ratione , & idem habet in omnibus suis conclusionibus movitum : illam denique vocamus supernaturalem , extrinsece quidem , si versetur circa objectum supernaturale ; intrinsicè



secere vero, si motivo supernaturali tendat in obiectum. Quibus prælibatis quaestio triplex solvenda occurrit de Theologia. 1. An sit scientia? 2. An una & eadem in omnibus suis partibus scientia? 3. An scientia supernaturalis & qualis? Pro quorum resolutione sit

## CONCLUSIO PRIMA.

Theologia est vere Scientia.

Probatur multipliciter.

**Primo, EX Scriptura sacra.** Osee, 4. 6. habetur: *Quia tu repulisti scientiam, repellam te, ne Sacerdotio fungaris.* Ibi profecto agitur de Theologia viatorum, qualis debet esse in Sacerdotibus, quibus ex officio incumbit explicare fidem populis, & eandem contra impugnantes defendere: igitur ex Scriptura liquet Theologiam esse scientiam.

**Secundo, Ex Patribus.** Dionysius Alex. l. 2. Strom. c. 7. eisdem suffragatur veritati, dicens: *Discite in terris, quod scientia perseverat in Cælis.* Clemens Alexandrinus Theologiam sic definit: *Demonstratio firma & stabilis eorum quæ per fidem accepimus.* His omnibus accedit B. Augustinus, qui l. 14. de Trin. c. 1. ait: *Huc scientia attribuitur illud tantummodo quo fides saluberrima gignitur, nutritur, descenditur, roboratur.*

**Tertio, Ex ratione.** Scientia est cognitio certa & evidens de aliquo: atqui Theologia talis est: igitur est scientia. Probatur minor. 1. quidem Theologia, ut ipsum sonat nomen, est sermo & cognitio de Deo. 2. Est cognitio certa, quippe quæ articulis fidei, quibus non potest subesse falsum, nitatur. 3. Est etiam evidens: & vero licet principia sua sint obscura, supposita tamen fide hanc ex præmissis rite dispositis, clare & evidenter eruit conclusionem. v.g. In ista demonstratione: omnis homo constat anima rationali & corpore: sed Christus est homo: posita ista minore de fide, evidenter concludit Theologus: ergo Christus constat anima rationali & corpore.

## CONCLUSIO SECUNDA.

*Theologia, qualis traditur in scholis, est una specie atoma scientia: hoc est, Theologia positiva, scholastica, & moralis unicum scientiæ habitum constituit.*

**PROBATUR EX D. Thoma** " hic art. 3. " primo quidem in argumento sed contra " sacra Scriptura, inquit, de ea loquitur sicut de una scientia: dicitur enim sap. 10. *Dedit illi scientiam Sanctorum.* " Deinde vero in corpore articuli sic discurre S. Doctor. " Dicendum sacram Doctrinam unam scientiam esse: est enim unitas potentiae & habitus: considerata secundum obiectum, non quidem materialiter, sed secundum rationem formalem obiecti: puta homo, asinus & lapis conveniunt in una formali ratione colorati, quod est obiectum visus. Quia igitur sacra Scriptura aliqua secundum quod sunt divinitus revelata: (secundum quod dictum est) omnia quaecumque sunt divinitus, revelabilia, communicant in una ratione formali obiecti huius scientiæ: & adeo comprehenduntur sub sacra Doctrina, sicut sub scientia una. " Ex his tres exsurgunt D. Thomæ rationes quibus luculentissime ostendimus Theologiam esse unum & simplicem habitum.

**Prima** sic deduci potest. Habitus Theologiæ non est aggregatum per accidens, quod ex variis, multisque entibus completis coalescit, siquidem ex D. Thoma una dicitur scientia: sed potius est ens per se, habet enim idem obiectum formale in omnibus suis partibus: atqui foret aggregatum per accidens, nempe ex Theologia scholastica, positiva, morali, poetica, si partes istæ diversos constituerent habitus: igitur Theologia est una specie atoma scientia.

**Secunda.** Illa scientia est una, quæ habet in omnibus quæ pertractat idem obiectum formale quod, idem obiectum formale quo, seu medium quo suas eruit conclusiones: atqui sic se habet Theologia, ergo, &c. Major patet: habitus enim non distinguuntur nec multiplicantur, nisi penes distinctionem obiectorum formalium, & penes diversam rationem, sub qua illa attingunt. Probatur igitur minor: quæcumque Theologia tractat, vel est Deus ipse, vel ordinatur ad Deum ut ul-



ut ultimum finem, non alio motivo discurrit de Myſteris, de Gratia, de Legibus, de actibus Humanis: hæc omnia sub lumine divinæ revelationis inspicit, ergo, &c.

*Tertia*, eaque etiam Angelica. Unus & idem indivisibilis habitus multa alias in se disparata potest attingere; igitur non implicat quin idem Theologiæ habitus circa Deum incarnatum, circa actus Humanos, & Sacramenta, aliaque ejusmodi verletur. Probatur antecedens, in quo aliqua posset reperiri difficultas, variis inconcussisque exemplis, 1. Una & eadem potentia intellectiva realiter indivisibilis, potest se extendere ad multa, eaque diversa intelligibilia; tamen si unum sit alio intellectu diffusius. 2. Eadem potentia visiva corpora ad omnia colorata pertingit. 3. Unus habitus infusus ad plura contenta intra suum objectum, puta eadem fides ad omnia credibilia, licet distinctæ sint in diversis articulis difficultates. 4. Eadem charitas ad omnia amabilia, quamvis difficilius sit diligere intimum quam amicum. 5. Eadem prudentia ad omnia, licet quantumvis in diversis materiis novæ occurrant difficultates superandæ. Quidni igitur eadem & indivisibilis Theologiæ scientia se extendat ad omnes conclusiones intra sui objecti specifi-  
cativi sphaeram contentas?

### CONCLUSIO TERTIA.

*Theologia est scientia, nedum extrinsece, sed & intrinsece supernaturalis.* Ita docet modernus Scriptor Thomista: Contentonius, differt. 1. de Deo uno c. 2. speculatione 3.

*Probatur multipliciter.*

*Primo.* EX Scriptura sacra, Sap. 10. legitur: *Dedit illis scientiam Sanctorum*, quæ verba recte intelligi possunt de Theologia quæ traditur in scholis. Enimvero de eadem loqui videtur Hieronymus Epist. 155. "Quid hæc, inquit, voluptate precundius? qui cibi, quæ mella sunt dulciora quam Dei scire, prudentiam, & in abscondita ejus intrare, & sensum Creatoris inspicere, & sermones Domini Dei tui, quæ ab ejusmodi sapientibus deridentur, ple-  
nos docere sapientia spiritali, Quibus sententiis delineat S. Doctor scien-

tiam, quæ Dei secreta propalat, quæ scie-  
prudentiam & myſteria, quæ sapientiam docet plurimos; quæ quidem dotes conveniunt Theologiæ nostræ: hanc quippe D. Thomas hic q. 1. vocat Doctrinam sacram & inspiratam doctrinam quæ lumine, virtute & extensione ceteras scientias in immensum excedit, ergo, &c.

*Secundo* ex ratione. Illa scientia est non solum radicaliter, sed & formaliter supernaturalis, cujus principia, objectum formale & modus tendendi in objectum, sunt supernaturalia; quæ subordinatur scientiæ Beatorum, & est ejusdem cum illa ordinis, quæ nobilitate & certitudine omnes scientias naturales longe superat; atqui res sic se habet: igitur Theologia est formaliter & intrinsece supernaturalis. Major patet: probatur minor quoad singulas partes. Primo quidem Theologiæ principia esse supernaturalia nemo non videt, cum sint Fidei articuli: objectum vero ejus formale quod, est Deus in se spectatus: formale sub quo, revelatio virtualis, quæ omnia ordinem nature transcendunt. Omnes ultra fatentur Theologiam subordinari scientiæ Beatorum, cuius sui per fidem ab ea mutuatur principia, cum idem objectum habeat, quod hac brevi sententia concludit Dionysius Alex. *Disiste in terris quod scientia perseverat in Cælis.* Denique cæteris Disciplinis cum nobilitate, tum certitudine supereminet, quandoquidem fundatur in revelatione divina, cui non potest subesse falsum: ergo, &c.

*Tertio*, Ex locis e quibus suas eruit conclusiones. Scientia quæ suas deducit conclusiones ex Scriptura sacra; ex traditione divina, ex decretis summorum Pontificum, ex definitione Conciliorum & sententiis Patrum, est intrinsece supernaturalis quandoquidem causam habet supernaturalem: atqui Theologia Christiana suis ex his omnibus momentis deducit conclusiones: ergo, &c.

*Locis* Theologici decem numerantur. Primus, est Scriptura sacra quæ continet verbum Dei in utroque Testamento expressum per Scriptores canonicos, qui teste D. Petro, loquuntur sunt a Deo inspirati. Secundus, est Traditio, quæ utique verbum Dei refert, non quidem scriptum, sed ab ore Christi per Apostolos, per Discipulos & Ecclesiæ Patres atque Doctores usque ad nos servatum & transmissum. Tertius, est Ecclesiæ, quæ de-  
fini-

finitur Congregatio Fidelium in Spiritu sancto sub uno invisibili capite Christo in Cœlis, sub ejus vero in terris visibili Vicario, summo Pontifice adunatorum. Quartus, est summus Pontifex, loquens ex cathedra ut supremus controversiarum Fidei Judex. Quintus, est Concilium Oecumenicum, vel etiam Nationale, quinimmo & Provinciale approbatum. Sextus, est consensus Patrum, eorum quippe sententiam ad concludendum Theologis primum inserviunt.

Sex istis, quatuor alii adjunguntur: videlicet consensus Theologorum, his enim utitur Ecclesia in Conciliis, tum ad veritates Fidei explicandas, tum ad easdem contra proterviam Hæreticorum defendendas. Sequitur auctoritas Philosophorum, namque Theologia veluti sapientia & Regina cæteras disciplinas vocat ad arcein, ut ei tanquam ancillæ ad probandam, vel etiam propugnandam fidem famulentur. Nonus, est ipsa ratio; est enim primæ veritatis radius purissimus, quo dilucidantur quæstiones Dogmaticæ. Decimus, est Historia tum sacra, tum etiam profana, ista usus est Paulus apud Athenienses, ut legitur Actuum 17. ad probandam Dei veri existentiam. Præteriens enim, inquit, inveni & aram in qua scriptum erat ignoto Deo: quod ergo ignorantes colitis, hoc ego annuntio vobis. Deus, qui fecit mundum & omnia quæ in eo sunt, hic Caeli & Terræ cum sit Dominus, non in manufactis Templis habitat. In ipso enim vivimus, movemur & sumus: sicut & quidam vestrorum Poetarum dixerunt: ipsius & genus sumus. Quod quidem argumentum maxime ponderat: sic enim testimonium ex inimicis nostris pro Fide defendenda habemus.

*Solvuntur objectiones quæ possunt fieri contra primam conclusionem, in qua dicimus Theologiam esse scientiam.*

Obijciens 1. D. Thomas in 3. Dist. 33. art. 2. quæstiuncula 4. sic loquitur: Si esset aliqua scientia, quæ non posset reduci ad principia naturaliter cognita, non esset ejusdem speciei cum aliis scientiis, nec univoce scientia diceretur; igitur Theologia non est scientia: probatur consequentia. Si foret scientia, cum cæteris aliis scientiis & disciplinis univoce conveniret: atqui univoce non convenit, quandoquidem principia Theologiæ non reducuntur ad principia naturaliter cognita, ergo, &c.

*Tom. I.*

*Respondeo* negando consequentiam: ad probationem distinguo minorem. Theologia non convenit cum aliis scientiis in ratione talis scientiæ, concedo: in ratione scientiæ ut sic, nego. Duo sunt in Theologia consideranda: id quod est commune, & id quod est particulare. Modus procedendi a præmissis debite dispositis ad conclusionem, est ratio specifica scientiæ cujuscumque; hoc ipsum habet Theologia cum cæteris disciplinis commune: principia vero sunt articuli Fidei, & per hoc ab eis distinguitur; eodem igitur prope modo est scientia, quo Geometria & Musica ad Arithmeticam comparatæ scientiæ dicuntur, maxime si consideretur per se modum quo procedit; quandoquidem concludit sicut aliæ disciplinæ, suppositis nimirum præmissis. D. Thomas indigitare solum intendit Theologiam cæteris scientiis supereminere, quod ultro fateamur, & verissimum est.

*Oppones 2.* Scientia procedit ex principiis per se notis: atqui Theologia non procedit ex principiis per se notis; quinimmo, procedit ex obscuris, nec ullam evidentiam habet: igitur absolute deficit a ratione scientiæ, cujus summa dos est evidentia.

*Respondeo* distinguendo. Scientia naturalis procedit ex principiis per se notis, concedo: scientia supernaturalis, subdistinguo; subalternans & in statu perfecto habita, concedo; subalternata, & in statu imperfecto sita, nego. Unde concessa minore, nego consequentiam. Scientia naturalis procedit ex principiis sibi innatis, adeoque & per se notis: Item & omnis scientia subalternans & superior quæ est in statu perfecto: at vero Theologia, qualis traditur in scholis, sua mutatur a fide principia, unde est radicaliter obscura, maxime vero quia est hic in statu imperfecto & scientiæ Beatorum subalternata: Porro Theologia patriæ est evidentissima, quandoquidem lumine gloriæ tota innititur.

*Ad id vero quod dicitur Theologiam non habere evidentiam, distinguo, radicalem, concedo: formalem & immediatam, nego.* Duplex distinguenda est evidentia, una radicalis quæ petitur ex principiis, alia formalis quæ ex modo procedendi a præmissis bene dispositis ad conclusionem exsurgit. Primum quidem non habet Theologia, recte vero secundam, supposita enim aliqua de Fide præmissa, certo;

*B*

certo, infallibiliter, & evidenter concludit Theologus: Porro evidentia formalis est scientifica, & ea quæ scientiæ proprietas nuncupatur.

*Rursus instabis.* Scientia quæ est de singularibus, nullam habet evidentiam; quandoquidem singularia sunt contingentia: atqui Theologia est de singularibus, quippe quæ tractet de actibus humanis, tum Patriarcharum, & Prophetarum, tum Apostolorum, & aliorum multorum, ergo, &c.

*Respondeo* distinguendo majorem. Si scientia lumine solius rationis procedat, concedo: si lumine divinæ revelationis utatur, nego, & sic distincta minore, nego consequentiam. Porro Theologia tractat de singularibus, quatenus divinæ subsunt revelationi, a qua & certitudinem fortitur; & hac supposita evidentiam in suis habet conclusionibus; sola igitur scientia naturalis non est de singularibus, cum enim sint contingentia, & ipsa lumine tantummodo naturali, cui potest subesse falsum, ducatur, non potest habere evidentiam, saltem sufficientem ad veram scientiam, cujus objectum debet ita esse certum & evidens, ut non possit, inquit D. Thomas; aliter atque aliter se habere.

*Urges adhuc.* Theologia, qualis traditur in scholis, est Theologia scientiæ Beatorum subalternata: sed scientia subalternata a subalternante separata, non est scientia; quandoquidem caret certitudine & evidentia, hinc Musica in eo v. gr. qui Arithmeticam ignorat, non est nisi ad summum opinio, ergo &c. Confirmatur: in Theologia circa eandem conclusionem diversæ sæpius circumferuntur sententiæ & opiniones, quod quidem argumentum est Theologiam nostram ad scientiæ gradum non pertinere.

*Respondeo* concessa majore, distinguendo minorem; scientia naturalis subalternata non est vere scientia, si sit a subalternante separata, concedo; tunc enim sua non coherens principia, sed fide dumtaxat humana fulcitur: scientia subalternata supernaturalis & in revelatione fundata nego; invariabilis enim manet in suis principiis, quæ si bene applicentur, & certitudinem & evidentiam assequitur. Jam patet disparitas ad Musicam quæ professio in absentia Arithmeticæ non est scientia, quia tunc fide solummodo humana innititur.

*Ad confirmationem* distinguo: in Theologia variæ circumferuntur sententiæ, circa modum explicandi dogma, concedo: circa ipsum dogma, nego. Theologi Catholici in dogmate circa Fidem conveniunt; omnes ultro fatentur esse unum Deum, Filium Dei assumptisse carnem, ut nostram salutem operaretur, & discrepant dumtaxat in modo explicandi dogmata; sunt diversæ circa gratiæ efficaciam & prædestinationem Sanctorum lectiones: utrum enim illa sit efficax per se vel per consensum voluntatis? utrum ista fiat ante vel post prævia merita? disputant Theologi. Istæ discrepantiæ non sunt nisi ad summum accidentales.

*Nova sit instantia:* Atqui opiniones nedum circa explicanda dogmata, verum etiam penes ipsa dogmata non semel in Theologia habentur & circumferuntur; ergo nulla solutio: probatur antecedens. Quando Theologus scientiam habet de una conclusione, opinionem vero de altera: ergo, &c.

*Respondeo* 1. Negando absolute antecedens. Cum enim in dogmatibus; Theologus fide dirigatur; nusquam opinionem circa ea patitur; quamobrem opinio est penes modum explicandi Mystra: sed dato & non concessa opinionem esse etiam de dogmatibus, respondeo distinguendo; est opinio circa unam conclusionem dogmaticam per accidens & defectu Theologi, concedo: per se & defectu scientiæ, nego. Theologia innititur revelatione divinæ, & fide ducta a præmissis procedit ad conclusionem; quæ si male inferatur, est defectu Theologi, qui sua inordinate applicat principia. Cæterum non est inconveniens scientiam & opinionem de diversis rebus in eodem reperiri subiecto: verum objectio non habet hic locum, quia de duobus disparatis conclusionibus procedit.

*Rursus instabis:* Theologia in omni conclusione caret evidentia formali: igitur in omnibus & per omnia est opinio. Probatur antecedens. Ut scientia habeat evidentiam formalem & certitudinem, debet esse cognitio rei per causam: atqui Deus, de quo specialiter tractat Theologia, non habet causam; ergo, &c.

*Respondeo* negando antecedens. Ad probationem concessa majore, distinguo minorem. Deus non habet causam rei, concedo: causam cognitionis, nego: Duplex est causa, una scilicet rei; cognitionis altera:

tera : prima est per dependentiam effectus in esse & operari, quatenus producta est cum antea non esset: altera est per dependentiam intellectus, qui effectus intueri postulat ut cognoscat causam. Deus non habet causam rei, si quidem ipse est a quo omnia : potest tamen habere causam cognitionis, id est cognosci per effectus. Revelatio est causa cognitionis Dei, quatenus per eam nobis innotescit quid sit Deus, tum in se, tum in suis Attributis : Creaturæ sunt utique causæ cognitionis Dei, cum enim essentialiter ab eo pendeant, ab effectibus gradum ad cognoscendam causam læti facimus : igitur Theologia est cognitio Dei in hoc sensu per causas, adeoque habet certitudinem de suo objecto, immo & evidentiam, si non radicalem, saltem formalem & scientificam.

*Diluvuntur objectiones contra secundam conclusionem, in qua diximus Theologiam esse unum & simplicem scientiæ habitum.*

**Obijcis 1.** Theologia tractat de diversis : igitur non est unus, & indivisibilis scientiæ habitus.

*Respondeo* distinguendo. Tractat de diversis materialiter, concedo : de diversis formaliter, nego. Theologia tractat quidem de diversis & disparatis rebus ; puta de Deo, de Angelis, de homine ; sed sub eadem ratione formali, quatenus nimirum vel sunt ipse Deus, vel ad eum referuntur, & hoc divinæ revelationis medio : Porro scientia specificatur ab objecto formali, similiter diversificatur : cum igitur sit unum & idem in his quæ pertractat Theologia, sequitur unam esse scientiam.

*Insuper* : Ubi sunt diversæ difficultates superandæ, ibi sunt necessario diversi habitus : atqui in Theologia diversæ sunt difficultates superandæ, quædam scilicet circa Dei voluntatem, quædam circa creationem, gravissimæ circa gratiam, ergo, &c.

*Respondeo* distinguendo. Ubi sunt diversæ difficultates essentielles superandæ, ibi requiruntur diversi scientiarum habitus, concedo : ubi sunt diversæ tantum accidentales, nego ; & sic distincta minore, nego consequentiam. Difficultates essentielles ex diversis objectis formalibus prominent, quia scientiæ neque constituuntur, neque consequenter multiplicantur,

nisi penes diversitatem ejusmodi objectorum : cum autem idem sit pro omnibus Theologiæ partibus objectum formale quoddam & formale sub quo, sequitur esse formaliter unam & indivisibilem scientiam : unde si quæ occurrant difficultates superandæ, sunt tantummodo accidentales, & materialiter diversæ : dico accidentales, quia defectu penetrationis ; vel etiam mentis solertiæ adoriuntur, nusquam vero defectu scientiæ.

*Adhuc instabis* : Tamen si Theologia omnia sub divinæ revelationis lumine conspiciat, non inde sequitur eam esse unum & simplicem habitum : ergo, &c. Probatur antecedens. Adamus intuitu omnes habuit scientias, quæ tamen in ipso diversos constituebant habitus : igitur licet Theologia, res omnes divinæ revelatione discutiat, nihilominus ex diversis coalescit habitibus.

*Respondeo* negando antecedens : ad probationem, nego paritatem. Ratio disparitatis in eo maxime sita est, quod insusio scientiarum in Adamo se teneat ex parte tantum causæ efficientis, scientias in anima primi hominis producentis, minime vero ex parte causæ formalis : non enim eis utendo Adamus assentiebatur conclusioni propter revelationem, sed propter motivum mere naturale, quandoquidem lumine innato eorum comprehendebat objecta. Theologus vero assentitur conclusioni propter revelationem, quia agit de rebus captum humanum longe superantibus : sed non una est disparitas ; altera hæc est ; habitus specificatur ab objecto formali : cum autem scientiæ in animam Adami insusæ diversæ haberent objecta formalia, diversos utique constituunt habitus : at vero Theologia, ut non semel diximus, idem habet objectum formale quoddam ; igitur est in se unus & simplex habitus.

*Urgetis iterum.* Eodem modo se habet lumen divinæ revelationis ad Theologiam, sicut ratio ad scientias naturales ; num & in his omnibus est assensus motivum : atqui hoc non obstante, scientiæ naturales sunt diversi habitus : igitur & diversi admittendi sunt in Theologia.

*Respondeo* distinguendo. Eodem modo se habet lumen divinæ revelationis ad Theologiam, sicut ratio connotans objectum formale se habet ad scientias naturales, concedo : ut non connotans, nego : unde similiter distinguo minorem : non obstante

quod lumen naturale in cunctis reperitur scientiis, ipsæ scientiæ sunt inter se diversæ, quia illud lumen est motivum assensus, connotando objectum earum formale, concedo: non connotando, nego minorem & consequentiam. Præ oculis igitur semper habendum est scientiam non specificari præcisè a lumine a quo procedit: sed a tendentia in objectum formale: unde lumen tum naturale, tum supernaturale non est assensus motivum, nisi quatenus connotat objectum formale, quod cum sit diversum in diversis disciplinis, diversos sane producit habitus: eadem & consimili ratione Mathematicæ scientiæ, ut Geometria, Musica, & Arithmetica, licet cuncta cum abstractione materia sensibili & singulari attingant; sunt tamen diversæ formaliter scientiæ, eo quod diversa habeant objecta formalia, e contrario vero Theologia una scientia est, namque unicum in suis partibus invenitur objectum formale.

*Oppones 2.* Non unum est motivum, pro omni conclusione Theologica: igitur ex hoc potissimum momento liquet non esse unicum scientiæ habitum. Et vero scientiæ etiam ex motivo specificantur. Probatur antecedens. Theologia demonstrat existentiam Dei medio mere naturali, scilicet per creaturas; ejus vero naturam lumine divinæ revelationis innixa, ergo, &c.

*Respondet* negando antecedens: ad probationem distinguo. Theologia demonstrat existentiam Dei lumine naturali ducta, utendo Metaphysica quæ illi tanquam ancilla inservit, concedo: demonstrat ex propriis, subdistinguo: elevando rationem, concedo: non elevando, nego. Theologus duplici modo Dei demonstrat existentiam: primo quidem per Metaphysicam, cujus rationibus utitur, alio modo ex propriis: prima demonstratio est mere naturalis, & aliquid, teste D. Thoma, præambulum ad fidem: alia vero Theologica; quandoquidem divina revelatione innititur. Igitur pro Theologia unum est & idem semper assensus motivum, videlicet revelatio virtualis.

*Insuper:* Atqui Theologia, etiam secundum se & ex propriis operando, habet motiva formaliter diversa; unum videlicet naturale; alterum vero supernaturale, ergo nulla solutio. Probatur subsumtum. In ista demonstratione, v.g. Omnis homo est patibilis: atqui Christus est ho-

mo: igitur dum erat viator, erat utique patibilis; Theologus conclusioni assentitur propter præmissas, quarum prima est mere naturalis, altera vero supernaturalis, & de fide. Igitur luce clariorem apparet Theologiam etiam propria utentem demonstratione, habere assensus motiva penitus diversa: igitur & ex diversis resultant habitibus.

*Respondet* negando subsumptum: ad probationem, distinguo: & præmissa de fide elevat alteram præmissam, concedo: & non elevat, nego: A præmissa de fide alteram elevari constat ex duobus momentis: primo quidem, quia est illi superior; unde & ipsi, tanquam Domina ancillæ, imperat: secundo; quia ambæ se habent per modum unius, & ideo unicam conclusionis causam adæquatam & formalem constituunt.

*Solvuntur objectiones contra tertiam conclusionem, in qua Theologiam inter scientias supernaturales annumeramus.*

*Obicitur 1.* Habitus studio & labore comparatus non est intrinsece supernaturalis: sed Theologia studio & labore comparatur: igitur non est intrinsece supernaturalis. Probatur major ex D. Augustino, qui sic definit habitum supernaturalem: est bona qualitas, quam Deus infundit in nobis sine nobis.

*Respondet* distinguendo majorem. Habitus moralis, concedo: habitus speculativus, subdistinguo: si habet principia naturalis ordinis, concedo: si sint supernaturalia, nego. Habitus moralis, qualis est charitas, non acquiritur viribus naturæ, sed infunditur; quandoquidem est proprietas consequens gratiam sanctificantem: sed habitus speculativus, si habeat principia supernaturalia, potest tum studio, tum speculatione & labore comparari. Talis est Theologia: enimvero habet pro principiis fidei articulos; pro causis formali, revelationem virtutalem, quæ includit discursum ab industria & labore pendentem. Augustinus autem loquitur de virtute morali.

*Insuper:* Donum intelligentiæ & donum sapientiæ pertinet ad intellectum, & tamen neque labore, neque studio possunt acquiri; sed soli infusione habentur: igitur habitus etiam speculativus, si sit intrinsece supernaturalis; comparari non potest.

*Respondeo* distinguendo antecedens. Pertinent ad intellectum & voluntatem, concedo : habitus enim sapientiæ & intelligentiæ sunt speculativi simul & practici : pertinent ad solum intellectum, nego : unde non est paritas.

*Perfiteri* : Sequeretur fore ut donum sapientiæ & donum intelligentiæ possent etiam labore & industria comparari : absurdum consequens ; ergo & antecedens. Probatur sequela : si non possent acquiri , maxime quia sunt habitus speculativi , simul & practici : sed hæc ratio nulla est , siquidem Theologia est habitus speculativus simul & practicus , & tamen studio & labore comparatur , ergo , &c.

*Respondeo* negando sequelam : ad probationem , nego etiam minorem : ad aliam ulteriorem probationem , distinguo. Theologia est speculativa intrinsece & ex ratione sua ; practica vero extrinsece , quatenus instituit mores & dat bene vivendi regulas , concedo : est practica intrinsece , nego . Theologia ex ratione sua respicit Deum ut primam veritatem , in se & in mysteriis colludentem demonstrandam : donum vero sapientiæ & intelligentiæ , veritatem divinam ut finem ultimum cognoscendum & assequendum ; quamobrem magis in praxi , quam in speculatione sapientiæ & intelligentiæ sitæ sunt , profunt ut Spiritus sancti dona ; unde infunduntur a Deo & ad gratiam habituales , sicut proprietates ad essentiam consequuntur : at vero Theologia solum extensive & secundario practica est , quatenus scilicet bene vivendi præscribit regulas .

*Oppones* 2. Si Theologia foret intrinsece supernaturalis , maxime propter sua principia , videlicet fidei articulos : sed isti sunt Theologiæ extrinseci : igitur Theologia est tantummodo obiective & extrinsece supernaturalis .

*Respondeo* distinguendo majorem . Et Theologia est intrinsece supernaturalis , tum propter sua principia , tum propter modum tendendi in obiectum , concedo : propter principia tantum , nego . Similiter & distinguo minorem : articuli fidei sunt Theologiæ extrinseci , modus vero tendendi in obiectum intrinsecus , concedo : & non est intrinsecus , nego . Principia sunt quidem extrinseca : sed certa , sed infallibilia , sed divina , quæ elevant scientiam ad ordinem supernaturalem : modus vero tendendi in obiectum est intrinsece supernaturalis ; non enim in sola methodica pos-

positionum ordinatione , sed in discursu innixio fide fundatur ; igitur Theologia habet per revelationem virtutalem ordinem intrinsecum ad Deum , ut auctorem gratiæ tanquam ad suum obiectum ; & ideo est habitus intrinsece supernaturalis .

*Instabis* : Theologia est habitus a fide distinctus : igitur non potest ab ea mutuari supernaturalitatem .

*Respondeo* distinguendo . Est habitus distinctus a fide : sed ab ea non sejunctus , concedo : & ab ea separatus , nego . Theologia tamen a fide distincta , ipsi tamen adhæret ; quandoquidem conclusionum suarum motivum est fides , quæ si desit , ut in hæreticis , non est Theologia nisi humana .

*Urgetis* : Theologica demonstratio addit supra fidem solum discursum naturalem ; igitur secundum se est habitus mere naturalis .

*Respondeo* distinguendo . Demonstratio Theologica spectata secundum ordinem methodicum quo procedit a præmissis ad conclusionem , concedo : si sumatur adæquate & secundum id omne quod complectitur , nego : multa sunt in demonstratione Theologica . 1. Ordo artificiosus præmissarum .

2. Obiectum . 3. Modus tendendi in obiectum . 4. Motivum assensus pro conclusione : si spectetur solummodo penes methodum , nihil est præter discursum naturalem : at vero si consideretur secundum alia , profecto addit discursum supernaturalem , tum quia sola innititur revelatione , & ejus ope Theologus tendit in obiectum , tum quia motivum assensus est ipsa fides : relinquitur igitur , Theologiam esse habitum intrinsece supernaturalem .

*Rursus instabis* : Demonstratio Theologica non est formaliter de fide : ergo nec intrinsece supernaturalis , cum quidquid superioris ordinis habet , hoc ipsum a fide matuetur .

*Respondeo* distinguendo antecedens . Non est formaliter immediate de fide , concedo : non est formaliter mediate , nego . Theologus mediante fide in suo procedit discursu , & revelatio est assensus motivum , quod sane sufficit , ut habitus intrinsece supernaturalis & nominetur , & sit .

*Instabis adhuc* : In demonstratione Theologica discursus naturalis est ratio specificans & non revelatio , ergo , &c. Probatur antecedens . 1. Quia est motivum ; conclusio quippe debiliorem sequitur partem , ex Philosophis 2. Ideo intellectus as-

sentitur conclusioni, quia praemissae sunt bene ordinatae, quod profecto quid naturale est.

*Respondeo* negando antecedens: Ad primam probationem, distinguo: conclusio sequitur debiliorem partem quoad quantitatem, idest, si ex duabus praemissis una sit particularis, conclusio similiter singularis est, concedo: quoad specificationem, nego: haec enim petitur & ex motivo conclusionis, & ex modo tendendi in obiectum; quae quidem omnia, ut dictum est, supernaturalia sunt. Ad secundam probationem, distinguo utique. Theologus assentitur conclusioni eo quod praemissae sint bene ordinatae, tanquam propter conditionem sine qua non assentiretur, concedo: tanquam propter causam formalem assensus, nego. Approximatio stupor ad ignem, est conditio ignitionis, non causa; ita similiter & ordo artificiosus, seu discursus methodice compositus: alias si ab ordine foret specificatio, cum ab ipsa Logica, quae omnibus inservit scientiis, procedat methodus, foret ubique unicus pro omnibus disciplinis habitus; at quis rerum aequus aestimator dicet Physicam, Metaphysicam cum Logica confundi, eo quod ab ista ordo artificiosus in demonstratione tum Physica, tum morali promanet?

*Perijstes tamen & dices:* Ordo artificiosus nedum pura conditio, sed & causa formalis conclusionis est, ergo, &c. Probatur illud subsumptum. Causa secunda modificat causae superioris influxum, unde sol & arbor non generant solem, sed arborem; igitur cum discursus naturalis concurrat cum fide ad conclusionem, demonstratio Theologica a discursu & non a fide, causa superiore, habet speciem: igitur est intrinsece naturalis & solummodo extrinsece & obiective supernaturalis.

*Respondeo* negando subsumptum: Ad probationem vero, nego paritatem: namque arbor est causa proxima immediate agens, unde causae superioris modificat influxum, & suo attemperat conatui, ut producat effectum, qui speciem a causa proxima habet, & cui per omnia assimilatur: sed discursus, seu ordo methodicus, non est conclusionis causa, solum applicat principia, & medium ordinat ad bene concludendum: unde praemissae sunt causae conclusionis, non praesice secundum suam ordinationem, verum potius principia & medium quae complectuntur: cum

igitur & principia & medium, seu motuum conclusionis Theologicae, supernaturalia sint, nemo non videt demonstrationem ex praemissis resultantem, esse intrinsece supernaturalem.

*Obijciat* 3. Mali, immo & ipsi impii, si majori quam iustus polleant acuitate ingenii & mentis acie, doctiores utique evadunt Theologi, quia melius praeter ceteris Theologiae concludunt: ergo si Theologia est habitus supernaturalis, etiam mali sanctiores dicendi sunt & censeri debent, quod est absurdum.

*Respondeo* concessio antecedente, distinguendo consequens: si Theologia sit habitus moralis, sanctiores ipsi impii ingeniosi evadent, concedo: si sit habitus tantum speculativus, subdistinguo: primitivus, ut donum sapientiae & intellectus; & ipsa Beatorum scientia, concedo: subalternatus, & in statu imperfecto possessus, nego. Dictum est supra Theologiam viatorum esse ex ratione sua intrinseca solummodo scientiam speculativam, eamque scientiam Beatorum subalternatam, quam etiam hic in statu perfecto non possidemus, juxta illud Apostoli 1. Cor. 13. 9. *Ex parte enim cognoscimus*. Non mirum igitur cuiquam videri debet, si Theologia non faciat hominem meliorem, cum nequidem faciat sanctum, nisi charitati jungatur, unde idem Paulus dicit, 1. Cor. 8. 1. *Scientia inflat, charitas vero aedificat*. Ceterum non implicat quin peccator habeat habitum entitative supernaturalem mere speculativum, & non evadat sanctior; cum & fidem informem possideat; & Prophetia non semel etiam impiis, ut Balaam & Cuius, data fuerit. Si tamen aliquis bene uteretur Theologia, profecto ab ea non modicum juvaretur, ut ad sanctitatis apicem facilius, immo & promptius perveniret; ubi enim major cognitio, ibi ut plurimum & dilectio Dei ardentior.

#### SYNOPSIS PROBATIONUM.

*PRIMO.* Theologia est scientia: hoc enim celebratur nomine, tum a sacra Scriptura, tum a sanctis Patribus, quia est cognitio certa, quia evidens, saltem formaliter.

*Secundo.* Est una scientia: quandoquidem habet unum & idem obiectum formale in omnibus, idem prorsus motivum in cunctis conclusionibus. Quid plura?

idem

idem lumen naturale diversa attingit objecta, quidni & attingeret idem habitus scientiæ?

*Tertio*, Est entitativa supernaturalis: nam & principia ejus & objectum, & modus tendendi in objectum; immo & conclusionis motivum supernaturalia sunt.

#### SYNOPSIS SOLUTIONUM AD OBJECTIONES.

*PRIMO*, Theologia discrepat quidem a cæteris scientiis in principiis, sed non in ratione scientiam constituyente; est enim evidens si non radicaliter, saltem formaliter: immo ejus objectum habet causam cognitionis. Ne miremini si sit de singularibus, licet enim in se contingentia sint, atramen ut subsunt divinæ revelationi certo cognoscuntur: esto scientia naturalis subalternata in absentia subalternantis non sit certa; supernaturalis secus scientia, quæ fide innititur: ubique enim suam servat certitudinem. Ultero fatemur opiniones diversas circumferri in Theologiæ quæstionibus, ad explicationem dogmatum institutis: sed non circa ipsa fidei dogmata, de quibus omnes Theologi conveniunt.

*Secundo*, Theologia non est de diversis formaliter, nec diversæ in ipsa occurrunt difficultates superandæ; nili ad summum accidentales: quinimmo in demonstratione ubi una præmissa est a ratione, alia vero a fide, habet unum & idem in conclusione motivum supernaturale, unum & idem objectum formale; unde semper manet unus & idem habitus.

*Tertio*, Non est inconveniens habitum formaliter & ex se atque primario speculativum labore & industria comparari, nec facere hominem cæteris sanctiorem. Præmissa naturalis, quæ in demonstratione Theologica occurrit, modificat quidem aliam præmissam quorundam quantitatem, sed non quoad specificationem: præmissa fidei per omnia dominatur; unde conclusio est intrinsece supernaturalis, adeoque & demonstratio seu potius scientia, quæ est ejus effectus.

### ARTICULUS QUARTUS.

*Utrum Theologia sit scientia speculativa simul & practica.*

**A**NTE omnia observandum est speculationem dici opus intellectus, qui sistit in cognitione, seu etiam in contemplatione veritatis; praxim vero, opus aliud ab intellectu, quatenus respicit modo arte facta, quæ sunt actus artis: modo agibilia, quæ sunt opera voluntatis: jam sit.

#### CONCLUSIO.

*Theologia est speculativa simul & practica; speculativa quidem intrinsece & ex ratione sua; practica vero extrinsece, seu extensivè. Ita docet D. Thomas hic ex professo l. p. q. 1. art. 4.*

**P**ROBATUR hoc brevi, sed efficaci ratione. Illa scientia est speculativa simul & practica, cujus objectum formale est speculativum simul & practicum, quæ tota est in speculatione, ex abundantia vero se se ad praxim extendit: atqui Theologia talis est; ergo, &c. Major patet; siquidem scientia specificatur ab objecto formali: probatur minor. Objectum formale Theologiæ est Deus sub ratione deitatis, nimirum ut prima veritas, & ut ultimus omnium finis: sed Deus ut Deus & ut prima veritas, est altissimæ speculationis objectum atque terminus: sed quatenus creaturæ rationalis finis ultimus, est objectum practicum; quandoquidem, finis est principium in agibilibus: Theologia vero occupatur veritate divina, quam sane semper & ubique quærit, inventa vero contemplatur: Theologia eximios instituit, non dicam honestæ solum, sed & Christianæ vitæ mores: tradit regulas, quibus homo suum possit assequi finem ultimum & beatitudinem, ergo, &c.

*Solvuntur Objectiones.*

*Obijciens* 1. Dux differentiarum oppositarum possunt simul esse in eodem subiecto: sed ratio speculativum & ratio practicum sunt differentiarum oppositarum: igitur eadem scientia convenire non valent.

*Respondeo* distinguendo majorem, Si illa  
B 4 la



regula proxima & principium immediata operationis; in hoc quippe distinguitur a speculativo, qui solum remote concurrat ad actionem moralem: sed Theologia non est principium immediatum actionis bonæ; multi enim sunt optimi Theologi, & tamen quandoque pessimi Christiani: igitur Theologiae habitus nullo modo est practicus.

*Respondeo* distinguendo majorem. Habitus scientiæ inferioris est regula proxima operationis, concedo: scientiæ superioris, nego: distingo similiter minorem. Theologia neque est regula proxima, neque principium immediatum actionis moralis, & est disciplinis speculativis & moralibus naturalibus superior, concedo, & non est, nego minorem & consequentiam. Scientiæ inferiori naturali convenit tantummodo esse vel speculativam vel practicam; his enim clauditur terminis, & ideo inferior nuncupatur: at vero scientia superior & supernaturalis, qualis est Theologia, quin sit speculativa simul & practica non implicat, tum quia ejus objectum est simul speculabile & assequibile, tum quia utitur cæteris scientiis inferioribus tanquam ancillis; Metaphysica quidem, ut Dei probet existentiam; Philosophia vero morali, ut illum tanquam finem ultimum assequatur: quid plura? Synderesis est praxis & regula humanorum actuum mediantibus virtutibus moralibus, quas movet, quidni & Theologia movendo & elevando Philosophiam moralem, animam ad Deum assequendum commoveret?

*Perfisset*: Ergo Theologia non est practica per se, sed per aliud.

*Respondeo* distinguendo: Non est practica per se ut quo, seu immediate, concedo: non est practica ut quod, & ut praxis Domina, nego. Licet anima rationalis concipiat per intellectum, & velit per vo-

cet cognitionem Dei ut auctoris naturæ esse velut a natura insitam: *Animæ* inquit, a primordio conscientia Dei dos est: eadem nec potest in Aegyptiis, & in Syriis, & in Popper se, s. c. 437. edit. Paris. 1634.

ut est prima eundem loquitur sermonem, ma bonitas assequebantur his verbis, In-

*Aegyptius, Turca, ip-*  
**SYNOPSIS PR** vero licet rudes &

*estam efficere de*  
Theologia est speculativa finem, possunt quarum

*Primo*, Quia ejus objectum est igitur anibile simul & assequibile.

*Secundo*, Quia perficit intellectum & instituit mores.

*Tertio*, Quia est scientia superior, cui disciplinæ inferiores aliæ speculativæ ut Metaphysica & Physica; aliæ practicæ ut Philosophia moralis inserviunt.

### SYNOPSIS SOLUTIONUM AD OBJECTIONES.

*Primo*: Speculativum & practicum sunt differentie se mutuo excludentes in scientiis inferioribus; verum non sic in superiori: Theologia autem Deum non ut motorem tantum sicut Metaphysica, sed ut finem ultimum, eumque assequendum respicit.

*Secundo*. Demonstratio Theologica quæcumque sit, parit habitum speculativum simul & practicum, quandoquidem tendit ad objectum sub utraque ratione: quamvis autem habitus Theologiæ sit speculativus simul & practicus, non tamen actus; enimvero actus est plurimum limitatus, quippe qui unicam materiam individualement respicit; habitus latius patet.

*Tertio*. Ut Theologia sit speculativa simul & practica, satis est quod utendo Philosophia morali, illa mediante Deum ut ultimum finem attingat.

## TRACTATUS PRIMUS.

D E

EXISTENTIA ET UNITATE DEI,  
EJUSQUE NATURA ET ATTRIBUTIS.*A questione 2. D. Thoma usque ad 12. inclusive.*

E Deo quatuor quaeritur. 1. An sit? 2. An unus & unicus sit? 3. Quid sit? 4. Quanam sint ejus proprietates? Circa primum errant Athei, circa secundum Idololatæ, circa tertium Antropomorphitæ, circa quartum Manichæi, & alii multi impii. Contra hanc perduellium hominum cohortem, Fides explicanda & tuenda venit, ostendendo esse Deum, esse unum, ens a se & spiritualissimum; denique supremum numen omnibus perfectionum numeris absolutum.

Quinto. Quia materia non est a se, sed a Deo producta.

Sexto. Nec ipse mundus independens, sed a Deo optimo creatus est.

## ARTICULUS PRIMUS.

*Utrum detur ignorantia invincibilis de Deo ut Auctore naturæ.*

CERTUM est Deum ut gratiæ auctorem, posse ignorari; quippe qui transcendit sub ista consideratione omnem rationis humanæ captum & intelligentiam: hinc Apostolus Hebræorum, cap. 11. v. 6. dicit: *Credere enim oportet accedentem ad Deum quia est, & inquirentibus se remunerator sit.* Questio igitur procedit de Deo ut auctore naturæ inspecto. Extra dubium est etiam quoddam vel propter innumera prope peccata, quæ cor obæcant, vel propter mentis hebetudinem, qualis annotatur in his qui in sylvis enutriuntur, etiam ignorare mundi Creatorem: sed difficultas est, an eorum de existentia Dei ignorantia ita supina sit & crassa, ut adhibita omni diligentia, vinci ac superari non possit, & in hoc excusentur a peccato. Pro cujus resolutione sit.

## CONCLUSIO.

*Non datur ignorantia invincibilis de Deo ut Auctore naturæ.*

Probatur auctoritate & ratione.

Primo, ex Scriptura sacra.

LEGITUR Psal. 13. v. 1. *Dixit insipiens in corde suo: non est Deus: sed si Deus ut auctor naturæ, posset invincibiliter ignorari, non foret insipiens qui diceret in corde*

## DISSERTATIO PRIMA.

*De existentia Dei, contra Atheos.*

EO dementiæ veniunt Athei, ut omnipotentis Dei existentiam, quam quidem universus intonat orbis, negare audeant. Hermogenes in hunc impiegit errorem, ponendo materiam, ex qua sint omnia, Deo crævam & improductam. Aperitius Epicurus, & post ipsum Spinoza, qui mundum ex se factum contendunt. Astipulantur Doctores Sinenſes. Sed contra quod dicit Scriptura Gen. 1. v. 1. *In principio creavit Deus Cælum & terram.*

*Dogma de existentia Dei, sex potissimum probatur argumentis.*

Primo. Quia non datur ignorantia invincibilis de Deo.

Secundo. Quia ista propositio: *Deus est*, nota est aliquammodo per se quoad nos.

Tertio. Quia omnes creaturæ certatim Deum esse conclamant.

Quarto. Quia & hoc probat omnis generis ratio.

corde suo : non est Deus . Nemo quippe stultus censetur , qui negat & quod ignorat , & quod adhibita omni diligentia cognoscere non valet . Igitur cum ex Propheta ille sit insipiens qui negat Deum existere , manifestum est non dari ignorantiam invincibilem de Deo ut auctore naturæ .

Salomon , Sapientiæ 13 . probat contra Idololatrias argumento ineluctabili Creatorem mundi non posse invincibiliter ignorari . Solem , inquit , & Lunam Rectores orbis terrarum Deos putaverunt , quorum si specie delectati Deos putaverunt : sciatis quantum his dominator eorum speciosior est , speciei enim generator hæc omnia constituit ; a magnitudine speciei & creaturæ cognoscibiliter poterit creator horum videri . Ibidem v. 7 . dicit : Persuasum habent quoniam bona sunt quæ videntur . . . Si tantum scire potuerunt , ut possent æstimare sæculum : quomodo huius Dominum non facilius invenerunt ? Quibus verbis diserte ostendit sapiens a magnitudine & pulchritudine universi Deum posse cognosci : & vero si creaturarum specie delectati rudiores homines ipsas creaturas Deos putaverunt , a fortiori creatorem potuerunt tanquam Deum agnoscere : si persuasum habent quoniam bona sunt quæ videntur , multo magis Dominum totius boni fontem invenire debent & confiteri : post hæc & similia argumenta concludit Salomon quod sicut artifex cognoscitur per artefactum , quia omnis effectus denotat causam , ita & Deus per creaturas : igitur non datur ignorantia invincibilis de Deo ut auctore naturæ .

B. Paulus , Romanorum cap. 1 . v. 20 . simili utitur argumento ut stimulet hominis erga Deum amorem , & ait : Invisibilia enim ipsius a creatura mundi per ea quæ facta sunt intellecta conspiciuntur . Quilibet igitur homo Deum ut naturæ auctorem potest cognoscere . Vere etenim cæli enarrant gloriam Dei , & opera manuum ejus annuntiant firmiter . Inspiciat igitur homo cælum , inspiciat Solem veluti naturæ parentem , inspiciat stellas , variosque syderum motus , & dicet , Deus est , existit Deus .

#### Secundo , ex Patribus .

Tertullianus Apol. cap. 17 . sic loquitur : Summa est delicti notentium recognoscere quem ignorare non possunt .

Rursus , eandem confirmat veritatem , l. 1 . adversus Marcionem ; quinimmo do-

cet cognitionem Dei ut auctoris naturæ esse velut a natura insitam : *Animes* inquit , a primordio conscientia Dei dos est : eadem nec alia & in Ægyptiis , & in Syriis , & in Popicis . pag. 437 . edit. Paris. 1634 .

Hieronymus eundem loquitur sermonem , Epist. 2 . ad Nepotianum his verbis , *Indus , Persa , Gothus , Ægyptius , Turca , ipsum agnoscunt ; & vero licet rudes & crassiores non possint perfectam efficere de existentia Dei demonstrationem , possunt tamen , contemplando creaturas quarum virtus & pulchritudo mirabilis rapit animum in admirationem , saltem implicitam & confusam componere atque facere : & sic instructi invisibilia Dei per ea quæ facta sunt , cognoscere ; ergo , &c .*

#### Tertio , ex ratione multiplici .

PRIMA sic deducitur . Ille non potest invincibiliter ignorari , ad quem cognoscendum omnibus & singulis adiunt media : atqui adiunt singulis hominibus media ad cognoscendum Deum ut auctorem naturæ : igitur non datur ignorantia invincibilis de Deo creatore . Probatur minor . 1 . Inest cuilibet adulto ratio , inest iudicium & consilium ; cælum & terra in conspectu ejus sunt , & teste Prophetâ : *Cæli enarrant gloriam Dei* . Potest igitur unum inferre ex alio : potest visis effectibus , saltem in mente , hæc concludere , Deum esse ; maxime vero cum hoc ipsum , teste Tertulliano , inspiret natura : igitur modo adhibeat diligentia sufficiens , poterit homo , quantumvis tardus ingenio & crassus , cognoscere Creatorem mundi : igitur non datur ignorantia invincibilis de Deo ut auctore naturæ .

Secunda sic proponitur : Non datur ignorantia invincibilis de jure naturali : & vero etiam Barbaræ nationes , illam consentitur humanæ vitæ regulam : *Alieri non feceris quod tibi fieri non vis* : hinc abhorrent homicidium , hinc noscunt bona rependere parentibus , patrem & matrem colere , ipsos agnoscere superiores , quibus etiam servire satagunt ; igitur & primum omnium parentem Deum aut agnoscunt , aut saltem adhibita diligentia illius scire poterunt existentiam ; quod quidem ipse Joannes innuere videtur , cum de Verbo Dei differens , ait : *Illuminat omnem hominem venientem in hunc mundum* : ex quo loco inferunt Patres & Interpretes , omnes & singulos homines adultos illumini-

luminari sufficienter ut, Deum esse, possint intelligere; ergo non datur ignorantia, &c.

*Tertia.* Omnis adultus duo naturaliter cognoscit, primum quidem nullam creaturam esse a seipso, omnem quippe videt sicut vestimentum veterascere: alterum vero, nullum esse supremum & summum bonum; hinc dato quolibet bono creato majus desideratur, divites repetitis vicibus novos inhiant honores, aspirant elati ad novos dignitatum gradus, mollis in novas semper ardet voluptates: igitur concludamus, dari super omnia bona unum maximum & supremum: & est Deus. Hoc ipsum omnis concludet homo, si ejus vel contemplari magnalia, vel saltem quæ sentit & experitur in se rimari velit.

*Quarta* accedit: Appetitus naturalis non est frustraneus, est vox & quidem efficax in corde conclamans: sed est in homine appetitus ad bonum infinitum, quod quidem bonum sane non est quid creatum, sed omni creatura melius: dico appetitum ad bonum infinitum, non enim satiatur oculus visu, nec auris auditu, nec anima quocumque bono creato: quid ergo clamat appetitus ille quem non satiat, sed irritat bonum finitum? profecto clamat esse Deum qui omnia bona continet, esse Deum qui solus potest, sicut satiare, ita & beatificare.

*Quinta.* Qui ignorat Deum, reus est culpæ & pœnæ: igitur non datur ignorantia invincibilis de Deo ut auctore naturæ; quis enim dicit peccare illum qui ignorat invincibiliter legem? Probatur antecedens, Sap. 3. v. 7. de his qui ignorant Deum habetur: *Infelices autem & inter mortuos fors illorum est: & Romanorum c. 1. v. 18. Revelatur ira Dei de cælo super omnem impietatem & injustitiam hominum eorum, qui veritatem Dei in injustitia detinent: quia quod notum est Dei manifestum est in illis .... ita ut sint inexcusabiles: quia cum cognovissent Deum, non sicut Deum glorificaverunt.*

*Sexta & ultima.* Ab actu ad posse valet consequentia. Sed omne genus hominum, & cunctumque conditionis, Reges scilicet, Populi, Philosophi, Idiotæ, & peccatores supra modum se amantes agnoverunt Deum esse & existere; igitur non datur ignorantia invincibilis de Deo ut auctore naturæ. Probatur minor, ab enumeratione partium.

*Philosophi antiqui, licet idololatriæ ad-*

dicti, naturæ tamen auctorem agnoverunt: ita refert Paulus Rom. c. 1. v. 21. his verbis: *Qui cum cognovissent Deum, non sicut Deum glorificaverunt, aut gratias egerunt, sed evanuerunt in cogitationibus suis.* Quod quidem intelligitur specialiter de doctis inter Gentiles, & ex Platone in Phædono scribit Azilepius Aristotelis interpres in primum Metaphysicorum, Philosophos pervenisse ad cognitionem Dei per contemplationem mundi elementaris. *Ex vivendi sensu, inquit, Philosophiam homines acceperunt, cum enim oculos in cælum sustulissent, & ordinem qui illic est, & inexplicabilem pulchritudinem contemplati essent, ad Conditoris intelligentiam pervenerunt; igitur visis Dei effectibus, nempe creaturis, quisque potest pervenire ad cognitionem ipsius Creatoris.*

Plato cognovit Deum esse. Proclus in primo Commentario in Timæum de illo dicit: *Causam omnium quæ in mundo sunt ad supremum refert artificem.* Idem 2. in Timæum, pag. 80. sic loquitur: *Solus Plato Pythagoræ secutus, omne quod ab aliqua causa dicit fieri, statim ac Deum rebus quæ sunt præficiens.*

Cicero in l. de natura Deorum, unum prædicat Deum, quem quidem vocat Jovem dum cælo præsidet, Cererem cum terræ, Neptunum cum aquis: eo prope modo quo Oceanus idem in se manens vocatur Germanicus Oceanus cum transit per Germaniam, Gallicus cum Galliæ aluit plagas.

*Empiricus*, in octavo Commentariorum adversus Mathematicos, eodem medio homines ad Dei notitiam pervenisse testatur, & hoc ex Aristotele refert: *Cum enim, inquit, contemplati essent Solem quidem interdum circumcurrentem, nocturno vero ordinatum, aliorum Syderum motum arbitrati sunt esse Deum aliquem, motus & illius ordinis principium.* Ubique igitur apparet hominem ad Dei ascendere cognitionem sive illative, sive alio modo, cum contemplando & meditando innotuit ejus effectus: igitur cogitet eum & contempletur ipse idiota, & profecto dicit, datur Deus. Hinc & ipsi peccatores & Potentes in sæculo eum agnoscere non erubuerunt, & fateri adfressi sunt.

Pharao agnovit & namque Dei portentis perterritus, a captivitate relaxavit populum Judaicum. Ita habetur Exod. 8. 9. 10. 11. 12. 13.

*Abimelec Rex Geraræ, qui in suam accepe-*

ceperat Sarai quæ erat Abraham uxore, agnovit: immo terribili duxit peccato quod sponsam Prophetæ sustulisset: hinc & timens Deum, eam reddidit marito. *Genesios 20.*

*Philistiin* utique agnoverunt Deum cœli, & ideo instantiam remiserunt arcam, ne iteratis plagis suam super eos aggravaret manum Dominus: ut legitur *Regum 1. 4. & 5.*

*Nabuchodonosorus* agnovit, & prostratus confessus est, quamvis antea se tamquam Deum haberi constituisset. *Daniel 4.*

*Barbari & Idiotæ* etiam agnoverunt Deum auctorem naturæ: præter Hieronymum supra citatum dicit *Minutius Felix* in *Octavio*: *Audio vulgus dum ad cælum manus tendunt, nihil aliud quam Deum dicunt, & Deus magnus est, & Deus verus, & sic Deus dederit.*

*Laëtantius*, l. 2. c. 1. Gentilibus objicit illud populi Gentilis: *Nam & cum jurant, & cum obstant, & cum gratias agunt, non Jovem aut Deos multos, sed Deum nominant, adeo ipsa veritas cogente natura etiam ab invitis peccatoribus erumpit.*

Denique *Maximus Tyrius* Platonici Philosophus, in prima Dissertatione dicit de variis Nationibus, moribus & cultu dissimilis: *Unam eos habere universum terrarum orbem consensu omnium constitutam legem & rationem, unum esse Deum Regem omnium & parentem.* Igitur tum ratione, tum exemplis, tum etiam omnium Nationum, cunctorumque Populorum testimonio, constat non dari ignorantiam invincibilem de Deo, ut auctore naturæ.

#### *Fit satis Objectionibus.*

*Objicies 1.* Deus non potest cognosci fine fide, juxta illud Apostoli effectum *Hebræorum 11. v. 6. Credere oportet accedentem ad Deum:* sed multi carent fide: igitur in his saltem datur ignorantia invincibilis de Deo.

*Respondeo* distinguendo majorem. Deus ut auctor gratiæ non potest cognosci fine fide, concedo; sic enim transcendit omnem naturæ ordinem: Deus ut auctor naturæ, nego. Apostolum loqui in primo tantum sensu ex duobus constat 1. Quidem post verba in objectionem allata subdit: *Quia est, & inquirentibus se remunerator sit:* Deus autem intuitivo visus remunerator & corona Sanctorum est: igitur Apostolus loquitur de Deo, ut auctore gratiæ. Idem patet ex alio capite, scilicet

*Romanorum, c. 1. ubi habetur: Invisibilia enim ipsius a creatura mundi per ea quæ facta sunt intellecta, conspiciuntur.* Igitur Deus ut auctor naturæ cognosci potest: & si quando Paulus exigit fidem, solum necessarium ducit pro cognitione Dei, ut auctoris gratiæ & gloriæ.

*Inlabis:* Atqui Deus etiam ut auctor naturæ nequit absque fidei ope cognosci; ergo nulla solutio: probatur antecedens. Ista propositio, Deus est, inter articulos fidei annumeratur: igitur existentia Dei etiam ut auctoris naturæ, sine fide nusquam cognoscitur.

*Respondeo* negando subsumptum: ad probationem dico. 1. Existentiam Dei ut auctoris naturæ non esse de fide, sed D. Thomas teste quid præambulum ad fidem cum lumine naturali cognoscitur evidenter Deum esse. *Respondeo 2.* distinguendo. Cognitione Dei ut auctoris naturæ implicita & confusa est de fide, nego: cognitio clara & explicita, subdistinguo: est de fide respectu rudiorum, transeat; respectu eorum qui ingenio pollent, nego. Certum est & constat ex probationibus non dari ignorantiam invincibilem de Deo, ut auctore naturæ; nemo enim adeo stolidus est, qui visis tot & tantis effectibus non inserat existentiam causæ. Si tamen sermo sit de cognitione perfectissima & omnibus numeris absoluta, concedit D. Thomas fidem ad hoc esse necessariam rudioribus, ut suppleat quod ex parte sufficientis capacitatis deest; sed est, ut patet per accedens, &c.

*Urgetis:* Deus nequit a virtioribus cognosci absque fide quoad quid est; ergo & quoad an est. Probatur consequentia & paritas. Existentia in Deo non distinguitur ab essentia; sed Deus non potest absque fidei auxilio cognosci in se & quoad quid est; igitur neque quoad existentiam.

*Respondeo* negando consequentiam & paritatem; & vero magnum intercedit discrimen inter cognitionem Dei in se & quoad quid est, & cognitionem Dei quoad an est. 1. est cognitio a priori Dei, qui quidem teste Apostolo lucem inhabitat inaccessibilem: altera vero a posteriori & per effectus, qui quidem manuducunt ad cognitionem Dei, quatenus relationem habent ad ipsum ut ad causam a qua dependent. Porro nemo non novit sufficere aliquem cognoscere effectum, ut sciamus ejus existere causam: sed

sed non unus aut alter Dei effectus præ oculis nostris adest; & cæli & terra & mundus totus in conspectu cujuslibet hominis est: Quis ergo tot magna demiretur & non cognoscat causam multo demirandam? ut verbo Salomonis, Sapientia 13. utar.

Ad id vero quod dicitur existentiam in Deo non distingui ab essentia, distinguo: realiter, concedo: virtualiter: nego: & hoc sufficit ut existentia manifesta fiat, tamenli maneat abscondita essentia: nec mirum, hoc & compertum habemus in ipsis creaturis; in homine v. g. Anima sensitiva distinguitur tantum virtualiter ab anima rationali; & tamen cum Petrum dormientem intuemur; cognoscimus quidem eum esse animal; quia motum sensationis ex motu cordis inferimus, sed non rationale, siquidem dormit & non ratiocinatur; quidni igitur visis Dei effectibus cognoscimus eum existere, tamenli quid sit in se, prorsus ignoremus?

Perfices: Atqui non potest cognosci existentia Dei quin cognoscatur & ejus essentia; ergo cum ista sine fide non cognoscatur, ita nec illa. Probatum subsumptum. Deus est essentialiter ens a se, adeoque habent a se existentiam: igitur non potest cognosci ejus existentia quin cognoscatur & essentia, eo enim ipso quo aliquis cognoscit Deum existere, cognoscit summum bonum, cognoscit ens a se & infinitum existere, quæ quidem duo nempe ens a se & ens a se existere ita sunt relata & inter se connexa, ut cognitio unius inferat absolute cognitionem alterius.

Respondeo negando subsumptum: ad probationem distinguo consequens. Existentia Dei non potest cognosci a priori quin cognoscatur & essentia, concedo: non potest cognosci a posteriori quin & natura manifestetur, subdividuo: quin cognoscatur & essentia implicite & confuse, concedo: quin cognoscatur explicite, nego. Cognitio rei duplex distinguitur, altera a priori, altera a posteriori: prima est cognitio rei in se & per prædicata essentialia; secunda vero est solum cognitio per effectus: cognoscimus igitur per effectus creatos Deum existere, sed non cognoscimus quid sit existentia Dei in se nisi implicite & in confuso, in quantum apprehendimus ens infinitum, & ens a se omnipotens; & sic patet so-

lutio ad id quod dicitur in objectionem, ens a se & existere sese mutuo ponere & inferre esse relativa, adeoque simul & natura & cognitione: quandoquidem cognoscendo Deum existere, etiam cognoscimus habere infinitam perfectionem, habere naturam mirabilem; sed quænam sit? Fugit mentem humanam, ac prorsus excedit.

Oppones 2. Ut homo cognoscat Deum tanquam naturæ auctorem, debet visis effectibus inferre existentiam Dei: atqui tanta est in multis hebetudo mentis, ut unum istud ex alio nempe ex creaturarum visione, inferre non valeant. Et probatur Sapientia 13. v. 1. & 2. habebat Idololatrias non potuisse Deum ex operibus intelligere. De iis quæ videntur bona, non potuerunt intelligere eum qui est, neque operibus attendentes, agnoverunt qui esset artifex: sed aut ignem, aut spiritum, aut citatum aerem, aut gyrum stellarum, aut nimiam aquam, aut Solem & Lunam, & flores orbis terrarum Deum putaverunt.

Respondeo negando minorem, ad probationem, distinguo. Idololatræ non potuerunt intelligere Deum, idest, noluerunt, concedo, non potuerunt absolute, nego: noluerunt præ malitia & mentis obsecratione attendere ad opera Dei, ut ipsum agnoscerent & adorarent: quod autem hic sit germanus Scripturæ sensus, patet maxime ex eo quod dicit Sapiens: *A magnitudine enim speciei & creaturæ, cognoscibiliter poterit Creator horum videri: quid plura?* Eo loci illos pronuntiat mortis & ultimi supplicii reos propter eorum de Deo ignorantiam: *Nec his debet cognosci: si enim tantum potuerunt scire, ut possent estimare sæculum: quomodo hujus Dominum non facilius invenerunt?* Infelices autem sunt, & inter mortuos spes illorum est. Ecce dicuntur rei & inexcusabiles idololatræ, eo quod potuerint scire Deum & invenire, & tamen nec intelligere, nec querere voluerint. Igitur non datur ignorantia invincibilis de Deo; alias qui illum ignorarent, nullum culpæ & pœnæ reum propter hoc incurrere censerentur.

Rursus in his: Si Deum ut naturæ auctorem Gentiles potuissent cognoscere profecto non militiam cæli, non Lunam, non Solem, non homines nefandos, ut Jovem, ut Mercurium & similes, tanquam numini & habere & colere voluissent; etenim rectæ rationi magis consentaneum videtur, ens omnibus abso-

lutum

lutum numeris solum verum & unicum Deum agnoscere, quam homines mortales, vitiis plurimis etiam nefandissimis irretitos, maxime vero quia inanum deorum multitudinem & cultus, sicut numinum nullitas est, ita & summa cæcitas ac damnable superstitio.

*Respondeo distinguendo.* Et illi Gentiles obsecratione voluntaria abicientes Deum, creaturas, tanquam numina habere voluerunt, concedo: & non poterant cognoscere Deum, nego. Plurimi inter eos agnovere, sed non sicut Deum glorificare fategerunt: ideo prolapsi sunt in passionem ignominie, deinde in reprobum sensum. Ita respondet Apostolus Romanorum, c. 1. his verbis: *Cum cognovissent Deum, non sicut Deum glorificaverunt, aut gratias egerunt; sed evanuerunt in cogitationibus suis, & obscuratum est insipiens cor eorum: dicentes enim se esse sapientes, stulti facti sunt, & mutaverunt gloriam incorruptibilis Dei in similitudinem imaginis corruptibilis, & volucrum, & quadrupedum, & serpentium: propter quod tradidit illos Deus in desideria cordis eorum . . . in passionem ignominie . . . in reprobum sensum.* Sola igitur passio ligabat intellectum & voluntatem eorum, ne auctorem naturæ agnoscerent.

*Nova sit instantia.* Si Gentiles Creatorem mundi aut agnovissent, aut omni adhibita diligenter potuissent agnoscere, non effudissent Martyrum sanguinem, ita ut pater filium, & frater fratrem carco & crudeli impetu morti traderent; & hoc quia isti abicientes idola, Deum verum, omni qua par est, & fide & veneratione profiterentur. Quomodo enim fieri potuisset ut infando duxissent sceleri adorare quem ipsi & implicite jam prænoscebant, & explicite adhibito aliquo studio poterant cognoscere? Igitur dicendum est non potuisse.

*Respondeo distinguendo antecedens.* Gentiles non effudissent sanguinem innoxium si rationem & conscientiam consulissent, concedo: si solum militiam & passionem, nego. Idololatria est omnis peccati & militiæ principium: sic enim habetur Sapientie, 14. v. 12. *Initium enim fornicationis est exquisitio Idolorum, & adinventio illorum corruptio vitæ est.* Apostolus Rom. 1. asserit traditos fuisse Gentiles in passionem ignominie, eo quod Deum glorificare renuerint: *propter quod, inquit, tradidit illos Deus in desideria cordis eorum . . . in*

*passiones ignominie.* Quid mirum igitur si contra ipsum Deum rebelles, etiam contra parentes insurrexerint, ita ut veri Dei adoratores indiscriminatum occidere non erubuerint.

*Rursum instabis.* Inter Gentiles, saltem plurimi habent omnis generis impedimenta, quibus ligantur, ne etiam deposita passione, etiam adhibita omni diligentia, Deum possint agnoscere; frustra igitur aut in malitiam, aut in crudelitatem refunditur eorum de conditore mundi ignorantia. Probatur antecedens. 1. Quia nihil unquam audierunt de Deo. Dicit autem Apostolus, Romanorum 10. v. 15. *Quomodo audient sine prædicante?* 2. Quia enutrientur a prima rationis aurora in abominabili idololatriæ commercio, cuius quidem venenum cum ipso, dicam, matris lacte infelices ebibunt, hinc impietas a parentibus transmissa in filios, evadit quodammodo naturalis. 3. Quia de facto ex D. Thoma, dantur inhielentes negativi; isti vero ex eodem S. Doctore excusantur a peccato, quod non credant: igitur eorum de Deo ut auctore naturæ ignorantia est invincibilis, quia & excusabilis.

*Respondeo negando antecedens, ad primam probationem, distinguo.* Plurimi inter Gentiles nihil audierunt de Deo ut auctore gratiæ, concedo: de Deo ut auctore naturæ, subdistinguo; & possunt audire, concedo: & non possunt, nego. Audiant cælos, qui enarrant gloriam Dei, audiant ipsum conscientie dictamen, audiant erumpentes subito voces, quibus quilibet, quantumvis bardus aut barbarus, Deum advocat in auxilium: tunc sine cognoscent supremum numen esse & existere. Jam venio ad Apostolum, & dico eum loqui de Deo ut auctore gratiæ, quem certe nullus sine gratia & fide agnoscere potest. Quod autem loquatur de Deo sub ista consideratione, patet ex verbis subsequenter: *Quomodo vero prædicabunt, nisi mittantur? sicut & scriptum est: quam speciosi pedes evangelizantium pacem, evangelizantium bona; sed non omnes obediunt Evangelio.* Loquitur de Deo, quem Evangelium prædicat, nempe de Incarnato, de Deo ut remuneratore & gratiæ auctore.

*Ad secundam probationem, distinguo.* Et vitia non corrumpunt totaliter bonum naturæ, concedo: & penitus corrumpunt, ita ut non sit amplius & sensus, & ratio, nego. Idololatria ortum habuit, ut legi-

legitur Sapientiae 14. solum ex caeco amore parentum erga filios, quos subito erectos dolentes, coli voluerunt ut Deos, postea vero ex prava consuetudine: sed reclamante conscientia serpere cepit in mundo cultus ille superstitiosus: nullus igitur homo est, quantumvis falsi numinis religione praeventus; qui si mira naturae medietur, ipsis demirandum Creatorem non agnoscat.

*Ad tertiam probationem, distinguo.* Dantur infideles negativi circa Deum ut auctorem gratiae, concedo: circa Deum ut auctorem naturae, nego. Infideles alii sunt tales positive, alii negative: infideles positive illi censentur qui cognoscunt Deum, sed non sicut Deum glorificare volunt: sic sunt Judaei, qui Christum, tametsi a Prophetis non semel praenuntiatum, eum tamen tanquam Messiam & verum Dei filium nolunt habere: infideles vero negative illi dicuntur, qui nihil de Christo audierint, aut potuerint audire, hinc eum seclusa culpa ignorant, *Quomodo enim audient*, inquit Apostolus, *sine praedicante*? Rursus accedentem ad Deum oportet credere: igitur absque fidei lumine Deum ut auctorem gratiae cognoscere non valent: at vero auctorem naturae scire quid prohibet? D. Thomas loquitur solum de infidelibus respectu Dei ut auctoris gratiae: quod autem non teneat dari infideles negativos respectu Dei ut auctoris naturae, est sui ipsius interpret *questione 14. de veritate c. 11.* ubi sic loquitur: „Si quis in sylvis, vel inter „bruta animalia enutritus ductum rationis sequeretur in appetitu boni & fuga „mali, certissime tenendum est, quod ei „Deus vel per internam inspirationem „revelaret ea quae sunt ad credendum „necessaria, vel ad eum fidei praedicationem aliquem dirigeret.

*Obijciat 3.* Dantur Athei: sed Deum ut auctorem naturae etiam adhibita omni morali diligentia nequeunt cognoscere, alias non essent Athei: ergo datur ignorantia invincibilis de Deo. Confirmatur: Athei sunt semper aversi a Deo Creatore: igitur non possunt ad ejus cognitionem pervenire.

*Respondeo* distinguendo antecedens. Dantur Athei ex militia & cordis depravatione, concedo; Athei mentis, ita ut invincibilis Dei per ea quae facta sunt intelligere non valeant, nego. Unde Prophetia Psalm. 13. non ait: *Dixit insipiens in*

*mente, sed in corde, non est Deus*: igitur solum ex privatione dantur Athei, minime vero ex impossibilitate cognoscendi naturae auctorem.

*Ad confirmationem, distinguo.* Athei sunt semper aversi a Deo, hoc est, habitualiter, concedo: actualiter, nego. Habitus peccati non impedit absolute quin peccator quandoque cogitet de Deo, cum hoc ipsum illi injungatur ut redeat ad cor: alias infidelis nullus posset se convertere, cujus contrarium non semel apparuit, ut legitur de Nabuchodonosore, qui humiliatus tandem agnovit Dominum caeli, & confessus est: similiter agnovit Darius Medus, agnovit Cyrus Imperator, & alii permulti agnoverunt.

*Insibilis*: Atheus non potest vincere sine gratiae auxilio impedita quae habet circa existentiam Dei ut auctoris naturae: igitur verum est dicere non posse Deum ut auctorem naturae cognoscere: Probatur antecedens. Magnum impedimentum est infidelitatis peccatum, & in eo maxime positum est, quod peccator non credat Deum esse: igitur ante omnia purificari debet ab illo peccato: enimvero si semel admittitur Atheum posse cognoscere Deum viribus naturae, etiam admittendum esset, posse proprio nutu, proprioque conatu a peccato purgari, & consequenter justificari, quod certe plurimum adversatur fidei.

*Respondeo* negando antecedens: ad probationem, distinguo. Infidelitas est impedimentum ad cognitionem practicae Dei, concedo: ad cognitionem mere speculativam, subdistinguo; & illud impedimentum superari potest, concedo; & superari non potest, nego. Cognitione Dei ut auctoris naturae duplex distinguitur, alia practica, alia speculativa: practica amoris & charitati conjungitur, & absque gratia haberi non potest; nec mirum, amor, teste Apostolo, est plenitudo legis, id est, tendit ad totius legis adimplerionem; cognitio vero speculativa sistit in mente; modo est clara, modo etiam tantummodo confusa: peccatum infidelitatis opponitur quidem cognitioni practicae; qui enim male affectus est circa finem, utique est circa media; nonnumquam etiam impedit claram, sed non destruit totaliter rationem; igitur intellectus infidelis potest habere demonstrationem a posteriori de existentia Dei; & legitur Philosophos Paganos eum de facto habuisse.

*Adhuc*



- *Adhuc instabis* . Ex concessis Atheus non potest sine gratia Deum, etiam ut auctorem naturæ, diligere: igitur nec cognoscere, amor enim sequitur cognitionem; nihil amatum, ut fert axioma, quin præcognitum.

*Respondeo* negando paritatem. Cum enim voluntas sit magis, inquit D. Thomas, per peccatum lauciata quam intellectus, majores uberiorique requiruntur vires ad amandum, quam ad cognoscendum Deum: tum quia, ut dictum est modo, amor perfectus infert totius legis adimplentionem, ad quam certe gratia Christi necessaria est.

*Rursus instabis*. Ex dictis sequitur Atheum excusabilem esse circa legis naturæ transgressionem: & probatur. Atheus est obæcatus, unde nec sufficienter cognoscit, nec potest cognoscere quomodo Deus sit colendus: ergo &c.

*Respondeo* negando sequelam, ad probationem dico, Atheum posse sufficienter cognoscere Deum, maxime cum cultus Dei ut auctoris naturæ sit de jure naturali: nedum igitur cognitio speculativa est naturalis, sed etiam ea quæ circa principia moralia & synderesis testimonia versatur; sic norunt omnes colendos esse parentes, a fortiori Deum esse pietate debita venerandum. Præterea gratia sufficiens, ex D. Thoma, nemini deest, & facienti quod in se est viribus gratiæ excitantis, non denegat Deus gratiam uberiorem, necessariam ad præcetera tum naturalia, tum supernaturalia adimplenda. Quod quidem colligitur ex D. Augustino, qui in Psalm. 6. de obduratis loquens, etiam divina gratia adjuvari contendit, nedum ad cognoscendum Deum, verum etiam ad operandum salutem. *Dedit, inquit, eos in reprobum sensum: non est ea cæcitas mentis, in eam quisquis datus fuerit, ab interiori Dei luce secluditur, sed non penitus cum in hac vita est.*

## SYNOPSIS PROBATIONUM.

*Non datur ignorantia invincibilis de Deo.*

**PRIMO.** Quia teste Salomne, Sap. 13. a magnitudine speciei & creaturæ cognoscibiliter poterit Creator eorum videri; eodem numque testante, sicut artefactum indigat artificem, ita & creatura, Creatorem.

**Secundo.** Quia ex Patribus, est quædam: **Tom. I.**

dam cognitio Dei ut auctoris naturæ insita homini.

**Tertio.** Quia adfunt media, quibus homo quantumvis stupidus, potest existentiam Dei & investigare & cognoscere.

## SYNOPSIS SOLUTIONUM OBJECTIONUM.

**PRIMO.** Deus non potest quidem ut auctor gratiæ sine fidei ope cognosci, bene tamen ut auctor naturæ.

**Secundo.** Ultero fatemur quosdam in sylvis enutritos, præ magna animi hebetudine, non posse demonstrationem perfectam de Dei existentia, etiam ut auctoris naturæ, habere; sed nullus est qui discurrendo de his quæ videt, imperfectum elicere non queat.

**Tertio.** Ego, quidam sint Athei, qui dicant in corde: non est Deus, non tamen dicunt in mente.

## ARTICULUS SECUNDUS.

*Utrum ista propositio: Deus est, sit aliquo modo nota quoad nos.*

**U**LTERO fatentur omnes nullum inesse nobis ideam de Deo ut auctore gratiæ ingentiam, quandoquidem Deus ut sic, transcendit omnem tum Angelorum, tum hominum cogitationem. Quæstio igitur procedit de Deo solum ut auctore naturæ; & quæritur an ista propositio, Deus est, sit nota quoad nos. Ad cuius intelligentiam observandum est:

*Propositionem* aliquam posse esse notam dupliciter, nempe quoad se, & quoad nos. Propositionem esse notam quoad se, est prædicatum esse de essentia subjecti, ut ista: homo est animal rationale; omnes enim conveniunt animalitatem & rationalitatem esse de essentia hominis, & ejusdem constituere naturam. Propositionem vero esse per se notam quoad nos, est prima apprehensione & sine discursus ope concipere prædicatum convenire subjecto, ut in ista: totum est minus sua parte; quilibet abique studio, & inquisitione hoc capit, quia inest omnibus primorum principiorum idea ingenta.

*Theologi* docent communiter istam propositionem, Deus est, esse notam quoad se; siquidem existentia ita est de essentia Dei, ut sit suum esse, **Exodi 3.**

C

Ego

Ego sum qui sum : totus igitur difficultatis cardo in eo situs est, an propositio prædicta sit saltem aliquo modo & confuse nota quoad nos, seu an sit nobis ingeni- ta aliqua Dei ut auctoris naturæ notio. Pro cuius resolutione sit

### CONCLUSIO.

Inest nobis ingeni- ta aliqua auctoris naturæ notio.

Probatur auctoritate & ratione.

Primo, ex scriptura sacra.

**S**ANCTUS Job, c. 36. v. 26. sic loquitur : Omnes homines vident Deum. Quæ verba non intelliguntur de visione Dei intuitiva : igitur de abstractiva ; & cum istud asserat Job de omnibus, etiam rudioribus hominibus qui demonstrationem aliquam facere vix possunt, dicendum est eum loqui de aliqua Dei cognitione, singulis ingeni- ta. Eadem veritas insinuat in aliis Scripturæ textibus, Psal. 7. v. 7. habetur : Signatum est super nos lumen vultus tui Domine. Joannis 1. v. 9. Illuminat omnem hominem venientem in hunc mundum. Romanorum 1. v. 19. Quod notum est Dei, manifestum est in illis. Quæ quidem omnia de cognitione Dei, quæ ipse nobis misericorditer impertitur per signaculum quoddam suæ divinitatis animæ impressum, intelli- gi debent : alias hominem ad imaginem & similitudinem Dei formatum esse vix concipi posset : igitur inest nobis aliqua Dei idea ingeni- ta.

Secundo, ex sanctis Patribus.

**J**USTINUS, Apologia prima, quæ secunda vulgo nuncupatur, ait : " Dei ap- pellatio nomen non est, sed rei inenar- " rabilis naturæ omnium indita opinio.

**C**LEMENS ALEXANDRINUS in admonitione ad Gentes idem confirmat : " omnibus, in- " quis, instillatus est quidam divinus sen- " sus, quæ de causa vel inviti quidem, " fatentur unum esse Deum ab interitu " alienum, & ingeni- tum. "

**T**ERTULLIANUS adducitur tanquam tertius veritatis propositæ testis : sic enim loquitur Apologia c. 17. " Hæc est summi de- " licti nolle cognoscere quem ignorare " non possunt : multis ex animæ ipsius " testimonio comprobemus, quæ licet cor-

poris carcere pressa ; licet institutioni- bus pravis circumscripta ; licet libidini- bus ac concupiscentiis evigorata, licet fallis Diis exancillata, cum tamen resi- piscit, ut ex crapula, ut ex somno ; Deum nominat : hoc solo nomine quia proprio Dei veri. " Et libro de Testi- monio Animæ c. 5. dicit : " Magistra na- " tura, animi disciplinæ circumventa ab " adversario, meminit sui auctoris : sed " qui ejusmodi eruptiones esse, non esse " putaverit, doctrinam esse naturæ con- " genitæ & ingeni- tæ conscientiæ : certe " prior natura quam littera ; & prior ser- monis quam liber ; & prior sensus quam stylus, & prior homo ipse quam Philo- sophus & Poeta. "

**O**RIGENES eandem tenet doctrinam libro contra Celsum, in quo sic loquitur : " Non " est mirandum Deum eorum, quæ per " Prophetas & servatorem docuit, semi- na indidisse omnium mortalium animis, " ut in divino judicio omnis homo sit " inexcusabilis. " Quare vero ex Orige- ne inexcusabiles ? quia semina indita boni, & maxime cognitionis Dei habebant, quem cum cognoverint, non sicut Deum, heu infelices ! glorificaverunt.

**A**MBROSIUS etiam venit in testimonium : nam l. 2. adversus Gentes, dicit : " Deum " esse omnes naturaliter scimus. Et l. 1. " Quisquamne est hominum, qui cum non " istius Principis cognitione diem primæ " nativitatis intraverit, cui non sit inge- nitum, non affixum, immo cui pene " in genitalibus matris impressum, non in- situm esse Regem ac Deum cunctorum " quæcumque sint ?

**H**IERONYMUS in caput 1. Epistolæ ad Galatas refert istum Scripturæ locum : Erat lux vera quæ illuminat omnem hominem ; de- inde subdit : " ex quo perspicuum sit na- " turæ omnibus Dei inesse noticiam. "

Tertio, ex ipso Paganorum testimonio.

**P**HILOSOPHI in articulo superiori cita- ti referunt vulgus non Jovem, sed Deum appellare in auxilium suum. Unum intr alios percelebrem scilicet Ciceronem re- ferre juvat de divinitate scribentem. lib. 1. de natura Deorum : " Quæ est, n. " gens, aut quod genus hominum, quod " non habet sine doctrina anticipacionem " quandam Deorum ? quam Epicurus ap- pellat  $\pi\epsilon\sigma\lambda\alpha\sigma\iota\varsigma$ , id est anteceptam, ante- mo sui quandam informationem, sine " quæ

„ qua nec intelligi quidquam, nec quaeri,  
„ nec disputari potest. „ Ergo, &c.

#### Quarto, ex Ratione.

PER ideam ingenitam intelligimus eam quæ nec est facta ex contemplatione effectuum alicujus causæ, nec producta ex præsentia aliorum objectorum quæ subijciuntur sensibus, nec formata ex reminiscencia rerum præteritarum; sed illam quæ est ab instinctu erumpente, aut per primam apprehensionem, aut etiam per aliquam vocem: atqui datur in nobis ejusmodi idea de Deo ut auctore naturæ: igitur datur homini noticia ingenita Creatoris. Probatum minor. 1. Auctoritatibus jamjam citatis. 2. Experientia, qua sæpius comperitur tum in Paganis, tum in Barbaris, tum etiam in Idiotis istas voces: Deus meus, repentino impetu naturæ divinum auxilium in necessitatibus advocantis pronuntiari; ergo inest homini idea aliqua de Deo ut auctore naturæ ingenita. Hoc argumentum tanti fecit Minutius Felix, ut exinde Dei existentiam probaret hoc sensu. „ Audio vulgus cum ad Cælium manus tendunt: nihil aliud quam Deum dicunt, & Deus magnus est, & Deus verus est, & si Deus dederit: vulgi iste naturalis sermo est, an Christiani contentis oratio? „

#### CONCLUSIO SECUNDA.

Ista Propositio, *Deus est*, nota est aliquo modo quoad nos.

QUOD non sit nota simpliciter & explicite, patet, quia prima apprehensione nullus capit, saltem perfecte, Deum existere; indigemus ad hoc aliquo discursu: unde dicimus esse notam quoad nos solum secundum quid.

Jam probatur assertio: Illa propositio est nota quoad nos implicite, cujus prædicatum concipitur sine discursu convenire subjecto: atqui sic est propositio allata: igitur est nota quoad nos secundum quid & implicite. Probatum minor: Eo ipso quo concipimus Deum, concipimus, saltem in consensu existere: nam concipimus illum ut summum bonum, ut ens a se & summe perfectum; maxime vero quia habemus ideam de divinitate ingenitam; quandoquidem ex instinctu quodam in emergentibus difficultatibus Deum invocamus

mus in auxilium: igitur propositio præfata est aliquo modo nota quoad nos.

#### Solvuntur objectiones contra primam conclusionem.

OBJECIES: Si idea Dei nobis foret ingenita, anima esset naturaliter Christiana, naturaliter ad Deum tenderet, & quandam ad eum propensionem insitam haberet: sed hæc dicere sapit Semipelagianismum, etenim sine fide nec possumus cognoscere Deum, nec ad eum tendere; fides autem non est naturæ donum, sed gratiæ fructus: igitur idea Dei non est nobis ingenita.

Respondeo distinguendo majorem. Si idea Dei ut auctoris gratiæ foret homini ingenita, anima esset naturaliter Christiana, concedo: si agitur solum de idea Dei ut auctoris naturæ, subdistinguo: anima hominis foret naturaliter Christiana secundum quid, in quantum cognitio Creatoris est quid præambulum ad fidem, concedo, simpliciter & positive, nego. Cognitio Dei ut auctoris naturæ, sive per instinctum, sive per discursum habita, est quidem gradus ad cognoscendum Deum ut auctorem gratiæ, juxta illud Romanorum, c. 1. v. 2. *Invisibilis enim ipse a creatura mundi per ea quæ facta sunt intelligitur conspicitur*: sed non dispositio positiva; nullam quippe connexionem absolutam & necessariam creaturæ habent cum Deo in se & Trino; unde non sequitur animam esse naturaliter Christianam, nisi secundum quid, nimirum quatenus idea ingenita quasi manuducit ad perfectam auctoris naturæ cognitionem, quæ quidem cognitio removet quædam impedimenta ad cognitionem auctoris gratiæ occurrentia. Et vero nisi homines quidantenus de Creatore cogitent, defleant vel in quoddam Atheismum, ut peccator insipiens qui dicit in corde suo, non est Deus: vel ad Idololatriam, ut ingrati illi Judæi, qui circa vitulum constabilem saltantes, dicebant: *Il sunt Dii Israel qui te eduixerunt de terra Egypti*: vel ad nefandam hæresim, ut Manichæi, qui duo insulse admitterant rerum prima principia, alterum bonum illudque invisibile, alterum prorsus malum & visibile. Alia momenta similiter distinguo: homo abique fidei ope ad Deum ut auctorem gratiæ ne quidem ullam habet propensionem, concedo: ad Deum ut auctorem naturæ, nego. Semipelagianismum quidem

capit dicere, & cognitionem Dei ut auctoris gratiæ initialem, & primordia fidei esse a nobis; nusquam vero ideam Dei ut auctoris naturæ, & quandam ad Creatorem optimum inclinationem & propensionem.

*Inflabit* : Atqui anima esset positive Christiana : & probatur : Si idea Dei ut auctoris naturæ foret innata & ingenita, utique esset & fides, saltem inchoative : igitur anima foret viribus innatis formaliter & positive Christiana : probatur antecedens. Cognitio existentiae Dei in Idiotis, qui demonstrationem facere non valent, est objectum fidei : igitur fides saltem inchoative, foret a natura.

*Respondeo* negando subsumptum, ad primam probationem, nego antecedens : ad secundam probationem, distinguo. Existentia Dei explicata foret objectum fidei in Idiotis, & hoc per accidens, concedo : per se, nego. Cum Idiota præ mentis hebetudine non possit perfectam de existentia Dei erui demonstrationem, per accidens & defectu sufficientis capacitatis in subiecto, foret fidei objectum, inquit D. Thomas, sed non per se, & ex natura rei : quandoquidem ingenio pollentes possunt illam formare demonstrationem, adeoque & naturaliter cognoscere explicite Deum existere : unde D. Thomas docet cognitionem Dei ut auctoris naturæ, esse solummodo quid ad fidem præambulum.

*Oppones* 2. Idea est de entitate & non de existentia rei : sed non datur idea ingenita de essentia Dei ; ergo nulla prorsus datur de Deo. Probatur antecedens : existentia non potest in specie aliqua seu imagine exprimi, quandoquidem non cadit sub sensum ; ergo, &c.

*Respondeo* negando antecedens : ad probationem, distinguo. Existentia Dei non potest per speciem sensibilem exprimi & representari, concedo ; non enim est quid quantum & coloratum : per speciem spiritualement & intellectualem, subdistinguo, claram & bene explicatam, concedo : confusam & implicitam, nego : quando aliquis videt fluxum & refluxum maris, sane intelligit dari causam hujus effectus, unde videndo effectum, format quandam de existentia causæ ideam : similiter & homo quilibet videns creaturas, intelligit eorum esse aliquam causam & Deum existere.

*Inflabit* : Idea illa Dei siqua esset, acciperetur ab objectis creatis, quibus co-

gnoscimus Deum existere ; nihil est enim in intellectu quod prius non fuerit in sensu : sed Deus non potest representari per aliquod creatum : igitur non datur idea ingenita de Deo. Confirmatur : ipse intellectus humanus utpote creatus & limitatus, Deum in se per speciem aliquam exprimere & effingere non potest, ergo, &c.

*Respondeo* distinguendo. Idea clara, qualis habetur per demonstrationem, formatur ex objectis creatis, concedo : idea confusa & implicita, nego. Porro quæ habentur per instinctum, independenter ab ideis effigiatis habentur ; immo etiam quæ cognoscuntur per gustum : v. g. Qui manducat suum mellis abque eo quod unquam viderit mel, illud quidem cognoscit, & tamen sine specie emissâ in oculum, sed ex sapore colligit intellectus dari mel, quatenus quandam de melle ideam effingit : quid plura adjiciam ? Ille qui cognoscit solummodo per fidem aliquid, certe non habet ideam de objecto effigiatam ; potest igitur intellectus habere ideam ingenitam de Deo, non quidem expressam & speculativam, sed ideam impressionis. Unde ad id quod dicitur, nihil est in intellectu quod prius non fuerit in sensu, distinguo : si sit sensibile per se, concedo : si non sit sensibile per se, nego. Ad confirmationem similiter distinguo, intellectus creatus ideam de Deo immediatam efformare non valet, concedo ; mediatam, nego : reveri quidem visus creaturis concipit Deum esse, sed ante illam claram de Deo ideam, habet ingentiam a Deo ipso impressam.

*Rursus inflabit* : Illa idea Deum representare non potest : igitur non est idea Dei. Probatur antecedens. Deus est infinitus & summum bonum : sed idea creata infinitum representare non potest : ergo, &c.

*Respondeo* distinguendo. Idea non potest representare Deum adæquate, concedo : inadæquate, subdistinguo ; per speciem claram, concedo : per impressionem, nego : magis sentitur Deus quam representatur, & melius cognoscitur, inquit D. Thomas post Dionysium, per quid non est, quam per quid est ; & vero cognoscimus Deum esse plusquam & Cælum, & Angelos, & quicquid in mundo est, compertum quippe habemus creaturas quantumvis pretiosas nostra non implere desideria, & ideo tendimus ad Deum, ut summum in eo in-

inveniamus bonum : igitur vocibus secretis quidem & intimis, sed efficacibus Deum esse, compertum aut habemus, aut habere ullo absque dubio possumus. Enimvero illi idea est ipse Deus immediate præsens in creatura & illam tangens, juxta illud Actuum 17. 28. *In ipso vivimus, movemur, & sumus*; unde a demonstratione quam de eo per effectus formamus, est distincta, quatenus est cognitio intima & immediata per impressionem, altera vero mediata & per discursum.

*Obijcies* 3. Si naturaliter cognosceretur Deus, sequeretur 1. Quod illum omnes æqualiter cognoscerent. 2. Quod inutilis esset demonstratio ad illum cognoscendum. 3. Quod cognosceret homo naturaliter omnes Dei perfectiones : sed hæc omnia falsa videntur. Igitur non cognoscimus Deum per ideam innatam.

*Respondeo* distinguendo. Si Deus per ideam ingentam cognoscatur perfectissime, concedo : si tantum imperfecte & confuse, nego. Unde non sequitur omnes Deum ut auctorem naturæ æqualiter cognoscere ; Philosophus addit ideæ innatæ cognitionem demonstrativam ; non sequitur istam inutilem esse, perfectius quippe est obiectum aliquod clare & scientifice cognoscere, quam implicite solum & veluti in genere ; nec utique sequitur omnes Dei proprietates per ideam ingentam cognosci ; notitia enim attributorum est cognitio distincta Dei, adeoque & clara.

*Instabis*. Si daretur idea Dei ingentia, omne mortalius genus eundem adoraret Deum, cum omnes quotquot sunt homines illum naturaliter cognoscerent exillorare : atqui tamen cuncti homines non eundem colunt Deum ; etenim pro libito sibi numina finxere idololatæ : igitur non datur idea ingentia Dei etiam ut naturæ Conditoris.

*Respondeo* distinguendo. Omnes homines unum & eundem colerent Deum, si velent, & attenderent ad distinctam conscientiam, concedo : si noluit ex pravitate animi, nego. Vident bona, sed deteriora sequuntur, cognoscunt Deum, sed sicut Deum non glorificant : ideo sit insipiens cor eorum, & ad idololatriam se se convertunt ut passionibus indulgeant.

*Alibi instabis*. Si daretur idea ingentia de Deo ex prima apprehensione, omnes cognoscerent istam propositionem esse veram. *Deus est* : atqui multi, saltem idiotæ, indigent aliquo discursu ut co-

gnoscant existentiam convenire Deo : ergo, &c.

*Respondeo* distinguendo. Omnes cognoscerent confuse, concedo : nam idea ingentia est de existentia Dei ; cognoscerent explicite, nego. Ad hoc requiritur discursus & demonstratio.

## SYNOPSIS PROBATIONUM.

*Est nobis ingentia aliqua auctoris naturæ notio.*

*PRIMO*. Quia ex Prophetâ regio, signatum est super nos lumen vultus Dei.

*Secundo*, Quia ex Patribus quædam Dei cognitio nobis insita est ; in quo quidem sensu Tertullianus vocat animum rationalem naturaliter Christianam.

*Tertio*, Quia erumpente naturæ voce ex impetu quodam, Deum quilibet in suum advocat auxilium.

## SYNOPSIS SOLUTIONUM AD OBJECTIONES.

*PRIMO*. Licet idea Dei ut auctoris naturæ sit homini ingentia, non sequitur innatam esse homini alicui fidem ; cæterum nullus est inter mortales tam idiota qui absque fidei auxilio aliquam Dei, non quidem ut auctoris gratiæ, sed ut auctoris naturæ non habeat impressionem.

*Secundo*. Quamvis existentia sit de quidditate Dei, optime tamen a posteriori & per effectus cognosci potest, quia effectus indigitat causam.

*Tertio*. Omnes quidem Deum ut auctorem naturæ cognoscunt : non omnes tamen, teste Apostolo, sicut Deum glorificant : nec mirum, quia neque ad distantiam conscientiæ, nec ad ipsam attendunt rationem, quam si consulere, & Dei demirarentur pulchritudinem, & adorarent maiestatem.

## ARTICULUS TERTIUS.

*Utrum omnes creaturæ Deum esse & existere conclament.*

### CONCLUSIO

Omnes creaturæ Deum indigitant.

**E**FFECTUS quicumque sursum indigitat causam : igitur omnis creatura eatenus Deum esse conclamat, quatenus ejus est esse.

effectus . Ex hoc principio Salomon , Sap. 13. 6. Dei optimi deducit existentiam : *A magnitudine* , inquit , *speciei & creaturae* , cognoscibiliter poteris horum Creator videri . Hoc ipsum prædicat Apostolus Rom. 1. 20. his verbis : *Invivibilia ipsius a creatura mundi* , per ea quæ facta sunt intellecta conspiciuntur , *semper æterna quoque ejus virtus & divinitas* . Entis supremi existentiam eloquitur , explicat & detegit Cæcilius ipsum : „ Vide , inquit eleganter Minutius Orlavius , quam late tenditur , „ quam rapide volvitur , vel quod in noctem astris distinguitur , vel quod in diem sole lustratur : jam scies quam sit „ in eo summi moderatoris mira & divinitas liberatio . Vide annum , ut solis ambitus faciat , & mensem vide ut luna „ autu , senio , labore circumagat . Quid tenebrarum & luminis dicam recurantes vices , ut sit nobis operis & quietis alterna reparatio ? „ Cæli igitur vere , ut ait Psalter Regius , enarrant gloriam Dei ; quicumque ergo intueris cælestes globos , facere Deum esse : attende quomodo sydera per statutas motuum periodos , indefessa vertigine , & admirabili cum celeritate ab ortu properent in occasum , vicissitudinesque anniversarias constantissime conficiant . Optimo jure olim mirabundus in has erumpebat Augustinus voces lib. 1. de gen. ad lit. cap. 11. „ Pulchrum est cælum , sed pulchrior est fabricator cæli , sed video cælum , inquis , & illum non video ; oculis enim habes „ ad videndum cælum , cor nondum habes ad videndum fabricatorem cæli . Immo tanta est cælestis orbis pulchritudo , ut referente Scriptura , Sap. 13. v. 3. *Aut gyrum stellarum , aut solem & lunam , rectores orbis terrarum Deos putaverunt Idololatra* : illorum tamen cæcitate Sapientis sic increpat ibidem : *Quorum si specie delectati , Deos putaverunt : sciant quanto his dominator eorum speciosior est . Speciei enim generator hæc omnia constituit .*

Nec fileat ipse terra : quid urbium splendor , camporum amœnitates , plantarum viror , decor florum qui veluti astra terrestria , veluti telluris stellæ odoriferæ , colorum varietate , odoris suavitate , nitore foliorum mundum hunc exornant , nisi suavissima vox terræ rectorem prædicans ? Quid loquar , inquit Minutius , apte disposita recta montium , collium flexa , „ porrecta camporum , quidve animalium loquar adversus se se tutelam mul-

„ tiformem , alias armatas cornibus , alias „ dentibus leptas & fundatas unguis , & „ spicatas aculeis , aut pedum celeritate „ liberas , aut elatione pennarum ? „ Jam vero illud plenum admirationis & prodigii instar est , terræ hunc globum cum aquarum circumfusa congerie , in medio sic suspensum esse , ut neque fursum nitatur , neque deorsum fidat , sed perpetuo & stabili libramento medium semper teneat ; & ex hoc capito unius numinis existentiam regius Psalter colligit . Psal. 103. *Qui fundasti terram super stabilitatem suam* , dicebat Deo : sic quoque Job reprehendens Baldad , ait de Deo cap. 26. *Appendit terram super nihilum* : illud quoque Prophetis verbis Isaias c. 40. *Quis appendit tribus digitis molem terræ , & libavit in pondere montes & colles in statera ? quis adjunxit spiritum Domini ?* die igitur quicumque vivis , quicumque oculis talia lustras , supremam debere esse rationem , ejus imperio hæc condita fuere , ejus nutu gubernantur .

Nonne mundi rectorem & auctorem restatur aeris elementum , ejus benigno delectamur halitu , ejus aura spirabilis vitam fovet , ejus agitatio ventos gignit , in ejus ambitu grandio , nix , glacies , pluvia , & spiritus tempestatis generantur , nam , ut præclare ait Augusti. lib. 3. de gen. ad lit. cap. 10. „ Aer motus , ventos , & vehementius concitatus etiam „ ignes & tonitrua , & contractus nubila , & conspissatus pluviam , & congelantibus densioribus nebulis grandinem , & dissensus serenum facit , „ occultis imperiis , & opere Dei a summis ad infima universa quæ creavit administrant . „ Ergo qui favente illius elementi afflatu respiras , in Deum illius parentem animum converte .

„ Mari intende , hæc sunt Orlavii verba „ ibidem , lege stringitur . . . aspice Oceanum , „ rediit reciprocis aestibus : vide fontes , manant venis perennibus : fluvios „ intueri , eunt semper exercitiis lapsibus , „ & exclamabis mirabiles esse elationes maris , & mirabilem in altis Dominum . Etenim inquire & interroga quis mari arenam tanquam ultima poluit moenia quæ nusquam transgreditur , & subito cum Job prophetante dices , cap. 26. Deus est qui terminum circumdedit aquis ; usque dum finiantur lux & tenebræ . . . infortitudine illius repente maria congregata sunt . Non referam diversa prope piscium genera ; innu-

innumera quæ alit Pelagus in sinu suo; non depingam feris agitatum fluctibus; non placidis constitutum undis; dicam tantum dominantem potestati maris, mare annuntiare.

*Ignis* suo modo indigitat Dei ut auctoris naturæ existentiam. Et vero miris donatur proprietatibus, aspectu delectabilis & ut plurimum suavis, lucens & ardens; virtute magnus, & fortitudine terribilis, cui omnia alia corporalia cedunt, dissipans ferrum, metalla comminuens, consumens lapides, in ipsa terræ penetralia pervadens ut æris candorem, argenti nitorem, fulgorem auri procreet. Adest arboribus, adest & plantis, ut benigno calore semina veluti exciet: quid plura? Suavi scintillarum emissionem hybernæ mitigat frigus, cibos coquendo parat, si in tonitrua mutatus, toto personat athere: his & aliis similibus portentis & effectibus universis Conditoris & gloriæ enarrat & existentiam prodit.

*Jam vero*, quid dicam de mineralium vi & virtute? quid de plantarum efficacia ad vitam hominis vel fovendam, vel etiam reparandam? quid de naturæ phenomenon mirabilibus? quid de nive, de glacie, de spiritu procellarum; quas quidem creaturas Deum annuntiare ita compertum habebant pueri sancti fornacis Babylonice, ut etiam eum benedicere assererent. *Benedicite* inquit, *omnia opera Domini Domino, laudate & superexaltate eum in secula.*

*Eundem* annuntiant & benedicunt aves cæli. Quæ industria in nidi fabricatione? quæ vigilantia, qui animus & ad nutriendos & ad defendendos pullos? eum utique & esse prædicant bestię campi & sine fine benedicunt. Benedicit rugitus & fortitudo Leonis; benedicic magnitudo & genium Elephantis; benedicic bellicosus equus; benedicic suo blandiens hero canis; benedicic ingeniosa apis; benedicic & formica prudens: *Interroga*, inquit S. Job, cap. 12. 7. *jumenta & docebunt te, & volatilia cæli, & indicabunt tibi: loquere terræ, & respondebit tibi, & narrabunt pisces maris. Quis ignorat quod omnia hæc, manus Domini fecerit?*

*Verum* inter cæteras creaturas sublunares Deum esse luculentius prædicat homo. Ipsa præcipue formæ nostræ pulchritudo Deum fatetur artificem, inquit Osa-  
„vius, status rigidus, vultus erectus, oculi in summo, velut in specula consti-

tuti, & omnes cæteri sensus velut in arce compositi. Longum est ire per singula; nihil in homine membrorum est, quod non & necessitatis causa sit & decoris: & quod magis mirum est, eadem figura omnibus, sed quædam unicuique lineamenta deflecta, sic & similes universi videmur, & inter se singuli dissimiles invenimur. Hæc autem vultus vocisque diversitas quæ in hominibus advertitur, nullius alterius, quam divini numinis effectus esse potest, cum ad hoc inducta sit, ut injuriæ caveatur, & justitia conservetur: etenim si universi ejusdem essemus frontis & vultus maxima rerum omnium perturbatio facile nasceretur. Utinam tu Athei qui Dei existentiam negare non erubescis, Beatum Augustinum audires, dum istam vultuum diversitatem miraculum appellat lib. 25. de civit. cap. 8. „Surgat Atheus, inquit, atque mihi, si possit, respondeat, quot in corpore humano diversi motus, quot nervi, quot ossa, quot venæ, quot arteriæ, quot humores; & explicet quomodo solus homo omnia consideret, discernat, judicet: quomodo præterita fideliter teneat mente, quomodo in intellectu suo omnes creaturas contineat, & in eo totum mundum depositum habeat; enodet hic divinitatis insimulatores quis creaturas omnes hominum usibus subjecerit, adeo ut alterius numinis instar esse videatur. Profecto qui his perspetis mundi rectorem ens supremum agnoscere renuit, aut insaniam laborare, aut cæcitate maligna detineri dicendus est.

*Ita & per Angelos*, nisi forsitan aliquos esse ausu temerario contestari volueris, divinitatem levi negotio investigare poteris. Tanta est illorum species, ut Abrahamus credentium pater, poplite flexo eos adoraverit, tanta nostrum cura ut Loth ex Sodomorum incendio liberaverint; tanta fortitudo, ut unius noctis spatio Angelus exterminator, Aegyptiorum primogenitos trucidaverit, ut Sennacherib Jerusalem obsidente & blasphemante omnipotentem, nocte veniens Angelus Domini percussisset in castris Assyriorum centum octoginta quinque hominum millia; tanta mansuetudo ut Eliam deficientem, ut mæstum Daniele Angeli recreaverint; tanta charitas, ut juniorem Tobiam longum per iter Raphael custodierit; tanta scientia, ut legem Moysi in monte Angulus

disceverit . Populo fideli ubique præsto sunt Angeli , Israël per aspera vagantem deserta præcedunt & custodiunt . Machabæos pro lege Dei certantes in certamine corroborant .

*Viduarum & pupillorum sacra deposita & victualia audacem adversus Heliodorum Angelos tueri , ipse sacrilega palam confessus est .* Petrum tertio in carcere propter Christi fidem detentum , superno circumvolutus lumine Angelus liberavit . Joanni Evangelistarum aquilæ , quæ futura sunt in consummatione sæculi detexit . Ipse administratorii spiritus nobis adsunt , peregrinantur nobiscum , comitantur domi , comitantur foris , a periculis tentationum , itinerum , latronum nos eripiunt . Jam anxius expositulo , quis Angelos creaverit , creatos ornaverit , ornatos ad nostram adhibuerit custodiam ; certe præter omnipotentem Deum , quem dixeris non conspicio .

*Quid memorem cæteras Angelorum doctes ? quid merita ? quid virtutem mirabilem quæ per omnia & Dei magni existentiam , & ejusdem enarrant gloriam ; amore Creatoris flagrant , hinc & Seraphim quidem appellantur : illuminati a Deo omni pollent scientia , unde & nonnulli præclari Cherubim nomine donantur . Deo pleni ipsum prædicant , & prædicando veluti portant & transmittunt ad homines : hinc & thronorum appellatione insigniuntur : nullius aut viti , aut peccati servi facti sunt , & ideo dominationes vocantur ; & sic de cæteris .*

*Ordo mundi mirabilis nec tacet Deum esse .* Mundus ipse , inquit August. l. 4. de civit. Dei c. 4. "ordinatissima suam unitatem , stabilitatem , & mobilitatem & visibilitatem , omnium pulcherrima specie , quodammodo tacitus , & factum se esse , & nonnisi a Deo ineffabiliter atque invisibiliter magno , & ineffabiliter atque invisibiliter pulchro , fieri se potuisse proclamât ."

*Unio & partium mundi concordia Deum existere probat .* Ita Athanasius lib. contra Gentes , pag. 31. his verbis : "Fieri non posset ut ista omnia invicem confligant , & contraria in unum se se agerent , nisi præstantior aliquis esset , & summus moderator ac Dominus , qui ea sociaret , cui & elementa ipsa , velut hero famuli ad nutum obtemperarent & cederent . . . . Necessè est cogitari aliquem , animoque percipi Do-

minum qui in unum omnia ista coegerit ac devinxerit , atque ad societatem & concordiam adduxerit ; qui tametsi non videtur oculis , ex ordine tamen & dissidentium invicem rerum , ac sibi multum adversantium colligatione cognoscitur ."

*Ipsa natura omnium parens Dei existentiam , suos producendo effectus omnium prodit Creatorem , ait Lactantius .* "Natura , qua dicitur orta esse omnia , si consilium non habet , efficere nihil potest : si autem efficiendi , aut generandi potens est , habet ergo consilium , & propterea Deus sit , necesse est ; nec alio nomine appellari potest ea vis , in qua inest & providentia exogitandi , & solertia , potestasque faciendi : melius igitur Seneca omnium Stoicorum acutissimus , qui vidit nihil aliud esse naturam quam Deum ; ergo inquit , Deum non laudabimus , cui virtus naturalis est , nec illam didicit ex ullo ? Idem libro de ira Dei c. 10. dicit : "Natura quam veluti matrem esse rerum putant , si mentem non habet , nihil efficiet unquam , nihil molietur , ubi enim non est cogitatio , nec motus est ullus , nec efficacia ; si autem suo consilio utitur ad incipiendum aliquid , ratione ad disponendum , arte ad efficiendum , virtute ad consummandum , potestate ad regendum & continendum ; cur natura potius quam Deus nominetur ?"

*Ergo si apertis oculis Atheus mundi hujus aspectabilis fabricam & ordinem contemplet , nisi pecudibus ipsis stolidior sit , Deum unum illius machinæ architectum opificemque universorum fateatur necessum est : quid aliud innuit , coelorum motus , syderum fulgor , elementorum virtus , animalium vita , hominis ratio , Angelorum species , plantarum viror , fructuum diversitas , fluminum & fontium perennis decursus , Oceani fluxus & refluxus , imperturbata tempestatum successio , perpetua dici nostrisque revolutio , nisi summum gubernatorem , nisi sapientissimum auctorem , qui immotus cuncta moveat ?* Exclamet igitur omnis caro , Benedicite omnia opera Domini Domino .

*Hæc omnes rationes compendiose , sed eleganter explanat Tertullianus l. 1. adversus Marc. pag. 439. edit. Paris. ann. 1634. "Ad humilia inquit , deficiam , unus , opinor , de seipibus foscules , non dico de pratis ; una cujuslibet maris*



conchula, non dico de rubro; una traonis pinnula: taceo de pavo, fordinum artificem pronuntiabit tibi Creatorem? at cum & animalia invides minutura, quæ maxime artifex de industria ingenii aut viribus ampliavit: sic magnitudinem in mediocritate probari docens quemadmodum virtutem in infirmitate secundum Apostolum, imitare si potes, apis artificia, formicæ stabula, aranei recta, bombycis flamina: sustine si potes, illas ipsas lestuli & togatis tuæ bestias, cantharides venenæ muscæ spicula, culicis & tubam & lanceam. Qualia erunt majora, cum tam modicis aut juvaris, aut læderis, ut nec in modicis despicias Creatorem? Prostreto te tibi circumfer, intus ac foris considera hominem: placebit tibi vel hoc opus Dei nostri, quod tuus Dominus ille Deus melior adunavit, propter quem in hæc paupertina elementa de tertio cælo descendere laboravit; cujus causa in hac cellula Creatoris etiam crucifixus est, sed ille quidem usque nunc, nec aquam reprobavit Creatoris, quæ suos abluit; nec oleum, quo suos ungit; nec mellis & lactis societatem, quæ suos infansat; nec panem, quo ipsum corpus suum repræsentat.

#### *Diluntur Atheorum objectiones.*

**Obijciunt.** Si daretur Deus, foret omnipotens ad mala propellenda vel etiam impedienda, sapiens quippe ad cuncta tum dirigenda, tum bene facienda attendit, maxime præcipua, nobiliora & eminentiora opera: atqui hoc non apparet in mundo: igitur Deum existere non conclamant creaturæ. Major patet, Probatum minor. Sol & luna inter sydera eminentissima quandoque patiuntur eclipses, nec semel alterationes & corruptiones annotatæ sunt in cælis. Videtur igitur sapientiam & omnipotentiam in mundo non recludere ad propellendum malum.

**Respondet 1.** Omnia suis ferri ponderibus, & quodlibet ens sibi convenientia habere: omnipotentia igitur & sapientia Dei in omnibus relucet operibus: quis enim aut hominum, aut Angelorum non dicam lædere, sed comprehendere potest quantæ sit virtus Dei in factis? cogitare quippe de arte & sapientia divina sensus est consummatus, inquit Salomon, sap. 6: 18.

**Respondet 2.** negando minorem: ad pro-

bationem, distinguo. Sol & luna patiuntur eclipses per concursum & interpositionem alicujus corporis inter nos & illa sydera, nempe per interpositionem terræ in eclipsi lunæ, per interpositionem vero ipsius lunæ in eclipsi solis, concedo: per maculam intrinsecam, & alterationem in ipsis realem, nego. Cæli secundum communem opinionem sunt incorruptibiles, & dato quod corruptioni subicerentur, non minus tamen appareret omnipotentia Creatoris, qui omnia immotus movet, qui opera tametsi vicissitudini & alterationi obnoxia, ineffabili tamen conservat providentia; cum vero summæ adversatur bonitati permittere, creaturas etiam nobilissimas quandoque deficere, ut sublimitas sit Dei.

**Obijciunt 2.** In rerum natura nonnumquam monstra conspicimus: non pauci etiam inter homines ab ipsa nativitate sunt aut claudi, aut cæci, aut gibbosi: sed si cuncta summæ subacerent Providentiæ, illos & similes defectus supremum numen avertere deberet: ergo, &c.

**Respondet 1.** Monstra esse veluti miracula Dei existentiam mirum in modum conclamantia, quatenus supremi omnipotentiam numinis cuncta ad nutum suum immutantis indigant. Ita scribit Augustinus l. 21. de civit. Dei c. 8. his verbis: "Sicut ergo non fuit impossibile Deo quas voluit influere, sic ei non est impossibile, in quidquid voluerit, quas instituit mutare naturas, unde illorum quæque miraculorum multitudo silvescit, quæ monstra, ostenta, portentosa, prodigia nuncupantur: quæ recollere & commemorare si velim, hujus operis quis erit finis?"

**Respondet 2.** distinguendo. Multa sunt in natura monstra, plurima in individuis imperfectiones per accidens & defectu causarum secundarum, concedo: defectu causarum primarum, nego: Vidit Deus cuncta quæ fecerat & erant valde bona, ut legitur Geneseos 1. Enimvero unicuique tribuit necessaria; tum ad operandum, tum ad vivendum: tribuit cuilibet creaturæ illud quo, & essent, & conservarentur. Dedit virtutem, rebus quidem inanimatoris, quæ versus centrum moverentur, arboribus, quod suos innatis viribus producerent fructus. Tribuit animalibus instinctum & cognitionem, hominibus rationem & liberum arbitrium, Angelis intelligentiam perfectissimam: si quidam voluiscut aut claudus,

cus, aut mutilus; non inde affirmandum universi conditorem & moderatorem deficere, cum potius illa ipsius providentiam astruant: cujus ratio est, quia & quæ perfecta sunt, absque agente perfectissimo, perfecta evadere nequeant; quæ vero imperfecta, absque aliquo fine nequeant esse; alioquin nihil essent; sed finis ille nullus esse potest, nisi Creatoris gloria, cui ea ita disponi complacuit, ut orbis pluchritudo ex hac diversitate magis ac magis eluceret, quemadmodum ex umbris, fulgidus tabellæ color oculis suavior & sit, & apparet. Cæterum causa secunda modificat & sibi attemperat causæ primæ influxum; unde effectus assimilatur secundo, nusquam vero primo motori, similiter & defectus, qui quidem nusquam contingit nisi deficiente causâ secunda. Quod isto potest illustrari exemplo a sancto Thoma non semel laudato. Quidquid est gressus, inquit, in tibia claudicantis, hoc ipsum totum a virtute tibie concessa prominat: quidquid vero defectus, & a creatura est, & ab infirmitate.

*Obijciunt iterum.* Multæ sunt feræ ad nocendum ut plurimum paratæ, veluti leones, tigres, serpentes: sed quod nocivum est, Deum optimum maximum non habet auctorem; ergo, &c.

*Respondeo* distinguendo majorem. Feræ sunt ad nocendum paratæ: per accidens, concedo: primario & per se, nego. Quærunť escam ut vivant; unde si deficiat, quandoque venatione, parant sibi cibos, quod summam arguit in conditore sapientiam. Cæterum, leones, tigres, similesquæ feræ non nocent homini, nisi vel fame premantur, vel minis aut verberibus laessitæ irritentur. Quid mirum si tunc fremant dentibus, si dilacerent insidiantes? nocent igitur tantum secundario & per accidens, & hoc in pœnam peccati; scriptum est enim Sap. 5. 21. *Pugnabis cum illo orbis terrarum contra insensatos.*

*Opponunt 4.* Cuncta pereunt, solvuntur imperia, homines etiam sanctissimi moriuntur: atqui, inquiunt Athei, si Deus esset, profecto tantos deberet impedire defectus; enimvero artifex gloriæ cupidus, opera sua, dum potest, in ævum perpetuum conservat, &c.

*Respondeo* distinguendo. Et Deus, alia, eaque perfectiora producere potest, concedo: & non potest, nego. Mundum Deus multiplicatione individuum conservat: quinimmo perpetuus rerum ortus

& interitus, supremi numinis potentium mirum in modum testatur, juxta illud Psalmi 102. *Initio tu Domine terram fundasti: & opera manuum tuarum sunt celi, Ipsi peribunt, tu autem permanens: & omnes sicut vestimentum veterascent, & sicut operitorium mutabis eos, & mutabuntur; tu autem idem ipse es, & anni tui non deficient.* Gloriorum est quidem agenti creato opera facere quæ diu perseverent, hoc quippe arguit ejus & scientiam & potentiam; cum enim virtutem habeat finitam homo, ex soliditate operum colligitur & artificis fortitudo; at vero Deus essentialiter in omni virtutum genere infinitus est, a se omnipotens & omnia, unde parum interest utrum creata pereant & cito labantur.

*Obijciunt 5.* Quæcumque sunt, ut vani prorsus habentur juxta illud Ecclesiæ 1. *Ece universa vanitas & afflictio spiritus:* sed si Deus foret universorum artifex & gubernator, jam cuncta nec vana, nec afflictio mentis esse deberent; nihil enim vanum a supremo numine prodire potest; ergo, &c.

*Respondeo* distinguendo. Quæcumque sunt in mundo ut vana habentur, idest, nec satiant hominem, nec beatum reddunt, concedo: idest, sunt mala, nego. Cuncta quæ fecit Deus bona, immo & optima censentur; verum non ideo finem ultimum in his statuere aliquis debet; dato enim quolibet bono, novum inhiat mortalis homo, quippe qui appetitum ad bonum infinitum & incommutabile habeat; unde Augustinus apprimè dicit, *Quidquid Deo minus est, explere non potest.* Enimvero si divitiis appetis, omnes thesauri sapientiæ & scientiæ in eo sunt: si potentiam, solo verbo facit & restaurat universa: si vitam, ipse est Sanctorum omnium & felicitas & gloria. Hoc ipsum prædicat Ecclesiastes, unde ut hominem in solo Deo quiescere doceat, ait: *Vanitas vanitatum, & omnia vanitas;* hoc est, creaturæ omnes relative & comparative ad Deum, aut nihil, aut parum sunt: hinc si quis passione ductus, eas ut beatitudinem, vel appetat, vel habeat, contritio & infelicitas cito aderit, nec viam pacis ulquam tunc cognoscat.

*Insunt ibidem c. 3. 16.* habetur: *Vidi sub sole in loco judicii impietatem, & in loco justitiæ iniquitatem;* rursus cap. 4. 1. *Verti me ad alia, & vidi calumniam, quæ sub sole geruntur, & lacrymas innocentium,*

Et neminem consolatorem : nec posse resistere eorum violentiæ, cunctorum auxilio destitutos : sed tot & tanta mala, quibus homo etiam iustus nonnunquam subicitur, Deum esse prorsus abjudicant ; enimvero si daretur supremum numen, nedum ea propelleret mala, sed & adoriri totis viribus præpediret ; ergo, &c.

Respondeo cum D. Jacobo Deum intentatorem malorum esse ; unde distinguo ; multa videntur sub sole mala, impietas magna, major & iniustitia, & hoc cedit in bonum pro iustis & innocentibus, concedo : & non cedit, nego. Tob. 12. 13. Quia acceptus eras Deo, inquit Angelus Raphael Tobix, necesse fuit ut tentatio probaret te ; unde B. Augustinus, tract. in Psal. 54. ad primum versum ait : " Omnis malus aut ideo vivit ut corrigatur, aut ideo vivit ut per illum bonus exerceatur. "

### SYNOPSIS PROBATIONUM.

*Omnes creature Deum esse conclamant.*

**PRIMO**, Quia ex Apostolo, Rom. 1. *Invisibilia ipsius a creatura mundi per ea que facta sunt, intellecta conspiciuntur.*

**Secundo**, Hoc ipsum dicit ordo mundi mirabilis.

**Tertio**, Hoc ingeniosa in omnibus natura prædicat.

### SYNOPSIS SOLUTIONUM

#### AD OBJECTIONES.

**PRIMO**. Videmus quidem in rerum natura defectus : sed in causam secundam, nusquam vero in primam refunduntur.

**Secundo**. Videmus & mala ; sed esto positiva sint a Deo in vindictam malorum, ac non privativa.

**Tertio**. Videmus utique cuncta aut corruptioni, aut interitui subiacere : sed & hoc ad pulchritudinem universi accedit, ut contraria juxta se posita magis elucescant ; unde & ipsa perditio Deum esse & existere conchamat, quatenus omnium & Dominum & Dominatorem indigitat.

## ARTICULUS QUARTUS.

*Utrum omnis generis ratio dicat Deum existere.*

**Q**UINTUPLEX distinguitur ratio, nimirum ; Physica, Metaphysica, Moralit, Mathematica, & ea quæ ex consensu universi exurgit. Prima, ex rebus Physicis & creatione sumitur. Metaphysica, ex necessitate entis necessarii. Moralis, ex gubernatione & ordine. Mathematica, ex Astronomia, Geometria, aliisque scientiis. Quinta, fundatur in mutuo creaturarum consensu.

### CONCLUSIO.

Omnis generis ratio dicit & probat Deum esse & existere.

### RATIONES PHYSICÆ

**P**RIMA sic exponitur. Si non datur Deus a quo sint omnia, mundus & materia non sunt creatura, sed sunt a se ipsis & ab æterno : atqui implicat mundum & materiam non esse creati, esse a se-ipsis & ab æterno ; ergo datur Deus a quo sunt omnia. Major pater : omne enim quod est, vel est a se-ipso, vel ab alio. Probatur minor ex Damasceno, qui l. i. sic discurret : " Omnia quæcumque sunt, vel creata sunt, vel increata : quod si creata sunt, omnia sunt mutabilia ; quorum enim esse a mutatione cæpit, hæc mutationi erunt plane subiecta, sive corrumpantur, sive voluntate mutantur. " Si increata sunt, ex consequentiæ ratione prorsus immutabilia sunt : nam quorum esse contrarium est, iis certo modo esse, contraria ratione convenit quæ sunt proprietates. Quis igitur non assentietur omnia quæ sunt, non modo quæ sub sensu nostrorum cadunt, verum etiam & Angelos variari atque mutari, ac multis modis moveri atque converti ?

**Secunda** est : Si non detur Deus fons omnis intelligentiæ ad omnia ordinanda, ipsa materia, cui omnia tribuunt Athei, aut erit spiritus, aut omnia sine mente, sine consilio & ordine fient : atqui implicat materiam esse spiritum, implicat illam cogitare & ordinare omnia : igitur datur Deus fons omnis intelligentiæ, a quo est opus

opus naturæ. Major vera est, non enim datur medium: & vero si non datur Deus, omnia ordinans, materia est spiritus & regulat opera mundi, vel dicendum casu & temere sine mente, sine consilio cuncta fieri: atqui hoc asserere nefas est, cum sit tantus in generationibus ordo & pulchritudo, ut opus naturæ vulgo dicatur secundum axioma opus intelligentiæ. Probatur minor quoad utramque partem. 1. Quidem: quis sanæ mentis dicit materiam spiritum, & cogitare? cum sit pura potentia, quæ partes de se immotas, extensas in longum, latum, & profundum habet: si enim cogitat, jam non est materia, sed aliquid excellentius; nimirum, spiritus & mens: cogitatio enim de re spirituali est a materia Physica independens: quis etiam dicit omnia fieri absque consilio? cum cuncta etiam contraria confluant ad unitatem, & totus mundus sit in ordine mirabili compositus, inquit Lactantius, lib. 2. cap. 8. Igitur datur Deus a quo, ut a supræma intelligentia, omnia ordinata sunt.

*Tertia ratio* sic se habet: Videmus diversas in diversis creaturis perfectiones, alias majores, alias minores, alias vitales ut in arboribus, alias pure materiales ut in auro, argento, ferro, alias sensitivas ut in animalibus, alias rationales ut in hominibus: sed si non daretur Deus, creaturæ haberent a se perfectiones istas; si haberent a se, omnes similes & æquales haberent, quandoquidem forent in fortitudine pares, alias non essent a se: & tamen cernuntur modo majores, modo minores; quinimmo constat omnes habere finitas perfectiones: igitur deveniendum est ad unum supremum ens infinite perfectum a quo cuncta sumant quæ possident. Ista ratio est D. Anselmi in Monologio cap. 1. "Quæcumque dicuntur aliquid, quid, inquit, ita ut ad invicem magis, aut minus, aut æqualiter dicantur, per aliud dicantur, quod non aliud & aliud: sed idem intelligitur in diversis, sive in illis æqualiter, sive inæqualiter consideretur. Nam quæcumque dicuntur ad invicem, sive pariter, sive magis & minus, non possunt intelligi nisi ita nisi per iustitiam, quæ non est aliud, & aliud in diversis; ergo cum certum sit quod omnia bona, si ad invicem conferantur aut æqualiter, aut inæqualiter sint bona, necesse est omnia sint, per aliud bona, quod intelligitur idem

in diversis bonis." Istas & similes rationes impugnando Epicuri de mundo systema fundatus enucleabimus.

### RATIONES METAPHYSICÆ

D. THOMAS quinque hic quæst. 2. & 3. assert, quæ sic exponuntur.

*Prima* a primo motore petitur. Scimus omnia moveri: Angeli moventur ab uno loco ad alium, modo sunt in cælo, modo in terra: moventur & interni ad veritatem, nova vident quando vult Deus eis revelare mysteria. Moventur homines ad tempus: sunt hodie, mane moriuntur: moventur ad locum, ad veritatem, ad virtutem; quippe qui acquirunt nova loca, annos plures, virtutes de die in diem majores: moventur & animalia sicut & alia quælibet sublunaria: ipsis lapides moventur deorsum; ignis, sursum: sed nisi esset unus supremus motor, qui immotus omnia moveret, nihil moveretur: igitur datur Deus. Major patet: nulla enim creatura est omnia; caret igitur aliqua perfectione quam debet ab alio accipere: igitur ab alio moveri debet. Quod autem nihil moveretur absque primi motoris ope, sic probatur. Motus est aliquid novi habendum: sed creaturæ non possunt hoc ipsum sibi dare, supponunt enim & in perfectionibus finitæ; & in virtute infirmæ atque impotentes; ergo sublato primo motore, nihil moveretur: jam vero cum non detur processus in infinitum, necesse est devenire ad unum primum motorem qui sit ubique, qui sit æternus, qui plenus, qui immensus, & omnia possideat, adeoque nullo modo se movens, qui semper in actu omnium perfectionum cuncta moveat, ut creaturæ accipiant ab eo quod non habent. Hanc rationem delineare videtur Philosophus, 8. Physicorum, cap. 5. his verbis: *Utrumque dicimus movere & primum & ultimum moventium, sed magis primum: illud enim movet secundum, sed illud secundum non movet primum: & sine quidem primo ultimum non movebit: illud autem sine hoc.* Porro primus ille motor est Deus.

*Secunda* petitur a prima causa. Videmus quotidie novos in terra effectus: sed absque causâ independente, a qua cæteræ inferiores pendent, nullus esset, nullusque produceretur effectus: igitur datur causâ prima a qua cæteræ omnes causæ dependent, & est Deus. Major patet: probatur minor. Quod est in potentia

tia nequit reduci ad actum, nisi per hoc quod est semper in actu: si enim istud foret in potentia, indigeret reduci ad actum per aliud quod esset in actu, & istud per aliud in infinitum, quod non datur; dum enim omnes causæ essent in potentia, priores sicut subsequentes, omnes inanes forent, omnes inertes, ergo sine causa prima quæ sit semper in actu, & reducat alias ad actum, nullus produceretur effectus.

*Tertia* petitur ab ente necessario. Cuncta esse contingencia nullus ambigit; corruptio enim unius est generatio alterius; quæ sunt hodie, mane sicut scænum arciscunt: sed nisi daretur ens supremum, absolutum in se & necessarium, quod sit a se & a quo sint cætera, nihil esset: igitur datur ens supremum, a se independens & necessarium. Probatur minor. Entia contingentia subordinantur uni enti primo & necessario a quo habent esse, quandoquidem non sunt a se: alias daretur processus in infinitum, illudque profus absurdum; ergo nihil esset nisi daretur illud supremum necessarium: igitur datur, & est Deus.

*Quarta* petitur ab ente quod sit summum bonum, a quo creaturæ sint magis vel minus bonæ, secundum quod magis vel minus participant de ejus bonitate: cum enim sint inæqualiter bonæ, debet dari summum bonum a quo quodlibet ens sit bonum, aliis quælibet creatura esset bona, esset a se & infinita. Ista ratio explicata est supra; illud autem supremum bonum est Deus.

*Quinta* petitur ab uno supremo Gubernatore. Opus naturæ est opus intelligentiæ: sed flos, v. gr. non dirigit colores suos, animalia generationes suas: igitur agnoscendus est supremus artifex qui ordinat omnia, & est Deus. Hanc etiam rationem supra delibavimus.

Ex his quinque demonstrationibus probantur attributa divina. Ex immobilitate primi motoris probatur Dei immutabilitas, ex qua deducitur immensitas & æternitas: qui enim est omnia, est ubique & semper absque ullo profus labore. Ex ratione primæ causæ efficientis oritur omnipotentia circa creaturas; ex hoc quod Deus sit ens a se & necessarium, sequitur in eo omnis perfectio, sequitur bonitas, immaterialitas & ratio actus purissimi. Ex hoc quod sit primum & maximum ens, colligitur ejus simplicitas & omnis perfe-

ctionis mira plenitudo; inde etiam sequitur Deum incorporeum esse, infinitum, actum purissimum & super omnia. Ex hoc quod sit supremus Gubernator, ejus ostenditur sapientia, providentia, justitia, misericordia, summus erga creaturas amor. Quid plura? cæteræ perfectiones quæ in regimine universi collucunt; demonstrantur.

## RATIONES MORALES.

*PRIMA.* Homo factus est propter beatitudinem; ad hanc enim tendit, & illam quærit, felix si eam, ubi est, inquirat: sed appetitus ipsius ad beatitudinem frustraneus foret, nisi daretur Deus: igitur datur. Probatur minor. Nulla creaturæ, nullumque bonum finitum & creatum satiare potest hominem. Date thesauros, crescit ipsius fames: addite honores, reputat vanitatem; jungite scientiam, videt & experitur afflictionem spiritus; quidquid, inquit Augustinus, summo bono & Deo minus est, explere hominis appetitum non potest: igitur appetitus ad beatitudinem foret frustraneus, si non daretur Deus. Et vero si summum dari bonum negatur, homo fieri beatus nusquam poterit.

*Secunda.* Dari debet vindex supremus scelerum; etenim æquum est & justum, ut crimen puniatur, ne subvertatur ordo universi: hinc res ipsæ inanimatæ malum horrent, & mare ejicit sordes ad littora: sed nisi datur Deus, non erit qui frangat iniquitatem: quis enim hominum magnatibus resistere potest? Dominantur omnibus Principes, & tamen quot mali fuere? quot inter homines peccatores excreandi? quot etiam pecunia, fraude, potentia, subtilitate, aliisve modis sua vel obtegunt, vel defendunt crimina? Iudices aut ignari, aut imbecilles, aut infirmi sunt; omnes peccatores: quomodo igitur justum judicabant judicium? Igitur requiritur supremus Iudex qui sit oculatissimus, qui fortissimus; qui potentissimus, qui sapientissimus; & est Deus, qui quidem ita justus est, ut ipsas hominum justitias iudicet, & appendat in satera, inquit Propheta, ut reddat unicuique vel præmium pro bonis, vel penam & supplicium pro malefactis.

*Tertia.* Inter duas opiniones de re maximi momenti, probabilior & tutior in praxi sequi necesse est: sed qui non credit Deum esse, omnia supremo exponit di-

discrimini; supposito enim quod detur Deus, actum est de Atheo pro aeternitate: qui e contra agnoscit Deum esse & existere, supposito quod non esset, nec infeliciores foret, sed beatissimus, si constet: igitur credendum est Deum esse: maxime cum omnes mundi Nationes eum agnoscant, licet in assignanda Dei natura non conveniant.

### RATIONES MATHEMATICAE.

REVERENDUS admodum Pater Merfennius ordinis Minimorum, quondam celeberrimus Theologus, & in Mathematicarum peritia nulli secundus, librum in Genesim egregium adversus Atheos elucubravimus; in quo quidem existentiam Dei sine fine optimi & maximi, non minori pietate quam scientia, rationibus ita revincit incredulos, ut non remaneant in ore eorum sedargutiones. Fusior essem si cunctas hic vellem currare, aliquas tantum referre & explanare juvat.

*Prima.* Unitas est totius numeri & principium & finis, ita ut hac sublata, evanescent omnia & nihil sunt; unitas vero est ante numerum, est intra & post numerum, ipsa deficiente non deficit, ab eo quippe independens: sed unitas sine Deo, qui sit ab unitate creata independens, nulla est: igitur datur Deus. Probatur minor. Quaecumque sunt in mundo, sine certo clauduntur numero. Merfennius noster in caput primum Geneseos versu primo, absque negotio numerat arenam, & maris, & totius terrae; ipsa unitas quae inchoat orbis numerum, est creata & producta: igitur deveniendum ad anam improductam, & ab omni, non dicam composito, sed & causa efficiente independentem, & quae sit a se: porro per Deum intelligimus ens a se a quo omnia, in quo, & per quem omnia.

Hanc rationem ex Arithmetica desumit R.P. Merfennius, ibidem ratione 16. pag. 39. edit. Paris. 1623. ubi sic loquitur: "Porro quaecumque sunt, unum desiderant, velut suum principium, quoniam primum ab eo processerunt in quod nunquam ea redirent, quae multitudine gaudent, nisi ipsa multitudine gradatim exuerent. Exurge igitur animi Christiana, illamque mysticam monadem, unitatem unitatem, simplicitatis luxuriam

tem, rerumque omnium semen, & centrum mentis intuitu fulcipe; in ea si quidem facile reperies, quae in unitate praedicta, sed & alia plura; haec enim est unitas quae mysticum concentum in mundo producens, eum ita movet & regit, ut microcosmi compages exiliendo veluti tripudiare videatur, hoc concentu stellae velut animatae choreas sempiternas ducere, quibus humani corporis consonantiae quodammodo responderent valeant. Haec est unitas quae cyphris omnibus virtutem confert, sine qua quocumque cyphras apposueris. v.g. 000000, sicque deinceps in infinitum; nihil profusus efficiunt, nisi praecedat unitas. Quid, obsecro, sunt omnes creaturae seorsim, absque Deo spectatae? tollis unitatem, tollis & omnia, quam si restituas, omnia redeunt."

*Pergit ibidem.* "O quantum est unitatem e rebus tollere, cum nulla sit alia miseria, praeter unitatis privationem, nulla felicitas, nisi cum Deo unitatem habere, & unum esse, quae omnia, pro ut ad profectum animae, ac vitam religiose, tranquilleque degendum attinent. Unde vero putas haec omnia unitatem arithmetica, nisi dependent ab unitate divini habere, a qua sunt, quaecumque sunt? quare nihil penitus excogitari, nihilque subsistere potest, nisi unitatem habuerit: expropter Deum, qui est unitas suprema, quibuslibet ita praesens adest, ut sine eo nihil esse, nedum excogitari possit; quomodo enim quidquam excogitabis, nisi praesentissimus sit, qui tibi dat unde cogites."

*Secunda* ratio ex Geometria petitur, sicut enim Arithmetica computat numerum & ad eum ascendit, unde omnis unitas, ita & Geometria mensurat litudinem, longitudinem & profunditatem, donec perveniat ad id quod profundissimum, & est Deus: igitur sic argumentor. Circulus est figuratum omnium perfectissima a ceteris independens figuris, ceteras continens & limitans, ipse vero illimitatus, lineas omnes in centro suo mirabiliter adunat: sed & hoc Deum indigit; & probatur. Omnium Deus continens perfectiones: ab ipsis omnia, ad illum ut ad centrum redeunt omnia: cuncta ejus cedunt gloriae. Unde habebimus omnium creaturarum concentum? unde in perfectionibus figuram seu harmoniam? unde centrum & quietem, nisi ascendamus ad eum qui immotus omnia

nā movet ? audimus iterum R. P. Merfennium, ratione 17. pag. 56. 57. 58.

„ Idem etiam ex Geometria probamus,  
„ non tantum quia lineæ omnes circumferentiam  
„ tangentes æqualiter distant, ut  
„ omnes creaturæ a Deo : non tantum  
„ quia circulus principio sineque caret,  
„ seque ipso contentus est, cæteris figuris  
„ non indigens, omnes comprehendens,  
„ atque superans, quæ ratione Deus omni-  
„ nia comprehendit, omniaque termino  
„ carens limitat, non tantum quia circulus  
„ est figura capacissima omnium, ad  
„ cuius perfectionem alia figura pertingere  
„ nequit, sicut nec aliquid æquale Deo  
„ esse potest : sed quia Deus instar circini  
„ videtur esse, cuius pes in centro posi-  
„ tus immutabilis cum sit, alius ad cir-  
„ cumferentiam extensus movetur ; ita ta-  
„ men, ut quidquid agit, aut describit  
„ pedi fixo acceptum ferat, qui amicitia  
„ vinculo per caput connectitur ; nunquid  
„ enim a Deo pari ratione dependent  
„ omnia tum ut sint & fiant, quam ut  
„ operentur ? omnes enim creaturas Deus  
„ immobilis movet : igitur circinus ille  
„ Deum refert, juxta id, quod in se cir-  
„ nus fixum & immotum habet : creaturæ  
„ vero sunt veluti pars mobilis ; quæ  
„ nisi Deo conjungantur, nihil omnino  
„ producere possunt, quod sit perfectum.  
„ Hinc quamdiu firmissimum divinæ volun-  
„ tatis pedem sequemur, nunquam a per-  
„ fectissima Religione Christiana, nunquam  
„ a perfectis operibus recedemus. „

„ Postea sic exclamat : „ Itaque, vir Chri-  
„ stiane, si tuis in actibus iustus, & per-  
„ fectus esse volueris, respice centrum,  
„ vide immutabilem divini numinis volun-  
„ tatem, vide scientias omnes, ut ratio-  
„ nes atque media, quæ te ad Dei cogni-  
„ tionem adduceant, atque charitatis ardo-  
„ re voluntatem inflammant tuam, teque  
„ ad æternitatem circulares, in qua cen-  
„ trum est ubique, circumferentia nus-  
„ quam, cito perducant. Quod si proprietates  
„ circuli atque sphaeræ penitus intuearis,  
„ mira profecto reperies, quæ te ad inci-  
„ fabilia divini numinis attributa, seu per-  
„ fectiones suscipiendas evehant. Est ergo  
„ Deus indivisibile centrum, cuius irra-  
„ diatio in omnium rerum peripheriam ex-  
„ tenditur ; est circulus omnes angulos crea-  
„ turarum perfectissime comprehendens ; ut  
„ enim circulus polygonam infinitam, ita  
„ Deus infinitas creaturas continet, quæ  
„ si nunquam omnes simul producat e-

„ runt, ita nec omnes anguli producuntur  
„ unquam, quos circulus amplectitur ; ut  
„ enim aliqui Philosophi timent, ne si  
„ creaturæ infinitæ essent, Deus ipse fie-  
„ rent ; ita Geometræ putant figuram po-  
„ lygonam in circulum versam iri, si angu-  
„ los habuerit, &c. . . Multa sunt Geo-  
„ metriæ principia, multæ propositiones,  
„ quæ satis offendunt aliquem auctorem,  
„ esse homine doctiorem, qui hæc invenie-  
„ rit, & homines docuerit. „

„ Tertia ratio, quæ multis alias continet,  
„ petitur ex scientiis, ex artibus tum libe-  
„ ralibus, tum mechanicis ; & vero scientiæ  
„ concludit semper ad veritatem : ars ad  
„ eandem in praxi reducendam : mechanice  
„ ponderum moles cum virtute parvæ  
„ modo sursum, modo deorsum movent :  
„ omnes nihil aliud sunt præter mentis ideis  
„ expressis : mens vero Deum a quo omnia  
„ sumit, & habet, & indigat : ubique  
„ contentus a prima & improducti ratio-  
„ ne, quæ solo verbo cuncta creavit &  
„ fecit.

„ De cunctis fusus est sermo apud Merfennium,  
„ de musica, de harmonia, tum ven-  
„ tis, tum arte producta, ibidem pag. 77.  
„ sic loquitur : „ Verum enim vero nusquam  
„ illud contingere arbitror, præsertim si  
„ de perfecta harmonia loquamur : quod  
„ sicubi sit, id in venti atque rupium,  
„ antrorumque auctorem referendum est.  
„ Fatebitur ergo Atheus nusquam testudi-  
„ nis sonum & harmoniam audiri, quin  
„ sit aliquis, qui ratione atque manu, vel  
„ re alia, quæ manus subit vices, illius  
„ causa existat. Prima vero omnium cau-  
„ sa est Deus, optimus, maximus. „

„ R. P. Merfennius ibidem de mechanicis  
„ ait, ratione 10. pag. 83. & 84. „ Non  
„ tantum scientiis theoreticis ad Deum af-  
„ scendere possumus, verum etiam ex pra-  
„ cticis, inter quas mechanica non ulti-  
„ mum locum obtinet, quam si juxta suum  
„ omnem ambitum describere velim, ne-  
„ mo est qui non admiretur ; quandoqui-  
„ dem miraculorum instar ea sunt, quæ  
„ fabricat, non possumus in eam referre,  
„ quæcumque rara atque mirabilia vulgo  
„ nuncupantur. Præsertim vero de ma-  
„ chinis agit, cuius cunctas investigat, &  
„ assignat, prout rationalis est : operi au-  
„ tem manum admoveat, quatenus est chi-  
„ rurgica, cui artes tam orariæ, quam  
„ ædificatoriæ, similesque deserviant. Il-  
„ la magnarium continet, quæ, vi mini-  
„ ma, pondus maximum tollit : „ unde  
„ hæc

hæc mirabilia nisi ab auctore infinito, robusto & intelligente?

*Rationes ex omnium creaturarum consensu de promptæ.*

OPINIO Atheorum 1. singularis est; Catholica vero Nationum omnium & ipsius naturæ habet consensum. 2. Sola cupiditas negat Deum esse & existere; ratio vero honesta ultro fatetur esse & prædicat. 3. Effectus nedom terribiles sed & abominabiles ad inanem consequuntur incredulorum sententiam: hinc quippe scelerum effrænata licentia; hinc contempta virtus; hinc vitium per fas & nefas coronatum; hinc vita admodum animalis. Quid plura? hinc poenæ æternæ. Non sic profecto, non sic de cognitione & scientia Dei; veniunt certe omnia bonæ pariter cum ea, & innumeras habet honestas per manus illius, quæ qui usi sunt bene, amici Dei facti sunt, inquit Salomon. 4. Hinc tenebræ & lubricum in prima opinione, quippe quæ extinguat conscientie stimulos, erumpentes ex impetu naturæ voces nec audiat, nec capiat. Atheus noluisset intelligere ut bene aceret: at vero sapiens & prudens invisibilia Dei, per ea quæ facta sunt, facile intelligit. 5. Nulla ratio probat non esse Deum, omnis e contra hoc probat atque demonstrat, saltem a posteriori. Ergo quicunque consensus Deum esse prædicant, videlicet consensus rerum naturalium; quælibet enim, inquit Augustinus, denotat principium a quo innavit. Consensus rerum supernaturalium & mysteriorum, signis, portentis & miraculis confirmatorum, quibus quidem cedit ipsa ratio: consensus omnium Nationum: fuerunt enim inter omnium sæculorum homines, qui Deum esse agnoverunt; immo quando & Epicurei, & Pythagorici existentiam Dei inficari conati sunt, alii insurrexerunt Philosophi, qui contrarium sentientes, uti Platonici, eos impugnare non destiterunt. Consensus omnium peneluminum & facultatum hominis. Revera quidam ex oculo corporali, qui immensa in puncto videt, colligit existentiam Dei; ex imaginatione, quæ infinita rimatur, & omnium rerum sensibilem efformat imagines; ex intellectu, qui materialia immaterialiter videt, divisa, indivisibilibus; composita, simpliciter; ex voluntate, quæ illuminata a mente, nullo bono creato satiata, ad Deum ut summum bonum anhelat. Denique consensus omnium scientia-

rum, Deum existere indigitare non cessat.

Juvat per aliquas discurrere. Astronomia v. g. astrorum cursus & ordines certo demonstrare nequit, nisi tantorum globorum Deum designet auctorem. Juris prudentia leges statuit, justitiæ innixa axiomatibus, quæ profecto pereunt, si non est Deus. Et vero, si cuncta casualia sunt, & fortuita; si nulla vita aut beata, pro bonis, aut pœnalis pro peccatoribus futura est, cur passionum impetus compescere & frangere? jam furtum, homicidium, fornicatio, adulterium, & omnia promiscue vitia licita, immo & bona sunt, cum in hypothesi nulla remaneat inter vitium & virtutem discrepantia, nec unum altero sit laudabilis. Histioria dicit rerum omnium, & ipsarum artium atque scientiarum ortum, Dei vero initium nec investigare, nec referre potest; quin potius ascendit usque ad ens necessariam, ad ens a se & summum bonum, a quo omnia fluxisse constat. Moralis regulas vitæ honestæ præscribit, passiones compescere docet, & ad Deum tanquam ad ultimum finem tendit atque quiescit. Aristotelis Philosophiæ subordinationem causæ secundæ cum primæ nedom demonstrat, sed & Deum, ut unum primum mobile, scilicet Deum qui immotus omnia movet, illustrat & speculatur. Ipsa Cæthēsis Philosophia, tametsi in pluribus & nova, & ne dicam fœcata, Dei tamen existentia innititur; & vero liberam admittit electionem intelligentiæ supremæ, ejusque efficaciz materiam motum habere determinatum statuit; ita ut sine ejus ope, neque materia moveretur, neque leges mechanicæ utiles forent, quinimo totius mundi & compositio & contentus impossibilis esset. Agnoscit ille Philosophus solam primam causam posse producere cogitationem vel coeizandam principium in corpore ornatizato. Denique doctrina sensationum ad Cæthēsum, fundatur in distinctione qualitatium, seu proprietatum spiritus, a proprietatibus materie longe discrepantium.

Jam ecce conclusio, quæ ex his omnibus, veluti connaturaliter sequitur. Si omnes Nationes conveniunt Deum esse: si ratio & conscientia hoc ipsum prædicent, adversantibus licet quinque aliis sensibus, videlicet sensum exteriorum, qui quidem divinitatem percipere non valent; imaginationis, quæ eam aut capere, aut delineare nequit; præventio-

rum rationis corruptæ, quæ illusa & a sen-



senſibus, & a vitiis, contrarium judicare ſatagit; paſſionum quæ ſibi indulgentes, nequidem Deum, qui earum frangat imperpetus cogitare ſunt: proſeſto dicendum eſt contra Atheos, Deum optimum maximum eſſe & exiſtere.

*His* omnibus rationibus adjungitur iſta ultima. Opus eſt religione revelata, eamque eſſe admodum neceſſariam nemo cordatus non videt: ſed hæc religio unum agnoſcit Deum omnipotentem, cuncta regentem, bonorum omnium auctorem: igitur Dei exiſtentiam negare ſcelus eſt nefandum. Probatur major, in qua eſt difficultas. Caro concupiſcit adverſus ſpiritum, quis igitur in iſta luſta pacem componet? niſi lex divina quæ dicit, non concupiſces? quis ſurtum, adulterium, & alia vicia, quæ naturæ corruptæ placent admodum, eſſe mala immo & peſſima definiet? niſi loquatur Dominus, & dicat: non ſurtum facies, non adulterabis: datur igitur Deus, qui cuncta ineffabili regat Providentia, alia omnia forent conſuſa.

*Exploduntur vana Atheorum commenta.*

**OBJICIUNT** 1. Objeſtum fidei demonſtrari non poteſt: ſed exiſtentia Dei eſt objeſtum fidei: igitur Deum exiſtere nullus demonſtrare valet, etiam a poſteriori.

*Reſpondeo* diſtinguendo. Objeſtum fidei primum demonſtrari non poteſt, concedo: objeſtum ſecundarium, ſubdiſtinguo: demonſtrari non poteſt a priori, concedo: a poſteriori & per effectus, nego. Deus in ſe ſpectatus & conſideratus eſt primum fidei objeſtum, & ſic non poteſt demonſtrari: at vero Deus ſecundum exiſtentiam ſpectatus, in creaturis tanquam in ſuis effectibus relucet: igitur Deum eſſe a poſteriori recte probatur, non enim ſub iſto reſpectu eſt fidei objeſtum, niſi ad ſummum ſecundario & per accidens, videlicet reſpectu rudiorum, qui ob ingenii tarditatem non valent juxta Logicæ regulas demonſtrationem elicere.

*Infant.* Demonſtratio ſit ex prioribus: ſed creaturæ non ſunt Deo priores: igitur Deus non poteſt demonſtrari per creaturas. Conſtituitur. Prima veritas demonſtrari nequit, ſed Deus eſt prima veritas, ergo; &c.

*Reſpondeo* diſtinguendo. Demonſtratio quorundam quid eſt, concedo: quando enim demonſtratur quiddam rei, demonſtratur per cauſam: demonſtratio quorundam exiſtentiam.

*Item.* 1.

ſubdiſtinguo: ſit ex prioribus in cognoscendo, concedo: ex prioribus in eſſendo, nego. Prius cognoscimus creaturas, quæ nobis ſubjiciuntur ſenſibus, quam Deum; & ex effectibus inferimus cauſam exiſtere, quia neceſſario & eſſentialiter ab ea dependent. Ad confirmationem, diſtinguo. Prima veritas nequit demonſtrari a priori, & quoad quid eſt, concedo: a poſteriori & quoad exiſtentiam, nego. Nam per veritates inferiores, quæ ſunt in creaturis, cognoscimus exiſtere primum veritatem, a qua cæteræ fluunt.

*Infant.* Creaturæ non ſunt Deo priores etiam in cognoscendo reſpectu noſtri: ergo Deus non poteſt demonſtrari etiam a poſteriori. Probatur antecedens. Idei Dei eſt nobis ingenita, ut dictum eſt: igitur creaturæ non ſunt nobis priores in cognoscendo.

*Reſpondeo* negando antecedens, ad probationem concedo antecedente, diſtinguo conſequens. Creaturæ non ſunt nobis priores in cognoscendo, cognitione conſuſa, concedo: clara, nego. Prius quidem implicite cognoscimus Deum quam creaturas: ſed explicite prius cognoscimus creaturas, cum ſubſint ſenſibus noſtris, & ſint magis nobis proportionatæ, immo inſerviant ad excitandam in nobis ideam Dei innatam; unde in genere demonſtrationis & cognitionis ſcientificæ, ſunt priores.

*Infant.* Non poſſunt cognosci clare creaturæ, quin ſimul & in eodem momento cognoscatur Deus: igitur non ſunt priores etiam in cognitione clara. Probatur antecedens. Creator & creatura ſunt relativa, adeoque ſimul cognitione: ergo non poteſt cognosci creatura clare, quin cognoscatur & Deus.

*Reſpondeo* negando antecedens, ad probationem diſtinguo. Creaturæ ut creaturæ ſunt relativæ ad Creatorem, concedo: conſideratæ ſecundum ſe, & ut ſunt a parte rei ſub ſenſibus noſtris, nego. Prius illas conſideramus iſto modo, & cum apparent ab alio procedere, tunc illas formaliter ut creaturas, & habentes relationem ad Deum intuemur; ex quo concludimus dari ejuſmodi effectum conditorum: igitur creaturæ ſecundum ſe conſideratæ, ſunt priores cognitione reſpectu noſtri; & ſic inſerviunt ut medium ad probandum Dei exiſtentiam.

*Objiciunt* 2. Effectus finitus non exigit cauſam infinitam: ſed creatura eſt finita, Deus vero nedum in ſe & in ſua natura, verum etiam & in omnibus perfectionibus.

D

fectionibus infinitus est ita ut ejus sapientiae non sit numerus: igitur ex creaturis non recte colligitur existentia Dei. Confirmatur. Debet esse proportio inter medium demonstrationis, & rem demonstratam: sed nulla est inter finitum & infinitum, inter creaturam & creatorem: igitur Deus non potest demonstrari etiam quoad an est & a posteriori.

*Respondeo* distinguendo. Non exigit effectus finitus causam secundam infinitam, concedo; est enim ejusdem ordinis, quandoquidem simile producit in creatis sibi simile: causam primam, nego. Namque deveniendum est ad unam causam, quae sit a se, & a qua cætera dependeant.

*Ad confirmationem*, similiter distinguo. Debet esse proportio habitudinis inter medium demonstrationis & rem demonstratam, concedo: proportio entitatis, subdistinguo; si medium sit a priori, & demonstret rei quidditatem sicut rationalitas, quæ demonstrat naturam hominis, concedo: si sit solum a posteriori, & demonstret tantum existentiam, nego. Creaturæ sunt effectus conditoris, omnis autem effectus habet habitudinem necessariam ad causam; quia ab illa dependet in esse, & sic denotat existentiam causæ, a qua emanavit.

*Instant ad hoc*. Creaturæ sunt Deo extrinsecæ; ergo non possunt illum demonstrare, etiam a posteriori: probatur consequentia; quia testimonium Dei revelantis est ex creaturis extrinsecum, ideo non potest assumi ut medium ad illas per rationem demonstrandas: ergo a pari eo ipso quo creaturæ sunt Deo extrinsecæ, non possunt assumi ut medium ad demonstrandam illius existentiam.

*Respondeo* distinguendo. Creaturæ sunt Deo extrinsecæ entitative, concedo; non enim sunt Deus: quoad ordinem dependentiæ, nego; dicunt enim relationem intrinsecam dependentiæ ad Deum. Ad probationem, nego paritatem; quia revelatio est nobis omnimode extrinsecæ, nec nobis debetur; assumitur tamen ut medium ad probandas res naturales, sed argumento Theologico & supernaturali; est enim medium ad hoc sufficiens, ut supra diximus.

*Instant*. Atqui non est necessaria connexio inter creaturam & Creatorem: igitur, inquit Athei, non potest demonstrari etiam a posteriori, & per creaturas Deum esse. Probant subsumptum. Non est necessaria connexio in ratione motus; materia enim, v.g. potest moveri secundum unam

partem, & se ipsam movere per aliam; sic etiam homo, quia liber est, seipsum movet per virtutem innatam, secundum multos. *Respondeo* negando subsumptum, ad probationem, nego antecedens: ad aliud distinguo: una pars materiæ potest movere aliam, & est prius mota a prima causa; concedo: & immota aliam movet, nego: verum quidem est unam partem semel motam posse alteram movere, sed si prius fuit mota: si enim non fuit ab alio mota, oportet ut sit actus purus, & ens a se, quod sane implicat: si vero ipsa fuit mota, cum non detur processus in infinitum, revertendum est ad unum primum motorem, qui immotus omnia movet.

*Ad aliud exemplum* de homine assumptum, nego paritatem. Nam secundum illos Philosophos homo non seipsum movet ut causa prima, sed per virtutem quam accepit a Deo in sua creatione, & per ipsius concursum simultaneum.

*Rursus instant*. Si mundus foret ab æterno, generationes utique essent ab æterno, & potuit de facto creari mundus ab æterno: sed tunc non esset assignabile instans in quo motus inciperet: igitur non est necesse ut omne quod movetur, ab alio moveatur; & sic non erit necessaria connexio motus inter creaturam & Creatorem.

*Respondeo* mundum non posse esse ab æterno quoad entia successiva; cum enim illa nonnisi successive suas habeant partes, nunquam vero simul, motum fieri in tempore necesse est: sed dato & non concessio mundum posse esse ab æterno, etiam quoad ejusmodi entia, repetenda foret causa mundi productiva a quo motus primo fluere, si esset a se: igitur utique esset ens omnimode perfectum, & est solus Deus; si vero partes essent in perfectionibus inæquales, sicut de facto eas esse inuenimur, adhuc recurrendum esset ad primam causam, a qua creaturæ istas haberent perfectiones: enimvero si quolibet individuum esset a se, tot Di numerarentur quot sunt mundi partes, quod plane ut ridiculum ab omnibus habetur. Cæterum eodem propo modo ratiocinandum est de motu v.g. ac de luce, quæ procederet & promanaret a Sole, qui supponeretur esse ab æterno; in hac hypothesis lux & illuminatio essent a Sole ut a causa: immo ipse Sol haberet ab æterno causam sui productivam: igitur in hypothesis quod mundus esset & quoad entia permanentia, & quoad successiva, ab æterno, habet.

haberet nihilominus causam sui productivam, & illa causa prima est Deus.

*Persistunt.* Non est necessaria connexio inter res contingentes & ens unum primum necessarium, alias non essent contingentes, sed necessaria: igitur ruit totum fundamentum, quo dicimus per creaturas demonstrari Creatorem, propter necessariam connexionem, quæ dicitur esse inter creaturas & Deum.

*Respondeo distinguendo.* Non est necessaria connexio entitativa, concedo; Deus enim est ens independens, nec bonorum nostrorum indiget; unde creaturæ possunt esse & non esse: non est necessaria connexio dependentiæ, nego. Supposito enim quod producat aliquis effectus, essentialiter dependebat a sua causa.

*Insurgunt de novo.* Unum individuum potest producere aliud, & istud aliud in infinitum: igitur non recurrendum est ad unam primam causam. Probatur consequentia. Tamen quodlibet contingens non sit necessarium, potest tamen tota collectio esse necessaria; ergo non recurrendum est ad unam primam causam necessariam. Probatur antecedens. A sensu distributivo ad collectivum non valet consequentia: sic licet singuli milites non sint exercitus, non sequitur non dari exercitum.

*Respondeo distinguendo:* & individuum quod operatur, fuit ab alio productum, & tandem unum ab uno improducto emanavit, scilicet a Deo, concedo: & non emanavit, nego; unde ad probationem, nego individuum collectionem non fuisse productam. Ad alteram probationem, utique distinguo: a sensu distributivo ad collectivum non valet consequentia in prædicatis accidentalibus, ut in exemplo allato, concedo, nam exercitus formaliter est collectio militum, & non unus aut alter: in prædicatis essentialibus, nego: v. g. Homo cum essentialiter sit rationalis, rationabilitas absolute convenit singulis hominibus, & omni consequenter collectioni: pari & consimili ratione, quia quodlibet individuum finitum est, finita utique & tota collectio, hæc enim nihil aliud esse censetur præter individua: sicut igitur individuum clauditur terminis & dependens est, similiter & totus mundus est ab alio a quo dependet, non enim datur processus in infinitum: igitur deveniendum est ad unum primum mobile, a quo cætera proficiunt, ipsum vero a nullo sit, sed totius cuncta sint ab illo.

*Adhuc instant.* Non possumus mente concipere & cogitare ea quæ possunt esse simul & de facto esse; igitur a pari non possumus quæcumque sunt, cogitare ea non esse: igitur absque eo quod necesse sit ascendere ad unum primum, a quo sint cætera, possumus intelligere totam collectionem creaturarum non habere initium.

*Respondeo* negando paritatem, quia omnia possibilia habent esse in tempore solum successive: sed tota collectio habet simul existentiam, unde conciperetur non esse, nisi ascensio fiat ad unum primum a quo habeat esse initiative.

*Opponunt* 3. Deus non potest definiri, ergo neque demonstrari.

*Respondeo distinguendo.* Non potest definiri a priori, concedo: non enim habet causam: non potest definiri a posteriori, & descriptive per effectus, nego.

*Obijciunt* 4. Si Philosophus demonstraret Deum esse, amitteret fidem circa existentiam Dei: absurdum consequens; ergo & antecedens. Probatur minor: sequeretur duo absurda 1. Quod esset hæreticus. 2. Quod saltem esset deterioris conditionis quam rusticus; qui enim credit Deum esse, certior habet de eo cognitionem, quam ille qui cognoscit esse per demonstrationem Philosophicam.

*Respondeo distinguendo.* Amitteret fidem quoad extensionem circa aliquid, concedo: quoad entitatem, & ipsum fidei habitum, nego. Idest, in Philosopho demonstrante Deum existere, fides desinit quidem se extendere ad existentiam Dei, sed remanet entitativa & etiam extensive quoad alios articulos. Unde ad probationem, non sequitur illum Philosophum esse Hæreticum, cum ille fidem non amittat quoad hoc momentum discredendo, sed per evidentiam scientiæ, quæ subit vices fidei, sicut in cælo desinit fides adveniente visione. Non sequitur etiam hunc Philosophum esse pejoris conditionis rusticis, tum quia evidentialis major, quam habet de existentia Dei, æquiparat quodam modo certitudinem quæ est in rustico quoad gradum majorem, & compensat: tum quia fides remanet in Philosopho circa cæteros articulos. Quid plura? si scientiam, quoad existentiam Dei, fato & casu aliquo sinistro amitteret, ejus fides ad illam de novo sese extenderet.

*Obijciunt* 5. Deum esse, & existere colligit D. Thomas, ex eo maxime quod fit ens necessarium, sed hæc ratio nihil probat,

bat, quod quidem sic ostenditur. Non desunt creaturæ, quæ sint entia necessaria, & ad unum determinata, ut cæli, ut sol, ut stellæ, & alia sydera, quæ utique sunt incorruptibilia: nemo tamen sanæ mentis has omnes creaturas dixerit Deos: igitur ex ente necessario non recte colligitur unius entis supremi existentia.

*Respondeo* negando antecessed, ad probationem, distinguo: cæli & sydera sunt entia necessaria a parte post, concedo: a parte ante, nego; & vero ea habuisse initium omnes demonstrant in probationibus allatæ rationes, nec aliam habent necessitatem præter extrinsecam & emendicam a Creatore, qui sicut vult illa perseverare, ita & destruiere potest. Solus Deus est ens essentialiter & ab intrinseco necessarium, quia solus a se & independens Dominus.

### SYNOPSIS PROBATIONUM.

*Omnis generis ratione Deum esse constat.*

**PRIMO** quidem: Si Deus non esset, mundus foret & a se ipso, & ab æterno; & sic materiæ convenirent tum sapientia, tum omnipotentia; quandoquidem omnium creaturarum esset causa formalis: quinimmo & efficiens, quod quidem materiæ potentiæ materiali convenire nūquam potest, ut ex professo infra probabitur.

**Secundo.** Non datur processus in infinitum in causis ad invicem subordinatis; sed deveniendum est ad unam primam, quæ sit sola necessaria, & causa cæterorum, & est Deus.

**Tertio.** Datur appetitus innatus ad bonum infinitum, tanquam ad beatitudinem & finem ultimum; nullo quippe bono creato satiatur anima rationalis: porro illud bonum est ipse Deus, optimus, maximus.

### SYNOPSIS RESPONSIONUM

#### AD DIFFICULTATES.

**PRIMO.** Tametsi cognitio omnibus numeris absoluta de existentia Dei, quandoque sit fidei objectum, pura respectu rudiorum; non tamen respectu eorum qui pollent ingenio; unde eam dicit D. Thomas non fidei objectum, sed quid ad ipsam fidem præambulum.

*Secundo.* Licet Deus secundum se spe-

status sit prior creaturis, non tamen quoad nos semper cognitione clara prior. Potest igitur cognosci ejus existentia a posteriori & per effectus.

**Tertio.** Effectus finitus denotat quidem causam secundam finitam esse: at vero indigitat causam primam prorsus infinitam, quatenus visis effectibus creatis, deveniendum est ad unum primum, & supremum ens, a quo sint omnia, ipsum vero a nullo, sed a se, & est Deus.

### ARTICULUS QUINTUS.

*Utrum materia sit increata, & sine principio.*

**TERTULLIANUS** lib. contra Hermogenem, dicit cum tenuisse affirmativam, & hunc a Stoicis accepisse errorem: "A Christianis enim, inquit, conversus ad Philosophos, de Ecclesia in Academiam, & porticum, inde sumpsit a Stoicis materiam cum Domino ponere, quæ & ipsa semper fuerit, neque nata, neque facta, nec initium habens omnino, nec finem, ex qua Dominus omnia postea fecerit."

### CONCLUSIO

Materia non est æterna, sed in tempore facta cum cæteris creaturis.

*Probatur auctoritate & ratione.*

*Primo quidem, ex auctoritate Scripturæ sacræ.*

**GENESES I.** habetur: *In principio creavit Deus cælum & terram:* sed sub nomine cæli & terræ intelligitur omnis creatura corporalis; nulla quippe est, quæ non cludatur intra hunc ordinem; siquidem omnis est aut ex materia cælesti, ut stellæ, sol & luna: aut ex materia crassiori, quæ sub nomine terræ intelligitur. Igitur & ipsam materiam in principio creavit Deus, cum creaverit omnia sub quibus ipsa monstratur & exhibetur.

**Secundo.** Ibidem habetur v. 11. *Germinet terra herbam virentem, & facientem semen & lignum pomiferum, faciens fructum juxta genus suum.* v. 12. *Et protulit terra herbam virentem & facientem semen juxta genus.*

genus suum : v. 20. Producent aqua reptile animæ viventis, & volatile super terram. v. 24. Producat terra animam viventem in genere suo, jumenta, & reptilia, & bestias terræ. v. 27. Creavit Deus hominem ad imaginem suam; & c. 27. Produxitque Dominus Deus de humo omne lignum pulchrum visus, & ad descendendum suæve : v. 19. Formatis igitur Dominus Deus de humo cunctis animantibus terræ, & universis volucibus cœli, adduxit ea ad Adam, &c. & ante ista, v. 7. habetur : Formavit igitur Dominus Deus hominem de limo terræ, & inspiravit in faciem ejus spiraculum vite. v. 22. Edificavit Dominus Deus coelum, quam tulerat de Adam, in mulierem. In his omnibus refert Moyses, & quæ primo creata sunt, & alia quæ ex præexistentibus aut productis, aut per distinctionem & separationem in ordinem digesta sunt, ut cum c. 1. v. 6. dicit : Fiat firmamentum in medio aquarum, & dividat aquas ab aquis. Ex aquis volatilia, ex terra ligna pomifera & bestiarum facta sunt; quinimo ipse homo, creaturarum princeps de limo creatus est : ergo a fortiori materia cum cæteris elementis concreta fuit.

Tertio, Ibidem c. 1. legitur : Fiat lux, & facta est lux, & vidit Deus lucem quod esset bona & divisit lucem a tenebris, appellavitque lucem diem, & tenebras noctem. Ibi & lux dicitur facta; immo quodammodo tenebræ productæ narrantur, in quantum intra locum continentur, a quo lux ipsa recedit : quidni & materia facta erit? five humatur pro ente positivo, cum omne ens a Deo productum sit, five pro potentia mere physica, quæ secundum multos propriam habet existentiam; tum quia ipsæ tenebræ, quæ sunt quid minus, etiam factæ sunt, juxta illud Isaïæ 45. Ego, qui struxi lucem, & feci tenebras? & illud Matth. 27. A sexta hora tenebræ factæ sunt super universam terram usque ad horam nonam. Igitur materia, sicut alia entia, fuit creata, quod & per Machabæorum mater senescibat, cum adhortans filium natu minimum pro sanctis Dei legibus descendendis, agebat : Peto, nate, ut aspicias cælum & terram, & intelligas quia ex nihilo fecit illa Deus.

#### Ex Patribus.

TERTULLIANUS primo loco venit, quippe qui ex professo ergorem Hermo-

Tom. I.

genis in libro integro confutaverit; cap. 4. sic loquitur : " Quis enim alius Dei census, quam æternitas? Quis alius æternitatis status, quam semper fuisse, & futurum esse, ex prærogativa nullius initii, & nullius finis? Hæc si Deo est proprium : quia etsi alii ascribitur, jam non erit, ejus est proprium, sed cum eo cui ascribitur. . . Si Deus est, unicum sit necesse est, ut unus sit; aut quid erit unicum & singulare nisi cui nihil adæquabitur? Quid principale, nisi quod super omnia, nisi quod ante omnia, & ex quo omnia? Hæc Deus solus habendo est, & solus habendo unus est. Si & alius habuerit, tot jam erunt Dei, quot habuerint quæ Dei sunt. Ita Hermogenes duos Deos infert, materiam parem Deo infert. "

Idem cap. 20. " in principatu enim & in potestate Deus fecit cælum & terram. . . Per sapiam Dei omnia facta sunt, & cælum : ergo & terram Deus faciens, in principio, idest initio, in sapia sua fecit. "

Idem cap. 31. & 32. Probat fuso Deum omnia fecisse, nedum cælum, terram, atque elementa, sed & rerum omnium species, & ipsas tenebras : " Singulas, inquit, species factas docet aliis in locis, habes sapiam, prior autem abysso genita sum; dicentem : ut credas abyssum quod genitum, idest factum, quia & filios facimus, licet generemus; nihil interest facta, an nata sit abysus, dum initium detur illi, quod non daretur, si materiæ subiecta esset, de tenebris vero ipse Dominus per Isaïam : Ego qui struxi lucem, & feci tenebras, de spiritu æque Amos, qui solidat conitrum, & condit spiritum, & annuntiat & in homines Christum suum. "

Ex Tertulliano æternitas ita Deo propria est, ut alteri ascribere est Deo illum assimilare, adæquare, immo & facere Deum. Ex eodem; Deus cuncta creavit etiam spiritum, etiam abysso. Denique omnia fecit in tempore, nempe initio, idest primo, quo incipit tempus, momento : igitur ex Tertulliano materia nequit esse infixa & innata; solus quippe Deus infixus; non æterni, solus Deus æternus, & ipsa sicut cætera creata, habuit initium : igitur materia non est æterna.

Theodoretus l. 5. de hæz. fabul. ex professo perstringit errorem Hermogenis, D 3 etc.

cæterorumque qui tenent materiam Deo  
cœvæam acque æternam : " Existimant  
" stolidi Deum quoque sine materia crea-  
" re non posse : nec intellexerunt quan-  
" tum Dei & hominum sit discrimen ,  
" & quod fieri non possit ut omnia ha-  
" beat imago quæ archetypus ; & quod  
" homo quidem velut imago , ex iis quæ  
" extant , creet ; Deus vero ex iis quæ  
" extant & ex non extantibus ; quod a-  
" perte nos Scriptura docuit , Apostolus  
" enim ait : fide intelligimus apæta esse  
" sæcula verbo Dei , ut ex invisibilibus ,  
" visibilia fierent , Rursus qui vocat ea  
" quæ sunt , tanquam ea quæ non sunt ,  
" quod divinus David demonstravit : Om-  
" nia enim , inquit , quæcumque voluit Do-  
" minus , fecit . Non dixit quæcumque  
" potuit , sed quæcumque voluit ; habet  
" enim potentiam voluntati æqualem .

Quibus verbis varias affert rationes , cur  
materia sit creata . Prima quidem ea est .  
Deus non sicut homo , iste nihil nisi ex  
præsupposito subiecto producit ; Deus ve-  
ro e contra potest producere aliquid ex  
nihilò , unde plurimum allucinantur Hæ-  
retici ; non enim opus habuit Deus mate-  
riam præsupponere , ut ex ea conderet  
mundum . Secunda sic exponitur . Quæ-  
cumque voluit Deus , ea & fecit ; multa  
voluit creare ? multa vero alia ex præexi-  
stentibus producere , veluti pisces ex aquis ,  
corpus hominis ex limo , ut probat ex Scrip-  
tura Theodoretus . Tertia . Negare , in-  
quit , Deum potuisse creare mundum sine  
materia , est irridere Creatoris potentiam .  
" Qui autem , inquit *ibidem* , creationem  
" cavillantur , & omni ex parte aptum  
" opificium calumniari conantur , eaque  
" de causa materie mentionem inducunt ,  
" audiant divina oracula clamentia : Vi-  
" dit Deus omnia quæ fecerat , & erant  
" valde bona .

Methodius apud Photium , Cod. 236. do-  
cet Deum materiam ex nihilo sicut alias  
creaturas fecisse . Enimvero , inquit , si  
" artifex ex non extantibus molitur opus ,  
" a fortiori Deus . Quod si res ita se ha-  
" bet in hominibus , nonne magis conve-  
" nit , ut Deus non solum qualitates ex  
" non extantibus conficere possit , sed etiam  
" substantias ? Eo enim ipso quo e  
" non extantibus fieri posse quidpiam appa-  
" ret , id in substantiis locum habere  
" monstratur .

Augustinus lib. 1. de Gen. contra Ma-  
nichæos eidem veritati suam addit calcu-

lum : " Ideo , inquit , Deus rectissime crea-  
" ditur omnia de nihilo fecisse , quia et-  
" iamli omnia formata de ista materia fa-  
" cta sunt , hæc ipsa materia tamen de  
" omnino nihilo facta est .

Aspiculatur Petrus Chryzologus serm. 46.  
" Ubi sunt qui Deum de materia mun-  
" dum figurasse confingunt ? Deus noster  
" in cælo & in terra , non ut inventor ,  
" sed ut conditor materie , ex nihilo cum-  
" ta perfecit . " Si igitur ex nihilo om-  
" nia condidit Deus , materia non est ipsi  
cœterna .

#### Ex rationibus .

PRIMA sic exponitur . Nihil est a Deo  
independens , & ipsi non subiectum : sed  
si materia foret innata , foret etiam a  
Deo independens : igitur est e nihilo &  
in tempore producta . Probatur minor .  
Materia , ut supponit Hermogenes , est  
innata : igitur non dependeret a Deo in  
esse ; enimvero esset per se subsistens &  
in corruptibilis : igitur nec in conservari  
a Deo dependeret , immo nec in opera-  
ri ; quippe quæ ex innata virtute se mo-  
veret , tum ad generationem omnium en-  
tium , tum ad eorumdem compositionem .  
Hæc ratio est Tertulliani , L. contra Herm.  
cap. 7. " Quomodo ergo discernere aude-  
" bit Hermogenes , atque ita subicere  
" Deo materiam , æternam æterno , in-  
" natam innato ; auctricem auctori , di-  
" cere audentem ? & ego prima , & ego  
" ante omnia , & ego a quo omnia ; pa-  
" res fuimus , simul fuimus ; ambo sine  
" initio , ambo sine fine , ambo sine au-  
" ctore , sine Deo , quis me Deus subiecit  
" contemporali coætaneo ?

Secunda . Ponere materiam innatam ,  
est a Deo tollere proprietates : sed hoc  
est inconveniens , & mendaces reddere  
scripturas ; ergo &c. Probatur major .  
Deus est principium & finis , solus om-  
nium auctor , omnium Dominus , a quo  
cuncta dependent : sed in hypothefi non  
esset solus rerum auctor & Dominus , non  
solus infinitus & immensus ; siquidem &  
materia esset primum rerum principium ,  
ex quo omnia , a quo cætera dependent ;  
esset & infinita & immensa , namque da-  
ret esse cuilibet creaturæ ; quod sane ab-  
surdum est & inconveniens : igitur mate-  
ria non est innata . Ista ratio colligitur  
ex Tertulliano , *ibidem* , cap. 6. " Ego  
" quidem Deys , contestabitur Deus , &  
" jura-

juravit nonnunquam per semetipsum, quod alius non sit qualis ipse; sed mendacem eum faciet Hermogenes; erit enim & materia qualis Deus, infecta, innata, initium non habens nec finem. Dicit Deus: ego primus; & quomodo primus, cui materia coetanea est? Inter coetaneos autem & contemporales ordo non est, aut & materia prima est. Extendi, inquit, cælum solus, at quin non solus? cum ei enim extendit, de qua & extendit.

Tertia. Si materia est innata, sequitur ipsam esse Deum: sed hoc implicat: igitur non est innata. Probatur sequela. Materia si innata, est ens a se, incorruptibile, a nullo accipit esse, neque diminutionem, neque finem patietur; ideo enim creaturæ deficient, quia ex nihilo factæ, in nihilum redeunt: sed & hoc implicat, & est contra naturam entis finiti, immo contra ipsam materiam naturam, quam Hermogenes Deo subiectam confitetur: igitur materia non est æterna. Sic ratiocinatur Tertullianus ibidem cap. 7. "Sicut enim cætera quæ nascuntur, aut finiunt, & ideo æterna non sunt, semel opposita fini, quæ & initio admittunt ea, quæ Deus non capit. Diminutionem dico interm, & subiectionem: quia nata & facta sunt: ita & Deus ideo ea non capit, quia nec natus omnino, nec factus est. Et materiam autem status talis est. Igitur & duobus æternis, ut innatis, ut infectis, Deo atque materiam ob eandem rationem communis status ex æquo habentibus, id quod neque diminui, nec subijci admittit, id est æternitatem: neutrum diximus altero esse minorem, si ve majorem: neutrum altero humilior, si ve superiorem, sed stare ambo ex pari magna, ex pari sublimia, ut pari solida, & perfecta felicitatis, quæ censetur æternitas. Neque enim proximi erimus opinionibus rationum, quæ si quando coguntur Deum profiteri, tamen & alios infra illum volunt: Divinitas autem gradum non habet, utpote unica. Quæ si & in materia erit, ut proinde innata, & infecta, & æterna, aderit utrobique; quia minor se nulloquam poterit esse: quomodo ergo discernere audebit Hermogenes, atque ita subicere Deo materiam? Quibus verbis demonstrat Tertullianus materiam, & esse Deum, & Deo non subijci, si innata sit;

quæ quidem omni contra ipsum Hermogenis systema pugnant, ipsum subvertunt.

Quarta. Quod est finitum, non est æternum; æternum quippe illud solum est, quod est sine termino, & sine initio: sed materia est finita: ergo & producta. Minor constat; materia enim est corporea, adeoque & extensa in longum, latum, & profundum; habet igitur primum lineam a qua incipit dimensio, & ultimam qua terminatur, ut patet in omnibus entibus sensibilibus. Si dicatur esse partim corporea, partim incorporea; etiam ex hac parte constat eam esse finitam, immo ipsa anima, quæ est spiritus, clauditur terminis, quandoquidem recipitur in corpore a quo circumscribitur & limitatur: si vero aliquis cum Hermogene contendit, materiam esse insensibilem & incorpoream, ratione motus interioris, quo turbulentem agitatur, etiam ipse motus est finitus, quippe qui sit in subiecto in quo recipitur, & ipsi inhaeret, ut accidens inhaeret subiecto, eum & ipse sit accidens; immo dato quod foret substantia, semper esset finitus; siquidem in aliquo mundispatio locaretur, mundus autem est finitus; igitur & a fortiori id omne quod continet. Jam probatur major, scilicet omne finitum non esse innatum, & æternum. Quod est finitum clauditur terminis, & a parte ante, quatenus incipit esse, & a parte post, quatenus patres habet terminatas; alias non esset finitum; sed infinitum: immo ex parte durationis talis est mensura qualem est ens; jam vero cum æternitas omne excludat & abnuat initium, non mensurat, nisi ens infinitum secundum se, & in eius natura: sed materia in se est finita, ut modo dictum est: igitur & facta.

Tertullianus hanc expendit rationem, variisque explicat modis ibid. cap. 28. argumentando ad hominem contra Hermogenem. "De situ materiam id tracto, quod & de motu, ut perveitatem tuam tradunt, subiacentem facis Deo materiam, & utique locum illi, qui sit infra Deum. In loco ergo materia. Si in loco, ergo intra locum: si intra locum, ergo determinatur a loco, intra quem est: si determinatur, habet lineam extremam, quam quantum proprie pictor, agnoscis finem esse omni rei cupus linea extrema est; non ergo infinita erit materia. . . . at tu infinitam facis, dicens: infinita est autem eo quod semper est. . . . obduce-

„ris, corpore eam infinitam faciens, cum  
„locum ei ascribens, intra locum & ex-  
„tremam loci lineam includis. „ c. 43.  
Ossendit materiam neque esse in motu in-  
finitam, quia demutabilis est, & modo in  
partes dividitur, modo venit in composi-  
tionem, modo motus ejus est concretus at-  
que turbulentus, modo tardus; quod au-  
tem est in duratione infinitum, uniforme  
manet, quandoquidem aeternitas simul ha-  
bet omnes partes. Ista ratio probat mate-  
riam non esse aeternam, neque in se, pa-  
tetur enim diminutionem & alias altera-  
tiones; neque in motu, nam variatur &  
locatur ille motus; neque in partibus,  
quandoquidem ipsa a loco circumscriptun-  
tur, variisque subjacent formis, adeoque  
& mutationibus.

*Quinta.* Deus libere operatur ad extra;  
sed posito quod materia sit illi coeva, ne-  
cessario ea uti debet; siquidem cuncta ex  
ipsa debent fieri, ideo enim innata præ-  
dicatur, quia ex nihilo nihil fit, inquit  
Hermogenes, & sic Deus subjectus erit  
materiæ in systemate isto, quod sane est  
impossibile: igitur materia non est æter-  
na, sed facta; tum quia falsa est supposi-  
tio, nempe omnia esse ex materia condi-  
ta; cum altum sit de hoc momento in  
Scriptura silentium. Enimvero cælum &  
terram e nihilo producta refert Scriptor  
Canonicus; alia vero corporea, vel ex  
aquis, vel ex terra, animam vero ratio-  
nalem per ipsius Dei assitum creatam com-  
memorat.

*Tertullianus* hanc urget rationem cap. 8.  
contra Hermogenem; nam de illo loquens,  
ait: „Deum potius subjecit materiæ; cum  
„vult eum de materia cuncta fecisse: si  
„enim illa usus est ad opera mundi, jam  
„& materia superior invenitur, quæ illi  
„copiam operandi subministravit, & Deus  
„subjectus materiæ videtur, cujus sub-  
„stantia eguit ut possit uti. „

*Sexta* sic procedit, evertendo fundamen-  
tum Hermogenis. Materia juxta illius opi-  
nionem, est mala, & ideo est æterna, ne  
mala quæ sunt & apparent, refundantur  
in ipsum Deum: sed ex hoc ipso quod est  
mala, non est æterna. Enimvero dum re-  
formatur in melius, a Deo mutatur; quod  
autem mutatur, suam amittit aeternita-  
tem, quæ quidem invariabilis est. Ita ra-  
tioneatur Tertullianus c. 12. „Bona at-  
„que optima a Deo fiunt: & vidit Deus  
„quia bona, & benedixit ea Deus, uti-  
„que qua optima, non certe qua mala

„ac pessima. Demutationem igitur admi-  
„sit materia, & si ita est, statum æter-  
„nitatis amisit: mortua est denique sua  
„forma. Sed aeternitas amitti non potest:  
„quia nisi amitti non possit, aeternitas  
„non est. „

*Septima* hæc etiam subvertit fundamen-  
tum Hermogenis. Si materia sit innata,  
ut ex ea cuncta fiant, nihil erit a Deo:  
absurdum consequens: ergo & antecedens.  
Probatur. Quod sit vel est malum, vel  
bonum: si malum non est a Deo, sed a  
materia quæ est de se mala: si bonum,  
nec utique a Deo procedit, quia nihil fit  
ex nihilo secundum Hermogenem, sed ex  
materia præexistente; si partim malum,  
partim bonum, utique & malum in Deum  
refunderetur, siquidem compelleretur uti  
materia mala ad faciendum aliquid quod  
esset ex parte malum. Ita Tertullianus  
cap. 16. „Equidem definitio, aut Deo as-  
„cribendum & bonum & malum quæ ex  
„materia fecit, aut materiæ ipsi ex qua  
„fecit: aut utrumque utrique, qui am-  
„bo sibi obligantur. Qui fecit, & de qua  
„fecit: aut alterum alteri. Porro si  
„Deus erit utrumque, videbitur Deus  
„etiam mali auctor; Deus autem ut bo-  
„nus; auctor mali non erit. „ Cap. 10.  
infert Tertullianus, malum refundi in De-  
um, si cuncta fiant ex materia mala, qua-  
tenus teneretur ea uti pro cæterarum crea-  
turarum productione.

#### Solvuntur objectiones Hermogenis.

**OBJICIT 1.** illud Gen. 1. *In principio  
Deus creavit cælum & terram:* sed illud  
principium quo Deus creavit cælum &  
terram, erat materia: igitur materia non  
est creata sed præexistens ad res creatas,  
adeoque æterna, & innata. Probatur mi-  
nor. Principium dicit aliquid quod sit re-  
rim-causa, & quidem simile, aut ejusdem  
naturæ: sed illud non potest esse Deus,  
quippe qui sit invisibilis, & super omnem  
excelsus creaturam: superest ergo quod  
illud principium sit materia: enimvero  
agitur de mundi corporei productione,  
nempe de creatione cæli & terræ.

*Respondeo* distinguendo majorem; & vox  
*In principio* designat solummodo temporis  
ordinem, concedo: & designat aliquid  
subjectum præexistens rebus creatis, ne-  
go. Sensus Scripturæ hic est; Deus inco-  
pit mundi creationem per productionem  
cæli & terræ; non vero ille, materiam suis



ab æterno tanquam principium rerum ; sola quippe Sophia, seu Dei verbum, est in principio, idest ab æterno, juxta illud Joan. 1. *In principio erat Verbum, & Verbum erat apud Deum.* Præclara sanè ratio ; ut aliquid sit ab æterno, debet esse apud Deum, & Deus ipse ; unde subdit Joannes, *& Deus erat Verbum*, quod neque legitur de materia, neque ipsi tribuitur, etiam concedente Hermogene ; illam quippe dicit & extra Deum, & Deo subiectam. Solum Verbum est ab æterno ut principium rerum, quod & Joannes ibidem commemorat, dicens : *quod factum est, in ipso vita erat*, nempe ut idea in mente artificis.

Sic explicat Tertullianus l. contra Hermogenem, cap. 19. ubi respondet ad objectionem. „ Principium, sive initium inceptions esse Verbum, non alicujus substantiæ nomen. Cum atitur vocabulo principii, quasi originis, non quasi ordinis nomine, adjicimus & mentionem ipsius rei specialiter, quam volumus principium alterius rei. De cætero, si sic ponamus ; v. g. In principio, fecit figulus pelvim, vel urnam : jam non materiam significabit principium ; non enim argillam nominari principium, sed ordinem operis. Quia figulus ante cætera primum pelvim & urnam fecit, exinde facturus & cætera. Ad ordinationem operum principii vocabulum pertinebit, non ad originem substantiarum. „

Instat, ibidem Gen. 1. 2. habetur : *Terra autem erat inanis, & vacua* & ut versio quædam perantiqua legit, *erat invisibilis & incomposita* ; ergo erat ipsa materia, quæ ideo dicitur mala, quia incomposita, sed adornata per creationis operationem, quia Deus ad ipsam se se accinxit & approximavit : igitur & æterna, quod innuit illud vocabulum, *erat*, quandoquidem significat materiam ante mundi constitutionem præexistisse.

Respondeo distinguendo antecedens. Terra erat inanis, idest, nondum erat ornata tum arboribus, tum bestiis & floribus, concedo : idest, præexistebat mundo, nego. Theologi quidem censent Deum primo die omnia simul produxisse, & postea distinxisse opus sex dierum spatio, si hominem excipiamus, quem Scriptura creatum expresse dicit post mundi constitutionem. Ita docet D. Thomas : igitur in principio terra erat inanis, idest confusa, & nondum

per ordinem entium digesta ac decorata. Qui quidem sensus maxime arridet Scripturæ dicenti : *Congregentur aque quæ sub cælo sunt, in locum unum : & appareat arida* ; rursum Eccl. 18. *Qui vivit in æternum, creavit omnia simul* igitur ante istam distinctionem, terra erat inanis ; & cum cæteris elementis permixta. Quis jam putabit Moysen per terram inanem intellexisse materiam imaginariam Hermogenis ? Quinimmo aperte suam prodit sententiam Scriptura : nam habetur illam terram inanem creatam fuisse, *in principio*, inquit Moyses, *creavit Deus cælum & terram, terra autem erat inanis*, illa scilicet terra quam in principio creaverat : unde Tertullianus lib. contra Hermogen. c. 24. respondit ad hoc argumentum ; gratis & sine fundamento per terram inanem intelligi materiam invisibilem & innatam, cum tamen Scriptura de hoc taceat. Oportet igitur ut & præter terram inanem de qua loquitur Scriptura, admittat Hermogenes aliam terram vere invisibilem ; namque terra inanis dicitur in antiqua versione invisibilis, Quo sensu ? In eo scilicet, quod nullus esset tunc homo a quo videretur, tum etiam quia erat aquis prorsus cooperta : jam vero si admittat Hermogenes aliam terram invisibilem, rudem & incompositam, sequitur illam materiam non esse innatam & æternam, inquit Tertull. cap. 28. *Certe rude illud est, quod imperfectum est : certe imperfectum non potest esse, nisi quod factum est.* Unde nego consequentiam, scilicet dari materiam æternam.

Ad probationem distinguo. Vox erat significat terram præexistisse mundo ornato, concedo : mundo ut sic, nego. Dicitur est Deum omnia creasse simul, postea distinxisse opus ; immo ex terra produxisse arbores & bestias, juxta illud Gen. 1. v. 11. *Germinet terra herbam viventem, & facientem semen, lignum paniferum*, v. 24. *Producat terra animam viventem in genere suo, jumenta & reptilia, & bestias terre secundum species suas ; factum est ita* : igitur materia primum producta cum elementis, vacua erat, & præexistebat quidem ornatui suo, sed non toti mundo, ita ut fuisset Deo cœva.

Subscribit Ambrosius hexam. l. 1. c. 4. „ Quia dixit in principio, principium aut ad tempus refertur, aut ad numerum, „ aut ad fundamentum ; quomodo in ædificanda domo initium fundamentum est. „

Succinit Chrysologus serm. 46. „ Ubi „ sunt,

„ sunt, inquit, qui Deum de materia  
mundum configurasse confingunt? Deus  
nosser in coelo & in terra, non ut in-  
ventor, sed ut conditor materiae, ex  
nihilò cuncta perfecit. „

Respondet Tertullianus l. contra Hermog.  
cap. 27. ad hoc argumentum, & dicit:  
„ De omni ente creato, quod erat, sive  
jam factum sit ante aliquid, sive non-  
dum factum; & vero si factum ante  
alia, benedicitur quod erat. Si nondum  
ipsum erat, dicitur quod illud ens erat  
vacuum: igitur vox erat ex omni  
parte veritatem propositionis habet, ta-  
meti non semper causalitatis: at ego  
sine ullo lenocinio pronuntiationis, sim-  
pliciter respondebo de omni re posse di-  
ci, erat, etiam de ea quae facta, quae  
nata sit. Omne enim quod habet esse,  
unde habeat sive initium; sive sine ini-  
tio, hoc ipso quod est, etiam erat, di-  
cetur: cui competit prima verbi positio  
in definitionem, ejusdem etiam declina-  
tio verbi decurret in relationem. Est de-  
finitionis caput, erat, relationi facit. „

Insunt. Ibidem Gen. 1. 2. *Tenebrae erant  
super faciem abyssi*: sed illae tenebrae deno-  
tant materiam invisibilem, ex qua ceterae  
creaturae productae sunt; siquidem Moises  
ludbit: *Et spiritus Dei ferebatur super a-  
quas. Dixitque Deus, fiat lux, & facta est  
lux*: igitur datur materia innata & invi-  
sibilis ex qua Deus cuncta fecit, praefer-  
cum tenebrae non producantur: igitur sunt  
ipsa materia innata.

Respondeo nullam fieri in Scriptura de  
materia mentionem. Moises fideliter refert  
quae primum producta sunt; deinde quae  
ex praexistentibus, ut lignum pomiferum,  
herba virens, bestiae ex terra, ut notat  
Tertull. lib. contra Hermog. cap. 31 &  
43. nam urget adversarium, dicendo con-  
traria loqui, & materiam modo invisibi-  
lem; modo visibilem vocare; modo tan-  
tum invisibilem ratione motus, qui uti-  
que insensibilis esse non potest; quippe  
qui sequatur materiae naturam, & sit tur-  
bulentus & concretus antequam in com-  
positionem cum ipsa materia veniat, ut  
idem observat c. 43. Jam vero non potest  
dici ex illa materia fucata cuncta fieri, cum  
falsum sit materiam praexistisse rebus; si-  
quidem postquam Scriptor Canonicus dicit:  
*In principio creavit Deus caelum & terram,*  
Adjungit: *terra autem erat inanis & vacua,*  
*tenebrae erant super faciem abyssi*: ante se-  
tur tenebras super faciem abyssi diffusas &

caelum erant producta: praeterea additur,  
*spiritus*. Dei ferebatur super aquas: igitur  
aquae jam erant cum tenebrae faciem abyssi  
tegerent, adeoque productae non sunt  
ex illa suppositi materia.

Respondeo 2. distinguendo. Tenebrae e-  
rant super faciem abyssi, & etiam circa  
entia jam producta, concedo: & non e-  
rant, nego. Dictum est supra, Deum, ter-  
ram, caelum, & elementa in globo produ-  
xisse; & cum opus nondum extensum dis-  
tinctumque esset, certe hinc inde abyssi  
apparebant, & super eas tenebrae: sicut  
de facto videntur in foveis profundis, quarum  
fundum non percipit oculus; unde illae  
tenebrae erant in loco cui subsiciebantur,  
adeoque non erant materia, quam  
Hermogenes effutiebatur infinitam & illo-  
catam.

Ad probationem, distinguo. Tenebrae  
non sunt, ratione sui, concedo; sunt enim  
lucis privationes: ratione formae op-  
positae, nego. Factae sunt illae tenebrae  
quando Deus elementa produxit in globo;  
tunc enim apparuerunt spatia vacua cir-  
cumfusa per eorum. Ceterum Hermoge-  
nes non vult suam materiam esse priva-  
tionem: igitur non sabet Scriptura, nec  
eam per tenebras super faciem abyssi com-  
probare valet.

Solutio est Tertulliani, qui l. contra  
Hermogenem, cap. 31. dicit caelum & ter-  
ram habere suggestus suos proprios, supra  
quos sunt aquae & spiritus; infra vero,  
tenebrae & abyssi: „ Suggestus autem coe-  
li & terrae primo tunc fuerunt tene-  
brae, & abyssi, & spiritus, & aquae. „  
„ Nam terrae quidem suberant abyssi &  
tenebrae; si enim abyssi infra terram,  
tenebrae autem super abyssum, sine dubio  
& tenebrae & abyssi infra terram;  
„ coelo vero spiritus & aquae subiacebat.  
„ Namque si aquae super terram quae eam  
texerant, spiritus autem super aquas,  
„ pariter & spiritus & aquae super ter-  
ram. Quae vero super terram, ea uti-  
„ que infra caelum; & sicut terra abyssi  
„ & tenebris, ita & caelum spiritui & a-  
„ quis incubabat, & complectebantur; &  
„ ita novum non est, ut id solum quod  
„ continet, nominetur, quia summum: in  
„ isto autem intelligatur & quod conti-  
„ netur, quae portionale. „

Obijcit 3. Mundus non potuit fieri nisi  
ex materia praexistente, & probatur 1.  
Ex nihilo nihil fit. 2. Materia non potuit  
fieri ex Deo, quippe qui sit indivisibilis  
&

& immutabilis; hinc ipsius essentia, quantumvis immentia, non potest dividi in partes, & aliquam suscipere mutationem; quod profecto eveniret, si ex ipso factæ sint creaturæ. Superest igitur mundum factum fuisse ex materia innata & præexistente.

*Respondeo* negando primam propositionem, ad probationem, distinguo. Ex nihilo nihil fit, a creatura, concedo: cum enim sit finitæ virtutis, supponit semper subiectum circa quod operetur: nihil fit a Creatore, nego: Et vero est omnipotens, unde non solum quæcumque voluit, fecit; sed & ipsa teste Scriptura, Rom. 4. 7. *Vocat ea quæ non sunt, tanquam ea quæ sunt.*

*Ad secundum*, dico res factas atque productas fuisse, quasdam ex nihilo, & per creationem; quasdam vero per generationem aut productionem ex aliquo præsupposito subiecto, ut jam iterum atque iterum notavimus: sed addo omnia producta fuisse a Deo per verbum suum, per quod & in quo omnium præhabebat in se ab æterno ideas, juxta illud Joann. 1. *Omnia per ipsum facta sunt, & sine ipso factum est nihil: & illud: Omnia in ipso vita erant.* Ita Tertull. lib. contra Hermogen. c. 18. „Si necessaria est Deo materia ad opera mundi, ut Hermogenes existimavit, habuit Deus materiam longe nobiliorem, & idoneiorem, non apud Philosophos æstimandam, sed apud Prophetas intelligendam; Sophiam suam scilicet . . . . „ex hac facit, faciendo per illam, & „faciendo cum illa. „Ex hac quidem fecit, nempe ex ideis rerum præconceptis in sua sapientia produxit creaturas: per illam vero, quia per suum fiat, eduxit e nihilo cælum & terram: *ipse dixit & facta sunt*, inquit Propheta, *ipse mandavit, & creata sunt.* Cum illa denique cuncta fecit, quia Verbum erat semper apud Deum, & Deus erat Verbum.

*Obijcit* 3. Multa sunt in mundo mala: sed mala, sive culpæ, sive pænæ, non possunt esse a Deo, alius defectus in ipsum redundarent: igitur debuit esse materia æterna, & innata ex qua mala prodirent.

*Respondeo* distinguendo minorem. Mala culpæ non sunt a Deo, concedo: mala pænæ, nego. Mala culpæ sunt peccata, & hæc cum habeant solummodo causam deficientem, a sola creatura promanant. Mala pænæ alia sunt inflicta hominibus,

ut morbi & ægritudines; alia in bonis, ut exultio domorum, & similia quæ casu eveniunt; alia in ipsa natura, ut montes; & ista omnia sunt a Deo, afflictiones quidem ad emendationem vitæ, bonorum dilapidatio ad exercitium virtutis, defectus naturales ad pulchritudinem universi: quia contraria juxta se posita, magis elucescunt. In isto sensu Propheta dicit: *Non est malum in civitate, quod non feceris Dominus.* Cæterum non oportet ponere materiam ab æterno, ut assignetur ratio & causa malorum; quandoquidem in hac fucata hypothese, Deus redderetur causa peccati: Et certe malum procederet a materia aut necessario, aut libere, & Deo volente; si primum, Deus ex necessitate malum a materia prodire fineret: si libere, malo jam ipse consentiret, quod est absurdum. Hinc Hermogenes ponendo materiam innatam,

*Incidit in Scillam, cupiens vitare Charybdim.*

*Solutio* est Tertulliani qui quidem cap. 10. sic alloquitur adversarium: „Audiat, igitur Hermogenes dum alibi de mali ratione distinguimus, interim se quoque nihil egisse hac sua iniectione. Ecce enim, & si non auctor, sed assentator mali invenitur Deus, qui malum materiæ tanto sustinuit de bono ante mundi constitutionem, quam ut bonus & mali annulus emendisse debuerat. „Aut enim potuit emendare, sed noluit: aut voluit quidem, verum non potuit infirmus Deus; si potuit & noluit, malus & ipse, quia malo fivit: & sic jam habetur ejus quod licet non instituerit, quia tamen si noluisse illud esse, non esset, ipse jam fecit esse, quod noluit non esse. Quo quid est turpius? si id voluit esse quod ipse noluit fecisse, adversus semetipsum egit, cum & voluit esse, quod noluit fecisse, quod voluit esse. Quod si bonum voluit esse, & quasi malum noluit fecisse. Quid non faciendo malum judicavit, id sustinendo bonum pronuntiavit: malum pro bono sustinendo, & non potius eradicando, assertor ejus inventus est; male si per voluntatem, turpiter si per necessitatem. Aut famulus erit mali Deus, aut amicus; cum materiæ malo conversatus, nedum etiam de malo ejus operatus. „

Ob-

*Obijci* denique Hermogenes. Deus est ab æterno Dominus: igitur materia est ab æterno, ut super eam suum exerceret imperium Deus; siquidem non est Dominus sine domino, & dominium sine subiecto, circa quod exerceatur, nullum est.

*Respondeo* negando, Deum esse ab æterno Dominum. Est quidem ab æterno omnipotens, sed sursum ab æterno non exercet dominationem; namque dominatio est attributum relativum, connotans creaturas, quibus actu dominetur. Ita Tertullianus ibidem cap. 3. "Dei nomen divinum semper fuisse apud semetipsum, & in semetipso, Dominum vero non semper: diversa enim utriusque conditio; Deus, substantiæ ejus nomen, id est divinitatis; Dominus vero non substantiæ, sed potestatis; substantiam semper fuisse cum suo nomine, quod est Deus, postea Dominus, accedentis scilicet rei mentio: nam ex quo esse cœperunt, in quæ potestas Dei ageret, ex illo, per accessionem potestatis, & factus & dictus est Dominus."

*Respondeo* 2. distinguendo. Deus est ab æterno Dominus, in actu primo, concedo: in actu secundo, nego. Id est ab æterno non suum exercet dominium, tametsi esset ab æterno Dominus, Dominus, inquam, virtualiter.

## SYNOPSIS PROBATIONUM.

*Materia non est æterna.*

*PRIMO.* Scriptura, Gen. 1. eam dicit factam.

*Secundo.* Tertull. errorem Hermogenis, qui eam posuit increatam, in libro integro suo percellit stylo censorio. Theodoretus l. 1. Hæretic. Fab. cap. 8. eam opinionem inter Hæreticorum fabulas adscribit.

*Tertio.* Nulla creatura est a seipsa, adeoque æterna; tum quia si foret innata, & cuncta ex ea fierent, nihil esset a Deo.

## SYNOPSIS SOLUTIONUM.

*PRIMO.* Scriptura quidem dicit: *In principio creavit Deus cælum & terram*, sed non ideo ex materia innata: sensus est; initio creavit Deus cælum & terram; immo creavit & abyssos, videlicet terram inane, & nondum varias distinctam in partes.

*Secundo.* Mundum quoad entia permixtione D. Thomas asserit potuisse esse ab æterno: sed ex hypothesi fuisse creatus orbis terrarum; & non innatus.

*Tertio.* Ab æterno Deus Dominus est, esto. Ergone materia æterna, ut suum in eam Deus exerceret dominium? minime; præsertim quia si foret innata, foret utique a Deo independens. Gratis igitur Hermogenes posuit eam innatam, ut Deus in eam haberet dominium. Cæterum Deus non est ab æterno Dominus quoad dominii & potestatis exercitium, sed tantummodo quoad virtutem & potestatem; quippe qui ab æterno omnipotens sit.

## ARTICULUS SEXTUS.

*Utrum mundus & omnia quæ continent, casu facta sint ex variis materiæ atomis.*

**C**ONTRA Dei optimi maximi existentiam obijciunt impii varias antiquorum Philosophorum sententias, maxime Epicureorum, qui præ cæteris audaciores, Deum non existere, saltem consequenter docebant, dum mundum & ex stupidis atomis coalescere, & a seipso esse autument; animam utique nedum belluarum, sed & hominis mortalem esse propugnabant. Eiusmodi errores impugnare primorum sæculorum Patres. Quis tamen systema Epicuri quasdam speciales habet difficultes, operæ præmium est illud & referre & refellere, ut veritas fugatis ex omni parte errorum umbris, crescat usque ad perfectam diem.

## SECTIO PRIMA.

*De systemate mundi secundum Epicurum.*

**H**ic summam solum referemus Epicuri systema de mundi fabrica, ut quæ de existentia Dei, & animæ rationalis mortalitate censuerit, & quo fuerit innixus principio, ut Dei negaret existentiam, & animam hominis mortalem diceret, clarescat & appareat. Stansleus ex Anglico idiomate in Latinum translatus, editionis Lipsiæ, in historia antiquorum Philosophorum, parte duodecima, tractando de Physica Epicuri, refert ejus circa mundi fabricam placita. Epicurus sectione prima de natura rerum varia proponit & statuit.

Pri-

*Primo.* Supponit mundum coaluisse ex corpore & inani, quæ duo veluti prima rerum principia habet. Capite primo sic definit corpus: *Intelligitur autem corpus ex congerie veluti quadam magnitudinis.* Capite secundo: *jam univrsum ex inani & corpore constans infinitum est, id enim quod finitum est, extremum habet.* Porro contendit ille Philosophus mundum extremis carente, ea potissimum ductus ratione, qui oculis delusis quædam habere non satis constat.

*Secundo.* Mundum negat esse creatum & factum, eo etiam iniuncto falso principio, *ex nihilo nihil fit*; unde concreta vult fieri ex simplicibus, nempe ex materia subtili: formis vero animantium, maxime animæ rationalis, ex materia omnium subtilissima. Hanc vero materiam ex qua coalescunt omnia, atomos vocat, cap. 4. & 5. sic loquitur: *Ceterum dari atomos allata ratio satis convincit. Quoniam cum natura nihil ex nihilo faciat, redigatur in nihilum, oportet quidpiam superesse in concretorum dissolutione, quod inextolubile sit: sane enim, si adhuc inextolubile, divisibile veldicas, necesse erit, subdividendo, perveniat tandem ad aliquid quod sit solidum, divisionisque incapax, quippe cum neque ipsa natura infinite exsolvat, sed in aliquo ultimo consistat, neque dari ulla corporis in infinitum divisio possit.*

*Tertio.* Atomos suas omnes ejusdem esse naturæ affirmat, variisque gaudere proprietatibus, ad compositionem concretorum aptissimis; sic enim scribit cap. 6. *Cum omnes porro atomi videantur ob expositam soliditatem unius modi, ejusdemve naturæ esse, habent tamen quædam conjuncta, siue proprietates ac qualitates quasdam quibus differre inter se possint: hujusmodi autem solummodo sunt, magnitudo, figura & pondus; & si qua præterea cum ipsa figura cognitionem habent necessariam, uti asperitas & levior, cap. 7. dicit atomos diversas habere figuras quibus ad compositionem concretorum sunt capaces. Cum sint, inquit, figurarum in atomis species numero incomprehensibiles, sunt enim rotundæ, ovate, lenticulares, planæ, gibbæ, oblongæ, &c.*

*Quarto.* Atomis tribuit gravitatem, pondus, motum perpetuum; alterum externum & sensibilem; alterum vero internum & imperceptibilem, quo quidem occurrentes ad invicem diversimode conjunguntur, & abeunt modo in arborem, modo in plantam, modo in belluam, modo

etiam in hominem: ibid. c. 8. ita loquitur: *Denique ipsi atomis gravitatem, pondusve attribuo; quod cum in motu, commisque ad movendum perpetuo sint, necesse sit ipsas moveri motu, interno illo impetu, qui gravitas dicitur, seu pondus increatur.* Ibidem: *Distinguebimus vero imprimis occurrit in ipsi atomis motus duplex, unus ipsiusmet gravitatis, siue ponderis, quo atomus nempe suo pte nutu fertur: alius ex ictu, seu reflexione, quo scilicet atomus una in aliam impacta repercutitur; & qui motus quidem gravitatis seu ponderis est, primario concipitur is quo atomus ad lineam, siue ad perpendicularum fertur; tali motu videlicet moventur omnia, quæ gravia sunt; verum, quia, si omnes atomi ad lineam, deorsumve & quasi a regione ferrentur, ut nunquam altera alteram posset attingere; ea de causa necesse est declinare atomos perpauillum, & quo nihil possit fieri minus, ita enim effici poterunt complexiones, & copulationes, & adhesiones atomorum inter se, ex quo & effici possit mundus; omnesque partes mundi, quæque in eo sint.*

*Quinto.* Contendit atomos esse rerum omnium principia, ex quibus cuncta fiunt, c. 10. Non est porro eorum quæ fiunt alia causa prima, & radicalis requirenda, quam ipsæ eadem atomi quatenus sunt eo prædicti vigore, ob quem moventur, aut in commisu ad movendum continuo sunt, neque enim absurdum est facere materiam actuam. Ibidem: *Itaque ut primæ molecule ex atomis coalite habent in se energiam quandam, seu sese movendi, ac agendi vim, constantem nempe ex singulorum atomorum vigoribus, sed varie tamen modificatis, prout atomorum sese invicem irretientium aliæ huc, aliæ illuc feruntur, ita grandiores moles contentæ ex minoribus habent aliquam, eamque pro illarum varietate modificatam, ac unum quodvis. Denique ex corporalibus natularibus, ex suis constantibus, & moleculis, & atomis, specialem habet energiam, seu sese movendi ac agendi vim, certa ratione modificatam, ita scilicet motus, siue actio a principii usque ascendit, & exit.*

Ibidem sic prosequitur: *At res naturales, tametsi mutuuntur partem aliquam sui, siue principium quoddam agendi ab auctore extrinseco, debere tamen sui affectionem principii intra se contentis, & a quibus interius secundum omnes sui partes digerantur & conformantur. Sic primam causam non agnoscit præter atomos, nam per agens extrinsecum, quod est concretorum causa, intelligit ipsam creaturam agentem, unde ibidem sub-*

subdit: *Prætereo autem ipsam quoque ageris externi actionem a propriis esse, internisque principiis, quæ ipsam actionem eo semper vertant, atque dirigant, quo impetus plurimum, aut validior tulerit.*

*Sexto.* Omnes atomos æqualiter & recta licea moveri contendit, in concretione tamen angulosiores & hamatiores magis intricare ad invicem, unde & languescere in motu, secus vero rotundiores ex quibus oritur energia in concretis; & quia, inquit, tales sunt ex quibus ignis, atque anima, ita & generalis qui appellatur spiritus constant: inde fit, ut quæ est præcipua in corporibus energia, sit ex ipsis spiritibus, qui ut libertatem discurrendi sic & dominium intra illas habent. Igitur animam vult esse ex atomis quæ majorem ac robustiorem conservant motum.

*Septimo.* Tenet mundum non esse a Deo conditum, nec aliam habere causam præter stupidas illas atomos, unde & casu acque fortuna factum propugnat, nempe ex atomis, quæ ad invicem per actionem & reactionem intricatæ, coaluerunt in diversâ entia, quæ præ oculis non sine magna animi exultatione intuemur. Ergo scilicet. 2. c. 3. sic habet: *Dicendum est potius effectum esse mundum natura, seu materis, ac ut aliquis Physicorum dixit, fortuna natura in quam, quatenus ea natura est atomorum per illam universi, seu naturæ rerum immensitatem discurrentium, ut sibi invicem magna quadam copia occurrentes apprehendere se, irretireque, & implere mutuo possint, ac se varie commiscerentes, primum quoddam veluti chaos, & in vorticis modum glomerum, ac deinde post multas convulsiones, evolutiones, fastisque molitionibus, & quasi tentamentis variis, omnigenos videlicet motus, cæsusque experiundo, in eam tandem formam coire, qualem mundus hic exhibet.* Fortuna vero quod atomi non consilio aliquo, sed prout fors obigerit, concurrant, coherescant, coaptentur, adeo ut fortuna proinde, quemadmodum dictum jam est, non ideo sit causa per se aliqua quæ atomos temperet, & ad talem effectum disponat: sed quod atomi sint ipsa fortuna, quatenus nulla præmeditatione sibi invicem occurrentes sese complerantur, & tale concretum prout obtingit faciunt. Ibidem ex professo negat providentiam.

Et adhuc c. 4. Verum ad ipsa quidem animalia quod attinet, par est ipsam terram, novum genitale semen retinentem, quosdam ex se folliculis, in quorumdam quasi uterorum

similitudinem protulisse, eosque cum maturisissent, natura cogente ruptos, animalia tenera profudisse: deinde terram ipsam humore quodam qui esset lacti similis exuberasse, eoque alimento animantes esse nutritas.

Idem asserit de hominis formatione, quam fortuitam sicut aliarum creaturarum dicit, nam ibidem sic prosequitur: *Quod de aliis autem animalibus dico, idem & de homine ipso dictum volo intelligi: videlicet folliculos, uterove aliquos radicibus terræ coherentes, & a sole concalescentes primum increvisse, & infantibus ex se editis ingentium lactis humorem natura ministrante præbuisse, quos ita educatos, & adultos genus hominum propagasse.*

*Octavo.* Quod pejus & absurdum magis, animam rationalem materialem simul & mortalem prædicat: c. 17. suam sic aperit mentem: *Dicendum jam de animo, qui & intellectus, mens, ratio, & rationalis, princepsque pars appellari passim solet. Quin dicitur etiam plerumque cogitatio, opinio, consilium, & illius est proprium, feriant etiam sensu, cogitare, quidpiamve apprehendere, intelligere, versare, meditari, discurre, deliberare. Pars est vero animi texturam consistere ex corpusculis omnium subtilissimis, levigatissimis, rotundissimisque.*

Denique c. 22. Ex professo eandem animam esse mortalem ita docet: *Ad mortem vero quod attinet, ea nihil est aliud, quam privatio sensus propter excessum animæ. Sensus hic dico, non tantum actionem, cuius est etiam sensus privatio, sed facultatem quoque sentiendi, quæ simul cum anima perit, ac una etiam animus, adeo, ut anima excedente, excedere etiam animus, ut ipsi conjunctus, censetur.* Ibidem adhuc sic scribit: *Porro & corpore exsoluto, anima ipsa dissipatur... & certe animam dissipari, interireque vel ex eo constat, quod concernatur, exoriaturque.* Ibidem.

Ex his omnibus tria potissimum resultant: primum quidem mundum juxta Epicuri opinionem a seipso esse. Alterum, eundem mundum coaluisse ex atomis, & ipsam animam rationalem in singulis hominibus, adeoque esse & materialem, & mortalem. Tertium denique mundum casu & fortuna factum: quæ quidem tria, quamvis ridicula & impia, non desunt tamen quibus arideant animæ mortalitas & interitus, quique si non mente, saltem corde, hæc eadem cum impiis loquantur, Sap. 2. *Non est refrigerium in fine hominis... quia ex nihilo nati sumus.*

Et post hoc erimus tanquam non fuerimus... Venite ergo, & fruamur bonis quæ sunt, & utamur creatura tanquam in juventute celeriter... coronemus nos rosis antequam marcescant: nullum pratum sit, quod non pertransseat luxuria nostra. Nemo nostrum exarsit luxuria nostra, ubique relinquamus signa lætitiæ, quoniam hæc est pars nostra, & hæc est fors. Quamobrem illa tria capita convellere juvat, ut sciat unusquisque vas suum portare in honorem, id est, vitam hic sanctam ducere, ut postea beatam pro æternitate assequatur. Sit igitur

## SYNOPSIS SYSTEMATIS EPICURI.

**PRIMO** quidem supponit mundum coaluisse ex corpore & ex inani.

**Secundo.** Negat mundum esse factum & creatum.

**Tertio.** Atomos omnes ejusdem esse naturæ, variisque gaudere proprietatibus ad compositionem concretorum aptissimis pronuntiat.

**Quarto.** Atomis tribuit pondus & gravitatem, sicut & motum perpetuum duplicem, alterum externum & sensibilem; alterum vero internum & imperceptibilem, quibus mediantibus sibi occurrentes ad invicem adhærent, & abeunt nodo in arborem, modo in plantam.

**Quinto.** Atomos dicit rerum omnium principia.

**Sexto.** Omnes atomos motu directo duci constituit.

**Septimo.** Defendit mundum a Deo non esse factum, nec alium præter stupidas atomos habere causam.

**Octavo.** Animam rationalem esse corpoream, & mortalem effutit.

**Nono.** Sequitur ex illo systemate nullum esse Deum, præter materiæ subtilioris coærvationem.

## SECTIO SECUNDA

*Convellitur fictitium Epicuri Systema, circa fortuitam & independentem a Deo mundi fabricam.*

**SYSTEMA** Epicuri non solum animæ rationalis immortalitatem evacuat, ut ex dictis claret; sed & Dei existentiam inficiatur, quatenus mundum independentem a Deo ex atomis coaluisse dicit. Tria igitur in hoc systemate claritatis causa distinguimus & annotamus, 1. quidem mun-

dum esse a seipso. 2. eundem coaluisse ex atomis. 3. denique casu & fortuito factum; ex quibus manifeste sequitur animam rationalem esse mortalem, Deum vero nonnisi fidei existere. Revera quidem eo ipso quo mundus, & omnia quæ continent, sunt a seipsis, jam ex creaturis in vanum colligitur Dei optimi maximi existentia; namque in hyporhesi Epicuri, non habent necessariam cum Deo connexionem, cum mundus sit a seipso. Quia vero primum rerum principium repetit Epicurus ab atomis, agendum est 1. de hoc systemate per ordinem ad atomos. 2. de systemate per ordinem ad ipsum mundum. 3. de systemate per ordinem ad Deum; de eodem systemate per ordinem ad animam rationalem dicemus infra in tractatu prædestinationis & reprobationis.

## PRIMA PARS.

*De systemate Epicuri per ordinem ad atomos.*

**SEX** pro suo systemate supponit & non probat Epicurus. Videlicet 1. cuncta casu & fortuito fieri. 2. omnia coaluisse ex atomis, quæ totum, ut vult, replent mundi spatium. 3. atomos esse ab æterno. 4. easdem habere motum æternum. 5. moveri motu recto. 6. qualdam componere & facere combinationes, quæ nec numerari, nec comprehendi possunt; contra quem sit

## CONCLUSIO PRIMA.

Mundus, qualis videtur, non est ens casuale aut fortuitum, seu casu aut fortuna factum.

*Probatur multipliciter.*

**PRIMO.** **I**LLUD non est casuale & fortuitum, quod est ad certum finem determinatum: atqui mundus & omnia quæ in eo continentur, sunt ad certum finem determinata: igitur mundus non est fortuna factus. Major patet: nam casuale illud censetur quod fit modo uno, modo altero fine, quod variatur, quod nihil certi habet, quod diversas sine ordine induit formas. Probatur igitur minor ab enumeratione partium. Sol creatus est ad lucendum, & si quod aliud deficiente lumine faceret, non foret amplius sol: igitur

ignis ad calefaciendum, equus ad ambulandum, &c. Igitur omnia quæ sunt in mundo, sunt ad unum finem determinata.

*Secundo.* Quæ sunt ordinata in se, & ordinate in suis procedunt operationibus, non sunt casualia: nam casuale sine ordine procedit, quandoque bene fit & operatur, quandoque etiam male. Atqui mundus ordinatus est in se, & ordinate in suis procedit operationibus: igitur neque casus factus est, neque cæco impetu & absque ordine graditur in suis operationibus: probatur minor. Ordo mirabilis ubique relucet in mundo. Ordo in sole, quamvis totus ignis & flammarum moles immensas contineat, neque tamen exuberat, neque propius accedit ad nos, ne cuncta consumat, sed in suo sistens orbe, gyrat mundum motibus annuis, & omnibus prodest. Ordo in luna; quippe quæ præsit nocti, & mensuris circulationibus fecundet terram. Ordo in avibus cæli, semper eodem modo nidificant, pullos nutriunt & descendunt ab hostibus, & sunt in cibum simul, & ad hominis recreationem. Ordo in bestiis terræ: in variis ordinatæ species quædam ad agriculturam, quædam ad sarcinas & onera de uno loco ad alium asportanda inserviunt. Ordo in tempestatibus: ver nascentis succedit hiemi frigido; verno, æstiva tempestas; huic vero fertilis autumnus. Vel rempublicam ordinatam cerneret inter sonnicas & apes quæ congregant in horrea pro hiemali tempore. Ipsi leones, quamvis ferocissimi, sibi invicem subordinantur, minores famulantur senioribus. Sic & canis, licet rationis expers, hero blanditur & obedit.

*Tertio.* Quod est immutabile & æternæ veritatis, non est casuale; enimvero mutabilitas nedum in proportionem partium, sed & in ipsa essentia conspicitur in casualibus, ut patet in monstris; quandoque enim monstrum habet caput leonis, & corpus alterius animalis. Sed cuncta quæ parent in natura habent essentiam immutabilem & æternæ veritatis: ab æterno verum est dicere quod homo sit animal rationale: quod duo & duo sunt quatuor. Omnes populi & ipsi barbari de hoc conveniunt, nusquam præscribitur contra hanc veritatem, & si quis eam aut negaret, aut verteret in dubium, protinus haberetur ut stultus: igitur mundus & omnia quæ in eo videntur, non sunt casualia.

*Dices* cum Epicuro: viator pluvia & grandine præclusus & veluti oppressus,

occurrit in cavernam, intrat & silvatur: profecto, casu venit in antrum: igitur omnia quæ in mundo continentur sunt casualia.

*Respondo* distinguendo consequens. Multa sunt casualia in mundo respectu causarum secundarum, concedo: per se & respectu causarum primarum ac totius naturæ, nego. Aliquid potest esse casuale dupliciter: primo quidem ex se & ex sua natura, deinde vero per accidens. Primo modo illud censetur casuale, quod non sibi constat, quod certis non clauditur terminis, ut si stultus bene ratiocinetur, si iudex legum ignarus bene judicet. Secundo modo aliquid dicitur casuale cum a causa ad producendum aliquem effectum ordinata procedit. Sic arbor de se virtutem activam ad fructum producendum habet: sed ventus urens delicat flores, hinc aut nullum, aut macilentiores edit: igitur est per accidens quod fructus non det in tempore. Jam vero eventus ille qui est quid casuale respectu causarum secundarum, profecto non est respectu primarum, quæ quidem permittit defectus, ut per contraria magis affulgeat pulchritudo universi. Hinc & hoc casuale eatenus cedit in bonum naturæ, quatenus inservit ad gloriam Dei. Ex his duo sequuntur, alterum est naturæ, quantum in se est, ordinate in suis procedere generationibus & operationibus; cuncta quippe suis ponderibus seruntur, & ad certum tendunt finem. Alterum vero nihil esse casuale respectu causarum primarum, quia si quædam creaturæ deficiunt a fine particulari, propter aliqua impedimenta quibus suis frustrantur effectibus, non tamen a fine universali & creatoris & totius naturæ.

*Veniamus* nunc ad cavernam, quæ viatori tempestate aliqua ingravescente oppresso occurrit. Quis dicit casu & fortuna productum illud antrum? Si quis sub-dio dormiens, evigilatus videret urbes & palatia suborta, sicut planta quæ unius noctis spatio assurgit & sine terra, forsitan posset dicere casu omnia fieri; sed nec domus, nec urbes sine lapidibus & lignis compositis, sine minu & artifice dirigente stabunt; a fortiori machina mundi. Numquid absque opifice sol se xagies terræ corpus mole sua superans, gyrahit circa meridiem & aquilonem? numquid sine Creatore omnipotente fundamenta terræ apponentur? petis ergo quis cavernam construxit? dico cum esse qui



qui in principio crevit cœlum & terram; ipsum esse qui dixit & facta sunt: Esto quod forte viatori occurreret antrum, quia non intendebat illuc pergere: sed caverna non casu facta est; verum potius a Creatore, qui cuncta fecit & summa regit sapientia.

### CONCLUSIO SECUNDA.

Omnia quæ sunt in mundo non sunt ex atomis.

*Probatur multipliciter.*

*Primo.* **A** TOMA sunt materiales, immo sunt ipsa materia in varias divisa partes, quarum aliæ sunt rotundæ, aliæ gibbosæ, aliæ cochleares, aliæ hamatiores: sed multa existunt in rerum natura a materia independentia, v. g. anima rationalis, quandoquidem est indivisibilis, & nullo modo extensa, sive in longum, sive in latum, sive in profundum: non est in loco circumscriptive, sed tota in toto corpore, & tota in qualibet parte, membro vero aliquo abscisso, puta manu, ipsa integra perseverat: adde eam sæpius independentem a materia intelligere; cogitat enim multa quæ nusquam vidit oculis corporalibus, v. g. unitatem, capit duo & duo esse quatuor, & hoc etiam nihil unquam sensibile & corporale vidisset: falsum est igitur omnia ex atomis coalescere.

*Secundo.* Falsum est omnia esse atomis plena igitur & falsum omnia constare ex atomis. Probatur antecedens multipliciter. 1. Si cuncta forent atomis plena, cuncta loca replerentur æqualiter, quod tamen non est verum: quædam enim vacua conspiciuntur ad sensum & solum aliquo replentur aere, quandoque leviori, quandoque densiori: si autem ab atomis repetitur repletio locorum, ipsa loca debent esse plena æqualiter, quia atomi sunt secundum Epicurum æqualis naturæ, æqualis abundantia: igitur omnia in hypothese forent æqualiter plena; quod falsissimum est, quandoquidem multa sunt loca quæ primum etiam aeris habent. 2. Faciliter exhauritur aer e vase vi machinæ pneumaticæ: igitur datur vacuum in illo vase; est enim omnis corporis expers, adeoque & atomorum, quæ si forent, cum intra eodem continerentur terminos, & consequenter eodem modo & eadem figura ac

modificatione sibi cohererent, idem corpus semper producerent; & in eodem statu sisterent, adeoque aer non exhauriretur.

*Si respondes* Epicureus aliquis, aerem subtiliorem remanere ex alteratione corporis concreti, nempe aeris; quæritur unde dissolutio in partes adeo tenues & subtiles? vel enim ista divisio fit in solo corpore concreto, vel in ipsis atomis: si in aere, cum dissolvatur illud concretum jam non est amplius aer, sed purum vacuum: si fiat in ipsis atomis quæ abeunt in partes subtiliores, & extensiores, jam atomi non sunt in se indivisibiles, jam non infinitæ, quia ante divisionem clauderentur terminis certis, jam & habent terminos in quocumque statu spætiatos. Nam una atomus habet faciem, supra habet, infra habet, a dextris & a sinistris, sicut quælibet pars sensibilis, illa namque atomus etiam materialis est: si sensibilis, si materialis semper utique in infinitum divisibilis, adeoque atomi non sunt actu numero infinitæ, tum quia infinitum habet omnes partes simul, tum quia est indivisibile & impertransibile: & vero si posset in novas dividi partes usque in infinitum, jam non est actu infinitum, & sic ruit suppositio & systema Epicuri.

*Tertio.* Ut omnia ex atomis fierent, atomi deberent esse in motu perpetuo, ut supponit Epicurus, & ab æterno: atqui hoc repugnat & productioni rerum atque agentium operibus; hoc naturæ corporum solidorum quæ sunt in quiete perpetua; hoc naturæ & differentia specierum, quæ hac in hypothese confunderentur: igitur omnia non constant ex atomis. Probatur minor quoad singulas partes. Primo quidem atomi non sunt ab æterno; nam quod est ab æterno non habet initium, atomi vero sunt finita a parte ante, & a parte post; a parte ante, quia sunt ex natura sua & essentia mutabiles; quædam sunt rotundæ, quædam solidiores, quædam hamatiores, præterea quæ hodie sunt solidæ, ex collisione ad invicem fiunt minus solidæ; a parte post, quia ut patet franguntur, & alterationem in generationibus præiungunt; apparet enim rerum ortus & interitus. Præterea quod est ab æterno, est semper in actu omnium perfectionum, si enim aliquid acquirit, jam deficit ab æternitate, nam in tantum acquirit, in quantum accipit quod non erat; & vero atomi supposititiæ

in perpetua vicissitudine versantur; tum quia franguntur diversimode ex collisione perpetua quam habent ad invicem, ut serviant rerum productioni; tum quia nova semper generantur, & corruptio unius est generatio alterius.

*Rursus.* Si atomi forent ab æterno, tales essent vel a se, vel ab alio: non tales sunt a se, alias essent perfectæ in ratione essentis, & una sufficeret pro rerum omnium productione, cum nulla creatura producta exhauriret virtutem productivam atomi, quæ supponeretur infinitam habere perfectionem, verius dicam, perfectionem omnium plenitudinem; cæteris enim ipso quo perfectio infinita est, cæteras omnes includit: non sunt a sortiori tales ab alio, nisi a Creatore; si enim eas habeant a creatura, datur processus inanis in infinitum, quatenus eadem quæstio tunc sine fine redit. Et vero creatura vel habet a se quod dat atomis, vel ab alio: si a se, jam atomi non sunt prima rerum principia: si ab alio, rursus quæstio redit in infinitum; porro si non invenitur initium, nihil fiet; namque non moto primo, non movetur medium, neque ultimum: igitur repugnat productioni rerum & agentium operationibus atomos esse ab æterno, & moveri motu perpetuo; tum quia motus, utpote ens successivum, esse ab æterno non potest; siquidem partes non simul, sed successive tantum habet. Sequitur adhuc atomos immotas ab æterno manere, quia eas motum solummodo in tempore accipere constat: igitur si a supremo numine non moventur, inanes prorsus & inertes manebunt, unde & nihil fiet, quia nihil movebitur. Solus ergo Deus immotus manens potest movere atomos in tempore, ipsæ namque atomi ab æterno sunt in potentia ad motum, & ab æterno sese movere non valent.

*Repugnat* utique naturæ corporum solidorum atomos esse in motu perpetuo; siquidem videmus dari corpora solida quæ non moventur, ut rupes; dari incorruptibilia quæ eadem in se manentia perseverant, ut cælestia, quæque motu alterationis nullo modo moventur. Jam vero si nullum corpus quiescit, sed atomis agentibus & reagentibus movetur, nullum est discrimen inter corpora solida & fluida; nullum inter illa quæ immota videntur, & alia quæ subsunt diversis generationum formis, & sic illud nos natura: Enimvero dum rupes,

dum quædam corpora cælestia immota credimus, perpetuæ sunt in eis generationes, activitate & motu atomorum, quæ quidem atomi cum sint de essentia rerum, sequitur essentias rerum de die in diem mutari, quatenus & ipsæ atomi mutantur & subeunt diversos essentialiter status; & sic sol noster, non erit ille qui fuit a mundi primordio, quando quidem motu atomorum novam non semel induit formam: quæ quidem omnia cum sint absurda, absurdum utique est dicere atomos & motu agitari perpetuo, & esse a seipsis ab æterno.

*Repugnat* denique motus atomorum perpetuus cullebit rerum essentia. Cum enim, ut ostensum est, ex atomis cuncta fiant secundum Epicurum, & ipsæ atomi sint de essentia individuum, omnia promiscue confunderentur entia, nec per species ea aut distinguere, aut dividere in hypothesi fas erit. 1. quidem, quia ejusdem naturæ sunt atomi: igitur erit eadem omnium rerum natura; homo v. g. equus erit, & e contra; namque cuncta ex atomis constabunt, immo & constituentur. 2. Nec essentia erunt immutabiles; atomi quippe juxta Epicuri sententiam sunt in motu perpetuo, eademque manent; unde quæ component & constituunt hominem, alternata vice possunt configurari in leonem. Sic multi inter Orientales errore devio ducti, credunt hominem transmutari, modo in ursum, modo in stupidam vaccam; quod quidem nedum fides, sed ipsa ratio impossibile astruit; tum quia essentia rerum sunt immutabiles, tum quia superius non descendit ad inferioris naturam, nec e contra recte B. Dionysio inferius attingit superius; namque si homo bellua evaderet, nihil esset hominis, cum ejus non subsisteret forma; & vero vel eadem hominis forma remanet in transmigratione per metempsychosin, vel non; si eadem est; igitur nulla est transmutatio, homo semper est; nam tandem ens dicitur subsistere, quamdiu suum formale constitutum retinet: supponitur quod anima perseverat, igitur & homo: unde mutatio si qua foret, solum accidentalis esset: si forma vel abscedat, vel pereat, ut supponit Epicurus, qui animam hominis posuit esse mortalem & materiale, jam non sit transmigrationis unius entis ad aliud. Cæterum transmigrationem animarum propugnantes, aliam propugnant in

el-

essentia & natura variationem. 3. Denique motus perpetuus atomorum non firmat, sed totam destruit naturam, atque subvertit rerum pulchritudinem, tollit quietem, debellat gratiam, turbat universi tranquillitatem & pacem, quia tollit omnium distinctionem, & dum ad unum construendum operatur, simul ad destruendum satagit: igitur motus atomorum neque aeternus, neque perpetuus: igitur omnia non constant ex atomis.

*Dices.* Epicurus nihil confundit; nam diversas admittit atomorum modificationes, quibus entia specie inter se distinguuntur; quæ quidem modificationes variæ a motu atomorum constantur & produntur, & sic atomi constituunt genera & species rerum quarum sunt principia.

*Respondet.* 1. Hæc gratis dici; ubi enim probationes? unde negatur atomos diversis modificationibus constituere entia diversa, & quidem propter multa. 1. Quia ejusmodi modificationes non possunt esse ab atomis; cum enim atomi sint materiales de se, tum intrinsece, tum extrinsece, utique sunt inertes; nam materia de se non est activa, sed pura potentia: si dicatur materiam habere activitatem ab aliquo actu sibi intrinseco & entitativo; quæritur an ille actus entitativus sit materialis vel non; si materialis, profecto & de se iners, ut infra fusiis dicemus: si supra materiam, ergo & supra atomos: igitur non ab atomis configuratio, sed ab alia causa omnibus creatis superiore, nempe Deo; unde dato & non concessio, solam materię modificationem sufficere ad constituendum diversas rerum species, hoc repeteretur a supremo numine. 2. Ejusmodi modificationes sunt tantum configurationes materię, longum, latum & profundum; quæ quidem configurationes possunt & ab artifice fieri: attamen quis invenit, aut inveniet unquam inter homines artificem, qui vel unam viventem musclem conficere possit? Est igitur aliquid præter configurationem, quod est intrinsecum rei principium. Si dicant Epicurei, atomos habere motum imperceptibilem, nihil probant, quia ex ipsis concreta sunt ex atomis configuratis, unde redit semper eadem difficultas. 3. Inest rebus virtus activa, exque intrinseca, quæ non est ab atomis, utpote invisibilis, & inest cuilibet parti concretorum.

*Respondet.* 2. distinguendo; & præter mo-

dificationes requiritur aliud ad constitutionem entium, concedo, & non requiritur, nego. Tales modificationes, utpote materiales sunt solum rebus extrinsecæ, quia sunt figuratæ: videmus autem, & experientia constat quotidiana, virtutem vegetantium, animalium, & maxime hominis, esse aliquid præter figuram & materiam solam.

*Dices.* 2. non implicat ens unum transire motu atomorum in alterius entis naturam, cum generatio unius sit corruptio alterius, & materia novas quotidie induat formas: quidni & anima hominis poterit, arboris vel vacæ induere naturam?

*Respondet.* distinguendo. Unum ens transit in alterius entis naturam quoad aliquid, idest, materiā quæ inest v. g. leoni, ipso mortuo subest alteri formæ, concedo. Unum ens formaliter transit in alterius naturam, nego. Perit forma leonis dum ipse moritur, unde destructa forma ac soluto composito generatur aliud, puta vermis, musca, &c. unde non est verum dicere, unum ens transire in aliud. A fortiori id negandum de anima rationali, quæ non perit pereunte corpore; & dato quod informaret corpus leonis, non ideo homo fieret leo; tum quia anima maneret in se rationalis & per se subsistens, tum quia non informaret neque moveret nisi extrinsece corpus leonis, sicut dæmon movet linguam & manus energumenorum; ratio est, quia anima non haberet operationes vitales in corpore leonis, siquidem deest belluæ sufficiens ad eas eliciendas & producendas organizatio.

### CONCLUSIO TERTIA.

Motus rectus, seu in recta linea positus non est essentialis atomis, unde nihil est certum in systemate Epicuri.

#### Probatnr multipliciter.

*Primo.* **T**ALIS est causa, qualis effectus: atqui effectus qui in natura videntur non sunt in eadem linea constituti; enimvero apparent montes & colles; apparent valles, sunt loca ardua & obtusa, & tota natura in diverso gaudet: igitur motus atomis confectus non est essentialiter rectus, aliis cum sit, ut supponitur ab Epicuro, omnium causa rerum, entia utique deberent esse eodem modo, & in eadem linea facta atque constructa; quandoquidem

E 2 cau-

causa eadem manens, eundem semper & eodem modo producit effectum. Si ergo motus rectus est essentialis atomis, omnia produci debent in linea recta, unde nihil curvum foret in mundo.

*Secundo.* Effectus sequitur naturam causæ: sed motus causatur ab atomis, & illæ sunt ovales, triangulares, gibbosæ, acutæ, quadam etiam obtusæ: igitur fieri non potest motus rectus ab entibus tam intricatis; quis enim diceret ingentes exercitus, milites promiscue euntes & redeuntes ac inter se se, prout est impetus, & vitandi periculi necessitas, decertantes, motu recto moveri, cum potius conflēt modo a dextris, modo a sinistris juxta occursum & congressum ferientis, motum & actionem fieri? Quis utique propugnabit atomos numero & figura infinitas & permixtas ad invicem moveri recta linea, cum potius in gyrum, & per transversum seise movere exigant? jam vero si motus rectus non est essentialis atomis, sed accidentalis, nihil certum habet systema Epicuri, nec si bi constat & cohæret.

*Tertio.* Si atomi moventur recta linea, nihil unquam fiet, quia neque commiscēbuntur, neque cohærebunt ad invicem; quamdiu enim duo corpora slipata unguis, rostris, curvis pectinibus & acuminibus, moventur separatim in duabus lineis parallelis, nunquam se tangunt, nunquam invicem cohærent; quamvis unumquodque habeat, unde ab alio teneatur: igitur atomi non moventur motu recto.

*Dices* cum Epicuro: est clinamen in atomis, quia paululum incurvantur ut sibi invicem cohæreant, & ex ipsis fluant concreta: ut primum igitur sibi adhærent, fiunt combinationes; & ex combinationibus concretiones; ex concretionibus composita.

*Respondeo* ex hoc sequi motum rectum nunquam inesse atomis, unde ruit Epicuri principium, utpote falsum, quia absolute atomi debent moveri motu curvo ad hoc ut faciant combinationes, & per combinationes entia concreta & composita.

*Respondeo* 2. Combinationes utique esse fictitias. 1. Quia nihil est certum in motu qui ad horam variatur, occurrunt namque semper diversæ in atomis figuræ, & si quæ in eis sistant, ad tempus sistant, aliæ enim adveniunt totum præcedens immutantes compositum, unde nihil erit in rerum natura solidum, nihil permanens. 2. Cæli sunt incorruptibiles; terra in æternum stat, idest immobilis per-

manet: igitur terra non constat atomorum combinationibus, quæ nihil habent fixum propter motum perpetuum atomorum. 3. Combinationes illæ sunt mere extrinsecæ respectu entium, quia sunt figuratæ: igitur non constituunt entia, maxime animam rationalem, quam esse sine figura & extensione constat ex rationibus supra laudatis.

#### CONCLUSIO QUARTA.

Combinations prædictæ sunt fictitiæ & impossibiles.

*Probat*ur multipliciter.

*Primo.* ILLÆ combinationes sunt fictitiæ quæ fieri non possunt ex motu & collisione atomorum: atqui combinationes, de quibus procedit questio, fieri non possunt ex motu & collisione atque fractione atomorum: igitur & ex hac parte stare non potest systema Epicuri: probatur minor. 1. Atom non sunt semper in actu operabilium, hodie enim arbor generatur, quæ tamen anno mox prætorito nondum existeret; a quo igitur atomi reducuntur ad actum? profecto non a se, alias si semper forent in actu, semper arbor v. g. equus &c. producerentur, & quidem ab æterno. Præterea multa sunt possibilia quæ nunquam erunt; quod tamen falsum esset, si atomi motu perpetuo agitantur & infinitas haberent combinationes: cum enim infinitæ ad æterno jam transactæ essent; profecto nulla superesset faciendæ ad productionem entis unius possibilis; quod tamen non est verisimile: igitur combinationes nihil ad hoc conducunt.

*Rursus:* atomi sunt ejusdem naturæ: igitur non possunt ita in diversa coalescere ut producant entia specie discrepantia, quorum alia dura corpora exigunt, mollii vero altera, ut lana: igitur fictitiæ sunt illæ combinationes pro rerum productione: licet enim diversæ sint atomi, omnes tamen sunt ejusdem naturæ; & ideo quantumvis modificentur, non possunt constituere entia specie diversa; sicut lana quantumvis modificetur, & recipiat figuram, nunquam evadit aut lapis, aut ferrum: igitur gratis pro rerum productione supponuntur combinationes.

*Secundo.* Motus nihil confert ad ejus-

mo-

modi combinationes requisitas ad productionem entium: & probatur. Corpus occurrens alteri corpori, v. g. pila alteri pilæ super tabulam rasam, communicat motum, & pro se amittit: igitur atomi in illa pila non moventur motu perpetuo, neque combinationes producunt sufficientes ad novum effectum, quandoquidem languescit motus & perit in corpore alterum impellente. Quæro jam a quo motus? certe procedit vel ab atomis, vel ab alio; si ab atomis, cum pila secunda æquales habeat ac prima, sese sine impellente movere deberet; namque atomi omnes supponuntur moveri motu æquali: item corpus motum semper moveri deberet, quia constat atomis quæ moventur motu perpetuo, & tamen quiescit pila impellens; immo & pila mota post cursum aliquem. Ergo ab alio movetur ad combinationem atomorum pro concretionem: non ab atomis, quandoquidem sine impellente extrinseco omnia immota manent: igitur a Deo: igitur combinationes nullæ sunt; sed totum procedit a causa: prima cuncta movente, & a causa secunda quæ prius mota se movet ad agendum & operandum.

*Tertio.* Homo est liber libertate & contrarietatis, & contradictionis. Contrarietatis quidem; experientia comprobat quotidianam nos posse facere pro libito bonum vel operari malum: contradictionis vero; siquidem quilibet potest agere, vel non agere: sed admissis illis atomorum combinationibus, nulla erit libertas; omnes quippe erunt ad unum tracti & determinati, prout scilicet erit impetus atomorum, quæ cæco raptu modo in unam, modo in istam confluant combinationem; cuncta sine deliberatione faciet homo, cuncta sine electione; velit enim, nolit, eo ipso tempore & momento, quo irrumpent in combinationes atomi, operabitur promiscue bonum & malum. Ex quo exitioso principio sequitur hominem nunquam peccare, neque esse aut laude aut vituperio dignum, quia invitus cæco modo & casu ad quodlibet rapietur.

*Dices* cum Epicureis: Datur medium inter motum atomorum rectum & clinamen, quod electionis locum suppediet.

*Respondeo* hoc in nullo favere libertati, quia atomi moventur motu perpetuo, motu æterno, motu cæco & absque dirigente; combinationes sunt ad unum fortuna & necessario determinatæ; unde ne quidem umbra aut electionis, aut libertatis apparet.

*Tam. I.*

*Concludamus* igitur, 1. Omnia non casu fieri. 2. Omnia non coalescere ex atomis. 3. Atomos neque esse ab æterno, neque moveri motu perpetuo. 4. Motum rectum non esse atomis essentialem, sed accidentalem & arbitrium. 5. Combinationes neque esse possibiles, neque convenientes: Denique numerum atomorum non esse infinitum: & consequenter systema Epicuri penitus rueret, & esse sine fundamento; addam, absque ulla aut rationis, aut sapientie umbra.

## SYNOPSIS PROBATIONUM.

*Mundus nec casu factus est, nec coalescit ex atomis.*

*PRIMO* quidem, casu & fortuna nusquam factus est; nam & propter debitum certumque finem creatus apparet, tum quia in suis vicissim operationibus ordinate procedit.

*Secundo.* Sed nec ex stupidis atomis coalluit; nam & ipsæ atomi per omnia materiales sunt, nec certum habent motum, cum linea modo recta, modo & obliqua ac per transversum agitur: porro nemo non videt causam mundi productivam mere spirituales esse, nam & supra materiam, & ab ea independens est, quippe quæ cuncta ordinet & in pace componat; unde & infinita & immensa censetur; hæc ratione opus naturæ dicitur, ut tritum fert adagium, opus intelligentiæ: cæterum experientia comprobat quotidiana, nosmetipsos independentem a materia sæpius multa intelligere.

*Tertio.* Homo est liber, & libertate contrarietatis & libertate contradictionis: posita vero pro principiis rerum & operationum fucata atomorum combinatione, maneret ad unum determinatus, præceptique ad cuncta, in quæ esset atomorum impetus, abiret.

## SECUNDA PARS.

*De systemate Epicuri per ordinem ad mundum.*

*EPICURUS* agnoscit supremum numen, & tamen vult mundum esse a Deo independentem, & esse a seipso; vult illum naturaliter coalluisse ex atomis, quas esse ab æterno falso supponit: hinc atomis seu materiæ subtiliori, quam quidem antiqui

E 3

Phi-

Philosophi nominaverunt quintam essentiam, vel materiam essentiatam, tribuit efficaciam prope divinam, immensitatem, omnipotentiam, aeternitatem, sapientiam; saltem sequitur ex illius principis, atomos hæc omnia habere: enimvero si mundus est a seipso, si coaliuit ex atomis seu materia subtiliori æterna, eaque a Deo independente, colligitur ejusmodi materiam donari omnipotentia, immensitate, sapientia infinita; hæc enim omnia requiruntur ad creanda quæ fuerunt, quæ sunt, & quæ in posterum futura sunt: quod certe non est minus impium quam ridiculum: dico impium, nam blasphemia horribilis est ponere creaturam a Deo independentem: ridiculum vero, quia est contra rationem entis finiti esse sine principio & independens: sic igitur

### CONCLUSIO PRIMA.

Mundus non est a seipso.

Probatur multis argumentis.

**Primo.** Quid est de se & essentialiter finitum, non potest esse a seipso; sed mundus est essentialiter finitus: igitur non est a seipso. Major patet; eo enim ipso quo res perfectionem dumtaxat finitam habet, desunt illi multa, unde agnoscit aliquid supra se. Probatur minor. Talis est mundus, quales partes; cum mundus nihil sit præter omnium entium aggregationem & collectionem: sed quodlibet ens intra certos terminos continetur & clauditur; Bestiæ limitatas habent perfectiones; item & homines: igitur mundus est finitus; adeoque non est a seipso.

**Secundo.** In iis quæ sunt essentialia a sensu distributivo valet consequentia ad collectivum; sic quia Petrus, Paulus, Jacobus, sunt animalia rationalia, sequitur illos omnes esse homines: sed quælibet creatura est finita & ab alio: igitur & omnes creaturæ; alias si qua foret a seipso, non esset creatura: igitur mundus qui est omnium entium creatorum collectio, non est a seipso.

**Tertio.** Si mundus est a seipso, est actus purus, & habet omnem perfectionum plenitudinem; alias si deset illi aliquid, jam est in potentia, & moveri debet ab alio ad perfectionem quam querit: sed mundus neque est actus purus, neque omnis perfectio; novos siquidem acquirit in generationibus,

tum entium tum perfectionum gradus.

**Quarto.** Si mundus foret a seipso, esset utique semper in actu omnium & intelligibilem, & amabilem; namque cuncta entia, etiam intellectiva seu spiritualia ab eo sicut cætera fluere; deberet omnes omnino in se completi perfectiones, neminem enim dare quod non habet, ultro quisque faceret: sed materia etiam subtilissima neque intelligit, neque vult; & supposito quod utriusque donetur operatione, profecto non semper & pro semper; enimvero apud nos homines, est temporis vigiliæ, similiter & quietis: igitur mundus non est a seipso.

**Quinto.** Atomis e quibus sunt omnia non sunt a seipsis: quælibet enim atomus est pars materiæ: igitur & finita; atomus enim utpote ens finitum, & ab alio præcolum, non est a seipso: immo nec atomus concreta, a fortiori nec simplex: igitur atomi non sunt a seipsis, adeoque nec mundus.

### CONCLUSIO SECUNDA.

Attributa divina, qualis est infinitas, sapientia, intelligentia quæ cuncta dirigit; omnipotentia, æternitas, non conveniunt atomis & materiæ, ex qua vult Epicurus omnia coaliuisse.

**J**AM probavimus contra Hermogenem materiam non esse ab æterno: æternitas igitur non convenit materiæ subtiliori & atomis; adeoque nec mundo.

Probatur pro aliis momentis.

**IMMENSITAS** non convenit materiæ subtiliori & essentiatæ seu atomis, & probatur. Illud non est immensum quod ex natura sua clauditur terminis; atqui talis est materia de qua agimus: igitur materiæ, quæcumque sit, non convenit immensitas. Probatur minor. Quantitas externa est a materia atomorum inseparabilis; hac quippe sublata, materia non remanet sensibilis; sed quantitas ex ratione sua claudit materiam inter terminos longitudinis, latitudinis & profunditatis, nihil enim in quantitate concipimus præter has dimensiones; quælibet autem habet lineas, habet puncta & superficiem, sed & hæc inserviunt ad limitandam materiam & certis terminis circumscribendam: igitur materia clauditur terminis; etiam

etiam materia subtilis, etiam atomus; nam terminatur superficie & punctis, quæ omnia si demus nihil est.

*Incorruptibilitas & immortalitas* non conveniunt materiæ. Illud non est incorruptibile, quod constat contrariis & id susceptible, quod est alterabile & dissolubile: sed talis est materia quæcumque: igitur incorruptibilitas & immortalitas non conveniunt materiæ. Probitur minor. Materia duplex est; alia simplex, alia concreta: & iterum concreta duplex, altera cælestis, ut sol; altera sublunaris, ut arbor; & adhuc sublunaris duplex: una quæ omnis cognitionis iners & incapax est, ut arbor; alia quæ aliquam habet cognitionem, ut homines & bestię: sed incorruptibilitas & immortalitas non conveniunt isti materiæ multiplici; quælibet est ex ratione sua divisibilis & dissolvi potest: quod enumeratione, & discurrendo per singula materiæ genera cito apparebit.

*Primo* quidem, Materia simplex est dissolubilis: nam atomus una ex collisione cum altera frangitur, & si partes habet acutas, ex congressu sunt obtusæ, ut patet in collisione duorum corporum solidorum, motus enim languescit, & cito cessat in eo quod aliud impellit; unde motus & cessatio; nisi ex fractione & alteratione atomorum in impellente contentorum.

*Secundo.* De materia concreta sublunari non est dubium; & hoc ipsum sufficienter indicat ortus rerum & interitus.

*Tertio.* Materia cælestis etiam subjacet alterationi: nonnumquam in sole & luna comperimus eclipses; immo non semel apparuerunt in eis maculæ, quas quidem ipsi soli intrinsecas fuisse non pauci autumant: ipsa Scriptura veritatem quam defendimus non obscure indicat; sic enim legitur, 2. Petr. 3. 10. *Adveniet autem dies Domini ut fur: in quo cæli magno impetu transient, elementa vero calore solventur.*

*Quarto.* Etiam materia concreta aliquam habens cognitionem, qualis est anima belluarum, corruptibilis est; quamvis enim præ cæteris inferioribus subtilior, attamen habet partes, quæ quidem soluta unione dissolvi possunt. Igitur incorruptibilitas rigorose sumpta, eaque absoluta, non convenit materiæ, quandoquidem materia quæcumque sit, vel est elementorum actione & reactione corruptibilis, vel saltem divisibilis, & in partes dissolubilis.

*Omnipotentia* non convenit materiæ, e-

tiam subtilissimæ, qualem vult esse in atomis Epicurus: & probatur. Quod est in se finitum, non est omnipotens; nam quod terminis concluditur, indiget multis bonis & perfectionibus; alias, si eas haberet, non foret finitum; sed infinitum: æqui materia etiam subtilis est finita: igitur non est omnipotens. Probatetur minor. Materia clauditur terminis perfectionum, quandoquidem novas de die in diem in generationibus acquirit; & certe si materia subtilis, seu atomi essent infinitæ in perfectionibus, nulla generatio esset, sed omnia apparuissent simul cum atomis ab æternitate: attamen nova quotidie conspiciuntur, quæ sicut pulchritudinem, ita & perfectionem addunt huic mundo. Materia clauditur terminis locorum, circumscribitur a loco, & unum corpus expellit, & destruit aliud per collisionem & congressum. Clauditur terminis temporum; quæ sunt hodie, mane sicut flos agri marcescunt, & sicut scænum quod in cibarium mittitur pereunt: uno verbo mensurantur tempore & non æternitate, alias nihil periret, & nihil de novo generaretur. Quid plura? clauditur terminis operationum: lapis est ad unum determinatus, idem dicendum de sole, qui unum & idem semper operatur: immo hoc & de bellis constat; eadem quippe faciunt & semper per totam vitam; jam si quando ira, vel invidia, aliiſve passionibus commoventur, sine directione agunt, sed prout est impetus, cæco motu rapiuntur.

*Sapientia* non convenit materiæ; & probatur. Sapientis est ordinare, & media ut media conferre ad finem consequendum: sed hoc non convenit materiæ: & probatur. 1. Quia secundum se est indifferens ad omnes formas; videmus enim in leone occidit eandem materiam, idem corpus, quamvis eodem modo organizatum, subesse alteri formæ, & esse non amplius animal, sed cadaver. 2. Materia non cogitat, alias lapis, arbores deberent saltem aliquoties cognoscere, si hoc conveniret materiæ secundum se consideratæ, est enim eadem in omnibus, cuncta constant atomis, ut supponit Epicurus. Si dicas deficere modificationem & configurationem, adducatur artifex qui omnia delineat hominis organa extrinsece per configurationes, intus per machinas, quales in horologiis construunt, tunc aderit modificatio: ergone erit & ratio & iudicium in

statua ? minime : igitur materia de se incapax est sapientiae.

*Dices.* Prudentia magna annotatur in formica ; sapientia in apibus , quæ quidem veluti in republica pro confectioe melis cuncta necessaria recte ordinant : igitur sapientia non incongrue de materia prædicatur & ipsi convenit , quandoquidem belluis , tametsi mere materialibus tribuitur.

*Respondet* distinguendo . Sapientia imperfecta , passiva & participata convenit belluis , concedo : perfecta , activa , & infinita , nego . Sapientia duplex distinguitur , altera finita , altera infinita : rusticus , finita duplex , nimirum activa & passiva . Finita est in creaturis , siquidem perfectiones duntaxat limitatas habent : activa & quæ promanat tum ab electione , tum ab indifferentia & libertate , reperitur tantummodo in Angelis & hominibus , quippe qui cognoscant finem ut finem , & media prævia deliberatione ad agendum assumant : passiva eatenus in belluis esse dicitur , quatenus instinctu quodam rapiuntur ad ea quæ suæ congruunt naturæ : igitur res materiales in rigore loquendo non habent sapientiam , prudentiam , simileque perfectiones , & si quæ in eis estulgeat , certe a Deo solo promanat , quod & ipsi inter Paganos sapientissimi agnoverunt : sic enim scribit Virgilius de prudentia apum , l. 4. Georgic.

*Esse apibus partem divinæ mentis & hausus Aethæris dixerit . Deum namque ire per omnes .*

*Terrasque , tractusque maris , cælumque profundum .*

Ratio non convenit materiæ : & probatur . Cognitio per inquisitionem & rationem , sit per abstractionem a materia : igitur non convenit materiæ . Probatur antecedens . Cognitio mentis & per inquisitionem est universalium ; enimvero mens cognoscit essentias rerum secundum se , puta naturam hominis , naturam leonis , naturam numeri , quæ quidem omnia cognoscuntur per abstractionem a materia ; alias mens solum singularia attingeret , quod experientia comprobatur esse falsum . Dico quod singularia tantummodo mens cognosceret , siquidem res in materia coneretur sunt individuae & singulares . Confirmatur . Illud non est rationis compos quod nihil ordinat , nec potest ordinare :

atque talis est materia . 1. Quia secundum se est sine forma ; neque est quid , inquit Aristoteles , neque quantum , neque aliquid aliud per quod ens determinatur . 2. Quia si aliquid aut ordinaret , aut ordinare posset , inutilis foret artifex , nulla foret aut generatio , aut corruptio ; nam materia cum supponatur ab æterno præexistere , & sibi ad omnia sufficiens esse , omnium formas in se præcontineret ; quando vero aliquid de novo appareret , non esset generatio , sed solum materiæ nova explicatio , neque itaque locus foret interitui , cum enim res perire viderentur , alternata vice in finem materiæ unde exierunt , abirent , & ibi abscondita quidem , sed secundum se remanerent ; quæ quidem omnia sane repugnant . 3. Si materia ad ordinandum aliquid valeret , non esset ratio cur leo cognosceret potius quam lapis , cum materia sit eadem in omnibus , & motum habeat ; & tamen omnes tum antiqui , tum novi Philosophi distinguunt entia , & dividunt in ea quæ mere materialia sunt , ut lapides ; quæ paululum sunt eminentiora & motum habent , ut arbores ; quæ sunt aliqua cognitione prædita , ut belluæ ; quæ habent quidem materiam , sed formæ subiectam , ut homines ; licet enim anima sit in corpore , non tamen ab ipsa dependet in suis primariis operationibus , nempe in intellectione & volitione ; siquidem potest & intelligere & velle absque corporis ope , corpus vero operari nequit sine anima ; juxta illud Psalm. 103. v. 29. *Auferes spiritum eorum , & deficiem , & in pulverem suum revertentur .* Denique dantur entia ab omni materia immunia , igitur materia est cognitionis incapax .

### CONCLUSIO TERTIA.

Materia quæcumque , etiam subtilior & atomorum , non est independens ; & hoc sequitur ex dictis supra .

*Probatur insuper variis rationibus .*

**P**RIMA est . Quod dependet in esse , in fieri & in conservari , non est independens : atque talis est materia : igitur non est independens . Probatur minor . 1. Materiam dependere in fieri ab alio liquet ; ostensum est enim non esse a se . Præterea idem esto judicium de materia secundum se , ac de materia in concreto sum-



*Sumpta* : atqui materia in concreto sumpta, nempe compositum, accipit esse ab alio, & ideo datur generatio & corruptio, ortus rerum & interitus: igitur materia dependet in fieri & in esse ab alio; quod autem eadem sit lex ortus & interitus pro materia, tum secundum se, tum in concreto considerata, patet ex eo quod materia secundum se est finita, & habet partes divisibiles: igitur & corruptibiles; quod autem est corruptibile, incipit esse & fit: igitur & dependet, quia habet causam.

*Secunda*, Existentia sequitur ad rem completam, ad rem in se essentialiter atque physice perfectam; nam quod est a parte rei, debet esse determinatum in aliquo genere & in aliqua specie, alias foret ens rationis: atqui materia secundum se non habet existentiam: igitur debet illam ab aliquo superiori accipere: igitur dependet in fieri & in esse ab alio. Major patet. Probatur minor. Materia secundum se considerata, neque est quid, neque quantum, aut aliquid aliud per quod ens determinatur. Habet esse determinatum a forma, alias si ex ratione sua formam haberet, cum ex Epicuro atomi sint numero infinitæ, nihil fieret & generaretur, sed omnia essent ab æterno cum materia, namque materia haberet infinitas formas, unde esset omnia, quod profecto ridiculum prorsus est & experientie contrarium: igitur materia habet esse quid determinatum & existere a forma: forma vero sive sit pura modificatio, ut vult Epicurus, sive actus intrinsece materię superadditus, habet ubique esse ab alio; siquidem incipit esse, & postea desinit per compositi resolutionem, si animam rationalem excipiamus: ergo & materia secundum se, & materia concreta dependet ab alio in fieri, & in esse, & consequenter in conservari, quippe conservatio est iterata rei & continuata productio.

*Tertia*. Illud solum est independens quod est ens a se & actus purus, id est, quod habet omnes omnino perfectiones, quod est in actu omnium bonorum, cui nihil aut addere, aut ab eo minuere possibile est; si enim aliquo caret bono, mutabile est & perfectibile ab alio magis perfecto, & ideo dependens fiet; item si aliquid perdit; aliquid igitur est ipso sortius & perfectius cui par est & subijcitur, & sic iterum fit dependentia: sed materia neque a se, neque actus purus, neque immu-

tabilis: igitur est ab alio, nempe a supremo numine dependens. Probatur minor. 1. Dictum est supra; materiam esse ab alio, & non a se: sed addo non esse actum purum, novas siquidem quotidie recipit formas, veteresque perdit: item est divisibilis in infinitum in partes; igitur alterabilis & corruptibilis, igitur ab alio perfectibilis, adeoque ab alio dependens.

*Quarta*. Implicat etiam in systemate Epicuri, materiam esse independentem: igitur est dependens. Probatur antecedens. Epicurus agnoscit supremum numen supra materiam, agnoscit ens a se & in se beatissimum, a quo tamen mundum & factum fuisse, & nunc gubernari negat, ne sollicitudo aut labor aliquid de ejus beatitudine atque felicitate detrahat: sed implicat Deum esse & materiam ab eo non dependere: & probatur. 1. Sequeretur quod esset aliqua in materia perfectio quæ non esset a Deo; siquidem & materia, & ipse mundus a Deo non essent. 2. Materia foret sicut Deus, quia esset a se: jam essent duo Dii; pluralitas autem Deorum, nullitas est; ut probavimus supra. 3. Deus non esset Dominus, neque materię neque mundo dominaretur; quandoquidem omnia ab ipso, in systemate Epicuri, forent independentia. Quale nomen quod æmulum haberet? Igitur ex omni parte implicat independentia materię.

*Quinta*. Omnia quæ sunt ab alio, dependent, juxta illud Aristotelis 8. physiq. cap. 5. „Utrumque dicimus movere, pri-  
„mum & ultimum moventium, sed ma-  
„gis primum; illud enim movet secun-  
„dum, sed non hoc primum, & sine  
„quidem primo, ultimum non movebit:  
„illud autem sine hoc. „Immo sentimus  
& experimur nos ab alio dependere: accipimus esse, habemus operari a Deo., juxta illud Act. 17. *In ipso vivimus, movemur & sumus*; & vero deficientie causæ primæ influxu, vita sicut umbra fugit & dissipatur; ergo & materia dependet. Probatur consequentia. 1. Quia materia habet partes; igitur ut istæ maneant unitæ, & sibi invicem cohæreant, ab alio dependent in conservari; eatenus enim composita dependent ab alio, quatenus recipiunt aliquid, & ex partibus unitis coalescunt, quam quidem partium unionem accipiunt in tempore, & ideo generantur, sed & corruptuntur, dum agens prædominans cessat servare earundem partium unitatem, cum igitur ea-

dem ratio curat pro materia secundum se, nam habet partes, etiam secundum se ab alio dependet. 2. Compositum nobilissimum est materia; ista quippe informis est, compositum vero habet formam, speciem, & consequenter pulchritudinem: attamen ab alio dependet; ergo a fortiori materia. 3. Sublata materia a supremo numine dependentia, nulla est providentia, neque ullus ordo in rerum natura, sed sempiternus horror inhabitat; quia cuncta casu promiscue fieri necesse est, quod propugnat obsecratus Epicurus; nulla pulchritudo quæ quidem consistit in modo, specie & ordine: attamen oculus & mens testes sunt, mundum esse & perfectum, & pulcherrimum, eundem mutua partium & entium subordinatione subsistere: igitur materia & mundus ab alio dependent, immo ideo sunt, quia a Deo dependent, & accipiunt ab eo esse; moveri, vivere & conservari.

*Solvuntur objectiones Epicuri.*

*Obijcit Epicurus.* Cura, sollicitudo & labor, repugnant supremo numini, cui summa competit beatitudo: ergo & ipsi repugnat fabrica mundi: igitur mundus est a seipso. Probat consequentiam; mundus non potuit fieri sine magno & stupendo labore; labor autem opponitur beatitudini. Sic igitur loquitur Epicurus in Physica sua, Sect. 2. cap. 3. apud Stanleium: *Eximendum imprimis est a sollicitudine ac labore mundi extruendi divinum numen: neque enim esse potest a causa beata simul ac immortalis, quæ ipsum sabrescerit.*

*Respondeo* concessio antecedente, negando consequentiam; quippe sine labore Deus mundum condidit; vocat enim ea quæ non sunt, tanquam ea quæ sunt; & sicut solo verbo cuncta fecit, ita solo sermone restituit universa. Ratio est, quia est omnipotens & infinitum. habet virtutem, unde in instanti sibi subdit passum, & entia quando vult procreat: est infinite perfectus, & ideo in ipso omnia vita erant, inquit Joannes cap. 1. Ad probationem, distinguo. Mundus non potest fieri ab agente creato sine stupendo labore, concedo; immo tantus foret ut opus perficere haud valeret pura creatura: non potest fieri sine labore ab agente infinito, nego. Sicut igitur Deus potuit absque labore & animi fatigatione mundum

condere, ita & sine beatitudinis interruptione conservare: immo fecit propter gloriam suam, nimirum ut sese ad extra diffunderet & manifestaret.

*Instant.* Quod non est factibile, fieri non potest etiam a Deo: atqui mundus non est factibilis; nullus quippe artifex potest aut invenire, aut ipse fabricare instrumenta ad tantum & tam arduum opus faciendum idonei. *Quibusnam,* inquit Epicurus ibidem, *certe oculis intueri Plato potuit fabricam illam operis tanti, qua constri a Deo atque edificari mundum facit? quæ molitio? quæ ferramenta? qui vestes? quæ machine? igitur mundus est a seipso.*

*Respondeo* 1. Mundum non esse Deo fortiozem & potentiozem: si mundus potuit fieri a seipso; ut vult Epicurus, & compaginari quatuor elementis pluiquam ferreis vineulis ad invicem adunatis; jure potiori concedere debet Deum, quem agnoscit virtute & potestate mundo superiorem, mundum ipsum potuisse fabricare.

*Respondeo* 2. Negando minorem: ad probationem distinguo. Nullus artifex creatus potest habere instrumenta idonei & de se sufficientia ad fabricam mundi, concedo: nullus artifex qui sit Deus, nego. Eo enim ipso quo habet infinitam agendi virtutem, solo verbo facit & creat omnia; cuncta quippe illi obediunt: unde dicitur a Psalmista, *Qui cælos fecit in intellectu.* Et vero, si anima nostra, solo voluntatis nutu, & facultates & membra, cæteraque corporis partes movet, & applicat ad actum, quidni machinam mundi, uno solum verbo, fecerit Deus? ergo allucinatur graviter Epicurus, judicando de virtute Creatoris, sicut de potentia finita artificis humani.

*Instant.* Artifex non potuit magnam mundi fabricam construere sine ministris & sine magna partium cum ad se invicem, tum erga factorem relatione & obedientia; atqui non sunt ministri ad hoc opus idonei, nec possibilis est partium subordinatione & abundantia. *Qui ministri,* inquit ibidem Epicurus, *tantis muneris fuerunt? quemadmodum autem obedire & parere voluntati Archisechi, aer, ignis, aqua, terra potuerunt? unde vero ortæ illæ quinque formæ, ex quibus reliqua formantur, apte cadentes ad animinum efficiendum, uniuersoque sensus?* Igitur non datur artifex qui mundum condere queat. Confirmatur. Nemo dat quod non habet: sed Deus non habet in se arbores, non ripas, non flumina.

mina : igitur non potuit hæc & similia condere : igitur mundus est a seipso.

*Respondeo* distinguendo. Artifex finitam habens virtutem non potuit sine ministrorum ope elementa condere, concedo : agens infinitæ virtutis, nego. Epicurus errat ab utero & loquitur falsa, divina & increata cum creaturis confundens. Utro concedimus agens creatum nequidem posse, etiam ut instrumentum, creare mundum : at vero Deus & potuit, immo & per solum intellectus actum seu imperium fecit mundum, juxta illud : *Ipse mandavit, & creata sunt* : & illud ejusdem Psalmistæ : *Qui fecit cælos in intellectu* : & adhuc Joann. r. *Deus erat Verbum* . . . . . *Omnia per ipsum facta sunt*.

*Respondeo* retorquendo argumentum. Ex Epicuro admodum difficile est ingentem mundi molem construere : igitur mundus non est a seipso. Et vero, non habet tantam virtutem, quanta requiritur ad talem fabricam : nam quaeritur ab Epicuro quinam ministri poterint elementa condere ? quinam unire simul & concordare ? si partes a partibus ulterioribus pendent, ubique & illæ partes superiores alternata vice dependent, quia sunt ejusdem naturæ cum cæteris, eo enim ipso quo sunt partes, sunt ab alio ; quippe quæ non sint omnia, sed supponunt aliquid prius & supra se : sunt igitur a supremo numine dependentes, nempe a Creatore qui fecit omnia.

*Ad confirmationem*, distinguo minorem, Deus non habet in se arbores, non lapides formaliter, concedo : virtualiter seu eminenter, nego. Non habet quidem formaliter, neque enim suscipit naturam rerum inanimatarum ; sed eas præcontinet virtualiter seu eminenter, in quantum ejus virtus, utpote infinita, potest quodlibet facere & operari.

*Obijcit* 2. Vel Deus est ante mundum, vel post : non secundum, quia æternus est, non primum utique, alias debuisset creare mundum ab æterno : numquid dormivit in tota æternitate ? ablit ; nam somnus æternus, mors est. Si vigilavit igitur creare debuit mundum ab æterno : si opus habuit, fecit, sin minus, nullo modo fuit. Sic loquitur ibidem Epicurus : *Sed & is quem perhibet Deus, aut non fuit prius illo ævo quo corpora sine immota erant, sine nullo ordine celebrantur, aut dum dormivit, vel vigilavit, neutrumve istorum : primum & ultimum non potest, si quidem Deus*

*æternus est ; neque secundum, quippe, si ab æterno dormivisset, mortuus ergo fuit ; quoniam æternus somnus mors est ? magno enim intervallo divisa sunt immortalitas Dei & res vicina morti : quod si vigilaveris, aut aliquid ipsi ad felicitatem defuit, aut perfecte beatus fuit ; & prius non sine te enim effugacem, non est enim felix, cui aliquid ad felicitatem deest ; posterius vero absurdum est, quoniam cui nihil deest, inanis illi verum molitio.*

*Respondeo* Deum esse ab æterno ; & consequenter mundo anteriorem, neque somno captum, neque inquietæ vigilia occupatum, sed sibi fuisse sufficientem : Omnia, inquit Tertullianus, Deus sibi est, sibi templum, sibi pax summa, sibi ineffabilis beatitudo. Mundum vero in tempore creasse ad sui manifestationem constat : sicut ergo Rex carnetis dives & omnibus affluens bonis, quandoque tamen ad magnificentiam hinc dignitates distribuit, hinc erigit ædificia, hinc munit urbes, hinc ædificat propugnacula ; quandoque etiam suis parat optimatibus mensam : eo simili prope modo Deus egit ; licet enim bonorum nostrorum non indigeat, attamen cum sit summum bonum, placuit ipsi ad extra variis modis sese diffundere : ergone ante mundi constitutionem non beatus ? minime : beatus quidem erat, & summum semper bonum, & ideo voluit ad extra se prodere ; cæterum gloria quam habet Deus a creaturis est pure extrinseca, unde absque beatitudinis dispendio, potuit ab æterno sine mundo & esse, & vivere.

*Respondeo* 2. distinguendo. Cui nihil deest, superflua illi est & inutilis rerum molitio, pro gloria essentiali & intrinseca, concedo : pro gloria extrinseca, nego. Omnia quæcunque voluit Deus, fecit in cælo & in terra : placuit autem scire per mundi fabricam prodere : unde hoc supposito, creavit libere mundum in tempore.

*Instat*. Deus nihil fecit frustra : sed si mundum condidit, fecit aliquid frustra ; eo quippe non indigebat : *Quid ergo erat inquit Epicurus, ut hoc inculcetur, quod carere debuisset Deus mundum signis & luminibus, tanquam ædilis ornare ? sicut Domus melius habitaret, antea scilicet tempore infinito in tenebris ; tanquam in gurgitis habitaverat ; post autem varietate eum delectari putamus, quæ cælum & terras exornatas videmus ; quæ ista potestate oblectatio ? Deoque si effect, non ea tandem carere posuisset ; ergo, &c.*

Re-

*Respondeo*, negando minorem. Deus enim condidit mundum propter suam gloriam: ad probationem, distinguo. Deus non indigebat mundo ad gloriam essentialem, concedo: ad gloriam accidentalem, nego. Ergone aut pauper, aut dependens? neutiquam; quia nec aliquid recepit in se cum mundum creavit, nec aliquid deperdidit, manens enim semper quod erat, voluit se creaturis manifestare: quocirca totum quod perfectionis est in fabrica mundi refunditur in Deum: totum vero quod est dependentiæ, in ipsam creaturam. Allucinatur Epicurus in eo quod de Deo sicut de pura creatura indigente ratiocinatur: verum nec defunt in rebus creatis exempla quibus veritas illustrari potest: lampas ardens & lucens in cubiculo clauso, semper ardet & lucet, etiamsi multi sint præsentēs: quando vero adveniunt aliqui, eos profecto utique illuminat, quod est perfectio: ergone magis ardens in se, & lucens? minime. Sic proportionaliter de Deo philosophandum. Ab æterno quidem lucens, & omni refertus perfectione, sibi ipsi beatitudo & omnia: in tempore vero se communicavit ad extra ad suæ & bonitatis & sapientiæ manifestationem; sed non ideo aut in se perfectior, aut a creatura dependens. Homines de novo illuminati in cubiculo novam non addunt lampadi lucem, nec similiter creaturæ de novo productæ Deo perfectionem addunt aliquam.

*Obijci* 3. Si Deus fecit mundum, debuit facere perfectum: atqui non fecit: & probatur. Multi sunt infirmi, & tales nascuntur; multi afflicti, oppressi plurimi, & hoc sapius sine culpa: igitur neque bonitas, neque iustitia creatoris in hoc assulget: igitur mundus non manifestat Dei perfectiones; & consequenter ab ipso non apparet: creatus. Sic discurret ibidem Epicurus; *An dicet quis, hominum causa, fuisse hæc a Deo constituta? verumtamen, sapientumne? propter paucos ergo tanta est facta rerum molitio? an stultorum? at primum, causa non fuit, quod de improbis bene mereatur; deinde quid est afflictorum, cum omnes stulti sint sine dubio miserrimi, maxime quod stulti sunt, miserius enim stultitia quid possumus dicere? deinde, quod tam multa sunt incommoda in vita, ut ea sapientes commodorum compensatione leniat; stulti nec vitare venientia possint, nec ferre præsentia.*

*Respondeo* distinguendo. Et Deus per-

mittit defectus, ut magis appareant & resplendant bona atque perfecta, concedo: & hoc non cedit in pulchritudinem universi, neque in creatoris gloriam, nego. Sicut ergo pictor delineat umbras in tabella, ut ameniora præta appareant, sic conditor permittit in quibusdam creaturis defectus ad manifestandum suam gloriam, suamque supremam in creaturas potentiam, ut sciant homines Dominum esse vitæ & mortis, & nihil ipsis debere. Hoc etiam non modicum inservit ad manifestandam cæterarum creaturarum pulchritudinem; contraria enim juxta se posita magis elucescunt.

*Respondeo* 2. Distinguendo. Et miseriæ sunt peccati originalis effectus, concedo: & non sunt, nego. Deus, ipsa resistente Scriptura, fecerat hominem rectum, immo & immortalem, gratia præditum, gloria & honore decoratum; quippe qui cæteris dominabatur creaturis: sed mors per peccatum intravit in mundum, intraverunt & miseriæ; quo magis enim creatura a creatore vitæ principio per peccatum recedit, eo imperfectior & deficiabilior evadit. Philosophi pagani, utpote fide destituti, hoc non ponderantes, vel creatorem accusarunt, negando providentiam; vel mundum a Deo independentem insipientes dixerunt: in utrumque errorem, ut patet ex supra dictis, prolapsus est Epicurus; unde, etiam ab aliis philosophis derelictus est.

*Obijci* 4. Si Deus hominem fecit, maxime ut haberet illum ut filium, & ab ipso coleretur: sed implicat filium ærumnis confectum producere, homines stultos condidisse ut ab ipsis coleretur: præterea Deus est per se beatus, unde non indiget coli: sic enim ibidem prosequitur Epicurus: *An & mundum fecit, & in mundo homines, ut ab hominibus coleretur? & quid Deo cultus hominum conferat beato, & nulla re indigent? vel si tantum honoris habuit, ut ipsis causa mundum fabricaret, & institueret cum sapientia, ut Dominum veterum faceret, cumque diligeret, tanquam filium? cur mortalem, fragilemque constituit? cur omnibus malis, quem diligebat, obijci? cum oporteret & beatum esse hominem, tanquam conjunctum & proximum Deo; & perpetuum, sicut & ipse, ad quem colendum & contemplandum configuratus est: ergo, &c.*

*Respondeo*, ut supra, distinguendo minorem. Implicat hominem innocentem pœnis subijci & ærumnis, & morbis,

&

& concupiscentiæ, concedo, hominem peccatorem, nego. Licet enim Deus potuerit hominem in puris creare, & naturalibus subiectum miseris, ex vi tamen decreti quo voluit hominem in gratia & in statu omnium virtutum suppellectili perfecto condere, implicat hominem ignorantia, concupiscentia, aliisque miseris & ipsa morte affici: igitur primus homo tanquam dilectus Dei filius, & ipsi charitate conjunctus, habitus est. Verum jus ad gloriam & pro se & pro cæteris hominibus, inobedienciæ culpa, infelix amisit: hinc ærumnæ, hinc morbi; sed gratia Domini nostri Jesu Christi, luctus convertitur in gaudium. Deus quippe mira Martyrum patientia exaltatur; quid dico, Martyrum? eorum etiam omnium, qui hujus temporis passiones, tum ejus propter amorem, tum ad faciendum satis justitiæ, æquo tolerant animo. Quæ quidem omnia, Augustinus Enclir. c. 25. 26. & 27. egregie explanat, dicens: "Mortis supplicium Dominus homini comminatus fuerat, si peccaret; sic eum munerans libero arbitrio, ut tamen rezeret imperio, terreret exitio; hinc post peccatum exul effectus, stirpem quoque suam quam peccando in se vitaverat, pœna mortis & damnationis obstrinxit. . . . Ad iram quippe Dei pertinet justam, quidquid cæca & indomita faciunt libertate mali, & quidquid manifestis, opertisque pœnis patiuntur inviti: non sane creatoris desistente bonitate. . . . melius enim judicavit de malis benefacere, quam mali nulla esse permittere. "

Hic silemus immortalitatem animæ, eam quippe in Tractatu Reprobationis, ubi de æternitate poenarum, fuso calamo contra impugnantem defendemus.

## SYNOPSIS PROBATIONUM.

*I. Mundus non est a seipso factus. 2. Falsum est proprietates Dei in sapientiam, omnipotentiam, infinitatem convenire, tum atomis, tum materiæ subtiliori. 3. Materia etiam subtilissima non est independens.*

PRIMUM patet, quia mundus est finitus, & certis quibusdam terminis concluditur, ut in singulis partibus videre est: porro, nihil aliud præter partes esse constat: tum quia suscipit magis & minus, & novas de die in diem suscipit formas, quas certe antea non habebat.

Secundum utique. Quis enim mundum dicet materiam infinitam & omnipotentem, quam per omnia terminis circumscriptam & dependentem intuetur? quis illam intelligentem esse conclamabit, cum experientia doceat alicujus objecti sensibilis conceptionem per abstractionem a materia fieri?

Tertium denique, tum quia materia dependet a forma, hac enim seclusa inanis est, immo & quasi nihil, tum quia non est ipsa entis plenitudo: igitur dependet: nam & novas induit formas & nova ornamenta.

## SYNOPSIS SOLUTIONUM

### AD OBJECTIONES.

MULTA perperam nobis opponunt Epicurei. v. g. creationis opus importare, 1. anxietatem, 2. impossibilitatem in executione, 3. imperfectionem in Deo, quatenus absque mundo subsistere non potuisset, & ipsum in hypothesi imperfectum condidisset: omnis autem imperfectio supremo numine procul facienda est.

Sed absque negotio respondemus: ad primum quidem, opus externum & laborem & afflictionem spiritus, artifices creatio imponere; cum enim finitum habeat virtutem, ut plurimum materiæ obtinentiam vincere non valet: at vero cuncta obediunt Deo, qui solo verbo vel facit, vel restaurat universa. Ad secundum, non est impossibile apud Deum omne verbum. Ad tertium, creatio mundi magnam in Deo arguit perfectionem: nam & libere, & in tempore condidit, unde ab æterno potuit Deus esse absque mundo: mundus enim ab eo pendet, sed non e converso Deus a mundo. Cæterum, Deus mundum condidit perfectum, quandoquidem cuilibet & speciei, & individuo tradidit quod suum est; hinc si quæ adorianur monstra, est per accidens.

### TERTIA PARS.

*De systemate Epicuri per ordinem ad Deum, cujus existentiam impius ille vir perperam inficiatur.*

TERTULLIANUS in Apologetico mirum in modum unius Dei comprobat existentiam, & hoc variis validissimisque argumentis: nam & mundi structuram a solo

solo Deo esse, & novitatem in ipsis falsis numinibus reperiri; & illam Dei existentiam, tum scripturis, tum prophetiis, tum utriusque legis sanctitate, dilucide probari ostendit. Sic intonat, pag. 78. de existentia loquens: "Vultis ex operibus ipsius tot ac talibus quibus continemur, quibus sustinemur, quibus oblectamur, etiam quibus exterremur . . . . Vultis ex animæ ipsius testimonio comprobemus, quæ licet corporis carcere pressa, licet institutionibus pravis circumscripta, licet libidinibus ac concupiscentiis evigorata, licet falsis Deis exancillata, cum tamen respicit, ut ex crapula, ut & sanitate suam patitur, Deum nominat, hoc solo nomine quia proprio. Dei veri: DEUS MAGNUS, DEUS BONUS; & QUOD DEUS DEDERIT: omnium vox est. Judicem quoque contestatur illum: DEUS VIDET, & DEO COMMENDO, & DEUS MIHI REDDET. O testimonium animæ naturaliter Christianæ! denique pronuntias hæc, non ad capitulum, sed ad cælum respicit; novit enim sedem Dei vivi ab illo, & inde descendit. Alia deinde ordine suo ex scripturarum antiquitate, majestate, veracitate, ex Prophetiis, ex missione Christi & lege Evangelica explanat argumenta, quibus nedum Idololatriis, sed & Atheis unius Dei demonstrat existentiam.

Quamquam Epicurus in sua Physica Deum agnoscere videntur, verius dicam, simulet; non tamen ut creatorem; cum mundum esse a semetipso affirmet: hinc & ejus existentiam suo systemate impugnatur. Enimvero positus ejus principis, Deum esse nullus posset demonstrare, aut a priori, aut a posteriori; a priori quidem, nemo quippe viator potest sine fide illum sic cognoscere; a posteriori vero, quia Epicurus contendit creaturas nullum habere ordinem ad eum; quandoquidem non a Deo Creatore, sed a seipsis esse fatue credit & docet: In hanc blasphemiam impegit utique Spinoza: partes igitur existentie Creatoris habemus impræsentiarum defendendas contra systema Epicuri, ostendendo omnia quæ sunt in mundo, tum cælestia, tum elementaria a Deo promanare, & ejus denotare existentiam: quam quidem quaestionem jam ex professo supra tractavimus, eandem utique ex parte resumptam probavimus argumento negativo contra Epicurum, ostendendo

mundum non esse a semetipso: ecce nunc tandem illam eandem complemus argumentum positivo; probando scilicet Deum esse auctorem rerum omnium tam visibilium quam invisibilium, & hoc non solum contra Epicureos, verum etiam contra Manichæos qui alio quidem, sed prorsus inani medio, creaturas sensibiles a Deo non esse probare fatagunt. Contra quos omnes sit

## CONCLUSIO.

Deus est auctor & Creator rerum omnium tam visibilium, quam invisibilium.

**H**ANC conclusionem quatuor potissimum argumentis probamus. Primo quidem, quia mundus incepit, & creatus est a Deo, sicut narrat atque describit Moyses. 2. quia necesse est mundum promanasse ab ente infinite sapiente & intelligente, adeoque a Deo. 3. quia ita sentit Religio Judaica, cui fides adhibenda est. 4. quia & hoc confirmat Religio Christiana, omnibus creditatis motivis firmata.

## PRIMUM ARGUMENTUM.

*Petitur ab initio quod res omnes habuerunt in tempore, sicut narrat Moyses.*

**I**LLÆ cuncta creavit, qui cuncta eduxit e nihilo: atqui Deus cuncta eduxit e nihilo: igitur cuncta creavit. Probatur minor. Mundus constat cælis & elementis, constat aere & volatilibus cæli, constat aquis & piscibus, constat terra & reptilibus atque bestiis agni, denique constat angelis & hominibus: atqui hæc omnia eduxit e nihilo Deus; ergo & mundum: sic docet fides Nicæna in Symbolo. Credo in unum Deum Patrem omnipotentem, Factorem cæli & terre: visibilium omnium, & invisibilium. Sed cum hic loquamur adversus Epicurum & alios ipsi affines, præsertim vero contra Spinosam, qui mundum esse a seipso, post illum Philosophum propugnare non erubuit, ratione simul & auctoritate quæ rejici non possint, utrumque revincere juvat. Probo igitur minorem, nempe Deum cuncta prædicta eduxisse e nihilo atque produxisse, ita ut materia exhausta sit in prima rerum productione, claudatur terminis, & nihil

nihil sit extra. Sic refert Moyses, Gen. 1. his verbis: *In principio creavit Deus caelum & terram . . . Dixitque Deus: fiat lux, & facta est lux . . . Fiat firmamentum in medio aquarum . . . Et factum est ita . . . Germinet terra herbam virentem & facientem semina, & lignum pomiferum faciens fructum juxta genus suum . . . Et factum est ita . . . Fiant luminaria in medio caeli . . . Fecitque Deus duo luminaria magna . . . & stellas . . . Producant aquae reptile animae viventis, & volatile super terram sub firmamento caeli . . . Producat terra animam viventem in genere suo, jumenta, & reptilia, & bestias terrae secundum species suas, factumque est ita . . . Faciamus hominem ad imaginem & similitudinem nostram . . . Et creavit Deus hominem ad imaginem suam, &c.* Igicur cuncta produxit ex nihilo Deus: tota difficultas est, an Moysi fides sit adhibenda, & respondemus affirmative, & quidem propter multa.

*Primo.* Moyses ab Adam usque ad diluvium numerat 1656. annos: est aliqua diversitas apud septuaginta; in uno exemplari numerantur 2260. in alio 2262. in alio 2252. Eusebius numerat 2242. sed anni viginti detracti vel additi parum sunt. Textus Hebraicus detrahit sexcentos & sex annos; quippe qui centum detrahat e vitae cujuslibet Patrarchae: verum & illa discrepantia nihil officit initio mundi: manet enim semper ex his omnibus sententia mundum fuisse in tempore productum.

*Secundo.* Omnem & Adae, & filiorum suorum genealogiam usque ad Noe notat exakte Moyses: item, c. 5. & c. 10. texit similiter prosapiam filiorum Noe, a quibus divisae sunt gentes post diluvium; deinde pergit ab Abraham usque ad sua tempora: narrat in Exodo quomodo filii Israel egressi sunt de Aegypto; in libro numerorum, quomodo divisi in Tribus; ibidem computat familias, & mirum in modum indigitat ortum Reipublicae Judaicae, quae postea per Reges & Duces, per Prophetas & Doctores floruit usque ad Christum.

*Tertio.* Moyses non solum describit ortum & progressum familiarum; verum etiam signat personis quae vel artes, vel urbes insituerunt; etiam diversas per universam terram habitationes. Gen. capite primo, initium creaturae tum corporae, tum spiritalis describit: capite quarto primam generationem Adae, qui cognita uxo-

re Cainum & Abelem filios habuit: ibidem ortum sacrificiorum commemorat, referendo munera quae Cain de fructibus terrae, Abel vero de primogenitis gregis sui obtulerunt Domino; ibidem dicit Jabel primum habitasse in tentoriis, & patrem fuisse canentium cithara & organo; Tubalcain vero malleatorem & fabrum in cuncta opera aeris & ferri; Euos coepisse ritu solemniori invocare Dominum. Cap. 10. prosequitur signando initia rerum; & recensitis filiis qui nati sunt ex Sem post diluvium, subdit: *Ab his divisae sunt insulae gentium in regionibus suis, unusquisque secundum linguam suam, & familias suas in nationibus suis.* Postea venit ad filios Cham de Nemrod, & sic loquitur: *Robustus venator coram Domino; fuit autem principium regni ejus Babylon & Arach, & Achad, & Chalanne, in terra Sennaar. De terra illa egressus est Assur, & edificavit Niniven, &c.*

*Quarto.* Homines solebant res praeclaras memoriae mandare erigendo lapides quorum primus auctor fuit Jacob, qui in Bethel erexit lapidem in titulum, & votum vovit Domino; ab eo mos forsitan inolevit apud nationes pyramides construngere & elevare, aliaque monumenta pro celebranda memoria eorum, qui vel bello & victoriis, vel factis aliis praeclare gestis, vel etiam litteris, sapientia, dignitate potissimum Regia floruerant; ita ut mundus initio quasi moribus informis, successu temporum excultus, protulerit tum ingenii, tum virtutis signa atque argumenta, praecipue Philosophos: attamen inter primos nulla erat certa opinio, circa mundum fabricam; aliis ab aeterno, aliis vero e contra in tempore productum asserentibus. Quidquid sit, tria certa sunt: primo quidem mundum eo modo compositum sicut scriperat Moyses, dixerunt. 2. Nihil clare definitum habebant de mundi productione ab aeterno: Aristoteles uno modo explicabat, Epicurus altero, & sic non erant circa istud momentum convenientia testimonia. Ita refert Plutarchus lib. 3. cap. 3. de placitis Philosophorum. 3. Artes & Academiae apud Graecos non flourerunt ante bellum Thebeorum & Trojae; hinc Graecae Historiae initium Christi nativitatem octo circiter saeculis antecessisse constat, ut colligitur ex Lucretio l. 5. v. 325. & seqq. qui sic canit:

*Præterea si nulla fuit genitalis origo  
Terra-*

*Terrarum, & cœli, semperque æterna  
 fœre,  
 Cur supra bellum Thebanum & funera  
 Trojæ?  
 Non alias alii quoque res cecinere Poetæ,  
 Qui tot facta virum toties cecinere? ne-  
 que usquam  
 Æternis famæ monumentis insita flo-  
 rent?  
 Verum, ut opinor, habet ueritatem sum-  
 ma, recensque  
 Natura est mundi, neque pridem exor-  
 dia cœpit.  
 Quare etiam quædam nunc artes expo-  
 liuntur,  
 Nunc etiam agnoscunt, nunc addita na-  
 vigiis sunt  
 Multa, modo organici melicos peperere  
 sonoros.  
 Denique natura hæc rerum, ratioque re-  
 perta est.  
 Nuper & hanc primus, cum primis ipse  
 repertus  
 Nunc ego sum, in patrias qui possum ver-  
 tere voces.*

Quibus versiculis nedum cœpisse mun-  
 dum, Lucretius enarrat, sed has reddit  
 luculentissimas rationes, quia nempe si  
 mundus ab æterno fuisset, ante bellum  
 Thebanum & funera Trojæ multa tum  
 heroum, tum academiarum, tum etiam  
 artium monumenta apparuissent; enim-  
 vero tempore Lucretii ita incipere con-  
 stabat, ut etiam de die in diem excole-  
 rentur, uti ars navigandi, ars musicæ,  
 & similes, tum & ipse testatur se pri-  
 mum fuisse, qui potuerit in sua patria  
 ad cantandum vertere & componere vo-  
 ces: ipse vero refert quæ prius inter De-  
 mocritum, Epicurum, & alios Philoso-  
 phos de mundi siue cœlestis æternitate,  
 siue de vera creatione tribus tunc ab hinc  
 sæculis agitata fuerant: unde tum ex ipso,  
 tum ex aliis, nihil certum fuit apud Græ-  
 corum Historiam, ante bellum Thebanum  
 & funera Trojæ.

Varro huic opinioni suffragatur. Tria  
 quippe distinguit historiæ tempora; alte-  
 rum incertum; nempe ab origine & crea-  
 tione mundi usque ad diluvium, quod tem-  
 pore Ogygis advenisse cum aliis plurimis  
 auctoribus profanas scribit: alterum a di-  
 luvio usque ad primam Olympiadem, quæ  
 apud Græcos cœpit solum anno 407. post  
 Trojæ ruinam; quod quidem temporis  
 spatium fabulosum nuncupat; eo quod

Heroum fabulas præcontinet; numeran-  
 tur pro illo tempore sexdecim sæcula a  
 quibusdam, ab aliis solum quatuordecim  
 usque ad Deucalionis ætatem, a Deuca-  
 lione vero usque ad bellum Trojæ qua-  
 dringenti sunt anni; totidem ab hoc tem-  
 pore usque ad primam Olympiadem. Er-  
 go si Christi nativitas sub finem centesimæ  
 nonagesimæ quartæ Olympiadis venit, Græ-  
 corum historia, quamvis omnibus, una ex-  
 cepta historia Mosaica, antiquior, Christi  
 adventum septingentis septuaginta & sex  
 circiter annis præcessit.

Recentior profecto est Romanorum histo-  
 ria. Strabo lib. 5. Sabinos dicit antiquio-  
 res fuisse inter Italiæ nationes: multus est  
 fœmo in historia Romana de Sabinorum  
 regno; Janus fuit primus Rex; ita Arno-  
 bius lib. 2. adversus gentes: elapsis sexde-  
 cim annis, post Janum regnavit Saturnus,  
 & post eum Picus ejus filius: quidam cre-  
 dunt Æneam venisse Romam anno cente-  
 simo quinquagesimo post Janum, qui fuit  
 trigessimus tertius Latini, qui regnabat in  
 Italia anno mundi 1237. Ab illo vero La-  
 tino usque ad urbem Romæ foundationem  
 numerantur decem & septem Reges: hæc  
 regio celebris nomen Italiæ sortita est ab  
 Italo, cujus pater Siculus vocabatur, qui-  
 que a suo nomine insulam maris Mediter-  
 ranei percelebrem Siciliam appellavit: por-  
 ro Albæ regnum incipit quadringentis &  
 viginti annis ante Romæ foundationem; &  
 sic omnes qui falsi vel vera traditione du-  
 cti de mundi productione scripserunt, ni-  
 hil in monumentis tum Græciæ, tum Si-  
 cilix, tum Italiæ antiquius reliquerunt,  
 quod Christi adventum præcedat plusquam  
 spatio bis mille vel circiter annorum: igitur  
 omnia ortum habuerunt.

Historia vero Græca & Latina non so-  
 lum non officit historiæ Moisis, sed po-  
 tius eam confirmat, quippe quæ summam  
 habeat cum ipsâ consonantiam & affini-  
 tatem: quinimodo luce clarius apparet,  
 Homerum, Virgilium, Ovidium, aliosque  
 siue Poetas, siue Philosophos & Oratores  
 hausisse in libris Moisis, quæ dixerunt tum  
 de mundi fabrica, tum de hominum pro-  
 sapia, tum etiam de præmio bonorum,  
 & de poena & supplicio malorum. Ipse  
 Epicurus non sibi constat in systemate  
 mundi, & incidere in systema Moisis com-  
 pellitur; quod arguit summam Moisi ad-  
 hibendam esse fidem, & hoc ex duobus  
 maxime liquet. Primo quidem, quia pro-  
 phani auctores & philosophi delineant mun-  
 dum



dum sicut descripsit Moyses, & si quid antiquius iis quæ scripsit de generatione & propagatione hominum, dicere tentarunt, profecto non probant. Secundo Julianus Apostata omnis veræ religionis tam Judicæ quam Christianæ hostis infensissimus & apertus, ne quidem unum protulit aut scripsit verbum, ad impugandum systema mundi Mosaicum, quo Deus universorum auctor constituitur: ita refert Marcellinus l. 16. c. 5.

Apion multa contra Judæos, sed nihil adversus systema à Moise datum, profert: unde Josephus qui libro 2. contra eundem ad objectiones respondet, ne quidem de hoc momento vel minium verbum loquitur. Justinus utique, Anaxagoras & Tertullianus in Apologiis quas dederunt pro Christianis, altum circa hoc servant silentium, quod sane argumentum est, Paganos tunc aut convenisse de Moisis systemate, aut non habuisse unde illud impugnarent. Neque vero etiam apparet Epicureos & Pythagoræ asseclos fecisse satis tum rationibus, tum argumentis aliorum Philosophorum qui contra ipsos propugnabant mundi creationem: igitur fides adhibenda est Moisis systemati: cuius quidem rei perspicuum signum est, quod Moyses non præventionem aliqua ductus quidem scripserit, quin potius insigni simplicitate & solo veritatis amore texit historiam, immo quandoque contra suam & populi gloriam facta enarrat: contra seipsum quidem, cum scripsit se Ægyptium aggredientem Israelitam interfecisse & sepelivisse in arena; se dubitasse in fide bis percutiendo petram in deserto; numquid hæc facta secluso veritatis historię motivo, memoriæ mandare necesse erat? contra populum vero suum, quem sæpius de idololatris objurat & punit: jam vero in Deuteronomio 4. 7. suam sic exaltat gentem: *Nec est alia natio tam grandis quæ habeat Deus appropinquantes sibi, sicut Deus noster adest cunctis observationibus nostris:* alibi vero nempe Genes. 14. 18. dicit Melchisedech fuisse Regem Slem, Sacerdotem altissimi, & benedixisse Abraham, quem tamen Judæi omnes ut patrem suum à Deo ipso benedictum autsecutabant. Refert populum Judaicum à cæteris nationibus tanquam immundis & maledictis circumfusione separatum; scribit nihilominus Abimelech Regem Ægypti timuisse Deum, & Balaam quantumvis pessimum, donatum tamen fuisse

Tom. I.

gratia prophetiæ. Quid plura? Moyses prædicat vocationem Gentium, qui populi Judaici prius electi loco substituendi quondam erant, tum in vindictam scelorum populi sui, tum ad exaltationem & gloriam miserentis Dei: igitur Moyses fide dignissimus est in his quæ scribit de mundi creatione. Sed juvat rerum omnium initium futilius texere & explanare, ut quique videat omnia novitatem mundi prædicare,

*Philosophia* nova fuit. Nullus quippe ante Pythagoram inter Græcos de ea locutus fuerat; & Seneca eam suis temporibus solum mille annis antiquiorem dicit.

*Thales* Astronomiam docuit Græcos, ut scribit Diogenes Laertius in ejus vita: ille vero eam acceperat ab Ægyptiis, Ægyptiis à Chaldeis, unde nomen *Chaldei* apud veteres idem est ac Astronomi nomen. Decursu temporum crevit scientia Astronomiæ. Thales observabat Eclipses solis & lunæ; postea longa meditatione ita invenit eorum cursus & causas, ut antequam evenirent, eas prædiceret: ante ipsum vero homines ita de eclipsi aliqua attoniti erant, ut teste Plutarcho in vita Niciæ, crederent mundum brevi periturum: hinc tunc temporis exercitus & ordinatæ acies suspensæ manebant; ita ut nec elapsis prius ab eclipsi multis diebus moverentur ad prælium.

*Medicina*, tanetsi perutilis, ortum suum tamen habuit sicut aliæ scientiæ. Herodotus l. 2. refert morem quondam fuisse ægrotos in plateis exponere, qui transientes cernui deprecabantur, si quod haberent aut scirent remedium pro sanitate restauranda, declararent & aperirent. Norunt omnes Hippocratem medicinæ, saltem perfectæ & in ordinem digestæ esse auctorem.

*Jus canonicum* ortum ducit a lege duodecim tabularum quam Romani à Græcis, nempe a Solone & Lycurgo acceperant, ut refert Plutarchus in vita ejusdem Solonis & Lycurgi, & in tractatu his & Olyris: incrementum habuit a codice Theodosii & Justiniani Imperatorum; perfectionem a decretis summorum Pontificum, a constitutionibus Regum, ab ipsis regionum usibus & consuetudinibus.

*Origo Regum* hæc fuit. Homines primis temporibus habitabant in tentoriis seu tabernaculis, ut legitur de Patriarchis Gen. 18. de profanis vero apud Justinum l. 2. Refert Josephus litium definitionem tunc fuisse pene familie pa-

F tunc

trem cui omnes obediebant. Successu temporum constructæ sunt domus & quidem separatae, quas familia in multos divisit, etiam divitum & separatim habitabat, ita ut quædam pro parentibus essent, quædam vero pro filiis & nepotibus, qui suas habebant uxores, & filios atque filias: & ex ista divisione familie multiplicatae sunt, ita ut unusquisque suum prædium, suos agros, suave pecora haberet, ut patet in separatione Loth ab Abraham; cum enim non couterentur utriusque famuli & servi, separati sunt; sic enim habetur Gen. 33. *Dixit ergo Abraham ad Loth: ne quæso sis iurgium inter me & te; & inter Pastores meos & Pastores tuos: fratres enim sumus. Ecce universa terra coram te est; recede a me, obsecro: si ad sinistram ieris, ego dexteram tenebo. . . . . Elegitque sibi Loth regionem circa Jordanem, & recessit ab Oriente: & divisique sunt alterutrum a fratre suo.* Quia vero contentiones ut plurimum inter homines exurgebant, ipsi virum aliquem probum iuris constituebant iudicem, Sed cum petulantiores definitionibus nonnunquam obedire abnuebant, iudicem etiam constituerunt Dominum, qui auctoritate frangeret iniquorum proterviam; ita refert Herodotus. Isti Domini erant sicut Barones & Comitices nostri: quælibet urbs suum habebat iudicem seu Dominum, cui parebant cæteri; tales erant Reges, qui captivum duxerunt Loth, quos omnes Abraham suis accensus vernaculis devicit.

*Multiplicatis* deinde in immensum familiis, & filiis, seu Noe nepotibus, per diversas terræ regiones dispersis, factum est ut homines in societatem convocati urbes mœniis clauderent, munirentque turribus, tum ad præcludendum dilapidantibus bona adiutum, tum ad hostium impetum propellendum. Quia vero offendendum, de die in diem agebatur numerus, villæ cum urbibus, deinde civitates cum civitatibus ad defensionem mutuum inierunt fœdus, & uni supremo Domino, qui Regis nomine donabatur, obediebant; ex hoc regna Edom, & Ægypti; ex hoc Assyriorum, Chaldeorum, Medorum, Persarum, Græcorum & Romanorum imperia prodierunt.

*Commercium* incepit commutationibus mercium unius regionis, cum mercibus alterius regionis; unde tametsi prius omnia forent inter homines communia, ex dispersione tamen hominum in diversas

mundi plagas, nata est etiam bonorum divisio & appropriatio. Post commutationes, usus invaluit merces ad pondus dare; a libra & pondere gradum fecerunt mercatores ad monetam; primo fuit serrea apud Romanos, deinde ærea, postremo argentea & aurea: tempore Abraham jam commercii inoleverat usus in mundo. Ipse emit agrum pro sepultura, & sua & suorum, ut legitur Gen. 23. 16. Plinius l. 7. c. 36. scribit Phidonem Argivum, pondera, mensuras & stateras adinvenisse.

*Homerus* *lliad.* l. 1. observat Græcos primum magna ex parte fuisse piratas: deinde congregatos in unum sub ducibus bellum adversus Troianos gessisse; quo feliciter completo, dispersos in varias abissiæ provincias, & in variis Europæ partibus colonias erexisse. Ante literas & scripturam utebantur homines hymnis & canticis ad conservandas leges; ita colligitur ex Pausania, qui l. 2. quosdam versus inter Græcos celebres commemorat. Athenæus lib. 1. scribit Polycratem Tyrannum, Pisistratē Athenarum Tyrannum, Euclidem ejusdem urbis civem primas erexisse bibliothecas: Photius cod. 224. dicit Clearcum Heraclææ tyrannum tempore Artaxerxis & Ochi præclarissimum collegisse. Ante diluvium homines vivebantur fructibus terræ & leguminibus; sic & primi Græciæ incolæ sub Pelasgo, qui anno mundi 1145. docuit Athenienses agriculturam, modum seminandi atque metendi, tum triticum, tum alia grana: Plinius l. 7. c. 26. scribit Danaum primum fuisse qui ex Ægypto adduxit in Græciam navem. Thucydides lib. 1. asserit primam classem, quæ apparuit apud Græcos, habuisse auctorem Minos.

*Sculptura* initium habet a Dædalo, qui primus statuas fecit, perfectionem vero a Phidias Atheniensis, Myrone, Praxitele & Scopaso. *Figure equestrum* exquisitæ, & quædam alia ab ipsis facta, usque ad hodiernam diem ante palatium Papæ in monte Cavallo conspiciuntur.

*Pittura* valde informis erat, ætate Anacreontis Poetæ; *Ælian.* var. lib. 8. c. 8. refert suo tempore eam ita fuisse obtrusam, ut in descriptionibus notaretur quid figuræ depictæ repræsentarent; Eumæus Atheniensis auxit; perfecit Echion; complevit Nicomachus, deinde Apelles.

*Dominus Jaquelinus* lib. de Existentiæ Dei Creatoris dissert. 1. fufe tractat de

origine urbium, artium, scientiarum Græciæ, cap. 13. 14. & in sequentibus de origine Assyriorum, Ægyptiorum, Sinarum. Sunt alii Auctores, vultuosiores qui de his omnibus scribere, ut Iustinus, Tit. Livius, & cæteri nationum Annalistas, necnon Poetæ, qui ad futuram rerum memoriam, cuncta quæ spectabant nationes, reges, imperia scriptis mandarunt.

*Historia* quidem utilissima est. Nam facta præclara pro morum formatione transmittit a. patribus ad filios & nepotes, ab his usque ad externas nationes: tamen quis rerum æstimator sequus, non videbit eam novam? Varro Censor nihil certum ante funera Trojæ in historia Græcorum refert.

*Dices* cum Præadamitis; Sinarum Chronologia mundum multo antiquiorem Moisis systemate notat. Idem dicunt Chaldæi. Herodotus refert & post ipsum Cyril. Alex. 1. Strom. Ægyptios duo distinxisse tempora, alterum in quo deos Republicæ rectores, alterum vero in quo homines Reges habuerunt: hominum autem regnum tenent spatio annorum 10340. percurrasse; quod quidem si jungatur regno Deorum, in immensum excedit eorum Chronologia creationis ipsius ætatem a Moise relatam atque conscriptam.

*Respondeo* 1. Hos omnes partim fabulose, partim etiam ostentatione loqui; qui quidem mos perantiquus usque in hodiernam diem perseverat apud Sinas; hi namque jactantia multo miora & pauciora munera, aliave dant, quam promittunt.

*Respondeo* 2. Plutarchum in vita Numæ annotare gentes istas annum quatuor mensium; & secundum aliquos aliquos dumtaxat mensis lunaris, saltem primis temporibus, habuisse. Quid mirum jam, si Chronologia Sinarum non concordet cum Chronologia Moisis, qui numerat annos lunares vel solares, quorum quilibet duodecim menses præcontinet? sed attende quæso, lector, si fides adhibenda sit illis, maxime Chaldæis, qui quidem fiditabant se astra observare a 461000. annis; & tamen Astronomia quæ ab ipsis transit ad Græcos, modicum quid tunc erat. Præterea ars scribendi tribuitur a quibusdam Palamed; igitur Chaldæi sola traditione tenebant Astrologiam: certe traditio tam antiqua aut obscura admodum, aut nulla erat. Si vero ars scribendi creationis mundi cœva est, cur igitur

infinitos præ eventus non scribere? alium quippe silentium est apud eorum Historicos de ætatis in tot & tantis durationibus; quod sage argumentum est. omnia esse nova.

*Neque* vero solum urbes & artes subsecutæ sunt mundi creationem, sed & vana fallorum numinum religio, cuius primum auctor fuit Belus, qui occasione filii mortui, quem volens, in quantum poterat, præsentem sibi reddere, statim in ejus honorem crexit; sed de hoc sufficienter diximus, loquendo de origine & progressu Idololatriæ. Unum superest demonstrandum pro fide seu augenda seu confirmanda erga Moisis scripta; nempe profanos Auctores non modicum collimare pro Historia mundi cum iis quæ referuntur in Pentateucho. Et vero, Moises scribit primos parentes pelliceis vestibus nuditatem habuisse testam: nonne Pausanias paganus lib. 10. observat quosdam fuisse apud Locrientes populos, qui Ozoles nominabantur, qui pellicibus cooperti incederent? Moises morem fuisse dicit in honorem vel Dei, vel alicujus Herois hymnos seu cantica dicere: loquitur etiam Moises de caverna quam emit Abraham pro sepultura, de ossium Joseph translatione ab Ægypto in terram promissionis; qui quidem usus multum viguit apud Paganos: nam & mortuos sepeliebant, atque sepulture mandabant; item festa Herorum celebrabant canticis; maxime Poetæ; quandoque etiam defunctorum corpora comburebant ne forent ludibrio vel inimicis, vel etiam bestiis. Historia Romani refert Syllam primum suæ familie extitisse, qui mortuorum cadavera comburi voluerit; ita Ciceroni l. de legib. Moises scribit Patriarcharum opes maxime in gregebus fuisse sitas; similiter & gentes, ut refert Herodotus l. 1. c. 14. argentum & aurum parvi faciebant; at vero & jumentis & pecoribus abundare satiebant: denique Ægyptios habuisse pro Rege Pharaonem, pro sacrificatoribus Sacerdotes, qui primas in Regno sedes obtinerent, non pauci scripserunt Historici. Quæ quidem inter Historiam sacram & profanam convenientia & æstus si ponderetur, Moisen fide dignissimum esse nemo non videbit.

*Jam* sic argumentari fas est. Illi fides adhibenda est qui scripsit a Deo inspiratus; qui creationis Historiam mirum in modum concinnavit, qui primi hominis profapiam usque ad egressum po-

puli Israelitici ex Aegypto adamussim & fidei clamo conscripsit, qui civitatum fundatores & artium inventores apprimè notavit, qui primus inter homines historiam non diffidentibus Paganis juris fecit publici, ejus de creatione mundi relationem confirmat initium cum artium, tum academiæ, quemque fidei ejurati hostes in hoc maxime puncto impugnare non ausi sunt: atqui ex dictis omnia pro Moïse sic se habent; quæ quidem cuncta absque supremi numinis ope nec scire, nec scribere potuit; nam & occulta operis creationis, & mortalium cogitationibus impervia memoriæ mandavit: igitur omnes nedum Christiani & Judæi, sed & Pagani ac Barbaræ Nationes fidem Moïsi adhibere debent.

Tertullianus istud novitatis argumentum explanat ad revincendos Idololatrias & Atheos, immo in ipsis fallis numinibus cuncta novitatem & sapere & arguere ostendit, Apol. p. 27. "Plures, inquit, Deos vestros regnasse certum est: igitur si conferendi imperii tenent potestatem, cum ipsi regnarent, a quibus acceperant eam gratiam? quem coluerat Saturnus & Juppiter? aliquem opinor sterculum; sed Romæ postea cum indigenis, etiam si qui non regnarunt, tamen regnabantur ab aliis nondum cultoribus suis, ut qui nondum Diis habebantur: ergo aliorum est regnum dare, quia regnabatur multo ante quam isti Dii inciderentur."

Idem prosequitur argumentum, & sic loquitur, pag. 28. "Nam etsi a Numa concepta est curiositas superstitiosa, nondum tamen aut simulacris, aut templis res divina apud Romanos constabat, frugi religio & pauperes ritus, & nulla capitolii certantia cælo, sed temeraria de cespite altaria & vasa adhuc Samiæ, & nidior exilis. & Deus ipse nusquam .... ergo non ante religiosi Romani quam magni, ideoque non ob hoc magni, quia religiosi; atqui quomodo ob religionem magni quibus magnitudo de irreligiositate provenit? Ni fallor enim omne ægum vel imperium bellis quæritur, & victoriis propugnatur: porro bella & victoriæ captis & everfis plurius urbibus constant. Id negotium sine Deorum injuria non est. Eadem strages moenium & templorum; pares cædes civium & sacerdotum, nedum dissimile rapinæ sacrarum divitiarum & profanarum. Tot igitur sacrilegia Romanorum, quot trophæa; tot de Deis, quot de gentibus triumphi; tot manubiæ, quot manent adhuc simulacra captivorum Deorum; tam impune læduntur quam frustra coluntur."

Postea sic concludit Tertullianus pro existentia & unitate unius veri Dei, ibidem pag. 28. "Certe non potest fidei con- venire, ut religionis meritis excrevisse videantur, qui, ut suggestimus, religionem aut lædendo coeperunt, aut crescendo læserunt. Etiam illi quorum religiosa constant sunt in imperiis Romani summum, cum ea amitterent, sine religionibus non fuerunt."

Deinde vero sic alloquitur ibidem Paganos: "Quid erratis? prior est quibusdam Diis suis sylvestris Roma: ante regnavit quam tantum ambitum Capitolii extrueret: regnaverunt & Babylonii ante Pontifices, & Medi ante quindecim viros, & Aegyptii ante Salios, & Assyrii ante Lupercos, & Amazones ante Virgines vestales. Postremo si Romanæ religionis regna præstant, nunquam natio Judaica regnasset: despectrix consumpium illarum divinitatum, ejus & Deum victimis; & templum donis, & gentem foederibus aliquandiu honorastis: nunquam dominaturi ejus, si non ultimo dereliquisset Christum."

Denique Gentiles adhuc alloquitur ibidem pag. 25. dicens: "Jam Deos quærite, quos enim præsumperatis, dæmones esse cognoscitis: eadem vero opera nostra ab eisdem Diis vestris non tam hic detegentibus, quod neque ipsi Dii sint, neque ulli alii, etiam illud in continentis cognoscitis, qui sic vere Deus; & an ille, & an unicus quem Christiani profitentur; & an ita credendus, colendusque, ut fides, ut disciplina disposita est Christianorum."

Ex his omnibus redit summam præcedens argumentum pro creatione mundi a Deo optimo maximo. Ille solus est auctor omnium creaturarum qui solus eas creavit in tempore: atqui ex Moïse solus Deus cuncta creavit in tempore: igitur est auctor omnium rerum: igitur iniquitas mentitur sibi cum mandum se seipso esse fingit. Hanc urget rationem Tertullianus in Apologetico par. 18. his verbis: "Sed quo plenius & impressius tam ipsum quam dispositiones ejus & voluntates ad-

adiremus, instrumentum adiecit litterarum, si qui velit de Deo inquirere, & inquisito invenire, & invento credere, & credito deservire. Viros enim iustitia & innocentia dignos Deum nosse & offendere a primordio in saeculum commisit spiritui divino inundatos, quo praedicarent Deum unicum esse, qui universa condiderit, qui hominem de humo struxerit, . . . . qui saeculum certis temporum dispositionibus & exitibus ordinaverit, exinde qui signa maiestatis suae iudicantis ediderit per imbres, per ignes, qui demerendo sibi disciplinas determinaverit, quas ignoratis aut deseritis, sed observantibus praemia destinavit, qui producta aëvo isto iudicaturus sit suos cultores in vitae aeternae distributionem, profanos in ignem aequae perpetuae & iugem, suscitatis omnibus ab initio defunctis & reformatis, & recensitis ad utriusque meriti dispensationem.

*Solvuntur objectiones Epicureorum & Spinosa.*

**OBJICIUNT.** Homines e simi & gremio terrae eo prope modo quo arbores, & hoc per atomorum aggerem, & in unum modificativae confluentes, emanarunt; modificatio quippe adveniens materiae in infinitum extensa, inquit, Spinosa, species & individua efformat; unde concludit, ergo Deus non dicendus auctor visibilium; sed mundus est a seipso. Confirmat dictum ex ipsa scriptura; Homines primi dicuntur terrigenae, subsequentes vero ab istis procreati filii hominum vocantur: sic enim habetur Psal. 48: *Audite haec omnes gentes: auribus percipite omnes, qui habitatis orbem: quique terrigenae & filii hominum: simul in unum dixerunt & pauper; ergo &c.*

Respondens negando antecedens, quod aequale falsum ac ridiculum est: quasi vero homo, qui omnibus creaturis sensibilibus praestet, assimiletur arbori & plantae: ubi unquam auditum est hoc? Jam vero si terra ita secunda quondam fuit, cur hodie non germinat homines, sicut primis germinavit temporibus, cum sint eadem dispositiones, idem solis & astrorum cursus & recursum? si non perfectissimos, saltem rudes aliquos terra proderet homines: attamen ipsi sylvarum incolae sola generatione procreantur. Praeterea si

terra hominum mater & genitrix fuit; cur omnes eiusdem speciei protulit? cum & herbas, & lapides, & plantas, & arbores veluti in infinitum specie diversas producat? signum certe & argumentum evidens est atque irrefragabile, omnes homines ex eodem sanguine & patre, nempe a primis parentibus a Deo creatis proditisse.

*Jamjam* respondimus ad objectionem petitam, tum ex velana atomorum congeries; tum ex earundem motu & modificatione futuri; impraesentiarum addo congeriem & atomorum adunationem mechanicam impossibilem esse; hominem, v. g. esse machinam nemo cordatus dicet, cum constet corpore & anima spiritali, & inter utramque partem doloris & gaudii, seu etiam voluptatis perpetuus sit fluxus & refluxus, quem modo sistere, modo etiam longius & ad libitum protendere valet: sed unum maxime attendas velim, benevole Lector, videlicet atomorum stupidarum motum non esse silentialem, sed accidentalem: cum sit quandoque rectus, quandoque etiam perclinamen obliquus. Quid plura? Motus ille quicumque sit, gratis confingitur; enimvero ejus ortum ducit Epicurus ab atomorum gravitate: hoc dato & non concesso, pondus debet ducere atomos semper deorsum; & tamen ut modificationem inducant atomi, debent moveri per transversum, debent modo a dextris, modo a sinistris, modo linea recta, modo curva, modo ovali, modo semi-recta ruere, modo etiam ascendere & ubique indiscriminatim ferri, ut sese invicem lineis transversalibus occurrentes ligent & sibi cohaereant. Ratio motus illius vagi & indeterminati duplex est: prima, quia ut dictum est supra, nec sibi adhaerebant mutuo atomi, nec simul conglutinantur; secunda, quia diversas debent inducere formas, quarum aliae ovales, aliae rectae, aliae obliquae ad efformandas arborum, animaliumve, & ceterorum corporum partes, quae in diversas figuras & situs varios abeunt; nam effectus assimilatur causae: si tot sint in corporibus figurae diversae, debent esse & totidem motus diversi; quos certe gravitas, quae solum tendit & pellit deorsum, nunquam producat: igitur nullum est rationis & veritatis fundamentum in iis quae Epicurus & Spinosa dicunt de productione omnium entium ex materia: quocirca relinquatur

absolutus recursus ad Deum qui sit sua omnipotentia, quoque dominio rerum universalium auctor, & causa.

*Ad confirmationem*, distingo : & non est differentia inter terrigenas & filios hominum, concedo : & est, nego ; idem significant sicut ista duo vocabula vir & homo ; namque homines per ordinem ad primam originem spectati dicuntur terrigenae, eo quod ortum habent ab Adamo, qui ex limo terrae formatus est : considerati vero relative ad parentes a quibus immediate procedunt, filii hominum vocantur : ita Chrysostomus & Euthymius. Basiliius per terrigenas, eos intelligit homines qui terrena sapiunt ; per filios vero hominum iustos : verum secundum proprietatem linguae Hebraicae magis convenit per terrigena intelligere ignobiles, sicut & apud nos terrae filius per adagium dicitur, qui obscuro loco natus est, ( hoc & Graecis placet ) per filios autem hominum Principes & Nobiles notantur.

*Instant*. Ctesias refert multos inter Indiarum populos caput caninum habere : igitur verisimile apparet primos homines e terra oriundos.

*Respondeo* nescim inustum, sed profus indignum esse hominem ratione praeditum, & ad imaginem Dei factum ita deicere, ut etiam iumentis insipientibus similem quis audeat facere. Porro Augustinus lib. 16. de civitate Dei cap. 7. respondet Indos Simias pro hominibus sylvestribus habuisse : quandoque etiam nemorum incolae propter stupiditatem & feritatem ita illulserunt viatores, ut ab eis veluti terrigenas & non homines habiti sint ; qui quidem error devius, dolosa traditione ad alios subsequenter saeculis transfusus est, quamobrem fama percrebuit apud simplices, terram quandoque peperisse homines. Stupenda sunt de monstris historiae : Rev. P. Merfennius refert quandam mulierem Veronae anno 1254. in lucem edidisse equos, alteram Ravennae 1512. genuisse semiamem, alteram in Saxonia perperisse semivitulum : non desunt qui asserant esse in sinu maris pisces hominis figuram praeseferentes, quos & homines marinos vocant.

*Nostras responsiones* juvat istis D. Augustini verbis claudere : sic enim ipse loco mox citato concludit : " Nam & Simias, " & Cercopithecos, & Sphinxas, si nescimus non homines esse, sed bestias, possent illi Historici de sua curiositate

„ gloriantes, velut gentes aliquas hominum nobis impunita vanitate mentiri : sed si homines sunt, de quibus illa mira conscripta sunt ; quid, si propterea Deus voluit etiam nonnullas gentes creare, ne in his monstris quae apud nos pariter ex hominibus nasci, ejus sapientiam, quae naturam fingit humanam, velut artem cuiuspiam minus perfecti opificis, putaremus errasse ? non itaque nobis videri absurdum debet, ut quemadmodum in singulis quibusque gentibus quaedam monstra sunt hominum, ita in universo genere humano quaedam monstra sint gentium. Quapropter ut istam quaestionem pedetentim, cauteque concludam, aut illa, quae talia de quibusdam gentibus scripta sunt, omnino nulla sunt ; aut si sunt, homines non sunt ; aut ex Adam sunt, si homines sunt. „

*Instant*. Ut veritas staret pro generatione omnium hominum ab una stirpe & Adami sanguine prodeuntium, filii primi parentis, & post diluvium pii Noe nepotes debuissent transfratere usque ad Americam : sed hoc verisimile non apparet de primis, & de secundis : de primis quidem ; quia non habebant navium usum, qui ortum habuit ab arce Noe ; quomodo igitur de Asia transissent ad Americam, quae Oceano ab aliis mundi partibus sejungitur ? neque etiam de secundis, cum America novus appelleretur mundus, quippe quae vix a duobus saeculis agnita & detecta sit ; & tamen primi qui ex Europa illic abierunt, hanc mundi partem hominibus refertam invenerunt : igitur isti a terrigenis ortum ducebant.

*Respondeo* negando minorem. De hominibus quidem ante diluvium natis, neque satis constat transiisse usque ad Americam, neque opus fuit, cum homines tunc superstites non fuissent ad habitandam omnem terram ; unde prioribus temporibus loca amoeniora selegerrunt antiqui pro habitatione, & primo quidem viciniore, ut Asiae partes ; at post diluvium, scientiam & artem fabricandi naves didicerunt a Noe ; nihil igitur vetat quin homines vel curiositate ducti, vel super mare iter facientes ventorum & tempestatum impetu compulsi sint ad Americae litora, quam postea habitare ceperunt : quidquid sit, hoc sufficenter indicat Moyses ; nam Gen. 10. recensitis filiis quoque Sem post diluvium habuit, subiungit : *Ab his divisae sunt insulae Gentium in regionibus suis unusquisque*

secundum linguam suam : si divisæ sint ab eis insulæ : igitur a terra sua egressi, arte exculti, potuerunt navigare etiam versus Americam.

*Præterea* multus est sermo in scripturis, & de navibus Tyriorum, qui copiosam super montem Libani sylvam habebant ad componendas reses, & de classibus Salomonis quæ pergebant versus Tyrum : igitur ex Tyriis, vel etiam ex Judæis multi ad litora Americæ, & Indias Occidentales transfratere potuerunt. Cæterum auctores de classibus Phœniciorum tanquam de antiquissimis scribunt. Omnes etiam norunt magnam Tartariam affinem esse Americæ : quidni Tartari cæterique ex Septentrione veluti torrens inundans & examen egressi usque ad Americam transferint, & ibi permanserint, atque ex parte habitaverint sylvas ? Plinius lib. 2. cap. 62. refert Coelium Antipatrem, vidisse hominem qui ab Hispania egressus usque ad Æthiopiam penetraret. Idem scribit sub Consulatu Metelli, Celeri & Afranii, quemdam Sueviæ Regem dedisse Galliarum Proconsuli Indos, qui quidem navem ascenderant pro commercio, sed ventorum vi ad litus Germaniæ adducti fuerant. Quid plura referam ? Huetius demonstr. Evang. pag. 102. §. 6. propugnat Americam à Phœniciis primo detectam fuisse, qui ad lineam pervenientes, postea usque ad Americam ventorum tempestate appulsi fuerant : quinimmo scribit numismata tempore Augusti fabricata, etiam tunc ibi fuisse adinventâ, quod sine argumentum est aliquos vel ex Asia, vel ex Europa, vel si vis ex Africa homines, casu aut ex directione prævia tum cordis, tum mentis illuc transivisse.

*Obijciunt* 2. non unum fuisse diluvium ; hinc monumenta præcedentium temporum ab oculis evanuisse : igitur systema Moïsis non est sequendum pro fabrica mundi in tempore : diluvium autem multiplex genealogiis & Chronologiis Sinarum perantiquis probare satagunt.

*Respondet* nullum auctorem etiam profanum, saltem cordatum & percelebrem monuisse multiplices diluvii : quod sane perperam confingitur. Et vero, cum homines omni tempore facta præclara memorie mandari curaverunt, si mundus foret ante quinquaginta annorum millia, cur nullum apparuerit mundi tam antiqui, immo & æterni vestigium ? ubi Pyramides erectæ ? ubi Heroum trophæa ? ubi ex præcedentibus palatiis & urbibus destructis ag-

geres ? si enim rami olivæ ad omnem auram versatiles, tamen tenues ac fragiles permanferunt post diluvium, cum & columba unum asportaverit ad Noë ; jure certe potiori lapides prægrandes ex ruina ædificiorum relictis remansissent : nam & Ægyptiorum pyramides a tempore primorum Imperatorum perseverant ; paucis ab hinc annis columnas marmoreas, effossa terra, Romæ adinventas legimus ; nonne Romæ vetus, tamen non semel diruta, ex parte tamen in locis subterraneis hodie conspicitur ? Cum igitur nullum apparuerit post diluvia supposititia primæ antiquitatis vestigium monumentumve, argumentum est ea esse absolute ficticia. Addo, sterilitates, pestem, inundationes, quæ repetitis veluti faucibus ingentem hominum multitudinem metebant, vastabantque imperia, multos aut simplicitate, aut falsitate tantum adduxisse in errorem ut mundum ex integro tunc periisse, & novum pristino successisse crederent ; in quo quidem plurimum allucinatos esse constat. Sterilitas quippe, aut alicujus regni inundatio seu devastatio, respectu totius orbis, quasi pro nihilo habetur ; quinimmo vix audiri aut sentiri in aliis longinquis regionibus potest. Jam vero, si mundus est ab æterno, cur mare, post infinitos fluctum impetus, terram terminis consensum repetitis demolitionibus non absorberit ? cur illud elementum si a semetipso est, suos tumentes fluctus in exigua sistat arena ? nonne naturali & fluxu & impetu terram inundare deberet ? Igitur non a seipso, sed a supremo naturæ Domino intra suos continetur limites.

*Cæterum*, nec plus proficiunt illi, qui multos & infinitos prope mundos absque termino a Deo ante diluvium creatos confingunt : habemus enim ex traditione mundum conditum perseverasse ab Adam usque ad diluvium Noëtanum ; ipse Noë ejusque filii, testes sunt monumenta nonnulla nedum in lignis olivarum, sed & in ædificiis transacto diluvio remansisse refert Josephus ; mentionem potissimum facit de duabus columnis, altera ex lapidibus contra diluvium futurum constructa a Seth, altera ex lateribus contra excidium mundi per ignem judicii ; utrumque enim orbis interitum infensum quodam prophetico eum prævidisse testatur ille Historicus, subditque suis circiter temporibus columnas ex parte subsistentes a multis visas fuisse. Quid plura ? arcam Noë

super montes Armenia stetit narrat Scrip-  
tor Canonicus : nec desunt qui referant  
nonnullos Heremitas , cruces ex arce li-  
gno constructas non semel porrexisse via-  
toribus . Igitur nec aliud a Noeriano fuit  
diluvium , nec alius ab orbe condito mun-  
dus .

*Verum*, ut paucis cuncta complectar , re-  
rum ortus etiam antiquissimarum breviter  
dicam . 1. Deus omnia simul creavit , post  
sua distinxit opera . 2. Adam genuit filios ;  
isti vero a patre edocti invenerunt artes ,  
tum ædificandi domos & urbes , tum fa-  
bricandi opera ex ære & ferro , tum can-  
tanti musicam , organis aliisque similibus  
instrumentis utendo , ut legitur in libro  
Geneseos ; ipse vero Adam omni scientia-  
rum genere excultus , juxta illud Eccli. 17.  
3. de primis parentibus , *Disciplina intel-  
lectus replevit illos , creavit illis scientiam  
spiritus* ; utique filios docuit sapientiam ,  
docuit artes liberales , aliasque ad cultu-  
rum animi necessarias disciplinas . 3. Post  
diluvium solus Noe cum tribus filiis re-  
mansit ; & ideo pereuntibus hominibus ,  
perierunt & pene extinctæ sunt artes ,  
pene extinctæ scientiæ . Noe quidem ,  
Sem , Cham & Japhet aliquas potuerunt  
lectiones insinuare nepotibus : sed tam pau-  
ci saltem sufficienter instruere homines non  
valebant , tum quia filii Noe & nepotes  
divisi sunt in insulas ; tum quia post ædi-  
ficationem turris Babel , uniuersique non  
audiebat proximum loquentem ; tum quia  
homines vel propter supinam negligentiam ,  
vel etiam quia vagi per omnem terram in-  
culti admodum fuere : hinc Varro in his-  
toris Temporum peritissimus , spatium a  
diluvio quod tempore Ogygis advenit , us-  
que ad primam Græcorum Olympiadem  
merito vocat fabulosum , addo , omni scien-  
tia & arte destitutum . 4. Græci ingenio  
acres , sciendi cupiditate compulsi peregrina-  
bantur apud Persas , apud Ægyptios &  
Phœnicios , a quibus tamen pauca didice-  
re ; neque enim ullus est in istorum histo-  
ria sermo de monumentis , de columnis ,  
de scientiis ante bellum Thebanum & Tro-  
jæ : igitur nihil acceperant ab illis nationi-  
bus apud quas diversati fuerant ; quod pro-  
fecto arguit mundi novitatem , qualem de-  
scripsit Moyses . 5. Post funera Trojæ  
tandem Græci artes , philosophiam , disci-  
plinam sive negligentiam , sive terrore diluvii  
deperditas cogitando , studendo & reflec-  
tendo invenerunt , aut potius repararunt :  
sed maxime observandum illud est , quod

tempus Olympiadum contineat in se in-  
ventionem & artium , & liberalium disci-  
plinarum . Enimvero intra octo circiter sæ-  
cula numerando a prima Olympiade usque  
ad Christum , columnæ & trophæa Heroi-  
bus , altaria falsis numinibus erecta legun-  
tur a Græcis ; quod sane summam arguit  
novitatem , quandoquidem est illi credibi-  
le , si mundus aut ab æterno , aut a vigin-  
ti , vel triginta millibus annis fuisset con-  
ditus , homines nihil memoriæ traditum re-  
liquisse .

## SECUNDUM ARGUMENTUM.

*Deus est auctor rerum omnium , quia causam  
mundi esse naturam spirituales & infinite  
intelligentem necesse est .*

ISTAM rationem non semel jam supra  
delineavimus , sed ut veritas crescat , si  
fieri potest , in mentibus usque ad perfe-  
ctam diem , in nova forma sic argumen-  
tatur . Quod est materiale , & tamen in spe-  
cie determinatum ; quod contraria conti-  
net , & tamen in unum concentum con-  
fluentia ; quod est modo in potentia , mo-  
do in actu , haud dubie causam habet me-  
re spirituales , eamque infinite sapientem :  
atqui mundus constat entibus materialibus  
& corporeis , entibus contrariis & sese in-  
vicem impugnantibus , immo actione & re-  
actione destruentibus , ad unum tamen fi-  
nem tendentibus , entibus quæ modo sunt  
in actu ; modo in potentia : igitur præter  
mundum elementarem est unus Deus &  
Creator omnium . Major in qua est diffi-  
cultas probatur , 1. Quia determinatio ma-  
teriei in aliqua specie singulari procedit ab  
intelligente superiori ; nam ordinatio est  
rationis & humane perfectionis effectus .  
2. Quæ pugnant ad invicem , ut aqua &  
ignis , & tamen ordinantur , & unum fa-  
ciunt corpus harmonicum , uti in homine  
ist quo quatuor qualitates agunt & rea-  
gunt , & tamen vitam fovant , non possunt  
absque superiori cuncta ordinantur sic ef-  
fice . 3. Quod est in potentia , nequit redu-  
ci ad actum ; nisi per id quod est semper  
in actu : si dicatur id quod est in poten-  
tia reduci ad actum per motum atomor-  
um , redit quæstio , & petitur a quo iste  
motus habuerit esse in actu : non enim ab  
æterno est ; siquidem eris successivum , nec  
est , nec potest esse ab æterno , quippe  
quod non habeat omnes partes simul : igi-  
tur agnoscendum est agens omnibus domi-  
nans ,



nans, spirituale & infinite sapiens atque omnipotens; agnoscendus Deus qui species rerum figat & determinet, qui cuncta quantumvis contraria ad finem conducatur, qui causas secundas reducat de potentia ad actum.

*Confirmatur.* Effectus assimilatur causæ, & illam denotat: sed omnes creaturæ sunt effectus Dei; omnes enim sunt infinitæ bonitatis participationes, quandoquidem supponunt causam spiritualement & infinite intelligentem. Et vero, belluæ aliq̃ pollent cognitione; homines maiorem habent, sed tamen finitam; nam & inter ipsos quidam subtiliori præditi sunt ingenio: igitur deveniendum est ad causam quæ plenitudine cognitionis & intelligentiæ polleat: alias si mundus ex seipso foret intelligens, eodem modo foret in omnibus individuis, quia motus materiæ est idem & uniformis, ipsa vero materia est univoca in se, & consequenter in omnibus; namque ex motu vel divisione non mutatur essentialiter; crustula panis æque panis est, ac panum ætervus.

*Confirmatur 2.* Motus materiæ non sufficit ad productionem rerum, nisi adit agens supremum cuncta dividens & ordinans in species: igitur solus Deus est Creator omnium. Probatur antecedens. Motus impressus pulæ terminatur ad locum ad quem pulsus impressio; attamen in agentibus liberis non sic: nam aliquis potest resistere impressioni & quando incipit motus, & quando est in medio: Petrus ambulat & currit ut equus, potest tamen, fracto motus impetu, ab abrupto immotus manere & tranquillus; attamen si species rerum forent ex atomis motis, homo quantumvis liber, non posset non agere, quandoquidem necessario compelleretur ad agendum per materiæ motum, nam & ipsa foret ad unum semper determinata.

*Denique.* Si motus atomorum esset sine causa, nulla esset in rebus veritas, nulla foret propositio & enuntiatio vera, nullaque falsa; quia omnia casu & fato fierent: hanc rationem assert Cicero lib. de fato, sic enim concludit Chrysippus apud illum „: Si est motus sine causa, non „ omnis enuntiatio; quod axioma dialectici appellant, aut vera aut falsa erit; „ causas enim efficientes quod non habet, „ hic id nec falsum erit. „ Cæterum quis sane mentis aut credet, aut pronuntiabit cognitionem ab atomis, ut a primi-

genio fonte fluere? quis hoc ipsum de libertate asserere audebit? Et vero si res sic se haberet, sequeretur inde atomum unam, scire se esse & rerum principium, & libertatis dominam. Frustra Spinoza reponit pilam in hypothesi fore liberam, si suum cognosceret motum; namque si ita est, pila mota versus Orientem, posset proprio motu retrogredi ad Occidentem; Belluæ forent liberæ, quandoquidem cognoscunt quod faciunt; quinimmo opus jam cœptum, si necesse est, aut reformant, aut in pristinum restituant statum, ut non semel in avium nidificatione compertum est; non desunt edoctræ aves quæ cantilenas dulci & musicali modulamine repetant, quæ si notula desit aliqua, relicto medio, quasi se corrigentes, de novo incipiunt. Infelix prorsus conditio hominum, qui maiorem quam ipsa iumenta non haberent libertatem! sed ista prolepto tanquam inania pessumdare necesse est, & universorum agnoscere Creatorem, qui quidem vidit cuncta quæ fecerat, & erant valde bona.

*Solvuntur objectiones Spinozæ.*

**OBJICIT 1.** contra existentiam Dei Creatoris. Est unica substantia infinita ex qua omnia coalescunt: ita docet in sua Ethica propo. 1. & in 6. propositione concludit unam substantiam non posse alteram producere: *Una, inquit, substantia non potest produci ab alia substantia*: substantiam igitur dicit infinitam; extensionem vero quam attributum substantiæ vocat, finitam pronunciat; jam vero cum extensio multiplicetur secundum modificationes quæ in infinitum fieri possunt, per Deum habentem & attributa, & intellectum, & voluntatem, intelligit aggregationem tantummodo attributorum, seu potius extensionum materiæ; & sic nullum revera agnoscit Deum, nullumve Creatorem; unde concludit, ergo non datur Deus Creator, quia omnia sunt ex eadem substantia scilicet materiali: igitur ex illo non dantur duplicis generis entia, quorum unum sit spirituale, aliud materiale; sic loquitur in sua Ethica.

*Suam* inanem ita ratiocinando confirmat doctrinam; substantia est improductibilis: igitur non habet Creatorem. Probat antecedens: Substantia est solum productibilis ratione extensionis, & modificationis, minime vero ratione sui, quia se-

Secundum se est prior extensione; Ethicæ parte 1. de Deo propol. 1. sic habet: *Substantia prior est natura suis affectionibus*. Probat vero idem antecedens alio medio, videlicet dicendo individua habere quidem causam sui, & talem causam; alteram adhuc usque in infinitum habere: unde inquit, cum non adinvenitur prima omnium causa, sequitur materiam, quæ in individuis diffunditur & dividitur, esse secundum se indivisibilem & improductam; in Ethicæ parte 1. propol. 1. sic statuit his verbis: "Quodcumque singulare, seu quævis res quæ finita est & determinatam habet existentiam, non potest existere, nec ad operandum determinari, nisi ad existendum, & operandum determinatur ab alia causa quæ etiam finita est, & determinatam habet existentiam. *Etrurus, Hæc* causa non potest etiam existere singulare, neque ad operandum determinari, nisi ab alia causa quæ etiam finita est & determinatam habet existentiam, determinatur ad existendum & operandum, & sic in infinitum." Ibidem docet processum in infinitum pro modificationibus, quas attributa rerum vocat: "Debit ergo, inquit, sequi vel ad existendum, & operandum determinari a Deo, vel aliquo ejus attributo, quatenus modificatum est modificatione quæ finita est, & determinatam habet existentiam, quod erat primum: deinde hæc rursus causa, sive hic modus debuit etiam determinari, & sic semper in infinitum."

Iterum suam impiam confirmare sententiam enititur, & sic arguit: "Omne quod ex se habet existentiam, non producit: atqui res omnes, etiam corporales habent ex se existentiam, quia substantia est ens per se subsistens, igitur independens ab alio: ita propol. 24. pag. 1."

Respondeo 1. Spinosam multa dicere, & nihil probare. 2. Constare ex dictis duplicem esse substantiam, alteram spiritualementem, alteram corpoream, spiritualementem vero duplicem, finitam unam, & alteram infinitam. Prima est anima spiritualis, quæ eatenus cognoscitur ut talis, quatenus cogitat, judicat, discurret, intelligit, immo & sapissime independentem a corpore, dominatur sensibus, & operatur libere. Secunda eaque infinita, est ipse Deus; quia ut supra ostensum est, datur primum mobile, prima causa, &

mae enim quod movetur, ab alio movetur: nec datur processus in infinitum, alias nihil moveretur; siquidem ex eo ipso quod non assignatur primum movens, nec medium movetur, nec ultimum: posita autem ista duplici substantia funditus overitur systema Spinosæ, qui post Epicurum unicam absque fundamento admittit substantiam, camque materialem. Præterea falsum est substantiam materialem esse infinitam: illa enim substantia gratis a Spinoza excogitata, vel est extensa & modificata, vel non: si primum est finita, quia ipse Spinoza concedit modificationem esse finitam: si secundum, est ens rationis & pure metaphysicum: quæstio autem procedit de ente physico, quod est a parte rei & sensibile atque materiale; & sic manifesta in principiis Spinosæ contradictio apparet. Neque vero magis verum est, unam substantiam non posse producere aliam substantiam: nam leo generat leonem, equus equum, arbor etiam producit aliam arborem.

Respondeo 2. in forma. Est unica substantia, eaque divina & increata quæ ab alia produci non potest, concedo: unica creata, nego. Ista quippe dividitur in substantiam spiritualementem & corpoream. Item substantia est indivisibilis & improductibilis metaphysice sumpta, concedo: physice sumpta, & ut subest existentia, nego: substantia igitur potest considerari dupliciter, nempe in genere, deinde vero in individuo. Primo modo existit solum per mentem, & est substantia metaphysice sumpta, quæ definitur ens per se subsistens: secundo modo considerata, habet existentiam talem individuum & singularem v. g. Joannes, hic homo. Rursus, substantia individua hominis, puta Petrus, potest considerari metaphysice & physice, essentia ejus metaphysica est definitio hominis, nempe ista, Petrus est animal rationale. Physica vero est ipsa essentia & substantia in concreto, nimirum ut subest existentia & accidentibus: sicque est individua: primo modo substantia seu essentia hominis est indivisibilis, improductibilis, æterna, quia verum est ab æterno dicere, homo est animal rationale: at vero ut individua, est finita, & producta, extensa, & ut vult Spinoza modificata: ista autem modificatio habet, ipsa causa, & cum non detur processus in infinitum in causis physicis & subordinatis, sequitur omnia entia prout sunt a parte

parte rei, fuisse producta, adeoque Deum habere auctorem; unde patet, demonstrationes Spinozæ perpetua laborare æquivocatione, ipsum vero confundere essentiam metaphysicam cum physica, de qua solum hic movetur quæstio: igitur fucum facit Spinoza, quia definit substantiam solum in genere & metaphysice sumptam, ut colligitur ex propositione 24. p. 1. Hac autem distinctione facta, cætera sophismata facile diluuntur; unde:

*Ad primam confirmationem*, distinguo: substantia secundum se & metaphysice considerata non producit ab alia, concedo; sic enim est mera rei definitio & propositio æternæ veritatis, ut ista, homo est animal rationale; substantia ut est ens per se subsistens in concreto, & existens a parte rei, nego. Loquitur Spinoza tantum in primo sensu, unde illudit Lectorem loquendo de substantia materiali, quæ nihil est extra mentem: igitur autem impræsentiarum de substantia reali, quæ quidem est solum talis per extensionem & modificationem: quod autem est modificatum, finitum est, atque producitur: igitur omnis substantia realis, materialis, finita & producta censetur, & sic Spinoza sibi non constat: igitur substantia indivisibilis & improducibilis, est solum ens rationis & subsistens per mentem, immo & per mentem finita est: quis enim dicit istam essentiam hac propositione & definitione conceptam, homo est animal rationale, esse infinitam, nisi per infinitam intelligere velit, æternam æternitate propositionis, non durationis? Ad aliud, dictum est non dari processum in infinitum in causis subordinatis.

*Ad secundam confirmationem*, distinguo: substantia ut est a parte rei & individua, & secundum Spinozam modificata habet existentiam, concedo: secundum se & in abstracto considerata, subdistinguo: habet existentiam propositionis & per mentem, in quantum verum est dicere, v. g. homo est animal rationale, concedo: existentiam realem, nego; nam ut sic, est tantummodo ens rationis. Ad id vero quod dicitur substantiam esse ens independentem, distinguo: ut vox independentem excludit inæherentiam & dependentiam ab alia creatura, concedo: ut excludit dependentiam a prima causa, nego. Substantia definitur quidem ens per se subsistens, unde accidens dependet ab ipsa, sed non e contra, in hoc solum sensu di-

citur independentem, nusquam vero si consideretur relative & per ordinem ad primam causam a qua dependet, hæc enim sola est ens a se & omnino independentem; nec est cumulus attributorum materiæ, seu modificationum, ut inique finxit Spinoza, sed Deus optimus maximus, solus Dominus, solus omnium creator, non inquam aggregatio materiæ modificatæ; nam quælibet portio materiæ modificatæ est finita & habet causam, etiam non dissentientem Spinoza: ergo & totus cumulus, cum nihil aliud sit præter plures materiæ proportionem modificatas. Ratio, eaque demonstrativa, est, quod in prædicatis essentialibus a sensu distributivo ad collectivum consequentia valet, v. g. Petrus est rationalis & finitus, item & Iacobus & Andreas: ergo omnes homines sunt rationales & finiti: igitur & in facto præsentia, quælibet materia modificata essentialiter, immo & necessarii ex ipso Spinoza finita est & habet causam, ut patet ex propositione 28. supra citata: ergo ex concedendis etiam aggregatio materiæ modificatæ, quæ cuncta mundi entia componit, est finita & habet causam: ergo & mundus; cum nihil aliud sit præter creaturarum omnium collectionem. Igitur super omnia agnoscendus est Creator omnium Deus, qui solus cuncta fecit, quia solus infinitus, solus omnipotens.

### TERTIUM ARGUMENTUM.

*Deus est auctor mundi & Creator, quia sic profertur Gens Judaica.*

ILLE est auctor mundi, cui testimonium perhibet irrefragabile gens Judaica: atqui gens Judaica testimonium irrefragabile perhibet Deum optimum maximum esse visibilium & invisibilium Conditorum: igitur Deus optimus maximus est Creator omnium. Minor patet. Probatur major. Illud testimonium est irrefragabile & omni acceptione dignum, quod perhibetur a gente antiquissima, a gente veraci in suis respectu scripturis, a gente sancta atque inspirata tum in lege, tum in caeremoniis & Prophetis suis, immo & in figuris: atqui testimonium pro Deo omnium Creatore perhibetur a gente omnibus istis donata prærogativa: igitur est irrefragabile. Jam altera ista minor probatur discurrendo per singula.

## Primo, Gens Judaica est antiquissima.

HABEMUS ab ipso Moise quantum gens Judaica sit antiqua; siquidem Abraham a quo suam ducit originem, erat filius Thare: Thare vero, filius Nachor: Nachor, filius Sarug: Sarug, filius Reu: Reu, filius Phaleg: Phaleg, filius Heber: Heber, filius Sale: Sale, filius Arphaxad: Arphaxad, filius Sem qui illum genuit bienio solum post diluvium: hinc a diluvio usque ad Abraham computantur solum anni 2957. Ita colligitur ex Gen. 11. Dicitur est autem supra, ipsos Judæorum insensissimos hostes Gentiles, maxime tempore Christi, in statera rigorose ponderasse antiquitatem tum gentis Judaicæ, tum librorum Moisis; nec ipsum Julianum Apostatam in omnibus Christianæ Religionis apertum inimicum aut revocasse in dubium, aut oppugnasse scripturarum veteris Testamenti antiquitatem, quibus tamen scripturis Religio Christiana, quam odio & ferro hic impius insectabatur, suum habet robur & fundamentum.

Secundo. Ipsi profani Auctores asseruntur antiquitati Judæorum. Tacitus hist. 5. seimonem habet de Judæis, eosque a Cretæ insula, secundum quoddam, ab Ægypto, Ducibus Jerosolymo & Juda, fugitivos dicit; alii secundum eundem Tacitum primordia celebriora eis perhibent, existimantque eos esse populos sub nomine Jerosolyma apud Homerum per celebres. Justinus Auctor Latinus libro 36. cap. 2. scribit Judæos ex Damasco oriundos, urbemque ab eorum Rege sic fuisse nominatam; post Regem Damalcenum ponit Azellum, post Azellum loquitur de Adores, de Abraham, de Israel, quos omnes Damasci Reges fuisse commemorat: iterum loquitur de Joseph, qui Pharaonis Regis Ægypti somnium explicuit, de Moise, quem filium Joseph autumat, qui Moises, inquit, populum agravatum de manu Ægyptiorum crudelium eripuit. Juvenalis etiam multa de Judæis scribit: primo quidem eos cælum & hubes coluisse asserit, quæ quidem, ut patet, refert, eo quod Moisen Deum in monte & nubes caligine allocutum fuisse legerat.

Celeberrimus est Justini Martyris locus, qui probat contra Gentiles incredulos, ex ipsis Auctoribus Paganis, & Moisis & populi Judaici antiquitatem: sic igitur loquitur in parænesi pagina 9. editio-

nis Parisiens. "Non enim ex divinis tantum Historiis nostris hæc probare aggre-  
dior, quibus vos nondum, propter inveteratum in animis vestris Majorum vestrorum errorem, fidem adhibere vultis: sed ex vestrarum etiam nihil ad religionem nostram pertinentium literarum, monumentis; ut intelligatis omnibus vestris sive Sapientibus, sive Poetis, sive Historicis, sive Philosophis & Legislatoribus multo antiquiorem fuisse primum religionis nostræ Doctorem Moisen, sicuti nobis Græcæ declarant Historiæ: nam circa Ogygis & Inachi tempora, quos nonnulli vestrorum hominum terrigenas fuisse sunt opinati Moisis illæ meminere, tanquam Ducis & Principis Judaicæ gentis: ita enim Polemon in Græcanicarum rerum primo scribit libro, & Apion Possidonius in suo adversus Judæos commentario: atque is itidem in quarto Historiarum libro dicit, regnante apud Ægyptios Inacho, ab Ægypti Rege Amaside fecisse Judæos, quibus Moises præfuit; suffragatur omnibus istis Ptolemæus Mendefius, qui res Ægyptias scripsit, tum autem & qui Athenienium gesta memoræ mandarunt, Hellenichus & Philochorus cuius Attici sunt libri; item Castor & Thallus, & Alexander Polyhistor: atque insuper sapientissimi illi Philo. & Josephus, qui Judaicas res scribentes, ut admodum vetusti & antiqui Judæorum Principis Moisi faciunt mentionem."

Celsus cum Luciano familiarissimus eidem veritati asserit: enimvero dicit omnes Nationes ægre tulisse Judæorum antiquitatem, eamque omnibus modis Phrygienses & Arcadienses aut impugnasse, aut multum inter se de hoc momento disceptasse; subdit Judæos adinvenisse fabulam de muliere ex Adamo primum formata, deinde a serpente seducta; sic ille Paganus apud Originem lib. 4. irridet mysteria: sed ridendo dicere verum, quid vetat? Idem Origenes lib. 1. contra Celsum, inducit illum de Judæis multa differrentem, nimirum illos fuisse & pauperes & pastores; ipsos Duce[m] suum Moisen secutos esse, atque tandem ab ipso ita deceptos, ut unum Deum existere crediderint, quod vero spectat tum mundi, tum Moisis & librorum legis antiquitatem, nihil profecto, tametsi omnis vere Religionis inimicus, eis contestatur & negat iste Paganus.

Quid

Quid plura referam pro antiquitate Judæorum? Laſſantius l. 4. divinarum institutionum, alii que quamplurimi probant Moſen eſſe non ſolum Homero, verum etiam antiquioribus ipſo Homero ſcripto-ribus vetuſtiorẽ: ſic inter cæteros loquitur Tatianus, oratione adverſus gentes, apud Euſebium l. 7. de præp. Evang. c. 11.

Jam agendum nobis id videtur, ut no-ſtram quoque Philoſophiam exquiſitis il-;lis Græcorum artibus antiquiorẽ eſſe demonſtrems; qui in re Moſem & Ho-merum ſummos veluti cardines terminos-que ſtatuemus . . . neque tamen dome-ſticos tam in rem teſtes dabimus: ſed Græcorum ipſorum auctoritate abute-  
mur . . . Ac de Homeri quidem poeſi, genereque ſimul, ac tempore quo floruit omnium antiquiſſimi Reginus ille The-ſe-nes, qui ſub Cæmylie vixit, Thalius, &c. jam ante quaſierunt . . . inter quos Crates, ipſum ante Heraclidarum redi-  
tum, intra annos a Trojani temporibus octoginta floruiſſe auctor eſt; Era-  
toſthenes vero non niſi poſt annum ab excidio Trojano centeliſimum . . . At eſſo ſane, demus Homerum non modo, non evertione Trojana poſteriorẽ, ſed etiam ipſomet belli Trojani tempore viſiſſe, immo etiam Agamemnonem in illa expeditione ſequutum, ac ſi quis ita velit, ipſa litterarum inventionẽ priorem fuiſſe: Moſem enim certo conſtabit, non ſolum permultis annis captum Ilium anteaſſiſſe, verum etiam ejuſdem con-  
ditu, adeoque Troe ſimul & Dardano longe antiquiorẽ exitiſſe, quam in reſt Chaldæorum, Phœnicum, Ægyptiorum teſtimonia proferam: Beroſus ergo vir Babylonius, idemque Beli, quod ipſorum numen erat, ſacerdos, qui Alexandri temporibus vivebat, in  
ea quam tribus libris Antiocho poſt Se-  
leucum tertio, ſcripſit Chaldæorum hi-ſtoria, ubi Regum ipſorum geſta com-  
memorat, Nabuchodonoforis cuſumdam meminit, qui adverſus Phœnices & Ju-  
dæos expeditionem ſuſceperit, quam a Prophetis quoque noſtris celebratam eſſe novimus, quæque cum longe poſt Moſem contigerit, tum vero Perſarum imperium annis ſeptuaginta præceſſerit. Beroſus ille quidem omni fide digniſſimus eſt, uti vel ex Jobæ teſti-  
monio intelligere poſſumus, qui de Aſ-  
ſyriis ſcribens illorum ſeſe hiſtoriam ex Beroſo didiciſſe proſitetur. Phœnices

vero quod attinet, tres apud eos viri  
floruerunt: Theodotus, Hypoſicrates, &  
Mochus, quorum libros Græce vertit  
Alicus, is qui Philoſophorum vitam  
ſumma diligencia ſtudioque conſcripſit.  
Qui quidem omnes ſuis in hiſtoriis, ſub  
uno aliquo Rege ſimul & Europæ ra-  
ptum, & Menelai profectionem in Phœ-  
niciam, & Iram ſædus ac ſocietatem  
contigiſſe tradunt, cum is Salomoni  
Judæorum Regi, filia jam matrimonio  
conjuncta, vim inſuper omnis lignorum  
generis maximam ad templum ædifican-  
dum ſponte donavit; quarum etiam  
rerum Menander ille Pergamenus ſuis  
memoriam ſcriptis conſignavit. Jam Ira-  
mæ tempora non longe a Trojaniſ ab-  
ſunt, cum tamen Salomon ejuſdem æqua-  
lis multo fuerit Moſe poſterior. Ægy-  
ptiorum denique Commentarii accurate  
in primis ac diligenter elaborati ſunt,  
quorum e numero litterarum ſuarum  
interpretes Ptolemæus fuit, non Rex il-  
le quidem, ſed ſacerdos Mendæus. Is  
in Regum Ægyptiorum hiſtoria ſub A-  
moſe Rege, Duceque Moſe, Judæos quo-  
cumque libitum fuiſſe, ex Ægypto  
profectos, teſtatur. Amofin autem il-  
lum Inachi temporibus regnaſſe conſtat:  
Ptolemæum ſequitur Apio Grammaticus,  
clariffimi vir nominis, qui libro  
Ægyptiacarum hiſtoriarum quarto, cum  
aliis plerique tum hoc in primis docet,  
ab Amofin evertim Avaram fuiſſe, ean-  
demque Argivi Inachi vixiſſe temporibus,  
nei Ptolemæus Mendæus ſuis in  
anniſſibus teſtatur reliquit. Quod ſi ab  
Inacho ad captum Ilium temporum ſe-  
riem ducere volueris, ætates viginti nu-  
merabis. Argis olim regnarunt, qui ſe-  
quuntur, Inachus, Phoroneus, Apis,  
Argius, Criafus, Phorbas, Triopas,  
Crotopus, Steneleus, Danaus, Licinctus,  
Abas, Proetus, Acrifiſus, Perſeus, Eu-  
ryſteus, Atreus, Thyſteſtes, Agamem-  
non, cujus anno duodecimo octavo Tro-  
ja capta eſt: atque hic prudenti & in-  
genioſo Lectori diligenter obſervandum  
erit, vel ex ipſa Græcorum homi-  
num traditione conſtare, nullam tam  
apud illos perſcriptam adhuc hiſtoriam  
fuiſſe. Nam qui litterarum formam  
ipſis & rationem tradidit Cadmus,  
non niſi multis poſt ætatis perven-  
it in Beroſum: poſt Inachum vero  
Phoronei ductu atque auspiciis homines  
ab ſerino vagæque vitæ genere ad hu-  
manio-

maniore ac liberaliore cultum vix tandem aliquando traducti sunt. Quare si Moſem Inacho æqualem fuiſſe habebimus, idein Trojana tempora quadringentis annis antecceſſerit neceſſe eſt. Deinde ſic concludit Tatianus: Si clariffima quæque Græcorum ſub Inachi temporibus, & ſcriptis mandari, & in hominum cognitione verſari cœperit, id ipſum pariter ſub Moſis ætate contigerunt: nam Photoneo qui poſt Inachum regnavit, ſupparem Athenienſes Ogygem faciunt, ſuo quo primum diluvium accidit: tum Phorbanti Aſæum, a quo Attica Aſææ nomen habuerit; Triopæ deinde Prometheum, Epimetheum Atlantem, geminum Cecropem, & Jo: Ad Crotopi ævum, & Phærontis incendium, & Deucalionis diluvium referunt. Cum Steneleo, Amphictionis regnum, Danaï in Peloponneſum adventum, conditam a Dardanio Dardaniam & Europæ ex Phœnicia deportationem in Cretam, temporis ſocietate conjungunt. Sub Lynceo, Proterpinæ raptum, Eleuſinii delubri adificationem, agriculturam Triptolemi, Cadmi Thebanæ in civitatem adventum, & Minois regnum collocant. Ad Præteritum Eumolpi bellum adverſus Athenienſes, ad Acrifiū Pelopis trajectionem ex Phrygia, Jonis Athenas adventum, Cecropem alterum juniorem, Perſeique res geſtas revocant. Poſtremo regnante Agamemnone captum eſt Ilium. Ergo ex ſuperioribus, Moſem Heroibus, civitatibus ac demonibus ipſis (ſeu Diis Gentium) antiquiorem fuiſſe ſe manifeſte intelligitur. Quinimo nedum ſolo Homero vetuſtorem tacit Moſen Tatianus, verum etiam antiquioribus ipſo Homero ſcriptoribus, Lino, Philamone, Thamyride, Orpheo; Muſæo, Dæmodoco, Femio, Sibylla, Epimenide Cretenſi, &c.

Denique demonſtrat ſeptem Græcorum Sapientes Moſe eſſe poſteriores queſ exiſtiſſe poſt Trojæ funera, ſic probat: Minos, quem omnis cum ſapientiæ, tum ſolertiæ, adeoque legum ſanctionis Principem fuiſſe putant, Lynceo, qui Danto ſucceſſit, regnante florebat, ætate poſt Inachum undecima. Lycurgus vero, longe poſt captum Ilium; annis ante Olympiades haud amplius centum, Lacedæmonios legibus inſtituit. Draconem circa Olympiadem nonam ſu-

pra trigefimam fuiſſe reperies; Solonem vero circa ſextam & quadrageſimam; Pythagoram denique circa ſexageſimam ſecundam. Olympiades autem annis ſeptem ſupra quadringentos poſt Trojana tempora inſtitutas fuiſſe oſtendimus. His certe conſtitutis, ſeptem quoque Sapientum ætatem facile, breviterque definiemus. Nam cum vetuſtiſſimum eorum Thaletem circa Olympiadem quinquageſimam vixiſſe conſtet, ſimul etiam uno quaſi compendio cæterorum, quos ille ſuppares habuit, ætatem colligimus.

Ex his omnibus ſequitur iſtud argumentum. Gens Judaica eſt antiquiſſima, immo ipſi Gentiles inter Græcos & Latinos in hiſtoriis primorum temporum texendis percelebres, hoc ultro concedunt; & licet aliquo teneantur errore, vel circa religionem, vel circa exactam hiſtoriæ Judæorum inquisitionem, de realiſſe tamen & de rerum ſubſtantia conveniant. Et vero ſcribit Cornelius Tacitus Judæos ab Ægypto egreſſos fuiſſe: Juſtinus meminit Abraham, & Joſephi apud Pharaonem quondam potentiſſimi: Juvenalis diſſerit de ejuſdem nationis cultu & religione, de Moſe, ſicut & alii permulti quos reſert Juſtinus martyr: Ipſe Ceſius hæc omnia concedit. Hinc Clemens Alexandrinus libro 1. Stromatum, poſtquam dixit Philoſophiæ ſtudium & amorem a Barbaris tranſmiſſum fuiſſe ad Græcos; poſt multum ſermonem de variis pluribuſque perantiquis Legiſlatoribus ſubdit nationem Judaicam multo antiquiorem eſſe; & hoc Patres primorum ſæculorum, qui pro veritate Religionis Chriſtianæ contra Philoſophos ſtrenue decertabant, tanquam principium inconcuſſum ſupponebant: igitur fides adhibenda eſt Judæis, cum Deum prædicant, omnium Creatorem: veritas quippe, inquit Tertullianus, mendacio longe vetuſtior eſt; qui autem negant mundi Creatorem cum Epicuro nova dicunt, nova eſſingunt: igitur nulla fide digni, immo impii, & proſus abominabiles haberi debent.

Secundo, Gens Judaica in ſuis reſpectivis ſcripturis verax eſt.

ILLA natio verax eſt in his quæ reſert, adeoque fide digniſſima, cum Deum dicit verum omnium Creatorem, cujus ſcripturæ ſunt antiquiſſimæ, cujus ſcripturæ.

pturæ alios æmulantur Auctores in multis quæ de moribus hominum, de Imperiis & mundi Monarchiis scribere: cuius scripturæ magnis honoribus ab ipsis Regibus Paganis donatæ sunt; cuius scripturæ pluris factæ sunt etiam a Poetis & Historicis Gentilibus: cuius scripturæ inspiratæ sunt, immo rerum prædictarum eventus & miraculis comprobata: atque sic sunt Judæorum scripturæ, quæ unum Deum Creatorem cæli & terræ, visibillum, & invisibillum annuntiant: igitur credendum est nationi Judaicæ, cum Deum causam omnium rerum esse prædicat. Probatur quoad singula minor, in qua solum versatur lis & difficultas.

*Antiquitas* librorum Moisis seipsam prodit ex historia Creationis, quam nullus præter Moysen ita accurate scripsit; quam nullus ante ipsum scriptis mandavit. Primum patet: siquidem creationem primorum parentum, & filiorum ac nepotum, tum ante, tum post diluvium propagationem notat atque describit; immo & primarum urbium fundaciones, monarchias antiquissimas notat: loquitur de singulis urbibus; assignat Reges permultos, puta Sodomorum, & Gentium, ut habetur Gen. 14.

*Item*. Totam Ægyptum tempore Abrahamæ jam sub uno Pharaone gubernatam refert. Si qui vero aut de creatione Mundi, aut de primis Imperiis præter ipsum scripserunt, omnia subobscurè delineasse constat, nec semel asseruimus, ipso teste Lucretio, nihil certum, clarumve reperiri in historiis Græcorum, qui tamen primi inter omnes Nationes, hominum facta, mores, & imperia scribere, nihil inquam certum reperiri ante bellum Thebæum & Trojæ; & sic patet utrique secundum, nempe nullum ante Moysen scripsisse: Ita delendit Eusebius, & ex Lucretio aliisque profanis Auctoribus colligitur. Nam ipsis testibus solum post funera Trojæ scripserunt Græci: jam verò primæ de mundi fabrica disputationes habitæ sunt inter Epicurum & alios Philosophos, octingentis solum annis ante adventum Christi, & juxta nonnullos, annos circiter ab urbe Romæ condita 471. Cæterum quamvis Pythagoræ philosophi in qua mundum esse ab æterno Philosophus ille propugnabat, per omnem Orientem diffunderetur, neque tamen apud Chaldaeos, neque apud Scythas, neque apud Phœnicos, neque apud

Carthaginienses, neque apud Ægyptios, Italosve desuerunt, qui mundum in tempore productum propugnarent. Addo Moysen scripsisse historiam Creationis, traditionem ducendo ab Adamo usque ad exitum de Ægypto: quæ quidem omnia majorem probant historiam Moysi præ cæteris antiquitatem: nec mirum; vix decem & septem secula effluerant a diluvio, & duodecim a tempore quo homines unius libri erant, cum scripsit servus Dei Moyses.

*Tertullianus* celebrat plurimum scripturarum veteris Testamenti veritatem, Apol. pag. 19. edit. Paris. 1634. "Primam, inquit, instrumentis istis auctoritatem summa antiquitas vindicat. Apud vos quoque religionis est instar fidem de temporibus asserere: omnes itaque substantias, omnesque materias, origines, ordines, vegas veterani cuiusque styli vestri, gentes etiam pleraque, & urbes insignes, & canas memoriarum, ipsas denique effigies litterarum indices custodisque rerum; & puto adhuc minus dicimus, ipsos inquam Deos vestros, ipsa templa & oracula, & sacras unius interim Prophetæ scriinium seculis vincit, in quo videtur thesaurus collocatus totius Judaici sacramenti, & inde etiam nostri. Si quem audistis interim Moysen, Argivo Inachio pariter ætate est, quadringentis pene annis; nam & septem minus, Danaum & ipsum apud vos vetustissimum prævenit, mille circiter eadem Priami antecedit: possem etiam dicere quingentis amplius & Homerum, habens quos sequar. Cæteri quoque Prophetæ, & si Moysi posthumant, extremissimi tamen eorum non retiosiores deprehenduntur primoribus vestris Sapientibus & Legisferis & Historicis. Hæc quibus ordinibus probari possint, non tamen difficile est nobis exponere quam enorme; nec arduum sed interim longum: multis instrumentis tum digitorum supputariis gesticulis adidendum est. Referenda antiquissimarum etiam gentium archiva, Ægyptiorum, Chaldaeorum, Phœnicum. Advocandi principes eorum per quos notitia subministranda est, aliqui Manethon Ægyptius, & Berosus Chaldaeus, sed & Gramus Phœnix Tyri Rex; Sestatores quoque eorum Mendesius Ptolemæus, & Menander Ephesius, & Demetrius Phalerens, & Rex Iuba, & Apion, & Thal-



„Thallus, & qui istos aut probat, aut  
 „revincit Judæus Josephus antiquitatum  
 „Judaicarum vernaculus vindex. Græcorum  
 „etiam censuales confertendi, & quæ  
 „quando sint gesta, ut concatenationes  
 „temporum aperiantur, per quæ luce-  
 „ant annalium numeri: peregrinandum  
 „est in historias, & litteras orbis. Et ta-  
 „men quasi partem jam probationis in-  
 „tulimus, cum per quæ probari possint,  
 „aspersumus.”

*Veritas* scripturarum probatur maxime  
 ex affinitate seu conformitate quam habent  
 in factis historicis cum auctoribus Græco-  
 rum & Latinorum. Primo quidem Pagani  
 usi sunt canticis, ut facta Heroum præ-  
 clara memoriz mandant: fama volat  
 Homerum multa cecinisse versibus, quæ  
 quidem opera in varias distributa partes  
 labore & diligentia Philistrati apparuerunt,  
 antequam in uno colligerentur volumine;  
 hinc musicam perantiquam & poesiam ante  
 prosum esse insertur. Cinus apud Græ-  
 cos, Carmenta sive Themis apud Latinos,  
 si credamus Theodoro Siculo l. 1. primi  
 fuerunt Musici. Aristoteles in problem.  
 Tmemat. 19. scribit leges longo tempore  
 antequam scriptis mandarentur, versibus  
 fuisse celebratas & decantatas. Cic. lib. 4.  
 Tusc. 99. asserit morem perantiquum in-  
 valuisse cantare avorum laudes & præco-  
 niâ. In hoc concinunt Græci & Latini  
 cum Moise, qui Exod. 15. versibus & can-  
 tu celebrat victoriam, cælo patrocinate,  
 super Pharaonem in mari rubro demec-  
 sum, reportatam. Exod. 15. *Cantemus, in-  
 quit, Domino, gloriosæ enim magnificatus  
 est, equum & ascensorem dejecit in mare,  
 &c. Eodem & simili modo Deuteron. 32.  
 Dei magna atque miracula patrata in  
 favorem populi, quem eduxerat in manu  
 potenti ex Ægypto, describit: Audite,  
 inquit, cæli quæ loquor, audiat terra ver-  
 ba oris mei ..... Date magnificentiam Deo  
 nostro, Dei perfecta sunt opera, &c. omnes  
 viæ ejus judicia. 1. Legitur apud Aucto-  
 res profanos, homines mœniis vallasse do-  
 mos & habitacula, ut contra feras, sed  
 potissimum contra hostes invidos irruen-  
 tes, vitam ac bona defenderent. Moyses  
 in hoc etiam cum eis concordat: loquitur  
 de variis urbibus a filiis Adæ & Noc con-  
 structis: loquitur de duobus celeberrimis  
 imperiis terræ Canaan, de Amorrhæis,  
 de Jebusæis, de regno Ægypti, de Pha-  
 raone. 3. Itaque loquitur de Cyro. Daniel  
 susum habet sermonem de imperio Chal-*

dæorum ad Medos & Persas transmissio  
 de imperio Græcorum futurorum, quod  
 eleganti calamo describit Auctor libri Ma-  
 chabæorum; & in his omnibus concor-  
 dant scripturæ, cum his quæ auctores Pa-  
 gani pertrahant. 4. Legitur in antiquis  
 Auctoribus multa extitisse Idolorum tem-  
 pla in Ægypto a tempore Abrahamæ. Ido-  
 lum Belus colebatur Babylonii, Dianæ E-  
 phesii; in quo idololatria præcessit Scul-  
 pturæ artem. Prima idola erant puri &  
 simplices lapides, quos Bethuli vocabant.  
 Pausanias lib. 10. mentionem facit de la-  
 pidibus quos homines cæco & superstitio-  
 lo cultu colebant: additque unum nomi-  
 ne Bethulus fuisse, qui & juxta templum  
 filii Achilles erat, super quem quotannis  
 oleum infundere solebant populi. Lampridius  
 cap. 7. Herodotus lib. 5. cap. 3. re-  
 ferunt morem quondam fuisse apud Na-  
 tiones, ejusmodi lapides cultu celebrare  
 divino. Maximus Tyrius disert. 38. re-  
 fert, Arabes adorasse quadratum lapidem;  
 quandoque igitur lapidem informem, quan-  
 doque lapidem columnæ figuram præ-  
 ferentem venerabantur. Pausanias lib. 1.  
 loquitur de quadam pyramide quæ sub  
 Apollinis nomine a Megorre colebatur,  
 & lib. 7. refert olim extitisse juxta Mer-  
 curii statuum in platea urbis Phare, tri-  
 ginta quadratos lapides cum aliquis divini-  
 tatis inscriptione; ex quo factum est  
 postea ut columnas ligneas pro Diis habe-  
 rent Nationes: quidam scripturæ pri-  
 mam Dianæ statuam fuisse duntaxat or-  
 boris truncum. Vitruvius lib. 5. illam di-  
 cit cedrinam. Pausanias lib. 5. meminit  
 columnæ ligneæ ferro ad parietem alliga-  
 tæ, quæ tanquam idolum habebatur. Nunc  
 verum ad sanctum Moysen venio: sæpi-  
 sime loquitur de idolis Gentium, quæ &  
 districte prohibet; Gen. 28. 18. mentionem  
 facit de lapide quem Jacob erexit in Be-  
 thel, cui etiam oleum infundit in honorem  
 Dei, a quo Pagani perversa fide, perverso-  
 que animo morem sumperunt adorare  
 lapides; quidquid sit, collimat atque con-  
 venit historia Moisis cum historiis Natio-  
 num: quod scripturarum veritatem non  
 modicum arguit. Denique usus sepulchro-  
 rum apud Nationes floruisse legitur. Pau-  
 sanias lib. 6. de his multa enarrat: Lucianus  
 Dialogo de luctu, multa scribit de  
 pyramidibus, de columnis & inscriptioni-  
 bus in honorem mortuorum. Titus Li-  
 vius lib. 8. cap. 14. refert arma devicti  
 hostis appensa fuisse super tumulum vi-  
 Ro-



Sociis. Simili leguntur in libris veteris Testamenti. Legitur Gen. 35. Jacob erectisse monumentum Rachel: testatur Moyses columnam erectam suis adhuc videri temporibus: scriptum est utique secundo Regum, Davidem pro sua contra inimicos defensione assumpsisse gladium Goliath, quem quidem in perpetuum suae victoriae monumentum appendi voluerat in templo.

Hanc etiam pattem exequitur Tertullianus, sacras exaltans scripturas nedum ex conformitate cum cæteris historiis, verum etiam ex divinatione, quæ quidem ipso teste, magnum est divinitatis argumentum: sic loquitur, sic pronuntiat, Apol. pag. 20. "Plus jam offerimus pro ista dilatione majestatem scripturarum, si non vetustatem: divinas probamus, si dubitatur antiquis. Nec hoc tardius, aut aliunde discendum: coram sunt quæ docebant, mundus & sæculum & exitus. Quidquid agitur prænuntiabatur, quod terræ vorant urbes, quod insulas maria fraudant, quod externa atque interna bella dilaniant, quod regnis regna compellant, quod fames & lues & locales quæque clades, & frequentiarum pleraque montium vastant, quod humiles sublimitate, sublimis humilitate mutantur, quod iustitia rarefcit, iniquitas increbrescit, bonarum omnium disciplinarum cura torpescit, quod etiam officia temporum & elementorum munia exorbitant, quod & monstris & portentis naturalium forma turbatur, providenter scripta sunt. . . Dum patimur, leguntur, dum recognoscimus, probantur. Idoneum, opinor, testimonium divinitatis, veritas divinationis: hinc igitur apud nos futurorum quoque fides tuta est, jam scilicet probatorum: quia cum illis quæ quotidie probantur, prædicabantur: eadem voces sonant, eadem litteræ notant, idem spiritus pulsatur: unum tempus est divinationis, futura præfandi: apud homines, si forte distinguitur, dum expungitur: dum ex futuro præsens, dehinc ex præfenti præteritum deputatur."

Veritas scripturarum illustrant & confirmantur ex honoribus quibus donati sunt libri veteris testamenti, & primo quidem res aperta est de Samaritanis, qui erant populi a Salomone ad habitandum terram Israel missi: quinque libros Moi-

sis tanti fecerunt, ut quamvis adversantibus privatis & publicis contra Judæos inimicitias, nihilominus servare Pentateuchum, & pro regula tum cultus erga Deum, tum vitæ habere voluerunt; hinc textus Samaritanus multum ponderat apud doctos, immo & in Ecclesia. Cyrus qui Chaldaeos suo adiecit imperio multi faciebat utique divinas scripturas, & præcipue Isaïæ librum, in quo quidem Propheta multa de eo prædixerat; hinc populum relaxavit a captivitate Babylonica, & voluit templum iterum ædificari l. 1. Esdræ cap. 5. Darius Hytaspes Cyri insitens vestigiis, pro eodem negotio novum promulgavit Edictum. Ibidem 6. duo alii emisit Artaxerxes Longimanus, alterum anno septimo sui regni, quo summam argenti concessit pro utilitatibus templi; alterum anno vigesimo, quo permisit ipsam urbem Jerusalem extrui de novo atque ædificari l. 2. Esdræ c. 2. Quæ quidem bona Judæis ideo præfata leguntur a Regibus Persiarum, quia libri sacri multa de mirabilibus a Moïse patris referrebant, majora verum de imperiis, tum de Christo per Prophetas prænuntiabant: sed inter omnes percelebres fuit Ptolemæus Ægypti Rex potentissimus, qui adeo coluit scripturas veteris Testamenti, ut translationem in linguam suam, nempe Græcam a septuaginta senioribus habere voluerit: quo facto, restituit Judæos quos detinebat captivos, multisque donis cummulavit interpretes. De hoc momento sic scribit Tertullianus Apol. pag. 18. & 19. "Ptolemæorum eruditissimus, quem Philadelphum supernominant, & omnis litteraturæ sagacissimus, cum studio bibliothecarum Pisistratum, opinor, æmularetur, quibus aut vetustas, aut curiositas aliqua ad summam patrocinebatur, ex suggestu Demetrii Phalerei Grammaticorum peritissimi, cui præfectorum mandaverat, libros a Judæis quosque posulavit, proprias atque vernaculas litteras, quas soli habebant. Ex ip's enim & ad ipsos semper Prophetæ peroraverant, scilicet ad domesticam Dei gentem ex Patrum gratia. Hebræi retro, qui nunc Judæi. Igitur & litteræ Hebrææ, & eloquium: sed ne notitia vacaret, hoc quoque Ptolemæo a Judæis subscriptum est, septuaginta duobus interpretibus indultis, quos Menodæmus quoque Philosophus providentiæ vin-

„ dexterae sententiae communione suspexit.  
 „ Affirmavit haec vobis etiam Aristaeus,  
 „ ita in Graecum stylium ex aperto monu-  
 „ menta reliquit. Hodie apud Scrapeum,  
 „ Ptolemaei bibliothecae cum ipsis Hebrai-  
 „ cis litteris exhibentur: sed & Judaei pa-  
 „ lam leſtitant: vestigialis libertas vulgo  
 „ aditur fabbatis omnibus. Qui audierit,  
 „ inveniet Deum, qui etiam studuerit in-  
 „ telligere, cogetur & credere.

Veritas scripturarum comprobatur ex earum principiis, quippe quae Deum lae-beant auctorem. Et vero Spiritus sanctus eas inspiravit, cum & illas distasse credatur; quod quidem patet ex multis momen-tis. Primo, quia gens Judaica erat rudis, rustica & vilis admodum apud Nationes: Primates inter Judaeos erant gregum Pasto-res, i quos Aegyptii circa tempora Iosephi summo proſequabantur odio. Legitur enim Gen. 46. illum Patriarcham suos sic allo-cutum fuisse fratres: *Cumque vocaverit vos, scilicet Pharaon, & dixerit: quod est opus vestrum? respondebitis: viri pastores sumus servi tui, ab infamia nostra usque in praesens & nos & patres nostri: haec autem dicetis, ut habitare possitis in terra Gessen, quia detestantur Aegyptii omnes pastores ovium.* Israelitae elapsi Iosephi temporibus ut servi tenebantur in Aegypto: ipse Moises pascebat gregem in deserto, cum a Deo mis-sus esset ad liberandum populum: jam vero scriptis Creationis historiam, transactis de-cem & octo saeculis post patrata a Deo ope-ra, initium ducens ab ipso Adamo, ante quem nullus erat: igitur a solo Spiritu sancto edoceri potuit de iis quae dixit & scripsit: Prophetae vero multa occulta pandunt; sic Iosephi somnium Pharaonis de annis abundantiae & sterilitatis explicavit, cuius quidem interpretationis veritatem probavit eventus, de quo factio Historici pro-fani supra citati mentionem faciunt. Quid dicam de Daniele, qui similia & quidem mysteriosa somnia non semel interpreta-tus est Regi Nabuchodonosori; qui Bal-thasari mortis & Imperii translationis ad Medos & Persas expandit sententiam, quam ne quidem legere Chaldaeorum Magi valebant. Quid de caeteris Prophetis, qui multa de Incarnatione Filii Dei, de ablutione sceperi Judaeorum praedixerunt? Noverant tempore Christi Gentiles & Phi-losophi Pagani, quid evenerit nationi Judaicae in vindictam Christianitatis; Sciebant hoc multis ante saeculis a Prophetis praedictum, libros veteris Testamenti occa-

sione Religionis Christianae de die in diem mirabiliter crescentis, ad apices juris examinarunt; ut scirent utrum veritas sta-ret Prophetiarum, in quibus Christi Re-ligio clare praenabatur, viderunt & le-gerunt; nec iple Julianus oppugnare au-lus est; quod quidem verum esse, sicut praedictum fuerat comperientes inter Phi-losophos sapientissimi, ut Iulianus, Ana-xagoras, & alii permulti conversi sunt ad fidem Christi: igitur scripturae inspi-ratae fuerunt; quomodo enim vir sim-plex & ovium custos qualis erat Moises, altissima & profundissima divinitatis eru-ſtaret, sicut praeterita ita & occultissi-ma aperuisset futura, & a suis temporibus bis mille saeculis distantia, nempe mirabilia incarnationis Verbi divini praenuntiaſset, nisi a Spiritu sancto fuisset edoctus? igitur fides adhibenda est Moisi libris, qui tot monumentis muniti pro-bantur.

Eusebius lib. 9. praep. Evangel. eandem probat veritatem in multis variisque capi-tibus.

In primo, ostendit oracula Judaeorum prophetica magnis celebrari laudibus a praestantissimis Philosophis, in primis a Theo-phraſto, qui sacrificia Judaica & caeremo-nias pio veluti affectu refert atque descri-bit; deinde ex Porphyrii libro eximium sub-jicit testimonium, quo plurimum lau-dantur Elſaei, tanquam viri inter Judaeos virtute & morum integritate perillustres; & primum inducit Theophrastum sic lo-quentem: “ Judaei ad haec usque tempo-  
 „ ra animalia quo modo sacrificant . . .  
 „ quod faciunt interim jejunantes: ac  
 „ quoniam Philosophi natura sunt, de Deo  
 „ inter se colloquentes, noctu autem stel-  
 „ las aspicientes, orationibus Deum invo-  
 „ cant . . . bruta & seipſos offerre coe-  
 „ perunt, necessitate, non cupiditate id  
 „ facientes, &c. Postea Porphyrius a-  
 „ pud eundem Eusebium multa praecara di-  
 „ cit de Elſaeis.

In secundo, Hecataeus, inquit, Abderita vir & re & verbo Philosophus, librum de rebus & religione Judaeorum conscrip-sit, in quo quidem nihil tum de eorum ritu, tum de caeremoniis, parvi facien-dum esse asserit.

In tertio, Clearchum Philosophum e-gregie de Judaeis, eorumque lege pe-rorantem exhibet Eusebius; postea Nume-nii pro eodem momento haec laudat ver-ba: *Numenius autem, inquit, Pythagori-*

cus aperte scribit, nihil aliud esse Platonem quam Moſem attica lingua loquentem : & in primo volumine de Bono ; Plato, inquit, atque Pythagoras, quæ Brachmanes Magi, Ægyptii, Judeique invenerunt, ea Græce ipſi expoſuerunt : & in tertio Moſis meminit his verbis : Joannes & Iambres Ægyptii erant, viri magici artibus adeo præpotentes, ut Muſæo Judæorum duci viro Deo conjunctiſſimo, ſoli reſiſtere poſſe a cunctis Ægyptiis judicati ſint. Multas enim calamitates quas Muſæus Ægypto intulit, ſolvere viſi ſunt. His verbis Numenius & de miraculis a Moſe factis, & quod vir iſte Deo conjunctiſſimus eſſet, teſtatur.

In quarto, oſtendit multos Barbaros convenire de Hiſtoria Judæorum, ut Xenophon in l. 7. de Cyri Pædia. Joſephus l. 2. antiq. ſcribit : “ Diluvii iſtius & ” arce meminerunt omnes Barbarorum ” ſcriptores, ex quibus eſt & Berofius ” Chaldaeus.

In libro decimo præp. Evang. probat Euſebius Moſem vetuſtiorẽ eſſe Philoſophis & Græciæ Sapientibus, quippe qui viveret ante Trojani belli tempora, Philoſophos vero floruiſſe tantummodo poſt Cyrum Perſarum Regem non pauci aſſerunt. “ Hebræorum igitur, inquit Euſe- ” bius, in Babylonem migratio a Nabu- ” chodonoloſore facta, ſeptuaginta duravit ” annos. Cyrus regnavit Olympiade 55, ” ut a Diodori, Thali, Caſtori, Polybii, ” Phlegontiſque hiſtoriis patet. “ Ibidem ” ſic proſequitur, Tatianus vero qui ſe- ” ipſum in Syria regione natum dicit, vir ” lingua Græca doctiſſimus, Græcis omni- ” bus Moſem antiquitati antepoſens, de ” Homero, inquit, Steſimbrotus, Thalius, ” Callimachus, Colophonius, Reginus Thea- ” genes, qui ſuit Cambiſæ temporibus, & ” Herodotus Halicarnaſſæus, aliiſque com- ” plures ſcripſerunt. ”

Ex his maniſeſte liquet libros Moſis cæteros antiquitate longe ſuperare, cum primus mortalium ſcriptis facta tum a Deo, tum ab Iſraelitis mandaverit ; unde apud omnes etiam Paganos fide digniſſimus eſt. Idem judicium ſane ferendum eſt de cæteris Canoniciſ Auctoriſ, qui nedum ſciencia, pietate & ſanctitate floruerunt ; ſed & præclara tum de divinitate colenda, tum de inſtruendis, formandiſque moribus ſcripſerunt. Et vero ſi Gentiles ſuis credunt Hiſtoriis, qui ut plurimum vel piſſione ducti, vel cupiditate viſti, vel ſuperſtitione & idololatria obæcati, quan-

doque falſa, nonnunquam ſordida, ſæpiſſimæ levia, & ad vitium promovendum apiciſſimæ delinquerunt, cur fide non adhiberetur viris ſimplicibus, cordatis, ſanctis, & ſanctæ per inſpirationem Dei enarrantibus, qualiſ fuit Moſes, quales exiterunt Prophetæ & cæteri Canonici Scrip- tores ?

Tertio, Gens Judaica legem ſanctam pro regula morum habebat.

ILLA lex eſt ſanctæ quæ eſt a Deo, quæ eſt antiquiſſima, quæ eſt immobilis & invariabilis, quæ præcipit bonum, & prohibet quodcumque malum : atqui ſic eſt lex Moſis : igitur fides ei adhibenda eſt in iis omnibus quæ dicit, tum de creatione, tum de judiciis & cæremoniis. Major patet : enimvero ſi lex omnibus iſtis gaudet prærogativis, argumentum eſt rectam eſſe atque bonam, & conſe- quenter fide digniſſimam. Quod autem lex vetus ſit a Deo, patet ; dicitur enim paſſim in libris legis : *Locutus eſt Dominus ad Moſem, hæc dicens populo Iſrael.* Hoc & probat illud quod modo diximus, nempe fuiſſe inſpiratam : antiquiſſimam eſſe etiam claret, ex iis quæ dicta ſunt de antiquitate librorum Moſis. Minos fuit primus Græciæ Legislator ; ita reſerunt ejuſdem nationis Hiſtorici ; florebat Cræta, imperante Paudion Atticæ Rege, anno ſcilicet ante Chriſtum natum milleſimo quadringenteſimo trigefimo ſecundo. Moſes vero vivebat anno mundi 1464. ante vero Chriſtum natum Græci nihil habent antiquius Arceopago, aliter Martis rupe appellato, eo quod ibi Mars filium Neptuni occidiſſet, ex hoc tempore quo Cananus Athenis regnabat, anno ſcilicet mundi juxta Epocham Comitum Arundelli 1268. ante Chriſtum vero natum anno 1332. tunc leges in columnis ſcribebantur ; Sapientes, ſeu Docti ſenſum legis, vel occultum, vel nimis obſcurum interpreta- bantur. Quod Romani ſpectat in ſunda- tionis tantæ urbis, tantique imperii exordio, leges nihil aliud erant præter Principis voluntatem, & quædam longo uſu firmata ſtatuta ; ſed orta inter populũ & Senatũ diſceptatione Olympiade 84. data & promulgata fuit duodecim tabularum lex. Diximus legem Moſaicam immobilem fuiſſe, & immutabilem apud Judæos permaniſſe, quinimmo tameſi dura admodum præciperet, uti mafculos octavo

die circumcidere; attamen adamussim absque ulla facta innovatione ad Christum usque, & a plebeis, & a nobilibus servata est. Non idem profecto legitur de legibus Paganorum atque Gentilium; cum enim & sua & seipso quærerent, leges prout erat passionum impetus immutare quandoque, & ex integro abrogare non dubitabant: sed operæ-premium est nunc aliqua celebriora hic legis Judaicæ capita texere, ut omni legenti pateat, quanta fuerit veteris legis sanctitas. Nam etsi ad summam perfectionem non adduceret, sed veritatem & gratiam per Christum faciendam expectaret, attamen sancta & recta admodum erat.

*Magnum* sanctitatis argumentum legis desumitur ex præcepto quo bonum iungitur, malum vero prohibetur: quam quidem veritatem nedum Historici sacri, sed & profani prædicant; Cicero enim libro de legibus, dicit legem bonum iungentem, malum vero prohibentem omnibus populis antiquiorem esse, & divinitati coævam.

*Primo*. Quamvis lex vetus promulgata sit a Moïse qui erat dumtaxat pastor ovium, obligabat tamen omnes, nobilem sicut plebeum, Reges sicut subditos, Sacerdotes sicut laicos: non sic apud nationem, namque conditores legum ab eis se esse immunes autumabant.

*Secundo*. Lex Moisaica districte prohibet vitium, virtutem vero præcipit omnibus & iungit. Non sic Philosophi; omnes quipœ, paucis admodum exceptis, de vitio & virtute tanquam de rebus ad nutum odio vel amore prosequendis, & merè arbitrariis scripserunt. Ita Diogenes Laërtius lib. 2. quinimmo, tametsi Epicurus beatitudinem in gaudio & mentis exultatione atque deliciis constitueret, multi tamen concupiscentia viti, eam in voluptatibus etiam obsecens, & corporalibus fitam esse dicebant.

*Tertio*. Perpetuus est de Deo, apud Moïsem sermo, vult sapiens iste Legislator, illum solum & diligere ex toto corde, & in spiritu atque veritate tum coli, tum adorari; unde idola sub gravissimarum poenarum interminatione prohibet, sic enim Israel alloquitur: *Non facies tibi sculptile*. Hinc cum descendens de monte populum adorantem vitulum constillem conplexisset, Levitas sibi adiunxit, ad reos in ore gladii percutiendos.

*Tanti* faciebant legem Dei Judæi, ut

cætera aut abominabilia, aut inutilia esse & vitanda ducerent. Quod adeo verum compertum est, ut nec ipsi refragarentur Gentiles; unde Cornelius Tacitus scribit quod quidquid apud eos sacrum erat, illud ipsum a Judæis haberi ut profanum. Idem lib. 3. observat gentem Judaicam hominum multiplicationi fassisse ea potissimum ratione, quia cautum erat in lege ne ullus aliquem, aut ex sua, aut ex aliena & externa natione quemquam interimere præsumeret, quod certe Gentiles parum curasse constat, cum ad hodiernam usque diem apud Sinas licitum sit parentibus qui gravantur familia, parvulos in flumen submergendos tradere.

*Cæterum* alii Legislatores multiplicant Deos, eosque ad invicem faciunt invidos. Multa falsa, immo & nefanda atque obsecra, prout passio dictaverit, suis tribuunt numinibus, ne ista & ipsis advenissent, de Diis raro admodum loquuntur, raro etiam apud eos habentur in honore, maxime vero quum aut sinistra eis adveniunt, aut postulata non conceduntur. Non sic sane de Deo nostro res ita se habet. Moïses sic loquitur Deut. 4. *Nec est alia natio tam grandis que habeat Deos appropinquantes sibi, sicut Deus noster adeft cunctis obsecrationibus nostris, quæ est enim alia gens tam inelyta, ut habeat caeremonias, iustaque iudicia, & universam legem, quam ego proponam hodie ante oculos vestros*.

*Quarto*. Universæ nationes suos habebant Deos ligneos, terreatos, & argenteos, quos secum asportabant; Moïses vero omnia prohibet idola, nequidem permittit adorare cælum quod subicitur oculis, aut ejusdem cæli militiam, puta solem, lunam, stellas: sic enim ibidem loquitur ad Israëlitas: *Custodite igitur sollicite animas vestras, non vidistis aliquam similitudinem in die qua locutus est vobis Dominus in Horeb de medio ignis, ne forte decepti faciatis vobis sculptam similitudinem, aut imaginem masculi vel femine, similitudinem omnium jumentorum quæ sunt super terram vel avium sub cælo, volatilium atque reptilium quæ moventur in terra, sive piscium quæ sub terra morantur in aquis, ne forte elevatis oculis ad cælum, videam solem, & lunam, & omnia astra cæli, & errore deceptus adores ea*.

*Quinto*. Dure, & ut ita dicam, crudeliter Gentes tractabant servos mancipiales. Plutarchus in vita Lycurgi hanc ascribit inhumanitatem Lacedæmonjens; non sic

certe magnus Moïſes; præcipit enim populo manſuetudinem erga ſervos, ut patet Exodi 20. 9. 10. Deut. 5. 14. *Sex diebus operaberis, & facies omnia opera tua. Septimus dies Sabbati eſt, requies Domini Dei tui; non facies in eo quidquam operis, tu, & filius tuus, & filia, ſervus & ancilla . . . ut requieſcat ſervus tuus, & ancilla tua ſicut & tu.*

Sexto, Xenophon lib. 1. rerum memorabilem ſcribit amicos beneficiis cumulandos eſſe, inimicos vero alternis offenſis vincendos. Heſiodus præcepta moralia per multa ad inſtituendam vitam humanam & finem honeſtæ æſſequendum dedit; attamen oper. dic. 1. prohibet diligere inimicos: ſed nobiliorem demonſtrat viam Moïſes; & vero prohibet vindictam Levit. 19. 17. 18. his verbis: *Non oderis fratrem tuum in corde tuo, ſed publice argue eum, ne habeas ſuper illo peccatum, non quæras ultionem, nec memor eris injuriæ civium tuorum.*

#### Quarto, Cæremoniæ Judaicæ erant ſanctæ.

I. I. I. I. cæremoniæ erant ſanctæ, quæ ad Deum honorandum, & hominem ad vitam æternam pie & ſuaviter perducendum fuerunt ordinatæ; quæ nihil impurum, horrendumve, & quidquid aut ſuperſtitionem, aut crudelitatem ſapit, non habent: atqui ſic erant cæremoniæ Judaicæ: igitur erant ſanctæ: igitur ex hac etiam parte ſerâs adhibenda eſt pro existentia Dei nationi Judaicæ, quæ lex virtutis bonum ſpirat odorem, & in omnibus Deum omnium Creatorem colit & conſtituit: probatur minor ex traditione. Abel obtulit Deo in ſacrificium quidquid in gregibus ſuis erat optimum: Henos cepit honorare Deum cultu ſolemniiori: Noe obtulit Deo poſt diluvium pro ſua & ſimilæ conſervatione in gratiarum actionem de volucribus quos habebat: Abraham etiam proprium offerre filium in holocauſtum paratus erat; ſed Deo jubente ſubſtituit filio Iſaac, arietem. Melchizedech Rex Salen panem & vinum obtulit Deo in ſacrificium. Gens Judaica ſanctorum Patriarcharum æmula variâ obtulit ſacrificia, quædam de frugibus terræ, quædam de pecoribus, nulla de hominibus, omnia tum ad honorandum Deum, tum in recognitionem ſupremi ejus Domini, tum ad expianda peccata, tum ad gratias pro beneficiis acceptis rependen-

*Tom. I.*

das, tum etiam ad nova bona juxta cuſlibet neceſſitatem accipienda, ut legitur in libris legalibus, præcipue vero in toto Levitici libro: igitur cæremoniæ Judaicæ erant ex inſtitutione & ex fine ſanctæ: ex inſtitutione quidem, quia emanabant a Deo; ex fine vero, quia licet ad perfectionem non conducerent, hanc tamen per Chriſtum expectandam lex prædicabat & docebat.

E contra vero Gentiles idolis mutis & dæmonibus & non Deo ſacrificabant, nec dum pecora, ſed & filios & filias horreudis & ſuperſtitione plenis cæremoniis immolabant. Athenæus lib. 13. referente Neanthe Cyziceniſi in libris de Myſteris, ſcribit, Epinænidem urbem Athenas per modum expiationis purgaſſe ab aliquo delicto contra Deos patrato, ſanguinis humani copioſa & crudeli effuſione. Diodorus Siculus lib. 14. enarrat Hamilcarem Carthaginiensium Ducem Saturno infantem Carthagine obtuliſſe in ſacrificium; mitto alia & ſimilia Paganorum ſacrificia horrenda & penitus abominabilia. Quis ergo rerum æſtimator æquiſſimus, non credet potius genti Judaicæ Deum viſibilem & inviſibilem Creatorem piis & honeſtis cæremoniis colenti & prædicanti, potius quam nationibus quæ Diis ligneis & lapideis, & æreis, & argenteis atque dæmonibus, promiſcue pecora campi & filios horrendis ſuperſtitionibus immolabant? quorum quidem finis, teſte Apoſtolo, erat proprius, & in æternum interitus. Audiamus de hoc momento Tertullianum Apol. 1. pag. 9. & 10. *"Hæc quo magis reſutaverim a vobis ſeri offendam partim in aperto, & partim in occulto, per quod forſitan & de nobis credidiſtis. Infantes penes Africam Saturno immolabantur palam, uſque ad Proconſulatum Tiberi, qui ipſos ſacerdotes in eiſdem arboribus templi ſui obumbratricibus ſcelerum, votiſ crucibus expoſuit, teſte militia prætriæ noſtræ quæ id ipſum munus illi Proconſuli ſunſta eſt: ſed & nunc in occulto perfeveratur hoc ſacrum ſcinius."* pag. 10. pergit. *"Quot vulſus eſt his in circumſtantibus, & in Chriſtianoſum ſanguinem hiantibus, ex ipſis etiam vobis juſtiſſimis & ſeveriſſimis in nos præſidibus apud: conſcientias pulſem, qui natos ſibi liberos enecent? liquidem & de genere necis diſſert utique crudelius, in aqua ſpiritum extorquetis, aut frigori, aut ſani & canibus exponiſ: ferro enim*

G 3 „mori

"mori ætas quoque major optaverit, nobis vero homicidio semel interdicto, etiam conceptum utero, dum adhuc sanguis in hominem deliberatur, dissolvere non licet; homicidii festinatio est prohibere nasci."

*Ibidem* eandem profequitur materiam caeremoniarumque Paganismi abominationem sic delineat: "De sanguinis pabulo, & ejusmodi tragicis serculis legite: nec ubi relictum sit, est (apud Herodotum, opinor) defusum brachiis sanguinem ex alterutro degustatum nationes quisdam scæderi comparasse. Nescio quid & sub Catilina tale degustatum est? Ajunt, & apud quosdam Gentiles Scytharum defunctum quemque a suis comedi; longe excurro. Hodie istic Bellonæ sacra- tus sanguis de femore profcisso in pal- mulam exceptus esui datus signat: item illi, qui munere in arena noxiorum ju- gulatorum sanguinem recentem avida sicut comitiali morbo medentes auferunt, ubi sunt? item illi qui de arena seri- nis obsoniis cœnant? Denique pagina octava horrenda Eleusinæ mysteria, & nefandum prorsus cultum audacter repre- hendit: igitur a primo ad ultimum liquet religionem Judaicam in existentia Dei astruenda, fide dignissimam esse, quippe quæ Deum verum & veracem, san- ctum in lege & in omnibus operibus habeat auctorem."

#### QUARTUM ARGUMENTUM.

*Deus est Creator cœli & terræ, quia sic pro- fectetur Religio Christiana, & in hoc est fide dignissima.*

ILLA religio est fide dignissima, quæ Legislatorem habet Hominem Deum, Hominem multis ante ejus nativitatem sæculis prænuntiatus, Hominem opere & sermone potentissimum, Hominem qui adduxit pacem sempiternam, Hominem per quem gratia, & veritas facta est, cujus lex perfectionem & salutem confert, qui passione & morte traxit ad se omnia, qui victor mortis & peccati, vicit furentes in se & in suam religionem Tyrannos, qui denique reconciliavit ima summis: atqui talis est Religio Christiana: igitur in omnibus fide dignissima; maxime cum unum Deum visibilibus & invisibilibus Creatorem colit & prædicat. Probatur minor quoad singula, & quidem brevi-

ter; tum quia jam multa de motivis Religionis diximus; tum quia in Tractatu de Incarnatione & de Ecclesia redibit quæstio de eadem materia.

*Primo quidem*, Christus est Deus. Hoc miracula ab ipso patrata testantur: hoc signa quæ ipso moriente facta sunt: hoc parta supra omnes gentes infideles victoria: hoc idolorum silentium: hoc falsorum numinum templa diruta: hoc crux exaltata, & in fronte Regum resurgens: hoc Josephi percelebre testimonium, qui de Christo scribens dicit, fuisse hominem mirabilem, si tamen, inquit libro 18. anti- quit. cap. 4. purum hominem & non magis Deum dixerim. Eusebius lib. 1. Chronicon refert Tiberium Cæsarem certum Pi- lati epistolam factam, de his quæ circa Christum actitata fuerant, tum tempore passio- nis, tum post mortem & resurrectionem, proposuisse Senatui, eum in numero Deorum apponere & adscribere, quæ quidem propositio tametsi rejecta, præcepit tamen Imperator, ne quis in posterum, aut suo nomine, aut auctoritate privata, Christia- nos persequi auderet.

*Secundo*, Christus prænuntiatus fuit multis sæculis ante ejus adventum. Norunt omnes vaticinium Jacob Gen. 49. *Non auferetur sceptrum de Juda, & Dux de femore ejus donec veniat qui mittendus est*: norunt sceptrum circa Christi tempora ablatum a Romanis, qui illud Herodi Ascalonitæ, & postea Tetrarchis dederunt: norunt penitus ablatum per Vespasianum & Titum Romanos Imperatores. Josephus scribit Titum tantam in obsidione Jerusalem, hominum stragem conspicientem exclamasse, hoc grande malum a Deo Christianorum in vindictam promanare; cui quidem concinit Cornelius Tacitus; nam lib. 5. refert igneos exercitus visos fuisse, portas Templi ultro ex seipsis aper- tas, & alia similia apparuisse portenta stu- penda, quæ gentis Judaicæ plenum ac consummatum exitium haud dubie prælu- debant.

*Tertio*, Christus fuit Propheta magnus, nam & abscondita cordium pandebat: in- teritus & Jerusalem desolatio, sicut prædixerat, evenit; vir sane opere & sermone potens, qui Discipulos sibi adscri- vit, quos & per omnem terram ad prædi- candum misit, sermonem confirmantibus sequentibus innumeris signis: quod sane eo mirabilius apparuit, quo major erat rudium & simplicium hominum incapaci-  
tas

tas & impotentia, quibus tamen & Philosophia & astutia, & ferrum atque ignis, omniaque tormenta cesserunt. Quis talia aut fecit, aut potuit facere, nisi Deus fuisset cum eo? nam sola Spiritus sancti virtus linguas pauperum disertas reddebat: sola Christi veri Dei, cui cuncta obediunt, auctoritas communicata poterat & leprosos mundare, & cæcos illuminare, & mortuos evocare ad vitam.

Quantum sit inter inanes Deos & Christum discrimen, intelligite ex eo quod nulla sit conventio inter lucem & tenebras. Minerva & Venus nequiquam Ægyptis & Atheniensibus suam suaserant divinitatem; ultro populi sibi fabricaverant & composuerant idola: neque Eleusina, neque Augures coegerant Romanos suis credere mysteriis. Magnates ut plurimum sine delectu & prævio examine quandoque religionem recipiebant, quandoque etiam ad nutum abnebant; ergo primum ordinante & sic volente politica omnem abiecerunt religionem, deinde rerum statu penitus immutato, unam prout passioni placebat receperunt. Quid plura? lepidæ, nec non & mere fabulosæ sunt gentium stupidæ divinitates. Jupiter Ammonius hirci caput præ se terebat; augurium superstitio tanta erat, ut vel levis admodum musculi strepitus ad impediendum Consulis electionem sufficeret. Porro religionem Judaicam non populus, sed Moïses, lege facta, immo & divina invexit in mundum, quo fine? norunt omnes; videlicet ut mundaret Deo populum acceptabilem, sectatorem bonorum operum: igitur cum Christus natus est, variis mundus detinebatur religionibus, nedium vanis sed & pessimis; quolibet natio suam longa traditione firmam habere gloriabatur; & tamen Filius Dei factus homo ista dissolvit diaboli opera, profanus delevit religiones, ipsam Judaicam tamen bonam, tanquam inutilem abrogavit; ad hoc magnum opus adscitit Discipuli, in nomine Christi ejiciebant demonia, linguas loquebantur novis, & si mortiferum quid biberent, eis profecto non nocuisse legimus.

Quid memorem pacem veram quam Dominus Jesus suo ætuali adventu, non solum natus est toto mundo ejus providentia in pace composito, verumetiam adduxit justitiam sempiternam, mortem devicit sapientia erueis; immo & Philosophos, & Imperatores, & ipsos tortores suo sub-

didit Imperio: denique reconciliavit peccatores; delendo sua satisfactione Chyrogaphum mortis. Unum annotes velim, pie lector, gratiam & veritatem per Jesum Christum factam esse; veritatem quidem, quatenus illuminat omnem hominem venientem in mundum; gratiam vero, quia eam pro omnibus & singulis hominibus promeruit; unde, inquit Conc. Trid. si qui mortis Christi fructum non percipiunt, sua culpa tanto defraudantur bono: tum quia etiam ejus novæ legis sacramenta pauciora quidem sunt, inquit Augustinus, veteris Testamenti sacramentis, verum virtute & majora, & efficaciora; nam & gratiam digne fuscipientibus ex opere operato conferunt. Alterum etiam præ cæteris commendare juvat, nempe quod lex Christi, lex dulcis super mel & favum sit: testimonium Domini certe non solum figura & promissione, sed revera & effectibus fidele, convertens vere animas, & sapientiam præstans parvulis. Enim vero non solum prohibet vindictam, sed & præcipit diligere inimicos, benedicere iis qui nos persequuntur: sic enim scriptum est Matth. 5. Audistis quia dictum est, diliges proximum tuum, & odio habebis inimicum tuum. Ego autem dico vobis, diligite inimicos vestros, benedicite his qui oderunt vos: & orate pro persequentibus & calumniantibus vos, ut sitis filii Patris vestri qui in cælis est, qui solem suum oriri facit super bonos & malos, & pluit super justos & injustos. Tertullianus hæc omnia de divinitate Christi argumenta variis in operibus & locis luculenter explanat.

*Divinitas Christi ex nominibus Dei & punitione Judæorum qui illum crucifixerunt, celebratur.*

Sic loquitur Tertullianus Apol. pag. 20. edit. Paris: "Verum neque de Christo erubescimus, cum sub nomine ejus deputari & damnari juvat, neque de Deo aliter præsumimus. Necessè est igitur pauca de Christo, ut Deo. Tantum Judæis erat apud Deum gratia ob insignem justitiam, & fidem originalium auctorum, unde illis & generis magnitudo, & regni sublimitas floruit, & tanta felicitas, ut Dei vocibus, de promerendo Deo offerendo præmoneretur. Sed quanto desiquerint, fiduciæ Patrum inflati, deviantes ab disciplina

in profanum modum; & si ipsi non confiterentur, probaret exitus hodiernus ipsorum, disperii, palabundi, & cœli & soli sui extorres vagantur per orbem sine homine, sine Deo Rege, quibus nec advenarum jure terram, patriam saltem vestigio salutare conceditur. Cum omni jam gente & populo, & loco cultores sibi allegaret Deus multo fideliores, in quos gratiam conferret, pleniorum quidem ob disciplinæ auctoris capacitatem.

*Divinitas Christi ex doctrina, ex redemptione, ex generatione æterna assequitur.*

PERGIT Tertullianus pag. 21. "Hujus igitur gratiæ disciplinæ quæ arbitrar & magister, illuminator atque deductor, generis humani Filius Dei annuntiabitur . . . jam ediximus Deum universitatem hanc mundi verbo & ratione & virtute molitum. Apud vestros quoque sapientes, λόγος, idest sermonem atque rationem constat artificem videri universalitatis . . . hunc ex Deo prolatum didicimus & prolatione generatum, & idecirco Filium Dei, & Deum dictum ex unitate substantiæ: nam & Deus spiritus; & cum radius ex sole porrigitur, portio ex summa, sed sol erit in radio; quia solis est radius, nec separatur substantia, sed extenditur; ita de spiritu spiritus, & de Deo Deus, ut lumen de lumine accensum manet integra & indefecta materiæ matrix; & si plures inde traduces qualitate mutueris, ita & quod de Deo profectum est, Deus est & Dei Filius, & unus ambo: ita & de spiritu spiritus, & de Deo Deus. Modulo alterum non numero, gradu non statu fecit, & a materiâ non recessit, sed excessit." Subjungit testimonium Patris pro Filio pag. 538. lib. 4. contra Marcionem. "Vox inquit solita de cœlo, & Patris nōvum testimonium super Filio: atque in secundo psalmo, Filius meus es tu: ego hodie genui te: de quo, & per Isaiam, quis Deum metuens, audiat vocem Filii ejus? itaque jam representans eum hic est Filius meus, utique subauditur, quem recipi." "

*Divinitas Christi probatur ex Prophetis.*

TERTULLIANUS sua pro divinitate Christi sic prosequitur argumenta, nec dimittit donec aut suadeat, aut saltem comprimat adversarium, Apol. pag. 21. "Ille igitur Dei radius ut retro semper prædicabatur, delapsus in Virginem quandam, & in utero ejus caro figuratus nascitur homo Deo mistus, caro spiritu instructa nutritur, adolescit, affatur, docet, operatur, & Christus est . . . sciebant & Judæi venturum esse Christum, scilicet quibus Prophetæ loquebantur; nam & nunc adventum ejus expectant, nec alia magis inter nos & illos compulsatio est, quam quod jam venisse non credunt: duobus enim adventibus ejus significatis, primo qui jam expunctus est in humilitate conditionis humanæ, secundo in conclusionem do sæculo imminet in sublimitate divinitatis exire." "

Idem argumentum fusius & expressius explanat Tertullianus lib. 5. p. 593. edit. Paris. 1734. adversus Marcionem his verbis: "Est & alius psalmus ita incipiens, Deus judicium tuum Regi da, idest Christo regnatura: & justitiam tuam filio Regis, idest populo Christi: filii enim ejus sunt, qui in ipso renascuntur: sed & hic psalmus Salomonis canere dicitur, quæ tamen soli competunt Christo docere non poterunt, etiam cætera non ad Salomonem, sed ad Christum pertinere. Descendit, inquit, tanquam imber super vallis, & velut stillæ distillantes in terram placidum descensum ejus & insensibilem describens de cælo in carnem: Salomon autem etsi descendit aliunde, non tamen sicut imber, quia non de cælo, sed simpliciora quæque proponam. Dominabitur inquit a mari ad mare, & a flumine usque ad terminos terræ: hoc soli datum est Christo. Cæterum Salomon uni & modicæ Judææ imperavit. Adorabant illum omnes Reges, quem omnes, nisi Christum? & servient ei omnes nationes: cui omnes, nisi Christo? sit nomen ejus in ævum; cujus nomen in ætenuum, nisi Christi? ante solem manebit nomen ejus: ante solem enim sermo Dei, idest Christus; & benedicentur in illo universæ gentes: in Salomone nulla ratio benedicitur; in

Christi-



„Christo vero omnis. Quid nunc si &  
 „Deum eum Psalmus iste demonstrat? &  
 „beatum eum dicent: quoniam benedi-  
 „ctus Dominus Deus Israelis, qui facit  
 „mirabilia solus. Benedictum nomen glo-  
 „riae ejus, & replebitur universa terra  
 „gloria ejus. Contra Salomon, audeo  
 „dicere, etiam quam habuit in Deo glo-  
 „riam, amisit per mulierem in idolola-  
 „triam usque pertractus; itaque cum in  
 „medio psalmo, illud quoque positum  
 „sit, inimici ejus pulverem lingent; sub-  
 „juncti utrique pedibus ipsius, ad illud  
 „pertinebit, propter hoc hunc psalmum  
 „& inutiles, & ad meram scientiam de-  
 „fendi, ut confirmaverim, & regni glo-  
 „riam, & inimicorum subjectionem, se-  
 „cundum dispositionem Creatoris conse-  
 „cuturus, non alium credendum quam  
 „Creatoris. „

*Divinitas Christi miraculis consignatur.*

ALIUD divinitatis Christi argumentum  
 ex miraculis quae tanquam signa veluti  
 irrefragabilia dantur infidelibus, Tertul-  
 lianus discrete deprecatur in Apologetico,  
 aitque pag. 25. „Quem igitur Judaei so-  
 „lumnitudo hominem praesumpserant de  
 „humilitate, sequebatur uti magnum aesti-  
 „marent de potestate, cum ille verbo dæ-  
 „monia de hominibus excuteret, caecos  
 „illuminaret, leprosos purgaret, paraly-  
 „ticos restringeret, mortuos denique ver-  
 „bo redderet vitae, elementa ipsa famu-  
 „laret, conpescens procellas & freta in-  
 „grediens, ostendens se, se deus Dei, id est  
 „verbum illud primordiale, primogeni-  
 „tum, virtute & ratione, comitatum &  
 „spiritu sultum. „

Idem argumentum urget p. 542. l. 4.  
 adversus Marcionem, probans Christum  
 medium patris miracula, sed & quod  
 nulli aut convenit, aut potest reperi  
 dedit hominibus qui credunt in illum eam-  
 dem & majora faciendi potestatem. Jam  
 audiamus Tertullianum. „Quis nunc,  
 „inquit, dabit potestatem calcandi super  
 „colubros & scorpiones; utrumque omnium  
 „animalium Dominus, an nec unius la-  
 „certae Deus? sed bene quod Creator  
 „hanc potestatem etiam parvulis pueris  
 „per Isaiam repromisit, conicere ma-  
 „num in cavernam aspidum, & in cu-  
 „bile natorum aspidum nec omnia lae-  
 „di . . . denique & tempora promif-  
 „sionis congruere invenias, si quae autem

cedunt, legas. Invalescite manus di-  
 „mitte, & genna resoluta. Tunc pate-  
 „fient, oculi caecorum, & aures exau-  
 „dient surdorum. Tunc saliet claudus  
 „ut cervus, & clara erit lingua muto-  
 „rum. Igitur ubi medicinarum edidit be-  
 „neficia, tunc & scorpiones & serpentes  
 „Sanctis suis subdit, ille scilicet qui hanc  
 „potestatem, ut aliis praestaret, prior ac-  
 „ceperat à Patre, & secundum ordinem  
 „praedicationis exhibuit. Quis dominus  
 „coeli invocabitur, qui non prius factor  
 „ostenditur? „

Tot & tantis argumentis de divinitate  
 Christi convictus ipse Tertullianus, exclamat  
 & sic pronuntiat Apol. p. 242. & 23.  
 „Dicimus &, palam dicimus, & vobis  
 „torquentibus lacerati, & cruenti vo-  
 „ciferamur; Deum colimus per Chris-  
 „tum; illum hominem putate, per eum  
 „& in eo se se cognosci vult Deus &  
 „coli, ut Judaeis respondeamus, & ipsi  
 „Deum per hominem Moïsem colere dē-  
 „dicerunt. . . Quærite ergo si vera est  
 „ista divinitas Christi; si ea est quæ co-  
 „gnita ad bonum quæ reformatur, sequi-  
 „tur ut falsa renuntietur quævis alia  
 „contraria comperta. „

Postea sic concludit Tertullianus Apol.  
 pag. 25. Dicant, & quis ille Christus  
 cum sua fabula? si homo communis  
 conditionis? si magnus? si post mortem  
 de sepulchro a discipulis surreptus? si  
 nunc denique penes inferos? si non in  
 caelis potius, & inde venturus cum to-  
 tius mundi metu, cum horrore orbis,  
 cum planctu omnium, sed non Christiano-  
 rum, ut Dei virtus, & Dei spiritus,  
 & sermo, & sapientia, & ratio, &  
 Dei Filius? quodcumque videris, ri-  
 deant & illi vobiscum; atqui omnis  
 hæc nostra in illos dominatio, & pote-  
 stas de nominatione Christi valet, & de  
 commemoratione eorum quæ sibi a Deo  
 per arbitrium Christum imminencia ex-  
 pectant; Christum timentes in Deo &  
 Deum in Christo. „

*Divinitas J. C. sanctitate legis  
 commendatur.*

TERTULLIANUS Religionem Christianam  
 fide dignissimam ex Christi divinitate  
 ejus auctoritas, demonstrat, ipsanque Le-  
 gislatoris divinitatem argumentis omni ex-  
 ceptione majoribus celebrat, istud ul-  
 ti-

tinum ex sanctitate legis cæteris adjungit, ex quo iterum atque iterum Christi affulget divinitas, & veracitas omnium quæ profert & continet Evangelium, cui consequenter credere æquum quisque cordatus ducet, si attendat, Apol. pag. 39.

„ Nos ergo, inquit, soli innocentes, quid mirum si necesse est? innocentiam a Deo edocti & perfecte eam novimus, ut a perfecto magistro revelatam, & fideliter custodimus, ut ab incontinentibili despectore mandatam, vobis autem humana æstimatio innocentiam tradidit: humana item dominatio imperavit. Inde nec plene, nec adeo timendæ essis disciplinæ ad innocentiam veritatem, quanta est prudentia hominis ad demonstrandum quid vere bonum? quanta auctoritas ad exigendum? Tam illa falli facilius, quam ista contemni. Atque adeo quid plenius dictum est, non occides, an vero ne irascaris quidem? quid perfectius prohibere adulterium, an etiam ab oculorum solitaria concupiscentia arcere? Quid eruditius de maleficio, an & de maleloquio interdicere? quid instructius injuriam non permittere, an nec vicem injuriæ sine-re? dum tamen sciatis ipsas quoque leges vestras, quæ videntur ad innocentiam pergere, de divina lege ut antiquiore formam mutatas. „

Deinde sanctitatem legum ex præmio pro observatoribus, ex pœna vero severissima eaque æterna pro transgressoribus exaltat ibidem: „ Diximus jam de Moisis ætate, sed quantâ auctoritas legum humanarum, cum illas & evadere homini contingat plerumque in admittis delitescunt, & aliquando contemnerent ex involuntate vel necessitate delinquenti? Recogitate etiam pro brevitate supplicis cujuslibet, non tamen ultra mortem remansuri. Sic & Epicurus omnem cruciatum doloremque deprecat, modicum quidem contempnibilem pronuntiando, magnum vero nos qui sub Deo omnium speculatore dispungimur, quique ab eo pœnam providemus merito soli innocentia occurrimus, & pro scientiæ plenitudine, & pro latebrarum difficultate, & pro magnitudine cruciatu, non diuturni, verum sempiterni cum timentes, quem timere decebit & ipse qui timentes judicat; Deum, non Proconsulem timentes. „

Iterum atque iterum Tertullianus pag. 36. legis Christianæ sanctitatem, ex piis Christianorum moribus celebrat, maxime in Apologetico. Sic alloquitur Provinciarum Imperii Romani Præsides & Gubernatores qui non sine insultu calumniis Fidelium conventus, rebellionis vel etiam prodicionis criminis insimulabant. „ In cujus perneciem quando convenimus? hoc sumus congregati, quod & disperisi; hoc universi quod & singuli, nec neminem laedentes, neminem contristantes, cum probi, cum boni coeunt, cum pii, cum casti congregantur, non est factio dicenda, sed Curia. „

#### Solvuntur objectiones.

OBJICIUNT Inimici veritatis. Frustra petitur argumentum ex veteri lege ad probandam Dei existentiam, & ex ejusdem legis sanctitate, & justitia, si ipsa lex non sit bona: atqui lex vetus non censetur bona: primo quidem hoc ipsum non semel Scripturæ prædicat, juxta illud Ezech. 2. 25. *Dedi eis præcepta non bona*, rursus ad hunc sensum loquitur Apostolus dicens Hebr. 7. 19. *Nihil enim ad perfectum adduxit lex*. Immo legem esse peccati causam exclamatur Apost. his verbis Rom. 7. 9. *Sine lege enim peccatum mortuum erat*. Quinimmo nec desunt inter Catholicos qui idipsum adaperte profiteantur, ut Janfenius l. 3. de gratia Dei cap. 4. 6. 7. 8. Sed maxime nono cusps hic est titulus: *Status veteris Testamenti, ut talis, non erat justitia & salutis, sed potius peccati & mortis*.

Respondet 1. Legem veterem esse bonam, immo & sanctam cum Deum habeat auctorem, cum ejus cæremonia Deum cultu debito & religioso colere doceat, quid plura? Mandata ejus, vicia æterna, & ducunt ad felicitatem. Sic censet Tertullianus, sic Marconi inculcare satagit, sic Hæreticum suo perstringit stylo censorio lib. 2. pag. 468. edit. Par. ann. 1634. „ Quid enim, inquit, beatum hominem quam in lege Domini voluntas ejus? & in lege Domini meditabitur die ac nocte. Quam legem non duritia promulgavit auctor, sed ratio summæ veritatis, populi potius duritiam edomantis, & rudem obsequio, fidem operosis officiis dedolentis: ut nihil de arcibus attingam significantis legis, spiritalis scilicet & prophetica, & in omnibus pœnæ argumentis figuratæ: sus-

„ ficit

„ficut enim in presenti, si simpliciter  
 „hominem Deo obligabat, ut nemo eam  
 „reprobare debeat, nisi cui non placet  
 „Deo deservire ad hoc beneficium, non  
 „onus legis adjuvandum, etiam Prophe-  
 „tas eadem bonitas Dei ordinavit, do-  
 „centes Deo digna; auferre nequitias  
 „de anima, discere benefacere, exqui-  
 „rere iudicium, iudicare pupillo, &  
 „iustificare viduum, diligere quaestiones,  
 „fugere improborum contractum, dimit-  
 „tere consilium in integrum, dissipare  
 „scripturam injustam, infringere panem  
 „esurienti, & testum non habentem in-  
 „ducere in domum tuam, nudum si vi-  
 „deris, contegere, & domesticos semi-  
 „nis tui non despiciere; compescere lin-  
 „guam a malo & labia ne loquantur do-  
 „lum, declinare a malo & facere bonum,  
 „querere pacem & sectari eam, irasci &  
 „non delinquere, idest, in ira non per-  
 „severare, sive saevire. Sed ubi? vide  
 „quam bonum & quam jucundum habi-  
 „tare fratres in unum, meditantes die ac  
 „nocte in lege Domini. „His & simili-  
 „bus sententiis probat Tertullianus legis Mo-  
 „saicae sanctitatem, & Deum bonum habe-  
 „re auctorem.

*Respondeo 2.* negando illam legem care-  
 re bonitate, ad probationem distinguo.  
 Deus non dedit Judæis præcepta bona,  
 hoc est non tam perfecta, & omnibus nu-  
 meris absoluta, qualia sunt Evangelica,  
 concedo: hoc est mala, nego. Aliquid  
 potest dici non bonum dupliciter, primo  
 quidem per privationem maximæ per-  
 fectionis; deinde vero per privationem om-  
 nis bonitatis, præcepta Judaica dicuntur  
 non bona solum in primo sensu. Hoc  
 ipsum denotat Apostolus dicens ea ad per-  
 fectionem neminem conducere, cuius ratio  
 hæc est, si de Sacramentis loquimur, erant  
 eodem teste Apostolo, *vacua & egena ele-  
 menta*, namque gratiam quidem dandam  
 præfigurabant, eam vero non ex opere ope-  
 rato sicut nostra, sed ex opere operantis per  
 fidem in Christum venturum conferebant.

*Ad aliam minoris negatæ probationem,*  
 distinguo. Lex inducebat in peccatum per  
 accedens, & occasionaliter, concedo: per  
 se, nego. Lex peccatum quidem quod  
 crassa mentis hebetudine ignorabatur, pan-  
 debat, non certe, ut in posterum illud  
 committerent, sed potius ut vitarent Judæi:  
 quod si contrarium voluerint homi-  
 nes, non ideo mala lex & proscribenda,  
 sed malicia contundenda. Unde nemo

absque summa erga Deum injuria legem  
 inducere in peccatum aut asserere, aut  
 insinuare valet. Sic respondet Tertullia-  
 nus ad Marcionem talis ausu temerario  
 rimantem, lib. 5. adversus eum pag. 602.  
 „Quæ ergo dicemus? quia lex peccatum?  
 „absit. Erubescit Marcion: absit, abo-  
 „minabitur Apostolus criminationem le-  
 „gis; sed ego delictum non scio nisi per  
 „legem. O summum ex hoc præconium  
 „legis, per quam liquit delictum latere:  
 „non ergo lex seduxit, sed peccatum per  
 „præcepti occasionem. Quid Deo impu-  
 „tas legis, quod legi ejus Apostolus im-  
 „putare non audeat? atqui & accumulatur,  
 „lex sancta & præceptum ejus iustum &  
 „bonum, si totaliter veneratur legem  
 „Creatoris quomodo ipsum destruat ne-  
 „scio. „Cæterum Jansenius nedum audi-  
 „endus, sed & abiciendus, quia proscrip-  
 „ta sunt ejus opera.

*Rursus instans.* Illa lex bona non vide-  
 tur quæ cibos prohibet mundos, orania  
 quippe animalia a Creatore benedicta dicun-  
 tur: atqui tamen lex prohibet carnes quo-  
 rundam animalium: igitur non est bona.

*Respondeo* distinguendo, si malo sine  
 prohibeat, concedo: sin minus, nego.  
 Lex prohibet quidem qualdam carnes,  
 sed ad populi carnalis temperantiam, ne  
 gula peccet & offendat Deum ad sensu-  
 bilia fere convertendo; unde cibi pro-  
 hibiti immundi pronuntiantur, non sane  
 ratione sui, sed prævaricationis & cul-  
 pæ incurrendæ, si contra præceptum his  
 uteretur Judæus: eo prope sensu lignum  
 vitæ erat immundum, hoc est vetitum,  
 cuius quidem esus & Adamus & ejus  
 posteros sedavit, quomodo? nisi pecca-  
 to per prævaricationem indulto. Solu-  
 tio est Tertulliani lib. 2. adversus Mar-  
 cionem pag. 467. sic fitur. „Nihil ama-  
 „rius quam idipsum pati, quod feceris  
 „aliis: & si lex aliquid cibis detrahit,  
 „& immunda pronuntiat animalia quæ  
 „aliquando benedicta sunt, consilium  
 „exercendæ continentie intellige, &  
 „fratros impositos illi gulæ agnosce, quæ  
 „cum panem ederet Angelorum, Cu-  
 „cumeres & Pepones Ægyptiorum desi-  
 „derabat. Agnosce simul & comitibus  
 „gulæ, libidini scilicet atque luxuriæ  
 „prospectum, quæ fere ventris castiga-  
 „tione frigeant. Manducaverat enim  
 „populus, & liberat, & surrexerat lu-  
 „dere; proinde ut & pecuniæ ardor re-  
 „stingueretur ex parte qua devotus ne-  
 „cessi-

„cessitate canatur, pretiosiorum ciborum  
„ambitio detracta est. Postremo, ut sa-  
„cilius homo ad jejunandum Deo forma-  
„retur, paucis & non gloriosis elcis af-  
„suefactus, & nihil de lautioribus esuri-  
„tus: reprehendendus sane Creator quod  
„cibos potius populo suo abstulit, quam  
„ingratoribus Marcionistis. „

*Adhuc urget.* Lex vetus multa præci-  
pit animalium sacrificia quæ Paganismum  
sapiunt, cum Gentiles falsis numinibus si-  
milia offerre consueverint: sed lex quæ in  
immundam Paganorum religionem colli-  
mare videtur non est bona, adeoque nec  
magni Dei existentie argumentum est;  
ergo, &c.

*Respondeo distinguendo.* Lex de ani-  
malibus præcipit sacrificia ad Deum verum  
cultu debito & religioso colendum, con-  
cedo: ad falsa numina veneranda, ne-  
go. Deus est vitæ & mortis Dominus,  
unde omnia sua sunt, quamobrem offer-  
re de animalibus sacrificia in recognitio-  
nem supremi ejus Domini, sicut pium,  
ita & justum est: at vero Gentiles su-  
perstitiose immolant falsis diis & non Deo  
vero, unde vani sunt, inquit Sapiens,  
& inexcusabiles. Sap. 13. Lex vero ve-  
tustissimi plurimum veneranda, quippe quæ sa-  
crificia præcipiat ad retrahendum ab ido-  
latriæ abominationibus populum: audia-  
mus Tertullianum qui ibidem pag. 467.  
sic pergit. „Sacrificiorum quoque onera  
„& operationum, & oblationum nego-  
„tiosas scrupulositates nemo reprehendat,  
„quasi Deus talia nisi propria desiderave-  
„rit, qui tam manifeste exclamat, quo  
„mihi multitudinem sacrificiorum vestro-  
„rum? & quis exquisivit ista de manibus  
„vestris? sed illam Dei industriam sentiat,  
„qua populum pronum in idolatriam &  
„transgressionem, ejusmodi officiis re-  
„ligionis suæ voluit astringere, quibus  
„superstitio sæculi agebatur, ut ab eo  
„evocaret illos; sibi jubens fieri quasi de-  
„sideranti, ne simulacris faciendis delin-  
„queret: sed & in ipsis commerciis vitæ  
„& conversationis humanæ domi ac for-  
„is ad usque curam vasculorum omni-  
„sariam distinxit, ut istis legalibus disci-  
„plinis occurrentibus ubique, ne ullomo-  
„mento vacarent a Dei respectu. „

*Reponunt iterum:* Ipse Deus abhorret  
Judæorum sacrificia juxta illum Psalm.  
43. 13. *Nunquid manducabo carnes tauro-  
rum; aut sanguinem bircorum potabo? v. 14.  
Immola Deo sacrificium laudis, & redde*

*Altissimo vota tua:* igitur lex quæ ani-  
malium instituit sacrificia, non est san-  
cta, nec ullum ex ea ad probandam exi-  
stentiam Dei optimi, maximi, erui potest  
argumentum.

*Respondeo distinguendo:* Deus abhorret  
& rejicit sacrificia secundum idololatrarum  
mentem, Deum corporeum carnes man-  
ducantem putantes, concedo: quatenus  
sunt oblationes ad recognoscendum supre-  
mum ejus dominum, subdistinguo, ab-  
horret ratione malæ dispositionis offeren-  
tium, concedo: ratione sui, nego. Deus  
est purus spiritus, unde nec cibos cor-  
poreos sicut homo, sumere indiget: igitur  
attendit solummodo ad servitium &  
famulatum; unde qui eum corde negat,  
eorum abiicit sacrificia, quippe qui ore  
quidem constentur Dominum, factis vero  
negent, & hoc scelus nefandum Judæis  
non semel exprobrat Christus juxta illud  
Matth. 15. 8. *Populus hic labiis me hono-  
rat, cor autem eorum longe est a me.* Om-  
nes hi sensus in ipsa patent Scriptura Psal-  
mo 49. 8. *Non in sacrificiis tuis arguam  
te: holocausta autem tua in conspectu meo  
sunt semper;* quid ergo reprehendit? super-  
stitionem, nunquid ait v. 13. *Manducabo  
carnes taurorum, aut sanguinem bircorum  
potabo;* arguit malam offerentis disposi-  
tionem versu 16. *Peccatori dixit Deus;  
quare tu enarras justitias meas, & assumis  
testamentum meum per os tuum? verum 17.  
Tu vero odisti disciplinam, & projecisti ser-  
mone meos retrorsum.*

*Respondet Tertullianus lib. 2. adversus  
Marcionem pag. 470.* „Diximus de sacri-  
„ficiorum rationali institutione, avocar-  
„tis scilicet ab Idolis ad Deum officia  
„ea quæ si rursus ejecerat dicens, quo  
„mihi multitudinem sacrificiorum vestro-  
„rum? hoc ipsum voluit intelligi; quod  
„non sibi ea proprie exegisset; non  
„enim bibam, inquit, sanguinem tauro-  
„rum; quia & alibi ait, Deus æternus  
„non esuriat, nec sitiet: nam si ad obla-  
„tiones Abel advertit, & holocausta Noe  
„odoratus est libenter, quæ jucunditas  
„sive viscerum vervecinorum, sive nito-  
„ris ardentium victimarum? sed animus  
„simplex & Deum metuens offerentium  
„ea quæ a Deo habebant, & pabuli, &  
„suavis olentia gratia apud Deum deputa-  
„bitur, non quæ fiebant exigentis, sed  
„illud propter quod fiebant, ob honorem  
„scilicet Dei. . . . dies Festos & vestra  
„Sabbata odit anima mea: vestra di-  
„cent-

„cendo, quæ secundum libidinem fu-  
„am, non secundum Religionem Dei  
„celebrando, sui jam non Dei fecerunt.

*Obijciunt* 2. Neque ex lege Evangelica recte probatur Deum existere: & vero ex quo Evangelium fuit annuntiatum, multa maximaque visa sunt in mundo mali, hinc bella, hinc hominum per martyrium infinita prope strages: hinc regni nodum Judaici, sed & Imperii Romani subversio, cum e contra mundus totus esset compositus in pace tempore Augusti, florebant Romani, Barbaræ obmutescabant Nationes. Quid plura? a Christo nato infinitæ prope hæreses, infinita schismata, regnum adversus regnum, terræmotus & fames, quæ quidem omnia mala & cohibere, & ne evenirent impedire universi orbis Dominus debebat; si detur optimus si summus, si omnipotens Deus, suum quippe erat, si potestatem habet, servare subditos, servare bona & imperia, quis enim Rex fuit unquam qui in quantum potest a suo regno non avertat mala?

*Respondeo* negando, legem Evangelicam unius optimi & maximi Dei non probare existentiam. Gratia quippe & veritas per Jesum-Christum facta est, gratiam autem & gloriam solus dabit Dominus, inquit Propheta: ad probationes dico martyrum stragem ex hominum proditiis malitia: verum & sanguis Sanctorum factus semen Christianorum, Deum optimum existere, stupendum quidem, sed prorsus demirandum argumentum illud est; unde Tertullianus præfides idololatras Deum negantes sic alloquitur Apol. 45. edit. Paris. 1624. „Sed hoc agite „boni præfides, meliores multo apud po- „pulum si illis Christianis immolaveri- „tis; cruciate, torquete, damnate, atte- „rite nos. „Probatio est enim: innocentia „nostræ iniquitatis vestra. Ideo nos hæc „pati Deus patitur: nam & proxime „ad Leonem damnando Christianum, „potius quam ad Leonem, confessi estis „habem pudicitiam apud nos atrocioris „omni prena & omni morte reputari. „Nec quicquam tamen proficit exausi- „tior: quæque crudelitas vestra prolece- „bra est nostris, scilicet Plures efficiuntur „quoties morimur: a vobis semen est. Ian- „guis Christianorum... Quid plura? Deus ex malis summi & infinita prope bona facere voluit, nam & mundum profanum humilitate crucis devicit; Christus sua & Sanctorum passione principem tenebrarum

egregit foras; & multos ad vitam prope- xit æternam. Denique belli, fames, Imperiorum devastatio, & similia ejus- modi sunt peccatorum poenæ, quas qui- dem justus Judex non impedire, sed im- ponere debet, maxime cum cunctis in suam cedant gloriam, immo & justis ac diligentibus Deum cooperentur per pa- tientiam in bonum.

*Respondeo* 2. Ante Christum natum si- milita & multo majora sunt vindictis pec- catorum evenisse mala. Quid dicam de di- luvio quod omnem, octo exceptis Anima- bus, delevit carnem? Quid de funesto & terribili Sodomæ, Gomorrhæ, aliarum- que civitatum excidio? Quid de clami- tatibus Judæorum, qui iterum atque ite- rum in servitutem ducti, magna ex par- te in captivitatem perierunt? Simile argu- mentum urget Tertullianus contra Idololatrias, qui vanam fallorum numinum ratione sicut futili ita & prorsus absur- dum innum deorum religionem propu- gnare tentabant. Apol. p. 36. „Oro „vos, inquit, ante Tiberium, idest an- „te Christi adventum quantæ elades or- „bem & urbes ceciderunt? Legimus Hiera- „napem, & Delon, & Rhodon, & coin- „tulas multis cum millibus hominum pes- „sum abiisse. Memorat & Plato majorem „Asiæ vel Africæ terram Atlantico mari „ereptam, sed & mare Carinicum ter- „ræ motus ebibit... Ubi vero tunc „non dicam deorum vestrorum contem- „ptores Christiani; sed ipsi dii vestri „cum totum orbem Cataclysmus abolevit? „vel ut Plato putavit, campestre solum- „modo? Posteriores enim illos clade dilu- „vii contestantur ipsæ urbes, in quibus „nati mortique sunt, etiam quas concide- „runt, neque enim alias hodiernum „manerent, nisi & ipsæ postumæ eladis il- „lius. Nondum Judæum ab Ægypto „examen Palæstina sulceperat, nec jam „illie Christianæ Sæctæ origo confederat, „cum regiones ad fines ejus Sodomæ & „Gomorrhæ igneus imber exussit.

*Respondeo* 3. Morces Gentilium depravatos, multa induxissè in mundum mala, quæ virtus Christianorum temperavit, frustra igitur faustus exitus vanæ Idolorum religioni tribuunt. Pagani: esto quod quandoque felices fuerint in mun- do Romani, sed bonas actiones tempo- rantes; bonis atque temporalibus Deus compensare voluit. Pergit Tertullianus ibidem pag. 37. ad objecta respondere.

Si

Si pristinæ cladis comparemus, leviores nunc accidunt, ex quo Christianus a Deo orbis accepit. Ex eo enim & innocentia sæculi iniquitates temperavit, & deprecatores Dei esse coeperunt; denique cum ab imbribus æstiva hyberna suspendunt, & annus in cura est, vos quidem in balneis, & cauponis, & lupanaribus operantibus aquilicia Jovi immolatis; cælum apud Capitolium quæritis, nubila de laquearibus expectatis, averſi ab ipſo Deo & cælo. Nos vero jejuniis aridi, & omni continentia impreſſi, ab omni vitæ ſurge dilati, in ſacco & cinere volutantes, invidia cælum tundimus, & cum miſericordiæ extorſerimus, Juppiter honoratur: Vos igitur importuni rebus humanis, vos rei publicorum incommodorum illices ſemper, apud quos Deus ſperniatur, ſtatuz adorantur.

Concludamus igitur totum hoc de exiſtentia Dei optimi maximi momentum mirandis iſtis Tertulliani verbis, immo & confeſſione. Apol. p. 18. edit. Pariſ. ann. 1634. "Quod colimus, Deus unus eſt, qui totam molem iſtam cum omni inſtrumento elementorum, corporum, ſpirituum, verbo quo juſſit, ratione qua diſpoſuit, virtute qua potuit; de nihilo expreſſit in ornamentum maiestatis ſuæ. Pergit: Inviſibilis eſt, & ſi videatur incomprehenſibilis; & ſi per gratiam repræſentetur, inæſtimabilis; & ſi humanis ſenſibus æſtimetur, ideo verus & tantus eſt. Cæterum quod videri communiter, quod comprehendi, quod æſtimari poſſeſt, minus eſt, & oculis quibus occupatur, & manibus quibus contaminatur, & ſenſibus quibus invenitur. Quod vero immenſum eſt, ſoli ſibi notum eſt; hoc eſt quod Deum æſtimari facit, dum æſtimari non capit. Ita eum viſ magnitudinis & notum homini obſcuro & ignotum. Et hæc eſt ſumma delicti nolentium recognoscere quem ignorare non poſſunt.

## SYNOPSIS PROBATIONUM.

*Deus eſt Creator omnium viſibilium & inviſibilium.*

PRIMO, Quia & mundus, & diſciplinæ, & artes ortum habuerunt, ſicut enarrat Moïſes; ſic enim proſicitur gens Ju-

daica, ſic Chriſtiana, utraque cæteris nationibus fide digniſſima.

Secundo, Quia ut oſenſum eſt ſupra, mundus neque a ſemetipſo; neque ab atomis, neque a materia eſt: hæc quippe tum diſtributive, tum collective initium habent ab alio qui his omnibus dominatur, & eſt ante ævum.

Tertio, Quia cauſam mundi eſſe ſummæ & in immenſum ſpiritualem probat entium omnium circumscripſio & limitatio.

## SYNOPSIS RESPONSIONUM

### AD DIFFICULTATES.

PRIMO, Ultro concedimus unicam dari ſupremam ſubſtantiam, ſed plures ſunt creatæ.

Secundo, Tametsi ſubſtantia ſit per ſe ſubſiſtens, non ſequitur eam ab alia ſubſtantia inſinita non dependere, ſed ſolum ab accidentibus quæ ipſi inhaerent.

Tertio, Subſtantia etiam creata metaphyſice ſumpta poſſeſt dici improducibilis, nuſquam vero phyſice & in concreto ſeu in individuo ſpectata. Primo modo importat tantummodo enuntiationis veritatem, ut in iſta propoſitione, Homo eſt animal rationale; quæ quidem veritas eatenus dicitur æterna, quatenus ab æterno vera eſt hæc enuntiatione, Homo eſt animal rationale; at vero in ſecundo ſenſu dicit rem a parte rei & in ſe exiſtentem, quod certe nullum individuum habet ab æternitate, ſed tantummodo in tempore: & hoc a Deo optimo maximo.

Quarto, Incaſſum Manichæi adverſus legem veterem debacchantur; eſt enim bona, immo & ſancta, quippe quæ Deum ipſum habeat auctorem; præcepta contineat optima, unde imperfecta ſolum relative ad novam perfectionem dicitur.

Quinto, Cæcutit utique Gentilis, dum Imperii Romani & cladis, & ſubverſionem non abominationibus Paganorum, ſed Chriſtianis tribuunt; nam iſti & jejuniis aridi, inquit Tertullianus, & morum puritate juſti, & pietate erga Deum conſpicui, tanquam multitudo ſapientum facti ſunt ſanctas orbis terrarum.

## SECTIO TERTIA.

*Convellitur Systema materiae subtilioris, quam Pythagorici quintam vocant essentiam, cui inest potentia cuncta faciendi; & quam Indiarum Gentes maxime Sinarum quidam litterati bonitatem essentialem, gallice (le Lis) appellant.*

DIXIMUS de materia concreta motu atomorum animata ad omnia tum faciendam, tum componendam, ut volunt Epicurus & Spinoza: ostendimus inanem prorsus esse, & ad mundum faciendum penitus inertem: diximus etiam Pythagoram in hac materia alteram subtilissimam distinxisse, quam nuncupare voluit quintam essentiam, seu materiae virtutem qua cuncta producantur, ita ut sit quid a materia concreta distinctum, quamvis materiae ab aeterno praexistenti coeva. Hanc materiam Epicurus contendit esse quasi imperceptibilem & indivisibilem: unde impraesentiarum sermo est de illa subtilissima materia in se spectata: & quaeritur quid sit? & quid possit? ut hujus momenti resolutione, quisquis habeat illud quod clare & sine replica confundat omnis generis Atheos, utinam & convertat. Denique notavimus supra, libros Pythagorae asportatos fuisse ad Aegyptios, ad Persas, ad Chaldaeos & Indos, & multum probabiliter ad Sinas. Fertur apud istos quoddam profiteri religionem Mahumeticam, & agnoscere Deum: Quosdam & ferme omnes Idololatriae inherere: per multos vero esse Atheos, ut referunt relationes sapientissimorum virorum, qui in iis vastissimis regionibus, relicta patria, sicut decet viros Sanctos & Apostolicos, Evangelium praedicarunt. Non semel audivimus a reverendis Patribus Societatis Jesu, plurimos esse in Sinarum Provinciis Atheos, quod & in eorum scriptis iterum atque iterum legimus. Similia audivimus ab aliis omni exceptione majoribus; ergo Systema Sinarum qui ex parte adherent Pythagorae, illud esse sic referunt qui & in libris litteratorum Sinenfium legerunt, & a Mandarinis audierunt.

*Primo*, Sinenfis essentia rerum dicitur aeterna, & a quocumque independentes; quas & explicant propositionibus aeternae veritatis, quales sunt istae: duo & duo sunt quatuor: colendi sunt parentes: homo est animal rationale, & similes. Ve-

ritas, inquit, ejusmodi propositionum est realis, & quidem independentem ab intellectu: nam etiam si nullus de his cogitaret, verum esset semper dicere: duo & duo sunt quatuor, & homo est animal rationale. Porro vocant veritatem essentialis & propositionis bonitatem essentialis: alii quintam essentiam: alii materiam subtiliorem, immo subtilissimam a qua omnia, ipsa vero a nullo.

*Secundo*, Epicurei volunt ex motu illius materiae infinitas advenire modificationes quibus omnia formantur; Indiarum vero gentes, saltem inter istos Paganos subtiliores, dicunt istam bonitatem neque esse materiam, neque tamen unquam a materia separari, sed simul cum materia cuncta producere, & esse in motu perpetuo: hinc istum mundum incepisse concedunt, sed alterum fuisse priorem, sicut & post istum finitum, futurum esse posteriorem, & sic infinitum tum a parte ante, tum a parte post reponunt, ita ut bonitas essentialis sit semper in aliquo actu; & ideo omnipotentiam, justitiam & cetera Dei Attributa illi inesse non dissentiant. Modo etiam dicunt materiam esse ab aeterno, & juxta ejus diversas modificationes diversis entia coalescere, animam rationalem in morte quidem perire, non tamen quoad omnia; quia contendunt abire in subtiliorem materiam. Non agnoscunt spiritus.

*Tertio*, Bonitatem essentialem dicunt non quidem per se subsistere, sed esse subsistendi rationem: non esse intelligentem per se, sed ratiocinandi principium; non esse regulam morum, sed in se habere gubernandi normam.

*Quarto*, Concreta idem esse cum abstractis, etiam in supremo Numine invincibiliter & mordicus negant. Quamobrem nolunt supremum Numen esse sapientiam, bonitatem: sed habere bonitatem, seu potius esse rationem cur res sint bonae, sapientes, &c.

*Quinto*, Sanctitatem duplicem distinguunt; alteram anteriorem eamque naturalem; alteram vero posteriorem, & quae actus humanos componit, puta Regis comparative ad subditos: patris relative ad filios: Domini respectu servorum, & amici ad amicum reciproce. Primam constituunt in habituali unione cum bonitate essentiali, seu potius adhaesione, ita ut anima ad illam semper attenta, cum ea sit veluti conglutinata: quaeque sanctitas bonis

bonis operibus accrescit, Alteram vero in in attentione bonitatis essentialis cum ordine ad res externas; cui si debite illi inhæreant, recte vivunt & sunt.

*Sexto*, Observandum est illud Systema collimare in Systema Epicuri in multis, & in pluribus etiam discrepare: Convenit in eo quod materiam semper & ab æterno in motu constituant Sinenses; quod ex motu materiæ, seu ex bonitate essentiali quam spiritum mundi agnoscunt, cuncta coalescant: quod bonitas illa essentialis sit materialis quidem, sed neque ipsa materia, neque forma, aliudve per quod ens determinatur. Discrepat vero in eo quod mundum hunc in tempore reponant, & eidem præscribant finem; asserunt tamen ei æternitatem, non quidem permanentem, verum potius fluentem & successivam multiplicatione tum mundi, tum rerum quæ mundum component, & constituunt.

*Septimo*, Ex his omnibus resultat Atheos esse in multiplici differentia. Quidam sunt intellectu Athei, illi scilicet qui negant Deum esse: quidam corde, qui solum passionem visci, reclamante conscientia dicunt insipientes in corde suo: Non est Deus. Quidam partim mente, partim corde qui admittunt & agnoscunt bonitatem quidem essentialem, tanquam bonorum omnium principium; sed & materia circumscriptam, & a materia dependentem. Cui etiam bonitati tribuunt omnia Dei Attributa, sed per dependentiam; ita tamen ut a cæteris abhorreant Atheis, non enim cuncta ex atomis stupidis coalescere credunt; sed ex bonitate essentiali. Isti utique cum Atheis quodammodo annumerantur, vel qui negant providentiam, vel qui Idola sequuntur, & credunt Deum favere eorum superpositionibus.

*Nullam* hic movemus questionem, an isti Indi agnoscat vere Deum Creatorem mundi, agnoscendo bonitatem essentialem, vel non? An Regis & Imperatoris sicut & regni Procerum religio sita sit in agnitione unius Dei, ut quidam viri docti scripserunt? Certum est inter eos alios agnoscere Deum, alios etiam esse Christianos, alios Mahumetanos, multo plures Idololatrias, & non paucos Atheos. Agimus dumtaxat de his qui Systemate suo non aliud agnoscunt Numen quam bonitatem essentialem circumscriptam & a materia dependentem. Quod

quidem systema coincidere in systema Epicuri videtur, vel dicere etiam idem, nisi loco quintæ essentialis Pythagoricæ, vel materiæ subtilioris Epicuri substituant bonitatem quam vocant essentialem, & cum materia cuncta facientem & producentem; quam quidem opinionem pertractare juvat pro questionis de immortalitate animæ & existentia Dei complemento; nam istud systema impugnat utrumque, cum & bonitatem essentialem non divinam, sed consistam & materiale, animam vero rationalem mortalem esse contendat Sinenses.

*Systema* istud quocumque modo sumatur five pro atomis subtilissimis Epicuri, five pro quinta essentiali Pythagoræ, five pro bonitate essentiali quam Sinarum Athei vocant bonitatem essentialem a materia dependentem, & gallice *le Lis*, refutatum manet ex his quæ jam diximus, tum contra atomos, tum contra Spinosam: Enimvero nomine tenus & terminis videtur discrepare ab aliis systematibus, maxime cum bonitatem essentialem omnia cum materia facere præscribat: cum Attributa Dei tribuat illi bonitati, materia circumscriptæ sicut Spinoza, cum sicut ille materia omnis agglomerationem vocet Deum, ita & Sinarum Doctores bonitatem materia coæcervatam Numen appellent; igitur eadem redeunt probationes contra istud systema quas attulimus contra Epicurum. Quia tamen ex modo procedendi apparet aliqua diversitas, quam nonnulli omni exceptione majores existimant non esse medicrem, ad faciendum satis omnibus; & ne remaneat ullus tum circa existentiam Dei, tum circa immortalitatem animæ rationalis scrupulus, systema istud postremum de subtiliori materia secundum Pythagoram; de bonitate vero essentiali in materia immerfa secundum Indos, resellimus, & quidem triplici medio. Primo quidem generalibus rationibus quibus constat nihil materiale habere efficaciam sufficientem, tum ad inandum condendum, tum ad beatificandos homines. 2. Specialibus argumentis quibus probatur Indiarum Doctores sibi non constare, 3. Demonstrando solum Deum esse bonitatem essentialem, animam vero rationalem & spiritualem & immortalem.

*Cæterum*, Sinarum systema de bonitate essentiali quale retulimus pro certissima Mandarinorum sententia ad vitandum Historiographorum congressum & lites non abso-



absolute damus, maxime cum hoc, aut parum, aut nihil proxius conferat ad præsentem questionem: sed supposito quod sit tale quale & audivimus a viris cordatis & delineavimus; illud ipsum ad stabilendam Dei existentiam totis viribus refellere, subvertere & convellere necesse est. Unde fit

### CONCLUSIO.

*Materia subtilior quam alii quintam essentiam, alii bonitatem essentialiam, a materia sensibili & crassa distinctam & imperceptibilem vocant, non est mundi creatrix, non sanctitatis & beatitudinis hominum principium & causa.*

### PRIMUM ARGUMENTUM.

*Tanta efficacia non convenit materie etiam subtilissimæ & omni quod est immersum in materia, & ab ea dependens.*

PRIMO, Illud nequit esse rerum principium quod est in potentia ad actum: atqui bonitas illa essentialis est in potentia ad actum: igitur nequit esse rerum principium. Major patet; quod enim est in potentia, neque est semper in actu, neque seipsum potest reducere ad actum; si quidem debet reduci ad actum per id quod est semper in actu. Probatum igitur minor in qua est difficultas: quinta illa essentia, seu bonitas essentialis in sensu Sinarum Doctorum, non semper operatur, sed transit a non operari ad operandum, puta quando producit arbor. 2. Ipse homo, v. g. non semper utique operatur: igitur nec bonitas essentialis, si quidem est materia homini incorporata: igitur sicut ipse homo transit a non operari ad operandum, transit & bonitas essentialis; & vero non operatur in homine, nisi & ipse agat, nisi materia humana operetur. Igitur bonitas essentialis Sinica non est primum rerum principium; nec dicant bonitatem operari semper, si non in uno individuo, in altero agere: quia eo ipso quo est bonitas prima & plena, etiam in quolibet individuo, semper debet actu operari, alias non erit bonitas essentialis, sed solum participata & creata.

Secundo, Quod est a materia dependens tum in esse, tum in operari, non potest esse primum rerum principium: cuncta si quidem a prima causa moventur & dependent, ipsa vero a nullo dependet,

Boncat Theol. Tom. I.

sed bonitas seu quinta essentia, dependet a materia; & ita quidem, ut sine materia non habeat aut esse, aut operari, immo inets manet, & nihil est: igitur non est rerum omnium principium.

Tertio, Quod clauditur terminis, non est prima omnium creaturarum causa, enimvero causa prima debet esse universalis, & ad omnia sese extendere debet: atqui quinta essentia Pythagorica & bonitas essentialis Indiæ, clauditur terminis, siquidem immerfa est in materia: igitur non est causa prima creaturarum. Nec mirum, quod clauditur terminis est alteri incommunicabile, cum igitur illa bonitas circumscriptur ab uno individuo, nequit alteri inesse; quis enim dicit animam unam in corpore Petri conclusam posse aliud simul informare corpus?

Quarto, Abstractum ad materiam ordinatum non est causa rerum, sed accidens: v. g. Bonitas in homine non est causa rerum, bene vero accidentaliter perfectio quæ ipsa producit: sed bonitas essentialis a materia dependens est & abstracta, quinimmo & accidens accipiens esse, non dans; accidens inherens, neque operans per se, sed solum per subiectum; igitur bonitas essentialis non est causa rerum, sed ipsa potius causatur.

Quinto, Bonitas essentialis non potest cuncta creare & producere, nisi sit ens omnibus repletum perfectionibus, debet enim esse summum bonum, & per omnia sese diffundere; atqui neque quinta essentia Pythagoræ, neque bonitas essentialis Sinarum est ens plenum & perfectissimum; igitur nec causa prima & rerum omnium creatrix: probatur minor. Illa bonitas secundum systema allatum, est a materia dependens, clauditur terminis & circumscriptur: igitur non est ens perfectissimum bonitas essentialis Sinica; non enim est in infinitum sui diffusiva. 1. Quia quod clauditur terminis, ad unum terminatur & limitatur. 2. Nequidem extra se potest sese diffundere, alias jam illud bonum non foret circumscriptum & singulare, sed universale. 3. Illa bonitas quæ supponitur se diffundere per omnia, vel est eadem quæ communicatur multis, vel diversa: si eadem; jam quodlibet ens est creatum simul & increatum: creatum, quia producitur: increatum vero, quia est tota bonitas essentialis, quæ est tota ubique & in quolibet, namque secundum se est indivisi-

H

visibi-

visibilis : si dicas bonitatem esse diversam in diversis , jam est creata ; quia diversa , jam non est bonitas essentialis ; quia limitata , est divisa , essentialis vero illimitata & indivisa manet.

## SECUNDUM ARGUMENTUM.

*Systema prædictum implicat contradictionem.*

PRIMO, Illud implicat contradictionem quod admittit bonitatem essentialem , & non essentialem ; bonitatem causam rerum , & non causam : bonitatem realem , & non realem : acqui sic se habet systema allatum ; igitur implicat contradictionem . Probatur minor quoad singulas partes . 1. Bonitas illa supponitur esse essentialis , & tamen non est ; quia nec est prima , cum sit dependens ; omne enim quod dependet , causam seipso priorem habet , alias non dependeret . 2. Vocatur principium omnium rerum , & tamen non est ; quia non est universalis secundum se , quandoquidem non subsistit sine materia , immo ipsa materia circumscriptur & limitatur ; nec est ullum instans in quo non sit concreta & singularis , seu individuata . 3. Dicitur bonitas realis , & est bonitas mere metaphysica & rationis ; quippe quæ sit solum bonitas essentialis metaphysicæ , quam vocant Philosophi bonitatem propositionis ; v.g. Duo & duo sunt quatuor : homo est animal rationale , quæ quidem propositiones dicuntur æternæ veritatis , quod potest intelligi dupliciter . 1. Per ordinem ad Deum , in quo omnia vivunt , quatenus rerum omnium habet ideas , quæ sunt ipsa essentia divina , quam Deus cognoscit ab æterno esse in infinitis modis ad extra participabilem . 2. Relative ad nos , in quantum principium mirabilem Dei essentiali tali vel tali modo participabilem . Prima bonitas est essentialis , & realis , nam est ipsa essentia divina ut participabilis , quæque de facto est participabilis independentem a conceptibus nostris . Secunda vero bonitas , est bonitas propositionis & rationis , quam intellectus noster concipit cum fundamento in re , scilicet in essentia divina ut participari potest a creaturis .

Verum res non sic se habet in systemate prædicto . 1. Supponunt prædicti Philosophi bonitatem essentialem esse a

materia inseparabilem : igitur non est realis nisi in concrezione & in individuis : igitur secundum se est ens rationis ; & sic penitus ruit systema Sinarum . Jam vero , cum bonitatem faciant a materia dependentem & quidem essentialiter , nulla sunt principia , & nullæ propositiones æternæ veritatis ; namque secundum modificationes materiæ , sequuntur essentialiter : materia autem diversas accipit modificationes : unde si vel atomi , vel materia subtilis , vel quinta essentia seu etiam bonitas essentialis supposititia motu suo partes in contrarium agat ; jam duo & duo non erunt quatuor : homo non erit animal rationale ; quia motus qui est essentialis materiæ , diversimode se habet , adeoque mutat essentialiter , quandoquidem ipse mutatur essentialiter . Denique supposito quod omnes & homines , & Angeli cessarent esse ; hoc enim fieri potest , ita ut remanerent in mundo creaturæ dumtaxat insensibiles ; nulla tunc foret bonitas essentialis , quia nullus foret intellectus qui faceret propositiones æternæ veritatis . Si respondeant illi Philosophi , esset nihilominus bonitas , etiam si omnes creaturæ annihilarentur : esto , sed jam agnoscat Deum qui est ens a se & independentem .

Secundo, Dicitur de illa bonitate essentiali ab ipsa mundum fuisse in tempore prodductum , sed ante & alterum , & post istum alterum usque in infinitum a parte ante fuisse . Item , mundum istum finem habiturum esse ; verum bonitatem alium postea producturam esse , & post istum adhuc alterum usque in infinitum a parte post : sed hoc manifeste implicat : igitur non potest admitti ejusmodi systema . Probatur minor . 1. Sequitur materiam esse ab æterno , quod fieri non potest , ut supra probavimus contra Hermogenem . Dico ex hoc principio , sequi materiam esse ab æterno ; quandoquidem supponunt Sineses bonitatem essentialem ab æterno , & hoc dependenter a materia , 2. Si dicant materiam deficere , deficientem mundo jam etiam deficit bonitas essentialis ; quia secundum ipsos , non potest sine materia subsistere . 3. Bonitas essentialis juncta cum materia facit concretum , sed omne concretum perit pereunte materia ; alias mundus semper perseveraret : perit igitur & bonitas . Præterea si bonitas essentialis remanet sine materia , & independentem ab ea subsistit

sit tanquam ens a se, & actus purus, jam est ipse Deus. 4. Sequitur ex eodem principio bonitatem essentialiem esse semper in actu: igitur debet esse a materia independens & supra materiam; & est Deus creator qui omnia quaecumque voluit fecit. Enimvero materia non potest esse semper in actu; tum quia est de se indifferens; tum quia est in potentia ad novas de die in diem formas recipiendas; tum quia pereunte mundo, omnis materia concreta peribit: unde si admittatur materia imperceptibilis in qua subjectetur bonitas essentialis; jam materia ista incipit habere quod non habebat, & immutare statum, quia de materia sensibili fit materia imperceptibilis: concreta vero quæ perit, reproducitur & accipit esse; neutra igitur est semper in actu, adeoque neutra Deus. 5. Illa ipsa essentialis bonitas mutatur, nam novas accipit materias quibus incorporatur: rursus amittit istas & alias recipit; igitur eatenus est in potentia, quatenus recipit quod non habebat.

*Tertio.* Non datur processus in infinitum neque a parte ante, neque a parte post. A parte quidem ante; quia quo magis numeratur per deductionem multitudinis, eo citius pervenitur ad unitatem: detrahe centum ex duobus hominum milibus, jam sunt solum 1900. homines. Si detrahas mille, supersunt 1000. & sic ad primum pervenitur & quidem necessario; namque si homo generat hominem, generans debuit ab alio produci: igitur & illa bonitas essentialis, quandoquidem nunquam est a parte rei, nisi in materia concreta; materia autem concreta est singularis & habet esse ab alio: igitur & bonitas essentialis, quæ quidem sequi debet sortem materię in qua immergitur: sicut forma seu anima leonis, quia dependet a materia, perit pereunte composito ex materia concreta: neque datur processus in infinitum a posteriori; ultra enim fatentur Magistri defendentes bonitatem essentialem, mundum dissolvendum esse, & cuncta finem acceptura esse. Præterea bonitas illa semper est concreta & in materia immersa, igitur singularis & finita: si finita, non potest producere in infinitum novos mundos; quia nulla causa operari potest ultra conatum & virtutem suam. Jam vero si sit causa universalis, debet esse illimitata & supra terminos rerum, quarum est causa. Mare v. g. est

causa fluminum, sed profecto non clauditur terminis fluminum; sed est quid eis superius & in aqua & in extensione; si dicant bonitatem essentialiem subsistere secundum se in materia distincta a singularibus & concretionem: jam igitur erit independens a materia concreta: si independens a materia concreta, profecto ab omni; nam nulla est materia a parte rei, nisi sit concreta, nisi sit actuator per illam bonitatem essentialiem; & sic ruit totum systema.

*Quarto,* Argumentum jam prælibatum iterum redit pro conclusione confirmanda. Bonitas essentialis vel est penitus eadem ut concreta, vel diversa. Si eadem, haud dubium est, non esse principium rerum, quia ex omni parte dependens apparet: quod autem est dependens, recipit ab alio, alias non foret dependens. Si diversa, talis est vel accidentaliter, vel substantialiter: si accidentaliter, non est causa rerum; quis enim sanæ mentis dicet, accidens minimum ens atque debile, utpote inhærens, cuncta producere, etiam substantiam, & concreta? si substantia; igitur non dependet a materia, sed est ens per se subsistens: quinimmo ens a se, & consequenter Deus.

*Quinto,* Bonitas illa non solum est circumscripta & in materia immersa; verum etiam corruptibilis: sed implicat rerum principium esse corruptibile, quod enim est corruptibile, deficit: si bonitas essentialis deficit & perit pereunte individuo; ubi est quando v. g. moritur homo? si nullibi, ergo est Deus qualem intelligimus. Si definit & perit, igitur bonitas essentialis non est: si transit ad aliud, igitur in instanti quo transit, non est in subjecto: si est, per se subsistens & a se, est a materia independens; igitur est Deus.

### TERTIUM ARGUMENTUM.

*Bonitas essentialis non est ratio subsistendi & gubernandi, ut explicant Indi.*

SINARUM Doctores multa delineant in suo systemate quæ non probant: dicunt ergo & docent bonitatem essentialiem esse rationem subsistendi, ratiocinandi & gubernandi. Sed allucinantur, nedum est hæc omnia, sed implicat contradictionem esse, & probatur quoad primum.

*Primo*, Volunt Indi bonitatem essentialem esse causam subsistendi, sed non per se subsistere: atqui hoc implicat contradictionem, & probatur. Vel ista bonitas in concrezione subsistens habet subsistere a materia, vel a se, vel a concreto. Non primum, quia ex eis materia non subsistit, sed hoc habet a bonitate essentiali: non habet utique a seipsa, quia supponunt non subsistere per se: sed nec a concreto, cum concretum nihil aliud sit quam bonitas essentialis & materia. Superest igitur concretum, quod est ens per se subsistens v.g. terra, habere esse per se subsistens a bonitate essentiali, quæ quidem est per se subsistens extra concretum & materiam, quæ est a se & actus purus, neque circumscriptus, neque corruptibilis & defestibilis, & est Deus optimus maximus.

*Secundo*, Volunt Indi bonitatem essentialem esse rationem intelligendi, sed non intelligere: atqui hoc implicat contradictionem propter rationem mox allatam: a quo enim erit intellectus, cum nec a bonitate essentiali emanabit, nec a materia? neutra enim ipsis testibus habet intelligentiam: nec a concreto, cum ipsum non habeat intelligendi vim, aut a bonitate essentiali, aut a materia. Superest igitur, cum non detur effectus sine causa, concretum habere intelligentiam a causa, quæ sit supra bonitatem essentialem circumscriptam & supra materiam, quæque sit ipsa veritas & intelligentia, & est Deus; & sic Mandarinii litterati systemate suo quasi manu ducunt nos (quamvis forsitan sine intentione) ad cognitionem unius Dei; quandoquidem eo ipso quo ponunt bonitatem essentialem concretam quæ non sit actus purus & ens actu per se aut a se subsistens, non recedunt a creatura, & tenentur agnoscere Creatorem; posito enim eorum principio, debent agnoscere aliam bonitatem essentialem supra creatam, bonitatem quæ sit ipsa veritas. Rursus ergone qui omnia etiam disparata ordinat ad finem, non erit sapiens? ergone qui intellectum dat parvulis, erit stupidus? ergone lumen indeficiens secundum se, tenebris coopertum erit? Revera quidem, nam si bonitas essentialis suprema non est per se subsistens & per se intelligens, secundum se sumpta, infirma est; quid dico? infirma, prorsus stolta & cæca. Rursus hæc opinio assimilatur o-

pinioni Epicureorum, qui perceptiones quidem objectorum admittunt, sed non percipiendi facultatem. Ita quoque ratiocinantur Sineses: sed contra, si non detur intelligendi & percipiendi facultas, lapis æque ac animal potest videre: pecora campi possunt intelligere sicut homines; quia in systemate Sinarum neque ad intelligendum, neque ad percipiendum requiritur facultas. Cæcis poterit eadem ratione videre: si dicant deficere in eo organum: ergo datur præter objecti perceptionem, percipiendi facultas. Præterea homo mortuus debere percipere objecta, quatenus adhuc remanet in ipso organum, immo & bonitas essentialis quæ in corporis materia, & in ipso corpore perseverat. Quod tamen nullus sanæ mentis admittet: igitur Indi non sibi constant in suo systemate. Sed agnoscat quod querunt, nempe Deum: non eum faciant materialem, non corruptibilem, non limitatum, sed confiteantur immensum, incircumscriptum: abnuant contradictionem. Volunt bonitatem supremam, volunt essentialem, volunt cunctorum Dominam: desinant ergo eam concludere in materia, circumscribere terminis corporis; desinant corruptibilem, cæcam & stupidam prædicare.

*Tertio*, Contendunt Sineses bonitatem essentialem esse vivendi & gubernandi normam, sed ipsam neque prudentiam esse, neque sapientiam, neque sanctitatem. Reddit idem argumentum contra eos. Vel igitur nullus est sapiens, nullus providus, nullus sanctus; si ens supremum non est sapientia, providentia, sanctitas; quia si qui sint providi & sancti, non habent in systemate Indorum, providentiam & sanctitatem: a bonitate essentiali secundum se spectata: nam secundum eos, neque est providentia, neque sanctitas: non a materia; namque ex eis ipsa totum habet ab alio: non a bonitate iuncta materie, gratis enim hoc dicitur; cum bonitas essentialis non possit dare providentiam & sanctitatem materie & concreto quam non habet. Et tamen constat esse providentiam, constat quosdam homines ordinate & honeste vivere. Igitur necessario agnoscenda est bonitas divina a materia independens, e cujus sinu cuncta bona procedant.

*Confirmatur*: Indi dicunt bonitatem essentialem esse rationem subsistendi, in-

tel-

telligendi, gubernandi: sed neque subsistere, neque intelligere, neque gubernare: quia subsistentiam, intelligentiam, gubernationem credunt accidentia, quæ quidem in supremo Numine admitti non debent: Et vero abstracta ubique distinguunt a concretis; hinc bonitatem distinguunt ab eo qui bonus est, non enim est bonitas; nam cum aliquis dicitur bonus, per hoc intelligitur homo habens bonitatem, & perfectionem accidentalem: atqui in supremo Numine & in prima causa non reperiuntur ejusmodi perfectiones limitatæ. Igitur ruit fundamentum indorum: probatur multipliciter 1. Bonitas essentialis vel: est accedens vel substantia: si accidens, non est ratio & causa rerum: namque accedens sequitur ad substantiam, illam supponit, ipsi inhæret tanquam infirmum ens & debilissimum; unde non est ejus causa & principium. Si vero substantia, igitur ens per se subsistens est a materia independens, adeoque Deus. 2. Verum est concreta & abstracta distingui in creatis, & unum non esse aliud; sed judicium profecto diversum esse debet de Ente supremo, cui plura debemus tribuere quam possumus intelligere: sin minus, erit creatura sicut nos; undeque plenitudo, quam ipsi Sineses litterati tenentur admittere, arguit ipsius ineffabilitatem & incomprehensibilitatem: ineffabilitas vero & incomprehensibilitas denotant Deum omnia habere, quinimmo omnia esse. Ergo habet prudentiam & est prudentia: habet sapientiam & est sapientia. Cæcutit igitur ratio humana in his, & in statera dolosa ponderat divinitatem, dum ponderat judicando sicut de creaturis, quæ nec sunt esse, nec vivere, sed habent esse, vivere habent sapientiam, & non sunt sapientia.

Eja igitur age, & cogita Deum sapientem, veracem, providentem: quinimmo cogita ipsam esse sapientiam, ipsam veritatem, ipsam providentiam, quia est omnibus reforum perfectionibus: si autem non foret, v. g. Sapientia, esset in potentia ad sapientiam, ad justitiam, unde non esset Deus, quia non esset actus purus & ens perfectissimum. D. Bernardus, serm. 80. pag. 870. in Cantica mirum in modum hæc explicat: „Nulla, inquit, forma est id, cuius est forma. Est autem magnificentia forma animæ: nec enim ideo non forma, quia inseparabilis est illi. Hoc siquidem

„ sunt substantiales differentie omnes,  
„ hoc non modo proprie propria, sed  
„ & propria quædam, hoc etiam aliæ  
„ innumerabiles formæ. Non igitur sua  
„ magnitudo anima, non magis quam  
„ sua nigredo corvus, quam suus candor  
„ nix; quam sua risibilitas seu rationalitas  
„ homo. Cum tamen nec corvum sine nigredine,  
„ nec sine candore nivem, nec hominem qui non risibilis  
„ sit & rationalis nunquam reperies,  
„ ita & anima & animæ magnitudo,  
„ etsi inseparabiles, diversæ tamen ab  
„ invicem sunt. Quomodo non diversæ,  
„ cum hæc in subiecto, illa subiectum  
„ & substantia sit? Sola summa & increata  
„ natura, quæ est Trinitas Deus, hanc  
„ sibi vindicat meram singularemque suæ  
„ essentia simpliciter, ut non aliud & aliud,  
„ non alibi quoque & alibi, sed ne modo  
„ quidem & modo inveniat in ea. Nempe in semet  
„ manens quod habet, est: & quod est,  
„ semper & uno modo est. In ea & multa  
„ unum, & diversa in idem rediunt,  
„ ut nec numerositate rerum summat  
„ pluralitatem; nec alterationem de  
„ varietate sentiat. Loca omnia continet,  
„ & quæque suis ordinat locis, nusquam  
„ contenta locorum. Tempora sub ea  
„ transeunt, non ei; futura non expectat,  
„ præterita non recogitat, præsentia  
„ non experit. . . . si Deus non est,  
„ quid est? Aut enim Deus est, aut  
„ aliquid quod non est Deus, aut nihil.  
„ Equidem non das Deum esse, sed ne  
„ nihilum quidem, ut opinor dabis quam  
„ usque adeo necessariam Deo esse fatearis,  
„ ut non modo absque ea Deus esse se  
„ non possit, sed ea sit. Quod si aliquid  
„ est quod non est Deus, aut minor erit  
„ Deo, aut major, aut par: at quomodo  
„ minor, qua Deus est? Restat ut aut  
„ majorem fatearis aut parem; sed si  
„ major, ipsa est summum bonum, non  
„ Deus. Si par, duo sunt summa bona,  
„ non unum. . . . Jam de magnitudine,  
„ bonitate, justitia, sapientiaque, idem  
„ per omnia quod de divinitate sentimus:  
„ unum in Deo sunt, & cum Deo. Nec enim  
„ aliunde bonus quam unde magnus: nec aliunde  
„ justus aut sapiens, quam unde magnus & bonus;  
„ nec aliunde denique simul hæc omnia  
„ est, quam unde Deus; & hoc quoque  
„ non nisi seipso.

Audiant Sineses Dionysium quondam  
H 3 Phi-

Philosophum & percelebrem Theologum. Concedit quidem Deum non esse sapientiam qualem scilicet concipimus & imaginamur, non bonitatem, non misericordiam, sed multo plura & his omnibus supereminere: Et vero Deus sapientia nostris finitis conclusa conceptionibus doctior est, omni bonitate melior, ipsa manifestior misericordia, omnes quippe perfectiones creatas in immensum excedit. Ergo bonitas est Deus, sed infinita: sapientia, sed ineffabilis: misericordia, sed cogitatu incomprehensibilis. Bene igitur Angelus Scholæ pronuntiat abstracta & concreta in Deo idem esse: Et vero, si bonitas non foret Deus, nec utique Deus supremum foret Numen, aliqua careret perfectione; quinimmo, modo sapientiam, modo bonitatem, aliamve virtutem a materia emendicaret, & opus haberet, eo prope modo quo bonitas essentialis Sinica eadem emendicare tenetur; quippe quæ a materia & in esse & in operari hic & nunc dependeat.

Rursus dictum est neminem dare quod non habet. Quis diceret, cogitaretve Indiarum Doctores istud negare principium ab omnibus Nationibus, non dicam receptum, sed datum? At faciendum est satis & respondendum his qui dicunt causas universales producere effectus, quos in se non præcontinent. Sol & arbor, inquit, generant arbores; quis tamen affirmabit solem esse arborem? Causæ quidem particulares præcontinent effectus, sic equus produciens equum, est ipse equus, & consequenter virtualiter præcontinent equum: sed non sic de causis æquivocis & analogis. Quis ergo (inquit) negare potest bonitatem essentialem producere rationem subsistendi, intelligendi & gubernandi, licet ipsa nec sit subsistens, nec regens & gubernans?

Verum facilis est ad hanc objectionem responsio; quamvis enim causæ universales quandoque non præcontineant effectum formaliter, præcontinent tamen eminenter, idest, præcontinent modo superiori & semotis omnibus imperfectionibus; ergo duplicis generis perfectiones distinguendæ sunt; quædam dicuntur perfectiones simpliciter simplices, & nullis admixtæ imperfectionibus, qualis est sapientia, bonitas; & hæc tribuuntur supremo Numini formaliter, ipsarum donatur nominibus, easque præcontinent formaliter; ita tamen ut non sint in ipso accidentia, sic bonitas

est Deus: nam eo ipso quo illa est divina & supremi Numinis sapientia, est ipsemet Deus, alias Deo non conveniret, quia neque divina foret, neque infinita. Aliæ sunt perfectiones quæ dicuntur simpliciter simplices secundum quid, v. g. ratio; & hæc non est in Deo formaliter, quia involvit in suo primario conceptu imperfectionem; importat enim discursum, sed est in Deo eminenter. Deus videt omnia in se & in causis, & hoc sine discursu; ergone non est sciens? quinimmo omnia novit, etiam antequam sint. Ad exempla descendamus: Ignis non est calidus dumtaxat ut lignum calefactum, sed magis: sol non est lucidus ut luna, sed multo lucidior: homo non discurrit ut canis persequens prædam, sed eminentius; nam & confert mediæ cum fine. Igitur causæ universales & superiores præcontinent eminenter effectus; idest faciunt quicquid operantur causæ particulares, & multo plura. Ignis non est, ut ita dicam, solum calidus, verum veluti ipse calor, sol veluti ipsum lumen: igitur præcontinent effectus, sed eminenter: nam ut diserte discurrit Dionysius, quæ sunt dispersa in inferioribus, adunata sunt in superioribus. Igitur Deus, supremum Numen, non solum est sapiens & habet sapientiam, sed est ipsa sapientia: non solum est bonus & habet bonitatem, sed est ipsa bonitas.

#### QUARTUM ARGUMENTUM.

*Bonitas essentialis immersa in materia non est sanctitatis principium & ultimus finis beatificans.*

PRIMO, Quod imperfectum est, non est sanctitatis principium & origo, nam per sanctitatem intelligimus perfectionem omnibus numeris absolutam: atqui bonitas essentialis conjuncta materię est imperfecta: cum & a materia dependeat, & materię inclinationes habeat, & est corruptibilis, & finita saltem in concreto; nam sequitur conditiones materię quæ est corruptibilis & circumscripta: igitur non est sanctitatis principium.

Secundo, Homines esse sanctos, est esse supra terram, & supra passionem elevatos: atqui non sunt tales a bonitate essentiali; licet enim sit homini corvæ secundum Sinenses Doctores, & a conceptione ipsi inhærens, attamen pronus est

homo ab adolescentia in malum : ignorantia est intellectu, malicia in voluntate, concupiscentia in appetitu concupiscibili : porro si bonitas essentialis foret innata, si & naturalis esset sanctitas, homo ex nativitate non foret pronus in malum : caro non concupisceret adversus spiritum, saltem in iis adolescentibus qui nondum propria voluntate peccaverunt.

*Tertio*, Bonitas essentialis vel est regula necessaria, vel libera : si necessaria & ex impetu, igitur est serva : quia homini ut carceri alligatur. Si inquam regula necessaria, nullus homo peccare debet, sed ex necessitate est sanctus propter bonitatem essentialem sibi ipsi coævam, immo bonis insudare operibus non opus est : nec mirum, velit, nolit, bonitas essentialis omnium & singularum actionum erit nedium generale, sed & speciale principium. Quid plura adjiciam ? & peccata, & vitia alique plurimi defectus quibus homo & ex infirmitate, & etiam ex malitia subicitur, in bonitatem sibi innatam refundi debent. Jam vero si dicant : Doctores Sinenfes bonitatem essentialem præsentem quidem esse singulis hominibus, sed libere & quia vult : dico magnum esse pro ea supplicium & tormentum concludi non servam & ancillam veluti in carcere in homine, qui illam, ut ita dicam, peccando in faciem cædit, sed libere adesse non potest, quia dependet a materia : igitur nulla in homine libertas, nulla vitæ cura & sollicitudo, nullæ quoque deberent esse infirmitates : dices-ne bonitatem essentialem eas in vindictam permittere, sed peccavit-ne cæcus a nativitate, ut foret cæcus ? Præterea actiones sunt suppositorum : si bonitas essentialis facit omnia concreta, debet quoque impedire omnes defectus : immo & peccata, alias erit causa criminum : sed hoc est absurdum pro bonitate essentiali, ergo, &c.

*Quarto* : Sanctitas consistit in mortificatione passionum, sita potissimum est in elevatione mentis ad cælum. Sed eo ipso quo bonitas essentialis est in materia, omnia sapiunt terram, nec cælum aut quidquam simile respicere potest homo, quia totus & radicaliter materialis esset : igitur illa bonitas sanctitatem non parit.

*Quinto*, Neque bonitas illa essentialis est norma vivendi. 1. Quia inclinationes solum dat terrenas, utpote ipsa materia

lis & terrena, saltem est immersa in materia a qua dependet ; homo tamen ad alia longe sublimiora tendit.

2. Sanctitas non potest esse naturalis, tum quia sanctitas respicit supremum Numen omnem naturæ ordinem transcendens, tum quia homo est corruptus, & nisi a superiori virtute adjuvetur, proprio & innato pondere vergit ad malum, unde Apost. dicit Eph. 23. *Erasmus natura filii iræ.*

3. Homo opus habet religione elevata : ratio est quia est perpetua in eo iusta. Passio & caro concupiscunt adversus spiritum, homo pronus ab adolescentia ad malum reputat superbiam animi magnitudinem, & vindictam quid iustum & necessarium ; spiritus e contra diversa penitus concludit, ac versus terram stante passione deiecitur, attractus & illecebras reclamante conscientia, judicat tandem perverſe tum de fine, tum de mediis ad finem ultimum conducentibus, credit bonum esse malum, & rejicit, juxta illud Jobi 24. 17. de peccatoribus : *Si subito apparueris aurore, arbitramur umbram montis.* Quis ergo componet pacem ? nisi lex natura corrupta multo superior dicat : Non furaberis, non occides, non mœchaberis ; hæc igitur lex gratiæ a Christo Deo optimo maximo repetenda est.

*Sexto*, Bonitas concreta neque est principium beatitudinis, neque ipsa beatitudo ; non principium quidem ; aliis cum illa bonitas sit immersa in materia, beatitudo tota foret materialis ; siquidem inelinatio sequitur naturam : hinc esca & potus & aliæ carnis deliciæ, ne dicam spurciæ, forent de essentia beatitudinis ; immo & quo plures essent cibi, & impudicitia, eo major esset beatitudo ; cum tamen ( ad experientiam appello ) esca & potus non sint de essentia beatitudinis ; quinimmo, nauscat anima super cibo, & nedum placent epulæ, si nimia fuerit abundantia ; sed displicent, suffocant & opprimunt naturam. Nec utique bonitas illa essentialis est beatitudo, etiamsi cum pondere & mensura quisque rebus sensibilibus utatur, quia dato quocumque bono sensibili, immo & insensibili creato, ultra progreditur desiderium, non quiescit appetitus, non voluntas, non natura : honores inhiat novos homo : post divitias multas, novas desiderat : post delicias quærit abundantiores ; igitur bonitas essentialis excogeta ab Indiarum Philosophis neque est beati-



tudinis principium, quia tendit ad materiam a qua prorsus dependet: neque est finis, quia ipsa est materialis, utpote concreta. Ceterum dato quocumque bono sensibili creato, constat ultra tendere appetitum, qui certe cum non sit frustraneus, dicendum est beatitudinem esse supra bonitatem in materia concretam: sed magis & quidem millies, unde bene dixit Apost. 1. Cor. 2. 9. *Oculus non vidit, nec auris audiuit, nec in cor hominis ascendit quae preparavit Deus diligentibus se.* Ergo Deus solus, non bonitas essentialis Sinica est beatitudo; ergo datur Deus optimus maximus.

Mitto alias rationes; infinita quippe absurda sequuntur ex systemate Indorum. 1. Sequitur bonitatem, cui tribuunt omnipotentiam, iustitiam, sapientiam, ceteraque perfectiones, fore immensam, infinitam, incircumscriptam, & tamen non infinitam; immensam quidem, ut supponitur ab Indis; finitam vero & limitatam, quia circumscriptur, & ita includitur in uno individuo, ut quod est in uno, non sit in altero. 2. Sequitur bonitatem essentialem esse semper in individuo, nec ab ipso separari; igitur sicut anima patitur quando patitur corpus, & sit mutus tum doloris, tum laetitiae refluxus, ita & in bonitatem essentialem fiet; & sic bonitas essentialis, quam supremi Numinis nomine celebrant, erit patibilis, mortalis, & ut diximus, corruptibilis. 3. Sequitur utque bonitatem essentialem, subiectam esse mutationi, ceterisque naturae infirmitatibus; quod absit dicere de supremo Numine: igitur in solo Deo agnoscenda est illa bonitas essentialis & beatitudo.

## QUINTUM ARGUMENTUM.

*Probatur a conglobatis Deum, qualem cogitamus nos Christiani & agnoscimus, solum esse agnoscendum.*

PRIMO, Quia idea Dei est ingenerata, ipsum, inquit Patres, naturae voce erumpente invocamus: sed ista idea est a materia independens; neque enim illam accepimus a creaturis sensibilibus, independenter quippe a phantasmatibus cogitamus Deum, neque a creaturis insen-

sibilibus eam accepimus; tum quia illa idea prior est in nobis omni specie creaturae; non enim ex impetu & moribus primo-primis advocamus creaturam ad auxilium nostrum in periculis: tum quia concipimus Deum tanquam quid supra omnem creaturam: concipimus immensum, illuminatum, omnipotentem; igitur non est bonitas essentialis in materia concreta.

Secundo, Concipimus infinitum, & hoc utique independentem a materia: concipimus in numero unitatem; scimus duo & duo esse quatuor, & hoc in infinitum posse multiplicari. Concipimus infinitum in perfectionibus, dato enim homine sapiente, intelligimus posse in infinitum crescere in ipso sapientiam; scimus virtutem posse semper augeri, sed concipiendo Deum concipimus ens simpliciter infinitum, nullis terminis sive quantitatis & materiae, sive generis & differentiae conclusum: igitur non est bonitas essentialis concreta, sed a materia immunis; sed bonitas suprema a qua omnis, ipsa vero a nullo dependens; sed omnium domina.

Tertio, Sineses ponunt bonitatem essentialem esse animam mundi & ejuslibet creaturae, quam opinionem a Platonis mutati sunt: sed hoc est error; igitur evanescit bonitas essentialis Sinica: probatur minor. Si bonitas illa foret anima mundi & ejuslibet spiritus viventis, vel esset universalis, vel particularis & singularis. Si est universalis, non potest concludi in individuo: si singularis, non est bonitas essentialis, sed participata: jam ista bonitas erit in tot divisa partes, quot sunt entia; & sic poterit augeri ex ortu rerum, minui vero ex earumdem interitu, unde non solum dependens erit, sed admodum imperfecta. Verum dicant Sineses, si velint, se in hoc agnoscere puram creaturam: si vero Numen voluit perfectius bonitate illa creata, sicut tenentur agnoscere, jam Deum optimum maximum a materia independentem agnoscent & consueant.

Quarto, Omnis bonitas concreta est contingens & arbitraria: igitur neque Deus, neque bonitas essentialis esse potest. Nam per bonitatem essentialem intelligere debent Indiarum gentes ens omnibus absolutum numeris, & omnibus completum perfectionibus; talis enim est supremi Numinis conceptus: probatur igitur antecedens. Caelum est bonitas concreta, sed quia



quia est cœlum, quare est terra? Sol est lumen veluti immensum, sed cur oculus, nunquid sine oculo posset esse sol. Terra germinat herbam virentem, sed cur pecora & animalia sunt? igitur illa bonitas concreta non necessario existit. Si ita est, superiorem habet a quo procedit, quique voluit illam concedere; & est Deus optimus maximus a materia independens, Deus immortalis, infinitus, incircumscriptus.

*Quinto*, Mundus creatus est, & initium habuit, fuitque tempus in quo non erat, ut probatum est supra; sed si ætatem habet majorem ea quæ notatur a Moïse, ut fingunt Sinenſes, cur monumenta Artium, Scientiarum, Regum, Imperiorum demonſtrant non esse ante septem annorum millia? Jam vero fuit tempus in quo non erat mundus, erat tamen ipsis testibus bonitas essentialis; igitur erat in semetipsa & per se subsistens independenter a materia, & est Deus noster, nec est alius præter eum; & vero quis dicit bonitatem supremam a materia dependere? si ita est, sunt duo, nempe bonitas & materia. Si duo, neutrum est summa bonitas, quia illa duo accipiunt mutuo aliquid a se invicem, & perficiuntur; quod autem perficitur, accipit ab alio; illud vero a quo accipit, est in se perfectissimum, & a nullo perfici potest. Igitur Sinenſes tenentur ab Atheismo suo implicante contradictionem deflectere, & agnoscere Deum optimum maximum, visibilium & invisibilium Creatorem, cui obedire & parere æquum & iustissimum est; maxime quia illum cognoscere & amare est beatitudo; juxta illud Christi Joan. 17. *Hæc est vita æterna, ut te solum Deum cognoscant, & filium quem misisti.*

*Plura* non adiciam hic ad probandam animæ nostræ immortalitatem; siquidem hanc quæſtionem suscipimus infra contra Epicurum specialiter pertractandam, tum quia si semel agnoscat Sinenſes Deum optimum a materia independentem, sine mora & pari facilitate cognoscent animam rationalem posse esse, & de facto esse immortalem, cum sæpius independenter a materia operetur. Immo audiant experientiam quam habent magistræ: concipiunt unitatem independenter a phantasmatibus; simili prope modo concipiunt duo & duo esse quatuor; essentias rerum sine materia intel-

ligunt; igitur anima est immaterialis, quippe quæ independenter a materia operetur. Jam vero si anima est immortalis, a fortiori bonitas essentialis, quam dominari omnibus & omnium rerum esse subsistendi rationem ultro fatentur. Insuper spiritum & animam rationalem post mortem resolvi in materiam subtiliorem contendunt, sed dicunt & non probant; si enim anima operatur independenter a phantasmatibus, haud dubie non periret cum corpore. Jam vero plura sunt in rebus quæ non apparent. Homo videtur, sed secreta cordis non ideo cognoscuntur: igitur male sistunt Sinenſes in materia quæ vel videtur, vel tangitur. Non ergo judicandum de animæ natura per ordinem ad ea solum quæ sub sensu cadunt. Et cum experientia consilet hominem plura concipere independenter a phantasmatibus, ejus immortalitatis & spiritualitatis signum in hoc habent & probationem.

*Idem* argumentum redit pro existentia Dei. Agnoscut mundum creatum & factum a bonitate essentiali: igitur datur principium & causa efficiens rerum: igitur bonitas essentialis secundum se activa est independenter a materia. Rursus ista bonitas est rerum omnium causa: igitur & omnibus reſerta perfectionibus; & est Deus optimus maximus, infinitus & incircumscriptus. Bonitatem essentialem ubique diffusam & effusam prædicant; hinc lapides & animalia adorant ut signa demonstrativa bonitatis: adorant, quia credunt ibi inesse bonitatis virtutem & germen. Errant sane existimando divinum esse artefacto simile: ascendant ad cor altum, cogitent summum bonum omnia reple, ipsum vero nec locorum concludi terminis, nec materia coarctari partibus: & profecto exaltabitur Deus; eum existere ſcient, utinam & conſiteantur, utinam amene, utinam ſerviant & adorent; vident cœlum, mundum optime concinnatum & ordinatum intuentur: verum ultra superficiem latet aliquid: cœli enarrant gloriam Dei & opera manuum ejus, eum & esse, & vivere, & omnibus dominari creaturis annuntiat firmamentum. Fertur eosdem Sinarum Doctores credere & admittere quasdam sympathiz relationes inter proximos & parentes; qua de causa filii fundunt orationes & preces quas ad mortuos pro cultu dirigunt, libant parentibus & sacrificia offerunt; quibus quidem mediis

ma-

materiam subtilem, in quam animam patris vel matris abissile statuunt, ad se ad vocare & veluti sibi praesentes sistere autumant. Profecto decipiuntur, sed relicta futili & inani prorsus materia, Deum cogitent bonorum omnium auctorem, justorum remuneratorem, vindicem & peccati ultorem severum, tunc concipient animam rationalem esse immortalem, æternis quidem addicendam suppliciis, si in peccato pevererent; e contra vero æternis præmiandam bonis, si Deum continentis illi soli serviant.

*Solvuntur objectiones Atheorum Indiarum contra existentiam Dei optimi maximi.*

**OBJICIUNT:** Datur ens perfectissimum, sed illud est bonitas effusa in mundo & in qualibet mundi parte: igitur non est aliud Numen quærendum præter istam bonitatem: probatur minor. 1. Mundus est ens omnibus numeris absolutum, quod vocatur natura, quæ motu perpetuo rerum parit ortum & interitum, ita ut corruptio unius sit generatio alterius. 2. Ista bonitas est ubique, & in quolibet ente; siquidem in tantum ens aliquid est, in quantum est bonum, namque ens & bonum convertuntur. 3. Bonitas illa est incorruptibilis, & nunquam deficit; enimvero quando animal aliquod moritur, forma abit in materiam subtiliorem, ipsa vero materia nunquam est sine forma, adeoque sine bonitate, una quippe deficiente forma, succedit altera: unde & ipsi Peripatetici materiam primam ingenerabilem & incorruptibilem esse docent. 4. Omnes perfectiones relucunt in natura; ordo in elementis, providentia in formis, intelligentia quædam in apibus, industria in avibus tum ad nidificandum, tum ad pullos suos nutriendos. Hinc natura dicitur sapiens, providens: igitur, inquit, non est alius Deus.

*Respondet distinguendo majorem.* Datur ens perfectissimum, & est Deus. concedo: & est mundus, subdistinguo: est ens perfectissimum in suo genere, concedo: est ens perfectissimum ita ut non detur aliud perfectius, nego: & sic distincta minore, nego consequentiam. Ens perfectissimum est ens a se, & independens, ens spirituale & intelligens, quod cuncta regit. Enimvero ordinatio est opus intellectus,

& non materiæ; unde bonitas immersa in materia non est ens perfectissimum, cum detur aliud perfectius, nempe spirituale & independens: nemo enim non videt. 1. Dari ens spirituale a corporali penitus distinctum. Anima nostra v. g. cogitat: sed non cogitat materia. 2. Anima nostra concipit independentem a phantasmatibus, nulquam vero quod est materiale sic intelligit. 3. Anima agit libere, sed quod est materiale mere agitur. 4. Anima modo unum operatur, modo oppositum; quod autem est pure materiale, semper est ad unum determinatum. 5. Anima non fatiatur cujuslibet boni materialis possessione: igitur est spiritualis: igitur datur ens mere spirituale; illud autem quod nulli subijcitur defectui, quod est a se, quod & omnibus gaudet perfectionibus, est Deus. Cæterum aliquid potest dici perfectissimum dupliciter. 1. In suo genere, quando scilicet omnia naturæ suæ requisita habet. 2. Quando est infinite perfectum. Mundus est primo duntaxat modo ens perfectissimum, sed non secundo, tum quia est terminis conclusus, tum quia alius perfectior fieri potest, & continuis subsistitur vicissitudinibus: at vero Deus in æternum manet, nihil acquirit, nihil potest deperdere, est omnia.

*Ad primum* patet responsio. Immo eo ipso quo mundus in suis veterascit partibus, & defectum per corruptionem & alterationem patitur, jam non est ens perfectissimum, jam datur aliud perfectius.

*Ad secundum* distinguo. Bonitas participata est ubique, & per illimitationem, nego: bonitas vere essentialis & suprema, subdistinguo: est ubique ut principium & causa efficiens omnium, concedo: ut forma circumscripta & coarctata, quam plurimi Indi bonitatem essentiali vocant, nego. Allucinantur profecto, formam enim compositi sumunt pro bonitate suprema, quia vero quodlibet compositum constat materia & formâ, hinc delusi bonitatem participatam & creatam pro Creatore habent. Natura humana est in omnibus hominibus; uno moriente, alter nascitur; ergo natura humana est summum bonum, cui omnia supremi Numinis attributa debentur? versam prorsus consequentia.

*Ad tertium*, nego absolute bonitatem materiam alligatam esse incorruptibilem, quandoquidem est subiectum & alterationum corporis, & defectum animæ. Prætere

terea cum sit bonitas concreta in materia, soluto composito solvitur; proindeque potest annihilari. Quod autem materia subsit diversis formis, arguit bonitatem non esse fixam & constantem, sed variari pro variis dispositionibus. Qualis bonitas essentialis, quæ ut luna mutatur? Numen supremum idem semper manet, nec vicissitudinis obumbrationem experitur, immo nec pati potest.

*Ad quartum* distinguo, & illæ perfectiones quæ relucet in creaturis sunt finitæ, & sunt a Deo optimo maximo, qui majores & multo præstantiores habet, concedo: & majores non habet, nego. Bonitas essentialis secundum Indos non est intelligens; quinam igitur intellectus illam crediderit esse supremam?

*Insunt*: Si bonitas materiz alligata non foret causa rerum & supremum Numen, maxime quia est coarctata, & suos non præcontinet effectus: atqui istæ rationes non ponderant; & probatur quoad primum. Mare intra quosdam limites coarctatur, & tamen omnium & fontium & fluminum est origo; immo flumina intrant in mare, & mare non redundat: quod arguit ibi inesse, & latere bonitatem quandam essentialem, quæ nedum mari præest, sed & toti mundo: quoad secundum vero. Lapis emittit ignem, si concutitur, & tamen non præhabet ignem. Ensis ictus causat dolorem, nec tamen ferrum doloris est capax: quomodo igitur illum præcontinent? ergo, &c.

*Respondet* præter rationes allatas esse ultteriores, quibus supra probavimus bonitatem illam materialem non esse supremum Numen; insuper nego minorem. Ad primum exemplum dico illud claudicare, quia ipsum mare est intra loci terminos coarctatum, unde e sinu suo effundendo aquas nihil producit: sed solum ad aliquas terræ partes sese extendit. Quod autem non redundent, dum flumina intrant in ipsum, ea est ratio, quia pauca pro nihilo computantur; quid enim flumina respectu totius maris? 2. Dum redeunt fluminum aquæ ad mare, aliæ effluunt ab ipso intra terræ canales, unde nec minuitur cum emittit aquas, quia redeuntes occupant locum ab istis derelictum; nec redundat cum flumina immerguntur in ipsum, quia est perpetuus aliarum aquarum effluxus.

*Ad alia exempla* dico causam efficientem univocum suum præhabere semper formaliter effectum, sicut ignis causans ignitio-

nem, præhabet illam: causam vero aquicam aut analogam præhabere solum virtualiter, & hoc sufficere. Nunc vero si sermo peculiaris instituitur de lapide, dico præcontinere virtualiter ignem, quia virtutes quatuor Elementorum reperiuntur in concretis; unde ex actione & reactione unum cæteris dominatur & se prodit. Quoad enslem, respondeo non producere per se dolorem, sed per accidens. Per se ensis habet solum dividere partes: quando scindit aut lignum aut cadaver, nullum producit dolorem: igitur dolor non producit per enslem, sed sequitur ad divisionem partium, quia soluta conjunctione spiritus vitales cessant nutrire & fovere partes; nam & illuc transmeare desinunt.

*Obijciunt* 1. Idea Dei qualem concipimus implicat contradictionem: igitur non est admittenda, sed altera excogitanda: probatur antecedens. Dicimus Deum immotum omnia movere; sunt aliæ similes locutiones, v. g. quod omnem repleat locum Deus, & tamen non sit in loco: quod irascatur, & tamen semper quietus permaneat: quod omnibus provideat, & cura sit illi de omnibus, etiam de pillis corvorum invocantibus eum; & tamen nec anxius, nec distractus evadat, quæ quidem omnia, ut consideranti patebit, repugnant; quomodo enim fieri potest aliquem immotum permanere, & tamen cuncta movere & agere? aliquem replere locum & non esse in loco? aliquem habere curam de omnibus, etiam de vilissimis creaturis, & tamen nec turbari, nec distrahi?

*Respondet* negando antecedens: ad probationem dico Deum immotum omnia movere, quia cum motus fiat vel acquirendo aliquid, vel deperdendo, manifestum est Deum non moveri, quandoquidem omnem perfectionem etiam possibilem continet: Igitur ex hac parte moveri nequit: Sed nec aliquid deperdere potest, siquidem non solum plenitudinem perfectionum habet, verum etiam est ipsa perfectio, est ipsa veritas, ipsa sapientia; igitur nihil deperdit aut potest deperdere. Et tamen extenus omnia movet, quatenus omnes Creaturæ habent esse, vivere, & operari ab ipso. Igitur immotus omnia movet, omnia operatur, sed non movetur, nisi motus improprie sumatur, & prout idem est ac operatio. Similiter dicimus Deum esse ubique, quia ubique operatur; agens autem censetur præsens esse, ubi aliquam habet operationem, nec tamen Deus dici-

citur concludi in locis, namque est super omnia loca & extra Mare, v. g. est in omnibus fluminibus quæ ab ipso promanant, non tamen eis concluditur, quia est quid majus quam flumina. Sic Sol illuminat totam Galliam: Ergone terminis Gallie comprehenditur? minime. Denique iradicatur de Deo solum metaphorice, & ratione iustitiæ. Sicut pater iratus privat filium hæreditate, ita iustus Iudex punit & flagellat Peccatores. Unde dicitur Irasci: Sed profecto, inquit Augustinus, Deus non irascitur ut homo & per passionem.

*Obijciunt* denique. Nativitas & educatio prævenit mentem in favorem religionis in qua quisquis enutritur: igitur quia parentes dicunt infantibus Deum existere, ipsi credunt. Sed non inde sequitur hoc verum esse.

*Respondeo* distinguendo antecodens. Natura & educatio prævenit mentem ut credat Deum esse, & hoc probat de facto Deum existere, concedo; & hoc non probat, nego. Etiam natura prævenit nos pro hoc momento; siquidem adveniente periculo, ex impetu vocamus Deum in auxilium, hac erumpente ex impetu voce, *Deus meus*: Cæterum qui aliquam vult amplecti religionem, potest quidem tum blanditiis, tum educatione præveniri per parentes: sed minime circa existentiam Dei, nisi ad melius & perfectius: nempe ut labore & industria notitiam de Deo majorem habeat.

*Concludamus* igitur contra Epicurum omnia non coalescere ex atomis, quia nullam de se virtutem habent atomi: mundum non esse a seipso, quia incepit, & creatus est. Concludamus animam rationalem esse immortalem; quia libera est & spiritualis; immo multa cognoscit, atque intelligit independentem a materia & phantasmatibus. Concludamus contra Indos bonitatem essentialem, qualem excogitant, esse ab alio, quia est dependens a materia. Vel si velint summum esse bonum, spoliarent eam materia & defectibus, & in ea Deum agnoscant. Igitur datur Deus optimus & maximus, solus Creator visibilium & invisibilium, solus Sanctus, solus Omnipotens, solus Bonus supremum, solus finis rerum omnium ultimus, solus Beatitude & vita æterna.

## SYNOPSIS PROBATIONUM.

*Materia subtilis Pythagorica seu bonitas essentialis Sinica, non est mundi creatrix.*

*Primo*, Quia ipsa dependet a materia concreta & a composito, quo quidem sublato, nihil est.

*Secundo*, Quia talis bonitas est finita, quippe quæ claudatur terminis & ipsa producat, cum producit compositum; est enim pars ex qua illud coalescit.

*Tertio*, Quia ejusmodi bonitas nec infinita, nec omnipotens est; non infinita quidem, nam ipsis testibus Mandarinis, extra mundum sese non extendit: mundum autem esse physice finitum, & intra certos terminos conclusum nemo mathematicus non videt.

## SYNOPSIS RESPONSIONUM

*Ad ea quæ proponuntur in contrarium.*

*Primo*, Non negamus dari bonitatem essentialem & supremam, sed eam esse Deum, qui est super omnia, propugnamus.

*Secundo*, Neque negamus bonitatem essentialem in rebus invenire; alio solum reperitur per participationem: igitur bonitas essentialis non est quodlibet individuum, sed bonitas participata.

*Tertio*, Non sola nativitatibus educatio seu primigenia rerum notio, sed ipsa ratio docet & inculcat bonitatem essentialem concretam esse fiditiam & commentum; implicat enim bonitatem esse concretam seu terminis conclusam, & simul essentialem.

*Ex his omnibus* liquet Deum unum esse & existere, eum solum esse rerum omnium Creatorem: hoc probat omnis generis ratio, hoc ipsa mundi novitas, quæ quidem constat mundum non esse a seipso, verum potius a Deo optimo maximo, ut non semel supra ostensum est adversus Atheos.

*In cassum* aliqui possunt reponere nullum posse pro isto momento ex novitate mundi argumentum erui: maxime vero cum cuncta sint nova respectu Americanorum; quos tamen extitisse, antequam artes apud eos extiterint, experientia compertum est. Idem non ab simili ratione dici potest de tempore quo & scientiæ & artes apud Græcos & Ægyptios floruerunt; omnes quippe Historiographi & ipsa Scriptura Sa-

era indignant homines & consequenter mundum ante hæc omnia existisse. Eadem objectio, eademque instantia de hominibus ante diluvium fit & proponitur; namque artes & scientias floruisse apud filios Adam, ipse enarrat Moyses: jam vero quis probare posset Adam fuisse omnium hominum parentem: ipsum vero a Deo eo procreatum tempore, quo mundus incepit.

*Respondeo 1.* Nos existentiam Dei optimi maximi non ex sola mundi novitate repetere, sed & a luculentissimis rationibus, quibus constat dari unam primum causam a qua fluxerunt omnia. Impossibile esse mundum existere a seipso, cum in eo perpetua sit inter entia & potentialitas ad esse, & dependentia ab uno primo qui immotus omnia moveat.

*Respondeo 2.* Ipsam creaturarum dependentiam mundi novitatem arguere. Addo scientias & artes, quæ gradatim apud homines pervenere, iterato argumento indigare ejusdem mundi novitatem, sicut & Moysis systematis de mundi creatione veritatem. Et vero si mundus ab æterno fuisset tum apud Americanos, tum apud

Græcos & Ægyptios, profecto perseverassent & scientiæ & artes apud homines, qui sunt hujusce spectabilis mundi partes eminentiores: attamen contrarium legitur de his omnibus: igitur novitas scientiarum & artium arguit utique mundi novitatem: apud Americanos quidem quos fuisse Ægyptiis & Græcis homines posteriores ex omnibus historiis constat: apud ceteros vero, cum post diluvium, nonnisi successive scientias & artes isti excoluerint. Quid plura? si mundus foret ab æterno, numquid seipsum propria veluti manu diluvio scilicet sese extinxisset, nemo enim cordatus dixerit supremum aliquod numen & ens, proprio nisu & conatu perire, ut resurrectione suam resumeret vitam: quod enim emoritur, & alternata productione reviviscit, jam non Deus ipse nec ens independentens est: sed unum alterum propria sua extinctione, a quo sit, indigitat, & illud est solus Deus optimus maximus. Igitur novitas rerum ante & post diluvium probat veritatem systematis de creatione mundi a Moyse expositi, & mundum non esse a seipso, & Deum optimum, cui laus omnis & gloria debetur, existere.



## DISSERTATIO SECUNDA

D E

## UNITATE DEI

contra Idololatrias Manichæos aliosque Hæreticos, duo prima  
admittentes principia.



NUMERÆ difficultates & quæstiones ortæ sunt Paganorum, immo & Hæreticorum, conjuratione facta adversus unitatem Dei optimi maximi. Et vero inter Gentiles multi inanem & vanam prorsus admiserunt Deorum pluralitatem. Non pauci ad præsentem usque diem in vastissimis Japoniæ & Sinarum Imperiis illam propugnant: atque inter Christianos Valentinus triginta Æonas veluti totidem Deos confixit, ut refert S. Aug. lib. de Hær. cap. 11. Manichæi duo prima statuebant rerum principia. Sed contra illos ait Apostolus 2. Cor. 8. 4. (*nullus est Deus, nisi unus.*)

*Dogma de unitate Dei quatuor argumentis  
statuitur adversus negantes.*

**PRIMO.** Rationibus Scripturæ Sacræ & Patrum.

*Secundo.* Auctoritate Miraculorum.

*Tertio.* Auctoritate Sibyllarum, Philosophorum & Poetarum.

*Quarto.* Ipsa ratione.

Verum operæ pretium est ante omnia texere Historiam Criticam tum Idololatriarum, tum Marcionistarum, Manichæorum & aliorum qui duo prima consueverunt rerum principia; quippe qui etiam unitatem Dei inficiuntur.

## HISTORIA CRITICA

IDOLOLATRIÆ,

SEU POLYTHEISMI

O R T U S.

**I**DOLOLATRIA a Verbo Græco *idololatrian* dicta, eo quod homines opera ipsorum hominum tanquam vera numina adoraverint, ortum habet ab hebetudine mentis, tum corruptione peccati originalis, tum iteratis enormibus peccatis parta; dum enim caro concupiscit adversus spiritum, si victus carni servit, ipse fit veluti caro, juxta illud, Gen. 6. 3. *Non permanebit spiritus meus in homine in æternum quia caro est*, & iterum alia scriptura, Rom. 1. *Quia cum cognovissent Deum, non sicut Deum glorificaverunt, aut gratias egerunt: sed evanuerunt in cogitationibus suis, & obscuratum est insipiens cor eorum; dicentes enim se esse sapientes, stulti facti sunt, & mutaverunt gloriam incorruptibilis Dei in similitudinem imaginis: corruptibilis hominis, & volucrum, & quadrupedum, & serpentium. Propter quod tradidit illos Deus in desideria cordis eorum, in immunditiam.*

*Spiritus Sanctus qui effugit fictum, in variis Scripturæ locis loquitur de Idolis, quæ tanquam Deos adoraverunt homines, de natura Idolorum, de effectibus idololatriæ, cujus finis interitus & perditio: hinc vani prorsus & inexcusabiles, qui Paganos aut idola aut falsa numina & creaturas voluisse negant; namque divinitatem in Idolis concludi credebant Gentiles. Propheta regius Psalm. 113. de Idolis sic loquitur: Simulacra gentium argentum & aurum, opera manuum hominum. Os habent & non loquuntur: oculos habent, & non vident. Aures habent, & non audiunt; naves habent & non odorantur.*

Ma-

*Manus habent & non palpant: pedes habent & non ambulabunt: non clamabunt in gutturo suo. Similes illis fiant qui faciunt ea: & omnes qui confidunt in eis.*

Ergo homines, ut omnia quæ idololatricam spectant delineare satagamus, astra tanquam vera numina colere cœperunt. Ita sentit Rabbi Moyses Maymonis filius. Et hoc colligitur ex capite 4. & 17. Deut. ex 31. Jobi. Postea crescente vanitate, & invalescente consuetudine, Reges in numero Deorum adscribentes populi, eos utique adoraverunt sub nomine alicujus fideris, sic Phœnicii Ilium, ut refert Sanchonaton, sub specie stellæ quæ Sturnus vocatur, tanquam Deum infani & habuerunt & coluerunt. Eo postea devenit mentis cæcitas, ut ipsa animalia, quæ alicujus astri vel figuræ vel virtutis aliquam præ se ferebant; ut numina habere voluerint. Teste Macrobio hos sub nomine Apis divinitati Solis consecratos, etiam ut numen habitus simul & adoratus est. Ælian. ejusmodi animulium abominabilem religionem tribuit Ægyptiis, qui quidem decursu temporum, horrenda utique reptilium genera, puta Serpentium & Draconum inter Deos annumerare non erubuerunt. Vossius scribit heros propter præclara egregiaque facta, inter quos eminet Hercules, divinis donatos fuisse honoribus. Igitur falsiorum apud Ægyptios numinum fucata religio a fiderum veneratione duxit exordium: huic deinde successit Idolorum supersticio, quæ quia apud Paganos crevit in pejus & invaluit, dicta est per antonomasiam Gentilium religio.

Homines antiquitus duo admisisse principia, alterum bonorum, alterum vero malorum constat. Hanc opinionem sequutos fuisse Ægyptios tempore Moysis, non levis in Scriptura Sacra suspicio est. Et vero Magi Pharaonis ope dæmonis quædam portentosa patrarunt; verum cum eis prævaleret Propheti Domini: (*Dixerunt malefici ad Pharaonem, digitus Dei est hic.*) Genes. 8. 19. Quidquid sit, quingentes ante Christum natum annos, non pauci fucatarum hanc duorum primorum principiorum sententiam osculabantur, ut gravissimi Auctores asserant, sed præ omnibus in nova lege Manichæi. De cultu astrorum meminit Scriptura, Deut. 17. his verbis: *ut vadant, scilicet Israelitæ, & serviant Diis alienis, & adorent eos, Solem & Lunam, & omnem militiam Cæli, quæ non præcepit.* Thare & post ipsam Laban

servierunt Idolis, post ipsos vero Israelitæ. Ita habetur de primo, Josue 24. 2. de secundo, Gen. 31. 19. de cæteris, Josue 14. & 15. & 24.

Belus censetur secundum quosdam Idolorum & idololatriæ auctor; mortuus enim ejus filio, quem ardenti prosequeretur amore, ut eum præsentem sibi, ad sublevandum tantisper dolorem redderet, statuum in ejus erexit honorem, quam & votis & sacrificiis a servis suis & domesticis colu vult, ita ut nullam & gratiam, nullumque beneficium ab eo, nisi reclamarent filium, concederet. Salomon Sap. 14. hominis illius qui filio mortuo istos instituit honores tacito ejus nomine meminit. Religio Idolorum secundum Herodotum Bello antiquior est.

Clemens Alexandrinus dicit inter homines qui idola colere cœperunt, eos fuisse qui idola propriis fabricata manibus, præ numine trabem ligneam habebant, deinde columnam lapideam; sed accedente artium exercitio, idola speciem humanam præ se ferentia effinxisse commemorat.

#### Progressus Idololatriæ.

Mos tandem Idola colendi invaluit in mundo, ita ut idola fabricarent homines, non solum ex ligno vel lapide, verum etiam ex omni metallorum materia, etiam ex argento & auro. Hoc ipsum patet ex Israelitis, qui edocti ab Ægyptiis, arte fusoria vitulium constabilem effinxerunt, quem & pro Deo habebant, dicentes: *Hic sunt Dii tui, Israel, qui te eduxerunt de terra Ægypti.* Tunc loca publica, tunc luci, tunc templâ & alia ejusmodi, idolorum perfundo cultui consecrata sunt, de quibus pulchus est sermo in Sacris scripturis. Tunc nobiles & plebei tum sacrificiis, tum votis & oblationibus falsa palum venerati sunt numina, immo & privatim in domibus, in quibus eorum vel depictis imagines, vel sculptas statuas habebant, & asservabant; ita ut idola etiam peregrinantes & adoranda & colenda secum deferrent: Quod quidem colligitur ex his quæ Actuum decimo nono capite scribuntur de Demetrio, qui commovit populum adversus Paulum, eo quod iuvenem magnæ Diinæ Ephesiorum cultum, cujus figuras & argenteas & aureas non sine magno lucro, artifex ille fabricabat, abrogasset.

Vanitas Idolorum decursu temporum ita prævaluit, ut miratus sit mundus se totum

tum esse cultui Idolorum deditum. Scriptura subdit cultui dæmoniorum; quippe qui ore statuarum Junonis, Fortunæ, Memnonis, Apollinis oracula redderent, ut omnes, si fieri posset, inducerentur in errorem. Ita referunt Valerius Maximus, Philostratus, Lactantius & alii.

Salomon fuisse describit in libro Sapientiæ progressum religionis idolorum, effectus funestos & exitiosum finem, maxime capite decimo-tertio & decimo-quarto. Sic autem loquitur in primo: *Vani autem sunt omnes homines, in quibus non subest scientia Dei, & de his que videntur bona, non potuerunt intelligere eum qui est, neque operibus attendentes agnoverunt quis esset artifex: sed aut ignem, aut spiritum aut citatum aerem, aut gyrum stellarum, aut nimiam aquam, aut solem & lunam, retores orbis terrarum Deos putaverunt. . . . Infelices autem sunt, & inter mortuos spectabiles est, qui appellaverunt Deos opera manuum hominum, aurum & argentum, artis inventionem, & similitudines animalium, aut lapidem inutilem opus manus antiquæ. Aut si quis artifex faber de sylva lignum rectum secuerit, & hujus doctæ eradat omnem corticem, & arte sua usus, diligenter fabricet vas utile in conversationem vitæ, reliquit autem ejus operis ad præparationem escæ abutatur: & reliquum bonum, quod ad multos usus facit, lignum curvum & vorticibus plenum sculpat diligenter per vacuitatem suam, & per scientiam suæ artis figuret illud, & assimilet illud imagini hominis, aut alicui ex animalibus illud comparat, perliniens rubrica & rubicundum faciens foco colorem illius, & omnem maculam quæ in illo est, perliniens: & faciat ei dignam habitationem, & in pariete ponens illud, & confirmans ferro, ne forte cadat, prospiciens illi, sciens quoniam non potest adjuvare se: imago enim est, & opus est illi adjutorium. Et de substantia sua, & de filiis suis & de nuptiis votum faciens inquiris. . . . Non erubescit loqui cum illo, qui sine anima est: & pro sanitate quidem infirmum deprecatur & pro vita rogat mortuum, & in adjutorium inutilem invocat: & pro itinere petit ab eo, qui ambulare non potest: & de acquiendo, & de operando, & de omnium rerum eventu petit ab eo, qui in omnibus est inutilis.*

Prosequitur sapiens c. 14. Iterum alius navigare cogitans, & per feros fluctus iter facere incipiens, ligno portante se, fragilius lignum invocat. . . . propter hoc &

in idolis nationum non erit respectus, quoniam creature Dei in odium factæ sunt & in tentationem animabus hominum, & in musculum pedibus insipientium. Initium enim fornicationis est exquisitio idolorum: & adinventio illorum corruptio vitæ est. Neque enim erant ab initio, neque erant in perpetuum: supervacuitas enim hominum advenit in orbem terrarum, & ideo brevis illorum finis est inventus. Acerbo enim luctu dolens pater, cito sibi rapti filii fecit imaginem, & illum, qui tunc quasi homo mortuus fuerat, nunc tanquam Deum colere cepit & constituit inter servos suos sacra & sacrificia. Deinde interveniente tempore, convalescente imagna consuetudine, hic error tanquam lex custoditus est, & tyrannorum imperio colebantur signata, & hoc quo in palam homines honorare non poterant, propter quod longe essent, e longinquo figura eorum allata, evidentem imaginem regis, quem honorare volebant, fecerunt: ut illum, qui aberat, tanquam præsentem colerent sua sollicitudine. Proxerat autem ad horum culturam; & hoc qui ignorabant, artificis eximia diligentia. Ille enim volens placere illi, qui se assumpsit, elaboravit arte sua, ut similitudinem in melius figuraret. Multitudo autem hominum abducta per speciem operis, cum, qui ante tempus tanquam homo honoratus fuerat, nunc Deum æstimaverunt. Et hæc fuit vitæ humanæ deceptio: quoniam aut effectui, aut regibus deservientes homines, incommunicabile nomen lapidibus & lignis imposuerunt. Et non suffecerat errasse eos circa Dei scientiam, sed & in magno viventes inscientiæ lullo, tot & tam magna mala pacem appellant. Aut enim filios suos sacrificantes, aut obscura sacrificia facientes, aut insanie plenas vigiliæ habentes, neque vitam, neque nuptias mundas jam custodiunt.

#### Interitus seu proscriptio.

Maximus Tyrius, Sallustio philosophus & alii permulti agnoverunt idolorum stupidam vanitatem. Quin-immo primi Romani spatio centum septuaginta circiter annorum colebant in templis supremæ numina, sed abique figuris & statuis: Populus tamen ad idola reverfus, Jovem cum fulmine in manu dextra, Martem cum galea in capite, manu vero tenente lanceam representabat. Verum adveniente Christo siluit oraculum Apollinis, siluerunt & Ægyptiorum mendaces spiritus; puero Iesu



ibi commorante, immo concussa sunt & subversa idola. Ita referunt Athanasius, Eusebius, Sozomenus & alii quamplures historici sacri.

Eodem anno quo Petrus primo sedem fixit Romæ, scilicet, quadagesimo quinto: Claudius Imperator multa numinum festa abrogavit, multaque rescidit sacrificia. Crevit idolorum contemptus secundo Ecclesiæ sæculo. Lampridius scribit Alexandrinum Severum toto regni decursu vix quinque se libras argenti pro idolorum cultu dedisse. Istius successor Maximinus non solum donaria & munera nulla protulit, quin potius statuas Deorum & aureas & argenteas & æreas, vasa quoque & alia templorum utensilia pro fabricanda moneta auferri voluit. Sic refert Herodianus.

*Apostoli* prædicatione, & Martyres miraculis & idola & eorundem religionem stupente & demirante mundo universo subverterunt, ut legitur in Actibus Sanctorum. Quod cœptum Deo adjuvante fuerat, complevit suis edictis Constantinus Magnus, præcipiens ut idola in toto suo imperio absque mora de medio tollerentur. Constantinus novis edictis legibus se opposuit Idolorum cultui. Julianus quidem in odium Christi cum resituit, sed restitutum ex parte evertit Theodosius magnus, Junior penitus abstulit: ita ut in extremis Asiæ regionibus & in America paucis ab hinc tantum sæculis agnita remanserit Idolorum superstitione, sed opera Missionariorum ex parte deleta, Deo adjuvante, finem habebit. Quia vero multi sunt tum in Japoniæ insulis, tum in Sinarum vastis regionibus idololatæ, ad gloriam & exaltationem religionis unius summi & veri Dei, discurrendum, explicandum & exponendum est, quod de ineffabili ejusdem Dei unitate atque simplicitate & credere, & scire quisque debet.

## HISTORIA CRITICA

Marcionistarum, Manichæorum, aliorumque Hæreticorum qui duos Deos, seu duo admiserunt principia, alterum serum invisibilem, visibilem vero alterum.

## ORTUS.

**M**ARCION primus occurrit. Natione, fuit Ponticus; secta, Philosophus Stoicus: Synope quæ est ad Pontum.

Bowlat Theol. Tom. I.

Euxinum natus ex patre, qui soluto matrimonio, Episcopus fieri meruit. Ab eo pie eductus Marcion, impie tamen & scandalose vixit; primum carni, deinde vanitati indulsit. Ergo Virginem Deo consecratam deffloravit, qua de causa a proprio patre excommunicatus, Romam fugit ut a vinculis censuræ solveretur; verum spe frustratus ibi circa annum 135. hæreticis suæ virus effundere cœpit, multosque ita pervertit, ut ipsi occurrerent Polycarpus, illum sic effatus sit, *Cognosco te primogenitum diaboli.*

*Tertullianus* l. i. contra Marcionem, eundem his depingit coloribus. *Edit. Par. 1634.*

pag. 431. "Nihil tam barbarum ac triste  
" apud Pontum, quam quod illic Marcion  
" natus est, Scythia terrior, Hamaxobio  
" instabilior, Massageta inhumior, Amazona  
" audacior, nubilo obscurior, hyeme  
" frigidior, gelu fragillior, istro falli-  
" cior, caucaso abruptior: Quid ni? pe-  
" nes quem verus Prometheus Deus omni-  
" potens blasphemis lincinatur; jam &  
" bestis illius barbarie importunior Mar-  
" cion. Quis enim tam castrator carnis  
" castror, quam qui nuptias abstulit? Quis  
" tam comestor mus ponticus, quam qui  
" Evangelia corrosit? næ tu, Euxine, pro-  
" babiliorem feram Philosophis odidisti,  
" quam Christianis. Nam illa canicula Dio-  
" genes, hominem invenire cupiebat, lu-  
" cernam meride circumferens: Marcion  
" Deum quem invenerat, extincto lumi-  
" ne fidei suæ amisit. Duos Ponticus De-  
" os assertit, tanquam duas symplegadas  
" naufragii sui. Quem negare non potuit,  
" idest, creatorem, idest, nostrum; &  
" quem probare non poterit, idest suum:  
" passus infelix hujus præsumptionis in-  
" stinctum, de simplici capitulo Domini-  
" cæ pronuntiationis, in homines non in  
" Deos disponentis exempla illa bonæ &  
" malæ arboris, quod neque bona malos,  
" neque mala bonos proferat fructus;  
" idest, neque mens vel fides bona, ma-  
" las edat operas, neque mala bonas.  
" Languens enim quod & nunc multi,  
" & maxime hæretici, circa mali quæ-  
" sitionem: unde malum? & obtusis sen-  
" sibus ipsi enormitate curiositatis, inve-  
" niens Creatorem pronuntiantem, Ego  
" sum qui condo mala; quanto ipsum  
" præsumperat mali auctorem, & ex  
" aliis argumentis quæ ita persuadent  
" perverso cuique, tanto in Creatorem  
" interpretatus malam arborem malos  
" fructus condentem, scilicet mala, alium

„ alium Deum præsumpsit esse debere in  
 „ partem bonæ arboris bonos fructus. Et  
 „ ita in Christo quasi aliam inveniens dis-  
 „ positionem, solius & puræ benignitatis,  
 „ ut diversæ a Creatore, facile novam &  
 „ hospitalem argumentatus est divinitatem  
 „ in Christo suo revelatam, modicoque  
 „ exinde fermento totam fidei massam hæ-  
 „ retico acore deiecit.

### Progressus.

*Marcion* Cerdonem tanquam magistrum audiens, varios hinc inde disseminavit errores.

*Primo.* Duos admisit Deos: alterum bonum a quo bona procedebant; alterum vero malum a quo mala tum culpæ, tum pœnæ, cæterique defectus etiam naturales. Ita Irenæus, l. 1. c. 29. Tert. l. 1. contra Marc. c. 21.

*Secundo.* Marcion duos utique Christos congingebat, quorum alter Tiberii tempore apparuerat; alter vero qui restitueret regnum Judaicum spe futurus quia promissus. Ita Tert. lib. 4. contra Marcionem, c. 6.

*Tertio.* Negavit Christum veram assumpsisse carnem. Tert. lib. 3. cap. 8. contra eundem.

*Quarto.* Marcion etiam negavit corporum resurrectionem, animam solam salutem & beatitudine donari volens. Irenæus l. 1. cap. 29. Epiphanius hæc. 42.

*Quinto.* Animarum in varia corpora transmigrationes propugnabat. Ita Epiphanius ibidem.

*Sexto.* Cain, Dathan, Esau, Abiron, Sodomitas, cæterosque populos quibus Deus Judæorum ignotus fuit, quantumvis impios & sceleratos salvari, secus vero Patriarchas, Prophetas, & alios iustos qui hunc pie coluerant Deum, condeiebat. Ex Theodoro l. 1. adversus hæreticos, c. 24.

*Septimo.* Vetus Testamentum tanquam a malo Deo institutum repudiabat, novum vero secundum phantasmam mutilabat, quippe qui solum Lucæ Evangelium, & truncatas Pauli epistolas admitteret. Epiphanius ibidem. Tertullianus l. 1. contra Marcionem c. 19.

*Octavo.* Verbis Evangelicis non baptizabat Marcion. Errore deceptus Cyprinus credidit Stephanum primum ratum habuisse Marcionis baptismum, eo quo a quacunque hæresi redeuntes recipi statuisset,

sed supponebat summus Pontifex illius baptismum verbis Evangelicis consecutum fuisse & absolutum, nec partes utique Marcionis in hoc puncto propugnabat. Augustinus cum lib. 2. de baptismo contra Donatistas ait: *Si Evangelicis verbis, in nomine Patris, & Filii, & Spiritus Sancti, Marcion baptismum consecravit, integrum erat Sacramentum*; propositio enim est tantum hypothetica; verum quod Marcion corrupebat formam baptismi dicit Theodoretus Ep. 146. ad Monachos Constantinopolitanos, asserens seipsum plures Marcionistas ad sanctum regenerationis lavacrum perduxisse.

*Nono.* Tertium baptismum ad emundationem carnis & turpium peccatorum admittere non embuit. Epiphanius hæc. 46.

*Decimo.* Quinimodo putavit eos in fide Christi instructos, sed morte præventos posse salvari, baptizando aliquem in gratiam ipsorum. Chrysost. hom. 40. in 1. ad Corinth. Epiphanius in Anaceph.

*Undecimo.* Marcionistæ aliqui in Creatoris odium, & quod carnem tanquam ab eo productam abominarentur, se martyrio, ut eam in se perderent, sponte obtulerunt. Clemens Alexand. l. 4. Strom.

*Duodecimo.* Eadem de causa, nempe in Creatoris odium voluit Marcion ut sui jejunarent die sabbati, ne Judæorum Dei, qui septimo die ab omni opere quod patrat, quievit, ritum imitarentur. Epiphanius.

*Decimo-tertio.* Animatorum usum Marcionistæ damnabant. Theodoretus.

*Decimo-quarto.* Marcion prohibebat nuptias, indignum reputans carnem a Creatore acceptam propagari. Tertullianus lib. 1. contra Marcionem cap. 29. Epiphanius.

### De Lucanistis, Catanis, Archonticis.

LUCANISTÆ Marcioni affines & tempore & doctrina Lucianum, & secundum multos, Lucanum pro magistro habuerunt. Ille Cerdonis, sed præcipue Marcionis vestigiis inhaerens, tria principia, seu tres principatus esse docuit, Patrem scilicet, Filium Deum Christianorum, & Spiritum Sanctum Deum Gentilium. Quæ de causa Origenes hominem qui divinitatem dividebat, Lucianum vocavit. Tertullianus de præscript. 2. Verbum, non Dei sed Davidis filium ex muliere natum volebat. 3. Duos deos, unum justum, alterum vero

ro injustum, a quibus bona & mali procederent, constituere. 4. Vetus Testamentum non admittebat, nec Epistolam ad Hebræos, hinc & de filio Dei male sentiebat. Tertullianus scripsit contra istum hæresiarcham in lib. de præser.

*Casani*, seu Cainani sic dicti quod Cain fratricidam colerent, istum iustum, Abelen vero tanquam imbecillum habebant, & ideo merito occisum. Deliria Marcionis circa Core, Dathan, & Abiron & similes impios defendebant, ut refert Epiphanius, hæres. 38. Judam ut divinum quemdam hominem, qui prodendo Christum hominum salutem providisset, celebrabant; hinc & de illius proditoris affinitate gloriabantur. Ita refertur Augustinus lib. 1. de hæres. cap. 18. Epiphanius hæres. 38. Insuper legem veterem ejusque auctorem, inquit Philastrius, blasphemabant, & fidem solum sine baptismo ad salutem sufficere autumabant. Tertullianus lib. de baptismo c. 13.

*Archontici* anno circiter 160. de schola Cerdous & Marcionis prodire. Mundi creationem non Deo, sed Archangelis tribuebant, & ideo dicti Archontici; qui quidem error serpente crepit per Palæstinæ regionem, deinde in Armenia altis jecit radices. Redemptionem in sola cognitione Dei reponebant. Sacramenta abnuebant; Deum factorem Cœli calumniabantur, cumque in Cœlo magnam exercuisse tyrannidem, ex qua diabolus ortus, qui postea Cain & Abel genuerat, effingebant. Improperabant veteri Testamento, & novum in pravos detorquebant sensus. Baronius ann. 176. Epiphanius hæres. 40. Denique animæ solius & non corporum resurrectionem, testante Augustino hæres. 20. propugnabant.

#### De Manæ & Manichæis.

In apertum erupit incendium Marcionis hæresis per Manem, qui istius errorem hæres, etiam addidit novos quibus infecti nobiles & plebei, indocti & ipsi docti, immo & Sacerdotes atque Episcopi magnos duorum sæculorum spatium in Ecclesia movere trigesserunt.

*Scythianus* Saracenus, & Buddas ejus famulus, qui & Terentius a multis appellatus, Empedoclis & Pythagoræ discipuli, deinde Manetis magistri exiteret anno circiter 174. Duo principia sibi coneraria admittebant, alterum bonum, alterum vero malum, ut refert Cyrillus

Catech. 6. Buddas se e virgine natum, in signum futuræ sublimitatis & excellentiæ, proclamabant: ut videre est apud Socratem lib. 1. cap. 17. Quatuor librorum a Scythiano compositorum constitutus hæres, dixit thesaurum veræ religionis omniumque mysterium se possidere. Primus inscriptus erat de mysteriis, secundus de Evangelio, tertius de thesauro, quartus de lapidibus.

*Manes* paulo post alternata vice hæres librorum sacrorum pessiferæ suæ hæreseos, non sine magna animarum clade virus passim tum apud Arabes, tum in Africa effudit. Natione, Persa; conditione, divitis cujusdam viduæ mancipium, postea ejusdem adoptatus in filium, Paracletum se esse jactans, ad Christi exemplum duodecim assumptis discipulis, quibus singulis singula Apostolorum nomina imposuit, qui ab ipso hinc inde missi, animas plurimas diabolica fraude deciperunt, ex quibus postea secta quæ ab Oriente in Occidentem sparsa nedum Mesopotamiam, Africam, sed & Italiam, immo & Gallias veneno suo infecit.

#### Manichæorum errores.

*Præcipuus*, inter omnes errores ex quo promanarunt cæteri, fuit quod duo rerum admitterent principia, unum quidem boni, nempe totius naturæ spiritualis, animarum & legis novæ sub Christo auctorem; secundum vero mali, scilicet & rerum sensibilium & legis antiquæ factorem. Augustinus lib. de hæres. cap. 46. Epiphanius hæres. 66. Theodoretus lib. 1. hæres. Fab. c. 26.

*Secundo*. Dnas in homine esse animas volebat Manes, alteram bonam, quæ parti præfesset superiori, scilicet intellectuali; alteram malam, quæ corpori & parti inferiori præficeret, quæque omnia operaretur peccata; hinc illam a principe tenebrarum ortum dicebat. Augustinus lib. de duabus animabus contra Manich. c. 1.

*Tertio*. Filium Dei dicebat partem Patris substantiæ quæ in carne apparuerat. Hilarius. L. 6. de Trin.

*Quarto*. Christum veram assumpsisse carnem negabat, cum caro ex ejus sententia sit de se mala, cuius nec habendæ, nec utique colendæ essent imagines & reliquæ. Tarasius. Const. In secunda Synodo Nicæna.

*Quinto*. Manes utique docebat Deum  
I 2 vetē-

veteris Testamenti esse omnium inventorem malorum; quinimmo, & malum qui Aegyptios spoliaverat, Amorrhæos ejecerat, Gergæos afflixerat, innumeraque alia attulerat mala. Epiphanius hæc. 76.

*Sexto.* Animis posuit esse Deo cœternas, & subire corpora, nedum hominum, sed & brutorum animantium. Epiphanius hæc. 66.

*Septimo.* Concupiscentiam non ex protoparentis peccato, sed ex qualitatibus agentium & reagentium contrarietate ortum ducere existimabat, ita ut homo ab ea liberetur, dum purgatur ab humorum sæce. Augustinus hæc. 46.

*Octavo.* Eucharistiam ex pane confici prohibebat, quippe qui malus & malo Deo originem haberet. Prateolus.

*Nono.* Liberum hominis arbitrium tollens, vitam fato quodam ineluctabili gubernari asserbat. Hieronymus in proœmio dialogi adversus Pelagianos.

*Decimo.* Baptismum aquæ nemini ad salutem proficere prædicabat; eo tamen utebatur, forsân ad emundationem carnis, non spiritus. Immo fidei necessitatem impugnabat, existimans rationem sufficere ad cognoscenda mysteria. Augustinus de hæc. & lib. de utilitate credendi ad Honoratum.

*Undecimo.* Docebat quemlibet in suo religionis exercitio salvari, putans Christianos, Judæos & Hæreticos. unum quid esse; quia unum & eundem agnoscebat & probebantur Deum. Epiphanius hæret. 66.

*Dodecimo.* Resurrectionem solius animæ agnoscebat Manichæi, indignum resurrectione reputantes omne quod esset materiale. Theodoretus l. de hæc. Fab.

*Decimo-tertio.* Jesum solem materialem putabant esse, propter illam Matthæi sententiam, *Ego sum lux mundi*; quam quidem in pravam detorquebant sensum. Hoc ducti errore Solem adorabant, ad quem durante die verâ facie convertebantur, nocte vero Lunam colebant. Augustinus l. 14. contra Faustum.

*Decimo-quarto.* Ab omni juramento, etiam interpellante iudice abstinebant.

*Decimo-quinso.* Generationem execrabantur & impediabant nuptias, quamvis mulieribus uterentur, quia carnem utpote vitiatam non esse propagandam affirmabant. Augustinus lib. 19. contra Faustum c. 29.

*Decimo-sexto.* Denique promissionem Patreæti a Christo promissi, in Manete adimpletam stulte credebant. Augustinus l. de hæc.

### Manichæorum mores.

*PRIMO,* Observandum est duos fuisse in secta Manichæorum ordines, unum scilicet electorum, alterum vero auditorum. Auditores carnem manducabant; uxores, si vellent habebant, & agros colebant, sed ante electos qui ab istis abstinebant, genua flectebant; ut eis sive Episcopi, sive Presbyteri & Diaconi aut etiam simplices Laici manus imponerent. Ita colligitur ex Augustino Epist. 74. ad Deuterium Episcopum. Jam vero inter electos duodecim erant præcipui velut Apostoli, quibus decimus-tertius tanquam omnium magister præsidebat. Habebant 72. Episcopos qui a magistris eligebantur. Habebant & presbyteros atque Diaconos qui ab Episcopis istis ordinabantur. Aug. l. de hæref.

*Secundo,* Nefas putabant electi metere segetes, arbores cædere, nubere, &c. Ista vero ad indulgentiam auditoribus concedebant. Aug. ibidem.

*Tertio,* Jejunabant die Dominica in odium Creatoris visibilibus, qui septimo die requieverat. Aug. Epist. 64.

*Quarto* Orabant ad Solem conversi. Idem Epist. 74.

*Quinto,* Eucharistiæ materiam præparabant in re supra modum abominabili. Aug. l. de moribus Manich. cap. 19. & 20.

*Sexto,* Tria signacula habebant, scilicet oris, manuum & sinus; quibus se purissimos & sanctissimos esse prædicabant; ad oris signaculum pertinebat, quod ab omni blasphemia & vino abstinerent; ad manuum signum, quod nulli darent offensioem, ita ut & jam ab animalium cæde & a stirpium laceratione temperarent; ad sinus signaculum, quod castitatem colerent, & non nubere. Aug. l. de moribus Manich. c. 20. & sequentibus.

*Septimo,* Licitum erat apud eos erogare pauperibus argentum & aurum, minime vero panem vel cibum cujuscumque generis, ne ab eis præterit divinæ substantia, quam cibis commixtam esse somniabant. Aug. lib. 15. contra Faustum. c. 7. & lib. 4. Confess. cap. 10.

*A Manete* numerosa Hereticorum colluvies processit; ad Manichæos siquidem spectant Audiani, Apocritæ, Brachitæ, Driacritæ, Tascodrogitæ, Theisalitæ & Tetraditæ, qui omnes in uno dogmate cum Agnoitis conveniunt, tenentes homin-

ani-

animam, aut Dei substantiam esse, aut ex ejus substantia promanasse. Epiphanius lib. 2. adversus hæc.

Baronius ad annum Christi 289. meminit quorundam hæreticorum, quos Abstinentes vocat, qui ex familia Manetis prodierunt, quorum errores in Gallia & Hispania non modicum grassari apparere; in primis cibos tanquam a diabolo productos damnabant, Spiritum Sanctum creaturam dicebant, etiam impugnabant nuptias. Ita Philastrius & Prateolus.

### Interitus seu proscriptio.

MARCION animam agens Sacramentum Pœnitentiæ contritus petiit, sed morte præventus extra Ecclesiam defunctus est, ut colligitur ex Tertulliano lib. de præscr. Marcionistarum errores refutavit idem Tertullianus libris quinque contra Marcionem: ante Tertullianum Justinus Martyr teste Irenæo lib. 4. adversus, hæres. cap. 14. Item Irenæus lib. 5. Postea Hieronymus de scriptoribus Eccles. Eusebius l. 5. hist. c. 13. Theodoretus lib. 1. hæres. Fab. & alii tum veteres tum recentiores.

Manes in arte dæmonum confidens, regi Persarum promisit quod orationibus ejus filio restitueret sanitatem, sed ipse defunctus, puer mortuus est: tunc pater furens Manetem comprehendi jussit, nec multo post lata sententia toto corpore excoarctato, belluis devorandum tradidit. Multi inter Patres celeberrimi contra Manichæos scripserunt, scilicet Archelaus Castharorum in Mesopotamia Episcopus, Titus Bostrensis, Diodorus Cilicus, Serapion Themvis Episcopus, S. Athanasius, Georgius Laodiceus, Eusebius Cæsariensis, Eusebius Emisenus, Apollinaris Laodiceus, & multo plures quos Epiphanius refert hæc. 66.

Verum inter omnes præfulget Augustinus, qui Manichæorum superstitione novem annis detentus, mysteria iestæ prænoscent, felicius quoque præ cæteris illos debellavit, & quidem variis & eruditissimis tractatibus.

1. *Librum* de moribus Ecclesiæ Catholicæ, & alterum de moribus Manichæorum adversus eos composuit.

2. *Tres libros* de libero arbitrio.

3. *Librum* duplicem de Genesi ad litteram.

4. *Librum* de vera religione.

5. *Librum* de utilitate credendi ad Honoratum.

Boucat Theol. Tom. I.

6. *Librum* de duabus animabus.

7. *Librum* contra Fortunatum Manichæum duas disputationes continentem.

8. *Librum* contra Adimantum Manichæi discipulum, quos omnes libros conscripsit ante Episcopatum.

9. *Creatus* Episcopus eisdem hæreticos infectatus est. Scripsit librum contra Epistolam Manichæi quam vocat, fundamenti.

10. *Libros* triginta tres contra Faustum Manichæorum Episcopum.

11. *Anno* 6. Consulatus Honorii Augusti contra Felicem Manichæum in Ecclesia Hipponensi præsentem populo biduo disputavit Augustinus, victus Felix, suos ejuravit errores: idem Augustinus in duobus libris, quorum tituli: De actis cum Felice Manichæo, refert atque describit disputationes.

12. *Scriptis* adhuc contra Manichæos librum de natura boni.

13. *Librum* contra Secundum Manichæorum auditorem.

14. *Duos* libros contra adversarium Legis & Prophetarum.

Manichæos infectati sunt summi Pontifices tum decretis tum concionibus, ut S. Leo: infectati sunt & principes, editis. Valentinianus constitutionem edidit ad Albinum præfectum directam, qua eos publico crimine teneri declaravit, militare prohibuit, testandi & comparandæ pariter cujuscumque hæreditatis ademit potestatem. Pater Alexander sect. 3. art. 9. §. 4.

## ARTICULUS PRIMUS.

Utrum ex traditione ab Adam usque ad nos constet esse unicum Deum.

## CONCLUSIO.

Est unus Deus Creator visibilium omnium & invisibilium.

Probatur primo, ex traditione veteris Testamenti.

**L**EGITUR Geneleos 1. v. 1. *Creavit Deus Cælum & terram.* v. 31. *Viditque Deus cuncta quæ fecerat, & erat valde bona.* cap. 8. v. 1. *Recordatus autem Deus Noe.* cap. 9. v. 1. *Benedixit Deus Noe.* cap. 12. *Dixit autem Dominus ad Abraham* cap. 28. v. 12. *Jacob, viditque in somnis scalam Angelosque Dei ascendentes &*

descendentes per eam. Et Dominus iniquissimale dicentem sibi. Ego sum Dominus Deus Abraham patris tui. Ubique est sermo de Deo uno & Domino. Igitur datur unus Deus. Moyses eandem profequitur veritatem, nam Exodi 4. v. 4. & 5. habetur. Dixitque Dominus: extende manum tuam, & apprehende eandem ejus: extendis & tenuit, & vasque est in virgam, ut credant, inquit, quod apparueris tibi Dominus Deus patrum suorum. cap. 8. v. 1. Dixit quoque Dominus ad Moysen, ingredere ad Pharaonem. cap. 13. Locutusque est Dominus ad Moysen, dicens: Sanctifica mihi omne primogenitum. In reliquis libris legalibus unus Dominus semper loquitur ad Moysen: ipse vero, unicuique semper prädicat, populo suo Deum, sed maxime, Deuteronomi 6. v. 4. Audi Israel, Dominus noster unus est. Ibidem cap. 32. v. 39. Deus ipse sic loquitur ad populum: Videte quod ego sum solus, & non sit Deus praeter me. Nihil clarius expressiusve aut dici aut proponi pro veritate potest: quae quidem omnes auctoritates, nedum apud Christianos, verum etiam apud Paganos ponderare debent; Moyses namque, ut refert Eusebius in 1. de preparat. Evang. inter scriptores primus fuit, quinimmo & Iosphi & Poetae Pagani, multa ex libris Moyses haulerunt.

Eadem traditio confirmatur ex ceteris veteris Testamenti libris. Josue 1. v. 1. legitur: Et factum est post mortem Moysi servi Domini, ut loqueretur Dominus ad Josue. Judicum 1. v. 7. Post mortem Josue consulerunt filii Israel Dominum. . . . dixitque Dominus. 1. Regum cap. 1. v. 3. Ascendebat vir ille de civitate sua statuit diebus, ut adoraret & sacrificaret Domino exercituum in Silo. Primo Eisdra cap. 1. v. 2. Omnia regna, inquit Cyrus, dedit mihi Dominus Caeli: Judith 16. v. 3. Factum est autem, cum cessasset clamare ad Dominum. Job. 1. v. 21. Dominus dedit, Dominus audivit. Psal. 22. Dominus regit me, & nihil mihi deerit. Ubique unus Dominus, & adhuc Psalm. 17. vers. 32. Quis Deus praeter Dominum, aut quis Deus praeter Deum nostrum? Psalm. 22. vers. 19. Tu solus altissimus, in omni terra. Proverb. vers. 7. Timor Domini principium sapientiae. Isaiae 1. v. 3. Cognovitis vos possessorem suum, & agnitis praesepe Domini. Ibidem cap. 6. v. 2. & 3. Seraphim stabant super illud, & clamabant alter ad alterum & dicebant: Sanctus; Sanctus; Sanctus Dominus Deus exercituum: plena est omnis terra gloria eius.

Jerem. 1. vers. 4. Factum est verbum Domini ad me dicens. Ezech. 1. v. 1. Vidi visiones Dei. Daniel. 1. v. 2. Tradidit Dominus in monte ejus Joachim Regem Juda. 2. Machab. 2. v. 22. Non est nobis utile relinquere legem & iustitias Dei. Ubique semper unus Deus prädicator, tum a Moysse legislatore; tum a prophetis. Igitur est unus Deus.

Probatur unitas Dei ex punitione Idololatriarum.

PRIMA fuit eorum qui adoraverunt vitulum conflatilem; & ceciderunt gladio Levitarum, jubente Moysse, numero quasi viginti tria milia hominum, ut patet Exod. 32. v. 28.

Secunda: iterum filii Israel ad idololatriam redire & servierunt Baalim, ideo tradidit eos Dominus in manus Regum nationum, a quibus vehementer afflicti sunt, sed respicientes, per Othoniel, Aod & Sangar liberantur. Ita refertur lib. Judicum cap. 3. & 4. Similes castigationes propter idololatriam describuntur in reliquo libro, sed maxime in libris Regum 1. 2. cap. 7. Hortatur Samuel populum ut idola relinquat; & projectis Baalim & Ashtaroth, Deus benedixit populo; etque victoriam super Philistinim concessit, & captas urbes restituit. 1. v. 3. Aut autem Samuel ad universam domum Israel, dicens: Si in toto corde vestro revertimini ad Dominum, auferite Deos alienos de medio vestri, Baalim & Ashtaroth. vers. 14. Liberavitque Israel de manu Philistinorum. 3. Regum 22. Rex Ahab perit in bello propter suam idololatriam. 4. Regum 1. Ochozias agrotans, mittit ad consulendum Beelzebub Deum Acharon super agitudine sua; propter hoc scelus moritur; cap. 9. Jehu mandat Dominus ut deleat domum Ahab propter idololatriam. In una & eadem die Ioram cum Ochozir Rege Juda occidit Jehu; Jezabel per fenestram ipsius jussu projecta est, & allisa ad pavementum animam exhalavit, omnes vero ejus comederunt cadaver.

Maxima omnium punitio est transitio Israel in captivitatem apud Assyrios per Salamanazar, qui posuit eos in Hala; & in Habor juxta fluvium Gozan; & hoc propter idololatriam, ut fuisse censurat auditor canonicus 4. Reg. 17. in hoc terribili exitio decem Tribus miseris calamitatibusque obruta magni ex parte pericunt.

Altera propter idem scelus vindicta est translatio. Judæ cum rege Sedecia in Babylonem, ubi annorum septuaginta duræ captivitatis spatio oppressi fuit: his omnibus accedie humiliatio proflis stipenda Nabuchodonosoris, qui cum tuminis ad instar adorari vellet, ad pacendum Ierusalem cum bestis agri, non sine Dei ultoris terribili miraculo dejectus est. Dan. 4. Quid dicam, selesapemy de ejus filio supra modum impio Balthasare? Hic dum talia laudat numina, Omnipotentis manibus in eum mortis sententiam in pariete describit. Dan. 5. Jam venio ad scelestissimum regem Antiochum, qui cultus divini extinctor, factique profanator templi suis peccatorum poenas gravissimas, dirissimas enim torpens visciferum doloribus, letiferumque emittens factorem, Deum quidem unum patrum confessus orabat ille scelestus, a quo misericordiam non erat consecutus; hinc & nefandam in infernum, evomuit animum. 2. Mach. 9.

His omnibus adjicitur infelix exitus regis Agrippæ, qui dum se tanquam Deum haberi & proclamari sinit, subito percussus ab Angelo, dolore visciferum veribus undequaque scitantium, quiaque vix elapsis debus obiit. Joseph. lib. 20. Annal. c. 7.

#### Probatur unitas Dei ex traditione Novi

##### Testamenti

PRIMO, Marci 12. v. 29. Primum omnium mandatum est: audi Israel, Dominus Deus tuus, Deus unus est.

Secundo, Joannis 17. v. 3. Hæc est vita æterna, ut agnoscat te solum Deum verum: 3. Ephes. 4. v. 5. Unus Dominus, una fides, unum baptisma. Unus Deus & Pater omnis, qui est super omnia, & per omnia: 2. in omnibus nobis. 4. Augustinus 17. v. 23. & 24. Præteriens enim, inquit Paulus Achaïensibus, & videns simulacra vestra, inquit & Aram, in qua scriptum erat, ignoro Deo. Quod ergo ignorantes colitis, hoc & ego annuntio vobis: Deus, qui fecit mundum & omnia que in eo sunt: ubi cæli & terræ, cum sit Dominus, non in manu factis templis, habitat, nec manibus humanis solitur indigeat, aliquo: cum ipse de omnibus totum & inspirationem, & omnia. 1. v. 28. & 29. 1. in enim vivimus, movemur, & sumus: 2. & quidam vestrorum Pœtarum dixerunt: ipsius enim & genus sumus: Genus ergo cum finis Dei, non debemus estimare auro, aut argento, aut lapidis sculpturæ artis & cogi-

rationis hominis: divinum esse simile. Quibus verbis Apostolus propriis confodit telis idololatrias; probat enim ipsorum Poetarum testimonio unum esse Deum, simulacra vero Gentium esse insania.

Idem patet ex Patribus, quorum auctoritate probavimus ideam unitus Dei esse nobis innatam, unde ex hoc argumenta liquet unum esse Deum. Et vero Athenagoras, Justinus, Arnobius, Lactantius, opera integra conscribere ad probandam unitatem Dei contra Gentiles: Juvat aliquorum hic celebrare & afferre sententias, maxime ad revincendos Manichæos.

Tertullianus lib. 2. contra Marcionem, cap. 3. sic loquitur, Deus si noli unus esse, non est. Athanasius contra Manichæos eundem tenet sermonem. Deus, inquit, multos admittere idem est ac nullum agnoscere. Idem docent Augustinus lib. de doctrina christiana cap. 7. Gregorius Nyssenus in prologo libri catecheseos. Anselmus in monologio cap. 3. D. Thom. lib. 4. contra Gentiles c. 42. Idem probant & definiunt Concilia: nempe Antiochenum primum, Nicænum primum in Symbolo his verbis: Credo in unum Deum. Constantinopolitænum primum: & hoc ipsum tenuit perpetua tum veteris, tum novæ legis fides, hoc tandem sanguis Martyrum milies pro tanta veritate effusus.

Probatur unitas Dei ex passionibus & infelici interitu Tyrannorum, qui Martyrium antiquum esse Deum propugnantium sanguinem effuderunt.

PRIMO occurrit ablato Imperii Romani, & translatio ad Græcos per exterminium Imperatorum, qui Ecclesiam Christi immani, & exquisito tormentorum apparatu cruciaverant, eo quod Christiani nolent adorare idola. Ita refertur in omnibus Martyrologiis, & Actis Sanctorum.

Secundo loco venit crudelis supra modum Nero, qui post violentam super Christianos manum, & multorum millium stragem, tandem ipse omnibus crudelior, seipsum per scilum Dei judicium manu cruenta annos 31 solum natum occidit. Ita refert Saetonius in vita Neronis. Augustinus l. 20. de Civit. Dei c. 19.

Tertio loco ponimus ferocem Diocletianum, qui indigne ferens sanguinem Martyrum, quos necabant, semen Christianorum scilum esse, abdicavit imperium, & cædō ac maxore confectus obiit in solitudine. Ita Eusebius, l. 8.

Quarto loco enumeramus Trajanum, qui multis destructis & necatis Christianis, ipse, ut fertur, veneno infectus obiit. Ita Baronius ad annum 117.

Quinto loco violentus Maximinus est, qui effuso Sanctorum sanguine a propriis militibus cum filio, truncato capite, migravit evita; cujus cadaver ad bestias proiecitur luit penas tantæ crudelitatis & idolatriæ debitas.

Sexto loco addit Licinius, qui in crudelitate nulli secundus multa Christianorum millia, eo quod Deos inanes irriterent, interfecit: sed vidit Dominus, & non tacuit. Suscitavit contra illum Constantium Magnum, qui fractum multis præliis Licinium, tandem strangulavit. Ita Baronius, ad annum 325. Socrates l. 1. Sozomenus l. 2.

Omissis aliis, ne fusior sit sermo, ultimo loco venit terribilis & sacrilegus Julianus Apostata, qui supra reliquos sævians, adhuc spirans minum in Christianos quos exterminare decreverat, selle & amaritudine plenus, subito percussus in prælio, victus obiit, Christo Deo uno de idolis & idolatria triumphante: sic referunt Theodoretus, Socrates & Baronius ad annum Christi 363.

### SOLVUNTUR OBJECTIONES.

**OBJICIUNT 1.** Veritatis inimici. Genes. 1. v. 26. habetur. *Faciamus hominem ad imaginem & similitudinem nostram.* Vox, *Faciamus*, & vocabulum, *nostram*, denotant pluralitatem: ergo de facto sunt plures Dii.

*Respondeo* distinguendo. Ista verba denotant pluralitatem personarum, concedo; cum enim actiones ad extra communes sint omnibus sanctissimæ Trinitatis personis, ideo plurali numero utitur scriptura: denotat pluralitatem Deorum, nego; habetur enim in singulari. v. 25. *Vidit Deus quod esset bonum, & ait: Faciamus hominem ad imaginem & similitudinem nostram.* Porro nomen Deus est substantiale; unde cum ponitur in singulari, non multiplicatur essentia. Et inde collige unum esse Deum.

*Respondeo 2.* Aliter distinguendo, vox *Faciamus* & vocabulum, *nostram*, denotant solum auctoritatem, concedo: sic Reges & Domini ad magnificentiam loquuntur in plurali, dicendo, *Faciamus*: & denotat pluralitatem Deorum, nego.

*Instans*, Exodi 7. v. 1. *Dixitque Dominus ad Moysen: Ecce constitui te Deum Pharaonis.* Igitur sunt plures Dii, nedum personaliter sed & essentialiter distincti; quandoquidem Moyses constituitur ut Deus distinctus a Deo Cæli.

*Respondeo* distinguendo. Constituitur Moyses Deus Pharaonis, idest, Dominus, concedo: Deus simpliciter, nego; cum enim constituitur, non erat antea, ideoque minime Deus. Caterum illum solum constituit Deus Dominum, ut virtute ex alto roboratus, Pharaonem non perthmesceret. Eo modo Deus, constituit Prophetam Jeremiam Dominum Regum terræ, sic enim habetur e. 1. v. 7. 8. & 9. *Dixit Dominus ad me: Ne times a facie eorum, quia tecum ego sum, & v. 10. Ecce constitui te hodie super Gentes, & super regna, ut evellas & destruas & disperdas, & disperdes, & destruas & plantes.*

*Urgem.* Psal. 81. v. 1. habetur: *Deus stetit in synagoga Deorum.* Igitur ex propheta de facto sunt multi Dii: probatur consequentia: qui stat in medio ad iudicandum cum assessoribus est, ejusdem naturæ & speciei cum eis: atqui Deus stat in medio Deorum ad iudicandum. Licet enim: *In medio disjuciat.* Igitur alii Dii sunt ejusdem naturæ cum illo.

*Respondeo* distinguendo. Deus stat in synagoga Deorum, idest, electorum quos assumit ut iudices, concedo: in synagoga Deorum sibi æqualium, nego. Apostolus dicit: *nescitis quoniam iudicabitis & Angelos?* Et in hoc sensu Deus dicitur stare in synagoga Deorum, quia electi sunt veluti ipsius assessores, ut iudicent orbem terrarum in æquitate.

*Respondeo 2.* Deus stetit in Synagoga Deorum, idest, iudicum terræ, ut ipse eos iudicet & probeat; an recte administraverint iustitiam, concedo: in medio Deorum qui eandem cum illo habeant potentiam & naturam, nego. Propheta loquitur in primo sensu, unde addit, *in medio autem Deos disjuciat:* profecto si iudicantur, non sunt Dii, sed Deo in infinitum inferiores. Hunc sensum exhibent Scripturæ multis in locis: Enimvero Psal. 74. v. 2. habetur: *Cum accepero tempus, ego iustitias iudicabo.* Et Pl. 2. v. 9. & 10. *Reges eos in virga ferrea: & tanquam vas figuli confringes eos.* Et nunc Reges intelligite: *crudimini qui iudicatis terram.* Item Sapient. v. 6. *Cum essetis ministri regni illius, non recte iudicastis.* . . . . Horrende & cito apparebit



vobis : quoniam iudicium durissimum in his qui præsunt, fiet. Igitur Principes & Iudices terræ sunt Vicarii Dei optimi : omnis quippe potestas a Deo est, inquit Apostolus : sunt Vicarii, idest, legum custodes, Deus autem in medio eorum stat, ut videat, si rectum ab eis exereditur iudicium.

Respondeo 3. disting. Dicuntur Ministri per denominationem, seu quoad nomen, concedo : Dii per proprietatem, nego. Aliquis potest dici Deus dupliciter ; quoad denominationem, deinde vero per proprietatem. Esse Deum quoad denominationem, est Dei insigniri nomine propter aliquam cum Deo summo magno similitudinem : eo sensu Moyses dicitur in scripturis Deus Pharaonis propter suam in istum regem potestatem : iustus, propter gratiæ participationem : Angelus, dum in persona Dei loquitur. Esse Deum per proprietatem, est esse a se, esse ædum primum, immensum, æternum, quod uni soli competit ; quia datur unicum summum magnum. Solutio est Tertulliani lib. 1. contra Marcionem pag. 434. Hæreticum sic alloquitur. " Agnoscens divinitatem, negasti diversitatem. Tentabis ad hæc de numine Dei concutere retractatum, ut passivo & in alios quoque permisso ; quia scriptum sit, Deus Deorum stetit in Ecclesia Deorum : in medio autem Deos iudicabit. Et ego dixi, vos Dii estis ; nec tamen ideo eis competat possessio summi magni, quia Dei cognominentur ; ita nec Creatori. Respondeo & stulto qui nec hoc recogitaverit, ne tantundem & in Deum Marcionis possit retorqueri, ut & illum Deum dictum nec ideo tamen summum magnum probatum, sicut nec Angeli, nec homines Creatoris. Si communio nominum conditionibus præiudicat, quanti nequam servi Regum nominibus insistant, Alexandri, & Darii, & Holofernis, nec tamen ideo Regibus, id quod sunt detrahetur ? Nam & ipsa idola gentium, Dei vulgo, sed Deus nemo ea re qua Deus dicitur. Ita ego non nomi Dei, nec sono, nec notæ nominis huius ; summum magnum in Creatore defendo, sed ipsi substantiæ cui nomen contingit. Hanc inveniens solam innatam, insectam, solam æternam, & universalitatis conditricem ; non nominis sed statui ; nec appellationi, sed conditioni eius summum magnum & adscribo & vindico. "

Instant Matth. 19. v. 28. habetur : Cum sederit filius hominis in sede maiestatis sue sedebitis & vos iudicantes duodecim tribus Israel : Igitur sunt multi in Cælo Dii, Deo summo in iudicando coæquales, adeoque & in subsistendo, unde & veri Dii.

Respondeo distinguendo consequens, electi iudicabunt ut præcones annuntiantes supremi iudicis sententiam, tum quia vita Sanctorum qui legem servaverunt, est tacita reprobatorum condemnatio, concedo ; iudicabunt sententiam propria potestate pronuntiantes, nego. Solus Christus sic pronuntiabit & ut Deus, & ut homo : tanquam Deus quidem, ei enim, utpote omnium Domino competit iudicare vivos & mortuos : tanquam utique homo Theandricus, hoc est, unitus verbo divino a quo accepit iudicandi potestatem ; igitur reduplicative ut homo non habebit iudicandi potestatem nisi dependenter a Deo. Juxta illud Joannis 5. v. 26. & 27. Sicut Pater habet vitam in semetipso, sic dedit & filio habere vitam in semetipso : & potestatem dedit ei iudicium facere, quia filius hominis est. Cæterum non plures iudices, sed solus filius Dei iudicabit tanquam iudex supremus ; juxta illud Matth. 25. Cum autem venerit filius hominis in maiestate sua ... Tunc dicet Rex iis qui a dextris ejus erunt : Venite benedicti Patris mei, possidete paratum vobis regnum a constitutione mundi.

Insistunt : atqui alii iudicabunt ut iudices supremi : & probatur, qui sunt Dii sicut Christus, erunt iudices supremi : atqui ita erunt : ergo iudicabunt ut iudices supremi, & consequenter sunt multi Dii absolute. Probat minor in qua est difficultas. Psalm. 81. v. 6. habetur : Ego dixi Dii estis & filii excelsi omnes : ergo, &c.

Respondeo negando subsumptum, ad primam probationem, nego minorem : ad secundam, distinguo ; multi iusti sunt Dii per participationem, concedo : substantia liter & hypostatice sicut Christus, nego. Iusti per gratiam sanctificantem divinam participant naturam : juxta illud 2. Petr. 1. 4. Per quem, scilicet Christum, maxima & pretiosa nobis promissa donavit, ut per hæc efficiamur divinæ consortes nature. Et iterum alia scriptura, Joan. 1. v. 12. Quosquos autem receperunt eum, dedit eis potestatem filios Dei fieri. Si per Christi merita sunt Dii, certe non sunt sicut ipse substantialiter, unde Joannes ibidem v. 14. subdit : Verbum caro factum est. Quibus verbis fecerit Christi divinitatem ab ea quæ iustis tribuitur per participationem.

Iterum

*Ierum urgent* : Christus suam probat divinitatem Judæis per locum mox adducendum. Sic enim Joan. 10. v. 35. eis loquitur : *Nonne scriptum est in lege vestra, quia ego dixi Dii estis? Si illos dixit Deus ad quos sermo Dei factus est, & non potest solvi scriptura : quem Pater sanctificavit & misit in mundum, vos dicitis : quia blasphemam.* Quod quidem argumentum non probaret Judæis Christum esse Deum, si locus David in probationem Divinitatis adductus, intelligeretur de Diis per participationem, sequeretur enim ex hoc quod Christus utique esset solum Deus per participationem, & tamen se dicebat Deum, propter quod Judæi volebant illum lapidare.

*Respondeo* distinguendo. Christus suam probat divinitatem auctoritate David argumentando ad hominem, & hoc a minori ad majus concedo : per argumentum a priori, nego. Judæi improperebant Christo eo quod se diceret Deum, dicebantque eum in hoc blasphemare. Sic enim habetur ibidem v. 33. *De bono opere, inquit Judæi Christo, non lapidamus te, sed de blasphemia : & quia tu homo cum sis, facis te ipsum Deum.* Duplici argumento propellit calumniam Christus. 1. Arguendo ad hominem, & retorquendo argumentum. Quare dicitis quia blasphemo me faciendo & dicendo Deum, cum secundum legem vestram, etiam justii dicantur Dii? Si enim sic nominantur, a fortiori ille dicitur Deus qui missus est a Patre eterno in mundum. 2. Suam probat auctoritate miraculorum divinitatem v. 27. *Si non facio opera Patris mei, nolite credere mihi.* v. 28. *Si autem facio : & si mihi non vultis credere, operibus credite, ut cognoscatis & credatis, quia Pater in me est, & ego in Patre.*

*Respondunt* : Ergo manet ex hoc ipso plures esse Deos. Probatur sequela. Christus est Deus, immo & Spiritus Sanctus, juxta illud Matth. 28. v. 19. *Baptizantes eos in nomine Patris, & Filii, & Spiritus Sancti* : Igitur sunt plures Dii : Confirmatur 1. Corinth. 8. v. 5. *Nam etsi sunt qui dicantur Dii, sive in celo, sive in terra : si quidem sunt Dii multi, & Domini multi* : Igitur ex Apostolo sunt vere Dii multi.

*Respondeo*, negando sequelam ; ad probationem distinguo : Christus est Deus verus, sed a Patre indistinctus, concedo ; distinctus, subdistinguo : personaliter, concedo ; essentialiter, nego : Vox Deus

est nomen substantiale significans essentiam ; unde, cum sit unica essentia in Patre, & Filio, & Spiritu Sancto, utique unus Deus est, juxta illud Christi, Joan. 10. v. 28. *Pater in Me est & Ego in Patre.* Et iterum alia Scriptura, ibidem v. 31, *Ego & Pater, unum sumus* : Idem dicendum de Spiritu Sancto. Sunt igitur tres Personæ, sed non tres Dii.

*Ad confirmationem*, distinguo ; & loquitur Apostolus secundum opinionem idololatrarum quos ipse confutat, concedo ; in alio sensu, nego : nam v. 4. immediate ante, dicit : *De esis autem quæ idolis immolantur, scimus quia nihil est idolum in mundo ; & quod nullus est Deus, nisi unus.* Et v. 5. *Nam etsi sunt qui dicantur Dii, sive in celo, sive in terra.* Quidam enim hæretici colebant Angelos ut Deos, juxta illud : *Siquidem sunt Dii multi & Domini multi* : v. 6. *nobis tamen unus Deus.*

*Rursus instant* : Qui dicuntur Dii in Scriptura, & filii Excelli, sunt unum cum Deo, sicut Christus unus est cum Patre suo ; sed illi sunt natura distincti a Deo, ut omnes conveniunt : Igitur Christus & Pater Coelestis sunt multi Dii essentialiter distincti. Probatur major 1. ex Joan. c. 17. v. 22. & 23. ubi Christus sic loquitur : *Claritatem quam dedisti mihi, dedi eis ; ut sint unum, sicut & Nos unum sumus*, 2. ex Apost. 1. Corinth. 8. v. 6. *Unus Deus Pater, ex quo omnia, & nos in illum.*

*Respondeo*, distinguendo. Sunt unum cum Deo, sicut Christus, quoad aliquid, concedo ; simpliciter omnimode, nego. In cap. 17. Joan. loquitur Christus de sua humanitate sanctificata per gratiam, quæ Patris fecit in omnibus voluntatem, & fuit unum cum Deo per unionem conformitatis : loquitur, inquam, Christus de se ut homine ; unde v. 3. dicit Patri : *Ego te sanctificavi super terram, opus consummavi quod dedisti mihi ut faciam.* v. 6. *Manifestavi nomen tuum hominibus quos dedisti mihi de mundo : tui erant ; & mihi eos dedisti ; & spiritum tuum servaverunt.* Postea rogat pro eis, maxime pro Discipulis, ut fortes sint, & perseverantes in fide, ut sint Deo per gratiam semper conjuncti ; unde sequitur v. 19. 20. 21. 22. & 23. *Ego sanctifico me ipsum ; ut sint & ipsi sanctificati in veritate ; non pro eis rogo tantum, sed pro eis qui crediderunt ; sunt, per verbum eorum in me, ut omnes unum sint, sicut tu Pater, in me, & ego in te, ut & ipsi in Nobis unum sint ;*

ut credat mundus; quia tu me misisti: & Ego claritatem quam dedisti mihi, dedi eis, ut sint unum, sicut & Nos unum sumus. At vero c. 10. loquitur solum de se, ut Deus est; & dicit v. 31. Ego & Pater unum sumus. Unde propter hoc Judæi volebant illum lapidare, quia se faciebat Deum simpliciter; alias nequidē cogitassent ei iniproperare.

*Instant.* Saltem tres sunt Dii in Trinitate: ergo, &c.

*Probat antecedens.* Eo modo Pater, Filius, & Spiritus Sanctus unum sunt, quo Spiritus, aqua & sanguis; nam 1. Joan. v. 7. habetur: Tres sunt qui testimonium dant in celo, Pater, Verbum, & Spiritus Sanctus, & hi tres unum sunt. Similiter & v. 8. Tres sunt qui testimonium dant in terra; spiritus, aqua & sanguis; & hi tres unum sunt. Sed Spiritus, aqua & sanguis distinguuntur essentialiter: igitur & Pater, & Verbum, & Spiritus Sanctus; alias comparatio non foret iusta: igitur sunt plures Dii.

*Respondet.* Eodem modo, distinguendo, & Pater, & Filius, & Spiritus Sanctus, magis unum sunt, quam aqua, sanguis & spiritus inter se unum sunt, concedo; & non sunt magis unum, nego: Voces, spiritus, aqua & sanguis assumuntur a Beato Joanne solum ut figura creata, ad explicandum Sanctissimæ Trinitatis mysterium. Sic explicat illum versum octavum Aug. 1. contra Maximinum hæreticum Ariarium c. 22. Figura autem & imago non idem est cum veritate. Aug. in libro de Civ. Dei, iterum illud explicat mysterium per fontem, in quo tria distinguit; nempe ipsum fontem, aquam, & aquæ motum seu eursum; & tamen ista tria unum sunt, inquit: Sic ipse Christus parabolis mysteria Regni celorum exponit. Terrena autem, quantumvis unum ad invicem nunquam ad unitatem essentialem, qualis est in Personis Sanctissimæ Trinitatis, accedere possunt.

*Opponunt adhuc.* Regimen mundi non minus admittit plures Deos, quam mysterium Sanctissimæ Trinitatis plures personas; ergo si bene admittuntur tres personæ pro isto, bene & pro isto possunt admitti plures Dii. Confirmatur. In regimine Imperii sæpius admissi sunt Collegæ; imo impræsentiarum quidam Ministri sunt pro re militari; quidam pro toga: igitur a simili potest admitti unus Creator & gubernator & Creator visibilium.

*Respondet,* negando paritatem. Utne enim Deus sufficit ad regimen mundi; si enim plures admitterentur, contrarium haberent mentem & voluntatem; quatenus essent in perfectionibus inæquales; unde inferior nunquam attingeret ad lumen, & ad sapientiam Supremi, & consequenter ad ejus in regendo voluntatem; sique pervertetur ordo universi: si vero admitterentur omnino æquales, jam non plures, sed unus esset Deus; unde repugnat manifeste pluralitas.

*Ad confirmationem;* nego etiam paritatem. Homines quippe sunt limitati; unde se solis non possunt regere unum aut alterum imperium; at vero pusillum & magnum fecit Dominus, & scit absque labore, quid in homine, quid in cæteris creaturis agendum & ordinandum; unde regit quietus, immotus omnia movet, ut dicit Sapiencia Proverb. 8. v. 30. & 31. Cum eo erant cuncta componens, & delibatur per singulos dies: videns in orbem terrarum, & delicta mea, esse cum filiis hominum.

*Tertullianus* eandem solvit objectionem libro 1. adversus Marcionem pag. 433. & sic respondet: Apud hos vis rationis, istius ipso termino plures Deos credi non sinit, quod nec duos illa regula unum Deum sinit, quia Deum id esse oportet, cui nihil adequetur, ut summo magno. Unum autem sit, cui nihil adequetur; Jam nunc duo summa magna, duo paria, cui opæ pretio, cui emolumento deputarentur? Quid inter fuit numeri, cum duo paria non differant uno? una enim res est, quæ eadem in duobus est. Etiam si plura essent paria, tantumdem omnia unum fuissent, nulla inter se differendo, quæ paria. Porro, si neutrum ex duobus altero distat, jam ut ambo summa magna, quæ Dei ambo, neutrum plus altero prestat, nullam rationem numeri sui ostendunt, præstantiam non habent.

*Rursus* eandem diffinit difficultatem ibidem. Jam ergo, si huius argumentationi locus dabitur, quid prohibet non dico & tertium & quartum Deum inducere, verum tot jam numero, quot & gentium Reges Deo datur, ejus hoc principaliter proprium est, nullius extrinseci capere comparationem. Hoc natura ipsa, si non aliquis Hæreticus vel ipse per Isaiam Deus concionabitur, cui me similibitis. Divinis forsitan comparabuntur humana: Deo non ita. Aliud enim Deus, aliud

aliud quæ Dei. Denique quod exemplo  
uteris Regis, quasi summi magni, vide  
ne jam non possis eo uti: Rex enim, etsi  
summum magnum est in suo folio usque  
ad Deum, tamen infra Deum: comparatus  
autem ad Deum excidet jam de  
summo magno translatio in Deum; hoc  
si ita, quomodo uteris hujus rei exem-  
plo ad Dei comparisonem? Quid nunc,  
si nec inter Reges plurifarium videri  
potest summum magnum? sed unicum  
& singulare apud eum scilicet, qui Rex  
Regum ob summam magnitudinem, &  
subjectionem cæterorum gradum, quasi  
culmen dominationis excipitur. Jam  
nunc duo summa magna, duo paria, cui  
operæ pretio, cui emolumento deputa-  
bitur? Quid inter fuit numeris, cum  
duo paria non differant uno? Ratio  
Tertulliani eo innititur principio, quod  
Deus sit summum magnum; duo autem  
simul esse summa magna profecto implicat.  
Et vero ubi duo, jam unum non est to-  
tum, adeoque nec summum magnum,  
quandoquidem numerus inducit perfectio-  
nem & divisionem & vacuitatem; vel si  
duo omnino paria supponantur, jam non  
duo, sed unum summum magnum, quia ubi  
æqualitas omnimoda, ibi certe eadem en-  
titivæ res est: Sum uteriori ratione con-  
firmat estatum idem Doctor, dicens adsci-  
tos ad universi regimen tanquam Deos, uni  
Supremo subijci necesse esse adeoque per  
inferioritatem a Divinitate deficere; uni,  
inquam, subijcerentur quoniam unus  
requiritur Supremus, qui suos mittat mini-  
stros, & placita ad bonum regimen signi-  
ficet; & sic cæteri Supremo inferiores esse-  
rent, quippe qui subditi, adeoque non Dii.

*Instans.* Justinus in Dialogo cum Tripho-  
ne; vocat Filium Dei, ministrum Patris  
Æterni; simili modo vocat & Tertullianus,  
l. contra Praxeam, c. 13. Igitur Filius  
Dei est Collega, immo minister Patris in  
gubernatione mundi: igitur possunt admi-  
ni plures Dii, quorum unus sit superior,  
& tamen omnes vere Dii, sicut Filius, licet  
Minister Patris; est tamen verus Deus.

*Respondeo.* 1. Filium esse consubstantia-  
lem Patri, unde Pater & Filius sunt unus  
Deus: nec Filius dicitur proprius minister  
Patris, non enim procedit ab eo, ut a  
causa & per dependentiam, sed solum  
improprie, in quantum missus ab eo, ip-  
sum manifestavit hominibus.

*Respondeo.* 2. distinguendo: Filius, ut  
incurtus, est minister Patris, conce-

do; unde secundum hoc dicitur minor Pa-  
tre, nec est inconveniens ut illi serviat,  
sicut cæteræ creaturæ: nam Deus utitur  
quidem ministris ad gubernandum mundum  
& Ecclesiam, sed ad magnificentiam, & non  
per indigentiam, suntque ipsi inferiores  
& non Dii; illos enim creat, juxta illud  
Psal. 103. v. 5. *Qui facis Angelos tuos  
spiritus, & Ministros tuos ignem urentem.*  
Filius Dei secundum se minister est Patris  
nego, & est sensus Patrum.

## SOLVUNTUR OBJECTIONES

*Manichæorum qui duo admettebant prima prin-  
cipia, seu duos Deos, alterum malum re-  
rum visibilibus Conditorum, alterum bo-  
num, Legis Evangelicæ Factorem, &  
beatæ vitæ largiorem.*

*Olim execrandus Manes, Manichæorum  
nefandus Princeps, duo induxit principia,  
bonum unum, alterum malum; id est,  
Deum unum bonum, bonorum omnium  
Auctorem, Deum vero malum rerum  
visibilibus Conditorum; hic ergo, ut refert  
Theodoretus l. 1. Hæc fab. duos ingenitos  
& æternos esse dixit, utique creaturas  
omnes sublunares esse malas, nec Deum  
bonum illarum artificem dici posse affirmavit.  
Illius deliria, fabulas, ineptalque nu-  
gas luculenter repressit Angustinus libro  
secundo contra Manichæos, capite vigesi-  
mo octavo, ubi etiam objectiones refert &  
solvit. Ante ipsum Tertullianus l. 2. ad-  
versus Marcionem, eandem adimplevit  
provinciam. Quoniam vero unitatem Dei  
inficiantur illi Hæretici, eorum placita hic  
texere simul & refellere necesse est.*

*Obijciunt.* Manichæi: Deus optimus  
non est hominis conditor; igitur alter  
illeque malus. Probat antecedens. Crea-  
tor fecit hominem peccabilem, immo &  
in peccatum, colapsurum sciebatur. Sed im-  
plicat Deum bonum, optimum & maxi-  
mum condere creaturam quam peccatum  
commissuram esse certo sciebat: igitur Deus  
optimus non est hominis Creator.

*Respondeo.* negando antecedens: ad pro-  
bationem distinguo: 1. Et Deus prævide-  
bat ex hominis lapsu multa bona even-  
tura, concedo; & nesciebat, nego.  
Porro ad summum pertinet Providorem  
suum manifestare & bonitatem & poten-  
tiam, bona pro malis rependo: ipse  
enim remedium hostis unde læserat su-  
binferre nec ignarus nec impotens fuit. Sic

respondet Augustinus : " Quia , inquit , & de peccante multa bona facere poterat , ordinans eum secundum moderamen iustitiæ suæ , & quia nihil oberrat Deo peccatum ejus ; siue non peccaret , mors nulli esset ; siue quia peccavit , alii mortales de ejus peccato corriguntur : nihil enim sic revocat homines a peccato , quemadmodum imminetis mortis cogitatio . "

*Instant .* Tamen si Deus fecerit hominem , ut non peccaret , attamen peccavit , & a suo aberravit Auctore : sed Deus , si bonus & potens , hoc ipsum præpedire debebat ; bonum quippe est sui diffusivum , maxime , si calleat potentiam qua contrarios quocumque suæ bonitatis impetus frangere possit ; ergo , &c .

*Respondeo* distinguendo . Deus fecit hominem , ut non peccaret , ita tamen , quod si vellent , posset decedere ad suæ libertatis ostensionem , concedo ; ita fecit , ut esset ad unum determinatus , nego . Voluit Deus hominem esse juris sui , suorumque actuum dominum , & per hoc Creatoris a quo processit , perfectam exprimit similitudinem : Quod igitur sit liber , gloria & honor summus affluet in Conditor ; quod vero deiciat , culpa est creaturæ . Solutio est Tertulliani , qui l. 2. adversus Marcionem , pag. 457. Edit. Parif. 1634. ad objectionem sic respondet : " Oportebat Deum cognosci ; bonum uti-

que & rationabile oportebat aliquid esse , quod Deum agnosceret : quid tam dignum prospici posset , quam imago Dei & similitudo ? & hoc bonum sine dubio & rationale . Oportebat igitur imaginem & similitudinem liberi arbitrii , & suæ potestatis institui , in qua hoc ipsum imago & similitudo Dei deputaretur ; arbitrii scilicet libertas & potestas , in quam rem ea substantia homini accomodata est , quæ huius status esset , ad statum Dei ; utique liberi , & suæ potestatis . " Augustinus ibidem paucis sed efficacissimis verbis solvit argumentum , dicens : Sic enim factus est homo , ut si nolisset , non peccaret .

*Rursus instant .* Si Deus visibilium creator esset bonus , non admisisset ad mulierem diabolum , qui illam inducendo in peccatum , perdidit , ergo , &c .

*Respondeo* distinguendo : Et Deus ea intentione , illoque scopo diabolum admisit ad mulierem , ut ejus probaret obedientiam , & meriti miteriam consisteret ,

concedo : admisit ea solum causa , ut ejus prævaricatione totum perderet genus humanum , nego . Deus , inquit Divus Jacobus , *intentator malorum est* , unde non perdere , sed virtute mulieris probare voluit , ut daretur locus & libertati exercendæ , & merito vitæ æternæ comparandæ . Audiendus est pro hoc momento Tertullianus qui ibidem occurrit difficultati , pag. 458 : " Tota ergo libertas arbitrii in utramque partem concessa est illi , ut sui dominus homo constanter occurreret , & bono sponte servando , & malo sponte vitando , quoniam & aliis positum hominem sub iudicio Dei oportebat illud efficere de arbitrii suis meritis , liberi scilicet . " Cæterum , nec boni nec mali merces , jure pensaretur ei , qui aut bonus aut , malus necessitate hoc esset inventus , non voluntate . In hoc & lex constituta , non excludens , sed probans libertatem de obsequio præstando , vel transgressione sponte committenda ; ita in utrumque exitum libertas patuit . " Augustinus ibidem facit satis instantiæ Manichæorum ; loquens enim de Eva subdit : *immo ipsa ad se diabolum non admitteret , sic enim facta est , ut si nolisset , non admitteret .*

*Instant* adhuc . Admittere diabolum ad mulierem , est illam facere malam , si quidem hoc fuit ipsi causa ruidæ & peccati ; sed ejusmodi opus a Deo optimo non est ; igitur præter Deum bonum , alter est mali conditor & auctor .

*Respondeo* disting. Admittere diabolum ad mulierem , est opus malum , si peccatum sub pena mortis non prohibeatur , bonum vero præcipiatur , concedo ; si diabolus admittitur , & Deus prohibeat malum sub pena mortis incurrendæ , bonum vero & obedientiam præcipiat , nego . Mulier est opus bonum quippe quæ sit ad imaginem Dei ; diabolus vero admissus est ad exercitationem tantum & probationem , unde si Eva peccavit , est per accidens , neque defectu Creatoris , qui condens naturam , etiam ad bonum operandum , elargitus est gratiam , Tertullianus egregiam hanc tradit solutionem ibidem pag. 464. *Quis , ait , boni auctor , nisi qui & exactor ? Proinde quis mali extraneus , nisi qui & inimicus ? Quis inimicus , nisi qui & expugnator ? Quis expugnator , nisi qui & purgator ? si totus Deus bonus est , dum pro bono omnia est .* Subscribit Augustinus ibidem : *Hoc est dicere , non fieret bonum quia & ipsa utique ( mulier ) aliquid bonum est , & tantum bonum , ut Apostolus eam gloriam viri esse dicat , & omnia ex Deo .*

Insti-

*Insufficiunt.* Angelus malus absque tentatione peccavit: igitur ordinante Deo: igitur Deus est auctor mali. Probatur consequentia. Angelus non potuit absque concursu Dei agere; igitur actio ejus mala in Creatorem refundenda est.

*Respondeo* distinguendo. Absque tentatione externa peccavit Satan, concedo; absque tentatione interna, nego. Forinsecus quidem nusquam tentatus est, Deus quippe intentator malorum est; verum intrinsecus fuit, non quidem aut a concupiscentia, aut a passione aliqua, cum utraque careret, nam & in iustitia originali, & gratia conditus fuerat; unde non a Deo, sed a seipso malus factus est. Ad probationem distinguo. Deus concurrit ad actionem malam, ut ens est, concedo; ut mala est, nego. Duo sunt in actu peccaminoso distinguenda, materiale scilicet & formale: materiale est actus vitalis & quid physicum, igitur bonum; ens enim & bonum converuntur, inquit B. Thomas, unde ex eodem S. Doctore, peccatum ut ens, est a Deo, quia bonum: formale, est privatio & deformitas ad regulas morum; sub illo respectu sane non est a Deo; quippe quod ut sic non habeat causam efficientem, ait Angelus scholæ, sed tantum deficientem. Solutio est Tertullianus qui ibidem pag. 458. sic loquitur: *Unde igitur malitia mendacii & fallacie in homines, & infamie in Deum? a Deo utique non, qui & Angelum ex forma operum bonorum instituit bonum.*

*Augustinus* suum addit solutioni datæ calculum ibidem. "Et iterum dicunt, quis fecit diabolum? seipse; non enim natura, sed peccando diabolus factus est. Vel ipsum, ajunt, non faceret Deus, si eum peccaturum esse sciebat, immo quare non faceret, cum per suam iustitiam & providentiam, multos de malicia diaboli corrigit? An forte non auditis Apostolum Paulum dicentem - *Quas tradidi satanæ, ut discant non blasphemare* . . . ergo, inquiunt, bonus est diabolus, quia utilis est; immo malus, in quantum diabolus est: sed bonus & omnipotens Deus est, qui etiam de malitia ejus multa iusta & bona operatur: non enim diabolo imputatur, nisi voluntas sua, qua conatur facere male, non providentia quæ de illo bene facit."

Quod autem peccatum non sit a Deo, nisi quatenus ens & materialiter, non in uno loco declarat sanctus ille Doctor; quip-

pe qui perpetuo & dicat & propugnet malum ut malum non habere causam efficientem, sed deficientem. Hoc ipsum iterum inculcat hic ibidem Manichæus; scribit enim omne ens quidem utpote bonum a Deo promanare; nusquam vero privationes & mala: pergit igitur, & sic revincit Hæreticos unitatem Dei debellantes: "Nos dicimus nullum malum esse naturale, sed omnes naturas bonas esse, & ipsum Deum summam esse naturam: cæteras ex ipso esse naturas, & omnes bonas in quantum sunt, quoniam fecit Deus omnia bona valde, sed distinctionis gradibus ordinata, ut sit aliud alio melius, atque ita omni genere bonorum universitas ista compleatur, quæ quibuscumque perfectus, quibuscumque imperfectis tota perfecta est; quam Deus effector, conditorque ejus iusto modamine administrare non cessat, qui omnia bona facit voluntate, nihil mali patitur necessitate."

*Persufficiunt.* Ipse Creator per Prophetas dicit: *Ego Dominus, & non est alter formans lucem, & creant tenebras; faciens pacem, & creans malum ego Dominus, H. 45. 7. Et Amos 3. 6. sic intonat: Si eris malum in civitate, quod non feceris Dominus. Igitur duo Dii; unus malus, & malorum auctor; alter bonus, & bonorum omnium fons & origo.*

*Respondeo* distinguendo. Deus est mali poenæ auctor & causa, concedo; mali culpæ, nego. Poena est bonum: summæ siquidem congruit iustitiæ iustis castigationibus compescere peccatores; unde nedum in hoc malus, sed potius & perfectissimus & sanctissimus. Eo prope modo hanc solvit inaniam hominum difficultatem Tertullianus ibidem pag. 464. his verbis: "Nos autem adhibita distinctione utriusque formæ, separatis malis delictis & malis suppliciis, malis culpæ & malis poenæ, suum cuique parti definitum auctorem: malorum quidem peccati & culpæ, diabolus; malorum vero supplicii & poenæ, Deum creatorem; ut illa pars malitiæ deputetur, ista iustitiæ mala contentis iudiciis adversus mala delicti: De his ergo Creator proficitur, malis quæ congruunt iudici; quæ quidem mala sunt; quibus rependuntur: cæterum, suo homine boni, qua iusta & bonorum defensoris, & delictorum iniurici, atque in hoc ordine Deo digni."



*Urgent.* Summam sapit severitatem, peccatum, quod momentanee delectat, æternis iisque gravissimis punire suppliciis: igitur tametsi Deus foret auctor mali dumtaxat poenæ, non bonus sed severissimus dicendus, & consequenter alius a Deo, qui est Pater misericordiarum, & Deus totius consolationis.

*Respondeo* distinguendo antecedentes: Hoc sapit severitatem justam, concedo; excedentem, nego antecedens & consequentiam: immo in hoc summa relucet sapientia & iustitia, cum Deus absque ulla personarum acceptatione, & absque delectu, dat unicuique secundum opera, vel de præmiis iis qui bona egerunt, vel de poenis iis qui mala. Neque vero contra iustitiam est peccatum mortale poenis punire æternis, quandoquidem offensæ est moraliter, propter Divinam Majestatem læsam, infinita; & ideo poena non excedit delictum. Nec in hoc iura bonitatis ullo modo supplicium lædit, ex quo patet ad eundem pertinere Creatorem, & iustitiam & bonitatem; maxime vero, cum Deus omnibus, nulli excepta, refertus sit perfectionibus; & ipsam spectet bonitatem contrarium sibi, quale est peccatum, supplicii propellere. Has omnes rationes egregie explanat Tertullianus ibidem pag. 464. "Quis boni auctor, nisi qui & exactor. . . . Quis expugnat, nisi qui & punitor? si totus Deus bonus est, dum pro bono omnia est.

"Sic denique omnipotens, qui & juvandi & lædendi potens. Minus est tantummodo prodesse, de ejusmodi qua fiducia bonum sperem, si hoc solum potest? Quomodo innocentie mercedem sefer, si non & innocentie spectem? Diffidam necesse est, nec alteram partem remuneretur, utramque non valuit, usque adeo iustitia etiam plenitudo est Divinitatis ipsius exhibens Deum perfectum & Patrem & Dominum: seu Patrem, clementia; Dominum disciplina, Patrem. potestate blanda Numinum; Dominum severa; Patrem diligendum pie; Dominum timendum necessarie; diligendum, quia malit misericordiam, quam sacrificium; & timendum, quia nolit peccatum, diligendum quia malit poenitentiam peccatoris, quam mortem, & timendum, quia nolit peccatores sui iam non poenitentes: ideo Lex utrumque definit: Diligens Deum, & timebis Deum. Alud obsecutori pro-

posuit, aliud exhortatori. Ad omnia tibi occurrit Deus idem percussiens, sed & sanans, mortificans, sed & vivificans; condens mala, sed & pacem faciens.

*Obijciunt* 2. Ille non est bonus qui est auctor Legis malæ; atqui Creator visibilium, est auctor Legis malæ, scilicet veteris, ergo, &c. Probatur minor. Ezechielis 2. 25. habetur: *Ego dedi eis præcepta non bona.* Ergo, &c.

*Respondeo* jam factum esse satis supra objectioni. Ad abundantiam juris;

*Respondeo* 2. negando minorem quoad secundam partem, videlicet Legem veterem esse malam, siquidem teste Propheta, est Lex immaculata, convertens animas, testimonium Domini fidei sapientiam præstans parvulis: tum quia multa habebat sacrificia, quibus homines Deum tanquam Creaturæ supremum agnoscebant Dominum. Hinc & ipse Deus ait populo Psal. 49. v. 9. *Non in sacrificiis tuis arguam te, holocausta autem tua in conspectu meo sunt semper.* Tum quia etiam Christum præludebat Redemptorem, juxta illud 1. Cor. 10. 7. *Hæc autem omnia in figura contingebant illis.* Cæterum Apostolus Rom. 10. 4. 5. Deum optimum Legis veteris Auctorem esse testatur.

*Ad probationem* distinguo: Præcepta Legis Moisaicæ non erant bona, hoc est, non dabant gratiam, sed solummodo per Christum dandam significabant, concedo: unde Joan. 1. v. 17. habetur: *Lex per Moysen data est, gratia & veritas per Jesum Christum facta est.* Non erant bona absolute; nego. Numquid non erat illud præceptum Deuteronomii 9. v. 4. & 5. *Andi Israel, Dominus Deus noster, Dominus unus est. Diliges Dominum Deum tuum ex toto corde tuo, & ex tota anima tua, & ex tota fortitudine tua.* Solutio est Divi Thomæ, hic articulo 10.

*Instant.* Illa Lex non erat bona, quæ erat occasio peccati: atqui sic erat Lex vetus; & probatur ex Paulo, qui Romanorum 7. v. 8. & 9. ait: *Occasione autem accepta, peccatum per mandatum operatum est in me omnem concupiscentiam; sine Lege enim peccatum mortuum erat.*

*Respondeo* distinguendo minorem. Lex vetus erat occasio peccati per accideos, concedo; per se, & ex natura sua, nego. Immo optima, & testimonium Domini fidele convertens animas. Et vero omnis terra corruperat viam suam, unde neces-

faria fuit Lex, quæ peccati & turpitudinem, & finem malum atque perditionem, ad deterrendos homines a flagitio edoceret. In hoc solum sensu operabatur peccatum, in quantum homines per eam instructi non habebant amplius excusationes in peccatis, unde ibidem Apost. v. 7. dicit: *Quid ergo dicemus, Lex peccatum est? alibi. Sed peccatum non cognovi nisi per Legem: nam concupiscentiam nesciebam, nisi Lex diceret: non concupisces.* In eodem sensu explicatur illud Romanorum 5. v. 20. *Lex autem subintravit, ut abundaret delictum.*

Iterum instant. Lex vetus erat mortifera, igitur nullo modo bona. Probatur antecedens 2. Cor. 3. 6. de illa sic loquitur Apostolus: *Littera enim occidit.* Ergo erat mortifera.

Respondeo negando antecedens, ad probationem distinguo. Littera materialiter sumpta occidit, concedo; formaliter spectata, nego. Cum Lex esset Christi figura, debebant Judæi illam explicare semper per ordinem ad Christum, a quo & spiritum vitæ, & gratiam per fidem accipiebant: sin minus occidebat; idest, mortui manebant in peccatis; unde ibidem Apostolus subiungit: *Spiritus autem vivificat.*

Insunt. Lex non vacabat culpa: igitur vere & in se erat mala. Probatur antecedens Hebræorum 5. v. 7. & 8. Apostolus ait novum Testamentum necessarium fuisse, quia vetus non vacabat culpa: *Nam si illud prius culpa vacasset, non utique secundum locum inquireretur.* Ergo, &c.

Respondeo distinguendo. Lex non vacabat culpa, idest, non erat perfecta, concedo; idest, mala erat, nego. Data est enim per Angelos in monte Sinai, ad erudiendum populum in justificationibus Dei. Tria quippe generis præcepta continebat, eaque optima, immo & sanctissima; alia scilicet moralia, quibus bonum præcipiebatur, malum vero prohibebatur; alia judicialia, quibus dignas pro prævaricatoribus poenas adscribebat; alia denique ceremonialis, quibus debitum Deo cultum indagabat. Hæc est genuina Apostoli mens, namque Hebr. 7. 19. dicit: *Nihil enim ad perfectum adduxit Lex.*

Urgent. Omnia opera Dei optimi sunt perfecta: ergo cum Lex non esset perfecta, utique tribui Deo bono non debet.

Respondeo distinguendo consequens. Lex vetus non erat perfecta per defectum negativum, concedo; per positivum, nego. Defectus positivus est peccatum, vel ali-

quid ad malum inclinans; negativus est privatio perfectionis non debita: Lex Moïsa non erat imperfecta primo modo, quandoquidem operari bonum, & declinare a malo præcipiebatur; sed secundo tantummodo, quatenus Legis novæ non habebat perfectionem: Sacramenta ipsius, inquit Concilium Florentinum, significabant solum gratiam; nostra vero & significant & continent, & digne suscipientibus conferunt: Esto igitur Lex vetus in se perfecta; sed comparatione ad novam, imperfecta: hoc est, minus perfecta: opera autem Dei non sunt æqualis perfectionis, ut sublimitas sit solius Creatoris, & appareat ipsius sapientia, quæ singulis dat ad mensuram, distribuens quod vult, & prout vult.

Perfistunt. Lex vetus permittit mala: igitur est imperfecta per defectum positivum. Probatur antecedens. Permittit 1. odium inimicorum, juxta illud Matthæi 5. v. 43. *Audistis, inquit Christus Judæis, quia dictum est: Diliges proximum tuum, & odio habebis inimicum.* 2. Deuteronomii 21. 19. *Uxorum pluralitatem.* 3. ibidem cap. 24. v. 1. *Eisdem libellum repudii dare:* 4. ibidem cap. 23. v. 19. *Ulfuras circa alienigenas:* Sed hæc omnia sunt mala: ergo, &c.

Respondeo distinguendo. Lex vetus permittit mala; ut quadam bona sunt, concedo; reduplicative ut mala, nego. Ad primum, nego Legem veterem permittere odium, nam Levitici 19. v. 18. habetur: *Non queras ultionem, nec memor eris injuriæ civium tuorum.* Ad Matthæi testimonium dico Christum redarguere falsam traditionem quorundam Rabinorum, qui inferebant male ex hoc quod Deus præcepit amare amicos, licitum esse odio habere inimicos; unde ibidem v. 44. *Ego autem dico vobis, inquit Christus, Diligite inimicos vestros, benefacite his qui oderunt vos.*

Ad pluralitatem uxorum, respondent Sancti Doctores Deum hoc permisisse ad propagationem generis humani promptiorem; Judæi enim sæpissime a variis Regebus captivi facti, magna ex parte peribant: porro eo ipso quo Deus, qui est omnium Dominus, permittit aliquid, jam non est malum.

Ad tertium distinguo. Et utique Deus permisit Judæis dare libellum repudii uxoribus, ne uxorem odio vel ira occiderent, concedo; Lex sine auctoritate Dei optimi hæc faciebat, nego. Idcirco propter bonum permisit repudium Moïses; permisit



misit quippe ad vitandum majus malum, unde Christus Matth. 19. 8., dixit Judæis: *Moses ad duritiam cordis vestri permisit, &c.*

Ad quartum distingo. Usuras permittebat Lex respectu alienigenarum, & in foro externo, ne graviora evenirent mali, concedo; in foro interno, nego. Non delinunt Theologi qui credant permissas fuisse usuras cum illis tantummodo alienigenis, qui vel Judæorum debitores, ut Ægyptii, vel terræ Chanaan Abrahamo, ab ipso Deo datæ & concessæ detentores erant: igitur Judæi habebant jus ad eorum hæreditates & bona, unde magis sua quam aliena uluris percipiebant.

Idem proportionali modo dicendum est de aliis nationibus, quibus famulati fuerant Hebræi, qui cum ab ipsis, aut nihil, aut saltem modicum pro labore acceperant, reliqua debita aliis modis potuerunt accipere.

Respondeo 2. ad argumentum ex uluris deproptum, Moisei non permisisse usuras Judæis, neque respectu fratrum, neque etiam respectu alienigenarum: si usura sumatur stricte pro lucro ex mutuo, absque alio titulo proveniente, sed tantummodo ut latissime sumitur, nimirum pro mercium venditione, majori pretio, maxime, cum pretium non actu exhibetur, dum merces dantur, sed ad tempus quoddam prefixum solvitur; quod quidem licitum esse nemo non novit: triplex enim a Theologis distinguitur pretium licitum, videlicet infimum, medium & supremum; ita tamen, ut istud non excedat justitiæ leges, quibus merces cum aliquo lucro vendi permittitur; cautum enim erat a Domino, ut non Judæi scernerent cum fratribus suis ad usuram, hoc est, ut ab eis lucrum supremum pro mercibus non exigerent, etiamsi ad tempus solutio differretur, bene vero ab alienigenis.

Quod autem usura in isto proflus sensu a Moise sumatur, patet ex multiplici Scripturæ loco, Deut. 33. sic loquitur Propheta Legislator: *Non scenerabis fratri tuo ad usuram pecuniam, nec fruges, nec quamlibet aliam rem, sed alieno; fratri autem tuo absque usura, id quo indiget, commodabis, ut benedicas tibi Dominus.* Lucè clarius apparet, ibi mentionem non fieri de usura stricte sumpta, quæ est lucrum ex pecunia mutuata proveniens, & hoc supra forem: quandoquidem loquitur Moises de fratribus, aliisque rebus ad vitam vel fovendam vel reparandam necessariis.

Rursus ibidem cap. 28., inter benedictiones

populo concessas, numerat Moises dare ad usuram alienigenis, quod certe intelligi non potest de usura stricte sumpta, quippe quæ sit contra Jus & naturale & divinum: *Si autem, inquit ad populum; audieris vocem Domini tui, ut facias, atque custodias omnia mandata ejus . . . venientque super te universæ benedictiones istæ . . . . . Benedictus tu in civitate, & benedictus in agro . . . Aperiet Dominus thesaurum suum optimum calum, ut tribuat pluviam terræ tuæ in tempore suo, benedictque cunctis operibus manuum tuarum, & scenerabis gentibus multis: & ipse a nullo sceneris accipies, hoc est, ita eris dives, ut in futurum poteris merces vendere alienigenis, & lucrum inde recipere optimum: Quod si audire nolueris vocem Domini Dei tui . . . advena . . . ipse scenerabis tibi, & tu non scenerabis ei: idest, omnibus bonis spoliatus, merces ab alienigenis supremo pretio accipere cogeris.*

Jam distingo, in forma, Moises permisit usuram late sumptam, concedo; stricte usurpatam, nego.

## SYNOPSIS PROBATIONUM.

*Constat ex Traditione ad Adam usque ad nos, unicum esse Deum.*

*Primo.* Quia in Pentateucho, & in cæteris veteris Testamenti libris sermo habetur de uno tantum Deo, maxime Deut. 6. 4. *Audi Israel, Dominus noster unus est.*

*Secundo.* Idem patet ex punitione populi, qui non semel propter idololatriæ scelus, in captivitatem duram traditus est.

*Tertio.* Eandem confirmat veritatem novum Testamentum, præsertim vero Marc. 12. 29. *Primum omnium mandatum est: Audi Israel, Dominus Deus tuus, Deus unus est.* Unde Tertullianus ait lib. 1. contra Marc. cap. 3. *Deus, si non unus est, non est.*

## SYNOPSIS SOLUTIONUM

### PRO OBJECTIONIBUS.

*Primo.* Verum est Deum in creatione loqui in plurali dicendo: *Faciamus hominem ad imaginem nostram:* Sed hoc tantummodo ad designandam vel Mæiestatem Creatoris, vel ad summum personarum pluralitatem.

*Secundo.* Non semel in Scriptura sacra mentio fit de pluralitate Deorum; sed observes, velim, benevole Lector, Scripturam

ram loqui modo de falsis Gentilium Numinibus, modo etiam de Justis qui quandoque dicuntur & Filii Dei, immo & Dii, sed per participationem.

*Tertio.* In iisdem sacris Scripturis sermo habetur de Deo, qui multorum malorum auctor est, & de Deo qui omnium bonorum est & causa & principium; sed & hoc non arguit plures esse in Sanctissima Trinitate Deos, idem enim Deus mala positiva ad iustam vindictam infligit peccatoribus, mala vero culpæ, quæ videntur in mundo, grassari permittit, sed eorum non potest esse principium.

*Quarto.* Lex vetus quandoque mala dicitur; sed sic intellige, hoc est, minus perfecta, nova siquidem & sanctior, & etiam multo efficacior, unde illa comparatione ad istam imperfecta vocatur; attamen in se sancta fuit: igitur a Deo optimo eam esse nihil vetat.

## ARTICULUS. SECUNDUS.

*Utrum constet auctoritate Miraculorum.  
unicum esse Deum?*

**D**EBELLAVIMUS, & refutavimus idololatrias auctoritate Scripturæ, sed quia non agnoscunt eam, contra eos agimus auctoritate triplici, quam recusare nequeunt. Primo quidem auctoritate miraculorum, quæ certe maxime convincit etiam pertinaciores & obduratos. Secundo auctoritate inter Gentiles doctissimorum, & etiam Sibyllarum. Tertio ipsa ratione. De primo momento impresentiarum agimus.

## CONCLUSIO.

*Ex multis miraculis in utroque Testamento patet constare, unicum esse Deum.*

*Miracula Veteris Testamenti, Unitatem Dei indigentia.*

Moses multa signa fecit ad gloriam Dei Israel; coegit idololatram Regem confiteri Dominum, & populum relaxare, ut sacrificaret in deserto: modo virgam Aaron convertit in colubum, & aquas in sanguinem, ut habetur Exod. 7.: modo produxit ranarum, deinde cynipum, postea muscarum inhiatam prope multitudinem, ut habetur Exod. 8.: modo possem in iumentis, plagam viscerum & grandinis, ut ha-

betur Exod. 9.: modo locustas, quarum non erat numerus, & densissimas tenebras, ut habetur Exod. 10.: modo primogenita Egypti ab homine usque ad pecus, Angelo vindice, peremit; ut sciret Rex, quoniam unus est Deus super omnes Deos inanes & constables, ut habetur Exod. 12.: Quibus portentis commotus tyrannus, dimisit populum, ut legitur versu 31. ejusdem capituli: *Vocatisque Pharaon Moise & Aaron, nocte, ait, Surgite & egredimini a populo meo, vos & filii Israel: ite, implete Domino, sicut dicitis. Non dicit Domino vestro, sed Domino, agnoscens quod unus solus sit Deus & Dominus.*

Sed & cum populus pervenisset in Marā, nec aquas præ amaritudine earum bibere posset, Moise ad Dominum clamante, aquæ in dulcedinem versæ sunt, Exod. 15.: Sic ipso adhuc orante, cœli distillaverunt manna in deserto Sinai, Exod. 16. Sic percussus petram, eduxit aquas, Exod. 17.: Ut his omnibus sciret Israel, quoniam non est alius Deus præter Dominum.

Josue Duce, Israel siccatum miraculo Jordanem transiit; ita Jos. 3., post varios septem dierum circuitus coram arca sedentis, ruit muri urbis Jericho, captaque civitas funditus deletur, ut inde discat populus ad idololatriam pronus, unicum esse Deum, ut legitur Jos. 6. *Sitque civitas hæc anathema, & omnia quæ in ea sunt, Domino.*

Gedeon jubente Domino, cum trecentis solum viris, Madianitarum exercitum, licet prægrandem penitus subvertit, sic enim habetur Jud. 7. v. 7. *Ait Dominus in trecentis viris qui lambuerunt aquas, liberabo vos, & tradam in manu tua Madian.* His prodigiis Israelitarum fides in unicum Deum confirmabatur, unde illum, Dominum exercituum, & sortem in prælio appellabant.

David adhuc adolescens prævaluit in funda & lapide adversus Philistæum Gigantem, qui laudans Deos suos, exprobrabat Deo venti. Lib. 1. Reg. 17. v. 45. *Irruens enim in eum, dixit: Ego venio ad te in nomine Domini exercituum, Dei agnium Israel.*

Elias quinquagenarium Principem missum ad se Gehoziam Regem idololatram qui Belzebub consuluerat super agritudine sua, igne e celo delapso, occidit; ut sciret Rex quod unus sit Deus, in quo solo debet homo ponere spem suam; sic enim refertur lib. 4. Reg. cap. 1. v. 10. *Respondensque Elias dixit quinquagenario, si homo Dei sum, descendat ignis de celo, & devoret te, & quinquaginta duos.*

*Elihu*

*Eliseus* Naaman Principem Regis Syriæ, mundavit a lepra, præcipiendo in nomine Dei Israel, ut lepties se levaret in Jordane, qui postea, relicto idolorum cultu, confessus est unum Deum. Lib. 4. Reg. cap. 5.

*Cyrus*, licet idololatra, cœlitus tamen inspiratus, restituit vasis domus Domini, Templum ad honorera unius veri Dei reedificari concessit, populumque Israeliticum a captivitate relexavit. Lib. 1. Esdræ, cap. 1.

*Darius* Decretum Cyri pro reedificatione Templi veri Dei, non sine novo miraculo, executioni jussit mandari, & sumptus ad id necessarios suppeditavit. Ibid. cap. 6.

*Artaxerxes* Longimanus licentiam fecit Judæis iterum restaurandæ Jerusalem, pacificæque colendi Deum. cœli. Lib. 2. Esdræ, cap. 2.

*Judith* a Domino confortata abscondit Holoternis caput, qui inique Deum Hebræorum spreverat, hocque insigni facto, mulier fortis in nomine Domini patriam suam liberavit. Judith cap. 5.

*Esther* supplici prece, sollicitato Deo, apud Astnerum gratiam inveniens, in caput superbientis Aman, qui gentem suam delere statuerat, supplicium convertit. Esther cap. 7.

*Daniel* varia refert miracula, quibus ipse Imperatores idololatæ adstricti sunt unum agnoscere Deum omnipotentem.

Primum miraculum fuit in fornace Babylonica, in quam tres pueri statum Nabucodonosoris adorare renuentes, ligatis manibus pedibusque, vivi missi sunt, quos Deus incolumes servavit, mirante Rege, qui ait: *Benedictus Deus eorum, Sadrach videlicet, Misach & Abdenago, qui misit Angelum suum, & eruit servos suos, qui crediderunt in eum. Et verbum Regis mutaverunt, & tradiderunt corpora sua, ne servirent & adorarent omnem Deum, excepto Deo suo. Ane ergo positum est hoc Decretum, ut omnis populus, tribus & lingua, quæcumque locuta fuerit blasphemiam contra Deum Sadrach, Misach & Abdenago, dispereat, & domus eius vastetur, neque enim est alius Deus qui possit ita salvare.* Dan. cap. 3.

Secundo est respectu ipsiusmet Danielis, qui invidia idololatrarum in lacum leonum missus, eo, quod statutis diebus Dominum coluerat; inde illæsus exivit, ejus vero accusatores in lacum projecti, statim leonum dentibus dilanati; quo perfecto miraculo; *Darius* Deo Israel, quem solum omnipotentem fateatur, publicam tribuit

laudem; sic enim habetur cap. 6. *Tunc Darius Rex scripsit universis populis, tribus & linguis, habitantibus in universa terra. Pax vobis multiplicetur: A me constitutum est Decretum, ut in universo Imperio & Regno meo, tremiscant & paveant Deum Danielis, ipse enim Deus vivens & æternus in secula, & Regnum ejus non dissipabitur, & potestas ejus usque in æternum; ipse liberator atque salvator, faciens signa & mirabilia in cælo & in terra, qui liberavit Danielem de lacu leonum.* Simile etiam miraculum ad ejusdem rei probationem, legitur in capite 14. Danielis.

*Machabei* varias contra impium Antiochum solius Dei ope, victorias miraculose reportaverunt; Judas enim Machabeus Nicanorem devicit, interfectis de ejus exercitu, una cum Timotheo & Bacchide, plusquam 29000. hominum, ita ut Nicanor solus effugies prædicaret Judæos Deum habere protectorem. Ita lib. 2. Mach. 8. v. 36. *Et qui promiserat Romanis se tributum restituere de captivitate Jerusalemorum, pædicabat nunc protectorem Deum habere Judæos, & ob ipsum invulnerabiles esse, eo quod sequerentur Leges ab ipso constitutas. Quas Leges, nisi quia tuebantur fidem unius Dei contra plurimet inanium Deorum quos Rex cum suis colebat?*

*Antiochus* persecutorum omnium crudelissimus, Machabeorum Fatrum, una cum matre, in odium Religionis unius veri Dei sanguine atrociter effuso, divina persequente justitia, intolerabilibus viscerum doloribus exagitatus, & vermibus scatenis, horridum foetorem undequaque emittens, inutili prece Deum, quom contempsit, invocavit, nam, ait Scriptura lib. 2. Mach. 9. 12. *Cum nec ipse jam factorem suum ferre posset, ita ait: Justum est subditum esse Deo, & mortalem non parva Deo sentire; orabat autem hic scelestus Dominum, a quo non esset misericordiam consecutus: igitur liquet ex his tot tantisque miraculis unum esse Deum.*

*Divus Augustinus* idem urget argumentum contra Athens, magnalia a Deo in veteri Testamento compendiose recenset lib. 21. de Civ. c. 8. Non injucundum erit verba hic ejusdem S. Doctoris subtexere, quibus probat miraculo omnium maximo Deum Leges naturæ, a creatione licet affixas, nonnunquam ad nutum immutare, ut sciant gentes, quoniam ipse est Deus, nec alius præter eum; audiatur igitur Augustinus qui sic loquitur pag. 628. Edit. novi

K 2 "Quid

" Quid tam ratis legibus fixisque firma-  
 " tum? Et tamen quando ille voluit, qui  
 " summo regit imperio ac potestate quod  
 " condidit, stella præ cæteris magnitudi-  
 " ne atque splendore notissima, colorem,  
 " magnitudinem, figuram, & quod est  
 " mirabilius, sui cursus ordinem legem-  
 " que mutavit: Turbavit profecto tunc,  
 " si ulli jam fuerunt canones Astrologo-  
 " rum, quos velut inenarrabili computatio-  
 " ne de præteritis ac futuris astrorum mo-  
 " tibus conscriptos habent, quos canones  
 " sequendo, ausi sunt dicere hoc quod de  
 " Lucifero contigit, nec antea nec postea  
 " contigisse. Nos autem in divinis Libris  
 " legimus etiam solem ipsum & stetitisse,  
 " cum hoc a Domino Deo petivisset vir  
 " sanctus Jesus-Nave, donec ceptum præli-  
 " um victoria terminaret; & retrorsum  
 " rediisse, ut Regi Ezechia quindecim ani-  
 " ni ad vivendum additi, hoc etiam pro-  
 " digio promissioni Dei significarentur ad-  
 " juncti: sed ista quoque miracula, quæ  
 " meritis sunt concessa Sanctorum, quando  
 " credunt isti facta, magicis artibus tribu-  
 " unt; unde illud est quod superius com-  
 " memoravi dixisse Virgilium sistere aquam  
 " fluxu, & vertere sidera retro. Nam &  
 " fluxum stetitisse superius, inferiusque flu-  
 " xisse, cum populus Dei, ductore supra  
 " memorato Jesu-Nave, viam carperet, &  
 " Elia Propheta transeunte, ac postea Di-  
 " scipulo ejus Eliseo, id esse factum in sa-  
 " cris Litteris legimus; & retro versum  
 " fuisse maximum sidus, regnante Ezechia,  
 " modo commemoravimus.

Quoniam vero increduli, ut notavit Au-  
 gustinus, miraculis virtute gratiæ patris  
 idem adhibere renuunt, tria alia mome-  
 ta, sed mira ordinis quidem naturalis, quæ  
 præ omnium oculis sunt, recenset S. Do-  
 ctor, ut Deum negare erubescant. Primum  
 petit ex vultus dissimilitudine, quæ non  
 sine miraculo quodam stupendo, in singu-  
 lis conspicitur hominibus. Alterum est de  
 infelici & maledicta terra Sodomorum,  
 quorum Urbes ab initio amœnitatem jucun-  
 dissimæ, nunc exustione & putredine om-  
 nibus exosæ sunt. Tertium de jugi sæ-  
 cunditate terræ, quæ & herbam virentem  
 & lignum promiferum, & lætas segetes li-  
 beraliter ad usum hominum jumentorum-  
 que proferre non desinit; quod sane, tam-  
 met si continuum, non cessat esse prodi-  
 gium; igitur ubique & miracula & por-  
 tenta Dei optimi existentiam mirum in  
 modum indignant.

De primo ibidem sic loquitur Augusti-  
 nus, & incredulos increpat pag. 628. E-  
 dit. novæ: " Cur non ergo de notitia na-  
 " turarum calignem sibi faciant infideles,  
 " quasi non possit in aliqua re divinitus  
 " fieri aliud, quam in ejus natura per  
 " humanam suam experientiam cognove-  
 " runt, quamvis & ipsa quæ in rerum  
 " natura omnibus nota sunt, non minus  
 " mira sint; essentque stupenda conside-  
 " rantibus cunctis, si solerent homines mi-  
 " rari mira nisi rara. Quisenim, consulta  
 " ratione, non videat in hominum innu-  
 " merabili numerositate, & tanta naturæ  
 " similitudine, valde mirabiliter sic habe-  
 " re singulos singulas facies, ut nisi inter  
 " se similes essent, non discernerentur  
 " species eorum ab animalibus cæteris?  
 " & rursus, nisi inter se dissimiles essent,  
 " non discernerentur singuli ab homini-  
 " bus cæteris? Quos ergo similes confite-  
 " mur, eosdem dissimiles invenimus; sed  
 " mirabilior est consideratio dissimilitudi-  
 " nis, quoniam similitudinem justius vi-  
 " detur exponere natura communis: Et  
 " tamen, quoniam quæ sunt rara, ipsa  
 " sunt mira, multo amplius admiramur  
 " quando duos ita similes reperimus, in  
 " in iis discernendis aut semper, aut fre-  
 " quenter erremus.

De secundo pag. 629. sic prosequitur: " Terra  
 " Sodomorum non fuit utique ut  
 " nunc est, sed jacebat simili cæteris facie,  
 " eademque vel etiam uberiore sæcundita-  
 " te pollebat; nam Dei Paradiso in divi-  
 " nis Eloquentiis comparata est: Hæc post-  
 " quam facta de Cælo est, sicut illorum  
 " quoque adestatur Historia, & nunc ab  
 " eis qui veniunt ad loca illa conspiciunt,  
 " prodigiosa fulgine horrori est, & poma  
 " ejus interiori favillam mendati super-  
 " ficie maturitatis includunt. Ecce non e-  
 " rat talis, & talis est: ecce a Conditor  
 " naturarum natura ejus in hanc fœdissi-  
 " mam diversitatem mirabili mutatione con-  
 " versa est; & quod post tam longum ac-  
 " cidit tempus, tam longo tempore perse-  
 " verat. Sicut ergo non fuit impossibile  
 " Deo, quas voluit instituire, sic ei non  
 " est impossibile, in quidquid voluerit,  
 " mutare naturas.

De tertio momento multa profert idem  
 sanctus Doctor tract. 24. in Joannem;  
 explicans enim miraculosam panis bordea-  
 ces multiplicationem pro alendis turbis  
 sic effatur: " Miracula quæ fecit Domi-  
 " nus noster Jesus-Christus, sunt quidem

" di-

divina opera, & ad intelligendum Deum de visibilibus admonent humanam mentem: quia eum ille non est talis substantia quæ videri oculis possit, & miracula ejus, quibus totum mundum regit, universamque creaturam administrat, assistentia viluerunt; ita ut pene nemo dignetur attendere opera Dei mira & stupenda in quolibet leminis grano. . . . Majus enim miraculum est gubernatio totius mundi, quam saturatio quinque millium hominum de quinque panibus: & tamen hoc nemo miratur. Illud mirantur homines, non quia majus est, sed quia rarum est. Quis enim & nunc pascit universum mundum, nisi ille qui de paucis granis segetes creat? . . . . habent enim, si intelligantur, linguam suam. Igitur ex Augustino cuncta annuntiant & existentiam & gloriam Dei: igitur vere insipiens est qui dicit in corde suo: Non est Deus.

*Miracula Novi Testamenti, ad gloriam unius Dei facta.*

Christus ipse fuit inter omnia miracula maximum, quippe qui natus ex B.B. Virgine, omnibus beneficiando pertransierit: modo cæcos illuminabat: modo leprosos mundabat: Quæ quidem omnia signa atque portenta patrabat, ut unum hominibus manifestaret Deum, sic enim habetur Joannis 17., vers. 3. *Hæc est, inquit Christus, vita æterna, ut cognoscant te solum Deum verum.* Ibidem v. 6. *Pater . . . manifestavi nomen tuum hominibus quos dedisti mihi de mundo.* Ibidem v. 4. *Ego te clarificavi super terram: opus consummavi quod dedisti mihi ut faciam.* Postea concludit v. 25. & 26. his verbis: *Pater juste, mundus te non cognovit; ego autem te cognovi; & ii cognoverunt quia tu me misisti; & nomen feci eis nomen tuum, & notum faciam, ut dilectio qua dilexisti me, in ipsis sit, & ego in ipsis.*

Stephanus a Judæis comprehensus, eo quod prædicaret Christum esse Deum, stans in medio Doctorum, susum habuit sermonem de pacto Dei cum Abraham, probans Deum unum esse, Christum vero ipsi consubstantialiorem agnoscendum; tunc, ut enarrat Scriptura, aperti sunt cæli, & ipse Stephanus vidit Jesum stantem a dextris virtutis Dei; sic enim habetur Actuum 7. v. 55.: *Cum autem esset plenus Spiritu Sancto, intendens in cælum, vidit gloriam Dei, Boucat Theol. Tom. I.*

*& Jesum stantem a dextris Dei.* Idem percelebris Levita multa signa fecit & prodigia ad probandum unitatem Dei, & Christi cum Patre consubstantialitatem, ut legitur ibidem cap. 6. v. 8.: *Stephanus autem plenus gratia & fortitudine faciebat prodigia & signa multa in populo.*

Petrus tot & tanta pro eadem veritate comprobanda faciebat, ut ipsius umbra ad morbos sanandos etiam sufficeret, juxta illud Actuum 5., v. 15. *Ita ut in plateas ejicerent infirmos, & ponerent in lectulis ac grabatis, ut veniente Petro, saltem umbra illius obumbraret quemquam illorum, & liberarentur ab infirmitatibus suis.* Quid dicam de cæteris Apostolis qui Gentilibus duo ista fidei puncta, scilicet Unitatem Dei, & Christi Divinitatem, atque cum Patre consubstantialitatem sequentibus signis prædicabant & confirmabant? Ibidem enim habetur v. 12. *Per manus autem Apostolorum fiebant signa & prodigia multa in plebe.*

Martyres utique infinita prope miracula ad illa momenta defendenda coram idololatriis patragunt, ut eos ad Christi fidem, & unius Dei confessionem tandem aliquando perducerent. Revera quidem quot vexatos a demonibus liberarunt? quot desperata sanitate curaverunt? quot e inortuis ad vitam precibus & meritis evocarere? & ut omnia paucis complectar, sapientia Philosophorum paupertate & simplicitate Piscatorum devicti sunt; furor Tyrannorum cessit patientiæ unum evangelizantium Deum; Crux in fronte Regum, inquit Augusti, subversis idolorum templis, rutilat; miratus est orbis idololatra se esse Christianum, & unius Dei cultorem. Sanguis Martyrum, o miraculum miraculorum! fuit, inquit Tertullianus, semen Christianorum. Quot Martyres, tot miracula & prodigia, seu tot voces conclamantes: Unus Deus est: Aufferite hinc idola: Projicite post tergum Deos alienos.

Hæc omnia breviter explanat S. Cyprianus in epistola ad Martyres & Confessores: "Quibus ego vos laudibus prædicem fortissimi Martyres? robur periculis vestris, & perseverantiam fidei; tolerantis usque ad consummationem gloriæ durissimam questionem; nec cessis supplicis, sed vobis potius supplicia celesunt; finem doloribus, quem tormenta non dabant, coronæ dederunt. Laniena gravior diu perseveravit, non ut stantem fidem dejiceret, sed ut homines Dei ad Deum velociter

mitteret. Vidit admirans præsentium multitudinem cæleste certamen, certamen Dei, certamen spirituale, prælium Christi: stetit servos ejus voce libera, mente incorrupta, virtute divina, telis quidem secularibus nudos, sed armis fidei ardentis armatos. Steterunt torti tormentibus fortiores; & pulsantes ac laniantes ungulas, & pulsata ac laniata membra vicerunt. Inexpugnabilem fidem superare non potuit levius diu plaga repetita, quamvis, rupta compage viscerum, torquerentur in servis Dei, jam non membra, sed vulnera. Fluebat sanguis qui incendium persecutionis extingueret, qui flammæ & ignes gehennæ glorioso cruore sopiret.

Igitur est unus Deus: tot miracula & stupenda prodigia hanc confirmarunt veritatem: testimonium ex inimicis pluries, ex ore ipsorum. Regum idololatrarum & tyrannorum ad hoc habemus: & fides Christi qui est unius filius Dei viventis per totum orbem diffusa, mirum in modum prædicat.

### SOLVUNTUR OBJECTIONES.

**Obijciunt** idololatræ. Miracula patrata sunt multis a magis Pharaonis pro cultu falorum Numinum; nam & produxerunt serpentes, sicut unum produxerat Moyses, convertendo virgam Aaron in colubrum, ut habetur Exod. 7. igitur miracula non opponuntur pluralitati Numinum.

**Respondeo** distinguendo. Miracula falsa patrata sunt a magis Pharaonis, concedo: vera, nego. Enimvero adduxerunt ope & arte daemonum serpentes coram Pharaone, sed non produxerunt, sicut fecit Moyses; vel etiam dici potest, fascinatæ & illius spectantium oculis, apparuisse serpentes. Ad omnipotentem quippe solum pertinet convertere unam substantiam in alteram: Porro Moyses virtute Dei omnipotentis instructus miraculose verum, potuit producere colubrum; sed non idem dicendum de magorum operatione. Cæterum, prævaluit serpens a Moise productus, & cæteros devoravit; quod certe fuit magnum argumentum Deum cæli dominari demonibus, nec esse alium præter se Deum. Ita habetur ibid. v. 12.

**Instat.** Atqui magi Pharaonis vera patraverunt miracula in testimonium plurimum Deorum, ergo, &c. Probatum subsumptum. Convertere unam substantiam in alteram,

est verum miraculum; sed magi & malefici Pharaonis converterunt aquas fluminum in sanguinem, ut ibid. c. 7. habetur: igitur fecerunt vera miracula; cum enim hæc fecisset signa Moises super aquas fluminum & paludum, additur v. 22. *Feceruntque similiter malefici Egyptiorum incantationibus suis, & induratum est cor Pharaonis.*

**Resp.** nego subd. ad prob. dist. Fecerunt similiter apparenter, adhibendo colorum aquis, quod fit naturaliter, concedo; quis enim colorem non addat aquæ projiciendo ligna vel aliquod minerale, ut artifices quotidie faciunt? quis etiam corpus corruptum projiciendo in aquas, etiam ipsas corrumpere non valeat? sic fecisse Pharaonis magos, nemo, si attendat, diffidit. Aquas per veram substantiæ immutationem converterunt in sanguinem, sicut fecerat Moyses, nego. Virtus quippe divina ad tantum prærequiritur miraculum. Verum non unum istud, sed alia permulta signa patravit Legislator mirabilis, quæ incantatores nequidem adumbrare potuerunt. Unde prævaluit auctoritas Dei viventis super idololatræ, maxime super Pharaonem, qui cum exercitu sepultus est in mari rubro: aquæ enim a dextris & a sinistris steterunt stupendo miraculo, ut filii Israel sicco vestigio transirent mare; ipse vero aquæ fluentes sicut prius, suis operuerant fluctibus & Pharaonem & ejus exercitum.

**Respondeo** 2. Potuisse magos, Deo permittente, facere aliqua miracula ad majorem sui nominis exaltationem, nempe ut a Moise servo suo vincerentur, & ipse major agnosceretur omnium Dominus. Sic permisit Balaam prædicare Messiam, qui utique ut populo Israelitico malediceret, missus, quamvis quodammodo inivitus, mutata desuper voluntate benedixit, Num. 22. Adde magos non potuisse interpretari somnium Pharaonis, ut legitur Genes. c. 41. nec utique somnium Nabuchodonosor, ut legitur Daniel. c. 4. quod quidem validissimum est argumentum, magos non habuisse virtutem patrandi vera miracula.

**Obijciunt** 2. Stephanus fecit signa & prodigia magna in populo; per manus Apostolorum utique fiebant, ut dictum est: Sed hæc non probant unitatem Dei, quandoquidem similia Anti-Christus facturus est, ut in errorem, inquit Apostolus, fieri potest, inducat etiam electos. Ita enim habetur 2. Thessal. 2. v. 9. *De au-*

tichristo : cuius est adventus secundum operationem satanæ , in omni virtute & signis & prodigiis . Igitur miracula non probant unitatem Dei .

*Respondeo* distinguendo . Antichristus faciet signa , sed non miracula vera , sicut fecerunt Stephanus , & Apostoli , concedo ; signa vera & miracula , nego . Tria distinguenda sunt , prodigium , mirum , & miraculum ; prodigium seu portentum , est quod raro evenit , & est insolitum , ut cum mare evomit globulos igneos . Mirum illud est , quod superat radiorum captum & mentem , ut cum aliquis brevi tempore multas acquirit scientias , quas & pari facilitate reducit ad praxim . Miraculum est , quando aliquid fit per immutationem substantiæ , ut cum ignis contra naturam non urit : sic in fornace non læsit sanctos Pueros . Omne quod est naturaliter factibile , faciet ope demonum antichristus , sed non immutando naturam ; adeoque nullum verum miraculum : quia tamen hæc erunt insolita , in errore inducet multos . Ita ait Apostolus , qui ibidem subiungit : *In omni virtute , & signis , & prodigiis mendacibus , & in omni seductione iniquitatis , iis qui pereunt* . Herodotus lib. 5. , mentionem facit de falsis miraculis patratis Athenis a mimis , qui super carbonem ardentes deambulabant : refert utique magos seduxisse plurimos . Teste Athenæo lib. 1. cap. 16. , sapientes irridebant illos qui fidem aliquam adhibebant mimis : ii , teste Varone , oleo vel aliquo alio medicamento , plantam pedum ungebant , ita ut sine offendiculo , ignem calcarent & premerent ; ab ipsis igitur pagani habemus magos phantastica pertrasse miracula .

*Obijciunt* 3. Prophetia magnum dicitur donum , non enim fide miraculo ventura aliquis prædicare potest : atqui tale donum apparuit utique in malis , nempe in Balaam falso-propheta , ut legitur Num. 23. vers. 9. & 10. In Saule , ut refertur primo Regum 10. In ipso impio Caipa , ut legitur Joann. 11. : igitur nullum potest erui & ex miraculis & ex signis , ab improbanda Dei unitate argumentum . Confirmatur . Dæmonia reddebant oracula quibus utique futura nonnumquam prænuuntiabant : Igitur Prophetiæ ad confirmationem unitatis Dei , aut nihil , aut modicum inserviant .

*Respondeo* distinguendo minorem . Prophetiæ donum fuit in malis ad veritatis argumentum , concedo ; ad falsitatem , nego . Dracones enim & abyssi benedicunt

Domino ; ipsi *dæmones* , ut in Evangelio legitur , confitentur Christum : Balaam vir nequam propheta quidem , sed ad benedictionem populi Israelitici , cui tamen maledicere volebat : Saul etiam inter Prophetas , ad ostensionem potentie Dei qui utitur creaturis absque indigentia , ad quod vult , & quomodo vult : Caiphas utique propheta , Joann. 11. 50. *Expedit vobis ut unus moriatur homo pro populo , & non tota gens pereat* . In hoc quoque veritas magis probatur , cum etiam impii laudem Deo dicere , ejusque magnitudinem confiteri teneantur : est usque nunc non est auditum aliquem vera pertrasse miracula pro errore & mendacio comprobando . Ad confirmationem dico , fallacia futilis Gentilium & oracula & augures . Plutarchus de oraculorum defectibus , refert , Lyfandrum Lacedæmoniorum Ducem voluisse pecunia corrumpere Delphicum oraculum , ut sibi faveret , & fausta pro eo prædiceret . Diosdorus Siculus lib. 15. , scribit oracula fuisse apud multos in fabulam . Herodotus l. 6. asserit Cræsum ingemuisse , & obmurmurasse , eo quod ab oraculo Delphico non semel fuisset illusum , quamvis eius templum multis decorasset muneribus . Nonnulli refertunt Gentiles habuisse viros potentes , qui mortuos ad vitam evocare volebant ; sed hoc verisimile non apparet : enimvero , si illi tantam habuissent auctoritatem , cur secessantes non habuerunt ?

*Opponent* 4. Miraculum est argumentum extrinsecum rei , unde nihil probat ; quandoquidem erectio paralytici & claudicantis , verbi gratia , nullam habent connexionem cum unitate Dei : igitur non potest hoc argumento probari neque a priori , neque a posteriori unitas Dei : tum quia hoc est petere principium ; siquidem idololatæ nullum agnoscut verum miraculum a nobis laudatum : nullas quippe recipiunt Scripturas : immo Gentiles artifice Martyrum miracula tribuere non semel ausi sunt .

*Respondeo* distinguendo . Miraculum est argumentum extrinsecum , & illative suadens virum probum & prudentem , concedo ; & non fudens ullo modo , nego . Miraculum quidem de se naturalem non habet respectu nostri : cum Divinitate connexionem , maxime , cum sit supra caput humanum ; quomodo enim sine fide cognosci potest , lutum , quo livit oculos cæci nati Christus , habere connexionem cum visione & cum Divinitate ? Si tunc

homo sensatus consideret non dari viribus naturæ a privatione regressum ad habitum; cæcum a natiuitate non posse sola ope humana visum recuperare; lutum de se nullam habere ad hoc virtutem amicam, sed potius contrariam, inferet hominem talia signa patrantem, esse pliusquam hominem: jam vero si dicatur illi Thaumaturgum hanc a Deo uno habere potestatem, inferet esse de facto unum Deum, cui omnia obediunt; unde & si quidam ex cæcitate voluntaria irrideant, lux enim quandoque ex indispositione subiecti, tamen suum emittit fulgorem, contra naturam obæcat; eo prope modo lux Christi perfidos obæcavit Judæos, juxta illud Joan. 1. 6. *Lux in tenebris lucet, & tenebræ eam non comprehenderunt* . . . .

v. 10. *mundus per ipsum factus est, & mundus eum non cognovit*. Si, inquam, quidam irrideant miracula, non tamen sensati & sapientes. Enimvero inter Gentiles doctissimi, & admodum probi, legendo Prophetias, vel etiam Martyrum miracula in testimonium pro unitate Dei patrata ponderantes, afflante Spiritu Sancto, obediabant fidei: sic enim ratiocinatos fuisse fertur, qui tot & tam stupenda patrant in nomine Dei sui; oportet Deum esse unum & verum: sic humiliatus Nabuchodonosor ratiocinatus est: sic Darius videns Danielem inter leones incolumem: Igitur miraculum est argumentum ex quo Gentiles possunt, si gratiam interiorum audiant, inferre esse unum Deum.

*Instans*, Gentiles per miracula ad fidem conversi, ad idololatriam redire, ut Julianus apostata, qui tamen sciebat miracula Christianorum: igitur etiam illative miracula non probant Dei unitatem.

*Respondet* distinguendo. Redierunt ad idololatriam, gratia interiori quæ nulli deest, resistendo, & rationem sapientiæ rejiciendo, concedo; redierunt, quia miracula non sunt argumenta Divinitatis, nego. Licet impii peccata committant, etiam contra naturam, non sequitur rationem non dicere: Innocentem non occides: tamen si Julianus attendens ad spiritum erroris, ad idololatriam redierit, non sequitur miracula non esse unitatis Dei signa magna & argumenta.

*Servat* totam hanc materiam claudere variis sententiis Divi Augustini, qui inimicorum fidei tela sic propellit, l. 10. de Civ. Dei, c. 8. & 17. „An vero dicet alius, quis, ista falsa esse miracula, nec fuisse

„se facta, sed mendaciter scripta? Quisquis hoc dicit, si de his rebus negat omnino ullis litteris esse credendum, potest etiam dicere nec Deos ullos curare mortalia: non enim aliter se colendos esse persuaserunt, nisi mirabilium operum effectibus, quorum & Historia Gentium testis est, quarum Dii se se ostentare mirabiles, potiusquam utiles ostendere potuerint. . . . Porro autem, si multorum Deorum cultores, qualescumque Deos suos esse arbitrentur, ab eis facta esse miracula, vel civilium rerum historiarum, vel libris magicis, sive quod honestius putant, Theurgicis credunt: quid causæ est cur illis litteris nolint credere, ista facta esse, quibus tanto major debetur fides, quanto super omnes est magnus, cui uni soli sacrificandum esse præcipiunt? „Fusus eandem pertractat materiam ibidem c. 16. ostendendo hæc esse inanum Deorum miracula, Dei vero Optimi, Maximi, verissima; qui quot producit entia, tot patrat, & operatur prodigia.

## SYNOPSIS PROBATIONUM.

*Constat ex miraculis unum esse Deum.*

*Primo.* Ex miraculis veteris Testamenti, multa fecit Moyses pro hoc momento coram Pharaone ut habetur Exod. 8, 9, 10 & 11, & prævaluit David in funda & lapide adversus Philistæum gigantem, in nomine unius Dei viventis.

*Secundo.* Christus multa utique patravit miracula ad probandam suam cum Patre unitatem unde Joan. 7. ait: *Pater manifestavi nomen tuum hominibus.*

*Tertio.* Plura etiam fecere Martyres ad propugnandam unitatem Dei contra idololatrias, ut in eorum legitur Actibus.

## SYNOPSIS SOLUTIONUM

### AD OBJECTIONES.

*Primo.* Concedimus quidem magos Pharaonis quædam fecisse signa, sed ope dæmonum, & incantationibus; unde in errorem inducebant homines: signa vero Moysis in veritatem, quia erant vera miracula.

*Secundo.* Antichristus, ut habetur 2. Thess. 2. signa, utique faciet; aut non miracula; unde non eodem modo ratiocinandum est de miraculis, quæ quamvis sint quid ex-

trm-



trinscun respectu hominum, suadent tamen cordatos, & inducunt in veritatem.

*Tertio.* Non negamus Prophetiam quodque datam fuisse malis & perversis hominibus; sed ut testimonium huius habereamus ex inimicis nostris; omnia quippe servant, & cedunt in gloriam Dei.

### ARTICULUS TERTIUS.

*Utrum constet ex Sibyllis, & ex auctoritate doctissimorum inter Gentiles, esse unum Deum?*

### CONCLUSIO.

Constat ex Sibyllis, & inter Gentiles doctissimis, esse unum Deum.

*Probatnr ex multis momentis.*

**THEOPHILUS**, qui sextus post Petrum Antiochenam rexit Ecclesiam, lib. 2. ad Orolicum de una Sibylla sic loquitur "Cæterum Prophetæ illi, quorum mentio facta est, fuisse in populo Israëlitico illiciti, pastores & idiotæ: verum etiam Sibylla Græcorum, & reliquarum gentium Prophetissa, in principio suæ Prophetiæ, invehitur in mortaliū genus, dicens."

*Viri mortales, & carnes nihil existentes, quomodo statim*

*Exaltamini, vitæ finem non inspicientes, Nec contremiscitis, nec timetis Deum inspectorem vestri?*

*Unus Deus, qui solus regnat, magnitudinem excedens, & increatus, Omnipotens, invisibilis, videns ipse solus omnia.*

**Clemens Alexandrinus** etiam extollit illam Græcorum Sibyllam, & dicit unum prædicasse Deum, l. 6. Stromatum p. 136.

"Quomodo, inquit, Deus Judæos salvos esse voluit, dans eis Prophetas; ita etiam Græcorum spectatissimos, propriæ suæ lingue exercitatos, prout poterant capere Dei beneficentiam, a vulgo se crevit. Præter Petri prædicationem, declaravit Paulus Apostolus, dicens: Libros quoque Græcos sumite: Agnoscite Sibyllam, quomodo unum Deum significet, & ea quæ sint futura."

**Origenes** l. 7. contra Celsum, pag. 516. illam defendit contra istum Philosophum,

qui dicebat Christianos multa inferuisse ipsius veribus: sic igitur Celsum revincit. "Nescio quid ei venit in mentem, ut censeret Sibyllam a nobis, potiusquam Jesum, appellandam fuisse Dei filiam, asseverans nos multa ejus verbis inferuisse maledicæ, non tamen indicans quæ sint illa quæ inferuimus: indicasset autem, si antiqui habuisset incorruptiora exemplaria, in quibus non reperiantur, quæ putat a nobis interpolata, quod tamen non fecit."

**Lactantius Firmianus** l. 1. c. 6. recensitis singularum Sibyllarum nominibus, sic loquitur: "Omnes igitur hæ Sibyllæ unum Deum prædicant, maxime tamen Erythrææ fuit, fragatur. Constantius Augustus orat. ad sanct. cæterum, apud Eusebium c. 18. asserit illam multa mira de Deo annuntiassè: ejus acrostichi 34. hunc refert versus:

*Unus & æternus Deus hic servator & idem.*

**Celeberrimus** est Divi Augustini pro hoc momento testimonium: nam sanctus Doctor, doctissimorum tum inter paganos, tum inter Patres, suffultus auctoritate, & refert Sibyllarum carmina, & ostendit non falsæ, sed veræ solum Divinitati applicari posse. Variis in locis hanc tradit materiam, sed potissimum & ex professore, l. 18. de Civit. Dei, c. 13. ubi tria absolvit, primo quid de numero Sibyllarum, deinde de carminibus, tandem de eorum genuitate, quam quidem auctoritate Lactantii comprobatur.

*De primo* sic loquitur: "Eodem tempore nonnulli Sibyllam Erythræam vaticinam ferunt. Sibyllas autem Varro tradidit plures fuisse, non unam. Hoc sane Erythræa Sibylla quædam de Christo manifesta conscripsit; quod etiam nos prius in Latini lingui verbis male latinis & non sanctibus legimus, per nescio cuiusdam interpretis imperitiam, sicut post cognovimus: nam vir clarissimus Flavianus, qui etiam proconsul fuit, homo facillime facundia, multæque doctrinæ, cum de Christo colloqueremur, græcum nobis codicem protulit, carmina esse dicens Sibyllæ Erythrææ, ubi ostendit quodam loco in capitibus versusum ordinem litterarum ita se habentem, ut hæc in eo verba legerentur: *Ἰησὺς Χριστὸς Θεὸς υἱὸς τοῦ Θεοῦ*, quod est latine: Jesus-Christus Dei filius Salvator. Hi autem versus, quorum primæ litteræ istum sensum quem diximus reddunt, sicut eos quidam lati-

nis

„nis & stantibus verbis esse interpreta-  
tus, hoc continent. „

De secundo, sic scribit, referendo versus  
secundum numerales Græcorum litteras:

HI Judicii signum tellus sudore madescet.

E Cælo Rex adveniet per sæcla futu-  
(rus)

M Scilicet in carne præsens, ut judicet  
(orbem.

O Unde Deum cernent incredulus atque  
(fidelis.

P Celsum cum Sanctis, ævi jam termino  
(in ipso.

M Sic animæ cum carne aderunt, quis  
(judicet ipse.

X Cum jacet incultus densis in vepribus  
(orbis.

P Resicient simulæta viri, cunctum quo-  
(que gazam:

E Exuret terras ignis, pontumque polum  
(que.

I Inquirens tetri portas effringet Aver-  
(ni.

M Sanctorum sed enim cunctæ lux libera  
(carni.

I Tradetur, pontes æternum flamma cre-  
(mabit:

O Occultos astus retegens, tunc quisque  
(loquetur

M Secreta, atque Deus referabit pectora  
(luci.

O Tunc erit & iustus, stridebunt denti-  
(bus omnes.

E Eripitur solis jubar, & thorax interit  
(astris.

O Volveitur cælum, lunaris splendor ob-  
(ibit.

P Dejecit colles, valles extollet ab imo.

P Non erit in rebus hominum sublime  
(vel altum.

I Jam æquantur campis montes, & cæ-  
(rula ponti.

O Omnia cessabunt, tellus contracta pe-  
(ribit.

M Sic pariter fontes torrentur, flumina-  
(que igni:

M Sed tuba tum sonitum tristem dimittet  
(ab alto.

P Orbe gemens facinus miserum, variof-  
(que labores.

I Tartareumque chaos monstrabit terra  
(dehiscens.

I Et coram hic Domino Reges sistuntur  
(ad unum;

P Residet e cœlis ignisque & sulphuris  
(amnis.

Ibi profecto sanctus Doctor perstringit  
eos qui vel carmina Sibyllarum suppositi-  
ticia credunt, vel de falsis Gentilium Num-  
minibus intelligi debere autumant. Sic pro-  
sequitur n. 2. pag. 306. „ Hæc autem Si-  
bylla, sive Erythræa, sive ut quidam

„magis credunt Cumæa, ita nihil habet  
„in toto carmine suo, cujus exigua ista  
„particula est quod ad Deorum falsorum,  
„sive fictorum cultum, pertineat; qui-  
„nimmo ita etiam contra eos & contra  
„cultores eorum loquitur, ut in eorum  
„numero deputanda videatur, qui perti-  
„nent ad civitatem Dei. „

Postea ad huius rei confirmationem, ver-  
ba Lactantii subtexit. „ Insuper, inquit,  
„etiam Lactantius operi suo quadam de  
„Christo vaticinia Sibyllæ, quamvis non  
„expimat cujus; sed quæ ipse singillatim  
„posuit, ego arbitratus sum conjuncta esse  
„ponenda, tanquam unum sit prolixum, quæ  
„ille plura commemoravit, & brevior. „

„In manus iniquas, inquit, infidelium  
„postea venit; dabunt autem Deo alapas  
„manibus incensis; & impurato ore ex-  
„pient venenatos sputus: dabit vero ad  
„verbera simpliciter sanctum dorsum, &  
„colaphos accipiens tacebit, ne quis agno-  
„scat quod verbum; vel unde venit, ut  
„inferis loquatur, & corona spinea coro-  
„netur: ad cibum autem & sel, & ad si-  
„tim acetum dederunt: inhospitalitatis  
„hanc monstrabunt mentem: ipsa enim  
„insipiens tuum Deum non intellexisti, lu-  
„dentem mortalium mentibus, sed & spi-  
„nis coronasti, & horridum sel miscuisti:  
„Templi vero velum scindetur, & medio  
„in die nox erit tenebrosa nimis in tribus  
„horis, & morte morietur tribus diebus  
„somnia suscepto: & tunc ab inferis re-  
„gressus, ad lucem venit primus resur-  
„rectionis principio revocatus ostensio. „

Ex his liquet Sibyllas & Deum unum,  
& Deum incarnatum agnovisse, & multa  
de utroque momento vaticiniis præmississe,  
quarum quidem testimonium omni excep-  
tione dignum est, cum earum opera &  
a prophanis, & a primorum sæculorum  
Patribus celebrentur; immo sanctus Augu-  
stinus istas Virgines ad Civitatem sanctam  
Jerusalem pertinere, vix ac ne vix quidem  
asserere non dubitat: igitur Philosophi,  
Poetæ & Oratores unum agnovere Deum.

Orpheus hæc, inter alia, de Deo cecinit.

Unicus est per se existens, qui cuncta  
creavit.

Sapo-

Sophocles. Unus profectus est, unus est tantum Deus,

Qui cælum & amplum condidit terræ  
globum.

Justinus in cohortatione ad Græcos, & l. de Monarchia. Eusebius l. 13. de præparatione, illos versus citant. Versum primum Eusebius in Chronologia Gregorii, pag. 13. alios duos in medium profert.

Clemens Alexandrinus in Protr. pag. 35. hæc de Pythagora scribit & refert.

Deus quidem est unus, is autem non est, ut quidam existimant, extra mundum, sed in ipso totus.

Plato in Timæo, Deum unum ac supremum prædicat, ita etiam refert Eusebius l. 11. de præp. pag. 311.

Aristoteles apud Athenagoram idem dicit.

Virgilium Minutius citat Æneid. 6. "Quid  
„ Mantuanus Maro ? nonne apertius &  
„ proximius, verius, principio, ait, cœ-  
„ lum & terras & cætera mundi mem-  
„ bra, spiritus intus alit, & infusa mens  
„ agitat ? unde hominum pecudumque  
„ genus, & quicquid aliud animalium."  
Idem alio loco mentem istam & spiritum Deum nominat. Hæc enim Virgilii verba sunt :

..... Deum namque ire per omnes  
Terrasque, tractusque maris, cælumque  
profundum.

Hinc pecudes, armenta, viros, genus  
omne ferarum,

Quemque sibi tenues nascentem arcessere  
vitas.

Maximus Tyrius Oratione prima, eandem refert sententiam : " Unus est, inquit, Deus, omnium Rex & Parens.

Porphyrius l. apud Cyrillum contra Julianum, idem confirmat & dicit : igitur ex antiquis Philosophis & Poetis, constat unum esse Deum. Eandem proficitur veritatem Cicero in libris de natura Deorum, in quibus non modicum insinuat Deum diversis gaudere nominibus, secundum diversa ejus opera ; unde eo prope modo inquit, quo Oceanus dicitur Germanicus, dum alluit plagas Germaniæ ; Gallicus vero, cum Galliæ : ita pariter supremum Numen, Jovis sibi vindicat nomen cum cælo præest ; Neptuni vero, cum aquis, &c. Sed unum esse ubique Deum contendit Orator ; ergo, &c.

## SOLVUNTUR OBJECTIONES.

Obicies 1. contra auctoritatem Sibyllarum. Libri Sibyllini non sunt genuini ; igitur nihil ex eis concludi potest. Probatur antecedens. Isti Libri apparuerunt, ut non pauci viri eruditi existimant, secundo solum sæculo : certe si Libri Sibyllini haberent auctores ante ipsum Christum natum, juris facti fuissent publici : ergo, &c.

Respondeo negando Libros Sibyllarum non esse genuinos, siquidem a primorum sæculorum Patribus, non semel citantur ad fidem contra Gentiles impugnantem defendendam. Ad probationem, nego apparuisse secundo solum circiter sæculo quandoquidem Virgilius Ecloga quarta mentionem facit de Cumæa, & mira de puero Jesu, quamvis sub alio nomine, dicit & cantat his versibus :

Ultima Cumæi venit jam carminis ætas ;  
Magnus ab integro sæculorum nascitur  
ordo.

Jam redit & Virgo, redeunt Saturnia  
Regna.

Jam nova progenies cælo demittitur  
alto.

Tu modo nascenti Puer, quo ferrea  
primum

Definet, ac toto surget gens aurea mun-  
do, &c.

Tacitus l. 6. Annalium, etiam meminit Sibyllæ Erythrææ : loquitur utique Suetonius de Sibyllarum carminibus.

Augustinus eidem suffragatur veritati l. 18. de Civ. Dei, c. 46. & 47. præcipue vero c. 23. ubi sic habet : " Vir clarissimus Flavianus qui etiam Proconsul fuit, homo facillimæ facundia, multaque doctrinæ, cum de Christo ut loqueremur, græcum nobis codicem protulit, carmina esse dicens Sibyllæ Erythrææ, ubi ostendit quodam loco in capitibus, versum ordinem. Idem refert 27. versus talis Sibyllæ. Profecto Patres ante Augustinum, ut Theophilus, Clemens Alexandrinus, Origenes alias oculatissimi, & ipse Augustinus qui egregium laudat codicem ; majori sane pro hoc momento fide digni sunt, quam nostræ ætatis Censores, qui longius a primis distantibus sæculis, veritatem non ita sicut vetusti Patres indagare queunt. Enimvero Origenes qui

qui tertio florebat sæculo; de ætatis in secundo sæc. certam profecto habebat scientiam; ipse tamen Libros Sibyllinos auctoritalis sæculi ætatem esse nulumque dixit, quinimmo contrarium ex profecto propugnat.

*In fabis.* Illa Sibyllarum carmina non sunt genuina quæ non potuerunt venire ad nos; atqui carmina Sibyllarum non potuerunt ad nos usque pervenire: ergo, &c. . . . . Probat minor: a Cæsare Augusto, teste Suetonio, illa carmina duobus ferulis auratis condita sunt sub Apollinis Palatini basi: igitur non potuerunt venire ad nos. Confirmatur. Libri Sibyllini Sullæ temporibus, cremato Capitolio, Olympiade 153. Scipione & Norbano Consulibus, ab Urbe condita anno 671. combusti sunt: ergo, &c.

*Respondeo* distinguendo. Carmina solus Sibyllæ Cumææ obsecrata sunt, concedo; cætera omnia, nego. Ita Laëtantius l. 1. de falsa Religione capite 6. postquam enim decem Sibyllarum nomina & patriam retulit, subdit: "Harum omnium Sibyllarum carmina & seruntur, & habentur, nec ea ab ullo, nisi quindecim viris inspicere fas est, & sunt singularum singuli Libri, qui quia Sibyllæ nomine interibuntur, unusquisque creduntur, suntque confusi, nec discerni, ac sibi cuique assignari potest, præter Erythræam, quæ & nomen suum carmini verum inseruit, & Erythræam se nominatam iri prælocuta est, cum esset orta Babylonice."

*Respondeo* 2. dist. Et illa carmina fuerunt nota tum Ciceroni, tum Virgilio, aliisque viris probis, quorum ope venire potuerunt ad cognitionem Christianorum, concedo: immo licet inclusa essent, Imperator ad nutum poterat legere ista oracula, sicut & quindecim viri quibus fas erat intuspicere, & non fuerunt nota, nego. Cicero l. 2. de Divinatione numericis 17. & 112. de Sibyllis, sic loquitur: "Sibyllæ versus observamus, quos illa fuisse dicitur, quorum interpretes nuper falsa quædam hominum fama, dicturus in Senatu putabatur, eum, quem revera Regem habebamus, appellandum quoque esse Regem, si salvi esse vellemus. . . . Non est autem illud carmen furentis, cum ipsum Poema declarat, est enim magis artis & diligentiae, quam incitationis & motus. Deinde vero refert quomodo Sibylla sua connequit carmina; sic etiam a codice Flaviano accepisse, testatur B. Augustinus:

Revera quidem carmina per ordinem digesta, tanquam Erythrææ sætus secundum litteras Græcorum numerales in codice prædicto habebantur, & sic legisse testatur S. Doctor: igitur omnia consociantur pro versuum Sibyllinorum veracitate & genuinitate, quandoquidem eadem refert carmina B. Augustinus, de quibus mentionem facit Cicero, qui nedum ante Christi tempora florebat, sed & secreta Senatus Romani de rebus Religionem spectantibus, præ cæteris noverat.

*Respondeo* ad confirmationem distinguendo: Et carmina post Capitolii exustionem recuperata sunt, concedo; & non recuperata fuere, nego. Hoc ipsum patet ex Auctoribus profanis quos modo laudavimus; namque, restituto Capitolio, missi sunt Erythras ex Senatus consulto Legati, qui illis Sibyllarum sententias colligerent. Hoc ipsum scribit Laëtantius l. 4. c. 6.

"Fenestella, inquit, diligentissimus Scriptor de quindecim viris, dicens, ait, restituto Capitolio, retulisse ad Senatui Curionem Consulē, ut Legati Erythras mitterentur, qui carmina Sibyllæ conquesta Romam deportarent, . . . Quinimmo aliis etiam in regionibus ista carmina conquesta sunt, & Romam delata fuisse, non obscure declarat Tacitus l. 6. Annal. ibi enim sic scribit, "Relatum inde ad Patres a Quinziliano Tribuno plebis, de Libro Sibyllæ, quoniam Caninius Gallus a quindecim viris recipi inter cæteros ejusdem vatis, & ea de re Senatus-consultum exposuisset, laverat. . . . Quod a majoribus quoque decretum erat post exustum sacrali bello Capitolium quaesitis Sannilio, Erythris per Africam etiam ac Siciliam, & Italicas Colonias carminibus Sibyllæ, seu una, seu plures fuere, datoque Sacerdotibus negotio, quantum humanæ ope potuissent, vere discernere."

*Urgebis.* Cicero nedum astruit auctoritatem carminum Sibyllinorum, sed potius eam ad aperte impugnare, & quidem tribus mediis. Primo, quia eorum interpretes falsa innixus hominum fama, ejusmodi versus juris fecit publici. Sic loquitur ibidem Orator: "Sibyllæ versus observamus, quos illa furens fuisse dicitur, quorum interpretes nuper falsa quædam hominum fama, dicturus in Senatu putabatur, eum quem revera Regem habebamus, appellandum quoque esse Regem si salvi esse vellemus. Hoc, si est in Libris, in

in quem hominem, & in quod tempus est? callide enim, qui illa composuit, perfectit, ut quod adhibuit etiam latebram obcuritatis, ut iidem versus alias in aliam rem posse accommodari viderentur: igitur carmina rejicit, quippe quæ ex falso rumore tribuantur Sibyllæ, & callide ambiguo sermone varios subeunte ad decipiendum sensus concinnata. Secundum medium quo utitur ad impugnandam versusum Sibyllinorum veracitatem illud est, quia non Prophetissæ, quam furentem vocat; non incitationis, sed potius artis & diligentiae sœtum, illa dicit carmina. Pergit ergo, & sic loquitur: "Non esse autem illud carmen furentis, cum ipsum Poema declarat; est enim magis artis, & diligentiae, quam incitationis & motus; tum vero ea quæ *angustis* dicitur, cum deinceps ex primi versus litteris aliquid connectitur, ut in quibusdam Ennianis quæ Ennius fecit: id certe magis est attenti animi, quam furentis; atque in Sibyllinis ex primo versu cuiusque Sententiæ primis litteris illius sententiæ carmen omne prætexitur. Hoc Scriptoris est non furentis, adhibentis diligentiam non infani. Concludit semper Cicero carmen non esse Sibyllæ, sed alicujus callidi & subtilissimi Auctoris. 3. Asserit versus in Archivis depositos fuisse, ne legerentur, illosque tanquam fabulas, quibus nulla debetur fides, haberi. Sic prosequitur: "Quomobrem Sibyllam quidem sepositam, conditam habemus, ut id quod proditum est a majoribus, injussu Senatus, ne legantur quidem Libri. . . . Num igitur me cogis etiam fabulis credere? quæ delectionis habeant, quantum voles, verbis, sententiis, numeris, cantibus adjuvantur: auctoritatem quidem nullam debemus, nec fidem commentitiis rebus adungere. . . . Igitur auctoritas Ciceronis gratis assertur pro genuitate Librorum Sibyllinorum, cum potius eos fortiter debellet & impugnet.

*Respondeo distinguendo.* Cicero impugnat auctoritatem Librorum Sibyllinorum quoad auctorem & contenta in eis, concedo; quoad existentiam & veracitatem, nego. Tria potissimum considerata veniunt in Libris Sibyllinis; videlicet auctor, contentum & existentia seu veracitas; primum & secundum impugnat Cicero, primum quidem, non credit auctorem Prophetissam, sed quid *spiritum*, cum veræ Religionis c-

rat expers, cujus rei argumentum duplex in ejus verbis apparet? 1. Quia Prophetissam furentem vocat, deinde vero quia erat paganus & idololatra; ignorabat sane Scriptores Canonicos propria quandoque uti scientia, ut verbis sententiis a Spiritu Sancto infusus explanarent; unde ad id quod est artis, & non incitationis potissimum attendit. Secundum vero utique plurimum impugnat; scilicet Regem nasciturum a Sibyllis prædictum; Regem universi haberi debere, ut salvi essemus; nullum quippe præter Cæsarem sciebat & agnoscebat; at tertium non impugnat: constat enim & versus Sibyllinos, cujuscumque auctoris essent, eum agnovisse, & in Archivis asservatos comperisse; quod sufficit nobis, ut ostendamus Libros Sibyllinos non esse auctoris viventis secundo sæculo sœtum & opus.

*Ad primam probationem distinguo.* Cicero asserit falso rumore versus Sibyllinos circumferri in mundo, eo quod Regem Deum nolebat credere, quod ut commentum habebat, concedo; & ex hoc concluditur Libros Sibyllinos nullos fuisse, nego. Immo, cum eos impugnaverit Cicero, argumentum est ejus extitisse temporibus, cujuscumque auctoris sint.

*Ad secundam probationem distinguo.* Cicero Libros Sibyllinos dicit non furentis & incitationis, sed artis & diligentiae esse, quia ignorans mysteria Dei, solam demirabatur in ordine carminum artem, non sententias, concedo; & ex hoc sequitur nullum fuisse Sibyllæ carmen, nego. Immo contrarium apparet.

*Ad tertiam probat.* dico illum rejicere versus & prohibitos proclamare, quia doctrinam falsis Romanorum Numinibus adversam continebant: "Quomobrem, inquit, Sibyllam quidem sepositam & conditam habemus, ut id quod proditum est a majoribus, injussu Senatus ne legantur quidem Libri, valeantque ad deponendas potius, quam ad suscipiendas Religiones. . . . nec Martii Vatribus, nec Apollinis operitis credendum existimo. Cicero testatur se non credere Vatribus & Prophetis: ergo, &c.

*Oppones 2.* Illi carmina sunt a Christianis confecta, in quibus Sibyllæ clarius ipsius Prophetis loquuntur de mysteriis, & maxime de Incarnatione & effectibus ipsius, de Judicio supremo: atqui Sibyllæ clarius ipsius Prophetis loquuntur de iis; quod videtur inconveniens, quandoquidem constat, & est de fide, Deum lo-

cutum fuisse Prophetis; minime vero Sibyllis, juxta illud Psalmi 147. v. 8. & 9. *Qui annuntiat verbum suum Jacob, justitias & judicia sua: Israel. Non fecit taliter omni Nationi, & judicia sua non manifesta- vit eis: ergo, &c.*

*Respondet* Origenes l. 7. contra Celsum Philosophum paganum, pag. 516. ubi illum sic revincit, eo quod talem inferret Christianis calumniam: "Nescio quid ei venit in mentem: ut censeret Sibyllam a nobis, potiusquam Jesum, appellandam fuisse Dei filiam, asseverans nos multa in ejus versibus inseruisse maledica, non tamen indicans, quæ sint illa quæ inferimus; indicasset autem, si antiqua habuisset incorruptiora exemplaria, in quibus non reperiantur quæ putat a nobis interpolata, quod tamen non fecit."

*Respondet* Lactantius Firmianus l. 4. de vera sapientia c. 15. eodem modo his qui dicunt Christianos addidisse Sibyllarum versibus, ea quæ nostra spectant mysteria: "His testimoniis quidam revicti solent eo confugere, ut ajunt, non esse illa carmina Sibyllina, sed a nostris ficta atque composita, quod profecto non putabit, qui Cicero nem, Varronemque legerit, aliosque Veteres qui Erythræam Sibyllam, cæterasque commemorant, ex quorum libris ista exempla proferimus, qui auctores obierunt, antequam Christus secundum carnem nasceretur." Vides, Doctissime Lector, quomodo Lactantius testes appellat auctores ante Christum pro oraculis Sibyllarum: Non sunt igitur carmina Sibyllina conficta a Christianis.

*Respondet* idem Constantinus Augustus, oratione ad Senatorum cœtum, c. 19. & addit: "Verum de ejus rei veritate satis constat, quippe nostri homines tempora adeo accurate, & magno studio collegerunt, ut nemo possit suspicari hoc Poema post Christi in terras descensum editum fuisse: atque illi propterea mendacii perspicue convincuntur, qui ista carmina non olim a Sibylla condita fuisse prædicant: perspicuum est enim Cicero nem istud Poema cum forte perlegisset, in latinum convertisse sermonem, suisque scriptis attexuisse, quem ab Antonio rerum summa potius interfectum esse constat: Antonium autem ab Augusto, qui annos 56. regnavit, superatum: Augusto autem successisse Tiberium, ejus temporibus, Servatoris adventus

mundo illuxit." Divus Augustinus istam rejicit calumniam l. 18. de Civ. c. 46. dicendo hostes Religionis posse similiter impropere Prophetis, & asserere ea quæ eorum describuntur in Libris, utique fuisse a Christianis conficta.

*Juvat* sancti Doctoris recensere verba: "Cum Scripturis nostris non credunt (Judæi) complerunt in eis suæ, quæ cæci legunt, nisi forte quis dixerit illas Prophetias Christianos finxisse de Christo, quæ Sibyllæ nomine vel aliorum proferuntur, si quæ sunt, quæ non pertinent ad populum Judæorum, Nobis quidem illæ sufficient, quæ de nostro rum inimicorum codicibus proferuntur, quos agnoscimus propter hoc testimonium, quod nobis inviti perhibent eisdem codices habendo atque servandò, per omnes gentes etiam ipsos esse dispersos, quæquaversum Christi Ecclesia dilatatur. Nam Prophetia in Psalmis quos etiam legunt, de hac re præmissa est, ubi scriptum est: *Deus meus misericordia ejus præveniet me. Deus meus, demonstra- vis mihi in inimicis meis; ne occideris eos, ne quando obliviscantur legem tuam: Disperge eos in virtute tua.* Demonstravit ergo Deus Ecclesæ, in ejus inimicis Judæis gratiam misericordie suæ, quoniam, sicut dicit Apostolus: *Delictum illorum, salus gentibus.* Et ideo non eos occidit, idest, non in eis perdidit quod sunt Judæi, quamvis a Romanis fuerint devicti & oppressi, ne obliti legem Dei, ad hoc, de quo agimus, testimonium nihil valerent; parum fuit ut diceret: Ne occideris eos, ne quando obliviscantur legem tuam, nisi etiam adderet: Disperge eos, quoniam si rum isto testimonio Scripturarum, in sua tantummodo terra non ubique essent, profecto Ecclesiam, quæ ubique est, eos Prophetiarum, quæ de Christo præmissæ sunt, testes in omnibus gentibus habere non posset." Augustinus revincit eos qui Sibyllarum Prophetias a Christianis confictas asserunt; revincit & Judæos nostras abjicientes Scripturas, & istud momentum duplici complet argumento: primo quidem, replicando Scripturas novi testamenti esse Prophetiarum adimpletionem: secundo, quia Scripturæ sunt per omnes gentes dispersæ; unde absque negotio quique cordatus potest videre Christum in eis & prænuntiarum & præfiguratum. Iisdem rationibus Sibyllarum Pro-  
phe-

phetiæ gentinæ admodum probantur, tum quia ad Christum pertinent, & in eo complentur, tum quia istarum Virginum carmina præ omnium antiquorum oculis fuisse constat; & nedum apud Christianos nota, sed ante ipsum Christianissimum, apud paganos, immo apud Romanos omnium Gentilium & sagacissimos, & sapientissimos.

*Jam* resp. in formâ, negando majorem, & minore argumenti; majorem, quoad id quod dicitur carmina Sibyllarum de mysteriis esse Christianorum commenta: minorem vero, siquidem falsum est Sibyllas clarius locutas fuisse de Incarnatione, quam ipsi Prophetæ de eadem scripserunt: Enimvero clare prænuunt Christi adventum Jacob, ut legitur Genesios 49. v. 12. *Non auferetur Scepulum de Juda, & Dux de femore ejus, donec veniat qui mittendus est, & ipse erit expectatio gentium.* Clare utique ejusdem Messie conceptio annuntiatur Isaïæ 7. v. 14. *Ecce, inquit Prophetæ, Virgo concipiet & pariet filium, & vocabitur nomen ejus Emmanuel.* Ejus etiam prænuunt miracula cap. 35. v. 5. *Tunc aperientur oculi cæcorum,* &c. Item & ejus passionem c. 53. v. 4. *Non reputavimus eum tanquam leprosum.* Eandem describit Jeremias, & quidem ita clare, ut veluti testis oculator appareat. Similiter & David Ps. 21. v. 19. *Diviserunt sibi,* inquit in persona Christi, *vestimenta mea, & super vestem meam miserunt sortem.* Sed, dato & non concessio, Sibyllas clarius ipsis Prophetis locutas fuisse de mysteriis, quid foret mirum? cum Prophetiæ donum potuerit illis concedere Deus ad instructionem Gentilium, nimirum, ut fidem oraculis Prophetarum suorum, qui a sæculo fuerant, adhererent; & vero Spiritus Sanctus, ubi vult spirat. Locutus est per Balaam & Saul peccatores, immo & clare de Christi morte futura per impium Caipham; quidni igitur & per Virgines Sibyllas clare loqueretur, ut apud Gentiles suæ misericordię præluderet mysteria?

*Respondeo* ad confirmationem distinguendo. Non fecit taliter omni nationi quoad omnia, concedo; quoad aliquid, nego. Judæi habuerunt legem a Deo, & magnam Prophetarum pro longo tempore multitudinem: hinc dictus populus acquisitionis & electus, cum quo Deus inierat fœdus; hinc Dominus a Patriarchis visus est; hinc apparuit Prophetis, quibus omnia aperuit mysteria; hinc & natus ex illis, immo etiam inter Judæos assumpsit Apostolos,

quibus datum est noscere mysteria Dei: non sic Gentilibus, nisi secundum quid, quia Philosophi adumbrarunt solummodo, inquirunt Patres, Evangelium, agnoscendo Deum esse: Sibyllæ vero fuerunt pro eis, quod Prophetæ pro Judæis; & sic omnia concordant.

*Inflabis.* Illa Sibyllarum carmina sunt conficta, in quibus multa inaudita, & etiam contradictoria leguntur; non enim fas est credere personas a Deo inspiratas talia scripsisse: atqui sic sunt, & probatur 1. Omnes Patres conveniunt, ut Justinus Martyr in hortatione ad Græcos, Eusebius Cæsariensis lib. 10. de Præparatione Evangelica, cap. 9. Lactantius l. de vera sapientia c. 5. Aug. l. 18. de Civ. Dei c. 38. Tertullianus Apologia 19. neminem scripsisse ante Moïsem; quippe qui inter Scriptores tam sacros quam profanos primus sit, attamen auctor Libri tertii Sibyllæ se dicit Moïse antiquiorem, ipsius enim nativitatem & egressum Israel de Ægypto prædixit his versibus:

*Cum vero Ægyptum linquet, desertaque vadet  
Per loca bisseña populus de prole creatus,  
Sub Ducibus missis divinitus, hisque columna  
Ignita, per iter noctis gradietur opacæ;  
Per totumque diem nebula, pereunte columna:  
Huic populo Ductor dabitur, Vir magnus ab illo,  
Moïses quem inventum propter Regina paludem.  
Sussulit, & nati nutritum nomine dixit.*

Præterea Hieronymus l. contra Jovinianum, testatur Sibyllas dono Prophetiæ donatas fuisse propter virginitatem; & tamen scorum se fuisse asserit, quæ Librum quartum scripsisse creditur.

*... Nam quæ scelera ante patravi.  
Prudens & studio peccandi perdidit feci.  
Mille mihi læti, connubia mille fuerunt.  
Jureque jurando quosvis perjura ligavi.*

Mitto alia quæ non conveniunt Sibyllis, verbi gratia, versus Cæsarem tempora Libros apparuisse probabile est, saltem illarum Sibyllarum quas laudant Patres; attamen Erythræa sub finem Libri tertii, dicit se nunc Noe.

*Si quidem cum dilueretur  
Mundus aquis, cum vir solus probus  
exuperavit  
Quidam, quem per aquas rexit domus  
erecta sibi:  
Ejus ego nurus, ejus item de sanguine  
nata.*

Cæterum ex Patribus, Sibyllas fuisse Gentilium filias constat.

*Respondeo* distinguendo. Contradictoria & inaudita leguntur permixta a Gentilibus aut Judæis in odium Religionis, concedo; a Christianis, nego. Duo igitur distinguenda sunt in Libris Sibyllinis; alterum quod spectat Unitatem Dei, Trinitatem & Incarnationem, quæ adoptantur a Patribus; alterum vero quod spectat diluvium, genealogiam, & alia ejusmodi, de quibus sancti Patres silent; primam partem, eam scilicet quæ laudatur a sanctis Ecclesiæ Patribus, genuinam credimus & incorruptam. Secundam vero minime, quam quidem fortassis aut a Gentilibus, aut a Judæis adinventam & sædatam in odium Religionis, & ad deprimendum Sibyllarum auctoritatem fuisse satis constat; præsertim vero, cum post Capitolii exustionem, mandatum sit Sacerdotibus Gentilium, ut referret Tacitus de quo supra, vera a falsis secerneret: igitur ipsi Romani credebant adulteros versus; sed quod non fuerint in iis quæ Dei spectant Unitatem, Trinitatem & Incarnationem, tenent Lactantius, Origenes, Augustinus.

*Obijciat* 3. Si Libri Sibyllini tantæ sunt auctoritatis, etiam quoddam partem mysteriorum, Sibyllæ ipsæ sunt Prophetissæ: atqui hoc non potest dici; alias Libri quoad partem, quæ nostra respicit mysteria, & futurum Judicium, forent Scriptura canonica: igitur non debent tanti fieri, sed absurdum consequens, ergo & antecedens.

*Respondeo* 1. Libros Sibyllinos esse magnæ auctoritatis, quoad partem quæ nostra spectat mysteria; cum pro isto laudentur momento, tum a sanctis Patribus, tum ab auctoribus profanis; unde quod sint Libri Sibyllini canonici, vel non, parum refert pro Gentilibus qui non admittunt Scripturas: sed quod sint a suis citari & a nostris plurimum interest, nam ipso facto convincunt Gentiles de cæcitate, & malitia, si, tanta astante suarum auctoritate Virginum, nolint audire & credere mysteria, & de illis edoceri renuant. Habemus in hoc contra idololatrias testimonium ex inimicis nostris pro unitate Dei.

*Respondeo* 2. distinguendo. Sibyllæ sunt Prophetissæ prophanz, concedo; sacre & Canonice, nego. Licet Libri Sibyllini non sint Canonici, sunt tamen magni ponderis, cum a Patribus primorum sæculorum non semel laudentur, unde propius accedunt ad Scripturas Canonicas; quandoquidem, inquit Patres, Deus voluit per Sibyllinis Virgines, instruere Gentiles de Religione, ut gradatim disponerentur ad fidem, sicut instruxit & docuit Hæbræos per Prophetas.

*Repones*. Si Sibyllæ tot mira de Religione scripserunt, dicendum est habuisse fidem, & quidem explicitam de mysteriis, quippe quæ de eis clare loquantur, fuisse utique iustas, immo & sanctas; sed nullibi hoc legitur, ergo, &c. Confirmatur. Sequeretur Sibyllas fuisse ante ipsum Christianismum Christianas: igitur eorum Libri non debent admitti, sed potius confecti reputari.

*Respondeo* 1. donum Prophetiæ posse dari profanis ad Ecclesiæ utilitatem, sicut concessum est pessimis hominibus de quibus supra.

*Respondeo* 2. Prophetas non semper cognoscere quæ dicunt, quandoquidem moventur a Spiritu Sancto, ad utilitatem aliorum; unde Eliseus dicebat de Sunamite, ut refertur 4. Reg. 4. v. 7. *Anima ejus in amaritudine est, & Dominus celavit a me*. Potuerunt igitur Sibyllæ multa profertur instinctu Spiritu Sancti qui illarum utebatur lingua ad edocendos Gentiles de mysteriis, absque eo quod habuerint fidem explicitam de his quæ prænuuntiabant. Eas autem non habuisse fidem explicitam de Christo patet, quia cum nondum esset Christus natus, non potuerunt ejus profiteri Religionem; at vero cognovisse Dei & Existentiam & Unitatem, probabile est, quandoquidem hæc duo momenta lumine naturali cognoscere possunt. De cæteris mysteriis majus est dubium, cum ipsi Judæi fidem tantum implicitam de Trinitate & Incarnatione, si majores nempe Patriarchas & Prophetas excipimus, haberent, ut testatur Divus Thomas.

*Respondeo* 3. probabile esse Sibyllas fuisse Deo gratas, & ad sanctam Civitatem pertinere: ita colligitur ex Augustino lib. 18. de Civ. cap. 47., ubi ex professo docet in toto capite ante Christi tempora multos præter Judæos potuisse pertinere ad Civitatem sanctam Jerusalem, quandoquidem ipso teste potuerunt habere fidem

ex-



explicitam in Deum, & implicitam in Christum; profecto alludit ad Sibyllas, cuius auctoritatem laudaverat in capite præcedenti, & in probationem asserti sanctum Job, qui licet de Idumæa, & consequenter nec Judæus, nec profelytus esset, sed omnino extraneus, iustus tamen & sanctus erat, colens ac timens Deum. Sic autem loquitur sanctus Doctor cap. 47. "Quapropter quisquis alienigena, id est, non ex Israel profelytus, nec ab illo populo in canonem sacrarum Litterarum receptus, legitur aliquid prophetaſſe de Christo; si in nostram notitiam venit aut venerit, ad cumulum a nobis commemorari potest, non quo necessarius sit, etiam si desit, sed quia non incongrue creditur fuisse & in aliis gentibus homines, quibus hoc mysterium revelatum est, & qui hoc etiam prædicere impulsu sunt, sive participes ejusdem gratiæ fuerint, sive expertes, sed per malos Angelos docti sunt, quos etiam præsentem Christum, quem Judæi non agnoscebant, scimus fuisse confessos. . . . Divinitus autem provisiu fuisse non dubito, ut ex hoc uno sciremus etiam per alias gentes esse potuisse, qui secundum Deum vixerunt, eique placuerunt, pertinentes ad spiritualem Jerusalem. " Quibus verbis non leviter inculcat Augustinus Sibyllas habuisse fidem tum de Trinitate, tum de Dominica Incarnatione.

*Obijcies* 5. contra auctoritatem Philosophorum & auctorem Gentilium. 1. Licet isti unum esse Deum scriperint, non tamen in eum credebant, sed colebant idola. 2. Multi ex Gentilibus ad fidem conversi, ad idololatriam rediere. 3. Multo plures sunt Idololatæ, quam cæteri unum agnoscentes Deum: Et vero quot idololatæ in Imperio Japonæ, in Regno Sinarum vastissimo, & alibi; sed hæc omnia probant levioris esse ponderis Philosophorum & Gentilium pro Unitate Dei auctoritatem: igitur nihil ex eorum auctoritate concludi potest pro unitate Dei veri.

*Respondet* ad primum distinguendo. Et qui inter Gentiles scriperunt pro unitate Dei, eandem ex malitia abnuerunt, concedo; & non ex malitia, nego. Unde de illis dicit Apostolus Rom. 5. v. 2: *Cognoverunt Deum, non sicut Deum glorificaverunt. . . Propter quod tradidit eos Deus in desideria cordis eorum in immunditiam. . . in reprobu sensum.*

*Ad secundum* distinguo similiter. Propria malitia & cordis corruptione ad idololatriam.

Boucat Theol. Topn. I.

idolatriam rediere, concedo; defectu cognitionis, nego. Signatum quippe est cuilibet lumen unius Dei, & ingentia idea, ut supra ostensum est; unde non dantur infideles negative respectu existentie & unitatis Dei; summa igitur delicti est, inquit Patres, non colere & adorare quem ignorare non valent.

*Ad tertium* distinguo. Et illi Idololatæ, si ad eum redire velint, & Creatoris meditari magnalia, cognoscent unicum esse Deum, concedo; & non cognoscent, nego.

## SYNOPSIS PROBATIONUM.

*Constat ex Oraculis Sibyllarum unum dari Deum.*

*Primo.* Quia ipsi paganorum auctores & de eis loquuntur, & multis easdem celebrant laudibus, ut Virgilius, Cicero, & alii.

*Secundo.* Similiter & primorum sæculorum Patres, ut Lactantius, Origenes, Augustinus.

*Tertio.* Quia Hieronymus asserit eas in præmium Virginitatis, Prophetiæ dono donatas fuisse; unde valet & ponderat pro unitate Dei confirmanda earum testimonium.

## SYNOPSIS SOLUTIONUM

### PRO OBJECTIONIBUS.

*Primo.* Non verisimile apparet Libros Sibyllinos fuisse Christianorum secundi sæculi factum, cum hoc impugnet manifeste Origenes l. 1. contra Celsum.

*Secundo.* Non diffitemur Libros Sibyllinos fuisse vel a paganis vel ab hæreticis deſſoratos in iis maxime quæ spectant mores, sed non in iis quæ ad Unitatem Dei & ejus Incarnationem pertinent; unde testimonium Sibyllarum non evacuatur pro istis momentis.

*Tertio.* Tameſi Libri Sibyllini non sint Canonici, valent tamen ad paganorum infidelitatem perstringendam, quid ni & ad eorum conversionem?

## ARTICULUS QUARTUS.

*Utrum ex ratione constet unicum esse Deum?*

**S**ANCTI Patres & Ecclesiæ Doctores varias asserunt rationes quibus luce clarius probant contra Idololatras, unum esse

L

esse Deum. Præcipuas hic ad defensionem fidei afferre juvat.

*Prima* petitur ex imbecillitate plurium Deorum; nam de facto si plures sint, utique & imbecilles esse constat, repugnat autem Divinitati imbecillitas: hæc ratio est Laëtantii, qui in prima Institutionum c. 3. sic loquitur: „ Quid enim multis opus est ad mundi regimen sustinendum, nisi forte arbitremur, si plures sint, minus habere singulos nervorum atque virium, quod quidem faciunt ei qui esse multos volunt, quia necesse est imbecilles esse, siquidem singuli sine auxilio reliquorum, tantæ molis gubernaculum sustinere non possunt: Deus autem qui est æterna mens, ex omni utique parte perfectæ, consummataque virtutis est, quod si verum est, unus sit necesse est: potestas enim vel virtus absoluta retinet suum proprium firmitatem; si plures partiantur orbem, minus virium singuli habebunt, cum infra præscriptam portionem sese quisque contineat. „

*Secunda* sic exponitur: Natura Dei utpote perfectissima, petit & exigit unum esse Deum: hæc ratio est Tertulliani l. 1. adversus Marc. pag. 431. & 432. Sic scribit, sic intonat: „ Quantum humana conditio de Deo definire potest, id definio, quod & omnium conscientia agnosceret, Deus summum esse magnum, in æternitate constitutum, innatum, insectum, sine initio, sine fine; hunc enim statum æternitati censendum, quæ summum magnum Deum efficiat, dum hoc est in Deo ipsa atque ita, & cætera ut sit Deus summum magnum forma & ratione, & vi & potestate. Cum de isto conveniat apud omnes, nemo enim negabit Deum summum magnum quid esse, nisi qui poterit Deum, innum modicum quid e contrario pronuntiare, ut Deum nempe auferendo quod Dei est; quæ erit iam conditio ipsius summi magni, nempe ut nihil illi adæquetur, idest, ut non sit aliud summum magnum, quia si fuerit, adæquabitur; & si adæquabitur, non erit iam summum magnum, eversa conditione, & ut ita dixerim lege, quæ summo magno nihil finit adæquare: ergo unicum sit necesse est, quod fuerit summum magnum: ergo non aliter erit quam per quod habet esse, & id unicum ponit. Proinde Deus, cum summum magnum sit, recte veritas nostra pronuntiavit; Deus, si non unus est, non est.

Non quasi dubitemus esse Deum, dicendo, si non unus, non est; sed quia confidimus esse, id eum definimus esse, quod si non est, Deus non est, summum scilicet magnum: porro summum magnum unicum sit necesse est: ergo & Deus unicus erit. Non aliter Deus, nisi summum magnum; nec aliter summum magnum, nisi parem non habens: nec aliter parem non habens, nisi unicus fuerit: certe quicumque alium Deum induxeris, non alia poteris cum forma tueri Deum, quam ut illi proprium Divinitatis adscripseris. Sicut æternum, ita & summum magnum: duo ergo summa magna quomodo consistent, cum hoc sit summum magnum par non habere? par autem non habere cum uni competat, in duobus esse nullo modo possit. „

*Tertia* assertur ab Athanasio lib. contra gentes, pag. 32., ubi probat ordinem universi unum exigere Deum. „ Ordo ipse dispositionis, inquit, & rerum omnium consentiens harmonia, non plures, sed unum rectorem ipsius ac ducem esse Dei verbum ostendit; non enim, si plures essent rerum creatorum principes, servaretur ejusmodi universalitatis ordo; sed omnia confusa rursus ac perturbata forent, cum unusquisque omnium ad suum arbitrium traheret, & cum altero depugnaret. . . . Nam in his quæ pari sunt potestate prædita, nihil est quod excelsat, & præstantius sit. Quippe si, nolente altero, existit alterum, æqualis est amborum tum vis, tum imbecillitas: vis quidem æqualis, quatenus in eo quod existunt ambo, voluntatem suam vincunt mutuo; imbecillitas vero par erit utriusque, quod invitis ipsis, ac præter eorum voluntatem res accidunt; siquidem est bonus, renitente malo, & malus, nolente bono. . . . Quinam porro duo esse omnino possunt invicem contraria, aut quid est quo illa separentur, ut distincta consistant? fieri enim non potest ut simul existant, eo quod sese mutuo extinguendi vim habent; sed neque alterum esse in altero potest, quod insociabilis ac dissimilis natura habet illorum; itaque tertium erit, quod illa dirimit, ipsumque Deus. „ Ibidem dicit, quod sicut navis a multis simul gubernata, cursum rectum non tener, neque cithara, si a multis pulsetur, concentum edat; ita si mundus a multis gubernetur, quia erunt diversi motus, eo quod suum unusquisque habebit.

*Sic ex Athanasio non possunt esse plures Dii, tum quia non esset ordo in gubernatione mundi, tum quia isti Dii essent contrarii, & sese mutuo destruerent, tum etiam quia nihil moveretur; enimvero se mutuo impediunt in operatione agentes.*

*Quarta petitur ex summa simplicitate quæ Divinitati essentialiter competit, & multiplicationem non patitur. Hæc ratio est Boetii, qui lib. de Trinitate sic loquitur: "Deus a Deo nullo differt, nec vel accidentibus vel substantialibus differentiis in subiecto positis distat. Ubi vero nulla est differentia, nulla est omnino pluralitas, quare nec numerus: igitur unitas tantum."*

*Quinta desumitur ex plenitudine perfectionum quæ divino competit enti, & est Gregorii Nysseni, in prologo Libri Catechetici. "Nam si bonum & iustum, & sapiens, & potens uno modo dicitur, incorruptum item & æternum, ac pia omnis cogitatio eodem modo affirmetur, omni penitus sublata differentia: Deorum quoque multitudo ex dogmate necessario tollitur, cum quæ est per omnia, ut ita dicam, identitas, ad id quod unum est, fidem redigat."*

*Sexta deducitur ex necessitate unius entis supremi a quo sint omnia, & est Divi Anselmi in Monologio c. 3. sic loquens: "Omne namque quod est; aut per aliquid est, aut per nihil; sed nihil est per nihil, & si est per aliquid, illud aliquid vel est multiplex, vel unum; si sunt plura, debent referri ad unum per quod sunt, alius essent plura per se: est igitur vis a qua sunt."*

*Septima ex infinitate perfectionum quæ competit enti supremo, eruitur, & est Divi Thomæ 1. parte, q. 7. a. 3. "Deus comprehendit in se totam perfectionem essendi: si ergo essent plures Dii, oporteret eos differre; aliquid ergo conveniret uni quod non alteri, & sic ille in quo esset privatus, non esset simpliciter perfectus, si autem hoc esset, perfectio alteri eorum deesset: impossibile est ergo esse plures Deos; unde & antiqui Philosophi, quasi ab ipsa coacti veritate ponentes principium infinitum, posuerunt tantum unum principium."*

*Octava in impossibilitate cultus pluribus Diis exhibendi fundatur: namque si plures essent Dii, neque colendi forent; atque absurdum consequens; ergo & antecedens.*

*Probatum maior ex Tertulliano, qui l. 1. adversus Marcionem, pag. 433. sic habet:*

*"Numerus autem Divinitatis summatione constare debet, vel quoniam cultura ejus in anceps deduceretur: ecce enim duos intuens Deos tam pares quam summa magna, quid facerem si ambos colerem? vereretur ne abundantia officii, superstitio potius quam religio existimeretur, quia duos tantum pares, & in altero ambos possem in uno demereri; hoc ipsum testimonio præstans parilitati & unitati eorum, dum alterum in altero veneraret, dum in uno mihi duo sunt, si alterum colerem, & æque recogitarem, ne suffundere videretur numeri vanitatem, sine differentia supervacui; hoc est, tutius censere neutrum colendum, quam alterum cum scrupulo colendum, aut ambos vane."*

*Nona ex cognitione innata unius tantum Dei optimi maximi eruitur. Omnes etiam barbari & idiotæ agnoscunt Deum esse; nullus quippe nisi stultus & insipiens dicit in corde suo: non est Deus; sed cuncti, nullo excepto, voce erumpente naturæ, unicum prædicant, unicum ad auxilium in periculis imminentiis vocant: igitur non multiplex, sed unus est Deus. Probatum minor ex Tertulliano, qui ibidem ait pag. 436. "De ignoto instat altercatio: potest enim non esse; quia si esset, notus fuisset. Quod ergo quaeritur quandiu ignoratur, incertum est, quandiu quaeritur, & potest non esse. Habes Deum certum quia notum, & incertum quia ignotum. Rursus pag. 437. "A primordio rerum conditor earum cum ipsis pariter compertus est, ipsis ad hoc prolatis, ut Deus cognosceretur... Deum esto si tamen norunt, etiam tantam idolatriæ dominationem obumbrante; seorsum tamen illum quasi proprio nomine Deum perhibent & Deum Deorum, & si Deus dederit, & quod Deo placeat, Deo & commendo. Vide an noverint quem omnia posse testantur; nec hoc ullis Moisi Libris debent. Ante animam, quam Prophetiæ; animæ enim a primordio conscientia Dei dos est: eadem nec alia, & in Ægyptiis, & in Syris, & in Ponticis."*

*Ex refutatione pluralitatis inanum Gentilitatis Deorum.*

*Tertullianus hanc Provinciam omnibus nedum Christianis, sed & ipsorum paganorum*

rum proceribus demirantibus optime adimplevit, cujus quidem rationes ad Fidelium tum consolationem tum instructionem, hic texere necesse est.

*Prima* sic exponitur: Nominē Dei intelligimus ens a se & independens, maxime ab hominibus; atqui ceteri Gentilium Dii, uno excepto Deo nostro cœli & terræ Domino, dependent ab hominibus: igitur nullus est alius Deus præter Deum vivum & nostrum. " Ut de Origene, inquit Tertullianus, Apol. pag. 6. Edit. Paris. ann. 1624. aliquid retractemus ejusmodi Legum, vetus erat Decretum, ne quis Deus ab Imperatore consecraretur, nisi a Senatu probatus. Scit M. Æmilius de Deo suo Albusno. Facit & hoc ad causam nostram, quod apud vos de humano arbitrato Divinitas pensatur. Nisi homini Deus placuerit, Deus non erit. Homo jam Deo propitius esse debet. "

*Rursus* pag. 7. " Etiam circa ipsos Deos vestros quæ prospecte decreverant patres vestri, iidem vos obsequentissimi rescidistis Liberum patrem cum mysteriis suis Consules Senatus auctoritate, non modo urbe, sed universa Italia eliminaverunt. Serapidem, & Isidem, & Harpocratem cum suo Cynocephalo, Capitolio prohibitos, idest, Cura Deorum pullos, Piso & Gabinius Coss. non utique Christiani, everfis etiam aris eorum, abdicaverunt turpium & otiosarum superstitionum vitia cohibentes. His vero relictis, summam Majestatem contulistis. "

*Et iterum* pag. 14. " Deos ascia pungitis; si non placent, e numero Deorum expungitis: usu pereunt & desinunt Dii vestri: Imperatores quos vidistis, in numero Deorum ponitis: quod canibus reservatis, Diis offertis: eosdem miseros vulnerabiles prædicatis. "

*Secunda.* Nonsine Dei, intelligendum est ens ab omni labe purum; non hominem, sed hominis Creatorem & Dominum: atqui tales nusquam fuere Dii gentium, immo facinorosi, & inter homines ut plurimum sceleratissimos fors illorum est: igitur non est alius Deus præter Deum nostrum optimum, maximum. " Proinde,

*ait Tertullianus* pag. 11., incesti qui magis, quam quos ipse Juppiter docuit? Perlas cum suis matribus misceri Ctesias refert. *Ibidem* pag. 12., Saturnum itaque quantum Litteræ docent, neque Diodorus Græcus, aut Thallus, neque Crassius Severus aut Cornelius Nepos,

neque ullus Commentator, ejusmodi antiquitatum, aliud quam hominem promulgaverunt. Si quantum rerum argumenta nusquam invenio fideliora, quam apud ipsam Italiam, in qua Saturnus, post multas expeditiones, postque Attica hospitia confedit, exceptus ab Jano, vel Jano, ut Salii volunt, mons quem incoluerat, Saturnus dictus: civitas quam depalaverat, Saturnia usque nunc est. Totā denique Italia post Ocnotriam, Saturnia cognominabatur. Ab ipso primum tabulæ & imagine signatus numus, & inde ærario præsidet. Tamen si homo Saturnus, utique ab homine; & quia ab homine, non utique de cælo. "

*Tertia.* Nominē Dei concipimus ens omnipotens; & omni ita refertum perfectione, ut nullus indigeat: atqui Dii gentium non ita; nam indigent fere omnium: quid dicam? sibi invident, & ad invicem parant insidias; inter eos & congressus, & bella & prælia: igitur non sunt Dii nisi mendaces. Hanc egregiam rationem non semel delineat Tertul. Sic scribit pag. 12. & 13. " Igitur, si est qui faciat Deos, revertor ad causas examinandas faciendorum ex hominibus Deorum, nec ullas invenio, nisi si ministeria & auxilia officiis divinis desideravit ille magnus Deus. Primo, indignum est ut alicujus operæ indigeret, & quidem mortui, cum dignius ab intuitu Deum aliquem fecisset, qui mortui erat operam desideraturus. "

*Rursus* pag. 14.: " Sed conversus ad Litteras vestras, quibus informamini ad prudentiam & liberalia officia, quanta invenio ludicra? Deos inter se propter Trojanos & Achivos, ut Gladiatorum paria, congressos depugnasse: Venerem humana sagitta fauciatam: Martem tredecim mensibus in vulnibus pene consumptum: Jovem, ne eandem vim a cæteris cœlestibus experiret, opera cuiusdam monstri liberatum. "

*Quarta.* Nominē Dei agnoscimus ens perfectissimum, a quo omnia, per quem omnia, in quo omnia, ita ut nihil indigeat, sive ad sui vel mundi conservationem, sive ad universi regimen: atqui talis est Deus noster; sic asserit, sic docet Tertull. *ibid.* Apol. pag. 13. ergo, &c. " Totum enim, inquit, hoc mundi corpus, sive innatum & infectum, secundum Pythagoram, sive natum & factum, secundum Platonem, semel utique in ista constructione dispositum & instructum

, & æ-

„ & ordinatum, cum omni rationis guberna-  
 „ naculo inventum est, imperfectum non  
 „ potuit esse quod perficit omnia.... *Per-*  
 „ *git.* Vani erunt homines, nisi certi sint  
 „ a prinordio, & pluvius de cælo ruisse,  
 „ & sidera radiasse, & lumina floruisse, &  
 „ conitrua mugisse, & ipsum Jovem quæ  
 „ in manu ejus positis, fulmina timuisse;  
 „ item omnem frugem ante Liberum & Ce-  
 „ rerem & Minervam, immo ante illum  
 „ aliquem principem hominem de terra exu-  
 „ berasse, quia nihil continendo & susti-  
 „ nendo homini prospectum post hominem  
 „ potuit interiri. Denique invenisse dicun-  
 „ tur necessarii ista viæ non instituisse:  
 „ quod autem invenitur, fuit; & quod  
 „ fuit, non ejus deputabitur qui invenit;  
 „ sed ejus qui instituit; erat enim antequam  
 „ inveniretur. Cæterum, si propterea Li-  
 „ ber Deus, quod vitem demonstravit, im-  
 „ le cum Lucullo actum est, qui primus  
 „ Cerafa ex Ponto Italicæ promulgavit, quod  
 „ non est propterea consecratus, ut novæ  
 „ frugis auctor, quia inventor & ostensor;  
 „ quamobrem si ab initio & instructi, &  
 „ certis excercendorum officiorum suorum  
 „ rationibus dispensari univerſis constitit:  
 „ vacat ex hac parte causa alegandæ hu-  
 „ manitatis in Divinitatem, quia quas illi  
 „ rationes & potestates distribuitis, tum  
 „ fuerunt ab initio, quam & fuissent, e-  
 „ tiamſi Deos istos non creveritis.”

„ *Quinta sic procedit.* Nomine Dei intelli-  
 „ gitur ens replens omnia, & ubique præſens,  
 „ maxime in supremo cælo, ubi glorificatur  
 „ in consilio Sanctorum suorum; sed solus  
 „ Deus noster habitat in cælis, ibi Dii gen-  
 „ tium non sunt collocandi, cum ipsi paga-  
 „ ni multos Diis suis probiores in infernum  
 „ detrudi velint: igitur Deus unus est. Mi-  
 „ norem quorundam utramque partem probat Ter-  
 „ tullianus Apol. pag. 13., primam quidem  
 „ iis verbis: ” Sed convertimini, ait, ad cru-  
 „ ſimaliam respondentes collationem Divi-  
 „ nitatis meritorum remunerandorum fuisse  
 „ se rationem, & hinc conceditis, opinor,  
 „ illum Deum deificum justitia præcellere,  
 „ qui nec temere nec indigne, nec prodi-  
 „ ge tantum præmium dispensavit. Volo  
 „ igitur merita recensere. An ejusmodi  
 „ sint ut illos in cælum extulerint, &  
 „ non potius in inum tartarum inferint,  
 „ quem carcerem pœnarum infernarum,  
 „ cum vultis, affirmatis; illic enim ab-  
 „ strudi solent impii, quique in parentes  
 „ & in sorores incesti & maritarum adul-  
 „ teri & Virginum raptores, & puero-

„ rum contaminatores, & qui sæviunt, &  
 „ qui occidunt, & qui furantur, & qui  
 „ decipiunt, & quicumque similes sunt a-  
 „ licujus Dei vestri, quem neminem inte-  
 „ gram a crimine aut vitio probare pote-  
 „ rit, nisi hominem negaveritis. At quin  
 „ ut illos homines fuisse non possitis nega-  
 „ re, etiam istæ notæ accedunt, quæ nec  
 „ Deos posse factos credi permittunt; si  
 „ enim talibus vos puniendis præſideris, si  
 „ commercium, colloquium, convictum  
 „ malorum & turpium probi quique re-  
 „ puitis, horum autem pares, Deus ille  
 „ Majestatis suæ consortio adſcivit, quid  
 „ ergo damnatis quorum Collegas adora-  
 „ tis? Iugillatio est in cælo vestra justitia.  
 „ Deos facite criminolissimos quosque  
 „ ut placeatis Diis vestris. Illorum est ho-  
 „ nor, consecratio coæquilibrium.”

„ *Jam vero* quod multos Diis suis probio-  
 „ res in infernum detrudant Gentiles, ibidem  
 „ asserit Tertullianus, sic enim prosequitur:  
 „ Ut omnium hujus indignitatis retra-  
 „ ctum, probi & integri, & boni fuerint,  
 „ quot tamen potiores viros apud inferos  
 „ reliquistis? .. Quis ex Diis vestris gravior  
 „ Catone? Justior & militator Scipione?  
 „ Quis sublimior Pompejo? Felicior Sylla?  
 „ Copiosior Crasso? Eloquentior Tullio?  
 „ quanto dignius istos Deos ille asumen-  
 „ dos expectasset? præſcius utique potio-  
 „ rum properabit, opinor, & cælum clu-  
 „ ſit, & nunc utique melioribus apud in-  
 „ feros mustitantibus erubescit.”

„ *Sexta.* Pluralitas Deorum est mere fabu-  
 „ losa: igitur nullo modo admittenda. Pro-  
 „ batur antecedens triplici momento: Primo  
 „ quidem, quia in isto systemate nulla aſul-  
 „ get veritas: Secundo, quia ipsi Gentiles &  
 „ Idololatæ parvi sua faciunt Numina, im-  
 „ mo ut plurimum eos aspernari non dubi-  
 „ tant: Tertio, quia cultu admodum vano  
 „ suos colunt Deos, quinimmo Imperatores  
 „ suos multo plus, quam ipsa Numina, ti-  
 „ ment & venerantur.

„ *De primo* sic loquitur Tertullianus ibi-  
 „ dem p. 14. ” Quantum igitur de Diis ve-  
 „ ſtris nomina solummodo video quorun-  
 „ dam veterum mortuorum, & fabulis  
 „ audio, & sacra de fabulis recognosco;  
 „ quantum autem de simulacris ipsis nihil  
 „ aliud deprehendo, quam materis fo-  
 „ rores esse vasculorum instrumentorum-  
 „ que communium, vel ex iisdem vascu-  
 „ lis & instrumentis, quasi factum conse-  
 „ cratione mutantes licentia artis trans-  
 „ ſignatione, & quidem contumeliose;

„ & in ipso opere sacrilege, ut revera  
 „ nobis, maxime qui propter Deos ipsos  
 „ plectimur, solatium pœnarum esse pos-  
 „ sit, quod eadem & ipsi patiuntur ut  
 „ fiant . . . . unguis deraditis latera Chri-  
 „ stianorum, & in Deos vestros per omnia  
 „ membra validius incumbunt Asciz, &  
 „ Runcinz & Robinz . . . . in metallis  
 „ damnatur; inde censentur Dii vestri.  
 „ De secundo, p. 14. ” Qui quos præsum-  
 „ ptis esse, negligitis; quos timetis,  
 „ destruitis; quos etiam vindicatis, illu-  
 „ ditis: recognoscite si mentior. Primo,  
 „ quia cum alii alios colitis, utique quos  
 „ non colitis, offenditis: prælatio alte-  
 „ rius sine alterius contumelia, non po-  
 „ test procedere, quia nec electio sine  
 „ reprobatione. ”  
 „ De tertio p. 15. ” Volo & ritus vestros  
 „ recensere, non dico quales sitis in sa-  
 „ crificando cum enesta & tabidosa, &  
 „ scabiosa quæque mactatis, cum de opi-  
 „ mis & integris supervacua quæque trun-  
 „ catis, capitula & ungulis quæ domi quo-  
 „ que pueris vel canibus destinassetis; cum  
 „ de decima Herculis, nec tertiam par-  
 „ tem in aram ejus imponitis.  
 „ De quarto denique pag. 29. ” Ventum  
 „ est igitur ad secundum titulum læsæ au-  
 „ gustioris Majestatis, siquidem majori for-  
 „ midine & callidiore timiditate Cæsa-  
 „ rem observatis, quam ipsum de Olym-  
 „ po Jovem. ”

### SOLVUNTUR OBJECTIONES.

*Obijciunt* 1. Adversarii, qui tot admit-  
 tunt Deos, quot sunt in Deo personæ:  
 Ratio dicit esse plures Deos, igitur non  
 est unus Deus. Probatur antecedens.  
 Ratio dicit dari unum supremum ens,  
 illudque spirituale & cognoscitivum, a-  
 deoque habens & intellectum & volunta-  
 tem: igitur dicit esse non unum dumtaxat,  
 sed plures Deos. Probatur consequen-  
 tia. Ratio concipit illud ens supremum  
 esse intelligens similiter & volens adeo-  
 que producere & suæ intellectionis termi-  
 num nempe verbum, & suæ voluntatis  
 impulsu, videlicet amorem subsisten-  
 tem seu Spiritum Sanctum: igitur ratio  
 plures esse Deos adumbrat & suadet, quan-  
 doquidem termini intellectus & voluntatis  
 Dei, utique Dii esse censentur.

*Respondet* negando rationem dicere plu-  
 res esse Deos, quinimmo dicit esse uni-  
 cum. Ad probationem, concessio antece-

dente, nego consequentiam. Ad aliam  
 probationem distinguo antecedens: Et non  
 intelligit ratio illud verbum illumque a-  
 morem esse Deos, concedo; & intelligit,  
 nego. Ratio concipit unum esse Deum,  
 sed cum concipiat divina ad modum rerum  
 creatarum, non capit Verbum &  
 amorem esse ejusdem naturæ & substantiæ,  
 cum principio a quo utrumque procedit.

*Insunt.* Ratio & mens Philosophi concipit  
 illud ens infinitum, intelligere &  
 amare infinite, adeoque producere terminos  
 sibi proportionatos & infinitos, & quidem  
 substantialiter; si enim illa conciperet  
 ut accidentia, jam non conciperet ut Ver-  
 bum & amorem Dei infiniti: ergo, &c.

*Respondet* distinguendo. Ratio naturalis  
 hoc intelligit confuse, concedo; explicite,  
 subdistinguo, quoad existentiam Dei,  
 concedo; quoad quidditatem, nego. Cog-  
 noscimus naturaliter, & hoc per effe-  
 ctus creatos, Deum esse, sed non quoad  
 quid est, & ipsius personas. Ratio quidem  
 cognoscit clare dari Deum, cognos-  
 cit esse ens intelligens & volens infinite,  
 sed pendula manet circa Trinitatem, quan-  
 doquidem tres unum esse non capit.

*Insunt.* Certe ratio naturalis dicit ens  
 supremum infinite spirituale & intelli-  
 gens producere terminum intellectionis in-  
 finitum, sicut & amoris sed non dicit  
 esse consubstantiales illis terminos, & ta-  
 men dicit esse infinitos: igitur dicit esse  
 plures Deos, quia essentialiter dicit dis-  
 tinctos ejusmodi terminos.

*Respondet* rationem nullum posse de hoc  
 formare iudicium, quia non cognoscit Deum  
 quoad quid est, nisi accedat fides in sup-  
 plementum. Fides quidem cognoscit esse  
 terminos infinitos, sed & consubstantiales,  
 adeoque esse unum Deum.

*Perfles.* Sunt tres personæ in Divinis,  
 ergo & tres Dii. Probatur consequen-  
 tia. Quælibet persona est Deus; ergo, &c.

*Respondet* negando consequentiam, ad  
 probationem distinguo: quælibet persona est  
 Deus indistinctus ab alia, concedo; distin-  
 ctus, nego.

*Iterum instabis.* Personæ sunt ab invicem  
 distinctæ: igitur si quælibet est Deus,  
 erant tres Dii.

*Respondet* distinguendo. Personæ sunt ab  
 invicem distinctæ secundum esse ad & re-  
 lativum, concedo; secundum esse absolu-  
 tum, nego. Duo sunt potissimum in per-  
 sonis divinis distinguenda; esse in & quod  
 est absolute, quod est ens a se & di-

vinum; deinde esse ad & quod est relativum. Si personæ primo modo spectentur, profecto non distinguuntur realiter, quandoquidem illud absolutum est ipsa essentia divina quæ eadem est, & manet in omnibus. At vero si secundum alium considerentur respectum, sane distinguuntur. Cum igitur unica sit in Deo substantia, est utique unicus Deus. Etvero vox, *Deus*, est nomen substantiæ & naturæ, inquit Divus Thomas, quod certe non multiplicatur, nisi multiplicata essentia seu natura: unde tres quidem prædicantur personæ, unicus vero dicitur Deus.

*Urgebis de novo.* Persona est spiritualis naturæ individua substantia; ergo cum quælibet persona divina sit individua substantia, sequitur tres esse in Trinitate naturæ distinctos Deos.

*Respondedo* distinguendo. Persona est individua substantia in concreto, concedo; in abstracto, nego. Illa definitio, Persona est individua substantia, includit naturam & suppositum; cum autem natura sit eadem in tribus personis, istæ non tres, sed unicus Deus sunt.

*Adhuc instabis.* Abstracta & concreta in divinis sunt idem; ergo si personæ distinguuntur in abstracto, distinguuntur & in concreto, adeoque erunt tres Dii.

*Respondedo* distinguendo. Abstracta & concreta in divinis, sunt idem secundum essentiam & secundum absolutum, concedo; sunt idem secundum relativum, nego. Etvero eo ipso quo adunantur in eadem natura, est unicus Deus.

*Rursus instabis.* Personæ diviniæ in abstracto, non sunt quid negativum: Paternitas, verbi gratia, est perfectio realis & infinita; sed plures sunt ejusmodi in divinis perfectiones: ergo cum sint distinctæ, sunt utique plures distinctæ entitates, adeoque & plures Dii.

*Respondedo* distinguendo majorem. Paternitas est perfectio realis indistincta a natura, concedo; distincta, subdistinguo: virtualiter & per mentem, concedo, realiter & a parte rei, nego. Personæ non distinguuntur realiter a natura; unde non sunt

tres entitates distinctæ, sed unica; & sic unicus Deus est.

*Instabis* denique. Una persona non est altera: igitur, cum quælibet sit Deus, erunt tot Dii, quot sunt Personæ.

*Respondedo* distinguendo. Una persona non est altera secundum esse ad, seu relativum & in abstracto, concedo; personæ enim sic spectatæ sunt mutui respectus sese ab invicem excludentes. Una persona non est altera secundum esse in & absolutum seu in concreto, nego. Quam quidem veritatem declarat Christus Dominus Joan. 10. 30. his verbis: *Ego & Pater unum sumus.*

## SYNOPSIS PROBATIONUM

*Constat & ratione unicum esse Deum.*

*Primo.* Quia non datur majus & minus in Divinitate; profecto daretur si plures essent Dii: quædam quippe perfectiones forent in uno, quæ non reperirentur in altero.

*Secundo.* Quia pluralitas Deorum, teste Tertulliano, nullitas est Deorum.

*Tertio.* Ordo universi ad unum confluentem concentum, unumque finem, unicum esse Deum conclamat.

## SYNOPSIS SOLUTIONUM AD OBJECTIONES.

*Primo.* Sunt quidem tres in Sanctissima Trinitate personæ, sed unicus Deus, quia unica est omnibus personis natura & essentia.

*Secundo.* Licet Deus habeat in gubernatione mundi Ministros, isti tamen non sunt Dii.

*Tertio.* Regimen Imperii inter homines Collegas ejusdem cum Imperatore auctoritatis exigit, quandoquidem incertæ sunt mortalium providentiæ; ast non sic sane Dei Providentiæ, quæ quidem in sui dispositione non fallitur, attingens omnia a fine ad finem fortiter, & disponens suaviter, igitur unus est Deus.

## DISSERTATIO TERTIA

D E

## ESSENTIA ET CONSTITUTIVO DEI,

*Contra Anthropomorphitas.*

ANTHROPOMORPHITÆ 4.  
 sæculo graviter erraverunt circa naturam Dei assignandam, existimantes Deum esse corporeum, habere figuram, brachia, & alias corporis humani affectiones; sed contra

quod dicitur Joan. 9. v. 24. *Spiritus est Deus.*

*Hoc dogma fidei quatuor probatur momentis; & Deus spiritualis, atque purus spiritus conclamatur.*

*Primo.* Quia est ens a se.

*Secundo.* Quia est ab omni materia etiam metaphysica absolutus.

*Tertio.* Quia est ens indivisibile in se & a suis attributis realiter indistinctum.

*Quarto.* Quia est ens simplicissimum, nullam habens in se compositionem.

## ARTICULUS PRIMUS.

*Utrum Deus sit formaliter ens a se.*

CERTUM est omnia quæ in Deo distinguimus, sive naturam, sive personas, sive etiam proprietates & perfectiones esse Deum, fides quippe docet & Patrem esse Deum sicut Filium & Spiritum Sanctum; item & bonitatem Dei esse Deum, &c. . . unde si loquamur de constitutivo reali, Deus est omnium perfectionum cumulus, sed questio præiens est de constitutivo metaphysico, & quaeritur quænam ratio ex omnibus quas in Deo distinguimus, concipiatur ut radix & fons cæterarum omnium perfectionum, ita ut secundum nostrum concipiendi modum, sit natura & principium a quo cætera fluant, pro cuius resolutione sit

## CONCLUSIO.

*Deus est formaliter & essentialiter ens a se, ita ut ipse naturæ constitutivum sit ratio entis a se.*

Probatur auctoritate & ratione.

*Primo, ex Scriptura sacra.*

DEUS Exod. 3. v. 14. Moysi sic loquitur: *Ego sum qui sum, sic dices filiis Israel, qui est, misit me ad vos.* Notandum est Deum respondere Moysi, qui ab ipso petierat, quis esset, ut responderet & filiis Israel & Pharaoni ad probandam suam Missionem: igitur Deus est ens a se formaliter: igitur ratio entis a se, est naturæ divinæ constitutivum metaphysicum; alias videretur, quod illam responsione præcedenti non expressisset Deus, nec utique apparet responsio directa, quod ablit dicere, ad quaestionem per Moysen factam Exod. 3. v. 13. his verbis: *Ait Moyses ad Deum, ecce ego vadam ad filios Israel, & dicam eis, Deus Patrum vestrorum misit me ad vos: si dixerint mihi, quod est nomen ejus? Quid dicam eis?*

*Secundo, ex Patribus locum Exodi interpretantibus.*

*Dionysius* in l. de divinis nominibus, essentiam sic describit divinam, dicens: "Ipsum per se esse, antiquius est ipsa, per se vita." Igitur esse, prius est intelligere quod est vivere, seu vita Dei, adeoque primum est & principale quod concipitur in Deo.

*Athanasius* alter testis est, nam Ep. de Synodis ait "Non aliud quidpiam, sed ipsam simplicem, beatam & incomprehensibilem ejus qui est, essentiam intelligimus: igitur Deus est formaliter & essentialiter ens a se."



*Hilarius* eidem veritati suffragatur l. 1. de Trin. n. 5. explicans verba Exod. "Admiratus sum, inquit, tam absolutam significacionem quæ naturæ divinæ incomprehensibilem cognitionem aptissimo ad intelligentiam humanam sermone loquere; non enim aliquid magis proprium Deo, quam esse intelligitur."

*Ambrosius* eadem ponderans verba in Psal. 4. ait: "Cognoscens mentem ejus Deus, non respondet nomen, sed negotium, hoc est, rem expresse, non appellacionem, dicens, *Ego sum, qui sum*, quia nihil tam proprium Dei, quam semper esse."

*Augustinus* in Psal. 124. egregie probat conclusionem. "Non dixit Dominus sic: Dices filiis Israel, qui est omnipotens, justus, misericors, misit me ad vos; sed, sublati aliis nominibus, ipsum esse vocari voluit, tanquam hoc sit proprium nomen ejus essentiam significans. Igitur ens a se constitutum Dei metaphysicum est."

*D. Bernardus* l. 5. de consid. c. 6. miro proforsus modo, eandem Dei essentiam describit his verbis: "Si bonum, si magnum, si beatum, si sapientem, vel quidquid tale de Deo dixerit, in hoc verbo instauratur, quod est, est nempe hoc est ei esse, quod hæc omnia esse: si & centum talia addas, non recessisti ab esse; si ea dixeris, nihil addidisti; si non dixeris, nihil minuísti."

*D. Thomas* insistens Patrum vestigiis, 1. p. q. 13. art. 11. hæc *D. Damasceni* verba laudat: "Principalis omnibus quæ de Deo dicuntur, nominibus est, qui est." Ex qua sententia sanctus Doctor infert & concludit qui est, esse nomen Deo maxime proprium: igitur censet constitutum Dei in esse a se potissimum consistere; unde q. 14. in præmio sic loquitur. "Post considerationem eorum quæ ad divinam substantiam pertinent, restat considerandum de iis quæ pertinent ad operationem ejus." Explicans vero quid sit in Deo operatio, asserit unam esse immanentem, & esse intelligere & velle; alteram vero transeuntem, & illam esse qua Deus agit ad extra: igitur, cum in quæstione decima-tertia tractet de esse, censet consequenter pertinere formaliter ad naturam Dei, ejusque constitutum, intelligere vero tantum ad operationem: ergo constitutum est esse a se, & non intelligere. Revera quidem prius est esse, quam operari.

Tertio, ex multiplici ratione.

*Prima.* Illud est essentia Dei formaliter, quod est illi maxime proprium; nam essentialiter est id quod convenit uni & non alteri: atqui esse ex Patribus, est Deo maxime proprium; illi soli convenit, & id omne quod est in Deo, ut sapientia, bonitas sicut ab esse a se: igitur esse a se, est formaliter essentia Dei, & hoc expresse dicit *Augustinus*.

*Secunda* sic exponitur. Nomen explicat rei naturam; sed Deus de nomine suo a Moise quæsitus, ait: *Ego sum qui sum*, illud nomen, inquit *D. Thomas* hic, quæst. 13. art. 11. principaliter Deo convenit, quia illi soli convenit, quia dicit universalitatem & illimitationem, quia significat in præsentia esse: igitur esse a se, est id quod concipitur ut Dei essentia: tum quia cætera Dei attributa non sunt quid primum in eo, sed potius esse a se, a quo velut a fonte primigenio profluere dicuntur.

*Tertia* ratio non minus urget. Illud concipitur ut ratio essentialis, & naturæ divinæ constitutiva, quod summum arguit in Deo perfectionem; sed esse a se, summum arguit in Deo perfectionem: Deus enim, per hoc quod sit ens a se, non dicitur solum habere omnia, sed esse omnia; unde *Bernard.* sermone 40. in Cant. de Deo, dicit: *In semet manens, quod habet est.* Idem *Anselmus* & alii Patres concludunt: igitur formaliter & essentialiter Deus est ens a se.

*Quarta.* Quod est primum in re, & radix cæterorum, est essentia formaliter: atqui esse a se in Deo, est primum & radix cæterorum: primum quidem, prius enim est concipere Deum esse secundum se, quam esse bonum, omnipotentem; cæterorum vero radix, nam ex hoc quod sit ens a se, sequitur & fluit eum esse primum mobile, primam causam, ens necessarium & independens, summe bonum, supremum omnium provisorum, æternum, infinitum, omnipotentem; ens enim a se hæc omnia involvit: ergo ens a se est constitutum metaphysicum naturæ Dei.

*Quinta* & ultima: idem est distinctivum & constitutum; sed Deus per esse a se distinguitur, & a creaturis, & a propriis perfectionibus: igitur esse a se, est Dei essentia. Probatur minor. Deum differre a creaturis per esse a se liquido constat, differre vero a suis propriis perfectionibus  
essent-

ostenditur 1. Non differt per cumulum perfectionum, cum hoc totum Deum dicat. 2. Non per infinitatem, ista enim est solum modus imbibitus in omnibus Dei perfectionibus; natura autem dicit formaliter esse subsistens. 3. Neque per intelligere, namque ex D. Thoma dicit operationem quæ supponit naturam: per hoc quod sit ens a se: ergo esse a se, est essentia Dei.

### SOLVUNTUR OBJECTIONES.

*Obijciat.* Divus Thomas hic dicit nomen, Deus, esse Deo proprium: igitur esse a se, non est nomen Dei proprium, adeoque non est essentia.

*Respondet* distinguendo. Nomen, *Deus*, est nomen Dei proprium secundario, concedo: sic etiam omnipotens, & infinitus, primario, & maxime proprie, subdistinguo; respectu creaturarum, concedo; respectu propriarum perfectionum, nego. Ens autem a se concipitur ut ratio essentialis, non solum respectu creaturarum quæ habent esse per dependentiam ab illo ente supremo, ut est a se, sed etiam respectu propriarum attributorum, quæ concipiuntur fluere per simplicem emanationem ab illo ente ut est a se; enimvero ens a se neque fluit, neque ab alio fluere concipitur; unde etiam ad intra apprehenditur ut radix cæterorum quæ sunt in Deo; adeoque ut constitutivum metaphysicum. Licet autem nomen, *Deus*, dicat ens supremum, non tamen explicite, sed solum implicite, adeoque non concipitur explicite ut radix cæterorum & natura, & sic non est nomen maxime proprium.

*Respondet* 2. distinguendo. Et vox, *Deus*, significat ens a se, & idem est cum illo, concedo: & non est idem, nego. Quod sit idem patet, quandoquidem passim in Libris legalibus Deus ipse se nominat Deum Abraham, Deum Isaac & Jacob; cui subscribit D. Thomas hic q. 13. art. 8. dicit enim nomen illud, *Deus*, principium operationis significare.

*Inq̃uiritur.* Ens a se, est quid indeterminatum & vagum; sed ens vagum non est essentia Dei: ergo nec ens a se.

*Respondet* distinguendo. Ens a se aliquid est indeterminatum, si sumatur in abstracto, concedo, in concreto, nego. Ens a se potest considerari in abstracto, & ut dicit asseclatam solum; & in concreto, ut dicit ens subsistens a se. Primo quidem modo non est essentia Dei, sed modus im-

bibitus in omnibus Dei perfectionibus; nam sapientia divina est a se, bonitas divina est a se; bene vero secundo modo; ut enim afficit ens, est radix cæterorum, quandoquidem cætera Dei perfectiones non sunt a se, nisi quatenus sunt idem realiter cum Deo, seu ente a se.

*Ad id* vero quod dicitur ens a se, dicere aliquid indeterminatum,

*Respondet* distinguendo. Per plenitudinem & abundantiam, quia omnia habet, & nullis clauditur terminis, concedo; indeterminatum vage & per indigentiam alicujus boni & perfectionis, nego. Solutio est D. Thomæ, qui hic quæsit. 13. art. 4. sic habet: "Cum esse Dei sit ipsa ejus essentia, & hoc nulli alio conveniat, manifestum est, quod inter alia nomina hoc maxime proprie nominat Deum... Quanto aliqua nomina sunt minus determinata & magis communia & absoluta, tanto magis proprie dicuntur de Deo a nobis; unde & Damascenus dicit quod principalis omnibus quæ de Deo dicuntur nominibus, est qui est; totum enim in seipso comprehendens, velut quoddam pelagus substantiæ infinitum & indeterminatum; quolibet enim alio nomine determinatur aliquis modus substantiæ rei; sed hoc nomen, qui est, nullum modum essendi determinat, sed se habet indeterminate ad omnes, & ideo nominat ipsum pelagus substantiæ infinitum."

*Rursus* instabis. Ens a se, est quid commune cæteris Dei perfectionibus. ergo non est essentia constitutivum; namque quod est commune, non distinguit. Confirmatur. Infinitas est quid commune perfectionibus Dei, non tamen concipitur ut essentia: igitur nec ens a se propter eandem rationem; & revera in omnibus supremi Numinis perfectionibus reperitur, siquidem quælibet Dei perfectio est ens a se.

*Respondet* distinguendo. Ens a se, est quid commune entitative, quia omne quod est in Deo, Deus est, ut definit Concilium Rhemense sub Eugenio III. concedo; est quid commune formaliter, subdistinguo: implicite, concedo; explicite, nego. Et vero conceptus sapientiæ, ut sic non dicit esse a se, sed solum conceptus sapientiæ, ut est divina, quod quidem esse a se, eatenus in omnibus invenitur perfectionibus, quatenus omni in Deo identificantur, & sunt una & eadem entitas.

*Respondet*, ad confirmationem negando pa-

pariter; nam infinitas est quid commune solum, ut modus consequens ad esse a se, & ut excludit omnem terminum, atque omnem in Deo limitationem; sed ens a se est commune ut radix & principium a quo cuncta promanant attributa.

*Insites.* Ens ut dicit cumulum perfectionum, magis explicat naturam Dei: ergo ens a se non est essentia, sed ens sub conceptu omnium perfectionum.

*Respondeo* distinguendo. Magis explicat descriptivè & extensivè, concedo; magis intensivè & formaliter, nego. Constitutum formale debet importare radicem cæterorum, quod soli enti a se profecto convenit; enimvero infinitas & cumulus perfectionum nihil determinat: sed ens a se & est illimitatum, & per modum radicis cæterorum. Deus non habet quidem causam, attamen ens a se apprehenditur ut principium a quo attributa promanant; & ideo dicitur constitutum naturæ divinæ metaphysicum.

*Iterum* instabis. Deus magis cognoscitur per quid non est, inquit D. Thomas post Dionysium quam per quid est: igitur infinitas perfectionum multo melius Deum exprimit, quandoquidem omnem abnegat perfectionibus terminus; hinc D. Bernardus serm. 80. in Cant. dicit Deum non habere sapientiam, sed ipsam esse sapientiam.

*Respondeo* distinguendo. Deus magis cognoscitur per quid non est respectu nostri & per accidens, concedo: quoad se, nego. Cum intellectus creatus non queat Deum comprehendere, illum multis conceptibus sibi exhibere conatur, qui conatus cum adhuc sit impar tantæ essentiae concipiendæ, tunc tenetur creatura fateri Deum non esse illud omne quod concipit, sed aliquid illud majus, adeoque eum neque esse sapientiam, neque bonitatem, eo modo quo sibi effingit, siquidem omnis creaturæ conceptus finitus est; tenetur, inquam, fateri eum Salomone sapienterem, Davide meliorem, sanctiorem Angelis, utpote qui sit super omnem & sapientiam & bonitatem, & sanctitatem creatam. Intellectus autem noster, si infinitus esset, unico conceptu Dei nomen, sicuti est, efformaret. Ita olim Deus quærenti Prophetæ quod esset nomen ejus, illico reposuit: *Ego sum, qui sum.* Solutio est D. Thomæ, qui hic q. 13. art. 1. sic loquitur: „Cum „Deus in hac vita secundum quod in se „est, a nobis minime cognoscatur, sed „secundum quod principium omnium emi-

„nentissimum est, aliquibus nominibus „bus significantibus nominari potest: nul- „lum autem est nomen divinam essentiam „adæquate repræsentans Deo ab homini- „bus impositum.

## SOLVUNTUR OBJECTIONES

*Eorum qui penitus constitutum Dei in intelligere per essentiam.*

*Obijcies.* Quod est essentiale, est constitutum rei: atqui intelligere per essentiam, est essentiale Deo: igitur & constitutum Dei. Major patet. Probatur minor ex D. Thomæ, qui hic 1. parte, quæst. 14. art. 4. sic fatetur: „Intelligere non di- „stinguitur ab ipsa ejus essentia. „Ibidem sequitur. „Quod ipsum intelligere sit „ejus essentia „ergo &c.

*Respondeo* 1. D. Thomam loqui ibi de operatione, quandoquidem in hac quæst. agit solum de operatione Dei: dicit enim in præmio quæstionis. „Post considera- „tionem eorum quæ ad divinam substan- „tiam pertinent; restat considerandum „de iis quæ pertinent ad operationem „ejus.

*Respondeo* 2. distinguendo. Quod est essentiale ut radix cæterorum, est constitutum, concedo; quod est essentiale solum identice, & ut vox, essentiale, opponitur accidenti, nego: & sic distincta minore, nego consequentiam. Ad probationem, dico D. Thomam loqui solum in secundo sensu; ibi enim probare intendit ex professo, intelligere in Deo, non esse accidens, sicut est in nobis; quia, inquit, actus Dei foret in potentia, sicut & intellectus divinus ad intelligere essentiale: & sic Deus non esset actus purus. Porro intelligere essentiale illud est quo Deus, ut præintelligitur personis se ipsum cognoscit: intelligere vero notionale illud censetur quo Pater producit suum Verbum. Deus nequidem virtualiter distinguitur a primo intelligere, nisi secundum nostrum concipiendi modum, & propter debilitatem intellectus humani, qui concipiendo divina per analogiam ad creata, illa distinguit; unde propter tantam identitatem, D. Thomas dicit illud intelligere esse essentiale, & ipsam essentiam. Natura autem Dei distinguitur quidem virtualiter ab intelligere notionali: attamen re est idem, nec est in potentia ad illud; unde quocunque modo manet verum dictum D. Thomæ.

D. Tho-

D. Thomas se ipsum explicat ibidem his verbis: „Necesse est dicere, quod intelligere Dei est ejus substantia; nam si intelligere Dei sit aliud quam ejus substantia, oporteret quod aliquid aliud esset actus & perfectio substantiæ divinæ, ad quod se haberet substantia divina, sicut potentia ad actum quod est omnino impossibile. . . Patet ex omnibus præmissis, quod in Deo intellectus, intelligens, & id quod intelligitur & intelligere, sunt unum & idem. „

*Instabis.* Divus Thomas ibidem distinguit intelligere essentiale a notionali, in eo quod sit de essentia: ergo est de illa formaliter: ergo est constitutivum.

*Respondeo* distinguendo. Divus Thomas distinguit intelligere essentiale a notionali, quia est de essentia terminative & obiective, concedo; quia est formaliter & ut radix cæterorum, nego. Intelligere primum respicit essentiam secundum se, & ut objectum ad quod terminatur; unde est in linea essentiæ, & ideo D. Thomas dicit quod intelligere, intellectus, intelligens, sunt unum & idem etiam virtualiter, at vero intelligere notionale terminatur ad personam, & virtualiter ab ipsa natura distinguitur.

*Respondes.* Intelligere notionale est etiam idem realiter cum natura, immo est essentiale ut vox, *essentiale*, opponitur accidenti, & tamen non dicitur a D. Thoma de essentia sicut primum intelligere: igitur intelligere quo Deus se ipsum cognoscit, ut præintelligitur personis, est formaliter de essentia.

*Respondeo* distinguendo. Et intelligere notionale non pertinet ad lineam naturæ, non enim illam habet pro objecto, concedo; & est in linea naturæ, nego. Intelligere essentiale idem dicitur cum essentia, cum illam habeat pro objecto immediato: unde magis ad illam spectat quam intelligere notionale, quod fluit ab intellectu, ut a potentia formaliter operativa.

*Instas.* Quod est in linea essentiæ, & ab illa non distinguitur, est ipsa essentia: sed ex Divo Thoma, intelligere essentiale est in linea essentiæ, & ab illa non distinguitur: immo est unum & idem cum illa: ergo sequitur quod sit formaliter essentia.

*Respondeo* distinguendo. Quod est in linea essentiæ ut primum & radix cæterorum est ipsa essentia, concedo; quod est solum ut quid ad essentiam consequens, nego. Et sic distincta minore, nego con-

sequentiam. Prius est Deum esse, quam se intelligere & cognoscere secundum nostrum concipiendi modum; unde intelligere etiam essentiale concipitur ut quid ad Deum & ad ipsius naturam consequens; quinimodo etiam ab ea distinguitur distinctione aliqua rationis; non enim eodem conceptu concipimus Deum esse, & Deum se intelligere: sed diversis conceptibus, quorum unus ex alio eruitur.

*Perfistes.* Deus est formaliter actus purissimus, sed intelligere per essentiam est actus purissimus; ad illud quippe solummodo formaliter pertinet explicare actum purissimum: igitur est constitutivum. Confirmatur. Ens a se non dicit actum purum, sed ens in potentia ad actum: ergo, &c.

*Respondeo* distinguendo. Deus est formaliter actus purissimus, idest, ens plenum habens actu omnes perfectiones possibiles, concedo; est actus purissimus, ut actus dicit operationem, subdistinguo: secundario, concedo: primario & essentialiter, nego. Actus purus sumitur dupliciter: 1. Pro ente quod habet omnes perfectiones possibiles, tum in ratione entis a se subsistentis, tum in ratione causæ a qua sunt omnia; hoc autem Deo competit ratione entis a se: eo enim quod sit ens a se, est omnia & a quo omnia: est in actu omnium perfectionum, in actu omnium intelligibilium & amabilium: alio modo actus purus dicitur illud quod semper agit, & nunquam est in potentia ad agendum; sic etiam Deus est actus purus, cum sit omnia, sed prius concipitur esse a se quam operari. Quod autem est natura alicujus rei, concipitur ut principium operationis, sic est ens a se, & ideo solum constitutivum.

*Respondeo*, ad confirmationem distinguendo. Ens a se concipitur in potentia ad aliquam perfectionem, nego: ex ratione enim sua essentiali dicit omnem perfectionem, alias non esset ens a se. Concipitur in potentia ad operationem, subdistinguo: idest, prius concipitur quam operatio, concedo: quod enim est essentia, debet prius concipi, quia est principium; concipitur in potentia, ita ut sit aliud primum principium supra se, nego. Immo eo ipso quo est ens a se, omnia perfectionum flumina, inquit Bernard. fluere concipiuntur ab illo immenso & mirabili virtutum pelago.

*Rursus instabis.* Vox, a se, extrahit intelligere e linea operationis: ergo non est operatio, sed essentia.

Re-

*Respondeo* distinguendo. Extrahit e linea operationis creatæ quæ est limitata & dependens a principio, concedo; habet enim ab æssitate, quod sit operatio divina & infinita. Extrahit e linea operationis ut sic, nego. Quamvis in Deo omnia sint Deus, quædam tamen concipiuntur ut perfectiones, quædam ut operationes, & ad hoc sufficit distinctio virtualis inter essentiam & attributa. Quia quidem distinctione posita, concinne illa omnia distinguimus, sicuti, posita distinctione reali in creatis, distinguimus naturam creatam ab ejus perfectionibus: æssitas autem non impedit quin distinguamus naturam divinam ab attributis; alias cum inveniatur ubique & imbibatur in sapientia, in bonitate & cæteris attributis, etiam bonitas, verbi gratia, foret essentia Dei formaliter; quod nullus Theologorum dicere audebit.

*Inhabis.* Divus Thomas hic dicit intelligere a se, esse ultimam Dei differentiam; sed idem est distinctivum & constitutivum: igitur intelligere a se, est natura Dei formaliter.

*Respondeo* distinguendo. Intelligere a se, est ultima Dei differentia respectu creaturarum, & ad extra, concedo; ad intra & comparative ad alias perfectiones, nego. Cum creaturæ sint in potentia ad agendum, & dependentes, Deus optime secernitur ab eis per intelligere a se, immo hoc habet ab æssitate quæ primo convenit enti cujus est prima proprietas, sicut perfectas in substantia creata, prius convenit illi, quam partibus suis integralibus: igitur ex eo quod Deus sit ens a se, magis distinguitur a creaturis quam per intelligere; cum tamen intelligere divinum habeat quod sit a se subsistens, etiam per illud Deus differt a rebus creatis, & quidem ultimè, ut dicit D. Thomas, id est, perfectissime, sed non tanquam per essentiam, quia intelligere non est radix & principium cæterorum, bene vero ens a se.

*Inhabis.* Verbum divinum procedit in similitudinem naturæ, quia procedit per intelligere: ergo intelligere per essentiam est constitutivum naturæ divinæ, alias non esset ratio cur secunda Persona foret potius Filius quam tertius.

*Respondeo* 1. Verbum procedere per intelligere notionale, quod est formaliter operatio, & quidem distincta virtualiter a natura etiam in sententia adversariorum; unde si argumentum aliquid proba-

ret, sequeretur etiam intelligere notionale, per quod Verbum emanat a Patre, esse formale constitutivum, quod nequam verum est etiam in alia opinione.

*Respondeo* 2. distinguendo. Et illud intelligere supponit secundum modum concipiendi naturam jam constitutam, concedo; & non supponit, nego. Prius concipitur natura esse quam operari; quia vero intellectus est assimilativus & non voluntas, quatenus imaginem seu Verbum de natura effingere valet: ideo secunda Persona dicitur Filius, non tertius, siquidem illa procedit in similitudinem naturæ; Spiritus vero Sanctus procedit per pondus & amorem.

*Urgelis* adhuc. Verbum divinum est Filius & imago Patris; quandoquidem ejus naturæ est expressio: ergo Verbum seu intelligere est constitutivum.

*Respondeo* distinguendo. Est expressio naturæ quæ jam supponitur in priori a quo, concedo; est ipsa natura, nego. Immo hoc non potest fieri; quod enim est expressio alicujus rei illam supponit, & non est ipsa res: igitur illa ratio militat pro nobis; cum enim Verbum sit expressio naturæ divinæ quæ est in Patre, non est ipsa natura nisi identice. Præterea Verbum divinum non est intelligere, sed terminus intellectus.

## SYNOPSIS PROBATIONUM.

*Constitutivum Metaphysicum naturæ Dei est esse a se.*

*Primo.* Quia ipse Deus Exod. 3. suam delineans naturam, ait: *Ego sum qui sum.* Quam sententiam Hilarius, Bernardus, & alii percelebres Patres interpretantur de essentia Dei.

*Secundo.* Quia esse a se concipitur ut fons & origo omnium perfectionum. Et vero, ex eo quod Deus sit ens a se, sequitur eum esse omnipotentem, sapientem, &c.

*Tertio.* Deus est essentialiter actus purus: profecto hanc habet dorem, per hoc quod sit ens a se, quandoquidem per hoc est actu omnia, est ipsa bonitas, ipsa sapientia, &c.

## SYNOPSIS SOLUTIONUM AD OBJECTIONES.

*Nostram* nonnulli impugnant sententiam dicendo: 1. Ens a se esse omnibus perfectionibus quid commune, 2. Quid in-

determinatum. 3. Intelligere a Sancto Thoma vocari essentiam Dei, & esse quid actuale & magis perfectum. Sed respondetur: 1. Ens a se esse quid commune, ut essentiam & radicem cæterorum. 2. Esse quidem quid indeterminatum, sed per plenitudinem & non quid vagum. 3. Intelligere pertinere ad operationem, & esse de essentia attributive quidem, & ut essentialiter opponitur accidenti, sed non formaliter & per modum radices.

## ARTICULUS SECUNDUS.

*Utrum Deus sit purus spiritus.*

### CONCLUSIO.

*Deus est purus spiritus.*

Probatur auctoritate & ratione.

Primo, ex Scriptura sacra.

**I**SAIAS cap. 40. fuse probat Deum non esse corporeum, eo quod omnium creaturarum visibilibus & invisibilibus conditor sit; unde ipse Dominus per os Prophetæ increpat idololatrias, illum fingentes creaturæ similem; sic enim habetur v. 25. & 26. *Cui assimilastis me & adæquastis, dicit Sanctus? Levate in excelsum oculos vestros, & videte quis creavit hæc? Qui educit in numero militiam eorum, & omnes ex nomine vocat, præ multitudine fortitudinis & roboris, virtutisque ejus, neque unum reliquum fuit. . . Deus sempiternus, Dominus, qui creavit terminos terræ.*

Sed, si Deus esset corporeus, utique non foret omnium Creator, immo nec sempiternus, inquit Tertullianus lib. contra Hermogenem, c. 22. Non creator quidem, quia ens corporale non agit supra nihilum, sed ex supposito subiecto operatur; cum enim sit limitatum, distantiam infinitam quæ intercedit inter ens & nihilum, vincere non valet; nec etiam Deus foret æternus, tum quia ens materiale habet esse ab alio, tum quia materia, cum sit de se passiva, debet reduci de potentia ad actum & motum, per aliud quod sit semper in actu: immo, inquit Tertullianus capite 18. Si Deus esset materialis, foret ab ipsa materia dependens, quippe qui ad creandum aliquid, ea indigeret. Igitur, cum ex Scriptura constet & Deum esse

mundi Creatorem, & etiam esse æternum, concludendum est utique purum esse spiritum, juxta illud Christi Joan. 9. v. 24. *Spiritus est Deus, & eos qui adorant eum, in spiritu & veritate oportet adorare.*

Secundo, ex Conciliis.

Hæc probatio defumitur: 1. Ex Judicio Ecclesiæ, quæ semper Anthropomorphitas inter Hæreticos recensuit. Deinde ex Concilio Lateranensi sub Innocentio 3. capite firmiter, ubi habetur: "Nos autem, sacro & universali Concilio approbante; credimus & confitemur cum Petro, quod una quædam summa res est, incomprehensibilis quidem & ineffabilis, quæ veraciter est Pater, & Filius, & Spiritus Sanctus. . . Sed si tres Personæ sunt una res, Deus necessario est purus spiritus; enimvero res materialis dividitur in varia individua, quando sunt multæ personæ & multa supposita: ergo, &c.

Tertio ex Patribus primorum sæculorum, qui ex professo Anthropomorphitas impugnarunt.

Origenes variis in locis docet Deum non esse corporeum, sed præcipue l. Periacon. c. 1. ubi sic loquitur: "Non ergo aut corpus aliquid, aut in corpore esse putandus est Deus, sed intellectualis natura simplex, nihil omnino in se adjunctionis admittens, uti ne majus aliquid & inferius esse credatur: sed ut sit ex omni parte verax, & ut ita dicam, totus mens ac fons ex quo initium totius intellectualis naturæ, vel mentis est. . . Novatianus veritatis istius alter testis est, nam l. de Trin. c. 6. de Deo ait: "Idem enim quidquid illud est, totus æqualis est, & totus ubique est. Non enim habet in se diversitatem sui, quidquid est simplex: ea enim dum in diversitatem membrorum recidunt, quæ veniunt ex nativitate sui in dissolutionem; sed hæc quæ cum concreta non sunt, sentire non possunt. . . Et ideo, quia unum est, dissolvi non potest. . ."

Gregorius Nazianzenus etiam Dei prædicat spiritualitatem oratione 34. his verbis: "An corpus cum dices? Quoniam vero modo corpus erit hoc quod est infinitum, interminabile, figuræ expertus, quod nec tangi, nec videri potest? . . . Quoniam cultu & adoratione dignum est, si circum-

„ cumscriptum aliquid est? aut quid cau-  
 „ sa esse dicemus, quin ex elementis con-  
 „ stet, & in ea resolvat iterum, & o-  
 „ mnino dissolvatur? nam compositio prin-  
 „ cipium est pugnae; pugna autem dissidii,  
 „ dissidium solutionis... Quinam vero  
 „ illud tueri poterimus, quod ait Scri-  
 „ ptura Deum omnia pervadere atque im-  
 „ plere, juxta illud: *Nonne caelum & ter-  
 „ ram ego impleo; & spiritus Domini reple-  
 „ vit orbem terrarum?* Si Deus partim cir-  
 „ cumscribat, partim circumscribatur? „  
 „ Immaterialitatem Dei ut elevet, inde eruit  
 „ ibi sanctus Doctor, scilicet ne sit in Deo  
 „ aut pugna & dissolutio entis, aut compo-  
 „ sitio, aut circumscriptio; quae quidem o-  
 „ mnino repugnant Enti supremo.

*Augustinus* l. 12. de Trin. c. 7. ait: „ Tur-  
 „ piter vana cogitatio est quae opinatur  
 „ Deum membrorum corporeorum linea  
 „ entis definiri atque conscribi. „

*Fulgentius* eidem subscribit veritati, lib.  
 „ de fide ad Petrum cap. 3. „ Nisi enim,  
 „ inquit, naturaliter immutabilis esset,  
 „ numquam in rebus mutabilibus esset,  
 „ numquam in rebus mutabilibus ordo qui-  
 „ dem consilii ac dispositionis ejus incom-  
 „ mutabilis permaneret: Deus igitur re-  
 „ rum corporearum atque incorporearum  
 „ Creator immensus; eo primum se nul-  
 „ lum esse corpus offendit, quia quibus-  
 „ dam corporibus vitam non dedit, cum  
 „ corpora omnia ipse creaverit; ipse au-  
 „ tem naturaliter vita est, quia si vita non  
 „ esset, non viventia corpora ipse fecis-  
 „ set. „ Probat Deum non esse corpo-  
 „ reum, sed mentem & spiritum & vitam,  
 „ quia omnia fecit consilio, & quibusdam  
 „ corporibus dat vitam, aliis vero denegat;  
 „ quod arguit Deum esse per se vitam &  
 „ puram intelligentiam.

Quarto, ex ipsis Judaeis, ex antiquis Phi-  
 „ losophis, Oratoribus & Poetis.

*Judei* tam antiquiores, tum recentiores  
 Sadducaeos ut Haereticos habebant, eo quod  
 Deum crederent corporeum. Philo. l. de  
 somno, pag. 407. sic eos arguit, dicen-  
 „ do: „ Nonnullus sic hebetes & oculosos es-  
 „ se natura, ut Deum sine corpore intel-  
 „ lere nullo modo queant. „

*Maximus Tyrus* dissertatione prima ex  
 Platonis sententia, sic loquitur, postquam  
 distinguit varia entia, quorum alia sunt pu-  
 „ re materialia, alia mixta, alia sine ma-  
 „ teria. „ Jam vero quam illarum om-

„ nium parte collocabimus Deum? num  
 „ in illa congerie? ne Deus ipse fuerit.  
 „ Restat igitur ut tanquam edita in arce  
 „ Deum in principe mente, oratione no-  
 „ stra collocemus. „

*Cicero* has adjuvat partes, namque lib.  
 „ Academic. quaest. dicit de Deo, quod „ nul-  
 „ lo corpore sit id intelligi, quale sit, vix  
 „ posse. „ Idem Cicero apud Aug. l. 23.  
 „ de Civ. c. 20. Deum sic definit: „ Mens  
 „ quaedam soluta & libera, secreta ab  
 „ omni concretionem mortali, omnia sen-  
 „ tiens & movens. „

*Virgilius* l. 4. Georgicorum insinuat et-  
 „ iam Deum esse incorporeum, dicendo esse  
 „ ubique: enimvero quod est corporeum,  
 „ nequit naturaliter pluribus esse in locis; &  
 „ ideo plurimum ponderat istius Poetae testi-  
 „ monium verbis sequentibus expressum:

..... Deum namque ire per om-  
 „ nes  
 „ Terrasque, traclusque maris, caelumque  
 „ profundum.

*Dei* spiritualitas concluditur ex ejus im-  
 „ mensitate; nam Gregorius Nazianzenus hanc  
 „ plurimum urget rationem oratione de Dei  
 „ incorporeitate jam citata, ubi sic discut-  
 „ rit: „ Aut enim per vacuum hoc univer-  
 „ sum grassabitur, & res omnes nobis pe-  
 „ ribunt: ut sic Deus contumelia afficia-  
 „ tur, nimirum & qui corpus sit, & iis  
 „ quae procreavit, careat: aut corpus in  
 „ corporibus erit, id quod fieri non pot-  
 „ est; aut implicabitur, aut opponetur,  
 „ aut quemadmodum liquida invicem mi-  
 „ scentur; ita ille alia secabit, ab aliis  
 „ secabitur. Quod ipsis etiam Epicuri at-  
 „ omis magis est absurdum & anile; sicque  
 „ nobis excidet, & corpus non habebit,  
 „ nec solidi quidquam haec disputatio qua  
 „ Deo corpus tribuere conamur. „

Quinto, ex ratione multiplici.

*Prima* sic proponitur: Nominis Dei in-  
 „ telligitur primum movens & prima cau-  
 „ sa; sed si Deus esset corporeus, non fo-  
 „ ret primum movens, & prima causa; pri-  
 „ mum quidem movens, nam cum materia  
 „ sit de se passiva; est in potentia ad mo-  
 „ tum, & debet moveri ab alio. Prima ve-  
 „ ro causa, materia enim cum sit limitata  
 „ & circumscripta, habet esse ab alio: ergo  
 „ Deus non est corporeus.

*Secunda.* Per ens supremum concipi-  
 „ mus

mus ens necessarium; sed si Deus esset corporeus, esset corruptibilis & interitui obnoxius propter varias elementorum qualitates, quæ inter se agentes & reagentes destruant subiectum: ergo, &c.

*Tertia sic procedit:* Deus est ens ita perfectum, ut nihil ipso melius excogitari possit; sed si foret corporeus, non esset ens quo nihil melius excogitari potest, quandoquidem ens corporale variis obnoxium est vicissitudinibus: Ergo, &c.

*Quarta.* Per ideam Dei, in mentem venit ens absolutum, ens a se, & independens; sed quod est compositum ex corpore & anima, ab alio dependet ut sit & perseveret, est potentiale, & aliquam potest ab alio recipere perfectionem: ergo, &c.

*Quinta & ultima.* Deus est omnia; sed si foret ex materia & formâ compositus, non esset omnia; aliquid quippe ei adveniret, quandoquidem materia utpote finita, potest semper novas recipere formas, easque vel substantiales vel accidentales: ergo, &c.

#### SOLVUNTUR OBJECTIONES.

*Obijciat.* Homo factus est ad imaginem Dei, ut habetur Genes. 1., v. 26. Sed homo est corporeus: ergo & Deus. Imago enim exprimit prototypum, alias non foret ejus similitudo.

*Respondeo* distinguendo. Homo factus est ad imaginem Dei inadæquate, & solummodo secundum animam, concedo; adæquate, & secundum omnia, nego. Et sic distincta minore, nego consequentiam. Nulla creatura, quantumvis perfecta, Deum perfecte repræsentare potest: omnis enim creatura certis circumscribitur terminis, Deus autem est infinitus. Præterea Deus fecit hominem ad imaginem suam solummodo secundum animam quæ per intellectum, memoriam & voluntatem quadatenus sanctissimam exprimit Trinitatem; neque vero res corporeæ sunt Dei imagines, sed ipsius duntaxat vestigia nominatur apud sanctum Job.

*Ambrosius* hanc tradit solutionem in Psalm. 118., his verbis: "Invisibilis Dei imago, inquit, non in eo est quod videtur, sed in eo quod non videtur; sed in eo utique quod non videtur, alii potius non omnino consentiunt. Alii enim imaginem istam collocant in animæ spiritualitate, quæ Deum quadatenus accedit; alii in tribus ejus facultatibus, mente, memoria

& voluntate, quibus Sanctam Trinitatem videtur exprimere; alii in domino quod habebat in res externas, propter id quod statim additur, ut præsit piscibus maris & volatilibus cæli, & bestiis, universæque terræ, omnique reptili quod movetur in terra."

*Inhabis.* Atqui homo est ad imaginem Dei, etiam secundum corpus; & probatur ex Tertulliano, qui l. de resurrectione carnis cap. 6, sic loquitur, extollendo dignitatem hominis: "Quantum contulit ille qui eum fecit jam tum gloriantem, quod illa pusillitas, limus in manus Dei, quæcumque sunt pervenit, satis beatus, & si solummodo contentus. . . . Itaque totiens honoratur, quotiens manus Dei patitur, dum tangitur, dum discerpitur, dum deducitur, dum effingitur. Recogita totum illi Deum occupatum, ac deditum manui, sensu, opere. . . . Et ipsa in primis adfessione quæ in lineamenta ducebat; quodcumque enim limus exprimebatur, Christus cogitabatur homo futurus. . . . Ita limus ille jam tunc imaginem inducens Christi futuri in carne, non tantum Dei opus erat, sed & pignus." Ibi Tertullianus dicit Deum occupatum in formatione hominis; & illum manu, sensu, opere effinxisse: sed qui agit manu, opere & sensu, habet corpus: ergo homo est ad imaginem Dei, etiam quoad corpus.

*Respondeo* 1. Tertullianum ibi non dicere hominem esse ad imaginem Dei simpliciter, sed ad imaginem Verbi Incarnati, idest Christi, qui est Deus & homo. "Quodcumque enim, inquit Tertullianus, limus exprimebatur, Christus cogitabatur." Ita interpretatur Tertullianum Ambrosius supra citatus, & addit: "Sunt etiam e contra nonnulli, qui ejusmodi similitudinem constituunt in corpore, putantque hominem factum esse penes illud ad imaginem Dei, sed corpore ad id induci, aut ad hominum liberationem, aliquando carne induendi." Utrumque significat Tertullianus l. de resurrectione carnis, c. 6.

*Ad id* quod dicitur Deum formasse hominem manu, sensu.

*Respondeo* 2. distinguendo. Manu & sensu metaphorice sumptis, concedo; physice & litteraliter, nego. Non ignorabat Tertullianus Deum per solum verbum, *Fiat*, & mediante Verbo divino, formasse hominem: Cum ergo fecerit Verbum, quod



manus figuli faciunt, dum ex limo formavit hominem; ideo Tertullianus loquens ad captum hominis, dicit Deum formasse Adam manu & sensu. Quomodo autem & quando homo tetigit Deum nisi in Incarnatione, in qua Verbum caro factum est, & quod loquatur Tertullianus de Verbo incarnato, patet, quia ibi in toto Libro agit de resurrectione carnis operanda per Christum.

Rursus instabis. Ille videtur esse corporeus qui habet membra & sensus sicut homo: atqui hæc omnia Deo tribuuntur: & probatur ex Scriptura. 1. Magnitudo illi tribuitur, Job 4. v. 8. *Excelsior cælo est .... profundior inferno .... longior terra .... latior mari ....* 2. Situs, Psal. 7. v. 7. *Exurge Domine in ira tua.* Isaïæ 3. v. 15. *Stat ad iudicandum Dominum.* Ibidem 6. v. 1. *Vidi dominum sedentem super solium excelsum.* 3. Membrum, Psal. 78. v. 12. *Secundum magnitudinem brachii tui, posside filios mortificationum.* 4. Oculus Psal. 33. v. 16. *Oculi Domini super Iustos.* 5. Auris, Psal. 129. v. 2. *Fiant aures tue intendentes.* 6. Odoratus, Genes. 8. v. 21. *Odoratusque est Dominus odorem suavitatis.* 7. Os, Isaïæ, 1. v. 20. *Os Domini locutum est.* Ergo, &c.

Respondeo negando minorem, ad probationem distinguo. Membra & sensus exteriores Deo tribuuntur improprie & metaphorice, concedo; proprie, nego. Cum corporei simus, ut melius intelligamus quid sit Deus, quæ magnitudo & fortitudo ejus, Spiritus Sanctus illas exprimit per res sensibiles in quibus videmus nostram consistere fortitudinem, ut in brachio: sic Christus seipsum in Evangelio dicit petram, ut exprimat nobis lux sanctitatis firmitatem: sic se dicit leonem, ut intelligamus esse inferno fortorem. Quid mirum igitur si Job Dei describat immensitatem per magnitudinem? Psalmista ipse inextorbilem contra impios iustitiam, per throni soliditatem, perspicaciam oculorum ad videndum facta, subtilitatem aurium ad audienda; & sic de cæteris. Itaque hæc non intelligi per proprietatem, sed solum per similitudinem, patet ex illo Job. 10. v. 4. ad Deum: *Numquid*, inquit, *oculi carni tibi sunt, aut sicut videt homo, & tu videbis?*

Urgebis. Qui habet affectiones interiores corporis & sensuum, est vere & per proprietatem corporeus: atqui Deus illas videtur habere: & probatur Gen. 6. v. 6.

*Beucat Theol. Tom. 1.*

ait: *Pœnitet me fecisse hominem.* Item & ira illi tribuitur Psal. 6, v. 1: *Domine ne in furore tuo arguas me, neque in ira tua corripas me.* Ergo, &c.

Respondeo 1. Opponendo Scripturam Scripturæ. 1. Reg. 15, v. 29. habetur: *Triumphator in Israel non parces, pœnitentia non flectitur, neque enim homo est, ut agat pœnitentiam.* Rom. 11, v. 29: *Sine pœnitentia enim sunt dona & vocatio Dei.* Nullis igitur passionum motibus proprie concutitur Deus, juxta illud Malachiæ 3, v. 6: *Ego Dominus & non mutor.* Et Jacobi 1. v. 17: *Apud quem non est transmutatio, nec vicissitudinis umbratio.*

Respondeo 2. disting. Affectiones corporeæ tribuuntur Deo quoad effectum, & per similitudinem, in quantum sicut Pater jussu iratus punit filium inobedientem, ita Deus punit prodigum ad emendationem, quem enim diligit castigat Dominus, concedo; quoad realitatem & subjective, nego. Non enim irascitur ut homo, inquit Aug. idest, cum animi perturbatione.

## SYNOPSIS PROBATIONUM.

*Deus est purus spiritus.*

*Primo.* Ita legitur Joan. 9: *Spiritus est Deus, & eos qui adorant eum in spiritu & veritate oportet adorare.* Et hoc ex Traditione patet.

*Secundo.* Deus est prima omnium causa: igitur intelligens & purus spiritus; quia super omnia est, cuncta ad finem debitum ordinat.

*Tertio.* Est simpliciter infinitus, nedum in substantiâ, sed & in omnibus perfectionibus: igitur nullo modo materialis, alias inter quosdam limites concluderetur.

## SYNOPSIS SOLUTIONUM

### AD DIFFICULTATES.

*Primo.* Homo dicitur quidem ad imaginem Dei secundum animam, sed non secundum corpus, inquit Epiphanius Gerl. 70; unde ex hoc non potest concludi Deum esse corpus.

*Secundo.* Non semel in Scriptura Deus dicitur habere membra, & hoc ipsum ultro fatemur; sed hoc intelligitur metaphorice.

*Tertio.* Legimus etiam Deum quasdam habere passiones, ut iram; sed intellige

M

esse

effective, idest, quoad effectum, non quoad formam. Cæterum, concupiscentiam neque effective, neque formaliter habet, quia hæc passio ex omni parte summam redolet imperfectionem.

omnibus modis impassibilem: igitur Tertullianus non credidit Deum corporeum.

### SOLVUNTUR OBJECTIONES.

## ARTICULUS TERTIUS.

*Utrum Tertullianus crediderit Deum esse corporeum.*

### CONCLUSIO.

Tertullianus non credidit Deum esse corporeum.

*Probatur multipliciter.*

*Primo.* **A**POLOGIÆ cap. 20, dicit Deum Patrem, Deum Filium, Deum & Spiritum Sanctum, esse purum Spiritum. Hæc de Christo dicit: "Hunc ex Deo prolatum dicimus & prolatione generatum; & idcirco filium Dei; & Deum dictum ex unitate substantiæ, nam & Deus, spiritus."

*Secundo.* l. contra Praxeam, docet Deum esse ubique, nec ullis comprehendi terminis: igitur non est corporeus. Etenim omne corporeum est circumscriptum & limitatum. "Ante omnia, inquit, Deus erat solus ipse sibi, & mundus, & locus, & omnia."

*Tertio.* l. de Baptismo, c. 7. inculcat Deum esse simplicissimum; sed quod est corporeum, est compositum. "Proh mirera, inquit, incredulitas, quæ denegat Deo proprietates suas, simplicitatem & potestatem." Invehit ibi contra Ethnicorum errores.

*Quarto.* l. contra Praxeam, qui dicebat Patrem impassibilem quidem, sed non impassibilem; asserit eum neque possibilem, neque impassibilem esse. Sic loquitur cap. 19. "Stulti & in hoc, quid enim compati, quam cum alio pati? Porro, si impassibilis Pater, utique & impassibilis." Unde sic argumentor: Qui dicit Deum spiritum, qui dicit immensum, simplicem, impassibilem & impassibilem, non credit Deum esse corporeum; hæc enim attributa convenire non possunt enti corporeo quod essentialiter est finitum, compositum, patiens, & alterabile: Sed Tertullianus dicit Deum esse spiritum, eumque immensum, simplicem, &

*Obijcies.* Qui credit omne quod est, corpus esse, credit Deum esse corporeum: atqui Tertullianus credidit omne quod est, esse corpus; sic enim loquitur l. de carne Christi c. 7. "Omne quod est, corpus est sui generis; nihil est incorporale, nisi quod non est. Ergo, &c."

*Respondeo* distinguendo minorem. Omne quod est, corpus est sui generis, concedo; corpus quantitativum & sensibile; subdistinguo: si sit sensibile & circumscriptum, concedo; si non sit, nego. Corpus sumitur tripliciter a Veteribus. 1. quidem Latissime, ut opponitur nihilo; & in hoc sensu, omne quod est, dicitur corpus, idest, ens reale. Ita sumit Phœbadius Aginensis Episcopus disputans contra Sabelium, qui dicebat Filium Dei non esse a Patre distinctum. "Corpus est Christus, corpus enim spiritus, sed corpus sui generis." 2. Improprie, & pro eo quod certis vel locorum, vel temporum, vel partium limitibus definitum est. Sic corpus sumit Hilarius canone 5. in Matth.

Nihil est, inquit, quod non in substantia sua & creatione corporeum sit. 3. Proprie, nempe pro eo quod certa figura & magnitudine constat. Tertullianus loquitur in primo sensu, ita ut si sit sermo de Deo, erit corpus; idest, Ens a se, & subsistens, & non nihilum. Idem intelligit de substantiis spiritualibus.

*Respondeo* 2. in loco adducto Tertullianum loqui de Verbo Incarnato, ut patet ex inscriptione ipsius libri, cujus titulus est: *De Carne Christi*. Porro in toto capite ex quo objectio desumitur, probat Verbum carnem induisse, & animum Christi secundum se invisibilem, visibilem se præbuisse per unionem cum corpore. Sic igitur loquitur: "Omne quod est, corpus est sui generis; nihil est incorporale, nisi quod non est: habente igitur anima invisibile corpus, qui visibilem eam facere suscepit, utique dignius id ejus visibile fecisset, quod invisibile habebatur. Redde igitur Christo fidem suam, ut qui homo voluerit incedere, animam quoque humanæ conditionis ostenderet, non faciens eam carnem, sed induens eam carnem."

*Instabis.* l. contra Praxeam c. 7. de Filio

lio Dei, sic ait: "Quis negabit Deum corpus esse, & si Deus spiritus est." Ex quibus sic arguo: Si Deus non crederetur a Tertulliano corporeo, maxime quia spiritus est: atqui, non obstante quod sit spiritus, vult esse corpus: ergo credit Deum esse vere corporeum.

*Respondeo* distinguendo. Deus est corpus latissime, & ut dicit ens subsistens, concedo; corpus quantum, subdistinguo: ut incarnatus est, concedo; secundum se, nego. Scopus Tertulliani est probare contra Praxeam Hæreticum Sabellianum, Filium Dei non esse vocem inanem, & ens vacuum, sed vere a Patre distinctum; quod ut demonstrat, dicit Filium Dei esse corpus, & secundum se, & ut incarnationem: secundum se quidem; sed corpus sui generis, idest, ut opponitur nihilo: ut incarnatum vero proprie, quia, inquit, factus est visibilis. Distinguit igitur corpus proprie sumptum a corpore metaphorice sumpto: sic enim subdit post verba in objectionem allata: "Quod est ipsius substantia, loquitur de Filio Dei, missum est, sine substantia non erit.. Ego nihil dico de Deo inane & vacuum prodire potuisse, nec carere substantia, quod de tanta substantia processit." Ibidem de Filio Dei. "Hic est, qui in effigie Dei constitutus non rapinam existimavit esse se æqualem Deo, in qui effigie Dei: utique in alia, non tamen in nulla."

*Respondeo* 2. S. Phœbadium Arianæ & Sabellianæ hæreseos impugnitorem acerrimum eodem prope modo Catholicum explantem fidem: sic enim loquitur de Filio Dei. "Imago vera & expressio substantiæ ejus, hoc est Dei sermo, non sonus vocis, sed res substantiva ac per substantiam corpulentiva. Non enim sine substantia constituit, quod de tanta substantia fecit. Nihil ergo vacuum de pleno, nihil inane de solido, qui Dei sermo spiritu Dei instructus est; & ut evidentius dicam, sermonis corpus est Christus; corpus enim spiritus, sed corpus sui generis." Nemo tamen erroris Anthropomorphitarum labem tanto inussit Patri.

*Iterum* instabis. Tertullianus l. de carne Christi c. 7. nihil agnoscit inter nihil & corpus. "Nihil est, inquit, incorporale, nisi quod non est," ergo existimat vere Deum esse corpus.

*Respondeo* distinguendo. Nihil agnoscit inter nihil & corpus sumptum latissime, ut dicit ens oppositum nihilo, concedo;

inter nihil & corpus quantitativum, nego. Adscribit enim inter ens & nihil, ens invisibile, immensum; nam si eodem modo intelligeret entia omnia esse corpus, non diceret Deum esse sui generis corpus, & hoc maxime contra Praxeam, qui Filium Dei indistinctum a Patre prædicans, vocetenus secundam admittebat Personam; unde ut Tertullianus processionem realem Filii a Patre probet; dicit Filium Dei esse corpus, idest, ens solidum.

*Repones.* Qui admittit membra in Deo, credit Deum esse corpus quantum; atqui Tertullianus admittit membra in Deo: & probatur l. 2. contra Marcionem, c. 16. ait: "Nam & dexteram & oculos, & pedes Dei legimus:" ergo, &c.

*Respondeo* distinguendo minorem. Tertullianus admittit in Deo membra virtualiter, in quantum virtus Dei idem præstat ac membra in nobis, concedo; membra formaliter & quantitativa nostris similia membris, nego. Namque addit post verba laudata. "Non ideo tamen humanis comparantur, quia de appellatione locutur."

*Insistes.* Qui admittit passiones corporeas in Deo, & sensus ad eas consequentes, sane admittit in Deo verum corpus: atqui Tertullianus admittit passiones corporeas in Deo; & probatur ibidem c. 19. Sic ait: "Hoc itaque omnis providentia Dei censuit quod jam audierant. Bona igitur, & severitas, quia iusta; si bonus Juxdex, idest iustus: item cetera bona, per quæ opus bonum currit bonæ severitatis, si ve ira, sive æmulatio, sive sævitia." Ergo, &c.

*Respondeo* distinguendo. Qui admittit passiones corruptorias & proprias, quæ ab alteratione tum corporis tum animæ causantur, concedo: incorruptorias & improprie dictas, nego. Admittit solum Tertullianus passiones in Deo quæ sunt eadem solum similitudinariæ cum nostris, quatenus, quod sicut Juxdex iratus sævit in impios, ita Deus in malos; unde quoad effectum irascitur, illos scilicet puniendo. Ita se explicat Tertullianus qui est sui ipsius interpres, nam ibidem sic ait: "Hæc ergo, imago censenda est Dei in homine, quos eisdem motus & sensus habeat humanus animus, quos & Deus, licet non tales quales Deus... irascitur enim, sed non exacerbabitur."

*Expressius* loquitur l. 2. contra Marcionem, pag. 466. Edit. Paris. 1634. suamque clarissime aperit mentem his ver-

bis : " Stultissimi qui de humanis divina  
 " præjudicant , ut quoniam in homine  
 " corruptior conditionis habentur hujus-  
 " modi passiones ; ideo & in Deo ejus-  
 " dem status existuntur : discerne sub-  
 " stantias , & suos eis distribue sensus tam  
 " diversos , quam substantiæ exigunt , licet  
 " vocabulis communicare videantur .  
 " Nam & dexteram & oculos & pedes  
 " Dei legimus , nec ideo tamen humanis  
 " comparabuntur , quia de appellatione  
 " sociantur . Quanta erit diversitas divini  
 " corporis & humani , sub eisdem nomi-  
 " nibus membrorum ; tanta erit & animi  
 " divini & humani differentia , sub eisdem  
 " dem licet vocabulis sensuum , quos tamen  
 " corruptiores efficiunt in homine cor-  
 " ruptibilitatis substantiæ humanæ , quam in-  
 " corruptiores in Deo efficiunt in corruptibi-  
 " litatis substantiæ divinæ . Certe Deum con-  
 " fiteris Creatorem , certe , inquis . Quo-  
 " modo ergo in Deo humanum aliquid ex-  
 " istimas , & non divinum omne ? Quam  
 " Deum non negas , confiteris . Non hu-  
 " manum ; siquidem Deum confitendo ,  
 " præjudicasti utique illum ab omni hu-  
 " manarum conditionum qualitate diver-  
 " sum . " Igitur ex Tertulliano sensus &  
 " membra sunt in Deo nomine tantum &  
 " appellatione , non re & per proprietatem ;  
 " passiones incorruptoriæ , non corruptoriæ ;  
 " hoc est , virtutes quæ effectum habent pas-  
 " sionum , sed non defectum : irascitur quippe  
 " Deus contra improbos ; sed non exacer-  
 " batur : quandoque se pœnitent non levitate  
 " vel inconstantia animi , sed ut peccatori be-  
 " neficiorum indigite ingratitudinem .

*Inflabis .* Ideo Tertullianus non admit-  
 teret verum in Deo corpus , verasque sen-  
 suum in Deo passiones , eo quod dicit Deum  
 spiritum ; sed hæc ratio nulla est , & pro-  
 batur . Tertullianus l. de anima , c. 7. di-  
 cit expresse animam esse corpus , tamen  
 si agnoscat esse spiritum ; ita tacetur Aug.  
 l. de hæresibus ad quod vult Deum , c.  
 86. igitur licet Tertullianus credat Deum  
 spiritum , nihilominus secundum ipsum est  
 corpus .

*Respondeo 1.* Tertullianum in l. de carne  
 Christi , c. 11. dicere expresse animam  
 Christi non esse carnem , aliudque habe-  
 re corpus secundum se ; aliud vero in car-  
 nis effigie : secundum se , non esse visibi-  
 lem , sed solum factam per indumentum  
 carnis visibilem : non intelligit igitur Ter-  
 tullianus animam esse corpus quantum ,  
 de quo procedit difficultas .

*Respondeo 2. neg.* minorem , ad proba-  
 tionem nego paritatem : Nam Tertullia-  
 nus l. de anima c. 7. credit animam esse  
 corpoream , non quia est corpus quantum ,  
 sed quia est circumscripta , habens passio-  
 nes corruptorias ; unde secundum ipsum ,  
 non est purus spiritus , ut Deus , qui est  
 & incircumscriptus : Sic enim loquitur l. 2.  
 contra Marcionem c. 16. " Quanta erit  
 " diversitas divini corporis & humani dif-  
 " ferentia sub eisdem nominibus membro-  
 " rum tanta erit & animi divini & huma-  
 " ni differentia , sub eisdem licet vocabu-  
 " bulis sensuum , quos tam corruptiores  
 " efficit in homine corruptibilitas substan-  
 " tiæ humanæ , quam incorruptiores in  
 " Deo efficit incorruptibilitas substantiæ  
 " divinæ . " Ex eo quod anima haberet  
 passiones corruptivas , credebatur habere par-  
 tes majores & minores : in quo quidem  
 etiam allucinabatur , non tamen propter hoc  
 hæreticus habitus est .

*S. Augustinus* l. de hæresibus , ad Quod  
 vult Deum , sic illum excusat : " Nec ta-  
 " men , inquit , hæreticus creditur factus ;  
 " posset enim , quoquomodo putari ipsam  
 " naturam , substantiamque divinam cor-  
 " pus vocare ; non tale corpus , cujus par-  
 " tes aliæ majores , aliæ minores valeant  
 " vel debeant cogitari , qualia sunt omnia  
 " quæ proprie dicimus corpora . Quamvis  
 " de anima tale quid sentiat , sed potuit ,  
 " ut dixi , propterea putari corpus Deum  
 " esse , quia non est nihil . "

*Persuadet .* D. Augustinus ipse variis in  
 locis hujus erroris insinuat Tertullianum  
 r. de Genesi ad litteram q. 10. c. 25. "   
 " Tertullianus , inquit , corpus esse animam  
 " credit , non ob aliud , nisi quod eam in-  
 " corpoream cogitare non potuit , & ideo  
 " timuit ne nihil esset , si corpus non es-  
 " set , nec de Deo valuit aliter sapere . "   
 Item l. de hæresibus , c. 86. in Epist. 157.  
 seu 190. ad Optatum : ferm. 2. de ani-  
 ma & ejus origine , c. 5. Unde sic ar-  
 gumentor : Qui credit proprie corpo-  
 reum : Atqui Tertullianus credit Deum  
 corporeum ut animam : ergo , &c. ex Au-  
 gustino .

*Respondeo* distinguendo . Tertullianus tre-  
 didit Deum esse corpus ut animam , cor-  
 pus sumptum latissime , concedo ; cor-  
 pus quantum , nego . Nunquam credidit  
 animam corpus quantum , sed corpus  
 quoddam sui generis habens passiones cor-  
 ruptorias quas a Deo propellebat : igitur  
 non credidit Deum corpus quantum , ul-  
 lo

lo modo; sic illum explicat Augustinus modo citatus; unde post verba in objectione allata ex libro de Genesi, cap. 25. subdit: "Qui sane, quoniam acutus est, interdum contra opinionem suam, visa veritate, superatur: Quid enim verius dicere potuit, quam id quod ait quodam loco? Omne corporale passibile est: Debit ergo mutare sententiam, quia paulo superius dixerat etiam Deum corpus esse, Censet igitur Augustinus Tertull. sese retractasse l. de hæresibus ad Quod vult Deum, cap. 86. namque asserit Tertullianum existimasse animam immortalem, sed corpus habere effigiatum, Deum vero non effigiatum; unde inquit, non est in hoc hæreticus.

*Instabis.* Divus Thomas primo contra Gentes, c. 20. dicit Tertullianum existimasse Deum habere corpus; idem scribit Gennadius de dogmatibus Ecclesiasticis, c. 4. Ergo, &c.

*Respondeo* D. Thomam loqui de corpore latissime sumpto. Quidam dicunt S. Doctorem non examinasse ad apices juris illud controversiæ caput quia eo loci quæstio, aut nihil, aut parum spectabat Gentiles, ne minimum quidem ad istorum de Deo mere spirituali controversiam dirimendam conducebat; unde vel leviter tractari debuit.

*Ad Gennadium*, dico non esse audiendum, quia absque causa antiquitatem errore pungit, & suam ostendit imperitiam, sumendo Anthropomorphum pro singulari quodam homine.

*Fulgentius* l. de veritate prædestinationis & gratiæ, c. 2. fuscipiat Tertullianum de errore, propter duritiam styli, sed benigne est explicandus.

## SYNOPSIS PROBATIONUM.

*Tertullianus non adhæsit Anthropomorphitis.*

*Primo.* Quia Apolog. c. 20. dicit Deum esse purum spiritum.

*Secundo.* L. contra Praxeam, asserit Deum esse ubique.

*Tertio.* L. de Baptismo, c. 7. eundem proclamant simplicissimum.

## SYNOPSIS SOLUTIONUM

### PRO OBJECTIONIBUS.

*Primo.* Verum est Tertullianum non semel asserere Deum esse corpus; sed intelligit sui generis, quatenus corpus dicit ens oppositum nihilo.

*Secundo.* Idem quandoque etiam dicit Deum corporeum, atque loquitur de Deo incarnato.

*Tertio.* Sunt aliqui auctores qui Tertullianum erroris Anthropomorphitarum insimulant, sed vel errore facti decepti sunt, vel non loquuntur in sensu rigore: hoc est, stylum ejus paulo duriorum arguunt.

## ARTICULUS QUARTUS.

*Utrum Melito Sardenfis, Audius & Epiphanius in errorem Anthropomorphitarum impeerint.*

### CONCLUSIO PRIMÆ.

Melito Sardenfis non impegit in errorem Anthropomorphitarum.

*Probatnr multipliciter.*

*Primo.* **A**PUD omnes qui de Anthropomorphitis scripsere, altum est de Melitone silentium. Ipsi vero Anthropomorphitæ illum nusquam laudarunt inter eos qui eandem secum habebant opinionem, quod certe non omisissent; ut tanti viri patrocinio suffulti, suos & securius, & etiam efficacius disseminarent errores.

*Secundo.* Eusebius lib. 4. historiæ, cap. 26. Hieronymus de Scriptoribus Ecclesiasticis, c. 34. Melitonem summis afficiunt laudibus; quod certe non fecissent, si tam absurde de Deo & credidisset & scripsisset.

*Tertio.* Recentiores illum ab hoc negotio purgant, ut Sixtus Senensis, Henricus Valesius, & alii permulti: ergo Melito Sardenfis non impegit in errorem Anthropomorphitarum.

## CONCLUSIO SECUNDA.

Audius non credit Deum esse corporeum.

*Probatur auctoritate Divi Epiphanii.*

*Sanctus Epiphanius* Audii corcetaneus, hæresi 70. dicit Audium non solum extitisse egregiæ pietatis virum, sed & ab ipso plurima condita fuisse Monasteria, in quibus antior disciplina florebat, subditque Catholicam eum semper tenuisse doctrinam. Idem Epiphanius docet Audium bene sensitisse de Sanctissima Trinitate: ergo Audius non credidit Deum corporeum. Placet paucis referre quæ Epiphanius fufiori calamo de Audio scribit hæresi 70: "Audius, inquit, e Mesopotamia oriundus, domi clarus in primis fuit, propter & vitæ integritatem, & divinæ fidei zelum & ardorem. Deinde narrat quomodo Audius in pravis debacchans mores, odium in se suorum concitaverit, ita ut ærumnis infeliciter cedens, ejectus a suis, etiam ab Ecclesia semetipsum separaverit, novamque formaverit sectam: Quidam inter Antropomorphitas hæreseos etiam Sanctum Epiphanium insinulaverunt; ejus tamen in gratiam Audii testimonium ponderare debent, quippe qui absque ullo fundamento hanc nefandam labem tanto viro inurere non crubuerint: unde sit

## CONCLUSIO TERTIA:

S. Epiphanius non adhæsit Anthropomorphitis.

*Probatur multis momentis.*

*Ille* non adhæsit Anthropomorphitis qui reprehendit Audium, eo quod dixisset hominem esse ad imaginem Dei secundum corpus, quique illum maxime in hoc puncto revincit, quia, inquit, inde sequeretur Deum, quod ablit dicere, esse corporeum: atqui Sanctus Epiphanius nequidem ferre potest hominem dici ad imaginem Dei factum secundum corpus, illamque abjicit propositionem, quia ex hoc sequeretur Deum esse corporeum, quæ quidem probatio & confutatio nulla foret, si ipse credidisset Deum esse corporeum: igitur hoc ipsum nec scripsit, nec docuit. Probatur minor. Hæresi 70. multa dicit, pri-

mo quidem refert Audium male interpretando illud Genesis 1. v. 27. *Faciamus hominem ad imaginem & similitudinem nostram*, dixisse hominem formatum de limo terræ, etiam secundum corpus esse ad imaginem Dei. Deinde subdit: "Vernum est illud, uti dixi paulo durius ac simplicius definire hominem audere: quamam in hominis parte sit imaginis illa constituta ratio. Si tamen appellatione partis utendum est, eo quod pleraque quod ad hanc vocem attinet, hominum intelligentiæ refragari videntur, ac variis questionibus implicari; nam aut aspectabilem Deum faciemus ac corporeum, si in corpore nostro corporea perinde ratione ac figura, istiusmodi imaginem collocandam putamus, aut cum Deo hominem adæquabimus, si hæc asserere velimus."

*Rursus.* Ille Deum terminis corporis concludi non exilimavit, qui propugnantes hominem esse ad imaginem Dei, etiam secundum corpus, his potissimum debellat rationibus, quia Deus nec sensibilis & aspectabilis est oculo corporeo, nec ab ipsa creata mente comprehensibilis, quippe qui sit purus spiritus, illeque infinitus: atqui ita censet & docet S. Epiphanius; & probatur hæresi 70. n. 5. Sic loquitur: "Nec minus & aliorum reiicienda sententia, qui corpus ad imaginem Dei esse factum prædicant: nam qui fieri potest, ut quod aspectabile est, ei simile sit, quod videri non potest? aut corporeum corporis experti? aut quod contestari potest ei quod apprehendi nequit? Præterea nos anteriora duntaxat oculis nostris cernimus, quæ pone sunt ignoramus. Penes Deum autem neque affectio ulla neque defectus est: sed undecunque gloria. Spiritus enim Deus est, qui omnem spiritum exuperat, & lux luce omni præstantior. Quidquid enim ab ipso conditum est, infra illius decus ac gloriam est. Sola vero Trinitas comprehendendi non potest, & infinitam quandam gloriam obtinet, quæ nec conjectura capitur, nec intelligentia percipitur." Ergo, &c.

Secundo. *Ex divo Hieronymo.*

S. Doctor Epist. 61. expresse, & ex professo docet Beatum Epiphanium ab hoc errore immunem fuisse.

Ter-

Tertio . *Ex laudibus quibus a multis celebratur.*

*Plurimum* laudatur Epiphanius a Teophilo Alexandrino, Epist. 67. inter Hieronymianis; a Faundo Hermianensi, l. 4. c. 2. a septimo Concilio generali: a Sancto Joanne Damasceno, oratione 1. de imaginibus: a Photio in Biblia, codice 122. 123. & 124. a Menologio Græco, ad diem 12. Mii, & ab universali Ecclesia quæ illum colit & veneratur ut sanctum; quod non faceret, si esset vel Hæreticus, vel male de Deo sentiret.

## SOLVUNTUR OBJECTIONES

*contra primam Conclusionem.*

*Objicies.* Origines accusat Melitonem de errore Anthropomorphitarum: Theodoretus quæst. 2. in Genesim, refert locum Origenis, sicut refert catena græca, ejus meminit Petavius l. 2. de Deo; c. 1. cum enim inquireret Origenes an imago Dei in homine sculpta, ait corpus vel ad animam pertineret, ait apud Theodoretum: "Ante omnia illud disceptandum est, ubi, consistet istud. Ad imaginem in corpore, an in anima? Videamus porro quibus utantur, qui prius asserunt e quorum numero est Melito, qui scripta reliquit de eo argumento, Deum esse corporeum.", 2. Gennadius l. de Dog. Eccl. c. 4. arguit Melitonem de tali errore: igitur credidit Melito Deum esse corporeum.

*Respondeo* negando consequentiam. Et vero auctoritas Origenis non ponderat hic; si enim dixit quod illi imputant in objectione, deceptus est profero in titulo libri quem Melito ediderat, nec, ut appareret, legerat ipse Origenes; cum enim Melito opusculum edidisset de Deo corporeo, existimavit eum docere revera corporeum, sed profero allucinat est, qui ibi Melito agebat de Deo Incarnito; & hoc patet ex pluribus momentis; namque Eusebius tamen Origenis summus prece, magnis tamen celebrat laudibus libro 4. Historiæ, capite primo & vigesimo sexto & librum & auctorem; quinimo eos inter libros qui veram & apostolicam Traditionem continent, numerat Melitonis opus. Jam vero si reperirentur navi, illos profero annotasset Hieronymus, sed solum refert titulum, & quidem græce, adpo-

que absque ulla hæreseos suspitione censet esse illud opus, nam capite 4. inter alias ejus lucubrations recenset librum quemdam, cujus argumentum fuit, *ἡ εἰκὼν τοῦ Θεοῦ*, quod Rufinus vertit de Deo corpore induto, idest, Christo. Quid plura? Theodoretus qui hanc adversus Melitonem Origenis censuram refert, suum ei non addit calculum, tamen expressam ibi faciat de Anthropomorphitis mentionem. His accedit Valetius qui Eusebium ex Græco Latine sic reddit: *De incarnatione Dei.*

*Respondeo* 2. neque constare de auctore, neque de ætate catenæ græcæ; unde est parvi apud doctos ponderis: Verum Sixtus Senensis l. 5. Bibliothecæ Sanctæ, annotatione 18. solvit omnia, sic referendo Origenis locum: "Aut Melitonem non dicamus asseruisse Deum esse corporeum, sed potius libro ejus de Deo corporato abutis, eos fuisse eos, qui imaginem Dei in humano corpore collocabant."

*Respondeo* 3. Auctoritatem Gennadii levis esse momenti; plerumque enim præcipiti, eoque iniusto iudicio damnat Veteres: sic Arianæ impietatis postulat Dionysium Alexandrinum, novitatis vero Augustinum.

## DILUUNTUR ARGUMENTA

*contra secundam assertionem.*

*Objicies.* Ille hæreseos labe infectus apparuit, qui ab Ecclesia separatus est: atqui Audius, teste Epiphanio, hæresi 70. ab Ecclesia separatus est: igitur vere credidit Deum corporeum.

*Respondeo* distinguendo. Si separatus est propter errores contra fidem, concedo; si seipsum voluntarie separavit, odii vel impatientiæ ratione, nego. Audius igitur repulsus a suis, quorum severe mores depravatos carpebat, impatiens cessit malis, quæ propter iustitiam tolerabat, & in apertum erupit ichthys; sed damnatus non fuerat ab Ecclesia. Ita refert Epiphanius ibidem: "Verum cum ipse cum suis vapularet, & indigna patetur, his malis ingemiscens, & harum calamitatum ac contumeliarum violentia, consilium cepit: Quare seipsum ab Ecclesia segregavit, atque ita pluribus cum illo descendentibus, novum ab eo divortium constitutum. Neque vero ulla in re a recta fide discessit, sed ipse cum suis sinceram in omni-

„ nibus Religionem tenuit ; quanquam  
 „ est quiddam perexiguum , in quo paulo  
 „ perviciacius consistantur : Ergo de Pa-  
 „ tre , Filio ac Spiritu Sancto præclare ,  
 „ & ex Ecclesiæ Catholicæ præscripto  
 „ sentiunt , nec transversum ab eo un-  
 „ guem desecunt . „

*Instabis .* Epiphanius scribit Audium fuisse autorem sectæ Audianorum , quorum quidem placita inter hæreses annumerat , ut titulus ipse loquitur : sic quippe inscribitur de hæresi Audianorum : sed ista hæresis in eo potissimum consistebat , quod Audiani crederent Deum esse corporeum : igitur & credidit , immo & docuit Audius hanc hæresim .

*Respondeo* distinguendo . Audiani habiti sunt ut Hæretici , eo quod Pascha , sicut Judæi , die 14. Lunæ celebrare volebant concedo ; eo quod crederent Deum esse corporeum , subdistinguo : secundum quid , concedo ; nam durius de hoc momento ipse Audius locutus est : absolute & simpliciter , nego . De Audio sic scribit Epiphanius ibidem : „ Quæcunque ille dicit , „ plane vera sunt , tamen nonnullæ sententia sunt , quæ aciem nostræ mentis fugiant . „ Porro Audiani non communicabant cum cæteris hominibus , florebat morum integritas . Quinimmo refert Epiphanius Audium ad fidem perduxisse multos barbaros in Gothia : igitur inter Hæreticos adscribuntur Audiani , quod & Pascha , ut Judæi , die 14. Lunæ celebrarent , & durius de Dei simplicitate loquerentur : Audius quippe aiebat hominem etiam secundum corpus , esse ad imaginem Dei , quod reprobatur Epiphanius ; hoc enim Anthropomorphitarum errorem sapit .

*Instabis .* Theodoretus l. 4. de hæresibus , c. 3. Aug. l. de hæresibus , c. 50. Audianos Anthropomorphitas vocant . Sic loquitur Augustinus : „ Quoniam Deum si- „ bi fingunt cognitione carnali , in similitudinem imaginis corruptibilis hominis , quod rursusitati eorum tribuit Epiphanius , parcens eis , ne dicantur Hæretici . „ Id utique expresse Theodoretus de Audio dicit : ergo , &c.

*Respondeo* distinguendo . Et errore facti deceptus est Theodoretus , concedo ; & non est deceptus , nego . Potuit decipi propter multa : 1. quidem , quia Audius , dicendo hominem secundum corpus esse ad imaginem Dei , favebat Anthropomorphitis . 2. Quia hic error potuit illi tribui a multis , quorum odium & invidiam ferventioribus

commoverat concionibus . 3. Quia ipsius discipuli paulatim in hanc insaniam prolapsi sunt ; alii enim fuerunt Audiani quarti sæculi , alii quinti : isti enim secundum Scriptores Ecclesiasticos , erant moribus depravati , immo & in fide corrupti ; & sic facile explicatur Augustinus qui loquitur de secundis Audianis , sicut & Facundus Hermianensis , cum l. 8. q. 7. Audianos Anthropomorphitas vocat .

*Rursus instabis .* Audius Constantini Edicto relegatus fuit in Scythiam : igitur erat Hæreticus contumax .

*Respondeo* ibidem Epiphanius : „ Senex „ Audius in Scythiam ab Imperatore re- „ legatus est , quod populos passim ab „ Ecclesiæ obsequio retraheret . „ Igitur non propter hæresim , sed propter schisma relegatus est .

#### *Fit satis objectionibus adversus tertiam Conclusionem .*

*Obijcies .* Joannes Jerosolymitanus propugnat Epiphanium adhæsisse Anthropomorphitis ; ita refert Socrates l. 6. c. 10. ergo , &c.

*Respondeo* distinguendo . Et hoc absque fundamento propugnavit Joannes , concedo ; cum fundamento , nego . Nec mirum ; quomodo Epiphanius Anthropomorphitis adhæsisset , cum ipsum Audio graviter rearguat , eo quod hominem esse ad imaginem Dei , etiam secundum corpus prædicasset ? hinc falso accusatus de hoc quod isti duo Auctores illi imposuerant , se purgavit in concione , quam habuit Jerosolymis coram ipso Joanne . Ita refert Hieronymus in libris ad Pammachium de erroribus Joannis Jerosolymitani : quinimmo , Epist. 67. ad eundem , ex professo vindicat Epiphanium : Baronius . ad annum Christi . 333. utique Epiphanius suscipit partes .

*Instabis .* Socrates ibidem & Sozomenus l. 8. c. 14. asserunt Epiphanium impigisse in Anthropomorphitarum errorem : ergo , &c.

*Respondeo* distinguendo . Et errore facti decepti sunt illi Auctores , concedo , & non fuerunt decepti , nego . Igitur non est credendum Socrati , non Sozomeno , quippe qui , inquit Valesius , fidem adhibuerint cuidam Origenistæ , qui quidem istius erroris nefanda calumniam insinularat Epiphanium . Nec mirum : Origenistæ , ut observat Baronius , solebant istius



hæreseos notam inurere Catholicis, qui eorum perstringebant errores.

*Insuper.* Isti Auctores referunt Sanctum Epiphanium Synodum quandam adunasse, in qua quidem ad exemplum Theophili Alexandrini, damnavit libros Origenis, qui quidem assererat Deum esse incorporeum: igitur cum fundamento Epiphanium inter Anthropomorphitas annumerant.

*Respondeo distinguendo.* Sanctus Epiphanius damnavit Libros Origenis, non ex eo quod in eis doceret Deum esse incorporeum, sed propter alios errores quibus scatebant ejusmodi opera, & hoc ad exemplum Theophili, qui ea potissimum de causa, primus insurrexerat contra Origenem, concedo; & damnavit præcise, quia Deum Origenes dixerat incorporeum, nego.

*Obijcies* 2. Epiphanius secutus est Theophili partes, qui quidem Theophilus ut adjuutores contra adversarios haberet, adhæsit opinioni Monachorum Ægypti, qui de errore Anthropomorphitarum a Scriporibus Ecclesiasticis non semel accusantur: ergo saltem Epiphanius fuit fautor hujus nefandis dogmatis.

*Respondeo* 1. auctoritatem Theophili non multum ponderare, quippe qui multa fecerit reprehensione dignissima; nam & ulla alique causa Sanctum Chrysostomum infectatus est; unde esto quod ipse Theophilus cedens temporis, faverit Monachis, Ægyptiorumque adhæserit erroribus, non idem sane dicendum de Epiphanio, propter rationes in probationibus allatas.

*Respondeo* 2. laudatis auctoritatibus non esse credendum, maxime in iis quæ de Theophilo proferunt, quandoquidem nihil quicquam simile legitur in aliis illorum temporum Scriporibus: quinimmo, Cassianus c. 2. Collat. 10. asserit Theophilum ab erroribus Monachorum discessisse & docuisse Deum esse incorporeum.

*Insuper.* Theophilus illos Monachos a communione sua non separavit, immo nec Epiphanius ab eis abstinuit: igitur uterque favebat illis.

*Respondeo* distinguendo. Theophilus & Epiphanius ab illis Monachis non abstinerunt benigne eorum interpretando sententiam, charitas quippe benigna est, concedo; non abstinerunt favendo errori, nego. Eodem prorsus motivo Sanctus Epiphanius ab Audio abstinere noluit, ipsique hæreseos notam inurere, ut patet l. de hæresibus, hæresi 70. Attamen numero 6. ex professo confutat Audianos, & probat

hominem non esse ad Dei imaginem secundum corpus; & hoc, ne inde sequeretur Deum esse corporeum: igitur Epiphanius non solum ab Anthropomorphitis discessit, verum etiam eos infectatus est.

## SYNOPSIS PROBATIONUM.

*Primo.* Melito Sardenfis vindicantur ab errore Anthropomorphitarum; vix enim aliquem magni ponderis auctorem reperies, qui illi hujus hæreseos notam inurat: quinimmo, Eusebius l. 4. hist. capite 25. eum magnis celebrat laudibus.

*Secundo.* Audius utique non adhæsit Anthropomorphitarum errori palmari: ita colligitur ex Epiphanio hæc. 70.

*Tertio.* A fortiori nec ipse Epiphanius, cum ne quidem passus sit hominem dici ad imaginem Dei secundum corpus, ut ibidem legitur.

## SYNOPSIS OBJECTIONUM ET SOLUTIONUM.

*Prima.* Obijcitur quidem Melitonis locus ab Origene citatus, verum in hoc ipso error facti apparet; cum non reddatur genuinus Melitonis textus, maxime vero quia suum Melito inscripsit librum, non de Deo corporeo, sed incorporato, idest, incarnato.

*Secundo.* Obijciunt nonnulli Audium ab Ecclesia sejunctum, sed hoc ipsum propter schisma promeruisse constat; namque tædio confectus, propter varias injurias quibus a propriis discipulis impetitus est, voluntarie ab Ecclesia ignavus ille discessit: Non negamus tamen Audianos fuisse postea hæreticos, sed quatuordecimanos: immo decursu temporum & seculorum quidam aperte errorem Anthropomorphitarum amplexi sunt.

*Tertio.* Incausum quidam Sanctum Epiphanium inter Anthropomorphitas annumerant, errore quippe facti in hoc detenti sunt.

## ARTICULUS QUINTUS.

*Utrum Deus sit ens indivisibile, nullam in se patiens distinctionem & divisionem.*

**D**ISTINCTIO multiplex est, alia realis major, quæ est inter rem & rem separabiles, ut inter corpus & animam: alia

alia realis minor, quæ est inter rem & modum, inter digitum v. g. & inflexionem digiti: digitus potest esse sine modo, non tamen modus, ut curvitas, sine digito; alia realis formalis ex natura rei, & est ea quæ intercedit inter duo, quæ quidem entitative sunt unum, sed nemine cogitante, unum petit ab alio distingui, & est formalitas objectiva ex se distincta: sic, licet animalitas & rationalitas in homine sint una entitas, nemine tamen cogitante, formalitas animalitatis non est formalitas rationalitatis, petuntque ex natura rei ab invicem distingui: hæc vocatur distinctio Scotistica, ab auctore suo Scotto denominata; alia est rationis distinctio, & est solum per mentem creatam, quæque rem infinitam unico mentis actu adæquare non volens, dividit illam in multos conceptus.

*Jam vero* attributum definitur perfectio quæ Deo competit, & de ipso prædicatur: & duplex est; aliud positivum, aliud vero negativum; positivum illud est quod Deo convenit per modum affirmationis, v. g. Deus dicitur bonus, sapiens, &c. .... negativum quod illi convenit per modum negationis, removendo ab illo omnem imperfectionis labem; talis est infinitas quæ omnem excludit terminum & limitationem; immortalitas, quæ passibilitatem & mortem. Iterum attributum aliud est relativum, aliud vero absolutum: relativum Deo convenit per respectum ad aliud; sic Paternitas de prima Persona dicitur per ordinem ad secundam, quæ est Filius: absolutum Deo convenit secundum se, & ut præintelligitur Personis, ut bonitas, sapientia, &c. Supponimus Personas Sanctissimæ Trinitatis realiter inter se distingui, & est de Fide; sed quæstio præsens procedit de natura divina comparative ad attributa & Personas; de attributis comparative ad invicem & ad personas, pro cuius resolutione sit

### CONCLUSIO PRIMA.

*Nulla est distinctio realis etiam formalis ex natura rei, inter naturam divinam & Personas & attributa; nulla inter attributa ad invicem, & Personas.*

Probatur auctoritate & ratione.

Primo. *Ex Scriptura sacra.*

Joannis 10. habetur: Ego & Pater unum sumus. Unde sic argumentor: Ubi omnia

sunt unum, ibi nulla est distinctio realis ex parte rei, & ante omnem operationem mentis; atqui in Deo omnia ita sunt unum, ut Pater sit Deus, Filius Deus & unus cum Patre, Spiritus Sanctus Deus & unus cum Patre & Filio: igitur Deus, seu natura Dei non distinguitur a personis, & omnia sunt ita in Divinis unum, ut Deus sit ipsa sapientia, ipsa vita, ipsa iustitia: igitur nulla est distinctio realis quæcunque in Deo.

Secundo. *Ex Conciliis.*

*Concilium Rhemense* anno 1148. celebratum sub Eugenio III. sic loquitur adversus Gilbertum Porretanum, qui Divinitatem a sapientia, cæterisque Dei attributis realiter distingui propugnabat. "Credimus & confitemur simplicem naturam Divinitatis esse Deum, nec aliquo sensu Catholico posse negari quin Divinitas sit Deus, & Deus Divinitas: si sicubi dicitur Domini sapientia sapientem, magnitudine magnum, Divinitate Deum esse, & alia hujusmodi, credimus non nisi ea sapientia, quæ est ipse Deus, sapientem esse, nonnisi ea magnitudine, quæ est ipse Deus, magnum esse, nonnisi ea æternitate, quæ est ipse Deus, æternum esse; nonnisi ea unitate unum, quæ est ipse; nonnisi ea Divinitate Deum, quæ est ipse, idest, seipso sapientem, magnum, æternum, unum Deum, cum de tribus Personis loquimur . . . ipsas unum Deum, unam divinam substantiam esse fateamur. . . Igitur ex Concilio Rhemenfi, natura nec a personis & attributis, nec attributa a se invicem realiter distinguuntur, quandoquidem omnia in Deo sunt unum, seu una & eadem entitas.

*Lateranense quartum* eidem suffragatur veritati, nam c. 2. contra Joachim Abbatem, dicit: "Unam quædam summa res est incomprehensibilis quidem & ineffabilis, divinis essentia quæ veraciter est Pater, Filius, & Spiritus Sanctus; tres simul Personæ, & sigillatim, quælibet earundem, & ideo inde Trinitas est totummodo, non quaternitas. Sed si Divinitas non esset Deus, si non esset sapientia, non solum in Deo quaternitas, verum etiam tot entitates, quot in eo perfectiones sunt, reperirentur; quod quidem est a fide prorsus alienum; unde sacra Synodus subdit: "Non quaternitas, quia quælibet trium Personarum est il-

la

„ la res. „ Non igitur sunt in Deo plures res quæ distinctionem pariant realem, sed una reperiatur, adeoque nulla distinctio rebus intercedit.

*Florentinum* suum addit calculum tantæ veritati, dicens omnia in Deo esse unum, ubi non obviat relationis oppositio. Enimvero seff. 18. Joannes pro Latinis Græcos sic alloquitur: „ Vos quæritis an idem „ sit in personis divinis substantia & persona seu hypostasis; nos vero dicimus „ substantiam & personam seu hypostasis „ sim idem esse re, differre autem nostro „ intelligendi modo. „ Tunc *Marcus Ephesinus* pro Græcis respondens, dixit: „ Hac in parte nulla discrepantia. „ Ex his hoc effingitur argumentum: Quæ revera sunt unum & idem, nullo modo realiter distinguuntur, quia distinctio realis intercedit solum inter res plures; sed ex *Florentino* omnia in Deo sunt una res, natura scilicet & personæ, & attributa; nec reperitur distinctio, nisi ubi obviat relationis oppositio, quæ quidem solummodo intercedit inter Personas ad invicem spectatas: igitur non est distinctio nisi rationis inter naturam & Personas, inter naturam & attributa, inter attributa & sanctissimas Personas.

### Tertio. Ex Patribus.

*Dionysius* Philosophus apud *Euthymium* parte 1. pag. 64. sic loquitur: „ Deus essentia quidem tanquam ipsa entitas; non „ essentia vero tanquam essentia præcellens & effector essentia. Rursus & unitas dicitur, & non unitas: unitas quidem, quia est ipsa unitas: non unitas „ vero, quia unitate omni superior est, „ & omnis constitutor unitatis, atque ejusmodi pleraque de Deo, non deficienti, „ sed exuperanti ratione dicuntur.

*Hilarius* eodem currite pede, nam l. 7. & 8. sic loquitur de Deo: „ Totum quod est, vita est. „

*Basilius* subjungitur primis in oratione de fide apud eundem *Euthymium*, tit. 2. pag. 20. „ Illic Pater & Filius & Spiritus „ Sanctus, quæ est increata natura, Domini nutritrix dignitas, naturalis bonitas.

*Gregorius* Nazianzenus eundem loquitur sermonem oratione 13. pag. 121. namque tres Sanctissimæ Trinitatis Personas vocat: „ Vitæ & vitam, lumina & lumen, bonum, glorias & gloriam, verum & veritatem, spiritum veritatis, sancta & ip-

„ sammet sanctitatem. „ Quibus verbis denotatur cuncta in unitate comprehendi.

*Maximus Martyr* cæteris accedit apud *Euthymium* tit. 3. pag. 77. „ Deus quidem, inquit, tanquam ipsam et existentiam, & ipsamet bonitas, & ipsamet sapientia, vel potius omnibus ipsis præstantior. „

*Epiphanius* hujus veritatis testis est locuples; hæc l. 62. n. 3. sic loquitur: „ Trinitas semper Trinitas erat, nec unquam Trinitas accessionem capit, quæ est una Divinitas, una dominatio, una glorificatio. „

*Augustinus* etiam in hoc puncto suam explanat sententiam l. *Medit.* c. 32. his verbis: „ Deus vera & summa vita, a quo „ & per quem, & in quo vivunt omnia „ quæcumque vere & beate vivunt. Deus „ bonum & pulchrum; a quo, per quem, „ & in quo bona & pulchra sunt omnia „ quæcumque bona & pulchra sunt.

*Fulgentius* in responsionibus ad *Ferrandum*, interrogatione 2. „ Christus, inquit, „ Deus fortis, sic est Deus, ut ipse sit „ Divinitas sua, quemadmodum sic est „ fortis, ut ipse sit virtus sua: sic est magnus, ut ipse sit magnitudo sua: sic est sapiens, ut ipse sit sapientia sua. . . . „ claret nempe hoc esse Catholicæ veritatis, ut cum in Deo Divinitatem, magnitudinem, bonitatem, virtutem. . . nominamus. . . non istis diversis nominibus quædam diversa. . . sed unum illud quod est essentia vel natura, certissime noverimus. „

*Gregorius* l. 10. *Moralium*, eandem sententiam: „ Deus, inquit, hoc est quod habet. „

*Isidorus Hispalensis* venit quoque in hoc testimonium, l. 1. de summo bono, c. 1. sententia 6. „ Non, inquit, aliud est ipse, „ & aliud quod in ipso est. „

*Anselmus* etiam suam in hoc expandit mentem *Monologio* c. 15. „ Palam est, inquit, de Deo, quia quodlibet bonum summa natura sit. „ Ibidem c. 16. „ Quemadmodum itaque unum est, quidquid essentialiter de summa substantia dicitur, ita ipsa uno modo, una consideratione est, quidquid est essentialiter. „

*D. Bernardus* serm. 80. in Cant. „ Quod, inquit, de Divinitate sentimus, unum „ in Deo sunt. „ Ibidem de essentia divina: „ in semet manens, quod habet, „ est. „ Ibidem. „ Deus hanc sibi vindicat „ meram, singularemque suæ essentia simp-

„plicitatem, ut non aliud & aliud . . .  
 „Deus est magnitudo, bonitas . . . Et l.  
 „5. de consideratione, c. 7. dicit: „Est  
 „qui est, purus, simplex, integer, per-  
 „fectus. „

#### Quarto. Ex rationibus.

*Prima* quæ occurrit, hæc est. Ex Patri-  
 bus allatis Deus est ipsa vita, ipsa sapien-  
 tia, &c. Sed ubi est distinctio, unum non  
 est aliud: sic anima rationalis non dicitur  
 a se distincta, bene vero a corpore, a scien-  
 tia, aliisque ejusmodi perfectionibus: ergo  
 non est distinctio realis, immo nec forma-  
 lis ex natura rei, quæ est in re nemine  
 cogitante, inter essentiam & personas &  
 attributa, & vicissim, nec inter personas  
 & attributa ad invicem comparata.

*Secunda*: Si Divinitas a Deo distingue-  
 retur, jam Deus non foret substantia divi-  
 na, cum in his quæ distinguuntur, unum  
 non sit aliud; sed absurdum consequens;  
 ergo & antecedens. Hanc asserti rationem  
 D. Aug. Epist. 224. „Divinitas Trinita-  
 „tis, inquit, quæ putatur alia esse quam  
 „est ipsa Trinitas, & propter hanc dici  
 „non tres Deos, sed unum Deum, quo-  
 „niam ipsa est tribus una communis: aut  
 „substantia est, aut non est substantia:  
 „si substantia est, & alia est quam Pater  
 „aut Filius, aut Spiritus Sanctus, aut  
 „eadem simul Trinitas, procul dubio alia  
 „substantia est. Hoc autem veritas refel-  
 „lit & respuit. „

*Tertia*. Si esset distinctio realis inter  
 essentiam divinam & Personas & attributa,  
 daretur majus & minus in essentia divi-  
 na; nam major evaderet, quando illi  
 advenirent Personæ & attributa, quam  
 quando tantummodo secundum se conside-  
 raretur, & de facto advenirent illi perfe-  
 ctiones; hinc homines dicimus in perfe-  
 ctionibus crescere, quia cum non sint ne-  
 que sapientia, neque fortitudo, concipi-  
 mus virtutes de novo illis advenire, &  
 ideo quo plures habent, eo utique perfe-  
 ctiores evadunt; sed erroneum est, immo  
 & absurdum dicere magis & minus repe-  
 riri in divina essentia: ergo, &c. Hanc  
 mirabilem explanat rationem Aug. l. 5.  
 de Trin. 10. „Deus, inquit, non ea ma-  
 „gnitudine magnus est, quæ non est  
 „quod est ipse, ut quasi particeps sit e-  
 „jus Deus . . . alioquin illa erit major  
 „magnitudo quam Deus, Deo autem non  
 „est aliquid majus; ea igitur magnitudi-

„ne magnus est, quia est ipse eadem ma-  
 „gnitudo. „

D. Bernardus ista eademque ratione ur-  
 get Gilbertus Porretanum ferm. 80. in  
 Cant. his verbis: „Erit aliquid quod non  
 „est Deus, aut nihil: quod si aliquid est,  
 „quod non est Deus; aut minor erit Deo,  
 „aut major, aut par. At quomodo minor  
 „quam Deus est? restat ut aut majorem  
 „facias, aut parem: sed si major, ip-  
 „sa est summum bonum, non Deus: si  
 „par, duo sunt summa bona non un-  
 „um, quod utrumque Catholicus refugit  
 „sensus. „

*Quarta* hæc adjungitur. Si esset distin-  
 ctio realis in Deo inter essentiam divinam  
 & personas, & inter attributa ad invicem,  
 hæc omnia facerent numerum, &  
 Deus haberet aliquid sibi unitum, sed non  
 est numerus inter naturam divinam & at-  
 tributa; alias essent plures entitates, ne-  
 que unitum quid, quia quod est unitum  
 essentia illi advenit, & sic essentia divina  
 esset in potentia ad aliquid quod non ha-  
 beret; unde perfectibilis esset, quod im-  
 plicat. Hanc rationem asserti Bernardus l.  
 5. de consideratione, c. 7. ubi sic loquitur  
 de Deo. „Est qui est, purus, simplex,  
 „integer, perfectus, constans sibi . . . non  
 „habens quod ad numerum dividat, non  
 „quæ colligat ad unum; unum quippe  
 „est, non unitum. „

*Quinta*. Deus est ens a se; est suum esse,  
 & omnia; sed si esset distinctio realis  
 inter essentiam & personas & attributa,  
 non esset omnia, sed solum diceretur ha-  
 bens omnia, quod certe implicat enti su-  
 premo; sibi enim identificat omnia, & est  
 summum bonum. Ita Anselmus in Mono-  
 logio c. 13. „Quoniam, inquit, homo non  
 „potest esse justitia, justitiam autem ha-  
 „bere potest, non enim intelligitur justus  
 „homo existens justitia, sed habens justiti-  
 „am, ac summa natura non proprie di-  
 „citur justa, quia habet justitiam, sed  
 „existit justitia. „

*Sexta*. Nequidem potest esse distinctio  
 formalis ex natura rei inter essentiam divi-  
 nam & attributa; vel enim illa distin-  
 ctio est eadem cum distinctione virtuali &  
 rationis, vel diversa & aliquid plus: si  
 eadem, nihil est distinctum in Deo ante  
 operationem mentis: si plus, igitur at-  
 tributa sunt diversæ res ab essentia: igitur  
 Divinitas non est sapientia, non est  
 Pater, & est error Gilberti Porretani pro-  
 criptus in Concilio Rhemeni.

*Septima* sic proponitur. Distinctio realis, quæcumque inter essentiam divinam & attributa sit, variorum est causa errorum. 1. quidem erroris Gilberti, qui occasione huius distinctionis distinguebat Divinitatem a Deo & attributis. 2. Palamitarum, qui in hac suam fundabant de distinctione reali inter attributa & operationes Dei, & lumen creatum ab essentia promanans, opinionem, ut refert Nicephorus Gregoras apud Petavium, l. 1. de Deo uno, c. 12. 3. Socinianorum, qui ut offendant Spiritum Sanctum, qui virtus Dei nominatur in Scripturis, non esse Deum, dicunt Dei tantum virtutem, operationes enim & attributa ab ipso Deo realiter distingui propugnat: ergo, &c.

*Eadem* est ratio de attributis ad invicem, & comparative ad Personas, ac de iis omnibus ad essentiam: Etvero hæc omnia sunt una & eadem entitas divina, immo sunt ipse Deus; unde Divus Bernardus in Concilio Rhemensis, dicit scribi debere stylo ferreo, & ungue adamantino, Patrem & Filium & Spiritum Sanctum, & sapientiam, & bonitatem, Deum esse: Nulla igitur potest esse inter allata distinctio realis; nam si attributa distinguerentur realiter ab invicem & a Personis, Deus utique distingueretur realiter a seipso; quod nedum absurdum, sed & prorsus hæreticum est.

## CONCLUSIO SECUNDA.

*Attributa distinguuntur ab invicem ab essentia & a Personis virtualiter tantum, actu vero solum per mentis operationem.*

*Probatum variis rationibus.*

*Attributa* non distinguuntur realiter, ut probatum est, sed neque etiam solum penes nomina, ut docet Basilii l. 2. contra Eunomium, qui omnia confundeat in Deo; nam sicut dicit August. l. 8. de Trin. c. 4. "Aliud est Deum esse, aliud Patrem esse. Immo & ipsa Scriptura multa, eaque diversa Deo tribuit, nempe esse misericordem, sapientem, vindicem, &c. Quæ quidem perfectiones vere sunt in Deo & formaliter, & de illo prædicantur. Non utique attributa a se invicem differunt penes tantum connotata ad creaturas, ut docet Divus Thomas in prima distinct. 2. q. 1. a. 2. his verbis: "Quidam dicunt, quod divina attributa non differunt, nisi penes connotata in creaturis, quod

"non potest esse. "Rursus ibidem ait: Sapientia & bonitas, & omnia huiusmodi sunt omnino unum in re in Deo, & differunt ratione. "Ergo ex his omnibus superest distinctio tantum virtualem existere inter essentiam & attributa ante mentis operationem, actualem vero per solam ejusdem mentis rationem & operationem.

*Confirmatur.* Distinctio virtualis est ipsa rei entitas eminens & æquivalens multis, a parte rei in creatura distinctis; v. g. eff. simul bonitas & sapientia quæ realiter in nobis distinguuntur; quæ quidem entitatis eminentia fundamentum est nobis sufficiens, ut in uno Deo distinguamus sapientiam divinam a bonitate, quamvis in re sint unum & idem, & hoc quia divina concipimus sicut res creatas: ergo ante operationem mentis non est inter attributa a Personas, & ipsam Dei essentiam, nisi distinctio virtualis seu fundamentalis; quod quidem isto potest illustrari exemplo animæ rationalis, quæ eadem in se manens, est simul vegetativa, sensitiva & rationalis; & sic æquivaleret anima vegetativa quæ est in arboribus, sensitiva quæ est in animalibus, & ideo intellectus fundamentum habet diversos illos vitæ gradus distinguendi in anima, quamvis hi omnes sint unum & idem a parte rei: ergo a simili, &c.

*Confirmatur.* 2. Distinctio actualis quæ habetur solum per mentem, ea censetur quæ fit per intellectum limitatum; cum enim intellectus creatus unico conceptu non possit capere & adæquare essentiam divinam, ejusque infinitas perfectiones, eam ipsam dividit in multos conceptus, idest, illam concipit modo ut sapientiam, modo ut iustitiam, &c. Igitur distinctio actualis inter essentiam & attributa & Personas, fit solum per mentem.

## SOLVUNTUR OBJECTIONES.

*Obijciunt.* Attributa dicuntur numero multa in Scripturis sacris, juxta illud Roman. 1. v. 2. *Invisibilia ipsius, a creatura mundi per ea quæ facta sunt intellecta, conspiciuntur.* Ergo distinguuntur realiter.

*Respondetur* distinguendo antecedens. Attributa dicuntur numero multa virtualiter, concedo; formaliter tanquam diversa a se invicem entitates distinctæ, nego. Scriptura loquitur ad caput nostrum; enimvero quia unico conceptu nec ea capere, nec adæquare possumus; ideo numero

nominat, ut diversis mentis operationibus cuiuslibet singulare habeamus notitiam.

*Instabis.* Personæ Sanctissimæ Trinitatis, licet idem re cum essentia, attamen numerum faciunt & formalem: ergo a pari, & attributa cum essentia; & de facto in Scriptura sacra essentia Dei explicatur ut ens a se & per se subsistens, iuxta illud Exod. 3. v. 14. *Ego sum qui sum.* Attributa vero importantur, ut perfectiones essentiae advenientes & adjacentes.

*Respondeo* distinguendo. Personæ numerum formalem relativum constituunt, concedo; entitativum, nego. Sunt enim eadem essentia quæ tres habet reales respectus a se invicem distinctos; at vero ubi non obviat relationis oppositio, omnia ex Concilio Lateranensi sunt unum in Deo realiter. Quod autem alio modo exprimitur natura, alio vero perfectio seu attributum, arguit solum distinctionem virtutalem inter essentiam & attributa, quandoquidem perfectiones concipiuntur advenire & adiacere essentiae solummodo propter nostrum imperfectum concipiendi modum: intellectus quippe divinus ea non distinguit.

*Dices.* Ergo respectu Dei non sunt attributa; sed solum est essentia, siquidem Deus nihil distinguit.

*Respondeo* negando sequelam, quia, nemine cogitante, essentia Dei æquivaleret omnibus perfectionibus, & nedum habet sapientiam, bonitatem, &c. sed est ipsa sapientia, bonitas, & omnia: igitur non requiritur distinctio etiam intellectus, ut attributa de Deo dicantur & prædicentur: Nos vero ea veluti distincta, solum propter intellectus limitationem concipimus.

*Obijcies* 2. Dionysius l. de divinis nominibus, caput secundum inscribit, de unita & distincta Theologia: Quænam est unio divina & distinctio; sed nomine unitæ Theologiæ, intelligit unam Dei essentiam; nomine vero distinctæ Theologiæ, attributa distincta ab essentia: ergo ab ea ex Dionysio distinguuntur realiter. Confirmatur. Ibidem duo distinguit, Divinitatem scilicet, quæ non est a creaturis participabilis, & quasdam virtutes a Deo procedentes & participabiles; sed quod est participabile realiter distinguitur ab eo quod non est participabile: igitur attributa in Deo distinguuntur realiter a divinitate quæ non est participabilis.

*Respondeo* 1. ut prius dist. Attributa distinguuntur virtualiter ab essentia, concedo; realiter, nego. Et est genuinus Dionysii sensus.

*Respondeo* 2. distinguendo. Utique Divinitas non est participabilis adæquate a creatura, concedo; inadæquate, nego. Nam de facto participatur secundum ideas in Deo ab æterno præexistentes, quas ibidem vocat Dionysius rationes transsubstantificas. Porro ideas non subsistunt ab æterno extra Deum, ut putavit Plato; sed sunt ipsa essentia divina diversimode a creaturis participabilis, & participata.

*Respondeo* 3. Athenagoras Philosophus Christianus in oratione pro Christianis ad Marcum Aurelium & Lucium Commodum Imperatores directæ, credit bonitatem in Deo esse accidens; namque ibi affirmat esse in Deo virtutem quandam, quæ quidem non est Deo contraria; sed tamen secundum accidens inest ipsi; immo sicut color inest corpori. " Sic, inquit, & alias quasdam virtutes cognoscimus, quæ circa materiam & per eam versantur, ut, nam quidem Deo contrariam; non quod ulla vis repugnare Deo possit. . . . sed quoniam Dei bonitati quæ secundum accidens inest ipsi tanquam color in corpore. " Atqui accidens realiter distinguitur a subiecto: ergo & attributum ab essentia divina.

*Respondeo* 1. Patres quandoque habuisse in doctrina naves ante Ecclesiæ definitionem circa dogmata, multos etiam ex primis sæculis Millenariorum fabulis adhæsisse constat: dato igitur & non concessio, Athenagoram admisisse aliquam Deo adhaerentem per modum accidentis virtutem, in hoc non est sequendus. Cæterum in hoc excusatus haberi debet, quia talem virtutem accidentalem in essentia divina de facto non admittit. Ibidem enim sic effatur: " Non quod ulla vis repugnare Deo possit, ut amicitia lis secundum Empedoclem; & nox diei, ut sensibus nostris apparet; si enim Deo aliquid obsteret, mox esse defineret. " Quid magis orthodoxum? unde non solum excusandus est Athenagoras, sed & explicandus: igitur, &c.

*Respondeo* 2. distinguendo. Est vis contraria in bonitate quæ est accidens secundum modum concipiendi, concedo; secundum rem, nego. Loquitur ille Philosophus de iustitia vindicativa quæ pugnat secundum apparentiam cum bonitate; illa quippe propter hominum scelera Deo tribuitur, quæ de causa etiam ab Augustino Deus dicitur bonus ex se, iustus vero ex nobis; iustitia igitur vindicativa concipitur

ut accidens, non quidem in se, sed secundum connotatum scilicet peccatum, quatenus advenit Deo, eo quod reprobet in vindictam impios; id quippe non faceret de se, & nisi essent peccata; unde sic solvitur argumentum. Parum autem refert Athenagorum dicere istam qualitatem unitivam & bonitatem contrariam esse in illa, ut color in corpore; hoc enim intelligitur secundum quid, & mere extrinsece, eo quod perfectiones divinas concipimus ad modum perfectionum creaturarum quæ sunt accidentia, & adveniunt subiecto: enimvero fatetur Athenagoras virtutem illam contrariam non esse Deo intrinsecam, sed tantum extrinsecam.

*Obijcies 4.* Sanctus Hilarius l. 8. de Trin. sic loquitur: "Non efficit creaturam voluntas scilicet divina, sed potestas." Igitur voluntas realiter distinguitur a potestate; hinc S. Aug. l. 7. de Trin. c. 6. ait: "Alio Pater est Deus, alio est Pater; nam est Deus essentia divina, est autem Pater paternitate." Quæ verba certe innuunt distinctionem realem inter essentiam & paternitatem.

*Respondeo* distinguendo. Et hæc verba, similesque auctoritates denotant solum distinctionem virtualem & realem secundum apparentiam & modum explicandi, concedo; & denotant realem intrinsecam Deo, nego. Sic, licet anima rationalis sit eadem entitative cum vegetativa & sensitiva, alio tamen modo dicitur principium vitæ, alio principium sensationis; primum enim operatur, ut æquivalet animæ vegetativæ arborum, quæ est realiter distincta in arbore ab anima sensitiva bruti; sic quia Deus operatur diversa quæ conveniunt formis creaturarum realiter distinctis, dicitur per analogiam ad creatura, quod voluntas non sit potestas, quod alio sit Deus, & alio Pater; sed re omnia sunt in ipso idem, atque distinguuntur penes solum concipiendi modum; ita D. Thomas qu. 8. de potentia ad secundum, ubi explicans verba Augustini, dicit Patrem alio esse Deum, & alio Patrem, quod modum significandi. "Relatio, inquit, significatur, ut ad alterum, non ut id quo aliquid est in se, sicut est ipsa divinitas, sed non ex parte rei significatæ; nam eadem divinitas est eminenter absoluta, & relativa."

*Obijcies 5.* Dogma Palamitarum admittere distinctionem realem in Deo inter essentiam & attributa, in quatuor Syno-

dis confirmatum fuit, quarum Græci tamen, nonum Concilium generale nominant: ergo admitenda est distinctio realis, &c. Quod autem in quatuor Synodis approbatum sit illud dogma, referunt Cantacuzeni historia l. 2. Nicephorus Gregoras l. 5. & 7. & alii apud Petavium l. 2. de Deo uno, c. 32.

*Respondeo* distinguendo. Et istæ Synodi sunt Conciliabula, eaque schismatica, ac nusquam approbata, concedo: unde ausu temerario unam Synodum nonam œcumenicam inscribere: & non sunt schismatica, nego; immo absurdas supra modum opiniones habebant Palamitæ; illusionibus quippe phantasticis seducti, credebant se lumine quodam a Deo proinante circumdari usque ad medium corpus, ita ut in illo splendore mira se videre arbitrentur; quasdam etiam virtutes & operationes ab æterno a Deo productas, increatas quidem, sed ipso minores, & ab ipso realiter distinctas admittebant; immo has omnes & facultates & virtutes posse dici totidem divinitates, asserere non erubescabant.

*Oppones 6.* Ante operationem mentis essentia divina communicatur Filio, minime vero Paternitas: ergo essentia divina distinguitur realiter a Paternitate, nam independentem ab operatione mentis relativum & absolutum distinguuntur. Confirmatur. Relativa magis distinguuntur ab absolutis, quam absoluta ab invicem; sed absoluta, ut essentia, sapientia, bonitas, distinguuntur virtualiter: ergo essentia distinguitur realiter ab attributo relative, v. g. a Paternitate.

*Respondeo* distinguendo. Paternitas non communicatur Filio secundum esse ad; sic enim dicit respectum relativum, adeoque oppositionem, concedo; secundum esse in, id est, secundum quod est entitas, nego. Est sub isto respectu non distinguuntur relativum & absolutum in divinis; sunt enim unica & eadem res, quæ est eminenter formaliter absoluta & relativa.

*Ad confirmationem.* Potest absolute negari major, quia secundum multos, relatio etiam in creatis non distinguitur realiter a fundamento: attamen distinguo: magis distinguuntur relativa ab absolutis, quam absoluta ab invicem in creatis, concedo; in divinis, subdividuo: secundum humanum concipiendi modum, quia concipimus divina per analogiam ad creatura, concedo, secundum rem, nego.

*Instabis.* Si persona est eadem cum essentia.

sentia entitas, non potest non communicari alteri personæ, & sic secunda persona erit Pater sicut prima; sed absurdum consequens, ergo & antecedens. Probatur major. Implicat Beatos videre essentiam divinam sine personis, cum sint unice entitas: ergo implicabit personam non communicari personæ propter eandem rationem.

*Respondeo* distinguendo. Persona non potest alteri personæ non communicari, ut entitas est, concedo, unde Christus Joann. 10. dicit: *Ego & Pater unum sumus*. Ut persona, & ut est quid formaliter relativum, nego; hoc enim implicat, quia sub ista ratione dicit respectum. Igitur eadem entitas communicatur, sed non secundum eandem rationem; fufficit autem distinctio virtualis ut eadem entitas communicetur ut absoluta, & non ut relativa, & sic una persona non est altera; nam persona, ut sic, dicit relativum. Ergone aliqua perfectio est in Patre & non in Filio? minime: licet enim paternitas, ut est respectus, non sit in Filio, est tamen ut entitas. Illud ipse Christus explicat dicendo ibidem v. 38. *Pater in me est, & ego in Patre*.

*Ad exemplum* allatum de visione Beatorum, nego paritatem: cum enim visio attingat res, ut subsunt existentia, & una sit existentia pro essentia pro personis & attributis; ideo Beati non possunt videre essentiam, quin videant & personas, sed communicari & non communicari non arguit distinctionem in esse, sed solum in respectu; unde cum persona reduplicative ut Persona sit relativa, ideo sub isto respectu non communicatur, bene tamen ut est eadem res cum essentia. Hoc igitur semper præ oculis est habendum distinctionem virtutalem in divinis idem facere, quod facit realis in creatis, idest fundare diversas operationes & diversa munia.

*Insuper*. Nemine cogitante, secunda Persona est Filius, quia procedit per intellectum; secus vero Spiritus Sanctus, quia procedit per voluntatem: ergo intellectus & voluntas distinguuntur plusquam virtualiter in Deo. Confirmatur. Alia est idea intellectus, alia idea voluntatis, immo etiam utriusque potentia objecta sunt formaliter diversa: objectum enim intellectus est ens divinum ut primi veritatis; voluntatis vero est ens divinum ut summa bonitas; sed ubi sunt objecta formaliter diversa, ibi sunt potentia realiter diversa: igitur intellectus & voluntas in Deo distinguuntur realiter.

*Respondeo* distinguendo antecedens. Nemine cogitante, secunda Persona est Filius, eo quod procedat ab eadem entitate, ut est intelligens, concedo; ut est entitas re distincta, nego. Est igitur Filius secunda Persona, non quia procedat a diversa entitate; alias essent in Deo quatuor Dii, sicque quaternitas, sed quia procedit ab eadem, ut est intelligens; Spiritus vero sanctus, ab eadem ut est volens. Eadem distinctio virtualis fundat diversas virtualiter ideas, & diversa virtualiter objecta; immo in creatis intellectus & voluntas quæ habent diversa realiter objecta, non distinguuntur tamen realiter ab anima secundum multos: sed hoc dato pro creaturis, negatur pro divinis.

*Insuper*. Ideo secunda Persona est Filius, quia, nemine cogitante, procedit ab eadem entitate, ut est intelligens, Spiritus vero Sanctus ab eadem ut est volens: ergo inquirunt Scotistæ ante operationem mentis sunt formalitates ex natura rei distinctæ. Confirmatur. Filio & spiratio passiva sicut & alia attributa habent definitiones diversas: ergo, &c. Item prædicantur de eis contradictoria, v. g. quod Pater generat & non Filius. Ergo, &c.

*Respondeo* distinguendo consequens. Sunt formalitates diversæ virtualiter, concedo; diversæ realiter, nego. Unde sunt solum fundamentaliter distinctæ ante operationem intellectus, minime vero actu & realiter.

*Respondeo* ad confirmationem distinguendo. Habent diversas definitiones inadæquatas, concedo; adæquatas, nego. Entitas divina non potest a creatura quantumvis intelligente unica definitione perfecte & adæquate definiri propter duo. Primo quidem quia est infinita, unde in immensum superat captum nostrum. Secundo, eadem in se manens facit, quidquid facit causa & perfectio creata, quidquid operatur & bonitas & sapientia hominum; jam quid mirum, si illam definimus modo per actum bonitatis, scientiæ, prudentiæ, fortitudinis, modo etiam per actum iustitiæ, & hoc semper inadæquate? nam dum dicimus Deum esse summum bonum, est præterea & summum verum, & aliaque permulta.

*Ad aliam instantiam* distinguo. Prædicantur de Deo contradictoria secundum diversos respectus, concedo; secundum eundem respectum, nego. Sic, inquit Augustinus, Deus bonus ex se dicitur, & ju-



& iustus ex nobis propter peccata quæ ejus acunt zelum, & stimulant vindictam; unde non est contradictio; ad hoc enim ut sint contradictoria, debent prædicari de eodem secundum idem.

*Rursus instabis.* De Deo cognoscimus quod est, & demonstramus, sed non cognoscimus quid est; igitur quidditas Dei distinguitur realiter ab ejus existentia; nam si essent unum, cognoscendo existentiam, cognosceremus & essentiam.

*Respondeo* distinguendo. Cognoscimus a posteriori Deum esse, concedo; a priori, nego; unde nego consequentiam. Ad probationem distinguo similiter. Si cognosceremus a priori unum, cognosceremus & aliud, concedo; si tantum a posteriori nego. Demonstratio a posteriori est per effectus creatos qui sunt extra Deum, quia tamen habent necessariam connexionem cum causa, ipsius demonstrant existentiam sed non essentiam, siquidem hæc cognitio a posteriori est imperfecta: sed qui cognoscit existentiam a priori, scilicet per visionem essentiae divinæ, cognoscit omnia; tunc enim medium cognitionis est eadem res cum existentia: quanto autem major unio medii cum re demonstrata, tanto excellentior cognitio evadit; unde Beati videndo existentiam, vident & essentiam & attributa.

*Instas.* Beati vident in Deo attributa distincta realiter, & probatur multipliciter. 1. ex Divo Thoma, qui in primum dist. 1. q. 1. a. 3. sic loquitur: "Si intellectus videns Deum per essentiam, im-  
" poneret nomen rei quam videret, media  
" sua conceptione, quum de ea haberet,  
" oporteret adhuc quod imposeret plura  
" nomina, quia impossibile est quod con-  
" ceptio intellectus creati repræsentet to-  
" tam divinæ essentiae perfectionem." Cum autem attributorum nomina non sint Synonyma, attributa debent esse realiter distincta; si enim sint unum, jam nomina sunt synonyma, cum idem significant. 2. Beati vident duas in Deo processiones; sed si generatio non distinguitur realiter a spiratione, erit unica processio, quod est contra fidem. 3. Beati non vident totam omnipotentiam, tamen totam vident essentiam: igitur omnipotentia realiter distinguitur ab essentia; alias videndo totam essentiam, utique totam viderent omnipotentiam.

*Respondeo* 1. ista omnia argumenta nimis probare, ex his enim sequeretur tot  
*Boncat Theol. Tom. I.*

esse in Deo entitates, quot attributa, & consequenter tot Deos.

*Respondeo* 2. Beatos per scientiam visionis qua cognoscunt Deum, sicuti est, nihil distinguere; omnia enim unum sunt in Deo & indistincta, exceptis tribus Personis, quæ realiter distinguuntur secundum respectus relativos; quia tamen Beati vident essentiam divinam æquivalente multis entibus realiter in creatis distinctis, ideo si imposerent Deo nomen, multiplex imposerent; videlicet unum pro qualibet perfectione, scilicet primo nomen Dei & entis a se tribuerent essentiae divinæ, quatenus æquivalent omni naturæ creatæ; nomen sapientis, ut eundem actum habet ac sapientia creata; nomen iusti Judicis, ut facit quod iustitia vindex scelerum in magnatibus terræ operatur, & sic nomina non sunt Synonyma, quandoquidem explicant diversas divinæ essentiae functiones.

*Ad secundum* respondeo, Beatos videre etiam in Deo unicam entitative processionem, & solum virtualiter duplicem in se, duplicem vero actualem per operationem intellectus creati qui concipit divina ad modum rerum hujus mundi. Jam vero intellectus humanus videt & scit intellectionem realiter distingui a voluntate in creatis, unde & distinguit in Deo; sed Beati non distinguunt per scientiam visionis, visio enim attingit essentiam in se; distinctio igitur illa habetur tantum per scientiam insulam qua concipiunt divina per analogiam ad creata, hoc est, per species insulas.

*Ad ultimum* distinguo. Beati non vident totam omnipotentiam extensive; Deum quippe nullatenus comprehendunt, concedo; non vident totam quidditative seu entitative, nego. Vident Deum sicuti est: igitur nulla est distinctio nisi virtualis inter essentiam & attributa, inter personas & essentiam, sicuti & inter attributa ad invicem.

*Dices* contra secundam conclusionem. Concilium Rhemensis aserit in Theologia rationem non distinguere inter essentiam divinam & attributa: ergo nequidem est distinctio virtualis inter ista. Confirmatur ex Patribus. Cum varia de Deo dicuntur, nomina quidem sunt, sed res eadem. Ita Anselmus in Monologio, capite septimo: "Idem est, inquit, quodlibet unum  
" illorum quod omnia simul, sive singula, ut cum dicitur iustitia, vel essen-  
" tia,

„tia, unum significat, quod alia vel omnia simul, vel singula. „ Ergo distinguuntur attributa, solum quoad nomen.

*Respondeo* distinguendo. Ratio in Theologia non distinguit physice; non enim concipit res in se distinguendas, contra quam loquuntur Patres Rhemenſes, concedo; non distinguit metaphysice, dividendo eandem rem in varios conceptus, propter varias ipsius virtualitates, nego.

*Ad confirmationem* etiam distinguo. Attributa sunt solum varia nomina ad exclusionem diversarum entitatum, concedo; diversarum virtualitatum, nego.

### SYNOPSIS PROBATIONUM.

*Deus nullam inter essentiam suam, personas & attributa, patitur distinctionem realem, nequidem formalem ex natura rei.*

*Primo.* Quia Joan. 10. Christus ait: *Ego & Pater unum sumus.*

*Secundo.* Concilium Rhemenſe dicit bonitatem esse Deum: Lateranenſe Sanctissimam Trinitatem esse unam rem.

*Tertio.* Si foret aliqua distinctio realis inter divina, plures utique essent entitates, adeoque & plures Dii; cæterum ante omnem intellectus humani operationem omnia sunt unum in Deo, nec ulla reperitur distinctio realis, nisi ubi obviat relationum oppositio, inquit Lateranenſe.

### SYNOPSIS SOLUTIONUM

#### AD OPPOSITA.

*Primo.* Attributa multa dicuntur in Scripturis, quinimmo diversas habent definitiones, sed ad hoc sufficit distinctio virtualis. Etvero ea concipimus quidem ut multa, sed re sunt unum: variis etiam ea definimus propositionibus, sed inadæquatius; cum enim unico non possimus Deum explicare conceptu, eum multiplici conamur exprimere.

*Secundo.* Nemo Catholicus utique negabit Patrem ante omnem mentis operationem non esse Filium; sed intelligas velim relative & non absolute, namque Pater & Filius, ipso Christo prædicante, unum sunt.

*Tertio.* Palamitz plures Conciliorum definitiones adducunt in fuz hæreses confirmationem, sed pseudo-Concilia & nullius ponderis esse totis viribus asserimus.

### ARTICULUS SEXTUS.

*An Deus sit ens ita simplex, ut nullam in se admittat compositionem etiam metaphysicam, etiam logicalem.*

### CONCLUSIO.

*Nulla est in Deo compositio nequidem metaphysica, aut logicalis.*

Probatur auctoritate & ratione.

*Primo, ex Scriptura sacra.*

**D**EUS suam ipse delineans naturam, Exod. 3. ait: *Ego sum qui sum.* Item Joan. 4. *Spiritus est Deus.* Ibidem 14. *Ego sum vita, veritas & vita.* Sed qui est, suum esse & vita non componitur ex esse & vita, nam partes adveniunt composito, & illud faciunt; nihil autem Deo advenit; non quidem esse, quia est ipsum esse; non vita, non veritas, quia est ipsa vita, ipsa veritas, & omnia: igitur nullo modo est compositus.

*Secundo, ex Conciliis.*

*Lateranenſe* sub Innocentio III. capite *Firmiter*, & capite *Dammamus*, definit Deum esse omnino simplicem & indivisibilem. Rhemenſe sub Eugenio III. dicit Deum esse omnia, esse Divinitatem, sapientiam, iustitiam, &c.... Igitur non est ulla in ipso compositio.

*Tertio, Ex sententiis Patrum.*

*Primus* est Dionysius qui cap. 4. & 5. Theologiæ mysticæ, docet Deum non esse aut ens aut substantiam, aut quid a nobis conceptibile, sed super ens, sed super substantiam: igitur Deus est omnimode simplicissimus.

*Irenæus* l. 2. adversus hæreses, cap. 16. revincit Gnoslicos qui multa in Deo distinguebant, ab eo emissa, & illi inæherentia.

Multum, inquit, distat omnium Pater „ ab iis quæ proveniunt hominibus, affectionibus & passionibus; & simplex, & „ non compositus... cum sit totus spiritus & tota ratio.

*Clemens Alexandrinus* lib. 1. *Pædagog.*, c. 8. de Deo loquens, ait: „ Non dicatur bonus, eo quod virtutem habeat, „ quæ-

„quemadmodum iustitia bonum esse dicitur, non eo quod virtutem habet; est enim virtus ipsamet; sed quod ipsa secundum se, & propter se est bona.”

*Abanastius* oratione 5. de verbo & sapientia Dei agens. „Non ista est, inquit, ut qualitas aliqua in Deo; apage, indecorum enim istud est, sic enim reperiretur Deus ex substantia & qualitate compositus, siquidem omnis qualitas est; ac proinde isto modo divina unitas cum sit indivisibilis, composita videbitur, eo quod scilicet sit in substantiam & accedens.”

*Hilarius* huic suffragatur veritati lib. 8. de Trin. c. 5. „Non humano modo, inquit, ex compositis Deus est, ut in eo aliud sit, quod ab eo habetur, & aliud sit ipse qui habeat.”

*Cyrellus Alexandrinus* dialog. 2. de Trin. similia proferat. „Alienum est, ait, a ratione genus in Deo ullum nominare, quandoquidem nulla res omnino cum ipso est, aut ante ipsum.” Idem docet *Basilius* l. de Trin. S. Leo epist. 93. fusiori calamo eandem probat veritatem. „Nemo, inquit, hominum veritas, nemo sapientia, nemo iustitia est, sed multi participes sunt veritatis & sapientiae atque iustitiae; solus autem Deus nullius participationis indigus est, de quo quidquid digne, ut quocunque sentitur, non qualitas est, sed essentia; incommutabili enim nihil accedit, nihil deperit, quia esse illi quod est sempiternum, semper est proprium.”

*Rufinus Diaconus* in dialog. contra Acephalos, duplicem esse in Christo naturam probat, sed in Deo omnia esse unum asserit. „Si Deitas, ait, nec genus habet, nec eam speciem quae supponitur generi, habere vero haec invenitur humanitas, multo magis in una natura coadunari non posse demonstrantur.”

Quarto. Ex ratione, & quidem multiplici.

*Prima* sic proponitur: triplex est compositio, Physica scilicet, quae est vel ex materia & forma, vel ex composito, & partibus integrantibus, vel ex subiecto & variis accidentibus, puta quantitate, colore: alia metaphysica, quae est ex essentia & subsistentia, ex essentia & existentia, quae etiam dicitur ex actu, & potentia; subsistentia enim, & existentia sunt actus qui essentiae ad illam perficien-

dam adveniunt: alia logicalis ex genere & differentia, quatenus unum se habet ad aliud, ut perfectibile ad suum perfectivum, uti animal ad rationale; sed nulla ex his compositionibus in Deo reperitur; etenim est primum ens, primum movens, actus purus infinite perfectus & necessarius. Non quidem prima in illo reperitur; evero si est primum ens, & primum movens, non est corpus, nullum enim corporale non motum movet: item corpus non est primum ens, siquidem sunt alia corpore nobiliora, nempe formae intellectuales; sed nec secunda compositio Deo tribuitur: si enim est actus purus & infinite perfectus, omnem excludit potentialitatem, omnem imperfectionem & contingentiam, quam tamen importat essentia perfectibilis per subsistentiam & existentiam; neque consequenter compositio tertia & logicalis in Deo potest admitti, cum non concipiatur ut perfectibilis ab aliquo; nam conceptus Dei implicite dicit & omnes perfectiones & attributa naturae suae convenientia: ergo nulla est in Deo compositio.

*Secunda.* Deus non potest venire in compositionem cum aliis: ergo ex omni parte non est aliqua in Deo compositio. Divus Thomas probat antecedens triplici ratione; prima est, Deus est prima causa efficiens; ad primam autem causam efficientem non pertinet intrinsece componere, sed extrinsece efficere: Secunda, Deus est ens plenum & perfectum; componentia vero sunt entia incompleta & perfectibilia: Tertia, Deus est primum agens; quod autem venit in compositionem, non est per se primo agens, sed potius factum: igitur Deus nullo modo potest venire in compositionem aliorum; hinc merito exclamat Div. Dionysius: „O ineffabilem simpliciter! quia Deus tam parvus sit, ut nihil sit; tam magnus, ut omnia sit; tam simplex, ut nihil possit illi adiri; ita plenus & abundans, ut nihil possit illi adici.”

*Tertia* ex omnibus auctoritatibus mox allatis resultat; etenim compositio nulla est, nisi sit in re fundata, & adveniat aliquid essentiae: sic subsistentia advenit animae rationali in homine, propriis quippe in humanitate Christi impedita fuit; unde eam supplavit subsistentia Verbi; sed scelus est grande ex Conciliis & Patribus dicere aliquid advenire essentiae divinae, quippe quae sit omnia: igitur nequidem compositio logicalis est admittenda in Deo.

## SOLVUNTUR OBJECTIONES.

*Obijcies.* Sapientia 7. spiritus Dei dicitur multiplex, & mobilior omnibus mobilibus; sed ubi est multitudo, ibi est compositio, est enim multorum unio: igitur in Deo compositionem aliquam admittere conveniens est.

*Respondeo* distinguendo. Spiritus Dei est multiplex virtualiter, quia tanta est ejus virtus, ut faciat id omne quod creaturae operantur, concedo; est multiplex formaliter, ita ut sint in ipso diversae entitates, nego. Item non est mobilis formaliter, quandoquidem nihil potest recipere, sed solum casualiter, in quantum cuncta creata movet, & omnia ab ipso habent esse: *In ipso enim*, inquit Apost. Act. 1. *virivimus, movemur & sumus*. Hinc Bernardus serm. 3. Pentecost. sic loquitur: "Vere multiplex spiritus, qui tam multipliciter filijs hominum inspiratur, ut non sit qui abscondat a calore ejus, siquidem conceditur eis ad usum, ad miraculum, ad salutem, ad auxilium, ad solatium, ad fervorem."

*Insuper.* Deus habet animam juxta illud Hebraeorum 10. *Justus autem ex fide vivit, quod si subtraxeris se, non placebit anima mea*. Sed qui habet animam, componitur ex essentia & existentia: ergo, &c.

*Respondeo* distinguendo. Deus habet animam metaphorice & quoad virtutem, concedo; sicut enim anima rationalis est in homine principium & motus, & ejuslibet perfectionis; ita pariter, sed modo prorsus eminentiori, entitas divina & increata est fons a quo perenniter cetera promanant attributa: habet proprie & formaliter animam, quatenus anima pro forma finita, & intra corporis terminos conclusa sumitur, nego. Est enim ens a se & illimitatum, ens supremum, & omni referentum perfectione. Ceterum Deus nequidem componitur ex essentia & existentia, quippe qui suum sit esse, juxta illud Exodi oraculum: *Ego sum qui sum*.

*Repones.* Dionysius cap. 4. Coelest. Hierarch. dicit: "Quod esse Dei, sit esse omnium." Sed quod est esse omnium, facit cum illis compositionem: ergo, &c.

*Respondeo* distinguendo. Esse Dei est esse omnium casualiter & efficienter, concedo; est enim prima causa efficiens a qua omnia creata sunt; causa autem efficiens non venit in compositionem; est esse om-

nium formaliter, & ut forma quae est pars compositi, nego. Verbum tamen divinum aliquando a Patribus dicitur forma, non quidem formata & informans, ut notat Augustinus, sed forma exemplaris & extrinseca: & sic distincta minore, nego consequentiam.

*Urgebis.* Tertullianus l. adversus Hermodem cap. 3. dicit *Domini* titulum solummodo in tempore advenisse Deo, quando scilicet creavit mundum; sed qui recipit quod non habebat, facit cum eo quod recipit, compositionem: ergo est vera compositio in Deo.

*Respondeo* distinguendo. Recipit Deus in tempore titulum *Domini*, quoad denominationem extrinsecam, concedo, quoad realitatem & dominium, nego. Ab aeterno quippe est omnipotens, & ab aeterno potuit facere quidquid voluit, & suis dominari operibus; sed cum creaturas solum in tempore creaverit, & denominatio *Domini*, dicat terminum ad extra cui dominetur Deus; ideo dicitur in tempore Dominus; hancque esse Tertulliani mentem patet, ibidem enim sic se explicat: "Dei nomen dicimus semper fuisse apud semetipsum & in semetipso, Dominum vere non semper; diversa enim utriusque conditio, Deus substantiae ipsius nomen, id est, Divinitatis: Dominus vero non substantiae, sed potestatis. . . nam ex quo esse coeperunt, in quo potestas Domini ageret, ex illo & factus, & dictus est Dominus."

*Obijcies.* Qui habet figuram, componitur & quidem ex materia; sed Deus habet figuram, teste Lactantio, qui lib. de ira Dei, cap. 2. Stoicos arguit, eo quod negarent Deum figuram habere: & c. 18. "Ommito, inquit, de figura Dei dicere, quia Stoici negant habere ullam formam Deum, & ingens alia materia nascitur, si eos coarguere velimus." Ergo, &c.

*Respondeo* distinguendo majorem. Qui habet figuram veram & quantitativam seu molis, est compositus, concedo; metaphorice & improprie, quae sumitur pro ente fixo, solido & determinato, nego; & sic distincta minore, nego consequentiam. Lactantius intelligit per figuram ens fixum, ut refellit Stoicos qui propugnabant Deum esse ens universale, indeterminatum & vagum; hinc Cato dicebat: "Juppiter est quodcumque vides." Quod autem Lactantius non crediderit Deum esse corporeum & compositum; patet ex

1.6. Institutionum, c. 15. namque adversus cruenta sacrificia quæ a gentibus Deo offerbantur, quæque approbavit Plato, insurgit dicens: "Cur illud non vidit, non debere incorporali corpore manus offerri? Si enim Deus non videtur: ergo his rebus coli debent quæ non videntur." Quibus verbis declarat Deum esse & invisibilem & incorporealem, atque simplicem.

*Inhabis.* Lactantius agnoscit iram in Deo, ut claret ex suo libro, cui titulus est, *De ira Dei*; sed ira est affectio rerum corporalium, puta animalium, & hominum: igitur in Deo erit utique aliqua ex materiali affectione compositio.

*Respondeo* distinguendo. Habet Deus iram quoad effectum, concedo: quoad passionem, nego. Quia Deus punit malos, quod facit pater iratus, ideo Lactantius explicans divinam ad captum humanum, & per analogiam ad creata, dicit in Deo esse iram, sed tantum improprie. Hoc patet ex ipsius scopo, agit enim ibi contra hæreticos & Philosophos, inter quos quidam putabant Deum nunquam punire hominum scelera; sic enim ipse loquitur ex illorum sententia c. 1. "Quoniam vel benefica sit tantummodo natura divina, nec cuiquam nocere præstantissima atque optime congruit potestati, vel certe nihil curet omnino, ut neque ex ejus beneficentia quidquam boni perveniat ad nos, neque ex maleficientia quidquam mali. Ut autem illos coniundat, eatenus asserit Deum irasci contra peccatores, quatenus illos iuste punit.

*Inhabis.* Lactantius eo loci distinguit iram ab aliis motibus quos in Deo nequidem reperiri asserit; atqui ceteri motus possunt esse in Deo saltem quoad effectum: igitur cum ibi secernat ab illis iram, veliteque magis esse in Deo, quam aliarum passionum motus, dicendum est illum Patrem existimasse iram esse etiam quoad passionem, alias nihil discriminis foret, nec Lactantii cohereret sententia.

*Respondeo* distinguendo. Lactantius discernit iram a motibus vitiorum, concedo: a motibus passionum quæ manifestam & intrinsecam non involvunt imperfectionem, nego. Vitia, ut concupiscentia, pronitas ad malum, intrinsecam important imperfectionis labem; unde nequidem quoad effectum in Deo reperiuntur: non sic v. g. penitentia, non sic ira, quæ quidem terminative quandam explicant perfectionem, qualis est dolere de

malo, & illud iustis poenis propellere; unde non mirum si & penitentia & ira de Deo dicantur juxta illud Genesios 6.6. *Tactus dolore intrinsecus, deletus*, inquit, *hominem*. Rursus psal. 94. 9. *Quibus juravi in ira mea, si introibunt in requiem meam*. Dicitur quidem Deus tactus dolore intrinsecus, ad majorem Decreti de punitione peccatoris expressionem, ausquam vero ad passionis manifestationem.

*Hunc* esse genuinum germanumque Lactantii sensum, patet ex cap. 16. ubi sic loquitur: "Sunt aliqui effectus qui non cadunt in Deum, ut libido, avaritia... his enim vacat, quia vitiorum affectus sunt; eos autem qui sunt virtutis, idest, ira in malos, charitas in bonos, misericordia in affligtos, quoniam divina potentia sunt digna, proprios & iustos, & veros habet." Intellige Deum habere quoad effectum, sed non subjective.

*Perfistes.* Sanctus Augustinus l. 5. de Trin. c. 4. & 5. dicit non omnia quæ dicuntur de Deo, secundum substantiam dici. Ergo est aliquid accedens in Deo: ergo Deus componitur ex substantia & accidentibus.

*Respondeo* distinguendo. Omnia quæ dicuntur de Deo, non dicuntur secundum substantiam tantum, quæ est quid absolute, sed & secundum relationes; sunt enim respectus divinas constituentes personas, concedo; non omnia quæ dicuntur de Deo, secundum substantiam prædicantur: hoc est, sunt quædam in eo accidentia, nego.

## SOLVUNTUR OBJECTIONES Ex ratione prodeuntes.

*Obijcies* 1. Deus est ens determinatum<sup>3</sup>, fixum & individuum; sed individuum est aut a quantitate, aut saltem a subsistentia & existentia quæ limitant & contrahunt formam, quæ quidem omnia consequenter faciunt cum ipso compositionem: ergo Deus saltem componitur ex esse, existere, & subsistere.

*Confirmatur* Deus non est sua essentia, quinque qui dicitur habens esse: ergo &c.

*Respondeo* distinguendo. Deus est individuum per plenitudinem & irreceptibilitatem, concedo; recipiendo aliquid & per limitationem, nego. Deus ex Patribus non est genus, non species, non individuum salutem categoricum & limitatum sed est super hæc omnia. Potest tamen dici individuum per irreceptibilitatem & plenitudinem;

nem; cum enim nihil habeat, sed si omnia, utpote ens a se, est incommunicabilis; cum sit simplex & perfectissimus, non differt ab aliis per aliquid a se distinctum, sed per se ipsum; unde ad confirmationem, dico Deum esse ens a se: igitur habet esse; sed est ipsum esse & exsistere, ipsum vivere, ipsum subsistere: ratio quam D. Thomas assert hic q. 3. ea est, quia quod dicitur habens, recipit & habet formam adjacensem; unde Deus non dicitur habens, nisi secundum nostrum concipiendi modum, eo quod divina propter imbecillitatem intellectus concipiamus ut creata.

*Obijcies 2.* Tres sunt in Deo Personæ in essentia unitæ; sed compositio est multorum unio in Deo: igitur est compositio. Confirmatur. Verbum facit compositionem cum humanitate, ut colligitur ex Concilio Ephesino: ergo non implicat Deum inire cum aliis compositionem.

*Respondeo* distinguendo. Personæ sunt essentia Dei unitæ, ut termini, concedo; ut partes, nego. Terminant quidem essentiam, sed non sunt partes, quandoquidem sunt una & eadem cum natura entitas: Quid plura? personæ non uniuntur secundum esse in & entitativum; sub isto quippe respectu sunt una & eadem res: porro ens seu natura aliqua non dicitur sibi ipsi uniri, cum unio inter multa distincta reperitur; sed neque conjunguntur secundum esse ad, & reduplicative ut personæ; enimvero sub ista consideratione sunt solummodo respectus relativi.

*Ad confirmationem* distinguo. Verbum Incarnatum facit compositionem cum his, concedo; compositionem ex his, nego. Prima compositio sita est in terminatione alicujus naturæ: sic subsistentia terminando naturam, facit cum illa compositionem; unde si sit infinite perfecta, manet in se quod est, & quidem, omni seclusa imperfectione, ut subsistentia Verbi, quæ dat subsistere sanctæ humanitati, nihil quippe ab ea recipit; si vero sit subsistentia creata, recipitur in essentia, & ab ea limitatur, ita ut non possit communicari naturæ. Compositio ex his est partium unio quibus constat compositum, verbum autem non est pars humanitatis.

*Obijcies 3.* Deus constat genere & differentia: igitur est compositio saltem logicalis in eo. Probatur antecedens. Deus convenit in aliquo cum creaturis, puta in ratione entis: differt vero ab illis, quia

est ens a se; a seitas enim est ejus differentia. Ergo, &c.

*Respondeo* 1. negando antecedens. Deus enim est supra genus & differentiam. *Resp. 2.* distinguendo. Constat genere & differentia secundum nostrum concipiendi modum, quatenus divina ut creata apprehendimus, concedo; cum fundamento in re, nego; ad probationem distinguo: Similiter Deus convenit & differt a creaturis secundum mentem nostram, concedo; proprie, ita ut differentia sit in ipso aliud a genere, nego. Immo rigore loquendo non convenit, sed omnimode differt a nobis; etenim Deus est formaliter ens a se: unde non potest abstrahi a seitas a Deo; alias non conciperetur ut Deus.

*Instabis.* Essentia divina concipitur ut perfectibilis a sapientia & aliis attributis: namque concipitur aliquid majus, quando concipitur cum bonitate, clementia, quam cum concipitur sola: igitur in Deo est compositio ex genere & differentia.

*Respondeo* distinguendo. Concipitur perfectibilis quoad nos, concedo; quoad se, nego. Quando igitur Deus concipitur cum attributis, profecto non concipitur ut quid magis perfectum, nisi materialiter & extrinsece. Et vero sicut conceptus essentia divinæ implicite dicit omnes perfectiones, illasque connotat; alias non foret conceptus rei infinitæ: ita conceptus sapientia ut divinæ, connotat implicite essentiam divinam & alia attributa; quippe quæ dicat entitatem & formam infinite perfectam.

*Urgebis.* Composita meliora sunt simplicibus: ergo cum Deus sit ens perfectissimum, erit & compositus.

*Respondeo* distinguendo. In creatis quæ habent esse ab alio, concedo; unde quando creaturæ habent plures & majores partes; utique sunt magis perfectæ, magis solidæ; in divinis vero ubi ens simplex est omnia, nego. Immo si Deus haberet partes, non esset ens a se, non ens divinum & primum, quia partes compositi sunt ipso composito priores, inquit Divus Thomas hic q. 3. a. 2.

## SYNOPSIS PROBATIONUM.

*Deus nullam in se admittit compositionem nequidem logicalem.*

*Primo.* Exod. 3. habetur : *Ego sum qui sum* ; igitur est simplicissimus : ita definitur Lateranense Concilium sub Innocentio III.

*Secundo.* Patres dicunt Deum non habere sapientiam, bonitatem, &c. sed esse ipsam bonitatem, sapientiam ; unde nihil illi advenit, & ideo nulla in eo est compositio.

*Tertio.* Non est in Deo compositio physica, ex materia scilicet & forma : nulla quippe materia in Deo reperiri potest... non metaphysica ex essentia & existentia, siquidem est suum esse : non logicalis ex genere & differentia ; non enim concipi potest saltem cum fundamento in re, ut perfectibilis, quippe qui omnem habeat in se perfectionem.

## SYNOPSIS SOLUTIONUM

AD FUNDAMENTA CONTRARIÆ  
SENTENTIÆ.

*Primo.* Quidam inter Patres dicunt ac-

cidens Deo advenire, puta vindictam, justus quippe ex nobis, inquit Aug. sed hoc intelligi debet extrinsece & materialiter, quatenus peccator materiam vindictæ sua culpa subministrat : alii Deus in se est ab æterno justus omni justitia etiam vindictiva, quatenus ejus sanctitas vim habet ab æterno propellendi suum contrarium, nempe peccatum.

*Secundo.* Dices : Conceptus bonitatis advenit conceptui sapientiæ : sed cito respondemus hoc fieri non propter perfectiones in Deo, aut realiter, aut formaliter, ex natura rei in Deo distinctas ; sed potius ex infirmitate intellectûs creati qui diversis conceptibus divinam sibi repræsentat essentiam.

*Tertio.* Qui concipit Deum ut bonum & sapientem, aliquid perfectius profecto concipit, quam si Deum tantummodo ut bonum contemplando exprimeret : ergone Deus est perfectibilis, & venit in compositionem ? minime : hoc quippe totum se tenet ex parte nostri, non Dei, qui in se simplicissimus est : igitur compositio illa logicalis conficta est tantummodo formalis & per mentem, nusquam vero objectiva : nullum quippe inest pro illa compositione fundamentum ex parte objecti.



# DISSERTATIO QURTA

## D E

### PERFECTIONIBUS DEI,

*contra blasphemantes Deum.*



OCINIANI negant Deum esse infinitum & immutabilem.

*Valentiniani, & Gnostici* putabant Deum esse solum in supremo cælo.

*Manichei* audebant dicere dari Deum malum & imperfectum, seu primum principium mali; sed contra quod dicit Christus Matth. 5. v. 48. *Estote ergo vos perfecti, sicut Pater cælestis perfectus est.* Hoc dogma fidei, nempe quod Deus sit perfectissimus, quatuor probatur mediis.

*Primo.* Quia Deus est sanctus.

*Secundo.* Quia est infinitus in bonis quæ possidet.

*Tertio.* Quia est immutabilis.

*Quarto.* Quia est immensus.

#### ARTICULUS PRIMUS.

*Utrum Deus sit sanctus.*

#### CONCLUSIO.

*Deus est sanctus in se, & in omnibus operibus suis.*

Probatur multipliciter.

*Primo.* Ex nominibus Dei quæ sanctitatem important.

**P**RIMUM nomen Exod. 3. v. 14. legitur: *Ego sum qui sum.* Idem est ex Damasceno l. 1. de fide, c. 2. ac Pelagus substantiæ, hinc Bernardus ait serm. 4. in Cant. "Sane esse omnium dixerim Deum, non quod illa sint quod est ille; sed, quia ex ipso, per ipsum, & in ipso sunt omnia." D. Thomas hic prima parte, qu. 9. a. 1. dicit istud nomen dicere perfe-

ctionem infinitam. Porro perfectio infinita est ipsa sanctitas, quæ nihil aliud est quam perfectionum omnium pelagus.

*Secundum est, Deus:* Nomen istud idem sonat ac videns & sancte gubernans. Ita Dionysius l. de divinis nominibus, c. 12. "Quæ omnia videt Providentia." Unde Habac. 1. 23. *Mundi sunt oculi tui, ne videas malum, & respicere ad iniquitatem non poteris.*

*Tertium: Tetragrammaton,* quod Hieronymus ineffabile, Damascenus ineloquibile, Theodoretus indicibile appellant, propter eminentiam naturæ Dei quam importat: ita D. Thomas hic qu. 13. a. 11. ad primum. Porro istud nomen tam altam exprimit substantiam, ut illa sit omnino & singularis & Deo propria. Hinc Psalm. 34. v. 10. habetur: *Domine, quis similis tibi?* Et iterum Psalm. 94. *Deus Deorum Dominus locutus est, & vocavit terram, a solis ortu usque ad occasum, ex Sion species decoretur ejus.* Et adhuc Psalm. 112. *A solis ortu usque ad occasum laudabile nomen Domini.* Et ipsa Deipara S. Luc. vers. 49. *Quia fecit mihi magna qui potens est, & sanctum nomen ejus.* Ita sacrum istud nomen apud Hebræos habebatur, ut præ reverentia nequidem illud pronuntiare auderent.

*Omnia alia Dei nomina affert Hieronymus epist. ad Marcellam, scilicet: El, Deus fortis: Eloha, Deus gubernator: Elolim in plurali, idest, Judices, ut denotetur omne judicium, omnem sapientiam & scientiam esse in Deo, ad ponderanda hominum facta: Elion, excelsus: Adonai, Dominus: Adonai Sabaoth, Dominus exercituum: Ja, supremum Numen: Sadai, tibi sufficientissimus, & in alios exuberans.*

*Ex his omnibus sic argumentor:* Nomen explicat rei naturam; sed nomina Dei omnem dicunt perfectionem, nimirum quod sit a se, quod gubernator, quod providens, quod super omnia, quod fortis, quod su-

pre-



premiū Numen, quod sibi sufficientissimus sit Deus : ergo & sanctissimus ; sanctitas quippe omne bonum importat, malum vero & excludit & propellit.

Secundo . Ex Scriptura utriusque Testamenti .

Primo . Ex veteri .

Habetur Levitici 7. v. 44. Sancti estote, quoniam ego sanctus sum . Josue 24. v. 10. Deus enim sanctus & fortis . 2. Reg. c. 2. v. 3. Non est sanctus, ut est Dominus . Ecclesiastici 16. v. 6. Magnus, sanctus Deus . Isaia 6. v. 3. Sanctus, sanctus, sanctus, Dominus Deus Sabaoth, plena est omnis terra gloria ejus . Jerem. 2. v. 3. Sanctus Israel Dominus . In Oratione Abacuc. v. 3. Deus ab austro venit, & Sanctus de monte Pharan ; igitur Deus est sanctus, immo in sanctitate magnificus, juxta Exod 15. Vir magnificus in sanctitate . Psal. 144. Magnificentiam glorie sanctitatis tuæ loquentur, & mirabilia tua narrabunt . Ergo, &c.

Secundo . Ex novo Testamento .

Marci 1. Scimus quia Sanctus Dei es . Actuum 15. v. 28. Visum est Spiritui Sancto & nobis . Ibid. 19. v. 6. Veni Spiritus Sanctus super eos . 1. Joan. 3. v. 3. Qui habet hanc spem in eo sanctificat se, sicut & ille sanctus est . Apocalypsis 3. v. 7. Hæc dicit sanctus & verus . Ibidem 4. v. 8. Sanctus, sanctus, sanctus, Dominus omnipotens qui erat, & qui est, & qui venturus est .

Tertio . Ex Patribus .

S. Augustinus l. medit. c. 29. enarrat omnes sanctitatis dotes, & quidem Deo maxime convenientes his verbis : " O summe optime, inquis ad Deum, omnipotentissime, misericordissime, pulcherrime & fortissime, stabilis, incomprehensibilis, invisibilis omnia videns, immutabilis omnia mutans, immortalis, inloqualis, interminus, incircumscriptus, nusquam finitus, inæstimabilis, inefabilis, insecrabilis, immotus omnia movens . . . nunquam novus, nunquam vetus, innovans omnia, & in vetustatem deducens superbos, & nesciunt, semper agens, semper quietus, colligens & non agens, omnia portans sine onere, omnia implens sine inclusio-

ne, omnia creans, protegens, nutriendus & proficiens, quærens cum nihil desiet tibi : anans nec æstuans, zelans & securus es : poenitet te & non doles : irasceris & tranquillus es : opera mutas, sed non consilium recipis quod non invenis, & nunquam amissisti : nunquam inops, & gaudes lucris : nunquam avarus, & usuras exigit : Deus es sine qualitate, & ideo vere & summe bonus . " Et c. 32. " Deus vera & summa vita, per quem, in quo vivunt omnia . " Et c. 33. " Qui novit te, novit veritatem & æternitatem . " & capite 34. " Gustate & videte quoniam suavis est Dominus, beatus vir qui sperat in eo . " Et iterum loliloq. c. 13. " Lux a quo omnis lux . . . lux supra quam cæcitas non obnubilat, quam caligo non heberat, quam tenebræ non obscurant, quam nulla obstantia claudit . " Igitur ex S. Augustino Deus est omni perfectione repletus, adeoque sanctissimus ; sanctitas enim in virtutum & perfectionum omnium aggregatione tota sita est .

D. Bernardus de gratia Dei, serm. 3. " Nemo, inquit, sanctus, nemo bonus, nemo iustus, nisi solus Deus . . . quia per se est bonus . " Et sermone secundo super Salvæ Regina . " Deus virtutum & scientiarum fons . . . Quid tam diversum, quam unum & omnia ? Sono diversum, re unum, diversum pronuntiatione, unum identitate . Deus ergo omne bonum & summum bonum, etiam dulcedo, & dulcedinis genus generalissimum . Qui edunt me, adhuc esuriunt, inquit, & qui bibunt me adhuc sitient . " Ergo &c.

Quarto . Ex Dei pulchritudine .

Ille est sanctus, immo & sanctissimus, qui est pulcherrimus, siquidem pulchritudo interior & exterior ad summam consequitur sanctitatem : atqui Deus est pulcherrimus : ergo & sanctissimus . Probatur minor multipliciter .

1. quidem . Pulchritudo consistit in bonorum omnium apparatu ; Deus autem habet omnem bonitatem, juxta illud Exod. 33. v. 19. Ego ostendam omne bonum tibi . Et Psal. 118. v. 68. Bonus es tu, & in bonitate tua doce me justificationes tuas . Rursus Christus Lucæ 18. Nemo bonus, nisi solus Deus . Unde Origenes l. 6. contra Celsum, sic loquitur : " Cum vero Deus sit ipsum bonum . " Hilarius l. 3. de Trin. " Non

" Non aliunde de Deo, quod est sumens, sed ad id quod ita manet, sibi ipse sufficiens. „ S. Augustinus epist. 54. „ Nullius participatione bonus est, quoniam bonum, quo bonus est, ipse sibi est. „ Bernard. suffragatur ad Fratres de monte Dei. „ Ipse in semetipso est, quidquid in eo amabile est, qui est totum quod est. „

2. *Pulchritudo* est omnium perfectionum ineffabilis varietas: hæc utique relucet in Deo, & sequitur ad bonorum omnium gloriosam suppellectilem: scriptum est enim Psal. 41. *Magnus Dominus, & laudabilis nimis, & magnitudinis ejus non est finis.* Et iterum Pl. 49. *Ex Sion species decoris ejus.* Item Matth. 5. v. 48. *Estate ergo vos perfecti, sicut & Pater vester cælestis perfectus est.* Quæ verba explicans Ambrosius 3. *Officiorum*, c. 2. ait: „ Aliter Deum dicimus, aliter hominem. . . Deus autem, tum iustus per omnia, super omnia, perfectus in omnibus. „ Hieronymus collatione. 829. in dialog. 1. contra Pelagianos: „ *Dñs, inquit, in sanctis Scripturis esse perfectiones, duasque iustitias & duos timores: primam perfectionem & incomparabilem veritatem, perfectamque iustitiam Dei virtutibus coaptandam, &c.* „ S. Augustinus tractatu 7. in Joan. „ Si fueris sine Deo, minor eris; si fueris cum Deo, major Deus non erit: non ex te ille major, sed tu sine illo minor; recideris, si accesseris; deficeris, si non accesseris. „ Ergo, &c.

3. *Pulchritudo* ex D. Thoma consistit in modo, specie & ordine, & hæc reperitur in Deo sicut in primo fonte a quo omnia pulchra sunt; hinc Psal. 49. *Ex Sion species decoris ejus.* Cant. 1. *Ecce pulcher & dilecte mi, & decorus.* Sapientia 13. v. 3. loquens Salomon de astris & elementis quæ magni faciebant Idololatras, ait: *Quorum si specie delectati Deos putaverunt, sciant quanto his dominatur eorum speciosior est.* Dionysius de divinis nominibus, c. 4. ait: „ Ex hoc pulchro, scilicet Deo, omni- „ bus quæ sunt, suppetit esse. „ Simile effatur Hilarius l. 1. de Tript. „ De magnitudine, inquit, operum & pulchritudine creaturarum, consequenter generationum conditor conspicitur. „ atque ita pulcherrimus Deus est considerandus, ut neque intra sententiam sit intelligendi, neque extra intelligentiam sentiendi. „ S. Augustinus in u-

no solum loco mirabilem hanc pulchritudinem prædicat, in primis l. Medit. 32. ait: „ Deus bonum & pulchrum, a quo, „ per quem, & in quo bona & pulchra „ sunt omnia quæcunque bona & pulchra sunt. „ Rursus l. 10. Confessi. c. 27. Deum sic alloquitur: „ Sero te amavi, pulchritudo tam antiqua & tam nova, sero te amavi. „ Et iterum tract. 9. in 1. epist. Joannis: „ Anima nostra sæda „ est per iniquitatem, amando Deum pulchra efficitur. Qualis est qui reddit pulchrum amantem? amavit nos prior qui semper est pulcher; & quales amavit nisi sædos & deformes? non ut sædos dimitteret, sed ut mutaret: quantum in te crescit amor, tantum in te crescit pulchritudo, quia ipsa charitas est, animæ pulchritudo. „ Hilarius loco supra citato, probat pulchritudinem universi consistere in partium unione & harmonia; ex quo fit, inquit, quod sit pulcherrimus: sed Deus factor super omnia pulcherrimus est: ergo, &c.

4. *Pulchritudo* ex S. Augustino enarratione in Psal. 44. „ Summa iustitia est. „ In Deo autem omnis reperitur iustitia. 1. quidem in se; cum enim omnia in ipso sint supra modum ordinata, & teste S. Ambrosio iustitia: ut sic, dicat omnium virtutum & perfectionum egregiam suppellectilem, liquet iustitiam reperiri in Deo perfectissime. 2. In Deo est iustitia respectu ad creaturas. distributiva bonorum, tum in ordine naturæ, tum in ordine gratiæ: in ordine quidem naturæ, quia unicuique largitur quod in quolibet ente exigit natura. Scriptum est enim Gen. 1. *Vidit Deus cuncta quæ fecerat, & erant valde bona.* Et iterum Pl. 110. v. 7. *Perfecta sunt Dei opera.* Rursus alia Scriptura Daniel. 3. v. 31. *Omnia quæ fecisti nobis, in vero iudicio fecisti.* Et adhuc Psal. 118. *Iustus es Domine, & rectum iudicium tuum.* Tum in ordine gratiæ, iuxta illud Augustini de Deo effatum: „ Et „ rat condens naturam, & largiens gratiam. Unde Matth. 19. v. 29. *Qui reliqueris domum, fratres aut sorores, aut patrem aut matrem, aut uxorem, aut filios, aut agros propter nomen meum, centuplum accipiet, & vitam æternam possidebit.*

Primus gradus iustitiæ distributivæ bonorum est ens: Secundus, anima vegetans: Tertius, sensitiva: Quartus, rationalis: Quintus, ens Angelicum: Sextus, beatitudo: Septimus, unio hypostati-

ta. Omnia igitur bona quæ hominem constituunt iustum & pulchrum, a Deo promanant, juxta illud Rom. 7. v. 35. *Quis prior dedit ei, & retribuetur ei?* Et 1. Paralip. 29. *Tua sunt omnia, & quæ de manu tua accepimus, dedimus tibi.* Aug. l. 1. Conf. c. 4. Deum sic alloquitur: "Quis habet quicquam non tuum? Reddis debita nulli debens, donas debita, nihil perdens." Eidem veritati suffragatur Bernard. l. de diligendo Deo, c. 3. "Si totum me debeo pro me facto, quid reddam jam & pro refeito?" 3. Est iustitia in Deo distributiva pœnarum pro malis perpetratis, 5. Matth. 25. *Discedite a me maledicti in ignem æternum.* Et Rom. 12. v. 9. *Mibi vindiſſam & ego retribuam.* Hinc Bernardus in gradibus humilitatis sic loquitur: "Nascimur, morimur, ideoque nascimur mortui; quia prius morimur nascituri; propterea grave jugum super filios Adam." Et iterum serm. 1. Epiph. Sicut benignitas apparuit ultra omnem spem, ultra omnem æstimationem, similem expectare possumus iudicii distinctionem."

5. Pulchritudo divina consistit etiam in misericordia. Et vero nihil magis deformis est quam nihilum: misericordia autem educit creaturam a miseria tum naturæ, tum peccati, tum etiam pœnæ peccato debitæ: talis est misericordia Dei; & probatur 1. ex illo Psal. 118. *Misericordia Domini plena est terra.* Et Psal. 144. *Miserationes ejus super omnia opera ejus.* 2. Corinth. 1. v. 3. *Pater misericordiarum, & Deus totius consolationis.* 2. ex Divo Bernard. serm. 5. "Recte non Pater iudiciorum vel ultionum dicitur, sed Pater misericordiarum, eo quod miserendi cauſam & originem sunt ex proprio, iudicandi vero vel ulciscendi magis ex nostro." Relucet ubique misericordia Dei: relucet 1. in omnibus creaturis, quandoquidem eas produxit Deus, & eduxit e nihilo, juxta illud Gen. 1. v. 1. *In principio creavit Deus caelum & terram.* 2. Relucet specialiter in homine innocente. Ibi dem v. 26. habetur: *Faciamus hominem ad imaginem & similitudinem nostram.* 3. Relucet in homine lapſo Rom. 5. v. 15. *Si unius delicto multi mortui sunt, multo magis gratia in plures abundavit.* Et quidem multitarie relucet, 1. *Disſimulans peccata hominum propter pœnitentiam.* Sapientiae 7. Et est misericordia quæ immutat cor ad pœnitentiam. Scriptum est enim Osce 7.

v. 20. *Dabo eis cor carneum, ut in præceptis meis ambulent.* Et alia Scriptura Prov. 23. *Præbe, fili mi, cor tuum mihi.* "O mira pietas! inquit Chrysologus serm. 108. quæ, ut largiatur, exorat, rogat Deus, qui non tam Dominus vult esse, quam Pater." Et etiam misericordia quæ dat perseverantiæ donum, juxta illud Sap. 4. *Raptus est, ne malitia mutaret intellectum ejus.* Est quæ præmiat & coronat servos. Matth. 29. *Venite,* inquit Christus, *benedicti Patris mei, possidete paratum vobis regnum a constitutione mundi.* Et quæ præservat a malo, *Misericordiam Domini,* inquit Jeremias Th. 3. 22. *quia non sumus consumpti.* 4. Relucet in Iusto quoad protectionem, juxta illud Psal. 80. v. 15. *Cum ipſo sum in tribulatione, eripiam eum, & glorificabo eum.* 5. Relucet etiam in Beatis misericordia, Psal. 102. v. 4. *Qui coronat te in misericordia.* Et Psal. 35. v. 5. *Domine, in calo misericordia.* 6. Relucet in unione hypostatica, qua natura nostra sublimatur in consummationem: hinc Zacharias Pater S. Joannis Baptiste, Lucæ 1. v. 7. ait: *Per viscera misericordiae Dei nostri, in quibus visitasti nos oriens ex alto.* 7. Apparet in Deo qui est ipsa misericordia, 2. Corinth. 1. v. 3. *Pater misericordiarum & totius consolationis,* inquit Apostolus. Quem videre solum, est vita æterna, ipſo Christo dicente Joan. 17. v. 3. *Hæc est vita æterna, ut cognoscam te solum Deum verum.* Et hæc pulchritudo est sanctitatis perfectissimus gradus, cum faciat homines cœlestes, liberando eos a malo, tum culpæ, tum pœnæ; unde Propheta Psal. 91. v. 3. ait: *Magnificata sunt opera tua, Domine.* Et Psal. 144. v. 9. *Miserationes ejus super omnia opera ejus.* Et iterum Psal. 114. 5. *Misericors Dominus & iustus, & Deus noster misericors.* Ambrosius de Orat. in obitu Theodosii illum sic interpretatur locum: "Bis, inquit, misericordiam posuit, semel iustitiam: in medio iustitia est gemino septo inclusa misericordiae." Jam vero quis in misericordia tanta ineffabilem non concipiet sanctitatem? nemo quippe ad propellendum tum culpæ, tum pœnæ malum misericors est; nisi & sanctissimus: nec mirum, miserando iustificat peccatorem.

Quinto. *Ex impeccabilitate Dei.*

*Sanctitas* maxime probatur per impeccabilitatem, quandoquidem peccatum opponitur sanctitati : quod autem Deus sit impeccabilis, multipliciter demonstratur.

Primo. *Ex Scriptura sacra.*

*Habacuc*h. 1. v. 13. habetur : *Mundi sunt oculi tui, ut videant malum, & respicere ad iniquitatem non poteris.* Rursus *Psalm.* 9. *Quæretur peccatum illius, & non invenietur.* Et *Psalm.* 5. v. 6. *Odisti omnes qui operantur iniquitatem.* Et iterum *Prov.* 6. v. 16. *Sex sunt quæ odit Dominus, & septimum detestatur anima ejus; oculos sublimis, linguam mendacem, &c.* Certe qui respicere ad iniquitatem non potest, qui odit malum & malos, est impeccabilis & sanctissimus : atqui talis est Deus, ergo, &c.

Secundo. *Ex Patribus.*

*Tertullianus* l. 1. contra Marcionem c. 26. de Deo sic loquitur : " Non alias autem, tem plene bonus sit, nisi mali æmulus. ", *Gregorius Nyssenus* *Catech.* c. 1. " sic exaltet Dei impeccabilitatem : Cum autem omnia possit Verbi libera voluntas, ea nullam ad malum propensionem habet. " Cui quidem veritati patriter subscribit *S. Aug.* l. 1. contra Julianum, c. 18. dicens Deum esse mali incapacem, quia peccatum non habet causam efficientem, sed deficientem; defectus autem in Deum cadere non potest. " Nulla natura, inquit *Aug.* in quantum natura est, malum est; sed quia deficit a natura quæ summum atque incommutabile bonum est. " Ergo, &c.

Tertio. *Ex puritate Legis divinæ.*

Hæc præcipit bonum, & prohibet malum, juxta illud *Psalm.* 36. v. 7. *Declina a malo, & fac bonum.* Hæc præmiat bonos *Psalm.* 33. *Quis est homo qui vult vitam, diligit dies videre bonos? Prohibe linguam tuam a malo, & labia tua ne loquantur dolium.* Hæc eadem punit malos, *Apocal.* 18. v. 17. *Quantum glorificavit se, & in deliciis fuit, tantum date illi tormentum.* Hinc sequitur *Psalm.* 18. v. 8. *Lex Domini immaculata convertens animas, testimonium Domini fidele, sapientiam præstans parvulis.* Denique Deus, ut habetur 2. ad Tim.

2. 13. negare seipsum non potest : si autem posset peccare, utique posset & seipsum negare. Quare vero seipsum negare non valet, ea potissimum ratio assignatur, quia est ipsa & bonitas, & justitia & veritas. Igitur Deus impeccabilis est, adeoque & sanctissimus.

Quarto. *Ex rationibus Theologicis.*

*Prima* assertur a Divo Thoma 2. 2. q. 80. a. 8. Aliquid potest, inquit, dici sanctum tripliciter : 1. Ratione munditiæ, agios enim, idem est ac sine terra ; unde sanctitas dicitur ab omni labe immunitas. 2. Pro stabili firmitate in bono ; dicitur enim sanctum, quasi lege sancitum. 3. Pro summa unione & attentione ad res cœlestes ; sed hæc omnia reperiuntur in Deo, ut in primo fonte; primum quidem, est enim actus purus & simplicissimus, adeoque mundissimus; immunditia quippe ex compositione entis impuri cum mundo exurgit : secundum utique ; non enim habet, inquit Patres, sapientiam, justitiam, sed est ipsa sapientia infinita, ipsa justitia incommutabilis : quid firmitus ? Tertium denique, est enim purus spiritus, & finis omnium. Igitur est Sanctissimus, Sanctus Sanctorum, & Sanctus in omnibus operibus suis.

*Secunda* sic exponitur : Sanctitas est inclinatio ad bonum, & virtutis exercitium ; sed Deus est ipse summum bonum, & Dominus virtutum : igitur & sanctissimus.

*Tertia* : Sanctitas est ordinatio omnium actionum ad finem debitum ; sed Deus ipse est finis omnium : igitur & sanctissimus.

*Quarta* : Sanctitas est omnium motuum, tum interiorum, tum exteriorum concordia ; sed nulla est passio in Deo, omnia quippe in eo sunt Deus, sunt veritas, sunt sapientia : igitur est sanctissimus.

*Quinta* : Sanctitas est illibata ab omni peccato integritas ; sed Deus non potest peccare ; neminem enim lædere potest, cum non habeat superiorem : igitur est ab omni labe purus & sanctus.

## SOLVUNTUR OBJECTIONES.

*Manichæorum.*

*Obijciunt* 1. Ille non est sanctus qui est causa peccati : atqui talis videtur esse visibilium Creator, juxta illud 2. Corinth. capite 4. *In quibus Deus hujus sæculi excæcavit mentes infidelium.* Igitur est causa peccati,

cati, videlicet obsecrationis, quæ inter peccata sane maximum est.

*Respondeo* 1. distinguendo. Et ibi est vocis transpositio, concedo; & non est, nego. Vox, *hujus sæculi*, referri debet ad ista verba, *mentes infidelium*, & hunc proinde sensum perficiunt, *Deus excæcavit mentes infidelium hujus sæculi*. Ita Iræneus explicans locum Apost. 1. 3. adversus hæreses, c. 7.

*Respondeo* 2. aliter distinguendo. Et per voces, *Deus sæculi*, non intelligitur Deus Creator omnium, sed diabolus, concedo; & intelligitur Deus, nego. Jam vero per hæc verba intelligitur Satan, qui tentationibus & suasionibus excæcat mentes. Ita colligitur ex D. Aug. qui l. 21. contra Faustum, cap. 9. ait: "Ubi etiam si quis diabolum intellexerit excæcare mentes infidelium, non negamus malis suasionibus, quibus qui consentiunt, justitiæ lumen amittunt, Deo retribuente, quod justum est."

*Respondeo* 3. iterum distinguendo. Obsecratio est a Deo permissiva, & ad punitionem peccati, concedo; positive, nego. Hanc ita solvit objectionem Tertullianus l. 2. adversus Marc. pag. 464. Edit. Paris. ann. 1634. "Aut proba ea injuncta inquit, Marcioni, ut probet malitiæ deputanda, id est, injustitiæ mala; quia si justitiæ erunt, jam mala non erunt, sed bona: malis tantummodo malis; quibus etiam directæ bona pro malis damnantur. Constitue injuste hominem divinæ Legis voluntarium contemptorem id retulisse, quo voluit caruisse. Injuste malitiam ævi illius imbribus, dehinc & ignibus cæsam; injuste Ægyptum foedissimam, superstitionissimam amplius hospitis populi confidatricem, decemplici castigatione percussam: indurat cor Pharaonis; sed meruerat in exitum subministrari, qui jam negaverat Deum, qui jam Legatos ejus toties superbus excusserat, qui jam populo liborem operis adjecerat postremo, quæ Ægyptus olim Deo reus fuerat gentilis idololatriæ, ibin & crocodilum citius colens quam Deum vivum. Im-pedit & ipsum populum, sed ingratum: immisit & pueris urlos, sed irreverentibus in Prophetam. Justitiam ergo primo Judicis dispice, cujus si ratio constiterit, tunc & severitas; & per quæ veritas decurrit, rationi & justitiæ reputabuntur." Cæterum, *Deus intentator malorum est*, inquit B. Jacobus. Solutio

est etiam S. Augustini, qui ibidem c. 9. sic loquitur: "Perturbati homines non intelligunt in uno eodemque opere malo, non postea consequente alia quæ manifestata erit, sed quadam continuo committente vindicta, aliud venire de astutia suadentis, aliud de nequitia volentis, aliud de justitia punientis; cum diabolus suggerit, homo consentit, Deus deserit." Et antea c. 2. "Potest etiam talis operatio quæ excæcat mentes infidelium, secundum quandam modum pertinere ad verum Deum, quod non facit malitia, sed justitia."

*Obijciunt* 2. Deus præcipit fornicationem Osee, c. 1. *Vade*, inquit, *sume tibi uxorem fornicatorem, & fac filios fornicationum*. Igitur non videtur sanctus.

*Respondeo* distinguendo. Præcipit Osee Deus sumere in uxorem mulierem quæ fornicata fuerat, ut ad melius vitæ institutum revocata, vocationem Gentilium per Christum præfiguraret, concedo; præcipit fornicari cum illa, nego. Justus autem Dei huic mulieri legitimo matrimonio junctus est Oseas. Ita August. lib. 22. contra Faustum, cap. 31. respondet Manichæis, "Quid enim adversum clementiam veritatis, quid inimicum fidei Christianæ, si meretrix, relicta fornicatione, in castum conjugium commutetur? Et quid tam incongruum & alienum a fide Prophetæ, quam si non crederet omnia peccata impudicæ dimissa esse in melius commutata? Itaque cum meretricem Prophetæ fecit uxorem, & ad vitam corrigendam mulieri consultum est, & figuræ Sacramentum, de quo mox loquimur, expressum."

*Obijciunt* 3. Deus Exod. 11. v. 2. præcipit Hebræis fraudem & rapinam, scilicet spoliare Ægyptios: ergo, inquit, revera Deus præcipit peccatum: ergo non est sanctus & bonus.

*Respondeo* negando Deum præcepisse fraudem & rapinam. Unde ad probationem distinguo. Deus imperavit Judæis spoliare Ægyptios, nedum ut retentam laboris mercedem recuperarent, verum etiam ut puniret Ægyptios, qui auro & argento abutebantur tum in idolis fabricandis, tum in iisdem colendis, concedo; præcepit fraudem reduplicative ut peccatum, nego. Solutio est Tertulliani, qui lib. 2. adversus Marcionem pag. 469. edit. Parisiens. 1634. sic loquitur: "Reposcunt Ægyptii Hebræis vasa aurea & ar-gen-

" gentea, contra Hebræi mutuas petitiones instituunt, allegantes sibi quoque eorumdem Patrum nomine ex eodem Scripturæ instrumento mercedes restitui oportere illius operariæ servitutis pro laterinis deductis, pro civitatibus & villis ædificatis. "

S. *Augustinus* lib. 22. contra Faustum, cap. 71. sic respondet : " Carnalis itaque adhuc ille populus erat, & rerum terrenarum cupiditate occupatus; Ægyptii vero sacrilegi & iniqui; nam & illo auro male utentes, ad Creatoris inharum, idolis suis serviebant, & homines peregrinos labore gratuito iniuste ac vehementer afflixerunt. Digni ergo erant & illi quibus talia juberentur, & illi qui talia paterentur. "

*Obijciunt* 4. Deus videtur sibi contrarius & falsa loqui: Deus, &c. Probatur antecedens. Prohibet operari sabbato, & tamen Arcam Testamenti circumferri jubet die sabbati in expugnatione Urbis Jericho, ut habetur Josue 6. Prohibet fieri simulacra, & tamen imperat Moisi fabricare & erigere serpentem æneum; denique num. 21. præcipit sacrificia fieri, quod est imitari idololatras. Ergo, &c.

*Respondeo* negando antecedens. Ad primam probationem distinguo. Et circumferre Arcam Testamenti non erat opus servile, sed ~~ceremonia~~ quædam sacra ad manifestationem virtutis Dei, ut timerent gentes nomen ejus, concedo: sic Christus etiam opus charitatis patravit sabbato, sanando paralyticum; & erat opus servile, nego. Ita Irenæus l. 4. adversus hæreses, cap. 18. " Continere, inquit, se jubebat eos Lex ab omni opere servili, idest, ab omni avaritia, quæ per negotiationem, & reliquo actu terreno agitur; animæ autem opera quæ fiunt per sententiam & sermones bonos in auxilium eorum qui proximi sunt, adhortabatur fieri, & propter hoc Dominus arguebat eos qui iniuste exprobrabant, & quia sabbatis curabat; non enim solvebat, sed adimplebat Legem, Summi Sacerdotis opera faciens, propitiis pro hominibus Deum. " Idem dicit Tertul. l. 2. contra Marcion. p. 469. & addit. " Arcam vero circumferre, neque quotidianum opus videri potest, neque humanum, sed & rarum & sacrosanctum, & ex ipso tunc Dei præcepto utique divinum. " Cæterum Deus est auctor Legis, unde potest in ea dispensare quos vult, & quando vult, & quomodo vult.

*Ad secundum* distinguo. Jussit Dominus serpentem elevari, tanquam Filii sui incarnandi imaginem, & ad remedium ægrotorum per fidem in Christum, concedo; elevari tanquam idolum adorandum, nego. Ita Tertull. l. 2. contra Marcion. pag. 470. " Non adorabitis ea, neque servietis illis. " Serpentis autem ænei effigies postea præcepta Moisi a Domino, non ad idololatriæ titulum pertinebat, sed ad redimendum eos qui a serpentibus infestabantur. Sic & Cherubim & Seraphim aurea in arce figuratum exemplum . . . accommodata suggestui, longe diversas habendo causas ab idololatriæ conditione, ob quam similitudo prohibetur, non videtur similitudinum prohibitum Legi refragari.

*Ad tertium* distinguo pariter. Deus præcipit sacrificia pro bono fine, & ad exhibendum debitum sibi culum, concedo; ad cultum superstitiosum, ut faciebant idololatriæ, nego. Solutio est Tertulliani l. 2. contra Marcionem, pag. 467.

*Opponunt* 5. Inconstantia & ignorantia passim dicuntur & prædicantur de supremo Numine: ergo non videtur Deum esse sanctum. Probant antecedens Jonæ 3. v. 10. *Miseris est Deus super malitiam quam locutus fuerat ut faceret eis; & non fecit.* Item Gen. 3. v. 10. *Adam ubi es?* Denique modo unum eligit, modo eundem reprobat, ut Saulem. Ergo &c.

*Respondeo* negando antecedens. Ad primum distinguo. Pœnituit Deum metaphorice & improprie, concedo; proprie, nego. Scriptura quippe loquitur, ut sese nostro concipiendi modo accommodet; hoc enim, inquit Tertull. lib. 2. contra Marcionem, cap. 24. ex levitate non processit. " Non enim si hominem ex recordatione plurimum delicti, interdum & alicujus boni operis in gratia pœnitet; ideo & Deum: proinde, in quantum enim Deus nec malum admittit, nec bonum damnat, in quantum nec pœnitentie boni & mali apud eum locus est. " Rursus pag. 471. " Sic & pœnitentiam apud illum prave interpretaris, quasi proinde mobilitate vel improvidentia, immo jam & delicti recordatione pœnitet: quoniam quidem dixerit, *Pœnituit quod Regem feceris Saul*, præscribens scilicet pœnitentiam confessionem sapere mali operis alicujus, vel erroris: porro non semper. Evenit enim in bonis factis pœnitentia confessio, ad

„ in-

invidiam & exprobrationem ejus qui benefici ingratus extiterit. Sicut & tunc circa personam Saulis honorandam, annuntiatur a Creatore, qui non deliquerat, cum Saulem assumit in regnum, & Sancto Spiritu augeat: optimum enim adhuc, qualis, inquit, non erat in filiis Israël, dignissime adlegerat. Sed nec ignoraverat ita eventurum; nemo enim sustinebit improvidentiam adscribentem Deo, ei, quem Deum non negans, confiteris & providum; hæc enim illi propria Divinitas constat. Sed nialum factum Saulis, ut dixi, onerabat poenitentiae suæ professione, quam vacante delicto, circa Saulis adlectionem, consequens est invidiosam potius non criminolam.

Denique, quid sit in Deo prenitere, ibidem sic delineat pag. 472. "Quis ergo erit mors poenitentiae divinæ? jam reluctet, si non ad humanas conditiones eam referas; nihil enim aliud intelligitur, quam simplex conversio sententiae prioris, quæ etiam sine reprehensione ejus possit admitti etiam in homine, nedum in Deo, cujus omnis sententia caret culpa."

Ad aliud de inconsistentia momentum respondet ibidem Tertullianus, nequidem vel mutationis leviolem notam apparere in eo quod Deus eundem hominem modo approbet dum facit bonum, modo reprobet cum operatur iniquitatem; sic enim etiam apud homines Lex statuit & definit. Pag. 470. "Si vero etiam circa personam levem vultis intelligi, cum reprobat aliquando probatos; aut improvidum, cum probat quandoque reprobandos, quasi judicia sua damnet præterita, aut ignoret futura: atqui nihil tam bono Judici convenit, quam pro præsentibus meritis & rejicere & adlegere. Adlegitur Saul, sed nondum despector Prophetæ Samuelis: rejicitur Salomon, sed jam a mulieribus alienigenis possessus, & idolis Moabitum & Sidoniorum mancipatus."

Ad secundum distinguo similiter. Deus vocavit Adam, ut consistentem haberet reum; & illi condonando parceret, concedo; vocavit quasi nesciens ubi esset, nego. Sic respondet Tertull. l. 2. contra Mar. p. 472. "Non incertus admissi; inquit, neque ignarus loci: enimvero oportebit conscientiae peccata delitescentem, evocatum prodere in conspectum Do-

mini, non solum nominis inclamatione, sed cum aliqua jam tunc admissi fugillatione: nec enim simplici modo, idest, interrogatorio sono legendum est, idest, *Adam, ubi es?* sed impresso, & incusso & imputativo, *Adam, ubi es?* idest, jam hic non es, ut & increpandi & dolendi exitus vox sit."

Objiciunt 6. Ille non videtur sanctus esse qui iustitiae leges non semel violavit: atqui Deus sic se gessit. Primo quidem erga Gentiles quos ab hæreditate expulit propria, ut terram Promissionis, sicut juraverat, Judæis conferret. Secundo, imputat peccata parentum filiis ut plurimum innoxii. Sic enim scriptum est Exodi 23. *Ego sum Dominus Deus tuus sortis, zelotes, visitans iniquitatem in filiis.* Ergo, &c.

Respondeo negando minorem. Ad probationem distinguo. Et Deus est universorum Dominus juxta illud Psal. 23. 1. *Domini est terra, & plenitudo ejus, orbis terrarum, & universi qui habitant in eo*, concedo: & non est, nego. Nulli sane facit injuriam universorum Dominus, cum ad nutum de bonis disponit, quoniam sua sunt: cæterum, nec iniustitiae lues aliqua, etiam humanum juxta Jus, in retributione terræ Promissionis, populo Judaico appareat; quippe quæ esset hæreditas Judæorum, quia & Abraham, & Isaac, & Jacob Patrum bona; unde Israëlita expellendo Amoræos, Gebusæos, aliasque barbaras nationes, quæ suæ erant, recuperabunt. Ita colligitur ex Genes. 48. 21. & 22. ubi Jacob moriens, suos sic alloquitur filios: *Erit Deus vobiscum, reducetque vos ad terram Patrum vestrorum; do sibi partem unam quam tuli de manu Amoræi in gladio & arcu meo.*

Ad secundam probationem distinguo. Deus punit ad tempus peccatum patrum in filiis, quia filii sunt aliqui patris, & hoc etiam ad emendationem, nonnunquam ad terrorem, ne patris iniqui vestigiis insistentes reprobi fiant, concedo; punit in æternum, subdistinguo: si filii ambulant in via prava patrum suorum, concedo; si non ambulant, nego. Sic enim habetur Ezech. 18. *Quod si genuerit filium, qui videns omnia peccata patris sui, quæ fecit, timuerit, & non fecerit simile eis... judicia mea fecerit, in præceptis meis ambulaverit, hic non moritur in iniquitate patris sui, sed vita vivet.*

Mira dicit de hoc momento Tertull. l. 2. adversus Marcion. p. 465. & sic perstringit Hæreticos qui ausu temerario Deum optimum blasphemant. "Nolite reprehendere," de-

dere Judicem, sed revincite malum Judicem; nam & si patrum delicta ex filiis exigebat, duritia populi talia remedia compulerat, ut vel posteritatis suis propitioscentes, Legi divinæ obedirent. Quis enim non magis filiorum salutem, quam suam curet? sed si & benedictio patrum semini quoque eorum destinabatur, sine ullo adhuc merito ejus, cur non & reatus patrum in filios redundaret? sicut gratia ita & offensæ... quam si evangelium veritatis accipias, ad quos pertineat sententia reddentis in filios patrum delicta cognoscere, ad illos scilicet qui hanc ultro sibi sententiam fuerant irrogaturi, sanguis illius super capita nostra & filiorum nostrorum. „  
*Obijciunt* 7. Qui præcipit vindictam, neque bonus, neque sanctus est: atqui Deus qui visibilibus dicitur Dominus, statuit pro injuria vindictam, jubet dentem pro dente Lege Talionis convellere vel confringere: Ergo, &c.

*Respondeo* 1. Deum nedom in nova, sed etiam in antiqua Lege voluisse & præcepisse erga inimicos dilectionem; unde si quando penam Talionis induxit aut permisit, ad correctionem potius quam ad passioni iræ excandescens indulgendum voluit. Jam in forma facimus satis objectioni sic distinguendo. Deus in veteri Lege penam Talionis permisit ad emendationem, concedo, ad stimulandas iræ passiones, nego. Solutio est Tertulliani, ibidem pag. 467. editionis Parisiensis 1634. „ Sed quæ, inquit, potius Legis bona defendam, quam quæ hæresis concupiit; ut Talionis definitionem, oculum pro oculo, dentem pro dente, livorem pro livore repetentis? Non enim injuriæ mutuo exercendæ licentiam sapit, sed in totum cohibendæ violentiæ prospicit; ut quia durissimo & infideli in Deum populo longum vel etiam incredibile videretur a Deo expectare defensionem, edicendam postea per Prophetam mihi defensionem, & ego defendam, dicit Dominus: ut incertum commissio injuriæ metu, vicis statim occurrere repastinaretur; & licentia retributionis, prohibitio esset provocationis, ut sic imprecitas astuta cessaret, dum secunda permissa, prima terretur; & prima deterrita, nec secunda committitur, quæ & alias facilius timor Talionis percundem saporem passionis. „

*Insunt*. Atqui vindictam, velut passionis excessum permittere videtur Deus: er-

go nulla solutio. Probatur. Si qua ratio valet in contrarium, maxime ex eo quod sicut peccati, ita & passionis iræ nefcius est Creator: atqui hoc ipsum verisimile non apparet, quandoquidem ira de Deo passim prædicetur, ut istud Psalm. 94. 8. *Quibus juravi in ira mea, si intralut in requiem meam*. Hinc & Propheta unum istud a Domino non semel petit Psal. 6. 1. *Domine, ne in furore tuo arguas me, neque in ira tua corripias me*. Ergo, &c.

*Respondeo* negando subsumptum. Ad probationem, nego minorem. Ad ulteriorem probationem, distineo. Ira dicitur effectiva, seu quoad effectum, justæ de peccatis hominum vindictæ, concedo; subjective, ita ut sit quidam in Deo excessus, nego. Ira duplici sumitur modo, videlicet pro passione judicium & rationem ludente, nonnumquam etiam absorbente. 2. Pro punitione seu castigatione, quæ appellationem sumit ab ira patris, quæ excandescens adversus filium malum, pœnis ejus compescit proterviam: isto modo tantum est in Deo, videlicet appellatione, non proprietate. Ira Scripturam interpretatur Tertullianus ibidem l. 2. adversus Marcionem pag. 474. „ Miserandi vos quocumque cum populo, qui Christum non agnoscitis in persona Moisi figuratum, Patris deprecatores, & oblatorem animæ suæ pro populi salute. Sed sufficit, isti & Moisi propterea donatus est populus ad præsens, quod ut famulus postulare posset a Domino, id Dominus a se postulavit. Ad hoc enim famulo dixit: *Sine me & disperdam illos*, ut ille postulando, & semetipsum offerendo non fineret; atque ita disceres quantum liceat Fideli & Prophetæ apud Deum.

*Rursus insunt*. Malitia tribuitur ab ipsis Scripturis Deo: igitur ira de eo subjective dicitur. Probatur antecedens Jonæ 3. 10. *Pœnituit Dominum de malitia quam dixerat facturum se Ninivitis*.

*Respondeo* distinguendo. Malitia tribuitur Deo objective, hoc est, pœnam pro malitiæ peccato statuit, concedo; subjective & formaliter, nego. Hanc etiam propellit a Deo optimo calumniam Tertullianus ibidem pag. 471. his verbis: „ Dicimus denique malitiam nunc significari, non quæ ad naturam redigatur Creatoris quasi mali, sed quæ ad potestatem quasi Judicis, secundum quam erunt iavit: „ Ego sum qui condo mala, & ecce ego emitto in vos mala non peccatoria, „

sed



„ sed ultoria . . . ita quod iuste destinave-  
 „ rat, non male destinans, ex iustitia non  
 „ ex malitia destinavit, sed poenam ipsam,  
 „ malitiam nominavit ex malo & merito  
 „ passionis. „ Igitur Deus sanctus & opti-  
 „ mus, cuius quidem bonitatem ad solutio-  
 „ num omnium coronidem cum Tertulliano  
 „ delineare juvat, qui ibidem pag. 435. sic  
 „ loquitur: „ Interim mundus ex bonis om-  
 „ nibus consistit, satis prae monstrans quan-  
 „ tum boni pararetur illi, cui praeparatur  
 „ hoc totum. Quis denique dignus  
 „ incolere Dei opera, quam ipsius imago  
 „ & similitudo, eam quoque bonitas, &  
 „ quidem operantior operata est? non  
 „ imperiali verbo, sed familiari manu etiam  
 „ verbo blandiente prae misit: „ *Facia-*  
 „ *mus hominem ad imaginem & similitudi-*  
 „ *nem nostram.* Bonitas dixit, bonitas fin-  
 „ xit hominem de limo, in tantam sub-  
 „ stantiam carnis ex una materia tot qui-  
 „ litatibus exstructam. Bonitas inflavit  
 „ animam non mortuam, sed vivam: „  
 „ Bonitas praefecit universis fruendis atque  
 „ regnandis, etiam cognominandis: „ Boni-  
 „ tas amplius delicias adiecit homini, ut  
 „ quanquam totius orbis possidens, in a-  
 „ moenioribus moraretur, transiatus in  
 „ Paradisum, jam tunc de mundo in Ec-  
 „ clesiam eadem bonitas & adiutorium  
 „ propexxit, ne quid non boni: Non est  
 „ enim, inquit, bonum, solum esse ho-  
 „ minem. „

## SYNOPSIS PROBATIONUM.

*Deus est sanctus, immo & San-*  
*ctus Sanctorum.*

*Primo.* Habacuc. 3. habetur. *Deus ab*  
*austro veniet, & Sanctus de monte Pharan.*  
*Succinit Divus Bernardus, qui serm. 3.*  
*de gratia ait: „ Nemo sanctus, nemo bo-*  
 „ nus, nemo iustus, nisi solus Deus. . . .  
 „ quia per se est bonus. „

*Secundo.* Quia impeccabilis est, juxta  
 illud Habacuc 1. oraculum: *Mundi sunt*  
*oculi tui, ne videas malum, & respicere*  
*ad iniquitatem non poteris.*

*Tertio.* Deus vult solummodo bonum,  
 cuncta vero in eo egregie composita &  
 concinnata sunt: igitur sanctissimus.

SYNOPSIS RESPONSIONUM  
AD DIFFICULTATES.

*Primo.* Non semel quidem in Scripturis  
 sacris legitur malum a Deo prodire, sed  
 sermo est de malo poenae, non culpae.

*Secundo.* Neque Deus sibi contrarius di-  
 cendus est, tamen enim prohibet aliquid  
 fieri in sabbati die, hoc intelligi debet de  
 operibus servilibus; unde arcani foederis  
 circumferri voluit sabbato in expugnatio-  
 ne urbis Jericho, & hoc ad suae & potentiae  
 & iustitiae manifestationem.

*Tertio.* Quandoque punit peccatum pa-  
 trum in filiis, non quidem poenis aeternis,  
 si isti innocentes sint, sed temporaneis;  
 cum enim filius sit aliquid patris, reum  
 poenas luere in suis omnibus exigit iusti-  
 tia; ceterum poena parienti filio ad emen-  
 dationem prodesse potest.

*Quarto.* Passiones nullae sunt in Deo;  
 non poenitentia, non ira, non malitia;  
 & si quid simile de Deo dicitur, solum  
 obiective, nusquam vero subjective & for-  
 maliter praedicatur: Et vero, quia pater  
 offensus ab ingrato filio dolet de bonis da-  
 tis, & iuste iratus prodigum privat haereditate;  
 ita Deus iustus Iudex privat gloria  
 ingratos reprobos, non ira aut poeni-  
 tudine, sed iustitia; unde punitio ex mēte  
 Tertulliani dicitur poenitentia de bonis  
 prodigio distributis, & ira; nusquam vero  
 Deus aut poenitens, quasi mutabilis, aut  
 iratus, quasi exacerbatus.

## ARTICULUS SECUNDUS.

*Utrum Deus sit omnibus modis infinitus.*

**I**NFINITUM multiplex distinguitur: unum  
 in quantitate, ut si corpus foret ab-  
 lique terminis extensum; alterum virtute,  
 cum alicui inest potentia & vis cuncta faci-  
 endi & operandi: tertium in essentia,  
 & importat substantiam immanentem, atque  
 illimitatam: quartum in perfectione; pu-  
 ta si proprietates & attributum ita magnum  
 est, ut nec detur, nec possit dari maius:  
 quantum denique in duratione, primum  
 cum res ipsa mensuratur aeternitate. Nul-  
 la hic quaestio movetur de primo infinito,  
 non enim Deus corpus aut habet, aut  
 habere potest: igitur solummodo de ceteris  
 jam sit

## CONCLUSIO.

*Deus est omni modo non implicante imperfectionem infinitus.*

Probatur auctoritate & ratione.

Primo. *Ex Scriptura sacra.*

*Sanctus* Job cap. 4. vers. 7. mirum in modum delineat Dei infinitatem his verbis: *Forſitan veſtigia Dei comprehendēs, & uſque ad perfectum omnipotentem reperies: excelsior caelo eſt, & quid facies? profundior inferno, & unde cognoscēs? longior terra meſſura ejus, & laſior mari.* Psalm. 144. v. 3. *Magnus Dominus, & laudabilis nimis, & magnitudinis ejus non eſt finis.* Et Baruch. 3. v. 25. *Magnus eſt, & non habet finem.* Ergo, &c.

Secundo. *Ex Patribus.*

*Dionysius* de divinis nominibus, cap. 5. ait: "Deus non quovis modo est ens, sed simpliciter & infinitus, totum esse in se pariter complexus & anticipans." *Gregorius Nyſſenus* eandem propugnat fidem lib. 12. contra Eunomium. "Neque major, inquit, neque minor sit, vel accessione, vel decessione, quippe incrementum illud quod in majus sit in infinito locum non habet." *Augustinus* lib. medit. cap. 29. in quo quidem de Deo sic loquitur: "Illocalis, interminus, incircumscripſus, nusquam finitus." *Damasceus* denique l. 4. de fide, cap. 12. sic loquitur: "Videtur inter Dei nomina primas tenere qui est; totum enim in se ipso comprehendens, habet ipsum esse, veluti quoddam pelagus subſtantiæ, infinitum & indeterminatum," Ergo, &c.

Tertio. *Rationibus Theologicis.*

*Prima* petitur ex ipsa Dei essentia, quæ quidem in se infinita est propter multa, inquit D. Thomas lib. 1. contra gentes, cap. 43. 1. quidem, quia in nullo genere entis limitati invenitur, sed est super omnia. 2. Quia, non habet subſectum illa mirabilis essentia, unde illimitata est; forma enim limitatur a subſecto in quo recipitur; Deus autem non sustentatur; qui-

nimmo, ipse solo suo verbo sustentat omnia. 3. Quia in rebus finitis quædam sunt potentia tantum, quædam actus tantum: potentia autem non excedit actum; cum igitur materia sit potentia ad infinitas formas successive habendas; oportet ut Deus qui formas exhibet, sit omnibus formis creatis universalior, adeoque simpliciter infinitus. 4. Intellectus creatus nulla finita veritate satiatur, neque voluntas ullo bono finito dato quiescit: igitur datur veritas & bonitas infinita; non enim frustraneus debet esse appetitus rationalis: igitur Deus est infinitus. 5. Effectus nunquam excedit causam primam, immo nec ipsius exhaurit sæcunditatem, sed novæ creaturæ quotidie apparent: igitur datur causa in se infinita ex qua prominent; & ex qua possunt sine hinc promanare.

*Secunda:* Ille est infinitus qui omnes omnino habet perfectiones, nec ulla potest de novo recipere; atqui sic est Deus: & probatur ex Hilario qui in Psalm. 2. sic de Deo loquitur: "Nihil enim in æternum, nam illam & perfectam naturam novum incidit. . . . Deus autem beatus atque perfectus profectum non eget, cui nihil deest." Et ante Hilarium Iustinus q. 123. ad Orthodoxos. "Summe perfectum est id quod nulla in re accessionem vel incrementum potest accipere." Ratio vero cur Deus nihil accipere queat, ista asfertur, quia est ipsa sapientia, summum bonum, & omnia.

*Tertia:* Ille est infinitus cujus virtus est infinita & omnipotens: atqui Deus est omnipotens. Et probatur 1. ex Scriptura sacra. Ester 13. v. 9. *Domine Rex omnipotens, in ditione tua cuncta sunt posita.* Matth. 26. *Apud Deum omnia possibilia sunt.* Et Lucæ 1. 37. *Non erit impossibile apud Deum omne verbum.* Et Psalm. 112. v. 3. *Omnia quæcumque voluit fecit.* 2. Ex Patribus. *Aug.* Medit. 29. "O summe, inquit ad Deum, optime, omnipotentissime . . . omnia portans sine onere, omnia implens sine inclusione, omnia creans, protegens, nutriendum, proficiens: *Gregorius* l. 2. Moral. c. 12. "Deus, inquit, maior intra omnia, extra omnia, supra omnia, infra omnia, superior per potentiam." 3. Ratione. Quia est actus purus & simplicissimus; quanto magis autem virtus est unita, tanto fortior evadit: cum igitur Deus sit ipsa fortitudo & ipsa virtus, sequitur necessario eum esse omnipotentem, adeoque & infinitum.

Quarta

**Quarta :** Ille est infinitus qui est æternus : atqui Deus est æternus . Et probatur r. ex Scriptura . Daniel. 6. *Ipse est Deus vivens & æternus in secula* . Psalm. 101. *Tu autem idem ipse es . & anni tui non deficient* . 2. Ex Patribus Augustinus alludens ad verba David , ait : „ Anni tui nec „ eunt , nec veniunt , anni tui omnes firmul stant , nec euntes a venientibus excluduntur , quia non transiunt . „ Ita loquitur lib. 1. Confess. c. 13. & in eundem Psalm. 101. „ Nihil est in Deo præteritum , quasi non sit , nihil futurum , quasi nondum sit ; neque enim in Deo est nisi est , non autem fuit aut erit . „ Sed egregium est Tertulliani testimonium qui l. 1. contra Marcionem ait : „ Viva & „ germana Divinitas , nec de novitate , nec de vetustate , sed de sua veritate cœnitur . Deus , si est verus , non erit , si est novus , non fuit : Novitas initium testificatur , vetustitas finem comminatur : „ Deus autem tam alienus est ab initio & „ fuit , quam a tempore arbitrio & metatore initii & finis . „ Deus est ens quippe a se , prima omnium causa , ens necessarium , summum bonum ; si autem non esset æternus , foret ab alio , haberet causam supra se , immo & sui productivam ; posset esse & non esse : quippe qui non semper habuisset esse , haberet perfectiones ab alio qui esset ipso perfectior , siquidem nobilior esset dicitur quam accipere : igitur cum Deus sit ens a se , debet utique esse essentialiter æternus , ideoque infinitus . Hoc fidei dogma docet Concilium Lateranense extra de summa Trin. & fide Cath. his verbis : „ Firmiter credimus & simpliciter confitemur , „ quod unus solus est verus Deus , æternus , „ incommutabilis , &c. ....

**Quinta** est a consubstantialitate . Ille est infinitus qui non clauditur terminis neque in essentia , neque in perfectionibus , neque in virtute , neque in duratione , neque in locatione : atqui ex dictis manet Deum nullis cludi terminis in his omnibus capitibus , quandoquidem est infinitus in se , infinitus in perfectione , in virtute , in duratione & in locatione : ergo est simpliciter , & omnimode infinitus , immo ineffabilis , juxta illud Aug. lib. 7. de Trin. c. 4. „ Excedit supereminencia Divinitatis usitatis eloquii facultatem , verius „ enim cogitatur Deus quam dicitur , & „ verius est quam cogitatur . „

## SOLVUNTUR OBJECTIONES.

**Objicies 1.** Quæ dicuntur in Scriptura de infinitate Dei , dicuntur per exaggerationem , ut istud Psal. 144. v. 1. *Magnus Dominus & laudabilis nimis* . Si nimis magnus & laudabilis : ergo non infinite magnus ; qui enim est infinite magnus non potest latius & ultra metam laudari .

**Respondeo** distinguendo . Deus est nimis magnus respectu nostri , eo quod non possumus comprehendere ipsius magnitudinem , concedo ; respectu sui , nego . Igitur nimis non explicat excessum pro objecto , sed pro intelligente creato ; & ideo recte concluditur Deum esse infinitum , siquidem nimis magnus est , ut a creatura tantum laudetur , quantum ejus Majestati debetur .

**Instabis .** Infinitas prædicatur in Scriptura de rebus quæ non sunt infinitæ , v. g. Num. 32. v. 1. legitur : *Filii autem Ruben & Gad habebant pecora multa . & erant illis in jumentis infinita substantia* . Ergo a simili , quando Deus dicitur infinitus in Scripturis , hoc non debet intelligi simpliciter .

**Respondeo** negando pariter . Ubique enim Scriptura creaturæ dicuntur finitæ ; e contra vero Deus dicitur perfectus , æternus , &c. Quæ quidem omnia sine infinitate in substantia recte intelligi non possunt .

**Objicies 2.** Deus non est sua essentia : ergo non est natura infinitus . Probatur antecedens . Nemo est in se ipso ; sed si Deus foret sua essentia , esset in se ipso : igitur non est sua essentia . Confirmatur . Deus dicitur habere esse : igitur non est sua essentia .

**Respondeo** negando antecedens . Ad probationem distinguo . Nemo dicitur esse in semetipso , si de creaturis quæstio versatur , concedo ; si de Deo optimo maximo sermonem faciamus , subdistinguo : Non est in semetipso per receptionem , ita ut existentia recipiatur in essentia , tanquam in suo connaturali subjecto a quo limitetur & contrahatur , concedo ; per simplicem identitatem , nego . Deus non est in se ipso , sed est omnia .

**Ad confirmationem** distinguo . Deus dicitur habere esse secundum nostrum concipiendi modum , habere bonitatem , sapientiam , &c. concedo ; secundum rem , nego . Nulla quippe forma ei advenit ; sed ipse , ut jam diximus , est omnia : Quia vero propter nostri limitationem intellectus simplicia & divina concipimus ut composita creata : ideo dicimus Deum habere esse .

## CONCLUSIO.

*Deus est omni modo non implicante imperfectiorem infinitus.*

Probatur auctoritate & ratione.

*Primo. Ex Scriptura sacra.*

*Sanctus Job cap. 4. vers. 7. mirum in modum delineat Dei infinitatem his verbis: Forsitan vestigia Dei comprehendes, & usque ad perfectum omnipotentem reperies: excelsior caelo est, & quid facies? profundior inferno, & unde cognoscas? longior terra mensura ejus, & latior mari. Psalm. 144. v. 3. Magnus Dominus, & laudabilis nimis, & magnitudinis ejus non est finis. Et Baruch. 3. v. 25. Magnus est, & non habet finem. Ergo, &c.*

*Secundo. Ex Patribus.*

*Dionysius de divinis nominibus, cap. 5. ait: "Deus non quovis modo est ens, sed simpliciter & infinitus: totum esse in se pariter complexus & anticipans."*  
*Gregorius Nyssenus eandem propugnat fidem lib. 12. contra Eunomium. "Neque maior, inquit, neque minor sit, vel accessione, vel decessione, quippe incrementum illud quod in majus sit in infinito locum non habet."*  
*Augustinus lib. mediet. cap. 29. in quo quidem de Deo sic loquitur: "Illocalis, interminus, incircumscriptus, nusquam finitus."*  
*Damasceus denique l. 4. de fide, cap. 12. sic loquitur: "Videtur inter Dei nomina primas tenere qui est; totum enim in se ipso comprehendens, habet ipsum esse, veluti quoddam pelagus substantiae, infinitum & indeterminatum," Ergo, &c.*

*Tertio. Rationibus Theologicis.*

*Prima petitur ex ipsa Dei essentia, quae quidem in se infinita est propter multa, inquit D. Thomas lib. 1. contra gentes, cap. 43. 1. quidem, quia in nullo genere entis limitati invenitur, sed est super omnia. 2. Quia, non habet subiectum illa mirabilis essentia, unde illimitata est; forma enim limitatur a subiecto in quo recipitur; Deus autem non sustentatur; qui-*

*nimmo, ipse solo suo verbo sustentat omnia. 3. Quia in rebus finitis quaedam sunt potentia tantum, quaedam actus tantum: potentia autem non excedit actum; cum igitur materia sit potentia ad infinitas formas successive habendas; oportet ut Deus qui formas exhibet, sit omnibus formis creatis universalior, adeoque simpliciter infinitus. 4. Intellectus creatus nulla finita veritate satiatur, neque voluntas ullo bono finito dato quiescit: igitur datur veritas & bonitas infinita; non enim frustraneus debet esse appetitus rationalis: igitur Deus est infinitus. 5. Effectus nunquam excedit causam primam, immo nec ipsius exhaurit fecunditatem, sed novae creaturae quotidie apparent: igitur datur causa in se infinita ex qua prominent; & ex qua possunt sine fine promanare.*

*Secunda: Ille est infinitus qui omnes omnino habet perfectiones, nec ulla potest de novo recipere: atqui sic est Deus: & probatur ex Hilario qui in Psalm. 2. sic de Deo loquitur: "Nihil enim in aeternam nam illam & perfectam naturam novum incidit. . . . Deus autem beatus atque perfectus profectu non eget, cui nihil deest. . . . Et ante Hilarium Iustinus q. 123. ad Orthodoxos. "Summe perfectum est id quod nulla in re accessionem vel incrementum potest accipere. "Ratio vero cur Deus nihil accipere queat, ista affertur, quia est ipsa sapientia, summum bonum, & omnia."*

*Tertia: Ille est infinitus ejus virtus est infinita & omnipotens: atqui Deus est omnipotens. Et probatur 1. ex Scriptura sacra. Ester 13. v. 9. Domine Rex omnipotens, in ditione tua cuncta sunt posita. Matth. 26. Apud Deum omnia possibilia sunt. Et Lucae 1. 37. Non erit impossibile apud Deum omne verbum. Et Psalm. 113. v. 3. Omnia quaecumque voluit fecit. 2. Ex Patribus. Aug. Medit. 29. "O summe, inquit ad Deum, optime, omnipotentissime . . . omnia portans sine onere, omnia implens, sine inclusione, omnia creans, protegens, nutriendus, proficiens: Gregorius l. 2. Moral. c. 12. "Deus, inquit, manet intra omnia, extra omnia, supra omnia, infra omnia, superior per potentiam. 3. Ratione. Quia est actus purus & simplicissimus; quanto magis autem virtus est unita, tanto fortior evadit: cum igitur Deus sit ipsa fortitudo & ipsa virtus, sequitur necessario eum esse omnipotentem, adeoque & infinitum.*

*Quar-*

*Quarta* : Ille est infinitus qui est æternus : atqui Deus est æternus . Et probatur 1. ex Scriptura . Daniel. 6. *Ipse est Deus vivens & æternus in sæcula* . Psalm. 101. *Tu autem idem ipse es , & anni tui non deficient* . 2. Ex Parribus Augustinus alludens ad verba David , ait : „ Anni tui nec eunt , nec veniunt , anni tui omnes simul stant , nec euntes a venientibus excluduntur , quia non transeunt . „ Ita loquitur lib. 1. Confess. c. 13. & in eundem Psalm. 101. „ Nihil est in Deo præteritum , quasi non sit , nihil futurum , quasi nondum sit ; neque enim in Deo est nisi est , non autem fuit aut erit . „ Sed egregium est Tertullianii testimonium qui l. 1. contra Marcionem ait : „ Viva & germana Divinitas , nec de novitate , nec de vetustate , sed de sua veritate censetur . Deus , si est verus , non erit , si est novus , non fuit : Novitas initium testificatur , vetustas finem comminatur : Deus autem tam alienus est ab initio & fine , quam a tempore arbitro & metatore initii & finis . „ Deus est ens quippe a se , prima omnium causa , ens necessarium , summum bonum ; si autem non esset æternus , foret ab alio , haberet causam supra se , immo & sui productivam ; posset esse & non esse : quippe qui non semper habuisset esse , haberet perfectiones ab alio qui esset ipso perfectior , siquidem nobilior est dare quam accipere : igitur cum Deus sit ens a se , debet utique esse essentialiter æternus , ideoque infinitus . Hoc fidei dogma docet Concilium Lateranense extra de summa Trin. & fide Cath. his verbis : „ Firmi-ter credimus & simpliciter confitemur , quod unus solus est verus Deus , æternus , incommutabilis , &c. ....

*Quinta* est a conspectu . Ille est infinitus qui non clauditur terminis neque in essentia , neque in perfectionibus , neque in virtute , neque in duratione , neque in locatione : atqui ex dictis manet Deum nullis claudi terminis in his omnibus capitibus , quandoquidem est infinitus in se , infinitus in perfectione , in virtute , in duratione & in locatione : ergo est simpliciter , & omnimode infinitus , immo ineffabilis , juxta illud Aug. lib. 7. de Trin. c. 4. „ Excedit supereminenter Divinitatis usitati eloquii facultatem , verius enim cogitatur Deus quam dicitur , & verius est quam cogitatur . „

## SOLVUNTUR OBJECTIONES.

*Objicies* 1. Quæ dicuntur in Scriptura de infinitate Dei , dicuntur per exaggerationem , ut istud Psal. 144. v. 1. *Magnus Dominus & laudabilis nimis* . Si nimis magnus & laudabilis : ergo non infinite magnus ; qui enim est infinite magnus non potest latis & ultra metam laudari .

*Respondeo* distinguendo . Deus est nimis magnus respectu nostri , eo quod non possumus comprehendere ipsius magnitudinem , concedo ; respectu sui , nego . Igitur nimis non explicat excessum pro objecto , sed pro intelligente creato : & ideo recte concluditur Deum esse infinitum , siquidem nimis magnus est , ut a creatura tantum laudetur , quantum ejus Majestati debetur .

*Instabis* . Infinitas prædicatur in Scriptura de rebus quæ non sunt infinitæ , v. g. Num. 32. v. 1. legitur : *Filii autem Ruben & Gad habebant pecora multa , & erant illis in jumentis infinita substantia* . Ergo a simili , quando Deus dicitur infinitus in Scripturis , hoc non debet intelligi simpliciter .

*Respondeo* negando paritatem . Ubique enim Scriptura creaturæ dicuntur finitæ ; & contra vero Deus dicitur perfectus , æternus , &c. Quæ quidem omnia sine infinitate in substantia recte intelligi non possunt .

*Objicies* 2. Deus non est sua essentia : ergo non est natura infinitus . Probatur antecedens . Nemo est in se ipso ; sed si Deus foret sua essentia , esset in se ipso : igitur non est sua essentia . Confirmatur . Deus dicitur habere esse : igitur non est sua essentia .

*Respondeo* negando antecedens . Ad probationem distinguo . Nemo dicitur esse in semetipso , si de creaturis quæstio versatur , concedo ; si de Deo optimo maximo sermonem faciamus , subdividuo ; Non est in semetipso per receptionem , ita ut existentia recipiatur in essentia , tanquam in suo connaturali subjecto a quo limitetur & contrahatur , concedo ; per simplicem identitatem , nego . Deus non est in se ipso , sed est omnia .

*Ad confirmationem* distinguo . Deus dicitur habere esse secundum nostrum concipiendi modum , habere bonitatem , sapientiam , &c. concedo ; secundum rem , nego : Nulla quippe forma ei advenit ; sed ipse , ut jam diximus , est omnia : Quia vero propter nostri limitationem intellectus simplicia & divina concipimus ut composita : creata : ideo dicimus Deum habere esse .

esse . Sic respondet D. Thomas hic 1. p. q. 2. art. 3.

*Inflabis.* Quod continetur sub genere & specie, est finitum: atqui Deus continetur sub genere & specie: immo est in categoria substantiæ: ergo est finitum in natura. Confirmatur. Quod est individuum, est finitum: nam & ens determinatum esse dicitur: atqui Deus est individuum, & ens singulare: unum quidem in se & divinum a quolibet alio: igitur est individuum.

*Respondeo distinguendo.* Quod continetur proprie & univoce sub genere & specie, finitum est, concedo; quod continetur improprie, & tantummodo juxta nostrum concipiendi modum, nego. Deus est ens, sed in seipsum, sed a se: igitur & supra genus & speciem: omnia quippe dat se diffundendo ad extra, nihil vero recipit, immo nec recipere potest: igitur non est perfectibilis. Non sic lane creatura, & ideo constat genere & differentia, tanquam terminis quibus clauditur. Deus igitur non ponitur in categoria substantiæ. Hinc Aug. lib. 4. Confess. c. 6. ait: " Quid hoc mihi proderat, quoniam & oberat, tum etiam te, Deus meus, mirabiliter simplicem atque incommutabilem illis decem prædicamentis, putas quidquid esset, omnino comprehendum, sic intelligere conarer, quasi & tu subjectus es- ses magnitudini tuæ & pulcritudini, ut illa essent in te quasi in subjecto, sicut in corpore; cum tua magnitudo & pulchritudo tu ipse sis? fallitas enim erat quam de te cogitabam, non veritas & signamenta miseræ meæ, non firmamenta beatitudinis tuæ. "

*Ad secundum* distinguo. Deus est individuum per simplicitatem & irreceptibilitatem, concedo; per limitationem & receptibilitatem in subjecto, nego. Aliquid potest dici individuum dupliciter: primo, per simplicitatem & plenitudinem: alio modo, per limitationem. Deus est primo modo individuum, & tanto magis unum ens, & a quolibet divinum, quanto magis est super omnia, ita ut creatura illum perfecte aut attingere aut æquare non valeat; illa quippe est individuum in secundo tantum sensu: unde non plenitudinem entis, sed portionem tantaxat habet.

*Inflabis.* Deus non habet omnis generis perfectiones: igitur non est infinitus in perfectionibus. Probat per antecedens. Non habet fidem, non rationalitatem: ergo, &c.

*Respondeo distinguendo.* Non habet per-

fectiones simpliciter simplices, nego. Perfectiones quæ aliquem important defectum, subdistinguo: Non habet formaliter & denominative, concedo; eminenter, nego. Eas vocamus cum Divo Anselmo perfectiones simpliciter simplices quæ nullam involvunt tum in realitate tum in conceptu ullius defectus labem, ut bonitas, sapientia, & similes: verum quædam sunt non ab omni immunes defectu, ut fides, spes, illa enim est argumentum rerum non apparentium, ista vero respicit bonum futurum. Perfectiones primi generis sunt in Deo formaliter, & de eodem prædicantur; dicitur quippe & bonus & sapiens: Secundi vero generis nonnulli eminenter habet. Et vero neque fides, neque spes, neque etiam ratio in Deo esse possunt; verumtamen hæc omnia eminenter continet: fidem quidem, namque visio comprehensiva quam de sua habet essentia, omne humen creatum in immensum excedit: spem vero, non enim desiderio solum, sed realitate, omne possidet bonum, immo est ipse summum bonum & omnia. Denique vi suæ intelligentiæ cuncta novit, penetrat rerum essentias, ipsa scrutatur corda, mentis humanæ & angelicæ rimatur cogitationes.

*Persfices.* Deus est, dicitur summum bonum: igitur & limitatum, adeoque non omne & infinitum bonum. Probat per consequentiam. Ubi est summum, ibi est magis & minus; sed ubi est magis & minus, ibi est terminus & circumscriptio: ergo, &c.

*Respondeo distinguendo.* Deus summum vocatur bonum relative ad creaturas, concedo; respectu sui, nego antecedens & consequentiam. Omnia in Deo sunt Deus, ipse vero est omnia: unde magis & minus neque reperiuntur, neque dicuntur de Deo in se considerato.

*Rursus inflabis.* Infinitum & finitum sunt proprietates quantitatis; sed Deus non est quantus: ergo consequenter nec infinitus.

*Respondeo distinguendo.* Infinitum syncategorematicum est quantitatis proprietas, concedo; categorematicum, nego. Duplex distinguimus cum Philosophis infinitum: unum syncategorematicum, quod in ea potissimum consistit quantitate, cujus partes in novas semper absque termino dividi possunt alterum vero categorematicum; & illud censetur quod partes habet actu infinitas. Infinitum primo modo spectatum sequitur ad quantitatem, namque vero alterum. Ceterum Deus non est infinitus infinitate molis, sed infinitate naturæ & virtutis.

*Inflabit adhuc*. Deus non est æternus: igitur nec infinitus. Probatur antecedens. Est extra æternitatem, juxta illud Exod. 3. Dominus regnabit in æternum; & ultra. Ergo, &c.

*Respondeo* negando antecedens. Ad probationem distingo. Deus est extra æternitatem sumptam pro Duratione creata, videlicet pro continua annorum usque ad consummationem sæculorum serie, concedo; extra æternitatem absolutam quæ durationem importat interminatam a parte ante, & inrerminabilem a parte post, nego. Sensus igitur Scripturæ ille est: Dominus regnabit in æternum & ultra, idest, regnabit semper usque ad consummationem sæculi, nam & sine fine regnabit: Et regni ejus non erit finis, inquit Daniel. Unde est æternus, & a parte ante, & a parte post.

## SYNOPSIS PROBATIONUM.

*Deus est infinitus simpliciter.*

*Primo*. Ita habetur Psal. 144. Magnus Dominus, & laudabilis nimis, & magnitudinis ejus non est finis. Unde B. Aug. 1. Medit. c. 29. ait de Deo: " Illocalis, in- terminus, incircumscriptus, nusquam finitus. "

*Secundo*. Quia Deus est omnia, & nullis clauditur terminis.

*Tertio*. Quia est independens; unde nullis subjicitur vel temporum, vel locorum, vel virtutis creatæ angustis.

## SYNOPSIS SOLUTIONUM

### AD OBJECTIONES.

*Primo*. Deus dicitur laudabilis & magnus nimis: Ergone per exaggerationem? Nullo modo: Sed propter ejus incomprehensibilitatem.

*Secundo*. Verum est nullam creaturam esse suam essentiam; nulla quippe est in se infinita, non sic sane de Deo ratiocinandum est: est ipsum esse & vivere; quinimo sibi ipsi est thronus, & omnia, inquit Tertullianus.

*Tertio*. Infinitum syncategorematicum est quidem quantitatis proprias; sed non categorematicum, & quod est per se, & simpliciter tale.

## ARTICULUS TERTIUS.

*Utrum Deus sit immutabilis.*

### CONCLUSIO.

*Deus est immutabilis.*

*Probatur auctoritate & ratione.*

*Primo ex Scriptura sacra.*

**N**UM 23. v. 19. Non est Deus quasi homo ut mentiat; nec ut filius hominis ut mutetur. Dixit ergo, & non faciet? locutus est, non implebit? 1. Reg. 15. v. 29. Porro Triumphator in Israel non parces, & penitentie non stectetur, neque enim homo est, ut agat penitentiam. Psal. 101. v. 27. & 28. de cælis & de Deo loquens Propheta ait: Ipsi peribunt, tu autem permanes. Isaia 24. v. 10. Consilium meum stabit, & omnis voluntas mea fiet. Quid plura? Deus ipse Malach. 3. v. 6. ait: Ego Dominus & non mator. Unde Jacobi 1. v. 17. Apud quem non est transmutatio, nec vicissitudinis obumbratio. Ergo, &c.

*Secundo ex Patribus.*

*Hilarius Pictaviensis* in Psal. 2. ait de Deo " De mutatione non novus est qui origine caret, ipse est, qui quod est, non aliter unde est; in se est, ad se est, suis ipse est, & ipse sibi omnia.

*Maximus* apud Euthymium, ex hujus Panoptia Græci. " Nihil eorum quæ sunt a se ipso agitur; quod autem a se ipso non agitur, causa non caret, quod autem causa non caret, neque est immobile. " Porro naturalis motus omnis principium, est eorum ortus quæ moventur: principium autem ortus eorum quæ moventur, est Deus. " Vult omnia ille pater mutari, quia moventur de potentia ad actum, oriri & interire, Deum autem immotum cuncta movere. Unde ibidem titulo 3. c. 27. " Deus, ut qui ipsa est existentia & bonitas ipsa, & ipsa sapientia; vel super hæc omnia potius, nihil habet omnino contrarium. . . Res autem creatæ habent contrarium, nempe quod est esse & non esse; habilitati vero, quæ inest illis ad bonitatem. " Deum immutabilem esse contendit, eo quod non habeat contrarium; creaturas vero

propter rationem oppositam, mutabiles esse asserit.

S. *Augustinus* Medit. 29. "Immutabilis omnia mutas." Et Tract. 4. in 1. Joan. 37. Mutari nescit, nulla ex parte corrumpitur, nec proficit, quia perfectum est; nec deficit, quia æternum est. "Nihil potest ex Aug. substantiale advenire Deo, sed neque accidentale; & ideo immutabilis est. Et iterum idem Aug. l. 2. de lib. arb. c. 17. "Nihil enim autem in Deo, quia nihil mutabile aut amissibile."

S. *Chrysostomus* explicans illa verba Psal. 191. Tu autem idem ipse es, & anni tui non deficient, ait: "Tu vero immobilem habes naturam, & mutationem præstantiorem."

S. *Cyrillus* l. Thef. 13. pag. 127. "Neque enim idem esset, scilicet Deus in aliud quippiam quam esset, mutari posset."

S. *Gregorius* l. 12. Moral. c. 17. "Quia, inquit, in Deo mutabilitas non venit, nulla ejus lumen umbra vicissitudinis intercedit."

*Gregorius Nazianzenus* oratione 34. pag. 540. "Compositio pugnae initium est; pugna autem discidium, discidium solutionis: solutio porro nullo modo in Deum, ac primam illam naturam cadit. Quocirca nullum discidium admittendum est, ne solutio consequatur; nec pugna, ne discidium oriatur; nec compositio, ne pugna existat." Et quia in Deo non est pugna, ideo nec alteratio & mutabilitas. *Rabanus* in primo de universitate, pag. 57.

"Simplex dicitur, sive non amittendo quod habet, seu quia non aliud est ipse, & aliud quod in ipso est: ideo immutabilis, quia non accipit esse."

His omnibus accedit *Richardus Victorius* l. 2. de Trin. c. 4. "Qui increatus & sempiternus est, caret initio & fine; & ejus status invariabilis est, manet abique omni mutabilitate."

### Tertio. Ratione multiplici.

*Prima*: Qui caret fine & initio tum in esse, tum in perfectionibus, nequit mutari: atqui ex *Hilario* Deus caret fine & initio tum in esse, tum in perfectionibus: igitur stabilis est, & mutari non potest.

*Secunda*: Qui nihil potest recipere, qui nec augmentum vel decrementum pati potest, ille est immutabilis: atqui ex Aug. Deus nihil potest recipere, nequidem for-

mam accidentalem, neque aliquid deperdere, quia ex eodem est suum esse: igitur est immutabilis.

*Tertia*: Qui nihil habet contrarium, nequit mutari & vicissitudini subijci; nam mutatio evenit in creaturis ex altercatione: atqui ex *Gregorio Nazianzeno*, Deus non habet contrarium, non est in eo pugna: igitur nec mutatio.

*Quarta*: Quod est primum ens & prima causa, debet esse immutabile, inquit D. Thomas hic. 1. part. quest. 9. a. 1. nam primum ens est actus purus, unde non est in potentia ad aliquid: prima causa movet & non movetur, alias non foret prima causa; quod enim movetur, secundum aliquid manet, & secundum aliquid transit: unde semper ab alio moveri potest; sed Deus, ut dictum est supra, est primum ens & prima causa: igitur & immutabilis.

*Quinta*: Qui est summum bonum, a quo cætera bona promanant, debet esse immutabilis: alias si moveretur, aliquam profecto acquireret perfectionem quam non haberet, & sic non esset summum bonum: atqui Deus est summum bonum: ergo est immutabilis; & hoc sequitur ex eo quod sit infinitus & æternus.

### SOLVUNTUR OBJECTIONES.

*Objicies* 1. Qui movetur de loco ad locum, est mutabilis; atqui Deus sic movetur, juxta illud Gen. 4. 7. Venite igitur, descendamus & confundamus ibi linguam eorum. Ergo, &c.

*Respondeo* distinguendo. Qui movetur & vere & per se de loco ad locum, est mutabilis, concedo; qui movetur solum improprie & per alium, nego. Moises in aliis verbis explicat operationem Dei humino modo, ut melius capiamus effectum confusionis linguarum. Præterea dicitur Deus in Gen. loqui per Angelum qui illum representabat.

*Oppones* 2. Sapientia secundum Scripturam sacram, omnibus mobilibus mobilior est; sed illa sapientia est Deus: ergo Deus est mutabilis.

*Respondeo* distinguendo. Sapientia divina est mobilis terminative & efficienter, concedo; formaliter & subjective, nego. Nihil quippe Deus potest recipere, unde est solum efficienter mobilis, in quantum immutat omnia.

*Objicies* 3. Ille est mutabilis qui suam immutat sententiam: atqui Deus sic fecit, juxta



juxta Iſaïæ narrationem c. 38. 1. ubi immutato mortis Decreto adverſus Ezechiam Regem lato, adjeſcit illi quindecim vitæ annos. Simile quicquam & affine legitur Jonæ 2. Cum enim promptam & veram egiſſent Ninivitæ pœnitentiam, immutavit Deus latam contra eos mortis ſententiam. Ergo, &c.

*Reſpondeo* diſtinguendo. Et utrumque Decretum erat conditionatum: ſuppoſito ſcilicet quod Ezechias & Ninivitæ non egiſſent pœnitentiam, brevi moriturum Ezechiam, & Ninivitas deſtruendum eſſe ſtatutum erat, concedo; & non erat, nego. Porro Decretum mortis conditionatum ſuſpenſum manet eo ipſo quo peccator agit pœnitentiam, qua tamen non poſita, ſtatuatur Deus vindictam ſumere ex ejus peccatis; non enim Deus vult mortem peccatoris, ſed magis ut convertatur & vivat. Cum igitur Ezechias & Ninivitæ juſtitiæ divinx pœnitentiam agendo fecerint ſatis, non mirum ſi Deus eos vivere voluerit.

*Obijeſ* 4. Qui appropinquit ad aliquem locum ubi non erat, proſecto mutari cenſetur: atqui Deus quandoque ſic ſe gerit erga peccatorum pœnitentem, juxta illud D. Jacobi 4. *Appropinquate Deo, & appropinquabit vobis.* Ergo, &c.

*Reſpondeo* diſtinguendo. Deus appropinquat nobis per donorum largitionem, concedo; aliquid recipiendo, nego. Deus eſt ubique præſens; ſed ſit præſens modo ſpeciali dando gratiam juſtificationis. Sicut ergo radius ſolaris intrando in cubiculum, inquit D. Thomas hic q. 9. a. 1. ad tertium, non acquirit novam ſubſtantiam, ſed immutat cubiculum, videlicet illuminando quod non erat illuminatum: pari & non abſimili ratione mutatio tota ſe tenet ex parte peccatoris qui de novo illuminatur a Deo.

*Obijeſ* 5. Ille movetur per ſui mutationem qui tranſit de potentia ad actum: atqui Deus in creatione, v. g. tranſivit de potentia ad actum, ſiquidem antea non operabatur in creaturis; in productione vero mundi incepit operari in eis, juxta illud Gen. 1. v. 1. *In principio creavit Deus celum & terram.* Ergo de ſaſto Deus movetur mutatione ſui; unde Aug. 1. 8. ſuper Gen. c. 20. dicit: "Spiritus Creator movet ſe." Ergo, &c.

*Reſpondeo* negando minorem. Ad probationem diſtinguo. Deus qui ante non erat Creator, poſtea factus eſt Creator, ſuam extendendo operationem ad creaturas, concedo; aliquid dependendo vel recipiendo,

nego. Sicut lux lucens in cubiculo, ſi nova ibi adhibeantur corpora, ſe extendit ad illa de novo illuminanda, abique eo quod aut creſcat, aut minuat; ita a ſortiori Deus immotus immutat omnia per ſolam ſuæ operationis extensionem ad reſtiminum de novo producendum. Ita Aug. 1. 2. de Civ. Dei, c. 17. "Nec affici, *inquit*, dicendum eſt, tanquam in ejus natura fiat aliquid. . . novit quicquid agere, & agens quieſcere. . . Eodem prope modo loquitur in libello ad Commemoratorium Oroſii, c. 8. "Facta enim, quando eſſent antequam facta eſſent; ſed in Dei ſapientia omnium faciendarum rerum rationes eſſe potuerunt, non tamen factæ. Ad ſecundam confirmationem, diſtinguo. Deus movetur, ſed in eo ſolum ſenſu quo operatio dicitur motus, concedo: quatenus operatio importat in agente mutationem, nego. Solutio eſt D. Thomæ hic q. 9. art. 1. ad primum. Eſt utrique genuinum Auguſtini ſenſus qui ibidem de Deo loquens, ſubdit: "Movet ſe nec per tempus, nec per locum."

*Inſiſtis.* Ubi eſt prius & poſterius, ibi eſt mutatio: atqui in creatione eſt prius & poſterius, ſiquidem antea non creabat Deus, & poſtea, ut dictum eſt, factus eſt Creator: igitur mutatus eſt in creatione, non ſolum extrinſece, & ex parte termini, verum etiam intrinſece, & ex parte ſui.

*Reſpondeo* diſtinguendo majorem. Ubi eſt prius & poſterius aliquid vel recipiendo vel patiendo, ibi eſt mutatio, concedo. Ubi eſt ſolum prius & poſterius extrinſece tantum, nego. Igitur operatio Dei eadem in ſe manens incipit in tempore ſe extendere ad creaturas; unde prius & poſterius totum ſe tenet ex parte creaturæ, & ſenſus eſt: Creatura quæ antea non erat, in tempore incepit eſſe: igitur actio Dei incepit in tempore immutare creaturas quas ante non pertingebat, & hoc nihil acquirendo. Similiter & in eis deſinit operari nihil dependendo; eo prope modo quo radius ſolaris nihil de ſua perdidit ſubſtantia, cum ceſſat ſe extendere ad cubiculum ubi erat prius. Egregia hæc explicatio eſt D. Aug. 1. 12. de Civ. Dei, c. 17. "Potest, *inquit*, ad opus novum, non novum ſed ſempiternum adhibere conſilium, nec pœnitendo quia prius ceſſaverat, cœpit facere quod non fecerat; ſed & prius ceſſavit, & poſterius operatus eſt. . . hoc procul dubio quod dicitur prius & po-

„stiorius, in rebus prius non existentibus,  
 „ & posterius existentibus fuit; in illo  
 „ non alteram præcedentem altera subse-  
 „ quens mutavit aut abstulit voluntatem;  
 „ sed una eademque sempiterna & immu-  
 „ tabili voluntate, res quas condidit, &  
 „ ut prius non essent, egit quoad non  
 „ fuerunt, & ut posterius essent, quan-  
 „ do esse coeperunt.”

*Rursus instabis.* Ille est mutabilis de quo  
 nova prædicantur: atqui de Deo prædi-  
 cantur nova. Et probatur. Prædicatur  
 quod sit Creator; ante vero mundum con-  
 ditum non erat: sicut ergo Pater non di-  
 citur Pater absque sui mutatione, ita nec  
 debet Deus dici Creator, &c.

*Respondeo* distinguendo. Si prædicantur  
 nova per formam absolutam adventitiam,  
 concedo; si per denominationem intrinse-  
 cam fundatam in relatione solius rationis  
 in Deo, & reali atque intrinseca in ter-  
 mino tantum, nego. Deus quidem deno-  
 minatur intrinsece Creator, sed per pu-  
 ram relationem extrinsecam fundatam in  
 actione reali & intrinseca qua creaturam  
 immutavit: per relationem vero intrinse-  
 cam creaturæ dependentis ad se ipsum,  
 unde tota mutatio se tenet ex parte ter-  
 mini actionis creativæ. Hanc solutionem  
 non obscure tradit D. Augustinus l. 5. de  
 Trin. c. 15. his verbis: „Quamvis tem-  
 „ poraliter de Deo incipiant dici, non ta-  
 „ men ipsi substantiæ Dei accidisse ali-  
 „ quid, sed illi creaturæ ad quam dici-  
 „ tur, . . . temporaliter dici incipit Deus,  
 „ quod antea non dicebatur, manifestum  
 „ est relative dici: non tamen secundum  
 „ accidens Dei, quod ei aliquid acciderit;  
 „ sed plane secundum accidens ejus ad  
 „ quod dici aliquid Deus incipit relati-  
 „ ve.”

*Urgebis.* Verbum caro factum est, assu-  
 mendo quod non habebat: igitur & muta-  
 tum fuit: igitur Deus est mutabilis.

*Respondeo* distinguendo. Verbum caro fa-  
 ctum est, terminando humanitatem, illam  
 scilicet ad suam subsistentiam attrahendo,  
 concedo; aliquid in se recipiendo, subdi-  
 stinguo: extrinsece, concedo; intrinsece,  
 nego. De hac vero difficultate fusius re-  
 dabit sermo in tractatu Incarnationis. Un-  
 de nego consequentiam.

## SYNOPSIS PROBATIONUM.

*Deus est immutabilis.*

*Primo.* Sic legitur Malach. 3. Ego Domi-  
 nus, & non mutor. Aug. Med. 29. „In-  
 „ mutabilis omnia mutans.

*Secundo.* Quia nihil potest aut acqui-  
 re aut deperdere.

*Tertio.* Quia caret initio & fine tum in  
 duratione, tum in perfectionibus.

## SYNOPSIS RESPONSIONUM

AD DIFFICULTATES IN CONTRARIUM.

*Primo.* Deus incepit esse in tempore  
 Creator, immo & Dominus: sed quomo-  
 do? suam extendendo operationem ad crea-  
 turam de novo productam, & sane nihil  
 aut acquirendo aut deperdendo.

*Secundo.* Sapientia Dei dicitur omnibus  
 mobilibus mobilior, sed causaliter & effe-  
 ctive, quatenus cuncta movet, nusquam  
 vero formaliter.

*Tertio.* Verum est utique Deum aliquam  
 recipere denominationem; dicitur enim in-  
 trinsece Creator, cum aliquid ens produ-  
 cit, sed illam habet per relationem tan-  
 tum extrinsecam in se, & intrinsecam in  
 creaturam mutata.

## ARTICULUS QUARTUS.

*Utrum Deus sit immensus?*

**D**UO occurrunt explicanda circa Dei  
 immensitatem. Primum quidem: An  
 Deus sit ubique. Secundum vero: Quo-  
 modo sit ubique, & qua ratione, pro quo-  
 rum resolutione sit.

## CONCLUSIO PRIMA.

*Deus est ubique.*

Probatur auctoritate & ratione.

*Primo.* Ex Scriptura sacra.

Scriptum est Deut. 4. v. 39. Scitote ergo  
 bodie, & cogitate in corde tuo, quod Domi-  
 nus ipse sit Deus, in celo sursum, & in ter-  
 ra deorsum. 3. Reg. 8. v. 7. Caelum, in-  
 quit Rex Salomon, ad Deum, & caeli, cae-  
 lorum

terum te capere non possunt, quanto magis domus quam edificari? Job. 7. v. 7. Excelsior caelo est . . . profundior inferno . . . longior terra . . . lator mari. Unde Propheta Regius Psalm. 138. v. 7. ait: Quo ibo a spiritu tuo, & quo a facie tua fugiam? si ascendero in caelum, tu illic es; si descendero in infernum, ades. Item Isaia 66. v. 1. Hæc dicit Dominus, caelum sedes mea, terra autem scabellum pedum meorum. Rursus Jerem. 23. v. 24. Ait Dominus, caelum & terram ego impleo. Quid plura? Matth. 5. v. 34. habetur: Ego, inquit Christus, dico vobis non jurare omnino, neque per caelum, quia thronus Dei est, neque per terram, quia scabellum est pedum ejus. Actuum 7. v. 48. Sed, inquit Stephanus, non Excelsus in mansuetudinis habitat, sicut Propbeta dicit: Caelum mihi sedes est, terra autem scabellum pedum meorum. Ergo ex his omnibus liquet Deum esse ubique.

## Secundo. Ex Patribus.

Theophilus Antiochenus agmen ducet, l. 2. ad Autholicum sic loquitur: "Cum Dei proprium hoc sit, non solum ubique esse, sed etiam intueri omnia & audire."

Clemens Alexandrinus accedit 6. Stromatum, pag. 475. his verbis: "Scitote igitur unum esse Deum, qui omnium rerum initium est molitus, ac finem habet in potestate; quique minime aspectabilis aspiciat omnia: non comprehensus omnia comprehendit."

Origenes hom. 12. in Gen. similia prope dicit: "Nonne, inquit, ubique est Deus? nonne ipse dixit? Caelum & terram ego repleo."

Arnobius in sexto adversus gentes ait: "Hoc est proprium Deorum complere omnia vi sua, non partialiter usquam, sed ubique esse totos."

Athanasius in l. contra Sabellii gregales, suum addit calculum. "Ita complet omnia ut non cum exigua creatura extensus adequetur." Et Epist. ad Serapionem. "Sed impleat omnia, manens extra omnia. Sic enim scriptum est: Spiritus Domini replevit orbem terrarum."

Hilarium aliis pro hoc momento subscribit l. 2. de Trin. "Quia Deus invisibilis, incomprehensibilis, immensus est, ait Dominus venisse tempus, ut non in monte vel in templo Deus sit adorandus, quia Deus spiritus est: & spiritus nec circumscribitur, nec tenetur,

qui per naturæ suæ virtutem ubique est, nec usquam abest, in omnibus omnibus exuberans."

Cyrillus sequitur Hilarium, nam Catechesi 6. de Deo, ait: "In loco minime definitus, sed locorum opifex, in omnibus existens, & a nullo circumscriptus."

Basilius in Evang. Joan. etiam sic discurrit. "Neque Pater in loco, neque filius in circumscripta aliqua, vel definita regione continetur; sed immensus est . . . quodcumque spiritu pervaseris, id ipsum reperies Deo plenum, ubique simul extensum, hypostasim reperies Filii."

Chrysostomus in Psalm. 112. ad hæc verba: Quis sicut Dominus Deus noster qui in altis habitat, sic scribit: "Ostendens ubique Deum esse & illic & hic: Non enim

tanquam aliquis in caelo conclusus eminus videt quæ sunt in terra, sed ubique præsens, & omnibus assilens." His adde Gregorium Nazianzenum orat. 34. Gregorium Nyssenum in l. Catechetico.

S. Hieronymus in comm. Isaia, ad caput 66. & in comm. epist. ad Ephesios, ait: "Deus ubique."

Ambrosius tract. de Symb. Apost. c. 22. sic effatur: "Omnipotens Deus omnem credendus est penetrare & implere locum."

Augustinus suffragatur medit. 29. "Omnia portans sine onere, omnia implens sine inclusione." Et ex professo epist. 7. & 50. His adde Fulgentium l. contra sermonem Fastidiosii c. 4. Petrum Chrysologum serm. 67. & alios. Ergo, &c. D. Thomas hic 1. p. q. 8. art. 1. 2. 3. & 4. ex professo nostram docet conclusionem.

## Tertio. Ex ipsis Philosophis &amp; Poetis profatis.

Pythagoras Philosophus, inquit Salviandus l. 5. de gubernatione Dei post Minutium Felicem de natura ac beneficiis Dei discurrens, sic locutus est: "Animus est Deus per omnes mundi partes commensans atque confusus, ex quo omnia quæ nascuntur animalia vitam capiunt."

Orpheus in versibus quos refert Cyrillus Alexandrinus lib. 1. in Julianum, ipse, inquit, in caelo aethereo stabilis sedet, aureo in solio, terræ autem pedibus insistit, & manum dextram ad fines Oceani.

Virgilius Georg. 4.

... Deum

*omnes*  
Deum, inquit, ire per  
Terraſque, traſuſque maris, columque  
profundum.

Seneca l. de beneficiis, c. 8. sic loquitur de ſupremo Numine. "Quocumque te flexeris, ibi illum videbus occurrentem" tibi, nihil ab illo vacat, opus ſuum implet. "Thales, a Ariſtotele teſte, l. 1. de anima, c. 5. dicit Diis plena eſſe omnia. Ergo, &c.

Quarto. Ex ratione, eaque multiplici,  
ex Divo Thoma deſumpta.

Prima ſic exponitur. Omne agens eſt ubi operatur; ſed Deus operatur ubique, tum producendo entia, tum eidem conſervando: namque conſervatio eſt iterata productio: ergo Deus eſt ubique. Ita D. Thomas hic 1. p. q. 8. a. 1. "Dicendum quod Deus eſt in omnibus rebus, non quidem ſicut pars eſſentia, vel ſicut accidens, ſed ſicut agens adest ei in quod agit. Oportet enim omne agens conjungi ei in quod immediate agit, & ſua virtute illud contingere, &c."

Secunda. Corpus quantum eſt in loco ubi extenditur, ita ut ſi quantitas ipſius eſſet infinita, repletet omnia ſpatia; ſed virtus Dei ſe habet ad totum mundum, ut quantitas corporis ad locum, & eſt infinita: ergo omnia attingit loca: igitur Deus eſt ubique. D. Thomas tertio contra gentes, cap. 68. iſtam adducit rationem.

"Omne quod eſt in loco vel in re quacumque, aliquo modo contingit illam; res enim corporea eſt in loco ſecundum contactum quantitatis dimenſivæ; res autem incorporea in aliquo eſſe dicitur ſecundum contactum virtutis, cum careat dimenſiva quantitate: ſic igitur ſe habet res incorporea ad hoc quod ſit in aliquo per virtutem ſuam, ſicut ſe habet res corporea ad hoc quod ſit in aliquo per quantitatem dimenſivam: Si autem eſſet aliquod corpus habens quantitatem dimenſivam infinitam, oporteret illud eſſe ubique: ergo ſi ſit aliqua res incorporea habens virtutem infinitam, oportet quod ſit ubique. Oſtenſum autem in primo Deum eſſe infinite virtutis, eſt igitur ubique."

Tertia. Movens & motum ſunt ſimul; ſi enim movens non tangeret motum, nihil moveretur; ſed omne quod movetur,

a Deo movetur, quia Deus eſt primus motor; nec agit, mediante aliqua virtute a ſe diſtincta, ut creatura, ſed immediate, ſiquidem eſt virtus ſua: igitur Deus eſt ubique; nam creatura ab eo ubique movetur. D. Thomas ibidem. "Movens enim & motum oportet ſimul eſſe... Deus autem omnia movet ad ſuas operationes... eſt igitur in omnibus rebus."

Quarta: Deus eſt ens incircumſcriptum, nec clauditur terminis ſive temporum, ſive locorum; ſed ſi non eſſet ubique, circumſcriberetur, & clauderetur terminis: Ergo, &c.

Quinta: Deus continet & implet omnia, inquit Auguſtinus: ergo eſt ubique.

## CONCLUSIO SECUNDA.

Ratio formalis qua Deus eſt ubique,  
eſt ejus operatio.

Probatur auctoritate & ratione.

Primo. Ex Scriptura ſacra.

Habetur Iſaia 26. Opera noſtra operatus eſt in nobis, Domine. Item Aſ. 17. v. 27. Non longe eſt, inquit Paulus, ab unoquoque noſtrum, in ipſo enim vivimus, movemur & ſumus. In his & ſimilibus ſententiis Scriptura repetit ab operatione præſentiam Dei in rebus creatis: ergo &c.

Secundo. Ex Patribus.

Auguſtinus l. 4. de Gen. ad litt. c. 13. ait: "Creatoris potentia & omnipotentis atque omnitenentis virtus, cauſa ſubſiſtendi eſt omni creatura." Ibid. "Non ob aliud ſumus in ipſo, niſi quia id operatur." Rufus l. de cog. verit. ait: "Sicut lumen lucernæ in oculis omnium aſtantium totum lucet, & in ſe ipſo totum manet, non a ſe ipſo recedit, ut ad præſentes perveniat, ſic Deus ubique & in omnibus eſt totus, & in ſe ipſo perminat totus, & a ſe non recedit, ſed cuncta in ſe colligit."

Anſelmus eodem modo opinatur in Monolog. c. 22. ait: "Quoniam nihil ſine Deo poteſt aut eſſe aut conſervari, dicere cogimur Deum ubique & ſemper eſſe." Divus Thomas hic 1. p. q. 8. a. 1. 2. & 3. probat ex profeſſo Dei præſentiam in creaturis per operationem. Sic loquitur art. 1. "Deus eſt in omnibus rebus, non quidem ſicut

sicut pars essentiae, vel sicut accedens, sed sicut agens adest ei in quod agit: oportet enim omne agens conjungi ei quod mediate agit, & sua virtute illud contingere: Unde in 7. Physic. probatur quod motum & movens oportet esse simul. Cum autem Deus sit ipsum esse per suam essentiam, oportet quod esse creatum sit proprius effectus ejus, sicut ignis est proprius effectus ipsius ignis. Hinc autem effectum causat Deus in rebus non solum quando primo esse incipiunt, sed quandiu in esse conservantur; sicut lumen causatur in aere a sole, quandiu aer illuminatus manet. Rursus ibidem art. 2. Deus, inquit, est in omni loco, quod est esse ubique. Primo quidem, sic est in omnibus rebus, ut dans esse & virtutem & operationem. „

## Tertio. Ex ratione.

*Prima.* In tantum Deus est praesens, in quantum vel increat vel implet mundum, vel nutrit aut pericit creaturas; sed haec omnia fiunt per operationem Dei qui omnem creaturam replet benedictione; creatio enim, impletio, nutritio, sunt actiones: ergo ratio formalis qua Deus est in loco, est operatio ejus ad extra quae vocatur immanens & virtualiter transiens: immanens quidem, quatenus est in ipso; transiens vero, cum producat aliquid ad extra. Probitur major ex Divo Aug. qui medit. 29. de Deo sic loquitur: „Semper agens, semper quietus, colligans & non egens, omnia portans sine onere, omnia implens sine inclusione, omnia creans, protegens, nutriendi & proficiens. „

*Secunda.* Qui est in rebus per potentiam, illas suo subiectis domino, per praesentiam attendendo ad omnia, per substantiam implendo omnia, est in rebus per operationem; nam dominari, videre & attendere, implere, est operari; atqui Deus sic est ubique; & probatur ex Gregorio Magno, qui homil. 8. in Ezechiel. ait: „Deus communi modo est in omnibus rebus, praesentia, potentia & substantia. Ergo, &c.

*Tertia.* Ille est formaliter per operationem in creaturis praesens, qui est in illis ut motor eas ad alium applicans; ut causa procedens cum eis effectus creatos; ut ens necessarium eas in esse conservans; ut summus Provisor easdem dirigens ad finem; denique ut spiritus eas portans &

vivificans verbo virtutis suae, sed ex D. Thoma, Deus est praesens in creaturis, & ut motor, & ut prima causa, & ut conservator, & ut benefactor: ergo est in loco per operationem. Sicut igitur anima cessat esse in corpore, cum cessat in eo operari, pari & consimili ratione Deus cessat praesens esse alicubi, cum cessat operari. Ergo, &c.

## FIT SATIS OBJECTIONIBUS

contra primam Conclusionem.

*Obijciat* 1. Psal. 11. v. 4. habetur: *Excelsus super omnes gentes Dominus.* Sed qui est supra creaturas, non est in creaturis praesens: igitur Deus non est ubique praesens.

*Respondeo* distinguendo. Deus est super omnes gentes excelsus, idest, non comprehenditur, & circumscribitur a creatura, concedo, idest, non est praesens, nego. Tamen Deus sit in creaturis existentibus praesens, potest tamen & esse adhuc in infinitis possibilibus; unde propter suam immensitatis excellentiam dicitur esse super omnes creaturas. Est igitur in eis ut causans omnium esse. Solutio est D. Thomae hic q. 8. a. 1.

*Instabis.* Qui solum adest in caelo, non est ubique: atqui Deus adest solum in caelo, juxta illud Psal. 113. v. 16. *Caelum caeli Domino, terram autem dedis filiis hominum.* Ergo, &c.

*Respondeo* distinguendo. Deus adest solum in caelo, hoc est, specialiter illic est praesens, concedo; est solum in caelo per exclusionem a quolibet alio loco, nego. Cum igitur mirabilia in caelo operetur Dominus se manifestando beatis, ibi veluti in conaturali loco habitat: homines vero sunt in terra, ut in loco sibi proprio, & suae convenienti naturae; attamen Deus praesens est in terra modis quibusdam communibus, scilicet per potentiam, omnia enim terrena illi obediunt, & cunctarum rerum est causa per praesentiam, nam omnia videt: per substantiam, quia omnia replet; ita D. Thomas hic art. 9. ex professo, quod quidem explicat D. Bernardus sermon. in Psal. *Qui habitat*, his verbis: „Licet Deum ubique esse non dubitem, sic tamen in caelo est, ut ad ejus comparisonem nec esse videatur in terris, propter quod & orantes dicimus: *Pater noster qui es in caelis*, &c.

Infi-

*Inssiles*. Qui solum adest Iustus, profecto non est ubique præsens; qui, inquam, venit ad Iustos, ut apud illos maneat, certe ante eorum justificationem ipsis non inerat: atqui ex Scriptura, solis Iustus Deus adest, apud eos habitat post justificationem duntaxat; sic enim in Evangelio Christus ait Joann. 14. 23. *Si quis diligit me, & pater meus diliget eum, & ad eum veniemus, & mansionem apud eum faciemus*. Ergo, &c.

*Respondeo* distinguendo minorem. Deus est solum in Iustis per inhabitationem, concedo; per assilientiam & potentiam, nego. Eodem prope modo distinguendum est consequens. Unde ad probationem dico, Deum esse præsentem peccatori ante & post justificationem: ante, per essentiam, per potentiam & immensitatem; post, specialius & per gratiam; in hoc igitur solum sensu incipit esse præsens homini iustificato, videlicet per inhabitationem, iuxta illud 1. Joan. 4. 16. *Deus charitas est, & qui manet in charitate, in Deo manet, & Deus in eo*.

*Inssilis*. Qui appropinquat ad Creaturam, non est ubique etiam per potentiam; nemo enim dicitur appropinquare ad locum ubi est; sed Deus appropinquat ad quolibet creaturam. Et probatur. Clemens Alexand. Strom. 2. Deum introducit sic loquentem. „*Deus appropinquans ego sum*, inquit Dominus, „procul quidem substantia: quomodo enim quod est genitum, appropinquaret ingenito? „Ergo, &c.

*Respondeo* distinguendo ut supra. Deus appropinquat ad homines per gratiam, concedo; namque cum anima intime illi conjungatur, ad eam per maiorem præsentia gradum appropinquare dicitur: appropinquat aliquem acquirendo de novo locum, nego. Quod autem hic sit Clementis sensus; patet ex verbis sequentibus; ubi de Deo sic loquitur: „Proxime autem est pos-  
„testate qua universa sinu suo comple-  
„ctitur.”

*Rursus inssilis*. Idem in quinto lib. pag. 431. revincit Stoicos in eo quod dicerent Deum omnem permeare substantiam creaturam. „Nos autem, inquit, cum solum dicimus effectorem, „Sed causa non est præsens effectui, postquam illum produxit: ergo si Deus est solum causa rerum, transacta ratione, desinit esse ipsis rebus præsens, saltem ex mente Clementis.

*Respondeo* distinguendo. Clemens etenim

debellat Stoicos, quatenus propugnabant Deum esse in mundo circumscriptive, & veluti totius mundi spiritum, partes ejus moventem, concedo. In hoc Stoicorum sensu quidam ex antiquis Patribus negant Deum esse ubique. Clemens debellat Stoicos, præcise eo quod dicerent Deum esse ubique, nego. Reprehendit igitur modum finitum quo volebant isti Philosophi Deum esse præsentem; unde optime dicit: „Illi „Deum omnem permeare substantiam as-  
„serunt, nos autem eum solum dicimus  
„effectorem.” Ita D. Thomas hic art. 1. ad primum. Quid plura dicam? Clemens ipse 6. Stromat. dicit: Deus „omnia comprehendit: „igitur ex ipso est ubique.”

*Inssilis adhuc*. Qui est solum in uno loco, non est ullo modo ubique præsens; sed Deus est solum in uno loco. Et probatur. Lactantius de opificio Dei c. 16. approbat opinionem eorum qui dicunt animam residere in cerebro; nam, inquit, ad regimen oportet ut residet in summo tanquam in arce: subdit, „Sicut ipse mundi Dominus & Rector in summo est. „Comparationem ibi instituit in eo quod sicut anima est in cerebro, ita Deus in summo. Rursus ibid. „Videret enim mens „quæ dominatum corporis tenet in summo capite constituta, tanquam in cælo Deus: „Ergo, &c.

*Respondeo* distinguendo minorem. Deus est solum in uno loco specialiter, concedo; in uno per exclusionem aliorum locorum, nego. Comparatio reperitur in aliquo, sed non in omnibus; in hoc quidem, quod sicut Stoici volebant animam principaliter residere in cerebro: ita affirmandum est Deum specialiter habitare in cælo, nempe per gratiam consummatam & gloriam: rursus occurrit comparatio, in eo scilicet, quod sicut volebant Stoici animam committere quandoque ad pectus, quandoque ad brachia, aliasve corporis partes, tum ad consilium, tum ad operationem; ita Deus est in omnibus creaturis ad succurrendum; sed discrimen est inter Stoicos & Lactantium in multis: 1. quidem, Lactantius vult Deum esse ubique præsentem. 2. Esse præsentem semper. 3. Esse præsentem, non ut inclusum & circumscriptum, sed ut omnia includentem; unde subdit ibidem. „Et mi-  
„ratur aliquis, si divina mens Dei per  
„universas mundi partes intentæ discurs-  
„rit, & omnia regit, omnia moderatur,  
„ubique præsens, ubique diffus, cum  
tan-

tantā sit vis ac potestas mentis humanæ intra mortale corpus inclusæ. „ Argumentatur autem Lactantius a minori ad maius, & quidem ad hominem, quasi diceret istis Philosophis : Conceditis animam quamvis in corpore circumscriptam, in omnibus tamen corporis partibus præsentem esse : a fortiori ex concedendis Deus præsens esse debet ubique sine circumscriptiōe ; unde in 7. divinarum Institutionum, c. 3. dicit : „ Divinum spiritum est ubique diffusum, eoque omnia contineri : non tamen ita ut Deus ipse, qui est incorruptus, gravibus & corruptibilibus elementis misceatur. „ *Obijcies* 2. Qui est in loco, extensus est, & continetur in illo ; sed Deus neque extensus est, neque continetur a loco, juxta illud August. lib. 38. Quæstionum, quæst. 20. „ In ipso potius sunt omnia, quam ipse alicubi. „ Igitur ex Augustino Deus non est in rebus, sed potius res sunt in ipso, adeoque non est præsens ubique.

*Respondet distinguendo.* Qui est in loco ad modum corporis & per quantitatem, continetur a loco, concedo ; qui est per virtutem, & ut ipsum continens locum atque locata, nego. Deus igitur est præsens rebus ut spiritus, non quidem tanquam inclusus & dehnitus, sed ut omnia portans & continens verbo virtutis suæ : igitur proprie loquendo non est in loco, quia ab eo non concluditur, sed potius illum concludit. Solutio est D. Thomæ hic art. 1. ad secundum, & est mens Aug. citati.

*Oppones* 3. Deus est præsens in rebus, ut causans esse ; sed cum sit agens potentissimum, agit in distans : igitur non est præsens immediate rebus, sed solum per dona vel naturalia, vel supernaturalia.

*Respondet* distinguendo. minorem. Deus est agens potentissimum sed infinitum, concedo ; & non agens infinitum, nego. Cum scitur Deus sit infinitus, non operatur in distans, quandoquidem ubique adest ; ita D. Thomas ibidem ad tertium, qui post hanc solutionem datam hæc subdit : „ Dicuntur tamen res distare a Deo per similitudinem naturæ vel gloriæ, sicut & ipse est super omnia per excellentiam suæ naturæ. „

*Instabis.* Qui est indivisibilis, non potest esse simul in pluribus locis extensis : atqui Deus est indivisibilis : ergo, &c.

*Respondet* D. Thomas 3. contra gentes, c. 6. & 8. causam universalem eodem modo se habere ad effectus universales, sicut

causā particularis se habet ad effectum particularem ; istam autem suo esse præsentem effectui : pari & consimili ratione, Deum utpote causam universalem omnibus adeste creaturis, tanquam suæ potentie effectibus.

*Respondet* 2. distinguendo. Qui est indivisibilis ut terminus quantitatis continuæ vel discretæ nequit simul esse in pluribus locis extensis, concedo ; quippe qui ab ente quod terminat limitatur : qui est indivisibilis ex natura sua per summam simplicitatem & excellentiam, nego. Secundo autem modo Deus indivisibilis est ; unde non implicat cum esse ubique præsentem. Solutio est D. Thomæ hic qu. 8. art. 2. ad secundum his verbis : „ Indivisibile est duplex : unum quod est terminus continui, ut punctus in permanentibus, & momentum in successivis ; & hujusmodi indivisibile in permanentibus, quia habet determinatum solum, non potest esse in pluribus partibus loci, vel in pluribus locis : & similiter indivisibile actionis vel motus, quia habet determinatum ordinem in motu vel actione, non potest esse in pluribus partibus temporis. Aliud autem indivisibile est quod est extra totum genus continui ; & hoc modo substantiæ incorporeæ, ut Deus . . . tale igitur indivisibile non applicatur ad continuum, sicut aliquid ejus, sed in quantum contingit illud suæ virtute. „

*Respondet.* Qui est totus alicubi, non potest esse præsens pluribus in locis : sic anima rationalis, eo quod tota sit in uno corpore, esse in aliis non valet ; sed Deus est totus in cælo : ergo non est alibi. Confirmatur. Non est in demonibus præsens, juxta illud 2. ad Corinth. 6. Non est enim conventio lucis ad tenebras. Item indignum est dicere eum esse in luto : ergo, &c.

*Respondet* distinguendo. Qui est totus alicubi definitive, sicut de facto anima est in corpore, esse præsens ubique non potest, concedo ; qui est præsens, ut continens locum, nego. Sic respondet Div. Thomas hic art. 2. ad tertium. Illud utique mirum in modum explicat Aug. 13. in Gen. ad litt. c. 26. his verbis : „ Deus est extra omnia, non exclusus, intra omnia non inclusus, super omnia non elatus, subter omnia non depressus, interior omnibus, quia in ipso sunt omnia, exterior omnibus, quia ipse est super omnia. „

*Ad confirmationem* distinguo. Deus non est

est præsens demonibus, ut sunt quadam entia realia & naturalia, nego: ut sunt mali, subdistinguo: Non est ut beatificans, concedo; ut vindex & ultor scelerum, nego. Hunc quippe tanquam Judicem inexorabilem & sententiæ & experiuntur. Ad tertium dico, quod sicut radius solaris dum pertransit lutum, & transeundo tangit, nec coquinatur, nec suam amittit lucem & pulchritudinem, ita & a sortiori Deus aliquod in sua sanctitate, dum peccatoribus reprobis adest, ut Judex, & ultor non patitur detrimentum.

*Obijcies* 4. Si Deus esset ubique præsens, omnes homines saltem Catholici forent beati: atqui res non sic se habet, cum inter eos qui fidem Christi profitentur, multos esse reprobos constet. Igitur nusquam dici debet Deum esse ubique præsente. Probatur sequela majoris. Præsentia Dei facit & constituit, nedum Angelos fideles, sed & homines beatos. Ergo, &c.

*Respondeo* negando sequelam. Ad probationem distingo. Præsentia Dei per gratiam consummatam & lumen gloriæ, facit & constituit homines beatos, concedo; præsentia ordinaria & communis quæ est solum per potentiam vel creaturam, vel conservantem homines in esse naturali, nego.

### SOLVUNTUR OBJECTIONES.

*Contra secundam Conclusionem militantes.*

*Obijcies*. Deus est extra mundum, extra celos, & in spatiis imaginariis: sed ibi non operatur: igitur operatio non est ratio formalis qua Deus est in loco. Probatur major: 1. quidem 3. Reg. 8. habetur: *Calci colorum non te capiunt*. Item Job. 1. *Excelsior caelo est*. Et Gregorius 1. 2. c. 12. ait: "Ipse est... extra omnia." 2. Si daretur corpus infinitum, repletur spatia: etiam vacua; igitur cum Deus sit infinitus, omnia replere debet etiam spatia imaginaria. 3. Si Deus non esset in spatiis imaginariis, & ibi duo producerentur corpora, unum in uno loco, alterum in alio, jam foret a se ipso divisus, siquidem præsens esset duobus corporibus, sed non medio, quod quidem absurdum est: igitur dicendum est Deum esse etiam in spatiis imaginariis ubi non operatur: ergo operatio non est ratio formalis qua Deus ubique præsens est.

*Respondeo* distinguendo. Deus est per potentiam in spatiis imaginariis, quatenus

aliquam ibi potest producere creaturam: & hoc solummodo probant auctoritates in objectionibus laudatæ, concedo; est actu, nego. Ibi enim non operatur.

*Ad secundam* nego paritatem. Dato enim & non concessio quod corpus in quantitate infinitum cuncta replet spatia, quatenus ubique extenderetur ejus quantitas, non inde tamen sequitur Deum esse in spatiis imaginariis; virtus enim Dei operativa est quantitas ipsius virtualis; unde nisi tangat loca, non est in eis; ea autem non tangit nisi productione. Dictum est autem Deum nihil operari in spatiis imaginariis: igitur ibi non est præsens.

*Ad tertium* dico, quod in hypotesi duo corpora dividerentur per applicationem ad diversa loca in quibus producerentur, minime vero Deus; sicut v. g. radius solaris tangens unum locum & non alterum, non tamen in se, saltem in centro seu in sole dividitur: Simili prope modo Deus indivisus manens omnia dividit, & immotus omnia movet, nihil enim aut acquirit aut deperdit creando vel annihilando. Aliquis creaturas: igitur ejus operatio eadem in se manens solum terminative divideretur, & ratione effectuum, nempe duorum corporum quæ in diversis produceret locis, nusquam vero in semetipsa.

*Instabis*. Prius est rem esse alicubi, quam operari; & de facto prius concipitur Deus esse in se ipso, quam operari: ergo, &c.

*Respondeo* distinguendo. Prius est esse quam operari, in creatis, concedo; creaturæ enim agunt per eductionem, & ex præsuppositis subjectis; in divinis, nego. Deus quippe est independens; & agit immediate in rebus. Ad aliud, Deus non est in se ipso ut in loco, sed per identitatem, unde Minutius Felix in Octavio dicit: "Ante mundum fuit sibi Deus ipse pro mundo."

*Iterum instabis*. Deus est immensus antequam operetur, aut intelligatur operari: ergo, &c.

*Respondeo* concessio antecedente, negando consequentium. Aliud est enim Deum esse immensum, aliud esse præsentem. Ad primum sufficit ut sit infinitus in esse: ad secundum requiritur contactus; non potest autem tangere rem aliquam, ut in ea sit præsens, nisi det illi aut esse aut conservari: igitur sicut corpus est in loco ratione quantitatis extensæ, ita & Deus ratione operationis qua tangit omnia, est in loco.

*Perf—*



*Perfister.* Deus adest rebus per præsentiam in quantum, inquit D. Thomas hic qu. 8. art. 4. "Videt omnia: ergo non est in loco per operationem."

*Respondeo* cognitionem Dei esse causam rerum effectricem, juxta illud Psalm. 135. *Qui fecit caelos in intellectu.* Et illud Aug. "Res sunt quia novit Deus."

*Instabis adhuc.* Deus ex D. Thoma hic art. 4. est ubique per potentiam, omnia quippe ejus subjiunguntur imperio: per substantiam, quia replet omnia: ergo non per operationem.

*Respondeo* neg. consequentiam. Priores siquidem præsentia divinarum sunt modi solum inadæquati, quandoquidem nec potentia sibi subjiungit creaturas, nec substantia replet omnia nisi operando; operatio enim est quantitas virtualis qua Deus se extendit ad cuncta creata.

*Instabis denique.* Deus res habet præsentem in æternitate antequam fiant, & tamen nondum in eis operatur; alias ab æterno præexisterent: igitur operatio non est ratio formalis qua Deus est præsens rebus.

*Respondeo* negando paritatem. Enimvero Deus est præsens rebus in æternitate, illas sibi representando, seu potius suam essentiam ut participabilem ad extra contemplando, in tempore vero illas producendo & immutando.

## SYNOPSIS PROBATIONUM.

*Deus est immensus.*

*Primo.* Hoc ipsum Deus manifestat Jerem. 33. *Cælum & terram ego impleo*, un-

de Theophilus Antiochenus l. 2. ad Autotholicum: "Cum Dei proprium hoc sit, non solum ubique esse, sed etiam intuitu omnia & audire, &c."

*Secundo.* Omne agens est ubi operatur; sed Deus operatur ubique, nimirum vel producendo novas creaturas, vel producendo conservando: igitur est ubique.

*Tertio.* Hoc etiam confirmat momentum illimitato Dei; cum enim sit incircumscripsum, ubique esse necesse est; alias clauderetur terminis vel locorum vel temporum.

## SYNOPSIS SOLUTIONUM.

### AD OBJECTIONES.

*Primo.* Deus quidem dicitur esse super omnes gentes excelsus, & in cælo habitare: at nemo non videt hæc & similia indicare tantummodo Deum a nullo circumscripti loco, qua de causa excelsus super omnes gentes dicitur: porro cum esse in cælo Scriptura commemorat, non intendit Deum alibi non esse, sed solum speciali modo habitare ubi majora & mirabilia operatur.

*Secundo.* Non diffitemur Deum appropinquare ad peccatorem per justificationem gratiam, idest, mansionem in eo facere; verum antea ipsi per cognitionem & per potentiam erat præsens.

*Tertio.* Deus non est quidem in spatiis imaginariis actu, quia nihil sunt; unde male concluderetur non esse ubique in locis positivis præsens.

## TRACTATUS SECUNDUS.

D E

## INVISIBILITATE ET

## VISIBILITATE DEI.



ON sine ingenti animi lætitia, comperuisse debuimus Deum existere, esse ens a se & independens, esse perfectissimum, omnis sanctitatis pelagus, omnium honorum parentem, sua benedicta largi in nos profundentem ubertate; ipse etenim totus pro nobis in creatione, in Redemptione totus, rursus & in glorificatione Sanctis suis totus esse voluit: in hac beata sede, in hoc felici regno omnes divitiarum suarum thesauros liberali pandit manu, electos inebrians ab ubertate domus suæ; sed, pro hominum amentia! beatitudinem hanc quidam insulse & pertinaciter negare ausi sunt, affirmantes Dei optimi visionem nullo pacto esse possibilem: alii vero e contra, sed neque minus stulte, sibi hoc divinæ visionis donum ad comprehensionem usque debitum propalare non formidaverunt. Nonnulli utique graviter circa illius mensuram erraverunt; quinimmo & multi circa tempus: unde quatuor impræsentiarum de visione Dei tractanda & enucleanda sunt. Primo agendum est de possibilitate: secundo de A&U: tertio de mensura: quarto de tempore. Queritur an sit possibilis? An detur Sanctis? An ad mensuram? An sine dilatione usque ad iudicium, vel etiam post resurrectionem universalem? Unde sit

## DISSERTATIO PRIMA.

*De possibilitate visionis beatificæ contra negantes.*

QUIDAM Judæi crassiores crediderunt visionem Dei esse impossibilem pro homine, etiam in altera vita: sed contra dictum illud Joan. 1. Epist. 3. Si-

*miles ei erimus, quoniam videbimus cum sicuti est.*

*Dogma de possibilitate visionis Beatificæ his quatuor argumentis probatur.*

*Primo.* Quia intellectus creatus potest videre Deum.

*Secundo.* Quia potest elevari ad hoc per lumen gloriæ.

*Tertio.* Quia potest adjuvari ad hoc, per unionem cum essentia divina, per modum speciei impressæ & expressæ.

*Quarto.* Quia in hac hypothesi, non videret Deum oculo corporeo.

## ARTICULUS PRIMUS.

*Utrum intellectus creatus possit videre Deum.*

POSSIBILITAS visionis repeti debet a duobus; 1. a potentia, quæ habeat omne verum in tota sua latitudine pro objecto; 2. a virtute ipsius potentia: ad objectum attingendum, certum est intellectum creatum in se relictum non posse videre Deum intuitive, quandoquidem Deus est objectum transcendens omnem naturæ ordinem: sed difficultas est, an intellectus creatus viribus gratiæ hoc possit? Pro cuius resolutione sit

## CONCLUSIO.

Intellectus creatus gratia adiutus & elevatus, potest videre Deum intuitive.

*Probatur auctoritate & ratione.*

*Primo, ex Scriptura utriusque Testamenti.*

EX VETERI. Genes. 15. v. 1. habetur: *Ego protector tuus sum, & merces tua magna*

magna nimis. Sap. 5. apud Dominum est merces eorum. Quæ loca intelliguntur de possessione Dei: sed Deus visione possidet. Ergo intellectus creatus, gratia divina elevatus potest videre Deum intuitive.

Ex novo. Matth. 5. v. 8. Beati mundo corde, quoniam ipsi Deum videbunt c. 18. v. 10. Angeli eorum vident semper faciem Patris. Joan. 14. v. 21. Qui diligit me, diligetur a Patre meo, & ego diligam eum, & manifestabo ei meipsum. Et primæ ejusdem Joan. c. 3. v. 2. Similes ei erimus, quoniam videbimus eum sicuti est. Et primæ Corinth. 13. v. 12. Videmus nunc per speculum in ænigmate; tunc autem facie ad faciem. Unde sic arguimur. Deus promittit suæ essentiae visionem mundis corde, promittit diligentibus se; immo jam Angeli sancti vident faciem Patris. Igitur intellectus creatus potest videre Deum viribus gratiæ.

#### Secundo, Ex summis Pontificibus.

EVARISTUS in sua Decretali dicit substantiam Dei a Sanctis in cælo videri.

Benedictus XII. Extravaganti, *Benedictus*, idem docet; unde sic arguitur. Ab actu ad posse valet consequentia: sed summi Pontifices definierunt beatos intuitive Deum videre: igitur intellectus creatus, elevatus & adjutus potest videre Deum intuitive.

#### Tertio, Ex Conciliis.

FRANCOFURTENSE in Epist. ad Episc. Hispaniæ sic loquitur: *Prædicamus Christum verum Deum, ut ad ejus beatificam visionem pervenire mereamur, in qua vera est beatitudo.*

Florentinum sess. 25. in Decreto unionis definit animas Sanctorum videre Deum in se: ergo, &c.

#### Quarto, Ex sanctis Patribus & Doctoribus.

IRENÆUS, l. 4. c. 37. *Qui vident Deum, inquit, infra Deum sunt, percipientes ejus claritatem: . . . participatio autem Dei est videre Deum.*

Clemens Alexandrinus, l. 5. Stromatum, explicans hunc Moïsem, locum, *Nemo videbit faciem meam & vivet*; ait: *Perpicuum est, nullum unquam vitæ suæ tempore posse Deum clare comprehendere, seu intueri; qui autem sunt mundi corde, Deum videbunt.*

Boucat Theol. Tom. I.

Gregorius Nazianzenus nostræ suffragatur conclusioni: nam Oratione 20. in laudem Basilii de Beatis, ait: *Sanctam ac beatam Trinitatem vident purius ac perfectius.*

Augustinus similia scribit Epist. 148. *Negare, inquit, non possumus Filios Dei viros Deum.*

D. Thomas hic prima parte, q. 12. art. 1. ex prolesso docet conclusionem his verbis: *Cum ultima hominis beatitudo in altissima ejus operatione consistat, quæ est clara divinæ essentiae visio per intellectum, constat intellectum creatum Deum posse videre per essentiam.*

#### Quinto, Ratione multiplici.

PRIMA est. Homo suam potest assequi beatitudinem; atque beatitudo hominis est visio Dei intuitiva; igitur homo adjutus a gratia potest videre Deum. Major patet, alias creatura rationalis foret deterioris conditionis ipsis bellis, quæ suum assequuntur finem. Probatur minor. 1. Deus fecit hominem ad imaginem & similitudinem suam: sed Deus vult suam apud semetipsum habere imaginem: ergo, &c. 2. Deus condidit hominem, & elevavit ad finem supernaturalem: atque finis supernaturalis est Deus in se visus: ergo, &c. 3. Quidquid Deo minus est, explere & implere hominem non potest, inquit Augustinus; unde summum semper desideramus bonum: sed appetitus ille non est frustraneus: igitur dicendum est hominem posse viribus gratiæ videre Deum intuitive.

Secunda. Intellectus creatus potest attingere suum objectum extensivum: sed Deus in se visus est objectum ad quod intellectus creatus potest se extendere: & probatur. Objectum extensivum intellectus nostri est verum ut sic, & in tota sua latitudine sumptum; scilicet ut complectitur verum creatum, & increatum: igitur homo gratia divinæ adjutus potest videre Deum intuitive.

Tertia. Visio Dei intuitiva non implicat contradictionem: ergo est possibilis pro intellectu creato. Probatur antecedens. Non implicat ex parte potentie: intellectus enim est spiritalis, & immaterialis; unde inest ei & capacitas, & habitudo ad summum verum. Non ex parte objecti, quandoquidem Deus potest finito modo videri: neque etiam ex parte medii: enimvero Deus potest elevare intellectum creatum per gratiam ad suam visionem intuitivam: igitur nulla est implicantia; igitur visio est possibilis.

P

Quar-

**Quarta.** Homo non debet esse semper anxius, nec perpetuum pati violentiam: sed foret in statu violento, eoque continuo, si Deum videre non posset; & probatur ex Aug. qui dicit; "Fecisti nos ad te, Domine, & inquietum est cor nostrum, donec requiescat in te."

*Solvuntur Objectiones ex Scriptura  
sacra prodeuntes.*

**OBJECIO 1.** primæ ad Timoth. c. 1. v. 17. *Regi sæculorum immortalis, & invisibilis soli Deo honor & gloria.* Qui est invisibilis, non potest videri: atqui ex Apostolo Deus est invisibilis: ergo. &c.

**Respondeo 1.** opponendo Apostolum Apostolo. Nam primæ Corinth. c. 13. v. 12. ait. *Videmus nunc per speculum in ænigmatæ, tunc autem facie ad faciem.*

**Respondeo 2.** distinguendo. Deus est hominibus invisibilis, viribus naturæ, concedo: viribus gratiæ, nego: ita Gregorius Naz. Basiliius, & alii.

**Instabis.** Si Deus esset visibilis, maxime in gloria, atqui non videtur a Sanctis; & probatur Joan. 1. v. 18. *Deum nemo vidit unquam, unigenitus Filius, qui est in sinu Patris, ipse enarravit.* Igitur a solo Filio videtur.

**Respondeo** negando minorem; ad probationem, distinguo: Nemo vidit Deum unquam visione comprehensiva, concedo: intuitiva, nego. Visio comprehensiva ea est quæ attingit objectum secundum omnem tum extensionem, tum intensionem & quantitatem visibilitatis: intuitiva vero quæ attingit objectum ut in se quidem est, sed non quantum cognoscibile est, id est, non secundum omnem cognoscibilitatis modum. Beatus Joannes loquitur solum de prima cognitione; enimvero loquitur de cognitione quæ habetur in sinu Patris, quæque est comprehensiva. Dicit enim, *Unigenitus Filius qui est in sinu Patris, ipse enarravit.* Ita Aug. Epist. 147. Chrysol. in hunc locum, & alii.

**Instabis:** unigenitus non enarrat nobis visionem comprehensivam, cum nullus mortalium possit illam capere, sed intuitivam: atqui tamen enarrat visionem quam nullus hominum habuit: igitur Joannes loquitur de intuitiva. Confirmatur: Joan. 6. v. 46. Christus dicit: *Non quia Patrem vidit quisquam, nisi is, qui est a Deo. Hic vidit Patrem.*

**Respondeo** distinguendo. Unigenitus non enarrat nobis visionem comprehensivam,

ut illam habeamus, concedo: Ut sciamus Deum esse incomprehensibilem, ineffabilem, æternum, & omnipotentem, nego: Venit enim ad hoc in mundum Filius Dei, ut homines peccatis obsecratos & Idololatricæ deditos intrueret de existentia, de quidditate & perfectionibus Dei Patris, cum enim teste Apostolo primæ ad Timoth. c. 6. v. 16. Deus lucem inhabitet inaccessibilem menti creatæ in se relictæ, necesse erat prædicare Patrem, quam quidem provinciam mirabiliter adimplevit Christus. Porro ex hac enarratione, seu manifestatione hominibus facta per Christum, nullo modo sequitur homines ita perfecte Deum cognoscere, ac cognoscit ipse qui enarravit & manifestavit.

**Respondeo** ad confirmationem distinguendo: Nullus hominum, tunc quando Christus loquebatur, viderat Deum, quia nondum apertum erat cælum peccato primi parentis clausum, concedo: nullus Angelorum, nego. Ibi Christus ostendit suam supra omnes prophetas excellentiam, in eo maxime quod ille solus viderat Patrem, quod ejus secreta solus noverat, sed non negat homines justos posse videre Deum viribus gratiæ.

**Instabis** iterum: atqui nec Angeli sancti viderunt Deum, & probatur; qui desiderant videre, non videntur: atqui Angeli sancti concupiscunt videre Deum, juxta illud primæ Petri c. 1. v. 12. *In quem Angeli desiderant prospicere:* igitur, &c.

**Respondeo 1.** opponendo Scripturam Scripturæ; nam Matth. 18. v. 10. de Angelis sanctis Christus dicit: *Angeli eorum in cælis semper vident faciem Patris.*

**Respondeo 2.** negando subsumptum; ad probationem, distinguo minorem: Angeli desiderant desiderio complacentiæ & amoris videre Patrem, concedo: desiderio spei patris & excludente objecti possessionem, nego. Duplex desiderium distinguit D. Thom. aliud complacentiæ & amoris vultu, & est mera in objecto possessio complacentia; sic qui multas possidet divitias, semper desiderat illas habere: aliud est spei & excludens objecti possessionem; sic ægrotus desiderat & sperat sanitatem. De primo solum loquitur D. Petrus; tot & tanta siquidem bona in Deo possident Angeli, ut torrente voluptatis inebriati, semper desiderant Deum possidere. Ita Gregorius lib. 19. c. 38. "Considerandum nobis est quoniam satietatem solet fastidium subsequi. Ut ergo recte sibi utra-

que

que convenient, dicat veritas, quia semper vident, dicat prædicator egregius, quia semper videre desiderant. Ne enim sit in desiderio anxietas, desiderantes fatiantur, ne autem sit in satietate fastidium, satiati desiderant. Et desiderant igitur sine labore, quia desiderium satietas comitatur: & fatiantur sine fastidio, quia ipsa satietas ex desiderio semper accenditur.

*Urgebis adhuc, non potest, colligi Deum videri ex illis locis primæ Corinth. 13. v. 12. Videmus per speculum in enigmate, tunc autem facie ad faciem.* Probatur Gen. 32. v. 3. Jacob dicit: *Vidi Dominum facie ad faciem.* Et Exod. 33. 11. de Moïse dicitur: *Loquebatur Dominus ad Moïsem facie ad faciem.* Neuter tamen vidit intuitive Deum: ergo ex visione faciei ad faciem, non potest inferri visionis intuitivæ Dei possibilitas.

*Respondeo* negando antecedens: ad probationem, concesso antecedente, distinguo consequens: ex visione per imagines & similitudines, non colligitur visio Dei intuitiva, concedo: ex visione faciei ad faciem immediatam, nego consequentiam & paritatem. Enimvero in primo loco de Jacob legitur ibidem, quod Angelus illi loquebatur, & cum eo loquebatur ad auroram usque; & sic erat solum visio Dei per Angelum, qui loquebatur in persona Dei. Quoad Moïsem, certum est illa vice non vidisse intuitive Deum, quandoquidem ille Legislator ibi sic alloquitur Dominum: *Ostende mihi gloriam tuam.* Respondit... non poteris videre faciem meam... non enim videbit me homo & vivet. Sed cum Apostolus dicit: *Tunc autem facie ad faciem*, intelligit visionem intuitivam; si quidem loquitur de visione opposita ænigmatice. Similiter, dum ait *Matthæus* Angelos videre faciem Patris, visionem intuitivam indigitare contendit; eam enim affirmat quæ habetur in cælis.

*Rursus* instabis: quando aliquid in scriptura affirmatur de Deo, & negatur in alio loco, tunc affirmatio sumi debet in sensu metaphorico, negatio vero in sensu rigoroso: sic in Gen. dicitur Deum poenituisse hominem fecisse, & 1. Reg. 16. habetur poenitudo Deum non fœcti; ista negatio ab omnibus interpretibus sumitur strictè & ad litteram: igitur a simili, tamen dicit aliquando scriptura Deum aut videri, aut posse videri, cum aliis in locis eum modo invisibilem, modo a nemine,

nisi ab Unigenito, visum esse pronuntiat, debemus sumere negationem ad litteram, & asserere Deum non posse intuitive videri.

*Respondeo* distinguendo: Quando affirmatio & negatio dicuntur de eodem secundo idem, negatio debet sumi in sensu rigoroso, concedo: si dicantur secundum diversos respectus, nego. Poenitentia, & non poenitentia dicuntur quidem de Deo per ordinem ad ipsum; unde negativa prævalet: sed visio & non visio aliter & secundum diversa, de eodem prædicantur. Deus enim dicitur invisibilis viribus naturæ & viatoribus; visibilis vero in cælis & per lumen gloriæ; unde non est paritas.

*Solvuntur Objectiones, quæ ex Patribus deducuntur.*

**OBJECIES** 1. Dionysius de divinis nominibus c. 1. ait de Deo: „Neque sensus est ejus, neque phantasia, neque opinio, nec ratio, nec scientia... Igitur Deus non potest videri, etiam a beatis. Confirmatur. Clemens Alex. l. 7. Hypotyposeon apud Oecumenium in Epist. prima ad Timoth. ad hæc verba. c. 3. v. 13. *Apparuit Angelis*, „dicit quippe invisibilem, divinitatis naturam ne illi quidem videbant, itaque incarnatum viderunt. Igitur ex Clemente Angeli non videbant Deum in se, sed solummodo Incarnatum intuebantur.

*Respondeo* 1. ad istam & alias auctoritates, sanctos Patres velle tantummodo hominem non posse videre Deum oculo corporeo, vel etiam oculo intellectuali in se relicto, immo & ab eodem quantumvis elevato comprehensivè: de visione quidem comprehensivâ, ut plurimum loquuntur; quippe qui agant contra Anomæos, qui tantam sibi tribuebant de Deo noticiam, quantam Deus habet de se ipso; unde ut illos revincant, fidenter dicunt Deum esse hominibus & Angelis invisibilem, hominibus quidem, ut primum istum Anomæorum errorem, quo statuebant visionem Dei intuitivam esse homini naturaliter debitam confutent, Angelis vero, comprehensivè; ut alterum eorumdem hæreticorum commentum, quo sibi stulte arrogabant visionem Dei comprehensivam, explodant. Vident igitur Angeli sancti Deum intuitive, sed non comprehensivè: ita Epiphanius hæresi 70. num. 7. „Videtur, inquit, reipsa ut in se est, sed non videtur se-

„cundum totam suam amplitudinem . „  
Sicut igitur qui aspiciat cœlum per so-  
ramen , potest abique mendacio dicere  
se videre cœlum , quamvis totam ejus  
extensionem non videat , ita pariter , ait  
idem Pater , qui videt Deum in intuitive,  
vere videt illum , ut in se est , tametsi  
non videat adæquate , & secundum om-  
nia quæ in ipso latent .

*Respondet* 2. dicendo Dionysium eo loci  
differere de visione Dei comprehensiva ,  
quæ profecto nulli convenit creaturæ : nam  
immediate ante verba laudata sic habet .

„ Omnis ipse est universaliter incom-  
„ prehensibilis , nec sensus est ejus „ D.  
Thom. hic q. 12. art. 1. sic explicat Dio-  
nylii contextum . Ad confirmationem dis-  
tinguo ; & Clemens loquitur de visione  
comprehensiva , concedo : de intuitiva ut  
sic , nego . Enimvero agit contra Ano-  
mæos , quos proprio confodit gladio ; dicit  
enim nulli creaturæ divinitatem esse visi-  
bilem comprehensivè , nequidem Angelis ,  
qui solum habuerunt comprehensionem de  
natura humana assumptam .

*Obijciat* 2. Auctor quæstionum ad An-  
tiochum , apud opera Athanasii , c. 20. asse-  
rit , Beatos non videre essentiam Dei nu-  
dam , sed tantummodo quandam gloriæ  
gradum , ad captum humanum accom-  
datum : ergo nulla creatura potest videre  
Deum intuitivè .

*Respondet* distinguendo : & per gradum  
gloriæ ad nostrum captum accommodatum ,  
intelligit auctor visionem hnitam , exclu-  
dendo duntaxat comprehensivam , con-  
cedo : excludendo intuitivam omnimodam ,  
nego . Ulro fatemur Beatos non videre  
essentiam Dei nudam ; tum quia non om-  
nia ipsis aperiuntur , liquidem ipsos mul-  
ti latent , quæ soli Filio unigenito no-  
ta sunt ; tum quia solus filius novit Patrem  
comprehensivè ; sicut solus Spiritus sanctus  
comprehensivè ; novit Patrem & Filium .

*Obijciat* 3. Basilus , l. contra Eunomium  
scribit omnem naturam creatam Deum  
non cognoscere : „ Soli , inquit , Filio  
„ cognitum est Pater , necnon Spiritui san-  
„ cto : „ Gregorius Nyssenus l. 12. contra  
Eunomium simile quidquam & affine lo-  
quitur . „ Non est in hominum natura  
„ vis ad accuratam perceptionem divinitæ  
„ substantiæ , ac fortasse parum est istud  
„ de sola vi humana pronuntiare , verum  
„ etiam , si quis naturam corporis exper-  
„ tem inferiorem esse dicat , quam ut in-  
„ finitam naturam capere , & complecti

„ cognitione possit , non ille penitus aber-  
„ rabit .

*Respondet* , utrumque Patrem loqui so-  
lummmodo de visione comprehensivâ , quam  
quidem a creatura excludunt : nec mirum ,  
loquuntur in sensu opposito Eunomio , quem  
suo perstringunt filio seniorio ; unde Ba-  
silus ad revincendum illum hæreticum ,  
dicit Patrem soli Filio & Spiritui sancto  
esse notum ; utendo liis Apostoli verbis ,  
primæ Corinth. 2. *Spiritus omnia scrutatur ,  
etiam profunda Dei* . Quæ quidem senten-  
tia comprehensionem sonat . Quod autem  
Gregorius in alio non loquatur sensu , patet  
ex Oratione de Pulcheriæ laude , ubi agno-  
scit visionem Dei pro Beatis , sic enim exclama-  
t : *Quam speciosus ille oculus qui Deum videt* .

*Urgelur* 4. Cyrillus Alex. l. 1. in Joan.  
c. 22. ait : „ Soli consubstantiali Filio  
„ Pater visibilis est . Postea subdit : Ab opo-  
„ ribus præstantiorem gloriam unigenitus  
„ cæteris demonstratur habere , sed aciem  
„ oculorum hominis , tamquam Deus ti-  
„ fugiens , quia omnem superat creatu-  
„ ram , idcirco increatus , idest , Deus  
„ esse intelligitur , & glorincatur . „ Item  
Cyrillus Hierosol. Catecheci. 6. „ Vident ,  
„ inquit , Angeli Deum , non sicut Deus  
„ est , sed quantum capere ipsi possunt .

*Respondet* , illas omnes Patrum proposi-  
tiones esse Catholicas . Cyrillus Alex. in  
prima loquitur de visione comprehensiva .  
In 2. loco loquitur de visione oculi corpo-  
rei , cujus aciem fugit Christus ut Deus .  
Namque oculus corporeus etiam elevatus  
Deum videre non potest . Cyrillus Hiero-  
sol. solum excludit a Sanctis visionem com-  
prehensivam , quandoquidem dicit Ange-  
los videre Deum : addit autem , non sicut  
Deus est , vident : & bene ; videre enim  
ut Deus est , secundum Cyrillum , est vi-  
dere adæquate & comprehensive , idest ,  
secundum omnem cognoscibilitatis modum ,  
Unde Catecheci 7. ait . „ Qui ex Deo est ,  
„ vidit Deum , cujus faciem semper An-  
„ geli vident in cœlis : vident autem pro  
„ mensura ordinis sui . . . . cæterum pura  
„ ac liquida Patris visio proprie Filio ac Spi-  
„ ritui sancto reservatur . „ Igitur bea-  
ti vident Deum ad mensuram , idest finite ;  
liquidi vero ac pura , seu comprehen-  
siva visio Patris , tum Filio , tum Spiritui  
sancto reservatur . Sancti Doctores eadem  
prope phrasi , unoque veluti ore circa  
istud momentum sese explicant , ut os  
Anomæorum loquentium iniqua contun-  
dant . Igitur non negant visionem intui-  
ti-

tivam concedi Beatis, sed solummodo comprehensivam.

*Obijcies 5.* Ambrosius, comm. in Lucam initio sic loquitur. "Quid de hominibus loquitur? Cum etiam de ipsis cœlestibus virtutibus & potestatibus legerimus, quia Deum nemo vidit umquam." Et l. de Incarn. verba illa Joan. explicans. "Quod vidimus & audivimus, ait: Ille vidit quod vidit, non utique divinitatem, quæ secundum naturam suam eum videre non poterat: suscepit quod erat propter naturam divinitatis, ut secundum naturam corporis videretur.

*Respondeo*, Ambrosium visionem duntaxat comprehensivam eo loci excludere a creaturis; ratio enim ab ipso allata, ea est, quia ab hominibus & Angelis comprehensive nec videtur, nec potest videri Deus. "Ideo, inquit, Deum nemo vidit umquam, quia eam quæ habitat in Deo plenitudinem divinitatis nemo conspexit, nemo mente, aut oculis comprehendit. "Et vero plenitudo non conspicitur, nisi videatur Deus adæquate & comprehensive.

*Obijcies 6.* Hieronymus, apud Aug. Ep. 148. ait. "Videre Deum sicut est in natura sua oculus omnis non potest: non solum homo, nec Angeli, nec Throni... neque enim creatura potest aspicere Creatorem suum." Sed qui nequit aspicere, nec potest videre intuitive: ergo, &c.

*Respondeo* distinguendo, ut supra: creatura non potest aspicere Creatorem aspectu adæquato, concedo: finito, nego.

*Obijcies 7.* Ildorus in caput 41. Exod. sic loquitur. "Quamvis usque ad parilitatem Angelicam humana natura perferatur post resurrectionem, & ad contemplandum Deum indetesta confluat, videre tamen ejus essentiam plene non prævalet, quam nec ipsa perfectio Angelica, in toto vel integre attingit scire: soli enim integre sibi nota est Trinitas, & humanitati susceptæ, quæ tertia est in Trinitate Persona.

*Respondeo*, Ildorum ibi loqui solum de visione comprehensiva, ut denotent isti termini plene, & integre; & certe sola Trinitas, sibi nota est comprehensive: cum vero subditur, humanitati assumptæ, intelligit humanitatem ratione Personæ Verbi cui conjungitur: comprehendere Deum, minime vero ratione sui ipsius interpret, subdit enim, quæ est in Trinitate Persona.

Bencat Theol. Tom. I.

Solvuntur Objectiones ex Ratione.

*Obijcies 1.* Essentia divina non est objectum intellectus creati: Ergo non potest ab ipso videri. Probatur antecedens: debet esse proportio inter potentiam & objectum: atqui nulla inter intellectum & essentiam divinam intercedit: ergo essentia divina non est objectum intellectus creati.

*Respondeo* negando antecedens, ad probationem distinguo: debet esse proportio habitudinis, concedo: entitatis, nego: & distinguo minorem: nulla est proportio entitatis inter essentiam divinam & intellectum creatum, concedo: nam illa est substantialiter infinita, intellectus vero humanus, & Angelicus, essentialiter finitus: nulla est habitudinis, nego. Enimvero intellectus creatus, utpote spiritualis, & cognoscitivus, respicit essentiam divinam ut suum perfectivum, quandoquidem respicit omne ens; ut autem intellectus creatus se habeat tanquam perfectibilis ad essentiam divinam, non opus est ut sit perfectione equalis: immo requiritur ut sit inæqualis, aliis non respiceret illam ut suum perfectivum. Ista igitur proportio fundatur in natura intellectus, qui respicit omne ens intelligibile: fundatur in ordine quem perfectibile habet ad suum perfectivum: Fundatur in ipsa Dei essentia, quæ sui communicatione perficit intellectum.

*Instabis*: finitum non habet habitudinem ad infinitum: ergo &c. Probatur subsumptum: frustranea foret illa habitudo, siquidem non posset illud attingere objectum, utpote supra se. Igitur finitum non habet habitudinem ad infinitum.

*Respondeo* negando antecedens, ad probationem distinguo: Appetitus creaturæ foret frustraneus, si objectum esset supra potentiam quoad ordinem, concedo: si solum quoad excellentiam, nego. Quia vero res spiritualis est diversi ordinis ab oculo corporeo, non potest ullo modo ad ipso videri, sed essentia divina est solum supra mentis oculum. Quoad excellentiam excedit quidem intellectum ratione tum entitatis, tum virtutis; ac intellectus creatus est ejusdem ordinis cum essentia, nam & immaterialis & cognoscitivus est, unde illam potest attingere.

*Rursus instabis*: intellectus creatus est potentia intrinsece naturalis, essentia vero divina, essentialiter supernaturalis: igitur

P 3 tur

tur intellectus creatus non est ejusdem cum ea ordinis.

*Respondeo* distinguendo: Intellectus creatus est potentia intrinsece naturalis, & terminative supernaturalis, concedo: & non est, nego. Est quidem intrinsece naturalis, & ideo absque gratia elevante, Deum intuitive videre nequit: sed ratione potentia obedientialis qua subijcitur creatura creatori ad operationem mirabilem, per lumen gloriæ ad Dei visionem posse elevari nemo non capit.

Ad id vero quod dicitur intellectum creatum esse diversum ab essentia divina ordinis, distinguo: diversi specificæ & intrinsece, quia essentia divina est supra omnem creaturam, concedo: diversi generice & intrinsece, nego. Et vero intellectus creatus est spiritualis & immaterialis; ens autem divinum includit sub se ens immateriale: igitur intellectus creatus potest ordinem ad essentiam divinam habere, ut ab ea perficiatur, eamque vident: cum quia terminative & extrinsece est supernaturalis, quatenus divinæ subditur potentia, quæ illum elevare potest ad aliquid quod est supra naturam creatam; cum quia intellectus respicit omne verum, quod quidem sub se continet verum & creatum & increatum, verum naturale & supernaturale.

*Inhabis* adhuc. Ens in tota sua latitudine dicit corporeum, & incorporeum, & tamen oculus corporeus, neque secundum se, neque etiam elevatus rem incorpoream videre potest. Ergo a pari quamvis essentia divina contineatur sub ente immateriali, tamen intellectus creatus, quantumvis elevatus, illam videre non potest.

*Respondeo* negando paritatem. Ratio disparitatis in eo potissimum est, quod oculus intellectualis contineatur sub ente universalissimo & supremo, quatenus immateriali: at vero corporeus pertinet ad lineam oppositam, nimirum ad ens reduplicative ut corporeum, adeoque essentialiter diversum ab ente spirituali & immateriali. Intellectus igitur non solum ejusdem ordinis est cum ente divino ut ens est, sed etiam quatenus est ens immateriale: igitur modo elevetur mens humana ipsi, poterit ens immateriale tantum suum objectum attingere; nec mirum, intellectus creatus utpote spiritualis, est universalium; hoc est, attingere similiter & respicere potest omne ens immateriale quidem, quia est ejusdem cum

eo ordinis; materiale vero, quia potest illud a materia per abstractionem exuere, & postea illud in specie formata contemplari; sed non sic oculus corporeus, cum enim sit in materia immerfus illam neque relinquere, neque ab ea abstrahere potest: unde rem spirituales, quantumvis elevatus attingere non valet.

*Persistes*. Ratio infiniti tam extrahit essentiam divinam extra objectum intellectus creati, quam immaterialitas illam extrahit extra objectum oculi corporei: Ergo sicut essentia non potest videri ab isto, neque utique poterit ab illo. Probatur antecedens: tanta est distantia inter finitum & infinitum, quanta inter rem materiale & spirituales intercedit: ergo, &c.

*Respondeo* negando, antecedens: Licet enim intellectus hominis sit finitus, est tamen sub eodem genere supremo & subalterno cum ente infinito, nam ut talis ex natura sua spiritualis & immaterialis est: at vero oculus corporeus est solum sub eodem genere supremo cum re spirituali, siquidem cum ea duntaxat convenit in ratione entis, nusquam vero in ratione talis entis, quippe qui sit corporeus & non spiritualis. Ad probationem distinguo: Tanta est distantia inter finitum & infinitum, quanta inter rem materiale & spirituales in ratione entis, concedo: Quandoquidem essentia divina est quid increatum: Tanta est in ratione habitudinis, nego. Hæc autem disparitas non oritur ex ratione finiti, vel infiniti, quæ sunt proprietates consequentes ad ens & ipsius quantitas virtualis, sed ex diversa ratione entium specifica: sic licet animal & homo sint quid finitum, fieri tamen non potest, ut animal reduplicative ut animal, convenit cum homine, quatenus rationalis est: qui rationalitas & irrationalitas opponitur & se mutuo ab eodem subiecto excludunt. Propter eandem & similem rationem, nec oculus videre sonum, nec auris vicissim percipere coloratum potest, quia objecta sunt diversi ordinis specificæ: igitur nec priter oculus corporeus rem spirituales & immateriale videre potest.

*Urgetis*: intellectus creatus non potest elevari ad videndum omnia possibilia quæ in essentia divina latent, ergo nec ad videndum Deum intuitive. Probatur consequentia: Deus in se est quid majusquam omnes creaturæ possibiles: ergo si intellectus non potest elevari ad videndum omnia



nia possibilia, a fortiori nec ad videndum intuitive Deum.

*Respondeo* negando paritatem: ratio discriminis in eo potissimum sita est, quod cognitio omnium possibilibus inferat Dei ipsius comprehensionem, cum possibilia nihil aliud sint quam ipsa essentia divina, infinite ad extra participabilis: igitur intellectus creatus omnia non potest cognoscere possibilia, bene tamen Deum finito modo videre; ad hoc enim sufficit si per lumen gloriæ creatum elevetur.

*Obijcies* 2. Deus est comprehensibilis, & tamen ab intellectu creato comprehendendi non potest: ergo licet sit visibilis, non potest utique ab intellectu creato videri.

*Respondeo* distinguendo antecedens. Deus est comprehensibilis a potentia infinita, concedo: a facultate finita, negando antecedens & paritatem: ratio disparitatis in eo est, quod Deus non possit ex parte comprehendendi, alias non esset comprehensio: nunc comprehensio cognitionem adæquatam objecti importat: at non visibilitas. Et vero videmus intuitive solem in se tamen non videamus secundum omnem extensionem, eo quod oculus sit nimis limitatus: igitur & intellectus creatus potest videre Deum intuitive, licet secundum omnem extensionem virtualem haud valeat.

*Instabis*: Deus non potest videri intuitive nisi comprehendatur: sed intellectus creatus nequit Deum comprehendere: ergo nec videre. Probatum majorem. 1. quidem Deus est indivisibilis, igitur non potest videri nisi totaliter videatur. 2. Si non comprehenditur, non videtur totus: igitur nec sicuti est.

*Respondeo* negando maiorem: ad probationem, distingo: Deus est indivisibilis in se, & entitative, virtualiter vero divisibilis, concedo: & nequidem virtualiter divisibilis est, nego. Deus multas habet virtutes, seu potius unicam eamque infinitam, omnibus perfectionibus creatis æquivalentem, immo & eas in immensum excedentem, & ideo fugit aciem mentis creatæ quoad multa, eo prope modo quo solis extensio adæquata oculum fugit corporum: quod quidem ulteriori potest illustrari exemplo. Verbi gratia videmus Petrum, non ideo tamen ipsius secreta intelligimus: sic Beati vident Deum, sed non totaliter, quandoquidem Deus non habet terminos, bene vero intellectus creaturæ: vident essentiam divinam Beati; vident personas,

vident & attributa, sed finito prorsus modo: hinc sancti Doctores nonnunquam dicunt Deum Patrem soli Filio, soli Spiritui sancto notum esse, hoc est comprehensivè: tamen enim Beati Deum intuitive vident, non tamen secundum omnem cognoscibilitatis modum.

*Instabis*: ergo aliquid in Deo sanctos latet: igitur non vident Deum sicuti est & intuitive.

*Respondeo* distinguendo: aliquid accidentale licet sanctos, puta secreta consiliorum Dei, & modus cognoscibilitatis infinitus, concedo, aliquid essentiale, nego. Vident enim omnia quæ sunt essentialia, nempe & naturam, & Personam & attributa, quinimmo vident & modum cognoscibilitatis esse infinitum, esse ineffabilem, sed ipsum non comprehendunt. Ergone anxii? minime. Quippe qui videndo Deum, omnibus fruuntur bonis eo modo quo sunt capaces, scilicet finito. Porro appetitus non est ad impossibile: cum igitur beati Deum non possint comprehendere, de hoc nullo modo sunt anxii immo hoc ipsum nullo modo desiderant.

*Instabis*: si Deus non videtur comprehensive a Beatis, sequitur ejus visione non satiari Sanctos: absurdum consequens: ergo & antecedens. Probatum sequela: ideo creaturæ hominem reddere Beatum, ejusque appetitum satiare non valent, quia sunt bona finita: ergo si visio Dei non est comprehensiva, neque erit & satiativa, quippe quæ & finita adeoque & bonum prorsus finitum.

*Respondeo* negando sequelam, & paritatem propter duo. 1. Quidem quia quælibet creatura in se spectata est bonum finitum, Deus vero bonum infinitum, unde satiatur appetitum intellectus creati, minime vero creaturæ possessio. 2. Creaturæ sunt imperfectæ, quandoquidem multis carent bonis quæ desiderat anima: at vero Deus est summum & maximum bonum. Denique creatura hic multis subicitur mileriis, quæ quidem impediunt perfectam objecti possessionem: sed in cælo omne bonum invenitur, nempe æternitas, pax, immortalitas. Quid plura? finis clare, certo & in æternum, sine distractione possidetur. Hinc anima torrente voluptatibus potatur, & inebriata ab ubertate sanctæ civitatis quiescit.

*Instabis*: si Deus intuitive videretur ab intellectu creato, actus visionis foret infinitus: ergo & comprehensivus. Probatum

tur sequela. Ubi est objectum infinitum, ibi est actus infinitus, nam actus specificatur ab objecto: ergo &c.

*Respondeo* distinguendo: erit visio infinita obiective, terminative & extrinsece, concedo: erit infinita subjective, subdistinguo, si tendat facultas modo infinito ad objectum, concedo: si modo duntaxat finito, ut de facto tendit intellectus Beatorum, nego: ad aliud, distinguo: actus specificatur ab objecto, & a modo tendendi in illud, concedo: ab objecto ut sic, subdistinguo: extrinsece, concedo: intrinsece, nego: quantitas actus a virtute potentie promanat, unde si sit finita, actus utique est intrinsece finitus & solum extrinsece infinitus, seu obiective. Talis est Sanctorum visio, quandoquidem quantitative & intrinsece est finita, adeoque solum obiective & extrinsece infinita.

*Inflabit*: representatio rei infinitæ est infinita: sed intellectus nequit videre Deum, nisi illum sibi representet sicuti est: ergo in hypothese quod videat Deum intuitivè, ejus actus erit intrinsece infinitus.

*Respondeo* 1. intellectum Beatorum non producere speciem de Deo, unde illum sibi non representat, sed essentia divina immediate unitur eorum menti, ut ab eis intuitivè videatur. Ita D. Thom. ut dicitur infra ex professo.

*Respondeo* 2. distinguendo: representatio adæquata, quæ objectum tam secundum se quam secundum suam quantitatem virtutalem, & omnem cognoscibilitatis modum exprimit, est infinita, concedo: representatio inadæquata, quæ non attingit omnem objecti extensionem & quantitatem, qualis est ea quæ competit Beatis, nego.

*Inflabit*: si visio Dei possibilis est, debet esse adæquata: ergo nulla solutio. Probatur subsumptum: supposito quod sit intuitiva, nedum attributa, sed & possibilis, & Dei arcana ab ea attingi necesse est, quatenus hæc omnia sunt ipse Deus: igitur si Sancti donentur visione beatifica, vident Deum adæquate & extensive.

*Respondeo* negando subsumptum, ad probationem distinguo: possibilia & arcana sunt ipse Deus entitative & extensive, concedo: entitative solum, nego: dictum est quidem Deum videri a Beatis; sed non secundum omnem cognoscibilitatis modum: & vero vident omnipotentiam, sed non omnia quæ potest, intelligunt, maxime vero cum creaturæ possibiles non habeant

necessariam cum Deo connexionem: igitur Deus non visis possibilibus, videri potest a Beatis.

*Obijcies* 3. Verum infinitum non est objectum intellectus, igitur mens humana nequit videre Deum intuitivè. Probitur antecedens: tametsi fides & scientia respiciant ens immateriale & spiritale, attamen fides ad scientiæ objectum non pertingit. Nam fidei objectum veritas quidem est, sed revelata, scientiæ vero est veritas clare & evidenter cognita: ergo a simili licet intellectus creatus habeat pro objecto verum, non potest tamen respicere verum infinitum, scilicet Deum, quandoquidem verum finitum & infinitum habent rationem prorsus diversam.

*Respondeo* negando paritatem propter duo: primo quidem quia potentia vitalis universalior est habitu, qui ad unum determinatus est; igitur cum intellectus sit universalissimus, potest simul attingere & objectum fidei, nimirum veritatem revelatam, & objectum scientiæ, nempe veritatem clare & evidenter cognitam. Quinimodo omnium scientiarum objecta respicit, quavis qualibet in particulari non possit ferri circa objectum sibi correspondens. 2. Finitum & infinitum non sunt rationes objectæ formalia diversa constituentes, sed eorum duntaxat quantitas: quod enim Juvenis clarius videat coloratum quam Senex, non inde sequitur eorum oculos esse specie diversos; quandoquidem plus & minus ad objecti rationem, aut nihil, aut parium conducunt; igitur nec finitum & infinitum; neque enim objectæ formaliter diversa constituunt. Unde nullum sequitur inconveniens, tametsi hominis, vel Angeli intellectus versetur finito modo circa objectum infinitum.

*Inflabit*: scientia est universalium; non enim datur de singularibus, quippe quæ contingentia sint, & tamen Physica, v.g. objectum Medicinæ attingere non valet: ergo a simili licet intellectus creatus sit universalis, non potest tamen objectum infinitum attingere.

*Respondeo* distinguendo: scientia est universalis in aliquo genere & quatenus abstrahit a singularibus, concedo: in omni genere, nego: est enim ad unum objectum formale determinata; sic Medicina respicit solum corpus humanum reduplicative ut sanabile: at vero intellectus universalior est, siquidem respicit verum secundum omnem formalitatem, videlicet verum

Phy-

Physicum, verum Morale, verum creatum, & increatum; unde non est par ratio.

## SYNOPSIS PROBATIONUM.

### *Viso Dei est possibilis.*

**PRIMO** quia ex Scriptura Deus intuitivè visus, est merces sanctorum. Quinimo Beati illum vident sicuti est.

**Secundo**, quia ex Conciliis visio sanctorum, non est ænigmatica, sed facie ad faciem & intuitiva. Ita & docent utriusque Ecclesiæ Patres.

**Tertio**, quia Deus continetur intra objectum specificativum intellectus creati, qui quidem respicit omne verum in tota sua latitudine. Cæterum inest homini appetitus ad Deum intuitive videndum, nullus autem appetitus legitimus debet esse frustraneus.

## SYNOPSIS OBJECTIONUM.

**PRIMO**, Deus dicitur invisibilis in Scriptura, sed hoc intelligitur viribus naturæ, atque etiam de visione comprehensiva quæ soli Filio convenit & Spiritui sancto.

**Secundo**, in eodem sensu intelligendi sunt Patres, quando negare videntur visionem Dei creaturæ intellectuali possibilem.

**Tertio**, non est quidem proportio entitativa inter Deum & intellectum creatum, bene tamen habitudinis: denique licet Beati videant totum Deum, non sequitur videre comprehensive, quia illum non vident totaliter, siquidem omnem ejus cognoscibilitatis modum & quantitatem attingere non valent.

## ARTICULUS SECUNDUS.

*Utrum sanctus Chrysostomus negaverit possibilitatem visionis Beatificæ pro intellectu creato.*

### CONCLUSIO

Sanctus Chrysostomus non negavit possibilitatem visionis Dei pro intellectu creato elevato.

**PROBATUR**: ille non negavit possibilitatem visionis Dei pro intellectu crea-

to elevato, qui illam passim & in multis locis astruit: atqui sanctus Chrysostomus passim & in multis locis astruit possibilitatem visionis Beatificæ pro intellectu creato: ergo illam non negavit. Probatur minor multipliciter. 1. Parænesi prima ad Theodorum lapsam, c. 7. explicans illud Matth. 17. *Bonum est nos hic esse*, ait: " Quid dicemus quando regis cubiculis adaper-  
tis intueri licebit ipsi Regem, non per  
speculum, nec per ænigma, sed facie  
ad faciem? " 2. Homil. III. in Epist. ad Philippenfes exponens illud Psal. 41. *Quando veniam & apparebo ante faciem Dei*; eandem confirmat veritatem. " Vide, ir-  
quit, ardentem hominem, videri inflam-  
matum, sciens enim se, cum hinc re-  
cesserit, Deum esse visurum, nec ex-  
petat quidem dilatiorem. " 3. Oratio-  
ne de Sancto Philogone novum addit veritatis calculum, & sic loquitur. " Hic  
quidem nemo Deum vidit, illic autem  
qui adsunt, perpetuo vident, quatenus  
illum videre licet, non solum præsen-  
tem, verum etiam gloriæ splendore con-  
decorantem. " Ergo sanctus Chrysostomus  
passim astruit possibilitatem visionis  
pro intellectu creato.

### *Solvuntur Objectiones.*

**OBJECIES.** Chrysostomus explicans illa verba: *Deum nemo vidit unquam*, sed *Unigenitus nobis enarravit*; dicit Homil. 14. Deum a nemine visum fuisse, etiam a Prophetis: assert in exemplum simul & in probationem Jacob, qui dicitur vidisse Deum facie ad faciem; Moïsem qui vidit in rubo: Isaiam qui vidit in throno sedentem, Joannem qui in Apocalypsi se vidisse gloriæ Dei testatur. Ratio ab ipso ibi allata, cur isti omnes Deum intuitive non viderint, hæc est, quia, inquit, Deus non est descriptibilis: igitur Chrysostomus non credidit visionem Dei possibilem.

**Respondeo** distinguendo: Deus non videtur visione comprehensive, concedo: intuitiva, eaque finita; subdistinguo: in hac vita, concedo: in altera, nego: quod autem hic sit sensus Chrysostomi, patet ex scopo quem habet in quinque homiliis, nempe Anomæos perstringere: isti autem duos habebant errores. 1. Dicebant Deum in hac vita intuitive videri. 2. Videri comprehensive. Utrumque refellit errorem Chrysostomus, primum quidem dicendo quod nec ipsi Prophetæ in hac vi-

vita viderint Deum intuitive, sed solum in similitudinibus, & hoc quia Deus non est descriptibilis. Secundum vero, asserendo Deum a solo Unigenito, qui est in sinu Patris, cognosci cognitione comprehensiva. Duplicem igitur distinguit visionem S. Doctor, alteram comprehensivam, alteram finitam. Primum vocat visionem in sinu Patris & ipsi consubstantialiam, hancque soli Filio convenire asserit, & hoc ad refutandos Anomæos: alteram vero modo intuitivam, modo solum imaginariam nominat. Intuitivam quidem, pro Beatis; imaginariam vero, pro viatoribus.

*Instabis:* Prophetarum visio dicitur revelatio, adeoque non intuitiva: sed visio Beatorum est etiam solum revelatio, juxta illud Matth. 11. v. 27. *Nemo novit Filium nisi pater, neque patrem quis novit, nisi Filius, & cui voluerit Filius revelare.* Idem sentit Chrysostomus, dum dicit visionem Prophetarum & Beatorum esse solum visionem permissionis: "Omnia, inquit ibidem, permissionis fuisse, non ipsius substantiæ: ergo, &c.

*Respondet* distinguendo: Visio sanctorum est revelatio, idest, gratia, concedo: hoc ipsum explicat Chrysostomus per vocabulum permissionis. Idest, cognitio obscura, subdistinguo, in terris, concedo: in cælis, nego: revelatio non importat absolute visionem obscuram, abstractam enim ab obscura & intuitiva: sed dicit, ut germius sonat, cognitionem indebitam seu gratuitam, & liberam ex parte Dei dantis, in hoc autem distinguitur a cognitione Unigeniti quæ habetur in sinu Patris; ista enim est naturalis, debita, necessaria, & consequenter comprehensiva. Ut igitur Anomæos revincat Chrysostomus, dicit Deum nequidem a Prophetis, immo nec ab Angelis visum fuisse; scilicet comprehensive, diceret concludendo; quomodo vos viatores & peccatores audeatis & dicere & presumere videre Deum comprehensive? Cum nequidem Angeli possint hac donari gloria? Visio autem Beatorum in hoc convenit cum visione Prophetarum, quod utraque sit donum Dei, utraque finita, utraque magna gratia; differt vero in eo maxime quod Beati videant intuitive Deum, Prophetæ vero viderint solum in somniis, in ænigmate, & in similitudinibus.

*Instabis:* Chrysostomus ibidem Homil. 14. sic loquitur. "Id quod est Deus non

modo Prophetæ non viderunt, sed neque Angeli. Ibi comparat visionem Angelorum cum visione Prophetarum: ergo existimat nullam dari visionem intuitivam præter visionem quam habet de Patre Unigenitus, quæque est comprehensiva.

*Respondet* distinguendo: Angeli non viderunt Deum comprehensive, concedo: & in hoc Chrysostomus comparat visionem Angelorum cum visione Prophetarum. Non viderunt intuitive, nego: Chrysostomus ibi loquitur in sensu Anomæis opposito; omnesque ejus probationes in hoc unum tendunt, ut excludat a creaturis visionem Dei comprehensivam.

*Respondet* 2. distinguendo: Angeli non viderunt Deum exquisita ratione, quæ est in sensu Chrysostomi Dei comprehensio, concedo: solus enim Unigenitus, qui est in sinu Patris, Dei mirabilia enarrare potest; siquidem solus cum Spiritu sancto, Patrem comprehendit: non viderunt intuitive, nego: quod autem hic fit genus Chrysostomi sensus, patet ex Homil. 4. ubi sic concludit contra Anomæos. "Postquam nuper ostendimus Deum incomprehensibilem esse, etiam ipsis Cherubim & Seraphim. . . . restat ut ostendamus Dei exquisitam comprehensionem habere non posse Angelos, aut ullam creaturam; & rursum ibidem. "Toties audio Deum nullum vidisse, intellege nullum esse, qui Dei substantiam exquisita ratione percepit.

*Instabis:* Chrysostomus ibidem Hom. 14. de Angelis, ait: "Si eos percontaberis, nihil ab his de Dei substantia audies, sed tantum referentes, gloria in altissimis Deo. . . . Sed qui videt Deum intuitive, potest multa mira de Dei natura referre: ergo cum Angeli ex Chrysostomo, nihil possint de ea dicere, argumentum est, secundum istius Patris mentem, Deum non videri ab eis.

*Respondet* 1. Deum esse ineffabilem, & ideo Beatos verbum naturam Dei exprimens non posse producere: unde Psal. 64. v. 1. habetur: *Te decet hymnus Deus in Sion.* Versio Chaldaica ponit: *Te decet silentium, Deus, in Sion.* Igitur ex eo quod Chrysostomus dicat Angelos nihil posse de Deo eloqui, non sequitur ipsum negare pro Angelis visionem Dei intuitivam.

*Respondet* 2. distinguendo: nihil audies ab Angelis, quia Deum non comprehendunt, concedo: quia non vident, nego: igit-

igitur visionem duntaxat comprehensivam ab Angelis procul facit Chrysostomus; unde ibidem adiecit: Præterea Christus:

"Nemo, inquit, cognoscit Patrem, nisi Filius: quid inquit? Num omnes in ignorantia vivimus? Absit. Sed nemo ita cognovit Patrem ut Filius: ut igitur multi quisque pro captu suo ipsum videant; substantiam autem nemo videt: sic multi Deum cognoscimus, non tamen ipsam substantiam qualis est, nisi solus Unigenitus, qui certam notionem, visumque, & comprehensionem habet, qualem Filium habere de Patre par est: licet enim cognoscit nos Pater, inquit, & ego cognosco Patrem. Deinde ibidem sic concludit S. Doctor: "

"Hinc collige certam Filii de Patre comprehensionem, nemo Deum vidit, nisi qui ex Deo est, ac, ut dixi, gratia Evangelistæ sinu meminit, quo uno verò multam substantiæ cognitionem, profunditatem, parem Patri cognitionem, potestatem ostendit."

*Inflabis.* Homil. 3. Chrysostomus vocat visionem quam Angeli de Deo habent condescensum: sed condescensum non est clara Dei visio: ergo, &c.

*Respondeo* distinguendo: & per condescensum intelligit visionem finitam & attemperatam captui intellectus creati, concedo: visionem obscuram, subdistinguo; pro viatoribus, concedo: pro beatis, nego. Utroque venit ad scopum Chrysostomi: enimvero dicendo visionem Beatorum finitam, ostendit Anomæis comprehensivam non convenire creaturæ; dicendo obscuram pro viatoribus, ostendit hominem viatorem non videre Deum intuitive, quod tamen propugnabant hæretici.

*Inflabis.* Ibidem Chrysostomus cognitionem quam habere possumus de Deo, imaginationem vocat. Ergo Chrysostomus negat absolute visionis possibilitatem.

*Respondeo* distinguendo: vocat imaginationem comparative ad visionem comprehensivam; est enim propter infinitum distantiam veluti nihil comparative ad eam, in quo quidem sensu Psalmista Deum alloquens, ait Psalm. 38. vers. 6. *Tantum nihilum ante te*, concedo: vocat incarnationem excludendo visionem intuitivam, nego: nam Homil. 6. de variis ad Matthæum locis in illud, *Beati mundo corde*, cap. 5. sic efficitur: "Nihil ad videndum Deum nobis tan necessarium quam hæc animi munditia. Quapropter Paulus

"dicit in Epist. ad Hebr. Pacem sequimini cum omnibus ad sanctificationemque, sine qua nemo videbit Deum."

*Inflabis.* Qui affirmat neminem ad Deum accedere posse, certe negat absolute, & omnimode eum esse creaturæ visibilem: atqui Chrysostomus dicit neminem ad Deum posse accedere: igitur negat absolute visionis Dei possibilitatem. Probatur minor. Homil. 3. de incomprehensibili Dei natura asserit Deum non tantum invisibilem esse, sed etiam lucem inhabitare inaccessibleem: igitur si invisibilis, non potest videri; si lucem inhabitat inaccessibleem, non potest aliquis ad ipsum accedere & appropinquare.

*Respondeo* 1. per ejusmodi terminos invisibilitatis & inaccessus, Chrysostomus solummodo excludere Dei comprehensionem a creatura, & hoc patet tum ex titulo hominæ, quam nominat de incomprehensibili Dei natura, tum ex scopo; nam ibi suo perstringit stylo censorio Anomæos, ut non semel dictum est.

*Respondeo* 2. distinguendo: Deus est invisibilis in via, & nullus hic accedit ad visionem ipsius claram, concedo; & hoc contra Anomæos qui dicebant se in hac vita claram habere Dei notitiam, & tantam qualem habet Pater de semetipso; est invisibilis respectu Beatorum, nego.

*Inflabis.* Ibidem, Homil. 14. ait Deum eo solum tempore ab Angelis visum fuisse cum carnem induit. Sic enim ait: "Visum ab Angelis ex quo carnem induit: antea non ita videbatur, cum ipsis quoque esset invisibilis substantia. Profecto si Deus a Beatis intuitive videretur, Angeli sancti eum ante incarnationem vidissent, cum jam jam essent beati: hoc ipsum negat Chrysostomus; & negationis hanc asserit rationem, quia substantia Dei erat beatis illis Spiritibus invisibilis ergo, &c."

*Respondeo* 1. distinguendo: Deus ante incarnationem non videbatur comprehensive ab Angelis, concedo: intuitive, nego. Porro Chrysostomus per cognitionem substantiæ Dei intelligit comprehensionem: igitur eam solam adjudicat a creaturis spiritualibus. Sanctus Doctor est sui ipsius interpret. "Quamobrem, inquit, nolite despicere ex his minimis, dico enim vobis, quod Angeli eorum vident faciem Patris mei qui in celis est."

*Respondeo* 2. aliter, & distinguendo: ante incarnationem Angeli non videbant Christi-

Christum comprehensivæ, concedo: post Incarnationem, subdistinguo; non videbant ut Deum, cum substantia ejus sic invisibilis, idest, incomprehensibilis ab intellectu creato, concedo: non videbant comprehensivæ, ut hominem, nego. Omnia igitur distinguit Anomæis Chrysostomus; asserit Angelos non vidisse Deum visione comprehensivâ ante Incarnationem; sed ex quo carnem induit, vidisse & comprehendisse humanitatem quæ quidem est quid creatum & finitum, & hoc per gratiam revelationis, siquidem revelatum est illis ineffabile Incarnationis Dominicæ mysterium juxta illud Apost. primæ ad Tim. 3. v. 16. *Magnum est pietatis Sacramentum, quod manifestatum est in carne, justificatum in Spiritu, apparuit Angelis, creditum est in mundo.*

*Instabis.* Si Deus posset videri ab Angelis, & videretur de facto, maxime propter illud Matth. 18. v. 10. *Angeli eorum in cælis semper vident faciem Patris mei, qui in cælis est.* Atqui ex Chrysostomo, non potest inde recte colligi Beatos illos Spiritus videre clare & intuitive Deum: igitur Chrysostomus nullo modo agnoscit visionem Dei possibilem. Probat minor. Homil. 14. explicans verba laudata, ait: "Quid ergo? faciem Deum habet & cælo circumscriptur, sed nemo ea agitur, infamia, ut hæc dixerit; quænam ergo ea sententia, quæ & in illo loco, beati mundo corde quoniam ipsi Deum videbant, cogitationem namque atque imaginem quam pro viribus nostris de Deo capimus, eam visionem appellat: ergo, &c.

*Respondeo* negando minorem: ad probationem, distinguo: Chrysostomus rejicit visionem faciei ad faciem quæ est per similitudines, concedo; Deus enim, inquit, non circumscriptur; unde Isaias qui illum sedentem super solium excelsum se vidisse testatur non immediate, sed Angelum in forma sensibili Deum representantem, seu potius in persona Dei loquentem, conspicebat: rejicit S. Doctor visionem faciei ad faciem, a similitudinibus exemptam, claram & intuitivam, nego. Aliter adhuc distingui potest: excludit visionem intuitivam comprehensivam, concedo: intuitivam ut sic, nego: ibidem enim subdit solum Unigenitum qui est in sinu Patris magnalia Dei enarrare: *Aliud,* inquit, quiddam amplius quam videre potuit, idest, Joannes, dicens

"qui est in sinu Patris, nam in sinu Patris esse, majus quiddam est, quam videre." Quibus verbis manifeste docet se loqui de visione comprehensivâ, cum dicit Deum non posse videri a creatura.

*Instabis.* Ibidem probat Chrysostomus visionem Dei intuitivam impossibilem esse intellectu creato, & hoc duplici ratione. Prima est, oculus corporeus non potest videre Angelum; ex quo colligit Deum non posse videri. Secunda, ex ipso visio omnis est comprehensivâ eo ipso quo est visio Dei sicuti est; ergo, &c.

*Respondeo* distinguendo: & Chrysostomus paritate oculi corporei qui non potest videre Angelum, vult ostendere Anomæis visionem Dei comprehensivam impossibilem esse creaturis, concedo; alias nihil probaret: & loquitur de visione intuitivâ ut sic, nego: contendit igitur S. Doctor quod licet oculus corporeus non potest videre Angelum, quia est extra objectum ipsius tum specificativum, tum extensivum; ita intellectus creatus nequit comprehendere Deum. Abique negotio & pari facilitate alteram solvimus instantiam, distinguendo: omnis visio intuitivâ adæquata, est comprehensivâ, concedo: visio inadæquata & finita, nego: loquitur Chrysostomus de prima.

*Cæterum,* Beatus Chrysostomus, Homil. 11. ne aliquis in pravum detorqueat sensum ea quæ dicit, sui ipsius interpretis est: "Non ignoro, inquit, ad varios nostros verbis meis insolentiam summam objecturos quod ne sumis quidem virtutibus Deum esse incomprehensibilem judicem... non pariter modo nos, atque virtutes Deum incomprehensibilem agnovimus, perfectius perfectiones noverunt." Quibus verbis denotat, visionem Dei in Angelis perfectiorem quidem esse quam in nobis: sed nusquam usque ad comprehensionem pertinere.

#### SYNOPSIS PROBATIONUM.

*Sanctus Chrysostomus, non impugnans visionis Dei possibilitatem.*

*Primo,* quia asserit Deum sese manifestaturum iustis in æternitate, non in ænigmate, sed facie ad faciem: ita præfati prima ad Theodorum ipsum, c. 7.

*Secundo,* dicit Sanctos post hujus vitæ per-

peregrinationem Deum esse visuros. Ita Hom. III. in Epist. ad Philippenſes.

*Tertio*, docet Beatos in cœlis de facto Deum videre intuitive. Ita oratione de sancto Philogonio.

## SYNOPSIS OBJECTIONUM ET SOLUTIONUM.

*Primo*, B. Chrysostomus negat quidem quandoque visionem Dei esse possibilem; sed ne miremini, loquitur tantum de comprehensiva.

*Secundo*, Quandoque etiam vocat gloriam sanctorum permissionem & revelationem; verum per ejusmodi voces duntaxat intelligit visionem esse finitam, & gratuitam & naturæ humanæ indebitam.

*Tertio*, Nonnumquam utique dicit Deum non magis posse a Beatis videri quam Angelum ab oculo corporeo perspicui: sed & in hoc visionem comprehensivam tantummodo excludit, quandoquidem loquitur contra Anomæos, quos quidem pro virili impugnât.

## ARTICULUS TERTIUS.

*Utrum Theodoretus agnovit visionis Dei possibilitatem.*

### CONCLUSIO.

Theodoretus agnovit possibilitatem visionis Dei.

*Probat* multis argumentis, tum ex textibus Theodoretii, tum ex ratione & fidei ipsius puritate deductis.

**I.** IN vita B. Jacobi Anachoretæ, sic loquitur de pietate qua Sanctorum reliquias in loco digno & posuerat & collegarat. "Cum inultos quidam Prophetas, multos autem Apostolos, maxime autem plurimos Martyres undique collegiſſet, eos posuit in una arca, volens simul habitare cum populo Sanctorum, & desiderans cum eis resurgere, & dignari Dei contemplatione."

*Secundo*, Similem prope habet sermonem in vita sancti Eusebii. "Ad cursus, inquit, metam pervenit, & agonotheta tam cernens qui remunerationum magnificentia labores superat. Ego vero visione illa frui... cupio." Rursus est

sui ipsius interpres; namque in caput 2. Epist. ad Ephesios, v. 7. hæc habet, verba Pauli explicans, *Ut ostenderet in sæculis supervenientibus abundantes divitiis gratiæ suæ*. "Nunc enim, inquit, bonorum quæ speratur magnitudo est quidem omnino ignota fidelibus, fideles autem vident tanquam in speculo & in ænigmatibus: per fidem enim ambulant, non per speciem, tunc autem videbunt facie ad faciem: tunc fideles & infideles videbunt naturam ex nobis assumptam, ab omni creatura adoratam, & sanctos una regnantes."

*Tertio*, ratione. Ille agnovit possibilitatem visionis Dei qui dicit Sanctos præter naturam assumptam videre Deum in cœlis, Deum contemplari, visione Dei frui, hanc visionem non esse per speculum & in ænigmatibus, sed facie ad faciem: atqui hæc omnia admittit Theodoretus: & probatur: in 1. loco dicit S. Jacobum desiderare frui Dei contemplatione, ibi sane non loquitur de solo Christo: in 2. loco sanctum Eusebium desiderare frui visione Dei asserit: in 3. fideles videre in cœlo Deum, non in ænigmatibus, sed facie ad faciem, commemorat; postea subjungit fideles & infideles naturam assumptam & ab omnibus adoratam esse visuros, scilicet in die Judicii, quod quidem distinguit a visione qua nunc donantur Sancti in cœlis: igitur Theodoretus agnovit Beatos præter visionem Sanctæ humanitatis, videre Deum intuitive.

*Quarto*, Theodoretus neque a summis Pontificibus, neque a Concilio Chalcedonensi, ubi reddere rationem suæ fidei compulsus est, neque ab Ecclesia hæreses labe in hoc inuſus est: ergo Catholice censuit de possibilitate visionis Dei.

## SOLVUNTUR OBJECTIONES.

**OBJECIES 1.** Ille negat possibilitatem visionis Dei pro intellectu creato, qui negat divinam naturam sub aspectum cadere: atqui hoc negat Theodoretus. Probat minor. Dialog. 1. Orthodoxus sic loquitur, scilicet Theodoretus, Eutychiano: "Alii, ubi ergo ratiocinatione opus est: divini namque naturam sub aspectum cadere, posse dicimus. An non credimus Apostolo, qui dicit, immortalis, invisibilis, soli Deo? quibus quidem verbis auctoritate Apostoli suffultus, visionis Dei possibilitatem abnuere videtur."

Re-

*Respondeo* 1. generaliter ea quæ respondimus ad Chrylosorum, scilicet, vel Theodoretum loqui de visione comprehensiva contra Anomæos, vel de visione Dei intuitiva pro hac vita & viribus naturæ comparata contra eosdem, vel etiam de visione Dei intuitiva per oculum corporeum qualem se habere effutiebant Euty-chiani. Hæc autem triplex visio excluditur a creatura, prima quidem & tertia, quia impossibilis est; secunda vero quia indebita, & etiam extra virium naturæ metam.

*Respondeo* 2. distinguendo: natura divina non cadit sub aspectu oculi corporei, & in hac vita, sub aspectu mentis, concedo: sub aspectu intellectus lumine gloriæ persuli in cælo, nego. Theodoretus in toto Dialogo impugnât Euty-chianos in multis: sed maxime in eo quod dicerent humanitatem absorptam esse a divinitate & in Incarnatione commixtam, adeoque & divinam naturam videri, abutentes isto Prophetæ Baruchi vaticinio, c. 5. v. 37. in quo quidem de Filio Dei sic loquitur Prophetâ: *Hic, & Deus noster est, non æstimabitur alius adversus eum. . . . Post hæc in terris visus est, & cum hominibus conversatus est*. Igitur merito Theodoretus dicit, Deum non videri in hac vita, immo & esse oculo corporeo invisibilem tum in præsentem, tum in futuro recte præpugnat.

*Instabis*. Ibidem Theodoretus Deum nec ab hominibus, nec ab Angelis videri posse asserit. „ Orthodoxus. Quomodo ergo videri poterat divina natura sine corpore? An non meministi eorum verborum Apostoli, quæ aperte docent divinam naturam non posse videri? Sic autem dicit, quem nullus homo vidit, nec videre potest. Si ergo ab hominibus, dico etiam ab Angelis videri non potest divina natura. Dic quomodo, qui sub aspectum non cadit, ab hominibus visus est? Eranistes. Prophetâ dixit, quod in terra visus est. Orthodoxus. Et Apostolus dixit immortalis, invisibili, soli Deo, & quem nullus homo vidit, nec videre potest. Ille absolute negat visionis Dei possibilitatem: qui Deum non posse etiam ab ipsis Angelis videri prædicat, quippe adducit in probationem Apostolum dicentem, quem nullus homo vidit, nec videre potest. Atqui in locis adductis Theodoretus sic loquitur & sic propugnat: ergo, &c.

*Respondeo* 1. Patres aliquam hæresim impugnantes solitos fuisse, non solum in oppositum prorsus declinare sensum, sed & quasi exuberare; unde non mirum, si Theodoretus volens perstringere Euty-chianos dicentes naturam divinam & comprehensibilem ab intellectu creato, & ab oculo corporeo aspectabilem, neget omnimode cadere sub aspectum hominum & etiam Angelorum: hominum quidem, quia natura divina non cadit sub sensus; Angelorum vero, quia ab ipsis comprehendere non potest.

*Respondeo* distinguendo: Theodoretus naturam divinam posse videri negat in sensu Euty-chianorum, concedo: in sensu Catholico & Apostoli, nego. Sensus igitur tanti Doctoris est naturam divinam non posse in hac vita videri ab oculo corporeo, quod tamen Euty-chiani contendebant; hoc ipsum enim per sententiam Baruch laudatam probare, sed incassum conabantur. Rejicit etiam Theodoretus ab Angelis visionem comprehensivam Dei quam sibi pertinaciter arrogabant Anomæi: ut igitur illos revincat ait, Deum nequidem ab Angelis videri, a fortiori ab hominibus. Cæterum non negat visionem possibilem in sensu Apostoli, qui quidem asserit viribus gratiæ non solum in cælis possibilem, verum etiam & ætuale: *Nunc autem*, inquit Paulus, *per speculum in ænigmate, tunc autem facie ad faciem*. Igitur liquet Theodoretum solam visionem Dei comprehensivam, vel etiam intuitivam pro oculo corporeo duntaxat explodere.

*Urgebis*. Ille existimat naturam divinam invisibilem esse etiam viribus gratiæ qui negat ab Angelis videri in se & immediate: immo & visam tantum fuisse quando Verbum Incarnatum est: atqui ibidem hoc astruit Theodoretus: ergo, &c.

*Probatur minor*, his Theodor. verbis: „ At te ergo dixit D. Apostolus Deus manifestatus est in carne, per illam enim apparuit natura quæ videri non poterat, per illam ipsam viderunt Angelorum quoque aliqui. Visus est enim, inquit, Angelis. Eranistes. Ergo priusquam servator apparuisset, Deus non videbatur ab Angelis. Orthodoxus. „ Apostolus dixit quod manifestatus est in carne Angelis visus est. Multa observanda sunt in hoc textu. 1. Theodoretum dicere Deum visum fuisse ab Angelis solum postquam apparuit in carne, & quod an-



tea ab illis non videbatur. 3. Eranisten subsumere argumentum, & dicere: "Ergo priusquam Servator appruisset, Deus ab Angelis non videbatur. Si Theodoretus censuisset antea videri, dixisset, videbatur quidem ut Deus, sed non ut homo; hinc visus est solum sensibilibiter cum carne induit: sed nihil distinguendo, sic loquitur: "Manifestatus est in carne, ab Angelis visus est. "Igitur Theodoretus existimavit visionem naturæ divinæ omnino esse impossibilem.

*Respondeo*, Theodoretum eodem modo loqui, ac Chrysostomum cuius fuit discipulus, unde eodem modo intelligendus est, sic distinguendo. Ante Incarnationem Deus non videbatur visione comprehensiva, concedo: post Incarnationem, subdistinguo: non videbatur visione comprehensiva ut Deus, concedo: ut homo, nego: ne igitur Theodoretus dimittat adversarium, dicentem Deum in hac vita videri etiam comprehensive, non distinguit visionem intuitivam finitam & comprehensivam, sed in sensu opposito Eutychianis semper loquens, negat Deum etiam ab Angelis ante Incarnationem visum fuisse: Deus igitur Incarnatus videbatur ab Angelis secundum humanitatem intuitive & comprehensive; ab hominibus cum quibus conversabatur, intuitive tantum; ab hominibus etiam beatis nullo modo, comprehensive secundum divinitatem, nequidem intuitive actu, aut potentia ab hominibus per oculum corporeum; sicque Anomæorum & Eutychianorum hæresim in Syria ubi erat Episcopus graffantem, suo perstringit stylo censorio.

*Repones*: Qui negat visionem Dei claram quæ astruitur a Scriptura, certe negat etiam in sensu opposito Catholicis visionis possibilitatem: atqui Theodoretus hoc ipsum negat: & probatur: Scriptura non semel docet possibilitatem visionis maxime his Matth. 18. verbis: *Angeli eorum semper vident faciem Patris*: sed hoc negat Theodoretus; cum enim Eranistes illi obijceret: "Dominus dixit, videte ne convertamini unum horum parvorum, qui sunt minimi. Amen enim dico vobis, quod Angeli eorum quotidie vident faciem Patris vestri qui in cælis est. Sic respondet Orthodoxus, scilicet Theodoretus: Sed Dominus rursus dixit, Patrem non vidit quisquam, nisi qui est a Deo, is vidit Patrem, & ideo Evangelista quoque aperte clamat: Deum

"nemo vidit unquam; & confirmat quod a Domino dictum est. Unigenitus enim, inquit, Filius qui est in sinu Patris, ille narravit. Magnus quoque Moyses cum naturam quæ sub aspectum non cadit videre desiderasset, audivit ipsum Dominum Deum dicentem, *nemo videt faciem meam & vivet*. Igitur Theodoretus negat loca Scripturæ Sacræ quibus possibilitatem visionis asserui propugnamus.

*Respondeo* distinguendo minorem: negat Theodoretus, in sensu Eutychiano, concedo: in sensu Catholico, nego: Eutychiani loca Scripturæ in pravam detorquebant sensum; ex hoc enim quod legatur Angelos videre faciem Patris in cælis, interebant & homines videre oculis corporeo Deum post Incarnationem, immo & comprehendere: negat primum Theodoretus dicendo divinitatem non cadere sub aspectum creaturæ: negat utique secundum, asserendo solum unigenitum videre Patrem. Utrumque probat, nempe Deum esse incomprehensibilem, invisibilem vero oculis corporeo. Primum quidem, quia solus Unigenitus qui est in sinu Patris, Deum comprehensive intuetur: alterum etiam, quia Moyses qui vidit oculis Deum, non Deum in se, sed Deum in similitudine prospexit: quibus verbis Theodoretus utramque duntaxat visionem excludit, nusquam vero visionem intuitivam finitam pro oculis mentis lumine gloriæ persulo.

*Rursus instabis*: Qui petenti, quomodo intelligendum est istud, *Angeli eorum semper vident faciem patris*, utrum intelligatur de visione intuitiva? respondet, intelligendum esse sic ut illud quod dicitur de visione Patriarcharum, quos vidisse Deum testatur Scriptura; sane in sensu opposito Catholicis, loca Scripturæ quibus astruitur visio intuitiva, explanat: atqui sic respondet Theodoretus: & probatur: ibidem enim & in eodem Dialogo sic loquitur Eranistes: "Quomodo ergo intelligemus, quod Angeli eorum quotidie vident faciem Patris vestri? Orthodoxus respondet. Sicut solemus intelligere ea quæ dicuntur de hominibus, qui Deum vidisse existimati sunt. Eranistes. Dic clarius; non enim intellexi. Orthodoxus. Numquid potest Deus videri ab hominibus? ..... & tamen audimus divinam Scripturam dicentem, visus est Deus Abraham ad quercum Mambre: & Isaac dicentem; vidi Dominum semel in Throno .... Dicimus ipsos, non

„ non vidisse divinam naturam, sed quas-  
 „ dam visiones, quæ eorum facultati con-  
 „ venirent . . . ita ergo de Angelis in-  
 „ telligamus, audientes, quotidie vident  
 „ faciem Patris vestri : „ ergo, &c. 2.  
 „ ibidem vocat visionem Prophetarum & Pa-  
 „ triarcharum, meram revelationem, & non  
 „ visionem intuitivam : illam eandem so-  
 „ lummodo tribuit Angelis.

*Respondeo* distinguendo : ista verba, *Angeli eorum semper vident faciem patris*, intelligenda sunt, ut visiones Patriarcharum de Deo Incarnato, concedo : de Deo secundum se, subdistinguo ; quantum ad aliquid, concedo : quantum ad omnia, nego : vult Theodoretus in eodem sensu, ac Chrysostomus Deum non videri facie ad faciem sensibilem, & ab oculo corporeo, nisi in hominis similitudine quoniam vere assumpsit, sicut Christus est a Patriarchis & Prophetis in similitudinibus, vel Angelorum qui assumebant ad tempus corpora, puta Regis, ut Iudas qui vidit Deum sedentem in Throno, & in hoc est paritas, non tamen omnimoda, namque Verbum vere factum est caro, sed similitudines in quibus Prophetæ videbant Deum, ut plurimum erant imaginariæ : est adhuc in alio puncto convenientia, in eo scilicet quod sicut Patriarcharum visiones erant finitæ, ita est & visio quam Angeli habent in cælo & de Deo secundum se quem intuitivè vident, & de Deo Incarnato, seu Christo qui sedet a dextris Dei. Quia vero ex hoc loco *Angeli eorum semper vident faciem patris*, interebant Eutychediani divinitatem videri post Incarnationem ab oculo corporeo, in hoc sensu Theodoretus, ut suum tenet principium & hæreticorum systema subvertat, negat Angelos videre Deum in cælo, scilicet ut quid sensibile & comprehensibile.

*Quod* autem, eo loci solum excludat visionem Dei sensibilem & intuitivam comprehensivam, patet ex verbis quæ subiungit Theodoretus immediate post illa quæ sunt in objectione laudata. Orthodoxus . „ Ita ergo de Angelis intelligamus, au-  
 „ dientes, quotidie vident faciem Patris  
 „ vestri . Non enim vident divinam sub-  
 „ stantiam quæ nec circumscribi, nec  
 „ comprehendi, nec mente percipi po-  
 „ test, & quæ universa comprehendit,  
 „ sed quendam gloriam quæ eorum viri-  
 „ bus respondeat, sitque eis commoderata . „ Non videtur igitur ab Angelis  
 „ sensibilibus divinitas, quæ non circumscri-

bitur, sicut res sensibilis, neque etiam comprehensivè videtur in se, cum comprehendi non possit, sed videtur modo finito & creaturæ proportionato, quod quidem vocat Theodoretus gloriam eis commoderatam.

*Respondeo*, ad secundum : visio Angelorum est revelatio secundum Theodoretum, distinguo : ut revelatio importat quid gratuitum & finitum, concedo : ut est quid obscurum, nego : comparatur a Theodoro visio Angelorum revelationi Prophetarum, in eo quod est gratuita & finita.

*Adhuc* instabis : nedum in locis ubi Theodoretus debellat Eutychedianos, sed & in aliis plurimis negat visionis Dei possibilitatem : ergo ruit tota solutio . Probatur antecedens multipliciter . 1. quidem in Epist. 1. ad Corinth. cap. 13. v. 12.

„ Hic videmus, inquit, symbola Domini-  
 „ ci corporis, illic autem ipsum Dominum  
 „ videbimus, id enim significat facie ad  
 „ faciem . Videbimus autem ejus, non  
 „ quæ sub aspectum non cadit, naturam,  
 „ quæ a nullo cerni potest, sed eam quæ  
 „ de nobis lumpra est . Rursus in primam  
 „ ad Timotheum, cap. 6. v. 16. Accedit  
 „ iis quod cum ipsa non potest perscrutari naturam, lucem quæ circa eam  
 „ est, ostendit . Lucem enim, inquit, ha-  
 „ bitat inaccessibilem : sed nec hoc Deo  
 „ convenit, habet enim naturam quæ  
 „ nequit circumscribi . . . unde subjun-  
 „ xit quem nullus hominum vidit unquam,  
 „ sed nec videre potest : ergo, &c.

*Respondeo* distinguendo : & in locis laudatis agit Theodoretus contra Anomæos excludendo visionem Dei intuitivam ab oculo corporeo, comprehensivam vero ab oculo mentis creatæ, concedo : excludendo intuitivam pro intellectu Beatorum, nego : nec mirum ; cum enim tunc temporis, Anomæi & Eutychediani maximas moverent in Ecclesia traggædias, ubique eos infestatur Theodoretus . Deus, inquit, non videtur, quia habet naturam quæ circumscribi non potest : quasi illis diceret, quomodo potestis, aut videre divinitatem in huminitate sanctæ oculo corporeo, aut illam mentis acie comprehendere, cum nullis claudatur terminis ?

## SYNOPSIS PROBATIONUM.

*Theodoretus non negavit visionis Dei possibilitatem.*

**PRIMO:** quia in vita B. Jacobi asserit istum Sanctum desiderare cum aliis iustis resurgere & donari Dei contemplatione.

**Secundo:** in vita S. Eusebii dicit eum desiderare visionem Dei perfui.

**Tertio:** in caput secundum Epist. ad Ephesios, docet Beatos non videre Deum in ænigmate, sed facie ad faciem.

## SYNOPSIS OBJECTIONUM,

*& solutionum.*

**PRIMO:** non diffitemur Theodoretum asserere divinam naturam sub aspectum non cadere, sed intelligit sub aspectum oculi corporei, ut perstringat Eutychianos contrarium sentientes.

**Secundo:** dicit utique Deum nequidem ab Angelis videri; verum per hanc sententiam visionem dumtaxat comprehensivam excludit, quippe qui contra Anomæos loquatur.

**Tertio:** quandoque etiam vocat visionem Dei revelationem, sed in eodem prorsus sensu, ac Chrysostomus sumit, nempe ut ostendat esse finitam & naturæ meritis indubitam.

## ARTICULUS QUARTUS.

*Utrum intellectus Beatorum lumine gloriæ perfundatur, ut fiat proxime potens ad videndum Deum.*

## CONCLUSIO.

Deus infundit lumen gloriæ in mentem Beatorum, quo quidem sunt proxime expediti ad illum videndum.

*Probatur auctoritate & ratione.*

**PRIMO, Ex scriptura sacra**

**L**egitur Job. 36. *In manibus suis abscondit lumen & annuntiat de ea amico suo quid possessio ejus sit.* Quæ verba ponderans S. Gregorius, lib. 27. cap. 8. ait: "Absoncat Theol. Tom. I.

"micus veritatis est recte amator actionis: unde & ipsa Veritas discipulis dicit: Vos amici mei estis, si feceritis quæ præcipio vobis .... de hac igitur luce æternæ patriæ amico suo Deus annuntiat, quid possessio ejus sit, ut nequaquam infirmitatis suæ fragilitate desperet; sed tanto certius sciat, quia illius lucis claritatem possidebit, quanto nunc vitiis pullantium tenebras verius calcet. Suffragatur Propheta Regius: enimvero Psal. 35. ait: *Apud te est fons vite, & in lumine tuo videbimus lumen.* Item Isaiæ 62. habetur: *Non eris tibi amplius Sol ad lucendum per diem, neque splendor Lunæ illuminabis te, sed eris tibi Dominus in lucem sempiternam.* Et iterum Apocal. 22. v. 45. *Videbunt faciem ejus & non egelunt lumine lucernæ, neque lumine Solis, quia Dominus illuminabis eos.*

**Secundo, Ex summis Pontificibus & Doctoribus.**

CLEMENS V. cap. ad nostrum de hæreticis, refert Beguardos & Beguinis credere animam non indigere lumine gloriæ ad videndum Deum; qua de causa eos anathemate percussit: "Eos, inquit, sacro approbante Concilio, & Sectam ipsam Beguardorum & Beguinarum, cum præmissis erroribus de lumine gloriæ damnamus & reprobamus: ergo, &c. Similia passim dicunt & referunt Patres & sancti Doctores: in primis D. Thom. qui hic prima part. qu. 12. art. 5. docet ex professo conclusionem his verbis. "Cum essentia divina naturam cuiusque creati intellectus excedat, indiget creatus intellectus ad eam intuendam aliquo creato lumine.

**Tertio, Ex ratione, eaque multiplici.**

**PRIMA.** Quæ dependent ex voluntate Dei, nobis per scripturam manifestantur: sed ex locis supra laudatis Beati lumine gloriæ perfunduntur ad Deum intuitive videndum: igitur lumen gloriæ ad hoc momentum, maxime prærequiritur.

**SECUNDA** est. Eodem prope modo se habet lumen gloriæ ad intellectum Beatorum, sicut lumen naturale ad mentem, ad hoc ut rerum cognoscat naturas: sicut etiam lumen solis se habet ad oculum corporeum, ut videat quodcumque coloratum: atqui nec intellectus aliquo co-

Q gno-

gnoscere objectum absque luminis naturalis ope valet, nec similiter oculus corporalis, quantumvis acutus, absque solari lumine coloratum attingere potest: igitur a simili, nec intellectus Beatorum secluso luminis gloriæ auxilio, Deum intuitivè videre valet. In his omnibus summa effulget paritas: & vero sicut intellectus ad hoc ut expeditus ad rerum naturam cognoscendam evadat, lumine naturali perfundi debet, oculus vero, corporeus lumine Solis ad videndum coloratum; ita & mens lumine gloriæ, ut Deum inueatur, indiget.

*Tertia.* Agens inferioris ordinis non potest attingere quod est superioris gradus, nisi elevetur: atqui intellectus creatus est inferioris ordinis, visio vero Dei superioris naturæ: igitur debet elevari intellectus lumine gloriæ ad videndum, intuitivè Deum. Hanc explanat rationem D. Thom. hic art. 5. his verbis. „Cum igitur virtus naturalis intellectus creati, non sufficiat ad Dei essentiam videndam, oportet quod ex divina gratia superaccrescat ei virtus intelligentiæ: & hoc augmentum virtutis intelligentiæ, illuminationem intellectus vocamus.

*Quarta.* Nulla causa aliquem producere effectum potest, nisi illum in sua præconineat virtute, quandoquidem nemo dat quod non habet: atqui intellectus creatus, secluso lumine gloriæ, non præconinet visionis beatificæ actum; non quidem ratione virtutis innatæ, ut definitur Concilium Viennense contra Beguardos & Beguinas; neque etiam ratione potentie obedientialis, cum ista nihil aliud sit præter ipsam potentiam naturalem, quatenus agentis supernaturalis actioni subiectam: igitur per solum duntaxat luminis gloriæ fulgorem, intellectus præconinet mirabilem visionis Dei intuitivæ actum: igitur lumen gloriæ prærequiritur, ut mens Beatorum fiat immediate potens ad Deum intuitivè videndum. D. Thomas. 3. contra Gentes, c. 54. istam explanat rationem his verbis: „Impossibile enim est, quod propria & non naturalis sit forma alterius, nisi participet aliquam similitudinem illius cuius est propria forma, sicut lux non fit actus alicujus corporis, nisi tale corpus aliquid participet de diaphano.

*Quinta & postrema.* Tametsi viator gratiam habeat illuminantem, indiget ta-

men ulteriori auxilio, fidei scilicet habitum, ut cognoscat Deum: ergo cum fides definat in patria, necesse est intellectum lumine gloriæ perfundi, ut videat intuitivè Deum; quandoquidem lumen eodem prope fungitur munere, ac ipsa fides in via. Hæc ratio est D. Thomæ, hic art. 5. „Omne, inquit, quod elevatur ad aliquid quod excedit suam naturam, oportet quod disponatur ab aliqua dispositione ne quæ sit supra naturam ejus, sicut si aer debeat accipere formam ignis, oportet quod disponatur aliqua dispositione ad talem formam.

#### Solvuntur Objectiones.

**OBJICIENS 1.** Apoc. 22. 5. habetur de Beatis: *Dominus Deus illuminabit illos.* Rursum Isaiæ 60. 19. *Erit tibi Dominus in lucem sempiternam.* Igitur lumen gloriæ non requiritur ad videndum intuitivè Deum, siquidem Deus hoc per seipsum præstat & exhibet.

*Respondeo.* distinguendo consequens. Deus per seipsum illuminat mentem sanctorum causaliter, seu in genere causæ efficientis, concedo: est enim causa prima applicans intellectum creatum ad sui visionem. Formaliter & in genere causæ formalis, subdistinguo: mediate, quatenus producit lumen gloriæ quo elevatur intellectum creatum, concedo: immediate & per seipsum, nego: & sic una scriptura explanatur per alteram: enimvero Propheta Regius Pl. 35. v. 19. dicit: *Et in lumine tuo videbimus lumen.*

**Obiectus 2.** quod est per se lucidum, videtur immediate absque ulteriori lumine: sed Deus est objectum per se lucidum, immo. & ipsa lux: igitur Beati non indigent lumine gloriæ ut videant intuitivè Deum.

*Respondeo* distinguendo: quod est per se lucidum absque ulteriori lumine se tenente ex parte objecti videtur, concedo: se tenente ex parte potentie, nego: duo potissimum requiruntur ad videndum aliquid objectum; unum ex parte potentie, scilicet ut sit disposita & expedita ad eliciendum actum visionis per lumen aliquod vel naturale, vel etiam supernaturale, si actus supernaturalis eliciendus sit; alterum vero ex parte objecti, nimirum ut sit sufficienter immateriale ut intellectus uniat & ab ipso cognoscatur: cum essentia divina sit actus purus, profecto non uni-

ut menti beatorum per speciem & similitudinem aliquam creatam, sed per seipsam: unde non requiritur ex parte sui aliud ut videatur, bene tamen ex parte potentiae ut ista eleuetur: istud autem auxilium praequisitum, lumen gloriae vocatur, quia perficit intellectum creatum, ut Deum intuitive videre queat.

*Solutio* est D. Thom. hic art. 5. ad primum, ubi sic respondet: „Dicendum, quod lumen creatum, est necessarium ad videndum Dei essentiam, non quod per hoc lumen Dei essentia intelligibilis fiat, qui secundum se intelligibilis est; sed ad hoc quod intellectus fiat potius ad intelligendum per modum quo postea sit potentior ad operandum per habitum, sicut etiam & lumen corporale, necessarium est in visu exteriori, in quantum facit medium transparens in actu, ut possit moveri a colore.

*Instabis*: si Deus videretur per lumen gloriae, non videretur immediate in seipso. Falsum consequens: ergo & antecedens: probatur sequela. Videretur per medium: sed quod videtur per medium, non videtur in seipso: ergo, &c.

*Respondeo*, negando sequelam: ad probationem, distinguo: Deus videretur per medium se tenens ex parte potentiae, concedo: nam lumen gloriae se tenet solum ex parte intellectus creati quem elevat. Se tenens ex parte objecti, nego: essentia divina unius immediate intellectui creato. Ita D. Thom. ibidem art. 5. ad secundum ubi sic loquitur: „Ad secundum, dicendum quod lumen istud non requiritur ad videndum Dei essentiam, quasi similitudo in qua Deus videatur, sed quasi perfectio quaedam intellectus: cantans fortans ipsum ad videndum Deum: ... & hoc non tollit immediatam visionem. „Oculus corporis v.g. ulteriori lumine non indiget, ad videndum Solis lumen, quod est eius objectum, quia innatam habet cum eo proportionem: sed Deus est lux excedens omnem virtutem creatam, unde non est par ratio: igitur requiritur lumen supernaturale, ut intellectus beatorum Deum intuitive videat.

*Instabis*: ideo lumen gloriae requiritur, quia determinari potentiam ad objectum necesse est: sed potentia sufficienter determinatur per hoc quod essentia divina unius immediate intellectui Beatorum; igitur lumen illud prorsus inutile est.

*Respondeo* distinguendo: quia opus est de-

terminari, simul & elevati potentiam, concedo: & non elevari, nego: sufficienter quidem potentia determinatur ex parte objecti, per unionem cum essentia divina, ad videndum intuitive Deum, sed insuper exigit & elevati & actuari per lumen gloriae, quo fit immediate & ultimate capax & expedita ad visionem beatificam.

*Urgebis*: Verbum divinum unum est immediate humanitati sanctae: ulla absque dispositione praevia: ergo a pari essentia divina potest immediate uniri potentiae intellectus & ab ea omni secluso lumine videri.

*Respondeo*, negando paritatem: etenim cum subsistentia compleat naturam in esse naturali, quatenus vices supplet subsistentiae creatae, nulla ad hoc praerequiratur dispositio. At vero visio est actio vitalis promanans a potentia vitali, quae quidem mere passiva non se habet, sicut natura ad recipiendam Verbi divini subsistentiam, verum potius activa, ut principium actus elicitivum; unde compleri debet in ratione principii vitalis respectu visionis beatificae; non autem intelligitur completa ad actum istum supernaturalem nisi per lumen gloriae. Etvero quomodo fieri posset, ut potentia naturalis videret objectum supernaturale, omni secluso lumine desuper infuso?

*Perfister*: Beatus habet & gratiam sanctificantem, & omnes virtutes infusus supernaturales: igitur & sufficienter elevatus est absque lumine gloriae ad videndum intuitive Deum.

*Respondeo* distinguendo consequens: Beatus est sufficienter elevatus per gratiam sanctificantem & virtutes ab ea fluentes in ratione essendi, concedo: in ratione agendi, subdistinguo: radicaliter, concedo: formaliter & immediate, nego: igitur gratia sanctificans simul & virtutes solum constituunt principium agendi radicale: at vero ad principium formale & immediatum requiritur insuper lumen gloriae, quo intellectus creatus fit proxime & immediate expeditus ad videndum intuitive Deum: enimvero dictum est supra, praeter intelligendi facultatem requiri adhuc lumen naturale, quo quidem intellectus fit immediate expeditus ad cognoscendum aliquod naturae objectum; ita proportionate servata, lumen gloriae utile & necessarium est, ut Beatus gratia iam sanctificatus & elevatus, Deum sicuti est videat & inqueatur.

*Iterum* instabit : si intellectus creatus elicet visionis actum dependenter a lumine gloriæ, mere passive se habebit. Absurdum consequens : ergo & antecedens.

*Respondeo* negando sequamur : & vero, quamvis intellectus virtutum fidei lumine perfundatur, non tamen passive se habet respectu ejus actus ; pari & simili ratione nec intellectus Beatorum lumine gloriæ afluatur ; quandoquidem lumen illud, neque absorbet, neque ligat ; sed potius adjuvat mentis activitatem.

*Obijciat* 3. si lumen gloriæ foret necessarium ad videndum intuitive Deum, maxime ut dispositio : atqui ad hunc affectum prorsus inutile est : ergo, &c. Probatur minor : non datur dispositio in anima, ut recipiat gratiam sanctificantem : igitur a pari neque ut elicet visionis Beatificum actum.

*Respondeo* negando minorem : ad probationem distinguo : non requiritur dispositio permanens ad recipiendam gratiam sanctificantem, concedo : transiens, nego : duplex distinguitur dispositio, alia transiens quæ est, vel per actum transeuntem, vel etiam per gratiam actualem ; sic actus contritionis & gratia actualis sunt dispositiones ad gratiam sanctificantem recipiendam ; altera vero permanens, & est alicujus virtutis habitus. Ista autem dispositio non requiritur ad gratiam habituales habendam, quandoquidem hæc gratia respicit immediate esse supernaturale ; at vero lumen gloriæ respicit immediate operationem ; & ideo debet recipi permanenter in intellectu Beatorum, ut habitualiter & in æternum possint videre intuitive Deum.

*Instabit* adhuc : D. Thom. in *quartum* distinct. 49. qu. 2. art. 7. Sic loquitur : " Potest miraculose fieri, quod divina virtute aliquis intellectus creatus non habens nisi dispositiones viæ, eleveur ad videndum Deum per essentiam. " Ergo lumen gloriæ non requiritur tanquam dispositio, eaque permanens ad videndum Deum.

*Respondeo*, distinguendo consequens : non requiritur lumen gloriæ permanens ad videndum Deum : intuitive & pro semper, nego : ad videndum transeuntem, subdividuo : non requiritur lumen gloriæ per modum habitus, concedo : effectus enim assimilatur causæ, & cum sit transiens, utique & est causa : non requiritur ullo modo, nego : solutio est

D. Thom. in secunda secundæ, qu. 175. art. 3. ad secundum, dicit enim lumen gloriæ duplici modo participari posse :

" Uno modo per modum formæ immutabilis, & sic Beatos facit Sanctos in patria : alio modo per modum cuiusdam passionis transeuntis, sicut dictum est de lumine Prophetiæ ; & hoc modo lumen illud fuit in Paulo quando raptus fuit.

*Repones* : datur potentia obediæntialis passiva in creatura ad recipiendum immediate gratiam : ergo & activa ad agendum supernaturaliter : hoc ipsum innuit Aug. de Gen. ad litt. c. 17. ubi dicit : *Deum habere virtutem, ut possit facere quod sterilis pariat, & arbor arida floreat*. Suffragatur D. Thom. in *quartum*, dist. 8. qu. 2. art. 3. ad quartum ubi sic loquitur : " Sicut creaturæ inest potentia obediæntiæ, ut in ea fiat quidquid creator disposuerit, ita etiam ea mediante fiat, quod est ratio instrumenti. " Igitur inutile prorsus est lumen gloriæ ad videndum intuitive Deum.

*Respondeo* 1. non dari potentiam obediæntialem immediate activam ; alias homo absque gratiæ auxilio posset v. g. elicere actum contritionis ; quandoquidem potentia obediæntialis nihil aliud est quam ipsa potentia naturalis, ut connotat agens supernaturale cui subsicitur : sed si esset activa nihil recipiendo & se sola & viribus naturalibus produceret actum supernaturalem, & quod quidem est ab omni mente alienum.

*Respondeo* 2. omnes auctoritates probare solum dari potentiam obediæntialem passivam ; activam vero tantummodo mediate ; idest, creatura potest quidem recipere virtutem supernaturalem ad producendum effectum supernaturalem ; vel tanquam causa principalis, uti intellectus creatus, qui ad videndum Deum elevari potest ; vel etiam tanquam causa instrumentalis, sicut aqua quæ recipit in baptismo virtutem supernaturalem ad regenerandum hominem : igitur creatura recipit immediate virtutem ad agendum, sed operatur solum mediante illa virtute : igitur absque luminis gloriæ auxilio, Beati non vident intuitive Deum.

## SYNOPSIS PROBATIONUM.

*Lumen gloriæ necessarium est ad videndum intuitive Deum.*

**PRIMO:** quia Psal. 35. habetur : *Et in lumine tuo videbimus lumen.*

**Secundo:** intellectus per gratiam habitalem non est sufficienter expeditus ad eliciendum actum, quandoquidem ista gratia respicit immediate esse, non vero operari.

**Tertio:** sicut præter gratiam sanctificantem ad cognoscendum in terris Deum requiritur fides, ita & opus est lumine gloriæ, cui fides cedit locum, ad videndum in cælis intuitive Deum.

## SYNOPSIS OBJECTIONUM, ET SOLUTIONUM.

**PRIMO** quidem, habetur passim in Prophetis Deum illuminare, & Beatos, & sanctam Jerusalem: sed hoc profecto non sic intelligitur ut Deus illuminet immediate per seipsum, verum potius mediante lumine gloriæ.

**Secundo:** dicitur etiam a sanctis Doctoribus Dei essentiam uniri menti Beatorum, ut illam actu videant, & visionis actum eliciant: sed hoc adiutorium se tenet ex parte objecti, quod quidem per seipsum absque speciei impressæ adminiculo subjicitur sanctorum intellectui; non vero ex parte potentie, quæ ulterius indiget in seipsa & actuari, & applicari ad videndum Deum intuitive.

**Tertio:** nonnulli multi faciunt potentiam obedientialem, quam quidem ad visionem sufficere, aut autumat, aut obijciunt. Ast responderetur non dari potentiam obedientialem immediate activam, sed tantum passivam; & hæc inest sanctis ad recipiendum gloriæ lumen, absque ulteriori prævia dispositione, nusquam vero ad videndum, secluso isto lumine, intuitive Deum.

## ARTICULUS QUINTUS.

*Utrum Essentia Divina possit uniri intell. creati creato per modum speciei impressæ & expressæ, & hoc ut fiat ultimate potens ad videndum intuitive Deum.*

**O**BSEVANDUM est multa prærequiri, ut intellectus humanus cognoscat, v. g. arborem: quædam enim requiruntur ex parte potentie, quædam vero ex parte objecti: ex parte quidem potentie requiritur lumen naturale; & hoc ut determinetur facultas ad objectum percipiendum, & de facto illud percipit: sicut enim oculus corporeus nihil videt, quamdiu subsistunt umbræ noctis, & donec illuminetur objectum; ita pariter oculus mentis nihil absque luminis naturalis ope percipit in objecto, quod quidem tandiu manebit absconditum, quamdiu non illuminabitur. Quædam etiam requiruntur ex parte objecti ut videatur. Requiritur 1. ut arbor mittat speciem in oculum, & illa species dicitur sensibilis, quatenus a sensu percipitur; deinde eadem species transmittitur ad phantasiam, quæ etiam aliam de objecto format imaginem, quæque phantasma nuncupatur, in qua quidem relucet objectum non solum in vigilia, verum etiam & durare somno. Postea denique hæc species pervadit intellectum, qui illam sua operatione exiit a conditionibus materialibus; specie vero sic secundatus alteram producit, in qua contemplatur veluti in speculo objecti essentiam. Actio qua intellectus producit istam speciem vocatur dictio & conceptio mentis: species vero producta, quæ est ejusmodi actionis terminus, appellatur verbum, conceptus, species expressa, viva scilicet objecti imago atque effigies, sed maxime verbum; quia sicut oris nostri verbum exprimit auditoribus ea quæ in mente habemus: ita pariter verbum intellectus naturam rei conceptæ interius exprimit, atque repræsentat.

*Offensum* est in superiori articulo lumen gloriæ perficere intrinsece intellectum creatum ad videndum intuitive Deum; nunc vero discutere juvat, quomodo idem perficitur intellectus ex parte objecti ad visionis actum eliciendum; & queritur utrum intellectus aliquam speciem de divina natura creatam, qua mediante expeditus evadat, ad videndum intuitive Deum.

Deum, producat? vel etiam utrum ad hoc munus subeundum, essentiam divinam illi uniri per modum speciei impressæ aut expressæ sufficiat: pro cuius resolutione sit

### CONCLUSIO.

Essentia divina unitur menti beatorum per modum speciei impressæ & expressæ, ut possint sancti Deum intuitive videre: nec ulla pro hoc momento producitur de essentia Dei species creata.

*Probatur auctoritate SS. Doctorum  
& ratione.*

*Primo, Ex sanctis Doctoribus.*

**B**. Aug. primus venit in testimonium: hic autem lib. 15. de Trinit. c. 9. sic ait: "Cum Apostolus dicit, *Videmus nunc per speculum & in enigmate*, Speculi & ænigmatis nomine quæcumque similitudines ab ipso significatæ intelligi possunt, quæ accommodatæ sunt ad intelligendum Deum. Igitur Beati non vident Deum per similitudines creatas, quippe quæ sint ænigmatica & tantummodo pro viatoribus accommodatæ. Igitur vident in ipsa essentia Deum; unde Augustinus, lib. 15. de Gen. ad litt. dicit Moïsem vidisse Deum in via per speciem, quæ Deus est.

*Asipulatur* D. Thomas qui hic 1. part. qu. 12. art. 2. sic loquitur: *Divina essentia non per aliquam speciem ex parte divine essentia ab intellectu creato conspiciuntur. Ergo ipsa essentia unitur intellectui creato per modum speciei, ut fiat ultimate visionis Dei eliciendæ capax & expedita. Idem 3. part. qu. 19. art. 3. ad 3. ait: Cognitio beata, non fit per speciem quæ sit similitudo divine essentia, vel eorum quæ in divina essentia cognoscuntur.* Igitur ex D. Thoma non datur similitudo creata, in qua velut in speculo essentia divina intuitive videatur: sed vident, inquit S. Doctor, Beati Deum in se, & alia in Divina essentia. Unde ibidem 3. part. q. 3. art. 3. ait: *Essentia divina unitur menti beata, sicuti intelligibile intelligenti.*

*Secundo, Ex Ratione.*

**PRIMA.** Deus videtur a sanctis intuitive & in se: ergo immediate in sua essentia, omni seclusa specie creata & similitudine; alias non in teipso & sicuti est, sed in aliquo creato, velut in medio conspiceretur.

*Secunda* adjicitur, & sic procedit. Deus est ineffabilis, nec representari potest: igitur Beati non producant de Deo verbum, sin minus illum dicerent, illum exprimerent & repræsentarent; veritas autem consequentiæ ista Scripturæ sententia illustratur, Psal. 164. *Te decet hymnus, Deus, in Sion, Verbo Chaldaica pro verbo hymnus, reddit silentium.*

*Tertia* sic currit. Dionysius ait superiora non posse repræsentari per inferiora, neque incircumscriptum per circumscriptum & finitum: igitur nec Deus per speciem creatam, quandoquidem nusquam adæquaret objectum; unde si Deus videretur in similitudine creata, profecto non videretur sicuti est: sed absurdum consequens: ergo antecedens: igitur Deus a Beatis abique ulla specie creata conspiciuntur.

*Quarta* alius prioribus succedit. Species tum impressa tum expressa inutilis est ad videndum Deum intuitive: impressa quidem, quia objectum utpote de se sufficienter immateriale, per se, seclusa omni specie vicaria, unitur menti: expressa vero; namque Deus est objectum semper intellectum in actu, immo & actus purus & nusquam in potentia ad intellectionem ex parte sui: igitur sufficit essentiam divinam uniri intellectui creato, ut ipse per istam cum beata essentia unionem sit æquatus & secundatus, producat visionis Beatificæ actum: ergo, &c.

*Quinta & ultima* hæc est. Intellectus debet determinari ad intelligendum & videndum unum objectum potius quam aliud per ipsum objectum, unde ad hoc requiritur ipsa objecti præsentia: & vero quare oculus corporeus arborem potius, v.g. quam hominem videat? nisi quia præsentia arboris movet potentiam per suam speciem quam ingerit sensui ad illam, potius quam hominem absentem, aspiciendam: sed essentia divina unita in priori visionis intellectui creato sufficienter illum determinat ad videndum intuitive Deum: ergo ad hoc momentum nusquam requiritur species creata.



## Solvuntur Objectiones.

**OBJICIET** 1. Joan. c. 3. v. 2. habetur: *Similes ei erimus quoniam videbimus eum sicuti est*. Ergo Beati vident Deum in aliqua similitudine creata. Suffragatur Augustinus, qui lib. 14. de Trin. c. 17. ait: *In hac quippe imagine tunc perfecta erit Dei similitudo, quando Dei perfecta erit visio*. Ergo essentia divina non unitur menti beatorum per modum speciei impressæ & expressæ, ut videant intuitive Deum.

**Respondeo**, distinguendo consequens: Beati vident Deum in aliqua similitudine creata se tenente ex parte potentiae, concedo: se tenente ex parte objecti, nego: duplex distinguitur, similitudo, alia se tenens ex parte potentiae, quæque in eo maxime sita est, quod lumine gloriæ perfundatur intellectus, quo quidem mediante objectum fir præsens intellectui, & veluti unum cum ipso in esse intentionali: altera vero ex parte objecti, & est ipsius expressio. Prima reperitur in Beatis, qui mediante lumine gloriæ ita Deo conjunguntur, ut ipsum videant ubique & in omnibus suis facultatibus velut diffusum & imbibitum, quæ quidem unio vocatur transformatio, & teste Bernardo, moralis Deificatio. De hac loquitur Apostolus cum ait: *Qui adhæret Domino, unus Spiritus est*. Quoad alteram, in Deo nusquam reperiri potest, propter rationes supra allatas.

**Urgebis**. Paulus transacto raptu multa & vidisse mysteria, & audivisse arcana quæ non licet homini loqui, testatus est: sed ista reminiscencia ortum habet ex similitudinibus multarum rerum, quas in ipsa divina vidit essentia: igitur & videndo Deum produxit similitudinem, in qua quidem eum intuebatur.

**Respondeo**, distinguendo minorem: & ista reminiscencia ortum habebat ex rerum similitudinibus, quas quidem B. Paulus divina essentia in qua rationes rerum præexistunt, formaverat, concedo: ex similitudine facta & producta de ipsa Dei essentia, nego: hæc est enim incircumscriptibilis, adeoque per verbum creatum nec dici, nec exprimi valet. Sicut igitur visio montis & auri, montis aurei formatus ideam, ita pariter, & proportionem servata, visa essentia divina, potuit Apostolus multorum mysteriorum ideas exprimere & excoigare: instructus quippe fuit a Domino ad Gentilium conversionem.

**Solutio** est D. Thomæ qui hic prima pars. art. 9. ad 2. sic respondet ad argumentum: *Dicendum quod aliquæ potentie cognoscitivæ sunt, quæ ex speciebus primo conceptis alias formare possunt, sicut imaginatio ex præconceptis speciebus montis & auri, format speciem montis aurei, & intellectus ex præconceptis speciebus generis & differentie, format rationem speciei, & similiter ex similitudine imaginis, formare possumus in nobis similitudinem ejus, cujus est imago. Et sic Paulus, vel quicumque alius videns Deum, ex ipsa visione essentiae divinæ potest formare in se similitudines rerum quæ in essentia divina videntur, quæ remanserunt in Paulo, etiam postquam desit Dei essentiam videre: ista tamen visio, quæ videntur res per hujusmodi species sic conceptas, est alia a visione, qua videntur res in Deo.*

**Objicies** 2. D. Thomas, hic q. 27. art. 2. ait: *Quicumque intelligit ex hoc ipso quod intelligit, procedit aliquid intra ipsum, quod est cognitio rei intellectæ.* Rursus de verit. q. 4. art. 2. *Verbum est aliquid realiter procedens ab altero, quod universaliter verum est de omni quod a nobis intelligitur, sive per essentiam videatur, sive per similitudinem.* Sed visio Beatorum est actus & operatio intellectus: igitur mens creata producit similitudinem, seu speciem Dei essentiam repræsentantem & exprimentem.

**Respondeo** distinguendo. Omne intelligens producit aliquando de re concepta verbum, concedo: semper, subdistingno: si sufficientem habeat virtutem ad objectum exprimentum, concedo: si non habeat, nego: & isto modo axiomata D. Thomæ est universaliter verum. Sic Deus suum generat verbum: sic Angelus se cognoscendo suæ naturæ exprimit similitudinem, in qua quidem se contempletur. Omne tamen intelligens aliquid producere de re quam intelligit verbum, neque opus est, neque possibile. Et vero prima, secunda & tertia in divinis personis sese cognoscunt & intelligunt, solus tamen Pater generat Verbum: & hoc unum exemplum sufficit ad perstringendos Arianos, qui verbi divini negabant generationem: unde D. Thomas argumentum irrefragabile desumpso, ab isto axioma, *omne intelligens ex hoc ipso quod intelligit,*

*produci aliquid intra ipsum, illos propellit & confodit.*

*Ad aliud vero quod dicitur, S. Doctorem velle Verbum produci ab eo qui divinam intuetur essentiam, respondeo illum loqui de Deo Patre, qui sese contemplando suum mirabile generat Verbum, minime vero de Beatis qui essentiam divinam verbo creato exprimere non valent.*

*Obijciat 3. Intellectus debet determinari per præsentiam objecti ad illud cognoscendum & intelligendum: sed determinatur per speciem & similitudinem vicariam objecti: ergo illam producit etiam in visione beatifica.*

*Respondeo distinguendo minorem: si objectum ipsum non uniatur immediate potentiae, concedo: si uniatur, nego: dictum est autem essentiam divinam uniri per semetipsam intellectui, quia est per se intelligibilis, nec ad hoc indiget ope similitudinis creatæ: sic quia lux est per se visibilis, inquit D. Thom. hic unitur per semetipsam oculo ut ab eo videatur, ipse vero oculus illam absque medio & specie intuetur.*

*Inflabit. Substantia Angeli est præsens intellectui Angelico, & tamen de ea prodicit Angelus verbum, in quo seipsum contemplatur: ergo a pari & Beati producant verbum in quo Deum intuitive vident.*

*Respondeo negando paritatem, & quidem propter duo. Primo virtus Angeli adequat ejus naturam, unde & illam exprimere potest. Secundo, substantia Angeli quamvis sit habitualiter præsens ut intelligibilis, non tamen præsens ut actu intellecta, non enim actus purus est, & ideo ut cognoscatur, opus est verbo illam exprimente: At vero neque virtus intellectus Beatorum adequat essentiam divinam, neque ipsa Dei essentia est in potentia ad intellectionem, quin potius, est semper intellecta: & ideo de ea Beatus speciem & similitudinem exprimere non valet.*

*Inflabit. Beati non vident semper Dei essentiam, sed illam tantummodo intueri incipiunt quando cælos ingrediuntur. Igitur essentia divina non est semper actu intellecta saltem a Beatis, adeoque requiritur verbum formatum, in quo illam intuitive & immediate contemplantur.*

*Respondeo distinguendo. Essentia divina non est semper actu intellecta ex parte*

Beatorum, & hoc unum probat objectio, concedo: ex parte sui, nego: hæc enim actus purus, unde eo ipso quo intellectui creato conjungitur & unitur, ab ipsis Beatis ipso facto videtur.

*Rursus inflabit. Actio intellectus debet producere terminum: ergo consequenter & verbum de objecto conceptu exprimere & necesse est, cum non alius excogitetur pro illa terminus.*

*Respondeo distinguendo. Actio intellectus debet producere verbum circa objectum finitum quod sua virtute adæquare potest, concedo: verbum de essentia infinita, subdistinguo: debet illud producere quoad unionem, seu unionem, concedo: quoad se, nego: Verbum exprimitur dupliciter. 1. quidem secundum se, & sic a solo Patre æterno generatur in cælis: deinde cum addito, seu ut unitum, sic Beatissima virgo in tempore expressit Verbum, & generavit, non quidem secundum se, sed ut humanitati nostræ unitum, quatenus concursus ejus passivus terminavit actionem Verbi sibi naturam humanam conjungentis: unde Deus-homo dicitur terminus concursus passivi Beatissimæ Virginis: ita pariter actio intellectus creati in beatitudine concurrit ad unionem cum essentia divina, & ideo terminus ejus est essentia divina ut unita & Deus visus, igitur essentia divina in pricri visionis unita intellectui illum secundat, ut actu producat visionem, & Deum intuitive contempletur. Cæterum cum verbum supponitur jam esse, quale est Verbum æternum, non opus est ut de novo exprimat a Beatis: sed tantummodo ut eorum uniatur menti, ut in ipso tantum in speculo sine macula, divinam videant essentiam.*

*Reponet. Intellectus Beatorum non potest determinari ad visionem Dei per unionem cum essentia divina: ergo, &c. Probat antecedens. Primo quidem, quia Dei essentia est infinita, & ideo non est proportio inter eam & intellectum creatum, unde & ei uniri non potest. Secundo, quia in hypothesi, circumscriberetur ab intellectu: enimvero omnis forma perficiens intellectum in eo recipitur, unde & certis quibusdam terminis concluditur: ergo, &c.*

*Respondeo negando antecedens: ad probationem, distinguo: non est proportio entitativa, concedo: habitudinis, nego. Cæterum essentia divina unitur ad mensuram suam.*

furam & modo finito, menti Beatorum quam perficit, unde servatur & invenitur proportio.

*Ad secundum*, distinguo : forma accidentalis, recipitur & circumferibitur ab intellectu, concedo : forma objectiva quæ est ens a se & actus purus, nego. Neque igitur essentia increata in intellectu Sanctorum recipitur, neque ab eodem perficitur, & circumferibitur ; sed potius, menti tantummodo unitur, ut illum & actuat & perficiat.

*Adhuc instabis*. Ideo intellectus Beatorum videndo intuitive Deum, expressam non producit speciem, quia objectum tum in se, tum in perfectionibus infinitum respicit ; sed hæc ratio nulla est : & probatur. Licet voluntas Beatorum in amando Deum tota occupetur, attamen vi actionis suæ, & impulsus & amorem, qui est suæ operationis terminus, producit : igitur & a simili, intellectus tametsi creatus verbum in quo repræsentetur Deus producere debet.

*Respondeo*, negando minorem : ad probationem, nego paritatem. Ratio est, quia impulsus se tenet ex parte potentia, adeoque ab eo producitur, tanquam actionis suæ terminus : at vero Verbum se tenet ex parte objecti, quod cum sit infinitum, ab intellectu creato produci nequaquam potest.

## SYNOPSIS PROBATIONUM.

*Beati in visione beatifica verbum non produciunt.*

*Primo*, Quia ex D. Thoma, non vident Deum immediate & sicuti est : sed in aliqua tantum similitudine.

*Secundo*, Ex Dionysio superiora ab inferioribus repræsentari nequeunt, adeoque Deus nequit in specie creata exprimi.

*Tertio*, Ejusmodi species foret inutilis, quandoquidem essentia divina intellectui Beatorum, illum sufficienter actuat & determinat ad eliciendum visionis actum.

## SYNOPSIS OBJECTIONUM.

*& solutio.*

*Primo*: Legitur quidem in sacris Codicibus : *Similes ei erimus* ; hoc tamen non probat similitudinis necessitatem ex parte

objecti, sed solum ex parte potentia per lumen gloriæ, ut dicit D. Thomas.

*Secundo*: Ex mente ejusdem sancti Doctoris quicumque intelligit, producit verbum : at hoc per distributionem accommodam concipi debet. Sentius igitur axiomatis est, verbum quandoque produci ab intelligente, sed non semper, maxime vero cum objectum excedit in infinitum potentia virtutem. Revera quidem intellectus creatus aliquam de essentia divina speciem exprimere non potest, alias illam aut circumscriberet, aut comprehenderet ; neutrum est possibile, ut supra ostensum est.

*Tertio* : Obijciunt actionem intellectus creati exigere terminum : sed dico Deum reduplicative ut visum potentiam intellectivam perfectissime terminare.

## ARTICULUS SEXTUS.

*Utrum oculus corporeus possit de potentia extraordinaria Deum intuitive videre.*

**C**ERTUM est oculum corporeum etiam adjutum & elevatum non posse de via ordinaria Deum intuitive videre, quandoquidem Deus purus spiritus est, adeoque solius intellectus objectum : sed quæstio circumfertur & fit de via extraordinaria, verius dicam de potentia Dei absoluta ; pro cuius resolutione sit

## CONCLUSIO.

Oculus corporeus quantumvis elevatus, etiam de potentia Dei absoluta essentiam divinam intuitive & immediate videre nequit.

*Probatur auctoritate & ratione.*

*Primo, Ex Scriptura sacra.*

**L**EGITUR Joan. 1. v. 18. *Deum nemo vidit unquam*. Primæ Corinth. 29. *Oculus hominis non vidit, nec auris audivit, quæ præparavit Deus diligentibus se*. Et iterum primæ ad Timoth. 6. v. 16. *Quem nullus hominum vidit, sed nec videre potest*. Atqui genuinus Scripturæ sensus, maxime ultimi textus, ille est, nullus hominum vidit Deum oculis corporeis, nec videre potest ; ergo, &c.

Sc-

## Secundo, Ex Patribus.

ORIGENES, lib. 7. contra Celsum, qui multa imponebat Christianis: "Falso, inquit, nobis imponit Celsus dicens nos sperare oculis corporis Deum esse visuros, & auribus vocem ejus audituros."

Athanasius disputans contra Arianos, qui solum Patrem invisibilem dicebant, idem sentit: "Aequalem, inquit August. Epist. 148. de Athanasio loquens, Trinitatis visibilitatem Scripturarum sanctorum testimoniis & diligentia suae disputationis asseruit, constantissime suadens Deum non esse visum nisi assumptione creaturae, secundum deitatis etiam scientiae proprietatem omnino Deum esse invisibilem... nisi in quantum mente ac spiritu nosci potest."

Cyrillus Jer. Catechesi 9. in eodem loquitur sensu: "Carnis quidem oculis, inquit, contemplari Deum impossibile: quod etiam corporis est expert, in carnis oculos cadere nequit."

Hieronymus in caput 64. Isaiae suum addit calculum: "Nequaquam, aut, sermonibus explicatur, nec oculo corporis contemplabilis est; sed ab his videtur de quibus dictum est, Beati mundo corde, quoniam ipsi Deum videbunt."

D. Thomas hoc ipsum, ex professo probat, hic prima part. quæst. 12. art. 3. "Deus cum sit omnino incorporeus, nullo exteriori, vel interiori sensu per se cognosci potest... Jam sic argumentor. Fallum est ex Origene Christianos dicere Deum posse videri oculo corporeo: Deus ex Athanasio solum oculo mentis cognosci potest: ex Cyrillo cum sit spiritualis, nequit in carnis oculos cadere: ex Hieronymo, non est contemplabilis oculis corporeis, &c. ... ergo a primo ad ultimum, Deus non potest absolute videri ab oculo corporeo."

## Tertio, Ex Ratione, &amp; quidem multiplici.

PRIMA. Nulla potentia ferri potest extra objectum suum specificativum & extensivum: sed Deus est extra objectum specificativum oculi corporei; & probatur: objectum oculi corporei, est coloratum: sed Deus non est coloratus & sensibilis, quandoquidem purus est Spiritus:

igitur est extra objectum specificativum oculi corporei.

Secunda hæc sequitur. Quidquid videtur, ad modum videntis videtur, id est, si potentia est corporea & extensa, objectum duntaxat corporeale, & extensum attingere potest; ratio est, quia objectum vel per se & immediate, vel per suam speciem debet in priori visionis uniri potentiae, ut illam actu et determinet ad sui visionem: atqui impossibile est, hoc posito principio, oculum corporeum intuitivè Deum videre, cum essentia divina, neque per se, neque per speciem illam representantem uniri possit oculo corporeo, ut illum determinet ad sui visionem; cum enim oculus sit extensus, formam nonnisi extensam, qua actuatur ad visionem objecti, aut recipit, aut recipere potest: ergo, &c.

Tertia adducitur. Nulla est proportio, aut entitatis, aut habitudinis, inter Deum & oculum corporeum: non quidem entitatis, nam Deus est infinitus: sed neque habitudinis; Deus quippe est purus & summus Spiritus atque immaterialis; oculus vero est finitus & materialis: ergo, &c.

Quarta. Major est distantia & disparitas inter Deum & oculum corporeum, quam inter objectum auris & oculum corporeum: atqui quavis sonus objectum auris, sit finitus & sensibilis; quia tamen est in alio ordine, & quid omnino disparatum a colorato, non potest percipi ab oculo: ergo a fortiori nec Deus; siquidem infinite distat & in ordine, & in entitate, & in operatione ab oculo corporeo.

Quinta & ultima. Ab illa solum potentia Deus videri potest, per cuius actum & similes illi erimus, & illum adoramus, & illum possidemus: atqui per solum intellectus actum similes Deo erimus, ad solum quippe intellectum pertinet assimilari: per solum intellectus actum adjuncta voluntate, Deum adoramus, juxta illud Joan. 4. vers. 24. Spiritus est Deus, & eos qui adorant eum, in Spiritu & veritate oportet adorare. Etiam, per solum mentis actum possidemus Deum, dicente Christo Matth. 5. Beati mundo corde, quoniam ipsi Deum videbunt. Igitur per solum potentiam spirituales, nusquam vero per oculum corporeum Deus videri potest.

## SOLVUNTUR OBJECTIONES.

**Obijcies.** Ab actu ad posse valet consequentia: sed multi inter Patriarchas & Prophetas de facto oculis corporeis Deum intuitivè viderunt: Abraham quidem ut legitur Genes. 15. Jacob, Gen. 32. Manue, Judicum 13. Item & ipse Isaias, cap. 6. v. 1. ait: *Vidi Dominum sedentem super thronum excelsum & elevatum.* Ergo de potentia absoluta Deus ab oculo corporeo videri potest.

**Respondeo** negando minorem: ad probationem, distinguo: Patriarchæ & Prophetæ viderunt Deum, vel in somnis, vel in vigilia ut in raptu, visione imaginaria & in similitudine, aut etiam in Angelis qui assumpto corpore loquebantur in ipsius personâ, concedo: viderunt Deum immediate & in seipso, nego: Deus potest videri multipliciter, inquit D. Thom. 1. quidem in vigilia & in Angelis qui assumpto corpore illum representant. 2. In raptu per similitudines; vel etiam in somnis visione quadam imaginaria. 3. immediate & in seipso. Scriptura loquitur de visione vistoribus concessa, adeoque de prima aut secunda, aut tertia: sed non de quarta. Scriptura est sui ipsius interpres, quandoquidem Genes. 18. habetur, Abraham tres vidisse viros, & unum tamquam Dominum adorasse. Item virum cum Jacob luctantem, & ipsum alloquentem Scripturâ introducit: deinde hac facta visione Patriarcha se vidisse faciem Dei affirmavit: quod certe, ut patet, de visione intuitiva nusquam intelligi potest. Eadem Scriptura Judicum 13. v. 13. mentionem facit de Angelo, qui Sampsonis natiuitatem prædixit, quique postea inter flammâs sacrificii ab ipso Manue Deo oblato, evanuit ab oculis eorum: postea adjicitur Manue suam uxorem se fuisse allocutum: *Morietur quia vidimus Dominum.* Denique luce clarius apparet Isaiam in similitudine tantummodo vidisse Dominum, quandoquidem Deus neque est extensus, neque sedens tamquam homo & Rex super solum excelsum & elevatum.

**Obijcies** 2. Job. c. 19. v. 25. ait: *Et in carne mea videbo Deum meum, quem visurus sum ego ipse, & oculi mei conspiciunt:* ergo &c.

**Respondeo** distinguendo consequens: Job in carne vivens post resurrectionem videbit Deum oculis mentis, concedo: oculis

corporis, nego: ita D. Thom. hic artic. 3. ad primum ubi sic respondet ad argumentum. "Dicendum, quod cum dicitur, *in carne mea videbo Deum Salvatorem meum*, non intelligitur quod oculo carnis sit Deum visurus: sed quod in carne existens post resurrectionem visurus sit Deum.

**Respondeo** 2. Job videbit oculis corporis Deum in carne assumpta, scilicet Christum, qui post resurrectionem venit ad judicandum vivos & mortuos, concedo: videbit in se, subdistinguo, oculis mentis, concedo: oculis corporis, nego.

**Instabis.** Si Scriptura prima non intelligenda foret ad litteram, aliter sese explicaret, cum de eadem materia redit sermo: sic in uno quidem loco prædicat Deum esse invisibilem ut primæ ad Timoth. 1. v. 17. in altero vero asserit visibilem, juxta illud ejusdem Apostoli primæ Corinth. 13. v. 12. *Videmus nunc per speculum in ænigmate, tunc autem facie ad faciem:* Ex quo patet primam sententiam secundum distributionem accommodam intelligendam esse, in eo nimirum sensu, quod Deus sit invisibilis viribus naturæ; sed Job iterum loquens de Beatitudine, c. 42. v. 5. Deum sensibus percipi dicit: sic enim loquitur: *Auditu auris audivi te, nunc autem oculus meus videt te.* Igitur loquitur de oculo corporeo, cum de visione Dei intuitiva sermonem habet.

**Respondeo** distinguendo: Job iterum asserit Deum sensu percipi, perceptione metaphorica, concedo: Perceptione vera, nego. Sanctus ille Propheta loquitur ad captum nostrum, & per analogiam ad creatâ, ut mirabilem Dei nobis explicet visionem. Et vero certum est, teste Augustino, lib. 22. de Civit. Dei cap. 29. Deum videri tantummodo oculis cordis. Subscribit ibidem Div. Thom. artic. 3. ad primum, his verbis: "Similiter quod dicitur *nunc oculus meus videt te*, intelligitur de oculo mentis: sicut Ephes. 1. dicit Apostolus: *Det vobis Spiritum sapientiæ & revelationis in agnitione ejus; illuminatos oculos cordis vestri.*

**Obijcies** 3. Lucæ 3. v. 6. habetur: *Videbit omnis caro salutare Dei.* Primæ Joan. 3. 2. *Videbimus eum sicuti est.* Primæ Corinth. 13. 12. *Facie ad faciem.* Videbit caro; ergo oculus corporeus videbit; videbimus faciem, ergo videbimus quid sensibile, adeoque oculis corporeis intuebitur Deum.

**Respondeo** negando utramque consequentiam.

tiam. Videbit quidem omnis homo beatus Christum oculis corporis post resurrectionem, sed non secundum Divinitatem; ita Augustinus mox citatus ibidem. Ad secundum dico faciem sumi metaphorice ad Dei visionem intuitivam exprimendam, qui sancti in patria donantur.

*Obijcies 4.* Nihil est Deo impossibile: igitur oculus corporeus per potentiam absolutam potest Deum intuitivum videre. *Confirmatur.* Christus luto liniens oculos cæci a nativitate, illi restituit visum, quamvis lutum cum spuro nullum habeat cum illuminatione connexionem, quin potius obcæcet facultatem visivam, cum ipsi opponatur: ergo a simili, oculus corporeus potest elevari ad videndum intuitivum Deum.

*Respondeo* distinguendo: Nihil est Deo impossibile, modo non sit contradictio in opere, concedo: si sit, nego: Porro implicat propter rationes supra allatas oculum corporeum elevari ad visionem Dei intuitivam.

*Ad confirmationem*, nego puritatem, Ratio est quia lutum neque virtute propria, neque ut causa principalis, illuminavit cæcum, sed tantum ut causa instrumentalis, & per virtutem salutiferam a Divinitate per humanitatem in lutum transusam; effectus autem non assimilatur causæ instrumentali, sed principali: potuit igitur Christus uti luto ad illuminandum cæcum, quoniam omnia serviunt ei. At vero non sic de oculo corporeo ratiocinandum quia Dei visionem intuitivam; siquidem in hypothesi, quod ad tantum sublimemque elevaretur actum, foret ejus causa principalis, & virtute sui quamvis elevata se moveret ad objectum videndum; quod quidem non una aut altera ratione probavimus esse impossibile.

*Inflabis.* Ideo lutum elevari potuit ad illuminandum cæcum, quia ratione potentia obediæntialis suscepit virtutem salutiferam ad tantum miraculum patrandum: atqui inest similiter potentia obediæntialis in oculo corporeo, ut virtutem suscipiat, qua elevaretur ad videndum intuitivum Deum: ergo, &c. *Confirmatur.* Deus eduxit creaturas e nihilo: ergo a fortiori potest in oculo corporeo ita efficaciter operari, ut illum elevet ad sui visionem.

*Respondeo*, negando paritatem. Ratio dicriminis est, ut non semel dictum fuit, quia oculus foret causa principalis, exque activa actus visionis: licet autem adfit potentia obediæntialis passiva in luto

ad patrandum illuminationis miraculum, non tamen activa: porro ad visionem requireretur activa in oculo corporeo; quandoquidem non se haberet ut causa simpliciter mota, verum etiam ut se movens, & vitaliter producens actum, quem quidem nonnisi circa proprium objectum habere potest: ergo, &c.

*Ad confirmationem*, nego iterum paritatem. Et vero nihilum mere passive se habet respectu actionis creativæ; unde ut ex ipso producat aliquid, sufficit ut actioni Dei subjiçatur.

*Inflabis.* Ideo implicat oculum corporeum Deum intuitivum videre, quia objectum debet commensurari potentia visivæ, ita ut sit & extensum & coloratum, si oculus est corporeus: atqui hæc ratio nulla est: & probatur: Anima tamen si spiritualis & nullo modo extensa, videt tamen corpus: ergo non requiritur ut objectum per omnia potentia commensuretur.

*Respondeo*, negando minorem. Ad probationem, nego paritatem: eo quod, teste Dionysio, superiora continent inferiora quæ illis subjiçantur, sed non e contra: igitur spiritus potest percipere corpus, minime vero oculus corporeus spiritum.

*Inflabis.* Aqua licet corporea, attamen in baptismo virtute divina elevata, operatur in anima, illamque regenerat: igitur non est extra metam entis corporei circa ens incorporale operari: ergo nec consequenter extra objectum oculi corporei Deum intuitivum videre.

*Respondeo*, negando paritatem; nam ut dictum est supra, oculus corporeus foret actus visionis causa principalis, siquidem ab eo vitaliter procederet: at vero aqua in baptismo est causa duntaxat instrumentalis ad hominem regenerandum, quod quidem non implicat, cum effectus non assimiletur instrumentum.

*Inflabis.* Magna eaque infinita inter intellectum creatum & Deum est distantia: atqui tamen mens lumine gloriæ persufa & elevata sit capax & expedita ad Deum intuitivum videndum: igitur a simili, non obstante distantia, oculus corporeus ad actum visionis eliciendum elevari potest.

*Respondeo*, negando paritatem. Ratio discrepantiæ in eo potissimum consistit, quod licet non sit inter Deum & intellectum creatum proportio entitativa, est tamen proportio habitudinis; siquidem Deus intra objectum intellectus, quod est omne verum, continetur: unde & ad Deum intuitivum videndum elevari potest mens humana.

mana, nusquam vero propter rationem oppositam oculus corporeus.

*Instabis.* Corpus animam in suis partibus operantem sentit: igitur corporale potest attingere objectum spirituale: igitur & oculus corporeus summum & primum spiritum intuitivè videre.

*Respondeo* distinguendo: corpus percipit animam mediate, nimirum in impressionibus aliisque effectibus, quos in eo operatur, concedo: immediate, nego; non enim anima est sensibilis per se, sed tantum per accens, hoc est per effectus suos.

*Instabis.* Christus in Eucharistia oculis corporeis seipsum videt & quidem immediate, tamen eius corpus ibi sit tantum definitive, & juxta modum existendi rebus spiritualibus proprium. Igitur non implicat oculum corporeum, elevatum rem spirituales, qualis est Deus, immediate intueri.

*Respondeo* negando paritatem propter duos: primo quidem corpus Christi manet semper corpus in Eucharistia, unde & est semper objectum oculi corporei, adeoque ab ipso Christo attingi nihil vetat. 2. Ipse oculus subest eidem existendi modo; igitur est æqualitas & ex parte objecti, & ex parte potentie: Deus vero & res spirituales sunt objecta respectu oculi corporei disparata, quia de causâ illum ab eo videri prorsus implicat.

*Instabis:* oculus Beatorum potest videre corpus Christi in Eucharistia; igitur & rem spirituales. Probatur consequentia: si oculus ens mere spirituale immediate intueri non valeret, maxime quia, quidquid videtur ad modum vidētis videtur; atqui hoc certum non apparet, quandoquidem oculus Beatorum extensum est in ordine ad locum; corpus vero Christi in Eucharistia minime, & tamen a Beatis videtur; quidni & oculus corporeus ens mere spirituale & Deum videre similiter poterit?

*Respondeo* istam quoque negando paritatem; namque corpus Christi in Eucharistia est semper corpus: igitur & objectum oculi; ideoque Deus potest distantiam, quæ intercedit inter corpus & objectum ratione modi existendi vincere, & ita roborare oculum ut corpus intueri queat; maxime vero cum sicut modum existendi definitive per omnipotentiam habeat corpus, ita & per eandem oculum corporeus Beatorum poterit habere modum utique specialem videndi objectum, cum & hunc modum

habeat oculus Christi in Eucharistia. Quid plura? homo de potentia extraordinaria, non utendo nisi oculis mentis, in via potest intuitivè videre Deum: igitur & virtute supernaturali oculus corporeus, non utendo modo sibi innato videndi res, videlicet per extensionem in ordine ad locum, poterit videre corpus Christi in Eucharistia, licet nonnisi in ordine ad se extensum, nusquam vero Deum & rem mere spirituales, propter rationes superius allatas.

*Objicies* 3. Qui donabitur post resurrectionem gloria animæ, videbit intuitivè Deum: atqui oculus corporeus habebit in cælo gloriam animæ: igitur poterit videre intuitivè Deum, nam ab actu ad posse valet consequentia. Probatur minor. Gloria animæ redundabit, inquit Div. Thomas, in ipsum corpus: ergo, &c.

*Respondeo* negando majorem; ad probationem, distinguo: gloria animæ redundabit in corpus per aliquos effectus secundarios, nimirum per claritatem, per agilitatem, & per incorruptionem, concedo: immediate, & per visionem Dei intuitivam, nego. Oculus quidem corporeus post resurrectionem videbit Deum in illis miris effectibus, sed non immediate & in seipso.

## SYNOPSIS PROBATIONUM,

*Oculus corporeus Deum videre etiam de potentia absoluta non valet.*

*PRIMO:* Quia de illo maxime intelligitur illud primæ ad Timoth. v. 16. *Quem nullus hominum vidit, nec videre potest, scilicet per oculum corporeum.*

*Secundo:* Deus est purus spiritus adeoque extra objectum tum specificativum, tum extensivum oculi corporei.

*Tertio:* Quidquid videtur ad modum vidētis videtur, ita ut si potentia visiva sit extensa & corporata, nonnisi objectum extensum, & coloratum attingere potest.

## SYNOPSIS OBJECTIONUM,

*Et solutionum.*

*PRIMO:* Verum quidem est Beatos post resurrectionem visuros in carne Deum, sed oculis mentis.

*Secundo:* Verum etiam est eisdem Deum sensibilibiter tunc visuros: sed tantum in gloriolis dotibus quibus eorum corpora, cor-

corpori claritatis Christi mirum in modum configurantur.

*Tertio*: sed neque diffiteri fas est intellectum Beatorum, non obstante magna inter Deum & hominem distantia, elevari ad visionem Dei intuitivam; Deus enim est intra obiectum specificativum intellectus humani; non idem profecto dicendum de oculo corporeo, propter rationem oppositam.

## ARTICULUS SEPTIMUS.

*Utrum Augustinus crediderit Deum posse videri intuitive ab oculo corporeo.*

### CONCLUSIO.

Augustinus nec credidit, nec docuit Deum posse videri intuitive ab oculo corporeo.

*Probatnr eo variis Augustini textibus.*

**P**RIMO QUIDEM, in lib. de videndo Deo ad Paulinam sic se explicat: "Deum nemo vidit unquam: Vel in hac vita, sicut ipse est, vel in Angelorum vita, sicut visibilia ista, quæ corporali visione cernuntur." Quibus verbis excludit a visione corporea Deum, quandoquidem asserit Deum non videri visione corporali, sicut ista visibilia cernuntur, quod discrimen nullum sane foret, si Deus posset ab oculo corporeo videri. Idem repetit August. Epist. 112. c. 9. quæ nunc est 147.

*Secundo*, B. August. anno 408. scribens ex propria sententia Epist. 92. olim 6. ad Italicam viduam, negat Deum clare posse videri oculis corporis: "Hoc, inquit, obiectum, videre oculis corporis, neque nunc, neque tunc poterit." Idem anno 413. dicit in libro de videndo Deo ad Paulinam, seu Epist. 147. mox citata: idem iterum anno 415. Epist. 148. ad Fortunatum Episcopum, & Epist. ad Evodium.

*Tertio*, lib. 22. de Civit. Dei, c. 29. ubi ex professo hanc tractat questionem: num. 13. sic loquitur. "Sed utrum videbunt & per oculos corporis, cum eos apertos habebunt, inde quaestio est? Si enim tantum poterunt in corpore spiritali, eo utique modo etiam ipsi oculi spirituales, quantum possunt isti quales nunc habemus; procul dubio per

eos Deus videri non poterit. Sed oculus corporeus semper erit corporeus, nec suam amittet in beatitudine naturam: igitur ex August. Deum intuitive videre non poterit.

*Quarto*. Augustinus loca, quibus utebantur quidam Episcopus & alii tunc temporis ad opinionem contrariam stabilendam, explicat excludendo Dei visionem ab oculo corporeo: nam ibid. l. 22. de Civ. c. 29. num. 3. sic explanat illud Job. 42. v. 5. & 6. *In obauditu auris audiveram te prius, nunc autem oculus meus videt te; propterea despexi memetipsum, & distabui, & existimavi terram & cinerem.* Quamvis hic nihil prohibeat oculum cordis intelligi, de quibus oculis ait Apostolus, illuminatos oculos habere cordis vestri: ipsis autem videri Deum, cum videbitur, Christianus ambigit nemo, qui fideliter accipit, quod ait Deus ille magister, Beati mundo corde quoniam ipsi Deum videbunt.

*Numero* 4. quatuor alia loca explicat, scilicet Lucæ 3. v. 6. *Videbit omnis caro salutare Dei.* Job. 19. v. 26. *In carne mea videbo Deum.* Psal. 33. v. 6. *Accedite ad eum & illuminamini, & facies vestrae non confundentur.* Primæ Cor. v. 12. illud quod ait Apostolus: *Facie ad faciem.* Quatuor, inquam, illa loca explicat excludendo semper ab oculo corporeo visionem Dei: sic enim loquitur: "Sed utrum etiam corporalibus oculis ibi videatur, intellige, *Deus in cælis*, hoc in ista questione versamus. Illud enim quod scriptum est, & videbit omnis caro salutare Dei, sine ullius nodo difficultatis, sic intelligi potest ac si dictum fuerit, & videbit omnis homo Christum Dei, qui utique in corpore visus est, & in corpore videbitur, quando vivos & mortuos iudicabit. Illud etiam quod ait supra memoratus Job; sicut in exemplaribus quæ ex Hebræo sunt inventur, & in carne mea videbo Deum, resurrectionem quidem carnis sine dubio prophetavit, non tamen dixit per carnem meam. Quod quidem si dixisset, posset Deus Christus intelligi, qui per carnem in carne videbitur: nunc vero potest & sic accipi, in carne mea videbo Deum. Et illud quod ait Apostolus, *facie ad faciem*, non cogit ut Deum, per hanc faciem corporalem, ubi sunt oculi corporales, nos visuros esse credamus, quem spiritu si-

» ne



„ne intermissione videbimus. Nisi enim  
 „esset etiam interioris hominis facies, non  
 „diceret idem Apostolus, *nos autem reve-*  
*lata facie gloriam Domini speculantes, in*  
*eamdem imaginem transformamur de gloria*  
*in gloriam, tanquam a Domini spiritu; nec*  
*aliter intelligimus quod in Psalmo canitur,*  
*accedite ad eum & illuminamini & facies*  
*vestrae non erubescunt.* Fide quippe accedi-  
 tur ad Deum, quin cordis constet esse,  
 non corporis. „ Quibus verbis con-  
 cludit August. Deum videri non oculis  
 corporis, sed tantummodo cordis.

Quinto. Idem Augustinus, Epist. 10. in-  
 surgit adversus eos qui dicunt Deum pos-  
 se videri oculis corporis, & vocat eorum  
 opinionem, „ insipientiam, dementiam,  
 „ ac perversam sententiam.

Sexto. Augustinus adhuc junior infestat-  
 us est opinionem oppositam; sed, cum  
 multi inter quos erat quidam Episcopus,  
 qui de severiori Augustini in hac mate-  
 ria stylo, querelas deferrent, ipse charita-  
 tis motivo quasi cedens, modeste eorum  
 refert opinionem: ita tamen ut semper &  
 hanc suam esse, indigiter, Deum scilicet  
 non posse ab oculo corporeo intuitive vi-  
 deri; immo contrariam auctoritate Scrip-  
 turæ nusquam posse probari contendit.  
 Sic enim loquitur, lib. 22. de Civit. Dei,  
 cap. 29. n. 4. „ Sed quia spirituale corpus  
 „ nescimus quantos habeat accessus, de  
 „ re quippe inexperta loquimur, ubi ali-  
 „ qua, quæ aliter intelligi nequeat, di-  
 „ vinarum Scripturarum non occurrit &  
 „ succurrit auctoritas, necesse est ut con-  
 „ tingat in nobis, quod legitur in libro  
 „ Sapientiae,  *cogitationes mortalium timide*  
 *& incerte providentiae nostrae.* Ibidem  
 „ n. 6. „ Quod ullis exemplis, sive Scrip-  
 „ turarum Testimoniis divinarum, vel dif-  
 „ ficile, vel impossibile est ostendere.

Septimo. S. Doctor ibidem num. 6. re-  
 censita contraria opinione, quam dicit  
 nullo Scripturarum-testimonio innixam esse,  
 concludit ex propria sententia Deum  
 videri immediate solum a Spiritu, media-  
 te vero, & in effectibus sensibilibus ab  
 oculo corporeo, sicut anima videtur ab  
 eodem per vitam sensibilem, quam corpo-  
 ri consert & exhibet. „ Quod est, inquit  
 „ ad intelligendum facilius, ita Deus nobis  
 „ erit: nobis atque conspicuus, ut vi-  
 „ deatur a Spiritu, a singulis nobis in  
 „ singulis nobis, videatur ab altero in  
 „ altero, videatur in seipso, videatur in  
 „ cælo novo & in terra nova, atque in

„ omni quæ tunc fuerit creatura, vide-  
 „ tur, & per corpora in omni corpore,  
 „ quocumque fuerint spiritalis corporis  
 „ oculi acie perveniente directi. Prius di-  
 „ xerat: „ Sicut homines, inter quos vi-  
 „ ventes, motusque vitales exercentes vi-  
 „ vimus, mox ut aspicimus, non credi-  
 „ mus, vivere, sed videmus; cum eorum  
 „ vitam sine corporibus videre nequea-  
 „ mus; quam tamen in eis per corpora,  
 „ remota omni ambiguitate conspicimus;  
 „ ita quæcumque in spiritalia illa lami-  
 „ na corporum nostrorum circumferemus,  
 „ incorporeum Deum omnia regentem,  
 „ etiam per corpora contuebimur.

Octavo. Qui negat Deum videri posse  
 oculo corporeo, qui opinionem contra-  
 riam dicit insaniam & nullo Scripturarum  
 testimonio innixam, qui asserit illam se-  
 stantes, rem defendere incertam, non  
 credit Deum posse videri oculo corporeo:  
 atqui ex dictis patet S. Augustinum tali-  
 ter locutum fuisse: ergo non credidit san-  
 ctus Doctor Deum posse videri oculo cor-  
 poreo; immo Epist. ad Italicam dicit Deum  
 non magis posse percipi ab oculo corpo-  
 reo quam a cæteris sensibus, & sic con-  
 tra alios concludit: „ Quousque volunt  
 „ decipiant; quanto nos melius eorum in-  
 „ sipientiae terminos figimus? sed ut desi-  
 „ piant prorsus nolumus.

Nono. BB. Fulgentius & Thomas, qui  
 præ cæteris Augustini mentem attigerunt,  
 expresse propugnant S. Doctorem nusquam  
 sensisse Deum posse oculo corporeo videri:  
 ergo, &c. . . . Probatur antecedens: Pri-  
 mus ad testem Ferrandi quæstionem sic  
 loquitur: „ Oculis corporalibus Deus spi-  
 „ ritus non videtur; unde quidam B.  
 „ Augustinus, qui hoc voluerunt de Chri-  
 „ sto credere, quod Deum Patrem oculis  
 „ corporis videat in Epistola quædam ad Ita-  
 „ licam scripsit, licet brevi sermone,  
 „ sufficiens tamen responsione convin-  
 „ cit. „ Secundus, nimirum D. Thom.  
 hic qu. 12. art. 3. docet ex professio Deum  
 non posse videri oculo corporeo: & ad  
 hoc probandum asserit August. auctorita-  
 tem ex l. de videndo Deo ad Paulinam  
 quæ quidem retulimus inter cæteras pri-  
 mam. Uterque autem, ut norant omnes,  
 scripsit post Augustinum, cuius senten-  
 tiam in diversis operibus non semel pro-  
 positam sciebat, & tamen omnibus æqua  
 lance ponderatis, Deum non posse videri  
 oculis corporeis esse Augustini sententiam  
 defendit: ergo &c.

## SOLVUNTUR OBJECTIONES

OBJICIES 1. Augustinus, lib. 12. de Civit. Dei, cap. 29. proposita questione, concedit quidem oculos corporeos quales non sunt in viatoribus, non visuos Deum, sed addit in gloria robustiores evasuros, ut Deum intuitive possint videre: sic igitur loquitur de Beatis, n. 3. "

" Sed utrum videbunt & per oculos corporis, cum eos apertos habebunt, inde questio est? si enim tantum poterunt in corpore spiritali, eo modo utique etiam ipsi oculi spirituales, quantum possunt, isti quales habemus, procul dubio per eos Deus videri non poterit. Longe itaque alterius erunt potentiae, si per eos videbitur incorporea illa natura, quae non continetur loco, sed ubique tota est; ergo, &c.

Respondeo 1. Augustinum suam clare expoluisse sententiam in lib. de videndo Deum ad Paulinam, & Epist. 10.

Respondeo 2. S. Doctorem charitatis motivo, propter quorundam querelas, a modo rigidiore in sua propugnanda sententia declinasse, quasi dubitasset contrariam sententiam esse falsam, quam tamen constanter in Scriptura sacra esse fundatam negat.

Respondeo 3. distinguendo: & loquitur Augustinus: alteri indulgendo sententiae ex hypothesi quod oculus corporeus, sicut alii putabant, evaderet spiritalis, concedo: secus, nego. Sanctus Doctor est sui ipsius interpres; ibidem enim sic loquitur: " Longe itaque alterius erunt potentiae, si per eos videbitur incorporea illa natura.

Inhabis: Atqui Augustinus credidit absolute Deum ab oculo corporeo posse videri: ereo nulla solutio. Probat subsumptum ex eodem S. Doctore, qui ibidem, n. 3. subdit: " Vis itaque praevalentior oculorum erit illorum, non ut acius videant, quam quidam perhibentur videre serpentes vel aquilae; quantalibet enim acrimonia cernendi eadem quoque animalia nihil aliud possunt videre quam corpora; sed ut videant & incorporea: sit: ergo, &c.

Respondet D. Thom. hic art. 3. ad hoc argumentum his verbis: " Ad secundum, dicendum quod Aug. loquitur in verbis illis inquirendo & sub conditione, quod patet ex hoc quod praemittitur,

" longe itaque potentiae alterius erunt, scilicet oculi glorificati, si per eos videbitur incorporea illa natura: sed postmodum hoc determinat dicens: valde credibile est sic nos visuros mundana tunc corpora caeli novi, & terrae novae, ut Deum ubique praesentem, & universa etiam corporalia gubernantem clarissima perspicuitate videamus, non sicut nunc invisibilia Dei per ea quae facta sunt, intellecta conspiciuntur, sed sicut homines, inter quos viventes morisquae vitales exercentes vivimus, mox ut aspiciamus, non credimus videre, se videmus. Ex quo patet quod hoc modo intelligit oculos glorificatos Deum visuros, sicut nunc oculi nostri vident alius cuius vitam; vita autem non videtur oculo corporali, sicut per se visibile, sed sicut sensibile per accidens: quod quidem a sensu non cognoscitur, sed statim cum sensu ab aliqua alia virtute cognoscitiva. Quod autem statim visis corporibus, divina praesentia ex eis cognoscatur per intellectum ex duobus contingit, scilicet ex perspicuitate intellectus, & ex refugientia divinae claritatis in corporibus innovatis.

Inhabis: Augustinus rejicit opinionem philosophorum qui negabant res spirituales non cognosci corporis sensibus: ibidem enim, n. 5. sic loquitur: " Ratiocinationem quippe illa philosophorum, quia disputant ita mentis aspectu intelligibilia videri, & sensu corporis sensibilia, idest, corporalia, ut nec intelligibilia per corpus, nec corporalia per seipsam mens valeat intueri, si posset nobis esse certissima, profecto certum esset per oculos corporis etiam spiritualis nullo modo posse videri Deum. Sed istam rationem & veram rationem & prophetica irridet autoritas. Probat Deum videre corporalia, sicut & omnes spiritus, illa aut cognoscunt, aut possunt cognoscere, adeoque falsa dicere illos Philosophos, cum corporalia solum a corporalibus cognosci astruunt: deinde venit ad aliam argumenti partem, in qua quidem corporalia a spiritualibus non cognosci affirmabant: & hoc utique debellat dicendo: " Sicut ergo constat videri corpora spiritalia: quid si tanta erit potentia spiritalis corporis ut corpore videatur & spiritus? Spiritus enim est Deus: ergo, &c.

Respondeo 1. distinguendo: Augustinus rejicit

rejecit Philosophorum rationem propter malam illationem, concedo: ex eo præcise quod dicerent spiritalia non cognosci a corporalibus, nego: & vero isti Philosophi ex eo quod a corporalibus cognoscantur tantummodo sensibilia, concludebant utique spiritum non posse corporalia cognoscere, sed solummodo intelligibilia attingere: pessima sane consequentia: "Quis enim, inquit ibidem Augustinus, ita sit adversus a vero, ut dicere audeat Deum corporalia ista nescire? Numquid ergo corpus habet per cujus oculos ea possit addiscere? Sed non ideo concedit S. Doctor corporeum oculum posse videre spiritum, nisi in hypothesei quod mutata natura evaderet ipse spiritalis; unde ibidem subdit: "Quid si tanta erit potentia spiritalis . . . . ut corpore videretur & spiritus?"

*Respondeo* 2. aliter distinguendo: ex Augustino oculus corporeus videbit Deum mediate & in effectibus, concedo: immediate & in seipso, nego: sicut enim anima videtur in motu locali cujus est principium, quatenus effectus designat causam a qua profuit; sic oculus corporeus videntem gloriam resurgentem & claritatem in corpore redundantem, quodammodo videbit utique Deum. "Quamobrem, ait Augustinus, fieri potest, valdeque credibile est, sic nos esse viros mundana tunc corpora, &c. adeoque & Deum quasi sensibiliter se oculis objicientem.

*Instabis*: ibidem Augustinus dicit & docet visionem, qua tunc oculus Beatorum corporeus donabitur, visione Dei abstractiva quam nunc habemus, fortiolem tunc evasuram; sed visio abstractiva quam de Deo habemus in via, terminatur etiam ad Deum in se; fides quippe illum immediate respicit. Igitur visio futura pro oculo corporeo ex Augustino nedum effectus Dei, sed & ipsum Deum in se attingere poterit.

*Respondeo* distinguendo: visio corpora Beatorum erit post resurrectionem visione nostra de Deo abstractiva robustior, quantum ad aliquid, quia scilicet regulabitur visione beatifica, nostra vero solum per fidem dirigitur, concedo: erit robustior ita ut Deum in se attingat, nego: in isto prorsus sensu D. Thomas hic explicat Augustinum in quantum scilicet oculus corporeus majori etiam tunc donabitur claritate, & sanctam humanitatem per omnia

resurgentem intuitive videbit, immo ipsi configurabitur, juxta illud Petri: *Expectamus Dominum nostrum Jesum Christum qui reformabit corpus humilitatis nostræ configuratum corpori claritatis sue.*

*Instabis*: Augustinus absque hypothesei & nulla facta restrictione Deum ab oculo corporeo post resurrectionem intuitive videntem esse asserit; sic enim Epist. 147. c. 20. n. 48. loquitur: *Oculi corporales in resurrectione, mutata corporum qualitate conspicient divinam essentiam.* Igitur ex propria Augustini sententia oculus corporeus Deum intuitive videre potest.

*Respondeo* distinguendo: & loquitur Augustinus facta suppositione, quod mutata natura oculus evadat spiritalis, concedo: secus, nego: Sanctus Doctor est sui ipsius interpres; nam sub finem epistolæ petit, "utrum Divinam substantiam, oculi corporales in resurrectione mutata corporum qualitate conspicient, respondeat, viderint qui hoc possunt astruere: me plus mover illius sententia, quæ nec in ipsa resurrectione hoc corporalibus oculis, sed mundis cordibus tribuit. Et n. 49. "Jam utrum possit huius corporis oculis videri aliquid quod in loco non videtur ab eis, qui hoc volunt differendo monstrare, cum pace dilectionis audire paratus sum, & quod me movet in commune conferre." Denique n. 50. sic concludit post allata in contrarium Hieronymi & Ambrosii testimonia, quibus se adherere velle constituitur. "De corpore vero spiritali, inquit, si Dominus juverit, alio opere exponiemur, quid disputare valeamus." Denique Epist. 148. videtur quidem Augustinus concedere oculo corporeo Dei aspectum: sed attende, docte Lector, eum loqui semper in aliena sententia, & nihil debuerit asserere: sic enim scribit n. 23. "Si in tantam sui dissimilitudinem, nostra corpora mutabuntur, ut oculos habeant per quos videatur illa substantia, quæ non per locorum spatia vel diffunditur, vel finitur . . . longe aliter erunt hæc corpora: quapropter si videbunt Deum, non istius corporis oculi videbunt." Quid clarius? Concedit ad duritiam cordis oculum corporeum visurum esse Deum, modo mutata natura fiat spiritus, quod sane est impossibile. Cum multis Patribus, laudat eos qui simpliciter dicunt oculum etiam gloriosum non posse Deum videre in se, & postea con-

cludit: "Melius affirmamus, unde mi-  
"nime dubitamus, quod homo interior  
"videbit Deum. Ergo Augustini senten-  
"tia constans & firma est, Deum ab oculo  
"corporeo etiam elevato non posse imme-  
"diatè & intuitive videri.

*Inhabis*: esto quod opinio Augustini  
fuerit, oculum corporeum etiam eleva-  
tum non posse Deum intuitive videre;  
attamen sententiam contrariam S. Doctor  
existimavit probabilem: igitur credidit o-  
culum corporeum posse videre Deum. Pro-  
batur antecedens: 1. Serm. 277. de san-  
cto Vincentio, ait forte Deum in resur-  
rectione carnis oculis esse conspiciendum.  
2. lib. 22. de Civitate Dei, cap. 29. num.  
6. relata sententia opposita, quasi concedo  
subdit: "Et fortasse ista virtus  
"magna cernendi data fuerit ad horam  
"etiam in mortali isto corpore oculis fan-  
"ti viri Job, quando ait ad Deum, in  
"obauditu auris audiebam te prius, nunc  
"autem oculus meus videt te." assert  
hic in probationem auctoritatem sancti Job.  
3. Ibid. n. 6. post relatas iterum duas o-  
piniones, sic concludit: "Quamobrem fie-  
"ri potest, valdeque credibile est, sic  
"nos esse visuros mundana tunc corpora  
"coeli novi & terræ novæ, ut Deum  
"ubique præsentem & universa etiam cor-  
"poralia gubernantem . . . videamus."  
"Et adhuc ibidem paulo infra." Aut  
"ergo per illos oculos sic videbitur Deus,  
"ut aliquid habeant in tanta excellentia  
"menti simile, quo & incorporea natura  
"cernatur, &c. . . Ergo credidit hoc  
"esse possibile.

*Respondeo* 1. Augustinum. l. 2. retracta-  
tionum de hoc momento nullam facere  
mentionem, neque suam primam, quam  
anno 408. scripserat sententiam retractare,  
sed questionem remittere maturius exa-  
minandam, in l. 22. de Civit. Dei. Sic  
enim ait l. 2. retract. c. 41. "De viden-  
"do Deum scripsi librum, ubi de spiri-  
"tali corpore quod erit in resurrectione  
"sanctorum, in inquisitionem diligentio-  
"rem distuli, utrum vel quomodo Deus  
"qui spiritus est, etiam per corpus tale  
"videatur, sed eam postea questionem  
"fane difficillimam, in novissimo, id est,  
"in vigesimo & secundo libro de Civit. Dei,  
"fatis quantum arbitror explicavi."

*Respondeo* 2. ubique Augustinum locis  
in objectionem adductis loqui in aliena sen-  
tentia, loqui dubitanter & nihil concedo-  
do; nam ad primum locum ibidem

subdit. "Hoc ergo dico quoniam tales o-  
"culi, nec possunt videre Deum, nec  
"tunc poterunt . . . hoc etiam donec de  
"spiritali corpore diligentius requiratur,  
"quod ut intelligatur, aut recte creda-  
"tur, teneamus corpus resurrecturum."  
Postea dicit non posse probari oculum cor-  
poreum Deum visurum ex illo loco Lu-  
cæ, *videbitis omnis caro salutem Dei*, &  
contendit querenda esse loca pro hoc mo-  
mento clariora. Deinde sic concludit: Si  
"autem caro illa tantam acceperit muta-  
"tionem, ut possit per eam videri quod  
"non videtur in loco, omnino ita sit; sed  
"querendum est, unde doceatur, & si non-  
"dum docetur, nondum negetur, sed cer-  
"te vel dubitetur, ita tamen ut carnem  
"resurrecturam non dubitetur."

*Ad secundum* locum loquitur adhuc in  
aliena sententia, & proponendo suam,  
explicat textum Job de oculo cordis, sic  
enim subdit: "Quamvis hic nihil prohi-  
"bet oculum cordis intelligi."

*Ad tertium*, mentionem facit de visione  
Dei mediata & per creaturas, ut patet ex  
ipsis verbis, & ut jam explicavimus.

*Ad quartum*, nihil affirmat, immo neg-  
gat hoc posse fieri, nisi in hypothesi in  
qua daretur oculus in excellentia similis  
menti, quod est difficile, immo impossi-  
bile probare per scripturas: unde contro-  
versiam jam in multis operibus agitatam  
dirimit & concludit, dicendo oculum cor-  
poreum visurum esse quidem Deum, sed  
mediatè & in effectibus, oculum vero  
mentis immediatè & in seipso: "Aut  
"ergo, inquit ibidem, per illos oculos sic  
"videbitur Deus, ut aliquid habeant in  
"tanta excellentia menti simile, quo &  
"incorporea natura cernatur, quod ul-  
"tis exemplis, sive Scripturarum testimo-  
"niis divinarum, vel difficile, vel im-  
"possibile est offendere: aut quod est ad  
"intelligendum facilius, ita Deus erit  
"nobis notus atque conspicuus, ut vi-  
"deatur spiritui a singulis nobis, videatur  
"ab altero in altero, videatur in seipso,  
"videatur in celo novo & in terra no-  
"va, atque in omni quæ tunc fuerit  
"creatura, videatur, & per corpora in  
"omni corpore, quocumque fuerint spi-  
"ritualis corporis oculi acie perveniente  
"directi: ergo, &c."

## SYNOPSIS PROBATIONUM.

*Augustinus non docuit Deum ab oculo corporeo posse intuitive videri.*

**PRIMO:** quia Deus non videtur, sicut mundana ab oculo corporeo conspiciuntur, ita Epist. 149. c. 9.

**Secundo:** expresse ait oculum corporeum, neque nunc videre Deum intuitive; neque post resurrectionem esse visurum. Ita Epist. 92.

**Tertio:** contrariam sententiam improbabilem prorsus existimat, & hoc in omnibus operibus ubi hanc movet questionem.

## SYNOPSIS OBJECTIONUM,

## ET SOLUTIONUM.

**PRIMO:** Quandoque Augustinus dicit Deum ab oculo corporeo posse intuitive videri, sed loquitur ex aliena sententia.

**Secundo:** insinuare etiam videtur casum esse possibilem: sed ex hypothese quod oculus corporeus mutata natura evaderet menti in spiritualitate similis.

**Tertio:** nonnunquam utique & hoc absolute concedit, sed pro visione mediata & per effectus, nusquam vero pro immediata.



## DISSERTATIO SECUNDA

D E

## ACTU VISIONIS BEATIFICÆ,

## EJUSQUE OBJECTO.

*Contra Palamitas & Armenos.*

ALAMITÆ contendunt Deum non videri a Beatis in se. Armeni quidam existimant videri solum in quadam claritate. Sed contra profecto illud est quod Christus dicit Matth. 18.

*To. Angeli eorum semper vident faciem Patris.*

*Dogma de actu Visionis Beatificæ quatuor his rationibus probatur.*

**PRIMO:** Quia ex Scriptura sacra de facto Deus videtur intuitive a Beatis.

**Secundo:** Quia Beati vident Personas & Attributa.

**Tertio:** Quia vident etiam creaturas in Deo.

**Quarto:** Quia aliqui etiam in via, ut Moyses & Paulus, viderunt intuitive Deum.

## ARTICULUS PRIMUS.

*Utrum Deus videatur intuitive a Beatis.*

**CERTUM** est primo sanctos Angelos esse in cælo. 2. Christum die Ascensionis suæ huc adduxisse Patriarchas & Prophetas. 3. Beatissimam Virginem hac donatam fuisse gloria tum pro dilecta anima, tum pro corpore suo, ut pie creditur. Non movemus hic questionem, utrum gloria cæterorum sanctorum in pace defunctorum differatur usque ad extremum judicii diem, sed an Beati qui sunt in cælo videant immediate & intuitive Deum? Ad rei quæsitæ enodationem, sic

## CONCLUSIO CATHOLICA.

Beati qui sunt in cælo vident immediate & intuitive Deum.

*Probatur auctoritate & ratione.*

*Primo, ex Scriptura sacra.*

**L**EGITUR Matth. 5. 8. *Beati mundo corde, quoniam ipsi Deum videntur.* Et iterum 1. Joan. 3. v. 2. *Similes ei erimus, quoniam videbimus eum sicuti est.* Et adhuc, prima. Cor. c. 13. v. 12. *Videmus nunc per speculum in enigmate, tunc autem facie ad faciem.* Ex his auctoritatibus eviuntur multa argumenta Theologica quibus veritas magnifice comprobatur.

**Primum est.** Videre Deum, est eum intuitive videre, nam visio, ut nomen sonat, est cognitio clara & immediata, nullaque præter hanc dicitur visio: sed promittitur visio Dei mundis corde: ergo sancti qui sunt in cælo vident Deum immediate & intuitive.

**Secundum** sic procedit. Quando aliquid ostenditur, videtur intuitive; alias non esset ostensio rei: & vero, quis dicit se aliquam ostendere personam, qui solam illius exhibet imaginem? atqui ex Scriptura, sancti expostulant, dum peregrinantur a Domino, ut eis ostendatur in patria Deus: ergo, &c.

**Tertium.** Similitudo competit intellectui, & hoc solum per unionem immediatam cum objecto, quo quidem mens ita repletur, ut totaliter in ea reluceat: sed in cælo, Beati, ut ostensum est, similes sunt Deo, & sunt similes quia vident Deum: ergo quia vident immediate & intuitive.

**Quartum** depromitur ex eadem Scriptura. *Videre Deum sicuti est, est videre illum immen-*

immediate & in seipso: nemo enim dicitur videre causam in se, quam videt solum in effectu: atqui ex Scriptura, Sancti vident Deum sicuti est; hoc ipsum promittitur: igitur & executioni mandatur, juxta illud: *Angeli eorum in caelis semper vident faciem Patris mei qui in caelis est*: ergo, &c.

*Quintum* utique fundatur in Scriptura. Beati desiderant, & quidem non frustra, in Deum prospicere: ergo in caelo prospiciunt Deum in se: alias forent anxii & inquieti, quod sane Beatitudini repugnat.

*Sextum*. Visio quæ est opposita figuræ & ænigmati est intuitiva & immediata: atqui ex Apostolo talis est visio Beatifica: igitur sancti in caelo vident intuitive Deum.

*Septimum* denique. Videre faciem Dei est illum videre intuitive; sicut videmus hominem in se, quando ipsius intuemur faciem; immo nomen faciei usurpat Scriptura solum ad explicandam visionem Dei claram & intuitivam per analogiam ad res creatas: sed visio beatifica est visio Dei facie ad faciem: ergo, &c.

• Secundo, Ex Sanctis Patribus.

**I**RENEÛS primum tenet locum, l. 4. c. 37. "Quemadmodum enim videntur lumen, intra lumen & claritatem ejus percipiunt; sic & qui vident Deum, intra Deum sunt, percipientes ejus claritatem . . . vitam præstat iis qui vident eum."

*Ambrosius* sequitur: nam l. 1. in Lucam col. 11. ait: "In potestate nostra non est videre eum, scilicet Deum, sed in potestate illius est apparere."

*Augustinus* utique audiendus est: l. 1. de Trin. c. 9. sic loquitur: "In visione tota merces." Item Epist. 112. "Desiderium autem veraciter piorum, quo videre Deum cupiunt, & inhiante ardescunt, non opinor in eam speciem contuendam flagrat, quæ, ut vult, apparet quod ipse non est, sed in eam substantiam, quæ ipse quod est." Rursus, l. 22. de Civ. Dei, c. 29. Sicut illi vident, scilicet Angelis, ita & nos visuri sumus; sed non ita videmus. . . Præmium itaque fidei nobis ista visio servatur. Et adhuc *Manuz.* c. 17. "Verum super hæc omnia est confociari choris Angelorum. . . Gloriosa sunt hæc, sed multo gloriosius est præsentem Dei vultum cernere, incircumscriptum lumen videre;

*Boncat Theol. Tom. I.*

"superexcellens gloria erit cum Deum videbimus in seipso, videbimus & habebimus in nobis, quem cernere finis non erit."

*Gregorius* in eadem sententia versatur, quandoquidem, l. 18. Moral. c. 28. ait: "Sciendum vero est quod fuere nonnulli, qui Deum dicerent etiam in illa regione beatitudinis, in claritate quidem sua conspici, sed in natura minime videri: quos nimirum minor inquisitionis subtilitas feseclit: neque enim illi simplici, & incommutabili essentiae aliud est claritas, & aliud natura: sed ipsa ei sua natura claritas, ipsa claritas natura est; quia enim suis dilectoribus hæc Dei sapientia le quandoque ostenderet ipse pollicetur dicens: qui diligit me, diligitur a Patre meo; & ego diligam eum, & manifestabo memetipsum illi: ac si patenter dicat, quia in vestra me cernitis, restat ut in mea me natura videatis."

*Bernardus* eidem subscribit veritatem Serm. 4. in festo omnium Sanctorum. "Tripliciter, inquit, in æterna illa, & perfecta beatitudine fruemur Deo, videntes eum in omnibus creaturis, habentes eum in nobis ipsis, & quod his omnibus ineffabiliter jucundius sit atque beatius, ipsam quoque cognoscentes in semetipsa Trinitate, & gloriam illam sine ullo ænigmati, mundo cordis oculo contemplantes. In hoc enim erit vita æterna & perfecta, ut cognoscamus Patrem & Filium cum sancto Spiritu, & videamus Deum sicuti est, idest, non modo sicuti inest, nobis videlicet, aut cæteris creaturis, sed sicut est in semetipso."

*Denique D. Thomas*, prima part. q. 12. art. 2. sic loquitur: "Divina essentia non per aliquam similitudinem, ex parte divinæ essentiae ab intellectu creato conspicitur."

Tertio, Ex Rationibus Patrum & D. Thomæ.

**P**RIMA est. Qui vident Deum intra se, in seipso & non in aliqua media claritate, sed sicuti est, vident eum intuitive: atqui Beati ex Patribus sic vident Deum in caelo: ergo, &c.

*Secunda*. Qui vident Deum sine ullo medio & specie creata, illum vident immediate & in seipso: atqui ex D. Thom. hic, qu. 12. art. 2. Beati sic vident Deum: ergo, &c.

R 3

Ter-

*Tertia.* Beatitudo consistit in altissima & nobilissima operatione: atqui ex D. Thom. ibidem a. 1. visio Dei in semetipso ejusmodi est: ergo, &c.

*Quarta* hæc est, & quidem a priori. Omnis potentia attingit immediate suum objectum formale: sed Deus in se visus est objectum formale intellectus creati; quandoquidem est prima veritas; objectum vero mentis est omne verum: ergo, &c.

*Quinta.* Beatitudo est omnium appetituum satisfativa: sed homo ad finem supernaturalem elevatus desiderat Deum intuitive videre: ergo, &c. Probatur major. Quadruplex distinguitur in homine desiderium; alterum scilicet magnitudinis, alterum scientiæ, alterum castæ voluptatis, æternitatis vero alterum: sed visio Dei intuitiva omnia ista replet desiderio: Primum quidem juxta illud primæ Joan. c. 3. *Similes ei erimus quoniam vidimus eum sicuti est.* Secundum vero quia scriptum est Psal. 31. v. 34. *Et in lumine tuo videbimus lumen.* Et iterum alia Scriptura Jeremize 31. v. 34. *Non docebit ultra vir proximum suum... omnes enim cognoscunt me, a minimo eorum, usque ad maximum.* Tertium utique satiat juxta illud Philippi ad Christum. Joan. 14. *Offende nobis Patrem; & sufficit nobis.* Et Psal. 16. *Satiabor cum apparueris gloria tua.* Et iterum Psal. 35. *Torrente voluptatis tue potabis eos.* Quartum denique implet: habetur enim Daniel. 12. v. 3. *Fulgebunt quasi splendor firmamenti: & qui ad justitiam erudiunt multos, quasi stelle in perpetuas æternitatis.* Ergo, &c.

#### Solvuntur Objectiones.

**OBIECTIO 1.** S. Epiphanius dicit visionem Dei immediatam esse impossibilem, sic enim loquitur hæresi 70. "Deum quidem videre, maxime humanæ naturæ impossibile est": ergo, &c.

*Respondeo*, 1. S. Epiphanium non loqui de impossibilitate absoluta: nam immediate post verba laudari se loquitur: "Neque quod visibile est, sed intueri potest, quod est invisibile." Quibus quidem verbis hoc unum intendit demonstrare, scilicet Deum non videri in hac vita.

*Respondeo* 2. distinguendo: Visio Dei comprehensiva est homini impossibilis, concedo: intuitiva finita, subdistinguo: viribus naturæ, concedo: viribus gratiæ, nego. Loquitur S. Epiphanius solum de visione comprehensiva, siquidem imme-

diatæ ante verba in objectionem relata dicit Deum "invisibilem & incomprehensibilem esse... sed eundem rursus posset se quidquid velit facere, non enim quemquam voluntati ejus obistere: natura igitur invisibilis, & ejus comprehendendi non potest gloria; verum cum productio a se homini apparere voluerit, nihil ejus voluntati refragatur." Duo igitur docet S. Epiphanius, scilicet, Deum esse incomprehensibilem, & tamen manifestum se facere homini quando ipse vult.

*Obijcies* 2. Cognitio Dei per visionem, non est cognitio Dei intuitiva in creaturis: ergo non potest inferri Beatos videre intuitivè Deum & immediate, ex eo quod Scriptura & Patres dicant Beatos videre Deum. Probatur antecedens. Isaïæ 6. v. 1. dicit Propheta: *Vidi Dominum sedentem super solium &c.* & tamen non vidit Deum in se: igitur cognitio quæ habetur per visionem non est immediata.

*Respondeo*, distinguendo antecedens: Cognitio quæ habetur in via, quæque est per similitudinem aliquam, non est intuitiva, concedo: visio quæ conceditur in Patria, & quidem omni seclusa tum specie tum similitudine, nego. Primum patet, juxta illud Exod. 13. v. 20. *Non enim videbit me homo, & vivet.* Quæ quidem verba excludunt visionem Dei intuitivam in via. At vero alia Scriptura de visione Beatorum loquens, primæ Corinth. 13. v. 12. ait: *Videmus nunc per speculum in ænigmate; tunc autem facie ad faciem.* Igitur visio patriæ est immediata, quia est perfecta, dicente eodem Apostolo ibidem, v. 10. *Cum autem venerit quod perfectum est, evacuabitur quod ex parte est.* Exemplum visionis Isaïæ nihil urget contra conclusionem, cum visio Prophetæ fuerit solum per similitudinem.

*Respondeo* 2. aliter distinguendo: Cognitio prophetica non est intuitiva, concedo: cognitio beatifica, nego: Prima fit quandoque in somniis, quandoque in vigiliis, sed semper ut plurimum per figuras & similitudines, juxta illud Numerorum 12. v. 6. *Audite, inquit Deus, sermones meos: si quis fuerit inter vos Prophetæ Domini, in visione apparelo ei, vel per somnium loquar ad illum.* At vero cognitio Beatifica debet esse clara, adeoque immediata & intuitiva: de priori solummodo loquitur Isaïas.

*Obijcies* 3. Si Beati vident intuitive Deum,



Deum, maxime propter illud Apostoli est-  
fatum: *Tunc autem facie ad faciem*, intellige,  
*videbimus*: atqui ex illa sententia non col-  
ligitur visio Dei intuitiva; quandoquidem  
Deus, utpote purus Spiritus, non habet  
faciem ut homo: ergo &c.

*Respondeo*, negando minorem. Ad istud  
vero Deus non habet faciem, distin-  
guo: & isto utitur vocabulo Apostolus,  
ut designet visionem intuitivam, con-  
cedo: & esse impossibilem propugnat, ne-  
go. Hic igitur similitudine extenus demon-  
strat Paulus visionem inmediate, qua-  
tenus sicut visio hominis facie ad faciem  
est intuitiva, ita similiter & visio Dei  
in Patria. Eo prope modo S. Lucas per  
brachii vocabulum indiget Dei fortitu-  
dinem: sic enim c. 1. intonat B. Maria  
in suo Cantico: *Fecit potentiam in brachio  
suo*. Solutio est D. Aug. lib. 22. de Civ.  
Dei, c. 29. explicans illa verba prius  
Corinth. 13. v. 12. *Videmus per speculum  
in æigmate, tunc autem facie ad faciem*,  
ait: Facies Dei, manifestatio ejus in-  
telligendi est, non quod tale mem-  
brum quale nos habemus in corpore,  
& atque isto nomine nuncupamus.

*Inflabis*. Ut visio Dei sit intuitiva,  
non requiritur ut sit immediata: ergo  
quando Scriptura dicit, *Similes ei erimus,  
quoniam videbimus eum sicuti est*, non sensus  
est Deum videri in se & immediate, sed  
tantum in quidam claritate ab ipso proman-  
nante, juxta illud Psal. 35. v. 10. *Et in  
lumine tuo videbimus lumen*. Confirmatur,  
& quidem multipliciter. 1. Imago viva,  
tametsi solum imago, attamen ita repræ-  
sentat rem ut eîusque ipsa dicitur persona:  
in eo prorsus sensu Christus Heb. 1. 3. vo-  
catur imago & figura substantiæ paternæ,  
in qua ipse pater videtur, juxta illud  
Christi essatum, Joan. 14. *Philippe, qui  
videt me, videt & Patrem*. 2. Orator Re-  
gis, etiam ipsum repræsentat Regem: ideo  
& claritas ex Deo profluens ipsum  
menti Beatorum exhibet & repræsentat;  
unde illud Job. 19. v. 26. *& in carne mea vi-  
debo Deum meum*, de claritate corporum  
Beatorum D. Thomas interpretatur.

*Respondeo*, negando antecedens: Osen-  
sum enim est supra, lumen se tenere solum  
ex parte potentia, unde ex ipso solum non  
affulget objectum, sed per illud conspicitur.  
Lumen quidem solis adjuvat oculum cor-  
porum ad videndum coloratum; sed ocu-  
lus aliud præter ipsum lumen intuetur:  
ita dicendum de visione beatifica.

*Ad primam confirmationem*, distinguo.  
Imago quæ est enitativa & eadem nu-  
mero cum persona, repræsentat rem si-  
cuti est, concedo: imago vacua, nego:  
unde nulla est paritas. Enimvero Filius  
Dei est imago, sed viva, sed Patri consub-  
stantialis, unde & ipsum perfecte re-  
præsentat; qua de causa Christus respon-  
dit Philippo interroganti, Joan. 14. 9.  
*Philippe, qui videt me, videt & Patrem*:  
ast non idem dicendum est de claritate crea-  
ta; nulla quippe ejusmodi similitudo Deum  
& circumscribere & repræsentare potest;  
quoniam nulum quum sicuti est in claritate  
ab ipso promanante videtur.

*Ad secundam*, distinguo. Orator repræ-  
sentat Regem moraliter & secundum  
quid, concedo: sicuti est, nego: & ideo  
non est paritas; quandoquidem & Scriptura  
& Patres loquuntur de visione Dei in  
se & sicuti est. Cæterum D. Thom. lo-  
quitur solum de visione Dei mediata & per  
effectus, ut non semel supra dictum est.

*Inflabis*. Ut Deus videatur sicuti est,  
non absolute requiritur eum videri imme-  
diate, quod ipso probatur argumento.  
Prophetæ videbant Deum sicuti est; nam-  
que I. 1. Reg. c. 9. dicuntur, *Videntes*:  
atqui tamen constat eos non vidisse Deum  
immediate & in seipso, sed modo in fi-  
guris, modo in similitudinibus, & semper  
in claritate. Ergo, &c.

*Respondeo*, negando subsumptum: ad  
probationem, nego utique Prophetas Deum  
vidisse sicuti est, sed tantummodo in si-  
militudinibus. Ad id vero quod subjun-  
gitur *Videntes* nominari in Scripturis, di-  
stinguo: nominantur *Videntes* propter pro-  
phetiæ & visionis certitudinem, concedo:  
propter visionem Dei intuitivam, nego:  
Veritas dupliciter revelatur: 1. quidem  
obscure & mediantibus Scripturis quæ ver-  
bum Dei continent: alio vero modo ob-  
scure quidem ex parte objecti, sed clare  
& evidenter ex parte attestantis; nempe  
cum aliquis vel videt, vel audit Angelum  
in persona Dei loquentem, & mysteria  
aliqua exponentem: iste modus obscuri-  
tatem quidem ex parte mysteriorum, sed evi-  
dentium in attestante habet. Primo modo  
habemus rerum revelationem; secundo ve-  
ro modo Prophetæ, & ideo *videntes* recte  
appellantur.

*Obicies* 5. Ideo affruitur visio beatifica  
intuitiva & immediata pro Beatis, quia  
est satiatiua: atqui hæc ratio nulla est:  
nam & claritas Beatorum implet cuncta

desideria; in ipsa enim velut in speculo, & essentia & attributa videntur: sed visio Dei & attributorum omnem satiat appetitum: ergo, &c.

*Respondeo*, negando minorem: ad probationem, nego utique claritate omnem impleri appetitum: ad ulteriorem probationem, distinguo: essentia Dei & attributa videntur in claritate abstractivæ & per effectum, concedo: immediata & in seipsis, nego. Soli autem visio Dei intuitiva & in se replet desiderium Sanctorum & perfecte satiat, nusquam vero visio mediata & abstractiva; visis enim tantum effectibus & quidem cum anxietate desideramus intueri & possidere causam.

*Obijciat* 6. Plurimi Theologi, alias doctissimi, propugnant Beatos producere speciem expreſſam de Deo; & tamen Deum intuitive & sicuti est a sanctis videri pro foci & aris descendunt: igitur visio Dei potest esse clara absque eo quod sit immediata: igitur non est inconveniens Deum in quadam claritate a Beatis in Patria conspici.

*Respondeo*, admittendo hypothesim, distinguo. Et species se tenet ex parte objecti prius in se visi, concedo: & non se tenet, nego. Beati secundum horum sententiam vident Deum in se, licet per istum visionis actum producant speciem creatam de divina essentia, in qua veluti in speculo sine macula Deum contemplantur; sed Palamita non sic: propugnant enim sicut & Armeni Beatos non videre Deum ullo modo, sed solum quandam claritatem ex ipso refulgentem & emanantem: dictum est autem illam claritatem se tenere ex parte principii, scilicet ex parte intellectus creati, qui ei adjuvatur & elevatur ad videndum Deum.

*Obijciat* 7. Si Beati vident Deum intuitive, immediata & in se, habent eandem de Deo cognitionem quam Deus habet de seipso: Falsum consequens: ergo & antecedens.

*Respondeo*, distinguendo: habent eandem secundum quid, concedo: simpliciter, nego. Visio beatifica terminatur quidem ad idem objectum, in se, sed non adæquate: quia Beati non vident omnia possibilia, nec comprehendunt Deum; unde eorum visio est solum finita; immo & comparative ad visionem quam Deus habet de seipso, inadæquata nuncupatur.

*Instabis*. Visio Dei in aliqua claritate & similitudine, est magis homini conve-

niens & proportionata potentiae visivæ quæ est finita: ergo non debet admitti intuitiva, eaque immediata.

*Respondeo*, distinguendo: est magis proportionata potentiae materialiter sumptæ, concedo: Formaliter sumptæ, & ut movetur per inclinationem, nego: enimvero inest appetitus ad summum bonum animæ, adeoque non satiatur nisi perfecta ipsius possessione: licet igitur quod est finitum sit magis proportionatum potentiae creatæ in ratione entis, non tamen in ratione appetitus, idest, non satiat appetitum: appetitum autem frustraneum esse implicat: igitur potentia gratia & lumine gloriæ elevata debet videre Deum in se.

## SYNOPSIS PROBATIONUM,

*Beati vident Deum intuitive & immediate in seipso.*

**PRIMO**, Quia ex Apostolo, nunc in ænigmate, inquit, tunc autem facie ad faciem videbimus: igitur clare & in seipso; alias visio patriæ non foret cognitione viæ excellentior.

**Secundo**, Quia ex Patribus, Beati vident Deum sicuti est; ex D. Aug. & D. Thom. vident sine medio: ergo, &c.

**Tertio**, Quia potentia attingit immediate suum objectum formale, maxime quando ejus actus perfectus est, & nullo irretitur impedimento: porro potentia talis est in Patria: ergo, &c.

## SYNOPSIS OBJECTIONUM ET SOLUTIONUM.

**PRIMO**. Epiphanius dicit: Deum a Sanctis non videri immediate: sed profecto loquitur tantum de visione comprehensiva, eamque ab eis excludit.

**Secundo**. Legitur utique in Scriptura Prophetas vidisse Deum, & constare eorum visionem non fuisse immediatam: sed & hoc ultro concedimus; omnis quippe visio non est intuitiva, præcipue vero si fiat per similitudines, qualis fuit prophetarum visio; sed eam quæ fit in patria esse immediatam constat ex probationibus.

**Tertio**. Dicitur etiam in Scriptura Deum videri in claritate, sed intellige tamquam in medio ex parte potentiae se tenente: sicut enim lumen solare reddendo acrem diaphanum, adjuvat oculum ad viden-

videnda objecta sensibilia & colorata ; ita & Beati in lumine vident Deum : sed aliud præter ipsum lumen vident , nimirum Dei essentiam .

## ARTICULUS SECUNDUS.

*Utrum Beati videant omnia quæ sunt in Deo .*

**P**RI-MARIUM visionis Beatificæ objectum est Deus : sed in Deo multa sunt, scilicet essentia, personæ & attributa : de his procedit difficultas , & quaeritur utrum hæc omnia videant Beati .

## CONCLUSIO.

Beati vident essentiam, Personas , & attributa divina .

*Probatur auctoritate & ratione .*

*Primo, Ex Scriptura .*

**M**ATT. 5. 8. *Beati mundo corde , quoniam ipsi Deum videbunt .* Primæ Joan. cap. 3. v. 2. *Similes ei erimus , quoniam vidēbimus eum sicuti est .* Et iterum Joan. in Evang. cap. 14. v. 9. *Philippe , qui videt me , inquit Christus , videt & Patrem .* Et ante c. 10. v. 30. *Ego & Pater , Unum sumus :* Ergo Beati vident Deum, vident Personas & attributa ; siquidem omnia ista sunt Deus .

*Secundo, Ex sanctis Doctoribus .*

**AUGUSTINUS**, lib. 2. de Civit. Dei cap. 21. *" Quid videbimus , inquit , nisi Deum & omnia illa quæ nunc non videmus ? credentes . . . videbitis , inquit Christus , & gaudebit cor vestrum . . . hic creditis , ibi videbitis . "* Idem l. 10. de Trinit. c. 8. ait : *" Sive audiamus , ostende nobis filium ; sive audiamus , ostende nobis Patrem , tantum valet , quia neuter potest sine altero ostendi , unum quippe sunt . "* Et iterum in Psal. 139. n. 31. *" Patris , inquit , & Filii separari non potest visio ; ubi non separatur natura & substantia , visio separari non potest : , Ergo , &c .*

*D. Thomas* suffragatur : nam 2. 2. qu. 2. art. 8. ad 3. ait : *" Summa bonitas Dei , secundum modum quo nunc intelligi-*

*tur per effectus , potest intelligi absque Trinitate Personarum : sed secundum quod intelligitur in seipso prout videtur a Beatis , non potest intelligi sine Trinitate Personarum . "* Idem 3. par. quest. 3. art. 3. prosequitur : *" Intellectus dupliciter se habet ad divina , uno modo ut cognoscat Deum sicuti est , & sic impossibile est quod circumscribatur per intellectum aliquid a Deo , & quod aliud remaneat , quia totum quod est in Deo est unum , salva distinctione personarum . "* Ergo Beati omnia divina in Deo vident .

*Tertio, Ex Ratione , eaque multiplici .*

**PRIMA** sic se habet . Visio Dei est intuitiva & quidditativa : sed visio intuitiva & quidditativa objecti , attingit totum quod est in objecto , totum saltem essentiale & necessario illi annexum , alias non foret visio objecti sicuti est : atqui & Personæ , & Attributa sunt essentialiter & necessario cum natura Dei annexa & conjuncta : igitur Beati videndo essentiam , vident utique & personas & attributa .

**Secunda .** Ex Scriptura , Beatitudo est appetitus rationalis satiativa : cum omne Beatorum impleat desiderium : sed Beati desiderant videre non solum Dei essentiam , verum etiam & Personas & Attributa : igitur Beati hæc omnia in Deo intuentur .

**Tertia .** Ex Scriptura , Omnia quæ sunt in Deo faciunt unum , juxta illud Jo. 14. v. 9. *Ego in patre , & pater in me est ;* ex Concilio Rhemeni , sunt ipse Deus : sed beati vident intuitive Deum : igitur consequenter & Personas & Attributa .

**Quarta .** Quæ videtur in una eademque specie , videntur simul & eodem visionis actu : atqui Beati vident in eadem specie , nimirum in essentia velut in speculo , quicquid est Deus tum in se , tum in perfectionibus : igitur vident , &c . Hæc ratio est Div. Thom. qui hic prima part. quest. 12. art. 10. sic loquitur : *" Ea quæ videntur in Deo non videntur singula per suas similitudines , sed omnia per unam essentiam Dei , unde simul & non successive videntur . "* Hoc ipsum inquit Augustinus , lib. 15. de Trinit. cap. 16. *" Non erunt volubiles nostræ cogitationes , ab aliis in alia euntes & redeuntes : sed omnem scientiam nostram uno simul conspectu videbimus . "*

Cer-

Certum est Beatos posse videre Personas : igitur de facto eas vident , videndo essentiam .

*Quinta* sequitur ad alias . Abstrakta & concreta in divinis , ex D. Thom. 1. part. qu. 39. art. 5. sunt unum & idem : igitur non potest videri essentia quin videantur simul & Personæ & Attributa .

*Sexta* . Ea omnia beati vident in Deo , quæ in via per fidem cognoverunt ; siquidem visio succedit Fidei ; sed per fidem hic in terris non solum Deum , sed & Personas , & Attributa fide contemplamur : igitur & in Patria Sancti vident essentiam , vident Personas & Attributa ; maxime vero quia scriptum est Joan. 14. v. 23. *Si quis diligit me . . . Pater meus diliget eum , & ad eum veniemus & mansionem apud eum faciemus* ; quæ quidem divinarum personarum mansio sit perfecte , & consummatur in patria : quis autem Personæ ad nos venientes , nobis esse ignotas asserere audeat ?

#### *Solvuntur Objectiones .*

**OBJECIT 1.** Christus est Deus : sed Angeli Beati Christum non semper cognoverunt : igitur Beati non vident Personas . Probat minor : Iſaiæ 63. v. 1. Angeli sic loquuntur : *Quis est iste qui venit de Edom tinctis vestibus de Bosra ?* Quæ quidem verba de Christo intelliguntur : igitur cum Angeli sciscitarentur quisnam esset , ipsum nondum agnoverant .

*Respondeo* distinguendo : Christus est Deus incarnatus , concedo : Deus solum , nego : unde distinguo similiter minorem . Angeli Deum ut Incarnatum non semper cognoverunt , concedo : Deum ut sic & secundum se , nego . Duplicis generis sunt in Deo objecta , quædam essentialia & necessario cum ipso Deo connexa , quædam vero libera . Essentia , Personæ , & Attributa , pertinent ad prima objecta ; unde viso Deo , utique & videntur ; mysteria vero ad extra spectant alia objecta ; sed latent in voluntate Dei , adeoque a Beatis , absque revelatione non cognoscuntur ; maxime vero quia his etiam non visis Angeli sancti esse beati non desinerent , inquit Augustinus : non mirum , igitur , beatos illos , Spiritus non semper cognovisse Incarnationis mysterium , adeoque tempore congruo circa illud fuisse illuminatos . Quod autem Iſaias de Deo tantum Incarnato loquatur , patet ex responsione im-

mediate sequente : *Ego qui loquor iustitiam & propugnator sum ad salvandum .*

**Objecit 2.** Beati non vident omnipotentiam , immo nec iustitiam & bonitatem , saltem perfecte . Ergo beati non vident attributa . Probat antecedens : 1. quidem non vident omnia quæ Deus potest facere ; igitur eos Omnipotentia latet : item nec vident punitiones quas exercebit Deus in fine sæculorum contra impios ; igitur & iustitia utique eis abscondita videtur : item nec conspiciunt misericordias erga iustos futuras , igitur ignota est eis & bonitas .

*Respondeo* , negando antecedens : ad primam probationem , distinguo : non cognoscunt omnipotentiam entitative , nego : extensive , subdividuo : quod omnes ejus effectus , concedo : quod aliquos , nego . Triâ sunt distinguenda in Omnipotentia sicut & in cæteris attributis . 1. Quidem , omnipotentia , ut attributum & perfectio est . 2. Ejus quintitas & extensio totalis & adæquata . 3. Eadem extensio quod aliquos effectus . Beati cognoscunt omnipotentiam primo modo ; siquidem eadem est cum essentia entitas : illam cognoscunt utique extensive , saltem quoad aliquos ejus effectus secundarios , puta in executione myſteriorum , tum Incarnationis , tum prædeterminationis sanctorum , tum etiam propriæ glorificationis . Ultero fateatur Beatos Omnipotentiam non cognoscere secundum omnem extensionem ; alias omnia etiam possibilia viderent , & sic Deum ipsum comprehenderent , quod quidem est impossibile : attamen cognoscunt Deum omnia posse , & hoc sufficit , ut ejus cognoscant Omnipotentiam . Idem proportionaliter respondendum ad cæteras de Justitia & bonitate objectiones : enimvero cognoscunt Justitiam erga reprobos quos certe Deo privatos esse nemo ex eis non novit : misericordiam vero erga omnes electos inveniunt eum , & ipsi electi tantæ misericordiae sint & monumenta & trophæa .

*Instabis* : Deus denominatur formaliter omnipotens & iustus ab effectibus : ergo si beati non cognoscunt singulos & omnes effectus , neque vident omnipotentiam & iustitiam reduplicative & formaliter ut tales : igitur , &c.

*Respondeo* 1. negando antecedens . Virtus enim non denominatur subjectum precise per id quod est secundarium , scilicet per effectum , sed per seipsum & quod est in ea primum , & ideo dicitur forma per-

perficiens: unde, inquit D. Thomas, liberalitas denominat hominem liberalem per animi præparationem, quam illi dat ut benefaciat aliis: unde pauper qui hunc habet affectum, dicitur formaliter liberalis, licet ad executionem defectu divitiarum non veniat. Sic Deus a seipso & non a terminis creatis denominatur formaliter Omnipotens, in quantum est ens a se a quo omnia: Justus, quia est Sanctitas ineffabilis opposita malo: Bonus, eo quod ipse sit summum bonum: igitur Beati videndo Deum, simul & in eodem instanti vident esse formaliter & vere Omnipotentem, esse Justum & Bonum. Unde

*Respondeo* 2. distinguendo: Deus denominatur formaliter Omnipotens, Justus, &c. ab effectibus, secundario, concedo: primario, nego. Denominatur quidem agens ab ætendo: sed denominatur Omnipotens, Justus & Bonus a seipso: actio enim supponit principium & causam: porro difficultas præsens de principio & virtute causæ, quæ operatur quando vult, procedit. Præterea sufficit Beatos cognoscere in genere effectus attributorum: unde videndo Omnipotentium, Justitiam & Bonitatem, cognoscunt Deum posse creare, punire, & misereri: non requiritur igitur ad hoc ut videant omnes effectus & eorum idem, ut sciant Deum esse Omnipotentem, Justum & Bonum: sed satis est si cognoscant essentiam divinam infinitis modis ad extra participabilem.

*Instas:* Judæi unum cognoscebant Deum, sed non ut Trinum: igitur non est implicita Beatos videre essentiam non visis personis.

*Respondeo* 1. Majores inter Judæos, ut Patriarchas & Prophetas Deum etiam ut Trinum agnovisse: Fides enim omnia attingit mysteria; si quis vero ea ignorat, non est defectu Fidei, sed sui: unde benedicit Augustinus, Beatos videre omnia quæ Fides perfecti credit.

*Respondeo* 2. negando paritatem: quia hic ex parte prophetarum & cognoscimus, inquit Apost. Et vero cognitio est imperfecta vel defectu studii & applicationis, vel etiam defectu instructionis: sed cum venerit quod perfectum est, evacuetur quod ex parte est: visio autem beatifica est perfecta: igitur omnia divina attingit, essentiam scilicet, personas, & Attribute.

*Instas:* Deus est liber in largitione gloriæ: igitur potest facere ut Beati videant

essentiam sine Personis: igitur & runt probationes, quæ isto potissimum innituntur principio, nimirum Beatos videre & Personas & Perfectiones, quia necessarium habent cum essentia connexionem.

*Respondeo* distinguendo consequens: Deus potest facere potentia antecedenti ut Beati essentiam seclatis personis videant, concedo: potentia consequenti & hypothetica, nego. Deus in priori visionis poterat concedere, vel non concedere gloriam; sed supposito quod velit visione sui intuitiva Beatos remunerare, in ista hypotheli & consequenter ad decretum, Sancti vident intuitive Essentiam; in ea vero & Personas & Attribute; quandoquidem visio Dei intuitiva & sicuti est, hæc omnia importat.

*Instas:* Ut Visio terminetur ad Deum sicuti est, sufficit objectum esse præsens: sed in hac hypotheli non requiritur, ut omnia quæ sunt in objecto videantur: Ergo, &c. Probatur minor. Petrus, v. g. videns a longe Jacobum, videt quidem eum se movere; sed neque distinguit esse hominem, neque etiam ejus distinguit figuram & magnitudinem: igitur objectum potest videri sicuti est, licet omnia quæ in ipso sunt non conspiciantur.

*Respondeo*, negando minorem: ad probationem, nego paritatem; quia visio objecti distantis est imperfecta, tum ex parte potentiae, tum ex medii, tum etiam ex parte rei visæ: ex parte quidem potentiae, oculus enim habet solum pro objecto coloratum, non vero rationem specificam hominis; unde non mirum si Petrus aspicies a longe hominem non distinguat, utrum homo sit vel fera: ex parte medii, quia aut turbatur medium, aut magna intercedit distantia; & ideo non satis clare species objecti diffunditur, ut ad potentiam visivam pertingat: ex parte etiam rei visæ; nam cum creatura non sit suum esse & vivere, potest videri secundum unam perfectionem & non secundum aliam. At vero objectum oculi intellectuales Beatorum adæquatum, est omne verum: sub quo continentur & Personæ & Attribute. Quid plura? Beati habent lumen gloriæ pro medio: igitur quidquid est in Deo intuentur, maxime vero quia omne quod est in Deo est Deus; unde implicat Sanctos videre Deum, & non videre Personas & Attribute.

*Instas:* Ideo dicimus Beatos videndo Essentiam videre & Personas & Attribute, quia sunt de entitate essentiae: atqui hoc non videtur.

videtur verum; Personæ enim in abstracto & secundum se sunt modi essentiae, seu ipsius subsistentiae; attributa vero sunt proprietates ad essentiam consequentes, sed non ipsa essentia: igitur Essentia potest videri absque Personis & Attributis.

*Respondeo*, distinguendo minorem: Personæ & Attributa non sunt de quidditate objectiva, nego: de quidditate entitativa, subdividinguo; de quidditate metaphysica, concedo: physica, nego. Triplex est quidditas: alia objectiva, & est objectum in tota sua latitudine, scilicet verum pro intellectu: alia metaphysica, & est conceptus formalis essentiae: alia physica & est ipsa rei entitas, ut est a parte rei. Personæ & Attributa non sunt quidditates de quidditate metaphysica essentiae, habent enim conceptum formalem diversum, quia de causa dicuntur modi & proprietates essentiae: at vero sunt de quidditate physica, quandoquidem faciunt unicam cum essentia divina entitatem: igitur cum Deus videatur a Beatis sicuti est, videtur quoque & Personæ & Attributa.

*Instabis*. Quæ habent diversum conceptum objectivum, & diversum conceptum formalem non cognoscuntur simul: atqui Essentia; Personæ & Attributa sic habent: ergo, &c. probatur minor. 1. quidem habent diversum conceptum objectivum, quandoquidem distinguuntur inter se virtualiter, adeoque sunt plura virtualiter objecta: habent etiam diversum conceptum formalem, nam conceptus unius, non est conceptus alterius; & vero Personæ ut quid relativum concipimus, essentiam vero ut quid absolutum. Confirmatur. Licet in creatis anima & corpus unicum constituent compositum, optime tamen concipitur anima absque corpore: ergo a simili essentia potest & cognosci & videri, tum absque Personis, tum etiam absque attributis.

*Respondeo*, distinguendo: quæ habent conceptum objectivum & formalem adæquate diversum, unum secluso alio cognosci potest, concedo: quæ habent diversum tantummodo inadæquatum, subdividinguo: non potest cognosci a viatoribus, concedo: a comprehensoribus, nego: Dicitur est Essentiam, Personas & Attributa unicam esse & simplicissimam entitatem seu rem, quæque respective ad Deum & ejus proprietates est summa Veritas: igitur hæc omnia, & unicum constituunt adæquatum intellectus objectum, & unico concluduntur conceptu

adæquatum tum objectivo, tum etiam formali: quod vero multiplici a Viatoribus concipiatur, illud sit, & propter nostræ cognitionis imperfectionem, siquidem hic ex parte cognoscimus in ænigmate, & propter nostræ mentis debilitatem: at vero in patria objectum illud mirabile subicitur oculo mentis secundum omnes partes, & sicuti est, & ideo unico & simplici intuitu a Beatis attingitur & videtur.

*Ad confirmationem*, nego paritatem. Dicitur enim cognitionem viæ esse imperfectam, & ideo indivisa dividimus. Cæterum si homo concipitur in concreto seu totaliter, unico quoque attingitur conceptu.

*Obijcies* 3. Ideo visio beatifica attingit ea omnia quæ recensuimus, quia est satiativa: sed hæc ratio nulla est. Et probatur: Deus, ut præintelligitur Personis, est summum bonum & finis ultimus, adeoque & beatitudo: igitur ut visio sit satiativa, non requiritur quod attingat Essentiam simul & Personas & Attributa.

*Respondeo* negando minorem. Qui enim videret essentiam sine personis sciret anxius, siquidem eas videre desideraret, juxta illud Philippi ad Christum: *Offende nobis Patrem*. Ad probationem, distinguo: Deus est summum bonum & finis ultimus, ut dicit personas & attributa, concedo: secus, nego. Et vero Deus est beatitudo, ut habet naturam subsistentem & omnibus numeris absolutam; quod quidem habet per personas & attributa; personæ enim sunt subsistentiæ relativæ, attributa vero perfectiones absolutæ. Porro Deus est beatitudo & summum bonum secundum quod est a parte rei; beatitudo ut Deus Pater, ut Deus Filius, juxta illud Christi Joan. 17. *Hæc est autem vita æterna, ut cognoscant te, solum Deum verum, & quem misisti Jesum Christum*. Igitur visio beatifica terminatur ad Patrem, ad Filium, & consequenter ad Spiritum sanctum. Cæterum Deus non præintelligitur Personis prioritate in quo, & dependentiæ seu durationis, sed solum prioritate originis & emanationis, quæ quidem non impedit, quin Personæ videantur cum Essentia.

*Instabis*. Essentia divini communicatur Filio, minime vero paternitas: item secunda Persona unitur hypostatice & substantialiter & immediate sanctæ Humanitati; nusquam vero prima & tertia: igitur a simili essentia potest cognosci & videri absque Personis: ergo, &c.

*Respon-*

*Respondeo* negando utramque paritatem. Primam quidem, quia Paternitas opponitur relative Filio, qua de causa Pater generalis, vi actionis generativæ suam non communicat Filio Paternitatem: at vero nulla est, nequidem relativa, oppositio in ratione cognitionis, quandoquidem & Pater & Filius sub eodem intellectu objecto quod est verum, continentur; igitur eodem actu possunt videri, immo & debent, juxta illud Philosophorum axioma: *Relativa sunt simul natura & cognitione*. Alteram vero, quia unica Persona utpote in ratione subsistendi infinita, ad terminandam humanitatem sufficiebat, & ideo Patrem & Spiritum sanctum utique incarnari opus non fuit: at vero cum Personæ & Attributa necessariam habeant cum essentia connexionem, necesse est etiam eas eodem visionis actu & attingi & possideri.

## SYNOPSIS PROBATIONUM.

*Beati vident Essentiam & Personas,  
& Attributa.*

*Primo*, Quia, qui vident Filium, vident & Patrem juxta illud Joan. 14. v. 9. *Philippe, qui videt me, videt & Patrem*.

*Secundo*, Quia Deus in beatitudine ostendit omne bonum, juxta illud Exod. 33. v. 19. *Ostendam omne bonum tibi*.

*Tertio*, Quia Beati vident Deum sicuti est; & omnia quæ sunt in Deo, unum sunt: ergo, &c.

## SYNOPSIS OBJECTIONUM,

*& solutionum.*

*Primo*. Christus non semper visus est ut homo ab Angelis sanctis: scius vero ut Deus.

*Secundo*. Ultro fatemur Beatos non videre in Deo omnia possibilia; neque etiam omnia creata & creanda, eque liberi; quia ad cognitionem omnium possibilem opus est comprehensione; nulla autem creatura Deum comprehendere potest; creata vero non habent cum Deo necessariam connexionem; unde ad beatitudinem non est necesse ea intueri & videre: at vero Deus cognoscitur a Beatis ad mensuram, & quidem cum Personis & Attributis; quippe quæ necessario cum ipso Deo connectuntur: ergone sequitur Beatos non videre

Omnipotentiam & Bonitatem, eo quod non videant Creaturas, ad quas ejusmodi terminantur attributa? minime; quia creaturæ sunt solum termini secundarii: vident igitur Sancti Omnipotentiam in generatione Verbi, ut in fonte primigenio; bonitatem in processione Spiritus sancti, &c.

*Tertio*. Personæ & attributa habent diversum conceptum inadæquate, sed non adæquate; unde si cognitio est perfectissima & clara, qualis est beatifica, ad singula simul pertingit.

## ARTICULUS TERTIUS.

*Utrum Beati videant in Deo  
creaturas.*

**C**REATURÆ aliæ sunt mere possibiles, & sunt ipsa essentia divina ut diversimode ad extra participabilis: aliæ futuræ, ut gloria sanctorum qui nondum nati sunt: aliæ præsentis, sed absconditæ, ut secreta cordium: aliæ patientes, tales sunt preces quæ fundimus Sanctis, ut divinam pro nobis implorent misericordiam. Certum est Sanctos non videre in Deo omnia possibilia, cum ad hoc requiratur essentia divinæ comprehensio: certum est etiam illos non videre futura libera nisi ea Deus illis revelet; cum enim non habeant necessariam cum essentia divinæ connexionem, latent in decretis & in Dei voluntate; unde quidam Angeli nondum de Incarnatione instructi apud Isaiam cap. 63. clamant: *Quis est iste, qui venit de Edom, stipitis vestibus de Bosra?* Ideo dicit Dionysius & post ipsum D. Thom. hic, quæst. 22. Angelos purgari, illuminari, & perfici circa futura: quæstio igitur præiens movetur de aliquibus possibilibus, de futuris quæ Deus vult revelare, & de præsentibus, maxime de iis quæ pertinent ad Beatorum statum & gloriam. Pro cuius resolutione sit

## CONCLUSIO

Beati vident in essentia divina, tamquam in speculo, aliqua possibilia; vident præsentia, quæ ad suum spectant statum; vident præterita & futura, quando Deus ea revelare congruum & opportunum judicat.

*Probatur auctoritate & ratione.*

*Primo, Ex Scriptura Sacra.*

**D**EUS promittit Sanctis omnem scientiam, juxta illud Jeremias 31. v. 34. *Non docebit ultra vir proximum suum, omnes enim cognoscent me a minimo usque ad maximum.* Igitur Beati edocentur & vident in Deo ea quæ ad suum pertinent statum. Hinc Psalm. 47. v. 7. legitur: *Sicut audivimus, sic vidimus in civitate Domini virtutum.* Ex his illud conficitur argumentum. Multa nunc audimus de rebus naturalibus, multa de gratiæ mysteriis, Incarnationis, Trinitatis, &c. . . . multa de creatione, de mundi imperiis, de legibus, de amicis & parentibus, &c. . . . sed ex Propheta sicut audivimus, sic videbimus in civitate Domini virtutum; igitur Beati vident in Deo multa & omnia, multa futura, multa præsentia. Hic 2. Machabæorum c. 15. v. 12. & 14. Jeremias & Daniel defuncti orant pro populi calamitatibus sublevandis, quas cognoscebant esse gravissimas. Item secundæ Petri c. 1. v. 15. *Dabo, inquit Petrus, operam, & frequenter habere vos post obitum meum, ut horum memoriam faciatis.* Immo Elias tamen nondum mortuus, sed in loco incognito reservatus, cognovit tamen facta mala Regis Joram qui & ab ipso accepit litteras, quibus prædicebat illi exterminium, in pœnam prævaricationum suarum; ita refertur 2. Paralipomen. c. 21. Igitur Beati intuentur in essentia divina aliqua possibilia, vident & præsentia, præterita & futura, prout Beatorum existit condicio.

*Secundo, Ex Conciliis.*

**F**LORENTINUM declarat Deum videri a Sanctis & eos esse perfecte beatos: sed si aliquid spectans eorum statum ipsos lateret, non forent perfecte Beati, quandoquidem Beatitudo teste Boetio est

bonorum omnium aggregatio, tum quia forent anxii, & desiderarent multa scire: ergo, &c.

*Senonense*, in Decreto fidei, sic loquitur: *Beatis pervium est aniforme illud divinitatis speculum, in quo quidquid illorum interest, elucescit.* Ad hujus definitionis intelligentiam sciendum est Beatum posse considerari tripliciter. 1. ut partem universi, & sic spectatus debet cognoscere res omnes naturales. 2. Ut ad finem supernaturalem elevatum, & sub isto respectu consideratus exigit omnia cognoscere mysteria. 3. ut personam privatam publicam, & sub ista consideratione debetur illi cognitio eorum quæ spectant familiam, quæ spectant parentes & amicos; si vero est princeps, debet cognoscere quæ suum pertinent ad regnum, ut precibus & apud Deum intercessione adjuvet miseros: sed ex Concilio Beati cognoscunt in essentia ut in speculo, quidquid illorum interest: ergo, &c.

*Tertio, Ex sanctis Patribus.*

**A**MBROSIUS de obitu Valentiniiani, ait: "Tunc nihil latebit proximum in proximo, nec erit quod suis quique aperiat, abscondat alienis, ubi nullus erit alienus." Loquitur de beatitudine sanctorum: ergo, &c.

*Basilus* de vera Virginitate, pag. 74r. tom. 1. "Quid per singula pergam? ipsas Angelorum infinitas multitudines, & una sanctorum Patrum beatissimos spiritus. Nullus enim ex his est, qui non singula ubique consideret. Etsi enim oculis carnis minime conspicui sunt; in corporeis tamen obtutibus ad agnitionem complectuntur omnia & comprehendunt."

*Augustinus* eodem prope modo discurrit, lib. 11. de Civit. Dei c. 7. "seipsa decoratior est, ut ita dicam, (cognitio quippe creaturæ) in quam cum in Dei sapientia cognoscitur, velut in arte quæ facta est. Ideo vespera congruentis & quam nox dici potest. Idem lib. 4. de Genesi ad litteram cap. 29. ait: "procul dubio universam creaturam, in qua ipsi sunt principaliter conditi, in ipso verbo Dei prius novisse, in quo sunt omnium etiam quæ temporaliter facta sunt omnia, ac deinde in ipsa creatura." Hæc de sanctis Angelis quos omnia & in Deo, & in rerum ipsarum ideis cognoscere docet.

*Græ-*



*Gregorius Magnus*, homil. 40. astipulatur: "Qui creatoris sui claritatem vident, nihil in creatura agitur quod videre non possint." Et in 4. Dialog.

"Quid est quod non videant, qui videntem omnia vident?"

*Bernardus*, lib. 2. de Consid. cap. 2.

"Creatura cœli non indiget scala creaturæ ut ascendat in cœlum, sicut creatura mundi. Quid enim opus scala tenenti solium? Videt verbum, & in verbo facta per verbum." Et Serm. Nativit. B. V. de ea sic effatur. "Mater amabilis. Mater misericordie, Virgo clemens. In omnibus siquidem & per omnia providens miseris, trepidationem nostram solvit, fidei excitat, spem roborat, dissidentiam abigit, erigit pusillanimitatem." Igitur nostras cognoscit miseriam ut nobis succurrat. Idem, lib. 3. de Confid. cap. 4. "Quidni, inquit, videatur ibi cor Dei, quidni ibi probetur quæ sit voluntas Dei bona, & beneplicens, & perfecta? Patent viscera misericordie, patent cogitationes pacis, divitiæ salutis, mysteria bonæ voluntatis." Et Ser. 33. Vultum tuum, Domine requiro; vultus tuus merides; merides, clara tui, & intuitiva visio." Igitur, &c.

*D. Thom.* hic, quæst. 12. art. 8. ait:

"Horum quæ Deus fecit, vel facere potest, tanto aliquis intellectus cognoscit, quanto perfectius Deum videt." Et 3. part. quæst. 10. art. 2. eidem subscribit veritati his verbis, "Nulli beato deest, quin cognoscat in verbo omnia quæ ad ipsum spectant."

*Albinus Flaccus*, lib. de divino officio, &c. de celebratione Missæ, ait: "Nec dubitandum est Fidelium petitiones a iustorum spiritibus sciri: quia qui intus Dei claritate vident, non est credendum, quia sit aliquid foris quod ignorent." Ergo, &c.

*Quarto, Ex rationibus Theologicis.*

**PRIMA** sic exponitur. Quæ ex Dei voluntate pendent, nobis manifestantur per Scripturam & Patres: sed Scriptura dicit Beatos ab ipso Deo edoceri, Patres vero dicunt eisdem nihil ignorare, quod quidem debet intelligi, saltem de eo quod illorum interest: igitur, &c.

**Secunda** sic delineatur. Qui vident speculum in quo omnia sunt bona, utique &

in illo vident quæ eorum spectant statum, quæque eorumdem vel augent beatitudinem, vel ad eam complendam conducunt: atqui essentia divina est speculum, in quo cuncta patent, etiam futura & libera, si Deo placuerit: igitur cum Beati videant Dei essentiam, in ea utique vident objecta quæ eorum spectant statum.

**Tertia.** Deus est principium omnium rerum, quæ in ipso, ut effectus in causa, continentur: sed Beati vident intuitive illam causam, scilicet Deum: igitur & accedente revelatione seu Dei beneplacito vident, &c.

**Quarta.** Omnia ex D. Aug. & S. Tho. præsentia sunt in æternitate Dei: sed Beati florent in æternitate. Ergo, &c.

**Quinta.** Omnia in Verbo vita sunt, id est, habent esse: sed Beati vident Verbum, & ipsum loquens sine fine audiunt: ergo in ipso vident quæ suum spectant statum.

**Sexta.** Intellectus Beatorum debet perfici omnibus modis circa verum cognoscendum: sed & possibilia, & futura sub tali objecto præcontinentur: ergo, &c.

**Septima** ex D. Thom. depromitur. Duplex est ex S. Doctore in Beatis scientia. Altera matutina, vespertina altera. Illa est visio Dei principalis adeoque matutina, seu prima scientia: ista vero est creaturarum cognitio, vespertina sane seu secundaria scientia, quæque ab eodem D. Thom. triplex distinguitur, scilicet scientia infusa Myſteriorum, infusa rerum naturalium; utraque fuit in Angelis & in primis parentibus: tertia naturalis acquisita seu rerum naturalium, juxta illud Dionysii: *Discite in terris quod scientia perseveret in cælis*. Sed istæ omnes scientiæ versantur circa myſteria, circa mundi fabricam, uno verbo circa possibilia, futura, & præsentia: igitur cum non sint vacuæ & inutilles, dicendum est Beatos hæc omnia videre ad mensuram in Deo.

**Ex his** sequitur Beatos cognoscere res in Deo multipliciter. 1. in ideis, seu in essentia ut est ad extra participabilis. 2. in decretis Dei. 3. in æternitate. 4. per infusionem specierum. 5. per scientiam acquisitam.

#### *Solvuntur Objectiones.*

**OBJECIES** 1. Beati non cognoscunt omnia possibilia: ergo nulla omnino. Probatur consequentia. Unum possibile non potest cognosci sine altero, quia in eadem idea,

„ est fons & principium totius esse & veritatis, ita repletur naturale desiderium sciendi quod nihil aliud requireretur. Unde dicit Augustinus 5. Confess. Infelix homo qui scit omnia illa, te autem nescit; beatus autem qui te scit, etiam si illa nesciat: qui vero te & illa novit, non propter illa beator, sed propter te solum beatus.

## SYNOPSIS PROBATIONUM.

*Beati cognoscunt creaturas quæ eorum spectant statum.*

**PRIMO.** Quia ex Propheta, sicut audimus, sic videbimus in civitate Dei nostri. Nunc autem per scientias naturales mundi fabricam cognoscimus, per fidem vero mysteria. Ergo, &c.

**Secundo.** Quia ex Patribus omnia collucet in essentia divina ut in speculo, quod quidem speculum sanctorum subicitur oculis: igitur accedente revelatione, cuncta quæ suum spectant statum, intuentur & vident.

**Tertio.** Quia intellectus Beatorum omnibus modis debet perfici: igitur & divina & creata in patria cognoscunt.

SYNOPSIS OBJECTIONUM,  
ET SOLUTIONUM.

**PRIMO.** Verum quidem est possibile non habere relationem ad essentiam divinam tamquam ad causam, sed habent ut ad rerum omnium ideam, unde in ea percipi possunt.

**Secundo.** Nulla sequitur implicancia aliquod futurum non visis aliis conteri, quandoquidem est diversum pro diversis decretum.

**Tertio.** Nec sequitur Beatos esse anxios, licet multa de creaturis ignorent, quia in visione Dei ex Augustino tota merces.

## ARTICULUS QUARTUS.

*Utrum Moyses & Paulus in via viderint oculis mentis divinam essentiam.*

**DEUS** apparuit Patriarchis & Prophetis, immo & iis multifarie locutus est, nimirum quandoque in somnis per phantasmata, quandoque in visibilibus etiam per phantasmata & quædam specierum ordinationem, quæ illum ut Regem in throno sedentem representabant, ut Isaia c. 6.

*Boucat Theol. Tom. I.*

refertur: vel etiam per Angelos qui eis loquebantur in persona Dei, & tamquam ejus Oratores, quique ad hoc figuris sensibilibus utebantur, seipso sensibilibus hominibus exhiberent: sed difficultas est utrum aliqui inter homines in via habuerint saltem transeunter & pro aliquo tempore visionem Dei intuitivam: negant multi etiam ex antiquis Patribus, sed docet ex professo Augustinus, & post ipsum D. Thom. de Moyse & Paulo, quibus lubentissime assentimur: unde sit

## CONCLUSIO.

Moyse & Paulus viderunt in via oculis mentis intuitive Deum.

*Probatur auctoritate & ratione.*

*Primo, Ex Scriptura.*

**L**I B. Num. 12. v. 2. habetur: *Locutus est Maria & Aaron contra Moysen, Num per solum Moysen locutus est Dominus? Nonne & nobis similiter locutus est? Quod cum audisset Dominus . . . . dixit ad eos: audite sermones meos, si quis fuerit inter vos Propheta Domini, in visione apparebo ei, vel per somnium loquar ad illum: at non talis servus meus Moyses, qui in omni domo mea fidelissimus est. Ore enim ad os loquor ei, & palam & non per ænigmata, & figurat Dominum videt.* Ibi gloriatur Maria & Aaron quod locutus sit eis Dominus, sicut locutus fuerat Moysi: Deus partes suscipit Moysis, dicendo se aliis quidem Prophetis locutum esse, sed per somnium, sed in figuris, & ænigmatibus, os vero, ad os soli Moysi: certe loquitur de visione excellenti, quæ & figurat & somniorum visiones ænigmaticas excludit: igitur de intuitiva loquitur: alias nihil haberet Moyses supra alios Prophetas. Cum tamen oppositum asserat Deus: igitur Moyses vidit adhuc Viator essentiam divinam.

**Secundo,** Paulus Corinth. c. 12. de seipso dicit: *Scio hominem ante annos quatuordecim, siue in corpore nescio, siue extra corpus nescio, Deus scit, raptum hujusmodi usque ad tertium cælum. Et scio hujusmodi hominem, siue in corpore, siue extra corpus nescio, Deus scit, quoniam raptus est in Paradisum, & audiuit arcana verba quæ non licet homini loqui.* Porro non est raptus in Paradisum terræ

terræ Apostolus, sed in cœli Paradisum, qui est locus beatitudinis, ubi videtur Deus intuitivo: igitur de facto Deum vidit Paulus; quod certe denotat etiam verba illa sequentia: *Audivit arcana quæ non licet homini loqui*; quare? Nisi quia vidit quod nec auris audivit, nec in cor hominis ascendit, quæ præparavit Deus diligentibus se. Unde Actuum 26. Christus sic alloquitur Apostolum: *Surge & sta super pedes tuos; ad hoc enim apparui tibi, ut constituam te ministrum, ac testem eorum quæ vidisti; & eorum in quibus apparebo tibi.*

Secundo, Ex sanctis Doctoribus.

AUGUSTINUS, L. 12. de Genes. ad Litt. cap. 26. n. 54. postquam modum ineffabilem videndi Deum oculis mentis, etiam in via, non utendo phantasmatis & sensibus protulit, sic concludit pro Moïse servo Dei: *Ibi videtur claritas Domini, non per visionem significantem, sive corporalem, sicut visa est in Monte-Sina, sive Spiritualem, sicut vidit Isaias, vel Joannes in Apocalypsi: sed per speciem, non per enigmata, quantum ea capere mens humana potest, secundum assumentis Dei gratiam, ut os ad os loquatur ei, quem dignum Deus tali colloquio fecerit, non os corporis, sed mentis sicut intelligendum arbitror quod de Moïse scriptum est, lib. Numerorum 12. Ibi S. Doctor triplicem distinguit visionem in Beatis, aliam corporalem, per Angelos qui assumebant corpora, ut se proderent sensibiles hominibus, ut in Monte Sina factum est: aliam spirituales, per species infusas Deum sensibilibiter representantes, sic Isaias vidit Deum ut Regem sedentem in solio; sic Joannes Christum Deum ut agnum habentem cornua septem, & oculos septem: tertiam mere spirituales per speciem ab omni phantasmate & enigmate exutam, quia Deus os ad os loquitur hancque concessam asserit Moïsi; & in probationem asserit locum libri Numerorum, cap. 12. ubi Deus ipse secernit visionem Moïsi servo suo concessam abque omni figura: igitur ex Augustino Moïses vidit intuitivo Deum. Idem, cap. 27. n. 55. mysterium totum explicat & explanat, distinguendo visiones quas habuit Moïses in Sina & in tabernaculo, ab ea quam habuit lib. Numerorum, cap.*

12. dicendo priores fuisse figuratas, istam vero claram, eandemque Moïsen desiderasse Exod. 33. v. 13. obtinuisse tandem Numerorum 13. sic igitur loquitur de Moïse: *Concupiverat enim sicut in Exod. legitur videre Deum, non utique sicut viderat in Monte, nec sicut videbat in tabernaculo, sed in ea substantia qua Deus est, nulla assumpta corporali creatura quæ mortalis carnis sensibus præsentetur, neque in spiritu figuratis similitudinibus corporum; sed per speciem suam, quantum eam capere creatura rationalis & intellectualis potest, servata ab omni corporis sensu & ab omni significativo enigmate Spiritus: sic enim scriptum est Exod. 33. v. 13. Si ergo invenit gratiam in conspectu tuo, ostende mihi immensum manifeste, ut videam te: cum paulo superius legatur, locutus est Dominus ad Moïsem facie ad faciem, sicut quis loquitur ad amicum suum. Sentebat ergo quid videbat, & quod non videbat, desiderabat: nam & paulo post cum dixisset ei Deus, invenisti enim gratiam in conspectu meo & scio te præ omnibus; respondit ei, ostende mihi claritatem tuam, & tunc quidem responsum accepit a Domino, figuratum . . . . . regam manum meam super te donec transeam; & auferam manum & tunc videbis posteriora mea, nam facies mea non apparebit tibi . . . . . nisi tamen concupitam & desideratam Dei claritatem Moïses videre meruisset, non in l. Num. diceret Deus ad Aaron & Mariam fratres ejus, audite verba mea, si fuerit Propheta Domini inter vos, in visione illi cognoscat, & in somno loquar illi, non ita quomodo famulus meus Moïses in tota domo mea fidelis est. Os ad os loquar ad illum in specie, & non per enigmata, & claritatem Domini vidit; neque enim hoc secundum substantiam corporis quæ carnis sensibus præsentatur, intelligendum est. Quibus verbis ex professo excludit omnem visionem figuratam sanctus Doctor, ut propugnet Moïsen claram habuisse: igitur ex Aug. Moïses vidit intuitivo Deum in via.*

Idem, c. 28. num. 56. astruit visionem claram & distinctam a visione corporali & spiritali per similitudines creatas. Pro Moïse & Apostolo sic loquitur: *Quapropter si hoc tertium visionis genus quod superior est, non solum omni corporali quo per corporis sensus corpora sentiuntur, verum etiam opanti illo spiritali quo similitudines corporum spiritui & non menti cernuntur, tertium celum appellavit Apostolus. In hoc*

videtur claritas Dei, cui videnda corda mundantur, unde dictum est, beati mundo corde, quia ipsi Deum videbunt, non per aliquam corporaliter vel spiritualiter figuratam significationem tanquam per speculum in ænigmate, sed facie ad faciem, quod de Moise dictum est, os ad os; per speciem scilicet, quæ est Deus quicquid est, quantumcumque cum mens, quæ non est quod ipse etiam ab omni terrena labe mundata, & ab omni corpore & similitudine corporis alienata & abrepta, capere potest, a quo peregrinamur mortali & corrugibili onere gravati, quamdiu per fidem ambulamus, non per speciem & cum hic iuste vivimus: cur autem non credamus quod tanto Apostolo Doctori gentium rapto usque ad istam excellentissimam visionem voluerit Deus demonstrare vitam, in qua post hanc vitam vivendum est in æternum? Ibi loquitur de visione per speciem quæ est Deus, quod sane non potest intelligi, nisi de clara visione essentia divina quæ unitur menti beatorum per modum speciei impressæ & expressæ. Igitur ex Aug. Moyses & Paulus viderunt essentiam Dei intuitive in via. Idem expresse docet Epist. 112. ad Paulinam, c. 13.

Secundo. D. Th. 2. 2. qu. 174. ar. 4. idem propugnat: Moyses, ait, fuit ergo aliis (Prophetis) excellentior. Primo quidem quantum ad visionem intellectualem: eo quod vidit ipsam Dei essentiam. Idem de B. Paulo ex professo docet ibidem qu. 175. art. 3. Paulus usque ad tertium cælum divina virtute raptus Deum per essentiam viderat. Ergo, &c. Idem repetit Comment. in c. 12. 2. ad Cor. lect. 1.

### Tertio, Ex Ratione, eaque multiplici.

RATIO in divinis scripturis allata pro Moyse, est privilegium speciale quo donatus est supra ceteros Prophetas, & hanc assert rationem ipse Deus dicens, quod istis loqueretur solum in somnis & figuris; Moyse vero palam & os ad os. Et certe si vidisset Deum eo solum modo quo alii viderant, nullam habuisset prærogativam, quandoquidem ceteri Prophetæ Deum utique viderant in figuris & in similitudinibus. Pro Paulo vero, raptus est in cælum, ubi audivit arcana verba, quæ non licet homini loqui; quod quidem designat supremam & excellentissimam contemplationem.

Rationem exhibet Augustinus dicendo a Moyse vilius esse Deum visione excellentiori quam figurativa quæ fit per sensus, etiam excellentiori ipsa quæ fit per similitudines interiores, vidit, inquit, per speciem, quæ Deus est quicquid est.

Ratio D. Thomæ petitur eo quod Moyses fuerit inter Prophetas excellentior, & Magister Judæorum, Paulus verò Doctor Gentium; ex quo concludit Deum ab utroque vilius fuisse intuitive.

Ratio altera exponitur. Scriptura, ipso teste Augustino, literaliter explicanda est, quando nullum inde sequitur inconveniens: sed nullum de facto sequitur explicando locum libri Numerorum c. 12. v. 13. & locum 2. ad Corinth. c. 12. v. 2. de visione Dei intuitiva concessa & Moyse & Paulo: ergo uterque vidit intuitive Deum, etiam in via. Probatur antecedens: si esset inconveniens maxime vel propter corpus quod aggravat animum, vel propter passionem quæ mentem obnubilant: atqui istæ rationes nullæ sunt, cum anima virtute divina ita rapi & alienari a corpore possit, ita possit supra passionem elevari, ut nullo modo aut ligetur, aut impediatur a contemplatione perfectissima in qua Deum in se videat & intueatur: ergo in hoc nullum sequitur inconveniens.

Probatur antecedens, & quidem quoad primum. Nempe fieri posse animam per corpus non distrahi & aggravari, ne videat Deum; & hoc ex Augustino, qui L. 12. de Gen. ad litt. c. 26. n. 53. sic loquitur. "Quapropter cum rapitur anima in ea visa, quæ spiritu cernuntur similia corporalibus, ita ut omnino a sensibus corporis avertatur amplius quam in somno solet, sed minus quam in morte, jam divinæ admonitionis est & adiutorii, ut se non corpora, sed visa corporum sit, nulla spiritualiter noverit cernere, sicuti quæ se in somnis videre etiam antequam evigilet, sciunt. Ibi si etiam videntur futura, ita ut omnino futura nesciantur, quorum imagines præsentem videntur, sive ipsa hominis mente divinitus adjuncta, sive aliquo inter ipsa visa, quid significant exponente, sicut in Apocalypsi Joanni exponebatur, magna revelatio est, etiam si forte ignoret ille cui hæc demonstrantur, utrum e corpore exierit, an adhuc sit in corpore, sed spiritu a sensibus corporis alienato ista videat: potest enim sic raptus id ignorare, si ei & hoc non ostendatur.

S 2 Pro-

*Probatur secundum momentum ex eodem* Augustino docente, animam in hoc extasis statu nullis passionum illecebris concuti, immo nec distrahi : sic enim profequitur num. 54. „ Porro autem si quemadmodum „ raptus est a sensibus corporis, ut esset „ in illis similitudinibus corporum quæ „ spiritu videntur, ita & ab ipsis rapiatur, ut in illam quasi regionem intellectualium vel intelligibilem subvehatur, ubi sine ulla corporis similitudine perspicua veritas cernitur, nullis opinionum falsarum nebulis obscuratur: ibi virtutes animæ non sunt operosæ ac laboriosæ; neque enim opere temperantiæ libido frangitur... Una ibi & tota virtus est amare quod videris, & summa felicitas habere quod amas; ibi enim beata vita in fonte suo bibitur, inde aspergitur aliquid huic humanæ vitæ, ut in tentationibus hujus sæculi temperanter, fortiter, iuste, prudentique vivatur. Propter illud quippe adipiscendum ubi secura quies erit, & ineffabilis visio veritatis, labor suscipitur, & continendi, a voluptate, & sustinendi, adversitates, & subveniendi indigentibus, & resistentibus, desipientibus. „ Ibi probat S. Doctor vitam tunc in fonte ad tempus degustari, passiones non cruciari; immo ex hoc ineffabili cum Deo consortio virtutum mirabilem in anima imprimi, qua in reliquo vitæ mortalis spatio carnem domare, passiones compescere facile queat. Igitur neque corpus, neque passiones tunc temporis impediunt quin anima oculo mentis & cordis videat intuitive Deum.

*Solvuntur Objectiones generales.*

**OBJICIES I.** Legitur 1. ad Timoth. 1. *Regi sæculorum immortalis & invisibilis, soli Deo honor & gloria.* Sed Patres hanc pro hac vita intelligunt sententiam: igitur nullus hominum in terris vidit intuitive essentiam divinam; alias propositio Apostoli non foret vera: igitur Moyſes & Paulus in terris degentes non viderunt intuitive Deum.

*Respondo distinguendo antecedens:* Deus est invisibilis in hac vita viribus naturæ, concedo: viribus gratiæ, subdistinguo: ordinariæ, concedo: absolute, nego; fieri enim potest ut aliqui per privilegium ista donentur gloria; ita Moyſi & Paulo concessum fuisse propugnamus. Enimvero de primo legitur Exod. 33. v. 17. *Invenisti e-*

*nim gratiam coram me, & te ipsum novi.* De secundo, Actuum 9. v. 15. *Vas electionis est mihi iste.* Nulla est igitur regula tam generalis, quæ aliquam non habeat exceptionem, maxime vero cum Scriptura & sancti Doctores asserunt gratiam, de qua movetur controversia, Moyſi & Paulo fuisse concessam.

*Inflabis:* quamdiu sumus in viâ, peregrinamur a Domino, & per fidem ambulamus, juxta illud 2. Corinth. 5. *Scientes quoniam dum sumus in corpore, peregrinamur a Domino; per fidem enim ambulamus, & non per speciem.* Igitur absque ulla exceptione Deus est invisibilis in hac vita omnibus hominibus; alias non esset verum omnes peregrinari in hac vita a Domino.

*Respondo distinguendo consequens:* præsens status omnem excludit visionem intuitivam permanentem, concedo: omnem transeuntem, nego. Cum autem a transeuntibus non fiat denominatio, ideo Moyſen & Paulum, quamvis visione Dei in hac vita donatos, semper tamen in regno fidei permansisse asseritur: nec mirum, si quidem visionem Dei solum transeunter habuerunt.

*Inflabis.* Scriptura universim dicit & promittit 1. Joan. 3. *Charissimi, nunc filii Dei sumus, & nondum apparuit quid erimus.* Igitur Moyſes & Paulus nequidem transeunter viderunt in terris intuitive Deum; alias non esset verum dicere: *Nondum apparuit quid erimus;* quandoquidem illis saltem apparuisse se esse beatos.

*Respondo distinguendo antecedens:* non apparuit nobis quid erimus, concedo: non apparuit Moyſi & Paulo, nego. Evangelista loquitur in genere, & de viâ ordinaria, minime vero de privilegiatis: nonne Apost. de se ipso loquens ait: *Audivisti arcana verba, quæ non licet homini loqui?*

*Inflabis* Joan. c. 1. v. 18. absque ulla restrictione negat ab ullo homine in terris visum esse Deum; sic enim loquitur: *Deum nemo vidit unquam; Unigenitus Filius qui est in sinu Patris, ipse enarravit.* Igitur ex Joan. solus Filius vidit in gloria Deum: Et vero, si Moyſes vidisset intuitive Deum, cum multis sæculis post ipsum scripserit Joannes, Evangelista non dixisset: *Deum nemo vidit unquam.* 2. Ibidem ponit discrimen inter Moyſen & Christum, quod lex per Moyſen data sit, gratia vero & veritas per Jesum Christum facta. Rationem cur veritas per Jesum Christum,

rum, facta sit, hanc exhibet, quia *Deum nemo vidit unquam*; *Unigenitus qui est in sinu Patris, ipse enarravit*: quasi diceret, ideo lex solum per Moysen data est, quia non vidit Deum; ideo vero gratia & veritas simul facta sunt per Christum, quia solus Unigenitus nobis enarravit quid est Deus. Igitur ratio Joannis non valeret, si Moyses vidisset intuitive Deum.

*Respondeo* distinguendo: nemo vidit Deum comprehensive, concedo: intuitive in via & infinito modo, subdistinguo: permanent, concedo: transeunter, nego. Patres intelligunt ibi visionem comprehensivam: ita Chrysostomus in Homiliis contra Anomaeos, in quibus, ut supra dictum est, per visionem in sinu, intelligit visionem comprehensivam & consubstantiali, quae quidem soli Filio & Spiritui Sancto competit. Quod autem hic sit genninus Evangelistae sensus, patet ex scopo quem habet, quique in eo situs est, ut Christi probet divinitatem: quod quidem momentum duobus validissimis perficit argumentis: 1. quidem ostendendo visionem in sinu Patris, eamque comprehensivam, soli Filio convenire: deinde vero demonstrando veritatem & gratiam a solo Christo fuisse factam: ex quibus dilucide sequitur Christum esse Deum; solus quippe Deus seipsum comprehendit; item & ad illum solum pertinet dare gratiam & gloriam, juxta illud Psal. 83. 12. *gratiam & gloriam dabit Dominus*. Igitur objectiones illatae nihil contra conclusionem urgent.

*Inhabis*. Impossibile est homini viatori videre intuitive Deum, juxta illud primae ad Timoth. 6. v. 16. *quem nullus hominum vidit, nec videre potest*. Confirmatur: si Apostolus Deum intuitive vidisset, non diceret in ista Epistola *quem nullus hominum vidit*: quandoquidem annis 13. post raptum scripsit primam ad Timoth. anno scilicet Christi 57. ut ait Baronius, eodem scilicet anno quo primam ad Corinth. raptus vero ejus contigit annis 14. ante secundam ad Cor. ut ipse Paulus ibi testatur c. 12. scripsit vero eam anno Christi 58. ut ait Baronius; ex quo numero si demas quattuordecim annos, habebis in residuo annum Christi 44. pro anno raptus, qui consequenter praecessit Epistolam primam ad Timoth. annis 13. & annis 8. posterior fuit ipsius conversione, quae secundum Baronium contigit anno 36. Ergo, &c.

*Respondeo* 1. retorquendo argumentum: certe si verba ad litteram ponderentur,

Boucat Theol. Tom. I.

nullus etiam viribus gratiae Deum intuitive videre poterit, quandoquidem sic Joannes scribit, *quem nullus hominum vidit, nec videre potest*; nam ultimae particulae physicae sonant impossibilitatem.

*Respondeo* 2. distinguendo: quem nullus hominum vidit, nec videre potest, viribus naturae, concedo: viribus gratiae saltem transeunter & in via, nego: hoc enim non est impossibile, quandoquidem constat ex Augustino supra laudato, Deum posse videri in hac vita oculis mentis, non solum visione quae est per similitudines, sed ea etiam quae est per speciem, *quam Deus est*, inquit S. Doctor, *quidquid est*. Praeterea post resurrectionem, animae sanctorum conjunguntur corporibus, & tamen Deum oculis cordis videre intuitive non cessabunt: quidni & potuerit Paulus viator eundem intuitive videre oculis mentis? nam Deus potest per gratiam suam ligare & corpus & passiones, ne deprimant animam, ipso testante Augustino, qui l. 12. de Gen. ad litt. c. 26. n. 54. sic loquitur: *Virtutes animae non sunt operosae ac laboriosae: neque enim opere temperantiae libido frenatur . . . una ibi & tota virtus est amare quod videas, & summa felicitas habere quod amas*.

*Respondeo* ad confirmationem distinguendo: si Apostolus cogitasset hoc possibile, non dixisset, *quem nullus hominum vidit*: & loquitur ibi de visione comprehensiva, quae quidem competit Christo, ut Deus est, concedo: de visione intuitiva finita, subdistinguo: permanente, concedo: transeunte & privilegiata, nego. Quod vero loquatur Apostolus de visione comprehensiva, patet ex antecedentibus, ubi probat Christum esse verum Deum; sic enim loquitur Timotheo a versu 14. usque ad 16. inclusive: *Servus mandatum sine macula irreprehensibile usque in adventum Domini nostri Jesu Christi, quem suis temporibus ostendit beatus & solus potens Rex Regum, & Dominus dominantium: qui solus habet immortalitatem, & lucem inhabitat inaccessibilem: quem nullus hominum vidit, nec videre potest; id est, quem nullus hominum vidit comprehensive, nec videre potest. Quae quidem verba concitant cum ista Joannis sententia, Deum nemo vidit unquam. Ceterum Apostolus loquitur de via ordinaria, eodem quippe modo explicanda sunt illa verba, *quem nullus hominum vidit*; ac ista, *lucem inhabitat inaccessibilem*; invisibilis est quidem Deus viribus naturae, sed non gratiae.*

S 3 Di-

*Dices* : si Apostolus viderat Deum in raptu, qui multis annis evenit antequam scriberet primam ad Timoth. ad vitandum mendacium non debuit dicere, *quem nullus hominum vidit* : ergo, &c.

*Respondeo* 1. Apostolum non venisse in mendacii periculum, cum istam protulit sententiam, *quem nullus hominum vidit*, propter multas rationes. 1. Quidem, quia sententia intelligitur de via ordinaria; unde apud Jurisconsultos, non cessat legis generalis oraculum, licet aliquam suscipiat exceptionem: potuit igitur Apostolus suam sile re visionem, & hoc etiam in humilitatis exemplum. 2. A transeuntibus non fit denominatio. 3. Raptus magis pertinebat ad prophetiam quam ad visionem; unde visionis nomine noluit illum celebrare; tum quia etiam ejus anima transacto raptu rediit ad modum ordinarium intelligendi divina, scilicet dependenter a corpore & a phantasmatis; unde fatetur se ignorasse sui raptus naturam & modum, his verbis: *Scio hujusmodi hominem, sive in corpore sive extra corpus, nescio, Deus scit; quoniam raptus est in paradysum*. Quid plura? vox *paradysum*, sufficienter denotat Paulum habuisse visionem Dei intuitivam. Idem ipse Deus de Moyse testatur.

*Obijces* 2. Exod. 33. Moysi postulanti videre Deum intuitive respondit Dominus: *Non poteris videre faciem meam; non enim videbit me homo, & vivet*. Ergo homo non potest videre in hac vita intuitive Deum; & hæc veritas ab isto Dei oraculo transit in proverbium; *Nemo videbit Deum, & vivet*. Unde Judicum 13. v. 22. habetur: Cum Manue vidisset Angelum de medio flammæ sacrificii ascendere in cælum, dixit uxori suæ: *Morte moriemur, quia vidimus Deum*.

*Respondeo* 1. hoc non esse impossibile, cum, ut dictum est, possit Deus per gratiam suam ita sanctificare corpus & ligare passiones per quamdam gloriæ qualitatem, qualis futura est pro corporibus gloriosis, ut non impediatur supremam contemplationem, in qua anima videat essentiam divinam. Ita Aug. l. 12. de Gen. c. 26. n. 34. his verbis: *Si quemadmodum raptus est a sensibus corporis, ut esset in istis similitudinibus corporum, quæ spiritu videntur, ita & ab ipsis rapiatur, ut in illam quasi regionem intellectualium vel intelligibilem subvertatur, ubi sine ulla corporis similitudine perspicua veritas cernitur*. Exemplum Manue nihil urget contra nos: enimvero testatur

se vidisse Deum igitur si ad litteram locus usurparetur, veniret & in probationem pro nostra conclusione, sed ex Scriptura constat Manue vidisse tantummodo Angelum.

*Respondeo* 2. distinguendo: nemo videbit Deum, & vivet: vita sensibili & animalis concedo: vita intellectuali & sensibus abstracta, nego. Vita duplex distinguitur in presenti statu; altera animalis, qua anima operatur dependenter a corpore & phantasmatis, & sic multum distrahitur, immo & deprimitur, sive per corpus, quod illam aggravat, sive per passiones quæ illam ad terrena sapissime deiciunt: altera vero spiritalis & contemplativa, qua anima per visionem objecti speciosi illam suaviter rapientis a sensibus abstracta, vivit non sibi, sed ubi amat, juxta illud Apostoli ad Galatas c. 2. v. 20. *Vivo ego jam non ego, vivit vero in me Christus*; & iterum alia Scriptura Matth. 6. v. 21. *Ubi est thesaurus tuus, ibi est & cor tuum*.

D. Augustinus Epist. 112. ad Paulinum sic respondet ad argumentum: "Deinde potest movere quomodo jam ipsa Dei substantia videri potuerit a quibusdam in hac vita positis, propter illud quod dicitur: *Etum est ad Moysen: Nemo potest faciem meam videre, & vivere*; nisi quia potest humana mens divinitus rapi ex hac vita ad Angelicam vitam, antequam per istam communem mortem carne solvatur. Sic enim raptus est qui audivit illic ineffabilia verba, quæ non licet homini loqui: ubi usque adeo facta est ab hujus vitæ sensibus quædam intensio, averso, ut sive in corpore, sive extra corpus fuerit, qualis in plena morte contingit, nescire se diceret. Ita fit ut & illud verum sit quod dictum est, *Nemo potest faciem meam videre, & vivere*; quia necesse est mentem abstrahi ab hac vita, quando in illius ineffabilitatem visionis assumitur, & non sit incredibile quibusdam sanctis nondum ita defunctis, ut sepelienda cadavera remanerent, etiam istam excellentiam revelationis ejus concessam fuisse. . . . Quod autem dicere insitueram, desiderio ejus etiam illud quod petierat fuisse concessum, in libro Numerorum posita monstratum est, ubi Dominus arguit contumaciam sororis ipsius, & dicit aliis Prophetis in visione se apparere, & in somno; Moysi autem per speciem, non per ænigmata: ubi etiam ad-

„ addidit dicens : *Gloriam Domini vidit* .  
 „ Quid ergo est , quod eum sic fecit ex-  
 „ ceptum , nisi forte quia illa contempla-  
 „ tio , ut dignum etiam tunc habuit po-  
 „ tuli sui talem rectorem ac ministrum in  
 „ tota domo sua fidelem , ut quemadmo-  
 „ dum concupiverat videre Deum sicuti  
 „ est , quæ contemplatio cunctis filiis in  
 „ fine promittitur ? ”

*Instabis* . Anima operans in corpore , &  
 dependenter a phantasmatibus nequit vi-  
 dere Deum : sed non potest perfecte ab-  
 strahi a corpore in raptu : igitur neque  
 in raptu potest videre Deum . Probat  
 minor . Si perfecte abstraheretur a corpo-  
 re , jam sequeretur mors , & tunc non ef-  
 fet amplius in via , adeoque non esset ve-  
 rum , ab homine viatore videri Deum .  
 Ergo , &c .

*Respondet* Apostolus secundæ Corinth. c.  
 12. se ignorare an hoc fiat extra corpus ,  
 vel intra .

*Respondet* Augustinus alienationem esse  
 majorem quam in somno , neque esse per  
 representationes corporales , neque etiam  
 per operationem intellectualem mediantibus  
 similitudinibus creatis : sed per opera-  
 tionem omnimodo spirituales , per excel-  
 lentissimam contemplationem , quæ sit per  
 speciem qua Deus est quidquid est ; non ta-  
 men mors sequitur , quia anima ut sensiti-  
 va , est semper in corpore . Quod autem  
 corpus non impediatur animam , patet ex eo  
 quod in extasi nonnumquam rapiatur & e-  
 levetur supra terram sursum ; Apostolus  
 enim se dicit raptum usque ad tertium  
 cælum .

*Respondet* 2. distinguendo : anima non po-  
 test perfecte abstrahi a terrenis abstractione  
 sensuum , concedo : abstractione intellectuali ,  
 nego . Anima potest considerari dupliciter :  
 1. ut forma corporis ; 2. secundum se , &  
 ut dicunt Doctores mystici , secundum su-  
 peremam mentis aciem . Porro modo manet  
 semper in corpore , & habet functiones pure  
 animales , & ulla absque reflexione : secun-  
 do modo est extra corpus , & ubi amat ; so-  
 lum cogitat de sponso , ut habetur Cant. 2.  
 v. 16. *Dilectus meus mihi , & ego illi* . Et ite-  
 rum c. 2. v. 4. *Tenui eum nec dimittam* .

*Instabis* . Augustinus vocat istam visio-  
 nem , revelationem in locis laudatis : sed  
 revelatio est visio prophetica , eaque obs-  
 cura & non intuitiva : ergo , &c .

*Respondet* distinguendo : est revelatio pro-  
 ut revelatio idem sonat ac gratia & privi-  
 legium indebitum a Deo concessum ; con-

cedo : prout dicit cognitionem obscuram ,  
 nego . Licet enim ista visio reducat ad  
 prophetiam , eminet tamen in claritate :  
 sic Petrus loquens de visione gloriæ sanctæ  
 humanitatis , quam cum Joanne & Jacobo  
 in monte Thabor donatus est , ait omni  
 superexcedere prophetiam , his verbis se-  
 cundæ Epistolæ c. 1. v. 19. *Italemus firmio-  
 rem prophetarum sermonem : cui beneficiis  
 attendentes , quasi lucernæ lucenti in caligi-  
 noso loco , donec dies elucescat , & lucifer  
 orientetur in cordibus vestris* .

*Instabis* . Visio intellectualis quæ est su-  
 pra corpoream , & etiam supra mentalem  
 per similitudines , non est intuitiva in hac  
 vita : igitur ruit fundamentum positum .  
 Probat antecedens . Hæc visio est con-  
 templatō , quam Doctores mystici vocant  
 contemplationem per simplicem intuitum ,  
 ut Bernardus , vel ut alii , orationis do-  
 num , quo Deus ita secreta communicatur  
 animæ , ut ex mirabili isto commercio Dei  
 Optimi Maximi sponsa nuncupetur , sique  
 per effusionem tum specierum ad cognos-  
 cendam unico intuitu veritatem , tum gra-  
 tiæ specialissimæ , quia anima transformatur  
 mystice in Deum . Cum autem Prophe-  
 tæ hanc gratiam seu orationis donum habe-  
 rent , ideo *videntes* in Scripturis vocantur :  
 sic Samuel 1. Regum c. 9. *videntis* nomi-  
 ne celebratur : *Eam* , inquit Saul puero  
 suo , *ad videndum* . Ergo cum Augustinus  
 solum distinguit triplex visionis genus ; u-  
 num per representationes corporeas , qui-  
 bus Angeli assumenes figuras humanas , et-  
 iam oculis præsentium patebant ; alterum  
 per phantasmatum & in imaginatione ; ter-  
 tium per speciem mere spiritalem , non tamen  
 visionem intuitivam inferentem ; dicendum  
 sanctum Doctorem non admittere pro hac  
 mortali vita visionem Dei immediatam .

*Respondet* negando antecedens : ad proba-  
 tionem distinguo : & præter visionem  
 spiritalem & mysticam , quæ habetur in  
 oratione mentali , datur alia ex Augusti-  
 no per speciem qua videtur id quod est  
 ipse Deus , concedo ; nam essentia divi-  
 na unitur immediate menti per modum  
 speciei impressæ & expressæ & non datur  
 , nego . Augustinus triplicem commem-  
 orat visionem , sed tacet eam quæ  
 datur Sanctis in oratione , & loquitur de  
 supremo contemplationis gradu qui erat  
 ad propositum , scilicet ut demonstraret a  
 Moyse visum esse immediate Deum ; sic  
 enim loquitur de eo c. 27. n. 55. in l. 12.  
 de Gen. ad lit. „ Concupierat enim ,  
 S 4 „ si-



„ sicut in **Exodo** legitur, videre Deum,  
 „ non utique sicut viderat in monte,  
 „ nec sicut videbat in tabernaculo, sed  
 „ in ea substantia qua Deus est . . . .  
 „ claritatem Domini vidit; neque enim  
 „ hoc secundum substantiam corporis quæ  
 „ carnis sensibus præsentatur, intelligen-  
 „ dum est . . . . illo ergo modo in illa  
 „ specie qua Deus est, longe ineffabili-  
 „ ter, secretius & præsentius loquitur  
 „ locutione ineffabili. „

De Moyse in particulari.

**OBJICIES.** Primo, **Exodi** 33. habetur:  
*Ingresso (scilicet Moyse) Tabernaculum  
 Faderis, & descendebat columna nubis, & sta-  
 bat ad ostium . . . . Loquebatur autem Domi-  
 nus ad Moysen facie ad faciem, sicut solet  
 loqui homo ad amicum suum . . . . Si ergo  
 inveniri gratiam in conspectu tuo, ostende mihi  
 faciem tuam . . . . ostende mihi gloriam  
 tuam. Respondit: Ego ostendam omne bonum  
 tibi . . . . rursumque ait: Non poteris vide-  
 re faciem meam; non enim videbit me ho-  
 mo, & vivet . . . . videbit posteriora mea.*  
 Ex his multa eruantur argumenta, quibus  
 adversarii probare satagunt a Moyse visum  
 non esse Deum.

*Primum est: si Moyses vidit intuitive  
 Deum, maxime quia hanc petiit & con-  
 cupivit gratiam; sed illi denegata est,  
 atque in hac vita impossibilis, non enim,  
 inquit Deus, videbit me homo, & vivet.*  
 Quod certe non intelligitur de morte  
 mystica: si enim hæc mors ad hoc suffi-  
 ceret, cum esset possibilis per abstractio-  
 nem a sensibus, & raptum seu extasim,  
 non dixisset Deus, *Non enim videbit me  
 homo, & vivet.*

*Secundum.* Ideo colligitur a Moyse vi-  
 sum esse Deum intuitive, quia vidit facie  
 ad faciem, quia os ad os locutus est ei  
 Dominus, ut amicus amico; sed ejusmo-  
 di visio non est intuitiva, ut patet **Exodi**  
 33. ubi Deus Moyse sic loquitur: *Non  
 poteris videre faciem meam; non enim  
 videbit me homo, & vivet.* Ergo, &c.

*Tertium.* Profecto Moyses non vidit in-  
 intuitive Deum, **Exod.** 33. cum eum vide-  
 rit in nube & in Tabernaculo; Augustinus  
 enim dicit visionem in nube & in Ta-  
 bernaculo esse figuratam; sed Scriptura  
 Num. 12. loquens de visione Dei concessa  
 Moyse, quamque asserimus intuitivam esse,  
 ait in nube & in Tabernaculo fuisse fa-  
 ciem; igitur & ista visio fuit tantum per

similitudines. Probatur minor; sic enim  
 habetur in Scriptura: *Egredimini vos tan-  
 tum tres ad Tabernaculum Faderis; cumque  
 fuissent egressi (scilicet Moyses, Aaron,  
 & Maria) descendit Dominus in columna  
 nubis, & stetit in introitu Tabernaculi, vocans  
 Aaron & Mariam. Qui cum iissent, dixit  
 ad eos: Audite sermones meos: si quis  
 fuerit inter vos Propheta Domini; in visio-  
 ne apparebo ei, vel per somnium loquar ad  
 illum. At non talis servus meus Moyses,  
 qui in omni domo mea fidelissimus est, ore  
 enim ad os loquor ei, & palam, & non per  
 enigmata & figuras Dominum videt . . . .  
 Quare ergo non timuistis detrabere servo meo  
 Moyse? Iratuique contritus abiit: nubes quoque  
 recessit, quæ erat super Tabernaculum.*

*Quantum.* Visio intuitiva divinæ essen-  
 tiæ Moyse concessa colligitur ex isto po-  
 tissimum loco: Si quis fuerit inter vos Pro-  
 pheta Domini, in visione apparebo ei, vel per  
 somnium loquar ad illum. At non talis ser-  
 vus meus Moyses . . . . ore enim ad os loquar  
 ei. Atqui hæc Scripturæ verba visionem  
 Dei intuitivam Hebræorum Legislatori  
 non astringunt; inde enim etiam conclu-  
 deretur, Moysen non unam aut alteram vi-  
 ce, sed semper & in omni colloquio ex-  
 tatico vidiisse intuitivæ Deum, quod nul-  
 lus certe dixerit; habetur enim **Exod.** 33.  
 posteriora tantum Dei, & non faciem vi-  
 diisse: igitur iste modus expressionis os ad os lo-  
 quor, excellentiorem præ cæteris Prophe-  
 tis habuisse visionem solummodo indigitat.

*Quantum denique.* Non constat a Moy-  
 se Deum intuitive visum fuisse, Num. 12.  
 non enim alio modo ei tunc locutus est Do-  
 minus, quam Aaron & Mariæ fuerat locu-  
 tus, scilicet in nube & in Tabernaculo,  
 juxta illud: *Egredimini vos tantum tres ad  
 Tabernaculum Faderis.* Ergo, &c.

*Respondeo,* constare ex probationibus a  
 Moyse visum esse intuitivæ Dominum:  
 enimvero si solum per similitudinem vidiisset  
 essentiam divinam, nullum habuisset in hoc  
 supra alios Prophetas privilegium.

*Ad primum* distinguo: Et Moyse non da-  
 tum tunc est quod petebat, concedo: &  
 non datum est alia vice, nego. Ut autem  
 intelligeret gloriam, viatoris non conve-  
 nire conditioni, sed ingenuum esse privi-  
 legium, dixit Dominus: *Non videbit me  
 homo, & vivet.*

*Ad secundum* distinguo minorem. Visio  
 faciei ad faciem, non est semper intuiti-  
 va, concedo: non est aliquando & ut plu-  
 rimum, nego. Scriptura sacra determinat

visionem faciei ad faciem quandoque ad visionem figuratam & per similitudines, quandoque etiam ad visionem Dei immediatam. maxime vero quum eam vocat visionem Dei sicuti est: quum ab eadem excludit figuras & similitudines, sicut de facto excludit a visione Moyſi concessa, Num. 12. quæque, teste Augustino, facta est per speciem qua Deus est quidquid est: igitur visio Moyſi concessa pro hac vice fuit intuitiva.

*Ad tertium*, distinguo. Moyſis visio, quæ Exod. 33. refertur, non fuit intuitiva, quia expresse ibi habetur non Deum in se, sed solum ejus vidisse posteriora, concedo: quia facta est præcise in nube & in Tabernaculo, nego. Verum quidem est Deum solum fuisse manifestum se præbere Moyſi in nube & in Tabernaculo, modo visione imaginaria & per similitudines, modo etiam per Angelos tanquam per oratores in sua persona loquentes: sed potuit & in nube & in Tabernaculo Moyſi se præbere intuitive & immediate videndum, ut legitur Num. 12. Et vero quum Moyſes vacabat orationi & contemplationi, potuit ista mirabili donari visione.

*Ad quartum*. Nemo scit utrum vel pluries, vel semel tantum visione Dei intuitiva donatus sit Moyſes, neque id asserere audeamus: sufficit una vice, sicut refertur Num. 12. vidisse intuitive Deum, ut Augustini & D. Thomæ sententia de hoc momento vera sit: non sequitur igitur Moyſen in quacumque visione, Deum in se & immediate fuisse intuitum.

*Ad quintum*. Neque etiam scire quis potest tempus quo Moyſes visione Dei intuitiva donatus sit: unum scimus, una saltem vice, ut refertur Num. 12. Deum intuitive & immediate complexisse.

*Inſtabis*. Hoc ipsum negat Evaristus Papa Epist. 1. Decretali, his verbis: "Deus Filius in luce inaccessibili simul cum Patre habitare credendus est, quem nullus modo nostrum in hoc mortali corpore constitutus potest aliquatenus contueri: sed cum apparuerit, tunc vere illum vidit sicuti est, qui ejus conspectibus dignus fuerit cooptari; & non sicut Moyſes, cæterique Prophetæ, per ænigmata, & figuram." Ibi sumunt Pontifex loquitur ex cathedra & deniens; dicit enim, credendus est Filius Dei in luce inaccessibili cum Patre habitare; imo ex hoc concludit, & Moyſen & Prophetas vidisse Deum tantummodo per ænigmata.

*Respondeo* 1. Epistolam Decretalem Eva-

rismi esse dubiam. 2. dato & non concessio eam esse genuinam, respondemus Evaristum ibi loqui ut Doctorem particularem, saltem pro Moyſis facto, quandoquidem Ecclesia nihil de fide circa istud momentum definitivè, immo licentiam fecit in scholis disputandi in utramque partem. Et vero vox *credendus*, appellat, supra lucem inaccessibilem, & hunc reddit sensum: de fide est Deum non posse viribus naturæ videri a creatura, vel etiam quantumvis gratiis ornata ab eadem comprehendendi. Quid plura? Summus Pontifex attendit ad visionem de qua sermo habetur Exod. 33. nuncime vero ad eam de qua Num. 12.

*Iterum inſtabis*. Dionysius de cœlesti Hierarchia cap. 4. p. 3. visionem etiam intuitivam abnegat Moyſi; namque ait: "Si quis vero dicat quibusdam Sanctis immediate Deum ex se apparuisse, distat etiam hoc aperte ex Scripturis sacris, illud ipsum quod Dei est occultum neminem vidisse, neque visurum, sed apparuisse Sanctis Deum ostendentem se, ut eum decebat per visa quædam sacra, an non etiam sacram illam legislationem ab ipso Deo fuisse Moyſi traditam divina scripta traxerunt? . . . quinimmo sapienter etiam Theologia docet, eam per Angelos ad nos dimississe. Ergo, &c.

*Respondeo* ut supra, aliquos Patres tenere opinionem contrariam probabilem; nos vero adhærere Augustino & D. Thomæ gloriamur.

*Respondeo* 2. Dionysium loqui de visionibus, quas habuit Moyſes in monte, ubi accepit Legem, ut ipsius referunt verba; tunc autem videbat Angelum: sed non excludit visionem intuitivam, quæ habetur Num. c. 12. Simili modo explicatur ipse Aug. tractatu 5. in Joann. ubi dicit: *Deum nemo vidit unquam*; Moyſen vidisse Deum in nube per Angelum & ignem, *quæ typum Domini gerebant, non præsentiam exhibebant.*

*Adhuc inſistes*. D. Thom. 1. 2. qu. 98. art. 3. ad 2. sic loquitur: "Dicendum quod sicut Augustinus dicit, 12. super Gen. ad litt. in Exod. dicitur: *Locutus est Dominus Moyſi facie ad faciem*; & paulo post subditur: *Ostende mihi gloriam tuam*." Sentiebat ergo quod videbat; & quod non videbat, desiderabat. Non ergo videbat ipsam Dei essentiam, & ita non immediate a Deo instruebatur. Ergo, &c.

*Respondeo* distinguendo consequens. Moyſes non vidit tunc Dei essentiam, concedo:

do: loquitur enim D. Thomas de loco Exodus 33. quem explicat; sed observat ex Augustino Moysen aliud desiderasse, quod teste eodem Augustino, datum est illi postea: non vidit alio tempore, nego. Cæterum dato & non conceiso D. Thom. loco citato aliquid contrarium dixisse, se retrahit 2. 2. quæst. 174. art. 4. ubi expresse dicit Moysen vidisse intuitive Deum.

*De B. Paulo in particulari.*

*Obijcies.* Visio imaginaria attenditur ex Augustino l. 12. super Genes. c. 27. secundum quasdam similitudines: sed B. Paulus vidit in suo raptu similitudines Cæli & Paradisi: igitur habuit tunc visionem solummodo imaginariam.

*Respondeo* 1. Scripturam non dicere Paulum vidisse similitudinem Cæli, sed raptum fuisse usque ad tertium Cælum & in Paradisum.

*Respondeo* 2. distinguendo. Paulus vidit similitudinem Cæli, transeat: similitudinem Dei, nego; unde D. Thomas hic qu. 175. art. 3. sic loquitur: "Quidam dixerunt Paulum in raptu non vidisse Dei essentiam, sed quandam refugientiam claritatis ipsius. Sed contrarium manifeste Augustinus determinat, non solum in libro de videndo Deum, sed etiam 12. super Gen. ad litt. "Unde ad argumentum sic respondet ibidem: "Dicitur raptus (scilicet Paulus) ad tertium Cælum, non quia raptus sit ad videndum similitudinem alicujus rei corporeæ, sed propter quod locus ille est contemplationis Beatorum: unde glossa dicit secundæ ad Corinth. c. 12. quod Cælum tertium est spirituale Cælum, ubi Angeli & sanctæ animæ fruuntur Dei contemplatione, ad quod cum dicit se raptum, signat quod Deus ostendat ei vitam in qua videndus est in æternum."

*Injabis.* Apostolus dicit primo se meminisse multorum: 2. audivisse arcana, non vero vidisse: 3. se ignorasse suum statum: sed memoria est eorum quæ videntur per similitudines rerum creaturarum; sed audire, non est videre; sed ignorare, non est beatum esse; alias beatus foret anxius: igitur, &c.

*Respondeo* distinguendo: B. Paulus recordatus est multorum quæ Gentilium vocationis mysteria spectabant, ut illos de fide in Christum instrueret, concedo: recordatus est essentiarum divinæ, quum qui-

dem intuitive viderat, nego. Nec mirum; visio Dei absque ulla specie creata habetur; Apostolus vero locutus est post raptum, adeoque, juxta modum discurrendi de rebus per phantasmata, seu similitudines & species creatas, homini viatori accommodatas.

*Ad secundum,* distinguo. Audivit Paulus arcana videndo Dei intuitive essentiam, concedo; verbum enim divinum in Beatissimis loquitur: in ipso siquidem omnia patent: non videndo, nego. Porro arcana non videntur, sed audiuntur; unde bene dicit Apostolus se audivisse arcana, quæ non licet homini loqui, inter quæ primum tener partes Dei ineffabilis visio.

*Ad tertium.* Utique B. Paulus ignoravit statum suum mirabilem post raptum, concedo: in raptu, nego. Et verò anima ejus transacto raptu intelligebat divina per similitudines, ut modo diximus; unde non mirum si non potuerit aut oratione describere, aut exprimere sermonibus mirabile Sanctorum cum Deo intuitive visio confortium: ipse enim Apostolus prima ad Corinth. 2. v. 9. loquens de beatitudine ait: *Oculus non vidit, nec auris audivit, nec in cor hominis ascendit quæ preparavit Deus iis qui diligunt illum.*

*Injices.* Actum 10. habetur, cecidisse super Petrum mentis excessum: sed iste raptus per similitudines factus legitur: igitur idem dicendum de raptu Pauli.

*Respondeo* negando paritatem: enimvero habetur expresse, raptum Petri factum fuisse per similitudines quadrupedum & serpentium sanctificatorum; quæ quidem visione manifestabatur Apostolo vocatio Gentilium ad Christi fidem: e contra vero eadem Scriptura dicit Paulum raptum fuisse in Paradisum, qui quidem est Beatitudinis locus; & ideo istud vocabulum, visionem Dei intuitivam Paulo ad tempus fuisse concessam indigat. Solutio est D. Thomæ, qui hic qu. 175. art. 3. ad 1. sic respondet ad argumentum: "Mens humana divinitus raptur ad contemplandam veritatem divinam, tripliciter: uno modo ut contempletur eam per similitudines quasdam imaginarias; & talis fuit excessus mentis qui cecidit supra Petrum. Alio modo, ut contempletur veritatem divinam per intelligibiles effectus, sicut fuit excessus David dicentis: *Ego dixi in excessu meo, Omnis homo mendax.* Tertio modo, ut contempletur eam in sua essentia, & talis fuit raptus Pauli, & ceterum iam

iam Moyſis ; & ſatis congruenter :  
nam ſicut Moyſes fuit primus Doſtor  
Judæorum, ita Paulus fuit primus Do-  
ſtor Gentium.

*Urgebis iterum.* Si Paulus vididiſſet intuiti-  
ve Deum, gloriæ claritas in corpus ejus  
reſuſciſſet, ſicut legimus de Chriſto, cum  
in monte Thabor tranſfiguratus eſt : atqui  
nullus hoc affirmavit de B. Paulo. Ergo, &c.

*Reſpondeo* negando majorem. Chriſtus  
enim a primo conceptionis momento erat  
beatus quoad animam, minime vero quoad  
corpus : non eſt igitur inconveniens Paulum  
hanc habuiſſe gratiam tantummodo  
pro anima in raptu.

*Reſpondeo* 2. diſtinguendo : qui eſt beatus  
permanent & in patria, poſt reſurrex-  
tionem habebit etiam in corpore gloriæ  
redundantiam ſeu reſulgentiam, concedo :  
qui eſt ſolum beatus tranſeuntes ſicut fuit in raptu Paulus : nego : unde ex  
D. Th. ejus viſio magis pertinebat ad prophetiam quam ad gloriæ ſtatum.

*Inſtabis de novo.* Qui eſt beatus, amittit  
fidem : ſed Paulus non amiſit fidem,  
quandoquidem tranſacto raptu credebatur  
myſteria ſicut antea. Ergo, &c.

*Reſpondeo* diſtinguendo. Qui eſt beatus  
habitualmente, amittit fidem, concedo : qui  
eſt ſolum tranſeuntes, ſubdiſtinguo : amittit  
fidem actualem, concedo : habitualem,  
nego. Habitus opponitur habitui ; unde gloria  
permanens & habitualis excludit  
ipſum fidei habitum : actus vero ſimiliter  
opponitur actui ; qua de cauſa cum Paulus  
habuerit viſionem Dei intuitivam tantummodo tranſeuntem, retinuit fidei habitum,  
quo uſus eſt tranſacto raptu.

*Multi Theologi* jure merito tenent Beatam Virginem in momento Conceptionis Chriſti, viſione Dei intuitiva fuiſſe donatam,  
ut generationem Verbi temporalem exprimeret ſuper generationis ejusdem Verbi in ſinu Patris ideam. Non idem de viſione Beati Stephani autumant : nam Humanitatem ſancſtam tantummodo apertis  
Coelis vididiſſe non ſine fundamento arbitrantur.

## SYNOPSIS PROBATIONUM.

*Moyſes & Paulus viderunt intuitive Deum in hac viſta oculis mentis.*

*PRIMO.* Num. 12. de Moyſe legitur, habuiſſe Dei viſionem, non per ænigmata & figuras : de ſecundo vero, 2. Cor. 12. raptum fuiſſe in Paradifum.

*Secundo.* Ita cenſent Auguſtinus lib. 12. de Gen. ad litt. c. 26. & in libro de videndo Deum ad Paulinam ; ita D. Th. 1. p. q. 12. art. 7.

*Tertio.* Quia ex D. Thoma Moyſes conſtitutus eſt Magiſter Judæorum, Paulus vero Doſtor Gentium : ex quo concludit conſentaneum fuiſſe utrumque edoceri per Verbum intuitive viſum, ut ab ipſo Deo illuminati cæteros erudirent in doctrina ſana & fide.

## SYNOPSIS OBJECTIONUM,

## ET SOLUTIONUM.

*PRIMO.* Legitur quidem tum in Scriptura tum in Patribus, Deum non poſſe a viatore conſpici : ſed loquuntur de via ordinaria & ſecluſo privilegio, quod quidem regula generalis ſuſcipere poteſt ; maxime vero quia ex Auguſtino homo poteſt ita a ſenſibus abſtrahi, ut poſſit Deum intuitive videre.

*Secundo.* Scriptum eſt Moyſen locutum fuiſſe Deo in nube & in Tabernaculo, & eum ſic vididiſſe : ſed quamvis viſio in nube & in Tabernaculo pro more ſolito facta ſit per ſimilitudines, potuit tamen, ut legitur Num. 12. etiam fieri immediate.

*Tertio.* Habetur etiam de D. Paulo, & ignoraiſſe ſuum ſtatum, & memoriam multorum ex raptu habuiſſe : quæ quidem omnia ſpirant & ſapiunt viſionem per ſimilitudines : ſed & hæc concedimus tranſacto raptu, minime vero in ipſo raptu intervallo : tunc enim & Deum, & omnia in Deo immediate vididiſſe conſtat.

# DISSERTATIO TERTIA

## DE

### MENSURA VISIONIS BEATIFICÆ.

*Contra Anomæos, Jovinianistas, Beguardos, & Beguinas.*



**A**NO MÆI, Jovinianistæ, & Beguardi visionem in omnibus Sanctis parem & æqualem esse propugnabant. Primi quidem tantam sibi tribuebant de Deo notitiam, quamam ipse Deus de se habet: Jovinianistæ vero, cum omnia peccata esse æqualia crederent, ita & merita, consequenter & æqualem pro Beatiss coronam propugnabant: Beguardi utique, quandoquidem gloriam animæ rationali debitam esse autumabant, sed contra quod dicitur primæ Cor. 15. v. 41. *Alia claritas solis, alia claritas lune, & alia claritas stellarum; stella enim a stella differt claritate: sic & resurrectio mortuorum; idest gloria & præmium.*

*Dogma inæqualitatis visionis beatificæ quatuor istis momentis ostenditur.*

**PRIMO:** Quia non datur visio beatifica secundum conatus animæ naturales.

**Secundo:** Quia visio beatifica est homini in se relicto indebita.

**Tertio:** Quia est finita.

**Quarto:** Quia datur ad mensuram.

#### ARTICULUS PRIMUS.

*Utrum homo per suas vires naturales & sine gratia, possit Deum intuitive videre.*

#### CONCLUSIO CATHOLICA.

Anima secundum vires naturales nequit Deum videre.

*Probatur auctoritate & ratione.*

*Primo, ex Scriptura sacra.*

**L**EGITUR Isaïæ 64. v. 5. *Oculus non vidit, Deus, absque te quæ præparasti diligentibus te.* Et primæ ad Tim. 1. *Regi sæculorum immortalis & invisibili.* Rursus ibidem cap. 6. v. 16. *Lucem inhabitat inaccessibilem.* Sed qui diligentibus Deum parata absque Dei auxilio nequit videre, Deum ipsum sine gratia intuitive videre non potest, quandoquidem Deus dicitur & invisibilis, & lucem inhabitare inaccessibilem: igitur anima viribus suis Deum intuitive conspiciere non valet: Enimvero legitur Rom. 6. v. 26. *Gratia Dei vita æterna.* Et Psalm. 83. *Gratiam & gloriam dabit Dominus.* Ex his sequitur istud in probationem argumentum; quod est gratia, non est homini connaturale: sed ex Scriptura, visio beatifica est gratia omnium maxima: ergo, &c. Legitur etiam Joan. 15. v. 5. *Sine me nihil potestis facere.* Rursus primæ Corinth. 3. v. 5. *Non quod sufficientes sumus aliquid cogitare ex nobis quasi ex nobis; sed sufficientia nostra ex Deo est.* Qua de causa Concilium Arausicanum secundum tanquam de fide definitivè, hominem viribus naturæ nequidem posse suam initiare salutem. Igitur & a fortiori nec Deum intuitive videre.

Secun-

## Secundo, Ex Conciliis, &amp; summis Pontificibus.

PRÆTER hoc Concilium citatum, & alia contra Pelagianos adunata, unum Vinnense impræsentiarum adducimus. Enimvero damnat specialiter & Beguardos & Beguinas, eo quod contrarium assererent: unde & definivit, lumen gloriæ esse absolute necessarium ad videndum intuitive Deum. Ita habetur in Clementina, *Ad nostrum, de Hereticis*; in qua quidem Clemens V. hanc damnat Propositionem: *Quinto quod quælibet intellectualis natura in seipsa naturaliter est beata.*

## Tertio, Ex Patribus.

DIONYSIUS, de divinis nominibus c. 1. dicit idem Angelos illuminari circa divina, quia & Deus, & Personæ, & attributa excedunt naturalem mentis aciem: "Intelligibilis vero, inquit, ipsius illuminationibus, in passionis & materiæ experte mente participes facti; nec non conjunctionis ejus, quæ mentem excedit, in splendidissimorum radiorum ignotis ac beatissimis immisionibus, atque in diviniore quadam imitatione supercælestium mentium." Origenes eidem subscribit veritati lib. 1. de Principiis, c. 1. "Mens nostra, inquit, ipsum per se Deum, sicut est, non potest intueri." Epiphanius est ejusdem labii, hæresi 70. c. 7. "Deum videre est impossibile, inquit, præsertim naturæ hominis, neque ei quod aspectabile est, id quod videri omnino non potest, intueri licet: verum invisibilis Deus pro sua benignitate ac potentia imbecillitatem vi suam corroborare dignatus est, ut quod invisibile est, cerneret."

Ambrosius alter est ejusdem veritatis testis: enimvero Comment. in Lucam c. 1. sic loquitur: "In potestate nostra non est Deum videre, sed in potestate illius est apparere."

Augustinus Soliloq. c. 36. ait: "Quoniam apud te est fons vitæ, & in lumine tuo videbimus lumen; quale autem lumen? lumen immensum, lumen inoporeum." Et l. 19. de Civ. Dei c. 25. "Sicut non est a carne, sed supra carnem, quod jam facit vivere, sic non est ab anima, sed supra animam, quod

eam faciet beate vivere; quia ut vita carnis anima est, ita beata vita hominis Deus est." Et l. de peccatorum meritis c. 19. "Verumtamen si percepto baptismo, mate de hac vita emigraverit, soluto reatu, cui originaliter erat obnoxius, perficientur in illo lumine veritatis, quod incommutabiliter manens, in æternum justificatos præsentia Creatoris illuminat."

Cæteris accedit D. Thomas, qui ex professo sic concludit hic 1. p. qu. 2. c. 4. "Cum divina, inquit, essentia sit supra conditionem cujuscumque creati intellectus, non potest intellectus creatus per sua naturalia ipsam cognoscere, sed tantum per gratiam." Si igitur, secundum Dionysium; Angeli indigent aliquo confortari lumine ad videndum Deum intuitive, si, secundum Epiphanium, Ambrosium, Augustinum & D. Thomam, indigeant & alii Beati, certum est animam viribus naturæ Deum intuitive videre non posse.

## Quarto, Ex ratione multiplici.

PRIMA. Quod est supra naturam, non potest attingi per vires naturæ: atqui visio Dei intuitiva est supra naturam; & probatur. Gratia est supra naturam: sed hæc visio est gratia, & quidem consummata, juxta illud Rom. 6. *Gratia Dei vita æterna*. Igitur est supra naturam.

Secunda sic proponitur. Quod est extra objectum connaturale facultatis, non potest naturæ conatibus pertingi: atqui Deus in se visus est extra objectum connaturale intellectus creati, quandoquidem, teste Apostolo, *lucem inhabitat inaccessibilem*: ergo, &c.

Tertia. Media & finis sunt ejusdem ordinis: atqui media ad finem supernaturalem consequendum sunt supra naturam; hoc enim non semel definitum est in Conciliis contra Pelagianos adunatis: enimvero sunt actus tum fidei, tum spei & charitatis: igitur & a fortiori visio Dei intuitiva omnium finis in immensum excedit naturæ vires. Ergo, &c.

Quarta hæc est. Agentia cognoscitiva alia sunt in materia penitus immerfa, ut belluæ: alia independentia quidem a materia physica ut subsistant, non tamen ut operentur; tales sunt homines: alia independentem quidem a materia physica, sed non a metaphysica agunt; sic Angeli: licet enim sint puri spiritus, componuntur.

nantur tamen ex essentia & existentia : alia denique a materia etiam metaphysica sunt immunita, ut Personæ sanctissimæ Trinitatis : Deus enim est æternus purus, & sum esse & existere : igitur solus Deus per vires sibi connaturales sese possidet & cognoscit, minime vero alia agentia : non quidem prima, Deum enim non possunt cognoscere, cum circa materialia tantummodo versentur : neque secunda viribus suis Deum attingere valent, siquidem a materia in operando dependent ; unde nisi gratia confortentur & adjuvantur, non possunt ita a materia physica abstrahere, ut Deum ipsum intueantur ; immo nec ipsi Angeli, quia materiæ metaphysicæ concluduntur terminis.

*Solvuntur Objectiones.*

**OBJECIES 1.** Dionysius lib. de divinis nominibus cap. 4. sic loquitur : " Angelus est speculum purum, clarissimum, insciens totam, si fas est dicere, pulchritudinem Dei. " Sed unumquodque videtur, dum videtur ejus speculum : ergo cum Angelus se cognoscat per sua naturalia, etiam per sua naturalia potest intuitive videre Deum.

*Respondeo* distinguendo minorem : unumquodque per speculum cognoscitur, si speculum sit ejusdem ordinis, concedo : si non sit, nego. Duplex distinguitur speculum Dei : aliud ipsi æquale & consubstantiale, & est Verbum Patris, ab Apostolo Hebr. 1. figura substantiæ paternæ, & viva imago nuncupatum : aliud vero inadæquatum & diminutum, & est creatura spiritalis, quæ quidem per sua naturalia repræsentat Deum ut naturæ auctorem, per gratiam vero ut ejusdem gratiæ largitorem. Hæc autem distinctio a Dionysio perfectissimum speculum comparative ad creaturas corporales, quippe quæ Deum perfectius exprimat ; sed non absolute, cum nullo modo Deum adæquate repræsentare valeat. Ita D. Thom. hic quæst. 12. art. 2. ad 1. ubi ad argumentum respondens, dicit Angelum se cognoscendo, cognoscere quidem Deum, sed per similitudinem tantummodo creatam, adeoque nec sicuti est, nec intuitive.

*Instabis.* Deus est per se intelligibilis, siquidem est ipsa lux & veritas : igitur Angelus per sua naturalia potest cognoscere Deum, quandoquidem non opus est confortatione ad videndum lumen, eo quod

fit per se visibile. Confirmatur. Angelus nullum habet defectum, ut ipsius impediatur circa objectum operationem ; siquidem, teste Aug. l. 4. de Civit. Dei c. 27. solum peccatum mortale impedit ne Deum videamus.

*Respondeo* distinguendo : Deus est per se intelligibilis respectu sui, concedo : respectu nostri, subdistinguo : ut auctor naturæ concedo : ut auctor gratiæ, nego ; lucem enim inhabitat inaccessibilem. Solutio est D. Thom. ibidem art. 4. his verbis : " Impossibile est quod aliquis intellectus creatus per sua naturalia essentiam Dei videat, cognitio enim contingit secundum quod cognitum est in cognoscente, cognitum autem est in cognoscente secundum modum cognoscentis. "

*Ad confirmationem*, distinguo. Angelus non habet defectum privativum ad cognoscendum Deum, concedo : physicum & negativum, nego. Defectus privativus est a peccato, & reddit creaturam Dei visionem indignam ; unde & dicitur defectus moralis : physicus seu negativus est incapacitas, quæ inest subjecto ad objectum excedens vires & supereminens. Ita a D. Thom. ibidem ad secundum, his verbis : " Dicendum quod intellectus Angelus non habet defectum, si defectus accipiatur privative, ut scilicet careat eo quod habere debet. Si vero accipitur negative, sic quælibet creatura invenitur deficiens, Deo comparata, dum non habet illam excellentiam quæ invenitur in Deo. " Ad auctoritatem Augustini, dico illum loqui de defectu morali, nec excludere physicum ; unde nisi intellectus lumine gloriæ perfundatur, Deum intuitive videre nusquam valebit, ut non semel dictum est supra.

*Objicies 2.* Quod est menti præsens, potest ab ipsa videri : sed Deus est præsens animæ, etiam secundum se & naturaliter sumptæ : igitur potest videri ab ipsa secundum vires ejus innatas.

*Respondeo* distinguendo : quod est præsens naturaliter, & facie ad faciem, concedo : quod est solum præsens per immensitatem, nego ; & sic distincta minore, nego consequentiam. Deus est præsens animæ naturaliter sumptæ solum per immensitatem, id est, ut ens replens omnia, ut causans omnia : ut cognoscens & conservans omnia specialiter vero ad beatificandam illam, tantummodo per lumen gloriæ.

*Instabis.* Deus in se est objectum proportionatum intellectui creato : ergo ani-

mi per suas vires naturales potest videre intuitive Deum. Probatur antecedens: obiectum intellectus est omne verum; sed obiectum est potentia proportionatum, alias non posset illo modo ab ea attingi: sic oculus corporeus per hanc rationem nequidem divinitus potest videre essentiam divinam: ergo, &c.

*Respondeo* negando antecedens: Deus enim in se transcendit totum naturæ ordinem. Ad probationem, distinguo: obiectum proportionatum est omne verum naturale, concedo: omne supernaturale, nego; agitur autem impræsentiarum de vero supernaturali. Porro ut potentia non sit frustranea, sufficit ut illud mediante lumine gloriæ attingere queat. Sic licet animi in corpore concreta non possit videre Angelum, non sequitur Angelum esse extra sphaeram illius obiecti; potest enim illum videre ut est a corpore separata.

*Ad exemplum allatum*, nego paritatem, quod enim oculus corporeus non possit absolute videre essentiam divinam, non est solum quia essentia est obiectum disproportionatum, sed quia est etiam disparatum, & diversi ordinis tam genericæ quam specificæ. Licet autem intellectus creatus non sit ejusdem ordinis specifici cum essentia divina, siquidem est quid naturale; est tamen intra ordinem genericum, quandoquidem intellectus est & immaterialis, & ad quodcumque verum cognoscendum idoneus; unde potest elevari, ut Deum mediante lumine gloriæ videat. Solutio est D. Thomæ hic a. 4. ad tertium.

*Dices*: Licet sonus sit ordinis naturalis, nequit tamen oculus corporeus elevari ad videndum sonum: ergo si attendatur proportio, etiam intellectus creatus non poterit elevari ad videndum intuitive Deum; quod est erroneum: igitur sicut non obstante distantia potest elevari ad videndum intuitive Deum, ita poterit a pari, non obstante disproportionione illum per vires naturales intueri.

*Respondeo* negando utique & istam paritatem. Ratio est quia oculus in materia totaliter immerfus est, igitur & ad unum singulare determinatus, unde videre sonum nullo modo potest: at vero intellectus est universalis, siquidem est secundum se immaterialis; hinc omne verum attingere potest, naturale quidem viribus innatis, supernaturale vero viribus gratiæ adjutus. Solutio est Divi Thomæ, qui ibidem ad 3. sic loquitur: "Sensus

"visus, quia omnino materialis est, nullo modo elevari potest ad aliquid immateriale; sed intellectus noster vel Angelicus, quia secundum naturam a materia aliquid elevatus est, potest ultra suam naturam per gratiam ad aliquid altius elevari; & hujus signum est quia visus nullo modo potest in abstractione cognoscere id quod in concrezione cognoscit: nullo enim modo potest percipere naturam, nisi ut hanc; sed intellectus noster potest in abstractione considerare quod in concrezione cognoscit."

*Obijcies* 3. Intellectus sufficienter censetur elevari per gratiam sanctificantem quæ residet in anima, & per concursum simultaneum; igitur non requiritur aliud auxilium præter vires naturales.

*Respondeo* 1. quæstionem procedere de intellectu in se relicto, adeoque absque ulla gratia tum sanctificante, tum etiam absque gratia extrinseca, qualis est concursus supernaturalis.

*Respondeo* distinguendo. Intellectus sufficienter elevatur radicaliter per gratiam sanctificantem, concedo: formaliter, nego: hoc enim habet tantummodo per lumen gloriæ, juxta illud Psal. 35. v. 10. *"In lumine tuo videbimus lumen"*. Neque ad hoc sufficit concursus simultaneus; cum enim sit extrinsecus, & se teneat ex parte effectus producendi, manet potentia immediate & formaliter impotens, utpote non proportionata.

*Obijcies* 4. Homo per vires naturales suum potest comparare finem: atqui Deus intuitively visus, est finis illius: igitur homo potest per vires innatas Deum intuitive videre. Major patet; alias homo foret ipsis belluis in conditione deterior, quandoquidem ipsæ per conatum naturæ suum assequuntur finem. Minor est utique Divi Thomæ: nam 3. contra Gentes c. 50. varias asserit rationes, quibus probat hanc visionem esse possibilem tum quia etiam homo habet appetitum naturalem ad visionem Dei, qui quidem appetitus non est frustraneus.

*Respondeo* distinguendo majorem. Homo viribus innatis potest acquirere finem naturalem, concedo; unde non est in conditione belluis deterior, sed potius excellentior, quandoquidem nobiliorem assequitur finem. Homo viribus naturæ potest attingere finem supernaturalem, nego. Similiter distinguo minorem: Deus intuitive visus est finis supernaturalis, concedo: naturalis, nego. Deus ut auctor naturæ est finis naturalis ad quem ho-



homo naturalem habet appetitum, qui certe non est frustraneus, quandoquidem invisibilia Dei per ea quæ facta sunt intellecta conspiciuntur. Porro quando D. Thomas ratione probat visionem Dei esse possibilem, vel loquitur tantummodo de visione Dei abstractiva, & per creaturas comparata: vel si de intuitiva, hanc solum probat possibilem conjecturaliter: simili modo probat generationem Verbi esse possibilem ex isto principio, omne intelligens producit verbum. Quæ quidem probatio, tametsi solum conjecturalis, sufficiebat tamen, ut Gentilibus ostenderet nostra non repugnare mysteria.

*Infablis.* Angelus cognoscendo oculum corporeum, cognoscit naturaliter illum posse attingere omne coloratum; igitur & a simili cognoscendo potentiam hominis intellectivam, cognoscit utique eam posse attingere omne verum, adeoque & Deum ut gratiæ auctorem; maxime vero quia cognoscit intellectum non se habere mere passive respectu visionis beatificæ.

*Respondeo* negando paritatem. Ratio est, quia omne coloratum est ordinis naturalis; unde cum Angelus non solum cognoscat, sed & comprehendat oculum corporealem, cognoscit consequenter omne coloratum posse ab eo attingi: at vero Deus intuitivè visus est supernaturalis veritas, unde neque Angelus sine gratia cognoscere potest intellectum humanum videre Deum, neque intellectus creatus absque lumine gloriæ Deum intuitivè videre potest. Ad probationem, distinguo: intellectus elevatus non se habet mere passive respectu visionis gloriæ, concedo: non elevatus, nego. Igitur Angelus ipse absque elevatione intellectum humanum active se habere respectu visionis beatificæ, cognoscere non valet propter rationem allatam.

## SYNOPSIS PROBATIONUM.

*Intellectus creatus non potest viribus naturæ intuitive videre Deum.*

*Primo:* Quia Deus ut auctor gratiæ omnem naturæ ordinem transcendit.

*Secundo:* Quia media ad videndum intuitive Deum sunt supernaturalia.

*Tertio:* Omnis intellectus creatus est in materia saltem metaphysica concretus; unde sine gratia actum purum in se intueri non valet.

## SYNOPSIS OBJECTIONUM,

*& solutionum.*

*Primo.* Angelus cognoscit quidem divinitatis speculum viribus naturæ, sed hoc intelligitur de speculo Dei ut auctoris naturæ.

*Secundo.* Intellectus elevatur quidem per gratiam & concursum simultaneum, sed tantummodo radicaliter per illam, & solum extrinsece per istum: unde præter ista, opus habet lumine gloriæ ad videndum intuitive Deum.

*Tertio.* Hominem habere appetitum naturalem ad Deum ut auctorem naturæ, ultro fatemur, sed non ad Deum ut gratiæ auctorem: unde intellectus creatus sine auxilio supernaturali Deum intuitive videre non potest.

## ARTICULUS SECUNDUS.

*Utrum Visio Beatifica sit debita homini secundum se considerato, aut saltem esse possit.*

**B**EQUARDI & Beguinæ Dei visionem naturæ humanæ propter suam super bellas excellentiam & elevationem, debitam esse existimabant. Quidam etiam inter Theologos status puræ naturæ possibilitatem, ex quo eruiamus gratiæ gratuitatem, & consequenter visionis beatificæ, abnegare audent. Certum est visionem beatificam esse iusto homini propter ipsius merita debitam, & hoc ex Dei misericordie promissione: sed difficultas est an sit homini secundum se spectato debita, ut volebant Beguardi: contra quos sit

## CONCLUSIO PRIMA.

Visio beatifica est homini secundum se considerato indebita.

*Probatur auctoritate & ratione.*

*Primo, Ex Scriptura sacra.*

**L**EGITUR Psal. 83. v. 12. *Gratiam & gloriam dabit Dominus*; idest, Deus solus est causa gloriæ: igitur nulli debetur creaturæ. Et iterum Psal. 38. v. 7. *sanctam quam nihilum ante te*. Sensus est: homo ha-

habet ex se solummodo nihil naturæ & gratiæ. Succinit Iſaias c. 64. v. 6. *quasi pannus menstruatus, universæ iustitiæ nostræ, inquit.*

Adſtipulatur Apostolus Rom. 11. v. 6. *Si autem ex gratia, jam non ex operibus; alioquin gratia jam non est gratia.* Et primæ Corinth. 4. v. 7. *Quis se discernit? quid habes quod non acceperis? quid gloriaris quasi non acceperis?* Ibidem c. 5. v. 10. *Gratia autem Dei sum id quod sum, & gratia ejus in me vacua non fuit, sed abundantius illis omnibus laboravi; non ego autem, sed gratia Dei mecum.* Item 2. Corinth. 6. v. 1. *Adjuvantes autem exhortamur ne in vacuum gratiam Dei recipiatis.* Ibidem c. 12. *Datus est mihi stimulus carnis Angelus Satanae, qui me colaphizet; propter quod Dominum ter rogavi ut discederet a me, & dixit mihi: Sufficit tibi gratia mea.* Et iterum Ephes. 2. v. 8. *Gratia enim estis salvati per fidem, & hoc non ex vobis: Dei enim donum est.* Ex his omnibus multa eruuntur argumenta, quibus gratuitas gratiæ, & consequenter visionis beatificæ, quæ est gratia consummata, comprobatur.

Quod est Deo proprium & connaturale, non potest esse homini debitum: atqui ex Scriptura, gloria est quid soli Deo proprium. Primo, quia Deus est ens a se, ex quo omnia bona connaturaliter fluunt. Secundo, solus excelsus super omnes Gentes. Tercio, solus purus & sanctus per essentiam; iustitiæ vero hominum velut pannus menstruatus, inquit Iſaias. Quarto, gratia est donum: igitur & gloria, quandoquidem media & finis ejusdem sunt ordinis: unde si gratia est indebita, a fortiori finis, seu gloria. Probatur nunc antecedens, videlicet gratiam esse prorsus indebitam. Et vero si esset debita, jam non foret gratia, immo illam orationibus expostulare Paulus edocet: porro quod debitum est, precibus non petitur, inquit Augustinus. Quinto, nemo sese discernere potest, nec aliquid bonum conducens ad vitam æternam se solo facere: igitur sicut gratia est indebita, ita & gloria. Postremo, gratia salvati sumus; igitur visio beatifica non est homini in se relicto debita.

Secundo, *Ex Conciliis, & summis Pontificibus.*

OMNIA Concilia adunata contra Pelagianos, v. g. Diospolitatum, Milevitaneum, Iherosolymitanum, &c.

num, Romanum, definiunt gratiam neque esse homini debitam, neque hominem ex se posse aliquid bonum ad vitam æternam conducens operari. Idem definiunt Innocentius I. & Zosimus. Igitur & gratia & visio beatifica non debentur homini in se relicto. Hoc expresse definiit Concilium generale Viennense; hoc Clemens V. Clementina *Ad nostrum. De Hereticis. Contra Beguardos.*

Tertio, *Ex S. Augustino.*

S. Doctor Serm. 61. de verbis Domini, ait: "Gratia quippe Dei donum est. Donum autem maximum Spiritus sanctus est, & ideo gratia dicitur, quia gratis datur: ideo gratis datur, quia non quasi merces redditur post discussionem meritorum, sed donum datur post veniam delictorum." Rursus Epist. ad Bonifacium: Natura humana, etiam si in illa integritate in qua condita est, permaneret, nullo modo seipsam, Creatore suo non adjuvante, servaret. Et iterum Serm. 1. de verbis Apostoli, ait: "Justificati gratis per sanguinem ipsius, quia gratis, ideo gratia; quia nihil boni feceramus, ut inde talia bona mereremur magis quam non gratis inferretur supplicium." Et adhuc lib. de vera innocentia c. 197. Si debetur, inquit, merces bonis operibus, si sunt, sed gratia quæ non debetur, præcedit ut hanc. Unde sic argumentor ex Aug. Gratia gratis datur: igitur non debetur homini secundum se spectatam visio beatifica, quia non datur, inquit, nisi bonis operibus; non dantur autem bona opera, nisi præcedat gratia quæ gratis datur. Ex eodem, nequidem innocens homo potuisset absque Dei auxilio sese in iustitia conservare, Ergo, &c. Mitto alias sanctorum Doctorum rationes, Hilarii scilicet, Prosperi & D. Thomæ, qui omnes una voce & uno veluti calamo probant gratiæ gratuitatem.

Quarto, *Ex ratione multiplici.*

PRIMA. Quod dependet ex pura Dei voluntate & liberalitate, non est debitum: sed elevatio hominis ad finem supernaturalem, sed gratia quæ est causa visionis, sed ipsa visio Dei intuitiva dependet ex pura Dei voluntate & libe-

T rali-

ralitate : igitur visio beatifica non potest esse debita homini secundum se sine gratia & bonis operibus considerato . Major pater . Probatur minor multipliciter : 1. ex summis Pontificibus , Pio V. Gregorio XIII. qui hanc damnarunt Baji propositionem : *Integritas primæ creationis non fuit indebita humane naturæ exaltatio, sed naturalis ejus conditio* 2. Ex Augustino , qui lib. 3. de libero arbitrio c. 22. sic loquitur contra Pelagianos , qui dicebant regnum cælorum deberi hominibus quos sine peccato esse effutiebant : " Ignorantia & diffinita , cultas , etiam si essent hominis primordiales , diu naturalia ; nec sic culpandus Deus , sed laudandus esset . " Quibus verbis docet liberum fuisse Deo absque sanctitatis læsione condere hominem in statu naturæ puræ , & sine elevatione ad finem supernaturalem . Ratio est , quia hominem secundum se spectatus , & ut pars universi , est sicuti sunt cæteræ creaturæ , idest ordinis naturalis , cui consequenter debetur finis duntaxat naturalis , qui in cognitione Dei abstractiva potissimum siturus est . Ergo elevatio , ergo gratia , & visio beatifica non sunt homini debitæ , sed ex summa & ineffabili Dei misericordia promanant .

*Secunda* sic se habet . Visio est hæreditas filiis adoptivis promissa : sed filii adoptivi ex se non habent jus ad hæreditatem : ergo , &c.

*Tertia* . Visio beatifica est præmium & corona : sed si foret debita homini in se spectato , jam non esset præmium & merces , juxta illud Augustini axiomæ : Merces non imputatur , cui ex jure naturali debetur : ergo , &c.

*Quarta* . Visio intuitiva est supra naturam , quandoquidem , teste Apostolo , Deus inhabitat lucem inaccessibilem : sed quod est supra naturam , est profus indebitum : ergo , &c.

*Quinta & ultima* sic delineatur . Visio est matrimonium mysticum animæ cum Deo , juxta illud Osee 2. c. 2. v. 19. *Sponsabo te mihi in sempiternum* : sed liberum est sponso assumere & eligere sponsam : ergo & Deo dare visionem beatificam , &c.

## CONCLUSIO SECUNDA.

Non est possibilis substantia creata intrinsece supernaturalis , cui connaturaliter debeantur gratia & gloria.

Probatur auctoritate & ratione .

Primo , Ex Scriptura sacra .

**H**ABETUR Isaïæ 48. v. 11. *Gloriam meam alteri non dabo*. Rursus Deuteronomi 32. v. 39. *Videte quod sim solus*. Et Psal. 113. v. 4. *Excelsus super omnes gentes Dominus*. Et iterum Exod. 8. *Ego sum qui sum*. Ex quibus illud conficitur argumentum : Si esset creatura , cui deberetur naturaliter gratia & gloria ; hæc dona non essent Deo propria ; quinimmo velut incassum gloriaretur dicendo : *Ego sum qui sum* : quandoquidem creatura ab ipso foret in beatitudine independens : hinc & cum Lucifero adulando sibi diceret : *Nulius indigeo, super astra ascendam, similis ero Altissimo*. Sed hæc omnia manifestam declarant & contradictionem & blasphemiam . Ergo , &c.

Secundo , Ex Patribus .

*Primus* occurrit Dionysius Alexandrinus , qui l. 1. in Joannem sic loquitur " Creatura quippe & serva natura ad res superiores naturales vocatur solo nutu ac voluntate Patris . "

*Fulgentius* alter est veritatis istius testis , l. de fide ad Petrum c. 3. ubi sic loquitur : " Deus , quia summe bonus est , dedit omnibus naturis quas fecit , ut bonæ sint , non tamen tantum bonæ quantum Creator omnium bonorum , qui non solum summe bonus est , sed etiam summum atque incommutabile bonum . "

*Gregorius* l. 5. *Moralium* c. 25. " Omnis quippe creatura , inquit , quia ex nihilo facta est , & per semetipsum ad nihilum tendit , non stare habet , sed desinere . "

*D. Thomas* hic 1. p. q. 12. a. 1. ad 3. probat conclusionem his verbis : " Dispositio ad formam ignis non potest esse naturalis nisi habenti formam ignis ; unde de lumine gloriæ non potest esse creaturæ naturale , nisi creatura esset naturæ divinæ , quod est impossibile . " Quibus positis , sequitur istud ratiocinium : quod ex puro Dei nutu dependet , non

potest esse creaturis connaturale : atqui gratia & gloria ex puro Dei placito dependet, juxta illud Scripturæ : *Gratiam & gloriam dabis Dominus* : igitur non possunt esse creaturæ connaturales maxime vero quia ex Fulgentio Deus dat sua bona ad mensuram ; ex Gregorio , creatura tendit ex se ad nihilum , & ex D. Thom. nullus potest habere dispositionem ad gratiam , nisi ab ipsa gratia actuali , & Deo donante . Ergo , &c.

### Tertio , Ratione .

IMPOSSIBILIS est creatura quæ sit ejusdem cum Deo immaterialitatis , quæ sit ex natura sua sancta & impeccabilis ; etenim quod est ex nihilo , de se tendit & proprio pondere ad defectum : sed si daretur substantia creata intrinsece supernaturalis , esset hæc omnia , &c. Probat minor . 1. Eisset ejusdem immaterialitatis cum Deo , cum Deus in se visus esset ipsius connaturale obiectum : potentia autem est ejusdem immaterialitatis cum suo primario & connaturali obiecto , utpote ejusdem cum ipso ordinis . 2. Foret etiam ex sua natura , sancta ; sanctitas enim est a gratia : gratia autem ab illa creatura naturaliter promanaret . Idem dicendum de impeccabilitate , quæ est gratiæ proprietas : igitur si daretur substantia creata intrinsece supernaturalis , foret ejusdem immaterialitatis cum Deo , esset essentialiter & intrinsece sancta & impeccabilis ; immo inde sequeretur quod nihil foret supernaturale , quia nihil existeret supra naturam , sed cuncta ab ea profluerent .

### *Solvuntur objectiones contra primam Conclusionem militantes .*

**Officies 1.** Gen. 1. v. 7. homo dicitur factus ad Dei imaginem : sed omnes prototypi dotes debentur imagini : igitur gratia & gloria debentur homini .

**Respondeo** distinguendo majorem : homo est ad imaginem Dei formatus , analogice , concedo : univoce , nego . Imago duplex distinguitur ; una analogica , univoce altera . Analoga participat solum in aliqua linea prototypi perfectiones ; univoce vero habet & perfectiones , & ipsam prototypi naturam . Homo dicitur quidem imago Dei secundum memoriam , secundum intellectum & voluntatem : nobiliori vero modo per gratiam : sed utroque modo diminute :

primo quidem modo ex natura rei , sed secundo per misericordiam : unde nec in ordine supernaturali , absque summa in eum misericordia , est imago Dei viva . Ita colligitur ex Aug. qui serm. de Imagine in principio sic loquitur : " Quæ imago , diligentius ex interioris hominis nobilitate consideranda est : 1. siquidem ut sicuti est unus semper , ubique totus (*scilicet Deus*) & omnia vivificans , movens & gubernans , sicut Apostolus confirmat , quod in eo vivimus , movemur & sumus : sic anima in suo corpore ubique tota viget , vivificans illud , movens & gubernans . Est quoque & alia similitudo Trinitatis in ea qua ad imaginem sui conditoris , perfectæ quidem & summx Trinitatis quæ est in Patre , & Filio , & Spiritu sancto , condita est : & licet unus sit illa naturæ , tres tamen in se dignitates habet , idest , intellectum , voluntatem & memoriam , &c.

**Officies 2.** Augustinus loquens de Deo creatore , ait : " Erat condens naturam , & largiens gratiam . " Igitur gratia tuit homini debita . Confirmatur . Adamus in iustitia perseverans , ad posterum transmississet iustitiam originale , ita ut filii nascentes , utique & cum gratia fuissent nati : sed quod est a nativitate , debitum censetur naturæ . Ergo , &c.

**Respondeo** distinguendo : Deus erat largiens gratiam misericorditer , concedo : ex debito , nego : ita August. in omnibus contra Pelagianos operibus : igitur gratia fuisset misericordiæ , & non naturæ donum .

**Ad confirmationem** , distinguo . Posteri Adæ nati fuissent cum gratia ex misericordia quæ voluisset gratiam hominis innocentis transfundi ad filios , concedo : ex debito naturæ , nego . Natura humana est perfecta eo ipso quo habet omnes facultates naturales , & potest suum naturalem assequi propriis viribus finem : homo in puris conditus , potuisset hæc omnia . Gratia igitur non fuisset debita filiis Adæ , ipso perseverante in innocentia , nisi ex patre Dei qui promiserat hoc privilegium innocentiae primi parentis .

**Instatis** . S. Augustinus Enchiridii c. 11. sic habet : " Nihil aliud esset malum , quam naturalium privatio bonorum . " Loquitur de peccato originali quod hominem gratia & donis spoliavit : sed illa vocat bona naturalia : ergo gratia est debita & connaturalis .

*Respondeo* distinguendo : & ibi Aug. illud vocabulum, *naturalium*, sumit pro eo quod habetur ab ortu & nativitate, concedo : pro eo quod est debitum, nego. Cum igitur Adam omnium bonorum in creatione habuerit suppellectilem, merito Augustinus vocat peccatum, *naturalium* privationem bonorum, idest bonorum quæ Adamus in creatione habuerat.

*Oppones* 3. Perfecta sunt Dei opera : atqui line gratia homo non esset perfectus : igitur gratia est homini debita.

*Respondeo* distinguendo : perfecta sunt in sua linea suoque ordine, concedo : perfecta sunt, idest, perfectiones naturam excedentes habere debent, nego. Homo in sua linea & in ratione hominis est perfectus, nec profecto est alius homo specificè perfectior eminentiorve : igitur gratia nullo modo illi debita est, nec nisi misericorditer datur.

*Instabis*. Omnipotentiam & sapientiam Dei decet, hominem in omni linea perfectum condere : igitur supposita hominis creatione, gratia illi debita censenda est.

*Respondeo* distinguendo : decet ex misericordia, concedo : ex debito, nego. Cæterum Dei attributa sufficienter in creatione hominis collucent, puta bonitas, amor, & omnipotentia.

*Dices*. Saltem supposita hominis elevatione ad finem supernaturalem, debita est illi gratia : ergo, &c.

*Respondeo* distinguendo antecedens : est debita ex misericordia & Christi meritis, immo & ipsa elevatio est magnum & pretiosum misericordię argumentum, concedo : debita est ex iustitia, nego.

*Rursus instabis*. Ex D.Th. 1. 2. q. 109. art. 6. facienti quod in se est Deus non denegat gratiam : unde q. 14. de veritate, c. 11. ad primum asserit Deum independentem a nostris meritis conferre nobis media ad salutem conducentia. Ergo gratia est debita, saltem supposita elevatione.

*Respondeo* distinguendo : Facienti quod in se est viribus gratiæ actualis Deus non denegat gratiam sanctificantem, concedo : viribus naturæ, nego. Ita definiere Concilia contra Pelagianos adunata, & est genuinus Divi Thomæ sensus. Ulro etiam cum eodem S. Doctore concedimus Deum nobis dare media sufficientia ad salutem, sed propter dilecti Filii sui merita, nullam vero ex naturæ debito.

*Diluuntur objectiones quæ contra secundam Conclusionem proponuntur.*

**OBJECIONES 1.** Natura Dei per gratiam sanctificantem homini communicatur in ordine accidentali : igitur & potest in ordine substantiali exhiberi.

*Respondeo* negando paritatem : Etenim communicatio per gratiam est solum communicatio secundum quid, communicatio analoga & diminuta ; sed altera foret univoca, quia substantialis esset ; unde creatura ex ratione essentiali & intrinseca haberet omnia dona, immo & respiceret Deum in se, quoad convenit solum Personis Sanctissimæ Trinitatis.

*Instabis*. Verbum substantialiter communicatur Humanitati, ita ut Christus sit vere Deus : igitur Deus potest communicari creaturæ ita specialiter, ut homo sit substantia supernaturalis.

*Respondeo* negando paritatem, propter duo : 1. Verbum solummodo terminat Humanitatem, supplendo vices substantiæ creatæ, quæ est quid incompletum secundum se ; at vero Deus deberet dare & communicare totam suam substantiam formaliter ut completam, sicut communicat suo Filio, quia creatura illa deberet esse substantialiter supernaturalis, scilicet tam secundum naturam, quam secundum subsistentiam. 2. Alia est disparitas : Christus quippe non est Deus secundum naturam humanam, sed per unionem Verbi cum Humanitate ; creatura autem substantialiter supernaturalis, foret Deus per essentialitatem & secundum suam naturam, quandoquidem ab ea fluere ut a fonte conaturali & primævo, omnia attributa Deo essentialia.

*Urgebis*. Proprietas superioris potest univocè communicari inferiori ; sic lux solis communicatur lunæ, & tamen luna non est sol : ergo licet Deus suas communicaret perfectiones specificas creaturæ, ipsa non ideo foret Deus.

*Respondeo* negando antecedens : alias non esset essentialium distinctio, sed confusio ; constitutum rei est simul distinctum, adeoque incommunicabile univocè. Ad exemplum, nego lucem solis communicari univocè lunæ, lux quippe solis non est quæcumque lux, sed lux cum tali & tali virtute quam habet ut fluat a tali natura. Per reflexionem quidem apparet in luna, sed certe aliam & nobiliorem, & ef-

& efficaciorum virtutum habet in sole; desert enim radius ad sodinas virtutem solis, & ibi producit aurum, quod lux non facit in luna. Præterea lux solis non est intrinsece in luna, quæ de se est corpus opacum; sed solum super eam suos reflectit seu emittit radios.

*Insistes.* Non requireretur ut illa substantia supernaturalis esset ejusdem immaterialitatis cum Deo: ergo ruit præcipuum inconueniens ad negandam ipsius possibilitatem. Probatur antecedens. Angelus inferior non est ejusdem immaterialitatis cum Angelo superiori, & tamen illum cognoscit. Ergo a pari, ut creatura esset substantialiter supernaturalis, non requireretur eam esse ejusdem immaterialitatis cum Deo.

*Respondeo* negando antecedens. Ad probationem, nego paritatem, propter duo. 1. Quia Angelus inferior est substantialiter in eadem linea cum superiori; est enim purus spiritus, & forma per se subsistens: creatura vero ex ratione creaturæ est substantia essentialiter Deo inferior: igitur in hypothesi illa creatura non esset creatura. 2. Angelus inferior est ejusdem immaterialitatis univoce generice cum superiori, licet non specificæ, quia est ex natura sua purus spiritus, unde potest cognoscere Angelum superiorem per sua naturam: sed creatura ex se non potest esse univoce ejusdem immaterialitatis cum Deo, nisi sit Deus; si enim est ens ab alio, jam non potest per se & connaturaliter cognoscere ens infinitum in se, ens irreceptum & incircumscriptum.

*Oppones.* Potest creari intellectus, ex quo fluat connaturaliter lumen gloriæ: ergo & potest dari substantia creata, cui gratia sit & debita, & connaturalis. Probat antecedens: intellectus creatus potentiam habet obedientialem, qua subditur omni impressioni agentis infiniti, licet ad quod operatur illud agens, ut supra naturæ vires: igitur virtute illius agentis poterit lumen gloriæ connaturaliter ab intellectu humano profluere. Confirmatur. Dantur accidentia supernaturalia, scilicet fides, spes & charitas, quæ connaturaliter ad gratiam sanctificantem consequuntur. Ergo a pari accedens supernaturale potest ab alio accidenti connaturaliter promanare, proindeque lumen gloriæ ab intellectu creato.

*Respondeo* negando antecedens. Ad probationem, distinguo: intellectus creatus ha-

bet potentiam obedientialem passivam, concedo: activam & immediatam, nego. Prior importat dependentiam ab agente supernaturali cui talis creatura subicitur, unde mere passivæ se habet; recipit quidem causæ superioris impressionem, sed non agit, nec fit potentia activa quæ virtute innata actum producit. Si ergo foret activa, profecto & gratia & lumen gloriæ natura velut a primigenio fonte fluenter, quod est impossibile. Est quod accidentia supernaturalia, puta charitas, dona Spiritus sancti, a gratia sanctificante promanent; sed gratia est ejusdem ordinis cum eis, non implicat igitur ea dona ad eam sequi, ut proprietates ad essentiam. Unum tamen annotes velim, gratiam non esse causam donorum productivam, sed activam. Non eodem modo de lumine gloriæ philosophandum est, in hypothesi quidem quod gratia esset debita, lumen gloriæ a natura connaturaliter promanaret.

*Insabis.* Intellectus divinus potest se communicare in ordine supernaturali, sicut de facto se communicat in ordine naturali absque eo quod creatura sit Deus; & probatur: ista communicatio esset finita, immo & a Deo emendicata: igitur creatura in hypothesi non foret Deus.

*Respondeo* distinguendo: intellectus divinus potest se communicare per gratiam in ordine supernaturali, concedo: sine gratia, nego: immo hoc implicat; si enim communicaret quid supernaturale, jam illud supernaturale non foret naturale. Ad probationem, distinguo: communicatio esset finita in se; hoc enim potius supponitur quam probatur, concedo: esset finita in principio, nego. Lumen gloriæ habet pro causa principali & connaturali solum Deum, propter rationes in probationibus allatas.

*Repones.* Accidentia supernaturalia connaturaliter subiectantur in intellectu: ergo lumen gloriæ potest ab ipso connaturaliter fluere.

*Respondeo* distinquendo ant. idest, inherere, concedo: idest, sunt in subiecto sibi connaturali, subdistinguo: supposita & prævia potentie elevatione, concedo: non supposita, nego. Duo potissimum conveniunt accidenti supernaturali; primum quidem, inherere; alterum vero, esse in connaturali subiecto: inherere, tribuitur eis quatenus accidentia sunt: esse in subiecto, quatenus sunt formæ. Igitur intellectus est subiectum connaturale ejusmodi accidentium ratione gratiæ per quam

elevatur; alias tale non foret, quandoquidem neque habitudinem, neque proportionem ullam cum eis haberet. Sed dato, & non concessio intellectum posse recipere accidentis supernaturale, non inde sequitur fore causam ipsius effectivam principalem. Esto, quod ad primum sufficeret potentia obediencialis, non certe ad secundum; causam quippe suam præcontinere effectum opus est; nemo enim dat quod non habet. Igitur ab intellectu nonnisi elevato lumen gloriæ fluere potest.

*Iterum inquis.* Res spiritualis tam distat a corporea, quam naturalis a supernaturali: sed hoc non obstante, anima est forma corporis: ergo a simili, intellectus poterit esse causa naturalis luminis gloriæ: ergo a pari, &c.

*Respondeo* distinguendo majorem: res spiritualis tam distat a corporea, quam supernaturalis a naturali in ratione entis, concedo: in ratione habitudinis, nego; falsum est enim quod tam distet in ratione habitudinis: immo res corporea se habet ad spirituales ut perfectibile ad suum perfectivum; & potest, immo exigit ab ea perfici, maxime cum anima sit, quid incompletum: igitur exigit uniri corpori ut sue comparati: sed implicat effectum intrinsece supernaturalem, fluere a causa naturali.

*Dices.* Licet lumen gloriæ fluere connaturaliter ab intellectu, non inde sequeretur intellectum esse infinitum: igitur nulla est in hoc implicantia. Probatur antecedens. Homo ut ens naturale, participat Creatoris attributa, quæ sunt infinita, ipse tamen manet semper finitus, ergo a pari, &c.

*Respondeo* negando antecedens: ad probationem, distinguo. Homo attributa Dei participat, puta bonitatem, sapientiam, &c. accidentaliter, concedo: substantialiter, nego: unde non est paritas. Enimvero cum homo participet Creatoris perfectiones solum accidentaliter, participat finito modo, & ideo creatura in suo semper remanet ordine. At vero ut creatura sit substantialiter supernaturalis, duo requiruntur; 1. ut habeat perfectiones specificas & Deo essentielles, nempe esse ens a quo omnia fluunt; 2. illas debet habere substantialiter, ita ut visio beatifica in ipsa sit ipsum suum ens, sicut in Deo est ipse Deus, quod est impossibile.

## SYNOPSIS PROBATIONUM.

*Non potest de potentia absoluta dari creatura, quæ sit substantialiter supernaturalis.*

*PRIMO.* Quia solus Deus dat gratiam; unde & ipsi soli propria & connaturalis esse potest.

*Secundo.* Quia ipse Deus per os Moysis ait: *Gloriam meam alteri non dabo*; quæ quidem verba hunc præ se ferunt sensum: nullum ens præter Deum, est aut esse potest substantialiter supernaturale.

*Tertio.* Quia in hypothesei creatura foret ipse Deus, siquidem gratia ab ea connaturaliter emanaret.

## SYNOPSIS OBJECTIONUM.

### ET SOLUTIONUM.

*PRIMO.* Verbum quidem unitur hypostatice Humanitati sanctæ, sed solum terminando: unde licet Christus sit Deus, non tamen Christi Humanitas.

*Secundo.* Essentia divina etiam unitur in gloria menti Beatorum per modum speciei impetræ & expressæ, sed objective tantum & in esse intentionali; unde non sequitur Beatos per hanc unionem esse substantialiter sanctos, sed tantummodo accidentaliter.

*Tertio.* Attributa Dei, puta sapientia, potentia, immo & gratia, communicantur; iusto, sed non substantialiter, verum potius solum accidentaliter; & ideo iustus totum, hunc sublimem statum habet ab extrinseco.

*Diximus.* etiam gratiam & gloriam esse homini in se relicto. indebitam, siquidem Deus non tenebatur hominem, condere ad finem supernaturalem: plura de hoc momento, dicemus in Tractatu de Gratia.

## ARTICULUS TERTIUS.

*Utrum Beati videant Deum comprehensivè.*

**C**OMPREHENSIO sumitur dupliciter, scilicet & stricte. Late dicit affectionem objecti: stricte dicit cognitionem objecti; ex omni parte adæquatam, ita ut cognoscatur quantum est cognoscibile, tam extensive & secundum id omne quod potest, quam intensive & secundum

id omne quod est. De comprehensione isto modo sumpta impræsentiarum agimus. Anomæi putabant tantam se habere de Deo cognitionem, quam Deus habet de se ipso; contra quos sit

## CONCLUSIO.

Deus est incomprehensibilis absolute  
a creatura.

Probatur auctoritate & ratione.

Primo, Ex Scriptura sacra.

**H**ABETUR Job. 9. v. 10. *Qui magna facit & incomprehensibilia.* Ibidem c. 11. v. 7. *Forſitan veſtigia Dei comprehendis, & uſque ad perfectum Omnipotentem reperis?* Item Pſalm. 8. v. 2. *Magnificientia tua ſuper cælos.* Rurſus Pſalm. 47. v. 1. *Magnus Dominus & laudabilis nimis.* Et Pl. 146. v. 5. *Sapientia eius non eſt numerus.* Jeremize 32. v. 19. *Magnus conſilio, & incomprehensibilis cogitatu.* Unde Eccleſiaſtici 33. v. 34. dicitur: *Ne labores, non enim comprehenditis.* Denique Rom. 11. *O altitudo divitiarum ſapientia & ſcientia Dei! quam incomprehensibilia ſunt iudicia eius, & inſtrigabiles viæ eius!*

Ex his omnibus iſtud eruitur argumentum. Qui facit incomprehensibilia, qui vias tenet inſtrigabiles, qui magnificentiâ ſuper cælos exaltatam habet, qui eſt magnus Dominus, & non poteſt ſatis laudari, quique ab intellectu creato concipi nequit, proſecto eſt incomprehensibilis: atqui ex Scriptura, Deus eſt hæc omnia: ergo comprehendendi non valet. Et vero ſi conſilia & viæ Dei non poſſunt ab Angelo & ab homine comprehendî, a fortiori nec ipſe Deus a mente creata comprehendetur.

Secundo, Ex Conciliis.

CONCILIUM LATERANENSE ſub Innocentio III. capite *Firmiter*, ſic habet: "Simpliciter conſitemur quod unus, verus eſt ſolus Deus, æternus, incomprehensibilis." Et capite *Damnatus*, additur: "Nos, ſacro approbante Concilio, credimus & conſitemur cum Petro (*ſcilicet Lombardo*) quod una ſumma quedam res eſt, incomprehensibilis." Porro Magiſter Sententiarum intelligebat Deum eſſe omnino incomprehensibilem.

*Baſileenſe* eandem confirmat veritatem: ſiquidem anno 1439. quo tempore legitimus aderat Ponſificus, damnavit propoſitionem Auguſtini de Roma, in qua dicebat Hæreticus ille Humanitatem Chriſti comprehendere eſſentiam divinam. Certe ſi ex Concilio, ſancta Humanitas Chriſti nequit Deum comprehendere, idem proſurus dicendum a fortiori de cæteris creaturis.

Tertio, Ex Traditione Patrum.

DIONYSIUS agmen ducet libro de divinis nominibus c. 1. "Neque ſenſus eſt ejus, neque phantasia, neque opinio, neque ratio, neque ſcientia; id eſt, comprehenſiva."

Clem. Alex. l. 7. Hipp. apud Oecumenicum: "Apparuit, inquit, Angelis (*ſcilicet Filiis Dei*) quippe inviſibilem Divinitatis naturam ne illi quidem videbant; id eſt, comprehenſive."

Origenes tertii ſæculi Doctor ſic habet l. 1. Perieſcon. c. 1. "Si quid enim illud eſt, quod ſentire, vel intelligere de Deo potuerimus, multis longe modis eum meliorem eſſe ab eo quod ſenſimus, neceſſe eſt credi."

Cyrillus Hieroſol. Catocheſi 6. "Quid igitur, dicit aliquis, nonne ſcriptum eſt quod Angeli Cælorum vident ſemper faciẽm Patris mei, qui in Cælis eſt? at vident Angeli, ubi ſicut Deus eſt, ſed quatenus ipſi capere poſſunt. Vident igitur Angeli quantum capaces ſunt, & Archangeli poſſunt; Throni & Dominationes plus quam illi primi, minus tamen quam majestas illa mereatur."

Gregorius Niſſenus prioribus ſuſcribit: tam contra Eunomium ſic loquitur: "Non eſt in hominum natura vis ad accuratam perceptionem divinæ ſubſtantia."

Chryſoſtomus ſuffragatur in Homiliis contra Anomæos; in quarta quippe ſic multa concludit argumenta: "Poſtquam nuper oſtendimus Deum incomprehensibilem, etiam ipſis Cherubim & Seraphim; quid reſtat ut oſendamus Dei exquiſitam comprehensionem habere non poſſe Angelos, aut ullam creaturam?"

Epiphanius hæreſi 70. rem totam incomprehensibilitatis explicat his verbis: "Veluti ſi quis per anguſtum foramen cælum aſpiciat, ac dicat: Video cælum;

T 4 „lum;



lum; non utique mentietur: videt enim  
vera cælum. Quod si quis prudenter  
ei dicat: Non vidisti cælum; neque iste  
mentietur: tam enim qui ait vidisse,  
non mentietur, quam qui ei dicit, non  
ipsum vidisse, vera loquitur: quippe  
non vidit illius exporrectionem, neque  
largitudinem. Hoc præclaro exemplo  
probat Deum esse, minime vero comprehensibilem.

Augustinus serm. 8. de verbis Domini  
cap. 3. ait: De Deo loquimur; quid mi-  
rum si non comprehendis? Si enim com-  
prehendis, non est Deus. Sic pia con-  
fessio ignorantiae magis quam temeraria  
professio scientiae: attingere aliquantulum  
mente Deum, magna beatitudo  
est; comprehendere autem omnino im-  
possibile.

Gregorius eodem modo loquitur lib. 18.  
Moral. c. 28. "Videbimus igitur Deum,  
non tamen ita videbimus, sicut videt  
ipse seipsum. Loque quippe dispariter  
videt Creator se, quam videt creatura  
Creatorem; nam quantum ad immensi-  
tatem Dei, quidam nobis nodus præfi-  
gitur contemplationis, quia eo ipso pon-  
dere circumscribimus, quo creatura su-  
mus."

D. Thomas hic ex professo r. p. q. 12.  
art. 7. docet conclusionem his verbis:  
Cum lumen gloriæ, quo perfusi divi-  
ni inveniuntur essentiam, infinitum non  
sit, impossibile est quovis creatum  
intellectum illum comprehendere & ip-  
sum cognoscere, quantum cognoscibi-  
lis est. "In tertiam sent. dist. 14. q.  
1. art. 2. quasiunc. 1. & in quartam  
dist. 49. q. 2. art. 3. idem docet, sed  
præcipue ad Annibaldum dist. eadem  
art. 1. ad 2. "Quando, inquit, essen-  
tia rei cognoscitur secundum modum  
suae cognoscibilitatis, tunc res compre-  
henditur: sed hoc in visione Dei esse  
non potest, quia claritas divinæ essen-  
tiæ, per quam est cognoscibilis, est in-  
finita; modus autem intellectus creati  
videntis non potest esse infinitus, &  
ideo non comprehenditur, non quia to-  
tum non videat, sed quia totaliter non  
videt; videt enim finite-quod de se est  
visibile infinite."

Quarto, Ex ratione multiplici.

PRIMA. Ex Dionysio, non est scien-  
tia adequata de Deo. Ex Clemente, non  
apparuit Angelis beatis secundum id om-

ne quod est tam intensive quam extensi-  
ve. Ex Origene, Deus est adhuc melior  
quam a creatura cogitatur. Ex Gregorio  
Nyss. nullus, sive Angelus, sive homo bea-  
tus, habet sufficientem vim ad habendam  
exquisitam & ex omni parte perfectam de  
Deo cognitionem. Ex Epiphanio, Deus  
videtur totus, sed non totaliter. Ergo  
concludendum cum his, & cum Chrysosto-  
mo, Augustino & S. Thoma, Deum esse  
& ineffabilem, & incomprehensibilem.

Secunda. Deus videtur per lumen glo-  
riæ, & secundum ipsius mensuram; sed  
lumen gloriæ collatum Beatis est quid fi-  
nitum: ergo & visio; effectus enim non  
superat causæ suæ virtutem & efficaciam,  
maxime vero cum potentia intellectiva sit  
utique finita.

Tertia. Nulla potentia ultra suam vir-  
tutem potest agere: igitur cum potentia  
intellectiva & lumen gloriæ sint quid fi-  
nitum, Deum comprehendere nusquam va-  
lent Beati. Probatur consequentia. Com-  
prehensio Dei est visio infinita, siquidem  
est visio Dei omnibus absoluta numeris:  
igitur Sancti Deum comprehendere non  
possunt.

Quarta. Comprehensio objecti est visio  
adequans omnem objecti & quantitatem  
virtualem, & cognoscibilitatis modum: at-  
qui nulla creatura quantumvis elevata hanc  
potest habere de Deo visionem; ergo, &c.  
Probatur minor. 1. Deus est ens a se,  
creatura vero est ens ab alio, & depen-  
dens, adeoque non potest pertingere ad  
quantitatem illius virtuales. 2. Deus est  
ens infinitum & immensum; immo & æ-  
ternum atque incommutabile; creatura  
vero finita, locis circumscripta sicut &  
tempore, immo & mutationi plurimum  
obnoxia: quod autem est finitum essentia-  
liter, nequit cognoscere adequate ens in-  
finitum, æternum & immensum; siqui-  
dem neque tanti entis initium & princi-  
pium, neque essentiam & finem capere  
potest, juxta illud Salomonis de Sapientia  
increata effatum: *Cogitare de illa sensus est  
consummatus*; idest, cæcavit mens, & il-  
lam aut dicere aut cogitare comprehendere  
non valet. 3. Deus est actus purus &  
ineffabilis, & contra vero creatura; unde  
supra dictum est Beatos de Deo verbum  
non posse elicere & producere: si autem  
Deum comprehenderent, utique & cum-  
dem circumscriberent, nam & conceptu  
adequarent; quod quidem est impossibi-  
le. Ergo, &c.

Sol-

## Solvuntur Objectiones.

OBJECIES 1. Ad Philip. c. 3. v. 13. *Sequitur autem, si quomodo comprehendam.* Igitur ex B. Paulo, Beati comprehendunt Deum.

Respondeo distinguendo: sequor ut comprehendam, idest, assequar & possideam, concedo: idest, cognoscam secundum omnem objecti virtutem & quantitatem, nego. Apostolus loquitur de comprehensione late sumpta, & ut sumitur pro simplici assecutione. Solutio est D. Thomæ hic art. 1. ad 1. ubi sic respondet ad argumentum: "Ad primum, dicendum quod comprehensio dicitur dupliciter: uno modo stricte, & proprie secundum quod aliquid includitur in comprehendente, & sic nullo modo Deus comprehenditur nec intellectus, nec aliquo alio; quia cum sit infinitus, nullo finito includi potest, ut aliquid finitum eum infinite capiat, sicut ipse infinitus est, & sic de comprehensione nunc quaeritur. Alio modo comprehensio largius sumitur secundum quod comprehensio insecutioni opponitur; qui enim attingit aliquem, quando tenet ipsum, comprehendere eum dicitur. " At sic Deus comprehenditur a Beatis, secundum illud Cantic. 3. *Tenui eum, nec dimittam.*

Obiectes 2. Prius Corinth. 2. habetur: *Oculus non vidit, nec auris audivit, nec in cor hominis ascendit quæ præparavit Deus his qui diligunt illum: nolis autem revelabis Deus per Spiritum suum; Spiritus enim omnia scrutatur, etiam profunda Dei.* Unde sic arguimur. Comprehendere Deum, est profundius ejus scrutari: atqui Apostolus dicit hæc abscondita se cognovisse per revelationem & spiritum gratiæ, quia spiritus omnia scrutatur, etiam profunda Dei: igitur Beati a fortiori & Deum comprehendunt.

Respondeo distinguendo: comprehendere, est omnia profunda scrutari adæquate, concedo: inadæquate, nego. Omnia quidem scrutatur Spiritus per Sanctos in quibus operatur, sed non cuncta & adæquate cognoscunt Sancti; neque enim omnia scire possibilia, neque ipsam divinæ essentia quantitatem virtutem capere possunt. Apostolus autem est sui ipsius interpretes, Rom. 11. his verbis: *O altitudo divitiarum sapientiæ & scientiæ Dei! quam incomprehensibilia sunt judicia ejus, & investigabiles viæ ejus!* Igitur excludit a creaturis visionem Dei comprehensivam.

*Instabis.* Comprehendere aliquod objectum, est scire quænam sit latitudo, longitudo, & profundum ejus: sed Apostolus sic Deum cognoscebat, immo & sic cognosci docebat, juxta illud Ephes. 3. v. 18. *Ut possitis, inquit, comprehendere cum omnibus sanctis quæ sit latitudo, & longitudo, & sublimitas, & profundum.* v. 19. *Et scire etiam supereminentem scientiæ charitatem Christi, ut impleamini in omnem Dei plenitudinem.* Sed scire omnem Dei plenitudinem, & profunditatem, atque longitudinem, est Deum comprehendere. Ergo, &c.

Respondeo distinguendo: & loquitur Apostolus de fide & revelatione Dominicæ incarnationis, concedo: de comprehensione Dei, subdistinguo: inadæquate, concedo: adæquate, nego. Verba Apostoli idiplum explicant; siquidem fides docet quænam sit longitudo crucis, demonstrando sanguinem Christi fufum esse pro omnium & singulorum hominum salute, quæ sit latitudo, ostendendo merita Christi se extendere ab Oriente ad Occidentem, & ad omnes totius orbis nationes; quod profundum, nobis aperiendo Christi mortem esse pro peccatoribus quantumvis impiis, & Christum spoliasse interos. Cæterum Sancti in omnem Dei implentur plenitudinem, cum vitam assequuntur æternam, quam utique Apostolus alibi vocat plenitudinem ætatis Christi.

Respondeo 2. Iterum, sed aliter distinguendo: comprehendere objectum, est scire latitudinem, longitudinem, & profunditatem tam intensive quam extensive, seu in specie & in individuo, concedo: in genere solum, nego; & sic distincta minore, nego consequentiam. Apostolus per fidem cognoscebat Deum esse infinitum, immensum, sed non infinito modo, sicut nec ipsi Beati cognoscunt. Igitur creatura cognoscit solum in genere, sed non adæquate, virtutem essentia divini quantitatem.

Oppones 3. Clemens Alex. l. Strom. 1. Origenes lib. 6. contra Celsum, Gregorius Nazianzenus orat. 25. & 34. & alii asserunt Beatos comprehendere Deum: & de facto ab omnibus Theologis dicuntur *Comprehensores*. Ergo, &c.

Respondeo distinguendo: comprehendunt Deum late, concedo: stricte, nego. " Si cuti ipitur, inquit Epiphanius, ille dicitur videre cælum, qui illud per foramen tantum intuetur, licet non videat totam ipsius latitudinem; ita Beati dicuntur comprehensores, & compre-

,, hen-

hendere Deum, tametsi finito tantum modo eum intueantur.

*Inflabis.* Habere solummodo partem agri, non est totum possidere agrum: sed Beati ex Apostolo non ex parte cognoscunt Deum; nam primæ Corinth. 13. v. 9. loquendo de viatoribus ait: *Ex parte cognoscimus, & ex parte prophetamus*; quando autem loquitur de Beatis, hæc subiicit: *Cum autem veneris quod perfectum est, evacuabitur quod ex parte est.* Igitur, &c.

*Respondet* negando paritatem: qui enim partem agri solum possidet, altera parte privatur. Hic de facto per fidem ex parte, idest obscure cognoscimus; at vero in gloria videbimus eum sicuti est: ex quo patet Apostolum per vocem istam, *ex parte*, solum distinguere cognitionem obscuram a clara visione: nullatenus vera loquitur de visione comprehensiva. Solutio est D. Thomæ hic art. 7. ad 1. ubi sic ait: " Sic intelliguntur auctoritates Apostoli de comprehensione, intellige late sumpta, & hoc modo comprehensio est una de tribus dotibus animæ, quæ respondet spei, sicut visio fidei, & fructio charitatis; non enim apud nos omne quod videtur, jam tenetur, vel habetur, quia videntur interdum distantia, vel quæ non sunt in potestate nostra, neque iterum omnibus quæ habemus fruimur; vel quia non delectamur in eis; vel quia non sunt ultimus finis nostri desiderii, ut desiderium nostrum impleant & quietent: sed hæc tria habent Beati in Deo, quia & vident Deum ipsum, & videndo tenent sibi ipsum præsentem, in potestate habentes semper eum videre, & tenentes fruuntur sicut ultimo fine desiderium implente.

*Urgetis.* Augustinus Epist. 112. ad Paulinum dicit: " Illud comprehenditur quod ita totum videtur, ut nihil ejus lateat videntem; sed Beati vident totum Deum: ergo, &c.

*Respondet* distinguendo majorem: ut nihil objecti lateat tam quoad entitatem quam quoad intensionem & extensionem virtutis, concedo: quoad entitatem solum, nego. Non sufficit videre objectum, sed requiritur ut videatur secundum ipsius modum, & virtutis quantitatem; modus autem & quantitas virtutis & essentiae divinae est infinitus, ad quem non potest pertere oculus creatus & finitus; unde licet Beati videant totum Deum, non tamen totaliter, quia latet ipsos modus co-

gnoscibilitatis Dei; est enim infinita; unde usque ad illam ascendere non valent.

*Responsio* est D. Thomæ, qui ibidem ad secundum, sic solvit argumentum: " Dicendum, quod non propter hoc Deus incomprehensibilis dicitur, quasi aliquid ejus sit quod non videatur, sed quia non ita perfecte videtur sicut visibilis est; sicut cum aliqua demonstrabilis propositio per aliquam probabilem rationem cognoscitur, non est aliquid ejus quod non cognoscatur, nec subiectum nec prædicatum, nec compositio, sed tota non ita perfecte cognoscitur, sicut cognoscibilis est: unde Augustinus definiendo comprehensionem dicit, quod totum comprehenditur videndo, quod ita videtur, ut nihil ejus lateat videntem, aut cujus fines circumspici vel circumscribi possunt; tunc enim fines alius circumspiciuntur, quando ad finem in modo cognoscendi illam non pervenitur.

*Oppones* 3. Res simplicissima, qualis est Deus, non potest videri, quin tota videatur; alias si quid lateret, videretur per partes: ergo Deus comprehenditur a Beatis, illum quippe totum & intuitively vident.

*Respondet* distinguendo: quin tota videatur entitative, concedo: tota quantitatively, nego. Homo videt Petrum præsentem intuitively, & totum, non tamen totaliter; nec enim videt secreta cordis, nec penetrat ipsius virtutem: sic Beati vident totum Deum, sed non comprehendunt virtutem & quantitatem tum essentiae, tum perfectionum, utpote infinitam.

*Inflabis.* Comprehendere, est videre secundum modum objecti: sed Beati vident modum essentiae divinae; vident enim attributum infinitatis: ergo, &c.

*Respondet* distinguendo minorem: Beati vident modum objecti divini, scilicet infinitatem, & finito modo cognoscunt, concedo: & infinito modo, nego. Vident quidem in genere perfectiones Dei esse infinitas, & non habere terminum, sed eas non ideo comprehendunt. Solutio est D. Th. ibidem ad tertium his verbis: " Dicendum quod totaliter dicit modum objecti, non quidem ita quod totus modus objecti non eadat sub cognitione, sed quia modus objecti non est modus cognoscens: qui igitur videt Deum per essentiam, videt hoc in eo quod infinite existit, ut scilicet ipse infinite cognoscat; sicut aliquis probabiliter scire potest aliquam proposi-

tionem esse demonstrabilem, licet ipse eam demonstrative non cognoscat.

*Insuper.* Ad comprehensionem non requiritur ut objectum cognoscatur secundum omnem suam cognoscibilitatem quantitatē: sed sufficit ut cognoscatur sicuti est in se: atque Beati vident Deum sicuti est, igitur & comprehendunt. Probatur major, in qua est difficultas: nomen comprehensionis a vase aliquid continente & comprehendente desumitur; sed vas fictile, v. g. continet nummum aureum: attamen non adæquat nummi valorem: igitur ut visio sit comprehensio, non requiritur ut adæquet objecti cognoscibilitatem.

*Respondeo* negando majorem: ad probationem, nego paritatem. Disparitas est quod vas comprehendat nummum ratione quantitatis externæ, quam sua superat, unde illum continet & comprehendit; nec enim habet relationem ad valorem nummi: sed comprehensio objecti attenditur secundum ipsius cognoscibilitatem, quam certe non exhaurit visio Beati in objecto divino & infinito: igitur ut sit paritas, sicut quantitas vasis adæquat quantitatem nummi auri, & illum comprehendit, ita quantitas cognoscitivæ virtutis deberet adæquare quantitatem cognoscibilitatis objecti, ut illud comprehenderet; quod cum sit impossibile intellectui creato respectu Dei, semper fide tenendum & dicendum est, Beatos non posse Deum comprehendere.

*Insuper.* Si requiritur ad comprehensionem objecti, ut potentia cognoscitiva adæquet ejus cognoscibilitatem; sequetur Angelum inferiorem, immo & superiorem non comprehendere muscam: absurdum consequens, ergo & antecedens. Probatur sequela quoad utramque partem. 1. Angelus inferior non comprehendit muscam, quia licet illam cognoscat, nobiliori tamen modo cognoscitur ab Angelo superiore. 2. Sed neque Angelus superior comprehendit, quia non comprehendit potentiam obedientialem muscæ; Deus enim potest multa parare mira & miracula in vili creatura, quæ superant captum Angeli: ergo, &c.

*Respondeo* negando utramque sequelam: ad probationem primæ partis distinguo: Angelus superior cognoscit muscam modo nobiliori se tenente ex parte mediæ, concedo: se tenente ex parte objecti, nego. Uterque Angelus comprehendit muscam; sed superior eam cognoscit medio simpliciori, quatenus species habet objectorum universaliores: sic Doctor seu Magister & discipulus eandem cognoscunt conclusionem

Theologicam: sed Doctor unico intuitu & per intelligentiam conclusionem cognoscit in principio; alter vero per fusiorem discursum.

*Ad secundam probationem*, nego Angelum superiorem non comprehendere muscam; licet enim non comprehendat ejus potentiam obedientialem passivam, cum ad hoc requireretur ut comprehenderet Dei omnipotentiam, cui omnis creatura subicitur, comprehendit tamen entitatem naturalem muscæ, & omne quod est in ea.

*Dices.* Saltem essentia divina comprehenditur ab Humanitate Christi: ergo, &c. Probatur antecedens, 1. ex Ilidoro, qui in Exod. cap. 2. ait: "Soli sibi integre nota est Trinitas & Humanitati assumptæ.", 2. D. Thomas 3. p. q. 10. asserit Hominem assumptum cuncta quæ sunt in Deo cognoscere: sed cognitio omnium infert essentia divina comprehensionem: ergo, &c.

*Respondeo* negando antecedens: ad probationem, distinguo: sola sibi Trinitas integre nota est, & Humanitati assumptæ, ratione personæ in qua subsistit, concedo: ratione sui, nego. Ilidorus loquitur de Homine in Christo ratione personæ assumptis, & est sui ipsius interpretis; subdit enim, "quæ est secunda in Trinitate persona." Igitur sensus illius Patris genuinus ille est: Christus ut Deus divinam comprehendit essentiam.

*Ad secundam probationem*, distinguo: Humanitas assumpta cuncta cognoscit possibilia, nego: omnia præsentia & futura, subdividuo: quantum ad numerum scitorum, concedo: quantum ad omnem extensionem & intensionem, nego. Jam vero Humanitas videt illa omnia in Deo, quia Christus est caput omnium: sed Deus plura intensive & extensive cognoscit, siquidem cognoscit quidquid sua omnipotentia potest facere in creaturis præsentibus & futuris; minime vero Humanitas, quia nec comprehendit potentiam eorum obedientialem, nec scit omnia possibilia.

## SYNOPSIS PROBATIONUM.

*Dens non potest comprehendere a creatura, etiam beata.*

*PRIMO.* Quia visio Dei datur Beatis ad mensuram, & secundum luminis gloriæ quantitatem, quod quidem lumen est finitum: igitur & visio.

*Secundo.* Deus non potest circumscribi;

bi; sed si ab intellectu humano comprehenderetur, quibusdam concluderetur terminis.

*Tertio.* Cognitio adaequata objecti infiniti est utique infinita: atqui creatura non est visionis infinitae capax: ergo, &c.

### SYNOPSIS OBJECTIONUM, & solutionum.

*PRIMO.* Scriptum est Deum comprehendere a creatura; sed hoc intelligendum est de comprehensione, quae est objecti & affectus & possessio.

*Secundo.* Videtur etiam Deus totus a Beatis, sed non totaliter, quia creatura non pertingit ad omnem objecti infiniti quantitatem virtutalem.

*Tertio.* Licet ens simplex & indivisibile tam entitative quam metaphysice non cognoscatur, nisi totum videatur; secus, si sit virtualiter multiplex ut Deus.

*Utrum Visio Beatifica sit aequalis in omnibus Beatis.*

**A**EQUALITAS duplex distinguitur, alia specifica, alia accidentalis. Specifica desumitur per ordinem ad objectum; cum enim actus specificentur per relationem ad objectum ad quod tendunt, si respiciant unum & idem formale objectum, erunt omnes idem specifice: sic actus intellectus Petri & Jacobi sunt idem specifice, omnes quippe respiciunt verum: aequaliter vero accidentaliter desumitur ex quibusdam circumstantiis, maxime a quantitate virtutis potentiae, quae quandoque majorem conatum habet circa objectum, quandoque minorem, quandoque etiam in multis: sic potentia vivifica est quidem eadem specifice in juvene & sene, sed diversa accidentaliter; etenim licet ambo videant idem objectum coloratum, tamen fortior est conatus juvenilis quam senilis oculi in objectum. Porro in duobus juvenibus ubi erit aequalis conatus oculi, erit utique visio aequalis, tam accidentaliter, quam essentialiter & specifice.

*Omnes* conveniunt visionem beatificam aequalem esse specifice in omnibus Beatis, quia omnes habent eandem specie & gratiam & charitatem, idem specie lumen gloriae: vident omnes idem formale objectum sicuti est, scilicet Deum: tota igitur

tur difficultas movetur de aequalitate & inaequalitate accidentaliter. Jovinianus, ut dictum est supra, posuit visionem esse in omnibus Beatis aequalem, tam specifice quam intensive & extensive: contra quem sit

### CONCLUSIO.

Visio beatifica non est aequalis intensive & extensive in omnibus Sanctis, sed solum in eis in quibus eadem est quantitas meritorum, eadem quantitas gratiae & luminis gloriae.

*Probatur auctoritate & ratione.*

*Primo, Ex Scriptura sacra.*

**L**EGITUR Matth. 25. *Unus dedit quinque talenta, alii autem duo, alii vero unum, unicuique secundum propriam virtutem.* . . . . Post multum vero temporis venit Dominus servorum illorum, & posuit rationem cum eis; & accedens qui quinque talenta acceperat, obtulit alia quinque talenta, dicens: Domine, quinque talenta tradidisti mihi, ecce alia quinque superlucratus sum; ait illi Dominus ejus; *Enge serve bone & fidelis, quia super pauca fuisi fidelis, super multa te constituam, intra in gaudium Domini tui.* Accessit autem & qui duo talenta acceperat, & ait: Domine, duo talenta tradidisti mihi, ecce alia duo superlucratus sum; ait illi Dominus ejus: *Enge serve bone & fidelis, quia super pauca fuisi fidelis, super multa te constituam, intra in gaudium Domini tui.* Apud Lucam autem cap. 16. servus, cujus mna decem mnas acquisivit, constituitur propter hoc super decem civitates; ille vero, cujus mna acquisivit solum quinque, constituitur utique super quinque civitates. Quae parabola explicat alteram; & utraque secundum Sandorum Patrum interpretationem, explicat diversa stipendia meritorum, adeoque diversos gloriae gradus. Scriptum est adhuc Lucae 7. v. 47. *Remittuntur illi peccata multa, quia dilexit multum; cui autem minus dimittitur, minus diligit.* Igitur ubi est major charitas & amor, ibi majus praemium, & in tempore per remissionem peccatorum, & in aeternitate per majorem gloriam. Rursus Jo. 14. v. 2. *In domo Patris mei, inquit Christus, mansiones multae sunt.* Porro illae diversae mansiones, visionis beatificae inaequalitatem

de-

designant. Paulus eidem suffragatur veritati pluribus in locis, sed maxime 1. Corinth. 3. his verbis: *Unusquisque autem propriam mercedem accipiat, secundum suum laborem*. . . . *Si qui autem superædificat super fundamentum hoc, aurum, argentum, lapides pretiosos, ligna, fenum, stipulam, unusquisque opus manifestum erit. Rursus 2. Corinth. cap. 9. v. 6. Qui parce seminat, parce & metet; & qui seminat in benedictionibus, de benedictionibus & metet.* Et iterum 1. Corinth. 15. mysterium inæqualitatis visionis secundum intensionem & extensionem totum his verbis concludit: *Alia claritas solis, alia claritas lune, & alia claritas stellarum; stella enim a stella differt in claritate; sic & resurrectio mortuorum.* Stella non differt a stella in claritate specifica; omnes enim stellæ sunt claræ, verum potius in eo quod claritas est major vel minor in una potius quam in altera: simili prope modo, teste Apostolo, gloria Sanctorum in omnibus eadem est specificè: omnes enim vident Dei essentiam, vident Personas & attributa; sed est major vel minor intensive, secundum maiorem vel minorem charitatem & amorem.

### Secundo, Ex Conciliis.

CONCILIUM MEDIOLANENSE, anno circiter 389. damnavit Jovinianum propter varios errores, & præcipue quia dicebat visionem beatificam esse in omnibus Sanctis omnimode æqualem.

Tridentinum sess. 6. c. 16. eidem suffragatur veritati: "Bene operantibus usque in finem, & in Deo sperantibus promenda est vita æterna, & tanquam gratia filiis Dei per Christum Jesum meritorie promissa, & tanquam merces est ipsius Dei promissione bonis ipsorum operibus & meritis fideliter reddenda; hæc enim corona illa iustitiæ, quam post suum certamen & cursum repositam sibi esse asserbat Apostolus a iusto iudice sibi reddendam, non solum sibi, sed & omnibus qui diligunt adven-tum ejus." Igitur si gloria ex Concilio Tridentino secundum bonorum operum mensuram datur, si merita sunt diversa in diversis, utique & diversa visio & felicitas est.

### Tertio, Ex Patribus.

HIERONYMUS primus venit in testimonium, quippe qui ex professione refutave-

rit Joviniani errores. In primis lib. 2. totus est in refutatione erroris de æqualitate visionis, quam propugnabat Hæresiarcha; explicans enim verbum 8. primæ ad Corinth. cap. 3. *Unusquisque propriam mercedem accipiet secundum suum laborem*: rursum explanans verbum 13. *Unusquisque opus manifestum erit*; ait: "Si is cuius opus arsit & periit, & damnum sustinuit laboris sui, perdet quidem laboris præmium, sed ipse salvabitur, non tamen absque probatione ignis: ergo is cuius opus manserit, quod superædificavit, sine ignis probatione salvabitur: & inter salvationem & salvationem utique erit diversitas aliqua." Idem explicans verbum 18. c. 9. ejusdem Epistolæ: *Quæ est ergo merces mea? ut Evangelium prædicans, sine sumptu ponam Evangelium, ut non abutar potestate mea in Evangelio,* &c. subdit: "Numquid potest dicere, peccare eos qui vivunt de Evangelio, & qui de sacrificiis participant? &c. Apostolus autem, qui non abutitur hac licentia, sed laborat manibus suis, ne quemquam gravet, & die ac nocte operatur, & ministrat eis qui secum sunt, utique ideo hoc facit, ut plus laborans, plus aliquid mercedis accipiat." B. Polycarpus, ut in Actibus ejus martyrii dicitur, Judicem sic allocutus est: "Merita mea doloris estimatione pensabo; quanto graviora pertulero, tanto majora præmia pensabo." Irenæus lib. 1. cap. 62. "Si plus dileximus . . . . clariores orimus apud Deum." Tertullianus in Scorpiace c. 6. "Quomodo, inquit, multæ mansiones apud Patrem, si non pro varietate meritum? Hilarius in Psal. 64. "Itque non res indifferenti iudicii electio est, sed ex meriti defectu facta discretio est. . . . non ob id bonorum cœlestium spes admittitur, si non omnes ad cohabitationem Dei eliguntur. Plures enim mansiones diversæ dignitatem habitantium præparantur: sed licet diversa sit dignitas, differt enim stella stellæ in gloria; tamen quotquot habitationibus variis licet digni habebuntur, fidei fructum & bonorem cœlestis gloriæ sortientur." Augustinus 1. de sanctis Virg. idem docet, & Tractatu 67. in Joan. sic loquitur: "Multæ mansiones diversæ meritum in una vita æternæ significant dignitates." Alia est enim gloria solis, alia gloria

„lunæ, alia gloria stellarum; stella enim  
„a stella differt in gloria; sic & resurre-  
„ctio mortuorum: tanquam Sancti diver-  
„sas mansiones, diversas claritates, tan-  
„quam in cælo, fortuantur in Regno. „  
„*Ambrosius* l. 5. in *Lucam* col. 86. eum-  
dem loquitur sermonem: „Cum fueris,  
„inquit, in regno cælorum, tunc proce-  
„sus est mansionum; etsi unum regnum,  
„diversa tamen merita sunt in regno cæ-  
„lorum. „

„*Nec prætermiserim Chrysostomum*, qui *Homi-*  
„*ni*, 41. in primam ad *Corinthios* dicit: „Ta-  
„met si in regno cælesti sint omnes, non  
„omnes tamen iisdem potiri præmiis, illa  
„similitudine stellarum; uti nec in gehem-  
„na peccatores omnes eadem tormenta pa-  
„tientur. „ Intellige, significatur.

„*Theodoretus* explicans eundem Apostoli lo-  
cum: „Non omnes, inquit, Iusti ejusdem  
„præmii erunt participes, sed recte factis  
„congruam habebunt remunerationem. „  
„*Suam sententiam* utique dixit *Fulgentius*  
„de *Trinitate*: „Tantum amplius alio in  
„illa vita Deum videbit, quantum am-  
„plius in hac vita eum dilexit, præcep-  
„titque ejus obediens fuit. „

„*Gregorius Papa* l. 4. *Moral.* c. 31., „Quia  
„in hac vita nobis est discretio operum,  
„erit in illa procul dubio discretio digni-  
„tatum, ut quo hic alius alium merito  
„superat, illic alius alium retributione  
„transcendat; unde in Evangelio Veritas  
„dicit: *In domo Patris mei mansiones mul-  
„tæ sunt.* „

„*D. Thomas* his omnibus accedit; nam  
hic 1. p. q. 12. art. 6. ex professo eandem  
docet veritatem; sic enim ait: „Cum vi-  
„dentium divinum essentium unus alio ma-  
„jori lumine gloriæ illustretur, perfectius  
„etiam unus alio ipsam videbit.

Quarto, *Ratione, & quidem multiplici.*

PRIMA generalis est, ex auctoritate  
Patrum, qui probant visionis inæqualita-  
tem ex inæqualitate meritorum, quæ sunt  
diversa in diversis.

Secunda. Poenæ sunt inæquales ex eis-  
dem Patribus, immo & ex Scriptura, jux-  
ta illud *Scripturæ* 6. v. 7. *Potentes potenter*  
*patientur tormenta: fortioribus fortior inflat*  
*cruciatu.* Et illud *Apocal.* 18. v. 7. *Quan-  
tum glorificavit se, & in deliciis fuit, tan-  
tum date illi tormentum.* Sed eadem est lex  
contrariorum: igitur sicut poena inæqua-  
lis est, ita & merces.

Tertia. Deus est causa principalis visionis,  
& telle Apostolo, iustus Iudex qui retribu-  
it unicuique juxta opera ejus; quod qui-  
dem attenditur secundum Iustitiam distri-  
butivam: sed Iustitia vult & exigit ut qui  
pius & laboraverit, & Deo iervierunt,  
majori doneatur præmio: ergo, &c.

Quarta. Deus non est ita injustus, ut obli-  
viscat laboris nostri, ut ait Concilium  
Tridentinum sess. 6. c. 16. „Abundate in  
„omni opere bono, scientes quod labor  
„vester non est inanis in Domino; non  
„enim injustus est Deus, ut obliviscatur  
„operis vestri, & dilectionis quam offen-  
„disit in nomine ipsius. „ Sed si visio fo-  
ret æqualis in omnibus Beatis, obliviscere-  
tur saltem ex parte Deus laborum Iusti,  
quandoquidem ille Iustus majorem non re-  
ciperet mercedem pro exaltatis magnæ &  
diuturnæ poenitentiae laboribus, quam ille  
qui in brevi post peccatorum confessionem  
contritus ad aliam evocaretur vitam, si-  
quidem omnium esset tam intensive quam  
extensive eadem merces, idemque præmium.  
Ergo cum nefas sit Deum aut oblivisci la-  
borum Iusti, aut non compensare secun-  
dum iustitiæ distributivæ apices; dicendum  
est, visionem in Sanctis esse inæqualem;  
ubi sunt inæqualia merita.

Quinta. Sic Deus Patrum-familias compen-  
sat operarios, ut nulli præbeat aut negli-  
gentiæ, aut lupini torporis ansam: sed si  
visio beatifica foret æqualis, hoc eveniret;  
ad quid enim diceret aliquis servare consi-  
lia, cum sufficiant mandata, & æquali  
omnes doneatur præmio? ergo, &c.

Sexta. Causa visionis est gratia sanctifi-  
cans, per quam homo fit filius Dei, &  
hæres regni cælestis, juxta illud *Rom.* 8.  
v. 17. *Si autem filii & hæredes.* Est amor,  
juxta illud *Joan.* 14. v. 23. *Si quis diligit*  
*me, sermonem meum servabit, & Pater meus*  
*diligit eum, & ad eum veniemus, & man-*  
*sionem apud eum faciemus.* Est labor & opus  
misericordiæ, juxta illud *Matth.* 25. v. 35.  
*Ejuri enim, & dedistis mihi manducare,*  
*&c.* Est in tentatione fidelitas, juxta il-  
lud *Apocal.* 2. v. 17. *Vincenti dabo man-*  
*na absconditum, & nomen novum.* Est ipsum  
gloriæ lumen, juxta illud *Psal.* 35. v.  
10. *Et in lumine tuo videbimus lumen.*  
Sed gratia, sed amor, sed opus hominum,  
sed fidelitas & in debellandis Dei hosti-  
bus magnanimitas, sed lumen gloriæ, &  
alia hujusmodi ad vitam æternam condu-  
centia, sunt diversa in diversis; quis e-  
nim rerum æstimator non putet hominem  
fan-

sanctum, qui per totam vitam defudavit, ut & præcepta & consilia observaret, non majorem habuisse gratiam, majorem Dei amorem, fidelitatem in promissis exequendis firmiter, & consequenter majus gloriæ lumen in cælis habere, quam qui vitam solum duxit communem; aut qui post unum aut alterum annum laboris, vita functus est? Ergo, &c.

*Septima.* Gloria datur ut corona: sed major est corona Beatissimæ Virginis, quam corona Apostolorum, & istorum major quam cæterorum Sanctorum; sic enim docet Ecclesia, quæ majori cultu Beatissimam venerat Virginem, quam cæteros cælestis Jerusalem Sanctos; & sic proportionatè discurrendo de Apostolis, postea de Martyribus, &c.

### Solvuntur Objectiones.

**Objectiones I.** Matth. 20. v. 11. legitur de operariis, qui primi ad vineam Domini venerant laboraturi. *Et accipientes murmurabant adversus Patrem-familias, dicentes: Hi novissimi una hora fecerunt, & pariter illos nobis fecisti, qui portavimus pondus diei & æstus.* Querela in eo fundatur, quod ultimi operarii qui tardius venerant, æqualem cum aliis receperint mercedem: igitur visio per istam designata parabolam, est in omnibus Sanctis æqualis.

*Respondeo* distinguendo coniciens: visio est æqualis specificè in omnibus Sanctis, omnes siquidem vident idem objectum, concedo: est æqualis intensive & extensive, nego. Ex Chrysostomo, Homilia 65. Parabolæ secundum distributionem accommodatam intelligendæ sunt. Sensus igitur est, omnes Sanctos salute æterna donari. Ita Hieronymus, qui l. 2. contra Jovinianum col. 548. sic loquitur: "Unus autem denarius non est præmium, sed una vita & una de gehenna liberatio. Et Epist. 146. Et tu, inquit, qui hora sexta conductus es, novissimo invides, cur tecum denarium, idest æqualem consequatur salutem, licet salutis pro labore diversæ sit gloria."

*Respondeo 2.* multos Patres hanc explicare parabolam de vocatione Gentilium, qui post Judæos venientes æqualem consecuti sunt salutem per magnos fidei labores: cui concinit illa Libri Sapientiæ sententia de Justo, qui divino exarsit amore, uno aut altero anno tot comparat merita, quot per multos Justus tepi-

dus acquirit: *Consummatus in brevi*, inquit Sapiens, *explevit tempora multa*. Obmurmuratio autem denotat admirationem; admirati sunt quippe Judæi Gentiles ad fidem Dei conversos sanguinis effusione & martyrio, ad hanc provectos fuisse gloriam, quam Patres veteris Testamenti pro longa operum successione habuerant.

*Oppones 2.* Joan. 3. habetur: *Videbimus eum sicuti est*. Sed visio Dei sicuti est, æqualis in omnibus dicitur. Ergo, &c.

*Respondeo* distinguendo minorem: æqualis est ex parte objecti, concedo, ex parte potentie, nego; diversus enim est diversæ facultatis in objectum conatus. Solutio est D. Thomæ hic qu. 12. art. 6. ad primum: "Cum dicitur, *videbimus eum sicuti est*, hoc adverbium, *sicuti*, determinat modum visionis ex parte rei visæ; ut sit sensus: *videbimus ita eum esse, sicuti est*, quia ipsum esse ejus videbimus, quod est ejus essentia; non autem determinat modum videndi ex parte videntis; ut sit sensus, quod ita perfectus erit modus videndi, sicut est in Deo perfectus modus essendi."

*Inhabis.* Augustinus l. 83. quest. 9. 32. dicit unam rem non posse ab uno magis intelligi quam ab altero, maxime si objectum est indivisibile: sed omnes Beati vident intuitivè Deum: ergo & æqualiter etiam ex parte potentie: alias sequeretur illos qui inter Beatos subtiliori pollent ingenio, magis etiam videre Deum: sed absurdum istud coniciens, ergo & antecedens.

*Respondeo* distinguendo: una res non potest magis intelligi ab uno quam ab altero objective seu entitative, concedo: intensive, nego. Et vero quis neget juvenem objectum aliquid magis intensive & etiam extensive videre, quam senem ætate provectum. Primum duntaxat probat objecti indivisibilitas; ita D. Th. hic ad 2. "Cum enim dicitur quod rem unam unus alio melius non intelligit, hoc habet veritatem, si referatur ad modum rei intellectæ; quia quicumque intelligit rem esse aliter quam sit, non vere intelligit: non autem si referatur ad modum intelligendi, quia intelligere unius est perfectius quam intelligere alterius." Ad confirmationem, nego sequelam; quandoquidem visio non mensuratur secundum naturalem mentis aciem, bene vero secundum lumen gloriæ, quod est in diversis diversum.

*Obicies 3.* D. Augustinus serm. 59. de vcr-



verbis Domini c. 4. ait : " Denarius ille  
" vita æterna est, & in vita æterna om-  
" nes æquales erunt. " Sed vita æterna  
est visio Dei, juxta illud Christi Joan. 17.  
v. 3. *Hæc est autem vita æterna, ut cognos-*  
*cant te solum Deum verum.* Ergo, &c.

*Respondeo* distinguendo ut supra; vita  
æterna est æqualis in omnibus specificæ,  
concedo: intensive, nego. Solutio est ipsius  
Augustini, qui verbis subsequenter sic  
se explicat : " Quamvis enim meritum  
" diversitate fulgebunt, alius magis, alius  
" minus, quod tamen ad vitam æternam  
" pertinet, æqualis erit omnibus; non  
" enim alteri erit longius, alteri brevius,  
" quod pariter sempiternum est, quod non  
" habet finem, nec tibi habebit, nec mi-  
" hi. " Idem repetit 67. in Joan. " Quo  
" urique denario vita significatur æterna,  
" ubi amplius nemo vivit, quoniam vi-  
" vendi non est diversa in æternitate men-  
" sura; sed multæ mansiones diversas me-  
" ritorum in una vita æterna significant  
" dignitates. "

*Institis.* Si visio est inæqualis, qui mi-  
nori donantur, erunt anxii: sed anxietas  
repugnat beatitudini: ergo, &c.

*Respondeo* negando minorem: tum quia  
omnes Sancti vident Deum summum bo-  
num, tum quia omnes vident secundum  
justitiæ mensuram; cum autem singuli flo-  
reant & in æternitate & in charitate Dei,  
nulli inest de majori gloria proximi invidia.

*Dices:* Justitia Christi est causa visionis:  
sed justitia Christi est eadem: ergo, &c.

*Respondeo* distinguendo, est causa effi-  
ciens, concedo: formalis & specificans,  
nego: exigit enim concursus causæ secun-  
dæ, a qua specificatur actus, non qui-  
dem secundum naturalia, ut sacra Facul-  
tas Parisiensis anno 1267. definivit, pro-  
scribendo istam Propositionem: " Cujus  
" meliora fuerint naturalia, necessario ma-  
" jor erit gratia & gloria: " sed secun-  
dum lumen gloriæ.

## SYNOPSIS PROBATIONUM.

*Visio est inæqualis intensive in Beatis.*

*PRIMO:* Quia datur secundum gratiæ  
mensuram.

*Secundo:* Quia datur ut corona.

*Tertio:* Quia datur secundum merita,  
quæ quidem omnia sunt diversa in diversis.

## SYNOPSIS OBJECTIONUM,

### ET SOLUTIONUM.

OMNES auctoritates tum Scripturæ,  
tum Patrum, immo & ipsa ratio denotant  
solum visionem Dei esse in omnibus Bea-  
tis specificæ æqualem, sed non intensive  
& extensive.

## DISSERTATIO QUARTA

D E

## TEMPORE QUO SANCTI DONANTUR

VISIONE BEATIFICA.

*Contra Millenarios.*

UIDAM attendentes ad ficta commenta Judæorum, qui Messiam in temporali Davidis solio aliquando sessurum expectant, in alias etiam impeerunt fabulas, existimantes Justos omnes & Sanctos, licet ab omni labe puros, nihilominus mille annis regnuros fore cum Christo in terris post resurrectionem, ut visione Humanitatis sanctæ quasi gradu quodam pergerent ad visionem Dei intuitivam: sed contra istos Millenarios est illud Christi ad Latronem Lucæ 23. *Hodie mecum eris in Paradiso.*

*Dogma beatitudinis Sanctorum absque ulla mora pro iis qui sunt vel sufficienter ab omni labe puri, cum de hac migrant vita, vel plene ab omni reatu pæne in Purgatorio emendati, quatuor præcipue argumentis comprobatur.*

**PRIMO.** Quia regnum mille annorum est fictitium.

*Secundo.* Quia sanctorum animæ ex hoc mundo ab omni sordē puræ migrantes, non ultra patiuntur in præmio moram.

*Tertio.* Quia nec utique moram aliquam experiuntur animæ illæ, quæ ignis Purgatorii cruciatibus sufficienter emendatæ sunt.

*Quarto.* Quia Joannes XXII. contrarium non definivit.

ARTICULUS PRIMUS.  
HISTORIA CRITICA.  
MILLENARIORUM.

## O R T U S.

**HÆRESIS** Millenariorum sic dicta ex eo quod in primis & subsequētibz sæculis non pauci, etiam inter Patres, animas Justorum cum Agno spatio mille annorum prius in terris, deinde in cælis regnaturas autumarent, ortum habuit & duxit a Papia Hierosolymitano Antistite, & Joannis Evangelistæ auditore percelebri, qui attendens ad quasdam fabulas Judæorum, qui Christum super sedem David, ut iterum restauraretur & renovaretur Jerusalem terrestris, cum gloria & apparatu multo sedere volebant, regno mille annorum cum Agno animas sanctas primo, deinde visione Dei intuitiva donari, veluti Judæis indulgens, concessit; maxime vero cum in capite decimo-octavo Apocalypsis de regno millenario sanctorum cum Agno quædam hæc mentio. Hæc secta potissimum sub Adriano Imperatore, & Xisto I. summo Pontifice, se prodidit circa annum Christi 130.

Verum non una fuit Millenariorum circa istud regnum fictitium opinio & explicatio; quidam enim illud interpretati sunt de spatio quo animæ Justorum e vita migrant, usque ad universalem hominum resurrectionem, quo quidem tempore animæ suæ resurgentes corpora visione Dei donandas esse existimabant; & hæc fuit multorum Patrum sententia: quidam vero regnum istud etiam post ultimum iudicii diem differri consueverunt. Jam vero etiam de bonis istius regni fuit magna inter omnes & disceptatio & dissimilitudo; alii

alii quippe delicias etiam corporeas, quid dicam? immo & obicenas admittere non erubescerent; ita Cerinthus, & ejus sectatores: alii tantummodo spirituales & castas; sic ipse Papias, & inter Patres multi, qui ei adhæserunt.

### PROGRESSUS.

Sicut cancer serpit & crescit in pejus, ita utique hæresis Millenariorum crevit in interitum animarum. Carnales homines, ut suis indulgerent passionibus, ne aut de ipsis erubescerent, aut horrore factorum irretiti peccare cessarent, beatitudinem totam sensualem excogitare, immo & adstruere moliti sunt; hinc & nuptias novas, & mulieres supra modum forma decoras ad omnem usum in regno millenario introducere non erubuerunt. Aliquos in hunc saltem ex parte impigisse errorem tempore Christi enarrat Evangelium. Verum acrius postea exarsit controversia; Cerinthus enim & alii ipsi adhærentes, ut refert Eusebius lib. 3. Hist. Eccl. c. 22. ex professo illum docebant. De Cerintho sic scribit R. P. Alexander sæc. 1. Hist. Eccl. art. 5. "Post resurrectionem carnis humanæ regnum Christi terrestris futurum & Hierosolymis homines carnis cupiditatibus & voluptatibus illecebris servituros effutiebant; & numerum mille annorum in nuptiarum festis & celebritate consumendum: hinc ejus erroris sectatores Chiliastræ, idest Millenarii sunt nuncupati." At de hoc viri cordati erubescerent: hinc soli viri aut stolidi, aut impii per fas & nefas Millenariorum hæresim isto modo propugnare audebant. Quantum vero ad aliam partem, seu ad alium eandem hæresim propugnandi modum, videlicet cum deliciis solummodo spiritualibus, plures & celeberrimos habuit patronos; multi siquidem primorum sæculorum Patres in hoc adhærere Papiæ non dubitarunt, quippe qui vir probus sanctus haberetur. Eo igitur illi sunt, ut virum alias justum, & Joannis discipulum, in hoc puncto non errare pie crederent, maxime vero cum ipse Joannes regnum mille annorum pro animabus sanctorum Agno Dei duce stabilire videatur. Inter eos annumerantur Justinus, Irenæus, Nepos Episcopus in Aegypto, & alii permulti. Eundem renovavit errorem Lutherus.

### INTERITUS, seu PROSCRIPTIO.

Suscitavit Dominus spiritum multorum Patrum, qui decursu sæculorum errorem Millenariorum ubi grassabatur, debellarent. Christus Dominus in principio præmatura sententia stupidam Cerinthi & suorum proscriptis opinionem de obicenis in regno Agni delicias; sic enim habetur Matth. 22. 30. *in resurrectione neque nubent, neque nubentur: sed sunt sicut Angeli Dei in celo.* Dionysius de cœlesti Hier. c. 7. Millenariorum placita vocat hæreticorum fabulam. Eodem stylo censorio illa perstringunt Cajus Romanus apud Eusebium lib. 3. c. 18. Origenes Prologo in Cantica. Sed inter omnes eminet Dionysius Alexandrinus, qui libellum Nepotis Episcopi Aegyptii, Millenariorum erroribus scatentem, duobus aliis operibus infestatus est. Insurrexerunt utique adversus Millenarios Gregorius Nazianzenus orat. 51. & 52. Epiphanius hæres. 77. n. 96. Quid plura? Benedictus XII. Millenariorum opinionem damnavit, & post ipsum Concilium Florentinum. Enimvero summus Pontifex & Concilium Justorum animas, quæ nihil purgandum habent, sine mora Deum in cœlis possidere definiunt. Hæc sententia catholica ubique postea prævaluit.

### ARTICULUS SECUNDUS.

*Utrum detur in terris regnum cum Agno mille annorum pro animabus justis defunctorum, antequam visione Dei intuitum donentur.*

### CONCLUSIO.

Regnum mille annorum in terris cum Agno est fictitium.

*Probatur auctoritate & ratione.*

QUÆ a supremi numinis nutu pendent, comperta fiunt per Scripturam, per Patres, & utique per rationem: atqui ex illo triplici capite constat regnum mille annorum esse fictitium: ergo nullo modo est admittendum.

Probatur primo, Ex Scriptura sacra.

JOAN. 8. v. 36. legitur: *Regnum meum non est de hoc mundo*, inquit Christus. Item LUCÆ 6. v. 33. *Regni ejus non erit finis*. Quod Concilium Constantinopolitanum suo adscivit Symbolo propter Apollinristas, qui regnum mille annorum admitterebant in terris pro sanctis. Rursus LUCÆ 23. v. 43. *Venite*, ait Christus Iustis, *benedicti Patris mei, possidete paratum vobis regnum a constitutione mundi*. . . . *Discedite a me maledicti; Et ibunt hi in supplicium eternum, iusti autem in vitam eternam*. Matth. 22. v. 30. *In resurrectione neque nubent, neque nubentur, sed erunt omnes sicut Angeli Dei*. Joan. 14. v. 17. *Regnum Dei non est esca & potus*. Ex his omnibus lex eruuntur argumenta.

**Primum.** Regnum quod asserunt Millenarii, est regnum Sanctorum cum Agno seu Christo in terris: sed ex Scriptura regnum Christi non est de hoc mundo: igitur regnum mille annorum pro animabus Iustorum in terra fictitium est.

**Secundum.** Regnum de quo controversa vertitur, est regnum mille tantum annorum: sed regnum Christi est, teste Scriptura, sine fine, & regnum omnium seculorum, & Christus dat illud Sanctis suis: sic enim habetur LUCÆ 22. v. 30. *Ut sedeat super thronos, iudicantes duodecim tribus Israel*. Et Matth. 25. *Possidete paratum vobis regnum*. Ergo, &c.

**Tertium.** Illud regnum non est verum, si Sancti donentur beatitudine eadem die qui migrant e vita: atqui hoc quandoque evenit, ut legitur pro Latrone: *Hodie mecum eris in Paradiso*. Ergo, &c.

**Quartum.** Eadem est ratio pro punishmente ac pro mercede, maxime cum Deus proclivior sit ad præmiandum, quam ad puniendum: sed Deus sine mora æternis afficit supplicii improbos morientes: igitur cum eadem sit contrariorum lex, utique nulla interfecta mora, Deus gloria æterna compensat sanctos ab omni reatu poenæ immunes.

**Quintum.** Delicias carnales primi Chilastæ admittunt in isto reyno: sed ex Scriptura Beati in regno Christi neque nubent, neque nubentur; immo, teste Hieronymo, in uxoribus apparet turpitudine; & in Evangelio, omnes erunt sicut Angeli Dei: rursus ex Apostolo, *regnum Dei non est esca & potus*. Ergo, &c.

**Sextum.** Ecclesia nullo decreto, nullaque sententia istud comprobavit regnum. Ergo non est admittendum.

**Secundo, Ex Patribus eadem Minor probatur.**

DIONYSIUS de cœlesti Hierarchia c. 7. vocat opinionem Millenariorum, hæreticorum fabulam.

HIERONIMUS in l. *Pastoris*, docet animas Iustorum ab omni labe puras cito post mortem frui Dei visione.

CLEMENS Romanus in sua ad Corinthios Epist. Ignatius Martyr, Clemens Alexandr. Cyprianus, & alii Patres tum Græci, tum Latini, quorum testimonia in Articulo sequenti referemus, idem docent.

CASSIUS, Romanæ Ecclesiæ Presbyter, qui floruit tertio sæculo, apud Eusebium lib. 3. c. 28. perstringit Cerinum, eo quod regnum mille annorum admitteret, eumque vocat sacrarum Scripturarum hostem & desolatorem.

ORIGENES Prologo in Cantica, vocat illam opinionem, fabulam, eamque irrepressibilem ex sinistra Scripturarum interpretatione asserit; in quantum quidam crederent etiam post resurrectionem fore connubia & mensas cibis carnalibus refertas. Idem l. 2. de principiis c. 12. & alibi refert.

DIONYSIUS Alex. inter omnes celebris est in refutatione Millenariorum; libellum enim Nepotis Episcopi Ægyptii, qui adhærebat Millenariis, duobus libris infectatus est: opusculum etiam adversus Irenæum Millenarium composuit. Ita scribit Eusebius l. 7. c. 24.

EUSEBIUS ipse l. 3. c. 34. vocat opinionem Millenariorum, fabulam: S. Ephrem opuscul. 2. stultam: Basilium pag. 293. ridiculam & fabulosam. Gregorius Nazianzenus oratione 51. & 52. dicit Millenariorum dogmata esse debilia; Epiphanius hæres. 77. n. 36. Scripturis contraria. Hieronymus l. de Scriptoribus Ecclesiasticis c. 18. præfatione in Isaiam, commentariis in caput 31. Jeremiæ, ea ex professo debellat: item Cyrillus Alex. Gennadius, Fulgentius, & alii istos hæreticos eodem modo infestantur.

Probatur eadem minor isto ratiocinio. Illud regnum est fictitium, quod Patres primorum sæculorum non solum non agnoverunt, sed refutarunt: atqui Patres primorum & subsequen- tium sæculorum debellare non cessarunt illud regnum, rejicien-

do opinionem Millenariorum, alii ut fabulam, alii ut hæresim, &c.

### SOLVUNTUR OBJECTIONES.

OBJICIUNT Millenarii vigesimum Apocalypheos caput, quod est apud eos palmarum. In illo capite, inquit, fit mentio de duplici resurrectione: post primam quidem animarum decollatorum regnabunt cum Agno mille annis; post secundam vero, judicium generale fiet, Judice supplicia impiis, præmia vero iustis decernente; sic enim habetur: *Et vidi Angelum descendentem de caelo, habentem clavem abissi, & catenam magnam in manu sua, & apprehendit draconem . . . . qui est diabolus, & ligavit eum per mille annos . . . ut non seducat amplius gentes, donec consummentur mille anni, & post hæc oportet illum solvi modico tempore. Et vidi sedes, & sederunt super eas, & judicium datum est illis, & animas decollatorum propter testimonium Jesu . . . & vixerunt, & regnaverunt cum Christo mille annis: ceteri mortuorum non vixerunt, donec consummentur mille anni. Hæc est resurrectio prima. Beatus & sanctus qui habet in resurrectione prima: in iis secunda mors non habet potestatem, sed erunt Sacerdotes Dei & Christi, & regnabunt cum illo mille annis, & cum consummati fuerint mille anni, solvetur Satanas de carcere suo: & exibit, & seducet gentes quæ sunt super quatuor angulos terræ Gog & Magog, & congregabit eos in prælium, quorum numerus est sicut arena maris, & ascenderunt super latitudinem terræ, & circumerunt castra sanctorum, & civitatem dilectam; & descendit ignis de caelo a Deo, & devoravit eos: & Diabolus qui seducebat eos, missus est in stagnum ignis & sulphuris, ubi & bestia & pseudo-propheta cruciabantur die ac nocte in secula seculorum. Et vidi Thronum magnum candidum, & sedentem super eum, a cuius conspectu fugit terra & caelum, & locus non est inventus in eis. Et vidi mortuos magnos & pusillos, stantes in conspectu Throni, & libri aperti sunt: & alius liber apertus est, qui est vitæ, & iudicati sunt mortui, ex his quæ scripta erant in libris, secundum opera ipsorum: & dedit mare mortuos qui in eo erant: & Mors & Infernus dederunt mortuos suos qui in ipsis erant: & iudicatum est de singulis secundum opera ipsorum. Et Infernus & Mors missi sunt in stagnum ignis. Hæc est mors secunda. Et qui non est inven-*

*tus in libro vitæ scriptus, missus est in stagnum ignis. Atqui, inquit Chiliastræ, iterum atque iterum verbis expressis statuitur regnum mille annorum cum Christo pro sanctis, antequam decernatur eis & gloria & triumphus: atqui hunc habebunt solummodo post iudicium, quando scilicet aperietur liber vitæ, ut eorum discutiantur opera: igitur datur regnum mille annorum; 1. quia de facto in illo capite statuitur; 2. gloria datur post bonorum operum examen, quod fiet tantum in iudicio universali; 3. poena malorum statuitur solummodo post iudicium, iuxta illud quod pro illo tempore dicitur: *Qui non est inventus in libro vitæ scriptus, missus est in stagnum ignis*; e contrario præmium tunc dabitur solum sanctis; 4. si gloria ante hoc tempus daretur sanctis, iudicium generale esset inutile: quæ cum ita sint, admittendum est regnum mille annorum, saltem ante iudicium universale; Chiliastræ dicunt, post resurrectionem.*

*Respondeo 1. opponendo scripturam quam attulimus, quæ omni senota ambiguitate, sanctis Doctoribus sic interpretantibus, excludit regnum mille annorum, quæle a Chiliastris admittitur.*

*Respondeo 2. opponendo ipsum Apocalypheos caput, quod manifeste contrarium est Chiliastris; ipsi enim, teste Irenæo l. 5. c. 35. solum post resurrectionem generalem admittebant regnum mille annorum cum Christo; Joannes vero illud de quo loquitur, statuit ante ipsum generale iudicium: ex quo sequitur, præter iudicium generale, dari particulare ante resurrectionem: nullum enim præmium, quæle est regnum mille annorum cum Christo, conceditur ante bonorum operum discussionem, ut iudicium de eorum valore & meritis fiat. Cum ergo Joannes ponat ejusmodi regnum ante resurrectionem, sequitur iudicium particulare præcedere & ipsum præmium, scilicet regnum mille annorum, & ipsam resurrectionem generalem: unde ruunt penitus cuncta Chiliastrarum fundamenta.*

*Respondeo 3. ad singula momenta; ad primum quidem sic distinguendo: ver regnum mille annorum cum Agno intelligitur gloria quam animæ sanctorum habent in cælis cum Christo; vident enim intuitive & Christum & eternam divinitatem, quæ quidem felicitas a sancto Joanne vocatur resurrectio prima, quatenus Sancti a statu miseræ ad beatam transierunt vitam, concedo: & intelligitur regnum in*

terris possidendum, nego. Eatenus quippe regnum mille annorum gloria prima dicitur, quatenus longo tempore præcedit secundam, videlicet gloriam corporis; non enim semel Scriptura sacra vocem, *mille*, ad significandam longam durationem assumit, ut Deut. 7. 9. & 1. Paral. 16. 15. rursus Psal. 144. 8. ubi sic habetur: *Memor fuit in sæculum testamenti sui, verbi quod mandavit in mille generationes*. In eodem prorsus sensu Augustinus l. 20. de Civ. c. 7. istam interpretatur scripturam, immo & Apocalypseo sententiam. Cæterum secunda resurrectio, est resurrectio perfecta, quæ quidem fiet post iudicium universale per conjunctionem animæ cum corpore. Quod autem glorificatio plena immediate post iudicium futura sit, hoc insinuat Apostolus ad Thess. 4. his verbis: *Nos qui vivimus, qui relinquimus, simul rapiemur cum illis obviam Christo in aera, & sic semper cum Domino erimus: itaque consolamini invicem in verbis istis*. Igitur iusti & cum Christo, & cum Deo Patre erunt: magnum sane consolationis argumentum in eo quod sine mora videbunt intuitive Patrem cum Filio & Spiritu Sancto; post hæc vero Diabolus & Antichristus cum reprobis in inferno includentur pro tota æternitate, neminemque aut offendere aut lædere poterunt. Obiter notandum est, justificationem quandoque etiam resurrectionem vocari, juxta illud Apostoli ad Coloss. 3. v. 1. *Si confurrexistis cum Christo, quæ sursum sunt querite, non quæ super terram*. Igitur cum resurrectio nonnunquam sumatur pro justificatione, a fortiori & poterit sumi pro glorificatione animæ. Ex quo patet Chiliaſtas divini abusus fuisse Scripturam, cum resurrectionis vocem ad solam generalem resurrectionem restrinxerunt.

*Respondeo 4.* ad instantias, & quidem ad primam: regnum mille annorum statuitur Apocalyps. 20. Distinguo: idest, gloria animæ, donec perfectam & integram homo integer habeat, concedo: idest regnum millenarium in terris possidendum, nego.

*Ad secundam.* Gloria datur tantummodo post examen operum in primo & penultimo iudicio faciendum, videlicet cum animi solvitur a corpore; deinde in die iudicii universalis, & hoc solum ad maiorem sanctorum glorificationem, concedo: nullo modo fit die mortis, nego. Duplex examen operum statuitur; aliud particulare, quod est regula iudicii generalis, &

illud fit in die mortis, ita ex Traditione patet; aliud publicum & solemne, ad confirmationem primi, & sanctorum justificationem, & hoc in fine sæculorum, juxta illud Sapientie 5. v. 2. *Videntes turbabuntur timore horribili, & mirabuntur in subitatione insperate salutis, dicentes intra se, penitentiam agentes, & præ angustia spiritus gementes; bi sunt quos habuimus aliquando in derisum: . . . . ecce quomodo computati sunt inter filios Dei, & inter sanctos fors illorum est*.

*Ad tertiam.* Poena statuitur solummodo post iudicium: distinguo: ad maiorem solemnitatem, & iudicii particularis confirmationem, concedo: absolute subdistinguo: poena integra & consummata, concedo: ita ut nulla præcesserit, nego. Poena duplex distinguitur, altera animæ, altera vero corporis & animæ simul. Prima donantur reprobi, prolata iudicii particularis sententia; altera vero post ultimi iudicii oraculum retribuetur. Jam vero post istud iudicium, teste Joanne, omnibus afficientur suppliciiis dæmones, tum quia in terris ultra non dominabuntur, tum quia in lacu inferiori, a quo non amplius egressuri sunt, includentur.

*Ad quartam.* Nego sequi iudicium universale inutile esse, tamen præcesserit primum & particulare, & hoc propter multa momenta. 1. quidem, quia gloria dabitur corpori solum post resurrectionem. 2. Tunc lex Christi astantibus & Angelis & hominibus justificabitur, & reprobi præ angustia spiritus gementes ultro suam confitebuntur culpam, dicendo ut habetur Matth. 25. v. 44. *Domine, quando te vidimus esurientem, aut sitientem, aut hospitalem, aut nudum, aut infirmum, aut in carcerem, & non ministravimus tibi?* &c. 3. Ut electi, qui obsecrati, qui afflicti, & sæpius etiam in opprobriis & tormentis pro amore Christi fuerunt, cum ipso & exaltentur & conglorificentur, juxta illud Psalmistæ: *Nimis honorati sunt amici tui, Deus, nimis confortatus est principatus eorum*.

*Respondeo 5.* ad omnes capituli vigesimi Apocalypseo difficultates, singula momenta breviter explanando, & hoc secundum sensum spiritalem & mysticum, quem textus præ se fert.

*Primo* quidem, Angelus alligans Draconem per mille annos, ut non seducat Gentes, repræsentat Christum, qui suo adventu alligavit fortem armatum, corripiscendo potentiam dæmonis, qui per om-

nam terram etiam apud Judæos ita dominabatur, ut filios & filias suas illi immolarent. Hinc primæ Joan. c. 3. 8. de Christo dicitur: *In hoc venit Filius Dei, ut dissolvat opera diaboli: & merito, omnia quippe, sua in crucem exaltatione traxit; magnificatum est nomen ejus coram Regibus terræ, & in nomine Jesu omne genuflectitur, cælestium, terrestrium, & infernorum.* Mille anni designatæ tempus a morte Christi usque ad secundum ejus adventum; tunc enim diabolus per victoriam crucis ligatus & vinculis obstrictus est, gratia liquidem Christi superabundavit, ubi abundaverat delictum; hinc fracti hostis impetus, hic conversi ad fidem Gentiles, hinc & ipsa crux, teste Augustino, in fronte Regum rutilat: solvetur autem per aliquod temporis spatium Satanas, quia tempore Antichristi licentiam habebit de novo exercendi fideles, & tunc tribulatio tanta erit, qualis non fuit ab initio mundi, inquit Christus, ita ut nisi breviarentur propter electos dies illi, vix salva fieret omnis caro.

*Secundo.* Animæ decollatorum sunt animæ iustorum in pace Christi defunctorum, quæ poenitentia summa, esque continua, Draconem, scilicet Dæmonem, devicerunt; liquidem carnem crucifixerunt cum concupiscentiis; quæ de castra regnant in Cælis cum Christo, & hoc mille annorum spatium, idest usque ad resurrectionem generalem; tempus enim finitum ibi pro indefinito sumitur, quæ loquendi ratio in Scriptura sacra communis & frequens est. Cæteri vero mortui, idest reprobi, ex omni parte mortui censentur, & quia eorum animæ sunt a corpore solutæ, & quia a Deo sunt in perpetuum separatæ, & quia etiam sunt in inferno, ubi stectus ac perpetuus & sempiternus horror inhabitat: iterum tamen vivent vita naturali, quatenus corpori iterum conjungentur in resurrectione judicii, & hoc ut totus homo reprobis luat in æternum pro peccatis commissis poenæ.

*Tertio.* Gloria quam Iusti in exitu, sive mundi, sive purgatorii, recipiunt, est vera, liquidem a B. Joanne conclamantur Beati; maxime vero qui mors secundæ, videlicet inferni, non habet potestatem in eos: ista gloria dicitur atque resurrectio prima, in quantum anima iusti transit a statu miseræ ad æternam felicitatem; resurrectio vero secundæ est gloria animæ, tum corporis, quæ post ju-

dicium & resurrectionem ita completa erit. Reprobi etiam resurgent, sed ut in æternum toti emorianantur, idest, secundum corpus & animam, quatenus animæ decreto dato & publicato, in æternum Deo privabuntur, corpus vero exquisitis cruciabitur tormentis, juxta illud Joan. 5. 29. *Qui mala fecerunt, procedent in resurrectionem judicii, idest in resurrectionem damnationis & supplicii æterni: quod utique in eodem explicat sensu Apostolus primæ Corinth. 15. v. 51. Omnes resurgetis, sed non omnes immutabimur.* Reverti quidem reprobi non immutabuntur: mortui & afflicti resurgent in sempiternum de novo & cruciandi & affligendi; electi vero e contra; sic enim intonat Apostolus: *Seminatur corpus animale, surget spiritale, non quidem amittendo quod erat in se, sed recipiendo quod non habebat, videlicet dotes supra modum gloriosas; scriptum est enim: Iusti autem in perpetuum vivent, & apud Dominum est merces eorum.*

*Instant Chiliasæ.* Regnum de quo B. Joannes mentionem facit, subsequetur ultimum Judicium: sed illud est regnum mille annorum; & probatur. Ibidem v. 4. habetur: *Vidi sedes, & sedentes super eas, & judicium datum est. Ergo, &c.*

*Respondeo* negando minorem: ad probationem, distinguo: & illi sedentes sunt Apostoli, qui cum Christo ut assessores judicabunt in ultimo judicio tribus Israel, concedo: qui regnabunt post judicium subdistinguo: in gloria & in æternum, concedo: in terris solum, & seclusa visione beatifica, nego. Augustinus l. 20. de Civ. Dei c. 9. interpretatur verba Joannis de præpositis Ecclesiæ, qui ligant & solvunt poenitentes, secundum quod convenit cujuslibet statui.

*Solvuntur objectiones ex aliis Scripturæ sacre locis & Patribus depromptæ.*

**OBSCIUNT** Millenarii. Terra Chanaan promittitur Abraham & semini ejus, ut habetur Gen. 13. v. 26. Item Psalm. 131. promittitur filius David sedes patris, si custodierint testamentum Dei: sed Christus est filius Abraham & Davidis, nec tamen possedit, dum inter homines viveret, patrum suorum hæreditatem: igitur cum Sanctis eam post judicium possidere æquum est.

*Respondeo* 1. filios Israel in possessionem habuisse terram Chanaan Abraham unicuique, & filios David sedisse super sedem pa-

patris sui usque ad Christum natum, quandoquidem regnum Judaeorum, penes Judaeum tribum fuit, ut alibi fusius demonstrabimus.

*Respondeo* 2. distinguendo alteram minoris partem: Christus viator patrum suorum non possedit hereditatem temporaliter, concedo: spiritualiter, nego: sua quippe morte & devicit sortem armatum & ejecit foras; quinimmo omnia traxit ad se. Quid plura? In suo secundo adventu judicabit orbem terrarum, & ipsos Angelos, cunctisque per omnia dominabitur in æternum.

*Obijciat* 2. Apocal. 21. 5. de Christo legitur: *Dixit qui sedebat in throno: Ecce nova facio omnia*: sed ista Jerusalem instauratione & renovatio non facta est in Christo, cum erat in terris superflus: igitur fiet post iudicium in regno mille annorum.

*Respondeo* 1. illud argumentum nimis probare. Et vero sequeretur inde Christum ne quidem nunc in caelis regnare, quod aperte divinis adversatur Scriptoribus, quæ illum ad dexteram Patris sedere conclamant.

*Respondeo* 2. distinguendo: Christus restaurabit Jerusalem cælestem reparando ruinas Angelorum, & eorum sedes vacuas per novum electorum genus implendo, concedo: Jerusalem terrestrem, subdistinguo: nova lege qua formavit, qua format quotidie, & formatibque ad consummationem sæculorum fideles qui Deum in spiritu & veritate adorent & colant, concedo: lege carnali, nego. "Venit enim, inquit Fulgentius, ut triumpharet occisus."

*Instabis* Matth. 5. v. 6. habetur: *Beati qui esuriunt & sitiunt iustitiam, quoniam ipsi saturabuntur*. Sed ista saturatio non potest intelligi nisi in regno mille annorum. Ergo, &c. Confirmatur. Ibidem cap. 26. v. 29. legitur: *Non bibam amodo de hoc genimine vitis usque in diem illum: cum illud bibam vobiscum novum in regno Patris mei*. Et cap. 19. v. 29. *Qui reliquerit domum, &c. centuplum accipiet*. Sed in his & aliis ejusmodi sententiis promittitur & mensa, & aliquid a gloria distinctum, quod soli terrestri regno convenit. Ergo, &c.

*Respondeo*, verba allata intelligi de gloria regni cælestis, quæ omnia implet Sanctorum desideria; tanta enim est in videndo Deo felicitas & satietas, ut de hoc cogitare sensus sit consummatus. Porro Spiritus Sanctus rebus quandoque utitur sensibilibus, quæ nobis plurimum placeant, ut promissam indiget beatitudi-

nem, quæ quidem in immensum cunctis superat terrenâ; unde ad eam suspirans Propheta, Psal. 36. v. 17. ait: *Melius est modicum iusto super divitias peccatorum multas*. Et iterum Psal. 83. v. 11. *Elegi abiectionem esse in domo Dei mei, magis quam habitare in tabernaculis peccatorum*. Igitur cuncta ad mystici sensus erutimam mensurari debent.

*Ad istam vero Christi sententiam: Non bibam amodo de hoc genimine vitis, donec illud bibam novum in regno Patris mei*; distinguo: post resurrectionem meam, quando in terris degens in multis argumentis ad meam comprobendam resurrectionem, apparebo vobis, concedo: donec bibam post meam in Cælum ascensionem, nego. Igitur secundum interpretes loquitur Christus de tempore a Resurrectione ad Ascensionem suam, quo quidem spatio non semel apparuit Apostolis, & coram illis manducavit & bibit, ut hac operatione suam irrefragabilem demonstraret resurrectionis veritatem.

*Obijciat* 3. Papias auditor Joannis in Apocalypsim, Iustinus Martyr in Dialogo cum Tryphone, Irenæus lib. 5. adversus hæreses cap. 31. Tertullianus l. de oratori. c. 5. l. de anima c. 34. Lactantius lib. 7. instit. c. 24. Severus Sulpicius in dialogo cui nomen Gallus, & alii probant regnum mille annorum pro animabus Sanctorum in terris possidendum. Ergo est admitendum. Confirmatur. Quod ex traditione procedit, tenendum est, maxime si ex antiquis deducatur Patribus: atqui talis est pro regno mille annorum traditio: ergo, &c.

*Respondeo* Patres quosdam quandoque habuisse nævos, unde nec eorum dictis aut scriptis semper subscribendum est. Porro Papias in litteris sacris, ut multi autumant, non satis versatus, a quibudam illusum est Judæis, quorum suggestionem in errorem Millenariorum impiegit: quia vero & venerabilis ælmodum erat, & sum etiam pro Christi fide effudit sanguinem, ideo multi Patres bona fide secuti sunt errantem: alii tamen fortiter impugnare fabulam de regno mille annorum ejus, ut Dionysius Alex. Eusebius, Hieronymus, Epiphanius, Augustinus, & inter omnes Basilus, qui Epist. 74. ad Episcopos Occidentales de Papiæ scilicet loquitur: "Scriptum est de resurrectione quædam fabulose, immo Judaice composita, in quibus dicit nos iterum ad cultum a lege



præscriptum reverſuros; ita ut iterum & circumcidamur, & ſabbatum obſervemus, & cibis in lege prohibitis abſtineamus, ſacrificiæ Deo offeramus, & in Templo Hieroſolymis adoremus, atque proſus ex Chriſtianiſ Judæi redamur; quibus quidnam poterit ridiculum magis, immo alienius ab Evangelico dogmate dici? „

*Ad confirmationem*, diſtinguo: quod eſt ex traditione divina & Apoſtolica, tenere debemus, concedo: ex traditione humana & fallaci, nego. Traditio quidem, teſte Tertulliano l. de præſcriptionibus hæreticorum c. 21. deſumitur ex eo quod antiquiſ eſt. Enimvero dicit, „ id eſſe Dominicum & verum, quod eſt prius traditum: id autem extraneum & falſum, „ quod ſit poſterior innuiſſum. „ Adde requiri 1. ut quod ex traditione tenetur, ſit univerſaliter receptum; 2. ut Eccleſia non refragetur; quæ quidem duæ conditiones pro regno Millenariorum deſunt. Prima quidem; namque Patres ipſi Papiæ, Juſtino, & Irenæo cœvi contrarium teneo, ut Hermas, Dionyſius, qui putatur Areopagita, Clemens Romanus, Cajus Preſbyter, & alii: altera vero; quia contrarium deſignavit Eccleſia in Concilio Florentino.

## SYNOPSIS PROBATIONUM.

*Regnum Millenariorum eſt fictitium.*

*Primo.* Juxta ipſius Chriſti oraculum, regnum meum non eſt de hoc mundo.

*Secundo.* Regnum Chriſti non habet finem, juxta illud Symboli Nicæni: *Cujus regni non erit finis.*

*Tertio.* Præmiũ a Chriſto Sanctis promiſſum non eſt regnum terrenum, ſed ipſa Dei omnipotentis viſio; ſic enim habetur Matth. 5. *Beati mundo corde, quoniam ipſi Deum videbunt.*

## SYNOPSIS OBJECTIONUM,

### ET SOLUTIONUM.

*Primo.* Apocal. 20. ſermo habetur de regno Millenariorum cum Agno; ſed proſecto Patribus interpretantibus, numerus ille finitus numerum deſignat indefinitum, & ideo ſumitur pro intervallo gloriæ animæ uſque ad gloriã corporis poſt reſurrectionem dandam.

*Secundo.* Patres multos in errorem Mil-

lenariorum impęgiſſe non diſſitemur; ſed ſtandum eſt & traditioni Apoſtolice, & ſummarum Pontificum atque Conciliorum definitionibus, quibus animas Sanctorum nihil purgandum habentes, gloria cœleſti ſine mora donandas eſſe compertum habemus.

*Tertio.* Mentio quidem & menſæ & epularum in regno Chriſti, ſit in Evangelio; ſed hæc figurative & myſtice intelligi debere, ratio Theologica evincit.

## ARTICULUS SECUNDUS.

*Utrum anima Sanctorum ab omni labe puræ, quibus nihil eſt pro peccatis neque in hac, neque in alia vita expiandum, ſtatim poſt mortem videant intuitivo Deum.*

### CONCLUSIO.

Animæ Sanctorum, quibus nihil eſt expiandum, ſtatim poſt mortem & abſque mora, donantur viſione beatifica.

*Probatũ auctoritate & ratione.*

*Primo, Ex Scriptura Sacra.*

**P**rimo. Eccleſiaſtici 11. v. 29. legitur: *Facile eſt coram Deo in die obitus retribueri unicuique ſecundum vias ſuas.* Ibid. v. 28. *In fine hominis denudatio operum ejus.* In primo loco Spiritus Sanctus, ut Juſtus, provocet ad pie operandum, demonſtrat præmiũ dandum ſtatim poſt mortem, dicendo hoc non eſſe Deo impoſſibile; immo facile. In ſecundo, fieri judicium operum aſſeric, & quare? nili ut unusquisque accipiat prout geſſit, præmiũ vel ſupplicium.

*Secundo.* Lucæ 23. 42. Chriſtus Dominus dicit Latroni penitenti: *Hodie mecum eris in Paradiso.* Quæ quidem verba non poſſunt intelligi neque de Paradiso cœleſtri, in quo ſane non fuit Chriſtus, neque de Cœlo Empireo ubi ſunt Beati, quando quidem Chriſtus ſolum poſt quadraginta dies aſcendit & penetravit Cœlos: igitur de viſione beatifica. Ergo, &c.

*Tertio.* Actuum 7. v. 43. S. Stephanus ſic loquitur: *Videò Cœlos apertos, & Jeſum ſtan-tem a dextris virtutis Dei.* In viſio beatifica Chriſti. Poſtea addit: *Domine Jeſu, ſuſcipe ſpiritum meum.* Quibus verbis petit viſionem beatificam divinitatis. Ergo, &c.

*Qua-*

Quarto. Ephes. 4. legitur: *Christus ascendens in altum captivam duxit captivitatem, dedit dona hominibus*. Sed si animarum iustorum, quibus nihil est expiandum, manerent visione Dei privatæ, essent captivæ ea captivitate qua patres antiquæ legis captivi fuerant ante ipsius Christi adventum; quam tamen captivitatem Christum satisfaciendo, tum Cælos adaperiendo, tum etiam Patres in regno ubi sedebat in Cælis, utique sedere concedendo, abstulit. Ergo, &c.

Quinto. Hebr. 12. *Non accessistis, inquit Apostolus, ad montem Sion, . . . sed ad Sion montem & Jerusalem cælestem, & multorum millium Angelorum frequentiam, & Ecclesiam primitivorum, qui conscripti sunt in cælis, & Spiritus iustorum perfectiorum*. Quam sententiam exponit Anselmus de beatitudine & de Ecclesia triumphante. Ergo, &c.

Sexto. Apocal. 7. v. 9. *Hi sunt qui venerunt de tribulatione magna, & laverunt stolas suas & dealbaverunt eas in sanguine Agni: ideo sunt ante Thronum Dei, & servant ei die ac nocte in Templo ejus*. Clare ibi designat S. Joannes animas quibus nihil est expiandum, dicendo suas in sanguine Agni dealbasse stolas: dicit eas esse ante Dei Thronum & in Templo ejus, scilicet in regno Cælorum: subjicit, die ac nocte, live in perpetuum coram Deo assistere. Ergo, &c.

#### Secundo, Ex summorum Pontificum Decretis.

INNOCENTIUS III. c. *Apostolicam*; *Extra. de Presbytero non baptizato*, definit animas sanctorum, quibus nihil est expiandum, nunc frui Dei visione intuitiva.

CLEMENS IV. in quadam Fidei professione ad Palæologum Græcorum Imperatorem directâ ann. 1267. quæ eadem cum Formula Fidei in Concilio Lugdunensi recepta est, asruit iustos visionem beatificam statim ab obitu perfrui. Idem declarant Nicolai III. & IV. idem definit, maturâ prævia discussione, Benedictus XII. in Extravag. *Benedictus Deus*.

#### Tertio, Ex Conciliis.

BUGDUNENSE, in Formula Fidei tum a Græcis, tum a Latinis recepta, sic loquitur: "Credimus illorum animas qui, post sacrum baptismum susceptum, nul-

lam omnino peccati maculam, vel in suis manentes corporibus, vel eisdem exutæ sunt, purgatæ, nec in cælum recipi."

Florentinum sess. ultima in Decreto Unionis, idem declarat & statuit.

Tridentinum sess. 23. sic habet: "Mandat sancta Synodus omnibus Episcopis, & cæteris docendi munus curamque sustinentibus, ut juxta Catholicæ & Apostolicæ Ecclesiæ usum, a primævis Christianæ Religionis temporibus receptum, sanctorumque Patrum consensu, nem, & sacrorum Conciliorum decreta, in primis de Sanctorum intercessionem, invocationem, Reliquiarumque venerationem, & legitimum imaginum usum, fideles diligenter instruant, docentes eos, Sanctos una cum Christo regnantes, orationes suas Deo pro hominibus offerre, bonum atque utile esse suppliciter eos invocare: & ob beneficia impetranda a Deo per Filium ejus Jesum Christum Dominum nostrum, qui solus noster Redemptor & Salvator est, ad eorum orationes, opem auxiliumque confugere. Illos vero qui negant Sanctos æterna felicitate in Cælo fruantes, invocandos esse; aut qui asserunt, vel illos pro hominibus non orare, vel eorum, ut pro nobis etiam singulis orent, invocationem esse idololatram, vel pugnatam cum verbo Dei, adversariæ honori unius mediatoris Dei & hominum Jesu Christi, vel stultum esse in Cælo regnantibus voce vel mente supplicare; impie sentire." His probat sancta Synodus omnibus momentis visionem Dei intuitivam sine dilatione pro Sanctis ab omni labe puris, conferendam.

#### Quarto, Ex traditione Patrum Græcorum & Latinorum.

PRIMUM SÆCULUM. Ex Græcis *Hermas*, cujus meminit Paulus in Epist. ad Rom. l. 3. dicit similitudine 8. n. 3. Justos e viri migrantes, si nihil expiandum habeant, statim coram Deo in Cælis.

Ex Latinis, *Clemens Romanus*, de quo Apostolus etiam mentionem facit in Epist. ad Philipp. c. 4. v. 3. hortando ad patientiam: "Accipiamus, inquit, præ oculis nostris bonos Apostolos. . . Petrus multos sustinuit labores, atque ita Martyr effectus, discessit ad debitum gloriæ locum: Paulus patientiæ præmium obtinuit."

„nuit. His viris, qui divinam vitam du-  
 „xerunt, aggregata est ingens electorum  
 „multitudo. „ Sed locus gloriæ est Cœ-  
 „lum; sed gloria est visio Dei intuitiva:  
 „igitur ex Clemente, Sancti e vita deceden-  
 „tes sine mora fruuntur Deo, si nihil ha-  
 „beant prius in Purgatorio expiandum.

*Secundum seculum. Ex Græcis Ignatius*  
*Epist. ad Rom.* „ Aqua viva, inquit, ma-  
 „nens in me intrinsecus mihi dicit, Veni ad  
 „Patrem. . . . Sinite me puram lucem aspi-  
 „cere; illuc perveniens, homo Dei ero. „  
 „Et iterum: „ Miserabilis sum, donec Deum

„merear adipisci.  
*Dionysius* l. de Eccles. Hierarch. c. 7. pag.  
 1. loquens de Sanctis defunctis: „ Norunt,  
 „inquit, profecto se totos percepturos ex-  
 „actissimum ad Dei speciem, requiem,  
 „cum ad præsentis vitæ finem pervene-  
 „rint, viamque ad immortalitatem suam  
 „e vicino jam clarius intuentes, Divini-  
 „tatis laudant munera, divinaque lætitia  
 „gessiunt, non jam ad deteriora conver-  
 „sionem metuentes, sed parata bona fir-  
 „miter perpetuoque habituros probe no-  
 „scentes. „ Ibidem pag. 3. dicit animas  
 „Sanctorum esse in regione vivorum in sinu  
 „Abrahæ, ubi habent & possident præmia,  
 „quæ oculus non vidit, auris non audivit,  
 „in cor hominis non ascenderunt, quæ præ-  
 „paravit Deus diligentibus se.

*Polycarpus* Epist. ad Philipp. apud Euseb.  
 lib. 2. cap. 36. ait de Paulo, & cæteris  
 „Apostolis: „ Non frustra laborarunt, sed  
 „in fide ac iustitia ingressi, ad locum A-  
 „dæ sibi debitum pervenerunt. „ Paulus  
 „ipse locum sibi ex iustitia debitum in Cœ-  
 „lo affirmat: *Videmus nunc*, inquit, *per spe-*  
*ciem & in enigmate, tunc autem facie ad*  
*faciem.*

*Athenagoras*, in Apologia pro Christianis:  
 „ Perquisi sumus nos hac mortali desin-  
 „tios vita, alteram hac terrestri melio-  
 „rem, nempe cœlestem, esse viaturos, ut  
 „apud Deum, & cum ipso &c. „ Unde  
 „sic refuso. Ignatius dicit se ad Patrem  
 „vocari, lucem puram, solutis vitæ morta-  
 „lis vinculis, se velle recipere. Dionysius  
 „pronuntians ad requiem Christi statim per-  
 „venire Justos ab omni labe puros, ubi bo-  
 „na tanta sunt, quanta nec in cor hominis  
 „ascenderunt. Polycarpus asserit Apostolos  
 „ad debitum præmii locum pervenisse. A-  
 „thenagoras vocat vitam cœlestem, qua San-  
 „cti donantur post obitum. Igitur non re-  
 „gnum terrestris, sed ipsam Dei visionem  
 „intuitivam possident Sancti.

*Tertium seculum. Ex Græcis, Clemente*  
*Alex.* lib. 5. Strom. super ista verba Dei  
 „ad Moysen: *Nemo videbit faciem meam.*  
 „ & *viuet*; ait: „ Clarum est neminem un-  
 „quam vitæ tempore Deum evidenter  
 „comprehendere; qui autem sunt mundo  
 „corde, Deum videbunt, postquam ad  
 „extremum finem pervenerint. „  
*Origenes* l. 6. contra Celsum sic habet:  
 „ Hæbemus Pontificem, maximum dicen-  
 „tem germanis Discipulis electurum se il-  
 „los supra mundana omnia; ait enim:  
 „ *Ut quo ego vado, ibi & vos sitis.* „ Qua-  
 „mobrem post exactos labores hujus vitæ  
 „ac certamina, speramus nos in Cœlum  
 „evaluros. „

*Ex Latinis, Cyprianus* l. de exhort. Mur-  
 tyrii cap. ultimo, sic ait: „ Quis non o-  
 „mnibus viribus elaboret, ut cum Chri-  
 „sto statim gaudeat? ut post tormenta &  
 „supplicia terrena, ad præmia divini  
 „perveniat. . . . Clauduntur oculi in  
 „persecutionibus terræ, sed patet Cœ-  
 „lum, minatur Antichristus, sed Domi-  
 „nus Christus tuetur, mors infertur, sed  
 „immortalitas sequitur; occiso mundus  
 „eripitur, sed restituito Paradisus exhibe-  
 „tur; vita temporalis extinguitur, sed  
 „æterna reparatur. Quanta est dignitas:  
 „ & quanta securitas, exire hinc lætum,  
 „exire inter pressuras & angustias glorio-  
 „siorum; claudere in momento oculos,  
 „quibus homines videbantur & mundus,  
 „ & aperire eosdem statim, ut Deus vi-  
 „deatur & Christus! Tam velociter mi-  
 „grandi quanta felicitas, ut terris repen-  
 „te subtraharis, ut in regnis cœlestibus  
 „reponaris! „ Jam sic argumentor. Vi-  
 „dere intuitive Deum ad extremum vitæ,  
 „videre post exactos labores, videre statim  
 „in regnis cœlestibus, est videre intuitive  
 „sine dilatione & nulla facta mora: atqui  
 „ex istis Patribus, talis est fors Sanctorum:  
 „ergo, &c.

*Quartum seculum. Ex Græcis, Athana-*  
*sius* de vita S. Antonii num. 60. pro certo  
 „habet quod Antonius narrat, scilicet se vi-  
 „disse animam. Ammonis Monachi statim  
 „post obitum in Cœlum evolantem.

*Basilus* homil. in 40. Martyres: „ Vos  
 „non terra occubuit, sed Cœlum susce-  
 „pit, apertæ sunt vobis Paradisi portæ.  
 „Et orat. in Gordium Martyrem: „ Erat  
 „enim affectus, non ut qui in listoris  
 „manus deventurus esset, sed velut An-  
 „gelorum manibus se ipsum commissu-  
 „rus, qui statim ipsum recens manifestum,  
 „assum-

„ assumptum ad beatam vitam translaturum effient. „  
 „ *Gregorius Nazianzenus* orat. in Basilium: „  
 „ Tu obiter e Caelo nos respice, & datam mihi renem debilitatem, & articulo-  
 „ rum dolorem vel jube discedere, „  
 „ vel adjuva & hortare, ita me æquo ani-  
 „ mo ferre, ut hinc demum discedentem  
 „ me in æterna tabernacula recipias, &  
 „ beatam Trinitatem eo quo est modo,  
 „ tecum pariter contemplari valeam. „  
 „ *Gregorius Nyssenus* adimplatur; sic enim  
 „ habet orat. in 3. Ephrem: „ Tu vero as-  
 „ sistens divino altari, vitæque principi,  
 „ & sacrosanctæ una cum Angelis sacri-  
 „ ficans Trinitati, omnium nostrum re-  
 „ cordare, nobisque peccatorum veniam  
 „ impetra. „  
 „ *Ex Latinis Hieronymus* in epist. ad Mar-  
 „ cellam de obitu Læe: „ Nunc, inquit,  
 „ pro brevi labore æterna beatitudine  
 „ fruitur, excipitur Angelorum choris,  
 „ Christum sequitur, & dicit, quæcum-  
 „ que audivimus, vidimus in civitate Do-  
 „ mini virtutum. „ Ex quibus omnibus  
 „ illud efformatur argumentum. Qui orant  
 „ pro nobis in Cælis, quique aggregati sunt  
 „ choris Angelorum in civitate Dei, jam  
 „ fruuntur visione beatifica: atqui ex Patri-  
 „ bus, Sancti sunt cum Angelis in Cælis, im-  
 „ mo & orant pro nobis Deum: ergo: &c.  
 „ *Quintum sæculum. Ex Græcis Epiphanius*  
 „ *Hier.* 78. „ Sancti, inquit, sunt in hono-  
 „ re, quies ipsorum in gloria. Profecto  
 „ hinc in perfectione fors ipsorum in bea-  
 „ tudine, in mansionibus sanctis, tripu-  
 „ dium cum Angelis, dicta in Cælo. „  
 „ *Theodoretus* l. 8. ad Græcos, qui est de  
 „ Martyribus, sic loquitur: „ Si Cælum se-  
 „ des illorum est, qui pie vixerunt, hunc  
 „ profecto finem cursus sui & Martyres  
 „ jam consecuti sunt; his enim migis  
 „ pium esse nihil potest. „ Idem dicit Eu-  
 „ sebius l. 4. v. 15. de S. Polycarpo.  
 „ *Ex Latinis, S. Prosper* l. 1. de vita con-  
 „ templativa c. 1. sic habet: „ Secundum  
 „ Scripturæ sermonem, tota humana vi-  
 „ ta tentatio est super terram: tunc est  
 „ tentatio finiendi, quando finitur &  
 „ pugna, quando post hanc vitam pugna  
 „ succedit secunda victoria, ut omnes mi-  
 „ lites Christi, qui usque in finem vitæ  
 „ præsentis divinitus adjuvi suis hostibus  
 „ infatigabiliter resisterunt, laboriosa sum  
 „ peregrinatione transacta regnent felices  
 „ in patria, cusps hoc erit totum præ-  
 „ mium, ut vitæ contemplativæ simul

„ compos effecta inexplēbiter auctorem  
 „ beatitudinis suæ conspiciat, de illo gau-  
 „ deat, de illo quod speravit obtineat,  
 „ & in eo ad quod sancte vivendo per-  
 „ venerit, sine fine permaneat. „ Ex illis  
 „ Patribus, Sanctorum animæ sunt in hono-  
 „ re, in requie, in patria, in Cælo, ubi  
 „ auctorem vitæ, quem videre concupierunt,  
 „ tandem intuitive vident. Ergo, &c.  
 „ *Sextum sæculum. E Latinis, Fulgentius*  
 „ *serm.* de S. Stephano, sic de eo loquitur:  
 „ Hodie miles de tabernaculo corporis  
 „ exiens, triumphator migravit in Cæ-  
 „ lum. „ Similia dicunt Patres subse-  
 „ quentium sæculorum. Ex septimo sæculo.  
 „ *Gregorius Magnus* l. 4. c. 5. Ex octavo,  
 „ *Damasceus* in historia de Barlaam & Jo-  
 „ saphat. Ex nono, Aimo in caput sextum  
 „ *Apoc.* Ex decimo, *Oecumenius* in caput  
 „ nonum *Epist.* ad Hebr. Ex undecimo,  
 „ *Theophilactus* in caput 23. *Lucæ*, ubi  
 „ sic loquitur: „ Dicendum est idem esse  
 „ Paradisum & regnum Cælorum: nam  
 „ „ Latro est in Paradiso ac regno; alioqui  
 „ „ non frueretur perfecta bonorum parti-  
 „ cipatione. „ His omnibus accedit D.  
 „ *Thomas*, qui 4. contra Gentes c. 91. ex  
 „ professo probat gloriam animæ ad ultimum  
 „ usque diem non differri.

Quinto, Ex Ratione, & quidem  
multiplici.

PRIMA. Quod est de fide definitum in  
 pluribus Conciliis, debet teneri tanquam  
 quid certissimum: sed est definitum de fi-  
 de in Florentino & Tridentino, animas  
 Sanctorum ab omni labe puras, in fine vi-  
 tæ sine mora videre intuitive Deum: ergo  
 de facto ulla absque mora Sancti fru-  
 untur visione beatifica.

Secundo. Illud est certum, quod Ecclesia  
 nobis proponit in canonizatione Sancto-  
 rum: atqui Ecclesia proponit, decernit,  
 & definit per Decretum Canonizationis,  
 Sanctos esse in patria, & frui visione bea-  
 tifica; sic enim loquitur Leo X. in Bulla  
 Canonizationis Sancti Francisci de Paula:  
 „ Ad honorem omnipotentis Dei . . . de  
 „ Fratrum nostrorum speciali consilio &  
 „ assensu, decernimus & definimus, bo-  
 „ næ memoriz Franciscum de Paula,  
 „ ejusdem Ordinis Minorum Institutorem,  
 „ in cælesti Jerusalem inter Beato-  
 „ rum choris jam receptum, æternæque  
 „ gloriæ fuisse condonatum, ac sanctorum  
 „ Confessorum catalogo adscribendum fo-  
 „ re;

re; ipsumque huiusmodi catalogo impræsentiarum adscribamus & eum tanquam Sanctum publice privatimque colendum esse declaramus atque mandamus, statuantes ejus Festum die 2. mensis Aprilis ab universali Ecclesia annuatim celebrandum fore, & ab eo suffragia a Christi fidelibus implorari & expectari posse.

*Tertia.* Qui peregrinantur tantum a Domino, quando corporis ergastulo includuntur, illi vident Deum intuitive, cum sunt a corpore soluti; tunc enim præsentibus sunt cito citius ad Dominum, si nihil expiandum pro peccatis habeant: atqui Sancti solum in hac mortali vita peregrinantur a Domino, quandoque vero eorum animæ ab omni labe puræ exeunt ex hoc mundo: igitur dicendum firmiterque tenendum est animas Sanctorum de hac vita migrantes cito videre Deum intuitive, si nihil habent prius in Purgatorio justitiæ divinæ faciendum satis. Major patet, quia ex Apostolo primæ Corinth. 13. fides & spes evacuuntur post hanc vitam: & sola remanet charitas. Probat minor ex eodem Apostolo, qui secundæ Corinth. 5. sic loquitur: *Dum sumus in corpore, peregrinamur a Domino; per fidem enim ambulamus, & non per speciem, ademus autem, & bonam voluntatem habemus magis peregrinari a corpore, & præsentibus esse ad Dominum.* Et iterum: *Cupio dissolvi, & esse cum Christo.* Christus autem ascendit in Cælum, & ibi permanet, donec veniat judicare vivos & mortuos. Ex quibus sententiis duo potissimum eruantur: primum quidem, dum sumus in corpore corruptibiles, peregrinamur a Domino; secundum vero, quod ademus & voluntatem habemus dissolvi a corpore, & esse cum Christo: Ergo, &c.

*Quarta.* Lex justitiæ petit ut merces detur sine mora mercenario, juxta illud Levitici 9. *Non morabitur apud te opus mercenarii tui usque mane.* Et Prov. 3. *Spes quæ differtur, affligit animam.* Sed gloria debetur Sanctis propter pactum Dei, immo talis remuneratio est actus justitiæ: sic enim loquitur Apostolus secundæ ad Tim. 4. v. 8. *In reliquo reposita est mihi corona justitiæ, quam reddet mihi Dominus in illa die iustus Iudex, non solum mihi, sed & his qui diligunt adventum ejus.* Ergo si Iusti e vita migrant ab omni labe puri, sine mora visione Dei intuitiva donantur, quæ est merces promissa; alias si

essent adhuc in spe, affligerentur, & quidem absque causa, cum supponantur ab omni & culpæ & poenæ reatu immunes. Ista ratio est D. Thomæ, qui 4. contra Gentiles sic loquitur aum. 2. *"In vita ista est status merendi vel demerendi: unde comparatur militiæ & diebus mercenarii, ut patet Job 7. Militia est vita hominis super terram, & sicut mercenarii dies ejus. Sed post statum militiæ & laborem mercenarii, statim debetur præmium ... unde & Levit. 19. dicitur: Non morabitur opus mercenarii tui apud te usque mane. Dominus etiam dicit Joëli ultimo: Cito veloxiter redam vicissitudinem vobis super caput vestrum, Statim igitur post mortem animæ vel præmium consequuntur, vel poenam: tum quia, ut ibidem S. Doct. docet, animæ sunt visionis Dei capaces; tum quia, ut subdit, fuerunt causæ meriti principales, unde inconveniens foret, si corporis iteratam conjunctionem expectarent, ut gloria donarentur æterna.*

*Solvuntur objectiones ex Scriptura sacra desumptæ.*

**OBJECTIONES.** Gloria seu visio Dei est regnum cœlestē: sed illud regnum promittitur solum pro secundo Christi adventu, juxta illud Matth. 25. v. 34. *Venite benedicti Patris mei, possidete paratum vobis regnum.* Agitur ibi de ultimo Judicio; nam subdit Christus: *Esurivi enim, & dedistis mihi manducare;* tum quia omnes Evangelistæ, cum de Justorum remuneratione instituunt sermonem, assignant diem Judicii universalis pro illa comprandæ gloria. Idem habet sanctus Petrus Epist. 2. cap. 2. similiter & Paulus Rom. 2. v. 5. Igitur non est verum dicere animas Sanctorum sine mora videre intuitive Deum in exitu mortis.

Respondeo distinguendo: regnum Dei completum promittitur pro fine sæculorum, concedo: incompletum, nego. Gloria animæ dicitur quidem regnum Dei, sed incompletum est: gloria vero animæ simul cum corpore, completum vocatur: tunc enim homo erit totaliter beatus. De isto solum intelligi debent Scripturæ, cum assument gloriam in Judicio universalis esse donandam; quod autem non excludunt gloriam ab animâ statim atque solvitur a corpore, si sit ab omni

reatu & culpæ & pœnæ pura, patet ex dictis, maxime ex illo Apostoli ad Philipp. cap. 1. v. 23. *Desiderium habens dissolvi & esse cum Christo*. Et vero si gloria danda sorte animæ tantum post resurrectionem, ad quid Apostolus desideraret solutionem a corpore? sed potius animæ cum corpore iteratam unionem concupisceret.

*Objicies* 2. Matth. 28. operarii recipiunt solum ad vesp̄eram denarium pro mercede: sed vesp̄era significat finem sæculorum, denarius vero gloriam: ergo, &c.

*Respondeo* 1. Parabolas non esse quoad omnia quæ continent, adamussim & literaliter explicandas, ut supra monuimus, & ut notat Chrysostomus in caput 20. Matth.

*Respondeo* 2. prædictam Parabolam a multis Patribus intelligi de vocatione Gentilium, qui ad vesp̄eram Legis Moisaicæ venientes, receperunt fidem, & in hoc sensu æqualem cum Judæis gratiam, qui primi laboraverant in vinea Domini, perceperunt. 3. Alii interpretantur de Judicio particulari, & de gloria quæ tunc datur quandoque æqualis ei qui in brevi magna charitate explevit tempora multa, qualis confertur illi qui multis quidem vixit annis, sed non tam serventer suam operatus est salutem. 4. Ab aliis exponitur etiam de gloria completa, scilicet de gloria tum corporis, tum animæ.

*Objicies* 3. Hebræorum 11. de Patribus veteris Legis dicitur: *Hi omnes testimonio fidei probati non acceperunt repromissiones. Deo pro nobis aliquid melius providente, ut non sine nobis consummarentur*. Sed repromissio est gloria, quæ quidem consummabitur solum in fine sæculorum. Ergo Patres nobiscum illam accipient: igitur tantum post Judicii supremi diem.

*Respondeo* distinguendo: nam acceperunt repromissiones sine Christo; namque dilata sunt usque ad primum ejus adventum; tunc enim aperuit Cælos, & Deo quid melius providente, ascenderunt cum Christo in Cælum triumphantes, concedo: dilata sunt usque in diem Judicii, subdistinguo: quoad consummationem, ordinavit enim Deus ut simul nobiscum a dilecto Filio suo hanc publice acciperent, concedo: dilata sunt quoad omnia, nego. Ita Aug. Tractatu 49. in Joan.

„Notanda sunt, inquit Bellarminus l. 1. „de beatitudine Sanctorum c. 3. illa verba: *Ne sine nobis consummarentur*; non

„enim ait, ne sine nobis remunerarentur, sed sine nobis consummatam habeant mercedem.

*Objicies* 4. 1. Joan. 3. habetur: *Scimus quia cum apparuerit, similes ei erimus, quoniam videbimus eum sicuti est*. Sed Christus apparebit solum in fine sæculorum, & tunc tantum similes ei erimus. Rationem reddit, quoniam videbimus eum sicuti est. Igitur ante Judicium universale, animæ Sanctorum non videbunt Deum; namque si jam viderent, jamque utique similes ei essent, quod tamen est contra Apostolum, qui hanc similitudinem rejicit usque ad tempus quo apparebit Christus cum potestate magna ad judicandum orbem terrarum.

*Respondeo* 1. distinguendo: cum apparuerit Christus, similes ei erimus, tam secundum animam quam secundum corpus, quod tunc temporis assimilabitur glorioso Christi corpori: hoc ipsum indigitat Apostolus ad Philipp. c. 3. dicens: *Expectamus Dominum nostrum Jesum Christum, qui reformabit corpus humilitatis nostræ, configuratum corpori claritatis sue*; unde est sermo de beatitudine completa, concedo: similes ei erimus solummodo penes animam, nego. Quid plura? Animæ Sanctorum extenus similes Deo in exitu corporis etiam fieri dicuntur, quatenus tunc temporis vident Deum sicuti est.

*Respondeo* iterum aliter distinguendo: cum apparuerit Christus in hominum conspectu, tunc sane quid erimus & quomodo justii, apparebit; tunc similes Christo facti in gloria, cum ipso judicabimus impios, immo & Angelos malos, concedo: cum apparuerit Christus præcise, nego. Vox, *apparuerit*, non refertur ad Christum tantummodo secundum Apostoli mentem, sed etiam ad nos justos. Similis est ille ad Coloss. 3. locus, ut Beda monet: *Mortui estis, vita vestra abscondita est cum Christo in Deo; cum autem apparuerit Christus vita vestra, tunc & vos apparebitis cum ipso in gloria*. Ex quo sequitur, locum primum intelligi de gloria consummata; nunc autem ignoti sunt impii Sancti, sed in resurrectione apparebit quid sunt justii, quidve peccatores, juxta illud Sapientiæ 5. *Stabunt justii in magna constantia adversus eos qui se angustiarunt... videntes turbabuntur timore horribili, dicentes... ii sunt quos habuimus aliquando in derisum... ecce quomodo computati sunt inter filios Dei*.



*Obijciēs* 5. Apocli. 6. v. 9. legitur : *Vidi subtus altare animas interfectorum propter verbum Dei*. v. 10. *Clamabant voce magna, dicentes : Usquequo, Domine, .... non iudicas & non vindicas sanguinem nostrum de iis qui habitant in terra ?* Sed esse sub altare, est expectare gloriam ; sed petere iudicium & vindictam, designat honoris dilationem usque ad iudicium universale. Ergo, &c.

*Respondeo* 1. Bedam intelligere per altare, Christum, ita ut sensus sit : vidi animas quæ sub Christo duce defenderunt & gloriam Dei, & ejus legem contra mundum, contra diabolum, contra passiones. Sic 2. Machab. 7. Machabæi dicuntur occisi sub testamento Dei, idest, pro testamento Dei, pugnautes duce lege contra principem mundi ; & sic sensus redditur duplex : vidi animas subtus altare, idest pugnautes Christo duce, vel pugnautes pro nomine & gloria Christi : igitur subtus non excludit gloriam.

*Respondeo* 2. distinguendo minorem : esse subtus altare, est expectare gloriam consummatam ; hoc ipsum patet ex eo quod animæ illæ petant iudicium & vindictam ad justificationem & purgationem canonicam omnibus notam quæ quidem usque ad finem mundi reservatur, concedo : est expectare gloriam animæ, nego ; unde post verba in objectionē allata, additur : *Et data sunt illis singule stola alba*. Stola alba significat gloriam partialem, quæ data est animabus Sanctorum, donec Deus publice eorum vindicaret sanguinem, propter quod illis dictum est, *ut requiescerent adhuc tempus modicum, donec compleantur conservi eorum*.

*Obijciēs* 6. 1. Cor. 15. Apostolus probat nullam mercedem expectandam esse, si mortui non resurgunt ; & in hac hypothese homines omnium creaturarum milerimas pronuntiat : *Si mortui non resurgunt, inquit, neque Christus resurrexit. Quod si Christus non resurrexit, vana est fides vestra, adhuc enim estis in peccatis vestris. Ergo & qui dormierunt in Christo, perierunt, si in hac vita tantum in Christo sperantes sumus, miserabiles sumus omnibus hominibus*. Sed ibi merces assignatur solummodo post iudicium universale : igitur gloria nedum corporis, sed & animæ, ad resurrectionis usque tempus rejicienda est.

*Respondeo* distinguendo consequens : si merces seu corona danda est post resurrectionem nostram, concedo : si tantum post

Christi resurrectionem, nego. Scopus Apostoli non est probare dilationem gloriæ animæ iustæ, sed resurrectionem mortuorum contra negantes, ut patet ex ipsius verbis ibidem : *Quomodo quidam dicunt in vobis, quoniam resurrectio mortuorum non est ?* Probat autem istud duplici momento, quia scilicet Christus ipse resurrexit ; deinde quia resurrectio ejus est causa & nostræ justificationis, & nostræ propriæ resurrectionis : justificationis quidem, ait enim : *Si Christus non resurrexit, vana est fides vestra, adhuc enim estis in peccatis vestris*. Et iterum Rom. 4. v. 25. *Traditus est propter delicta nostra, & resurrexit propter justificationem nostram* : resurrectionis vero, juxta illud ad Philipp. 3. *Expectamus Dominum nostrum Jesum Christum, qui reformabit corpus humilitatis nostræ, configuratum corpori claritatis sue*. Igitur gloria Justorum veteris legis dilata est usque ad Resurrectionem & Ascensionem Christi ; sed Justorum gloria profecto non differtur usque ad diem iudicii, nisi sermo sit de completa.

#### Objectiones ex sanctis Patribus.

**OBJICIENS.** Præter Patres qui admittere regnum mille annorum post resurrectionem, sunt alii permulti etiam primorum sæculorum percelebres, qui gloriam animæ differri usque ad ultimum & universale iudicium censent : sic ex constanti traditione patet non statim post mortem Sanctos donari gloria : igitur animæ etiam ab omni labe puræ non vident intuitive Deum in exitu mortis. Probat hæc traditio 1. ex Græcis Patribus. Origenes homil. 7. in Leviticum sic loquitur : " Nondum Sancti receperunt lætitiā suā, nec Apostoli quidem, sed & ipsi expectant ut ego lætitiæ eorum, particeps siam. " Theodoretus in caput 11. ad Heb. " Sanctorum ergo tor & tanta fuerunt certamina, sed hi tamen, nondum coronas acceperunt. " Theophilus in eundem locum : " Sancti, inquit, nihil adhuc cœlestium promissionum sunt assecuti. " Oecumenius in eundem locum sic scribit : " Omnes Sancti, testimonium promeriti, quod per fidem placuerunt Deo, nondum consecuti sunt bona iustis promissa. " 2. Ex Patribus Latinis. Lactantius l. 7. c. 21. " Ne quisquam putet, inquit, animas, post mortem protinus iudicari ; nam, omnia

omnes in una communique custodia continentur, donec tempus adveniat, quo maximus Iudex meritum faciat examen. Victorinus Martyr in caput 6. Apocal. "Animas autem occisorum dicit se vidisse sub ara, id est sub terra . . . in novissimo tempore Sanctorum remuneratio perpetua, & impiorum ventura est damnatio . . . Prudentius in Hymno defunctorum, docet animas Iustorum in exitu mortis abire vel in Paradisum terrestrem, vel in sinum Abraham, quem dives ille ardens longe conspexit; sic enim canit de anima iusta:

*Recubabit ut illa Lazari,  
Quem floribus undique septum  
Dives procul aspiciit ardens, &c.*

Mitto Hilarium, Ambrosium, Augustinum, Chrysostomum, Bernardum, de quibus redibit infra quaestio specialis; unde sic argumentor. Animæ quæ expectant gloriam, quæ nihil receperunt de promissionibus quæ sunt sub terra, certe non vident intuitive Deum in exitu mortis, tamen sint ab omni labe tum culpæ, tum poenæ immunes; sed animæ Iustorum, ex Patribus, expectant gloriam, nihil de promissionibus receperunt, & sub terra jacent: ergo, &c.

Respondeo 1. generaliter traditionem sumendam esse & ex unanimi Patrum consensu, & ex definitione Ecclesiæ: constat autem ex dictis, Patres celebriores tenuisse animas Sanctorum ab omni labe puras sine mora donari visione Dei intuitiva in exitu vitæ præsentis; constat ex multis Patribus primorum sæculorum, qui etiam ex proposito & abjecerunt ut fabulam opinionem Millenariorum, & eam impugnantur; constat denique ex definitione Ecclesiæ.

Respondeo 2. traditionem absolute loquendo, non sumi solum ex scriptis Patrum, sed ex consuetudine perpetua Ecclesiæ; est enim transmissio vitæ vocis oraculo oris ad os alicuius veritatis & dogmatis firmati usu Ecclesiæ: jam vero Ecclesia Christi nunquam credidit tale regnum mille annorum; immo a primis sæculis invocavit Martyres ut cæli concives: licet igitur Patres aliqui contrarium docuerint, nihil in hoc ex traditione illa de veritate istius dogmatis detrahitur; quia tamen nihil adhuc tunc temporis de fide determinatum erat, hæreseos nota illos

infuscare non audeamus, sed eos solum qui post summorum Pontificum & Conciliorum definitionem, in erronea perseverarunt sententia.

Respondeo 3. quandoque Patres fuisse Millenariorum sententiæ propter venerationem erga Papiam, alias virum sanctum, suspensos, aut pendulos circa hoc momentum mansisse, propter opiniones diversas, quarum quælibet suos habebat defensores etiam gravissimos: sed si qua loca dubia & obscura sint in eis, immo & dura per clariora interpretari juvat & conveniens est.

Respondeo 4. in forma distinguendo: sunt alii Patres præter primos, qui docent dilationem coronæ ad finem usque mundi, vocetenus, & re minus examinata atque discussa, concedo: vere exacte, subdistinguo: aliqui & in parvo numero, qui & possunt benigne explicari, concedo: omnes, nego: immo multo plures docent contrarium.

Ad Origenem, dico eum loqui de beatitudine consummata, quandoquidem lib. contra Celsum asserit beatitudinem dari Sanctis post exactos labores: certum est autem nullos esse adimplendis pro Iustis ab omni reatu poenæ puris post mortem, juxta illud Apocal. 14. vers. 13. *Amodo jam dicit spiritus ut requiescant a laboribus suis; opera enim illorum sequuntur illos.*

Ad Theodoretum, similiter respondeo distinguendo: Sancti nondum receperunt coronas completas, scilicet tum pro anima, tum pro corpore, concedo: pro anima simpliciter & solitarie, nego. Cum igitur homo non sit completus, nisi corpus sit cum anima conjunctum, corona pariter non censetur plena, donec Deus coronet corpus sicut coronat & animam: quia vero homo in concreto solum est perfectus, & vocabulum, *sanctus*, dicit concretum, etiam verum est dicere Sanctos nondum recepisse coronam, siquidem vox, *sanctus*, dicit totum hominem: sed bene dicitur in abstracto. Cum igitur anima sit abstractum, vera est ista propositio: animæ Sanctorum jam sunt beatæ, licet in rigore logico dici non possit, Sanctus est beatus, si *sanctus* sumatur ut sonat, videlicet in concreto; in quo tantum sensu loquitur Theodoretus, etenim lib. 8. ad Græcos dicit sedem Martyrum nunc esse Cælum.

Ad Theophilactum, utique distinguo: San-



Sancti in abstracto nihil receperunt de promissionibus, nego. <sup>1</sup> in concreto, subdistinguo: pro corpore, concedo: pro anima, nego: namque in caput 23. Lucæ, dicit bonum Latronem esse in Paradiso, & Paradisum idem esse ac regnum Cælorum: a fortiori dicendum de sanctis Martyribus; qui triumphant coronati in Cælis. Neque vero plus urget Oecumenii auctoritas; eodem enim modo respondendum est, Sancti in concreto nondum receperunt bona promissa, idest, totus homo nondum est beatus, concedo: in abstracto idest anima non est beata, nego. Quod autem hic sit germanus Oecumenii sensus, patet ex ipso, qui sui ipsius interpres, in caput 9. ad Hebræos scribit non solum Christum esse in Cælo, sed etiam, cum illuc ascendit, multos secum adduxisse Patres & Sanctos veteris legis. Porro si Sancti isti nunc sint in gloria, etiam Sancti novæ legis secundum mentem tanti Doctoris, debent ibi & manere & triumphare.

*Ad Prudentium*, distinguo similiter: animæ Sanctorum in exitu mortis abeunt in Paradisum terrestrem mystice sumptum, concedo: terrestrem absolute, nego. Loquitur parabolice Prudentius, quippe qui secundum captum rudiorum, explicat cælum per vocem illam, *Paradisum terrestrem*; Cælum enim potest dici figurative Paradisus terrestris, in quantum Deus plasmaverat ab initio primum hominem, ut ex hoc loco, si fidelis permanisset, transiret ad Cælum: tum quia etiam Cælum successit Paradiso terrestri dato Adæ, in quo sensu potest a Prudentio dici Paradisus terrestris. Quod autem ille Pater non intelligat simpliciter & absolute Paradisum terræ, patet ex duobus: 1. in eodem Hymno dicit animam requiescere in sinu Abraham, ubi est Lazarus, a quo dives guttam aquæ petiit ad refrigerandam linguam; Lazarus autem secundum Evangelium per Angelos sanctos in sinum Abraham (scilicet Dei) translatus est. 2. In alio Hymno in honorem Beatissimæ Virginis hæc canit Prudentius:

*O Virgo felix, o nova gloria,  
Cælestis arcis nobilis incolæ.*

Ad ultimum argumentum distinguo: Sancti expectant coronam completam, & sunt sub terra ratione corporis tantum, nihilque receperunt pro illo, concedo:

expectant coronam animæ, & ista est sub terra, nego.

*Respondeo* denique ipsos Patres quos Millenarii pro se computant, non satis in hoc libi coherere; namque Irenæus l. 1. c. 2. dicit quosdam iustos propter bona opera claritate æterna circumdari. Justinus q. 77. asserit verbis alioquin clarissimis Iudicium fieri post mortem, & Sanctos sine mora coronari, impios vero damnari. Cæterum istas quæstiones non esse Iustini plures autumant; sunt tamen antiquissimæ. adeoque & venerandæ. Audias etiam velim, benevole Lector, Sulpitium epist. ad Aurelium Diaconum de obitu sancti Martini sic loquentem: "Quamquam, sciam virum illum non esse lugendum, cui post devictum triumphatumque sæculum, nunc demum reddita est corona iustitiæ." Quænam, quæso, corona iustitiæ, nisi ea de qua loquitur Paulus, quam in visione Dei intuitiva repositam prædicat?

#### *Objectiones ex Ratione in Scriptura fundata.*

**OBJECIES.** Christus non statim post resurrectionem abiit in Cælum, sed per quadraginta dies apparet Discipulis, loquebatur eis de regno Dei, nonnunquam utique cum eis & manducabat & bibeat. Cum igitur animæ Sanctorum per omnia Christo assimilari debeant, ut primum sunt a corpore solutæ, tametsi nihil emendandum habeant, non tamen cito citius & ulla absque mora ad Cælum convolare, nec oportet, nec conveniens est; sed prius in terris commorari ad finem utique mundi expedit: maxime cum spatium a morte iusti ad iudicium usque, tempus quadragenarium inter Resurrectionem Christi & mirabilem ejus Ascensionem exhibeat & repræsentet. Igitur regnum mille annorum est admittendum.

*Respondeo* 1. comparationem non esse in omnibus; non enim Christi anima descendit, v. g. ad inferos, ut animæ Sanctorum ad ipsius instar descenderent, immo descendit & ut nunquam descenderent, & ut ab eis locis eriperet iustos; præterea Christus mansit in terris, non ut animæ Sanctorum usque ad iudicium manerent, bibendo & manducando, spiritus quippe non vescitur cibo carnali, sed ut resurrectionis hæc argumenta præberet Disci-

scipulis adhuc incredulis, juxta illud *Actuum* 1. v. 3. *Per dies quadraginta appa-rens, eis, & loquens de regno Dei, & convescens præcepit eis.* Unde manducavit & bibit, ut sensibilem se præ oculis illorum præbens, suam probaret & resurrectionem. *Lucæ* 24. v. 39. *Palpate & videte, inquit, spiritus carnes, & ossa non habet, sicut me videtis habere.*

*Respondeo* 2. distinguendo : & Christum immediate post mortem & resurrectionem habebit gloriam completam etiam pro corpore, concedo : & non habebat, nego : igitur ut foret similitudo saltem in aliquo, Sancti post mortem cito deberent habere gloriam animæ.

*Inhabis.* Anima non debet beatificari sine corpore, sed corpus erit beatum solummodo post resurrectionem universalem : ergo & anima. Probatur major. Corona datur propter boni opera : sed bona opera sunt a corpore & anima simul : igitur anima non debet beatificari ante corpus, & sine eo.

*Respondeo* negando majorem : nam, ut ait *Beellarminus* l. 1. de beatitudine Sanctorum c. 6. anima separata est capax gloriæ, minime vero corpus absque anima. Cur ista secundum se spectata capax sit gloriæ, ea ratio est, quia est per se subsistens ; nusquam vero corpus a sua separatam forma, unde non est par ratio. Ad probationem distinguo : Corona datur propter bona opera, quæ sunt ab anima ut a causa principali, unde non implicat illam beatificari ante corpus, concedo : quæ sunt ab ea ut a causa minus principali, nego. Quinimodo corpus est solum veluti animæ instrumentum, nec est gloriæ capax, nisi per quandam gloriæ animæ in ipsum redundantiam, quæ in quibusdam dotibus sita erit. Igitur nullum est inconveniens animam donari gloria cælesti, corpore in terris sepulto commorante.

*Obijciat* 2. Pœna non infligitur reprobis in exitu vitæ mortalis, igitur nec præmium iustis conferitur, eadem quippe lex est contrariorum. Probatur consequentia. Idem iudicium ferendum est de hominibus reprobis ac de Angelis apostatis ; sed isti solummodo post iudicium pœnas æternas luunt pro peccato ; & probatur multipliciter : 1. ex Scriptura ; namque *Matth.* 8. sic alloquantur Christum Dæmones : *Veniisti huc ante tempus torquere nos ?* Et *Judas Apostolus* in Epistola sua Canonica dicit eos reservari puniendos in extremo iudi-

cio, eo quod dereliquerint principatum. 2. Ex Patribus. *Iustinus Apolog.* prima & secunda non dicit torqueri Dæmones, sed torquendos. *Irenæus* l. 5. c. 26. expresse asserit Dæmonem nihil nunc pati, sed solum eum passurum esse post iudicium. Idem scribit *Ambrosius* in caput 8. *Lucæ*. Idem *Hieronymus* & *Chrysostomus*, aliique, ut videre est hic apud *Beellarminum* : immo existimant Patres, istos non esse in inferno, sed volitare per aerem ; unde al *Apostolo* dicuntur aeræ potestates : *Non habemus*, inquit, *luctamen adversus carnem & sanguinem, sed adversus potestates tenebrarum harum.* Igitur dicendum utique pœnas aliorum reproborum usque ad diem iudicii remittendas, & a pari præmia pro iustis.

*Respondeo* 1. Dæmones nunc torqueri in inferno, juxta illud secundæ *Petri* c. 2. v. 4. *Deus Angelis peccantibus non pepercis, sed rudentibus inferni detractos in tartarum tradidit cruciandos.* Et vero Angeli sancti ubique sunt beati, quippe ubique videant intuitivè Deum, juxta illud de Angelis custodibus in terris degentibus : *Angeli eorum*, inquit *Christus Matth.* 8. v. 10. *semper vident faciem Patris ;* e contrario Dæmones ubique torquentur, ubique enim & Deo privantur, & igne miris quidem, sed tamen veris modis cruciantur : ita *Venerabilis Beda* commentario in cap. 3. *Epistolæ B. Jacobi* ; ita *Aug.* l. de corrept. & grat. 1. 10. ita *S. Prosper* l. 1. de vita contemplativa ; ii enim & alii sancti Doctores permulti Dæmones ubique esse & miseros & jam iudicatos asserunt. Sic docet perpetua Ecclesiæ traditio ; unde si aliqui inter Patres oppositam teneant sententiam, in hoc perfecto eis adhærere non fas est.

*Respondeo* 2. negando antecedens prinii argumenti, & minorem secundi. Ad primam probationem ex Scriptura desumptam, distinguo. Christus venit ante tempus torquere dæmones, quoad quandam pœnam accidentalem, concedo : quoad pœnam essentialē, nego. Pœna duplex distinguitur, una essentialis, accidentalis altera : illa in privatione Dei & in igne cruciante potissimum sita est, ista vero in reclusionē tam arcta, ut e lacu inferiori egredi nusquam fas sit, in confusione publica, aliisque similibus pœnæ gradibus. Primam subeunt Dæmones ex primo damnationis seu reprobationis momento : secundam post iudicium experiri dolebunt. eam tamen quadantenus passi sunt illi spi-

ritus nequam, qui duos homines e regione Gerasenorum crudeliter vexabant, quatenus ab eis imperante Christo egredi compulsi sunt; qua de causa supremum iudicii diem vehementer abhorrent. "Cur", autem, inquit Bellarminus l. 1. de beatitudine Sanctorum c. 6. adeo trepidant illam destructionem in abyssum, hæc causæ esse videntur. Prima, quia non poterunt amplius hominibus nocere. Secunda, quia non amplius extorquebunt ab ullo cultum Deo debitum, ut modo faciunt, dum ab Ethnicis & Necromanticis adorantur. Tertia, quia tunc patebunt eorum fraudes, & debilitas, cum omnes intelligent eos a viris, foeminis, pueris superatos. Quarta, qui non solum a Deo, sed etiam ab hominibus judicabuntur: nam etiam Angelos judicabimus, teste Paulo 1. Cor. 6. "Addo quod tunc animo fracti & per omnia humiliati, illud Prophetæ vaticinium Psal. 103. 28. in eis ad confusio-nem adimplebitur: *Draco ille quem formasti ad illudendum ei*. Draco ille, ait Augustinus, est Satan, ipse & sui tunc temporis erunt in opprobrium & in perpetuum fabulam.

Eodem & non absimili modo, fit satis instantiæ ex auctoritate Beati Judæ de promptæ. Sensus igitur, illeque genuinus est, Dæmones reservari completo & per omnem modum cruciandos ad ultimum usque diem: nusquam vero etiam nunc pœnam non subire essentielle[m] seu principalem. Hæc interpretatio est D. Petri, qui utpote Theologorum supremus, loquitur de Dæmonum pœnis non in futuro, verum etiam in præsentem: *Rudentibus*, inquit, *inferni detractores in tartarum traditis cruciandos*. Quæ vox, detractores, quid factum importat, ita ut sensus sit: vinculis constrictos in tartarum emisit cruciandos.

Jam venio ad quorundam Patrum propositiones, quæ nobis adversari videntur, quæque duplici concluduntur sententia. Alii dicunt Dæmones non esse in inferno, sed volitare per aerem. Nonnulli, ut Irenæus l. 5. c. 16. Justinus Apol. 1. asserunt non esse ante diem iudicii universalis torquendos. Sed dato plurimos ad exercitium hominum volitare per aerem, attamen sicut Angeli custodes, teste Evangelio, ubique & semper vident faciem Patris, ita & tentatores hominum pœnas peccato debitas ubique subeunt. Igitur cum Patres non cruciandos, sed cru-

ciandos asserunt, de pœna consummata & ad ultimum gradum extenta profecto loquentur, sin minus, nec fides in hoc momento habenda foret. Angelos quippe apostatas nunc a pœna exemptos pronuntiare, adversatur traditioni.

Bellarminus utramque solvit difficultatem; sic enim ibidem c. 6. loquitur: "Respondet Dæmones multos nondum esse demersos in abyssum, sed in aere hoc nostro caliginoso versari ad exercitationem hominum; unde Apostolus ad Ephesios 2. eos vocat principes aeris hujus, nihilominus tamen omnes Dæmones jam nunc puniri, tam pœna damni quam pœna lenius; non enim sunt hominibus meliores, & tamen hominum impiorum spiritus jam demonstravimus luere pœnas gehennæ, ac propterea, cum sanctos angelos, qui in veritate steterunt, ex Evangelio constet semper videre faciem Dei, cur non etiam consequens sit, ut Angeli rebelles iudicium Dei sustineant? Quare recte Beda in Commentario c. 13. Epist. S. Jacobi scribit, quocumque Dæmones volitent, eos ubique suam gehennam circumferre. Et S. Augustinus l. de corr. & gr. c. 10. ac S. Prosper l. 1. de vita contemplativa, Dæmones jam iudicatos, ac miseris effectos docent. Subjicit postea: Justini, Irenæi, Epiphaniæ atque Oecumenii sententiam non video quo pacto ab errore, possimus defendere. "Existimat contrarium sentire, sed pie & iuste possunt explicari secundum solutionem datam. "Cæterum, inquit idem Bellarminus, non oportet inde colligere, eos hoc tempore non torqueri: nam etsi vere torquentur, & secum gehennam portant, ut ait Beda, tamen pœnarum suarum plenitudinem in die iudicii habebunt, quando inferorum carceribus concludentur: quod pœnarum complementum adeo timent, ut in Exorcismis nulla re magis torqueri videantur, quam comminatione futuri iudicii; quæ etiam causa est cur Exorcismi ferre concludi soleant, *Per eum qui venturus est judicare vivos & mortuos, & seculum per ignem*. "Obijcies 3. Iusti viatores confociantur iustis defunctis, uniuntur quippe & in Christo & in fide, unicam componentes societatem, ut patet ex Apostolo dicente Rom. 12. v. 5. *Multi unum corpus sumus in Christo, singuli autem alter alterius*

*membra.* Ex quo infert Calvinus l. 3. Institutionum c. 20. §. 20. solum Christum ingressum fuisse Caelos, iustos vero, nimirum Patres, Martyres, Confessores & Virgines, manere in atrio usque ad diem iudicii. Enimvero, inquit, qui unicam componunt societatem, qui sunt ejusdem capitis membra, quippe unicam Ecclesiam constituunt corpus, debent utique esse omnes simul: ergo iusti in pace defuncti alios qui futuri sunt, usque ad consummationem sæculi, ut gloria donentur, expectare debent.

*Respondeo* distinguendo: qui faciunt eandem societatem specificam debent esse simul, concedo: eandem genericam, subdistinguo: debent esse simul, idest, eundem dominum habere, & ad eundem finem tendere, concedo: idest, esse in eodem loco, nego. In regno omni est societas duplex & unus finis: scilicet societas Auditorum cum Principe seu Rege, & societas universalis, cujus est cæterorum Principis Subditorum simul degentium sub eodem regimine, sub iisdem legibus, sub eodem Principe, qui sua obedientia, fide, vestigialium solutione, &c. in eodem regno uniantur sub eodem capite, a quo reguntur, vivunt & militant. Finis est publica tranquillitas, ad quam omnes tendunt. Sed non omnes sunt in aula, non omnes familiari præsentia Regis perfruuntur, non omnes donantur dignitatibus procerum regni; ad hoc solum per magnos labores, magnamque fidelitatem perveniunt. Simili prope modo res ita se habet in regno cælesti: omnes namque iusti ad hoc tendunt, ut Deo in gloria conjungantur: sed soli Sancti post exactos labores recipiuntur in aula Principis. Omnes uniantur in Deo per charitatem; sed viatores in fide ambulant, Sancti vero in inecie, inquit Augustinus. Omnes faciunt unicam, eamque genericam societatem; sed specialem Sancti componunt in cælo, omnes quidem ejusdem corporis membra: sed cum sint mystica & moralia, non implicat perfectiora doni gloria ante alia, donec & ipsi occurrant in virum perfectum, & pervenerint ad plenitudinem ætatis Christi.

#### Ex Liturgiis.

**OBJECTES.** Illi non donantur visione beatifica, pro quorum gloria & requie

Ecclesia fundit preces: atqui Ecclesia tum Græca tum Latina fundit preces pro omnibus defunctis sine distinctione, etiam pro Martyribus, etiam pro Apostolis, immo pro ipsa B. Virgine, Angelorum & Sanctorum Regina: igitur nullus eorum ante resurrectionem universalem donatur gloria; non enim credibile est Ecclesiam errare in facto tanti momenti. Probat minor, in qua est difficultas, 1. auctoritate Ecclesie Latine. Sacramentarium Gelasii in Festo S. Marcelli sic habet: *Ut illum beata retributio commitetur.* Antiqua Missalia ad usum Romanæ Ecclesie, ut refert Innocentius III. c. *Cum Martine.* Extra de celebratione Missarum. in Festo S. Leonis legunt: *Ut animæ Beati Leonis propter oblationem.* Missale Mozarabicum orat. pro Apostolis & Martyribus. Etiam nunc legit Missale Romanum: *Sicut Sanctis tuis profuit ad gloriam, ita nobis proficiant ad medietatem.* Sed si prodest sacrificium ad gloriam, ergo illam nondum habent Sancti. 2. Ecclesia Orientalis similia dicit. Auctor Constitutionum Apostolicarum c. 6. & 30. orat. *pro defunctis Martyribus, & omnibus a sæculo Sanctis.* Liturgia D. Jacobi sic habet: *Memento spirituum universæ carnis ab Abel iusto usque ad hodiernam diem.* Liturgia S. Marci sic habet: *Patrum, Patriarcharum, Prophetarum, Apostolorum, Martyrum . . . . . horum omnium animabus dona requiem.* Similia continet Liturgia S. Basilii. Missale Gregorii Theologi adspicitur. Epiphanius hæresi 75. n. 7. Liturgia S. Chrysostomi orat *pro Patriarchis, Prophetis, Apostolis . . . . . Martyribus, ac præcipue sanctissima Deipara.* Liturgia S. Cyrilli Alexand. legit: *Patriarcharum, Prophetarum . . . . . Dei Genitricis Mariæ . . . . . requiescant animæ eorum, &c.* Liturgia Syriaca: *Offerimus pro Patre nostro Adamo, & sancta Dei Genitrice Maria, & Prophetis & Apostolis . . . . . & Martyribus, omnibus denique fidelibus. Deus, præsta eis requiem, bonamque memoriam, ac potissimum sanctissime Deiparæ Mariæ . . . . . tribue requiem animabus eorum, eorumque corporibus, & asperge rorem miserationum super ossa eorum.* Similia dicit Liturgia Æthiopum.

*Respondeo* 1. in genere distinguendo minorem. Ecclesia fundit preces pro omnibus indiscriminatim ad gratiarum actionem, concedo: ad gloriam accelerandam, subdistinguo: gloriam corporis, concedo:

gloriam animæ, nego. Ecclesia offert sacrificium & fundit preces, ut Deo gratias agat pro eo quod post magnos & exantlatos labores, tandem ad finem & portum salutis æternæ Sancti pervenerint: orat etiam ut Deus concedat illis in fine sæculorum gloriam corporis. Quia vero homo totus est anima simul & corpus, & ipse erit integer solum in resurrectione: ideo Ecclesia orans pro gloria corporis, simpliciter orat pro Sanctis: sed hæc orandi formula profecto non excludit gloriam animæ.

*Respondeo* 2. aliter distinguendo minorem: Ecclesia orat indiscriminatim pro omnibus, & diversa deprecatur pro eis, concedo: & eadem expostulat, nego. Petit refrigerium pro animabus in Purgatorio detentis, gloriam corporis pro omnibus; gratias agit pro Beatissimæ Virginis gloria consummata, quæ, ut pie credimus, est in Cælo secundum animam & corpus: orat denique ut simus & meritorum & gloriæ Sanctorum participes. Hoc ipsum patet ex Liturgia Syriaca, quæ petit gloriam corporum pro Sanctis; & ex aliis momentis, Et vero Auctor Constitutionum Apostolicarum l. 8. c. 13. ait: „Sanctorum Martyrum memores simus, ut digni habeamur participes fieri eorum certaminis. „ Dionysius de Cælesti Hierarchia c. 3. „Sanctorum animarum quæ post pacem adhibetur commemoratio, eos qui pie & sancte vixerunt, laudibus afficit; nos vero ad divinam eorum sortem hortatu & munus ducit; illos ut vivos prædicat, non ut mortuos, ut qui a morte ad divinam vitam migraverint. „ Cyrillus Hier. catech. 5. „Hoc sacrificium tibi offerimus, ut inmerimus etiam eorum qui ante nos obdormiunt; primum Patriarcharum, Prophetarum, Apostolorum, Martyrum, ut Deus orationibus illorum... suscipiat preces nostras: deinde pro defunctis... Patribus..... denique pro omnibus oramus, qui inter nos vita functi sunt: maximum credimus animarum juvamen, pro quibus offertur precatio. „ Chrysostomus homil. 21. in Acta, idem dicit. Aug. senn. 151. n. 1. „Ecclesiastica disciplina, quod fideles norint, cum Martyres eo loco credantur pro altare Dei, ubi non pro ipsis oratur. Injuria est enim pro Martyre orare, cujus nos debemus orationibus commendare. „ Nicolaus Cabasilas explicans Liturgias Græ-

cas c. 33. asserit preces fundi & sacrificium offerri pro Martyribus solummodo in gratiarum actionem, vel etiam ut gloriæ per eorum merita simus participes.

*Respondeo* 3. usum Ecclesiæ perancipuum esse invocare Sanctos in Canone Missæ tanquam gloriosos milites in Cælis & coronatos & triumphantes: quando igitur occurrit aliquod, aut æquivocum, aut penitus obscurum in Liturgiis, hoc intelligendum est secundum distributionem accommodam, & in sensu ab Ecclesia intento.

*Inhabis*. In Liturgiis citatis expostulat Ecclesia requiem pro Martyribus, immo pro ipsa Decipara Virgine: sed petere requiem, est petere gloriam animæ, quandoquidem si Sancti jam essent in gloria, essent utique in requie: igitur ex Liturgiis liquet gloriam etiam animæ reservari usque in finem mundi.

*Respondeo* distinguendo minorem. Ecclesia sic petit pro Sanctis requiem, hoc est, gloriam extrinsecam, concedo: intrinsecam, nego. Gloriæ est secundum Ambrosium, clara cum laude notitia, & duplex assignatur; alia quidem intrinseca, & est visio Dei: cum ea omnia bona veniunt pariter & innumerabilis honestas, de qua sermonem faciens Propheta ait: *Nimis honorati sunt amici tui, Deus; nimis confortatus est principatus eorum*; alia vero extrinseca, quæ potissimum consistit & in bona fama, & in cultu ab hominibus cum laude exhibito; hanc ipse Christus Joannis 17. a Patre expostulat his verbis: *Pater, clarifica me claritate quam habui apud te priusquam mundus fieret*; idest, concede mihi ut sicut tu ab æterno me agnoscis & habes in Filium, ita & cognoscant & credant homines quia tu me misisti. Hanc ipsam expostulat Ecclesia pro Sanctis, videlicet ut apud homines tanquam amici Dei habeantur, & debito assiciantur cultu, immo & requiem habeant ab hæreticis & impiis, qui eos contumeliis læsere non desinunt, quam quidem requiem Liturgia Syriaca vocat bonam memoriam, quamque pro eis suppliciter deprecatur & expostulat.

*Inhabis*. Ecclesia in die mortis defuncti, quanvis sanctissimi, petit pro ejus anima æternam requiem: ergo non credit Sanctos, etiam ab omni reatu tum culpæ tum pœnæ puros, sine mora gloria donari essentiali.

*Respondeo* distinguendo: orat Ecclesia in-

dit-

differentes & absque defectu pro omnibus defunctis, quia incerta & incerta est de animarum refrigerio & statu, concedo: & cognoscit statum, nego. Si certior facta foret de animarum puritate & omnimoda sanctitate, profecto non Psalmi Pœnitentiales, non lugubres Hymnos, verum potius laudis & gratiarum actiones decantaret; sicut in die sepulture pueri post baptismum e vita migrantis de festo concinit, sic dulci & iuavi modulamine jubilationis Psalmos in honorem Martyrum decantare non cessat.

*Instabis.* Pervetusta Ecclesiæ Latinæ Liturgia orat pro gloria Sanctorum, eamque votis repetitis efflagitat: ergo, &c.

*Respondet* distinguendo ut supra: Ecclesia orat pro gloria corporis Sanctorum, concedo: pro gloria animæ, subdistinguo: extrinseca, ut digno eos omnes prosequantur cultu & honore, concedo: pro gloria intrinseca, quæ in visione Dei potissimum sita est, nego.

## SYNOPSIS PROBATIONUM.

*Animæ Sanctorum ab omni reatu tum culpæ, tum pœnæ immunes, absque mora & dilatione, donantur gloria æterna.*

**PRIMO.** Hoc ipsum non in uno & altero sed multiplici loco indicat Scriptura Sacra, ut Eccli. 7. Act. 7. Ephes. 4. sed maxime Lucæ 23. his Christi ad Latronem verbis: *Hodie mecum eris in Paradiso.*

**Secundo.** Patres utriusque Ecclesiæ idem conclamant; huic accedit definitio Concilii Florentini, & Tridentini.

**Tertio.** Ratio suffragatur; Lex enim iusta vult & statuit coronam partæ & completæ victoriæ citius donari; tum quia Sancti nullo tenentur peccatorum vinculo, quod solum eorum gloriæ gradum sistere valet.

## SYNOPSIS RESPONSIONUM.

### AD DIFFICULTATES.

**PRIMO.** Variis quidem in locis Scriptura gloriam ad Christi adventum usque rejiciendam esse indigitat: sed vel loquitur de gloria animæ Patrum veteris Legis, qui Christi expectabant adventum, ut e Limbo ejus imperio liberati, ipsum in Cœlis die Ascensionis sequerentur; vel de gloria consumpta quam in se-

*Boncat Theol. Tom. I.*

cundo suo adventu in fine sæculorum præstabit. Eo prope modo explicandi sunt Patres, quum similes pronuntiant sententias, nisi eos adhæsisse Millenariis constet: & tunc ne quidem minimum quidquam urgent.

**Secundo.** Ultra fatemur omnes Sanctos unicam societatem unicumque mysticum, Ecclesiæ corpus constituere: sed hoc unum etiam tantummodo probare periculum est, videlicet eadem gloria consummata esse donandos. Verum nihil prohibet animarum primum glorificari, coronam vero omnibus absolutam numeris expectare, donec compleatur numerus fratrum, & ipsa suo iterum conjungatur corpori, quod cum sit causa bonorum operum minus principalis, aliquandiu sub altari quiescere non implicat.

**Tertio.** Scimus & preces fundi, immo & sacrificium offerri, nedum pro iustis, quorum incerta glorificatio, verum etiam & pro Martyribus, immo & pro Beatissima Virgine. At consideranti patebit diversa esse pro diversis motiva: Ecclesia quippe orat pro refrigerio electorum, quos in pace Christi putat esse defunctos; in gratiarum vero actionem pro Apostolis & Deipara, sine fine benedicens Domino, eo quod eos ad tantum & dignitatem & gloriæ gradum evehere ipsi complacuerit; nusquam vero pro illorum requie, nisi ad summum extrinsecam, nimirum ut impii contumelias eos lacerare desinenter, debito & culto & honore afficiant.

## ARTICULUS TERTIUS.

*Utrum S. Hilarius Pictaviensis Episcopus inopere perierit in errorem Millenariorum.*

### CONCLUSIO.

S. Hilarius Pictaviensis non inopere perierit in errorem Millenariorum.

*Probat multiplicit.*

**PRIMO,** ex D. Hieronymo, qui Epist. ad Lætam, dicit scripta Hilarii luce clariora esse, & unumquemque inoffenso pede ea percurrere posse.

**Secundo.** In Psal. 14. n. 5. ipse Hilarius dicit Sanctos in sublimitate Domini cum Angelorum choris requiescere.

**Tertio.** In Psal. 64. n. 5. "Beati sunt, inquit, qui jam a Deo ad habitandum in Tabernaculis ejus electi sunt."

X 3

Quar-

Quarto. In Psal. 129. nu. 2. "Christi confortium pia mors acquirit." Ibidem n. 4. "Adam veniam confessus, glorificatus in Christo est."

Unde sic argumentari licet. Ille non impiegit in errorem Millenariorum, cujus scripta quilibet potest inoffenso pede percurrere, qui dicit Sanctos ab omni labe puros, & requiescere in sublimitate Domini cum Angelorum choris, & jam esse in Tabernaculis, & Christi confortio congaudere, Immo esse glorificatos: atqui sic docet S. Hilarius: ergo non impiegit in errorem Millenariorum. Major, in qua solum est difficultas patet quoad primam partem ex Hieronymo: quoad secundam etiam & quod alias partes, facile probatur. Requiescere in sublimitate Domini cum Angelis, est, teste Dionysio, supremus contemplationis gradus, & ipsa Dei visio intuitiva: esse in Tabernaculis, est, teste Hilario in Psal. 64. esse in mansionibus Evangelii: habere vero Christi confortium, est vita aeterna; de fide enim est Christum ascendisse in Caelum, & ibi manere, ut explicat Symbolum Nicaenum: igitur qui sunt cum Christo, sunt in Caelo. Denique ipse Hilarius asserit Adamum jam glorificatum. Quid, quæso, glorificatum importat, nisi esse in gloria? Igitur liquet Hilarium non impiegit in errorem Millenariorum.

#### *Solvuntur Objectiones.*

**OBJECTES.** Hilarius credidit gloriam Sanctorum differri usque ad resurrectionem generalem: ergo impiegit in errorem Millenariorum. Probatur antecedens. In Psalm. 66. sic loquitur "Placebo Domino in regione viventium; animam videlicet suam in requiem beatæ illius resurrectionis hortatus." Ergo, &c.

Respondeo negando antecedens, ut patet ex probationibus. Ad confirmationem, distinguo: & ibi nomine resurrectionis intelligit gloriam animæ, concedo: & non intelligit, nego. Duplex distinguitur resurrectio, una late, altera stricte sumpta. Prima, est bona mors Sanctorum, qua veluti resurgunt, relinquendo vitam caducam, ut novam & ab omni malo tum culpæ, tum pænæ immunem sumant, propter quod dicitur Psalm. 115. v. 5. *Prestiosa in conspectu Domini mors San-*

*ctorum ejus.* Secunda est iterata sumptio corporis & ejusdem glorificatio. De prima loquitur Hilarius, cum sermonem facit de Martyribus, qui post exactos labores transeunt, inquit, in refrigerium & requiem, & hoc immediate post mortem, & hoc consummato sacrificio corporis per martyrium. Sui ipsius interpres est his verbis sequentibus: *Imposuisti homines super capita nostra, transivimus per ignem & aquam;* "gloriosas videlicet Martyrum mortes commemorat, gladium, ignis, profundi: sed qui transit per ignem & aquam, non in his aboletur, sed in aliud per illa transducitur...." *Convertere anima mea, in requiem tuam, quia Dominus benefecit mihi.* Eripuit animam meam de morte, oculos meos de lacrymis, & pedes meos de lapsu. Bene placebo Domino in regione viventium; "animam videlicet suam in requiem beatæ illius resurrectionis hortatus, in qua post mortis istius tempus, omni humanarum calamitatum labe deterfa, non doletur, non fletur, non peccatur, sed vivitur...." *Introibo in domum tuam in holocaustis.* "Holocausta sunt integra hostiarum corpora.... Per hæc igitur genera pœnarum Martyres in fidei testimonium corpora sua holocausta voverunt; ut in Dei domum, id est, in cælestis domicilii habitationem, consummati hostiarum suarum sacrificiis, introirent."

**Instabis.** In Psal. 120. n. 60. de animabus e corpore exeuntibus sic loquitur Hil. "Exeuntes de corpore ad introitum illum cælestis regni per custodiam Domini fideles omnes reservabuntur, in sinu scilicet interim Abrahamæ collocati, quo adire impios interfectum chaos prohibet." Quibus positis, sic arguitur: Qui existimant justos custodiri in sinu Abrahamæ, donec introeant in regnum cælestes, credit, sicut Millenarii, animis Sanctorum non donari gloria nisi in fine sæculorum: atqui sic docet Hilarius: ergo, &c.

Respondeo 1. S. Hilarium intelligi posse de animabus Patrum veteris Legis, quæ in fide Abrahamæ requieverunt, usque ad adventum Christi, qui quidem ascendens in Caelum, captivam duxit secum captivitatem, Patres scilicet & Justos in Limbis detentos.

Respondeo 2. Ad difficultatem propositam, distinguendo: & Hilarius in loco ob-

objectionis loquitur de regno Patris, concedo: de regno Christi, nego. Duplex distinguit regnum S. Doctor; alterum scilicet Patris, & est ab Ascensione Christi usque ad ultimum Judicii diem; alterum Christi, qui judicaturus est vivos & mortuos, & est a judicio per totam aeternitatem. Istud vocat regnum Christi, non quod non sit etiam regnum Patris, sed quia tunc suam præcipue Christus exercet potestatem, tum damnando impios, tum confirmando sententiam vitæ pro electis, tum etiam retribuendo eis gloriam consummatam; unde dicit Hilarius animas quiescentes in sinu Abraham, scilicet Dei, expectare, donec introeant cum corpore in regnum Christi, idest regnum per sententiam Christi confirmatum; jam vero cum anima in exitu mortis sola introeat in cælum, si est ab omni forde immunis, benedicitur iteratis introitus, quando corpus utique introibit, seu totus homo: immo locus in objectione adductus catholicam firmat sententiam; ibi siquidem loquitur Hilarius de gloria consummata quæ dabitur homini completo, unde dicit fideles reservari, idest, animas custodiri in sinu Dei: corpus vero sub altari jacet, inquit Joannes, seu sub terra.

*Instabis.* Idem Hil. in Ps. 138. n. 22. in illa verba, *si descendero in infernum, ades, dicit:* "Lex necessitatis ut conspulsis corporibus ad inferos animæ descendant, quam descensionem Dominus non recusat." Ex quo istud conficitur argumentum: qui exstimavit animas Sanctorum in exitu vitæ descendere ad inferos, non credidit tunc convolare ad Cælum: atqui: ergo, &c.

*Respondet* 1. Tertullianum l. de anima c. 5. docere animas etiam Sanctorum descendere ad loca inferiora, ut ibi Limbos transeunter lustrant, ad exemplum Christi, qui descendit ad liberandos Patres. Dico, transeunter; non enim dicit ibi diutius commorari, aliis Christum, qui cito egressus ascendit ad Cælum, non perfecte imitarentur; sed hanc opinionem Ecclesia nunquam agnovit veram, quam tamen aliqui Patres, ut Hilarius, mutuati sunt a Tertulliano: sed hoc nihil urget contra assertionem: unde.

*Respondet* 2. in forma: S. Hilarius dicit animas Sanctorum descendere ad inferos, distinguo: si habeant aliquid purgandum, descendunt enim in Purgatorium, concedo: si nihil habeant purgandum, subdi-

stinguo: descendunt ad tempus breve, ut Christum imitentur, juxta singularem Hilarii opinionem, concedo: ut ibi remaneant ad ultimum usque judicii diem, nego. Licet igitur Hilarius crediderit animas Sanctorum transire tantisper per Limbos, aut per Purgatorium, vel ad imitationem Christi, qui descendit ad inferos, vel ad majorem purificationem & perfectionem, non putavit tamen ibi remanere usque ad judicium.

*Urgelis.* Idem l. 11. de Trin. n. 39. de ultimo judicio loquens, ait: "Tradet autem Christus Deo Patri regnum, & tunc, postquam regnum Deo tradiderit, Deum videbunt." Sed per regnum tradendum Patri in judicio, intelligit justos, & addit eos postea Deum fore visuros; scilicet post judicium: igitur ex Hil. illum ante judicium universale nec intuebantur, nec videbant.

*Respondet* distinguendo: Hilarius intelligit justos in concreto & cum corpore, concedo: justos solum in abstracto & secundum animas, nego. Justi enim in se completi & gloria tum in anima tum in corpore glorificati, regnum & civitatem sanctam triumphantem, quæ semper resultabit laudibus, component; unde loquitur de gloria completa. Igitur distinguo & aliam partem argumenti: & tunc, scilicet post judicium, videbunt Sancti Deum visione completa & consummata promanante a toto homine, concedo: videbunt visione essentiali, quam antea non habebant, nego.

*Iterum instabis.* In Psal. 62. n. 3. ait Hil. "Hoc animæ desiderium & sitis spei ejus, ut Dei sibi proveniat aspectus, ut quamprimum raptus in nubibus Deo Christo obviam elevatus appareat." Sed desiderare, non est habere, sed desiderare rapti obviam Christo in nubibus, est desiderare solummodo gloriam pro resurrectionis tempore: igitur antea animæ Sanctorum non videbunt Deum: igitur ex Hilario, gloria differtur ad ultimum usque magni diei judicium.

*Respondet* 3. Hilarium loqui solum de gloria completa, quæ est profecto in spe, seu potius in desiderio. Quidam etiam Theologi volunt Hilarium loqui de justo qui est in via, qui quidem vitam desiderat æternam, visionem scilicet Dei, dicens cum Propheta Regio Psal. 41. *Quemadmodum desiderat cervus ad fontes aquarum, ita desiderat anima mea ad te, Deus.*



Viator autem desiderat gloriam tum animæ, tum corporis, & cum hæc consummatio erit a Christo judicante vivos & mortuos, addendo gloriæ animæ gloriam corporis: ideo Hilarius mentionem facit de Christo, qui veniet in nubibus cum potestate magna.

## SYNOPSIS PROBATIONUM.

*S. Hilarius non impegit in errorem Millenariorum.*

**PRIMO:** Quia ex Hieronymo, inoffenso pede quique potest ejus percurrere scripta.

**Secundo:** Quia dicit Sanctos cum Angelorum chorus in sublimitate Domini requiescere.

**Tertio:** Quia asserit eosdem Christi habere consortium. Certum est autem Christum ascendisse in Cælum, & ibi sedere ad dexteram Patris, ut dicit Symbolum Nicænum.

## SYNOPSIS OBJECTIONUM,

### ET SOLUTIONUM.

**PRIMO.** S. Hilarius vocat requiem animæ resurrectionem; sed intellige resurrectionem primam, quam vocat mortem pretiosam in conspectu Domini.

**Secundo,** Dicit animas Sanctorum reservari in sinu Abraham, ut ex hoc loco gradum facientes, introeant in regnum Dei: verum loquitur de gloria completa, quam regnum Christi per antonomasiam nuncupat; quia tunc Dominus Jesus ab omnibus cognoscetur nationibus, judicabit quippe orbem terrarum in justitia, & populos in æquitate, tunc omnia subsistentur illi.

**Tertio.** Quandoque idem asserit Hilarius animas ab omni labe puras descendere in infernum: sed hoc dato & non concesso, non in eo intelligit sensu, ut ibi commorentur, sed potius ut Christo per omnia assimilata, in cælum convolent: & si quando asserit illas aut desiderare, aut etiam sperare conspectum Dei, procul dubio sermonem de gloria completa instituit & facit.

## ARTICULUS QUARTUS.

*Utrum S. Ambrosius crediderit gloriam animæ Sanctorum differri ad ultimum usque judicii universalis diem.*

### CONCLUSIO.

S. Ambrosius non credidit gloriam animæ Sanctorum differri ad ultimum usque judicii universalis diem.

*Probatur ex ipsius Ambrosio multipliciter.*

**PRIMO** etenim, l. 7. Epist. 59. ad Theophilum loquitur: "Acholiis superiorum incola, possessor civitatis aternæ, illius Jerusalem quæ in Cælo est, vidit illic urbis ejus mensuram immensam, purum aurum, lapidem pretiosum, lumen sine sole perpetuum, & hæc omnia jamdudum sibi comperta, sed nunc facie ad faciem." Sed esse incolam Jerusalem cælestis, videre lumen essentiale a sole independens & perpetuum, hæc omnia conspiciere nunc & facie ad faciem, est esse actu beatum: igitur Ambrosius non credidit usque ad judicium universale gloriam animæ Sanctorum differri.

**Secundo,** l. de bono mortis c. 10, dicit iustorum remunerationem hanc esse, ut post vitam præsentem videant faciem Dei, quem ne contemplantur, sola ipsius impedimentum erat caro: sed animæ Sanctorum nunc sunt a corpore solutæ: ergo ex Ambrosio etiam nunc vident intuitive Deum.

*Solvuntur Objectiones.*

**OBJECIES 1.** S. Ambrosius l. de bono mortis c. 7. enumerat septem ordines lætitiæ animæ Sanctorum, sed nihil dicit de visione intuitiva. Primus est, *inquit*, quod vicerint carnem: secundus, quod pretio innocentie & securitate conscientie potiantur animæ: tertius, quod fulciantur testimonio conscientie se servasse legem: quartus, quod incipient intelligere futuram requiem, & prævidere gloriam: quintus, quod habeant suavitatem ex hoc quod anima soluta & corporis carcere possideat hæreditatem. "Est enim ordo quietis, quia est & resurrectionis; sicut enim in Adam omnes moriuntur, ita & in

„ & in Christo , *inquit* , omnes vivificabuntur ; unusquisque autem in ordine suo ; primitiæ Christus , deinde qui sunt Christi , qui in adventu ejus crediderunt , deinde finis ; erit igitur ordo dignus claritatis & gloriæ . „ Sextus : nullus iustus incipit fulgere sicut sol . Septimus vero ordo erit , ut exultent cum fiducia , & sine ulla cunctatione confidant , & sine trepidatione lætentur . Ergo vult animas Sanctorum post mortem esse solum in loco tuto , lætari quidem , sed nondum videre Deum .

*Respondeo* distinguendo : non loquitur Ambrosius de visione intuitiva quoad nomen , concedo : quoad rem , nego : dicit enim quod sine cunctatione lætentur animæ Justorum : certe si nondum donarentur visione intuitiva , ex qua procedit gaudium , juxta illud Matth. 25. v. 1. *Intra in gaudium Domini tui* ; lætitia vera & plena esset adhuc in spe : gaudium autem est de bono præsentis , sed actus lætantur Sancti , & quidem cum fiducia : igitur actus possident intuitive Deum . Deinde dicit Sanctos actus possidere hæreditatem . Quid clarius ? sic enim habet : „ Quintus autem ordo exultationis uberrimæ habet suavitatem , quod ex hoc corruptibilis corporis carcere in lucem libertatemque pervenerint , & repromissam sibi possideant hæreditatem . „

*Inhabis* . Ibidem Ambrosius immediate post verba laudata , loquitur de resurrectione : „ Est enim ordo quietis , quia est resurrectionis . „ Ibi mensurat quietem secundum resurrectionem : igitur loquitur de hæreditate danda in resurrectione universalis .

*Respondeo* distinguendo : loquitur de resurrectione tanquam de fine consummantis beatitudinem , concedo : tanquam de principio inchoante beatitudinem , nego : unde ibidem subdit , „ unusquisque autem in ordine suo . . . deinde finis : „ „ Quod autem loquatur de beatitudine completa , patet ex ipsius scopo , quem sibi proponit , scilicet asserere omnes lætitiæ gradus : igitur ultimus qui erit beatitudo corporis , debet numerari ; quia vero iudicium universale regulabit omnia , quia unusquisque resurget cum corpore , cui dabitur mensura claritatis debitæ , quæ quidem erit diversa in diversis , pro diversitate meritum , debuit loqui de Resurrectione .

*Inhabis* c. 10. Vocat Amb. habitacula

Sanctorum promptuaria ; sed nullo modo loquitur de gloria : ergo &c. .

*Respondeo* distinguendo : & per promptuaria intelligit Ambrosius diversas mansiones , de quibus fit sermo in Evangelio , concedo : & intelligit loca inferiora terræ , nego . Ibidem enim mentem suam explicat & sic aperit . „ Hæ sunt , *inquit* , habitationes de quibus dicit Dominus „ Joan. 14. multas mansiones esse apud „ Patrem suum , quas suis pergens ad Patrem discipulis præparet . „ Quibus verbis manifeste intelligit per diversa promptuaria , diversos gloriæ gradus .

*Rursus* instabis , ibidem c. 10. n. 45. Afferit animas Sanctorum in illis habitaculis carere remuneratione , illamque expectare . Cum venerit , *inquit* , Judicii dies , reddet terra defunctorum corpora , & pulvis reddet . . . . & habitacula reddent animas quæ his commendatæ sunt , & revelabit altissimus super sedem Judicii . . . . Satis fuerat dixisse illis quod liberatæ animæ de corporibus peterent , idest , locum qui non videtur , quem locum latine infernum dicimus . Denique & Scriptura habitacula illa animarum promptuaria nuncupavit , quæ occurrens querelæ humanæ , eo quod iusti qui præcesserunt videantur usque ad judicii diem , per plurimum scilicet temporis debita sibi remuneratione fraudari . „ Ibi docet primum habitacula redditura mortuorum animas , sicut terra reddet corpora in pulverem redacta , & illa habitacula dicit esse locum qui non videtur , adeoque subterraneus : cum igitur eodem modo loquatur de habitaculis ac de terra quæ in suo abscondit sinu corpora , etiam illa promptuaria abscondunt in suo animas usque ad diem Judicii . Ait etiam illas animas abire in infernum , & addit fraudari remuneratione ad diem Judicii usque : censet igitur illas ibi esse usque ad hoc tempus : ergo , &c. .

*Respondeo* 1. Amb. ibi loqui de mortuis veteris Testamenti qui detinebantur in inferno usque ad adventum Christi , ibi enim libros Esdræ laudat . „ Siquidem , *inquit* , in libris Esdræ legimus , quia „ cum venerit Judicii dies , reddet terra defunctorum corpora . „ „ Judicium autem illud factum est in Resurrectione Christi qui descendit ad limbos & liberavit Patres , quorum multi etiam cum corpore probabiliter apparuerunt sanctis in Jerusalem , & tunc terra reddit mortuos suos ; scri-

scriptum est enim Matth. 27. *Multa corpora Sanctorum qui dormierant, surrexerunt, exeuntes de monumentis post ejus Resurrectionem venerunt in Civitatem sanctam & apparuerunt multis.* Igitur sancti Patres ad illam utique Resurrectionem defraudabantur remuneratione tam pro anima quam pro corpore, eamque petebant & deprecabantur, hanc concessit eis Christus, cum ipso enim triumphantes ascenderunt in caelum, ubi captivam duxit eorum captivitatem & sic plene solvit argumentum.

*Respondeo* 2. Etiam pro sanctis novi Testamenti Ambrosium intelligendum esse per distributionem accommodam: unde distinguo, animae fraudantur remuneratione corporis, & eatenus illam petunt, quatenus desiderant corpus tamquam partem amicam beatificari, concedo: fraudantur remuneratione sua & sibi propria, nego: quod autem promptuaria non videantur a nobis, quid mirum? cum sint in caelo; ex hoc igitur quod sint ignota, non sequitur esse subterranea: immo ipse Ambrosius ibidem dicit illa esse supra, seu superiora. "Si anima, inquit, in manu Dei est, non utique anima nostra sepulchro simul cum corpore includitur: nec custodia tenetur, sed quiete pia fungitur: & ideo homines frustra pretiosa struunt sepulchra, quasi ea animae & non solius corporis receptacula sint; animarum autem superiora esse habitacula, scripturae testimoniis valde probatur." Et infra hoc probat per locum Joan. 14. de diversis mansionibus, cum igitur ex Ambrosio animae pie magne fruuntur quiete & sint in superioribus habitaculis quae sunt diversae caeli mansiones, ex ipso sunt in caelo. Caterum potuit credere, ut Tertullianus, animam descendere transiit in loca inferiora ad imitationem Christi, sed non dixit commorari.

*Infallis.* Ambros. ibid. n. 48. sic ait: Soluto corpore anima ad finem vitae huius, adhuc tamen futuri Iudicii ambiguo suspenditur! Sed si anima sancta absque mora frueretur Deo, Iudicii futuri ambiguo non suspenderetur: Igitur existimavit Ambrosius animas sanctorum non habere remunerationem nunc & in hora mortis.

*Respondeo* distinguendo: & loquitur Ambrosius de momento immediate antecedente Iudicium particulare, tunc enim anima

quamnam sit sua fors ignorat, concedo: de momento subsequente, nego. Igitur primo considerat Ambrosius momentum quo anima relinquit corpus, & tunc nescit quid erit, quia inquit Propheta Psal. 142. v. 2. *Non justificabitur in conspectu tuo omnis vivens.* Deinde momentum subsequens, & in illo, si anima sit ab omni reatu poenae soluta, videt intuitive Deum: cuncta sibi fausta poscit, possidet, inquit Ambrosius cap. 11. hereditatem. Et clarius adhuc sese explicat cap. 12. his verbis quae omnem tollunt aequivocationem. "Ibi-  
mus, inquit, & ubi finem suum Abraham sanctus expandit ut suscipiat pauperes, sicut suscepit & Lazarum in quo sinu requiescunt qui in hoc saeculo gravia atque aspera pertulerunt. . . . ibimus ad eos qui recumbunt in regno Dei cum Abraham, Isaac & Jacob, quoniam rogati ad coenam non excusaverunt: ibimus eo ubi Paradisus est jucunditatis, ubi Adam qui incidit in latrones, nescit jam vulnera sua flere; ubi & latro ipse regni Caelestis confortio gratulatur."

## SYNOPSIS PROBATIONUM.

*S. Ambrosius non adhaesit Millenniis.*

*PRIMO*, l. 7. Epist. 50. dicit Acholium esse sanctae Jerusalem incolam.

*Secundo*, l. de bono mortis c. 10. Sanctorum remunerationem in visione Dei repositam asserit, & ab hac impraesentiarum per corpus tantum abstrahi; ast animae sanctorum post huius vitae decursum a corpore solutae vere existunt: igitur ex Ambrosio donantur visione beatifica.

*Tertio*, Eas esse in Paradiso praedicat: ergo, &c.

## SYNOPSIS SOLUTIONUM

### AD OBJECTIONES.

*PRIMO*, Quidem fatemur Ambrosium lib. de bono mortis c. 7. loquendo de diversis coronae Sanctorum gradibus expressam non facere mentionem de visione Dei intuitiva, sed illam sufficienter exprimere constare, dum ait animas supremam affici laetitia, eum, teste Aureolo, essentia beatitudinis in gaudio potissimum sita sit, ipso dicente Christo serva fideli, & intra in gaudium Domini tui. )

Secundo, Nec quemquam aduersus Ambrosium movere debet hoc quod docet, promptuaria esse abscondita; sanctus quippe Doctor non loca inferiora terræ intelligit, sed diversas cæli mansiones diversisque gloriæ gradus, qui sane nobis absconditi sunt. Nam, ut ait Apostolus, nec oculus vidit, nec auris audivit, nec in cor hominis ascendit quæ præparavit Deus diligentibus se.

Tertio, Ambrosius quidem asserit animas etiam Iustorum carere remuneratione; immo & in ambiguo permanere: sed nemo non videt sanctum Doctorem loqui de gloria completa eaque per beatitudinem corporis consummanda. Verum est utique in primo mortis momento animam sortem suam ignorare, nemo quippe scit an odio vel amore dignus sit: sed non transacta solutione a corpore. Jam vero in loco obiecto sermonem habet & facit sanctus Episcopus de primo instanti, nusquam vero de secundo: tunc enim Iustorum animæ felices suæ sortis conscia sunt & evadunt.

## ARTICULUS QUINTUS.

*Utrum sanctus Chrysostomus adhæserit Millenariis.*

### CONCLUSIO.

Sanctus Chrysostomus non adhæsit Millenariis.

*Probatnr multis rationibus ex ejus textu efformatis.*

PRIMO, qui profitetur Iustos nunc videre Deum in cælis facie ad faciem, Athletam Christi jam coronari, piam mortem deducere ad regnum perpetuum; qui denique hortatur viatores ad Sanctorum sequenda vestigia, ut eandem habeant mercedem, qui asserit piam mortem nunc non deducere ad inferos, sed ad vitam æternam, profecto non adhæsit Millenariis credendo gloriam Sanctorum ad ultimum usque Judicii diem differri; acqui sic dicit & docet Chrysostomus: ergo non adhæsit Millenariis. Probatnr minor quoad singulas partes.

1. Hom. 3. in Epist. ad Philipp. sic loquitur: *Iusti sive hic, sive in futuro sœcu-*

*lo fuerint, cum Rege sunt, illic tamen magis & propius non per ingressum & fidem, sed facie ad faciem.*

2. Hom. 4. in eandem Epist. Quid dices Paule, cum hinc abiens ipsum cælum migraturus sis, atque cum Christo futurus, ignoras quid eligere debeas? . . . . quis athleta cupies amplius certare cum jam liceat coronari?

3. Hom. 32. in Epist. ad Rom. Postquam dixit Paulum cum Angelis assistere ante thronum Dei, ait: *Non solum admiremur ipsum, sed & imitemur ut mercamur & hinc migrantes, Deum ipsum videre, & ineffabilis ipsius gloriæ participes esse.*

4. Hom. 65. tom. 5. dicit Iustos nunc non esse lugendos sicut in antiqua lege. *Nam antea, inquit, morti ad inferos deducebat, nunc autem morti ad Christum deducit. Christus est in cælo, ubi regnat gloriosus, cum Angelis & Sanctis suis: Ergo &c.*

### Solvuntur Objectiones.

Obijciat. S. Chrysostom. Hom. de sancto Philogonio postquam dixit multa Angelorum millia esse in cælo, addit: *Alibi sodalitia Prophetarum, alibi Martyrum chori, Apostolorum ordines, cuncti Iustorum.* Ergo soli Angeli sunt in cælo, cæteri Sancti minime ex Chrysostomo; quandoquidem dicit Angelos in cælo esse, cæteros vero alibi: igitur gloriam Sanctorum credit differri usque ad Resurrectionem universalem.

Respondeo distinguendo: & per vocem alibi intelligit Chrysostomus solum diversos gloriæ gradus quos Evangelium vocat mansiones, Propheta Regius tabernacula Domini virtutum, Hilarius habitacula, Ambrosius promptuaria, concedo: intelligit diversum locum, nego. Sensus igitur Chrysostomi est, quod sicut stella a stella differt in claritate, ita & gloria Sanctorum: & quod alia sit gloria Angelorum, alia Prophetarum, &c.

Instabis. Hom. 39. in 1. ad Corinth. explicans illa verba Apostoli: *Si in hac vita tantum in Christo sperantes sumus.* Sic loquitur: "Quid dices Paule? Quomodo in hac vita. solum sperantes sumus, si corpora non resurgunt, & manet anima etsi immortalis, quoniam si maneat anima, & milles sit immortalis, sicut est revera absque carne non recipiet bona illa ineffabilia, sicut neque punietur

„puniatur. . . Si enim non refurgit corpus, incoronata manet anima, extra illam beatitudinem quæ est in cælis: „ Ex hoc patet animam non coronari sine corpore, sed corpus coronabitur solummodo post iudicium universale: ergo ex Chrysostomo & anima tunc temporis solum coronabitur.

*Respondeo* distinguendo: & S. Chrysost. loquitur ex hypothesi quod corpus non resurgat; ut volunt impii, concedo: secus, nego. Arguit enim malos qui sibi indulgent, dicendo, coronemus nos rosis, etas moriemur, perit spes nostra, corpus non resurget; illis autem probat quod resurget ea ductus ratione, quia anima nostra immortalis est; ejus quidem gloria eatenus a fide Resurrectionis pendet, quatenus eodem profecto decreto Deus vult gloriam totius hominis, animæ scilicet & corporis: unde & gloria futura corporis recte colligitur ex gloria præsentis animarum ab omni reatu & culpæ & pœnæ mundarum, ita ut si non daretur beatitudo corporis, nec animæ consequenter daretur. Sensus igitur S. Chrysostomi, non coronabitur anima sine corpore, ille est, Deus non dabit gloriam animæ, si non dat corpori, eadem quippe voluntate utramque vult: sed pro diverso tempore: gloriam quidem animæ in exitu mortis, si sit sufficienter pura: gloriam vero corporis post resurrectionem universalem.

*Iterum instabis.* Idem Hom. 18. in Epist. ad Heb. Ponderans ista verba Pauli de Patribus veteris legis: *Non obtinuerunt remissionem, ut ne sine nobis consummarentur, ait, ne aliquid præ nobis habere viderentur, si primi ante nos coronarentur, unum definis tempus omnium coronarum & qui ante jam multos annos vixit, tecum accipiet coronam.* Ex quibus sic arguitur. Qui existimat omnes Sanctos a constitutione mundi ad consummationem usque futuros, eodem tempore coronandos, putat animas Sanctorum gloria non donari æterna ante iudicium universale: atqui sic credit & docuit S. Chrysostomus; ergo, &c.

*Respondeo* distinguendo. Et loquitur S. Chrysostomus de gloria adæquata, scilicet de gloria totius hominis, de gloria beatificante & animæ & corporis, concedo. Namque explicat Apostolum qui loquitur de gloria consummata; & reddit rationem cur Patres non receperunt etiam in adventu Christi, omnes promissiones quas habebant de futuro regno David, Christi sci-

licet ejus David Typus fuit. Ne, inquit, *sine nobis consummarentur.* Et loquitur de gloria inadæquata, nego. Constat enim ex dictis sanctum Chrysostomum agnovisse, & prædicasse gloriam animæ Sanctorum: unde loca si qua sint obscura, per clariora explicanda sunt, per ea maxime quæ pro principii Patres habent, qualia sunt ex quibus ille Pater statuit gloriam præsentem animarum Sanctorum, ut provocet populum ad penitentiae labores fortiter inbeundos, ejus stipendium est vita æterna.

## SYNOPSIS PROBATIONUM.

*S. Chrysostomus gloriam animæ Sanctorum usque ad seculorum consummationem differri non docuit.*

*PRIMO,* Quia dicit Sanctos videre faciem Dei.

*Secundo,* Athletam Christi jam coronari.

*Tertio,* Piam mortem nunc in regnum perpetuum deducere.

## SYNOPSIS OBJECTIONUM,

### ET SOLUTIONUM.

*PRIMO,* S. Chrysostomus quidem asserit non in eodem loco Sanctos coronari, sed diversas esse in cælo mansiones intelligit, aliam scilicet esse gloriam Angelorum, aliam Prophetarum, aliam Martyrum.

*Secundo,* Utique docet animam absque corpore non coronari, sed loquitur de gloria completa.

*Tertio,* Pari & simili sensu omnes Sanctos eodem tempore coronandos esse commemorat.

## ARTICULUS SEXTUS.

*Num Sanctus Augustinus post Episcopatum adhæserit Millenariis?*

**C**ERTUM est Augustinum adhæsisse Millenariis; enimvero Sanctos mille annis regnatos cum agno in terris, deliciis perfruentes spiritalibus antequam coronarentur in cælis autumabat. Ita ipse fatetur l. 20. de Civ. Dei c. 9. & Serm. 239. sed re maturius considerata ad veram opinionem cito citius se convertit. Unde fit

CON-

## CONCLUSIO.

Sanctus Augustinus tenuit animas Sanctorum e vita præsentis migrantes, absque dilatione visione Dei intuitiva donari, si nihil habeant pro peccatis purgandum.

*Probatur variis momentis.*

**Q**UI dicit Beatos videre faciem Dei, habere illum præsentem & cernere, loqui Domino os ad os, substantiam Domini videre, immo & regnare in æternum, postquam mortalia corpora sua deposuerunt, suo confirmat calculo opinionem catholicam de Beatitudine præsentis Sanctorum; atqui hæc omnia dicit S. Augustinus. Et probatur:

1. In Psal. 116. explicans illa verba: *Hæc mihi quia incolatus meus prolongatus est, ait, ibi omnes Iusti & Sancti qui fruuntur verbo Dei, sine lectione, sine litteris: quod enim nobis per paginam scriptum est, per faciem Dei illi cernunt.*

2. I. Medit. c. 32. *Felix anima quæ terreno resoluta corpore, libera cælum petit, securæ est & tranquilla, non timet hostem, neque mortem: habet enim præsentem, cernitque indefinenter pulcherrimum Dominum.*

3. I. 9. Confess. c. 3. n. 6. loquens de Nebridio defuncto, ait: *Nunc ille vivit, jam non ponit autem ad os meum, sed spiritale os ad fontem tuum Deus meus, & bibit quantum potest sapientiam pro sua aviditate, sine fine sitit.*

4. I. de Gen. ad litt. c. 371. n. 66. & 67. asserit, Lazarum videre ipsam Dei substantiam.

5. Tract. 26. in Joan. c. 6. ad illud: *Resuscitabo eum in novissimo die*, ait, *ut habeat interim secundum spiritum vitam.*

*Solvuntur Objectiones.*

**Obijciat** 1. Qui dicit Justos Deum visuros, quando creverint usque ad perfectionem Angelorum, quod erit solum in resurrectione universali, existimat beatitudinem illorum differri ad hoc usque tempus: atqui sic docet S. Aug. & probatur. Epist. 14. ad Fortunatum exponens quædam verba Hieronymi, sic loquitur: "In his verbis hominis Dei, multa consideranda sunt: primum quia secundum apertissimam Domini sententiam etiam

ipse sentit, tunc visuros faciem Dei, cum in Angelos profecerimus, idest, æquales Angelis facti fuerimus, quod erit utique in resurrectione mortuorum: ergo &c.

**Respondeo** 1. Loca S. Augustini pro opinionione Millenariorum ea esse, quæ antiquam maturius examinasset S. Doctor istud momentum, scripsit: sed ponderatis omnibus pro utraque parte militantibus, se retractavit.

**Respondeo** 2. distinguendo. Et S. Augustinus loquitur in loco allato de beatitudine consummata, concedo: excludendo beatitudinem animæ, quæ completam antecedit; nego: immo explicans S. Hieronymum non negat animam donari beatitudine ante Judicium universale, sed probare solum contendit Sanctos futuros esse aliquando in cælis sicut Angelos Dei, & in probationem asserit visionem Dei perfectissimam eamque completam, qualis erit post resurrectionem; tunc enim totus homo felicitate perfecta gaudebit, quidem & ipsum corpus suam habebit beatitudinem, & tunc temporis adimplebitur illud Christi Matt. 22. v. 30. *In resurrectione... neque nubent, neque nubentur: sed erunt sicut Angeli Dei in cælo.*

**Instabis.** Qui docet animas esse in receptaculis absconditis ad resurrectionem usque, credit de facto gloriam differri usque ad illum terminum: atqui sic credit S. Augustinus & probatur Enchiridio, c. 108.

**Tempus, inquit,** quod inter hominis mortem, & ultimam resurrectionem interpositum est, animas in abditis receptaculis continet. "Et iterum I. 8. de Civit. Dei c. 9." Pars civitatis Dei quæ conjungenda immortalibus Angelis, ex mortalibus hominibus congregatur, nunc mortaliter peregrinatur in terris, vel in eis qui mortem obierunt, secretis animarum receptaculis, sedibusque requiescit.

**Respondeo** distinguendo. Et per receptacula intelligit S. Augustinus diversas cæli mansiones quæ sunt diversi gloriæ gradus, secreti quidem, & absconditi viatoribus, concedo: loca subterranea, nego. Nunquam I. 2. de Civ. Dei, c. 15. ex profecto docet animas Sanctorum a Christi adventu non descendere in infernum, in loca scilicet inferiora, sic enim seipsum explicat. "Si non absurde credi videtur antiquos etiam Sanctos qui venturi Christi tenuerunt fidem, locis quidem a tor-

men-

"mentis impiorum remotissimis, sed apud inferos fuisse: deinceps boni fideles effuso sanguine illo Christi, jam redempti prorsus inferos nesciunt."

"*Urgebis*, S. Augustinus asserit Sanctos nondum esse in loco ubi erunt electi, quos Christus vocabit in Judicio: *Venite, benedicti Patris mei, percipite regnum*; sed ubi est ulcerosus Lazarus. Sic enim loquitur in *Psalm. 36*. "Post vitam istam nondum eris, ubi erunt Sancti, quibus dicitur: *Venite, benedicti Patris mei, percipite regnum, quod vobis paratum est ab origine mundi*. Nondum ibi eris, quis nescit? sed jam poteris ibi esse, ubi illum quondam ulcerosum pauperem, dives ille superbus in mediis tormentis vidit longe quiescentem, in illa requie certe securus expectabis Iudicii diem." Ergo, &c.

*Respondeo* distinguendo. S. Augustinus dicit Sanctos nondum esse in loco beatitudinis, nego: in loco tali, subdistinguo: non dicit antequam Episcopus fuerit inauguratus, concedo: non dicit re maturius considerata, nego. Quatuor igitur circa istud momentum observanda sunt cum Bellarm. l. 1. de beat. Sanct. c. 5.

1. S. Augustinum adhæsisse Millenariis, ut jam dictum est.

2. Re maturius ponderata admisisse beatitudinem pro animabus Sanctorum absque mora largiendam, modo nihil haberent expiandum, ut patet ex locis supra laudatis.

3. Pendulum aliquo tempore mansisse, non quidem circa beatitudinem animarum, sed circa locum beatitudinis; modo enim finem Abrahamæ ut quid a sinu Dei distinctum credidit, modo etiam nihil determinabat. In loco citato dicit finem Abrahamæ esse quid a regno cælorum distinctum. Sed lib. 9. Confess. c. 3. n. 6. de Nebridio defuncto, actus in incertum loquitur: "Nunc ille vivit in sinu Abrahamæ. . . quidquid illud est quod illo significatur sinu."

4. Tandem se determinasse, lib. 93. quest. Evang. c. 36. n. 1. compertum habemus, quandoquidem dicit animas esse in cælo, & sinum Abrahamæ idem esse cum sinu Patris. "Sinus Abrahamæ", inquit, requies est beatorum pauperum; corona est regnum cælorum in quo post hanc vitam recipiuntur. Ibidem n. 53. Sinus Abrahamæ intelligitur secretum Patris, quo post passionem resurgens assumptus est, &c.

*Insuper adhuc*. l. 12. de Gen. c. 37. Asserit animam sanctam visuram esse Deum perfectius post resurrectionem: ergo putat non videre intuitiva ante illud tempus. Probatur consequentia: non datur visio perfectior intuitiva: ergo si anima Sanctorum perfectius videbit Deum post resurrectionem, vult S. Augustinus eam antea non videre, alias non diceret perfectiorem visionem post Judicium futuram, siquidem foret visio ante & post æqualis, scilicet intuitiva.

*Respondeo* distinguendo. Anima Iusti videbit Deum perfectius extensive post resurrectionem & quodammodo extensive, concedo: perfectius specificè, nego. Utraque enim visio animæ sanctæ est intuitiva, tam ante quam post resurrectionem, sed post resurrectionem erit extensive major, quia erit a corpore & ab anima immo etiam quodammodo intensius quatenus visio procedens a toto homine, censetur perfectior ea quæ procedit solum ab una parte. Ita Div. Thom. in 4. Sententiarum, dist. 49. & 1. 2. q. 4. 3. 5.

*Persiles*. Serm. 259. dicit Sanctos post resurrectionem celebraturos cum Christo in terra Sabbatium, id est, regnum mille annorum, antequam adducantur in cælum. & l. 20. de Civ. Dei, c. 13. "Ani- mæ victrices, inquit, gloriosorum Martyrum omnibus doloribus ac laboribus superatis atque finitis postea quam mortalia membra posuerunt, cum Christo ubique regnaverunt, & regnat, donec finiantur mille anni, ut postea receptis etiam corporibus jam immortalibus regnent."

*Respondeo* distinguendo: & S. Aug. correxit in l. 2. quest. in l. de Gen. ad litt. & tract. 26. in Joann. quæ dixit in gratiam Millenariorum, concedo: & non se retraxit, nego. Bellarmus l. 1. de Beat. Sanct. c. 5. existimat secundum locum non esse contrarium opinioni catholicæ. Sensus igitur est Beatos regnare in cælo, quia ex S. Augustino regnant cum Christo, Christus autem ex eodem S. Doctore in cælo est; regnant mille annos, hoc est, ab Ascensione usque ad Judicium universale: namque vocabulum *mille*, magnam significat durationem, postea vero Sancti sua resument corpora, & tunc ut egregie ait S. Augustinus regnabunt immortales, enimvero corpora non erunt amplius alterationi subiecta, tunc societas Sanctorum resurrectis corporibus erit com-

pleta atque perfecta, sicut & perfectum regnum, quando scilicet totus homo glorificabitur. Quod autem Augustinus, in hoc non faveat Millenariis, patet; isti quippe admittunt regnum mille annorum post resurrectionem, ille vero loquitur de spatio ab Ascensione Christi usque ad ultimum Filii Dei adventum: nam post illud regnum, ipso teste, sua resument animæ victrices corpora.

## SYNOPSIS PROBATIONUM.

*S. Augustinus, ut primum Episcopus factus est, non iniegit in errorem Millenariorum.*

*Primo, Quia in Psal. 116. asserit Sanctos videre faciem Dei.*

*Secundo, Quia I. medit. c. 22. eosdem Deum habere præsentem commemorat.*

*Tertio, Quia I. 9. Confess. c. 3. n. 6. de Sanctis iterum loquens ait eos in ipso sapientiae fonte aquas salientes in vitam æternam pro sua aviditate sine fine bibere.*

## SYNOPSIS OBJECTIONUM,

## ET SOLUTIONUM.

*Primo, Verum est S. Augustinum multa in gratiam Millenariorum proferre, sed hæc professio ante Episcopatum.*

*Secundo, Non negamus utique S. præfulem in Psalm. 36. Sanctos nondum esse in loco ubi erunt electi, prædicare; sed non ideo excludit ab animabus Sanctorum visionem Dei intuitivam. Loquuntur solum dubitantes de loco in quo quiescebant in Domino, verum I. 2. quæst. Evang. c. 35. n. 1. resumptius ponderata, determinat esse cælum & Patris æterni sinum.*

*Tertio, Docet utique S. Præfule animus post resurrectionem Deum perfectius esse visurus, sed quid mirum? tunc enim resumpto corpore homo integer erit, porro actus vitalis, qualis est visio beatifica perfectior censetur, cum a toto homine procedit & elicitur.*

## ARTICULUS SEPTIMUS.

*Utrum Sanctus Bernardus adhæserit Millenariis.*

## CONCLUSIO.

Sanctus Bernardus non adhæsit Millenariis.

*Probatnr multipliciter.*

**PRIMO**, Serm. 5. in Dedicatione Sanctorum, sic loquitur: "Omnes novimus festivitatem omnium Sanctorum dici, & esse quam celebramus, omnium, inquam, sive cælestium, sive terrestrium: sunt enim Sancti de cælo, & Sancti de terra."

*Secundo*, ibidem. Postquam locutus est de Sanctis terræ, subdit, "Aliud in his sanctitatis genus, loquitur de Sanctis cæli, & proprio modo honorandum, qui venerunt scilicet ex magna tribulatione, & laverunt stolas suas in sanguine Agni, qui post multos agones, jam nunc triumphant in cælis coronati."

*Tertio*, ibidem. "Longe aliter beati in quibus perfecta charitas foras misit timorem, nec jam timent ambulantes in viis ejus, sed laudant potius in domo, nostra festiuitas, Sanctorum scilicet de terra, in timore Domini, illorum in exultatione & laude versatur. . . . beati qui habitant in domo tua; Domine. . . non acquiesco, expertes gloriæ credere Sanctos."

*Quarto*, ibidem. "Portio nostra in terra vivendum, nec modica sane portio, si tamen, ut decet, memoriam affectu commiteatur. Sic inquam, conversatio nostra in cælis est, verumtamen non sic nostra, sicut illorum, ipsorum enim substantia ibi est, nostra autem desideria, ipsi per præsentiam, nos per nemoniam ubi sumus. . . Idem passim dicit Serm. 1. & 2. ex quibus sequens efformatur ratiocinium. Ille non adhæsit Millenariis qui dicit alios esse Sanctos de terra, & alios de cælo, qui asscit illos triumphare coronatos in cælis, eorum substantiam ibi esse; qui non acquiescit dicentibus sanctos esse gloriæ expertes: atqui hæc omnia, ut ex dictis patet, dicit, docet & prædicat S. Bernardus: ergo neque iniegit in errorem Millenariorum, neque eis adhæsit.



## Solvuntur Objectiones.

*Obijcies.* S. Bernardus Serm. 3. in Festiv. Sanctorum, sic loquitur: "In illam beatissimam domum, nec sine nobis intrabunt cum corporibus suis, idest, nec Sancti sine plebe, nec spiritus sine carne." Sed caro solum post Judicium intrabit in regnum cœlorum: ergo S. Bern. existimavit animas Sanctorum donari gloriæ æterna solum post resurrectionem.

*Respondeo* 1. Ad omnia quæ possunt obijci in contrarium opponendo Bernardum Bernardo, & dico loca paululum obscura explicanda esse per dilucidiora.

*Respondeo* 2. distinguendo. Et loquitur ibi de beatitudine integra, concedo: de beatitudine inchoata, nego. Enimvero immediate post verba laudata subdit: "Neque enim præstari decet integram beatitudinem, donec sit homo integer. . . acceperunt jam stolas suas, sed non vestiuntur duplicibus, donec vestiamur & nos. . . stola prima ipsa est, quam diximus, felicitas & requies animarum, secunda vero immortalitas." En Bernardus sui ipsius interpres: namque per stolam intelligit gloriam animæ, per immortalitatem gloriam corporis, quod resurget numquam moriturum, porro vocat illa duplicia quibus Sancti non vestientur sine nobis, quatenus omnes Sancti accipient gloriam corporis, solum post resurrectionem, & omnes simul eodemque tempore. Jamvero notandum quod S. Bernardus in isto & sequenti sermone triplicem distinguat beatitudinem, unam in sinu Abrahæ quam vocat requiem, & est beatitudo quam Patres antiquæ legis habebant in Limbus quos fecernit a damnatis, inter quos & Deum ingens interponebatur chaos, Sancti vero expectantes beatam spem, & adventum Domini, requiem habebant a tormentis, consolationem habentes in fide Abrahæ, cui facta erat promissio de Christo, & de gloria per ipsum retribuenda. Secundam beatitudinem quam agnoscit, est beatitudo animæ quæ vel in exitu mortis, vel post expiatis in purgatorio poenas pro peccatis debitas, evolat ad cœlum; & nominat modo atria, modo stolam primam; atria quidem, quia jam incipit homo esse beatus donec ingreditur in requiem perfectam; stolam vero primam, quatenus gloria animæ præcedit gloriam corporis. Tertiæ est gloria corpo-

ris conjuncta gloriæ animæ quam distinguendo vocat duplicia, tunc enim de facto erit duplex gloria, scilicet gloria animæ & corporis. Sic omnia difficilia solvuntur, sic & pariter obscura dilucidantur.

*Inflabis.* Idem Serm. 4. de eadem Festivitate explicans illud Apocal. *Sub throno Dei omnes Sancti clamant;* & quomodo sint sub throno Christi, ait: "1. Interim sub Christi, si humanitate feliciter Sancti requiescunt in quem desiderant Angeli proficere, donec veniat tempus quando non jam sub altari collocentur, sed exaltentur super altare." 2. *Ibidem* sic prosequitur: Quoniam igitur modo dixerim exaltandos eos qui nunc sub altari quiescunt, visione utique & conterplatione, ostendit enim nobis filium, ut pollicitus semetipsum, non in forma servi, sed in forma Dei, ostendit etiam in nobis patrem." 3. Probat aliis Scripturæ locis beatitudinem animæ simul & corporis, etiam pro viatoribus. Igitur sic arguitur ex S. Bernardo. Qui dicit animas Sanctorum esse sub altari, quiescere sub humanitate Christi, & desiderare videre Deum, qui dicit in judicio Sanctos exaltandos fore, & tunc ponendos super altare ut videant intuitive Deum, qui asserit Christum illis apparitum esse, non amplius in forma servi, sed in forma Dei, qui denique eodem modo loquitur de gloria viatorum & defunctorum in resurrectione universali danda, credit gloriam omnem, etiam animæ, differri usque ad illud tempus: at qui sic docet & sic loquitur S. Bernardus: ergo credidit gloriam etiam animæ, non dari nisi post Judicium. Et vero si nunc beatitudine donarentur animæ Sanctorum, si in cœlo habitarent secundum mentem illius sancti Doctoris; etiam nunc viderent Christum non in forma servi ut posuit, sed in forma Dei, quia viderent eum sedentem ad dexteram Patris, jam non forent absconditæ sed exaltatæ, & claritate Dei fulgentes.

*Respondeo* distinguendo. Et S. Bernardus loquitur de gloria consummata quæ publica erit, quæque omnium oculis etiam reproborum subijcietur, concedo: de gloria animæ præcile, nego. Christus appareret quidem etiam in forma Dei, sed non viatoribus & reprobis: at vero in Judicio veniet cum potestate magna & maiestate, tunc Angelis & omnibus Electis adorantibus, & astantibus apparebit clarè,

clare, etiam reprobis; id omne, quod est in sua gloria: porro hanc solam manifestationem notat Bernard. ad commendationem gloriæ Christi & Sanctorum quæ tunc erit maxima. Neque magis urget illud quod dicitur animis esse sub altari, hoc enim ratione corporis in pulverem redacti, sed non ratione sui intelligi nemo non videt: tunc temporis exaltabuntur novo modo animæ, sua nimirum resumendo corpora quæ dotibus decorata glorioſis, fulgebunt ut sol in conspectu universi.

Jam ad singula respondeo. Ad primum quidem, dico S. Bernardum loqui de gloria corporis Beatorum quæ est sub corpore Christi abscondita, sicut arbor includitur in semine juxta illud ad Philipp. 3. v. 21. *Expectamus Dominum nostrum Jesum Christum qui reformabit corpus humilitatis nostræ, configuratum corpori claritatis suæ*. Et certe si Sanctorum animæ quiescunt ex divo Bernardo in sinu Abraham, jam sunt beatæ, si vident humanitatem Christi ex ipso, utique sunt in cælo: siquidem Serm. de Ascensione, Christum esse in cælo asserit. Si desiderant videre Deum ut Angeli Sancti, profecto solum desiderant desiderio complacentiæ, quod quidem non excludit visionem Dei intuitivam, nunquam S. Bernardus non semel dicit Sanctos Angelos ea perfrui gloria: igitur & animis sanctis possidere non negat, sic patet solutio ad secundum.

Ad tertium, distinguo. Loquitur eodem modo S. Bernardus de gloria viatorum per distributionem accomodam, dicit enim Justos viatores esse in spe & memoria in cælis, Beatos vero ibi esse secundum substantiam, concedo: secus, nego. Ad aliud distinguo. Christus videbitur in forma Dei ab omnibus, sive beatis, sive reprobis in die Judicii; sed longe diversimode, ipsi reprobi trementes videbunt ut omnipotentem qui vindictam sumet de inimicis suis, concedo: & non videbitur nunc ab animabus Sanctorum, nego. Dicit enim S. Bernardus illis videre Deum facie ad faciem. Similiter distinguo: Exaltabuntur animæ in Judicio ratione corporis glorificandi, concedo: ratione sui, subdistinguo: exaltatione publica, concedo: recipiendo gloriam pro se quam non habebunt antea, nego. Contrarium quippe docet S. Bern. dicendo: „Non acquiesco expertes gloriæ credere „Sanctos.”

Bernard Theol. Tom. I.

*Inflabis*. Ibidem divus Bernardus docet gloriam animæ esse in spe: ergo, &c.

*Respondeo* distinguendo. Gloria animæ viatorum, concedo: animæ defunctorum, nego. Quatuor dicit S. Bernard. 1. Animas Patrum veteris Legis requiescere in sinu Abraham in Limbis. 2. Animas Sanctorum novæ Legis videre Deum & habere stolam primam. 3. Corpora esse sub altari & expectare gloriam pro tempore resurrectionis: denique instinctu Dei subito ad alia raptus, loquitur de gloria quam quidem bonis operibus comparare possumus, eamque esse in spe & promissione prædicat. Postea sermonem absolvit loquendo de beatitudine corporis, cuius doctores gloriosas pro futuro habendas, delineat. His & similibus distinctionibus, cætera loca quæ aliquam præ se ferunt difficultatem recte explicantur; præsertim vero cum ille Pater non ad trutinam rigorosæ scolasticæ, sed devotione potius prout erat Spiritus sancti, impetus & impulsus scripserit: unde benigne & semper congrue ejus mentem interpretari debemus.

*Rursus inflabis*. Passim dicit ibidem Serm. 4. animas etiam Sanctorum novæ Legis requiescere in sinu Abraham. Jam vero, „inquit, sicut ubi forte præiens quoque „Sanctorum requies Abraham vocatur, certum est de Evangelio hanc inno- „levisse consuetudinem. „Sed esse in sinu Abraham, est expectare beatitudinem animæ, ipso teste sancto Bernardo: igitur ex ipso animæ Sanctorum nondum gloria donantur & visione beatifica.

*Respondeo distinguendo*. Animæ Sanctorum requiescent in sinu Abraham denominative, & diverso modo a Patribus veteris Legis, concedo: in eodem sensu, nego: & distinguo minorem: esse in sinu Abraham ut Prophætæ & antiqui Patriarchæ est expectare gloriam, concedo: esse solum denominative, & secundum quid, nego. Sinus Abraham sumitur dupliciter; 1. pro fide Abraham. 2. pro cælo. Primo modo Limbus vocabatur sinus Abraham, quatenus erant ibi, tum anima Abraham, tum animæ cæterorum Patrum, qui eadem fide expectabant Christum promissum. Et vero si per sinum Abraham intelligeretur fides illius Patriarchæ, sequeretur Sanctos expectare Christi Nativitatem, ut Patres veteris Legis, quod est prorsus a mente S. Bernardi alienum. Alio prorsus modo & sensu dicitur cælum & divini Patris sinus in quo requiescunt Sancti sine

Y sine

line sine contemplantes Sanctissimam Trinitatem, qui quidem sinus dicitur etiam analogice in Evangelio sinus Abraham, in quantum quies illa aeterna, figurabatur per quietem quam Sancti habebant in Limbo in fide Abraham: utroque modo sumit S. Augustinus, ut dictum est supra, & ipse S. Bernardus qui ibidem hanc subdit:

Licet neminem oporteat dubitare, longe alium hunc sinus esse quam illum, quippe cum ille in tenebris, scilicet sinus Patrum Legis veteris, hic in luce multa scilicet Sanctorum novae Legis, in inferno ille fuerit, iste in caelo. Unde sic prosequitur: "Non incongrue tamen etiam nunc dictum videtur Patriarcharum filios paternum in sinus recipi, cum ad eorum consortium, ab hoc saeculo transire meruerint."

*Urgebis.* Illae animae nondum Deum intuitive vident, quae expectant diem Judicii ut introeant in gaudium Domini: atque ex divo Bernardo sic expectant: & probatur. Serm. 2. in eadem Sanctorum Festivitate sic loquitur: "Jam vero consummato militiae tempore gaudium habent Sancti, etiam in spiritu suo, donec adveniat dies illa qua introire mereantur in gaudium Domini sui, gaudium habituri, & in ipso corpore; quae quidem verba, habituri & in ipso corpore, plurimum observanda sunt. His enim sententiam Sanctos, neque quoad animam, neque quoad corpus gloria esse donatos innuere videtur S. Bernardus: praeterquam in expressione apparet regratio, quatenus animas quidem primo, deinde corpora, gloria esse eodem tempore donanda asserit: ergo, &c.

*Respondeo*, negando minorem: ad probationem, distinguo. Sancti habituri sunt gaudium, & in anima & in corpore, pro gloria consummata & plena, concedo: ita ut antea jam nullum haberent, nequidem pro anima, nego. Gaudium tunc erit plenum, & incipiet ab anima quae gaudebit de novo, propter gloriam corporis, & ipsi gaudium modo speciali redundabit in corpus. Quod haec sit mens S. Bernardi, constat ex his quae ibidem profert: *Signatum est super eos lumen vultus Domini, & licet non plenam, habet tamen laetitiam multam in corde suo.* Non sunt igitur nunc animae Sanctorum expertes gaudii: immo ex S. Bern. magnum habent, & quare magnum, nisi quia Deum vident intuitive?

*Repones.* Illae animae ex S. Bern. habent solum dulcedinem absconditam & secretam: igitur non eam quae ex visione intuitiva promanat. Probatur antecedens: ibidem sic loquitur: "Est ergo multitudo dulcedinis quae abscondita est, magna quidem, & magni valde, nec dum tamen perfecta, quoniam in manifesta, to perficietur, non in abscondito, quando non sub altari requiescent Sancti, sed super thronos tamquam Judices residuebunt." In quibus verbis duo notanda sunt. Alterum, dulcedinem esse absconditam: alterum vero, Sanctos esse sub altari, quod est corpus Christi, juxta illud Bern. serm. 3. "Altare ipsum de quo habendus est sermo, nihil aliud esse arbitror, quam corpus Christi: interim ergo sub Christi humanitate feliciter Sancti requiescunt, in quam Angeli desiderant, &c."

*Respondeo* distinguendo. Sanctorum animae habent in termino dulcedinem absconditam viatoribus, oculus enim non vidit, nec auris audivit, nec in cor hominis ascendit quae praeparavit Deus diligentibus se, concedo: habent absconditam respectu sui, nego. Porro dulcedo manifestabitur in Judicio: tunc enim reprobi tremantes, & mirabundi videbunt in gloria eos, quos habuerunt aliquando in derisum & in similitudinem improprietatis, haec est mens divi Bernardi. Ad aliud patet solutio supra.

*Persiftes.* Animae Sanctorum quendam ex S. Bern. experiuntur defectum in alia vita: ergo ex ipso nequidem habent in seipsis dulcedinem gloriae. Probatur antecedens: serm. 3. in eadem Sanctorum Festivitate, sic habet: "Advertitis ex iis quae praecedenti sermone sunt dicta, tres esse Sanctorum status animarum; primum videlicet in corpore corruptibili; secundum sine corpore; tertium, in beatitudine consummata. Primum, denique in tabernaculis; secundum, in atriis; tertium, in domo Dei; sed quoniam in atriis defectus est, Beati omnino qui habitant in domo tua, Domine, quoniam in domum Domini ibimus." Confirmatur. Alibi easdem animas Sanctorum asserit, esse quidem absque culpa, sed non sine ruga.

*Respondeo* distinguendo. Est defectus ratione gloriae corporis quae deest, concedo: ratione gloriae animae, nego. Immo ille locus nostram firmat pro S. Bernardo sententiam, totum siquidem clare expli-

plicat mysterium, nam SS. post resurrectionem erunt perfecte Beati, tunc gloriam habebunt adæquatam & ur. versalem: enimvero totus homo regnabit in æternum in domo Domini. Quod autem Sancti impræsentiarum summo afficiuntur & gaudio & præmio, patet ex ipso S. Bernardo qui in ferm. 3. sic effatur. "Quandam est felicitas eorum, quam immensa lætitia, qui nimirum triplici gaudio de recordatione transactæ virtutis, de exhibitione præsentis quietis, de certa expectatione futuræ consummationis exultant." Ad confirmationem est eadem solutio: animæ quidem illæ ratione corporis in pulverem redactæ, aliquam patiuntur rugam, seu potius gloriæ defectum; minime vero ratione sui.

## SYNOPSIS PROBATIONUM.

*Sanctus Bernardus non ad hæsit  
Millenariis.*

*PRIMO.* Quia asserit Sanctos jam in cælis triumphare coronatos.

*Secundo.* De eisdem, dixit esse in cælo præsentem secundum substantiam: nos vero per memoriam.

*Tertio.* Proficitur nusquam se assentiri & credere iis, qui Sanctos esse gloriæ expertes propugnant.

## SYNOPSIS OBJECTIONUM,

### ET SOLUTIONUM.

*PRIMO.* Non diffitemur S. Bernardum alternata vice prædicare Sanctos in sinu Abrahæ quiescere: verum vel loqui de Patribus in Limbis conclusis beatam spem, & adventum Christi primum expectantibus, vel per sinum Abrahæ Patris æterni sinum intelligere constat.

*Secundo.* Utique dicit devotus ille Pater Sanctorum animas quiescere sub altari in quo aliquem experiuntur defectum, sed hæc omnia eas gloria corporis privari solummodo indignant.

*Tertio.* Vocat etiam idem Pater Beatorum dulcedinem absconditam, sed nemo non videt illum velle viatoribus tantum, nusquam vero ipsis animabus esse occultam.

## ARTICULUS OCTAVUS.

*Utrum animæ in Purgatorio detente ulla absque mora visione Dei intuitiva donentur, ubi primum Iustitiæ divinæ fecerunt satis?*

**A**RIUS, teste S. Epiphanio, hæc. 75. erravit circa Purgatorium, post ipsum Vvaldenses non sane de eodem momento locuti sunt, sed omnium audacior fuit Lutherus, qui illud simpliciter & absolute negavit; similiter & Calvinus, ut refert Bellarminus lib. 1. de Purg. cap. 2. quoniam vero abyssum abyssum invocant, ambo Chiliastrarum vestigiis inherentes, beatitudinem Sanctorum in pace Christi defunctorum, ad resurrectionem usque generalem differri effutierunt; quamobrem ad illos revincendos duo momenta impræsentiarum enucleanda nobis incumbunt; alterum quidem de beatitudine Purgatorii existentia seu realitate; alterum vero de beatitudine animarum purgatarum quasunt ab omni reatu culpæ, tum poenæ immunes. Unde sit

## SECTIO PRIMA.

*Utrum dicatur Purgatorium.*

**PURGATORIUM** quandoque sumitur in Scripturis pro remissione peccatorum, juxta illud Hebr. 1. *Purgationem peccatorum faciens*: nonnunquam pro præsentis vitæ tum miseris, tum etiam tribulationibus: in hoc sensu celebratur apud Malachiam cap. 3. his verbis: *Ipse sedebit quasi ignis constans, & quasi herba fulgurum, & turgabis filios Levi, & colabis eos quasi aurum & quasi argentum.* Apud Patres vero illud vocabulum usurpatur pro loco in quo animæ Iustorum Iustitiæ divinæ satisfaciunt, scilicet pro peccatis quæ defectu sufficientis expiationis remanent quantum ad reatum alicujus poenæ, vel etiam ad remissionem simul & expiationem peccatorum venialium, de quibus nequidem confessi sunt Iusti viatores. Quæstio impræsentiarum movetur de Purgatorio in ista tertia acceptione spectato. Cardinalis Bellarminus sexta controversia libris duobus hanc suscepit provinciam defendendam, quam ita perfecte adversus tum veteres, tum recentiores hæreticos complevit, ut vel minimum quidquam ad fidem contra hæreti-

reticorum flagitiosas molitiones omiffisse vix dici possit; hujus igitur insistentes vestigiis, & Scripturæ sententiis, & oraculis Patrum, & definitione Conciliorum, sed maxime utriusque Ecclesiæ Orientalis nimirum & Occidentalis consensu dogma Catholicum, quantum in nobis erit, stabilire satagemus. Unde sit

### CONCLUSIO CATHOLICA.

Datur Purgatorium.

Probatur multipliciter.

Primum argumentum. Ex veteri Testamento.

**P**ER Purgatorium intelligimus locum ubi animæ iustorum purgantur a reliquiis peccatorum, ubi transeunt per ignem ut educantur postea in refrigerium, ubi non in furore, sed in misericordia corripuntur, ubi tum precibus, tum sacrificiis sublevari possunt, ubi denique faciunt satis iustitiæ, ut postea Deo perfecte reconcilientur seu conjungantur per gloriam: atqui talis datur locus, igitur & Purgatorium. Probatur minor quoad singulas partes veteris Testamenti sententiis.

Primo. Datur locus in quo quidem animæ alias iustæ & Deo acceptæ purgantur a reliquiis peccatorum, juxta illud Isaïæ 4. *Purgabit Dominus sordes filiorum & filiarum Sion, & sanguinem emundabit de medio eorum in spiritu judicii, & spiritu combustionis.* Rursus c. 9. *Succensa est quasi ignis impietas, vepres & spinas devoravit.* Ibi expressa sit mentio & de peccatis, & de eorundem emundatione per ignem, quæ quidem omnia verba si literaliter sumantur, intelligi debent de igne & pœna Purgatorii. In hoc prorsus sensu primam sententiam usurpat S. Augustinus l. 20. de Civ. c. 25. *Ex his quæ dicta sunt videtur evidentius apparere in illo Judicio quasdam quorundam Purgatorias pœnas futuras. . . . Dicit tale aliquid & Isaïas: Lavabit Dominus sordes filiorum & filiarum Sion, & sanguinem emundabit de medio eorum spiritu judicii & combustionis, utique ostendit eos ipsos, qui emundabuntur, deinceps in sacrificiis iustitiæ Domino esse placituros. . . . Verum ista quasi de purgatoriis pœnis, ut diligentius pertractetur, in tempus aliud differenda est. . .*

Alteram Prophetæ sententiam non ab simili modo interpretatur S. Basilii comment. in hunc locum, in c. 9. Isaïæ sic loquitur: *" Si igitur per confessionem detexerimus peccatum, jam succrescens germen arefacimus, dignum plane quid depascatur ac devoret Purgatorius ignis. "* Rursus ibidem: *" Non omnimodam internectionem, & exterminium committitur, sed innuit expurgationem, juxta Apostoli sententiam, ipse autem saluus erit quasi per ignem. "*

Secundo. Datur locus in quo iustorum animæ post satisfactionem beata deinde requie perfruuntur; sic enim intonat Prophetæ Regius Psalm. 65. *Transivimus per ignem & aquam, & eduxisti nos in refrigerium.* Origines hom. 25. in Num. hanc de Purgatorio explanat sententiam: *succinit Sanctus Ambrosius serm. 3. in Psalm. 118. " Hic, inquit, per aquam, illic per ignem; per aquam, ut abluantur peccata, per ignem, ut exurantur. "*

Tertio. Datur locus, ubi non in furore, sed in misericordia visitat Dominus: hoc ipsum indigitat David Psalm. 47. his verbis: *Dominus, ne in furore tuo arguas me, neque in ira tuo corripas me.* S. Augustinus istud sic exponit oraculum: *" In hac vita purges me, & talem me reddas, cui jam emendatorio igne non opus sit. "* Intelligit igitur S. Doctor pœnitentiam nondum expletam, igne Purgatorii esse consummandam.

Quarto. Datur locus in quo piæ defunctorum animæ precibus & sacrificiis plurimum sublevantur, non una aut altera, sed multiplex dicit Scriptura, maxime Tob. 4. *Panem tuum & vinum super sepulchram iusti constitue, & noli ex eo manducare & bibere cum peccatoribus.* Rursus 2. Machab. 12. *Sancta ergo & salubris est cogitatio pro defunctis exorare, ut a peccatis solvantur.* Hinc habitatores Jabs 1. Reg. ultim. jejunaverunt septem dies pro iis qui cum Saul ceciderant in prælio. Ex quo aperte liquet dari locum inferiorem in quo animæ iustorum divinæ satisfaciunt iustitiæ.

Quinto. 2. Reg. 14. 4. legitur Davidem audita muliere Tecuita, puero Absalon condonasse fratris internectionem; attamen ex aula per aliquos menses ad plenam, perfectamque satisfactionem iterum Absalon exulare coegit. Quæ sententia, inquit Cardinalis Richelleus in controversia de Purgatorio sane indicat dari locum

cum, ubi animæ in quibus aliquis pœnæ reatus post hanc vitam remanet, divine faciunt satis iustitiæ.

*Solvuntur objectiones Lutherianorum.*

**O**BJICIUNT I. Loca Scripturæ intelligi de tribulationibus præsentis vitæ, quibus peccata expiari vult Deus; eoque prorsus scopo, vel etiam illas ad fidelitatem fervorem suorum comprobendam immittere, juxta illud Sap. 3. 6. *Tamquam aurum in fornace probavit illos.* Et iterum ibidem 3. 5. *Deus tentavit eos & invenit illos dignos se.* Immo & ad virtutis exemplum dirigit afflictiones quæ passim in Scripturis ignis nomine celebrantur, Unde S. Jacobus ad primos Christianos aiebat c. 5. 11. *Sufferentiam Job audistis & finem Domini vidistis.* Qua quidem sententia eorum stimulat & in perfectionibus pro fide defendenda patientiam atque animum, & ad imitandum Christum in passione, amorem & zelum.

**Secundo.** Omnium celeberrimus pro Purgatorio Scripturæ locus, est sententia ex libro secundo Machabæorum deprompta: sed ille contextus nihil urget, tum quia liber ab omnibus non recipitur tanquam genuinus; tum quia ibi Judas non de Purgatorio, sed de resurrectione solum facit mentionem, maxime vero cum ea tanquam aptissimo medio utatur ut animæ immortalitatem probet contra quosdam impios.

**Respondeo distinguendo.** Et loca laudatæ nedum de tribulationibus, verum & de pœnis Purgatorii apprimè, juxta Spiritus Sancti intentum intelliguntur, concedo: & de istis intelligi non valent, nego. Scripturæ multiplex est sensus, sed unum annotes velim, pie Lector, Spiritum sanctum res sensibiles hujus mundi non semel usurpare, ut manuducat nos ad cognitionem rerum absconditarum: non mirum igitur si quandoque pœnitentiam Baptismum ignis vocet: si eandem nomen fornacem in qua purgatur triticum a pileis, aurum a terra, hoc est iustus ab imperfectioribus, a vitiis, sed potissimum a pœnis pro peccatis debitis, & hoc ut intelligamus duo, nimirum peccata vel in præsentī vitæ per pœnitentiam expianda esse; vel in alia per ignem Purgatorii, cuius typus est tribulatio, quam hic quandoque propter peccata patitur. Hunc esse genuinum Scripturæ sensum docent S.

*Boncat Theol. Tom. I.*

Basilius laudatus, S. Augustinus & alii infra citandi. Neque vero negare fas est justos quandoque etiam probari ut iustificentur adhuc, sed & hoc præ oculis haberi vult Spiritus Sanctus, ut hic certam, promptamque agant pœnitentiam, ne duorem in alia vita experiri velint: namque ut ait Christus Dominus Luc. 23. 31. *Si in viridi ligno hæc facimus, in arido quid fiet?* Hoc est si iusti ipsi probationi subiciuntur, a fortiori peccatores gravissimas luent pro peccatis pœnas, maxime cum paucis hic solvere possumus quatenus præsens vita est tempus acceptabile, dies salutis & meriti; hinc S. Augustinus in Psal. 37. graviter increpat eos qui expiationem pro peccatis impræsentiarum negligunt, qui mundos esse a peccatis gravioribus sufficere ad salutem asserunt, nec aliud quidquam in corde habere volunt, nisi scilicet salvari, & si per ignem, nihil pro eis refert. Dicitur, inquit, salvus erit, quasi per ignem, & quia dicitur, salvus erit, contemnitur ille ignis: ita plane quamvis salvi per ignem, gravior, tamen est ille ignis, quam quidquid possit homo pati in hac vita. Longè aliter sentiebat sanctus ille Doctor; unde ibidem Deum alloquens sic effatur: *In hac vita purges me, & talem me reddas, cui iam emendatorio igne opus non sit.*

**Ad aliam replicam, distinguo.** Liber Machabæorum ab hæreticis non habetur ut Canonicus, concedo: a Sanctis Patribus & ab Ecclesia, nego. Absque fundamento Protestantes hunc a Scripturarum sacrarum canone expungunt librum, maxime cum eum in suo catalogo adsciverit Concilium Carthaginense tertium, & post ipsum Tridentinum. Hunc recipit Gelasius in suo de Libris sacris decreto, eundem ut genuinum agnoscit S. Augustinus lib. 2. de Doct. Christ. cap. 8. Ad instantiam vero qua dicunt Lutherani: Justam neque mentionem de Purgatorio facere, neque de hoc loqui, sed tantum immortalitatem animæ per resurrectionem intendere probare; distinguo, non facit mentionem expressam quoad terminos, concedo: quoad ipsam rem, nego. Et vero quodam primarium assumit, quæso, medium, ut animæ probet immortalitatem? nonne preces quas fundi pro defunctis piæ esse propugnat, ad hunc Ecclesiæ morem salutarem stabilendum velati attendebat Machabæus? unde hoc tanquam inconcussum, omnibusque notum

Y 3 sup-

supponens principium, sic urget impios, *Sancta & salubris est cogitatio pro defunctis exorare ut a peccatis solvantur*. Igitur concludit, resurgunt, adeoque superfluum foret pro eis orare: ergo animam esse immortalem constat. Jam vero Judam intelligere animas in Purgatorio detentas, ut virtute & precum & sacrificiorum a poenis sublevaré educerentur in refrigerium, in locum scilicet Limbi, ubi sancti Prophetæ & Patriarchæ quiescebant in sinu Abrahæ, expectantes beatam spem & adventum Christi, luce clarius apparet. Non enim preces fundebantur aut pro damnatis, quia in inferno nulla redemptio, hoc ipsum ultro fatentur Lutherani; aut etiam pro animabus justorum in sinu Abrahæ quiescentium, cum ibi nullos experirentur cruciatus, sed in pace beatam spem & adventum Domini, qui captivam secum in celos duceret captivitatem, expectabant; quem quidem adventum precibus accelerare, esse, poterant: sed ibi fit mentio de precibus fundendis ut a peccatis animæ solverentur: igitur ut e Purgatorio solutæ educerentur in pacis locum, juxta illud Psalmistæ: *Transivimus per ignem & aquam, & eduxit nos in refrigerium*.

*Obijciunt* 2. Varia loca ex libris Sapientialibus deprompta, quibus commentum esse Purgatorium probare autumant. 1. quidem Psalmo 136. habetur: *Cum dederis dilectis tuis somnum, ecce hæreditas Domini*. Igitur electi ut primum defuncti, etiam in pace requiescunt, unde mos hic apud Protestantés invaluit, omnes cessare preces & orationes, cum aliquos animam egisse conspiciunt. Rursus Ecclesiastæ 9. habetur: *Quodcumque facere potest, manus tua instanter operare quia nec opus, nec ratio, nec sapientia, nec scientia erunt apud inferos quo tu properas*. Sapientem non loqui de inferno stricte sumpto patet, cum etiam ad infernum dirigat sermonem, cumque ad infernum properare pronuntiet, & tamen suadet illi bonis operibus per tempus vitæ præsentis insudare, quia in alia vita forent inutilia: *Nec sapientia, nec scientia, inquit, erunt apud inferos quo tu properas*. Confirmatur ibidem legitur c. 11. *Si cecideris lignum ad Austrum, aut ad Aquilonem, in quocumque loco cecideris, ibi eris*. Igitur non datur locus post mortem medius, ex quo ad meliorem fieri possit transmigrationis.

*Respondeo*. Ista & similia parum urgere.

Ad primum respondeo distinguendo. Post mortis somnum ecce hæreditas Domini certa, & irrevocabilis tempore opportuno habenda, concedo: cito citius habenda, subdistinguo: si anima sit ab omni tum culpæ, tum poenæ reatu munda, concedo: si non sit, nego. Sensus Scripturæ est animam justam ut primum a corpore soluta est, nec in ambiguo versari circa beatitudinis momentum, nec jus ad eam posse amittere, quippe quæ sit in bono confirmata: bene igitur vates Regius ait: *Ecce hæreditas Domini*, hoc est, jam est certa, jam in brevi venit & dabitur, Bellarminus hic l. 1. de Purg. c. 8. hunc interpretatur locum de gloria consummata, ita ut sensus sit, cum dederit dilectis suis somnum corporis, resurrectione facta, tunc ecce hæreditas Domini consummata: quæ quidem expositio est B. Aug. in hunc Psalm.

*Ad aliam* e Libro Ecclesiast. desumptam auctoritatem, distingo: non erit post mortem aut sapientia, aut scientia pro defuncto, idest non patrabit bona opera, quibus possit per modum meriti sua redimere peccata: tempus quippe præsentis vitæ solum est acceptabile, concedo: hoc est animæ precibus adjuvari in Purgatorio non possunt, nego. Primus sensus Scripturæ affinis plurimum & connaturalis est. Ita S. Gregorius l. 4. dial. c. 39.

*Ad secundam* ejusdem Libri auctoritatem similiter distingo, & ibi sapiens intendit tantummodo probare fortem defuncti ratam esse & consummatam, ita ut si poenis addictus sit æternis: ibi manet: si minus pro gloria, certo & irrevocabiliter eam habebit, concedo: & ibi excludit Purgatorium, nego. Tum quia anima qui Purgatorium adjudicatum est, fixum habet & immobilem prædestinationis statum; unde manet ubi cecidit, pro gloria nimirum addita, quia & in charitate a corpore soluta est.

*Obijciunt* 3. Qui promittit omnia oblivioni tradere peccata, si de iis homo poenitentiam agat, profecto eadem poenis Purgatorii punire non expedit; atqui sic promittit Deus, ait enim Ezechielis 18. *Cum aversus fueris impius ab impietate sua, omnium iniquitatum ejus non recordator*. Ergo, &c.

*Respondeo* distinguendo. Deus promittit oblivioni tradere peccata, si egerit poenitentiam peccator, hoc est & homini se reconciliaturum, & vindictam æternam non sumpturum pro peccatis, concedo: hoc est

est non punire in Purgatorio peccata, subdistinguo: si tanta fuerit & tam laboriosa delinquentis poenitentia, ut fecerit satis iustitiae, concedo: sin minus, nego. Duo potissimum in gratiam poenitentiae promittit Deus, primo quidem suam cum inimico reconciliationem: deinde vero absolutionem a peccatis quantum ad reatum culpae & poenae aeternae; utrumque enim importat iustificatio; sed non absolvit totaliter a poenis temporalibus nisi peccator magnis satisfactionibus solverit debitum: quod egregie explicat paucis, sed efficacissimis verbis S. Thomas 3. p. "Solvit, inquit, quantum ad culpam, sed ligat quantum ad poenam." Solvit misericordia peccatorem, sed ea conditione ut in hoc vel in alio mundo iustitiae laesae faciat satis.

## SECUNDUM ARGUMENTUM.

Datur Purgatorium ex novo Testamento.

*Hoc argumentum ex auctoritate novi Testamenti deductum, variis efficacissimisque ratiociniis exponere juvat.*

PRIMO. Dantur quaedam peccata quae remittuntur vi orationis & sacrificii in futuro saeculo: sed haec remissio intelligenda est solummodo pro animabus in Purgatorio detentis: neque enim beati habent peccata, reprobi vero ea nec detestari, nec ab eis remissionem obtinere queunt: igitur datur Purgatorium. Probatur major in qua difficultas quaedam affulget. Matth. 12. 32. habetur. *Quicumque dixerit verbum contra Filium Hominis, remittetur ei, qui autem dixerit contra Spiritum Sanctum, non remittetur ei, neque in hoc saeculo, neque in futuro.* Quibus verbis manifeste docet Christus Dominus quaedam peccata remitti in altera vita. In isto prorsus sensu hanc Christi sententiam explanant S. Augustinus l. 21. de Civ. c. 24. S. Gregorius lib. 4. dial. c. 39. S. Bernardus hom. 66. in cant. & de Purgatorio intelligunt.

Secundo. Qui potest salvari transcendo in alia vita per ignem, debet in Purgatorio probari: atqui iustus habens reatum poenae potest in alia vita ita per ignem probari, ut salvus sit, juxta illud 1. Cor. 3. *Ipsa autem salvus eris, sed tamen quasi per ignem.* Igitur datur locus in quo ani-

mæ iustorum ad plenam satisfactionem probari possunt. Nec quidquam aliud nisi Purgatorium intelligere fas est.

Tertio. Per Purgatorium intelligimus locum ex quo expleta poenitentia egredi licitum est: atqui talis datur, sic docet ipse Christus Luc. 12. *Cum autem vadis cum adversario tuo ad principem in via, da operam liberari ab illo, ne forte trahat te ad iudicem, & iudex tradat te exactori, & exactor mittat te in carcerem.* Dico tibi, non exies inde donec etiam novissimum minutum reddas. Qua quidem parabola Christus suadet poenitentiam hominibus, ne, si peccata in praesenti saeculo expiare non satagant, detrudantur in futuro in carcerem ex quo exire non licebit, donec dirrumpis supplicis reddant omnia etiam minutissima, hoc est faciant tatis pro levioribus peccatis.

Quarto. Qui post mortem in vindictam peccatorum poenis ex quibus erui potest, afficitur, profecto poenitentiam agit in favilla Purgatorii: atqui datur talis status in quo anima & sublevari, & ex eodem liberari potest. Audiamus pro hoc momento bonum Latronem Christum sic alloquentem Luc. 23. *Memento mei dum veneris in regnum tuum.* Peccator ille inspiratus, desuper, a Christo hanc petit gratiam: *Memento mei dum veneris in regnum tuum.* Putabat igitur contritos peccatores & in alia vita luere poenas criminum in loco inferiori, & ab eo meritis Christi erui posse, &c.

### Solvuntur objectiones Protestantium.

OBJICIUNT 1. Cum Christus quaedam peccata remitti posse in futuro saeculo indigitat, non ideo astringit Purgatorium: haec enim per exaggerationem, vel etiam comminationem dicuntur. Alias, inquit Calvinus, & graviora peccata, etiam in alio remitti mundo nemo non videret: loquitur quippe Christus de peccatis contra Spiritum Sanctum commissis, quae non remitti in hoc & alio saeculo asserit, peccata vero contra Filium dicit abradi: *Quicumque dixerit verbum contra Filium Hominis, remittetur ei.* Igitur si consequentia seu illatio de remissione in alio mundo ponderat, poterit se extendere ad peccata contra Filium, adeoque ad mortalia, venialia quippe non contra, sed praeter Deum sunt. Atqui absurdum est dicere peccata graviora in futuro remitti.



ti sæculo : igitur sententia Christi in probationem adducta non est ad propositum .

*Respondeo* distinguendo . Verba Christi sunt comminatoria simul & ad veritatem indagandam dicta , concedo : & non sunt ad veritatem alteram indigendam , nego . Ultero fateamur quod in illo loco Christus comminatur peccatores , ut eos a gravissimis committendis peccatis qualia sunt peccata ex certa malitia & contra Spiritum Sanctum , deterreat : sed nemo non movit comminationes suos fortiri effectus , nisi poenitentia facta hoc ipsum impediat : quomodo vero eos deterreat Dominus : intelligit , quia non datur locus remissionis neque in præsentem , neque in futuro sæculo , eo quod impoenitens moritur impius , impoenitentia quippe ad peccata malitiae sublequitur , non sic de aliis peccatis : cum enim , inquit S. Thomas , magis habeant de conversione ad creaturam quam de aversione a Deo , remitti possunt & in hac vita , & in futura : in præsentem quidem sæculo , quantum ad culpam & poenam æternam , partim etiam quantum ad temporalem per poenitentiam voluntariam , quæ certe non est tam difficilis : facilius quippe peccans ex fragilitate ad cor redit quam obduratus ; in futuro vero quantum ad reliquias poenæ temporalis , immo & quantum etiam ad culpam venialium per ignem purgatorii . Et sic patet ad instantiam solutio : nulla enim implicantia est etiam quædam graviora peccata in alio remitti sæculo quoad poenam temporalem .

*Obijciunt* 2. Neque magis , inquiunt , probat existentiam Purgatorii locus ille in quo Apostolus sic loquitur : *Salvus eris , sed tamen quasi per ignem* . Cum ipse S. Augustinus hujus auctoritatis , verba intellectu difficilissima esse ingenue fateatur , l. de fide & operibus c. 15. cum de hoc momento parum non disceptent cum Theologi , tum Interpretes . Nuncque totus parabolicus & mysticus locus appareat , quandoquidem & de feno & de stipula , immo de auro atque argento sermo habetur , quæ quidem omnia de tribulatione viatorum & poenitentia , quæ ignis consilium nonnumquam nuncupatur , intelligenda potius sunt , quam de igne Purgatorii , quem esse realem non conveniunt ipsi Catholici ; ergo , &c.

*Respondeo* distinguendo : & S. Paulus utitur parabolis ad ostensionem veritatis , concedo : & eo non utitur sine , nego .

Apostolus ad captum loquitur auditorum , sicut igitur invisibilia Dei per ea quæ facta sunt intellecta conspiciuntur , ita & per parabolas manuducimur ad mysteriorum intelligentiam ; quid mirum igitur si duos ordines electorum distinguat Gentium Doctor , alterum Sanctorum , qui tam perfectam duxerunt vitam , ut super aurum & argentum semper ædificaverint , hoc est propter summum Dei amorem cuncta fecerint ? alterum vero iustorum qui non ita perfectam , sicut ille qui ædificavit super charitatis aurum , quem dicit Apost. simpliciter salvum ; istum vero qui super fenem & stipulam , hoc est qui multa commisit peccata venialia , de quibus ne quidem ullam egit poenitentiam , salvum utique pronuntiat , sed quasi per ignem , intellige ignem Purgatorii , qui eum a sordibus & culpæ venialium , & poenæ ita mundabit , ut ignis erit illius gloriæ & beatitudinis veluti causa . Quod autem Apostolus loquatur de igne tribulationis non vitæ præsentis sed alterius , patet ex his quæ subiungit : *Siquis autem superædificat super fundamentum hoc , aurum , argentum , lapides , pretiosos , lignum , fenum , stipulam , unusquisque opus manifestum erit , dies enim Domini declarabit , quia in igne revelabitur . Et unusquisque opus quale sit , ignis probabit . Si cuius opus manserit , quod superædificavit , mercedem accipiet , si cuius opus arserit , detrimentum patietur ; ipse autem salvus erit , sic tamen , quasi per ignem* . Ista ultima verba pensanda sunt secundum antecedentia , in quibus sermo fit de iudicio : igitur de tribulationibus futuri sæculi .

Hanc interpretationem tradunt S. Cyprian. l. 4. Epist. 2. S. Ambrosius comment. in hunc locum , S. Augustinus jam citatus increpando eos qui hunc vitare ignem contemnunt , S. Hieronymus in c. 4. Amos his verbis : " Juxta illud quod , in Apostolo legimus , ipse autem salvus erit quasi per ignem : qui ergo salvatur per ignem , quasi torris de incendio rapitur . " Porro doctissimorum opinio & interpretatio prævalent , unde his adherere non solum conveniens , sed & tutius est .

*Obijciunt* 3. Tertius locus manifeste intelligitur de miseris vitæ præsentis , nec ulla fit de Purgatorio mentio ; ergo , &c.

*Respondeo* distinguendo . Non fit expressa de Purgatorio mentio , concedo : æ-

qui-

quivalens, nego. Illud parabolis indigitat Christus eo loci, quo ad rem sufficienter notavit, maxime cum introducat in parabola hominem qui in carcerem detritur, ex quo tamen educi potest, sed modo prius reddat omnia debita. Iſtis verbis designari Purgatorium non est relictus ambigendi locus. Sic censent Origenes Hom. 35. in Num. Ambrosius in c. 12. Lucæ, sed inter cæteros Hieronymus in cap. 5. Matth. ait enim: *Hoc est quod dicit, non egredieris de carcere, donec etiam minuta peccata perſolvas.*

Obijciunt 4. Verba Latronis ad Christum, & Christi ad Latronem perperam adducuntur ad probandum Purgatorium, quandoquidem penitus æquivoca esse comparentur, neque enim probant Purgatorium, cum ibi agatur de gloria quæ promittitur eadem die dandi; juxta illud: *Mecum hodie eris in Paradiso*; neque utique beatitudinem ipſo factæ & absque mora dandam significant, cum Latro non ipſa die, sed post Ascensionem solum donatus sit gloria, tunc temporis quippe Christum aperuisse cælum constat.

Respondeo. Latronem se indicare Purgatorium fidem habuisse, cum Christum Dominum alloquens dixerit: *Memento mei dum veneris in regnum tuum.* Senius quippe obviuſ illorum verborum hic est, ero in Purgatorio ad luendas pro peccatis pœnas, sed memento mei, ut liberes me nunc a reatu culpæ, tunc vero cum veneris in regnum tuum, a reatu etiam pœnæ temporalis. Ergo, &c.

Ad id quod additur verba allata subobscura & æquivoca esse, cum promittant hodie & in præſenti Paradisum, qui tamen elapsis quadraginta diebus solummodo concessus est. Dico fuisse animam Latronis ipſa die eatenus in Paradiso, quatenus tunc a mortis æternæ stimulo liberata, ab omni & culpæ & pœnæ miseria in æternum immunis fuit. Quid plura? videbit Christi humanitatem glorificatam: igitur & quodammodo jam ipſe Latro beatus erat, quandoquidem quadraginta dierum spatium pro nihilo comparative ad æternitatem gloriæ computatur: merito igitur dicere potuit Christus ad Latronem: *Mecum hodie eris in Paradiso.* Præsertim vero cum nomine Paradisi statius ab omni pœna liber & immunis intelligitur, nec ista collimant in Millenarium sententiam, quandoquidem gloriam animæ rejiciebant alii usque ad resurre-

ctionem, alii vero ut Chiliaſtae severiores post ultimum judicii diem.

S. Thomas istam sic solvit & explicat difficultatem Comment. in c. 23. Lucæ: „Sed si Dominus pollicitus est regnum cœlorum, introduxit autem Latronem in Paradisum, nondum ei retribuit præmia; sed dicunt, nomine Paradisi regnum cœlorum nominavit, usitato nomine utens dum alloqueretur Latronem, qui nihil audierat de arduis documentis. Quidam autem non sic legunt: (Hodie mecum eris in Paradiso) sed sic: Dico tibi hodie, & consequenter, mecum eris in Paradiso. Sed adhuc evidentior solutionem subiungemus. Nam medici cum vident aliquem deperatum, dicunt, iam mortuus est. Sic & Latro, quoniam non amplius timebatur ejus ingressus ad perditionem, dicitur Paradisum intrare. Paulo supra ait: (Amen dico tibi: Hodie mecum eris in Paradiso, vita est enim, esse cum Christo, & ubi Christus, ibi regnum.)

Opponunt 5. Quotiescumque Christus æternam promittit electis beatitudinem, toties ulla absque mora conferendam asserit: igitur absque fundamento tertius statuitur locus in quo electi ad purgationem, immo & ad pœnam detineantur. Probat antecedens variis Scripturæ sententiis. Primo quidem Matth. 25. habetur: *Venite, benedicti Patris mei, percipite regnum.* 2. Marc. 16. *Qui crediderit & baptizatus fuerit, salvus erit.* 3. Joann. 3. *Qui credit, non judicatur:* igitur non expectatur dies judicii ut Sancti gloria donentur, sed ut primum a corpore soluti glorificentur, juxta illud Christi ad Latronem Luc. 23. *Hodie mecum eris in Paradiso:* ergo, &c.

Respond. negando antecedens. Una quippe Scriptura per alium explicari debet: cum autem non unus aut alter textus, sed multiplex Purgatorium indigitet, absque fidei periculo ejus existentia negari non potest. Ad primam probationem, distinguo; & loquitur Christus de judicio ultimo, quo tempore completa erit omnium electorum purgatio, concedo: & excludit Purgatorium, nego. Ad secundum distinguo: & Marcus sermonem habet de viatoribus quibus fides ad salutem consequendam necessaria est, concedo: & excludit Purgatorium, subdistinguo: pro iis electis & Sanctis qui animam agentes, nihil purgandum habent,

hent, concedo : pro aliis, nego. Ad tertium utique distinguo, & Joannes loquitur de viatoribus paganis & infidelibus, concedo : de electis excludendo Purgatorium, nego. Propheta Evangelicus sermonem de infidelibus instituit, eosque jam judicatos asserit ; Christus enim, Marc. 16. 16. hanc protulit sententiam : *Qui crediderit & baptizatus fuerit, salvus erit ; qui vero non crediderit, condemnabitur*. Fidei quippe necessitatem pro salute ista pronuntiat, ut qui ea carent, jam a regno exules fore delectet, quippe qui cum corpore & capite non conjungantur ; unde Paulus ad Tit. 3. 11. ait : *Hereticum hominem post unam & secundam correptionem devota : sciens, quia subversus est, qui ejusmodi est, & delinquit, cum sit proprio judicio condemnatus*. Ad quartum distinguo, & Larro passionem pro Christi amore lubeundo, hanc promeruit indulgentiam, ut absque Purgatorio gloria donaretur aeterna, concedo : & per verba Christi excluditur Purgatorium, nego : tum quia privilegium regulam non abolet generalem.

Obijciunt 6. 2. Cor. 5. legitur : *Si domus terrena nostrae habitationis dissolvitur, habemus domum non manufactam aeternam in caelis* : igitur ut primum anima iusti exiit a corpore, domum ingreditur aeternam ; cui concinit illud Apocalypsis 14. *Beati qui in Domino moriuntur, amodo jam dicit spiritus, ut requiescant a laboribus suis, opera enim illorum sequuntur illos*. Profecto si requiescunt a laboribus, jam durissimos subire Purgatorii labores, nusquam dicendum.

Respondeo distinguendo antecedens. Et B. Paulus, gloriam non in praesenti, sed in alia vita expectandam esse commemorat, concedo : & illam absque purgatione donari contendit, subdistinguo : his quibus nihil expiandum supersit pro peccatis, concedo : ceteris, nego. Apostolus est sui ipsius interpretas, ibidem quippe subdit, & non in futuro saeculo cito coronando : *Si tamen*, inquit, *vestiti & non nudi inveniamur*. Iustus igitur omnis aeternam habet in caelis domum non manufactam, verum, si non fecerit satis iustitiae divinae, salvus quidem erit, ait idem Paulus, 1. Cor. 3. *sed quasi per ignem*.

Ad confirmationem distinguo. Qui perfecte moriuntur in Domino, requiescunt a laboribus, si scilicet qui vel martyrio sanguinis, vel etiam diuturna poenitentia iustitiae satisfecerunt divinae ; concedo : il-

li qui in Domino perfecte non moriuntur, hoc est, qui vel cum peccatis venialibus, vel cum reatu poenae temporalis gravioribus debita migrant e vita, subdistinguo : requiescunt a laboribus vitae anxiae quae salutis incertitudinem conjunctam habet, concedo : dicit enim Apostolus Rom. 8. *Nihil damnationis est iis qui sunt in Christo Jesu*. Porro, *Iustorum animae*, ait alia Scriptura, *in manu Dei sunt, & non tanget illos tormentum mortis*. Scilicet aeternae, unde requiescunt in Domino, in bono quippe sunt confirmati & pro certo vitam in brevi habebunt aeternam : requiescunt a laboribus Purgatorii, nego. Augustinus l. 3. contra Epistolam Pelag. distinguit duplicem praesentium electorum ordinem, eorum scilicet qui in Domino perfecte moriuntur, aliorum vero qui non ita perfecte. Richardus a sancto Viatore explicat locum Apocalypsis de sanctis Martyribus qui nihil purgandum habent ; D. vero Anselmus in Commonitorio, de Judicio universalis, de quo Joannes in toto capite expressam facit mentionem, ita ut sensus sit, amodo, hoc est die iudicii publici omnes electi quiescent a laboribus.

Instant : electi qui tempore iudicii immediate antecedente e vita migrabunt praesenti, profecto in purgatorium ad faciendum satis iustitiae non detrudentur, quandoquidem tunc omnes mortui resurgent, ut unusquisque rationem reddat, prout gessit in suo corpore sive bonum, sive malum : jam vero si rationem teneantur reddere, haud dubie non erunt purgati : igitur iocassum admittitur purgatorium.

Respondeo distinguendo : Et Deus in instanti animas quibus aliquid expiandum erit, in brevi, miris sed tamen veris modis purgari curabit, concedo : fecus, nego. Nihil quippe Deo impossibile est, & cum infinitus sit in virtute, non difficile illi sane est multa in brevi sicut in praemio, ita & in supplicio satisfaciendo, exple tempora multa. Ad aliam illationem, jamjam factum est satis, non enim semel diximus iudicium universale a Deo ordinatum esse tum ad justificationem legis Christi, tum ad gloriam electorum, qui in vita praesenti multae ab impiis passi sunt, maxime vero ad confirmationem iudicii particularis. & gladium crucis triumphum : quae quidem omnia, ut luce clarius patet, nec fidem nec realitatem Purgatorii, ut stulte confingunt viri seipso amantes, evacuant.

TER-

## TERTIUM ARGUMENTUM.

*Probatur Purgatorium ex definitione Conciliorum totius orbis.*

ILLUD est admittendum quod fide tenendum est: atqui Purgatorium fide tenendum est: & probatur: quod de fide definitum est in Conciliis totius orbis terrarum, profecto fide tenendum est, atqui Purgatorium esse, ita definire totius orbis terrarum Concilia: igitur fide illud tenendum est. Porro hanc definitionem repetunt Patres Synodici ex orationibus & precibus, ex sacrificiis quæ offerre pro mortuis ab omni ævo statuit Ecclesia, ut a peccatis solverentur, hoc est vel a peccatis venialibus, vel a pœnis quibuldam pro gravioribus debitis. Jam probatur nunc multis Conciliorum definitionibus.

Hanc veritatem traditione & usu fundatim supponit Concilium Lateranense sub Innocentio III. celebratum, nam & preces pro reque fidelium defunctorum approbat, & turpis lucri gratia fieri prohibet cap. 66. his verbis: *Ad Apostolicam audientiam frequenti relatione pervenit quod quidam Clerici pro exequiis mortuorum . . . pecunias exigunt & extorquent . . . pravas exactiones super his fieri prohibemus.*

Fidem Purgatorii astruit Florentinum collat. 22. pag. 454. Typ. Reg. astantibus Græcis qui de isto convenere decreto. Sic enim habetur post suis cum Scripturæ sacre, tum Patrum utriusque Ecclesiæ contextibus probatam Purgatorii veritatem: *Hec fuerunt que de Purgatorio prodita sunt, diebus certis ad invicem discussa, & Græci cum Latinis Patribus in hanc cedulam convenere.*

Si vere pœnitentes in Dei caritate decesserint, antequam dignis pœnitentiæ fructibus de commissis satisfecerint & de omnis, eorum animas pœnis Purgatorii post mortem purgari, & ad pœnas huiusmodi relevandas prodesse eis fidelium vivorum suffragia, Misarum scilicet sacrificia, orationes & elemosinas, & alia pietatis officia, quæ a fidelibus fieri consueverunt, secundum Ecclesiæ instituta, illorumque animas, qui post sacrum Baptisma susceptum, nullam omnino peccati maculam incurrerunt, illas etiam post contractam peccati maculam, vel in suis corporibus, vel eisdem exuta, prout superius dictum est, sunt purgate, in celum mox re-

cipi, & intueri clare ipsum Deum trinum & unum, sicuti est, licet alius alio perfectius: illorum autem animas, qui in mortali actuali peccato, vel solo originali decedunt, mox in infernum descendere, pœnis tamen disparibus puniendas.

Definitis tandem Tridentinum Sess. 25. Ecce ejus de hac quæstione decretum: Cum Catholica Ecclesia Spiritu sancto edocta, ex sacris Litteris, & antiqua Patrum traditione, in sacris Conciliis, & novissime in hac œcumenica Synodo docuerit Purgatorium esse, animasque ibi detentas, fidelium suffragiis, potissimum vero acceptabili altaris sacrificio juvari; præcipit sancta Synodus Episcopis, ut sanam de Purgatorio doctrinam a sanctis Patribus & sacris Conciliis traditam, a Christi fidelibus credi, teneri, doceri, & ubique predicari diligenter suadeant. Rursus sess. 6. can. 30. Si quis post acceptam justificationis gratiam, cuilibet peccatori pœnitenti isa culpam remitti & reatum æternæ pœnæ deleri dixerit, ut nullus remaneat reatus pœnæ temporalis exolvende vel in hoc sæculo, vel in futuro in Purgatorio, antequam ad regna colorum aditus pateat possit, anathema sit. Ergo, &c.

*Solvuntur Heterodoxorum Objectiones.*

OBJICIUNT: Illud non est de fide credendum de quo nullam Scriptura facit mentionem, cum tempus esset de tali re instituere sermonem, atqui neque vetus, neque novum Testamentum aut nominat Purgatorium, aut illud commendat, cum tempus affuisset opportunum de hoc eloqui. Igitur non est de Purg. fide credendum. Probatur min. Referuntur funera Abraham, Isaac, Jacob, Saræ, Rachelis, Geneseos c. 23. 24. 25. & seq. Et tamen ubique altum est silentium de Purgatorio sicut in libro Levitici in quo cuncta, variaeque pro expiatione peccatorum sacrificia præcipiuntur, nec tamen vel minimum habetur verbum de sacrificiis & oblationibus pro mortuis. Quid plura? S. Paulus 1. ad Theff. c. 4. ex professo de mortuis pertractat; in quo quidem loco si quod foret Purgatorium, pro virili determinare deberet, cum tamen solam commemoraret resurrectionem; totum vero non luctu & lacrimis, sed gaudio concludit, dicens: *Consolamini invicem in verbis istis.* Ergo, &c.

Respondeo 1. Opponendo Scripturam Scripturæ, tametsi quippe Purgatorium in uno taceat loco, attamen commemorat, ut supra-

prædictum est, in altero. Neque vero de nomine plurimum exercere suam disputationem necesse est, cum & rem & substantiam Purgatorii in utroque Testamento habemus; sicut enim Patres Nicæni consubstantialitatem Verbi & ex unitate Filii cum Patre Joannis X. celebrant, duas vero in Christo voluntates & operationes, ex eo quod in iisdem Scripturis Deus & homo dicatur, deducebant Constantinopolitani: quidni ex locis Scripturæ modo preces pro defunctis commendantibus, modo salutem quandoque per ignem expectandam prædicantibus, fidem haberemus, maxime cum accedat & Conciliorum definitio, & Patrum sententiæ atque perpetua traditio? fides quippe nedum a verbo scripto, sed etiam, ut omnes cordati norunt, & a non scripto desumere licitum, immo & necesse est.

*Respondeo* 2. Negando minorem, quam falsissimum esse luce clarius demonstrant probationes ex utroque Testamento supra allatæ. Ad primam confirmationem, distinguo: & ibidem in Genesi Scriptura non quidem explicite, quia non dogmata, sed historiam Patriarcharum rexit, sed implicite astruit Purgatorium, concedo: & excludit, nego. Satis nobis foret ad perstringendos fidei ejuratos hostes dicere Scripturam, dogma de quo præsens movetur controversia, non excludere; cum alia Scripturæ illud astruant, sed & idem contextus indicat: *Et surrexit Abraham ab officio funeris*. Profecto officium funeris potissimum consistit in sublevandis & per preces, & per sacrificia defunctorum animas, ut a penis omnibus solutæ, transeant in refrigerium. Ad auctoritatem ex libro Levitic. depromptam, respondeo distinguendo: & per sacrificia pro peccatis subintelligi necesse est sacrificia pro defunctorum requie, hoc ipsum enim explicatur & determinatur, 2. Machab. 12. concedo: & non intelliguntur, nego. Neque vero magis urget objectio ex Epistola ad Thessalonicenses desumpta: quandoquidem Apostolus ibi ex professo agit de resurrectione, ut animo fractos, eos scilicet, qui delusi ab impiis animam credebant mortalem, erigat, & consoletur; unde de penis Purgatorii sermonem habere in isto loco non debuit, verum eas neque excludit, cum potius alibi non semel astruat.

*Insunt*. Quod est de fide tenendum, firmiter & ulla absque dubitatione credendum est: atqui dogma Purgatorii non ita

tenent Patres, igitur non de fide, sed ad libitum prout unicuique placebit, tenendum est. Probat minor. Dionysius capite ultimo, Ecclesiasticæ Hierarchiæ hanc proponit questionem, cur Episcopi & Ecclesiæ Proceres in funere fidelium, & orent, & vivos cæteros orare velint? Purgatorii non meminit, sed anceps veluti inane, & anxius. Huic accedit S. Augustinus, cui non in uno loco dubitanter ad questionem respondet, ut Enc. c. 69. "Tale, inquit, aliquid etiam post hanc vitam fieri incredibile non est, & utrum ita sit, quæri potest, & aut inveniri, aut latere nonnullos fideles per ignem, quendam Purgatorium, quanto magis, minulve bona pereuntia dilexerunt, tanto tardius citiusque salvari." Rufus l. de octo questionibus Dulcitii q. 1. "Sive ergo in hac vita tantum homines ista patiantur, sive etiam post hanc vitam talia quædam judicia subsequantur, non abhorret, quantum arbitror, a ratione veritatis iste intellectus hujus sententiæ." Et iterum l. 21. de Civ. c. 26. Proposita questione Purgatorii in quo qui super totum & stipulam edificaverunt penas pro peccatis venialibus dicuntur luere, subdit: "Non redarguo, quia forsitan verum est."

*Respondeo* 1. Questionem non fuisse de fide definitam nisi in Concilio Lateranensi tertio, sed maxime in Florentino, porro donec accesserit Ecclesiæ expressa definitio, quæ clare veterem exponat fidem, quæstiones quandoque, aut in utramque partem moventur, aut certe nonnumquam partim subobscuræ, partim dubitanter, a quibusdam pertractantur, absque eo quod hæresis labem eis inurere fas sit: attamen attendendum est ad communem & Patrum & Ecclesiæ doctrinam: porro ea semper fuit Ecclesiæ sententia in sacra Scriptura fundata dari Purgatorium: quocirca dogma Purgatorii non est dogma ab hominibus inventum, sed omnium sæculorum fides ut patet ex dictis.

*De mente Dionysii* nullus est ambigendi locus. Enimvero c. 7. partis tertiæ, sic loquitur: *Precibus, a divina benignitate contendit, ut omnia peccata que humana fragilitate admissa sunt ei, qui excessit vitam, remittat*. Postea hanc instituit questionem, cur fundantur preces pro defunctis, cum scriptum sit omnes accepturos, prout in corpore gesserint: Et respondet, ideo preces fundi, quia illi per merita hu-

jus vitæ digni facti sunt, quibus preces vivitum prodesse.

*Ad auctoritatem* S. Augustini oppono alios ejusdem sancti Doctoris textus in quibus clare suam exprimit de Purgatorio mentem, ut in Psal. 37. de cura pro mortuis c. 1. & 4. l. 21. de Civ. c. 16. & c. 26. Respondeo 2. distinguendo. Div. Augustinus anceps mansit circa modum quo cruciatur animæ in Purgatorio, an ignis sit realis, ut disputant multi? an etiam ex amore, quem pro rebus sensibilibus habuerunt, patiantur, ita ut propter eorum privationem afficiantur morientia? concedo: quoad existentiam Purgatorii, nego. Circa modum dumtaxat dubitasse S. Aug. non solum ex locis clarioribus liquet, verum etiam ex ipso c. 26. libri 21. de Civ. ex quo desumpta est objectio: sic enim habetur. "Post istius sane corporis mortem donec ad illum veniatur, qui post resurrectionem corporum futurus est dandus nationis & remunerationis ultimus dies: hoc temporis intervallo spiritus defunctorum ejusmodi ignem dicunt perpeti, quem non sentiant illi qui non habuerunt tales mores & amores in hujus corporis vita, ut eorum ligna, sœnum & stipula consumatur: alii vero sentiant, qui ejusmodi secum ædificia portaverunt, sive ibi tantum, sive hic, & ibi, sive ideo hic, ut non ibi sæcularia, quamvis a damnatione venialia, concremantem ignem, transitorie tribulationis inveniant, non redituro, quia forsitan verum est. "Ecce S. Augustinus sui ipsius interpres, quippe qui de gradu & qualitate pœnæ in diversis animabus moveat quæstionem, quam quidem aut eliquare, aut reprobare non audeat.

Cæterum ejusmodi quæstiones ad fidem non spectant. Quinimmo præcipit sancta Synodus Tridentina ab eis abstinere, eandem & silere, maxime coram populo: sic enim loquitur sess. 25. in decreto de Purgatorio: *Apud rudem vero plebem difficiles ac subtiliores quæstiones, quæque ad ædificationem non faciunt, & ex quibus plerumque nulla fit pietatis accessio, a popularibus concionibus secludantur. Incerta item, vel quæ specie falsi laborant, evulgari ac tractari non permittant Episcopi: ea vero quæ ad curiositatem quamdam aut superstitionem spectant, vel turpe lucrum faciunt, tanquam scandala & fœdium offendicula prohibeant.*

## ARGUMENTUM QUARTUM.

*Probatum Purgatorium ex Patrum sententiis & Traditione.*

Quod est a Christo & ab Apostolis traditum, illud profecto tenendum est: atqui dogma Purgatorii tale est: igitur & datur Purgatorium & firmiter tenendum est. Probatum minor ex omnium sæculorum Patrum consensu; namque juxta positam Tertulliani regulam, quod non habet initium, a Christo per Apostolos promanat & ad nos transmissum est: hanc etiam statuit S. Augustinus regulam, unde perperam quis vellet proprio Marte contra hanc legem per fas & nefas recrudescere: quasi vero aliquis particulari majori foret dignus fide, quam universalis Patrum in pietate, fide & doctrina omni exceptione majorum, cœtus. Verum & secundum Tert. subijcio regulam: novitas falsitatem redollet, quia nihil veritate antiquius. Jam venio ad probationem per singula discurrendo sæcula.

## PRIMUM SÆCULUM.

PRÆTER Scripturas novi Testamenti quæ primas in hoc sæculo jure merito obtinent, sedes, habemus B. Jacobi Liturgiam in qua fit expressa mentio defunctorum, qui quidem in pace Christi ab hac migraverunt: ibi funduntur preces speciales pro eorum requie, & ut a peccatis solvantur. Huic accedunt cæteræ Liturgiæ, ut Basilii, Chrysostomi, Syriacæ Coptorum in quibus orationes pro requie fidelium defunctorum præscribuntur.

*Ex Latinis*, primus nobis occurrit Clemens Romanus, qui l. 8. Constit. c. 41. hanc statuit pro refrigerio defunctorum orationem. "Oremus pro fratribus nostris, qui in Christo requieverunt, ut Deus summæ erga homines charitatis, qui animam defuncti suscepit, remittat ei omne peccatum voluntarium, & propitiatus ac benevolus ei factus colloquet eam in regione piorum qui laxati sunt, in sinu Abraham, Isaac & Jacob."

*Ex Græcis*, Dionysius qui Areopagita gravissimus auctoribus creditur. Hic de Cœl. Hier. c. 7. p. 3. ait: "Accedens deinde Venerandus Antistes precem salvam super mortuum peragit, precatur oratio illa divinam clementiam, ut

„cun-

„ cuncta dimittat per infirmitatem huma-  
 „ nim admitta peccata defuncto, eumque  
 „ in luce constituat, & regione vivorum.

## SECUNDUM SÆCULUM.

Ex GRÆCIS, Irenæus suum addit calculum l. 1. c. 2. ait: „ Spiritualis quidem  
 „ nequitia & Angelos transgressos atque  
 „ Apostatas factos, & impios & injustos,  
 „ & iniquos, & blasphemos homines in  
 „ æternum ignem mittat. Iustis autem &  
 „ æquis, & præcepta ejus scrutantibus,  
 „ & in dilectione ejus perseverantibus,  
 „ quibusdam quidem ab initio, quibus-  
 „ dam autem & poenitentia, vitam do-  
 „ nans, incorruptelam loco numeris consecrat,  
 „ & claritatem æternam circumdet. „  
 „ Quibus verbis duo electorum genera qui in  
 „ bono perseveraverunt distinguunt Irenæus,  
 „ unum eorum qui ab initio transeunt in  
 „ requiem: alterum vero illorum qui facta  
 „ prius poenitentia, videlicet in Purgatorio  
 „ æternam habent claritatem, quod enim  
 „ non sermo sit de poenitentia in præfenti  
 „ vita perfecta, satis patet: namque loquitur  
 „ pe poenitentia perseverantiam finalem sub-  
 „ sequente: quippe qui de his qui perseve-  
 „ ravunt in dilectione Dei, tractet.

Ex Latinis, ponderat S. Clemens modo  
 citatus, cum floruerit etiam initio secun-  
 di sæculi.

## TERTIUM SÆCULUM.

Ex GRÆCIS, Origenes hom. 35. in Lu-  
 cam sic innotat. „ Quod si magnam pe-  
 „ cuniam debuerimus, sicut ille, qui scri-  
 „ bitur decem millia talenta debuisse, quon-  
 „ to tempore claudamur in carcere, non  
 „ possum manifeste pronuntiare, si enim  
 „ qui parum debet, non egreditur, nisi  
 „ exsolvat minutum quadrantem, utique  
 „ qui tanto debito fuerit obnoxius, infi-  
 „ nita ei ad reddendum sæcula numeran-  
 „ buntur. „ Rursus in Epist. ad Romanos,  
 „ ait: „ Quamvis promittatur exeundum es-  
 „ se quindoque de carcere, tamen desi-  
 „ gnatur non inde exire posse, nisi red-  
 „ dat quisque novissimum quadrantem. „  
 „ Certe non alio de carcere quam de Purgatorio,  
 „ in quo quidem quisque novissi-  
 „ mum quadrantem reddere, hoc est, vel  
 „ minimum peccatum veniale expiare oportet,  
 „ loquitur Origenes. Quandoquidem ex  
 „ laeu interiori qui infernus simpliciter di-  
 „ citur, non datur regressus.

Ex Latinis eundem loquitur sermonem  
 Sanctus Cyprianus Carthagi. Episcopus l. 4.  
 Epist. 2. „ Aliud est, inquit, ad veniam  
 „ stare, aliud ad gloriam pervenire, aliud  
 „ missum in carcerem non exire inde do-  
 „ nec solvat novissimum quadrantem,  
 „ aliud statim fidei & virtutis accipere  
 „ mercedem, aliud pro peccatis longo  
 „ tempore cruciatum emendare, & pur-  
 „ gare diu igne, aliud peccata omnia pas-  
 „ sione purgasse. „ Rursus l. 1. epist. 9.  
 „ Episcopi & antecessores nostri censue-  
 „ rant, ne quis frater excedens ad tute-  
 „ lum, vel curam clericum nominaret,  
 „ ac si quis hoc fecisset, non offerretur  
 „ pro eo, nec sacrificium pro dormitio-  
 „ ne ejus celebraretur. „ Mos igitur per-  
 „ antiquus tunc temporis erat offerre pro  
 „ requie animarum fidelium sacrificium.

Tertullianus idem docet l. de anima c.  
 18. Lactantius l. 7. c. 21. ait: „ Quorum  
 „ peccata pondere aut numero prævalue-  
 „ rint, perstringentur igne atque combu-  
 „ rentur. „

## QUARTUM SÆCULUM.

Ex GRÆCIS, Gregorius Nazianzenus  
 in oratione in Cæsarium circa finem:  
 „ Ipsi Deo, inquit, & nostras & eorum  
 „ qui quasi in via paratiores prius ad ho-  
 „ spitium pervenerant, animas commen-  
 „ demus. „

Eidem accedit S. Ephrem in suo testat.  
 & sic ait: „ Assidue in vestris orationi-  
 „ bus mei memoriam faciatis, etenim in-  
 „ vanitate & iniquitate viam peregi  
 „ meam. „ Vult pro requie animæ suæ  
 „ fundi preces. Igitur agnoscit purgatorium  
 „ ex quo anima non solvitur, donec pro  
 „ peccatorum reliquiis iustitiæ divinæ fece-  
 „ rit satis. „

Cyrillus catechesi 5. mystagogica: „ De-  
 „ nique, inquit, pro omnibus oramus,  
 „ qui inter nos vita sancti sunt, maxi-  
 „ mum credentes esse animarum juvenem  
 „ pro quibus offertur obsecratio Sancti il-  
 „ lius & tremendi sacrificii. „ Eidem sub-  
 „ scribunt veritati Eusebius Cæs. l. 4. de  
 „ vita Constantini, Epiphanius in fine ope-  
 „ ris adversus hæreses, Eusebius Emisenus  
 „ hom. 3. de Epiphania, & alii quæ una vo-  
 „ ce docent orandum esse pro fidelibus de-  
 „ fundis, ut a penis solvantur.

Ex Latinis, Paulinus Nolanus epist. ad  
 Pammachium laudat eum quod & corpori  
 & animæ uxoris defunctæ satisfecerit;  
 cor-

corpore quidem lacrymis, animæ vero eleemoſynis. Epist. 5. ad Delphinum Episcopum commendans illi animam fratris ſui ait: "Fac ut orationibus tuis condonetur tibi, & ut illius animam de minimo ſanctitatis tuæ digito diſtillans, refrigerii gutta reſpergat."

*Aſtipulatur* S. Hilarius in Pfalm. 118. Nobis eſt ille indeſſus ignis obeundus, in quo ſubeunda ſunt gravia illa expianda a peccatis animæ ſupplicia."

S. Ambroſius quidam affine dicit l. 2. epist. 8. ad Fauſtinum de obitu ſororis:

"Non tamen, *inquit*, tam deplorandam, quam proſequendam orationibus uxorem, nec mœſtificandam lacrymis tuis, ſed magis oblationibus animam ejus Deo commendandam." Idem Pater in oratione de funere Valentiniani Imperatoris, hortatur populum ut pro ejus requie piâ fundat preces. In c. 12. Lucæ loquens de animæ detentione in Purgatorio, ait: "Cum tamdiu exercetur poenis, ut commiſſi ſupplicia erroris expendat." Rurſus & expreſſius explanans illud 1. Cor. 3. "Salvus erit quaſi per ignem, ait, ſed cum Paulus dicit: *Sic tamen quaſi per ignem*, oſtendit quidem illum ſalvum futurum, ſed poenas ignis paſſurum, ut per ignem purgatus fiat ſalvus & non ſicut perſidi æterni igne in perpetuum torqueatur."

S. Hieronymus eandem proſequitur materiam; ait enim in Epist. ad Pammachium de obitu Paulinæ uxoris: "Cæteri mariti ſuper tumulos conjugum ſpargunt violas, roſas, lilia, floresque pureos, Pammachius noſter ſanctam favillam, oſſaque veneranda eleemoſyna, balſamis rigat." Rurſus in c. 5. Matth. Hoc eſt quod dicit: Non egredieris de carcere, donec etiam minuta peccata perſolvās. "Videlicet niſi pro peccatis venialibus facias ſatis in Purgatorio."

## QUINTUM SÆCULUM.

EX GRÆCIS, S. Chryſoſtomus eandem commemorat veritatem hom. 41. in 1. ad Corinth. ait: "Juvetur mortuus, non lacrymis: ſed precibus, ſupplicationibus, eleemoſynis." Ibidem infra ſubdit: "Ne fatigemur mortuus auxilium ferre, preces pro illis offerentes." Eandem propugnat veritatem hom. 69. ad populum & alibi.

Theodoretus l. 5. hiſt. c. 26. reſert Theo-

doſum juniorem procubiſſe ad reliquias S. Chryſoſtomi, & oraſſe pro animabus parentum ſuorum Arcadii & Eudoxiæ jam defunctorum.

*Ex Latinis*, S. Auguſtinus jam ſupracitatus iterum venit in teſtimonium, quippe qui multus eſt in hac probanda veritate. Celebris eſt locus ille libri de cura pro mortuis c. 1. ubi ita ſtabilit uſum Eccleſiæ pro requie defunctorum & preces & ſacrificia, ut etiam ſi Scriptura de hoc taceret momento, uſus ille omnem vim & robur legis pro hac veritate haberet. "In Machabæorum, *inquit*, libro legimus oblatum pro mortuis ſacrificium, ſed & ſi nuſquam in Scripturis veteribus legitur, non parva eſt univerſæ Eccleſiæ, quæ in hac conſuetudine claret, auctoritas, ubi in precibus Sacerdotis quæ Domino Deo ad ejus altare funduntur, locum ſuum habet etiam commendatio mortuorum." c. 4. idem repetit, dicens, preces pro defunctis non eſſe prætereundas, etiamſi nomina ſint incognita, quia Eccleſia pro omnibus orat. "Sub generali commemoratione ſuſcepit Eccleſia, ut quibus ad iſta deſunt parentes, aut filii, aut quicumque cognati, vel amici, ab uniſ ejus exhibeatur pia matre communi." & in Pfal. 37. Deum alloquens ait: "In hac vita purges me & talem me reddas, cui jam emendatorio igne opus ſit."

## SEXTUM SÆCULUM.

*Ex Latinis*. Iſidorus aſtipulatur, namque l. 1. de officiis cap. 18. ſic loquitur: Niſi Catholica Eccleſia crederet fidelibus defunctis dimitti peccata, non pro eorum ſpiritibus, vel eleemoſynam faceret, vel Deo ſacrificium offerret. Subſcribit V. Bedæ in Pfal. 37.

## SEPTIMUM SÆCULUM.

*Ex Græcis* J. Damascen. hanc probat ex profeſſo veritatem in Libro de iis qui cum fide migrarunt e vita, & hoc teſtimoniis Dionyſii, Athanaſii, Gregorii Nazianzenſis, Gregorii Nyſſeni & aliorum.

*Ex Latinis*, S. Greg. l. 4. dial. c. 55. ait: Multum ſolet animas etiam poſt mortem ſacra oblatio Hoſtiæ ſalutaris adjuvare, ita ut nonnuquam ipſe defunctorum animæ expetere videantur. Rurſus c. 30. "Quos gravia peccata, non deprimunt, hoc prodeſt mortuis:

„ ſi in



„ si in Ecclesia sepeliantur , quod eorum  
 „ proximi quoties ad eadem sacra loca  
 „ conveniunt , suorum quorum sepulchra  
 „ conspiciunt , recordantur , & pro eis  
 „ Domino preces fundunt . „ Celebrior  
 „ omnium istius Patris locus detimetur ex  
 „ cap. 39. explicans enim & explanans lo-  
 „ cum Apostoli , *salvus eris quasi per ignem* ,  
 „ sic pronuntiat . „ Quamvis hoc de igne tri-  
 „ bulationis in hac vita nobis adhibita  
 „ possit intelligi , tamen si qui hoc de  
 „ igne futurae purgationis accipiat , pen-  
 „ sandum sollicitus est , quia illum per ignem  
 „ dixit salvari ; non qui super hoc ferrum ,  
 „ æs , vel plumbum ædificat , idest , pec-  
 „ cata majora , & idcirco duriora , atque  
 „ tunc jam insolubilia . „

*Idem docent subloquentium sæculorum*  
 Patres ut Theophylactus in cap. 12. Lucæ.  
 Oecumenius in 1. ad Cor. 3. Petrus Dam-  
 ianinus serm. 2. de S. Andrea . Anselmus  
 in 1. ad Cor. 3. S. Bernardus serm. de  
 obitu Humberti : „ Illud , inquit , scitote  
 „ quia post hanc vitam in Purgatorii locis  
 „ centupliciter quæ fuerint hic neglecta ,  
 „ redduntur pique ad novissimum quadran-  
 „ tem . „ D. Thomas 4. contra gentes c.  
 91. quibus accedunt omnes & Theologi Cæ-  
 tholici & Universitates .

Jam sic relinquo . Ex Patribus datur car-  
 cer ex quo nullus nisi ad ultimum usque  
 quadrantem solverit , egredietur : est ignis  
 Emendatorius ejus cruciatus contemnere  
 non licet ; preces funduntur ex perpetuo  
 Ecclesiæ usque pro defunctis fidelibus , simili-  
 ter & offeruntur sacrificia , quæ illis ad solu-  
 tionem prodelle credendum est . Igitur ex  
 Patribus datur Purgatorium , hinc & illud  
 qui inegat , adversus universa Patrum agmi-  
 na nescit & insipiens recrudescit .

*Diluvium vanorum hominum Commenta*  
*& exploduntur .*

**O B J I C I U N T** , non datur post mor-  
 tem pœnitentiæ locus , juxta illud Cyprini  
 tractatu 1. contra Denetrianum , *quan-*  
*do isthinc excessum fuerit , nullus jam Pœni-*  
*tentiæ locus est , nullus satisfactionis effectus* ,  
 cui concinit illud Chrysostomi hom. 2. de  
 Lazaro , *cum hinc discesserimus , non est no-*  
*bis situm pœnitere , neque commissæ diluere* :  
 igitur nec datur purgatorium , quandoqui-  
 dem si est purgatorium , locus satisfactio-  
 nis vocatur .

*Respondeo* distinguendo non datur post  
 mortem locus pœnitentiæ pro peccatis mor-

talibus , concedo : pro venialibus vel etiam  
 pro reatu pœnæ temporalis quæ gravio-  
 ribus debetur , nego . Patres duo ad pro-  
 vocandum viatores ad pœnitentiam præ-  
 dicant , primo quidem non dari in alia  
 vita locum Pœnitentiæ voluntariæ & me-  
 ritoria quæ tamen nostrum debet præce-  
 dere obitum , ne diutius , ut ait Bernar-  
 dus , centupliciter solvamus neglecta . 2.  
 A fortiori non dari pro remissione pec-  
 catorum mortalium . Cyprianus loquitur in  
 primo sensu , Chrysostomus in secundo :  
 ille quidem prius dixerat : „ Hortamur  
 „ dum adhuc aliquid de sæculo superest ,  
 „ Deo satisfacere . „ Ille vero ibidem  
 „ Neque enim qui in præsentia vita pec-  
 „ cata non abluerunt , postea consolatio-  
 „ nem aliquam inventuri sunt . „ In eo-  
 dem prope sensu ait Ambrosius l. de bo-  
 no mortis c. 2. „ Qui enim hic non ac-  
 „ ceperit remissionem peccatorum , illic  
 „ non erit , nimirum in Patria beatorum . „

*Obijciunt* 2. in locis inferioribus quibus-  
 cumque nulla est redemptio : igitur nec  
 locus in quo divinæ fiat satis iustitiæ . Pro-  
 bant antecedens auctoritate Hieronymi qui  
 in eiput nonum Amos sic loquitur :  
 „ Quando anima vinculis laxata corporis ,  
 „ volandique velit , sive quo ire compel-  
 „ litur , habuerit libertatem , aut ad in-  
 „ fernum ducetur de quibus scriptum est ,  
 „ in inferno quis constabit tibi ? aut  
 „ certe ad cœlestia sublevaritur . „

*Respondeo* negando antecedens ; ad pro-  
 bationem distinguo , & Hieronymus ibi  
 loquitur non de quacumque anima , sed de  
 impiâ quæ quocumque se vertat , ubique  
 Deum inveniet ultorem , concedo : de ani-  
 ma in pace Christi a corpore soluta , ne-  
 go . Nam post illa verba *ad cœlestia suble-*  
*vabitur* , subjicit : „ Ubi sunt spiritualia  
 „ nequitia in cœlestibus , & si sibi veræ  
 „ circumcisionis scientiam voluerit vindic-  
 „ care , & humilitate concepta habitare  
 „ in montibus ; & ibi scrutantem manum  
 „ Dei evadere non valebit , quod si despe-  
 „ rans salutem oculos Domini vitare ten-  
 „ taverit , & in ultimos fallorum fluctuum  
 „ terminos pervenire , etiam ibi mandabit  
 „ Dominus serpenti tortuoso & antiquo ,  
 „ qui est inimicus , & ultor , & mordebit  
 „ eam . Capta quoque vitis atque pecca-  
 „ tis eladio Domini percutietur , ut per  
 „ cruciatus , atque supplicia ad Dominum  
 „ revertatur . „ Cæterum mens Hierony-  
 mi patet ex auctoritatibus claris supra  
 „ relatis .

*Obji-*

*Obijciunt* 3. Varia D. Augustini loca quibus sententiam catholicam de Purgatorio debellare se invincibiliter autumant, sed frustra jacitur rete ante oculos pennatorum; jam nunc tanti Doctoris undequaque pro fide & veritate per omnia efulget, maxime in sententiis a nobis non semel adductis, verum cœcutit prorsus hæretica pravitas quæ multa obijcit nihil probando ut fucum faciat. Ergo Calvinus insurgit & hunc Augustini ex tractatu 49. in Joann. locum opponit: "Habent, a Doctorum", "Aquila omnes animæ, cum de sæculo", "exierint diversas receptiones suas, habent gaudium boni, & multi tormenta, sed cum facta fuerit resurrectio & bonorum gaudium amplius erit, & malorum tormenta graviora, quando cum corpore torquebuntur." "Ibidem infra" requiem quæ continuo post mortem datur, "si ea dignus est, tunc accipit quisque, cum moritur." "Igitur, inquit, merces aut supplicium, nullo dato medio, post mortem confertur."

*Respondeo* ad primum locum distinguendo, & intendit Augustinus probare post resurrectionem universalem majorem fore damnatorum poenam, quatenus tunc corpus simul cum anima cruciabitur, e contra vero majus futurum esse præmium pro electis quia corpus utique gloria donabitur, concedo: hoc ipsi explicant termini & Augustini contextus: & vult S. Doctor excludere seu exsufflare Purgatorii dogma, nego: ad secundum locum utique absque negotio respondemus, sic distinguendo, & ex Augustino unusquisque justus post obitum accipit requiem, & in pace Christi tranquillius commoratur quoad sui certitudinem status, namque nec peccare, nec a Deo separari potest, quod sane est magna merces, grandisque requies, concedo: accipit mercedem absque purgatione media, nego. Loquitur Augustinus tantummodo de certitudine vel mercedis vel supplicii, sed omni prorsus absque dogmatis Purgatorii dispendio; cum liquido passim illud totis viribus asstruit.

*Instat*: idem Sanctus Doctor in Psal. 31. ait: Si texit peccata, noluit advertere, si noluit advertere, noluit animadvertere, si noluit animadvertere, noluit punire, noluit agnoscere, maluit ignoscere. Ergo, inquit, ut primum tecta sunt peccata & remissa, non relinquuntur puniendi locus. Concinit ejusdem S. Doctoris sententia Epist. 54. ubi dicit post mortem non reman-

Boncat Theol. Tom. I.

nere corrigendi mores aut tempus aut locum. Igitur, inquit, post mortem non datur locus purgationis medius inter cælum & infernum. Confirmatur: idem Augustinus Epist. 80. ad Helicium ait: "In quo quemque invenerit suus novissimus dies, in hoc eum comprehendet mundi novissimus dies, quoniam qualis in die quisque moritur, talis in die illo judicabitur, his omnibus accedit auctoritas ex libro quinto Hypognostici incerti auctoris cap. 5. apud eundem S. Augustinum: "primum locum fides Catholicorum divina auctoritate credit, regnum esse cælorum, secundum Gehennam, ubi omnis apostata, vel a fide Christi alienus, æterna supplicia experietur, tertium penitus ignoramus, immo necesse in Scripturis Sanctis invenimus."

*Sed facile* est ad hæc omnia momenta respondere: dico ad Augustin. illum loqui de prædestinatione, vel reprobatione consummata: ut primum enim quisquam migravit e vita, continuo & absque mora, vel æternæ beatitudinis, vel etiam æternæ poenæ sors definita est: unde eo ipso quo peccata remissa sunt, non animadvertit Dominus, quippe qui secundum promissum Ezech. 18. omnium iniquitatem non recordatur, hoc est, ut poenam æternam imponat pro delicto. Ergo bene sequitur in quocumque aliquem invenerit novissimus dies, ibi manet irrevocabiter vel electus vel reprobus; unde merito dicit Augustinus medium ignorare se, hoc est, pro decreto prædestinationis; omnia namque definita sunt, nec datur locus ut ab alterutro statu quis eruatur; aut non impedit, quin justus, si quid habet expiandum, hæc de causa illoque motivo ibi remaneat, donec solvat ad ultimum usque quadrantem, ut ipse dicit Augustinus. Cæterum istorum omnium ratio perfecte & clare habetur ex aliis Augustini oraculis, quibus clare & ex professo suam aperit de Purgatorio mentem. Ad locum loci libri hypognostici eandem est responsio.

## QUINTUM ARGUMENTUM.

*Probatur Purgatorium ex consensu totius Orbis Ecclesiarum.*

Quod universa in omni terrarum orbe tenuit & docuit Ecclesia, illud profecto tanquam fidei consonum recipiendum est: atqui, universalis per totum orbem diffusa

1<sup>a</sup> Ecclesia Purgatorium ab omni tennit ævo. Et probatur: ab omni ætate voluit fundi preces pro fidelium defunctorum refrigerio. Hoc ipsum Ecclesiæ Catholicæ estiam schismate, vel hæresi a Romani divulsæ & tenet & tenuerunt: igitur universalis Ecclesia recipit & propugnat Purgatorium: Ecclesiam vero universalem & preces instituisse pro reque defunctorum, & agnovisse locum in quo animæ iustum qui iustitiæ divinæ in hac vita non fecerunt latis, detinentur, donec reddantur & solvant debitum, constat ex definitione Conciliorum Generalium quam atrulimus: atramen ad abundantiam juris non inijucundum erit, hic texere omnis linguæ Ecclesiarum specialia pro tanto momento decreta.

Ecclesia Italiæ cæterarum mater hoc ipsum & credit & definivit in Concilio Romano sub Symmacho anno 103. sancta quippe hæc Synodus grande ducit sacrilegium animis fidelium defunctorum orationibus & suffragiis defraudare.

Ecclesia Gallicana hoc profitetur in Concilio Cabilonensi; & habetur de consecratione dist. 1. can. visum est, sic enim legitur, *visum est præterea, ut in omnibus Missarum solemnibus pro spiritibus defunctorum loco competenti in Ecclesia ad Dominum deprecetur.* His accedunt statuta Odonis Cluniacensis supremi Abbatis quibus in tuo ordine voluit diem solemnem instituire in quo memoria fidelium defunctorum precibus & suffragiis celebraretur; cui morem gerere prima voluit Ecclesia nostra pia & percelebris Gallicana.

Ecclesia Germanica suum addit pro eodem momento calculum, namque in Concilio VVormatiensi c. 10. præcipit & definit, non solum pro fidelibus defunctis qui vitam piam diu duxerunt, verum & pro suspensis in patibulo preces fundi & offerri sacrificia.

Ecclesia Hispanica in Majestate & fide percelebris in Concilio Bracarensi c. 39. oblationes inter Clericos dividi, ut oren pro defunctis, statuit & jubet.

Ecclesia Africana non prætereunda est in Concilio Carthaginensi tertio can. 29. sic loquitur, & *Sacramenta Altaris, non nisi a jejuniis hominibus celebrentur, si autem aliquorum pomeridiano tempore defunctorum commendatio facienda est, solis orationibus fiat.* Similia pro eodem negotio statuit Concilium Carthaginense quartum cap. 79.

Ecclesiam Orientalem antiquam eandem tenuisse fidem luce clarius apparet tum ex Conciliis Generalibus, quibus astabant Græci, maxime ex Florentino, in quo vel minimum quidem Latini Græci pro hoc momento non objecerunt, isti vere per omnia in hoc puncto consentientes nullam moverunt dilceprationem & controverfiam. Tum ex traditione Patrum Græcorum quorum testimonia jamjam laudavimus: sed maxime ex Liturgiis; namque in ea quæ dicitur Basilii, specialis habetur oratio pro fidelium defunctorum reque; similiter & in aliis; quia vero Proflantes Ecclesiam Orientalem ab hac dilcessisse fide prædicare non erubuerunt: professio os loquentium & iniqua & falsa contundere juvat, ne quis vel jam a vera religione divulsus, vel obrepentibus passionibus indulgens, iniquitatem velut aquam absque futurarum pœnarum timore in propriam animæ perniciem & exitium ebibere audeat.

*Ex consensu Orientalium Ecclesiarum quæ vel schismate, vel quod pejus simul & hæresi a Romana divulse sunt*

*Probatur veritas Purgatorii.*

Ecclesia Græca nunc eundem pro fidelibus defunctis sublevandis tum precibus, tum elemosynis, sed maxime sacrificiis sicut antiquitus tenet ita & observat ritum. In Euchologia sic habetur, *Domine concede animæ famuli tui requiem cum animabus iustorum, quod quidem ter repetitur.* Deinde supplicatio quædam dirigitur ad Beatissimam Virginem, ut pro salute defuncti ipsa deprecari & intercedere dignetur, postea petitur, ut Deus illi peccata tum voluntaria tum involuntaria dimittat, eumque cum sanctis suis colloct in Paradiso, in loco deliciarum ubi neque dolor, neque tristitia est. *Ἰλεῖσθαι τὸ εὐδαιμονεῖν τοῦ φοβήσασθαι. Ὑπερ τὸ συζημενδαὶ αὐτῷ πᾶς τλῆνέλαια συνίεν τι καὶ αὐδαιμονεῖν.* 1.8. de perpetuitate septem Sacram. c. 6.

Dositheus patriarcha in Synodo Jerosolymitano anno 1672. statuit orationes & sacrificia pro reque defunctorum, edit. 1690. Mold. ex Græco sic redditur definitio: *Ecclesia Catholica & Apostolica Jesu Christi credit post mortem purgationem fieri sacrificio tremendo & aliis precibus, item & elemosynis, aliisque pietatis operibus, quæ fideles pro defunctis faciunt; quæ*

de

de causa decantat: *Miserere, Domine, operis manuum tuarum & misericordia purifica. Orat pro patribus & fratribus nostris defunctis, & pro iis omnibus qui cum fide & pietate dormierunt, ut eis concedat veniam pro culpis tum voluntariis, tum etiam involuntariis. Probat idem Patriarcha orationum & sacrificiorum pro fidelium defunctorum refrigerio utilitatem auctoritate Sanctorum Dionysii, Athanasii, Cyrilli Hierosolymitani, Chrysostomi, quos omnes purificationis locum inter cælum & inferos stricte sumptos medium agnovisse constat.*

*Ecclesiæ Orientales, Melchitarum, Nestorianorum, Jacobitarum, Coptitarum, Æthiopum, Armenorum eundem precum & sacrificiorum pro defunctis traditionem servant; enimvero usque ad Photium nulla fuit sicut in aliis, ita nec in hoc momento inter Græcos & Latinos controversia; immo cum isti dominabantur in Oriente, unusquisque suæ Ecclesiæ in sublevandis defunctis, ritum observabat. Græci Beati Gregorii Dialogorum libros præ oculis habebant & legebant. In l. 4. multa ex professo tum de Purgatorio, tum de orationibus pro animarum requie fundendis habentur, nec quicquam Orientales refragati sunt. Quinimmo & Constitutiones Apostolicas & opera S. Dionysii, in quibus istud astruitur dogma multi faciunt. Quid plura? Eufkratius Ecclesiæ Constantinopolitanæ Presbyter, egregium de hoc momento tractatum composuit, ut videre est apud Photium. Allatius juris publici eum fecit; in tertia huiusce tractatus parte fuisse pariter & erudite orationes, elemosynas, sacrificia ad liberationem animarum a Purgatorii poenis plurimum valere probat. Eorum statuit distinctionem quæ in cælo, beatæ, & quæ in inferioribus locis cruciatæ erant. Sexto florebat sæculo. Ex quibus constat Ecclesiæ Orientales hanc fidem ab initio tenuisse. Addo & ab eadem non recessisse, cum iisdem usque ad hodiernam diem utantur Liturgiis, iisdem stent ritibus, quod uno aut altero exemplo probare juvat.*

*In Liturgia Coptitarum quæ nomen S. Basilii præ se fert, Sacerdos celebrans ait; Memento, Domine, defunctorum, & eorum qui diem in Sacerdotio, & in fide Sacerdotii clauserunt extremum, omnium Ordinum Sæcularium seu Laicorum: Dignare, Domine, omnibus concedere requiem, in sinu Patrum nostrorum Abrahæ, Isaac, Jacob. Eos*

*locos, velim, in regionibus viventibus, verus quietis aquas in Paradiso voluptatis, ex quo quidem procul abest dolor, procul tristitia, in splendore vestrorum Sanctorum. l. 8. perp. fidei de Sacr. c. 8.*

*In Liturgia S. Gregorii eadem iisdem prope terminis habetur oratio: Memento, Domine, patrum & fratrum nostrorum, qui in fide orthodoxa mortui sunt. Hanc eis concede gratiam, ut requiescant cum Sanctis tuis.*

*In Liturgia Syriaca, quæ Divo tribuitur Jacobo, quæque est magni apud eos ponderis, unde & apud eos authentica necnon celeberrima, sic habetur: Memento, Domine, Sacerdotum orthodoxorum defunctorum, Diaconorum, Subdiaconorum, Cantorum, Sacerdotum, Interpretum, Exorcistarum, Religiosorum, Virginum, & Sæcularium qui in fide migraverunt .... Concede eis requiem, servando eos a damnatione futura, quæ nullum habet finem, eosque reddendo dignos felicitate, quæ est in sinu Abrahæ, Isaac, Jacob, ubi fulget lumen vultus tui, ex quo procul omnis dolor, & fugis gemitus. Ne imputes eis culpas quas commiserunt, non intres in iudicium cum servis tuis, quia non iustificaverunt in conspectu tuo omnis vivens, nemo quippe nisi Filius tuus Dominus Jesus Christus, mundus & a peccato & a sorde.*

*Ibidem. In Liturgia Æthiopum quid affine conspicitur: Memento, Domine, omnium defunctorum, qui in fide defuncti sunt, eosque colloca in sinu Abrahæ & Isaac & Jacob.*

*In tribus Liturgiis Nestorianorum primo fit commemoratio utriusque Testamenti Sanctorum, deinde vivorum, postea sic legitur: Rogamus te utique, Domine, pro eis qui nos præcesserunt, quique in fide orthodoxa discesserunt, ut cuncta eis condones peccata, & in quietis loco sedere facias. Observes velim, B. L. commemorationem Sanctorum qui sunt in cælis eo facere scopo Ecclesiæ, ut gratias immortales pro eorum de inferis triumpho reddat Deo. De fidelibus vero qui divinæ debitorum sunt iustitiæ ut precibus & sacrificiis eorum acceleret a cruciatu liberationem.*

*Ibidem. In Missis privatis pro mortuis permultæ etiam funduntur Deo preces, ut transeant in locum refrigerii, sic quippe habetur: Domine, extingue ardorem ignis per tuam misericordiam erga defunctos qui crediderunt in te, quique in fide,*

*multum de tua confidentes bonitate, migraverunt. Crux tua sit vixit prolixus & felix ad meliorem vitam transitus tum pro animabus, tum pro corporibus eorum qui in te renati sunt.*

*Quid plura adjiciam? in medio officii Diaconus se ad populum convertens hunc ad eum dirigit exhortatorium sermonem: Amici defuncti, date mortuo amicitiae argumenta, non quidem pompam funebrem in sonitu quæ nihil ad requiem animæ prodesse potest, sed parate & facite in ipso Sanctuario epulas, offerendo ministerio Sacerdotum panem & vinum pro anima defuncti, ut concedatur ei requies. Deus qui ad vestrum respicit amicitiam condonabit defuncto. Et ejus memoria in Sanctuario super propitiatoris tabulam postea celebrabitur.*

*Reverendus admodum Pater Lecquien Ordinis sancti Dominici percelebris Theologus, pari soliditate & eruditione Orientalium Ecclesiarum de Purgatorio fidem & opiniones exponit tom. 1. dissert. 5. in opera S. Joannis Damasceni. Non abs erit hic compendiose referre quæ eo loci fusiori calamo explanat.*

*1. Communis Græcorum sententia est, orationem, de iis qui in fide dormierunt, Joannis Damasceni factum esse. Ita tenent & affirmant Philippus Solitarius XI. S. Scriptor in Dioptra, Zonaras.*

*VI. Verum enarrare lubet, quæ sit Ecclesiæ Orientalis hæc in parte doctrina: quod ut conficiam, unum e multis auctorem seligo, Marcum Eugenicum, Metropolitam Ephesium, qui orationes duas Ferrariæ hoc de argumento in Synodo habuit, in quibus, uti Purgatorium ignem Theologorum nostratum exclusit, ita & professus est animas fidelium Liturgiis, aliique piis operibus juvari post mortem, quando non abluta penitus pro peccatis gravioribus poenitentia, vel levioribus nondum satisfactis, ex hac vita excescere. Quod a plurimis utriusque Ecclesiæ Patribus traditum, & antiqua consuetudine confirmatum, tradit. Eas autem per ejusmodi subsidia ab expurgantibus suppliciis & igne aliquo temporario, qui virtutem hanc habeat, liberari, nullibi hactenus expresse scriptum, invenimus. Idem repetit in oratione altera: ceterum in utroque asserit, peccatorum animas quæ æternis suppliciis addictæ sunt, tantillum quandoque relaxationis ex fidelium precibus*

*percipere. Quo plane sensu Augustinus ipse in Enchiridio c. 110. ait, supplicationes & sacrificia defunctis prodesse, illis quidem qui, cum valde mali non essent, mortem obierunt, ut sit plena remissio, & valde malis, ut tolerabilior fiat ipsa damnatio.*

*VII. Pergit Eugenicus, & eorum qui leviorum dumtaxat delictorum adpersi decesserunt, animas solo pavore purgari affirmat ex Gregorii dialogo: alias vero quæ coepit poenitentiae fructus dignos vel incuria vel propter inexpectatam mortem non tulerunt, ad inferna detrudi, non supplicii cruciandis uti sceleratorum animas, sed veluti carcere detinendas & conscientiae angoribus compungendas, vel etiam in locis terræ vicinis exulare secundum majorem vel minorem culpæ quas admiserint gravitatem. Cæterum specialem illum locum quo detineantur animæ, quem Purgatorium appellamus, reculant agnoscere: quippe quem Scriptura non indicaverit, inquit oratio. 2. nihilque statuerit medium inter Beatorum sedem, nisi chaos ingens: at vero pro defunctis illis multum prodesse sacrificia & preces in Ecclesiâ quæ exsolvantur, unanimi Patrum, tum Latinorum tum Græcorum doctrina constare testatur, ut nimirum benignissimus Deus quibusdam peccata nonnulla quæ humana fragilitate admixta sunt, statim ab obitu condonentur: quemadmodum Dignysius ait: in speculatione mysterii quod pro mortuis agitur: aliis post aliquod tempus secundum justitiæ leges, aliis denique, quibus licet non ante extremum judicii diem parcere decreverit, levaminis aliquid impertiatur.*

*XII. Hæc cum Ephesus duplici sermone in Synodo velut Orientalis Ecclesiæ nomine, perorasset, adjecissetque ut postulatus fuerat quorundam utriusque orationis locorum expositionem, Latini ultro comprobabant, illis dumtaxat exceptis quibus tum damnatorum impiorumve poenæ & supplicia, tum Beatorum coronas in diem judicii differri asseverat negaratque Sanctos Deum Deive essentiam posse intueri. Quamobrem nulla facta ignis expurgantis mentione, eodem prolixo sensu quo postmodum in Tridentina Synodo definitum est in decreto unionis. Item si vere poenitentes in Dei charitate decesserint antequam*

quam dignis penitentie fructibus de commissis satisfecerint & omnis, eorum animas pennis Purgatorii post mortem purgari: Et ut a penis huiusmodi releverentur, prodesse eis fidelium virorum suffragia, Missarum scilicet sacrificia, orationes & elemosinas, & alia pietatis officia, quæ a fidelibus pro aliis fidelibus fieri consueverunt secundum Ecclesie instituta. "Quamquam omittendum non est, Purgatorium ignem, quem Theologi Latini descendunt, non admodum displicuisse cordatioribus Græcis. Gabriel Philadelphienus antistes Schismaticus, statim post verba hæc modo ante ex ejus libro de Purgatorio recitavi, subiungit. "Placet mihi nihilominus sententia nonnullorum Doctorum Occidentalis Ecclesie qui asserunt ignem hunc æternum illum esse, in quem anime immixtæ puniuntur ad tempus; sui natura æternum, sic a Deo factum: dici vero temporarium, non sui natura, sed ob animas, quæ liberantur; propter eas autem, quæ in eo abique nullo sine cruciantur, æternum & perpetuum.

"XIV. Ad preces pro mortuis quod attinet præter consuetam defunctorum commemorationem, quæ recitatur in sacra Liturgia, primam obitus diem, tertiam, nonam, & quadragesimam, ac tandem annuam, fundendis pro defuncto quolibet precibus, aliisque piis operibus exequendis impendunt, quemadmodum & in constitutionibus, quæ Apostolis adscriptæ sunt, sancitum fertur. Quem sane ritum sæculo saltem sexto medio usitatum fuisse testatur Eustratius magnæ Ecclesie Constantinopolitanæ Presbyter in libro cujus titulus est: Refutatio eorum, qui dicunt animas corporibus suis solutas non operari, nec precibus sacrificiisque quæ pro eis offeruntur adjuvari. "Quem Leo Allatius Græce, Latineque edidit: post tractatum de Purgatorio, utinam non in fine mutilum. Immo Palladius, qui sæculo quinto ineunte historiam suam ad Lausum scripsit, in Palladio meminit commemorationis, quæ tertio & quadragesimo die ab obitu defuncti fiebat. Ad hæc quotannis Sabbato ante Dominicam quam vocant *ἡμέραν τῆς σαββάτου*, q. d. Carnis privii seu Septuagesimæ nostræ, solemnem agunt fidei omnium memoriam: quod officium inchoatur à vespere præcedentis sextæ feriæ. Totam noctem illam ac Sabbatum, tam in Narthece Ecclesie ac Cæ-

meteris, quam ad altare orando transigunt. Consimilem fere commemorationem denuo celebrant in Vigilia Pentecostes, quovis etiam Sabbato in Officio nocturno *τῆς ὑπομενίας*, pro defunctis recitant: quæ quidem ritus mentionem Damascenus facit in Epistola ad Comenam de sanctis Jejunii. In tertia, nona & quadragesima ab obitu defuncti die Colyborum oblationem faciunt, cujus officium Leo Allatius edidit lib. 3. de Ecclesie Occid. & Orient. confessione, cap. 18. sic vero Colyba confici Goarius, noster narrat in Euchologio: "Excoquant leviter frumentum Græci, lancibusque acervatim impositum frugibus variis, pisces puta tursi, avellanas, cortice nudatis amygdalis, nucibus minatum seclis, corinthiæ uva, & malogranatorum granis in distillas petroselinis solis veluti radiis areolas & figuras ordinatis respergunt acervumque huiusmodi præfata arte elaboratum *ἡλικὸν* vocant, quæ quidem vel in Sancti alicujus honorem, vel in defunctorum animarum memoriam, aut cum instanti magnæ quadragesimæ initio communis suas pro mortuorum animabus preces renovant, propinquorum sepulcris imposita, in Sacerdotis & Ministrorum usus postmodum cessura solent offerri. "Omni sit vir doctus mensem vini, cujus tamen meminit Simeon Thessalonicensis cap. 371. Deinde vero Goarius observat istæc offerri ad instar antiquæ Christianorum consuetudinis, qui defunctorum tumulis dapes ad alendos præpares apponebant quin & lautiori convivio egenos atque Ecclesie Ministros a divitiis solere excipi. "Sed nec humilioris fortunæ viri, inquit, a simili erga mortuos debito immunes se constituunt: panem enim in fragmenta longiora concisum vinoque tinctum transeuntis cubilibus & degustare non detrectant offerunt: ut eo sumpto repensam orationis vicem parentibus suis accipiant, desiderata hac voce audita, *ὁ θεὸς παύσει τὰς αἰτίαι*, h. e. Deus beatos illos faciat. "In Syria & Oriente, Melchitæ, Jacobitæ, Nestoriani, Maronitæ tertiam quidem & nonam ab obitu celebrant, pro quadragesima vero trigesimam agunt, qui filii Israel super Moysen luserunt triginta diebus; quem etiam morem a Gregorio Magno Latini ferunt accepisse.

"XV. Quia paulo ante facta est a me mentio libri Eustratii Constantinopolitani de defunctorum animis, ab re non

erit hic subnotare auctorem Cyrilli quoque Hierosolymitani testimonium adhibuisse ex ejus Catechesi Mystagogica 5. quo ostenderet priscum receptissimumque morem fuisse preces pro defunctis fidelibus fundendi inter divinorum Mysteriorum celebrationem.

Ex his omnibus constat, primo Orientales locum medium inter cælum & infernum agnoscere, ubi animæ iustorum in charitate defunctorum pro reliquiis peccatorum divinæ faciunt satis iustitiæ. Secundo, preces, elemosynas & sacrificia prodesse hominibus in Christo defunctis. Tertio, Theologos Græcos non improbare Latinorum opinionem de igne torquentis animas Purgatorii. Igitur absque fundamento Protestantes Purgatorium tanquam aliquid fictitium explodere conantur.

*Fis satis difficultatibus.*

**OBJICIUNT** Heterodoxi. Ecclesia Græca plurimum restitit in Concilio Florentino iis quæ Latini de Purgatorio docebant: Marcus Ephesinus partes pro Græcis agens plura adversus dogma Purgatorii protulit, nec desuerunt alii non pauci qui definitionem Concilii didis & scriptis impugnaverint. Igitur saluum est omnes Ecclesias suo calculo munire dogma de Purgatorio.

*Respondeo* 1. Ex dictis constare Ecclesiam Græcam ex more nedom antiquo, verum etiam hodierno, Purgatorium agnoscere; quandoquidem & locum in quo animæ cruciantur, agnoscit, & preces pro earum liberatione fundi præcipit. Adde falsissimum esse Græcos restitisse pro hac parte Concilio Florentino, nam sessione prima & ultima affirmant se Purgatorium, immo & orationem pro defunctis semper admisisse.

*Respondeo* 2. distinguendo: Græci resisterunt pro qualitate poenarum, immo & pro loco in quo probantur animæ; de his quippe non parva fuit apud eos disceptatio, & in Concilio ultro confessi sunt de his momentis non parum se ambigere, an scilicet igne reali torquantur animæ, an aliquo alio modo, concedo: resisterunt dogmati quoad substantiam, nego. Ante schisma nulla mota est controversia de Purgatorio, & de modo probationis animarum inter Græcos & Latinos; illi fundebant preces & offerebant pro mortuis sacrificia, legebant dialogos B. Gregorii

lib. 8. perp. fidei Sacr. cap. 5. qui multa de igne Purgatorii continet, immo & Latini non placita circa hoc momentum non ignorabant, nec tamen refragabantur; orto vero schismate, multæ hinc inde quæstiones factæ sunt quæ magnas moverunt inter utriusque Ecclesiæ Theologos disceptationes. Latini propugnare cœperunt animas fidelium defunctorum igne reali torqueri, Græci vero non igne, sed summa tristitia, summoque animi mœnore agitari. Latini admittunt locum inter cœlos & inferos medium in quo satisfaciunt animæ. Græci recentiores non sic, eundem & pro reprobis & pro iustis statuunt, contententes Scripturas de inferis tantummodo mentionem facere: hinc vocabulum *inferi* ad litteram semper usurpantes, in hunc etiam impingunt errorem, ut locum damnatis & electis communem autem, ita tamen ut ex eo erui possint virtute precum fidelium animæ patientes. Latini animas, finita purgatione, visione beatifica cito donari contendunt. Sed Græci recentiores adhærent in hoc puncto Millenariis; credunt enim animas post probationem abire in locum æternum seu Paradisum terrestrem in quo exultantes summa afficiuntur lætitia quem & sinum Abrahæ nuncupant.

*Urgent*: Barcephæ inter Orientales percelebris scriptor impugnat Purgatorium: igitur istud dogma alienum est ab Orientalium-mente. Probatur antecedens. Purgatorium est poenarum locus: sed Barcephæ differens de loco ubi iusti in pace Christi defuncti beatam expectant retributionem, ait esse locum æternum in quo Sancti quiescunt, sic enim loquitur Mos. Marc. de Parad. p. 1. cap. 18. *Cum Paradisum in Eden ab initio plantatum, locum esse dicti ubi iustorum animæ recipiuntur, ab adventu Christi, atque ibi collocatam fuisse boni Latronis animam; post universalem vero resurrectionem nullius usus futurum.* Igitur ex Barcephæ Orientales Purgatorium veluti locum poenarum quibus ultimæ probarentur iustorum animæ, tanquam fidei articulum non habuerunt: quinimmo ne quidem ullo modo admiserunt.

*Respondeo* 3. Dato & non concessio, aliquis Doctoris particularis opinionem non aliam fuisse quam istam quæ iustorum in pace defunctorum habitationem & sedem in amœno Eden quietis loco reponit, non tamen Theologiæ Orientalium eundem exitisse sententiam constat: cuius responsionis non una est ratio, non unum ar-

gumentum. Primo quidem quia justos quorum peccata sufficienti non fuerunt poenitentia expiata, neque comprehensores credit Ecclesia Orientalis; donec iustitiae divinae fecerint satis, neque etiam damnatos esse existimat. Secundo, tametsi ejusdem Ecclesiae Theologi nonnihil difficultatis patiantur in determinandis Purgatorii poenis, illud tamen admittere ex probationibus claret: igitur cum Latinis vel minimum quidem de existentia Purgatorii non disceptant, ut non semel annotavimus, maxime vero cum doctrinam Dialogorum B. Gregorii in quibus multus est de Purgatorii probatione sermo, adoptaverint. His omnibus addo Orientales docere, justos, ad gloriam propter rectum poenae temporalis sufficere nondum expeditos, Dei visione ad tempus privati.

*Respondeo 2.* In forma negando antecedens. Ad probationem, distinguo: Barcepha admittit locum aliqua pace & quiete aeternum pro justis qui nondum iustitiae Dei fecerunt satis, concedo: omni & adequata quiete aeternum, nego. Purgatorium admittit ille Theologus, dum Sanctorum animas nondum Dei visione perfrui agnoscit, quo quidem in statu aliquam quidem ex charitate in qui permanserunt habent, sed non eam quae beatissimae competit, quorum tanta pax est, ut nedum quietem habeant, sed & intrent in gaudium Domini.

*Quid* plura? Barcepham errore Millenniariorum detentum fuisse non obscure ejus indicant verba, dum ait justos in aeterno Edem loco collocatos ibi expectare resurrectionem: in hac hypothese certe non negat Purgatorium, sed animas justorum sufficienter probatas juxta vanam Millenniariorum opinionem asserit in quiete & pace expectare ultimum Domini adventum ut aeternam possideant.

*Respondeo D. Renodotus* in doctrina Orient. veritissimus tom. 2. Liturg. ob-  
serv. 2. in Syriaca p. 108. "Unum, in-  
quit, addemus & quidem hujus generis  
argumentum, quod maximi ad illam  
questionem explicandam momenti est.  
Habent antiquitus Graeci, versionem  
Dialogorum Gregorii Papae, quam per  
multa saecula cum aedificatione legerunt  
& probaverunt, & si multa de Purga-  
torio in illis continentur. Ex Graeca  
versione, Arabica facta est, anno Graeco  
1091. J. C. 779. cujus exemplar  
ante annos septingentos, scriptum in

membranis, extat in Bibliotheca Colbertina. Ita neque Graeci, neque Arabes Christiani ignoraverunt quid vulgo doceretur in Romana Ecclesia, neque tamen ante Florentinum Synodum controversia de Purgatorio ulla fuit. Antea igitur perfecta erat de doctrina consensus, quae similiter utrimque observatae disciplinae respondebat. "Observes velim, benevole Lector, Orientales in Concilio Florentino dogmati de Purgatorio lubenti animo subscripsisse. Igitur circa istum fidei articulum nullus est circa Orientalium mentem relictus ambigendi locus.

*Insunt*, Graeci recentiores negant simpliciter & absolute dari Purgatorium & in probationem asserunt auctoritatem S. Joannis Chrysostomi, qui locum Apostoli i. Cor. 3. *Salvus erit, sic tamen per ignem*, de poenis alterius mundi non intellexit. Cui subscripserunt multi alii Patres Graeci: quia vero contrarium censet S. Gregorius Nyss. ideo ejus explodunt auctoritatem: sed mens Ecclesiae Graecae ab ipsis Graecis repetenda est: igitur cum isti negent Purgatorium, argumentum est, illud dogma non pertinere ad fidem.

*Respondeo 1.* Non solum S. Gregorium Nyssenum, sed alios Patres si non nomine, siletem re agnoscere Purgatorium. Origenes quippe homilia 35. in Lucam, & Eusebius Emisenus hom. 3. de Epiphania praedicant dari carcerem ex quo animae virtute precum possunt educi, qui quidem locus ab inferno simpliciter dicto prorsus distinctus est, cum in isto nulla sit redemptio. S. Gregorius utique admittit ignem exquisitis tormentis animam purificantem, & audiendus est, cum quarto floreret saeculo & doctrinam Apostolorum tenuerit. Tum quia ceteri Patres Graeci orationes & sacrificia pro fidelibus defunctis offerri volunt: igitur agnoscunt locum medium in quo probantur animae, alias duo manifeste pugnantia admittenda forent, videlicet & animas fideles esse in inferno, & ab eo erui posse; sed utrumque debeat fidem & illi contrarium est: igitur & rejiciendum.

*Respondeo 2.* A tempore schismatis Latini Theologos multos per improprium tribuisse Graecis naves, qui par pari reddere satagentes, etiam ut alternata vice Latinos exacerbarent, utique negarunt dari Purgatorium, eo quod ne nomen quidem in ullo Scripturae sacrae inveniat in loco. Ceterum dato & non



concesso, Græcos recentiores hoc abnegasse dogma, non ideo fides evacuetur, cum & Patres, & Ritus, & Liturgiæ Ecclesiarum Orientalium, nulla excepta, stent pro suffragiis in gratiam fidelium defunctorum, quod sane inutile foret, si vel in inferno in quo nulla redemptio est, conclusæ manerent.

*Respondeo* 3. distinguendo. Theologi Græci, immo & multi Patres tacent quoad nomen, concedo: quoad rem, nego. Eo enim ipso, quo admittunt purgationis locum, in quo suffragiis & sublevari, & etiam e carcere solvi possunt animæ, consequenter admittunt Purgatorium. Jam vero quænam sit locus probationis? quod ignis genus? quæ poenæ qualitas, non spectat ad dogma, immo hoc ipsum prædicare & similia quæ curiositatem potius quam pietatem sapiunt prohibet Tridentina Synodus.

*Insunt*, qui eandem profus tenent sententiam de iustis probandis & de reprobis profecto non censentur admittere Purgatorium etiam quoad rem: atqui sic opinantur nunc Græci: & probatur: omnes defunctos promiscue in eodem inferni loco incarcerationi docent: omnes etiam infideles, etiam idololatras si pro eis fundantur preces & offerantur sacrificia, eui posse autuant; namque peccata etiam graviora remitti in alio sæculo per preces & oblationes existimant, eos solos reprobos pro quibus nulla sit aut oratio, aut nullum offertur sacrificium, ibi semper remanere confingunt. Iunio & in probationem referunt apocryphum quendam historiam Falconillæ idololatæ & Trajani Imperatoris defunctorum, primum precibus B. Theclæ ab inferis liberatam, alterum similiter obsecrationibus S. Gregorii Papæ ex eodem loco erutum, Deo misereunte & concedente, asserere non dubitant: ergo, &c.

*Respondeo* distinguendo. Et semotis erroribus tum circa poenarum locum, tum circa ipsius cruciatus modum, tum etiam circa liberationem reproborum admittunt Græci recentiores & locum purgationis, & suffragiorum pro liberatione animarum utilitatem, concedo: & non admittunt, nego. Non plurimum hic de erroribus Græcorum circa locum & liberationis modum curamus: unum nobis impresentiarum sufficit, etiam nunc agnoscere Purgatorium seu locum in quo animæ iustorum ultimæ probantur, in quo, virtu-

te bonorum operum viatores eas sublevari possunt, ut inde transeant in locum æternum & refrigerii; jam vero quid sit nunc vel terrestris vel cœlestis illa mansio? nihil ad quæstionem. Igitur incassum suas trahunt in partes Ecclesiam Græcam Lutherani, ut Purgatorii dogma exsuscitent.

*Iterum arguitur*. Quænam sit genuina Ecclesiæ Græcæ mens melius cognosci non potest quam per Patriarcharum suorum fidei professionem: atqui Cyrillus Lucaris Patriarcha Constantinopolitanus suscepit fidei professionem Calvinianam Genevensem, quæ certe Purgatorium abnuit: ergo talis est & fides Ecclesiæ Græcæ.

*Respondeo* distinguendo. Mens Ecclesiæ Græcæ melius cognosci non valet quam per fidei professionem Patriarcharum qui adhærent Ecclesiæ tanquam membra corpori, concedo: qui a corpore Ecclesiæ per novam & nefandam apostasiam sunt avulsi, nego. Porro Cyrillus Lucaris pecunia corruptus Calvinianam suscepit quidem professionem: sed hoc nihil profus contra fidem Purgatorii urget propter multa momenta. 1. Quia quandiu vixit suam simulavit perfidiam, voluitque apud suos haberi semper ut Catholicus; cum igitur susceptio confessionis Genevensis, ut refertur l. 1. perp. fidei de 7. Sac. c. 2. 3. 4. 5. nec juris publici facta sit, nec cum solemnitatibus requisitis publicata, nullam utique facit fidem; unde ne minimum quidem exhibet contra dogma Purgatorii argumentum. 2. Ut primum Lutheranorum molitione Confessio Ausburgensis in Oriente apparuit, eam fuso calamo Jeremias Patriarcha Constantinopolit. disertis responsionibus ab anno 1575. usque ad annum 1581. confutavit; quæ quidem responsiones juris publici factæ sunt & in archivis collocatæ; hinc & plurimum authenticæ, ibid. c. 4. unde Ecclesia Græca non confessionem VVitembergensem Doctorum, non surtiavam Cyrilli Apostolæ, sed Catholicam secuta est. Hanc doctrinam osculati & amplexi sunt Gabriel Philadelphie Metropolitanus in suo de Sacramentis tractatu Venetiis prælo mandato ann. 1600. Nestarius Doctus, Callinicus, Meletius Syrius, Meletius Piga, omnes inter Græcos scientia percelebres. 3. Non defuerunt, qui malam fidem Cyrilli suspicantes, illum suo perstrinxerunt stylo censorio, in primis Gregorius Protosyncellus in sua de

divinis officiis appendice in lucem anno 1635. edita : rursus in suo de Sacramentis tractatu ad trutinam Scholæ explanat fidem Ecclesiæ Græcæ contra Cyrilli Molimina. 4. Cyrillo mortuo, acrius exarsit pro fide defendenda contra Protestantes Græcorum zelus. ibid. cap. 5. Cyrillus quippe Beroensis Patriarcha Constantinopol. Cyrilli successore ann. 1638. adunavit Synodum ubi adfuere Metrophanes Patriarcha Alexandriæ, Theophanes Jerosolymæ 21. tam Metropolitanum quam Episcopi 23. Magnæ Ecclesiæ Officiarii, qui una voce, servatis servandis, confessionem quam susceperat Cyrillus Lucaris, proseripserunt, ipsum vero Lucarem anathemate percussērunt : iterum proscriptis legitur in Synodo Jerosolymitana sub Dositheo Patriarcha & Præside. 3. A tempore quo Patriarchæ, Archiepiscopi & Episcopi, confessionem Genevensis a Lucari susceptam agnovere, ipsum insectari cœperunt, novam Ecclesiæ Græcæ non iniecit doctrinam, sed eam, quæ huic nefandæ confessioni opposita erat, strenue propugnaverunt. Ut Meletius Syrius in confessione orthodoxa, quam accepta missione, adversus spiritum Lucaris composuit. Solus Caryophilus vir obscurus & laicus, & omnis veræ expers religionis novam Cyrilli doctrinam defendendam suscepit; verum Dositheus Patriarcha Jerosolymitanus in tractatu speciali eum egregie consultavit; quia vero obstrepere non cessaret ille fidei apostata, Callinicus Patriarcha anno 1691. anathemate eum percellere iudicavit, & fecit. Ex his omnibus momentis liquido constat Ecclesiæ Græcam abhorruisse cuncta Protestantium tum circa Sacramentorum septenarium numerum, tum circa justificationem & purgatorium commenta; confessionem quippe Calvinianam in cunctis capitibus tanquam fidei contrariam debellavit.

*Reponunt.* Omnia cedunt auctoritati Principum, maxime vero pecuniis : ergo Dominus de Nointel apud Turcarum Imperatorem Regis Christianissimi Orator suffragia pro confessione Romana emit, tum numerata pecunia tum etiam promissione pro Græcis apud Turcam protegendis : unde ad hæc quæcumque adversus confessionem Calvinianam a Cyrillo Lucari susceptam aut confecta, aut vi, vel favore, & ære extorta sunt, adeoque nullius apud viros cordatos ponderis esse debent : igitur ea est Ecclesiæ Græcæ constans opinio ut rejiciat Purgatorium.

*Respondeo.* Jure potiori nos affirmare posse Cyrillum Lucarem pecunia Calvinistarum fuisse in fide corruptum; quandoquidem nec suam novam ausus est, quando vixit, malefidam doctrinam publicare, nec eam susceperit Ecclesiæ Orientalis, quin potius per omnia ipsi adversans, dictis & scriptis, immo & anathematibus illum perstringit. Jam vero dicere oratorem Regis, Græcorum pecunia numerata, corruptis fidem, grandis calumnia est, cujus rei ne unum aut alterum, sed multiplex habemus argumentum. Primo quidem longe ante istius nuntii in Orientem adventum, Ecclesiæ Græcæ Cyrillum infecta est; enimvero Constantinopolim applusus est percelebris ille orator sub finem anni 1670. Jeremias vero Patriarcha Constantinopolitanus refutavit VVirtembergensium doctrinam ab anno 1575. usque ad annum 1581. Gregorius Protosyncellus in sua de divinis officiis appendice anno 1635. Cyrilli Lucaris non eum quidem nominando, sed charitatis gratia solum indigando, debellavit errores. Cyrillus Beroensis Patriarcha Constantinopolitanus anno 1638. in Synodo anathemate percussit Cyrillum, ejusque novam proseripsit doctrinam. Secundo, ut videre est in omnibus Liturgiis, orationes ab omni ævo pro defunctorum requie funduntur. Tercio, etiam his temporibus Græci eosdem servant Ritus; quod & audivimus in nostro Conventu Parisiensi anno 1714. mense Novembri ab Archiepiscopo Seleuciæ, qui propter tyrannidem Turcarum, paupertate premente, venerat Parisios, eleemosynas efflagitandis. Collatione quippe cum ipso habita, variisque ei propositis circa fidem quæstionibus, bona fide respondit, Ecclesiæ Græcam cum Latina in doctrina Sacramentorum, justificationis, Purgatorii, invocationis Sanctorum, cultus sanctorum Imaginum consociari : nec ipsum Protestantes cordati abnegare auderunt.

## SEXTUM ARGUMENTUM.

*Probatum Purgatorium ex more & usu quem tenuit Ecclesiæ, ut per suos insurgeret semper adversus dogmatizantes contrarium.*

ARGUMENTUM omni acceptione dignum pro aliqua propugnanda veritate illud est, cum iis, qui contrarium aut te-

nere aut etiam publicare ausi sunt, fortiter Ecclesia resisterit: atqui sancta Mater Ecclesia, nec consensit illis qui purgatorium exfufflare moliti sunt, verum potius eis, tum suis definitionibus, tum suorum Doctorum scriptis fortiter resistit. Igitur dogma purgatorium asserens est, verum est, & Catholicum. Probatur minor variis multisque momentis.

*Arius*, teste S. Epiphanio hæc. 75. & S. Augustino hæc. 53. non esse orandum pro defunctis propugnauit, hinc & consequenter de medio abtulit purgatorium; sed uterque S. Ecclesie Doctor eum vehementer de novitate accusant, nec ei enim parit illorum stylus censorius. Sic loquitur Epiphanius pag. 9. "Quæ pro mortuis concipiuntur preces: iis utiles sunt, tamen non omnes culpas extinguunt. Verum ex eo profunt, quod plerumque, dum adhuc in terra degimus, sponte aut inuiti titubemus: ut id quod perfectius est, significetur. Nam & iustorum pariter & peccatorum mentionem facimus: peccatorum quidem, ut iis a Domino misericordiam imploremus: iustorum autem & Patrum . . . ut Dominum Jesum Christum singulari quodam honore prosequentes, ab cæterorum hominum ordine segregemus."

*VValdenses* ausu temerario adaperite purgatorium negarunt. Sic refert Guido Carmelita in summa de Hæreticis, sed maxime B. Antoninus 4. p. tit. 11. c. 7. §. 2. summae Theologiae.

In eundem impergerunt errorem Apostolici, videlicet quidam hæretici sic dicti, eo quod puertatem Apostolicam se imitari aestabant, ut videre est apud Div. Bernardum 66. in Cantica qui eos ita reuincit, pag. 766. "Non credunt autem ignem purgatorium restare post mortem, sed statim animam solutam a corpore, vel ad requiem transire, vel ad damnationem. Querant ergo ab eo qui dixit, quoddam peccatum esse, quod neque in hoc sæculo, neque in futuro remitteretur, cur hoc dixerit, si nulla manet in futuro remissio, purgatione peccati?"

*Lutherus* libro de abroganda Missa privata, tandem purgatorium post varias dubitationes, & disceptationes, quibus pendulus apparebat, ex professo abnegavit; hunc in hoc sequuti sunt Lutherani rigidi, ut Centuriatores centur. 1. lib. 2. cap. 4. Lutherani molles ut Philippus. c. de Sa-

tisfactione, Brentius in Confess. VVitembergenfis cap. de purgatorio, Zuingliani apud Cochlaeum in actis Lutheri anni 1526. Calvinus lib. 3. Instit. cap. 5. §. 6. Hos omnes Protestantis ore gladii confodit sacra Synodus Tridentina sess. 6. can. 30. his verbis: Si quis post acceptam justificationis gratiam, cuiuslibet peccatori poenitenti ita culpam remittit, & reatum aeternæ pænæ deleri dixerit, ut nullus remaneat reatus pænæ temporalis exsoluendæ vel in hoc sæculo, vel in futuro in Purgatorio antequam ad regna cælorum aditus patere possit, anathema sit. Ergo, &c.

## SEPTIMUM ARGUMENTUM.

*Probatur Purgatorium ex diversis historiis fidelium defunctorum fide dignissimis.*

DEUS ita suæ providet Ecclesie ut sicut sanctis & Patriarchis & Prophetis ministerio Angelorum sanctorum ad veritatem de die in diem probandam & apparere & loqui dignatus est, nonnumquam etiam per mortuos, tum ad eorum ipsorum consolationem, tum ad propriam vivorum utilitatem loqui potest & de facto, nisi omnis fides etiam sanctioribus abnegetur, non semel locutus est: atqui res sic se habet pro negotio quod hic pro virili contra impugnantes defendere satagimus. Igitur & datur purgatorium, & dogma omnium fide dignum sane est. Probatur minor variis exemplis quæ Bellarminus l. 1. de Purg. c. 7. refert.

"*Gregorius*, inquit, Turonicus l. de gloria Conf. c. 5. scribit Beato Martino S. Virginem quandam nomine Vitalianam jam defunctam significasse se adhuc in Purgatorio degere ob leve quoddam peccatum, ac paulo post precibus ejusdem sancti Martini liberatam."

"*Petrus Damianus* in Epist. ad Desiderium scribit B. Severianum Coloniensem Episcopum apparuisse cuidam Prelbytero ejusdem Ecclesie, eique significasse se in Purgatorio graviter torqueri, quod Horas: Canonicas non distinctis temporibus persolvisset, sed mane omnes horas simul coaceruasset, ut tota die negotiis Imperialibus liberius vacare posset."

"*Beda* l. 2. historiae Anglorum c. 19. scribit, B. Furseum a mortuis resurgentem narrasse multa, quæ vidit de Purgatorii pœnis. Et l. 5. c. 13. refert, mi-

mirabilem visionem Diethelmi qui similiter mortuus, & postea reviviscens mira narravit de Inferno, Purgatorio & Paradiso, & vita ejus sequens, ac fructus spiritualis, quem in aliis multis operatus est, testabatur veram fuisse visionem.

"D. Bernardus in vita B. Malachiae refert, B. Malachiae fororero ejus defunctam non semel apparuisse, cum adhuc in Purgatorii poenis degeret, & tandem, frequenti Eucharistiae ad Deum oblatione, liberatam, & libro primo vitae B. Bernardi c. 10. refert Guillelmus Abbas, qui vitam sancti Bernardi scripsit, ipso adhuc vivente apparuisse aliquando B. Bernardo unum ex defunctis Monachis, in Purgatorio laborantem, & precibus, ac sacrificiis viri sancti paulo post liberatum, quod exemplum ipsum B. Bernardum narrare solitum scribit auctor ejus vitae."

"Libro primo vitae B. Anselmi similiter legimus, B. Anselmum annum integrum instituisse sacrificiis quotidianis, & tandem apparente sibi amico defuncto pro quo tam diu oraverat, didicisse eum de Purgatorio liberatum."

Replicant Protestantes omnia ista ludicra esse, sed ullo sane absque fundamento: nonne Samuel mortuus apparuit Sauli ut legitur 1. Reg. c. 28. 15.? Nonne Angelorum visiones tum in veteri, tum in novo Testamento ad mysteria aliqua confirmanda factae sunt? Quidni & fidelium animae, vel per se, vel etiam Angeli Custodis ministerio ad aliqua postulanda suffragia apparerent? hoc profecto nedum impossibile sed verisimile & divinae consentaneum misericordiae est: maxime vero cum viri omni exceptione, tum pro pietate, tum pro doctrina majores testentur. Si enim fides adhibetur Historicis profanis, a fortiori summa debetur Sanctis.

## OCTAVUM ARGUMENTUM.

*Probatur Purgatorium ratione Theologica.*

Quod fulcitur ratione in Scriptura, in usu Ecclesiae, in decretis Summorum Pontificum, in iure, in principiis Theologiae & in magnis mirificisque congruentiis fundata, illud profecto est admittendum; atqui Purgatorium hocce fundatum est modo, igitur & admittendum est. Probatur minor quoad singulas partes.

*Primo quidem Scriptura dicit Sap. 7. nihil coinquinatum intrabit in regnum coelorum: igitur cum animae fidelium aliquam adhuc venialibus contrahant rugam habeant, debent prius igne purgari antequam penetrent coelos. Haec ratio est D. Thomae qui 4. contra Gentes c. 9r. ait "Sapientiae 7. dicitur de Sapientia, quod nihil inquinatum in illum incurrit, & Isaiae 53. dicitur: Non transibit per eam pollutus, pollutur autem anima per peccatum in quantum rebus interioribus inordinate conjungitur: a qua quidem pollutione purificatur in hac vita per poenitentiam & alia Sacramenta ut supradictum est. Quandoque vero contingit quod purificatio talis non totaliter perficitur in hac vita, sed remanet adhuc debitor poenae, vel propter negligentiam aliquam aut occupationem aut etiam quia debitor poenae morte praeventur: nec tamen propter hoc meretur totaliter excludi a premio: quia haec absque peccato mortali contingere possunt, per quod solum tollitur chasitas cui praeium vitae aeternae debetur, ut appareat ex his quae in tertio dicta sunt. Oportet igitur quod post hanc vitam, purgentur antequam finale praeium consequantur, Purgatio autem haec fit per poenas, sicut etiam in hac vita per poenas satisfactorias purgatio completa fuisset: alioquin melioris conditionis essent negligentes quam solliciti, si poenam quam hic pro peccatis non implent, non sustineant in futuro. Retardantur igitur animae bonorum qui habent aliquid purgabile in hoc mundo, a praeii consecutione, quousque poenas purgatorias sustineant. Et haec est ratio quare Purgatorium ponimus."*

*Secundo.* Usus Ecclesiae ab omni aeo est orare pro mortuis ut a peccatis levioribus & a poenis solvantur: hoc habemus momentum ex Patrum sententiis, hoc ex definitionibus Conciliorum, hoc ex Liturgiis, hoc ex commemoratione omnium fidelium quam Ecclesia universalis quotannis celebrat, hoc ex Missis privatis pro eorum requie, hoc ex oblationibus panis & vini quae ex perantiquo more ea offeruntur intentione, ut fiat factis iustitiae divinae quatenus animas e carcere in quo detinentur, erueri dignetur; quae quidem omnia forent inutilia, si non daretur locus medius in quo animae ad ultimum

num probentur: jam vero quis dicit Ecclesiam universalem aliquid ad superfluum, aut superfluousum pro defunctis admittere? Hæc ratio traditur utique a D. Thoma ibidem ubi sic ait: "Ad hoc etiam est consuetudo Ecclesiæ universalis, quæ pro defunctis orat: quæ quidem oratio inutilis esset, si Purgatorium post mortem non ponatur. Non enim orat Ecclesia pro his qui nondum ad terminum pervenerunt." Idem docet suppl. q. 71. art. 9. "Dicendum, inquit, quod suffragia vivorum profunt defunctis secundum quod uniuntur viventibus in charitate, & secundum quod intentio viventis, fertur in mortuos. Et ideo illa opera præcipue nota sunt mortuis suffragari, quæ maxime ad communicationem charitatis pertinent, vel ad directionem intentionis ad alterum."

Tertio. Summi Pontifices non semel declaraverunt viventes, lucrari posse indulgentias ad sublevandas animas in purgatorio detentas: eas enim per modum suffragii eis prodesse constans Theologorum opinio est.

Sixtus IV. pro ejusmodi fidelium animabus indulgentias publicavit. Innocentius VIII. pro eisdem concessit: similiter & Calixtus III. eodem profluo motivo Ecclesiæ Tarraconensi in Hispania. Paschalis V. prædecessorum suorum erga animas fidelium defunctorum devotionem probans, ad imitationem in thesauro Ecclesiæ plurimum confidens de cuius consumptione non est timendum, inquit Concilium generale Viennense, plures elargitus est, quæ quidem multorum subsequendum superemorum Pontificum calculo munitæ fuerunt. Alexander VI. Clemens VII. Julius III. Gregorius XIII. in decretis & Bullis Judæorum similes dederunt, nec prætereundus Leo X. in sua contra Lutheri errores Bulla anno 1520. qui hanc præscribit propositionem: *Sex generibus hominum indulgentiæ, nec sunt necessariae, nec utiles, videlicet mortuis.* Quæ quidem indulgentias concedendi pro mortuis potestas fundatur, inquit Theologi, in his Christi verbis: *Quæcumque solveritis super terram, erunt soluta & in caelis*, nam & pro peccatis in terra commissis cruciatus subeunt animæ, & aliquoties seu quodammodo, inquit Bellarminus lib. 1. de purg. c. sunt in terris, videlicet inferioribus. Hanc expresse defendit potestatem Alexander Avenis p. 4. q. 83. art. 2. S. Bon-

ventura in 4. dist. 20. art. 3. q. 2. atque: *Qui sunt in Purgatorio . . . . Ecclesiæ potest jurare communicando eis merita vivorum, non tamen per modum auctoritatis per quam directe juvantur illi, quibus directe profunt indulgentiæ.* Major qui initio 16. sæculi florebat in 4. dist. 20. q. 2. asserit se suum addidisse calculum Facultatis Parisiensis conclusioni seu decreto, quo eujusdam opinionem indulgentias non prodesse mortuis perstrinxit.

Jam D. Thomam audire juvat hic suppl. q. 71. art. 10. ubi sic loquitur: "Si autem indulgentia sub hac forma fiat, quicumque fecerit hoc vel quicumque alius ei adjunctus in Purgatorio detentus, tantum de indulgentia habebit, talis indulgentia non solum vivo, sed etiam mortuo proderit: non enim est aliqua ratio, qua Ecclesiæ transferre possit communia merita quibus indulgentiæ iniuntur, in vivos, & non in mortuos."

Quarto. Summistæ ajunt, non remittitur peccatum nisi restituatur ablatum: sed supponimus animas non plene fecisse satis in præsentis sæculo justitiæ divinæ: igitur debent solvere in futuro, seu Purgatorio.

Quinto. Animæ nedum reatum poenæ, sed & peccata venialia nonnumquam habent: sed ejusmodi peccata remitti necesse est antequam cœlum ingrediantur; nihil quippe coinquinatum ibi admittitur: igitur requiritur Purgatorium in quo & orationibus & actibus charitatis iteratis purgantur.

Sexto. Non opus est totum remitti una semel vice debitum, ne facilitas veniæ sit incentivum nova de die in diem committendi peccata, tum quia ex hoc sequeretur, inquit D. Thomas supra citatus 4. contr. Gent. c. 91. quod melioris essent conditionis negligentes quam solliciti. Igitur aliquid nonnumquam remanet purgandum in alia vita. Hoc ipsum non in uno loco indigitat Scriptura; namque 2. Reg. 12. cum David dixisset: *Peccavi Domino, ait Propheta, Deus quoque transiit a te iniquitatem.* Sed quia blasphemare fecisti inimicos nomen Domini, filius qui natus est tibi, mortuus morietur. Rursus Numerorum 22. cum Maria contra Dominum obmurmurasset, poenas luit peccati, dolore & fœtore lepræ quæ percussa est, orante autem pro ea Moïse, dimissa est ei culpa, attamen voluit Deus, ut poenam lueret per unam hebdomadam. Igitur a primo ad ultimum claret dari Purgatorium.

## Respondetur Hæreticorum objectionibus.

OBJICIUNT 1. Purgatorium est pars quædam inferni: sed animæ iustorum non sunt in inferno: igitur neque in Purgatorio. Minor probatur: Psalm. 6. habetur: *In inferno autem quis confitebitur tibi?* Animas vero fidelium confiteri Dominum extra dubium est: ergo, &c.

Respondeo distinguendo. Purgatorium est pars quædam inferni, idest, locus inferior & subterraneus, concedo: est pars inferni in quo damnati reclusi manent, nego. Sancti Doctores illum fecerunt locum a lacu abyssi: porro Prophetæ loquuntur de loco in quo reprobi alligati & incarcerati manent. Sic respondet S. Thomas sup. q. 71. art. 6. "Ad primum ergo dicendum, inquit quod auctoritas illa loquitur de inferno damnatorum, in quo nulla est redemptio, quantum ad illos qui sunt finaliter tali pœnæ addicti.

Instans: pœna Purgatorii est finita; sed si suffragia valent ad illam expiandam, eo multiplicari possunt, ut nihil remaneat amplius satisfaciendum, & sic peccatum impunitum manebit ex parte delinquentis, quod est inconveniens: ergo, &c.

Respondeo distinguendo. Nihil remanebit satisfaciendum quatenus alter pro incarcerato satisfecit, concedo: & sic peccatum impunitum non est: nihil remanebit satisfaciendum, si nullus debitum solvat, nego. Aliquis solvit pro incarcerato debitum, igitur satisfacit. Porro iustitia, modo ei fiat facta, adimpleta est, nec jus ullo modo læditur. Ita ibidem S. Thomas: "Ad secundum dicendum quod non est inconveniens, si multiplicatis suffragiis, pœna existentium in Purgatorio annihiletur, non tamen sequitur, quod peccata remaneant impunita, quia pœna unus pro altero suscepta, alteri computatur."

Rursus instans. Nihil fiet in animabus si suffragia solvant debitum: igitur non purgabuntur: porro absurdum est dicere eas esse in Purgatorio & non purgari.

Respondeo distinguendo. Nihil fiet in animabus quantum ad partem quæ pro eis solvitur, concedo: sed quid mirum, cum incommodum patiar ille qui pro animabus vel elemosynas elargitur vel jejuna? nihil absolute fiet, nego. Prius quippe est animas esse in Purgatorio quam ab eo liberari: igitur primum patiuntur,

deinde liberantur, sed dato quod a toto liberarentur, nullum sequitur inconveniens, quia labor est in satisfaciendo, & ejus suffragiis liberantur atque purgantur, seu a purgatione redimuntur animæ: sic aliquis vel ab incarceratione perlonga, vel a trirenibus liberatur ab eo qui cito citius solvit totum debitum & totam damnati pœnam subit. Solutio est Div. Thomæ ibidem: "Ad tertium dicendum quod purgatio animæ per pœnas Purgatorii non est aliud, quam expiatio reatus, impediens a perceptione gloriæ, & quia per pœnam quam unus sustinet pro alio, potest reatus alterius expiari, ut dictum est: non est inconveniens si per unius satisfactionem alius purgetur."

Urgens adhuc. Remissa culpa non remanet pœna: sed culpa iusti defuncti supponitur remissa, igitur nihil purgandum remanet, igitur non datur Purgatorium: probatur major 1. culpa est remissa per merita Christi. Igitur totaliter & quoad pœnam: quandoquidem merita Christi sunt infinita, cum quia satisfactio inutilis est, alias foret duplex satisfactio, Christi scilicet & hominis rei, quod est inconveniens, maxime quia homo defunctus non potest mereri: igitur nec pro peccato satisfacere.

Respondeo distinguendo. Remissa culpa remittitur pœna totalis æterna, concedo: temporalis, subdistinguo; aliquando puta si tantum doloris habuerit homo, quantum conversionis ad creaturam, concedo: sin minus, nego. Tamen enim Deus cuius natura bonitas, possit totam remittere pœnam, ne tamen facilitas veniæ, fiat & facilitas magis peccandi, ideo paululum suam contrahit manum. Hoc ipsum innuit Apostolus dicens: *Salvus eris quasi per ignem.*

Ad primam confirmationem, distinguo: Christus satisfecit ut causa generalis exigens concursum causæ secundæ cujus pœnitentiæ applicatur ejusdem Christi meritum, concedo: non exigens, nego. Dicit enim Apostolus: *Adimpleo quæ defuncti Passionum Christi in carne meo.* Unde in Purgatorio dicitur una satisfactio animæ quæ vim habet & efficaciam per satisfactionem Christi. Ipsi Protestantes ultro faterentur Baptismum & Cœnam homini prodesse, sed quomodo? Nisi quatenus per ea Christi applicantur merita. Cæterum anima patiens non satisfacit per modum me-

meriti, sed per modum solutionis : incarcera-  
tus utpote gratia Domini sui priva-  
tus, apud ipsum nihil promeretur : pa-  
tiendo tamen poenae satisfacit quia solvit  
pro reatu debitum, quod sufficit.

*Perfistunt.* Per Baptismum remittitur to-  
ta poena etiam temporalis non solum in-  
stante, sed & adulto : igitur & per poe-  
nitentiam, unde cum iustus supponatur mori  
poenitens, profecto nihil purgandum habet.

*Respondeo* negando consequentiam : dispa-  
ritas in eo est quod Baptismus est regene-  
ratio & hominis plena renovatio : poeni-  
tentia non sic, maxime cum sit pro re-  
cidivis, unde ratione ingratitude non  
inconveniens est aliquem poenae tempora-  
lis reatum remanere ad terrorem. Hoc sa-  
ne indigit Apostolus Heb. 6. his verbis :  
*Impossibile est eos qui semel sunt illuminati  
& gustaverunt donum caeleste rursus renova-  
ri ad poenitentiam, & c. 10. Voluntarie  
peccantibus nobis post acceptam notitiam veri-  
tatis non relinquitur hostia pro peccato.*  
Quibus verbis ostendit Apostolus Baptis-  
mum non renovari ad abstergenda sicut  
prius totaliter peccata, sed novam requiri  
poenitentiam vel in hoc mundo, vel in  
Purgatorio, qua deficiente, poenas luit  
aeternas praericator, unde subdit Apo-  
stolus : *Terribilis expectatio iudicii, &  
ignis aemulatio, quae consumptura est adver-  
sarios.*

*Dices* : quandoque restat culpa venialis :  
sed culpa non remittitur in alio mundo :  
ergo, &c.

*Respondeo* distinguendo minorem : culpa  
mortalis peccati, concedo : peccati veni-  
nalis, nego. Remittitur per charitatis  
actum quem anima elicit in momento quo  
separatur a corpore : non desunt enim no-  
stros inter Thomistas qui asserant animam  
iusti tunc temporis in actum amoris in-  
tensum prorumpere ad gradum usque om-  
nium meritorum quae habuit in decursu  
vitae ut tantum gloriae illi tribuatur,  
quatenus forma introducenda, gradus scilicet  
gloriae donandus, praerexigit disposi-  
tionem, per quem actum simul peccata  
venialia quoad maculam absterguntur :  
alii scribunt actum charitatis ut sic ani-  
mam producere, ut per istam perfectam  
ad Deum conversionem deleatur ejusmo-  
di macula : alii dicunt per actus repeti-  
tos charitatis, quos anima durante capti-  
vitate elicit, id fieri, non quidem per  
modum meriti, sed satisfactionis, sicut  
de aliis dicendum est. Id colligitur ex

Scoto in 4. dist. 27. q. 1. simile quid &  
affine docet D. Thomas in 4. dist. 27. q.  
1. art. 2.

## SYNOPSIS PROBATIONUM.

### Datur Purgatorium.

*PRIMO.* Quia teste Propheta Regio  
datur poenarum locus ex quo animae edu-  
ctae transeunt in refrigerium : Apostolus  
utique asserit eum qui aedificavit super  
scenum & stipulam saluum quidem fore,  
sed quasi per ignem.

*Secundo.* Idem dogma docent constanter  
utrinque Ecclesiae Patres, Dionysius de  
caelest. Hier. c. 7. Clemens Romanus l. 8.  
const. c. 41. Origen. hom. 35. in Lucam.  
Tertullianus l. de anima c. 8. Hoc ipsum  
de fide definit Flor. sess. 6. can. 30.

*Tertio.* Ab omni aetate mo ille fuit apud  
omnes Ecclesias orare pro defunctis, ut a  
peccatis solvantur : nonnumquam enim,  
inquit D. Thomas suppl. q. 71. art. 6. evenit  
justum e vita migrare cum aliquibus ad  
gloriam impeditis, puta cum peccatis  
venialibus, immo & cum aliquo poenae  
temporalis reatu, ab his autem purgari  
debet. Igitur datur Purgatorium.

## SYNOPSIS SOLUTIONUM

### AD OBJECTIONES.

*PRIMO,* tamen Scripturae loca de tri-  
bulationibus praesentis vitae intelligi non  
implicet, de cruciatibus tamen Purgatorii  
utique explicari necesse est, cum Aposto-  
lus dicat de iusto, qui diem clausit ulti-  
mum in charitate, saluum fore, sed quasi  
per ignem : esto quod tunc veniat haereditas  
Domini quoad certitudinem, non ta-  
men quoad possessionem donec anima omne  
solverit debitum. Ergo ejus peccata  
oblivioni non traduntur ? Minime ; non  
enim vindictam simit aeternam Deus de  
gravioribus per poenitentiam deletis, sed  
ea conditione suo addicere regno peccato-  
rem poenitentem vult, ut ab omnibus vel  
etiam minutissimis sordibus igne Purgatorii  
mundetur. Quinimodo, hoc ipsum fide te-  
nendum est : quamvis enim disceptent Theo-  
logi de modis quibus purgantur animae,  
non tamen de realitate poenarum, quae ad  
justam exiguntur satisfactionem.

*Secundo.* Verum est Patres dicere modo  
non esse post mortem poenitentiae locum

modo in infernis nullam esse redemptionem, modo etiam peccata semel & tertia, & remissa vere esse absoluta: ast his & similibus sententiis nihil a veritate stibilia detrahunt. Quippe qui loquantur de peccatis mortalibus, de quibus post mortem nec fit poenitentia salutaris, nec pro eis in inferno reperitur redemptio; quod si ante mortem poenitentia deleta fuerint, profecto non remanent ut impudentur ad poenam eternam: addo nec ad temporalem, si sufficiens praecesserit satisfactio; sin minus, purgari sicut iustum ita & necesse est, quandoquidem nihil inquinatum intrat in regnum caelorum.

*Tertio.* Satisfactio quam Christus Dominus solvit pro peccatis nostris infinita quidem est, sed nostram non excludit; verum potius exigit tanquam medium quo sua nobis applicetur; unde agebat Apostolus: *Adimpleo quae desunt Passionum Christi in carne mea*: igitur si nostra deficiat, iterum facienda remanet in Purgatorio per cruciatum, a quibus tamen & per suffragia Ecclesiae militantis & per poenitentium vivorum sublevantur animae pie. Nec iis refragatur Ecclesia Orientalis; tamen enim de qualitate & loco poenarum disputent Graeci recentiores, non tamen de veritate. Caeterum cum peccatum veniale sit tantummodo charitatis refrigerium, non implicat etiam quantum ad culpam aboleri per charitatem ferventem animae in Purgatorio conclusae; licet enim ejus charitas non sit meritoria, est tamen satisfactoria, quatenus reddit ablitum, videlicet perfectam ad Deum conversionem.

## SECTIO SECUNDA.

*Utrum animae Iustorum post expletam in Purgatorio poenitentiam, cito citius Deum intuitivae videant?*

### CONCLUSIO CATHOLICA

Animae cito & absque mora convolant in caelum ubi visione Dei intuitiva perfruuntur.

**H**AEC conclusio sequitur ex dictis, & est de fide definita in Concilio Florentino.

*Probatur auctoritate & ratione.*

*Primo, Ex Scriptura sacra.*

1. LEVITICI 19. hab. *Non morabitur apud te opus mercenarii tui usque mane*. A toriori Deus non moratur compensare, si hoc ipsum hominibus praecipiat.

2. 1. Reg. c. 14. v. 21 hab. *Revoca puerum Abalon*. Abalon post aliquam poenam pro homicidio fratris expletam revocatur ad aulam Regiam, quod sane est figura liberationis & gloriae animarum, quae, poenitentia expleta, revocantur ab exilio in patriam.

3. 1. 2. Machab. c. 12. v. 44. *Sancta & salubris est cogitatio pro defunctis exorare ut a peccatis solvantur*. Sed solvi a peccatis, est non solum absolvi a macula, verum etiam a poena quaecumque sit: privari vero visione Dei intuitiva propter peccata, est gravissima poena: cum igitur pie defunctorum animae possint virtute precum solvi ab ejusmodi poenis, utique debent, quando solverunt debitum, frui Deo; alias essent in poenis, etiam post solutionem debiti, cum privarentur gloria.

4. Matth. 5. v. 25. hab. *Esse, inquit Christus consentiens adversario tuo dum est in vita, ne forte tradat te adversarius tuus iudicio, & iudex tradat te ministro, & in carcerem mittaris, amen dico tibi non exies inde donec reddas novissimum quadransentem*. Hunc locum interpretantur sancti Doctores de Purgatorio; igitur de illo egreditur anima quando luit poenas iustitiae pro peccatis debitas, postea vero absque mora abit in caelum.

5. 2. Corinth. 3. v. 15. *Ipsae autem salvus eris; sic tamen quasi per ignem*. Apostolus loquitur de eo qui aedificavit super saenum & stipulam, idest qui commisit peccata venialia: profecto peccatum aliquod leve non punitur poena ignis bis mille & amplius annorum spatio, quod tamen fieret, si gloria retribuenda ad iudicium usque universale differretur.

*Secundo, Ex Decretis summorum Pontificum & Conciliorum.*

SUMMI Pontifices. & Concilia supra laudata decernunt animas Purgatorii, quae divinae iustitiae fecerunt satis, visione beatifica incunctanter donari; hinc ad earum accelerandam felicitatem, Paschalis pri-



primus indulgentiam in Cappella S. Zenonis Romæ obtinendam pro piis defunctis concessit. Alexander VI. Clemens VII. Gregorius XIII. indulgentias per modum suffragii extendi voluerunt ad animas in Purgatorio pro satisfacienda iustitia conclusas. Idem prorsus declaravit Leo X. in Bulla pro Indulgentiis data anno 1518. ibi enim dicit Romanum Pontificem Petri Clavigeri successorem & Christi in terris Vicarium potestate clavium, posse pro rationalibus causis indulgentias concedere Fidelibus, qui charitate membra sunt Christi: sive in hac vita sint, sive in Purgatorio.

Hoc expresse de fide definivit Florentinum jam laudatum. Hoc Benedictus 12. extravag. anno 1336. his verbis: "Auctoritas", "te Apostolica definimus quod secundum", "communem ordinationem animæ.... in", "quibus nihil purgabile fuit quando decel-", "serunt, vel si tunc erit aliquid purgabile,", "tamen post mortem suam purgaverint,", "mox post mortem suam & purgationem", "præstatam etiam ante Resurrectionem cor-", "porum suorum, sunt & erunt in cælo,", " & vident, & videbunt essentiam divi-", "nam immediate. "

Tertio, *Ex Patribus, ex Liturgiis, ex precibus Ecclesiæ, & Universitatibus.*

S. CYPRIANUS Epist. 52. Hieronymus Epist. ad Pammachium, Cæsarium Arelatensis serm. 37. idem docent: Verum inter omnes eminet Gregorius Magnus qui in Psal. 1. pœnitentialem sic loquitur: "Post mortem alii æternis de-", "purantur suppliciis, alii ad vitam tran-", "seunt per ignem purgationis, igne pur-", "gati ad Beatitudinis requiem reducun-", "tur. "

*Liturgiæ* tum antiquæ, tum novæ continent preces pro defunctis, ut a peccatis soluti, transeant absque mora ad requiem æternam: hoc pii & devoti homines ante mortem deprecantur; hoc eleemosynis tum pauperibus, tum Ecclesiæ additis, ut & preces & sacrificia habeant, in refrigerium sibi concedi fatagunt: hoc ipsum S. Augustinus pro pia matre Monica deprecatus est ut habetur l. 9. Confess. c. 12. Hoc Ecclesia Orient. credit ut videre est in Ritualibus; hoc ipsum Chirurgus Meletius in Confessione fidei opponit prævæ & Calvinianæ Cyrilli Lucaris Confessionis. Hic variegatè possent adduci in testimo-

nium historiæ fide dignissimæ, quas Gregorius Magnus in Dialogis, Gregorius Turonensis, Beda, Bernardus, alique permulti de animabus iustorum referunt, quæ efficacia precum Ecclesiæ & Purgatorio liberatæ, statim ad cælum exultantes convolarunt. Ipsæmet Gregorius Magnus, ut fertur, obtinuit ut in Missa in sui memoriam celebrata, una anima in Purgatorio patiens liberaretur: hinc usus invaluit in Ecclesia, ut pro defunctorum refrigerio, Missæ celebrarentur, quæ dicuntur Gregorianæ.

*Universitates* omnes Catholicæ & Romanæ unanimi consensu docent animas post satisfactionem pro peccatis in Purgatorio datam, absque mora recipi in cælum. Sacra Facultas Parisiensis anno 1332. die 2. Januarii a Philippo Francorum Rege super istud momentum consultata, sic respondisse legitur: *Omnes in hac sententiam convenimus quod..... fidelium animæ quæ de corporibus exierunt nihil habentes purgatile, vel quæ jam in Purgatorio sunt purgatæ, ad visionem beatificam divinæ essentiae sunt assumptæ.* Anno 1541. istud opposuit decretum perversæ & impie Lutheri & Calvinii doctrinæ: *Firmiter credendum, & nullatenus dubitandum esse Purgatorium in quo animæ detentæ oratione, jejunio, elemosynis, aliisque bonis operibus juvantur ut citius liberentur a pœnis, &c.* Lovanienfis anno 1544. idem statuit asserendo animas fidelium sic purgatas nunc regnare cum Christo in cælis.

Quarto, *Ex ratione multiplici.*

*PRIMA.* Cum aliquod promittitur bonum sub quibusdam conditionibus, fidelitas exigit ut illis adimpletis, absque mora conferatur: sed Deus promittit vitam æternam ea conditione ut & servantur mandata, & pœnitentiam pro peccatis expiandis legitimam rei nocentes persiciant: igitur cum animæ fidelium defunctorum, & legem & Prophetas adimpleverint, immo & pro peccatorum reliquiis in Purgatorio satis passæ sint, æquum est, & jus divinum. exposculat ut absque mora, visione donentur beatifica.

*Secunda.* Gloria promissa debetur ex iustitia bene & laudabiliter operantibus, & hoc quidem absque ulla legitima mora, juxta illud S. Pauli in Epist. 2. ad Tim. c. 4. v. 8. *Reposita est mihi corona iustitiæ, quam reddet mihi Dominus in illa die iustus*

*judex, non ſolum autem mihi, ſed & hiſ qui diligunt adventum ejus.* Sed quod ſolvitur ex juſtitia debet abſque mora reddi, alias juſ læderetur: igitur cum Deus ſit ipſa juſtitia, cito citius coronat animas quæ nihil amplius habent pro peccatis ſolvendum.

*Tertia.* Promiſſio fœderis adimpletur abſque mora quando nullum adeſt impedimentum: neſcit enim, inquit S. Ambroſius, tarda molimina Spiritus Sancti gratia & amor: ſed Deus promiſit ſe animam Juſti deſponſaturum in æternum, juxta illud Olee c. 2. v. 9. *Sponſabo te mihi in ſempiternum.* Animæ vero purgatæ nullum habent ad hoc impedimentum: igitur abſque mora conjungendæ ſunt Deo ſponſio ſuperamabili.

*Quarta.* Poſita ultima diſpoſitione, & ſublato omni impedimento producitur forma: ſed animæ Juſti quæ ſolvitur in Purgatorio debitum, nullum habet impedimentum ad fruitionem Dei, ſiquidem eſt ab omni reatu & culpæ, & pœnæ libera; inſuper ultimam habet diſpoſitionem, ſummum ſcilicet charitatem: igitur abſque mora poſſidet & videt intuitivè Deum.

*Quinta.* Hæres poſſidet hæreditatem, ut primum conditio adimpleta eſt: ſed animæ Juſti eſt regni æterni hæres juxta illud Joan. 1. *Dedit eis poteſtatem filios Dei fieri.* Et alia Scriptura, Rom. 8. v. 17. *Filii & hæredes.* Conditio ea eſt, quod ſit ab omni reatu & culpæ & pœnæ munda, & de facto eſt, ſiquidem nihil penitus habet ſolvendum, quiuſimmo bonis operibus habet juſ ad hæreditatem æternam: igitur abſque mora donanda eſt hæreditate, quæ quidem in clara & intuitiva Dei viſione conſiſtit.

#### *Solvuntur Objeſiones.*

OBJECIES 1. l. 2. Machab. c. 12. v. 44. promittitur gloria ſolum poſt Reſurrexionem danda: nec ex illo capite quidquam pro conſeſione erui poteſt: ſic enim habetur: *Niſi . . . eos qui ceciderant, reſurrexuros ſperaret, ſuperfluum videretur, & vanum orare pro mortuis.* In quo loco duo notanda ſunt. Primum quidem orationis motivum eſſe reſurrexionem: Secundum vero orationem pro fidelibus deſunctis eſſe inutilem; quandoquidem acceleratio ad cælum non datur, eo ipſo quo gloria diſtetur ad reſurrexionem uſque: apparet igitur contraditio in ipſo Scripturæ loco, & ideo noſtram non probat conſeſionem.

*Enſat Theol. Tom. I.*

*Reſpondeo* diſtinguendo conſeſionem: locuſ ille non probat a priori gloriam animæ purgatæ cito dandam, concedo: non probat illative, nego. Machabæus inſurgit contra impioſ propugnantes animam perire cum corpore, aliorum vero provocat fidem dicendo ſacrificium offerendum eiſe pro mortuis, ut a peccatis ſolvantur; id eſt a peccatorum pœnis, maxime cum omnes reſurgere debeamus; unde ſicut impij inſerebant interitum animæ ex interitu corporis, ipſe e contra ex Reſurrexione, & immortalitate corporis futura, inſerebat contra impioſ animæ immortalitatem. Loquitur igitur Judas de toto homine, & ſenſu eſt, ſi mortui non reſurgunt, anima mortalis eſt; ſi mortalis, ſuperfluum & vanum eſt pro mortuis orare. Hoc ergo argumentum adducitur pro immortalitate animæ, minime vero pro gloriæ dilatione a Deo retribuendæ. Cæterum etiam illative Machab. probat gloriam non diſferri uſque ad ultimum Judicii univerſali diem; ſiquidem præcipit orationes fieri ut animæ a peccatorum pœnis ſolvantur.

*Inſtaſis.* Ille non potuit ſacrificia & orationes præcipere pro liberatione animarum, qui fide inſtructuſ noverat aditum cœli omnibuſ peccato Adami clauſum eiſe, & aperiendum ſolummodo per mediatorum, cujuſ adventum nulluſ promereri poterat: qui ſciebat animas non obſtantibuſ quibuſcumque precibuſ in limbuſ ad Meſſiam uſque detinendas: atqui hæc omnia noverat per fidem piuſ Judas: igitur attendebat ſolum ad Reſurrexionem.

*Reſpondeo* 1. retorquendo argumentum. Si animæ ſolvendæ ſunt a peccatis & pœniſ ſolum in reſurrexione, inutile proruſ erat, & vanum orare pro mortuiſ; ſtatutum eſt enim omneſ mortuoſ reſurrexuroſ eiſe, alioſ quidem in ſupplicium, alioſ vero in vitam æternam.

*Reſpondeo* 2. diſtinguendo. Etiam noverat Judas animas deſunctoſ in Purgatorio detentuſ educi poſſe in refrigerium, videlicet ad limbuſ, ubi requieſcerent in ſinu & fide Abrahæ, cum aliis Patriarchiſ, cum Prophetiſ & Juſtiſ, expectantibuſ beatam ſpem, & adventum Domini, concedo: & non noverat, nego. Igitur animæ quæ in exitu vitæ mortalitſ habebant aliquid purificandum, deſcendebant tunc in Purgatorium & ibi expleta pœnitentia, quo quidem tempore tum orationibuſ, tum ſacrificiſ pro eiſ oblatiſ, non

A 1

mo-

modicum adjuvabantur, transibant in locum pacis scilicet limborum, ubi erat Abraham cum omnibus Justis, donec veniret Redemptor, qui fractis portis, eos liberaret, & adduceret secum in cælum: igitur non erat superfluum etiam in veteri lege, orare pro mortuis, cum orationum adjutorio citius deducerentur in limbos ubi requiem a tormentis habebant. Hanc habemus a D. Bernardo supra citato solutionem. Verum ad majorem explicationem quatuor distinguenda sunt loca, quorum tria in scripturis vocantur interiora terræ, quippe quæ in profundissimo terrarum sinu adsint. Primus locus ille est in quo torquentur in æternum Reprobi, & vocatur absque addito Infernus: alter in quo animæ Justorum detinentur ad satisfaciendum justitiæ, miris sed tamen veris modis & pœnis, & dicitur Purgatorium. Tertius est limbus in quo quiescebant veteris legis Justis, in sinu, sive in fide Abraham qui illos fovebat ut filios, & eorum in Christum venturum erigebat spem. Quartus est cælum ubi utriusque Testamenti habitant Sancti qui nihil pro peccatis commissis expiandum habent.

*Iterum instabis.* Judas præcipiendo preces & sacrificia pro mortuis attendebat ad Judicem placandum: sed Judex judicaturus tenebit solum in resurrectione: etiam nunc Ecclesia attendit solummodo in precibus pro fidelibus defunctis, ad illum judicem supremum, quem introducit in Prosa Missæ venientem ut severum, hunc deprecatur, ut pro tali hora sit propitius, postulat filios in illo tremino judicio liberari a pœna æterna. Ergo &c.

*Respondeo* distinguendo. Attendebat Judas ad Judicem pœnas in judicio particulari pro peccatis expiandis decernentem, concedo, & ideo vult orationes fundi ut animæ a peccatis solvantur, & deducantur in refrigerium, in sinum scilicet Abraham: attendebat ad Judicem pœnas in judicio universali pro peccatis diligenter, subdistinguo: secundario & ad terrorem, ut peccatores novissima meditantes saperent, concedo: eadem ratione attendit utique Ecclesia ad illud tremendum judicium quod quidem in Prosa Missæ Defunctorum, cum omnibus terribilibus circumstantiis exponit: Primario, nego: Cæterum judicium universale sequetur particulare, eritque ejus confirmatio: unde Scriptura loquendo de uno, conse-

quenter loquitur & de altero; quia tamen ultimum erit publicum, adeoque notius, ideo sæpius mentio fit in utroque Testamento de universali, ut peccatores a novis in dies patrandis criminibus deterreantur.

*Obicies.* 2. Apost. 1. Corinth. 3. v. 13. loquens de viro justo qui ædificavit super stipulam, idest, qui e vita mortali discessit cum peccatis tantum venialibus, ait, *Salvus erit, sic tamen quasi per ignem: ibi solummodo de igne immediate præcedente judicium universale sermonem facit; enimvero supra versu 13. habetur. Uniuscujusque opus manifestum erit, dies enim Domini declarabit, quia in igne revelabitur: & uniuscujusque opus quale sit, ignis probabit.* Ergo omnia probant gloriam & refrigerium esse tantum pro fine sæculorum.

*Respondeo* distinguendo. S. Paulus attendit specialiter ad judicium universale ut ad aliquid notius quod moveat ad virtutem, & deterreat impium a peccatis patrandis, concedo: ad judicium dumtaxat universale, excludendo particulare, nego. Scopus Apostoli in illo capite est quoddam revincere devotos, quorum zelus non erat secundum scientiam, quique hominibus potiusquam Deo placere satagentes, dicebant, ego sum Cephæ, ego sum Pauli, ego autem Apollo: probat eis in solo Domino esse gloriandum, & quale uniuscujusque sit opus, ignem omnibus probaturum modis. Cæterum locus Apostoli intelligi debet etiam de judicio particulari; dies enim mortis est dies Domini. Tunc liber aperitur: tunc coram severo judice sistitur homo reus, ut recipiat prout in sua gessit vita, sive bonum, sive malum: tunc apparet homini neminem justificari in conspectu Dei, &c.

*Urgebis* adhuc. Anima de corpore exiens cum peccatis venialibus, & cum reatu pœnæ pro cæteris, nequit in Purgatorio solvi ab utroque vinculo: ergo expectare debet judicium universale ut introeat in requiem Domini, juxta illud Matth. 25. v. 34. *Venite benedicti Patris mei, possidete paratum vobis regnum a constitutione mundi.*

*Probat* antecedens quoad utramque partem. Animæ defunctorum sunt in termino, adeoque mereri non possunt: igitur nec solvi a peccatis venialibus, nec a pœnis gravioribus pro cæteris debitis liberari, nisi accedat indulgentia, quæ refertur pro fine sæculorum.

*Respondeo 1.* Non requiri absolute aliud, nisi meritum Christi pro pœnarum relaxatione animabus sanctis applicatum: porro meritum illud eis tum orationibus, tum sacrificiis posse applicari perpetua docet Traditio.

*Respondeo 2.* Peccatum veniale remitti per actum charitatis & amoris quem animæ in Purgatorio conclusæ eliciunt. Quidam non absque fundamento animam iustam, eo ipso quo e corpore egreditur momento, prorumpere in actum amoris erga Deum valde intensum, quo quidem abluitur a macula venialium, cum enim huiusmodi peccata opponantur charitati, utique per charitatis actus remittuntur, non tamen per modum meriti, quia anima est in termino, & ideo fixa est immobiliter in bono, unde non inest ei potentia ad bonum & malum, quæ quidem est conditio ad merendum.

## SYNOPSIS PROBATIONUM.

*Animæ in Purgatorio detentæ ut primum satis passæ sunt, absque mora visione Dei intuitiva donantur.*

*PRIMO.* Quia scriptum est Levitici 19. *Non morabitur apud te opus mercenarii tui.*  
*Secundo.* Quia ita dehiere & Summi Pontifices, & Concilia.

*Tertio.* Quia hæres possidet hæreditatem eo ipso quo nullum superest impedimentum.

## SYNOPSIS OBJECTIONUM.

### ET SOLUTIONUM.

*PRIMO.* Promittitur quidem gloria in scripturis post resurrectionem, sed sermo est de gloria completa.

*Secundo.* Ecclesia utique ad iudicium universale recurrit, non ut ab animabus omnirectu pœnæ puris excludat gloriam, sed ut per tremendum iudicium deterreat homines a peccatis patrandis.

*Tertio.* Animæ a corpore solutæ sæpius aliquam habent venialium maculam, sed iste reatus absolvitur & per actum charitatis quem eliciunt, & per merita Christi quæ illi applicantur.

## ARTICULUS NONUS.

*\*Utrum Joannes vigesimus secundus aliquid defuerit in gratiam Millenariorum.*

### CONCLUSIO.

Nihil definivit Joannes XXII. pro dilatione gloriæ Sanctorum ad iudicii ultimi usque diem, nec adhæsit Millenariis.

*Probatur multipliciter.*

*Primo. Ex Regulis fidei quas ipse misit ad diversa orbis terrarum regna.*

**J**OANNES professionem fidei misit anno 1318. ad Ossinum Armenorum Regem, ut observat Rainaldus ad annum 1318. n. 10. Alteram anno 1321. ad ipsos Armenos ibidem n. 4. Alteram anno 1323. ad Orosium Regem Sarviæ. Ibidem num. 16. Alteram anno 1329. ad Imperatorem Tartarorum. Ibidem nu. 98. Alteram anno 1330. ad universos Christianos habitantes in montibus Dealbors. Ibidem n. 5. immo Decreta Clementis IV. & aliorum Summorum Pontificum supra laudatorum probatitudine præfenti Sanctorum commemorat, iisdem quippe verbis, ut observat Rainaldus ad annum 1331. n. 43. suam exprimit fidei professionem. Igitur Joannes XXII. non impegit in errorem Millenariorum, sed idem prorsus tenuit quod predecessores sui circa Sanctorum beatitudinem.

*Secundo. Ex Decretis canonizationis multorum quos in Sanctorum albo adscripsit Joannes.*

*PRIMO.* In diplomate canonizationis S. Thomæ Aquinatis Joannes ait: *Cælum credentibus & humilibus patere . . . S. Thomam devoto, triumphatoque mundo in perpetuas æternitates receptum, in patria ejus animam Cælum possidere, & celestibus agminibus positum, Deum glorificare.*

*Secundo.* In diplomate canonizationis Sancti Ludovici Episcopi Tolosani, pariter sic seie explicat: *Huic cæli præstant auspiciis: cæli cives ut sibi conformem & comparem ad suum hunc consortium admittunt in supernis: Christus hunc refecit, idem ipso prandium & convivium . . . tandem*

gloriosam resolutus in mortem, qui hic vivus ambulavit in innocentia, in medio domus sue, ad Deum suum in gaudio contemplandum, facie revelata in sua innocentia est ingressus.

Tertio, In diplomate canonizationis S. Thomæ Herphordienfis Episcopi, sic procedit: *latetur cæli sursum, qui hunc sanctum gloriosum in se suscipiunt. . . . celestis imperii ipse ineffabili thronogaudet. Jam sequitur Joannis Apologia contra calumniatores qui Millenariorum labem illi inungere ausi sunt. Et vero ille fuit ab ista labe purus, qui loquens ex cathedra declarat Sanctos visione Dei intuitiva in æternam beatitudinem gaudere: atqui Joannes in decretis canonizationis Sanctorum non semel hoc ipsum declarat, immo & proponit omnibus fidelibus credendum: ergo &c.*

Tertio: *Ex Professionibus fidei ejusdem Pontificis & declarationibus juris publici factis.*

JOANNES XXII. morti proximus, accessit Cardinalibus, & Prælatibus die 3. Decembris anno 1334. Tabellionibus publicis etiam assistantibus, hanc protulit fidei sue declarationem: *Ne super iis qui de animabus purgatis, separatis a corporibus, an citra resurrectionem corporum, divinam essentiam illa visione videlicet quam vocat Apostolus faciem, videant, tam per nos, quam per nonnullos alios in præsentia nostra recitando, & allegando sacram scripturam, ac originalia & dicta Patrum, vel alias ratiocinando sæpius dicta sunt aliter, quam per nos dicta & intellecta fuerunt, & intelligantur ac dicantur, auribus fidelium valeant inculcari. Ecce quod nostram intentionem quam cum sancta Ecclesia Catholica circa hæc habemus & habuimus, serie præsentium, ut sequitur declaramus. Fatemur si quidem & credimus, quod animæ purgata, separata a corporibus, sunt in Cælo, Cælorum regno, & Paradiso, & cum Christo in consortio Angelorum congregata, & vident Deum ac divinam essentiam facie ad faciem clare, in quantum status & conditio compatitur animæ separatæ. Postea declarat si quid contrarium incaute dixerit ipso facto retractare. In hoc instrumento non solum suam aperit fidei puritatem Joannes, & integritatem, verum etiam dicit se non aliter credidisse, contradicentes vero suum non attigisse mentem: ergo non adhæsit unquam Millenariis,*

*nec quidquam fidei contrarium in hoc momento definivit. Cæterum illa fidei professio concordat cum ea quæ Clementis IV. & Joannis XXI. auctoritate prius missa & præscripta Græcis fuerat. Ita Odoricus Rainaldus ad annum 1367. scriptor sane fide dignus in hac materia. quippe qui hanc temporum historiam ex manuscriptis Vaticanis hauserit.*

Quarto. *Ex aliquam Summorum Pontificum testimonio.*

NULLUS Papa rerum gestarum Joannis XXII. indagator credidit ipsum adhæsisse Millenariis. Unum inter omnes Pontifices eligimus in veritatis testimonium, scilicet Benedictum XII. Joannis & successorem, & gestorum ab ipso fidelissimum testem. Hic stupens & demirans quod quidam ex fallis rumoribus hinc inde sparsis, Joannem Millenarium crederent, non solum tanti Pontificis germanam aperuit mentem, sed etiam, omni qua par est iustitia, ab omni erroris nævo purgavit & vindicavit in diplomate quod ex manuscripto Vaticano descripsit Rainaldus ad annum 1334. ubi sic loquitur Pontifex Maximus: *Cum jamdudum per nonnullos revocaretur in dubium an animæ a corporibus separatæ, ac peccatis & pœnis peccatorum purgatæ, ante resurrectionem corporum videant divinam essentiam, illa videlicet visione quam vocat Apostolus faciem, & super hoc tam in sermonibus, quam in aliis collationibus per felicis recordationis Joannem Papam XXII. prædecessorem nostrum, & plures alios in ejus præsentia multa dicta, recitata, scripta & prædicata fuissent, volens idem Prædecessor verbis & linguis malignantibus obviare, anno a Nativitate Domini 1334. in indictione 2. die 3. mensis Januarii S. R. E. Cardinalibus de quorum numero tunc eramus, multisque Prælatibus & in Sacra Theologia Magistris, aliisque personis & Tabellionibus publicis in Consistorio Apostolico, coram eo personaliter constitutis, dixit, asseruit, & protestatus extitit sub hac formula.*

*„Ne quis sinistre interpretari possit, non sensisse aliquid aut sentire quod sacra Scripturæ obviet, aut fidei orthodoxæ, dicimus & protestamur expresse, quod quidquid in quæstione seu ma-*

„ te-

„teris visionis animarum, videlicet an  
 „animæ, a peccatis & pœnis peccatorum  
 „purgatæ, videant divinam essentiam il-  
 „la visione, quam Apostolus vocat fa-  
 „cialem; seu de quacunque alia materia  
 „in sermonibus & collationibus nostris  
 „diximus, allegavimus, seu proposuimus,  
 „non intendentes aliquid determinare,  
 „vel decidere, seu credere, quod esset  
 „quovis modo Scripturæ sacræ obvi-  
 „um, vel contrarium fidei orthodoxæ; sed il-  
 „lud solum tenere & credere, quod &  
 „Scripturæ sacræ potest & poterat, &  
 „catholicæ fidei convenire: etsi forsitan  
 „in prædictis sermonibus, vel collationi-  
 „bus aliqua quæ vel Scripturæ sacræ seu  
 „fidei orthodoxæ quovis modo essent, vel  
 „viderentur obvia, ipsa præter intentionem  
 „a nobis fuisse prolata dicimus &  
 „asserimus, eaque revocamus expresse,  
 „non intendentes illis adhærere, nec ea  
 „in præsentia defendere, nec etiam in  
 „futurum. *Quinto, Ex Scripturis Ecclesiasticis*

*Joanni Coævis.*

PTOLOMEUS LUCENSIS lib. 24. Hist. Eccl.  
 c. 42. Joannes Villanus l. 7. c. 19. vindicant  
 Joannem XXII. ab errore Millenariorum.  
 Guillelmus Nangius continuator  
 Historiæ Florentinæ quam incepit Villanus  
 ad annum 1334. Nicolaus Gillus cu-  
 jus verba citat Scriptor Historiæ Academi-  
 cæ Parisiensis Bullens. Et inter alios omnes  
 Rainaldus tam sæpe laudatus idem faciunt:  
 ergo a primo ad ultimum liquet Joannem  
 XXII. esse ab omni erroris labe immunem.

*Solvuntur Objectiones.*

OBJECIONES 1. Rainaldus ad an. 1331.  
 n. 44. refert quendam Scriptorem Joanni  
 coætaneum de illo sic scribere: „Dom-  
 „inus Joannes an. Dom. 1331. in Festo  
 „omnium Sanctorum in sermone quem  
 „publice fecit, qui incipit, memento-  
 „re operum Patrum quæ fecerunt in ge-  
 „nerationibus suis.... Et in alio sermone  
 „quem publice fecit eodem anno in Do-  
 „minica 3. Adventus, qui incipit, gau-  
 „dete in Domino semper; & in alio ser-  
 „mone quem publice ann. 1332. in Vigilia  
 „Epiphaniæ habuit; qui incipit, surge,  
 „tolle puerum... Dogmatizatus est, quod  
 „Sancti in celo non vident, nec viden-

*Bonifat Theol. Tom. I.*

„bunt usque ad diem generalis judicii &  
 „futuram corporum resurrectionem, faciem  
 „Dei, sive divinam essentiam, sed tan-  
 „tummodo videbunt usque ad futurum  
 „universale judicium humanitatem Chri-  
 „sti. „Igitur Joannem adhæsisse Mil-  
 „lennari extra dubium apparet.

*Respondeo 1.* Joannem creatum fuisse Sum-  
 mum Pontificem ann. 1316. tenuisse sedem  
 usque ad an. 1334. & sic sedisse per 19.  
 annos. 2. Ab anno 1316. usque ad ann.  
 1330. eodem modo scripsisse de beatitudi-  
 ne præsentium Sanctorum quo antea scripse-  
 rant Clemens IV. & alii sui prædecessores;  
 ab an. 1330. ad an. 1334. quo obiit: 3. dis-  
 putasse quidem de hoc momento ad ma-  
 teriæ elucidationem, ut constat ex proba-  
 tionibus, maxime quia Ecclesia nihil ad-  
 huc de fide circa istud momentum definit-  
 rat, sed nec credidisse, nec ullo decreto  
 gloriam animæ Sanctorum, usque ad ju-  
 dicium differri statuisse.

*Respondeo 2.* distinguendo: Joannes opi-  
 native & non assertive protulit gloriam  
 Sanctorum ad supremum usque judicii diem  
 differri, transeat; non enim hoc absolute  
 dixit, sed inquirendo veritatem locutus  
 est: dixit assertive & definitive, nego. Ita  
 istud solvit argumentum: „Harricus Do-  
 „ctor Germaniæ l. 4. c. ult. apud Rainal-  
 „dum ad an. 1331. nu. 45. his verbis: „Si  
 „sermo Papalis, inquit, pie & sane in-  
 „telligitur, non proprie sermo ac defini-  
 „tio, nec determinatio seu prædicatio,  
 „sed magis quædam quasi scholastica di-  
 „sputatio, aut disputationum collatio esse  
 „perpenditur.“

*Inhabis:* Girardus Ordinis Minorum Mi-  
 nister Generalis missus in Scotiam a Joanne  
 XXII. transeundo Parisios, ibi defendit  
 publice opinionem Millenariorum tan-  
 quam ex auctoritate Joannis, & ut ipsius  
 sæctum ac sententiam, qua de causa com-  
 motus Philippus Valeus Francorum Rex  
 congregavit in Palatio Vicennarum sacræ  
 facultatis Parisiensis Doctores, sciscitans ab  
 eis, quid circa hoc momentum sentirent?  
 responderunt unanimiter se credere ani-  
 mas ab omni reatu tum culpæ, tum pœ-  
 næ puras cito citius visione beatifica do-  
 nari. Iterum Parisiis eadem de causa adu-  
 nati a Rege, in libellis, quid pie & or-  
 thodoxe tenerent, dederunt: quibus com-  
 pletis, scripsit Rex ad Joannem rogans ut  
 quam primum ab opinione Millenariorum  
 desisterent. Ista Congregatio Doctorum  
 Parisiis facta legitur apud Maturinos die

2. Januarii anni 1332. Hæc omnia sic referunt Nicolaus Gillius ad an. 1332. Spondanus ad an. 1333. Rex Siciliæ etiam tunc temporis scripsit ad Joannem, illum deprecans ut suam de hoc momento deponeret opinionem, ut suæ propriæ consulere famæ. Ita referunt Cyconius & Bladuos ad an. 1333. Ergo &c.

*Respondeo 1.* distinguendo. Et Joannes docuit inquirendo num gloria animarum, usque ad extremum Christi iudicium differretur, concedo: dixit assertive, nego. Ita declarat ipsa sacra Parisiensis Facultas. Sic enim alloquitur Philippum Valesium: „Attendentes specialiter id quod ab ore „vestro ibidem audivimus, quod nihil in „hac materia quærebatis, quod tangere „posset sanctissimum Patrem ac Dominum nostrum Joannem Dei providentia „sacrosanctæ Romanæ, & universalis Ecclesiæ Summum Pontificem, cuius sumus devoti servi & filii quinimmo sicut filius ejus devotissimus honorem suum in his & aliis zelabitur: advertentesque quod multorum fide dignorum relatione audivimus, quod quidquid in hac materia sua Sanctitas dixit, non asserendo seu opinando protulit, sed solummodo recitando. „ Ita legitur in exemplari quod asservitur in Archivis sacre Facultatis Parisiensis.

*Respondeo 2.* Joannem multos variosque habuisse inimicos, qui illum peregrinis Doctoribus insimulare non erubuerunt: hoc ipsum indicant expressionis vocabula, fertur Joannem dixisse, &c. ut habetur in sermonibus eorum qui contra ejus fidem scripserunt; unde quid mirum, si incerta pro certis in mundo habita sunt contra tanti Pontificis honorem & famam, cum fuerit eminens Ecclesiæ lumen? cuius rei argumenta sunt ejus Decretales in corpore juris inditæ, quæ hunc præ se ferunt titulum: *Extravagantes Joannis XXII.*

*Respondeo 3.* Reges Siciliæ & Galliæ errore facti detentos, scripsisse ad Joannem; non quidem asserendo eum adhæsisse Millenariis, verum potius ut ab illorum sententia, si quam eis adhibuisset fidem, deterterent.

*Ad Girardum:* dubio procul imposuit Joanni qua de causa Summus ille Pontifex rescripsit ad Philippum, tum ut sese a dictis & calumniis Girardi purgaret, tum ut suam genuinam circa capitulum de glorificatione Sanctorum, mentem aperiret; unde declarat unum tantummodo

voluisse, videlicet quæstionem & a Theologia Magistris, & a Baccalaureis, variis in utramque partem disputationibus elucidari, ut tandem aliquando ad finem decreto solemnè & publico perduceretur. Et vero, sic loquitur in sua ad Philippum Epistola, ut refert Rainaldus ex codice Vaticano an. 1333. n. 46. „Cum „autem, inquit Joannes, hanc quæstionem B. August. in scriptis suis reputaverit valde dubiam, & circa eam variasse dicatur, & nedum ipse, sed & multi Doctores alii circa istam materiam varient: propter hoc, ut veritas possit melius aperiri, nos inter dum in nostris sermonibus mentionem habuimus, non proferendo verbum de nostro capite, sed dictu Scripturæ sacre, & Sanctorum, præcipue illorum, quorum Scripturæ ab Ecclesiæ sunt receptæ: multique tam Cardinales, quam alii, coram nobis & alibi in suis sermonibus, immo publice, Prælati ac Magistris in Theologia præsentibus, est in Curia pluries quæstio hujusmodi, ut sic plenius posset inveniri veritas disputata. . . . Et quia, amantissime fili, scimus quod in his vel aliis ut elucidetur veritas, intendas; rogamus benevolentiam Regiam, ut per fidelem seu fideles nuntios, Magistris in Theologia, & Baccalaureis Parisiis legentibus facias nuntiarum, quod talibus minis illatis non obstantibus, quilibet dicere, & disputare, & prædicare valeat, quod sibi juxta doctrinam Evangelicam & Apostolicam disputandum videbitur, & etiam prædicandum, donec aliud ordinatum per sedem fuerit Apostolicam, vel etiam declaratum; sic enim ad veritatem quæstionis prædictæ poterit promptius perveniri. „ Quibus verbis manifeste patet unum dumtaxat pro scopo habuisse, nimirum elucidare quæstionem & inquirendo invenire veritatem.

*Rursus instabis.* Ille adhæsisse Millenariis videtur qui nedum minis, verum etiam poenis impositis perstrinxit eos qui contrariam propugnabant sententiam. Sed ita Joannes se gessit erga Thomam Valesium Dominicanum, si fidem adhibeamus Villano lib. 10. Historiæ Florentinæ, c. ult. & Rainaldo ad an. 1333. Ergo &c.

*Respondeo 1.* multa falso imposita fuisse Joanni XXII. immo quidam scripserunt Philippum minatum fuisse rogum & ignem.

Summo Pontifici, nisi suam cito citius deponeret sententiam. Sed nequidem huius rei vestigium apparet in Epist. Philippo, qui ea qua par est sententia, & in sensu a Doctoribus sacrae Facultatis Parisiensis accepto, scripsit ad Summum Pontificem: neque etiam hoc magis apparet in rescripto Joannis ad Philippum, quandoquidem verbis amicis & benevolis Regem alloquitur: nec ullum conquestus profert verbum, quod profecto non omisisset, si rex rogum minutus ei fuisset, maxime vero quia non pertinet & spectat Dominos temporales & Laicos aliquam in materia fidei & religionis exercere erga Summos Pontifices iustitiam vindicativam.

*Respondeo 2.* Ad argumentum, distinguendo: & Joannes increpavit, immo & poenas inflixit Valesio, eo quod opinioni contrariae ante definitionem Ecclesiae haereseos notam inurare ausus fuisset, concedo: locus, nego. Ita refert continuator Chronici Guillelmi Nauigii, ita Rainaldus. Idem colligitur ex rescripto Joannis ad Philippum, quem sic alloquitur: "Interdum quidem hoc scriperunt & dixerunt, quod haec quaestio erat tua; quod tua prudentia per totum regnum partem illam praedicari tanquam veram faceret, & aliam ut haeticam reprobare: multisque comminati sunt Religiosis & saecularibus, sub umbra tui culminis, si partem illam quod animae separatae divinam essentiam non videant, & visionem quam vocat Apostolus facilem, quod de illa procedit quaestio, illos capi facerent per inquisitores haereticarum pravitatis. Haec, fili carissime, licet veritate, ut supponimus, careant, quantquam bene credamus quod ad haec facienda & dicenda tum excellentiam duxerint stimulandam, ad honorem regium nequaquam pertinere noscuntur." Et quia, amantissime fili, scimus quod in his, &c. "Ex his constat Joannem XXII. vel levem non adhibuisse fidem minus quas in ipsum a Philippo illatas nonnulli scriptis mandaverant, haec, inquit, fili carissime, licet veritate, ut supponimus careant &c.

*Dices:* Joannes XXII. scripsit librum in quo errorem Millenariorum manifeste propugnabat, quem tamen morte praeventum non fecit juris publici. Ita refert Labbaeus tom. 11. Conc. pag. 1627. Ergo, &c.

*Respondeo 1.* Non esse judicandum de doctrina Joannis circa aliquod dogma iis quae non apparent, quaeque juxta hominum placita in variis, colique adulterinos possunt detorqueri sensus, sed potius ex professione fidei, quam ab omni erroris haeco sub finem vitae proculit Summus ille Pontifex.

*Respondeo 2.* distinguendo: Joannes XXII. conscripsit librum in quo errorem Millenariorum docebat: hoc est, opinionem de regno Millenario in utranque partem ut Theologus particularis elucidationis causa pertraxavit, concedo: hoc est ut Summus Pontifex ex Cathedra loquens definiat animas Sanctorum ab omni reatu tum culpae, tum poenae puras gloria nonnisi post judicium donandas esse, nego. Solutionis explicatio ex dictis patet.

*Obijctis 2.* Adrianus VI. dicit expresse Joan. XXII. adhæsisse Millenariis. Sic enim loquitur in 4. Sent. de Ministro confirmationis tractans: "Fertur de Joanne XXII. qui publice docuit, declaravit, & ab omnibus teneri mandavit, quod animae puratae ante finale judicium non habent solam, quae est clara & facilis visio Dei." Ergo &c.

*Respondeo* distinguendo: Et haec dixit Adrianus opinative, & cum esset particularis tantummodo Theologus; immo & errore facti delusus, concedo: assertive & dum esset Summus Pontifex, nego. Porro scripsit quaestiones quodlibetales, & in 4. Sent. anno circiter 1314. Haec opera in uno volumine typis mandata sunt Lovanii pro prima vice an. 1515. Creatus est Summus Pontifex 9. Januarii anni 1322. mortuus est an. 1323. 14. Septembris. Quod autem errore deceptus sit circa factum Joannis, sonat illud ejus textus vocabulum, fertur, intellige ex falsis rumoribus sparsis. Ceterum istam de Joanne XXII. sententiam, aliasque de Summis Pontificibus adversas opiniones quas nonnullam Adrianus ut Theologus particularis conscripsit, retractavit dum & ipse sedit super Cathedram S. Petri; nemo cordatus de hoc ambigit.

*Oppones 3.* Gersonius apud Litteratos percelebris sic scribit adversus Joannem in Sermone de festo Paschatis. "Hodie mecum eris in Paradiso: propter quod insuper apparet salutas Papae Joann. XXII. quae damnata fuit cum sono buccinarum eorum Rege Philippo arunculo tuo per Theologos Parisienses, de



„visione beata, & credidit potius Theologia Parisiensibus, quam Curia. „ Ergo &c.

*Respondeo* distinguendo ut supra. Et Gersonius errore facti deceptus est, concedo : & non deceptus est, nego. In hoc autem apparet manifestus error, cum dicit Joannem in sono braccinarum a Doctoribus Parisiensibus propulsum, cum e contra iidem Doctores omni qua par est reverentia, & sicut decet filios Ecclesie amantissimos, Summum Pontificem apud Regem excitatum habuerint : nimirum iussero Joannem solum inquirendi, indagandi & elucidandi veritatem causa fuisse tum in sermonibus, tum in scriptis locutum.

*Obijciat* 4. Okamus Minorita in quodam compendio de opinionibus Joannis XXII. multa contra Pontificem deberebatur. Enimvero dicit 1. eum libelis & constitutionibus stabilivisse sententiam de dilatione glorie immarum Sanctarum usque ad ultimum judicii diem. 2. Eum cum pertinacia propugnasse Millenariorum opinionem. 3. Nulli permisisse docere publice in Facultate Parisiensi, nisi prius suam sententiam ut Catholicam in perpetuum se habiturum juraret. Ergo, &c.

*Respondeo*. Eidem non esse in hoc momento adhibendam Okamo, siquidem in ore habebat Joannem XXII. Adhæsit enim Ludovico Bavaro qui hunc deponi Pontificem molitus fuerat, & in ipsius locum Petrum de Corbario ejusdem Minoritarum Ordinis antipapam per fas & nefas substitui curaverat. Quod autem non sit audiendus de hoc capitulo Okamus, constat ex dictis ; maxime vero quia dicta Okami contradictionibus sunt resecta. Et vero dicit Joannem constitutionibus formaliter sententiam Millenariorum : ubi sunt illa decreta ? ubi universali Ecclesie ejusmodi statuta proposuit Joannes ? Ne unum quidem reperitur de hoc vestigium. Præterea quanta calumnia, dicere Joannem, suam cum pertinacia propugnasse sententiam, cum potius contrariam authenticis & publicis instrumentis suam expresserit illibatam fidem & intentionem. Denique qua mente, quo animo Okamus ausus est dicere Joannem coegisse Doctores Parisienses Millenariorum celebrare approbationibus & juramentis opinionem ; qui supra omnes religiosi declaraverunt Philippo se unanimiter credere animas ab omni labe rum penæ, tum culpæ puras sine mora videre Deum intuiti-

ve, quique nedum conquesti sunt Joannem jugum imposuisse defendendi contrariam opinionem, sed & affirmant, non fuisse Joannis animum, & si quid simplicibus apparet in Pontificis sermonibus, in gratiam sententiae oppositæ, hoc esse solum ad veritatis inquisitionem.

*Obijciat* 5. Calvinus l. 4. Institut. c. 7. n. 28. ait Joannem XXII. palam asseruisse animas esse mortales, una cum corporibus interire donec in ultimo judicio resurgerent : ergo &c.

*Respondeo*. Hoc esse Calvinus commentum quod in odium Ecclesie Romanæ evomuit : & ex ista calumnia liquet, quod alii quidam aut malevoli, aut erga Summos Pontifices minus affecti etiam confecta sparserint adversus Joannem. Quoad Calvinum, iniquitas mentitur sibi. Nullus quippe fuit inter hostes Joannis XXII. insensissimos, quos ille Pontifex longo temporis spatii habuit, qui illum circa animæ immortalitatem erroribus insinulaverit. Cæterum sufficienter offendimus validissimis argumentis Joannem non adhæsisse Millenariis : si quid enim aut dictis, aut scriptis protulit pro dilatione glorie Sanctorum ad ultimi Judicii usque diem sane ut Doctor particularis, & ad questionis elucidationem effatus est.

#### SYNOPSIS PROBATIONUM.

*Joannes XXII. non adhæsit Millenariis.*

*PRIMO* quidem ; hoc patet ex variis fidei professionibus quas ad varios Orientis Reges direxit, quæque Prædecessorum suorum confessionibus penitus sunt affines.

*Secundo*. Ex modo quo non semel suam explanavit mentem, asserendo solummodo inquirendæ veritatis causa licentiam fecisse in utramque partem disputare.

*Tertio*. Ex propria confessione fidei quam animam agens, astantibus & Cardinalibus & Tabellionibus, emisit, ut nullus supersesset circa integritatem suæ doctrinæ ambigendi locus.

## SYNOPSIS OBJECTIONUM,

## ET SOLUTIONUM.

**PRIMO.** Quidem ultro fatemur multos vel errore facti deceptos, vel etiam compulsos odio, Joanni hæreseos notam inussisse, sed ista profecto insimulatio nullius est apud cordatos momenti, nec quicquam virium habet adversus fidei tanti Pontificis integritatem.

**Secundo.** Neque negamus Philippum Fancorum Regem, & Siciliæ Monarcham non modicum fuisse circa sententiam Joannis conturbatos, sed non alio nisi falsi rumoris fundamento, quod patet tum ex

Sacræ Facultatis Parisiensis declaratione, tum ex ipso Joannis ad Francorum Regem rescripto.

**Tertio.** Non magis adversus Pontificem ponderant tum Okami indignæ objurgationes; tum ipsa Valesii a Summo Pontifice correctio. Primum enim ex ore amuli procedit, unde nullius est ponderis: alterum vero momentum nusquam infirmat fidei Joannis præsidium, quandoquidem Valesius poena multatus est non ea certe ratione, quia Catholicam propugnabat sententiam: verum potius quia propria & privata auctoritate, quod licitum non erat, contrariam sententiam tanquam hæreticam & habebat, & prædicabat.



# DISSERTATIO QUINTA

## DE

### CULTU SANCTORUM,

### ET EORUM DEM.

### RELIQUIARUM ET IMAGINUM.



**D**OMINICAM incarnationem etiam ex parte impugnaverunt Iconomachi, quatenus cultum & Christo & Sanctis relative ad ipsum Christum debere negabant. Lutherani & Calvinistæ in eundem prope impeerunt errorem, maxime si de Sanctis, & eorundem Reliquiis atque Imaginibus agitur. Christum quidem adorandum esse propugnant: Sanctos vero Sanctasque colere Imagines idololatriam sapere autumant. Sed contra quod ait Propheta Psalm. 138. 16. *Nimis honorificati sunt amici tui Deus: nimis confortatus est Principatus eorum.*

*Dogma fidei de cultu sanctorum & sanctorum Imaginum quatuor posissimum explicatur & probatur argumentis.*

**PRIMO**, Quia humanitas Christi. ut unita verbo cultu latriæ, BB. Virgo, hyperdulæ & Sancti vero, dulæ colendi sunt.

**Secundo**, quia Reliquiæ Sanctorum cultu religioso iuste donantur.

**Tertio**, Quia sancti invocari possunt, & eos invocare debemus.

**Quarto**, Quia venerandæ sunt sanctæ Imagines.

## HISTORIA CRITICA

### ICONOMACHORUM.

### ORTUS.

**E**X Concilio 7. generali historiam Iconomachorum habemus, præcipue vero ex actione 1. & 5. Talis hæresis auctores primi fuerunt Gentiles, deinde Judæi, postea Marcionistæ & Manichæi: sed anno 726. Leo Mauricus Imperator tempestatem excitavit magnam adversus sanctas Imagines edito, quo illas aboleri voluit & destrui: incassum ei resistit B. Germanus Patriarcha Constantinopolitanus, immo ipsius supplicatione in rabiem actus Imperator, duodecim sacrarum Litterarum Professores, & fidei protectores una cum Collegio & pretiosa Bibliotheca vivos comburi iussit; alios, Catholicos. ferro & igne occidit, Imagines omnes subvertit, præcipue vero mirabilem æneam Salvatoris figuram, quæ jacebat in civitatis porta.

**Gregorius II.** Papa misit legatos qui eum ab impio consilio deterrent, sed statim exulare coacti, Martyres obire; adunatis postea perfidis Episcopis in Pseudoconcilio cultum sanctorum Imaginum proferri curavit Leo: S. Germanus subscribere renuens cito citius strangulatus est: Anastasius vero Iconomachus in ejus succedens est sedem. Joannes Damascenus sanctarum Imaginum defensor acerrimus malitia hæreticorum accusatus est apud Præpositum Saracenum Damasci, quod ipsius regnum Imperatori Constantinopolitano tradere moliretur. Propter istud suppositum scelus Barbarus voluit manum Joannis amputari, quæ eodem die, orante Damasceno coram Beatæ Virginis imagine, in pristinum restituta est statum.

*Grego-*

Gregorius Magnus misit legatos quos ab-  
sque mora incarcerationi iussit Imperator.  
Tandem iratus Deus novum istum Pha-  
raonem graviter punivit: primum enim  
ipsius classis ad litus maris Adriatici periit:  
deinde vero mœnia civitatis Constantinopoli-  
tanæ ad solum terræ motibus adæqua-  
ta sunt, denique ipse Leo infelix & impe-  
nitens obiit.

### PROGRESSUS.

CONSTANTINUS Leonis filius, & Copro-  
nymus dictus, eo quod malo quodam præ-  
fatio fontem baptismatis stercore sœdave-  
rat, Patris impietati addidit edictum, quo  
prohibebat Sanctos invocari, eorum coli  
Reliquias, immo impius ille prohibuit ne  
Beat. Virginem, uti talem, venerarentur  
populi. De tanta impietate indignati Pro-  
ceres anno 742. Artabaldum Imperato-  
rem nominaverunt: iste restituit SS. Imagi-  
nes. Sed heu! obseffus in urbe a Co-  
pronimo atque urbis Constantinopol. cap-  
ta est: tunc Catholicos horrendum in  
modum variis tormentis persecutus & in-  
fectatus est Copronymus, præcipue vero  
Monachos; quorum Domos & Conven-  
tus subvertit, Concilium 338. Episcoporum  
perfidorum adunavit, in quo omni-  
bus impietatibus approbatis, Monachos &  
Moniales, aut nubere aut mori voluit &  
præcepit.

Circa annum 767. Cosmas Constantinopoli-  
s Patriarcha, Theodorus Antiochiæ,  
alter Theodorus Jerosolymæ, multas adu-  
naverunt Synodos, in quibus Iconomachi  
proscripti fuere, & sanctæ Imagines resti-  
tutæ; anno 769. Stephanus III. Conci-  
lium pro eadem causa in Basilica Latera-  
nensi congregavit, ubi eadem definita sunt:  
interea Imperator carbunculis per totum  
corpus adustus, in errore pertinax & re-  
probus obiit.

Leo ipsius filius prima fronte simulavit  
fidem, sed statim & vivis ereptus est, cum  
enim coronam gemmis splendenteram quam  
Heraclius in majori Ecclesia posuerat, ad  
fumum fumpisset usum, prima vice qua  
supra caput apposuit, febre ardenti statim  
captus, mortuus est, anno 5. Imperii sui,  
Christi vero 780.

Nata Constantinum Pseudopapam aucto-  
ritate Copronymi, excommunicatum fuisse  
& depositum in Concilio Romano.

### EXTINCTIO, seu PRO- SCRIPTIO.

LEONIS erat & filius & hæres Constanti-  
nus puerulus annos 10. natus sub sapien-  
ti moderamine matris suæ scilicet Irenes:  
Irene Clivum Imperii tenens Religioni o-  
mnibus favit modis; cum enim Paulus Pa-  
triarcha Constantinopolitanus æger factus,  
abjecta voluntarie sede, in Fori monaste-  
rio secessisset, Irene ad ipsum concurrens  
& facti novi sciscitans rationem, lacryma-  
bundus exclamavit: nisi cito congregari  
cures, o Regina, Concilium ad fidem re-  
stituendam, omnes peribitis. Ergo Thara-  
sius Imperator factus, adjuvante Irene,  
scripsit ad Adrianum primum pro Conci-  
lio congregando; ipse vero elegit urbem  
Nicanam & ibi convenere 350. Patres.

Anno Christi 787. habitum est illud Conci-  
lium, ibi & proscripta sunt omnia Ico-  
nomachorum Concilia, & restitutæ sunt  
sanctæ Imagines.

*De gestis post Synodum septimam pro causa  
Sanctarum Imaginum.*

Pax Ecclesiæ perduravit usque ad an-  
num 714. Leo Armenus Imperator a Theo-  
doro Medicensi seductus renovavit persecu-  
tionem edicto, quo prohibebat Monasterio-  
rum Præsulibus aliquid pro defensione san-  
ctarum Imaginum, aut scribere, aut præ-  
dicare, cui edicto ignari multi subscribere,  
nisi quam vero Nicephorus Patriarcha Con-  
stantinopolitanus, qua de causa exul factus  
est, & depulsus ad insulam Proconesam,  
ipsius loco successus est Theodorus.

Multique quoque alii Catholici exulaverunt  
ab urbe & a patria, in primis celebris  
Theodorus Studita, qui in exilio variis scrip-  
sit Epistolas, quibus zelum, & Monachorum  
& Episcoporum accendebat pro defensione fidei.  
Interea Theodorus convocato Constantinopoli Concilio Nicanum se-  
cundum proferre ausus est: alia vero im-  
pia Pseudosynodorum dogmata confirmavit.

Anno 820. Michael Balbus Leonis Impe-  
ratoris successor, fidei speciem præ se fe-  
rens exules primum revocavit, sed anno  
823. Copronymi insillens vestigiis sicut  
Theodorum Studitam sic & Methodium,  
in exilium misit. Istum vero in Insula A-  
critæ in carcerem detrudi iussit, qui, se-  
data tempestate, Ecclesiam summa cum  
laude Constantinopolitanam gubernavit.

*Theo-*

*Theophilus*, mortuo patre, imperans præ cæteris sævit in sanctis Imagines, quas a parietibus avelli, & earum loco ad delendam memoriam, avium & quadrupedum figuras depingi voluit. Tunc Lazarus Monachus egregius pictor, adnotis ad duas manus laminis ardentibus, crudele subit martyrium, qui tamen Theodoræ Imperatricis precibus deductus est in refrigerium: sed redita Ecclesiæ pace, idem Lazarus manibus licet veluti impotens, nihilominus non sine miraculo mirabilem Salvatoris pinxit Imaginem; Methodius vero avulsis dentibus iussu Imperatoris inclusus est in sepulchro duorum Latronum, quorum fætor per septem annos mortem in eo exercebat perpetuam, donec ipse Imperator eum ad se revocaverit, ut ei difficultates quas in intelligentia Scripturarum sanctarum, quarum lectione delectabatur, exponeret.

*Michael* successit patri: Theodora vero ejus mater supra modum Catholica & prudens, imperium regebat cum illo, sed ipse annos tantum quatuor natus obiit. Tunc pia mater, adjuvante Theophilo, aliisque Catholicis Imperii Proceribus, restituit sanctas Imagines, & Concilio Constantinopoli adunato, omnia Pseudoconcilia proscripta sunt, Heraclius Pseudopatriarcha exautoratus & Magnus Methodius ipsius loco omnium applausu susceptus est: igitur anno 841. cuncta ad pristinum statum feliciter rediere, quocirca in perpetuum rei memoriam Festum annuum sub nomine Orthodoxie restitutum institutum est.

*Theophilo* imperante Antiochiæ, Claudius Taurinensis Episcopus in Occidente sacras Imagines impugnavit, postea vero sedente Innocentio III. in Cathedra Petri circa annum 1212. Albigeneses, ut scribit Claudius Confodius lib. contra Valdenses, articulo ult. imagines Sanctorum deformes in eorum derisum depingebant ann. 1372. Vicius, referente Thoma Valdense, debacchatus est adversus sanctarum Imaginum cultum, quem postea acrius impugnaverunt ejus Discipuli, sed maxime Hieronymus a Praga, qui imaginem Jesu Christi deiecit, & stercore scedavit: cum tamen ipse coleret & adoraret in suo cubiculo figuram Viclei diademate coronatam. Ita refert Cocleus in historia Hussitarum: Denique posthumis temporibus hunc fecerunt errorem ex inferis revocavit Andreas Carolstadius, ut idem Cocleus in vita Lutheri scribit. Factum quidem non improbavit Lutherus, sed quod propria au-

toritate, non petita ab ipso licentia, hoc fecisset increpavit. In eundem impeerunt errorem Zuïnglius, Magdeburgenses, Calvinus, ejusque affleclæ.

*Hi sunt* qui sacrarum Imaginum usum, & cultum impugnaverunt, licet non eodem modo omnes. 1. Judæi illas ut idola rejiciebant, male interpretantes illud Exodi 20. *Non facies tibi sculptile, neque omnem similitudinem*. Quod dictum erat solum per oppositionem ad Paganos, qui divinitatem in operibus manuum hominum venerabantur. 2. Aliqui cum Calvino lib. 5. Institutionum, c. 2. Imagines Christi & Sanctorum domi vel alibi habere permittunt, sed hoc solum propter historiarum rerum gestarum, hinc eas in Templis collocandas esse negant: Lutherani vero etiam in Templis collocari sinunt, ita tamen ut aliqua non donentur veneratione religiosa, sed ad summum cultu mere civili afficiantur.

## ARTICULUS PRIMUS.

*Utrum humanitas Christi ut Verbo unita adoranda sit? utrum Beata Virgo & Sancti colendi sint?*

**A**NTEQUAM ad singularia descendamus, notandum est. 1. Nomen adorationis ortum ducere secundum quoddam a Verbo *ador*; quæ quidem vox significat speciem quandam frumenti in sacrificiis aliquibus adhibitam; secundum alios a vocabulo *oro*, quatenus oratio semper comitabatur sacrificium: secundum Græcos a voce *προσκύνησις*, idest, osculor, quia antiqui deosculabantur manus Principum ad quos accedebant, & hoc cum inclinatione corporis versus terram: sic mulier Thecuita accessit ad David illum adorans, & orans pro vita Absalon; sed quocumque modo sumatur verbum, *adoro*, significat semper cultum honorificum alteri exhibitum propter ipsius supra alios homines excellentiam; nunc vero usus invaluit ut sumatur pro cultu debito & Deo, & Sanctis: adoratio sic sumpta definitur actus a voluntate elicitus quo quis alteri se subicit propter ejus excellentiam & subjectionis extrinsecæ exhibet signa. Ita D. Thomas 2. 2. qu. 84. art. 2. Dicitur actus voluntatis, quia est amor perfectionis in subiecto relucens, præsuppositive tamen est ab intellectu, nihil enim voluit quin præcognitum, ex trito axiomate. Motivum cultus.

cultus est excellentia objecti ; terminus , ipsa persona honoranda : porro culeus ille non consistit principaliter in intellectu , quandoquidem multi cognoscunt excellentiam alterius , & tamen præ invidia illum flocci faciunt : neque etiam absolute situs est in signis exterioribus ; Angeli enim adorant Dominum & tamen carent sensibus ; in hominibus tamen utrumque eatenus includit , quatenus subiecti Deo sumus & quoad animam & quoad corpus . 3. Reg. 19. Sermo fit de adoratione cum osculo manuum : Esther 3. Cum inclinatione genuum. Exodi 12. Cum incurvatione totius corporis : & lib. 2. Reg. David sedens adoravit Dominum : Isaie 49. Refertur quoddam Reges stando adorasse Deum ; quem adorationis modum olim servavere Christiani in Ecclesia a Paschate usque ad Pentecosten in signum Resurrectionis Christi .

*Notandum est* 2. duplicem esse adorationem ; alteram absolutam , qui quis propter intrinsicam excellentiam adoratur ; alteram vero relativam , qua adoratur propter excellentiam alterius quem repræsentat ; sic imagines coluntur propter Sanctos quos repræsentant . Item adoratio triplex est , latræ scilicet , hyperdulæ & dulæ . Latræ a verbo Greco λατρεύω dicta , idest famulor : soli Deo debetur propter infinitam excellentiam . Dulæ a verbo δουλεύω , idest servio , sic nuncupata Sanctis propter excellentiam Dei participatam redditur . Hyperdulæ a verbo υπερδουλεύω , idest supra , nominatur ; & debetur Sanctissimæ Virgini propter suam supra reliquos Sanctos excellentiam .

*Rursus* . Adoratio duplex discernenda est , altera strictæ , altera late dicta . Prior est cultus quo creatura rationalis summum Dei agnoscit in se dominium , suamque in omnibus dependentiam ; posterior vero est reverentia alicui exhibita creaturæ quatenus participat Dei bonitatem & sanctitatem . Denique adoratio una est interna quæ in actibus interioribus sita est , alia externa quæ extrinsece exprimitur , & manifestatur ; tertia mixta quæ actus internos & externos complectitur : quia vero diversam importat erga diversos rationem adoratio , ideoque non univoce prædicatur de Deo & Sanctis .

## CONCLUSIO PRIMA.

Humanitas Christi verbo unita adoratione latræ adoranda est , secundum se vero spectata , hyperdulæ .

*Probatur auctoritate & ratione .*

*Primo , Ex Scriptura sacra .*

**N**ON unus aut alter sed multiplex Scripturæ sacræ textus assertione probat veritatem . Matth. 2. de Magis Christum colentibus habetur : *Et proci dentes adoraverunt eum* . Joan. 9. 34. *Et proci dens adoravit eum* . Hæc de cæci illuminati grato erga Christum auctore leguntur . Rursus Heb. 1. Apostolus de Jesu loquens , ait : *Et adorent eum omnes Angeli ejus* . Igitur humanitas ut verbo unita cultu latræ donanda est : maxime vero quia humanitas a Verbo in quo subsistit non separatur , juxta illud S. Damasceni effatum de Filio Dei , *quod semel assumpsit , nunquam dimisit* .

*Secundo , Ex Conciliis .*

Beatus Cyrillus anathematismo 8. approbato in Concilio Chalcedonensi , A& . 5. damnat dicentes hominem assumptum coadorari ut alterum a Verbo : in 5. generali , collat. 8. can. 9. habetur : *Si quis duas adorationes introducit , & non una adoratione Verbum incarnatum cum ejus carne adorat , juxta quod sanctæ Dei Ecclesiæ ab initio traditum est , anathema sit* . Idem habetur in Trid. sess. 5. & can. 6. ubi præcipitur Eucharistiam adorari . Unde sic argumentor : Christus unica adoratione adoratur cultu latræ .

*Tertio , Ex Patribus .*

S. AMBROSIIUS lib. 3. de Spiritu sancto exponens illa verba Psalm. 108. *Adorate scabellum pedum ejus* : & S. Augustinus super eadem verba docent per scabellum & terram , intelligi carnem Christi . Igitur ex Patribus humanitas sancta ut Verbo Divino unita , cultu latræ donanda est .

Quarto, *Ratione*.

CHRISTUS secundum se est adorandus: sed Christus est Deus & homo: ergo ut homo unitus Verbo adorandus est cultu latriæ, & ad hoc sufficit ut humanitas intrinsicè subsistat Verbo.

*Probatur* 2. pars conclusionis. Humanitas in abstracto & secundum se considerata abstrahit a Verbo: igitur ut sic adoranda est solum cultu hyperdulæ, quia in illa relucet excellentia omnem creaturæ excedens perfectionem.

## CONCLUSIO SECUNDA.

Beatissima Virgo cultu hyperdulæ colenda est, Angeli vero & Sancti cultu dulci venerandi sunt.

*Probatur auctoritate & ratione.*

Primo, *Ex scriptura sacra.*

**G**ENESES 18. & 19. Abraham & Loth adoraverunt Angelum. Num. 22. Balaam adoravit Angelum quem vidit stantem in via, evaginato gladio. Josue 5. habetur: *Cum videret Josue virum stantem evaginato gladio, sic cum affatus est: noster es, an adversarius tuus? Cui respondit nequaquam, sed Princeps sum exercitus Domini, & continuo cecidit Josue pronus in terram, & adoravit.* 1. Reg. 28. Saul adoravit Samuelem redivivum, nec propter hoc reprehensus est. 3. Reg. 18. Abdias adoravit Eliam, & 4. Reg. filii Prophetarum adoraverunt Elisæum. Igitur Beatissima Virgo & Sancti colendi sunt.

Secundo, *Ex Conciliis.*

CONCILIIUM Turonense primum anno 461. celebratum decreta sua sic concludit: "Et humilitatis nostræ constitutio, ut adjuvante Domini misericordia, valeat custodiri, Sancti, ac beatissimi Sacerdotis Domini Martini, quæ Deo accepta est, obtinebit intercessio."

Septimum generale actioe quarta in decreto fidei sancivit, venerandos esse Sanctos omnes. "Et eorum intercessionem potius, ut utpote quæ nos conciliare possint summo Regi universorum Deo." Sacra Synodus Tridentina sess. 25. ait atque definivit Sanctos esse colendos.

*His accedit quod sanctus Joannes Chrysostomus in sua Liturgia pag. 302. ait: "In odorem & memoriam superbenedicere & gloriæ Domine Dei Genitricis, & semper Virginis Mariæ: cuius intercessionibus suscipe, Domine, sacrificium hoc, in supercæleste tuum altare."*

Tertio, *Ex Patribus.*

S. JUSTINUS apolog. 2. sic loquitur: "Deum & ipsius Filium, exercitum Angelorum, & Spiritum Prophetarum colimus." S. Gregorius Nyssenus idem docet orat. de S. Theodoro Martyre. S. Cyrillus Alexandrinus lib. 6. contra Julianum, sic ait: "Nos non Deos factos esse dicimus sanctos Martyres, sed omni honore dignari consuevimus."

Dionysius Augustinus serm. 1. de SS. Petro & Paulo, sic intonat: "Beatissimum Petrum Piscatorem modo, genibus provolutis, adorat gentium multitudo: ergo, &c."

Succinit S. Ambrosius sermone 14. de sancto Nazario & Celso, his verbis: "Honoratio ergo in carne Martyris conceptas, pro Christi nomine cicatrices: honore viventis memoriam perennitate virtutis: honore per confessionem Domini sacratos cineres."

Suum addit calculum S. Gregorius Magnus homilia 8. in Evangelia, his verbis: "Quos prius infirmos obiectosque desuper exspectant, iam socios venerantur, Angeli, hinc est enim quod Loth & Josue Angelos adorant, nec tamen adorare prohibentur, Joannes vero in Apocalyp. sua adorare voluit, &c." Quibus verbis S. Gregorius docet Sanctos, tamen ante in terra humiles, atque abiectione, colendos tamen esse cum Angelis quibus in beatitudine confociantur.

Quarto, *Idem ratione probatur.*

PRINCIPES & Magistratus suas propter dignitates speciales honore donantur inter homines: sed Beatissima Virgo & Sancti majorem promerentur honorem: Lucæ enim 22. Christus dicit Apostolis: *Dispono vobis sicut disposui mihi Pater regnum ut sedetis super Thronos judicantes duodecim Tribus Israel.* Et Apoc. 3. *Qui vicerit, dabo ei sedere mecum in Throno.* Et illud Psalm. 138. *Nimis honorificati sunt amici tui, Deus: nimis confortatus est Principatus eo-*

rum.

rum. Igitur colendi sunt Sancti: hoc ipsum probat Traditio: Primis quippe sacculis fideles Martyrum sepulchra & invlere & venerari solebant.

*Dixi* Beatissimam Virginem adorari debere cultu hyperdulæ; cum enim sit Mater Dei, cum sit plena gratiæ, Regina Angelorum, Fidelium omnium Mater & refugium, habet excellentiam qua omni puræ creaturæ sicut in virtute, ita & in meritis atque in sanctitate supereminet.

#### *Solvuntur Objectiones.*

**OBJECIONES I.** contra primam conclusionem. Solus Deus adoratur cultu latriæ: ergo Christus ut homo non potest sic adorari. Confirmatur: soli Deo debetur sacrificium: igitur & adoratio.

*Respondeo* distinguendo antecedens: Solus Deus adoratur tanquam objectum motivum, quia in illo solo refulcet excellentia infinita, concedo: ut objectum terminativum, nego. Adoratio enim potest extendi ad humanitatem sanctam, ut in Verbo divino & per Verbum subsistentem.

*Ad* confirmationem, nego paritatem; ratio discriminis ex est, quod sacrificium debeat solum Enti supremo formaliter ut independenti, secus adoratio; potest enim sese extendere ad partem quæ unitur formaliter & intrinsece Deo; unde quando S. Athanasius lib. 1. de Incarnatione, dicit corpori Christi sacra offerri, per sacra non intelligit sacrificia; sed solummodo signa externa adorationis.

*Dices*: Humanitas secundum se est humanitas: Christi: ergo si adoratur, debet adorari cultu latriæ.

*Respondeo* distinguendo: Si humanitas consideretur sub ista reduplicatione, concedo. Sic enim est humanitas unita Verbo, quod Christus in suo importat conceptu: si secundum se, & pure in abstracto concipiatur, nego. Sic enim adoratur tantum cultu hyperdulæ: sed ista abstractio nunquam facienda est.

*Oppones* adversus secundam conclusionem. Deuter. 6. habetur: *Dominum Deum tuum timebis, & illi soli servies.* Esther. 13. Mardocheus noluit se inclinare coram Aman: *Ne, inquit, honorem Dei mei transferrem ad hominem.* Matth. 14. Christus respondit Tentatori: *Dominum Deum tuum adorabis, & illi soli servies.* Ad 10. Cum Cornelius Petrum adorare vellet, prohibuit Apostolus dicens: *Surge, & ego*

*ipse homo sum.* Ibidem c. 14. Paulus & Barnabas prohibuerunt Licaonibus ne illos adorarent: & Apoc. 19. Angelus dixit Joanni volenti illum adorare, *Vide ne feceris, conservus tuus sum.* Ergo solus Deus adorandus est & colendus, nusquam vero Sancti.

*Respondeo* distinguendo: solus Deus debet adorari cultu latriæ & rigoroso, concedo; latria enim dicit servitutem mancipalem & omnimodam in adorante. Ita August. l. 20. contra Faustum, c. 2. ubi mentionem facit de latria quoad nomen, & de dulia quoad rem; quæ voces assumptæ sunt, inquit, propter penuriam vocum ad utrumque cultum distinguendum, & significandum, unde allucinantur hæretici dicentes utrumque cultum esse noviter adinventum: solus Deus adoratur absolute, nego. Sancti enim adorantur cultu duliæ qui quidem procedit a virtute religionis, & ordinatur ad Deum ut auctorem gratiæ, sicque distinguitur ab adoratione civili, qua Jacob, v. g. dicitur adorasse Esau fratrem suum. Latria vero immediate elicitor a fide & charitate, quæ immediate respiciunt Deum ut supremum Dominum.

*Item* ad singula respondeo: ad primum distinguo: *Soli Deo servies* cultu latriæ, concedo: cultu duliæ qui dicit famulatum ut sic, nego.

*Ad* D. Matthæi auctoritatem eadem est responsio: ad Mardocheum, distinguo: noluit se inclinare per timorem, concedo: quia non poterat in conscientia facere, nego. Poterat quippe cultu mere civili illum venerari principem: quidam Hebræi contendunt quod Aman serebat in pectore idolum textile, ut inclinantes coram se, idolum adorarent: unde Mardocheus iuste noluit hoc ei præstare obsequium.

*Ad* Petrum respondet Chrysostomus illum per humilitatem noluisse acceptare honorem. Ad Paulum & Barnabam dico debuisse rejicere cultum, quia Gentiles volebant illis divinos offerre honores, sic enim habetur: *Dii similes hominibus facti descenderunt ad nos, hinc taures atque coronas afferentes illis sacrificare volebant.*

*Ad* ultimum hæc est responsio. Angelus recusavit adorationem etiam per modum cultus duliæ ei oblatam, ut significaret quantam dignitatem acceperat natura humana per Incarnationem: ita Gregor. Homil. 8. in Evangelia.



*Inflatus*. Ad Colossenses 2. sic loquitur Apostolus. *Nemo vos seducat, volens in humilitate & religione Angelorum, quæ non vidit ambulans, frustra inflatus carnis suæ, & non tenens caput, ex quo totum corpus per nexus & conjunctiones subministratum & constructum crescit in augmentum Dei*. Quibus verbis prohibet S. Paulus colere Angelos.

Respondeo distinguendo: Angelos malos & genia non oportet colere, concedo. Bonos, subdistinguo: cultu latræ & per exclusionem a Christo, concedo: cultu dulciæ & religioso, nego. Judei adorabant malos Angelos & genia, sicut Platonici: quidam etiam bonos tanquam mediatores per exclusionem a Christo, & hanc religionem confutavit Apostolus, dicens Christum illam exterminasse; immediate enim ante verba in objectione laudata, dicit de Christo: *Expulsi Principatus & Potestates*: increpat vero alios qui agnoscunt Angelos ut Deos minores, his verbis: *Non tenens caput ex quo totum corpus, &c.* Ita Apostolum interpretatur S. Hieronymus. S. Chrysostomus hom. 7. ait Simonem Magum, Menandrum, & Cerinthum multa deliria ex Schola Platonis deprompta docuisse de Angelis.

*Inflatus*: Theodoretus in Comment. in textum Apostoli, sic loquitur: *Qui legem defendebant, idest Judæi de novo converti ad fidem, eos etiam ad Angelos colendos inducebant, dicentes: Legem fuisse datam. Mansit autem perditum hoc vitium in Phrygia & Pisidia, proinde Synodus quæ convenit apud Laodiceam Phrygiæ, lege prohibuit, ne precarentur Angelos. Ergo ex Theodoro non sunt colendi Angeli.*

Respondeo distinguendo consequens: Angeli non sunt colendi modo superstitioso & eis offerendo sacrificium, ut quidam populi sancto Michaeli offerebant juxta superstitionem Judæorum, vel excludendo mediationem Christi, concedo: cultu debito & ordinato, nego. Solutio est ipsius Concilii Laodicensis quod can. 35. sic loquitur: *Non oportet Ecclesiam Dei relinquere, & abire, atque Angelos nominare, & congregationes facere, quæ interdicta noscuntur. Si quis igitur inventus fuerit huic occultæ idololatriæ serviens, sit anathema, quia Dominum Jesum Christum derelinquit.* Theodoretus & alii quidam Patres cultum Angelorum debellantes, eodem modo explicandi sunt; scribunt enim contra eos qui errore Judæorum, Cerinthi & Si-

monis decepti, altaria Angelis tanquam Diis erigebant.

*Perfessus*: Adrianus Papa in sua ad Constantinum & Irenæum Epistolâ sic scribit de cultu SS. *Qualis iste est adorationis honor? Profecto non alius quam is quo nos peccatores quoque invicem prosequimur saluantes.* Ergo solum cultu civili SS. colendi sunt, non enim alio donantur cultui viatores. Confirmatur: non est de fide Sanctos tales esse in cælo: ergo, &c.

Respondeo distinguendo: Sancti cultu civili elevato per religionem colendi sunt, concedo: naturali tantum, nego. Adrianus autem comparat cultum SS. cultui viatorum solum secundum litteram, & ut offendat cultum latræ soli Deo esse debitum.

*Ad confirmationem*, distinguo: non est de fide divina tales vel tales qui in albo Sanctorum positi sunt, esse in cælo, concedo: de fide Ecclesiastica, nego. Duplitter aliquid esse de fide contingit; primo quidem quando aliquid est immediate revelatum, ut ea omnia quæ in divinis continentur Scripturis: alio modo cum Ecclesiâ quæ est in suis definitionibus, circa puncta Religionem spectantia, infallibilis proponit ut quid certum & pie credendum, quod quidem fides Ecclesiastica recte nuncupatur. Talem justum esse in cælo non est de fide divina, nisi hoc sit in Scriptura declaratum, bene tamen de fide Ecclesiastica si pro isto momento accedat Ecclesiæ decretum & consensus, ut sit in canonizatione Sanctorum.

## SYNOPSIS PROBATIONUM.

1. Sancta humanitas ut divino unita Verbo colenda est cultu latræ.
2. Sancti cultu dulciæ.
3. Beatissima Virgo cultu hyperdulciæ.

PRIMUM patet, quandoquidem Christo debetur cultus latræ: Eum quippe & Angeli, & Magi, & Apostoli sic adoraverunt, quippe qui sit Deus: porro Christus neque Deus solum, neque homo tantum, sed Deus simul & homo; ipsa vero sancta humanitas subsistit intrinsece subsistentia Verbi: si tamen eam quis ut a Verbo abstractam, & secundum se illam consideraret; sub isto Metaphysico respectu nonnisi cultu hyperdulciæ donanda foret.

Secundum utique claret, cum & Abraham & Josue adoraverint Angelum; hoc est

est cultu dulci coluerint. Et vero Sancti specialem habent ad Deum per gratiam consummatam relationem, quocirca cultu religioso colendi sunt. Hoc ipsum definitur Concilium Turonense, & septimum Generale: hoc probat usus perpetuus, cum primis sæculis Christiani accederent ad Martyrum sepulchra, ut fidei generosos Heroes venerarentur.

Tertium pari facilitate demonstratur. Enimvero B. Virgo propter maternitatem divinam & in gratia, & in virtute sicut & meritis supra ceteros eminet Sanctos, immo & supra Angelos quorum est Regina: igitur cultu hyperdulci, hoc est cultu dulci eminentissimo propter suam supra omnes Sanctos excellentiam donari debet.

## SYNOPSIS DIFFICULTATUM

### ET RESPONSIONUM.

PRIMO. Quum Scriptura dicit, *solum Deum adorabis, & illi soli servies*, unum solummodo intendit, videlicet solum Deum cultu patriæ, eoque absoluto esse adorandum, nusquam vero excludit cultum dulci pro Sanctis; non enim semel iudicat illos esse honorandos.

Secundo. Nonnumquam prohibent PP. colere Angelos, sed intellige cultu patriæ, & eis offerendo sacrificia, vel etiam eisdem habendo ut mediatores.

Tertio. Adrianus Papa Sanctos quidem præcipit coli cultu civili, sed per religionis virtutem elevato.

## ARTICULUS SECUNDUS.

*Utrum Reliquiæ Sanctorum venerandæ sint.*

### CONCLUSIO AFFIRMATIVA.

Reliquiæ Sanctorum venerandæ sunt.

*Probatur auctoritate & ratione.*

Primo, *Ex veteri Testamento.*

EXODI 13. habetur: quod Moyses egrediens de Ægypto transfulerit ossa Joseph, de quibus Ecclesiastici 49. dicitur: *Ossa ejus visitata sunt, & post mortem prophetaverunt.* Rursus 4. Reg. 13. 21.

Boucat Theol. Tom. I.

*Quidam autem sepelientes hominem, viderunt latrunculos, & proiecerunt cadaver in sepulchro Elisæ; quod cum tetigisset ossa Elisæ, revixit homo.* Et iterum Pl. 33. *Custodis Dominus omnia ossa eorum, unum ex eis non conseruetur.* Quibus politis sic argumentari fas est. Illorum Reliquiæ cultu religioso donandæ sunt, quas Iusti viatores, inspirante Domino, venerati sunt: quas ipse Deus specialiter protegit & custodit, quibus utitur tanquam instrumentis ad magna patranda miracula: atqui res sic se habet. Igitur Reliquias Sanctorum & venerari, & colere debemus.

### Secundo. Ex Novo Testamento.

ACT. 19. *Virtutes non quaslibet faciebat Deus per manum Pauli, ita ut etiam super languidos deferrentur a corpore ejus sudaria & semicinctia, & recedebant ab eis languores, & spiritus nequam egrediebantur.* Ibidem c. 5. *Ut veniente Petro saltem umbra illius adumbraret quemquam illorum—ut liberarentur ab infirmitatibus suis.* Certe si ipsa lintamina quæ corpus S. Pauli tetigerant, immo ipsa B. Petri umbra ægrotos adumbrans sanitatem eis reddebant; citra dubium est Reliquias Sanctorum summo opere esse venerandas.

### Tertio. Ex Traditione.

EX ANTIQUA habemus traditione Fideles ad sepulchra Martyrum oratuos & eorum invocatuos suffragia habuisse: in Epistola Encyclica Smyrnenis Ecclesiæ de Martyrio Sancti Polycarpi mentio fit de veneratione Reliquiarum. Cyrillus Hierosolymitanus Catechesi 18. loquitur de Miraculis ex contactu ossium Elisæ Prophetæ patris. Eandem venerationem prædicat Basilii Homil. in Psalm. 125. super illa verba: *Pretiosa in conspectu Domini mors Sanctorum ejus, ubi sic habet: Si quis tetigerit cadaver (intellige in veteri lege) inmundus erit, nunc* „ e diverso Martyris ossa quisquis teti-  
„ gerit, ob gratiam corporis incidentem, fit quadantenus sanctificationis  
„ particeps. „ Igitur Reliquiæ Sanctorum colendæ sunt.

Hoc ipsum docent Gregorius Nyssenus Orat. de 70. Martyribus. Gregorius Nazianzenus Orat. 3. contra Julianum. Chrysostomus Orat. de S. Ignatio Martyre: Theodoretus Serm. 8. contra Græ-

Bb

cos:

cos : Hieronymus Epist. 53. ad Riparium Presbyterum : Ambrosius de Inventione corporum Sancti Gervasii & Protasii, quæ multa tunc patraverunt miracula ; quæque Augustinus lib. 9. Conf. cap. 7. se vidisse testatur ; S. Doctor lib. 22. de Civitate Dei refert Reliquias S. Stephani Protomartyris in Inventione & Translatione multa patrasse prodigia : idem refert Evagrius de Reliquiis S. Simeonis Stilitæ, quando Antiochiam translatae sunt . Caput, inquit, omnibus adornatum capillis, dentibus stipatum, pelle coopertum rugosa perinde ac si virens adhuc fuisset : cum autem Leo Magnus Imperator sacrum pignus deposceret, rogaverunt ipsum Antiocheni ut pro seipsum intra septa mœnium remaneret, quod ultro eis concessum est . lib. 10. Hist. Eccles. c. 13.

Juvat antiquos textus Patrum hic referre . Hieronymus in Epistola 17. " & Martyrum, inquit, ubique sepulchra veneramus . "

Chrysostomus Hom. 66. de Sancta Pelagia : illustrius, ait, esse Palatii Regiis omnium judicio sepulchrum illud, in quo situm est corpus ejusmodi, quod cum virtute, pietateque vixit . Atque hujus rei testes vos estis, qui divitum sepulchra, quamvis aureis ornata palliis, tanquam speluncas, prætervolatis : ad hanc vero sanctam cum ingenti alacritate concurritis : quoniam martyrio & confessione, ac virginitate, pro aureis vestibus, semetipsam velut ad funebrem apparatus componens, inclyta Martyr excessit . "

Prudentius in triumphis Martyrum, sic loquitur in hymno primo de SS. Hemiterio, & Chelidonio Calaguritanis.

Pollet, inquit, hoc felix per orbem terra libera stemmate .

Hic locus dignus tenendis ossibus visus Deo,

Qui beatorum pudicus esset hospes corporum .

Hic calentes hausit undas corde tinctus dupli :

Illitas amore sancto nunc arnas incolæ

Consequentant obsecrantes voce, votis, munere .

Ambrosius Sermone 14. de SS. Nazario & Celso . De Reliquiis Corporum agens ait, " Honoro ergo in carne Martyris

" exceptas pro Christi nomine cicatrices " &c. "

#### Quarto, Ex Conciliis .

CARTHAGINENSE 5. can. 4. statuit ne altaria abique Reliquiis SS. Martyrum extruantur & consecrentur . Generale 7. Aët. 3. definit Reliquias Sanctorum multa a Deo obtinere beneficia : eis vero illudentes, si Episcopi sint, deponi vult : si vero Monachi vel Laici communione privari jubet . Ergo &c.

#### Quinto. Ex ipsis Ecclesiis Orientalibus .

PRIMO quidem ab omni tempore Patriarcha Alexandrinus S. Marci Reliquias toto populo venerandas exponebat, & Festum pro hoc momento tribus diebus continuus celebrabatur, ut legitur in Pontificali Coptitarum Ebenassal & Abulbircar . Qui quidem cultus non obstante Mahometarum persecutione apud illos Christianos perseveravit .

Hoc ipsum demonstratur ex Calendario Ecclesiæ Coptitarum in quo quidem multa Festa Sanctorum relative ad eorum Reliquias magno celebrantur apparatu, die 16. mensis Toth qui est apud eos annus primus . Inventionem ossium S. Joannis Baptistæ celebrant die 18. Etiam Inventionem Reliquiarum S. Thomæ pari habent cultu apud Alexandriam : die 19. ejusdem mensis diem Festum agunt de Inventionem ossium S. Ignatii Martyris : die 29. eodem celebrant ritu depositionem capitæ S. Joannis Baptistæ : aliis mensibus similia in honorem Reliquiarum Sanctorum percelebrant Festa ; ut fuso calamo scribit D. Abbas Arnodotius tomo 5. perp. fidei lib. 7. cap. 4.

Inter omnia argumenta pro fide Orientalium circa venerationem Reliquiarum Sanctorum est testimonium Simeonis Testalonicensis, qui inter Græcorum celeberrimos Theologos annumeratur : ille autem in 1. Tractatu inter omnia omnipotentiae argumenta in capite ponit miracula quæ Reliquiis Sanctorum non semel patrata sunt . pag. 11. Sic loquitur : " Miracula quæ sunt Reliquiis Sanctorum, quæ ipsi iidem Impii, quorumque veritatem coguntur agnoscere . " In Tractatu Dedicationis Ecclesiarum disertum habet sermonem de Sanctorum Martyrum Reliquiis quæ intra altare obteguntur pag.

pag. 120. 121. Rufus cap. 123. pag. 124. & 264.

*Hanc* sane doctrinam acceperunt Orientales ab antiquis Patribus Græcis eandemque usque ad nostra tempora firmiter tenuerunt & tenent. S. Chrysostomus tom. 5. ait Reliquias S. Ignatii Martyris esse gratiarum thesauros pro iis qui cum fide illas venerantur, Gregorius Nyssenus Homil. 8. ad populum Antiochenum, Isidorus Pelusiota Epist. 55. & 189. Theodoretus quest. 83. & alii per multi Græci mira de cultu Reliquiarum Sanctorum & docent & referunt: Igitur absque fundamento & universam adversus Traditionem Protestantes cultum ossium Sanctorum exfufflaverunt.

#### Sexto. Ratione.

*PRIMA* sic deducitur. Quod ipse Deus glorificare decernit, & veneratione & cultu religioso donandum est: atqui Deus optimus maximus corpora Sanctorum tametsi in pulverem reducta glorificare statuit. Igitur Reliquiæ Sanctorum, eorumque corpora venerari debemus.

*Secunda:* Quod habet relationem intrinsecam & essentialem ad animam beatam, quod illi coniungi debet ut vita vivat æterna, citra dubium coli debet cultu relativo ad animam, qui ad Deum ultimæ terminetur: atqui ossa Sanctorum habent relationem intrinsecam ad animam, & ei coniungi debent, ut in æternum cum illa vivant. Ergo &c.

*Tertia:* quod fuit iterato Sacramento- rum usu consecratum, veneratione dignissimum est: atqui corpora Sanctorum fuerunt Sacramentorum usu non semel consecrata: igitur cultu religioso donanda sunt.

*Quarta:* Templum Spiritus Sancti ea qua p̄r est reverentia colere sicut conveniens, sic & iustissimum est. Sed corpora & ossa Sanctorum fuerunt Spiritus Sancti Templum, quod quidem violare nefas est, immo licet ab anima sint separata, sunt tamen huiusce Templi restaurandi pretiosæ partes. Ergo &c. hæc ratio ex Apostolo Cor. 3. 16. colligitur; ait enim: *Noscitis quia Templum Dei estis: & Spiritus Dei habitat in vobis? Si quis autem Templum Dei violaverit, disperdet illum Deus.*

*Quinto.* Totus homo, si sanctus est, & in bono per gloriam animæ confirmatus, veneratione dignus est: sed Reliquiæ sunt aliquid Sanctorum, quandoquidem homo ex

anima & corpore consistat, atque componitur. Ergo &c.

#### Solvuntur Objectiones.

**OBJICIES 1.** Deuter. 1. Deus præcipit corpus Moysis abscondi ne colatur a Judæis: Matth. 23. Christus sic increpat Phariseos, his verbis: *Vae vobis, Pharisei hypocrite, qui edificatis sepulchra Prophetarum & ornatis monumenta Iustorum.* Ergo Reliquiæ Sanctorum non sunt colendæ.

*Respondeo* distinguendo consequens: Reliquiæ SS. non sunt colendæ cultu latriæ & per idololatriam, vel etiam vanæ gloriæ motivo, concedo: cultu religioso & ordinato, nego. Quia vero Judæi erant ad idololatriam propensi, noluit Deus consulens eorum fragilitati, eos scire ubi esset corpus Moysis, ne illud tanquam aliquid divinum venerarentur: Pharisei autem per hypocrisim, & ad ostentationem adornabant sanctorum Prophetarum sepulchra, ut ab hominibus & iusti & religiosi haberentur. Solutio est D. Ambrosii qui in c. 11. Lucæ asserit Christum in hoc non cultum sed vitium reprehendere.

*Urgetur:* Concilium Eliberitanum Can. 84. & S. Hieronymus scribens adversus Vigilantium prohibent accendi cereos ad Reliquias & sepulchra Martyrum. Ergo &c.

*Respondeo* distinguendo: & hoc fecerunt ad superstitionem impediendam, concedo: damnando cultum secundum se spectatum, nego. Gentiles accensis facibus animas defunctorum incautionibus advocabant, quas circa sepulchra circuire putabant: ne igitur Catholici eos imitari viderentur, Patres prohibuerunt ad templum Reliquiarum SS. cultum: sic Hieronymus explicandus est: enimvero loquitur tantum de illis, qui falso existimabant luminaribus illustrari animas Martyrum. Quod hic sit genuinus S. Doctoris sensus, patet ex objectione Vigilantii, ad quam respondet. Eandem propter rationem lib. de idololatria cap. 13. mortuos coronari prohibet, quoniam, inquit, *ipsi idola statim fiunt.* Patres primorum sæculorum quandoque idem prohibere, ne Christiani assimilari viderentur Paganis, qui mortuorum animas ut genia habebant circa cadaver volitantia. Sed, reddita pace Ecclesiæ, 4. scilicet sæculo, modus colendi ordinato Reli-

Bb 2 quias

quias SS. institutus est: immo altaria ab hoc tempore non fuerunt sine Reliquiis Martyrum consecrata. Antea autem, propter persecutiones, res non sic se habebat: hinc disciplina secundum diversa tempora, & quidem prudenter ac sapienter diversa fuit.

*Urgetis.* Ex corporibus Sanctorum restat tantummodo materia, quæ non est capax adorationis: ergo Reliquiæ non sunt colendæ, tum quia plures inventæ sunt supposititiæ.

*Respondet* distinguendo: & illa materia pertinet ad Sanctum, dicit enim ordinem & quidem intrinsecum ad animam, concedo: & non dicit, nego. Ad confirmationem dicimus certitudinem moralem de veritate Reliquiarum sufficere ad illas religiose colendas, tum quia oratio præcipue dirigitur ad animam & Sanctum: porro Concilium Tridentinum sess. 25. jubet omnem adhiberi diligentiam ad distinguendum veras Reliquias a falsis. Cæterum Reliquiæ eodem coluntur cultu, quo colitur Sanctus cujus sunt, quia coluntur solum relative & per ordinem ad Sanctum.

## SYNOPSIS PROBATIONUM.

*Reliquiæ Sanctorum cultu religioso donandæ sunt.*

**PRIMO.** Quia eis tanquam instrumentis utitur Deus ad patranda miracula: namque contractus corporis Elisæi Prophetæ, injectum cadaver ad vitam revocavit, & lintamina quæ S. Paulum tetigerant, virtutem sanandi morbos habebant.

**Secundo.** Ita declaravit septima Synodus generalis: ita propugnant Ambrosius & Augustinus, prior loquendo de Reliquiis Sanctorum Gervasii & Protasii, posterior de inventione corporis Stephani Protomartyris.

**Tertio.** Ita quoque declarat perpetua Traditio; quandoquidem primis sæculis Christiani accedebant ad sepulchra Martyrum, ut eorum venerarentur Reliquias.

## SYNOPSIS OBJECTIONUM, ET RESPONSIONUM.

**PRIMO.** Verum quidem est Sanctum Judam in sua affirmare Epistola corpus Moyse iussu Dei fuisse absconditum; sed nihil inde concludendum est adversus San-

ctas Reliquias: hoc quippe factum est ne Judæi ad idololatriam propensi, corpus Prophetæ tanquam idolum colerent.

**Secundo.** Ultro non diffitemur Concilium Eliberitanum & quosdam Patres prohibere Christianis ne sepulchra Martyrum irequerant: sed hoc ad tempus solum fieri volebant, ne Christiani adhærerent superstitionibus Gentilium, qui etiam ad sepulchra mortuorum deferebant, falso existimantes, per hanc caeremoniam advocari defunctorum animas.

**Tertio.** Tametsi corpora Sanctorum in pulverem sint, ossa tamen eorum & pulvis relationem ad animam, cui iterum conjungi debent, important: & ideo illa ossa veneranda sunt.

## ARTICULUS TERTIUS.

*Utrum Beatissima Virgo, Sancti & Beati invocandi sint.*

### CONCLUSIO.

Sanctissima Virgo, & Sancti invocandi sunt.

*Probatur auctoritate & ratione.*

**Primo. Ex veteri Testamento.**

**GENESES 48.** Jacob deprecatur Angelum ut benedicat filiis Joseph. **Exodi 32.** Moyses invocatur Deum per Patriarchas, his verbis: *Recordare, Domine, Abraham dilectum tuum, & Jacob servum tuum.* Abraham oravit pro Abimelech, & avertit flagellum ab ipsius domo, immo ipse Deus nonnulli oratione Sancti Job placatur, & tanti viri obtrectatoribus parit: ipse hujusce mediationis est & tuator & auctor, sic enim habetur c. 42. *Ite ad servum meum Job, & offerte holocaustum pro vobis: Job autem servus meus orabit pro vobis: faciem ejus suscipiam, ut non vobis imputetur stultitia.* Ergo &c.

**Secundo. Ex novo Testamento.**

**SANCTUS Petrus Epist. 2. c. 1.** promittit Christianis quod post suam vitam mortali discessum pro eis supplices apud Deum preces fundet. *Dabo autem operam,* inquit, *& frequenter habere vos post obitum, ut horum memoriam faciatis:* Rom. 15. & 1.

ad

ad Theſſalon. Apoſtolus fidelium orationes pro ſeipſo fieri expoſtulat. Quid plura ad-  
jiciam? Cananæ a Chriſto propulſa con-  
fugit ad Apoſtolos quatenus pro ea inter-  
cedere dignarentur, quod ultro ex charitate  
ei conceſſerunt, ſic enim habetur Matth.  
15. 23. *Et accedentes Diſcipuli ejus, roga-  
bant eum dicentes, dimitte eam; quia cla-  
mat poſt nos.* Igitur jure merito Sanctos  
invocare debemus.

### Tertio. Ex traditione Patrum.

SANCTUS CYPRIANUS Epist. ad bea-  
tum Cornelium: hunc beatissimum Papam  
adhortatur, ut semper etiam post discen-  
sum pro Fratribus in Chriſto Jeſu & So-  
roribus oret " Si quis iſthinc noſtrum di-  
vine dignitatis celeritate prior deceſ-  
ſerit, perſeveret apud Dominum noſtra  
dilectio pro fratribus & ſororibus no-  
ſtris: apud miſericordiarum Patrem non  
ceſſet oratio."

Subſcribit S. Hieronymus Epist. 53. ad  
Rip. " Honoramus autem Reliquias Mar-  
tyrum, ut eum, cujus ſunt, adoremus:  
honoramus ſervos, ut honor redundet  
ad Dominum."

Ceteri Patres pari claritate & alacritate in idem conſpirant: quippe qui doceant cultum Sanctorum & debitum eſſe & in honorem Dei in quo terminatur, cedere. A primis ſæculis Fideles ſeſe Martyrum precibus commendabant, eos ſup-  
pliciter deprecantes, ut cum in Cœlis cor-  
onam acceperint, pro eis apud Deum in-  
tercedere dignarentur. Sancta Potamiana uni e ſuis tortoribus promiſit, ſe Deum pro eo deprecaturam: paucis vero elapſis diebus, ipſe poſt Potamianam ſuum pro Chriſto ſudit ſanguinem Sanctus Gregorius Nazianzenus ſanctum repræſentat Juſtinianum quæ beatiffimam Virginem ro-  
gat ut in auxilium cujuſdam puellæ ve-  
niat. Quid plura? Patres ubique & paſſim prædicant Sanctos eſſe & debito cultu hono-  
randos, & certa fiducia invocandos. Ita Origenes l. 8. contra Celſum pag. 432. Gregorius Nyſſenus orat. 2. in quadraginta Martyres. Ambroſius in Lucæ caput 20. Chryſoſtomus tom. 5. Hom. 72. pag. 520. Auguſtinus ſerm. 1. de S. Stephano & alii multi apud Petavium l. 1. de Incir. c. 10.

### Quarto. Ex Eccleſiis Orientalibus.

QUOD ab omnibus Eccleſiis Orientalibus tametsi a Romana Eccleſia divulſis, tenetur, quod ex perpetua atque inviolabili traditione obſervatur; quod in operibus Polemicis, in quibus ſcribentium mens ſeipſam ubique prodit adverſus impugnantes, Theologi pro aris & focis defendunt; quod in libris Eccleſiaſticis, in Ritualibus, in Menologiis ubique ad praxim reducendum proponitur, & pro uſu religioſo atque pio, ſanis regulis ad animarum frugem firmatur, illud proſeſto abſque errore, & temeritate, aut negari aut abjici, vel etiam contemni poteſt. Atqui Eccleſiæ Orientales quamvis a Sancta Eccleſia Romana ſchiſmate divulſæ, ſic propugnant Beatiffimæ Virginis, Beatorum Angelorum, & omnium Sanctorum venerationem & invocationem. Igitur abſque cauſa & fundamento illam reſciunt Proteſtantes. Igitur ea qua par eſt fide & reverentia Sanctos & venerari, & invocare debemus. Probat minor quoad omnes partes omni argumentorum genere.

### Ex Conciliis.

CYRILLUS Lucaris Patriarcha Conſtantinopolitanus pecunia vel aliqua alia victus & captus paſſione, non ſine magno ſcandaloso conſeſſionem Genevenſem grandi apoſtaſia anno circiter 1616. ſuſcepit. In articulo octavo cultum & Sanctorum, & eorumden Reliquiarum atque Imaginum abjecit. Sed Eccleſiarum Orientalium Proceres tantum ſcelus tum Synodorum definitionibus, tum doctiſſimis tractatibus inſeſtati ſunt; quocirca nequidem levis manet de fide Orientalium ambiendi locus circa iſtud momentum. Ergo &c.

Prima Synodus adunata eſt anno 1638. In ea ſic loquuntur Græci adverſus Cyrillum. " Anathema eo quod in octavo articulo ſubobſcure, immo & malitioſe docuerit Sanctos apud Deum pro nobis neque mediatores, neque interceſſores eſſe cum dixit Chriſtum ſolum eſſe mediatorem, ipſique ſoli curam de ſuis eſſe; in quo quidem multa Sancti Spiritus oracula exſufflabat Cyrillus, cum Deus ipſe dixerit, hanc, propter David ſervum meum, protegam Urbem. Tres pueri in Fornace ſic eloquun-

"tur. Ne nos Domine derelinquas propter Abraham dilectum tuum, Isaac servum tuum, & Israel sanctum tuum. Petrus quoque ait 2. Epist. 1. 19. *Dabo autem operam, ut frequenter habere vos possit obitum meum, & horum memoriam faciatis.*" Sed quomodo curam de his habuisset, nisi apud Deum intercedendo, & illum pro illis deprecando?

"*Altera Synodus anno 1642. non ab simili modo propter eosdem errores perstringit Cyrillum his verbis. "Eo quod isto articulo intercessionem Sanctorum, & beatorum Angelorum, immo & preces atque orationes Sacerdotum quæ in universa funduntur terra, ubi servatur Ecclesia, explodat."*

"*Eodem prope stilo lese explicant Orientales Episcopi in Confessione orthodoxa, quam ad hunc effectum, videlicet ad debellandum Cyrilli octavum articulum, composuere: Omnes orthodoxi sanctissimam debent venerari Virginem Matrem Dei, qui illam dignam fecerat, ut in ipsa Incarnationis adimpleretur mysterium: ipsa quidem ratione Ecclesia salutationem constituit Angelicam, verbis & Angelis Gabrielis, & Sanctæ Elisabeth composuit: quæ quidem tantam divinam haberi debent, utpote a Deo inspirata. Conf. ortho. q. 40.*

"*Observes velim, benevole Lector, istarum Synodorum Patres, nedum Calvinistarum & Cyrilli Lucaris circa cultum & invocationem Sanctorum errores damnare, verum etiam & luculentissimis ex Scripturis sacra depromptis rationibus probare, & suave esse, immo & debitum Sanctis talem honorem.*

#### Ex Theologis.

"*PRIMUS* occurrit Syrugus Meletius qui diserte in Tractatu speciali, confutat octavum Cyrilli articulum. "Nos omnes, inquit, qui ex Ecclesia Orientali sumus filii, credimus solum Jesum esse Mediatorem reconciliationis hominum quam proprio operatus est sanguine cum Deo, quæ quidem habemus sicut Judæi qui erant ipsi Deo propinqui, & Gentiles ab eodem elongati, accessum ad Patrem in eodem Spiritu. .... Attramen convicti sumus in precibus quæ apud Deum pro nobis funduntur, nedum Angelos, sed & Sacerdotes & Sanctos tum in hac præsentis vita, tum in altera esse mediatores, quod ex ipsa sacra edi-

"scimus Scriptura. "Quod quidem probat auctoritate ex capite 12. versu 13. libri Tobie excerpta. Pro eodem momento adducit testimonium Origenem Homilia 16. in Num. in quo allerit Angelos Deo offerre orationes & bona opera Sanctorum.

"*Pergit Syrugus & fuso calamo probat Sanctos propter charitatem & amorem quo erga proximum flagrant, pro nobis viatoribus apud Deum intercedere; quippe qui nostras sciunt miseras & necessitates; Namque, inquit, omni adversatur rationi sibi contingere, Sanctos suorum non recordari fratrum, cum dives in Inferno in gradu charitatis multo Sanctis inferior, pro suis tamen propriis fratribus oraret, ut in eundem miseriam locum non venirent.*" Subdit vero nullo ex Sanctis Ecclesiæ Doctoribus invocationem abnegasse Sanctorum, sed potius omnes una voce docuisse Beatos pro nobis apud Deum intercedere, nosque ea quæ par est fide & reverentia, eorum expostulare meditationem: "Sic, inquit idem Theologus, S. Basilii invocatur quadraginta Martyres, eos generis humani vocando & conservatores, & custodes. . . . pari & consimili modo S. Gregorius Nazianzenus Sanctum invocatur Cyprianum.

"*Jeremias Patriarcha sicut pari zelo, ita & consimili eruditione debellavit Theologos Vitembergenfes, qui auctoritate Cyrilli Lucaris freti omnia moliti sunt, ut Græcos in Protestantium protraherent errores. Resp. 1. sic illos revincit & confutat in iis quæ adversus Sanctorum cultum debacabatur, quem quidem ut sanctum & debitum ex Liturgia probat: "Etiam Sanctos ut mediatores habemus, maxime vero Domini Matrem: postea chorum Angelorum & Sanctorum quos veneramur, tum templis, tum rebus quas illis offerimus, orationibus & sacris Imaginibus, sed relative, nusquam vero cultu lætiæ."*

"*Rursus loquens de intercessione in sæculo venturo Sanctorum ibidem subdit: "Pro illis solummodo rogant quorum intercessionem receptibiles sunt, hoc est, pro his qui ante obitum peccatorum suorum fordes poenitentia abstergere non potuerunt. Primo quidem hæc meditatio & fit in Ecclesiæ & in eadem annuntiatur, & hac de causa nostras ad Sanctos, ad Beatam Virginem & An-*

„gelos dirigimus preces. Virgini dicimus:  
 „Mater Dei intercede pro nobis pecca-  
 „toribus: omnes cœlestes Potestates San-  
 „ctorum Angelorum & Archangelorum,  
 „intercedite pro nobis. Eo prope modo,  
 „ad Prophetas, ad S. Joannem Baptistam  
 „Præcursores, ad gloriosos Apostolos,  
 „ad Martyres, ad Sanctos Pastores & Do-  
 „ctores omnis Terræ, ad alios Sanctos &  
 „Sanctas accurrimus, eis deprecantes,  
 „quatenus pro nobis intercedere dignen-  
 „tur. „ Ecce quomodo Jeremias fidem  
 „de cultu Sanctorum clarissime explicat &  
 „uti talem a Græcis omnibus propugnatam;  
 „quod ipse Chytræus Calvinista Oratione de  
 „Eccl. statu non diffidetur: „ Magna pars  
 „vulgi, inquit, & Sacerdotum pietatis  
 „summam in cultu Mariæ Virginis & I-  
 „maginum collocat &c. „

### Ex Libris Ecclesiasticis.

Q U O T libri Ecclesiastici, tot ferme  
 testes qui Græcos Orientales pro more  
 antiquo invocare Sanctos conclamant. Li-  
 ber cuius titulus Horologium; cuius Me-  
 nologia; cuius Triodon; cuius Paracle-  
 ticus, alique complures, sicut & Li-  
 turgie, multas, piasque complectuntur  
 orationes quibus fideles & Beatissimam  
 Virginem, & Sanctos invocant. Melchi-  
 tæ qui Græcum observant ritum, hoc est  
 Græci qui in his habitant regionibus, u-  
 bi lingua Arabica vulgaris est, utun-  
 tur libro Horologii in quo continentur  
 preces ad invocandos Sanctos perutiles.  
 Libri Horologii Syriaci tum Melchita-  
 rum, tum Jacobitarum huiusmodi refer-  
 ti sunt orationibus. Pari & consimili  
 pietate Coptitæ præter Horologii librum,  
 specialem habent qui Theozia nuncu-  
 patur, in quo orationes ad Beatissimam  
 Virginem continentur. Simili Organon no-  
 mine celebrato utuntur Æthiopes. Quid  
 plura? ipsi Nestoriani, tametsi Beatissi-  
 mam Virginem uti Dei Matrem non agno-  
 scant, attamen in tuo Horologii libro &  
 tribus Liturgiis variis, multisque ad eam  
 directas habent orationes, quibus pro men-  
 tis affectu, illam in necessitatibus invo-  
 cant. Ergo &c.

*Ex Festivitatibus quas in honorem & Beatif-  
 simæ Virginis, & Sanctorum celebrant  
 Orientales.*

MAGNUM est pro Sanctorum invoca-  
 tione argumentum festivitas que in eo-  
 rum celebratur honore, cum eo solum scopo,  
 ut colantur & invocentur Sancti, in-  
 stituitur. Sed Orientales ab omni ævo si-  
 cut Occidentales plura instituerunt in ho-  
 norem Beatissimæ Virginis Festa, nec unus  
 quidem deficit dies in quo alicujus Sancti  
 memoriam non celebrent. In toto & uni-  
 verso Mundo Oratoria, Cappellæ, Alta-  
 ria & Tempia in honorem Sanctorum ere-  
 cta conspiciuntur. Calendaria & Menolo-  
 gia Orientalium Festa sanctorum certis die-  
 bus celebranda indicant. Æthiopes præter  
 Festa Beatissimæ Virginis omnibus com-  
 munita, unum specialem & particularem  
 quolibet mense non sine magna pietate &  
 celebrant & habent. Syriaci specialem utun-  
 tur Calendario pro Festis Sanctorum af-  
 signandis. Nestoriani quosdam etiam San-  
 ctos Doctores habent, quorum Festa pera-  
 gunt. Coptitæ quoque habent Calenda-  
 rium sanctorum Festivitatibus restructum,  
 ut fuso & erudito calamo describit & pro-  
 bat D. Renaudotius Abbas Tomo 5. per-  
 petuitatis fidei lib. 7. cap. 3. ubi etiam tex-  
 tum Græcum Theologorum Orientalium  
 pro invocatione sanctorum refert adversus  
 Protestantes malignantes. Ibidem cap. 4.  
 de veneratione Reliquiarum sanctorum cap.  
 5. de cultu sanctorum Imaginum adversus  
 eosdem tractat.

*Denique eadem veritas ratione, eaque  
 multiplici probatur.*

PRIMA: eodem honore donandi sunt  
 amici Dei, qui donantur amici Principum  
 in terra: sed Matres ægre non  
 terunt subditos gratias ab eis exposcunt  
 intercessionem eorum quos vel ex sangui-  
 ne, vel ex innata amicitia conjunctos ha-  
 bent: a fortiori Deus sanctorum benigne  
 suscipit intercessionem, quæ in gratiam  
 mortalium illi sunt: quod quidem Pro-  
 pheta Regius indicat his verbis Psalmo  
 138. *Nimis honorificati sunt amici tui Deus,  
 nimis confortatus est principatus eorum:* Er-  
 go &c.

Secunda: omnibus modis honorandus  
 est Deus, hoc est & in se, & in suis fi-  
 liis: sic Affluens honore Regio voluit

B b 4 Mir-



Mardocheum donari propter ejus & fidelitatem, & erga semetipsum beneficentiam: sed sancti sunt filii Dei, immo & ab ipso Christo totius orbis iudices constituti: Igitur jure merito invocandi sunt.

*Tertia:* qui omnem habent in cælo potestatem apud Deum, invocandi sunt, ut nobis succurrant: atqui talis est sanctorum auctoritas, juxta illud Proph. Reg. 70. 16. *Introibo in potentias Domini & istud Christi effatum 14. 12. Qui credit in me, opera quæ ego facio, & ipse faciet.* Tum quia sunt ejusdem Christi Domini nostri bonorum hæredes. Ergo &c.

*Fis satis objectionibus.*

**OBJICIUNT** Protestantes nonnisi Viatores invocandos esse, & hoc unum probare auctoritates tum ex Scriptura, tum ex Patribus excerptas. Hoc ipsum confirmat isto Eccl. oraculo cap. 9. ubi habetur: *Mortui nihil noverunt amplius:* Et ista Isaiæ sententia; *Abraham nescit nos, & Isaiæ ignoravit nos:* unde Augustinus libro de Cura pro Mortuis cap. 13. ait. „Si parentes non interfunt, qui sunt alii mortuorum, qui noverunt quid agamus quidve patiamur? Isaias Prophetæ dicit: nos nescivit. „Item Gregorius libro 12. Moralium cap. 14. Origenes lib. 5. contra Celsum, & alii non pauci asserunt mortuos nihil de nobis cognoscere: sed inutile est invocare eos, qui nihil de nobis agnoscunt: igitur sancti nullo modo sunt invocandi.

*Respondeo* negando, Scripturam & Patres nonnisi de iustis viatoribus loqui, dum sanctorum commendant invocationem, & intercessionem: quandoquidem Pater Abraham cognoscebat quæ illi Dives in Inferno pro fratribus suis auxiliandis exposcebat: immo & ille isæ Dives tamen in lacu profundo conclusus, suorum tamen propinquorum urgentes sciebat, & cognoscebat necessitates. Sed celebris est pro nostræ solutionis confirmatione illud Genesios 48. ubi Jacob benedicens filios, invocavit pro eis sanctos jamjam defunctos, & sui ipsius nomen post suum e vita decessum subdit invocandum esse his verbis: *Invocetur super eos nomen meum, nomina quoque Patrum meorum Abraham & Isaiæ.* Hoc ipsum confirmat Apostolus in sua ad Philemonem Epistola cum ait: *Gratias ago & Deo meo, audiens charita-*

*tem tuam & fidem, quam habes in Domino Jesu & in omnes Sanctos.* Eo loci loquitur de illa fide qua Philemon de Sanctorum auxilio plurimum sperare debebat.

*Ad auctoritatem Ecclesiasticæ, distinguo:* mortui sancti nihil noverunt amplius quod illos concurberet, & a divina distrahat visione, concedo: nihil absolute de nobis cognoverunt scientia infusa sicut & intuitiva, nego. Beati, teste divo Thoma, quadruplici donantur scientia, ea scilicet qua Deum intuitivè vident & cuncta in ipso: ea qua per speciem infusionem & revelationem omnia scrutantur mysteria: ea qua etiam per speciem rerum naturalium infusionem, sciunt res omnes naturales: ea denique quam in terris degentes studio & labore comparaverunt: ista quidem non cognoscunt quæ in terris patrantur, cum ibi non sint, bene vero aliis scientiis, accedente Dei placito, & revelatione. In isto sensu Dionysius, & post ipsum sanctus Thomas Angelos sanctos purgari, illuminari, & eatenus perfici docent, quatenus per revelationem intelligunt hominum postulata, & orationes; quas Deo ut intercessores nostri offerunt sicut legitur in libro Apocalypsis cap. 8. v. 3. *Data sunt illi incensa multa, ut daret de orationibus Sanctorum omnium super altare aureum.* Igitur Beati, utpote viatores scientia superantes, orationes & invocationes sibi factas optime norunt; non ita tamen ut de hoc aut tædium, aut a Deo distractionem patiantur, sicut viatores qui implicari negotiis, non sine perturbatione ad multa attendere valent: & hoc unum ex auctoritatibus tum Ecclesiasticæ, tum Isaiæ concludi potest.

*Ad Patres,* dico plurimos errore Millenariorum fuisse detentos, quocirca invocationem sanctorum quidam non satis propugnarunt. Sanctus Augustinus in loco laudato nihil determinat: sed alibi multis in locis eandem defendit invocationem, sicut sanctus Gregorius orat. 24. de sancto Athanasio.

*Respondeo* 2. distinguendo. Patres rejiciunt invocationem sanctorum modo superstitioso factam, concedo: modo debito & religioso ad sanctos directam, nego. Non semel annotata est in plebeis circa invocationem SS. superstitio; quidam enim Angelos, veluti Deos habebant, & cultu latræ venerabantur: ita sese explicat Origenes lib. 5. adversus Celsum

sum his verbis. " Si intellexisset (loquitur de Cello) veros ministros Dei, post ipsius unigenitum Gabrielem, Michaelem . . . . . fortasse colendi significatum expurgantes, & actiones colentium; dixissemus aliquid de hoc loco pro tantæ rei dignitate, non tamen honorem soli Deo debitum his reddimus.

*Instant:* Atqui invocatio sanctorum est superstitio: ergo nulla solutio. Probatum subsumptum. Altaria & Tempia in solius Dei honorem eriguntur, nec alteri quam Deo sacrificium offertur: atqui tamen & pro cultu, & pro invocatione sanctorum sicut Tempia, ita & altaria ædificantur. Ergo &c.

*Respondeo* negando subsumptum. Ad probationem distinguo minorem: ædificantur Tempia & altaria in honorem sanctorum, & totus cultus in Deo veluti in fine ultimo terminatur, concedo: & ad Deum veluti ad ultimum finem non refertur, nego. Hæc omnia fiunt, ut Deus in suis honoretur Sanctis, & illi soli sacrificium offertur, ut illum in sanctis mirabilem prædicemus. Igitur totus cultus sanctorum est relativus, & ad Deum omnium bonorum auctorem principaliter ut ad finem ultimum terminatur & in eo consummatur. Ita docet S. Augustinus de Civ. lib. 8. c. 27. contra Faust. libro 20. cap. 21. Tractat. 48. in Joann. Sermon. 167. novæ editionis & 224.

*Urgent:* atqui invocatio Sanctorum etiam relative facta, est quid supersticiosum. Ergo, &c. probatur subsumptum. Invocatio fide inititur, juxta illud Apostoli Rom. 20. *Quomodo invocabunt in quem non crediderunt?* Sed fides Deum solum respicit: igitur non datur seclusa superstitione, invocatio Sanctorum.

*Respondeo* negando subsumptum. Ad probationem distinguo: invocatio Dei fide fit & fide inititur, concedo: invocatio Sanctorum; subdistinguo: fide quæ est pius cordis affectus, fide qua de alicujus protectione multum confidimus, concedo: quæ est virtus Theologica; nego. Fides duplex distinguitur, altera qua Deo loquenti credimus, & in quem ut in ultimum tendimus finem: altera qua aliquod speramus alicui beneficium amici protectione. Prima credimus in Deum, posteriori in Sanctos, isti Israelitæ credebant in Moysen juxta illud Exodi 14. v. 31. *Crediderunt Domino, & Moysi servo*

*ejus.* Igitur non est supersticiosum invocare Sanctos. Apostolos loquitur tantum in loco pro obiectione allato de fide Theologica, quæ Deum ut ultimum respicit finem, ut verba ista subsequencia indicant: *Quicumque invocaverit nomen Domini, salvus erit.*

*Persistunt:* non sine injuria Christo facta invocari possunt Sancti: igitur per omnia invocatio Sanctorum est supersticiosa. Probatum antecessens: solus Christus, teste Apostolo, est Dei & hominum mediator: sed si invocarentur Sancti, essent utique mediatores, quod quidem procul facit S. Augustinus l. 2. contra Parmenianum c. 8. his verbis. " Si esset mediator Paulus, esset utique & cæteri Apostoli; nec ipsius Pauli constaret ratio qua dixerat *unus Deus, unus mediator, Dei & hominum.* " Igitur Sanctos invocare non licitum est: maxime vero, cum in Scripturis sacris nullum extet de hujusmodi invocatione præceptum.

*Respondeo* negando antecessens. Ad probationem distinguo: est unus mediator redemptionis, concedo: unus invocationis, subdistinguo: principalis, concedo: ministerialis, nego. Christus solus est mediator redemptionis; immo & solus invocationis principalis; ut Sancti absque injuria facta Deo & Christo possunt esse mediatores invocationis ministeriales, quatenus apud Deum pro nobis intercedunt. Sanctus Augustinus unum solummodo intendit, scilicet viatores non debere invocare Sanctos, suum in eis ultimum ponendo finem. Sanctus Doctor suam prodit mentem Tractatu primo in Epistolam primam Joannis, ubi duplex mediatoris genus distinguit, & hoc in eodem prioris sensu quo impræsentiarum dicimus.

*Utro* fatemur non esse quidem præceptum explicitum in sacris Scripturis de invocatione Sanctorum: sed certe est implicitum, cum non semel in istis Scripturis, immo & Deo permittente, quandoque etiam ordinante, Justi & Sancti invocati sint: cum autem Christus Ecclesiæ reliquerit potestatem, ea quæ spectant cultum determinandi, & ipsa in Conciliis definierit Sanctos esse invocandos, absque fundamento Heterodoxi Sanctorum invocationem ut quid supersticiosum & illicitum rejiciunt.

## SYNOPSIS PROBATIONUM.

*Pium est & justum invocare Sanctos.*

**PRIMO.** Ipse Moyses invocavit Patriarchas, & Beatus Petrus promittit fidelibus suam etiam post obitum seie curam de eis habiturum.

**Secundo.** Hoc ipsum declaravit & licitum & justum, secundum Concilium Nicænum: cui concinunt Sanctus Cyprianus, Hieronymus & alij Patres.

**Tertio.** Quia data est Sanctis omnis potestas in cælo & in terra: amicis suis quippe Deus nihil denegat, & eorum in omnibus quæ suam spectant gloriam, exaudit orationes.

## SYNOPSIS OBJECTIONUM,

## ET RESPONSIONUM.

**PRIMO.** Besti nihil quidem noverunt de his quæ in terris patrant homines per modum anxietatis & sollicitudinis, bene vero per modum commiserationis & charitatis: namque cuncta in Verbo, accedente revelatione, & Dei ordinatione, cognoscunt: igitur & viatorum postulationes ad eos directas sciunt, & pro nobis apud Deum intercedere possunt.

**Secundo.** Ecclesia quidem & Tempia & altaria in honorem Sanctorum quandoque erigit, sed soli Deo offert Sacrificium, & eum solum bonorum auctorem ac gratiæ largitorem agnoscit.

**Tertio.** Sancti sunt quidem mediatores, non sane redemptionis, sed solummodo invocationis, & hoc ministerialiter, adeoque seclusa omni & superstitione, & injuria Deo facta.

## ARTICULUS QUARTUS.

*De cultu sanctorum Imaginum.*

**M**ATERIA illa mirabilis admodum copiosa est: hinc illam claritatis causa in diversis sectionibus pertractare non injucundum erit.

## SECTIO PRIMA.

*De adoratione Sanctæ Crucis.*

**CLAUDIUS** Taurinensis Felicius Urgelitani discipulus, anno 816. in Occidente debacchatus est contra S. Crucem, dicendo illam esse instrumentum ignominiosum: ejus quoque impugnavit cultum Petrus de Bruys; eos imitati sunt Valdenses, Viclefitæ & Calvinistæ. Contra istos perditionis filios ad dogma Catholicum stabiliendum Crucem Christi tristissime considerabimus, primo quidem in se, 2. in ejus imagine permanenti, quales sunt Cruces vel depictæ vel sculptæ; 3. in imagine transiente, quale est signum Crucis, quo quisque Catholicus se signare consuevit. Unde fit

## CONCLUSIO PRIMA.

Vera Crux & singulæ illius partes adorandæ sunt cultu lætitiæ relativo ad Christum.

*Probatur prima pars, scilicet Crucem Christi esse adorandam.*

*Primo, Ex figuris veteris Testamenti.*

**A**RBOR vitæ ex Damasceno lib. Orthodoxæ fidei significabat vitam nobis per arborem S. Crucis datam, ut medelam Deus ferret, hostis unde læserat. Arca Noe quæ residuum mundi ab aquis salvavit, teste Isidoro in cap. 14. Gen. fuit typus liberationis a diluvio peccati & Inferni per eandem Crucem conferendæ. Scala Jacob, tunc S. Hieronymo in Psal. 98. & S. Augustino serm. 79. in ejus cacumine videbatur Deus, Christum in altari Crucis aperientem cælos demonstrabat. Virga Moysis, quæ divisit mare ad salvandos Israelitas, & in Terram promissionis deducendos, quæque postea in aquis conclusit Pharaonem eorum inimicum, significabat Crucis baculum quo Christus nostra abstergit crimina; quo, morte devicta, cælum nobis apernit; quo dæmonem generis humani hostem devicit. Lignum projectum a Moïse in aquas Mara ut dulces eas redderet, teste Prospero lib. 1. de prædicationibus c. 380. utique est signum S. Crucis, qua multas nobis promeruit Dominus Jesus consolationes. Serpens æneus

æneus elevatus in deserto, ipso teste S. Chrylosiomo indigebat Filium Hominis in Cruce exaltandum ut de inimicis nostris triumphans, salvaret nos per fidem & intuitum in ipsum. Quibus positis, sic arguuntur: Instrumentum gratiæ, instrumentum vitæ & salutis cultu latriæ est adorandum: atqui sancta Crux fuit instrumentum & vitæ & salutis, ut veteris Testamenti indicant figuræ. Igitur Crux Christi adoranda est cultu latriæ.

### Secundo, Ex novo Testamento.

1. CRUX fuit ara in qua Christus immolatus nos redemit, juxta illud ad Coloss. 1. de Christo: *In ipso complacuit omnem plenitudinem abundare, & per eum reconciliare omnia in ipsum, pacificans per sanguinem Crucis ejus.* Igitur adoranda est.

2. Christus per Crucem diabolum devicit, juxta illud ad Coloss. 2. *Delens quod adversus nos erat chirographum decreti, quod erat contrarium nobis, & ipsum tulit de medio, affigens illud Cruci, & expoliatis Principatus.* Ergo &c.

Denique Crux fuit consecrata per Christi contactum: ergo adoranda est, juxta illud Psal. 131. de Christi Cruce, teste Damasceno: *Adorabimus in loco ubi steterunt pedes ejus.* Everso si locus in quo stabat Angelus, Jolue 5. sanctus erat, quanto magis Crux in qua stetit Christus Sanctus Sanctorum, Sancta est, adeoque & veneranda?

### Tertio, Ex miraculis patris in Inventione & Translatione sanctæ Crucis.

MAGNUM habemus ad adorandam S. Crucem motivum in miraculis quæ ejus contactu non semel patrata sunt. Inter tot & tanta signa duo celeberrima sunt, illi scilicet quæ in Crucis & Inventione & Exaltatione facti referuntur: in Inventione quidem, namque alte desolæ tres Cruces erutæ sunt; repertusque seorsum ab illis Crucis Dominicæ titulus: qui cum ex tribus, cui affixus fuisset, non appareret, eam dubitationem, inquit Ecclesiæ, sustulit miraculum. Nam Macarius Jerosolymorum Episcopus, factis Deo precibus, singulas Cruces cuidam feminæ gravi morbo laboranti admovit: cui cum reliquæ nihil profuissent, adhibita tertia Crux statim eam sanavit: In Exaltatione quoque magnum affulsit prodigiū. Sic enarrat

eandem Mater Ecclesiæ. Heraclius Imperator sanctam Crucem auro & gemmis ornatus ad Calvariam locum eam deferre tentans, media in via hæsit, & gradum sistere non sine circumstantium stupore compulsus est. Tum Zacharias Jerosolymorum Antistes Heraclium sic allocutus est: Vide Imperator, ne isto triumphali ornatu, in Cruce ferenda parum Jesu Christi paupertatem & humilitatem imitere. Tum Heraclius abiecto amplissimo vestitu, detrahitque calceis, ac plebeo amictu indutus, reliquum viæ facile confecit.

### Quarto, Ex sanctis Patribus.

CYRILLUS Jerosolymitanus Cathec. 10. Hieronymus Epist. 17. ad Marcellam: S. Leo Serm. 8. de Pass. prædicant Crucem sanctam adorandam esse: ita statuit Concilium generale septimum a. d. 7. definiit quippe typum seu imaginem sanctæ Crucis adorandam esse, a fortiori ipsam Crucem.

Probatur secunda pars, scilicet Crucem adorandam esse solum cultu latriæ respectivo. Adoratur Christus cultu latriæ: sed Crux adoratur propter Christum: igitur cultu latriæ solum respectivo. Confirmatur: excellentia est motivum adorationis specificativum: sed excellentia in ipsa Cruce relucens, est excellentia Christi, ad quem habet ordinem: igitur adoranda est cultu latriæ solum relativo.

## CONCLUSIO SECUNDA.

Imago S. Crucis vel picta, vel fusa, vel sculpta, vel ex qualibet materia fabricata, est adoranda cultu latriæ respectivo.

### Probatur primo ex Conciliis.

CONCILIIUM sextum generale a. d. 72. septimum actione ultima, octavum actione quoque ultima sic statuunt atque definiunt. Igitur imago sanctæ Crucis adoratione relativa & respectiva donanda est.

### Secundo, Ex Patribus.

S. IGNATIUS Martyr Epist. ad Philipp. Crucis imaginem spectatam relative ad Crucem veram vocat trophæum erectum contra diaboli potentiam: Tertullianus in apo-

apolog. c. 16. hunc probat Religionis cultum adversus Gentiles: Origenes lib. 6. in Epist. ad Romanos, c. 6. dicit hoc Signum omnem & dæmonis, & concupiscentiæ impetum frangere: Lactantius qui floruit 3. labente sæculo in carmine de Passione Domini, ait:

*Quisquis ades, mediique subis ad limina Templi,*

*Siste gradum, insontemque tuo pro crimine passum,*

*Respice . . . . cerne manus clavis fixas, traïctoque lacertos.*

Ex his & similibus auctoritatibus patet ab initio Ecclesiæ morem fuisse non solum adorare Crucem, sed ipsum Christum in ea depingere; qui quidem usus publice floruit pietate Constantini, ut refert Eusebius lib. 1. de illius vita, c. 40. Igitur Crux adoranda est. Quod illo ulteriori potest probari argumento. Idem est motus in imaginem & prototypum: sed Christum adoramus crucifixum: ergo & Crucem relative ad ipsum colere & adorare, si ut pium ita & iustum est.

### CONCLUSIO TERTIA.

Signum Crucis quo aliquis se signat in fronte, ab Apostolis originem ducit, & est quidem in praxi religiosissimum.

**P**ROBATUR prima pars. Juxta regulam D. Augustini lib. 4. de Baptismo contra Donatistas, c. 24. quod universa tenet Ecclesiæ, nec Concilii alicujus decreto institutum, sed semper retentum est, non nisi auctoritate Apostolica traditum recte creditur: atqui usus signi Crucis, ubique semper, & ab omnibus Christianis fuit usurpatus, nec in ullo Concilio legitur institutum, & probatur: Tertullianus lib. de corona militis, ait: "Ad omnem progressum atque promotum, ad omnem adiutum & exitum, ad vestitum & calceatum, ad lavacra, ad mensas, ad limina, ad cubilia, ad sedilia quocumque nos conversatio exercet, frontem Crucis signo ferimus." Postea subiungit: "Hæc hujusmodi disciplinarum, si legem exposuimus scripturarum, nullam invenies, Traditio tibi prætenditur, auctrix, consuetudo, confirmatrix, & hæc ob-servatrix." Succinit Origenes hom. 6. in Exod. Athanasius in vita S. Antonii,

quem signo Crucis non semel dæmones fugasse enarrat tom. 2. pag. 823.

Probatur secunda pars, scilicet signum Crucis esse veneratione dignum, & religiosum 1. Ex effectibus mirabilibus, quorum primus est fugare dæmones, ut ait S. Ephrem lib. de poenitentia, & Cyrillus Jerosolymitanus: Quia dum vident, inquit, recordantur Crucifixi, a quo fuerunt devicti, undeciescuntur e corporibus & animabus efficacia signi Crucis. Secundus est, morbos pellere, & a malis imminentibus servare: constat enim ex Historiis sacris multa miracula signo illo mirabili fuisse patrata. Tertius est, sanctificare elementa: hoc quippe signo Ecclesiæ utitur pro miteria Sacramentorum, juxta illud Augustini tract. 118. in Joannem de illo signo: "Signum nisi adhibeatur sive frontibus credentium, sive ipsi aquæ ex qua regenerantur, sive oleo quo unguuntur, sive sacrificio quo aluntur, nihil rite perficitur.

Secundo, Ex figuris veteris Testamenti.

PRIMA, est sanguis Agni occisi in postibus Aedium resperis, ut Hebræi liberarentur per tale signum ab Angelo exterminatore, ut refertur Exodi 12. "Ita, inquit Aug. lib. 21. sententia unde, cima, signabimus limina frontis & cordis ad fugandos dæmones."

Secunda figura est TAV, juxta illud Ezech. 9. Signa TAV, supra frontes virorum gementium & dolentium, ait Dominus, Transite per mediam civitatem, & percutite, non parcat oculus vestester . . . Omnem autem super quem videritis TAV, ne occidatis. De quo Tertullianus lib. 3. contra Marcionem sic ait: "Ipsa est littera Græcorum Tav. nostra autem T, species Crucis quam portendebat futuram in frontibus nostris apud veram & Catholicam Jerusalem."

Tertia figura est signum illud Dei vivi, quod habens Angelus Apoc. 7. Clamavit voce magna quatuor Angelis: Nolite nocere terre & mari, neque arboribus, quoadusque signemus servos Dei nostri in frontibus eorum. Quod quidem Beda, Rupertus, & alii interpretantur de signo Crucis: igitur mos se Crucis signo munire, ortum ab Apostolis habet. Revera quidem Martyres signabant se Cruce, ut ad tormenta æquo, inviolatoque animo propter Christi amorem toleranda pergerent. Sic refertur Act. Mart. pag. 440. & 572.

Ter

Tertio, *Ex perpetuo Orientalium usu.*

OMNES Orientales tum in Liturgiis, tum in confessione Sacramentorum, tum etiam in benedictionibus & panis & vestium sacerdotalium signo Crucis cum magna fide & pietate utuntur. Coptitæ signum Crucis ita multiplicunt, ut tractatum habeant particularem, in quo signa Crucis quæ a consecratione usque ad communionem fieri debent numerantur & ordinantur: eadem signorum Crucis cæremonia reperitur in officiis Baptismi Græcorum, Melchitarum, in officiis Severi Antiochi, & Jacobi Edestæ, quos quidem Ritus observant Jacobitæ, & reperiuntur in omnibus Ritualibus, maxime vero Æthiopum, Coptitarum & Nestorianorum.

*Quid plura?* omnia Pontificalia omniaque Ritualia signum Crucis veluti omnium cæremoniarum fundamentum instituunt, ut observat S. Aug. tract. 18. in Joan. his verbis: "Quod signum nisi adhibeatur, frontibus Credentium, sive ipsi aquæ, qua regenerantur, sive oleo quo chrismate, te inunguntur, sive sacrificio quo aluntur, nihil eorum rite perficitur."

*His omnibus* addit morem apud primos Christianos inolevisse, ut signo Crucis in omnibus ferme actionibus, maxime vero in Sacramentorum usu eodem per omnia utebantur Anachoritæ & Martyres, ut ipsa Martyrum Acta referunt his verbis: "Euplius libera manu signans tibi frontem, Euplius signaculum Christi faciens in fronte sua. Act. Martyr. pag. 319. & 34. rursus ergo perterrosiacti Crucis signum suæ quisque impressit fronti p. 362. totumque suum corpus signo Crucis muniens p. 364. & Act. S. Theodori; hæc ubi dixit Christi miles signo Crucis se muniens: Act. S. Gordii p. 572." Renod. l. 7. c. 6. perp. si.

Quarto, *Ratione.*

ILLUD est religiosum, quod nos Christo unit per sanctam commemorationem, iuxta illud Psal. 118. *Memor fui Dei & delictatus sum*; quod nos ad Christum amandum stimulat; quod compescit passionem & fugat dæmones: atqui signum sanctæ Crucis hæc omnia operatur: primo quidem ex opere operantis, idest per fidem illius qui se signat, & per confessionem Christi: deinde vero etiam aliquo modo ex opere

operato; refert enim S. Gregorius Nazianzenus orat. 1. in Julianum, S. Epiphanius hæres. 30. Judæos & Paganos solum intendentes facere, quod faciunt Christiani hoc signo fugasse dæmones: ergo, &c.

*Solvuntur objectiones adversus primam conclusionem militantes.*

OBJICIUNT 1. Heterodoxi. Tempore Apostolorum vera Crux integra extabat, nec tamen legitur eos illam adorasse. 2. Magdeburgenses adversus Inventionem sanctæ Crucis, plurima opponunt dicentes quaesitam fuisse a sancta Helena curiositatis, & non devotionis animo: S. Ambrosium fuisse primum qui locutus sit de hac Inventionem; Eusebium in vita Constantini nihil de ea referre: quocirca historiam apocrypham esse propugnant, maxime vero quia Scriptorum de hoc momento non sunt convenientia testimonia, tum quia Gelasius Papa scripta de Inventionem sanctæ Crucis non probavit, ut patet ex illius verbis quæ habentur in decreto distinct. 15. cap. *Sancta Romana Ecclesia*, neque in Synodo Romana habita anno 492. approbata sunt denique scripta de Inventionem sanctæ Crucis & capituli S. Joannis Baptistæ hominum commenta & falsis innixa revelationibus esse asserunt. Igitur Crux absque fundamento a Christianis adoratur.

*Respondeo* ad primum: non omnia quæ fecere Apostoli esse scripta: falsum est autem eos non coluisse sanctam Crucem, quandoquidem S. Andreas magno cum júbilo illam desideravit & amplexus est, sicut & cæteri Martyres. De Apostolis Act. 5. legitur: *Ibant Apostoli . . . gaudentes quoniam digni habiti sunt pro nomine Jesu contumeliam pati.* Et Apostolus ad Gal. 6. 14. *Mibi absit gloriari nisi in Cruce Domini nostri Jesu Christi.*

*Ad secundum:* Eusebius, Ambrosius, Paulinus, Sulpitius, & alii magnis sanctam Helenam efferunt laudibus eo quod pro inveniendâ S. Cruce laboraverit. Falsum est sanctum Ambrosium fuisse primum qui de sancta Cruce scripserit: Cyrillus enim Jerosolymitanus Episc. ad Constantium Augustum, & Constantinus ipse in Episc. ad Machar. ut refert Eusebius, lib. 8. de vita illius, de sancta Cruce fufum habent sermonem.

*Ad tertium:* Falsum est etiam Eusebium non loqui de sancta Cruce, nam in Chronico a Divo Hieronymo Latine reddito, scri-

scribit anno 305. Helenam cœlitus monitam, Jerusalem petiisse pro sancta Cruce inveniendâ: parum vero reputatur Auctores de anno & chronologia disceptare, cum nequidem conveniant de anno Baptismi & Passionis Christi, sed una voce factum Inventionis sanctæ Crucis profitentur, quod sane sufficit ad fundandum iudicium prudentiale ad sanctam Crucem, ea qua par est reverentia & religione adorandam.

Ad Gelasium dicimus eum non condemnare Historiam de Inventione S. Crucis; sed potius libellum quemdam, qui suo tempore circumferebatur, cuius hæc erat inscriptio: *Revelationes de Inventione sanctæ Crucis*, quem quidem libellum non absolute reprobatur, sed caute legendum declarat: igitur Magdeburgenses, Erasmus & quidam alii incausam Inventionis sanctæ Crucis historiam explodunt.

*Instant*: Crux non est veneranda, quippe quæ dolorem & ignominiam Christo attulerit: tum quia Catholici in hoc imitarentur Judæos, qui gaudebant de ignominia Christi in Cruce affixi: tum quia Filius non Patris patibulum venerari usquam debet.

*Respondeo* negando Crucem Domini non esse venerandam. Ad primam in contrarium probationem, distinguo: Crux attulit dolorem Christo simul & gloriam, concedo: nam ad Philipp. 1. habetur: *Humiliavit semetipsum factus obediens usque ad mortem, propter quod Deus exaltavit illum*. Attulit dolorem & ignominiam tantum, nego.

Ad secundam objectionis probationem, etiam distinguo: si animo odii & per contemptum, ut Judæi, de Christi patibulo gauderemus, illos imitaremur peridos, concedo: si de Cruce gaudeamus propter ejus & triumphum, & exaltationem, nego. Porro in secundo tantum sensu crucem veneramus; namque gaudium mundum attulit maximum, cum illa Christus nostram operatus sit salutem, dicens, Joann. cap. 12. 32. *Si exaltatus fuero a terra, omnia traham ad me ipsum*.

Ad tertiam Heterodoxorum instantiam patet solutio: non enim gaudemus de cruce reduplicative ut est patris nostri amantissimi Domini Jesu opprobrium; sed potius ut est ejus gloriæ instrumentum, juxta illud ad Philipp. 2. de Christo: *Humiliavit semetipsum factus obediens usque ad mortem; mortem autem Crucis, propter*

*quod & Deus exaltavit illum, & donavit illi nomen quod est super omne nomen; ut in nomine Jesu omne genu flexatur cœlestium, terrestrium, & infernorum, & omnis lingua confiteatur quia Dominus Jesus est in gloria Dei Patris*.

*Reponunt*: si Crux adoranda est, maxime propter duo: videlicet quia & Christum sustinuit atque tetigit, & in hoc fuit salutis nostræ instrumentum: sed hoc posito, uterus quoque læcer Sanctissimæ Virginis qui Christum ipsum novem portavit mensibus, & omnia quæ Christus tetigit propter sanctæ humanitatis contactum vel activum, vel passivum; quinimo & manus tortorum quæ Christum cruci affixerunt, & ipsum Judæ impium os quo Dominum deosculatus est, ut illum mortis traderet, & alia similia adoranda forent: quod certe nemo cordatus dixerit: Ergo, &c.

*Respondeo* 1. Illa solum veneratione digna esse quæ specialem habuerunt ad Christum per modum aut amoris, aut religiosi famulatus relationem: & hoc per distributionem accomodam. Mensa v. g. in qua Christus sui corporis instituit Sacramentum, cultu religioso, sed non latræ donanda est. Dico non latræ, quia Christum veluti sancta Crux non representat. Idem dicendum de cæteris passionis Dominicæ instrumentis: ass neque manus tortorum, neque proditoris os aliquo digna sunt cultu, cum non per modum conversionis, sed potius averisionis ordinem habuerint ad Christum.

*Respondeo* 2. Uterum Beatissimæ Virginis præ cæteris omnibus esse venerandum, cultu scilicet hyperdulæ, juxta illam piæ mulieris ad Christum acclamationem Lucæ 11. 27. *Beatus ventris qui te portavit, & ubera que suxisti*. Sed non cultu latræ, quandoquidem uterus ille sacer erat quid a Christo distinctum; crux vero consideratur ut Christus ipse reduplicative ut crucifixus; & sic non sequitur ea omnia quæ Christum tegerunt, esse adoranda, tametsi crucem adoremus. Solutio est D. Thomæ qui 3. p. 4. 25. art. 5. ita loquitur; "Cum igitur Beata Virgo sit pura creatura rationalis, non debetur ei adoratio latræ: sed solum veneratio dulæ, eminentius tamen quam cæteris creaturis, in quantum ipsa est Mater Dei. Et ideo dicitur quod debetur ei non qualicumque dulæ, sed hyperdulæ." & ibidem ad 3. ait "Dicendum, quod Crux

„ Crux non est capax venerationis prout  
 „ in se consideratur, ut dictum est: sed  
 „ Beata Virgo secundum se ipsam est ve-  
 „ nationis capax. Et ideo non est simi-  
 „ lis ratio. „

*Urgent* : S. Ambrosius in Oratione Fun-  
 nebri Theodosii Imperatoris de sancta He-  
 lena sic loquitur. „ Helena Regem adora-  
 „ vit, non lignum, quia hic Gentilis  
 „ est error, & vanitas impiorum: sed  
 „ adoravit illum qui pendit in ligno. „  
 „ Idem prorsus asserit Minutius Felix in Dia-  
 „ logo qui Octavius inscribitur. „ Crucis,  
 „ inquit, nec colimus; nec optamus. „  
 „ Igitur crux non est adoranda.

*Respondeo* distinguendo antecedens: &  
 vult solum S. Ambrosius S. Helenam non  
 adorasse crucem more Gentilium qui er-  
 rore detenti lignum tanquam numen ha-  
 bebant & colebant, concedo: & propu-  
 gnat S. Helenam non coluisse lignum Cru-  
 cis relative ad Christum, hoc est, non  
 adorasse Christum in cruce, nego. Ipsa  
 objectionis verba piam Imperatricem sic  
 coluisse Crucem indicant. Hæc veritas  
 colligitur ex eodem S. Ambrosio l. 3. E-  
 pistolarum Epist. 22. hoc iterum decla-  
 rat S. Doctor in Oratione Funebris cita-  
 ta; namque post verba pro objectione al-  
 lata, subdit. „ Sapiens Helena in caput  
 „ Regum levavit, ut Crux a regibus ado-  
 „ raretur. „ Eadem est solutio ad aucto-  
 ritatem Minutii.

*Dices*. Si crux propter Christi conta-  
 ctum adoranda est, adorare quoque opor-  
 tet omnia Passionis instrumenta, & ea om-  
 nia quæ sacrum Christi Corpus tetigerunt:  
 immo & colendæ sunt Imagines & ex-  
 pressionis clavorum, item & palæ ad mo-  
 dum Crucis expressæ quæ occurrunt in  
 via, & pedibus calcantur.

*Respondet* D. Th. nas 3. p. q. 25. art.  
 4. his verbis ad tertium: „ Dicendum  
 „ quod quantum ad rationem contactus  
 „ membrorum Christi, adoramus non so-  
 „ lum Crucem, sed etiam omnia quæ  
 „ sunt Christi. Unde Damascenus dicit  
 „ in lib. pretiosum lignum ut sanctifica-  
 „ tum tactu sancti Corporis & Sangui-  
 „ nis, decenter adorandum, clavos, in-  
 „ dumenta, lanceam, & sacra ejus ta-  
 „ bernacula, quæ sunt præsepel, spelun-  
 „ ca, & huiusmodi. Ista tamen non re-  
 „ præsentant Imaginem Christi, sicut Crux,  
 „ quæ dicitur signum Filii hominis, quod  
 „ apparebit in Cælo: ut dicitur Matth.  
 „ 24. ideoque mulieribus dixit Angelus,

„ Jesum queritis Nazarenum crucifixum.  
 „ Et inde est quod Crucem Christi vene-  
 „ ramur in quacumque materia, non au-  
 „ tem Imaginem clavorum, vel quorumcum-  
 „ que huiusmodi. „

*Cæterum* palæ ad modum Crucis expres-  
 sæ in via occurrentes non habent ex usu  
 & ordinatione Ecclesiæ relationem ad san-  
 ctam Crucem & Christum, quippe quæ  
 casualiter & per accidens ad modum Cru-  
 cis sint expressæ.

## SYNOPSIS PROBATIONUM.

*Crux vera cultu latriæ, eoque ad Christum  
 relativo veneranda est: idem dicendum  
 de Imaginibus ejusdem Crucis: mos signan-  
 di se cruce ortum habet ab Apostolis, &  
 est religiosus.*

PRIMUM patet ex figuris veteris Testa-  
 menti: scala quippe Jacob qua Angeli  
 descendebant in terram, & ascendebant  
 in cælum; sicut lignum projectum a Moï-  
 se in aquas, cuius contactu dulces factæ  
 sunt, designabant sanctam Crucem, qua  
 Christus nostram salutem operatus est. I-  
 gitur sancta Crux cultu latriæ donanda  
 est, & hoc relative ad Christum, ejus  
 quippe contactu omnem sortita est ad san-  
 ctificandos homines virtutem. Quid plura?  
 Christus cultu latriæ colitur abso-luto; igitur  
 & relativo eodem cultu eatenus do-  
 nanda est sancta Crux, quatenus fuit ara  
 in qua immolatus Dominus Jesus Patri  
 nos reconciliavit.

*Secundum* utique verum est: namque  
 definivit septimum Concilium Generale a-  
 ctione septima Imaginem sanctæ Crucis a-  
 dorandam esse, & hoc relative ad Chri-  
 stum: & vero motus in Imaginem termi-  
 natur ad prototypum.

*Tertium*, videlicet morem se signare Cru-  
 ce ortum habere ab Apostolis, claret ex  
 ipsa Traditione. Ita testatur S. Augustinus  
 libro 4. de baptismo contra Donatistas cap.  
 24. & ante ipsum Tertullianus lib. de Co-  
 rona Militis. Quod autem ille usus sit  
 bonus & sacer, patet ex multis Historiis:  
 Martyres quippe signabant se Cruce, ut  
 æquo tolerarent animo tormenta. Sic re-  
 fertur Act. Mart. pag. 440. Scribit quoque  
 sanctus Athanasius in vita sancti Antonii  
 eundem Sanctum signo sanctæ Crucis non  
 semel fugasse Dæmones.



## SYNOPSIS OBJECTIONUM.

## ET RESPONSIONUM.

**PRIMO.** Tamen si non legamus Apostolos adorasse sanctam Crucem, non ideo factum istud negandum est, cum de iis scriptum sit *A. & Ibant Apostoli gaudentes a conspectu Concilii, quoniam digni habitus sunt pro nomine Jesu contumeliam pati*. Cum igitur in Cruce Domini gloriabantur, citra dubium est lignum illud pretiosum omni qua par erat reverentia adorasse. Hoc ipsum indigat Traditio, cum ex Apostolis cultus sanctæ Crucis ortum ducat.

**Secundo.** Incassum debacchantur Magdeburgenses adversus Historiam Inventionis sanctæ Crucis, ejusque cultum: utrumque enim momentum defendunt Patres, & perpetuo Ecclesiæ usu confirmatum est.

**Tertio.** Licet Crucem veram adoremus, non ideo tamen crucifixores qui Christum tetigerunt sunt colendi: namque Crucem propter ad Christum relationem veneramur: at tortores odio Christum habebant, quippe qui illum tangerent, ut eundem dilaniarent & occiderent.

## SECTIO SECUNDA.

## De cultu Sanctorum Imaginum.

**MULTA** ad quæstionis intelligentiam observanda sunt. Primo quidem aliquas Imagines effingi posse 2. Nullam inesse eis virtutem, qua honor aliquis illis debeatur. 3. Cultum divinum nusquam eis deberi. 4. Nullum esse in Ecclesia præceptum de cultu Imaginum, nec hoc pertinere ad fidem; sed tantum licitum est. Sanctas honorare & venerari Imagines non redolet aut superstitionem, aut idololatriam ut Iconomachi tum veteres, tum recentiores posuerunt. Igitur ad disciplinam pertinet SS. Imaginum venerari, eamque Ecclesia modo permittere, modo rescindere, si adesset abusus aliquis, potest. Tota igitur inter nos & Protestantem controversia est, an cultu religioso & non solum civili donandæ sint sanctæ Imagines: primum si quidem inficiantur.

**Non** abs re erit iterum observare, Imagines vulgo effingi solum de rebus corporalibus: nam debet esse relatio inter signum & rem signatam. Quia tamen Verbum suum præludens Incarnationem quan-

doque sub figura vocis, quandoque etiam sub figura humana, similiter & Angeli sensibiles sese hominibus præbuerint, usus invaluit, ut Deus, & Angeli quibusdam Imaginibus, non quidem illos repræsentantibus, sed significantibus, hominum oculis objicerentur, ut invisibilia Dei per visibilia intellecta ad ciendos pietatis affectus conspicerentur. Nam & Arca repræsentabat Israelitis Deum: & Cherubin illam protegentes, exprimebant Angelos quos Dominus fecit Ministros suos atque ignem amore creatoris urentem.

**Jam** vero tria distinguere oportet, scilicet Imaginem, idolum & simulacrum. Imago est expressio rei subsistens, idolum vero, rei fictæ, ut cum numen aliquod repræsentatur cum corpore humano caput hirci præ se ferente, sicut legitur de figura Jovis. Simulacrum tandem est expressio rei quandoque veræ, ut idolum repræsentans Mercurium qui fuerat homo peccator; quandoque falsæ, ut cum Imago vel statua monstri figuram exprimit, & semper falsæ in Divinitate, quæ nulli creaturæ convenire potest.

**Porro** Imago potest depingi tripliciter, primo quidem ita ut aliquis intendat depingere vel Deum, vel Angelum secundum suam naturam. 2. Ita ut scopus sit illos dumtaxat repræsentare in forma sub qua apparuerit Prophetis. 3. Ita ut Imago sit signum quoddam nos manuducens ad cognitionem Dei invisibilis qui ad suam, v. g. designandam majestatem sub forma Regis in Throno sedentis, apparere voluit.

**Certum est** idola & simulacra esse prohibita: certum est etiam Imagines tum Deorum Angelorum in primo sensu explicato, esse prohibitas, sicut & eas quæ repræsentarent aliquem Sanctum modo vel inhonesto, vel ridiculo & inepto. Tridentinum sess. 25. eas prohibet, & Episcopi in suis visitationibus conveli curant. Quia vero solent hæretici irridere Ecclesiam Sanctam Christi eamque in cultu, quem exhibet sanctis Imaginibus, exosam reddere satagunt, dicendo eam & Deo atque Angelis corpora tribuere, & cultum supersticiosum sanctis Imaginibus tanquam idolis reddere. Tria nunc occurrunt examinanda; alterum de pictura Dei & Angelorum secundum Ecclesiæ usum; alterum de pictura Christi; Deiparæ & Sanctorum; alterum de cultu Sanctorum Imaginum.

## PUNCTUM PRIMUM.

*Utrum Deus & Sancti Angeli representari possint sub aliqua sensibili figura, qua manducatur animus per visibilia ad invisibilem cognitionem & amorem?*

## CONCLUSIO.

Licetum est & pium representare Deum & sanctos Angelos sub aliqua specie forma sensibili.

*Probatum auctoritate & ratione.*

*Primo. Ex veteri Testamento.*

**I**LLUD est licitum, quod ipsum Deum habet auctorem: atqui ejusmodi pictura ipsum Deum habet auctorem: igitur licitum est, immo & pium Deum & Angelos sub aliqua specie corporali representare. Probatum minor. Deus ipse apparuit Adamo sub forma hominis deambulantis in Paradiso, ut habetur Gen. 3. sub forma vero Regis sedentis in Throno visus est Isaac: sic enim scribit Propheta c. 6. *Vidi Dominum sedentem super solium excelsum & elevatum.* Idem argumentum est pro Sanctis Angelis eademque probatio. Nam Exodus 25. Moyses iussu Dei duos Cherubim aureos sub forma hominis altit posuit super Arcam. Et 3. Regum c. 6. legitur Regem Salomonem duos alios ex ligno olivarum decem cubitorum altitudinem habentes, qui expansis manibus & aliis eandem protegerent Arcam, construxisse. Item Isaias sub hujusmodi forma vidit duos Angelos c. 6. *Vidi, inquit, Dominum sedentem sub solium excelsum & elevatum . . . . . Seraphim stabant super illud: sex alae nui & sex alae alteri.* Nonne Angelus sub specie hominis lustrabatur cum Jacob? Sic enim scriptum est Gen. 32. *Eccc vir lustrabatur cum eo usque mane.* Porro eadem prope est ratio pro picturis ac pro quacunque specie sensibili. Igitur & Deus & Angeli sub aliqua forma corporali representari possunt.

*Secundo. Ex novo Testamento.*

**C**ONSTAT Spiritum Sanctum corporali specie apparuisse & super Christum descendisse, quinimmo & Patrem Aeternum.

*Benedict Theol. Tom. I.*

sub vocis Symbolo se praebuisse sensibilem: sic enim habetur Matth. 3. *Baptizatus autem Jesus confestim ascendit de aqua. Et ecce aperti sunt caeli: & vidit Spiritum Dei descendentem sicut columbam, & venientem super se.* Et ecce vox de caelis dicens: *Hic est Filius meus dilectus, in quo mihi complacui.* Marci 1. eadem repetitur 2. 10. his verbis: *Ascendens de aqua vidit caelos apertos, & Spiritum tamquam columbam, descendentem & manentem in ipso.* Luc. 3. 22. habetur: *Descendit Spiritus Sanctus corporali specie sicut columba in ipsum.* Unde Concilium septimum Generale Aët. 5. approbat Spiritum sanctum sub forma columbae depingi.

Jam vero quid de variis modis figuris, quae quibus Joan. vidit Filium Dei in Apoc. dicam? Hunc vidit in Throno sedentem similem lapidi jaspidis. Vidit & septem Spiritus Dei sub forma lampadum. Quid plura? Vidit Verbum incarnatum sub specie Agni immolati. Sic enim habetur c. 4. *Statim sui in Spiritu: & ecce sedes posita erat in caelo; & supra sedem sedens: Et qui sedebat, similis erat aspectui lapidis jaspidis & sardinis. . . . Et de Throno procedebant fulgura, & voces & tonitrua: & septem Lampades ardentes ante Thronum, qui sunt septem Spiritus Dei.* Denique c. 5. *Vidi: & ecce in medio Throni, & quatuor animalium, & in medio seniorum, Agnum stantem tanquam occisum, habentem cornua septem, & oculos septem, qui sunt septem Spiritus Dei.* Certe nemo non scit; neque Deum similem esse lapidi jaspidis; neque Christum, Agno; neque Spiritus Dei esse aut septem Lampades, aut oculos Agni: si igitur istis Symbolis Deus usus est ut se manifestum redderet Propheta Evangelico: haud dubium est posse ejusmodi signis indigitari hominibus.

*Tertio, Ex Conciliis.*

**P**RIMO. Ex septima Synodo quae Aët. 5. probavit, pium esse Spiritum Sanctum sub forma Columbae representari. Item & in Tridentino Can. 5. in Decreto de sanctis Imaginibus. Ratio triplex assertur: prima, quia ejusmodi picturae & Imagines in memoriam nostram revocant tum Dei majestatem immensam, tum Verbi incarnati mysteria, tum etiam SS. Angelorum Custodum beneficia. Quis enim aliquod Dei signum religiofum videbit, & ejus non adorabit majestatem? Quis Chri-

Cc

lli

ſi recordabitur, & cor in ejus non exardeſcet amore? Quis Angelorum Cuſtodum, immo vere Patrum noſtrorum reſeget veſtigia & intuebitur Imagines, quos radamare pigebit? Secunda ratio ea eſt, quia ſumus ſenſibiles: teſte autem Apoſtolo, inviſibilia Dei, per ea quæ facta ſunt, intelleſta conſpiciuntur. Nonne quælibet creatura repræſentat auctorem ſicut effectus indigita cauſam? quinimmo ex Auguſtino, quælibet repræſentat totam Sanctiſſimam Trinitatem: dicit ordinem ad Principium quidem a quo emanavit, & eſt Pater: ad Ideam ad quam reſpiciens Deus eam formavit, & eſt Filius: ad Finem propter quem producta eſt, & eſt Spiritus ſanctus: nullum igitur inconveniens reperitur, ſi Deum vel Angelos ſignis quibuſdam & Symbolis repræſentemus, ut his quali manuducamur tum ad eorum cognitionem, tum etiam ad eorumdem amorem.

*Triplex* celebris fuit Chriſti Imago. Prima ea cenſetur quam in lineamine ſuper faciem ſuam appoſito ipſe expreſſit, & miſit ad Abagarum Edeſenæ Regem, quæque aſſervatur Romæ in Eccleſia Monaſtium ſancti Sylveſtri. Secunda eſt ſtatua ænea fuſa & erecta apud Pæradem mulierem, quam Chriſtus a profluſio ſanguinis ſimplici ſuæ ſimbriæ contactu ſanavit: illam figuram Euſebius l. 7. Hiſt. Eccl. c. 14. ſe viſiſſe teſtatur. Tertia expreſſio faciei Salvatoris ſuper velum Veronicæ, quæ Chriſto Crucem bajulanti occurrat & hæc aſſervatur in Eccleſia S. Petri His addimus ſindonem duplicem, alteram quæ Veſuntione, alteram quæ in urbe Taurinenſi videtur: utraque enim Corpus Chriſti emortuum repræſentat.

#### *Solvuntur Objectiones.*

**Obijciēs 1.** Tribus primis ſæculis nullum uſus pingendi Deum & Angelos immo & reliquos Sanctos veſtigium apparet. Igitur uſus ille non eſt licitus, quia eſt inventio pure humana.

*Reſpondeo* diſtinguendo: uſus pingendi tum Deum, tum ſanctos Angelos & Reliquos non fuit in uſu primis ſæculis formaliter & explicite, tranſeat: fundamentaliter, nego. Nonne ordinante Deo depiſti ſunt Cherubim circa Arcam? Nonne ipſe Deus ſub ſpecie humana, & ipſi Angeli apparuerunt? Quinimmo & Spiritus ſanctus ſub ſpecie corporali Columba:

viſus eſt ſuper Chriſtum, cum baptizatus eſt in Jordane: igitur fundamentum ſufficiens erat pingendi Deum ſub aliquo Symbolo; Sanctos vero in ſpecie corporali illis correfpondente. Equidem propter perſecutiones rarus fuit ſanctarum Imaginum tribus primis ſæculis uſus, cum myſteria celebrarent ſancti Sacerdotes in cryptis & cavernis, non tamen abſolute nullus, ut patet de Hiſtoria Statuæ Salvatoris quam in beneficii a Domino accepti memoriam erigi curavit mulier Hæmorrhoiſſa, ut reſert Euſeb. l. 7. Hiſt. cap. 18. Ipſe Tertullianus ſupra citatus qui 3. florebat ſæculo mentionem facit de Sanctis Imaginibus. Item Euſebius loco citato aliqua ſcribit de Effigie BB. Apoſt. Petri & Pauli, quam primi Chriſtiani domibus aſſervabant. Concinit Auguſt. lib. 1. de Conſenſu Evang. cap. 16.

*Inſtaſis.* Traditio per avorum & Scriptorum atque Synodorum ſeriem dignoſcitur: atqui Traditio contraria penitus & oppoſita picturæ Dei reperiuntur: ergo &c. Probat minor ex Conciliis. Eliberitanum Can. 26. prohibet Imagines pingi in parietibus. 2. Concil. 10. General. Aſt. 7. vindicat Chriſtianos a calumnia quæ illis imputabatur, in eo quod pingere Deum, & Imaginibus eum circumſcriberent. Chriſtiani, inquit, in-  
„viſibilis & incomprehenſibilis naturæ I-  
„maginem nunquam fecerunt, ſed ſe-  
„cundum quod Verbum caro factum eſt  
„& habitavit in nobis, ea quæ huma-  
„næ ejus diſpenſationis ſunt, pingunt. „  
Ergo, &c.

*Reſpondeo* negando minorem: ad primam probationem diſtinguo: Concilium Eliberitanum prohibet Imagines propter abuſum, & quia permulti ſive ſimplicitate, ſive etiam errore adducti honorem ſoli Deo debitum illis tribuebant, quaſi fuiſſet in eis virtus, & quid divinum, concedo: eo quod exiſtumarẽt cultum illicitum & pernicioſum ſecundum ſe, nego. Loquitur in primo tantum ſenſu, ut patet ex verbis Canonis: „Placuit picturas  
„in Eccleſiis eſſe non debere, ne quod  
„colitur, aut adoratur, in parietibus de-  
„pingatur. „

*Ad ſecundam probationem* diſtinguo: vindicat Concilium Decimum Chriſtianos a calumnia, quæ quidem in eo ſita erat, quod adverſarii ipſis tribuerent velle pingere Deum ſecundum ſe, concedo: *prohiben-*

hibendo pingere sub aliquo corporali Symbolo, nego. Dictum est supra in observationibus, aliquem pingendo Imaginem, Deum exprimentem, duo posse intendere, nempe vel representare Deum sicuti est, vel solum aliquo Symbolo ducere aliquem in ejus cognitionem. Deus pingi non potest primo modo, quia incorporeus est, & incircumscribibilis; hunc tamen defectum Gentiles seu etiam Judæi tribuebant Christianis; unde eos purgat ab hoc Concilium, dicendo eos nunquam Imaginem Dei fecisse nisi Verbi incarnati, & secundum quod Homo est, quia natura divina utpote tota spiritualis, & ex omni parte infinita neque terminis locorum, neque quantitatis dimensionibus circumscribi valet.

*Institis* : pictura Dei non solum inaudita fuit primis sæculis, verum etiam usque ad nostra ferme sæcula prohibita : igitur Traditioni semper contraria, adeoque omnino rejicienda. Probatur antecedens discurrendo per sæcula. De tribus primis sæculis res aperta est. Quarto sæculo ejusmodi picturam improbat Eusebius, scribens enim ad Constantium qua de causa Imaginem Christi quam exposulabat, non mitteret; respondit Christum ut Deum non pingi posse, quia sub ista consideratione ejus species ignota & prorsus impervia erat. Quinto sæculo similia dicit Augustin. lib. de Fide & Synbolo cap. 7. "Ne, inquit, Deum putemus habere corporalia membra." Ætate sequenti Joannes Thessalonicensis disputans cum quodam Gentili obiciente Christianos Deum depingere, respondit ut legitur Act. 4. Gen. 7. "Imagines Dei faciamus, idest Domini nostri Jesu Christi quomodo visus est super terram, non ut intelligatur natura Deus." Octavo sæculo, tempore Iconomachorum, usus ejusmodi Imaginum ignotus erat. Sic enim loquitur Gregorius II. Epistola prima ad Leonem Isaurum: "Patrem Domini nostri Jesu Christi non oculis subijcimus, & pingimus." Nono sæculo nondum erant in usu Imagines Patris & Filii & Spiritus Sancti, ut colligitur ex Libris Gallorum. Eas rejectit decimo tertio sæculo Heuricus de Gandavo. Durandus sæculo 14. utique improbavit, ut refert Aventinus in Annalibus temporum lib. 7. Joannes XXII. punire voluit quosdam qui Sanctissimæ Trinitatis Imagines pingi curaverant. Denique Tostatus vir alias per-

celebris & doctissimus etiam ejusmodi picturas rejectit. Igitur cum Traditio novitati prævalere debeat, dicendum est picturas tum de Deo, tum de Angelis esse illicitas.

*Respondeo* hæc omnia probare solum Ecclesiam se abstinuisse primis sæculis a picturis propter grassantes persecutiones, sed quarto sæculo libertate donata, non amplius in cryptis & locis subterraneis, sed publicis & solemniori ritu celebrat mysteria: quo tempore loca Sancta Sanctis decoravit Imaginibus. In veteri sancti Martini Basilica apud Turones conspicitur in summitate Templi Imago Crucifixi ipsius structurae cœva, & ideo quinti exeuntis sæculi & sexti inchoantis. Imago Christi sub forma Boni Pastoris e-vem super humeros deportantis vetustissima est.

*Respondeo* 2. Sequi adhuc aliud parvi momenti, nempe Ecclesiam picturis & Dei & Angelorum ex professo tardius adhæsisse, minime vero eas esse aut absurdas, aut illicitas: quandoquidem easdem permittendi fundamentum pliusquam sufficiens habet in visionibus Verbi incarnandi factis tum Patriarchis, tum Prophetis. Unde distinguo; picturae Dei & Sanctissimæ Trinitatis fuerunt prohibita: ad tempus & propter abusum, eo quod quidam eodem cultu, quo Deus ipse colitur, simpliciter illas adorarent, immo & quandam virtutem divinam in eis diffusam esse autumarent, concedo: prohibita sunt quia in se malæ forent, nego.

*Solutio* deducitur & ipsis auctoritatibus quæ videntur contrariæ sanctis Imaginibus. Synodus Eliberitana eas prohibet Can. 26. "Ne, inquit, quod colitur aut adoratur, in parietibus depingatur." Quibus verbis vult solum Deum utpote purum spiritum, eumque immensum, & incircumscriptum non posse, etiam de potentia absoluta depingi aut effingi. August. loco citato dicit: "Ne Deum putemus habere corporalia membra, & ne in illud eorum incidamus facilem, quia qui commutaverunt gloriam incorruptibilis Dei in similitudinem corruptibilis hominis." Item Joannes Thessalonicensis, de quo in objectione, hanc reddit rationem, cur Verbum solum ut incarnatum, & non reduplicative ut Deus depingeretur, quia Deus non est nec fuit effigiatus & incarnatus: "Quæ enim, inquit, similitudo est, vel qui habitus

„incorporare Patris? „Igitur solum super-  
 „positionem abhorrent Concilia & Patres,  
 „& quando apparuit periculum, Ecclesia  
 „tunc abstinere a sanctis Imaginibus cen-  
 „suit. Res aperta est ex Adriano I. cujus  
 „hæc verba leguntur A. 8. Concilii septi-  
 „mi generalis. „Sicut, inquit, a sanctis  
 „Patribus & Prædecessoribus probatissimis  
 „Pontificibus suscepimus . . . . Sacram  
 „Imaginem Domini Dei & Salvatoris Je-  
 „su Christi secundum incarnationem eius for-  
 „mam in aula Dei constituimus . . . ut  
 „per visibilem vultum ad invisibilem di-  
 „vinitatis Majestatem mens nostra rapiat-  
 „ur spiritali affectu. „Pium est igitur  
 „& perutile pingere aut Deum, aut Ange-  
 „los sanctos sub aliqua forma & specie sen-  
 „sibili, cum eo dumtaxat scopo faciat per-  
 „mittatque Ecclesia, ut invisibilia Dei per  
 „ea quæ facta sunt, intelligantur: maxime  
 „vero cum ipsis testantibus Patribus eo fi-  
 „ne Verbum ipsum factum sit Caro. Ita  
 „Clemens Alex. pro Trop. pag. 51. Am-  
 „bros. l. 3. de Fide c. 4. Chrysostomus Hom.  
 „34. & alii permulti.

*Respondeo* 3. in forma & distinguendo.  
 Prohibentur depingi Imagines, in locis  
 humidis & in parietibus ne ludibrio ex-  
 ponantur, vel etiam ne adorentur ut iu-  
 mina a simplicibus, concedo: prohiben-  
 tur quia in se est aliquid malum, nego.  
 Ultra fatemur Disciplinam Ecclesiæ in  
 hoc momento fuisse diversis temporibus  
 etiam diversam: quandoque prohibita sunt  
 primis sæculis SS. Imagines, ne simplices  
 & rudes ex Paganismo de novo conversi  
 ad Fidem, ad idololatriam occasione hu-  
 jusmodi cultus, ducerentur & provocaren-  
 tur, vel etiam ne in parietibus & lo-  
 cis depingerentur humidis: in parietibus  
 quidem, cum enim alternatis persecutio-  
 nibus quateretur Ecclesia, tunc Imagines  
 quæ asservari in tuto loco non poterant,  
 quales erant illæ quæ fuerant in parietibus  
 depictæ, manebant ludibrio Gentili-  
 um expositæ: in locis vero humidis,  
 quatenus coloribus propter humiditatem  
 aut abradis, aut penitus ablatis, sancti  
 cum membris mutilatis in Imaginibus spe-  
 ctaculum facti, irreverentiam potius &  
 derisum commovebant. Hanc propter ra-  
 tionem Theodosius & Valentinianus Im-  
 peratores, ut habetur l. 1. Codicis titulo  
 8. prohibent ne sanctorum Imagines vel  
 in silice, vel in marmore & in locis a-  
 quosis atque humidis pictura sculpturave  
 exprimerentur. Et sic solvuntur omnes

in contrarium auctoritates, maxime Con-  
 cillii Eliberitani quod adunatum est anno  
 305. quo tempore adhuc exandescabant  
 Persecutores contra Ecclesiam. Igitur Im-  
 agines aut Dei, aut sanctorum in parietibus  
 depingi propter rationes datas non  
 conveniebat.

## SYNOPSIS PROBATIONUM.

*Licetum est Deum & Angelos repræsentare  
 sub aliqua forma sensibili.*

*PRIMO:* Gen. 3. Deus apparuit Ad-  
 amo sub forma hominis in Paradiso deambu-  
 lantis. Iia. 6. Propheta vidit Deum quasi  
 Regem in throno sedentem. Ibidem igitur  
 Iliam vidisse Seraphim alatos, & eos col-  
 laudantes Dominum audivisse. Luc. 3. Spi-  
 ritus sanctus sub columbæ specie in Chri-  
 stum descendit: ergo, &c.

*Secundo:* Res ita fieri posse declarat  
 Concilium Nicænum secundum, ad. 5. de-  
 clarat & Tridentinum can. 5. ubi de de-  
 creto pro sanctis Imaginibus.

*Tertio:* Ratio hoc ipsum comprobatur;  
 cum enim homo ex anima & corpore con-  
 silet, manuducitur per res sensibiles ad in-  
 visibilium cognitionem.

## SYNOPSIS OBJECTIONUM,

### ET SOLUTIONUM.

*PRIMO:* Tribus primis sæculis propter  
 ingruentes persecutiones, Christiani non  
 utebantur pictura ad Deum & Sanctos An-  
 gelos sibi repræsentandos: sed, pace Ec-  
 clesiæ reddita, usus hic religiosus postea  
 invaluit; quæ quidem Religio in utroque  
 Testamento fundamentum habet.

*Secundo:* Tametsi decursu temporum  
 nonnumquam prohibita sint depictæ & Dei  
 & Sanctorum Imagines, eo solum factum  
 est scopo ad rescindendos quosdam abu-  
 sus: vel etiam ad coercendam & impe-  
 diendam irreverentiam, non semel enim  
 compertum est Imagines in locis humidis  
 expressas, cito citius solvi in varias par-  
 tes, quæ situ & ordine, quem inter se  
 servare debent, spoliatæ, quandam præ  
 se ferunt deformitatem, quæ quandoque  
 risum, quandoque etiam contemptum ex-  
 citant; quocirca Episcopi prohibuerunt  
 Imagines aut Dei, aut Sanctorum in hu-  
 jusmodi locis depingi.

*Tertio*: Ultero concedimus substantias spirituales non posse, ut sunt in se, delineari coloribus: sed nihil prohibet per aliqua symbola indigitari.

## PUNCTUM SECUNDUM.

*Utrum pium sit & licitum pingere Sanctorum imagines?*

### CONCLUSIO.

Pium est & licitum pingere Sanctorum imagines, earque in Templis & locis privatis reponere.

**H**Æc conclusio sequitur ex præcedenti, in priori puncto probata, iisdem demonstratur rationibus. Hoc ipsum usus confirmat: unde sic argumentor:

*Ille* usus est pius & religiosus qui ortum habet ex utraque Ecclesia, veteri scilicet & nova: atqui usus pingendi Sanctorum imagines, ortum ducit ab utraque Ecclesia: igitur pius est & religiosus; nec idololatriam redolet. Probat ut minor quoad utramque partem, nempe quod usus ille ortum habeat, tum a Synagoga, tum ab Ecclesia Christi. De primo patet, cum iussu Dei Moyses construxerit duos Cherubim alterum a sinistris, alterum a dextris Arcæ, insuper & Serpentem aeneum Christum representantem elevavit in deserto, ut legitur Exodi 21. 8. de secundo vero probatur multipliciter.

1. *Tertullianus* l. de Pudicitia c. 7. refert veterem fuisse apud Christianos consuetudinem Christum sub formâ Pastoris ovem deperditam super humeros gestantem depingere.

2. *Gregorius Nyssenus* eidem suffragatur veritati oratione de sancto Theodoro Martyre, in qua loquitur de sanctis Imaginibus quarum collaudat usum. Et in oratione de Filii & Spiritus Sancti Divinitate de quodam homine dicit: "Cum in mentionem Isaac ab Abrahamo in sacrificium oblatus incidisset, sæpenumero mirabilis huius rei imaginem in pictura vidit, nec absque lacrymis spectaculum præterit."

3. *Sequitur Ambrosius* qui Epistola 53. dicit SS. Gervasium & Prothasium sibi per visum apparuisse cum quasi tertia Persona quæ similis B. Paulo videbatur: "Cujus me vultum, inquit, pictura docuerat." Jam igitur depingendi Sanctos ulus increbuerat in Ecclesia.

*Boncat Theol. Tom. I.*

4. *Divus Hieronymus* in c. p. Jonæ cæterorum Patrum de pictura SS. Imaginum placita confirmat, dicens: "In ipsis curbitis vasculorum imagines BB. Apostolorum adumbrari."

5. *Chrysostomus* sententiam nostram suamunivit calculo orat. 45. ad populum Antiochenum in laudem Meletii habita: ibi enim asserit quod effugium ejus nemo esset qui non ambiret conspiciere.

6. *Affine* quoddam de pictura sanctarum Imaginum dicunt reliqui Patres: in primis Basilium orat. de S. Barlaam Martyre, Aug. serm. 94. de divertis. His addendi sunt Paulinus qui suam Basilicam picturis Sanctissimæ Trinitatis exornavit ut legitur apud ipsum Epist. 12. Theodoretus qui in religiosa historia Simeonis Stilitæ, multa præclara de isto Sancto enarrat, cujus effigiem multos ad præsidium servasse asserit. Leontius Cypri Episcopus in Apologia pro Christianis adversus Judæos similia dicit de pictura sanctarum Imaginum. Hoc opus mirabile refertur ad. 4. Conc. 7. pag. 233.

*Ex his* sequitur istud argumentum: ille usus est & laudabilis & religiosus, qui Deum habet in veteri lege auctorem, qui ab Ecclesia post persecutiones tertio circiter sæculo vigere cœpit, qui signis sensibilibus in memoriis nostram revocat Sanctorum & virtutes & prælia atque victorias ad fidem nostram stimulantem: atqui talis est ex dictis sanctas Imagines depingendi usus. Igitur est pius & laudabilis.

### *Solvuntur Objectiones.*

**OBJICIUNT** Iconomachi tum veteres, tum recentiores. Deus prohibet fieri alicujus creaturæ imagines: igitur Imagines Sanctorum non sunt faciendæ. Probat antecedens multipliciter. 1. Exodi 20. v. 4. legitur: *Non facies tibi sculptile, neque omnem similitudinem quæ est in calo desuper, & quæ in terra deorsum, neque eorum quæ sunt in aquis sub terra.* 2. Hecatheus auctor profanus apud Josephum l. 1. contra Appionem refert, nullas propter hoc præceptum Judæorum imagines & simulacra in Templo depingi permisisse. Idem censet ipse Joseph l. 2. contra Appionem, & præter ipsum Justinus Martyr in Dialogo cum Tryphone. Origenes l. 4. contra Celsum pag. 185. 3. Tertullianus l. de Idololatria dicit Deum ad eradicanam materiam idololatriæ, non

C c 3 tan-

tantum idola, sed omnem similitudinem prohibuisse. Libro vero 4. contra Marcionem c. 22. scribit Moysen & Eliam cum Christo in monte colloquentes agnitos fuisse a Petro in Spiritu non ex imaginum fide. „ Neque enim, *inquit*, imagines eorum vel statuas populus habuisset & similitudines, lege prohibente. „ 4. Tanti erat Judaeorum erga imagines horror, ut ægre admodum tulerint, quod Herodes Aquilæ figuram supra majorem Templi portam collocari voluerit & curaverit: ergo, &c.

*Respondo* 1. Opponendo Scripturam Scripturæ: nam eadem quæ prohibet creaturarum & statuas & imagines, præcipit Arcam de lignis Setim incorruptilibus fabricari, item & duos Cherubim qui protegerent Arcam, similiter & Serpentem æneum elevari in deserto. Quæ quidem omnia dilucide probant nedum novæ, sed & veteris Ecclesiæ disciplinam circa sanctas Imagines diversis temporibus diversam fuisse: quandoque & pro certo sine eas permisisse, ut Arcæ, & Serpentis imaginem, Arcæ quidem ut Deum in signo illo sensibili quasi præsentem sisteret coram populo, Serpentis vero ut hac figura Judæi veluti manuducerentur ad Christi fidem, qua solum a plagis sanari valebant: quandoque etiam prohibuisse, ne forent in scandalum & in ruinam populi ad idololatriam admodum proclivis. Unde

*Respondo* 2. distinguendo. Imagines creaturarum prohibitæ & interdictæ sunt Judæis, transeat; namque Moyses jubente Deo duos construxit Cherubim qui suis alis protegerent Arcam. Imagines omnes & signa aut Deum, aut Verbum incarnatum designantia, nego. Primas Imagines solum interdixit Deus Judæis ne propensius ad idolatriam, habentem lapides & metalla, creaturasve pro Diis. Sic enim habetur ibidem Exod. 20. 4. *Non facies tibi sculptile, neque omnem similitudinem . . . Non adorabis ea, neque coler.* Et Deut. 4. 15. *Custodite sollicite animas vestras. Non vidistis aliquam similitudinem in die quando locutus est vobis Dominus in Horeb de medio ignis, ne forte decepti faciatis vobis sculptam similitudinem, aut imaginem musculi, &c.* Quibus sententiis Deus eo dumtaxat fine prohibet quasdam creaturarum Imagines, .ne populus crassior aut jumenta, aut militiam cæli, aut etiam metallum tanquam numen adoraret. Unde districte

ei prohibet nullum aliud sculptile apud se habere præter Arcam & Cherubim eam protegentes. Et hoc solum probant Patrum auctoritates.

*Insunt*: atqui est contra Dei præceptum fabricare & asservare imagines. Ergo &c. Probatur subsumptum: 4. Reg. 18. Laudatur Ezechias Rex Juda eo quod serpentem æneum confregit atque destruxerit, quamvis foret ille serpentis figura Christi. 2. Quando legitur, adorare scabellum pedum ejus, Hebræum ponit, ad scabellum, quia loquendi formula insinuat ipsam fœderis Arcam non fuisse aliquo cultu donatam, sed Deum tantum ad præsentiam Arcæ. Quibus concinit Div. Thomas qui 3. p. q. 25. art. 3. ad 1. sic loquitur: „ Ipsi autem vero Deo, cum sit „ incorporeus, nulla imago corporalis potest terat poni quia non debuit, nec possunt „ fieri imagines Dei. „

*Respondo* 1. ipsos Calvinistas in ædibus habere & asservare Moisis imaginem cum Decalogi tabula: Lutherani vero nedum Moisis, sed & Apostolorum & Christi in cruce pendentis figuram in Templis collocant, nec tamen idololatriæ crimine fœdatis sese existimant; qua de causa igitur aut idololatriæ, aut superstitionis notam nobis inurere audent? nam & absque injuria tolerant Calvinistæ apud Lutheranos imagines, ut constat ex colloquio Monsbelgartensi.

*Respondo* 2. distinguendo: est contra Dei præceptum imagines habere & fabricare ut in eis aliquod numen adoretur, concedo: ut revocent in memoriam virtutes quæ in Sanctis, dum erant in hac vita supersites, apparuerunt, nego. Solum abusus interdicendus est, ut notat Trid. sess. 25. unde Gregorius Magnus l. 7. Epistolarum Epist. 109. graviter increpat Cerenum Massiliensem, eo quod propter aliquem a quibusdam induitum abusum, Imagines sanctas a sua Diœcesi abstulerat ac procul sececrat, injungitque ablatis restitui.

*Ad primum* distinguo: laudatur Ezechias eo quod serpentem æneum destruxerat, quia Judæi volebant aut illum tanquam aliquam divinitatem venerari, aut de facto sic eum colebant, concedo: quia erat quid in se malum illa imago, nego. Vel aliter distinguo & ille serpens non erat amplius Christi imago, adeoque inutilis, concedo: & erat, nego. Serpens fuit imago Christi solum in deserto & quando

hic

hic fursum elevatus est, ut Christum in Cruce pendente repræsentaret & hoc ex Dei instituto, ut sic provocaret ægrotorum fidem, & credentes in Christum sanarentur: tempore autem Ezechie & præceptum non erat pro illo serpente ut Christum crucifixum exprimeret, neque de facto elevatus in aliquo loco conspiciebatur; unde jam tunc inutilis erat, adeoque constringi debuit: maxime vero qui provocabat ad idololatriam Hebræos.

*Ad secundum:* verbum Hebræum latine redditur, prosternite coram Arca: igitur illa summo afficiebatur honore, unde nihil sequitur contra nos.

*Ad tertium* distinguo ut supra, Deus potest repræsentari sicuti est, concedo: quoad suas virtutes, & hoc per formas & species, quibus potest animus manuduci per sensibilia ad invisibilia que non novit, nego.

*Opponunt 2.* Imagines depictæ sæpius sunt occasiones modo scandali & schismatis, modo etiam idololatriæ. Igitur nec sunt pingendæ, vel si quæ inveniantur, auferendæ sunt. Ita se gessit in hoc momento Epiphanius; in Epistola enim ad Joannem Patriarch. Jerosolymitanum scribit se scidisse imaginem quam in Ecclesia quadam prætereundo viderat, quam quidem Epistolam latine reddidit Hieronymus. In ea autem sic loquitur: "Quando pergebamus, inquit, ad locum sanctum qui vocatur Bethel, ut ibi collectam facerem & venissem ad viam quæ dicitur Anabathra, vidissemque ibi præteriens lucernam ardentem, didicissemque esse Ecclesiam . . . inveni ibi velum pendens in foribus ejusdem Ecclesiæ, non enim satis memini cujus imago fuerit. Cum ergo hoc vidissem in Ecclesia Christi contra auctoritatem Scripturarum hominis pendere imaginem, scidi illud, & magis dedi consilium custodibus hujus loci ut pauperem mortuum eo obvolverent & efferrent."

*Confirmatur 1.* Amphiloichius in Lyconia Iconiensis Episcopus imagines utique rejecit, cujus verba referuntur in Concilio 7. generali actione 6. pag. 483. "Non in tabulis cariles vultus Sanctorum per colores curæ nobis est figurati, quia his opus non habemus, sed conversationem eorum virtutibus imitari." 2. Optatus Millevitanus l. 3. refert quoddam quasi ut abominationem habuisse imaginem quandam super altare positam. 3. Concilium Turonense 3. can. 2. jubet ut Eucharistia

medio in altari sub Crucis titulo, non imaginario ordine componatur, qua quidem sententia liquet Imagines non habuisse tunc in Ecclesia locum.

*Respondeo 1.* ut supra, hæc omnia duo tantum probare; alterum quidem imagines non esse absolute ad salutem necessarias, cum honor sponse sit potissimum ab intus. Utinam homo ita foret a terrenis alienus, ut, secluso etiam rerum corporalium adminiculo, posset ad rerum divinarum aut cognitionem, aut contemplationem ascendere: sed quoniam, inquit Chrysostomus, anima corpori concreta est, nonnisi sacrorum varietate velaminum ad Deum tendere, ut plurimum consuevit. Alterum vero quod auctoritates aliatæ insinuant, est, Ecclesiæ disciplinam, ut supra diximus, pro diversitate temporum fuisse diversam. Constat quidem quandoque abstinuisse a SS. Imaginibus Ecclesiam; modo eas assumpsisse, modo ad tempus vel propter persecutiones, vel etiam propter hominum crassorum hebetudinem & abusum recidisse: sed tandem jussit & pro semper eas adoptasse ut media quibus animus potest manuduci ad cælestia quæ sunt invisibilia.

*Respondeo 2.* retorquendo argumentum contra Iconomachos recentiores, scilicet Calvinistas: si pingere & honorare sanctas Imagines est idololatria, cur ipsi venerantur, & sumunt cœnam, quæ, ipsis testantibus, est Christi figura & imago? si non opus habemus rebus sensibilibus tum ad cognoscendum, tum ad colendum Deum, ad quid Sacramenta quæ etiam secundum eos sunt signa sensibilia scæderis inter Deum & homines, & secundum omnes Catholicos signa præctica gratiæ?

*Respondeo 3.* ad argumentum distinguendo: antecedens: imagines depictæ idololatriæ præbent occasionem per accidens & defectu illius qui eas intuetur, concedo: præcisè ratione sui, nego. Homo abutitur omnibus, immo & ipsis Sacramentis, ergo ne ideo abroganda? minime. Quis non scit, si attendere vult, nullum esse in metallo & in figura inanimata virtutem, nullumve numen? Si quis igitur ita bardus est, ut hoc ipsum stulte credat, ipsius ignorantia est vincibilis, & ab ea se retrahere facile potest. Populus Judaicus ad idololatriam non modicum propensus erat: non ideo tamen Moïses abstulit ab ejus oculis Arcam quæ erat Dei viventis signum.



Ad S. Epiphaniū auctoritatem, Suarez, Iſimbertus & alii plurimi non sine fundamento propugnant istas parvulas, *Ne in Ecclesia Christi contra auctoritatem Scripturarum hominis penderet imago*, Epistolæ fuisse additas, quia sanctus Joannes Damascenus orat. 2. de SS. Imagin. sub finem testatur sermonem illum esse confictum ab aliquo qui sancti Epiphaniū nomine abusus est. Et vero alter Epiphanius in septima Synodo, actione 6. alia similia sancti Epiphaniū loca ab Iconomachis in tanti Doctoris operibus inserta fuisse, contendit & probat, quia ante verba in objectione allata Epistola sancti Epiphaniū erat finita.

*Dices*: locus est genuinus Epiphaniū sermo, siquidem integer a Hieronymo refertur Epist. 51. ad Pammachium & 101. 2. Postremum loci particulam 8. & 9. sæculo Carolus Magnus l. 4. de Imag. c. 25. & Galli Episcopi in Conventu Parisiensi c. 7. citant. Hoc ipsum omnium Codicum consensu verum apparet.

*Respondet*: dato & non concessio, quod totus locus sit genuinus, distinguo: & hoc probat solum tempore Epiphaniū usum sanctarum Imaginum nondum in universali Ecclesia inolevit, concedo: & hoc probat & usum esse malum aut nondum apparuisse in Ecclesia, nego. Scriptura non dicit sanctas Imagines absolute ad salutem necessarias, unde potuit S. Epiphanius eas tunc temporis propter aut idololatriæ, aut contemptus periculum auferre: maxime vero quia nondum in universali Ecclesia invaluerat usus sanctarum Imaginum, quia de causa & Carolus Magnus & Galliarum Præfules uti potuerunt auctoritate S. Epiphaniū ad probandum & cultum sanctarum Imaginum non esse ad salutem consequendum absolute necessarium, nec ipsas sanctas Imagines honore divino esse donandas. Sed constat ex usu & definitione Ecclesiæ pium esse & religiosum pingere Sanctorum Imagines. Quinimmo, jam usus invaluerat in quibusdam Ecclesiis tempore S. Epiphaniū, ut probat Imaginis pictura, quam rescindere iudicavit: quod quidem etiam probat obmurmuratio ejusdem custodem, qui ægre admodum S. Epiphaniū factum tulerunt: sic enim habetur in eadem Sancti Præfule Epistola: "Illicque contra", "murmurantes dixerunt, si scindere voverat, iustum erat, ut aliud daretur, velum atque mutaretur, quod cum

"audissent me daturum esse, pollicitus sum . . . nunc misi."

*Ad Optatum*, dico sermonem habere de imagine Cæſaris, quæ circa altare pendebat, unde Christiani serventiores hoc tanquam abominationem habebant. Cæterum si sit sermo etiam de sanctis Imaginibus, hoc probat solum tunc usum non fuisse ubique parem. Et hoc utique ad summum inferri potest ex Concilio Turonensi, aliisque auctoritatibus.

*Objicies* 3. prohibitz sunt sanctæ Imagines in Concilio septimo generali actione 6. pag. 475. ubi hæc habentur: "Attende vobis & tenete Traditiones quas suscepistis . . . & hoc in memoriis habere, filii dilecti, ne inducatis Imagines in Ecclesias, neque in Coemeteria Sanctorum . . . sed neque in domum communem." Igitur penitus sunt amovendæ Imagines.

*Respondet* distinguendo: Imagines prohibitz sunt in 6. Concilio generali spurio, quod tuit Iconomachorum Constantinepoli adunatum, concedo: in septimo legitimo, nego. Quinimmo istud firmat sanctarum Imaginum & fabricam & cultum, unde Catholici expellunt auctoritatem citatam, & tanquam Iconomachorum adinventionem longe rejiciunt.

*Objiciunt* 4. Patres primorum sæculorum insectantur simulacra & statuas Gentium; in primis Tertul. apol. c. 12. dicendo quod statuz sint, & imagines frigida mortuorum, "Quas milvi & mures & araneæ intelligunt." 2. Pagani vero e contra, ut legere est apud Arnobium l. 6. Christiani in crimen vertebant quod nulla haberent simulacra. Idem refertur a Minutio Felice in Oratio. 3. Judæi Christiani nominis ejurati hostes in disputationibus quas non semel habuerunt cum nostris, nequitiam eos de idololatriâ criminati sunt. 4. Imagines aut in vasculis sacris, aut in sacra Ecclesiarum suppellectili, puta in casulis, in candelabris, primis temporibus nullæ videntur. Ita refert Eusebius l. 10. hist. Athanasius Epistola ad Solitarios. 5. Ang. l. 8. de Trin. dubitat quænam vere fuerit Christi Domini, & Beatissimæ Virginis facies, quæve oris forma, atque effigies. Sed si licitum fuisset pingere imagines, neque Gentiles exprobrissent Christianis quod in Templis abstinentissent a Sanctorum figuris: Judæi e contra Imaginibus ex professo adversantes hoc tanquam horrendam abominationem cri-

criminati essent. Neque ipsi Christiani Paganos propter simulacra arguere potuissent, cum in eadem fuissent damnationis causa. Insuper & Sanctorum effigies non semel depictæ apparuissent in casulis, dilmaticis, cæterisque Sacerdotum vestibus, necnon & in vasis, in candelabris & in similibus fidei instrumentis: nec utique quid impervium & omnino absconditum fuisset, tum Salvatoris, tum Deiparæ sacra effigies. Igitur non licitum est effingere Sanctorum Imágenes.

*Respondeo.* Ex his & similibus argumentis sequi solum, 1. SS. imágenes non esse absolute ad salutem necessarias, sed ad disciplinam dumtaxat pertinere. 2. Non unum fuisse pro hoc momento in Ecclesiâ disciplinam quæ raro in primis sæculis habere voluit Imágenes propter rationes jam non semel allatas 3. Abstulisse usque ad decimum quintum circiter sæculum ab Imaginibus Deum exprimentibus juxta illud Gregorii II. Epistola 1. ad Leonem Imperatorem: "Patrem, inquit, Domini Jesu Christi, non oculis subjecimus, ac pingimus, quoniam quis sic non novimus. 4. Statuus vix in usu fuisse apud veteres Christianos qui ab illis abstinerebant, maxime propter duo. Primo quidem ne exotici fuissent Judæis ad fidei Christi accedentibus. 2. Ne cultus Ecclesiæ collinaret in cultum supersticiosum Gentilium qui simulacra veluti tot numini habebant; unde usus pingendi sanctas Imágenes, statuarum sculptura longe vetustior est. Hoc patet ex multis momentis.

*Primo.* Ex Epistola S. Germani Patriarchæ Constantinopolitani ad Thomam Claudopolitanum Episcopum, in qua quidem post relata ab Eusebio Historiam statuae in Christi honorem a muliere Hæmorrhoiæ apud Panædem collocatæ subjungit: "Non autem hoc dicius nos ut statuas, æneas facere studeamus, sed ut significemus, cum illud secundum Gentilem consuetudinem factum non repudiaverit Dominus; verum longo tempore suæ bonitatis miraculum in eo demonstrari ipsi placuerit; sanctiorem illam, quæ apud nos obtinuit consuetudinem nefas esse vicuperare: Hæc sententia habetur Aët. 4. Conc. 7. p. 315.

*Secundo.* Ex Stephani Bolstrorum Episcopi judicio ut refertur Aët. 2. Conc. 7. discrimen enim inter Statuas & Imágenes istud assert. "Constat, inquit, quod omne opus in nomine Dei factum bonum est

& sanctum; aliud porro est Imago, aliud statua.

*Tertio.* Ex Augustino qui l. de Fide & Symbolo c. 7. ait: "Simulacrum Deo necis est Christiano in Templo collocare." re. "Et de facto Synodus secunda Nicæna in definitione Fidei solius meminit picturæ. Cæterum non mirum alicui videri debet, si verum tum Christi tum Beatissimæ Virginis effigies nondum tempore Augustini habebatur, cum vix invaluerat tunc Imaginum usus. Quidam tamen utramque Romæ in diversis Ecclesiis esse autumant. Quidquid sit, licet sacræ istæ effigies Christum & Deiparam ad amussim exprimentes non visæ sint, non sequitur non posse effingi Filii & Matris Imágenes, si non quoad omnia, saltem quoad formam sub qua in terris apparuerunt.

*Jam* ad singula respondeo. Ad primum quidem, dist. Patres insectabantur Paganos quia vel simulacra tanquam Deos habebant, vel virtutem supernaturalem agnoscebant in creatura & quidem sæpius pessima ut in Jovis statua, quam tanquam numen adorabant, concedo; insectabantur præcise quod statuas erigerent, nego. Neque enim Heroum aut Pyramides aut Figuras aspernabantur: quinimodo, Imágenes Imperatorum magni faciebant, & reverentia quadam civiles habebant, ut ad cultum SS. Imaginum promoverent incredulos. Duo igitur in simulacris jure merito damnabant: alterum quia ejusmodi simulacra subiciebantur oculis in honorem peccatorum; alterum & quod est pejus, tanquam numini colebantur. At vero Christiani, nullam virtutem, nullamve divinitatem agnoscebant in Imaginibus, nec illas pingebant ut in his sisteret eorum cultus, sed ut Creatorem in sanctis mirabilem contemplarentur.

*Solutio* est Germini Episcopi Constantinopolitani in Epistola sua ad Thomam Episcopum Claudipoleos quæ refertur in Concilio 7. generali actione 4. Typographiæ Regiæ pag. 421. in qua quidem duo statuit, 1. Perantiquum fuisse morem pingere Imágenes. 2. In hoc Christianos multum differre a Paganis, qui simulacra in auro & argento fundebant. Sic enim habetur:

"Quod autem res pervetusta sit, Historicæ Scripturarum narrationes in Imaginibus sine efficere, asruit Beati Gregorii Nysseni Episcopi sermo, in Abraham inscriptionem præ se ferens, in quo de obli-

oblatione Isaac in tabula expressa recenseret. Quod si autem illorum res ita expressæ sunt, quanto magis miracula Dominicæ dispensationis & Passionis talem demonstrationem habere debent? Sic etiam Athleticæ Sanctorum Martyrum fortitudines, quæ ad zelum & bonam imitationem aspicientes inducunt, exprimi debent, in quibus habetur etiam generosi & admirandi Martyris Anastasii veri pugilatus certamen.

*Presequitur & hoc sibi objicit Iconomachorum argumentum:* "At illi forte dicent necessario esse sanctæ Scripturæ mandata sequenda, veluti cum dicitur Exod. 20. Non facies tibi ipsi idolum, neque similitudinem ullam eorum quæ aut in cælo, aut in terra sunt infra, aut in aquis subter terram; neque adorabis ea, neque ea coles."

*Respondet:* "Et hæc quidem illi dicunt. Sed clarum habent intellectum, naturam enim Dei scimus formam repræsentari non posse, incomprehensibilemque esse; neque aliquem honorem esse qui illi tanquam visio exhibebatur, sed consecretur & opinationibus ad corporeas conceptiones ducimur. Prædicans enim illis Moyses, custodite diligenter animas, ne quam similitudinem aspiciatis, ne die illa qui locutus est Dominus ad vos in Horeb, in monte, ex medio ignis. Hæc præfatus, statim subdidit: Ne legem transgrediamini, nec facite vobis, & quæ sequuntur. Hoc quidem ob id quia recordabatur constructionis vituli: atque ita diligenter hoc inculcavit, ne ex Ægyptiorum consuetudine ad tantam impietatem redirent, divinaque illis arbitarentur similia. Hoc & magnus Apostolus in Oratione ad Populum Atheniensem habita ait Act. 17. Genus igitur cum finis Dei, argento, auro, lapidi aut figuræ artis, aut excogitationis hominis, divinum esse simile existimare non oportebat. Quibus verbis ostendit Deum ea solum ratione prohibuisse Judæis similitudines arte & sculptura exprimere, ne ad idola aurea & argentea redirent, quæ, teste Apostolo, Gentiles Athenienses habebant ut Deos."

*Postea subdit:* "Nulli igitur nomen illud super omne nomen existens, populus Christi in hunc usque diem, præterquam ad sanctam vivificantem Trinitatem retulit."

*Ad secundum, distinguo:* Pagani imprecabant Christianis quod nullus in Templis statuas, nullaque simulacra Deum indigentia haberent, quia nesciebant quid inter Christianos pro Religione fieret, concedo; omnia quippe Religionem spectantia summo studio occultabant illis, ne subsanarent mysteria: & de sacro Christiani nullas habebant Imagines, nego. Præterea dato & non conceſſo, quod primis temporibus Ecclesia propter persecutiones abstinuerit a sanctis Imaginibus, non inde sequitur eas ad pietatem vel commendam, vel fovendam aut etiam augendam assumere non potuisse.

*Ad tertium, patet solutio:* mysteria siquidem Judæis occultabant Christiani. Ad quartum & quintum similiter respondeamus; utrumque enim argumentum probat solummodo usum sanctarum Imaginum primis sæculis aut nullum fuisse, aut admodum rarum, quod absolute non diffitemur.

## SYNOPSIS PROBATIONUM.

*Licetum & pium est Sanctorum & fabricare, & asservere Imagines...*

**PRIMO:** quia ille usus ortum habet ab utraque Ecclesia, veteri scilicet & nova. A veteri quidem, nam sicut Arca Deum, ita & Serpens æneus Christum repræsentabat: a nova, jam dictum est.

**Secundo:** Imagines Sanctorum interserviunt ad ciendos pietatis affectus, & imitandum Sanctorum virtutes, quatenus eorum præ oculis præclara exhibent facta.

**Tertio:** Religio sanctorum picturarum ad Deum totius boni principium terminatur, quocirca Tertullianus lib. de pud. c. 7. Greg. Nyss. Orat. de Divin. Filii & Spiritus Sancti, & alii multi Patres illam celebrant.

## SYNOPSIS DIFFICULTATUM.

### ET SOLUTIONUM.

**PRIMO:** Deus prohibet quidem aliquam imaginem creaturæ, ne Judæi ad idololatriam propensius illam veluti numen haberent: sed non omnem certe prohibet repræsentationem, cum ipse præceperit Moysi & Aram & Cherubim alatos super eam fabricari; immo & Serpentem æneum Christum præfigurantem in deserto elevari, quam quidem imaginem Ezechias.

chias postea destruxit, sed ad impediendam idololatriam: tum quia tunc temporis erat inutile illud symbolum, namque ea solum de causa constructum fuerat, ut serpentibus vulnerati respiciendo Christi imaginem ad Mediatoris fidem consistendam excitarentur, & credendo sanarentur.

*Secundo* : quandoque compertum est quidem Imagines ansam præbuisse scandalo: sed per accidens & defectu instructionis: qui enim bene de religione edocti sunt, signa Sanctorum nonnisi relative ad ipsos venerantur.

*Tertio* : neque vero negamus Ecclesiæ disciplinam circa sanctas Imagines fuisse diversam; quandoque enim Ecclesia abstinuit a sanctis Imaginibus, maxime primis sæculis, ne idololatriæ essent & in fabulam & in ludibrium: quandoque etiam prohibuit statuas, ne Christiani Paganis simulacra adorantibus adhærere viderentur.

### PUNCTUM TERTIUM.

*Utrum Sanctorum imagines pio & religioso cultu venerandæ sint?*

### CONCLUSIO.

Imagines Jesu Christi, Deiparæ, & Sanctorum eodem cultu quo ipse prototypus colitur, sed respectivo venerandæ sunt.

*Probatur auctoritate & ratione.*

*Primum argumentum ex Scriptura utriusque Testamenti desumitur.*

**I**N *l. e.* cultus Sanctis debetur Imaginibus, qui approbatur a Deo, qui ab omni sæpe ævo adhibitus est, quem ipsa exigit iustitia, qui deinde nihil nisi bonum & sanctum redolet, Deumque in quo quiescit, pro ultimo habet fine: atqui talis est cultus quo Ecclesia sanctas prosequitur Imagines. Igitur colendæ sunt cultu relativo. Major patet: ideo enim Judæi & Iconomachi hunc obijciunt quia aut inutilem, aut omnino superstitiosum reputant: Probatur igitur minor variis momentis.

*Ex veteri Testamento.*

**PRIMO** : Gen. 1. habetur quod in creatione hominis sic locutus sit Deus: *Faciamus hominem ad imaginem & similitudinem nostram*. Sed imago Dei honoranda protectio est, quia ad ipsum necessariam habet connexionem: eadem prorsus ratione Imaginem Principis venerari non solum bonum, sed æquum ducit quilibet sensatus: igitur & a fortiori bonum & iustum est venerari Sanctorum imagines. Ita censet Adrianus l. in Epistola sua ad Patres Concilii septimi Generalis quæque Actio 2. & legitur, & approbatur ab universo Concilio. Ibi ponderans verba Genesios allata sic subsumit: "Ergo quod imago Dei sit homo, ob id statuas Deorum & idololatriæ & impietatis haudquaquam. Etenim si Adam Imago Dæmonum fuisset, utique reprobatus fuisset, & receptus indignus: quando vero Dei imago est, honore prosequendus & admitti dignus. Omnis enim imago, sive Angelorum, sive Prophetarum, aut Apostolorum, aut Martyrum, aut aliorum Iustorum virorum in nomine Dei facta, sancta est." Quibus verbis duas affert rationes pro humiliori cultu: primam quidem, quia imagines, non Dæmonem & aliquam malam creaturam, sed Sanctos nobis repræsentant: alteram vero quia imagines Iustorum in nomine Dei & ad ejus gloriam factæ sunt, scilicet ut Creatorem bonorum omnium auctorem in creatura demeretur.

*Secundo* : Jacob Gen. 28. adoravit Dominum quem in summitate scalæ sibi præsentatum conspexit, eundem utique adoravit in summitate virgæ suæ. Præterea duos Cherubim aureos & productiles ex utraque parte oraculi, quinticium in velis & cortinis tentorii duorum Cherubim opus textile & diversi coloris fieri iussit Deus. Exod. 38. Item & Serpentem æneum Christum præfigurantem elevari in deserto ad salutem populi, Num. 18. ita ut quicumque animo fidei & religionis in eum respiceret, sanaretur a quacumque detineretur infirmitate. *Fac Serpentem, & pone illum in signum: & qui tactus fuerit, illumque inspexerit, vivet.* Sane nemo non videt Jacob actum religionis sanctissimum fecisse cum Dominum an summitate scalæ sub specie & forma sen-

sensibili apparentem adoravit. Nec idololatricam sed bonum opus operatus est cum eundem in virga coluit. Nam ut dicit Apostolus Heb. 11. 21. eam collaudans actionem tanquam fidei magnæ monimentum habet: *Fide*, inquit, *Jacob moriens, singulos filiorum Joseph benedixit: & adoravit sagittum virgæ ejus*. Subdit Adrianus I. in sua Epistola: "Non quod virgam illam, sed tenentem eam, in signum dilectionis adoravit." Postea sic exclamat: "O infaniam infrementium adversus fidem & cultum sacrum Christianorum! o stultitiam vetantium venerandas Imagines honorari, in quibus Servatoris nostri, cujus potentia genus humanum & constat adhuc, & servatur; & præterea Genitricis ejus, omniumque Sanctorum historiæ continentur. Nam si Israeliticum populum per inspectionem ænei Serpentis servatum a sua peste credimus, Christi vero Dei & servatoris nostri, omniumque Sanctorum figuras contemplantes & venerantes dubitamus non servari? absit, ut amplius dubitemus."

*Tertio*: Legitur Josue 7. 6. quod magnus ille populi Judaici Dux adoraverit Arcam Testamenti: Josue . . . promissus cecidit in terram coram Arca Domini usque ad vespeream, tam ipse quam omnes senes Israel: miseruntque pulvrem super capita sua, & dixit Josue: Hec, Dominus Deus, quid voluisti traducere populum istum Jordanem fluvium, ut traderes nos in manus Amorrhæi? 6. Muri Jericho corruunt in conspectu & circuitu Arcæ 1. Reg. 36. Transferretur Arca in Hymnus & Canticus a domo Abinadab in domum Obededon. Igitur Arcam, quæ erat tantum figura & Dei potentie imago, venerabantur Judæi. Unde Propheta Regius Psalm. 98. 5. dicit: *Exaltate Dominum Deum vestrum & adorate scabellum pedum ejus*. Hebraice (incurvate vos.) Per scabellum intelligitur Arca: Scriptura est sui ipsius interpres I. 1. Paral. c. 28. 2. ubi sic loquitur idem pius David: *Audite me, fratres mei, cogitavi ut edificarem domum, in qua requiesceret Arca fœderis Domini, & scabellum pedum Dei nostri: edificandum omnia paravi*. Igitur pius est venerari tum Dei tum Sanctorum imagines.

*Ex novo Testamento.*

*PRIMO*: S. Joannes Baptista suos docet discipulos Christum colere & agnoscere sub signo Agni: *Ecce*, inquit eis, indigitans Christum, *Agnus Dei, ecce qui tollis peccatum mundi*. Paulus sub forma petræ, 1. Cor. 10. 4. *Petra autem, ait, erat Christus*. Jam vero Spiritus Sanctus sub specie Columbæ requievit super eum. Pater appruit aut saltem intonuit loquendo. Sic enim scribit Luc. 3. *Factum est cum baptizaretur omnis populus, & Jesu baptizato & orante, apertum est Cælum: & descendit Spiritus Sanctus corporali specie sicut Columba in ipsum: & vox de Cælo facta est: Tu es Filius meus dilectus, in te complacui mihi*. Quis aures abque impietatis crimine dicere auderet nec vocem Patris honore dignam esse, cum ipsa cedros Libani confringat, & noller populus præ timore & reverentia Deum sibi loqui, quem jam in Horeb prostratus loquentem audierat: nec Columbam super caput Salvatoris requiescentem venerandam esse, cum sub hoc signo datus est Christo Spiritus sapientie & intellectus? Et tamen sic vox Patrem, ita & Columba Spiritum Sanctum duntaxat signabant. Pari igitur & simili ratione Imagines colendæ sunt, quia representant & Deum & Filium ejus incarnatum, & Deiparam & reliquos Sanctos, qui omnes honore & summa veneratione dignissimi sunt.

*Secundo*: Apoc. 4. Deus apparet Joanni sub specie & forma Regis sedentis in Throno. Circa sedem & Animalia & Seniores videntur. Et totus cætus adorat Deum sub specie Regis expressum, atque collaudat. Sic enim habetur: *In circuitu sedis quatuor animalia plena oculis ante & retro . . . & requiem non habebant die ac nocte, dicentia: Sanctus, Sanctus, Sanctus Dominus Deus omnipotens . . . Procidebant viginti quatuor Seniores ante sedentem in Throno, & adorabant viventem in sæcula sæculorum*. Ecce quomodo Filii Dei sub forma & imagine Regis adoratur & colitur. Erone Sanctorum imaginem & ipsam Deum in hac expressione floccificiendum dicent? si ipsum cultum Sanctorum imaginum tanquam idololatricam criminari volunt; ergo & pronuntient istam Dei formam idolum esse; ergo & Seniores Apocalypseo ventilent ut idololatrias.

*Tertio*: Iterum sub alia imagine se pro-

dit Filius Dei in visione quam habuit eodem tempore Ioannes, nempe sub figura Agni quæ pari cultu sicut forma Regis donata est. *Et vidi*, inquit Ioannes, & ecce in medio Throni, & quatuor Animalium, & in medio Seniorum Agnum stantem tanquam occisum . . . . . quatuor Animalia & viginti quatuor Seniores ceciderunt coram Agno . . . . & cantabant canticum novum, dicentes: Dignus es, Domine, accipere librum . . . . Dignus est Agnus qui occisus est, accipere virtutem . . . & honorem, & gloriam & benedictionem . . . & quatuor Animalia dicebant: Amen. Et viginti quatuor Seniores ceciderunt in facies suas: & adoraverunt videntem in sæcula sæculorum. Certum est & Angelos & homines de quibus sit mentio, adorasse Agnum: certum est utique Christum dumtaxat in sensu figurativo Agnum dici: certum est denique Seniores veneratos esse & Christum in se & Christum in Agno representatum: sed nec aliud exigit religio: igitur bonum est & pium venerari sanctas Imagines.

## SECUNDUM ARGUMENTUM.

*Petitur ex Traditione Patrum.*

QUIDQUID Traditione & usu Ecclesiæ firmatum est, illud ipsum est omni acceptione dignum: atqui talis est cultus quem sanctis exhibemus imaginibus: igitur venerandæ sunt & pio cultu donandæ sanctæ Imagines. Probatur minor.

Hec Traditio quamvis ipsi Christianismo cœva, cum statuam in honorem Salvatoris & in perpetuum beneficii ab ipso accepti monumentum erexerit mulier Hæmorrhœissa, quamque apud Paneadam vidisse asserit Eusebius l. 7. c. 18. summis affectum honoribus, a quarto tamen inchoante sæculo, quo tempore ulius colendi sanctas Imagines invaluit, deducitur.

Athanasius ergo Magnus primus se prodit. Sic autem loquens de carne nostra assumpta, scribit & citatur in Epistola Adriani l. A. 2. Conc. Nic. pag. 297. " Ex multis commodè pauca sumentes, scripsimus: quandoquidem ea quæ in tabulis picta sunt, cum figura per sordes & situm delecta fuerit, necessarium est, ut denuo pingatur & reficiatur, modo talis sit, ut adhuc renovari in eadem materia & tabulis possit. Nam per eandem formam & materiam & in qua depingitur, non destruitur; verum po-

tius in eo quod ante fuit, consensit. Idem sermone contra idola nostram assertionem clare explicat & probat.

Hic accedit S. Chrysostomus, qui sermone in sanctam quintam diem Paschæ sic effatur: " Omnia facta sunt in gloriam Dei, & ad nostram doctrinam . . . omnia Deo serviunt, immo potius imaginì Dei. Nam cum regia figure & imagines in civitates interfuerint, populus non ipsam tabulam, aut ex cera factam imaginem honore prosequitur, cumque Magistratu illuc obviam procedit, sed potius Regiam historiam, & veluti præsentiam suscipiunt: eodem sine modo, & ipsa creatio non terrenam istam speciem, sed coelestem historiam admiratur. Idem in sua Liturgia iungit Sacerdoti ut conversus ad imaginem Crucifixi caput inclinet.

Post istum venit S. Basilii qui sermone in quadraginta Martyres, ait de sanctis Imaginibus disserens. " Quinetiam bellorum trophæa, & victorias, & Historici scriptores & Pictores demonstrant: hi quidem oratione reus exornantes, hi vero in tabulis depingentes multos ad virtutem & virilitatem excitant. Si quidem quæ oratio exprimit, hæc tamen pictura per imitationem ostendit. Igitur ex Basilio bonum est venerari sanctas Imagines & colere, cum ad virtutem & ad imitationem Sanctorum nos provocent.

Ecce Beatus Cyrillus Alexandrinus partes sanctarum Imaginum fortiter propugnans multis in locis, sed maxime Commentario in sanctum Matthæum, sic autem loquitur: " Fides enim depingit Verbum, quod in forma Dei exiit, quod liberata nostra vita adiunxit le Deo, similitudineque nostra assumpta factum est homo . . . Imaginum utrumque nobis suppleat Parabola, quæ signorum virtutem nobis subiciunt, nimirum per oculorum appositionem, manuum tactum & quæ in nudo intellectu contemplationem obscure habent. Profecto Parabola & Christo prolata veneratione dignæ sunt: igitur & sanctæ Imagines, quia ex S. Cyrillo par est & parabola & imaginis ratio: utrumque ad contemplationem divinorum ducit animum, & sicut Parabola hominis Negotiatoris quærentis bonis margaritis, siquidem est regnum Cælorum exprimens: ita & Christi Imago, v. g. subiecit oculis mentis ipsum Christum amandum.

Non

Non deficit pro conclusione nostra Ambrosius, qui l. 3. c. 9. ad Gratianum Imperatorem, mirum hunc in modum sanctorum Imaginum partes suscipit. " Quid ergo? ait, numquid cum divinitatem & carnem adoramus, Christum dividimus? Num, quando in eo, & divinum Imaginem, & Crucem adoramus, ipsum paritimus? absit. Attende, pie Lector, quod Crux & Christi imago jam tempore D. Ambrosii adorabatur.

*Iidem* audiamus quid nobis de hoc momento S. Gregorius Nyssæ Episcopus prædicet, qui de Patriarcha Abraham sermone faciens, insignem hanc pro cultu SS. Imaginum profert sententiam: " Vidi, inquit, non infrequenter Passionis figuram, neque sine lacrimis episcemodi pistorum transi, cum scilicet opus artificii in personam significatam demonstratum esse viderem. Et oratione in Theodorum Martyrem ait picturas nobis representare Martyris certamina & victorias, quibus delectatur animus & pie commoveatur ad passiones pro Christo libenter susferendas. Qua ratione vero stimulant SS. Imagines ad virtutem, nisi quia Sanctos subjiciunt oculis mentis nostræ? æquum est igitur illas sicut prototypum digno celebrare cultu.

Jam audiamus S. Augustinum qui l. 3. de Trin. c. 20. loquens de signis sacris qualia sunt Imagines, litteræ & Sacramenta, in quorum numero reponit Serpentem æneum, dicit: " Hæc honorem tanquam religiosi possunt habere, stuporem tantum mira non possunt. Et l. 22. de Civ. c. 8. num. 6. scribit terram e Jerosolymis asportatam suis temporibus plurimum in veneratione habitam fuisse. Igitur ex Aug. SS. Imagines cultu religioso donandæ sunt.

*Insignis* est locus S. Hieronymi Presbyteri Hierosolymitani qui sic habetur in Epist. Adriani l. pag. 299. " Etenim, ut concessit omnibus Gentibus adorare quæ manufacta sunt, Judæis quidem crucis illas quas fabricavit Moses, præterea duo Cherubim aurea: ita nobis Christianis Crucem largitus est, & bonorum operum Imagines pingere & venerari, atque ita nostrum opus apud eum probare.

*Hic* omnibus accedunt, & testimonium perhibent veritati, Paulinus Epistola 12. ad Severum Sulpitium & Sermonem in Natali S. Felicis, Leontius Neopolitanus in

Cypro Episcopus Serm. 5. apologetico pro Christianis adversus Judæos cuius hæc sunt verba loquendo de Christianis: " Quotquot figuras Crucis, & Iconarum talium, tantum non ipsis culturam signis vel lapidibus offerunt, vel auro, vel corruptibili Imagini, vel Arcæ, vel Reliquiis; sed per ea Deo, & ipsorum, & cunctorum Creatori gloriam, & salutationem, & cultum impendunt. Honor enim, qui Sanctis ejus impenditur, ad eum recurrit. Sicut e contra quidam Imagines Imperiales demolientes, principem offenderunt, & non ipsam tabulam. Adjuvat partes Simeon Thessalonicensis ut referat Actione 5. Conc. 2. Nicæni " Nos, inquit, Imagines Hominum Sanctorum facimus ad recordandum & honorandum eos. Hanc Traditionem complent Summorum Pontificum & Conciliorum decreta, usus a quarto & præsertim octavo sæculo usque ad nos perpetuus. Ergo, &c.

### TERTIUM ARGUMENTUM.

*Petitur ex decretis Summorum Pontificum & Conciliorum.*

**ILLE** usus est pius & religiosus quem talem declaraverunt varia, tum Summorum Pontificum, tum Conciliorum decreta atque definitiones: atqui usus sanctas colendi Imagines talis est: igitur pius est & religiosus colere sanctas Imagines. Major patet; ad solam siquidem Ecclesiam spectat determinare ea quæ cultum respiciunt. Probat igitur minor ex Summorum Pontificum & Conciliorum sententiis.

*Supremus* controversiarum Judex, qui primus in hac causa audiri debet, est Adrianus I. ad quem contra Iconomachos appellavit Ecclesia Orientalis. Ipse vero in sua Epistola ad patres Nicæni in Bithynia pro tanto negotio adunatos probat auctoritate & Scripturæ & Patrum venerandas esse Sanctorum Imagines. " O insania, inquit, infremientium adversus fidem & cultum sacrum Christianorum! O stultitiam ventantium venerandas Imagines honorari! Post multas vero allatas pro hoc momento rationes sic concludit: " Hæc sunt, serenissimi & piissimi Imperatores & dilectissimi filii, quæ ex sacra Scriptura novi & veteris Testamenti, item piis Sanctorum Patrum Sententiis de sacris Imaginibus Dei San-

cto-

„ Horumque Virorum , item de divina  
„ pictura Ecclesia ad laudem Dei , & me-  
„ moriam Sanctorum suscipienda breviter  
„ descripsimus .

„ *Divus Gregorius* l. 7. indic. 2. Epist. 109.  
idem confirmat dicendo recte quidem de-  
„ pingi Imagines in gloriam Dei : quia , in-  
„ quit , revocant in memoriam quæ in car-  
„ ne conversatio Domini nostri Jesu Christi  
„ pro nostra operata est salute .

„ *Concilia* eidem veritati suffragantur :  
„ *Trullanum* Can. 82. dicit Imagines venerationis  
„ esse .

„ *Romanum* sub Gregorio II. teste Adriano  
in Epistola ad Carolum Magnum & Ana-  
„ stasio Bibliothecario , confirmat SS. Imagi-  
„ num usum ; & venerationem eis animo  
„ religionis reddendam esse pronunciat .

„ *Romanum* sub Gregorio III. cuius memi-  
„ nit idem Anastasius : & alterum sub Ste-  
„ phano IV. subscribunt eidem doctrinæ ,  
„ iidem usibus .

„ *Generale* septimum specialiter ad hunc  
„ effectum adunatum rem fuisse probat exqui-  
„ sitis & auctoritatibus , & factis & rationi-  
„ bus : postea sic concludit Actione 4. pag.  
„ 428. „ Sancta Synodus dixit : Diviniloquo-  
„ rum Patrum doctrinæ nos correxerunt ;  
„ ex iis veritatem haurientes , admoniti  
„ sumus ; ipsis adherentes , mendacium  
„ persecuti sumus , ab iis eruditi veneran-  
„ das Imagines salutamus , Patribus an-  
„ nuntiantibus bona filiis obediētes sum-  
„ mus : gloriamur autem in facie Matris ,  
„ Sanctæque Traditionis Ecclesiæ , cre-  
„ dentes unum Deum in Trinitate lauda-  
„ tum . Venerandis Imagines veneramur .  
„ Qui sic non credunt , anathema . „

„ *Hanc fidem* suo calculo munivit octavum  
„ Concilium generale ; verum solemniori for-  
„ ma contra novos Iconomachos scilicet Pro-  
„ testantes Tridentina Synodus sess. 25.

„ *Mandat* sancta Synodus omnibus Epi-  
„ scopis & cæteris docendi munus , cu-  
„ ramque sustinentibus , ut juxta Catholi-  
„ cæ & Apostolicæ Ecclesiæ usum , a  
„ primævis Christianæ religionis tempo-  
„ ribus receptum , Sanctorumque Patrum  
„ consensionem , & sacrorum Concilio-  
„ rum decreta , in primis de Sanctorum  
„ intercessione , invocatione , Reliquia-  
„ rum honore , & legitimo Imaginum  
„ usu , Fideles diligenter instruant . . . .  
„ Imagines porro Christi , Deiparæ Vir-  
„ ginis , & aliorum Sanctorum , in tem-  
„ plis præsertim habendas & retinendas ,  
„ eisque debitum honorem & veneratio-

„ nem impetendam , non quod credatur  
„ inesse aliqua in iis divinitas , vel vir-  
„ tus , propter quam sint colendæ , vel  
„ quod ab eis sit aliquid petendum , vel  
„ quod fiducia in Imaginibus sit figenda ,  
„ veluti olim fiebat a Gentibus quæ in  
„ idolis spem suam collocabant , sed quo-  
„ niam honos qui eis exhibetur , refertur  
„ ad prototypa quæ illæ repræsentant :  
„ ita ut per Imagines quas osculamur ,  
„ & coram quibus caput aperimus , &  
„ procumbimus , Christum adoremus &  
„ Sanctos , quorum illæ similitudinem ge-  
„ runt , veneremus . „

## QUARTUM ARGUMENTUM

*Desumitur ex auctoritate Ecclesiæ  
Gallicanæ .*

„ *QUIDAM* maxime inter Hæreticos  
„ Ecclesiam Gallicanam ab usu sanctorum I-  
„ maginum alienam prædicare ausi sunt , qua  
„ de causa fidem talis Ecclesiæ intemeratam  
„ permanisse ostendere juvat . Et sic argu-  
„ mentor . Ille sanctorum Imaginum cultus  
„ est religiosus & pius , quem uti talem Ec-  
„ clesia Gallicana semper habuit : atqui a  
„ tempore quo usus sanctorum Imaginum  
„ invalere cepit , quarto scilicet sæculo ,  
„ Ecclesia Gallicana cum summa veneratio-  
„ ne habuit , tum honorifice tractando san-  
„ ctas Imagines , tum eas in Templis collo-  
„ cando , tum etiam hunc eis honorem pro-  
„ pter Dei amorem & gloriam exhibendo .  
„ Igitur , ipsa teste Ecclesia Gallicana , ve-  
„ nerandæ sunt sanctæ Imagines . Probat  
„ minor , in qua est difficultas , & quidem  
„ multipliciter . Controversia & dubium ,  
„ si quod esse potest , profecto de octavo  
„ de nono præsertim sæculo circumfertur :  
„ habemus igitur probandum Ecclesiam Gal-  
„ licanam suum dedisse calculum his duo-  
„ bus sæculis pro cultu sanctorum Imagi-  
„ num .

„ *Primo* . Cum Constantinus Iconomacho-  
„ rum fautor acerrimus misisset quosdam  
„ oratores ad Pipinum Galliarum Regem  
„ qui ipsum cum Regno protraherent in hæ-  
„ resis communionem , re in Concilio Gen-  
„ tiliano anno 767. mature ponderata , Pa-  
„ tres & Pipinus lætati hoc dedere respon-  
„ sum , se Constantinum adhortari pluri-  
„ mum ut cum cæteris pie sentiret de san-  
„ ctis Imaginibus .

„ *Secundo* loco venit Concilium Romæ con-  
„ gre-



gregatum anno 769. sub Stephano IV. ubi aderant duodecim Galliarum Præsules. Quod quidem Concilium omnibus Patrum & nullo excepto votis definivit sanctas Imagines esse venerandas his verbis: " Si quis sanctas Imagines Domini nostri Jesu Christi & ejus Genitricis atque omnium Sanctorum secundum sanctorum Patrum doctrinam venerari noluerit, anathema sit. " Ita refertur in Epistola Adriani ad Carolum Magnum, tom. 7. Conciliorum pag. 950. Eadem Synodus suscepit quæ ante acta fuerant pro cultu SS. Imaginum in alio Concilio Romano sub Gregorio II. ita Anastasius & Adrianus ibid. p. 922. 929. 944. 946. 947.

Tertio: Eandem hiem amore suo persecuta est Ecclesia Gallicana in Conventu Parisiensi: sic enim hujus Ecclesiæ Proceres scribunt atque loquuntur in Epistola ad Ludovicum Pium. Imagines Sanctorum, *inquit*, stulta præsumptione non sunt infringendæ & ad injuriam Sanctorum abolendæ. . . . nec assertionem, superstitionis colendæ & adorandæ, sed potius, hujusmodi superstitione remota, juxta veram religionem memoriæ & amoris causæ ob recordationem eorum quorum Imagines sunt habendæ. Sicut, a Beato Gregorio satis catholice peripici, cueque dictum est. Ibi dicit hæc Synodus Imagines colendas esse ex amore erga Sanctos quos veluti subjuncti oculis nostris. Igitur existimat vere venerandas esse sacras & sanctas Imagines.

### QUINTUM ARGUMENTUM.

*Petitur ex diversis fidei Professionibus ab Ecclesia receptis & approbatis.*

ILLE cultus est pius & religiosus quem talem professi sunt multi & in hoc ab Ecclesia approbati; atqui multi professi sunt te venerari SS. Imagines & Ecclesia eorum non solum probavit, sed laudavit & tanquam suam adoptavit professionem legitur cultus sanctis Imaginibus exhibitus, bonus est & religiosus. Probatur minor varias referendo pro hoc momento fidei professiones.

*Professio fidei S. Basilii Doctoris eximii.*

MAGNUS ille pater in Epistola quæ in Julianum desertorem invehit sic ait: " Quemadmodum a Deo Christianam &

inculpabilem nostram fidem veluti hereditario jure accepimus, sic confiteor, & in eo maneo. Credo autem in unum Deum Patrem omnipotentem, Deum Patrem, Deum Filium, Deum Spiritum Sanctum, unum Deum; hæc tria adoro, & glorifico. Confiteor etiam Filii incarnationem *innotat*: deinde Sanctam Mariam, quæ secundum carnem illum peperit, hanc Deiparam vocans. Suscipio etiam Sanctos Apostolos Prophetas & Martyres qui pro me apud Deum supplicant, quo per illorum mediationem propitius mihi sit Deus noster benignissimus & remissionem peccatorum mihi gratis largiatur. Quam ob causam & historiarum Imaginum illorum honoro, & palam adoro. Hoc enim nobis traditum a Sanctis Apostolis, non est prohibendum, sed in omnibus Ecclesiis nostris eorum historias erigimus. Vides, pie Lector, quomodo S. Basilii colat sanctas Imagines, & hunc cultum ab Apostolis promanatum asserit; quomodo dicat hunc cultum non esse prohibendum, & ipse Imagines sanctas in Ecclesiis erigi curaverit.

*Professio fidei Basilii Ancyra Episcopi.*

Hic Ecclesiæ perfecte reconciliari & pristinae vitæ errata corrigere cupiens, hunc suæ fidei libellum exhibuit in Concilio generali Aët. 1. pag. 256. " Credo igitur & confiteor in Deum Patrem omnipotentem, &c. . . universam autem Hæreticorum linguarum incontinentiam abiciens execror, quemadmodum ipsos selesc rediderunt execrabiles. Interpellans etiam intemeratæ Virginis nostræ Deiparæ, Sanctarum cælestium Potestatum, omniumque Sanctorum intercessionem: horum etiam sanctas Reliquias cum omni honore suscipiens & amplectens honorifice veneror, firmiter credens me illorum sanctitatis fieri posse participem. Eodem modo venerandas Imagines quæ æconomiam Jesu Christi Domini & Dei nostri qui propter salutem nostram Homo factus est, & inviolatæ Virginis Dominae nostræ Deiparæ, Sanctorumque Apostolorum, Prophetarum, Martyrum & omnium Sanctorum suscipio, & amplector, eisque honorem debitum exhibeo. *Et infra.* " Tarasius beatissimus & sanctissimus Patriarcha dixit: Omnis sacratus cœtus det gloriam, & gratiarum

rum actionem rependat, propter hanc confessionem tuam quam præstitisti Catholicæ Ecclesiæ. Sancta Synodus dixit: Gloria illi Deo qui concordat dissidentes. „

*Professio fidei Theodosio Amorii Episcopi.*

PRÆSTUL ille pius hanc ipse legit coram Patribus ejusdem Concilii Aët. 1. fidei Professionem ab omnibus & receptam & approbatam. „ Ego Christianorum minimus, sic confiteor: In primis approbo, suscipio, saluto & veneror, ante omnia intemperantiam Domini Jesu Christi veri Dei nostri imaginem, & ejus quæ ipsum sine semine peperit, Sanctæ Matris Virginis, cujus etiam auxilium, protectionem & intercessionem nocte dieque, ut peccatori mihi subveniat, invoco, ut quæ eam potestatem habet ab illo, quem in mundum edidit, Christo Deo nostro ... eadem ratione & Reliquias Sanctorum veneror & honore prosequor & saluto veluti Athletarum & certatorum pro Christo: quippe gratiam a Deo consecuti sunt, & remedia præstare, morbos curare, dæmones ejicere, quemadmodum Christiana Ecclesia veluti per manus accepit a sanctis Apostolis & Patribus usque in præsens sæculum ... Probo similiter quæ a primordio receptæ traduntur Imagines, principio Jesu Christi, & sanctæ Deiparæ Virginis, sive ex auro, sive ex argento, sive colorum dustibus, sive quacunque materia exprimantur ... neque dissimili ratione probantur a me Sanctorum & omnibus sæculis laudatorum Apostolorum, Prophetarum, Martyrum gesta, politique, ut in omnium oculis prælia & certamina, quæ pro Christo subierunt, hæreant, atque id in commendiosam veluti Scripturam, narrationem & eruditionem populi, maxime simplicioris ... ob id obtestor vos Sancti Dei & exclamo: Peccavi in cælum & coram vobis: suscipite me, ut Deus recepit prodigum. „

Et infra. „ Tarasius beatissimus Patriarcha, inquit, qui olim erant orthodoxæ fidei calumniatores, nunc veritatis præcones existunt. „ Observa quod in hac fidei Professione dogma de invocatione Sanctorum, de cultu SS. Reliquiarum, SS. Imaginum mirum in modum firmitur.

*Professio fidei Patrum Concilii septimi generalis.*

Non solum insignes illi Synodici Patres tres istas fidei Professiones tanquam veras & omni acceptione dignas susceperunt, sed sua speciali voluerunt firmare.

„ Credimus autem, inquit, unum, „ Deum Patrem omnipotentem, omnium „ visibilium, & invisibilium factorem, & „ in Verbum ejus, per quod cuncta creata sunt: In Sanctum Spiritum vivificantem Domihum & salutamus etiam „ sanctas Dominicas, Apostolicas, & Propheticas, item Sanctorum, præcipue autem Dominæ nostræ Deiparæ Imagines, quæ nobis veluti exemplaria sunt & instructiones bonorum operum imitationis „ & fidei erga Christum; omnem idololatricam execrantes, & latricam solum Christo tributantes, & Deo Patri, & Spiritui Sancto, tanquam uni Deo cui honor & laus in sæcula. „

SEXTUM ARGUMENTUM.

*Eruntur ex Ecclesiis Orientalibus.*

ILLI eandem tenent pro cultu sancti-  
rum Imaginum fidem, qui in hoc definitiones secundi Concilii Nicæni amplectuntur & sequuntur. Atqui sic se gerunt Orientales pro hoc momento: igitur ex Traditione perpetua constat bonum esse ac religiosum sacras venerari Imagines. Probatur minor multipliciter.

*Primo:* Ex definitione primæ Synodi adversus Cyrillum Lucarem adunatæ, in qua quidem sic loquuntur Patres Syn. 1. pag. 82. „ Anathema, quia tentabat destruere honorem & venerationem relativam Imaginum, & eo quod ea quæ sancti Concilia de sanctis Imaginibus pronuntiarunt, vaniloquia appellabat, sic in hoc secundum Concilium Nicænum cōtemnendo. „

*Secundo:* ex officio secundæ Dominicæ Quadragesimæ quam diem orthodoxum vocant. Eo loci Presbyteri vel Episcopi qui divinum peragunt officium varia pronuntiant anathemata, maxime adversus Iconoclastas his verbis: „ Ter anathema tumul-  
tuoso cœtui tui suam adversus venerabiles Imagines elevavit vocem. „

*Tertio:* Nullus ex Græcis, si Cyrillum Lucarem excipias, definitiones secundæ

D d Con-

Concilii Nicæni non recepit. Hoc ipsum patet ex Confessione fidei quæ invenitur in Pontificali Græco de ordinatione Episcoporum, cura Patris Morini juris publici facta. Episcopus de novo consecratus, sic loquitur: "Sum adorator re-  
lative & non cultu latriæ, venerabilium & divinarum Imaginum Jesu Christi & sanctæ Matris Dei & omnium  
sanctorum."

Quarto: Melsetius Syrigus his verbis Ecclesiæ, de cultu sanctorum Imaginum, explicat doctrinam: "Postea adoramus, vel potius veneramus Imagines sanctorum, eo quod fuerint grati Deo & ejus amici facti sint." Res Cyrilli p. 732. Mf. Edit. Gr. Barbaræ fol. 161.

Quinto: Ex Confessione orthodoxa, par. 3. quæst. 55. in qua sic habetur: "Cum, inquit Græci, veneramus imagines & eis reddimus cultum, hunc non reddimus aut coloribus, aut ligno, sed sanctis quos Imagines repræsentant, quasque veneramus cultui dulci vel servitutis, eo quod sanctos veluti præsentantes nobis exhibeant."

Sexto: Ex Gregorio Protosyncello qui Græcorum opinionem de cultu sanctorum Imaginum sic exponit. Postquam dixit Idola a Græcis non coli, subdit: "Quocirca honor quem sanctis reddimus Imaginibus, ad sanctos, quos repræsentant, refertur."

Denique alii Orientales idem cum Græcis pro cultu sanctorum Imaginum sentiunt in primis Melchitæ seu orthodoxi ut legitur in collectionibus secundi Concilii Nicæni, cujus definitiones sequuntur Mf. Ar. Bib. R. & Herol. Melchit. & Mf.

Septimo: Ex Ritu Consecrationis Patriarchæ Alexandriæ. Ut primum enim Consecrationis officium completum & absolutum est, novus Patriarcha præeuntibus tribus Crucibus, Reliquiis Sanctorum & S. Marci Imagine in domum Patriarchalem deducitur. Pontif. cop. Mf. De hoc momento Coptitarum Ecclesiæ Traditio ita vetusta est, ut ortum a primis sæculis habuisse enarret historia.

Octavo. Idem colligitur ex Ritu Extreme-unctionis. Orientales in hoc Græcorum morem gerunt. Lampadem septiformem benedicunt & juxta eam Imaginem Sanctissimæ Virginis ponunt. Ita statuit Rituale Patriarchæ Gabrielis. Eo loci observandum est Sacerdotem ad altare Litur-

giam celebraturum ascendentem ter incenso Imagines Beatissimæ Virginis & Sanctorum adolere. In eodem Rituali officium speciale pro Imaginis benedictione legitur. Igitur luce clarius apparet Orientales in cultu sanctorum Imaginum cum Ecclesia Romana confortari; hinc qui illum veluti superstitionem rejiciunt, omni adversantur Traditioni, & pietati.

## SEPTIMUM ARGUMENTUM

### *Petitur ex miraculis sanctorum Imaginum.*

ILLÆ Imagines summopere colendæ & venerandæ sunt, quæ multorum fuere miraculorum instrumenta: atqui Sanctorum Imagines non semel fuerunt miraculorum & Dei beneficiorum instrumenta: igitur cultu, eoque religiosissimo donandæ sunt. Major patet, quis enim ita rationis expers foret, ut beneficiorum & gratiarum instrumenta floccifera duceret? Probatur minor ab exemplis, sed talibus, ut nec rejici, nec in dubium revocari fas sit.

Primo: Magna & omni exceptione majora sunt sanctæ Crucis miracula. Omnes norunt & historiæ referunt quod in Inventione sanctæ Crucis infirma mulier ex solo ligni pretiosi contactu sana protinus evaserit; qua vero virtute hoc Crux patravit demirandum miraculum, nisi quia Christum repræsentabat? Factum celebrat Ecclesia quotannis in Festivitate Inventionis sanctæ Crucis. Illud vero multum commendat Leontius Neapoleos Cypri Episcopus l. 5. Apologiæ pro Christianis & contra Judæos & de Imaginibus Sanctorum his verbis: "Multa Deus per Crucem auditum ira fecit: siquidem lignum vitæ, & lignum scientiæ appellavit: ... virga Pharaonem obtexit, mare divisit, aquam dulcem fecit, Serpentem exalta-  
vit, petram rupit & aquam eduxit: lignum etiam germinans in Tabernaculo, Aaronis Sacerdotium confirmavit. Sic & Salomon inquit Sap. 14. Benedicite lignum per quod fit justitia. Sic & Elisæus lignum in Jordanem projiciens, ferrum in typum Adam velut ex inferis reduxit: sic nandat flos pueri per virgam resuscitare filium Sunamitis mulieris, nota quod virga suscitavit quia erat figura & imago Crucis Salvatoris." Deinde sic concludit: "Is igitur qui tanta miracula per ligna fecit Deus, dic ro-

„go, numquid per sanctæ Crucis pretio-  
 „sum lignum miranda efficere potest? „  
 „Secundo: Stupendum prorsus & simul  
 „usque ad consummationem sæculi deman-  
 „dandum miraculum in Beryto civitate in  
 „immagine Jesu Christi crucifixi proditum,  
 „de quo sumum & elegantem habet Sermo-  
 „nem Beatus Athanasius ut refertur Aët. 4.  
 „Concilii septimi: sic autem insonat san-  
 „ctus ille Doctor. „ Levate, *inquit*, ocu-  
 „los intellectus vestri, novum hoc spe-  
 „ctaculum contemplantini. Inspicite in  
 „Dei immanem hoc miraculum, date  
 „illi gloriam, illius inexplicabilem erga  
 „homines amorem, illiusque dispensatio-  
 „nis magnitudinem considerate, lacrimas  
 „cum læticia fundite. „ Postea narrat  
 „factum: „ Berytus, *inquit*, civitas est  
 „in finibus Tyri & Sidonis sita, vestiga-  
 „lis autem Antiochiensibus. In ea plu-  
 „rimi commorantes Judæi amplam habe-  
 „bant Synagogam, prope quam quidam  
 „habitabat Christianus: hic ex adverso le-  
 „stuli imaginem Domini nostri Jesu Chri-  
 „sti fixerat: erat hæc sane veneranda quod  
 „integram Christi Domini proportionem  
 „exprimeret. Contigit autem Providen-  
 „tia potius quam oblivione insonem ut  
 „Christianus quærens ampliorem, e do-  
 „mo sua in alium demigrans Imaginem  
 „in illa reliquit. Judæus autem quidam  
 „commoditate loci caput adicula illam  
 „conduxit, nondum animadvertens hujus-  
 „cemodi Imaginem illic affixam: suaque  
 „isthuc transferens, aliquandiu illic hi-  
 „bitavit: sed a quodam Gentili quem in-  
 „vitasset in prandium apud Synagogæ  
 „Proceres denunciatus quod more Chri-  
 „stianorum Imaginem Christi in domo sua  
 „liberet, de repente isti illic properantes  
 „Judæum verbis atrocissimis & con-  
 „vitiis propter hoc affecerunt. Qui seip-  
 „sum purgare studens affirmabat etiam  
 „sanctæ se hujuscemodi Imaginem hæte-  
 „nus non vidisse. Nihilominus Seniores  
 „populi & Sacerdotes phatice ejiciunt  
 „quidem Judæum extra Synagogam, irruen-  
 „tes vero in Imaginem Salvatoris per  
 „apostrophem dixerunt quemadmodum Pi-  
 „tres nostri illusorunt illi ita & nos fa-  
 „ciamus. Tunc omnes cœperunt expu-  
 „ere in faciem sanctæ Imaginis Christi,  
 „colaphis cedere, pedes & manus clavis  
 „perforare, spongiam aceto plenam ad os  
 „adhibere, calamo caput sacrum percute-  
 „re, tandem ut nihil de Passione omit-  
 „terent, latus lancea aperire. Ex eo au-

tem, *inquit* B. Athanasius, sanguis &  
 „aquæ rivuli emanare cœperunt. „  
 „Pergit. Judæi terribi sed nondum con-  
 „versi Hydriam ad locum vulneris appo-  
 „nentes, de repente utroque liquore re-  
 „pletam viderunt. Tunc probare volen-  
 „tes veritatem Christi miraculorum de  
 „quibus nulla audierant, Hydriam dese-  
 „runt in Synagogam varios hic convocan-  
 „tes infirmos, quos liquore pretioso in  
 „derisionem Christi inaniter, ut existi-  
 „mabant, ungerent. Sed o misericordia  
 „Christi supra modum amabilis! quater-  
 „ribilia in Ægypto patravit ad punien-  
 „dum obduratum Pharaonem, mira ope-  
 „ratur non in vindictam, sed in salutem  
 „adversus cum sevientium. Undequaque  
 „accurrunt languidi omnes & quotquot  
 „liquor miraculosus tangit, cito sanan-  
 „tur a quacumque detinentur infirmita-  
 „te. Homo ætate proventus qui a nati-  
 „vitate quasi dissolutione membrorum la-  
 „borabat, repente de suo grabato, qua-  
 „si cervus exiliens ad laudem Filii Dei  
 „incolumis redditus, ad propria remea-  
 „vit. Cæci recipiunt videri, &c. Sed  
 „omnium miraculorum maximum! Judæi  
 „omnes a minimo ad maximum in terram  
 „prostrati agnoverunt Christum Dominum  
 „& contritione fracti cum lacrymis cla-  
 „more valido a Metropolitanum sanctum  
 „Baptisimum petiere, a quibus de his  
 „omnibus certior factus ampullas pretiosas  
 „& miraculosi sanguinis per Asiam,  
 „Africam & Europam ad Fidelium con-  
 „solationem dirigens venerabilis Antistes,  
 „cuncta quæ apud urbem jam dictam suo  
 „tempore contigerant, devenisse suis  
 „scriptis vel eloquiis manifestissime uni-  
 „versis sanctæ Ecclesiæ filiis viriliter de-  
 „claravit. Hoc insuper ab his effulgens,  
 „ut per annos singulos in mensis Novem-  
 „bris, qui apud Hebræos est nonus apud  
 „nos vero mensis undecimus, nono die  
 „ipsius mensis, idest, quinto idus No-  
 „vemberis, non minori reverentia, quam  
 „natalis Domini vel Paschæ, illa dies  
 „præcipue oblatione colatur. Hæc est  
 „vera & vehementer credula ratio de  
 „crucis lateris Domini nostri Salvato-  
 „ris, qui profluxit de sanctæ Imagine ip-  
 „sius, quæ crucifixæ est in Syria, in Be-  
 „ryto civitate. Hic est etiam sanguis  
 „ille Dominicus qui apud plerisque re-  
 „pertus esse dicitur. „

Non doctas fabulis hic enarravimus, &  
 licet aliquod forte dubium de auctoribus

D d 2 histo-

historiarum ; omnes tamen ratas habet Concilium : plures alias quæ in ejusdem Concilii actibus referuntur brevitate causa omittentes pergitur ut exemplo gradum faciamus ad aliud æqualis ponderis argumentum ; sed ante juvat unum adhuc in toto mundo diffamatum miraculum , recensere .

*Tertio* : Negotium est de sancta Maria Ægyptiaca . Petrus Lector Concilii septimum in Actione quarta legit Mariam de vita plurimum obsecra erubescens suscipi lacrimis orasse coram pia Imagine Deiparæ Virginis , quam effusus lacrimis prostrata super pavementum , enixe deprecabatur , quatenus ejus auxilio & tantarum miserationum pelago a Beata Maria liberaretur : scribit ab Imagine miraculose ipsam alloquente accepisse vitæ responsum , & de repente mutatam vitam duxisse cœlestem , ita ut in albo Sanctorum collocari & ascribi meruerit . Relata historia sic habetur in Concilio : " Joannes religiosissimus Monachus & Vicarius Summorum Episcoporum Orientis , dicit : talem Imaginem nos vidimus in Sancta Christi Dei nostri civitate , eamque sæpius salutavimus . "

*Quarto* : Non omitam alteram in actibus S. Procopii relictam ibidem de miraculis sanctarum Imaginum historiam . Tempore quo Diocletianus furens infestabat atrociter Christianos sub Gallicium . Dux nomine Neanius rogavit quendam sculptorem cujus nomen erat Marcus , ut ali-quod devotionis instrumentum pro suo usu consecraret . Rem esse difficilem propter persecutiones esse respondit Marcus . Attamen annuens Ducis votis , noctu ex auro & argento fabricavit Crucem . Vix completur opus , tres sine studio & labore , immo & longe ab intentione , tres inquam miraculose apparuerunt sanctæ Imagines : scriptum autem erat hebraice in superiore parte Emmanuel , & utrinque in summitate alarum Michael & Gabriel . Volens Marcus expungere Imagines , manus sicca permansit . Primum & miraculosam Imaginem contuens Neanius adoravit . Sciscitans autem ab artifice , quænam esset illa inscriptio ? quæ personæ ? " Domine , inquit Marcus , in qua hora Crux a me erigebatur , Imagines istæ per se enatæ sunt ; neque ego cognosco quænam aut cujus inscriptio . " Cæterum norunt omnes S. Joannem Damascenum orantem coram Imagine Beatæ Virginis

dexteram crudelitate principis Damascenorum abscissam propter scelus in odium sanctarum Imaginum illi suppositum , recuperasse : ita refert Baronius .

## OCTAVUM ARGUMENTUM.

*Petitur ex poësis quibus Iconomachi fuerunt impietatis scelus in sanctas Imagines patratum .*

VIDIMUS quænam beneficia gratia sanctarum Imaginum fuerit a Deo concessa . Nunc differendum de vindicta quam & Ecclesia , & Deus sumpsit de peccatis contra sanctas Imagines . Ex quibus hoc in veritatis confirmationem eruitur argumentum .

*Primum* & religiosum est sanctas colere Imagines , si Ecclesia abjicit Iconomachos & sæpius etiam in hac vita Deus eos punierit : atque res sic se habet : Igitur primum & religiosum est sanctas colere Imagines . Probat minor . Quoad primam partem : nempe quod Ecclesia ab illis abstinerit , illos abhorruerit & tanquam putrida membra abiecerit .

*Anathematismi Basilii Ancyre Episcopi a sacro sepsimo Concilio approbati .*

ANATHEMATISMUS tertius : " Qui venerandas & sanctas Imagines non amplectitur , execratio . "

*Quartus* : " Qui asserunt Christianos , ut Deos Imagines adorare , execratio . "

*Quintus* : " Qui favent ex animo violentoribus & ignominia efficientibus sanctas Imagines , execratio . "

*Anathematismi Theodosii Amorii Episcopi ab eodem Concilio approbati .*

*Primus* : " Qui venerandas Imagines non veneratur , anathema . "

*Secundus* : " Qui in sanctas & venerabiles Imagines blasphemias congerunt , anathema . "

*Tertius* : " Qui traducere & maledicis verbis incescere audent venerandas Imagines , aut eisdem rejicere , anathema . "

*Quartus* : " Qui ex animo Christianum populum non docent venerationem sanctarum & honorabilium Imaginum omnium Sanctorum , qui ab initio Deo placuerunt , anathema . "

*Jam audiamus Adrianum primum in suo refre-*

rescripto ad Patres Concilii septimi sic loquentem : " Nescis quod quicumque ex ligno coloribus Imagini convicia dicit, illum non damnari, veluti in rem inanimatam sed contra Regem ipsum dixerit ? Indicatur enim occulte Regi injuriam intulisse &c. ", Cui illud Sermonis B. Athanasii ad Simeonem Episcopum Bosporum de Sabbato concinit, & refertur Actio quarta ejusdem Concilii. " Quenadmodum cum quispiam temulentus in Imaginem Imperatoris impetum faciens jussu corrigitur, veluti ipsum Regem ignominia affecisset, cum tamen ipsa imago nihil sit præter lignum, aut colores cum cera mixti : eodem modo qui in alicujus typum aut effigiem ignominiosus est, in illum, cuius est typus, injuriam factam arbitramur. "

*Anathematisni septimi Concilii generatis contra Iconomachos, Sess. 4. pag. 428.*

PRIMUS : " Venerandas Imagines veneramus. " Qui sic non credunt, anathema. " Qui aliter sentiunt, longe ab Ecclesia abiciantur. "

SECUNDUS : " Nos venerandas Imagines salutamus. Nos, qui sic nolunt, anathemati subijcimus. "

TERTIUS : " Qui sacras Imagines idola vocant, anathema. "

QUARTUS : " Qui communionem habent cum iis qui sanctas Imagines rejiciunt, aut contemnunt, anathema. "

*Infelix exitus in sanctas Imagines  
sacientium.*

LEO Isaurus Imperator qui primus post Judæos bellum sacris indixit Imaginibus, diversis modis flagellatus est a Domino magnis præsertim & insolitis atque horrendis terræ motibus, ita ut urbs Constantinopolitana a fundamentis concussa & quasi avulsâ pro sanctis Imaginibus pugnet contra insensatum qui tandem hydrophili morbo confectus, vi dolorum animum pessimum 18. Junii anno 741. exhalavit. Ita referunt Beda de sex mundi ætat. sub finem; Paulus Diaconus l. 6. c. 47. Anastasius in Græc. 2. & 3.

Constantinus Copronymus patris impietatem sequutus, plurimum in sanctas Imagines & in earum cultores sævit, sed bellum contra Bulgarios commissurus vadens,  
*Boncat Theol. Tom. I.*

prælo post carbone percussus, tantis affectus est caloribus, ut vivum propter blasphemias adversus Dei Matrem se mori exclamaret; tandem affectus in rabiem sibi ipsi crudelis miserande obiit anno 775. Ita Theophanes hist. Miscell. Baptista Ignarius in ejus vita.

Michael Balbus alter Imperator utrique & alter sanctarum Imaginum terribilis excipit persecutor, verum etiam terribiliter a Deo flagellatus est. Saraceni quippe Cretam Insulam, deinde, adjuvante Euphemio proditore, Siciliam, Calabriam, Apuliam, fraude & armis invasi etiam Imperatori abstulerunt : ipse vero omnibus odiosus & execrabilis, pœnis iterum & in æternum luendus obiit 1. Octob. ann. 829. Cedrenus, Curopalata, Theodorus Studita.

Michaeli successit Theophilus in persequendis sanctis Imaginibus, hinc epus sequens vestigia, luit utique impietatis gravissimas pœnas; quippe qui in quinque contra Saracenos præliis victus mœrore & tristitia confectus in æternum adhuc puniendus defunctus est die 30. Januarii ann. 842.

Michael tertius post Theophilum Imperator, etiam insectatus est & sanctas Imagines & eorum Fautores. Verum a quodam Basilio, quem in ore habebat, subtiliter occisus est die secundum quosdam 23. Aprilis : secundum alios 24. Septembris ann. 867. Nicetas in vita S. Ignatii : Zonaras.

## NONUM ARGUMENTUM.

*Desumitur ex ratione, eaque multiplici.*

ILLE cultus est pius & religiosus quem ipsa ratio, supposita fide, inspirat & dicat : atqui ipsa ratio, supposita fide, inspirat & dicat cultum sanctis Imaginibus esse debitum : igitur ille cultus est pius & religiosus. Probatur minor & quidem variis rationibus.

PRIMA : idem est motus in Imaginem & prototypum : ergo, &c. Probatur antecedens. Qui honorat Regis tabellam honorat & Regem. Simili modo qui honorat effigiem Imaginem, Christum in Imagine venerat. Quis autem dicet aut Christum non esse honorandum, aut quod pejus foret, honorem illi exhibitum, esse execrabilem idololatriam ? Illa ratio est Adriani I. qui in sua Epistola supra cita-

Dd 3 ta

ta sic loquitur : " Omnis enim Imago si-  
ve Angelorum, sive Prophetarum, aut  
Apostolorum, aut Martyrum, aut alio-  
rum Justorum virorum in nomine Dei  
facta, sancta est. Non enim ipsum lignum  
honoratur, sed ipsum illud quod in ligno  
datur contemplandum, atque ita per recor-  
dationem veneratio exhibetur. "

*Secunda* : in sanctis Imaginibus non ma-  
los & impios, sed justos honore dignissi-  
mos veneramus : ergo, &c. Probatur an-  
tecedens. Adrianus ibidem " ait : Quid  
aliud apud Dominum Deum nostrum ten-  
tamus, quam adorantes, glorificantes &  
trementes eum? Imago enim nihil aliud  
est, quam figura illius, in qua pictura ex-  
pressus est. Impii vero qui ipsi nihil bo-  
ni faciunt, neque Sanctorum recordan-  
tur, caveant bona operantes impedire :  
neque scandalo sint his qui Sanctos Dei  
servos honore afficiunt. . . ex his liqui-  
do constat ob recordationem Sanctorum  
Imagines tantum pingi, venerari & co-  
li quos clare constat servos esse Dei,  
& pro nobis apud Deitatem obsecrantes  
intercedentes. Dignum namque est,  
ut ducum nostrorum memores simus &  
Deo gratias agamus. "

*Tertia* : Sanctæ Imagines sunt Historiæ  
& gestorum & virtutum quibus illiterati  
commoventur plurimum ad Sanctorum  
imitationem, quippe qui sine tabulis aut  
sermone, nihil de Sanctis sciunt : ergo,  
&c. Hanc rationem explanat idem Pon-  
tifex, eamque ex Gregorio mutuavit. "  
Quemadmodum etiam, *inquit*, Divus  
Pater Gregorius Apostolorum successor  
prædicavit, ob id depingi in Templis  
Evangelicas historias, ut homines illi-  
terati, & qui sacros Libros legere ne-  
queunt, quorum sane maxima pars est,  
conspicis illis, redderent Deo gloriam,  
& reducerent in mentem, quæ in car-  
ne conversatio Domini nostri Jesu Chri-  
sti fuisset? Ut taceam interam ortho-  
doxos alios & Christianos Imperatores  
cum Sacerdotibus omnibus & honestis  
viris Deum colentibus : simul etiam  
cum universo Christiano populo qui om-  
nes juxta antiquam sanctorum Patrum  
Traditionem venerandas Imagines &  
repperunt, & revere, & compunctio-  
nem cordis conservant, & in hunc us-  
que diem venerantur. " Igitur Imagi-  
nes inserviunt ad omnia, maxime ad  
compunctionem cordis pro peccatis, quod  
sane multopere inservit ad salutem. "

Eandem rationem expandit B. Asterius  
Episcopus Amasiæ sermone in Euphe-  
miam Martyrem Aët. 4. septimi Concilii  
relato : loquendo enim de pictura quæ  
ejus referebat & prælia & agones atque  
victorias, dicit : " Aeditui autem divini  
mysteria populo ostendunt & oratione  
memoriam illius celebrant & quomodo  
certamen fortitudinis subierit, advenien-  
tes docent. " Quibus verbis præter ulte-  
riores rationes subicit istam, quod Imagi-  
nes Sanctorum nos stimulent ad eorum  
præclara facta collaudanda, & Deum pro  
tantis victoriis benedicendum. "

*Juvat* referre Canonem septimi Conci-  
lii de pictura Christi sub forma Agni,  
quam quidem non solum approbat, ve-  
rum etiam fuisse fieri, quia exprimit  
Christi mansuetudinem quam imitari pro  
virili debemus. " In quibus, *inquit*, san-  
ctarum Imaginum picturis Agnus digi-  
to Præcursoris indicatus expressus est,  
qui in formam acceptæ gratiæ verum  
nobis per legem Agnum Christum Deum  
nostrum offendit. " Et postquam hunc  
Christi typum erigi debere declaravit;  
reddidit rationem : " Per hoc enim humi-  
litate altitudinem Verbi Dei confide-  
rantes, & ad memoriam in carne Pas-  
sionis illius & salutaris mortis dispen-  
sationis veluti manducati, quæ mundo  
illinc contingit liberatio, cognosce-  
mus. "

*Plures* alias breviter rationes subji-  
mus. Colendæ sunt sanctæ Imagines, quia  
multam hic cultus consolationem animi  
affert, subjiendo oculis fratres nostros  
qui de mundo, de peccato & inferis vi-  
ctores nos invitant ad palmam. Ita cen-  
set & dicit Chrysostomus de Imagine B.  
Meletii in ejus encomio Aët. 4. Conc. 7.  
Quia sicut coronam a Rege victori Duci  
datam omnes venerantur, ita debemus  
sanctorum Imagines quæ eorum inserviunt  
gloriæ, venerari : maxime vero quia non  
ut idola habemus, cum potius idola ubi-  
que confringamus. Ita ratiocinatur Leon-  
tius in Can. 7. Aët. 4. Quid plura? Deo-  
sculamur Librum Evangeliorum sancta Chri-  
sti representantem : ipsi Calvinistæ vene-  
rantur Coenam quamvis illam solum  
Christi figuram dicant : igitur ex conce-  
dendis pium & religiosum est venerari  
sanctas Imagines. "

*Solvuntur objectiones Iconomachorum ex  
Scriptura sacra desumptæ.*

**OBJICIUNT** Judæi, & cum eis tum veteres, tum recentiores Iconomachi, Iliad Exod. 20. *Non facies tibi ipsi Idolum, neque similitudinem ullam . . . neque adorabis ea, neque ea coles.* Sed Imagines sunt creaturarum similitudines: igitur nulli licet ex præcepto Dei eas aut adorare, aut colere.

*Respondeo* retorquendo argumentum contra Judæos. Librum Legis desolantur; coram Arca cum Josue fe prostrant; venerantur Cherubim illam protectores; Serpentem æneum cum fide & devotione aspicunt, summoque asciunt honore: igitur licitum est pio fine & bono piaque intentione venerari sanctas Imagines. Ita respondet Leontius Episcopus Neopoleos Cyprî, lib. 5. Apologiæ pro Christianis contra Judæos. In Concilio septimo generali Aët. 4. p. 382. Judæum alloquens ait: "Sicut autem tu adoras Librum Legis, non naturam membrorum aut aramenti adorans, sed verbi Dei quæ in illo continentur: sic & ego Imaginem Christi adorans, non lignorum aut colorum naturam adoro, absit, sed inimitum characterem Christi. Hunc enim cum habeam, pet ipsum Christum me tenere & adorare mihi videor. . . tu vero cum me criminaris, quod ut Deum lignum Crucis adoro; quid est, quamobrem non vertis in crimen Jacob adorantem in summitate baculi Joseph? Sane manifestum est quod lignum non adoravit, sed per lignum Joseph, quemadmodum nos per Crucem, Christum."

*Pergit* confundendo Judæum. "Fare, quid habes quod de duobus Cherubim filiis, bobus, palmis, & leonibus, quæ in Templo sculpti sunt, te defendis? vere nihil habes quod adversus illud dicis, nisi hoc unum, quod ea non tantum Deos habes, sed in memoriam Dei ejusque gloriam, Cherubim hæc in Templo videntur. Quod si isti sic se habent, qui ratione nos de Imaginibus reprehendis?"

*Rursus* sic loquitur: "Pudore suffundantur Judæi, qui proprios Reges & alios adorantes, nos Christianos tantum Idololatrias derident. Nos autem

Christiani omnibus in civitatibus & regionibus in dies & in horas singulas contra Idoli stamus armati, contra Idola plallimus, contra idola & preces fundimus: & qui tandem fronte Judæi nos vocant Idololatrias? Ubi nunc sunt, quæ olim ab ipsis oblatae sunt Idolis, boum, ovium, & filiorum quoque victimarum? ubi sacrificiorum fumi? ubi aras & profusiones sanguinum?"

*Rursus* ibidem pag. 383. "Jam si constat me Idoli adorare, quid causæ est, quamobrem Martyres qui Idola destruxerunt, veneror ut Deos & glorifico? quo pacto ipsos Martyres qui status lignis confreecerunt, honore prosequor? si ligna ut Deos glorifico quomodo veneror & adoro Martyres, & Apostolos, qui effigies perdidierunt?" Igitur nos Christiani non sumus colendo sanctas Imagines idololatræ, quia Christum & Sanctos in Imaginibus veneramus: quia cultus noster ad Deum glorificandum terminatur, quia sacrificium non Imaginibus sed soli Deo offerimus: quia preces contra Idola nos fundimus, quinimo eadem constringimus.

*Respondeo* 2. retorquendo argumentum contra recentiores Iconomachos, Calvinistas intelligo. Isti Cœnam summo venerant cultu, cum tamen figuram & imaginem Corporis Christi dumtaxat appellant. Ipse Dalcæus explicans locum D. Gregorii imperantis, ut ea quæ par est reverentia, Imaginem & Crucem Salvatoris veneremur, dicit se ab hoc non esse alienum, quemdamque agnoscit honoris gradum omnibus religionis instrumentis debitum, ut v. g. Libris sacris. Albertinus de Eucharistia in Theodoro triplicem distinguit adorationem, alteram Deo debitam, Principibus alteram exhibendam, tertiam mediâ non denegandam rebus sacris, licet inanimatis, hancque ratam habet pro Eucharistia. Calvinus jubet eam reverenter suscipi: id & præcipit Catechismus Genevensis: Quorum igitur nos tanquam idololatrias criminantur? cum Sanctos in Imaginibus veneremur, & hoc cultu religioso, eoque medio inter cultum Deo, & Principibus debitum, ita ut sanctas Imagines, nec cultu latræ, soli Deo convenienti, nec etiam mere civili, aliqui Reges terræ donantur, celebremus?

*Respondeo* 3. in forma, & distingo + non facies tibi sculptile, nec illud ut Deum.  
D d 4 ad-



adorabis, concedo: Sculptile in memoriam Sanctorum ut Deum ipsum mirabilem in Sanctis suis & contemplis & colas, nego. Deus prohibet sculptile faciedum ne Judæi ad idolatriam propensam creaturam tanquam Deum venerentur, sed non sculptile ad laudem Sanctorum, & sui ipsius gloriam; quandoquidem Deum in Sanctis intendit glorificare Ecclesia. Ita ad objectionem respondet S. Germanus Patriarcha in sua Epistola quæ refertur Aët. 4. Conc. 7. p. 411. "Nullam facies similitudinem ad adorandam illam, neque in cælo deluper, neque super terram. Deinde dixit: Non oportet manufacta adorare, hoc est, quæ manu hominum elaborata sunt. Cum vero Sanctos Christi Martyres, veras fidei margaritas, omni honore dignos arbitremur & intercessionem eorum posulemus, non potui illi non respondere. Christianorum itaque fidem, cultum & adorationem in unum & solum Deum existere dixi. . . . Hic sane creaturas non adoramus: absit, neque cultum divinæ dominationi debitum in conservos deducimus, absit. . . .

*Postea* sic concludit: "At si Domini & Servatoris nostri, trem intemeratæ ejus Matris vere Deiparæ, necnon Sanctorum Imagines sicutamus, confessi etiam fidem & dispositionem mentis erga illos habemus, sed unum Deum sine principio, sine fine qui omnia in sua manu habet, factorem nostrum & omnis creaturæ & Servatorem habentem potestatem in cælo & in terra pro genere humano hominem factum agnoscimus. . . . Prosequitur dicendo & beatissimam Virginem & Sanctos nos colere, ut intercedant pro nobis apud Deum, tanquam ejus & amici benevoli, & filii dilectissimi. . . .

Quod autem in loco Exodi Deus ad solos Judæos dirigat sermonem, ne ad idolatriam pro more declinent, omnes sic interpretantur Patres. Unde Leontius loco citato p. 386. Judæum revincit: "Utinam sanctum aureum thiribulum servasses, & non vitulas Samaritæ coluisses! Utinam florentem virgam, & non Astartem urbis desolatricem! Utinam a Deo stillantem Petram pro Baal amplexus fuisses! . . .

*Infant.* Illa solum sculptilia adoranda & colenda sunt, quæ ex præcepto & licentia Dei colere oportet, & quibus Deus exhibetur specialiter præcens, ut legitur

de Arca, de Serpente elevato in deserto: sed de cæteris non solum non est licentia facta, datumque mandatum, verum potius prohibitio expressa ab ipso Deo emanavit: igitur qui colit aut Statuas, aut Imagines, contra præceptum facit, & inter idololatrias annumerandus est.

*Respondeo* 1. Deum dumtaxat prohibere sculptilia adoranda ut numina. Si enim vel ipso præcipiente Arca constructa est, vel ipso permittente boves & leones fusæ sunt pro usu Templi absque idololatriæ labe & convitio, cur indiscriminatim asserat Judæus, inquit Leontius, omne sculptile, omnesque Imagines idola esse? Sic insurgit adversus malignantem loco citato p. 386. "At dices mihi; Moysi a Deo jussum est, ut ejusmodi sculptilia in Templo collocanda curaret: ego sane hoc ipsum etiam dico. Sed Salomon illic digressus, plura in Templo apparavit, quæ tamen Deus non mandaverat, quæ neque tabernaculi testimonium habuit, neque Templum quod vidit Ezechiel: non tamen in hac a Deo in crimen vocatus est Salomon. Nam in gloriam Dei, quemadmodum etiam & nos, ejusmodi effigies excogitavit.

*Respondeo* 2. distinguendo: Deus prohibuit omne sculptile & imagines Judæis, transeat; Christianis, nego. Dico pro prima parte transeat, cum ipse Salomon absque speciali præcepto similitudines etiam animalium fuderit ad magnificentiam Templi & gloriam Dei bonorum omnium auctorem: sed dato quod omnes Imagines prohibeat sint Judæis propter eorum ad idolatriam propensionem; non tamen Christianis qui majori affluentes gratia, majori utique pollent lumine; Spiritus quippe Sanctus, multiformiter Ecclesiam suis illustrat donis: namque, inquit Apostolus 1. Cor. 12. 8. *Alii datur sermo Sapientiæ: alii autem sermo scientiæ secundum eundem Spiritum*, ut fideles sciant a sensibilibus gradum facere ad invisibilia. Nam &, *Spiritualis*, ait S. Paulus, *judicat omnia*. 1. Cor. 2. 15. Ergo Ecclesia judicavit concedere dilectis filiis suis Imagines, ut in his tanquam in quibusdam libris legant quid Apostoli, quid Martyres pro vita æterna assequenda gesserunt, ut & ipsi imitatores facti certaminum & passionum, sint & gloriæ confocii: unde Adrianus 1. in sua Epistola quæ refertur Aët. 2. Conc. 7. sic loquitur pag. 292. "Pe-

nan-

„natur in aula Dei similitudo; ejus ante Matris, Sanctorum quoque & Beatorum Apostolorum, Prophetarum, Martyrum & Confessorum, & ex animi desiderio eas veneremur . . . ut per visibilem figuram, ad invisibilem magnitudinis ejus divinitatem spirituali dispositione mentes nostrae rapiantur secundum carnem, quam Dei Filius propter salutem nostram suscipere dignatus est, Redemptorem nostrum in caelis existentem adoremus, & in Patre glorificantes, laudemus, quemadmodum scriptum est, *Deus Spiritus est*. Joan. 4. & illud comprobando secundum Spiritum Deitatem illius adoramus.”

„Eo prope modo se explicat Leontius l. 5. Apol. pro Christianis contra Judaeos, & legitur Act. 4. Conc. 7. p. 382. Alloquens enim Judaeum ait: „Hinc etiam propter Christum Christique passiones, passim in Ecclesiis, in domibus & foro, in picturis, in sintonibus, in promptuariis, vestibus, omnibus denique in locis hanc figuram ponimus, quo continuo contemplantibus nobis haec in mentem veniat, & non obliviscamur, quemadmodum tu oblitus es Domini Dei tui.”

„Insunt: atqui praecipuum de non faciendis sculptilibus & similitudinibus, est etiam pro Christianis: ergo &c. Probant subsumentem ex nostris auctoribus & sanctis Doctoribus qui suum acuunt styllum contra statuas & similitudines. Et contendunt praecipuum Judaeis impositum omnes non solum veteris, sed & novae legis homines obligare. Clemens Alex. l. 5. Stromatum dicit Moysen defendisse simulacra ut ad ea transiremus quae percipiuntur. lib. 6. Strom. defendit & reprobavit pingendi artem. Tertullianus l. 16. de idololatriis c. 3. ait: *Diabolum in seculo intulisse artifices statuarum*. Et sibi c. 4. obijciens Serpentem aenum respondet: *Tu imitare Moysen, ne facias adversus legem simulacrum aliquid, nisi & tibi Deus jussit*. Origenes l. 4. contra Celsum dicit: *In civitate eorum nullus pictor admittetur*. Lactantius l. 2. institutionum c. 2. absolute rejicit simulacra & rationem reddit: *Non ipsa timeamus simulacra sed eos ad quorum imagines facta, & quorum nominibus consecrata sunt*. Confirmatur: Ethnici non lapidem aut aurum, sed Deos in simulacris colebant, ut patet ex Celfo apud Origen. l. 7. in quo sic loquitur: *Quis enim alius est, nisi sit plane statuas, qui haec*

*Deos esse putet, non autem Deorum donaria & simulacra?* Idem asserit Athenagoras in Apol. pro Christianis dicens non deuisse inter Ethnicos qui idola, *Nihil quam simulacra esse dicerent; Deos vero, quorum honori ea sint dedicata, & quaecumque in ipsos conferuntur, redditus, sacrificia, ad ipsos reservi Deos*. Et tamen Patres etiam & in hoc puncto damnant simulacra Gentium: igitur neque licitum est Christianis simulacra facere, licet vel Deum, vel Sanctos colant in ipsis. Quinimmo venerando in eis creaturas, imitantur Ethnicos qui homines in simulacris summo aspiciebant honore.

Respondeo 1. Hoc omnia dumtaxat probare statuarum usum ipsa pictura recentiorum esse, & in primis saeculis Ecclesiam a simulacris tum Christum, tum Sanctos exprimentibus abstinuisse, ne Christiani in Gentilium cultum collinare viderentur; nullo modo vero usum statuarum esse malum, maxime quando accessit Ecclesiae auctoritas quae cuncta sanctificat, unde legitur in Actibus 10. 15. *Quae Deus purificavit, tu ne commune dixeris*.

Respondeo 2. Patres vel loqui de Judaeis quibus simulacra interdicta fuerant: vel si de Christianis, solum abusum perstringere. Quamobrem sic distinguo: Patres rejiciunt statuas aut propter abusum, aut ne abusus scandalumve aliquid obrepit, concedo: absolute in se, nego. Ne putarent Gentiles Christianos adherere eorum simulacris, ne etiam Judaei ad fidem accedentes, quique a sculptilibus abhorrebant, scandalum paterentur, aequum duxit Ecclesia primis temporibus abstinere a statuis, immo & saepius a pictura: Igitur attendendum ad disciplinam quae oeconomiae causa diversa fuit pro temporum diversitate.

Ad Clementem dico prohibere tantum inanum Deorum similitudines & quosdam annulos superstitionis motivo portare, atque: *Non esse gestandos annulos, neque Deorum imagines esse eis insculpendas, sicut Moyses multis ante saeculis aperte legem sanxit*. In secundo loco suum acuit styllum adversus eos qui invenisse fingendi vel pingendi plantas & animalia artem gloriabantur, cosque fures vocat, quia soli Deo qui omnia fecit, & cujus homines in arte ministri sunt, gloria debita est. Sic autem loquitur Clemens l. 6. Strom. *Qui ergo dixerit se aliquid excogitasse, vel fecisse ex iis quae pertinent ad creationem impii &*

nefarii incepti dabit pœnas. Ibidem dicit falsam esse opinionem ad Deos inanes referre originem rerum.

Ad Tertulliani auctoritatem, distinguo: & ibi Tertullianus invehit tantum contra Idola, concedo: & absolute duntaxat picturas & Sanctorum aut Christi statuas, nego. Ibidem sic loquitur: *Idolum tam fieri quam soli Deus prohibet*. Unde & in libro de spectaculis dimittit sculptilia Deorum ad historiam sanctorum Prophetarum expressa: *An Deo placebit, inquit auriga ille, tot animarum inquietator, tot furiarum minister, tot statuarum velut Sacerdos coronatus, vel coloratus ut Leno quem curru rapiendum diabolus adversus Eliam exornavit? &c.* Quod autem sibi objicit de Serpente, solvit dicendo de hoc momento fuisse Dei mandatum; vult solum probare omnia sculptilia populo rudi Judæo & carnali prohibita fuisse, nec illa ei licita fuisse nisi Dei accesserit specie mandatum, & assert pro exemplo Serpentem æneum, sed non negat Christianis licitum esse Christi & Sanctorum Imagines venerari.

Ad Origenem similis est responsio: loquitur enim de Judæis qui ne ad defectum idololatriæ desisterent, prohibidum erat ne aliquis simulacrorum sculptor in urbem eorum admitteretur. Quod quidem probant verba immediate antecedentia: *Apud quos, scilicet Romæ Judæos, nullum aliud numen erat receptum, quam Deus hujus rerum universitatis præses procul ablegatis omnibus simulacrorum opificibus. Nam in civitatem eorum nullus pictor admittebatur.*

Eodem prope modo fit satis objectioni Lactantii: prohibet quidem statuas, sed ne fides aliquod patiatur periculum ex simplicitate populorum, qui ad imitationem Gentilium, vel aliquod numen, vel virtutem aliquam divinam in statuis agnoscere quodammodo videbantur.

Ad confirmationem, nego paritatem: multum enim est discrimen inter Ethnicos in usu simulacrorum, & Christianos in usu Statuarum & Imaginum. Primo quidem Ethnici ut plurimum idola tanquam numina adorabant: ita testantur utriusque Testamenti Scripturæ: Lev. 19. Psal. 113. Sap. 14. Danielis 14. Actuum 19. ita testatur S. Cyprianus l. 2. testimoniorum adversus Judæos: *De Idolis quæ Gentiles deos putant. In sapientia Salomonis: omnia Idola nationum æsti-*

*maverunt deos.* Concinit Minutius Felix in Octavio. Tertullianus in Apol. c. 12. Qui vero inter Paganos acutiores erant, si simulacra non ut deos habebant, attamen virtutem quandam divinam in ipsis statue venerabantur, ut notat Aug. l. 8. de Civ. c. 23. ubi de Trimegisto ait: *At ille visibilia & contrefactabilia simulacra velut corpora Deorum esse asserit: inesse autem his quosdam Spiritus invisibiles, tatos qui valeant aliquid sive ad nocendum, sive ad desideria eorum nonnulla complenda a quibus eis divini honores & cultus obsequia deferuntur.* Denique si numen in Imagine colebant, vel numen multiplex, & semper creaturam aliquam aliis pessimam & peccatricem confitebantur. Non sic Christiani: unicum adorant Deum, Sanctos quidem venerantur in Imaginibus, verum eatenus colunt, quatenus speciale habent ad Deum relationem: quinimmo Deum in creatura demirantur: & illum solum adorant; ita S. Germanus, ita Leonius supra citati explicant. Cæterum attendendum est ad intentionem, inquit Adrianus in Epistola sua citata. Sic enim ait pag. 297. *Omnis enim imago sive Angelorum, sive Prophetarum, aut Apostolorum, aut Martyrum, aut asiorum Justorum virorum in nomine Dei facta, sancta. Non enim ipsum lignum honoratur, sed ipsum illud quod in ligno datur contemplandum: atque ita per recordationem veneratio exhibetur.*

Obijciunt 3. Ergo ad summum cultu mere civili venerandæ sunt sanctæ Imagines. Probatur sequela. Nihil amplius exigit Adrianus, adeoque & Concilium septimum generale. Probat: Adrianus sic loquitur: *Qualis vero iste est adorationis honor? Profecto non alius, quam is, quo nos peccatores quoque invicem prosequimur salutantes nos inter nos per honorationem & dilectionem. Quid aliud apud Dominum Deum nostrum tentamus, quam adorantes, glorificantes, & tremantes eum? Sed sane amicos cultu mere civili celebramus: pari igitur dumtaxat cultu debemus, & celebrare sanctas eorum Imagines.*

Respondeo negando subsumptum. Ad probationem, distinguo: venerandæ sunt sanctæ Imagines cultu mere civili, sed elevato per religionem, concedo: secus, nego. Summus Pontifex Hæreticorum vel

con-

contundere proterviam, ipsorumque propellere telis quibus idololatriæ gladio fideles confodere nituntur, dicendo neque nos adorare vere, idest cultu latriæ Sanctorum, eorumque Imagines, neque ipsum lignum vel metallum, aut picturam nostris celebrare laudibus & encomiis, sed exhibere cultum similem illi quo & parentes & amicos prosequimur: neque etiam nos honorare lignum, sed Sanctos & amicos Dei tum in ligno, tum in pictura. Et vero simili cultu vult Adrianus Imagines Christi celebrari, quo Judæi Arcam venerabantur. Ibidem enim dicit: "Non enim ipsum lignum honoratur, sed ipsum illud quod in ligno datur contemplandum, omnes enim Principes etiam pessimi sint peccatores, adoramus, & reverenter salutamus. Quid verat igitur, quominus non liceat & Sanctos Dei Ministris venerari, & in memoriam eorum Imagines statuere & erigere ne in oblivionem perpetuam veniant? Verum, inquis, Deus ipse inanis facta prohibuit adoranda. Dic mihi, o Judæe! quid est quod super terram extet, quod non sit manu hominum factum, postquam a Deo fuerit creatum? Quid? Arca Dei quæ ex ligno Sethim constructa est, & edificata, nonne opus est hominum? ... Gentium autem Idola, quia Imagines fuerunt Dæmonum, Deus ejecit & condemnavit, nos vero in memoriam Sanctorum Imagines facimus. . . Apostolorum & Sanctorum Martyrum qui propter Christum tribulati sunt, quo ornatis qui in Imagine contemplatur, & meminerit illorum & glorificet Deum. . . Quibus verbis docet Adrianus Sanctos in Imaginibus coli, ut relationem habent ad Christum pro quo tribulati sunt, & ut glorificemus Deum mirabilem in sanctis suis Ministris: igitur cultu pio & religioso, eoque fide elevato venerandæ sunt Sanctorum devotæ Imagines.

*Solvuntur objectiones ex auctoritate Patrum deductæ.*

**OBJICIUNT 1.** Iconomachi recentiores, Patres primorum sæculorum nedum abstinuisse a sanctis Imaginibus, verum etiam usum earum & cultum damnasse: igitur nullo cultu donandæ sunt Sanctorum Imagines. Probitur antecedens. Irenæus l. 1. c. 24. de Gnosticorum erroribus loquens

dicit: "Etiam Imagines quasdam quidem depictas, quasdam autem & de reliqua materia fabricatas habent, dicentes formam Christi factum a Pilato. . . Similia tribuit Carpocratianis Epiphanius sermonem faciendo de eorum erroribus. Ergo sancti Patres rejiciunt cultum sanctorum Imaginum, eumque penitus abnegant.

*Respondeo:* Patres primorum sæculorum ut plurimum quidem abstinuisse a sanctis Imaginibus, sed neutiquam eas damnasæ: unde ad auctoritatem Irenæi, distinguo: arguit Gnosticos quod Imagines colerent ritu Gentilium, concedo: quia eas venerabantur, nego. Arguit in duobus illos hæreticos: primo quidem quod eisdem Imaginibus deferrent honores, quos ipsi Pagani suis præstabant Idolis: Secundo, quod ipsum Christum afficerent contumelia, dum ejus effigiem eodem collocarent in loco, quo Pythagoræ, Platonis & Aristotelis imagines. Sic enim subdit: "His coronant, & proponunt eas cum imaginibus mundi Philosophorum, videlicet cum imagine Pythagoræ, & Platonis & Aristotelis, & reliquorum, & reliquam observationem, circa eas similiter ut Gentes faciunt. . . Idem dicit Epiphanius de Carpocratianis: "Insuperque Philosophorum quorundam, Pitagoræ, Platonis, Aristotelis & aliorum cum quibus etiam alias Imagines Jesu collocant, collocatasque adorant, & Gentium mysteria perficiunt. Qui vero sunt Gentium mores alii, quam sacrificium, atque alia? . . . Damnati ergo illos eo quod sacrificium soli Deo debitum Imaginibus offerrent; non cultum præcise, sed ritum supersticiosum abjicere atque proferibit.

*Objiciunt 2.* Origenem, qui simulacra quæcumque & statuas tanquam ex arte diaboli prodeutes rejicit, nec vult ullo modo coli: ergo &c. Probatur antecedens, Origenes l. 3. contra Celsum qui Christianos irridebat, eo quod Christum flagellatum & spinis coronatum adorarent, quod mortuos quosdam homines cum Christo venerarentur. Sic respondet: "Hos omnes immerito nobiscum conferri declinabimus. Nam isti, quos enumeravi, templis & simulacra posita sunt a suis populis. Nos vero qui non exhibemus Deo tales honores, utpote magis congruos dæmonibus hoc illove loco consecratis, ut quemque aut ipsi occu-

„ paverunt, aut mysteriis quibuscum in-  
 „ cantati habitare coguntur. Admiramur  
 „ Jesum, qui mentes nostras ab omni sen-  
 „ sibili nec corruptibili tantum, sed etiam  
 „ corrumpeudo, traduxit ad cultum sum-  
 „ mi Dei, constantem correctione vitæ at-  
 „ que precibus quas offerimus ei, seu Me-  
 „ diatori inter omnem naturam genitam  
 „ & ingenitam, qui nobis a suo Patre  
 „ omnia beneficia deserat, & vicissim in  
 „ morem Pontificis vota nostra ad sum-  
 „ mum Deum perferat. „ Quibus verbis  
 „ satisfacit Cello Origenes hoc statuendo di-  
 „ scrimen inter Ethnicos & Christianos,  
 „ quod illi simulacra iis afficerent hono-  
 „ ribus qui soli Deo debentur; isti vero  
 „ Christum colerent et maxime de causa  
 „ quod absque formis sensibilibus Deum in  
 „ spiritu adorare nos edocuisset. Igitur om-  
 „ nem cultum procul facit ab imaginibus  
 „ Origenes.

*Respondeo* 1. Origenem non loqui de I-  
 „ maginibus, sed de statuis quas quidem Ec-  
 „ clesia tardius suo adscivit ritui & cultui  
 „ propter rationes non semel superius datas:  
 „ quod si qui velint Origenem sermonem  
 „ habere etiam de Imaginibus, ad summum  
 „ concludi potest Imagines non fuisse pri-  
 „ mis sæculis in usu ut supra jam delibavi-  
 „ mus: & hoc profecto probant solum au-  
 „ thoritates quæ e trium primorum sæculo-  
 „ rum Patribus erui possunt: sed neque O-  
 „ rigenes, neque alii cultum sanctarum Im-  
 „ aginum aut damnant, aut ut quid contra  
 „ Deum abdicant: alias & librum Evange-  
 „ lii & vasa sacra quæ ex sententiis Patrum  
 „ summo in honore semper fuisse constat,  
 „ utique & reprobandent, quod certe asser-  
 „ mari nullo modo potest.

*Respondeo* 2. distinguendo, & vult tan-  
 „ tum Origenes Imagines & simulacra cul-  
 „ tu latræ soli Deo debito non esse colen-  
 „ da, concedo: & damnat absolute cultum  
 „ sanctarum Imaginum, nego. Damnata dum-  
 „ taxat cultum superstitionum morem Gen-  
 „ tiliū, sanctis Imaginibus præstitum. Ma-  
 „ gnis ille Doctor est sui ipsius interpres:  
 „ ibidem enim sic prosequitur: „ Quod si di-  
 „ xerit, sive Dæmonis, sive Heroas, sive  
 „ Deos esse quos enumeravit, videat quod  
 „ his, quæ dixit, asseruit imprudens, et-  
 „ iam Jesum fuisse tale quippiam, ideoque  
 „ facile tantæ multitudini approbasse se  
 „ missum a Deo ut genus humanum invi-  
 „ deret. Id si semel admiserit, vide non  
 „ cogetur frateri potentiorum eum his qui-  
 „ bus modo connumerandum esse assen-

„ sit. Quandoquidem illorum nemo vetat  
 „ coli etiam alios. At hic sibi ipse fidens  
 „ ut pollentiori, interdicit nec istos reci-  
 „ piamus pro numinibus; quippe qui sint  
 „ impuri ac scelesti Dæmones, incubantes  
 „ terræ locis variis, ut quemque occupa-  
 „ verunt. „ Ex quibus patet Origenem  
 „ acueri stilum adversus eos qui Christum  
 „ falsis numinibus aut natura, aut cultu pa-  
 „ trem faciebant, quos sane redarguit dicen-  
 „ do omnibus Gentium diis Deum potentio-  
 „ rem esse, nec cum eis esse confundendum  
 „ & annumerandum, quandoquidem falso-  
 „ rum deorum adoratores non vetabant co-  
 „ lere plures deos. At Creator utpote verus  
 „ Deus, interdicit nec istos etiam recipiamus  
 „ pro numinibus.

*Opponunt* 3. Permultos alios Patres, ut  
 „ fucum faciant simplicibus. 1. Chrysosto-  
 „ mum qui dicit: „ Nos per Scripturas frui-  
 „ mur Sanctorum præsentia, non corpo-  
 „ rum eorum, sed animarum Imagines ha-  
 „ bentes. „ 2. Theodotum Ancyranum E-  
 „ piscopum qui similia profert: „ Sanctorum  
 „ vultus, inquit, non Imaginibus ex ma-  
 „ terialibus coloribus factis formandos ac-  
 „ cepimus; sed horum virtutes per ea quæ  
 „ de illis in Scripturis indicantur, quasi  
 „ quasdam Imagines imitari didicimus, &  
 „ ex hoc ad similem illis ælum erigimur. „  
 „ 3. Hieronymum, qui cap. 20. Exodi, sic  
 „ interpretatur: „ Sive statuam, ut Sym-  
 „ machus, sive Imaginem auream, ut cæ-  
 „ teri transfulerunt, voluerimus legere,  
 „ cultores Dei eam adorare non debent. „  
 „ Ergo, &c.

*Respondeo* auctoritates probare solum I-  
 „ mages non esse absolute ad salutem ne-  
 „ cessarias, nec sistendum esse in rebus sen-  
 „ sibilibus, sed magis ad spiritualia ascende-  
 „ re oportere.

*Ad Chrysostomum*: dico S. Doctorem I-  
 „ mages non abdicare, sed Scripturas sa-  
 „ cras dumtaxat commendare: ita interpre-  
 „ tantur Patres 7. Synodi: „ Quæ enim,  
 „ inquit, sermo per auditionem repræ-  
 „ sentat, hæc pictura tacens per imitatio-  
 „ nem ostendit. „  
*Ad Theodotum* respondet R. P. Alexan-  
 „ der, Dissert. 6. 8. sæcul. Testimonium al-  
 „ latum ex ejus auctoritate esse supposititium:  
 „ Idque, inquit, manifestè probatur (Pa-  
 „ tres Nicæni, ) perlectis ejus sermoni-  
 „ bus, & interpretatione Symboli Nicæ-  
 „ ni ab ipso edita. Addidere, verba  
 „ illa non ex codice Theodoti, sed ex  
 „ charta volatica in Pseudosynodo Ico-  
 „ no-

„nomachorum lecta esse. „ Ad summum ex loco allato sequitur tantum neminem ad Imagines præciæ, ut sunt quid aut pictum, aut sculptum debere attendere, sed ad virtutes Sanctorum, quorum historiae per Imagines & colores nostris subjiciuntur oculis.

Ad tertium, distinguo, & Hieronymus vult solum perfringere eos qui cultu superstitioso, & pliusquam civili prosequantur sæculi Principes, concedo: & probare contendit cultum sanctorum Imaginum esse inaleum, nego. „ Ergo, inquit „ ibidem, „ Iudices & Principes sæculi, „ qui Imperatorum statuas adorant & Imagines, hoc se facere intelligant, quod „ tres pueri facere nolentes placuerunt „ Deo. „ Et iterum ibidem: „ Velox „ obliuio veritatis: ut qui dudum seruum „ Dei quasi Deum adorauerat, nunc statuas sibi fieri jubeat, ut ipse adoretur in statua. „

Obijciunt 4. Auctoritatem Divi Augustini qui Sermo. 2. in Psal. 110. non modicum aduersari videtur cultui SS. Imaginum. „ Quippe qui eas vocet simulacra Gentium, opera manuum hominum: eo prope modo loquitur de sculptilibus Imagines Sanctorum præ se ferentibus, quales sunt figuræ quæ in sacris instrumentis nonnumquam animadveruntur; „ Sed enim „ & nos pleraque instrumenta & vasa ex „ hujusmodi materia vel metallo habemus „ in usum celebrandorum Sacramentorum „ quæ ipso ministerio consecrata, sancta dicuntur. Et sunt profecto etiam „ ista instrumenta vel vasa quid aliud quam „ opera hominum. Verumtamen nunquid „ os habent & non loquuntur? „ S. Augustinus comparat sculptas Imagines Gentium sculptilibus: sed Gentium sculptilia nullo honore cultive digna sunt: igitur ex S. Augustino nec nostra.

Respondeo distinguendo: & ibi S. Augustinus insurgit contra Paganos qui ipso teste ibidem idola vel tanquam numina, vel tanquam munus virtutem ad bene aut male faciendum hominibus præconscientia habebant, concedo: & prohibet cultum sanctorum Imaginum, subdistinguo: Imaginum sculpturæ arte expressuram, transeat: picturas effigiarum, nego. „ Eo loci tantum reprobat S. Doctor Gentium idola quæ os habent & non loquuntur; & hoc etiam comparatione vasorum sacrorum, ne populus Imagines in eis fusas vel ut quandam divinitatem, vel

ut virtutem divinam in eas illapsam celebrarent: at non eis penitus adjudicat omnem cultum, cum dicat vasa consecratione & ministerio Sancta: ea igitur sculptilia fecerunt ab idolis quæ sunt omni ex parte abominabilia quippe quæ ducant homines ad interitum: Potest etiam dici S. Augustinum in loco laudato solum rejicere statuas & simulacra quæ nondum erant suis temporibus usu celebrata, propter rationes supra allatas.

Inflans: idem S. Doctor l. 1. de moribus Ecclesiæ c. 34. penitus abiecit picturas. „ Nolite, inquit, consecrari turbas „ imperitorum, qui vel in ipsa vera religione superstitiosi sunt, . . . . Novi „ multos esse sepulchrorum & picturarum „ adoratores; novi multos esse qui luxuriosissime super mortuos bibant. „ Ergo, &c.

Respondeo distinguendo, & ibi infectatur Aug. abusus, concedo: cultum, nego. Multi vel stupiditate, vel simplicitate, vel errore, aut etiam gula ducti pergeant ad sepulchra mortuorum quorum adorabant Imagines, quos etiam cibare credebant, adeo bardi & illi ut animas defunctorum circa sepulchra volitare, comedere & bibere exsistimarent: hinc epulæ, hinc convivia, hinc & luxuria inquit Aug. at non hoc dicit aditatum ad sepulchra Martyrum: & si quando cibi ad ea deportarentur, cito citius in Sanctorum honorem pauperibus erogabantur, ut refert ipse Aug. l. 6. Confess. c. 2.

Opponunt 5. S. Gregorii Papæ locum, qui cultui sanctorum Imaginum videtur esse contrarius, quique eruitur ex lib. 7. Epist. 111. indicit. 2. ad Serenum Massiliensem Episcopum. „ Primo quidem eum increpat quod zelo quodam abreptus confregisset sanctas Imagines. „ Et quidem zelum vos, ne quid manufactum adorari „ possit, habuisse laudavimus, sed frange- „ re easdem Imagines non debuisse judicamus. Idcirco enim pictura in Ecclesiis „ adhibetur ut ii qui litteras nesciunt, „ saltem in parietibus videndo legant, „ quæ legere in codicibus non valent. „ Verum certior factus quod Serenus intemperanti zelo a prima sententia non discederet, octodecim elapsis mensibus aliam ad eum direxit Epistolam qua ejus agendi erga sanctas Imagines modum vehementer arguit. „ Aliud enim est, inquit, picturam adorare, aliud per picturæ historiam, quid sit adorandum addiscere. „

Igitur S. Greg. prohibet cultum SS. Imaginum.

*Respondeo* 1. retorquendo argumentum contra Dallæum qui hanc in pravum sensum detorquet auctoritatem. S. Greg. increpat Serenum quod confregisset SS. Imagines: vult eas apponi in Templis, ut rudiores discant de Sanctorum virtutibus, quod ipsi in codicibus legere non valent. Igitur non est idololatria sanctas habere Imagines.

*Respondeo* 2. distinguendo consequens. S. Greg. prohibet adorare SS. Imagines cultu superstitioso & latriæ, concedo: cultu dulci, nego. Controversiæ caput erat inter Serenum & SS. Pontificem de Imaginibus: ille eas confregerat eo ductus motivo, quod videret populum cultu soli Deo debito illas honorare: increpat & redarguit zelum amarum S. Gregorius, dicendo quod mansuetudine populum ab adoratione retrahere debuerat, minime vero Sanctas frangere Imagines: non igitur cultum, sed adorationem strictam, eamque indebitam damnat, & ait: "Tua ergo, frater, fraternitas & illas servare, & ab earum adoratu populum prohibere debuit; quatenus & literarum nescii haberent, unde scientiam historiæ colligerent & populus in pietaturæ adoratione minime peccaret." Quod autem S. Greg. experte propugnet cultum regulatum SS. Imaginum, claret ex Epistola 54. in l. 7. ad Secundinum inclusâ, ubi sic loquitur: "Scio quidem, quod Imaginem Salvatoris nostri non ideo petis, ut quasi Deum colas, sed ob recordationem filii Dei in ejus amore recalcas, cujus te Imaginem videre desideras. Et nos quidem non quasi ante Divinitatem, ante illam prosternimur, sed illum adoramus quem per Imaginem aut natum, aut passum, sed & in throno sedentem recordamur." Sanctus ille Pontifex faceret se ante Imaginem Salvatoris prosternere, non quidem ut adoret lignum, sed illum qui pependit in ligno. Non alium autem neque alio animo cultum exhibendum admittit, pro SS. Imaginibus sancta Dei Ecclesia.

*Solvuntur objectiones ex auctoritate Ecclesiæ Gallicanæ desumptæ.*

**OBJICI** Dallæus. Si quod evinceret Sanctorum Imagines cultu religioso donandas, maxime auctoritas Concilii Nicæni.

cundi Nicæni: atqui ex illa auctoritate nihil potest concludi pro hoc momento: igitur SS. Imagines non sunt cultu religioso & sacro venerandæ. Probat minor. Concilium Francofurtense ubi aderant trecenti ex Gallia, Britannia, Germania atque Italia Episcopi, damnavit atque proseripsit definitionem Concilii Nicæni pro cultu SS. Imaginum. Sic enim loquitur Can. 2. "Allata est in medium, quæstio de nova Græcorum Synodo, quam de adorandis Imaginibus Constantinopoli fecerunt, in qua scriptum habebatur, ut qui Imaginibus Sanctorum, ita ut deificæ Trinitati servitium, aut adorationem non impenderent, anathema judicarentur: qui supra scriptissimi Patres nostri omnimodis adorationem & servitium renuentes contempserunt, atque consentientes condempnaverunt. Ergo, &c.

*Respondeo* 1. Patres Francofurtenses non advertari cultui sanctarum Imaginum: quod quidem ex variis constat momentis. Primo, ex uno inter capita ab ipsa Synodo Francofurtensi ad Adrianum Papam missa, in quo sic habetur: "Sciat Dominus Apostolicus, & Pater noster, & cuncta simul Romanorum Ecclesia, ut secundum quod continetur in Epistola Beatisissimi Gregorii, quam ad Serenum Massiliensem Episcopum direxit, permittimus Imagines Sanctorum, quicumque eas formare voluerint, tam in Ecclesia, quam extra Ecclesiam propter amorem Dei & Sanctorum ejus: adorare vero eis nequaquam cogimus: frangere vel destruere eis, etiam si quis voluerit, non permittimus: & quia sensum sanctissimi Gregorii sequi in hac Epistola universalem Catholicam Ecclesiam Deo placitam indubitanter libere profitemur." Ecce Patres Francofurtenses SS. Imaginum cultum suo calculo approbantes, videlicet in eodem sensu quo B. Gregorius in Epistola ad Serenum, & l. 7. Epistola 2. & 5. ad Januarium & Secundinum illas celebrat, nempe ut amoris Dei & Sanctorum motivo Sanctas veneremur Imagines, & hoc cultu religioso & Ecclesiæ regulis munito unde Adrianus Papa sub finem Epistolæ, quæ libris Carolinis reponitur, Gregorii Magni & Synodi Nicænæ diversas de Imaginum cultu sententias non fuisse demonstrat.

*Patres Francofurtenses in hoc sensu appro-*

probasse cultum SS. Imaginum patet ex multis auctoritatibus quas in medium proferit Binius in suis notis ad Concilium Francofurtense pag. 162. & 163. Ita, inquit, docuerunt Alanus Dialog. 4. c. 18. & 19. & Dialog. 5. & l. 7. de visibili Monarchia num. 613. Surius in Præfatione hujus Concilii. Valquius l. 2. de adoratione Imaginum. Suarez tom. 1. p. 3. disp. 54. lect. 3. Concilium Senense in decretis fidei cupis hæc sunt verba: "Ca-  
 ", rolus Magnus Francorum Rex Christi-  
 ", nissimus Francofordienli Conventu,  
 ", ejuldem erroris, *Iconomachie scilicet*,  
 ", suppressit infaniam quam infelicissimus  
 ", quidam Felix in Gallias & Germaniam invexerat. ", Æmilius l. 2. de gestis Francorum prope finem dicit Concilium Francof. egisse contra Hæreticos damnautes Imagines, " Et Imaginibus,  
 ", inquit, suis honor servatus est. " Idem expressissimis verbis asserit Platina in vita Adriani I.

Dallæi commentum tertio perstringimus argumento. Quomodo Galli sacras Imagines colere & venerari prohibuissent, cum & librum Evangeliorum deosculari & sanctæ Crucis effigiem summo alicui honore vellent & utrumque venerari consueverant? Jam veniamus ad objectionem quam quidem variis variis modis, sed omnes salvo honore Concilii tum Nicæni, tum Francofurtensis, solvunt.

Respondent quidam Concilium Francofurtense non Nicenam Synodum legitimam abnuere, sed spuriam Constantinopolitanam quam Imperator Copronymus Iconoclasta adunavit, quamque septimi Concilii generalis nomine insigniri voluit: in quo quidem cultus sanctorum Imaginum abrogatus & proscriptus legitur. Ita censet Alanus Copus Dialog. 4. c. 14. nec ipsi profecto eximie defunt rationes. Hoc quippe designant ista Canonis Francofurtensis verba: " Quæstio de nova Græcorum Synodo, quam de adorandis Imaginibus Constantinopoli fecerunt. " Et certe si de Concilio Nicæno sermonem faceret Concilium Francofurtense, in suo posuisset Canone. " Quæstio de nova Græcorum Synodo quam de adorandis Imaginibus Nicæni fecerunt. " Hunc esse Concilii Francof. sensum non solum Canonis verba innuunt, sed & innuere videtur Hincmarus Archiepiscopus Rhemensis l. adversus Hincmarum Laudunensem c. 20. in quo quidem asserit Synodum a Patribus

Francofurtensibus damnatam eam esse quæ nec coacta, nec approbata fuit auctoritate Summi Pontificis: quæ quidem adversariæ circumstantiæ Synodo Copronymi & non Nicænæ conveniunt.

Respondet Valquez l. 2. de adorat. c. 7. disp. 7. Concilium Francofurtense, nec damnausse Nicænum, nec in ullo voluisse aut corrigere, aut immutare & offendere. Primo quidem quia Concilium Nationale nihil moliri potest contra Concilium œcumenicum approbatum, quale erat Nicænum triginta tunc abhinc annis celebratum, & calculo Adriani Papæ munitum, nam & Concilium & Summum Pontificem perstringissent Patres Francofurtenses, quod abitis dicere, cum e contra profiteantur se procedere sub obedientia Romani Pontificis; & in libro sacrosyllabo sub finem, dum sententiam contra Hæreticos proferunt, subjungant hæc verba: " Reservato per omnia juris privilegio Summi Pontificis Domini & Patris nostri Adriani primæ sedis Beatissimi Patris. " Quinimodo ipse Carolus Magnus qui huic interfuit Concilio in Epistola ad Episcopos Hispaniæ asserit, se in primis consuluisse Apostolicæ sedis Pontificem, ut quid de causa in illo Concilio tractata opinaretur, aperiret. Et paulo infra hæc verba subjungit: " Apostolicæ sedi, & antiquis ab initio nascentis Ecclesiæ, & Catholicis Traditionibus tota mentis intentione, tota cordis alacritate conjungar. " Quis ergo rerum æquus æstimator propugnare auderet Adrianum, qui fortiter steterat pro cultu SS. Imaginum, in Epistola sua tum ad Patres Concilii Nicæni, tum ad Imperatorem, immutasse in re tanti momenti sententiam, vel Carolum omni titulo Magnum ab Adriano discessisse contra promissionem? 2. legati Summi Pontificis aderant Concilio Francofurtensi, nec passi fuissent aliquid aut fieri, aut moliri contra auctoritatem Synodi Nicænæ. Accedit, inquit Surius, hic in notis seu admonitione ad Concilium Franc. pag. 164. " quod si hujus Synodi auctoritate Nicænum Concilium damnatum, atque ita error Iconomachorum ex malâ etiam informatione reipsa approbatus esset, certe ante nostra tempora, illius erroris aliquis sectator ejus auctoritate se summe sententiam munire studisset: quod tamen nullus fecit, maxime cum paulo post Carolum Magnum in



„ eadem Gallia exortus fuerit Claudius  
 „ Taurinensis, qui errorem illum in Oc-  
 „ cidentalem Ecclesiam introducere voluit:  
 „ quem sane plurimum confirmare potuif-  
 „ set auctoritate Occidentalis plenarii Con-  
 „ cillii, si errorem illum sua definitione  
 „ confirmasset. At vero neque Claudius  
 „ in suum favorem illud adduxit, neque  
 „ Jonas Aurelianensis, qui contra illum  
 „ eodem tempore scripsit, & illius funda-  
 „ menta confutavit, quidquam de Con-  
 „ cilio Francofordiensi respondit, vel quoad  
 „ hanc partem scripsit. „

Vasquez hanc propugnat opinionem, & contendit auctores adversæ sententiæ errasse in facto & posuisse Concilium Nicænum a Francofordiensi oppugnatum falso delusos rumore, vel scriptis ab Iconomachis hinc inde ex industria maligna vulgatis, cuius rei argumentum illud credit evidens, quod auctores longo tempore post celebrationem Concilii Francofurtensis scripsere, ex quo errorem facile irrepsit in Historiographis autumt. Primus enim qui scripsit Concilium 2. Nicænum fuisse damnatum, est Ammonius qui elapsis centum circiter a celebratione Francofurtensis annis, ejus textit historiam. Nec mirum, quia acta diu latissime compertum habemus. Verum quidem est in eo apparere Canonem secundum damnantem Concilium Nicænum, sed hunc suspicatur Vasquez supposititum, tum quia non est verisimile PP. Franc. vel damnasse fidem de cultu SS. Imaginum, vel mentem Concilii Nicæni ignorasse, vel agnitam non attigisse, tum quia Canones Concilii Francofurtensis non fuerunt simul cum actibus typis excussi: acta siquidem in lucem prodire anno 1567. opera Surii; Canones vero anno 1629. diligentia & labore R. P. Symmundi.

Ad hujuscemodi sententiæ & responsionis confirmationem, annotandum est libros Carolinos publici juris factos esse anno 1450. a quodam anonymo Auctore Gallo, qui creditur Iconomachus: His quidam libris apposuit Præfationem in qua reuerentur primis & secundus Canon. Concilii Francofurtensis: unde, inquit Petavius l. 15. de Incarn. c. 12. n. 7. Canon. de quo procedit controversia aut destitutus fuit & ex integro immutatus, aut etiam superadditus censetur; & ideo parum ponderat. Cæterum Ammonii secuti sunt errorem alii historici.

Respondeo cum aliis plurimis ad argu-

mentum negando minorem: ad probationem, distinguo: Concilium Francofurtense prohibet cultum latræ Sanctis exhiberi Imaginibus, concedo: cultum ut sic, cumque religiosum, nego. Duplex cultus, alter latræ, & qui soli Deo debetur propter ejus excellentiam: alter vero dulia quo honore pio & religioso prosequimur Sanctos propter eorum cum Deo optimo conjunctionem: simili cultu, dulas scilicet eoque mere relativo donantur Sanctorum Imagines: igitur nec adoratione latræ eas veneramur, nec cultu absoluto, ita ut aliquam inesse Imaginibus virtutem agnoscamus. Certum est Concilium Francofurtense procul facere a Sanctorum Imaginibus cultum dumtaxat latræ, qui uni soli Deo exhibendus est. Et hoc patet ex ipsis Concilii terminis: „ Allata „ est in medium quæstio de nova Græco- „ rum Synodo, quam de adorandis Ima- „ ginibus Constantinopoli fecerunt, in „ qua scriptum habebatur, ut qui Ima- „ ginibus Sanctorum, ita ut Deicæ Tri- „ nitati servitium, aut adorationem non „ impenderent. „

Instat Dallaus: Concilium Francofurtense damnat Nicænum secundum, in eo quod cultum SS. Imaginum asservat, nisi quam vero proscribit Concilium Copronymi; constat enim damnare Concilium quod cultum SS. Imaginibus exhibendum statuerat; Constantinopolitanum vero sub Copronymo non solum nihil pro Imaginibus, sed omnia contra ipsas definierat: unde quando Francofurtense in suo secundo Canone dicit: „ Allata est in medium quæ- „ stio de Græcorum Synodo quam de ado- „ randis Imaginibus Constantinopoli fece- „ runt; „ Luce clarius patet Patres Nicænos eatenus Constantinopolitanos vocari, quatenus Synodus Nicæna congregata fuit & Irene & ejus filio Constantinopoli imperantibus: tum quia plurimi & magna ex parte Patres erant Patriarchæ Constantinopoleos suffraganei, tum quia etiam Synodus Constantinopolim primo indicta est, ac Nicæna deinde translata: igitur Concilium Francofurtense omnem abiecit cultum pro Sanctorum Imaginibus; alias sibi contradiceret.

Respondeo ut supra distinguendo, Concilium Francofurtense errore facti deceptum damnat Synodum Nicænam, concedo, secus, nego. Suspiciantur Patres Francofurtenses, Orientales Iconomachorum æmulos nimis tribuere SS. Imagini-  
bus,

bus, & preces illas cum Deo in honore facere, & ideo eorum explodere definitionem non sine fundamento autumare possumus. Quod in ea versati sint mente ex duobus maxime liquet. Primo quia eorum Canon isto nititur motivo quod abrogare velint honorem & servitium soli Trinitati Deificæ exhibendum. Secundo, quia constat Patres Nicænos nusquam talium sanctorum imaginibus cultum reddendum definiisse ut liquet ex probationibus iterum atque iterum adductis.

*Urges Dallæus:* non potest concipi Patres Francofurtenses Nicænorum mentem aut ignorare, aut capere non potuisse: cum codices præ oculis haberent, cum ejusdem Adriani, qui confirmaverat Nicænum, ibi adessent & legati.

*Respondet* 1. cum R. P. Alexandro Dissert. 6. Sect. 8. Patres Francofurtenses duas reprobasse Synodos, Constantinopolitanam scilicet Iconomachorum & Nicænam. Primam quidem, eo quod Imagines SS. servandas & honorandas esse negaret: Nicænam vero quia putabant illam cultu latriæ donandas esse sanctas Imagines sanxisse.

*Respondet* 2. Multis de causis Patres Francofurtenses in hoc facto errare potuisse. Primo quidem magis attenderunt ad professionem fidei Constantini Episcopi quam ad Synodi definitionem: sic enim habebat professio Constantini Constantiæ Cypri Episcopi de qua liber tertius Carolinus cap. 17. in ipsa capitis inscriptione ait: "Quod insauisse & præcipitanter, sive inimpienter Constantius Constantiæ Cypri Episcopus dixit: suscipio & amplector honorabiliter sanctas & venerandas Imagines secundum servitium adorationis, quod consubstantiali & vivificatrici Trinitati emitto." Quam etiam professionem vitio interpunctionis desloratam dicit ibidem R. P. Alexander. Unde hunc genuinum reddere debet sensum: "Ego etiam indignus his consensio, & ejusdem sum sententiæ, suscipiens, & honorarie amplectens sanctas ac venerabiles Imagines. . . . Et adorationem quæ sit secundum latriam, soli consubstantiali & vivificæ Trinitati emitto." Ex quibus sic concludit R. P. Alex. "Error igitur Synodi Francofurtensis circa septimam Synodum, vitio interpretis tribui debet, qui ipsam jussu Adriani Papæ latinitate donaverat. De cujus imperitiâ conqueritur Anastasius Brouet Theol. Tom. I.

sus Bibliothecarius, qui alteram versionem adornavit tempore Joannis VIII. (Interpres, inquit, pene per singula relicto utriusque lingue idiomate, adeo est verbum a verbo sequutus, ut quid in eadem editione intelligatur, aut vix, aut nunquam possit adverti, in fastidiumque versâ legentium pene ab omnibus hac pro causa contemnatur.) Ex his patet Synodum Francofurtensem, errore facti deceptam, Synodum septimam damnavisse quod supremi gradus adorationem & cultum latriæ Imaginibus ab ea decretum exissimaret, non quidem aperta definitione, sed convincta, quia Constantinii Episcopi sententiam non emendaverat.

Ratio hæc, ulterior plurimum convincit Patres Francof. calamo & definitione sua perstrinxisse Nicænum Concilium quia non credebant legitimum, ut constat ex libris Carolinis l. 4. cap. 13. & cap. 28. in isto quippe sic loquuntur: "Inter cætera deliramenta, quæ in eadem Synodo vel gesta, vel scripta dicuntur, hoc quoque non omnibus eorum deliramentis, minus est, quod eandem Synodum universalem nuncupant, cum neque universalis fidei inconcussam habeat puritatem, neque per universarum Ecclesiarum gestam constet auctoritatem." Quod quidem ita conpertum habere putabant, quia totius ferme Occidentis suffragia Nicæno deerant. Unde Adrianus I. Capitulari a Carolo Magno missio per Angilbertum Abbatem ita respondet, ut eumenicæ Synodi nomen auctoritatemque nusquam illis objiciat. Ea fuisse in sententia Ecclesiam Britannicam constat ex his quæ refert Rogerius de Hoveden, Annal. p. 1. ex vita Regis Offæ: "Anno, ait, 792. Carolus Rex Francorum militi Synodalem Librum ad Britanniam, sibi a Constantinopoli directum, in quo Libro multa inconvenientia & veræ fidei contraria reperiebantur; maxime quod pene omnium Orientalium Doctorum, non minus quam trecentorum, vel & amplius Episcoporum, unanimi assertionem confirmatum fuerit, Imagines adorari debere, quod omnino Ecclesia Dei execratur." Exissimabant igitur errore facti decenti Britannii sicut Galli, Concilium Nicænum secundum astruxisse pro sanctis Imaginibus latriæ cultum.

Ad id vero quod Dallæus adjicit de le-  
E c g i-

paris, qui de mente Concilii Nicæni potulissent edocere Patres Francofurtenses; dico vel ipsos defectu genuinæ versionis non satis explansse sensum Nicæni Concilii, vel etiam non potuisse Gallos Germanosque Episcopos a præconcepta opinione contra Nicænum ad genuinum adducere sensum, maxime vero cum ipse Carolus Magnus vereretur ne faveret Imperatori Constantinopolitano, qui, spreto & relicto ejus sacrore, aliam in sponsam assumerat. Hinc & sui imperii Proceres atque Episcopi tanta commoti perfidia, dubitare de Orientalium fide, etiam in rebus religionis non pertimescebant.

*Insunt* Protestantes & concludunt; ergo & possumus & potuimus provocare ad examen definitiones Conciliorum etiam a summo Pontifice confirmatorum, & maxime Tridentini, quod in multis nos damnat, quandoquidem Concilium Francofurtense ipsum damnavit Nicænum.

*Respondeo* neminem Catholicum approbare Concilium Francofurtense in eo quod proseripsit Nicænum, sed omnes excusare quod errore facti detentum, alterius rejecerit de colendis sanctis Imaginibus definitionem.

*Respondeo* 2. negando paritatem: dissimilis sane ratio est pro Tridentino & Nicæno secundo. Primum ex Episcopis tum Orientalibus, tum Occidentalibus constabat: saltem omnes rite & canonicè convocati fuerant: Nicæa vero vix ulli adeant Occidentales. Præterea non uno aut altero, sed quatuor Summis Pontificibus confirmatum fuit Tridentinum; immo & per universam Ecclesiam publicatum, utque ab omnibus receptum: verum non sic Nicænum, ut patet ex dictis. Denique ita apertus fuit Tridentini circa fidei dogmata sensus, ut nullus plane relictus sit ambigendi locus: non idem dici potest de Nicæno secundo: cum enim professio fidei Constantinensi actibus adjuncta sit, etiam admissum corrigere ipsius erat. Cæterum, aporime salvari ex integro potest auctoritas Concilii Nicæni secundi juxta priores solutiones, quæ certe probabilissimæ sunt.

#### Ex Libris Carolinis.

**OBJICIUNT** Hæretici. Non potest melius Ecclesiæ Gallicanæ cognosci sententia, quam ex Libris Carolinis, quorum auctor est Carolus Magnus Francorum Rex:

atque in his libris nedum latræ sed & dulciæ cultus pro sanctorum Imaginibus penitus abjicitur: igitur cultus omnis ex Ecclesiæ Gallicanæ denegari debet sanctis Imaginibus. Major patet; istorum quippe librorum auctor est Carolus Magnus, & hoc ex pluribus momentis constat. Primo quidem ex Præfatione totius operis: "Quoniam, *inquit*, in Ecclesiæ sinu Regni gubernacula, Domino tribuente, suscepimus, necesse est ut in ejus de-sensione, & ob ejus exaltationem, Christo auxiliante, toto annisu certemus." Postea hæc subdit: "Quod opus aggressi sumus, cum cohibentia Sacerdotum in Regno a Deo nobis concessio, Catholicis gregibus Prælatorum, non arrogantia supercilio, sed zelo Dei & veritatis studio." 2. Ex Epistola Synodali Concilii Parisiensis sub Ludovico Pio: Cum sanctæ memoriæ, *inquit* Patres, genitor vester coram se, suisque perlegi fecisset, & multis in locis, ut dignum erat, reprehendisset, & quædam Capitula, quæ reprehensionibus patebant, prænotasset, eaque per Angilbertum Abbatem eidem Adriano Papæ disexisset, ut illius judicio & auctoritate corrigerentur: ipse rursus favendo illis, qui ejus instinctu tam supersticiosa, tanque incongrua testimonia memorato operi inferuerant, per singula Capitula in illorum excitationem respondere quæ voluit, non tamen quæ decuit, conatus est." 3. Ex Adriani responsione ad singula Capitula illi per Angilbertum oblata, & ad Carolum Magnum directæ, qua quidem testatur quanto cum amore Angilbertum suscepisset, deinde addit: "Inter quæ edidit nobis capitulare adversus Synodum, quæ pro sacrarum Imaginum erectione in Nicæa acta est." Hoc etiam colligitur ex libro Hincmari Rhemenfis Archiepiscopi adversus Hincmarum Laudunensem c. 20. Cæterum exemplaria manuscripta, Vaticanum & Tilianum Caroli nomen præ se ferunt.

*Probatur* jam minor, nempe Carolum Magnum in suis vicissim libris omnem eliminare cultum a sanctis Imaginibus. 1. l. 2. c. 21. solum Deum adorandum, Sanctos quidem in gloria triumphantes venerandos, sed non Imagines, dicit: "Solum, *inquit*, Deum colere, ipsum adorare, ipsum glorificare debere, totius Scripturæ tuba terribilis insonat, Unde cavendum illis est & modis omnibus

" per-

„pertimescendum, nedum Imaginum cultum  
 „et adorationem Christianae religio-  
 „ni ingerere nituntur, singularem unius  
 „Dei cultum & adorationem frustrari vi-  
 „deantur: quæ duo ita se mutuo relin-  
 „quantur, ut si unum steterit, aliud stare  
 „non possit... Solus igitur Deus colendus,  
 „solus adorandus, solus glorificandus est.”  
 „Postea subdit: „Cujus etiam Sanctus qui  
 „triumphato diabolo cum eo regnant vene-  
 „ratio exhibenda est. Imagines vero  
 „omni sui cultura & adoratione seclusa.”  
 „utrum in Basilicis propter memoriam re-  
 „rum gestarum & ornamentum sint, an  
 „etiam non sint nullum fidei Catholicæ af-  
 „ferre poterunt præjudicium: quippe cum  
 „ad peragenda nostræ salutis mysteria,  
 „nullum penitus officium habere nescian-  
 „tur.” Ibidem c. 25. cultum & obser-  
 „vationem erga SS. Imagines prohibet. l.  
 „3. c. 18. *venerationem*. l. 2. c. 27. cum ho-  
 „norem qui collo inflexo, capite summisso ex-  
 „hibetur. c. 30. vel thuris & luminarium  
 „oblatione. Quæ quidem omnia, inquit  
 „Calvinistæ, maxime pugnant cum Syno-  
 „do Tridentinæ quæ vult fideles Imagines  
 „venerari, osculari, & coram iis caput aperire  
 „ac procumbere. Igitur Carolus Magnus  
 „abjicit omnem cultum pro sanctis Imagi-  
 „nibus: ne quidem vult æquiparari aut  
 „vasis sacris, aut libris Evangeliorum. Ita  
 „l. 2. c. 29. & 30. immo nec honorem civilem  
 „qui iustus in terris conversantibus conce-  
 „ditur, eis annuit.

*Respondet* Bellarminus perperam Carolo  
 Magno adscribi hujusmodi libros qui an-  
 no 790. tribus annis a Nicæna secunda  
 Synodo & quatuor ante Francofurtensem  
 apparuerunt, sed ab aliquo hæretico elucub-  
 ratos putat, oblatos vero Carolo, qui  
 & eos per Angilbertum Abbatem ad Adri-  
 anum Papam, ut illos refelleret, misit.  
 Nec desunt rationes quibus commotus Bel-  
 larminus huic subscribit sententiæ. Prima  
 quidem: de sacro extat Adriani pro cul-  
 tu SS. Imaginum Apologia ad Carolum  
 directæ ut istis responderet Capitulis. Se-  
 cunda: Gregorius II. Adrianus I. & Leo  
 III. Græcorum Imperatores propter Ico-  
 nomachiam excommunicarunt: non est  
 profecto verisimile Carolum Magnum de  
 Ecclesia per omnia bene meritum hujus-  
 modi hæreticos labe fuisse contaminatum;  
 & pro errore Græcorum contra Roma-  
 num Pontificem scripsisse & maxime vero  
 cum Patres Concilii Francofurtensis ut  
 aderat, obedientiam & obsequium summa

cum reverentia summo deferant Pontifi-  
 ci, cujus suprema jura ne quidem indi-  
 recte aut lascivare, aut in dubium re-  
 vocare, aut etiam infirmare nolle ulquo  
 testantur. Tertia: in Synodo Gentiliaci  
 sub Pipino Caroli Magni Patre Græcorum  
 error contra sanctas Imagines etiam, præ-  
 sentibus Imperatoris Græci oratoribus,  
 confutatus & proscriptus est; immo ut  
 supra in probationibus diximus, ipse Ca-  
 rolus duodecim Gallicanæ Ecclesiæ Præsi-  
 des ad Concilium Romanum sub Stephano  
 pro restituendis Imaginibus misit. Quo  
 pacto igitur, quove facto evenisse, ut  
 Carolus alias Adriano amicitia & obedi-  
 entia conjunctissimus, & ipsum acri stylo  
 variis in Capitulis momordisset & bellum  
 adversus pietatem atque honorem sanctis  
 Imaginibus debitorum per fas & nefas indi-  
 xisset; & Nicænis Patribus duplicis men-  
 daciæ libem inussisset, dicendo decretum  
 de colendis sanctis Imaginibus abique Ro-  
 mani Pontificis assensu emississe, & Imagi-  
 nibus veræ latræ cultum, qui soli Deo  
 debetur, concessisse?

*Quibus positis*, jam responderetur in for-  
 ma. Libri Caroli impugnant cultum SS.  
 Imaginum, & sunt alicujus hæretici Ico-  
 nomachi factus, concedo: & sunt ab ipso  
 Carolo emanati, subdistinguo; idest fue-  
 runt ipsi oblati, & postea eis remisit  
 Adrianum, ut singulis responderet diffi-  
 cultatibus, concedo: & fuerunt ab ipso  
 compositi, nego. Non est sane verisimile  
 quod Imperator magnis imperii implica-  
 tus negotiis, in Theologia non omnino  
 versatus, in pietate, & fide erga Deum,  
 reverentia vero erga Summum Pontificem  
 nulli secundus, deberechatus sit contra Syn-  
 dæis Imagines, acriter styllum adversus  
 Adrianum quem summo habebat in hono-  
 re, libros subititate quidem & doctrina  
 plenos, erroribus vero passim scatentes  
 conscripserit.

*Adjuvant* hanc Bellarmini sententiam  
 et quæ R. P. Alexander dissert. 6. de SS.  
 Imaginibus dicit, nempe non opus libro-  
 rum Carolinorum, sed solum capitulum  
 Lemmata sive titulos ad Adrianum missa  
 fuisse; cujus rei hæc sunt rationes, quia  
 Summus Pontifex nec argumentis, nec  
 conviciis quæ toto continentur in opere,  
 responderet; responsurus tamen abique du-  
 bio si legisset: sed unicoque titulo sim-  
 plicem ejus quod reprehensam ac impro-  
 batum est, defensionem subijcit. Præ-  
 terea nec singulis respondet titulis, nec

ordinem sequitur. Denique in Apologia pro sanctis Imaginibus c. 25. postremum Capitulum ex nullo ad se. Capitulari refert, in quo Francofordienses Patres sic loquuntur: " Ut fiat Dominus Apostolicus & Pater noster, & cuncti simul Romanorum Ecclesia, ut secundum quod continetur in Epistola Beatissimi Gregorii, quam ad Serenum Massiliensem Episcopum direxit, permittimus Imagines Sanctorum quicumque eas formare voluerint. " Quod ultimum Capitulum in libris Carolinis non extat.

Concinnant ea quæ Surius dicit in notis ad Concilium Francofurtense pag. 165. & 166. " Ut incipiamus, inquit, a Præfatione Eli. Philii. nulla fides ei adhiberi potest. . . . primo quidem quia auctores præcedentis opinionis dubitant, an in illa Præfatione, ut est in suo originali, Francofordiense Concilium nominetur: & probabilius credunt, parenthesim illam, in qua Francofordiense Concilii fit mentio, fuisse ab aliis interpositam. Quod si hoc verum est, neque Hincmarus, neque alii Historici potuerint ex hac Præfatione sumere illum sententiam de damnatione Synodi Nicænæ in Francofordiensi, sed ad summum, in aliquo Conventiculo imperitorum, & hereticorum hominum, a quibus fortasse liber ille editus est. Unde sumitur secunda conjectura: nam omnium recte sententiarum iudicio liber ille non fuit a Carolo Magno editus, sed ab aliquo vel aliquibus. Hæreticis, qui illum, vel occulte, vel palam Carolo obtulerunt: Carolus autem illum ad Pontificem Adrianum misit, qui in scripto ad Carolum de Imaginibus, librum illum ex professo consultavit. . . . Ecce quomodo impugnatur & libros Carolinos & eorum Præfationem in qua præcipue scaturit venenum adversus sanctas Imagines. Quod autem maximum sit dubitandi fundamentum libros esse Caroli factum, illud est, quod Eli. Philii, cui tribuitur Præfatio, Carolum operis auctorem esse conetur ostendere: ad quid autem hoc probare, si comperitum erat Regem composuisse libros, nemo quippe ignorasset tam diffusum ubique momentum. Sic igitur ratiocinatur idem Surius: " Ipse Eli. Philii. se altum a Carolo esse ostendit: nam ex professo in eadem Præfatione ostendere conatur, Carolum fuisse illorum librorum auctorem, re prius deliberala cum Episcopis Concilii Francofordiense: fuit ergo auctor illius Præfationis Eli. Philii. non Carolus: & illa Præfatio non fuit edita tempore Caroli Magni: ergo nihil probabile de illa credi potest, nisi quod ab eodem sic edita, a quo denuo liber ille inventus, vel typis mandatus est ante quadraginta quatuor annos solummodo, & ut minimum, improbabile sit, Hincmarum & alios antiquos Historiographos ab illa Præfatione sententiam suam hausisse. . . .

Quia tamen viri eruditi non pauci descendunt libros Carolinos tanquam genuinos, non abs re erit hunc Calvinistis subtrahere titulum, ostendendo eorum de sanctis Imaginibus errorem: falso fulciri fundamento, cum eum auctoritate librorum Carolinorum firmare pro virili sagittant: idcirco ulterior solutio adhibenda est.

Respondet 2. Carolum sanctis Imaginibus omnem non adjudicare cultum, verum potius regulatum: & ordinatum approbare, quod patet in quatuor libris anno 790. in lucem editis, de quibus in objectione movetur questio.

Primo, l. 2. c. 15. num. 20. Carolus: obijciens sibi factum S. Sylvestri Imagines Constantino Magno adorandas offerentis, sic respondit Imperator, seu librorum Carolinorum auctor: " Has igitur ei etiam adorare iussisset, cum tamen non iussisset, ideo fortasse iuberet, ut eum, qui visibilium cultor erat, per visibilia ad invisibilia provocaret. . . . Censet igitur licitum esse venerari sanctas Imagines, quatenus iis utimur, ut veluti per visibilia ad amorem invisibilium manuducamur.

Secundo, lib. 3. cap. 16. num. 381. Multa dicit de cultu, quem Græci sacris reddebant Imaginibus: prohibet quidem hunc plebi propter superstitionis periculum, sed licitum facit doctis & prudentibus. " Nam, et si, inquit, a doctis quibuscumque vitari possit hoc quod illi in adorandis Imaginibus exercent, qui videlicet, non quid sint, sed quid inuunt venerantur, indoctis tamen quibusque scandalum generant, qui nihil aliud in his, præter id quod vident, venerantur & adorant. " Igitur ex libris Carolinis, licebit etiam plebi, modo instructio accedat, venerari sanctas Imagines.

*Tertio*, l. 4. c. 8. Ostendit Auctor se abhorreere non cultum & sanctorum Imaginum venerationem, sed aut scandalum & superstitionis suspicionem. "Adorare eas, *inquit*, & colere, iisque servitium rependere recusamus, quoniam perumque non res sed causa rei pro scelere reputatur, dum videlicet multa, quibus bene potest uti, malo usu in flagitium convertuntur; sicque una, eridemque res bene utentibus non est causa periculi & male utentibus est causa periculi."

*Quarto*, Clarius Auctor suam explicat mentem in Excerptis quibusdam a suo opere, quæ milit ad Adrianum: sic loquitur capitulo ultimo pag. 960. "Sciat Dominus Apostolicus & Pater noster ut secundum quod continetur in Epistola Beatissimi Gregorii, quæ ad Serenum Massiliensem Episcopum direxit; permittamus Imagines Sanctorum, quicumque eas facere voluerint, tam in Ecclesia quam extra Ecclesiam propter amorem Dei & sanctorum ejus: adorare vere eas nequaquam cogimus, qui noluerint: frangere vero vel destruere eis, etiam si qui voluerint, non permittimus." Eo ipso quo permittit Auctor sanctas venerari Imagines, non abjudicat eis cultum religiosum, quinimmo ipsum statuit & dicendo Imagines propter amorem Dei atque sanctorum, tum intra, tum extra Ecclesiam posse affigi, & prohibendo eas frangi & contumeliis affici.

*Respondeo* 3. distinguendo: Auctor librorum Carolinorum omnem abjudicat sanctis Imaginibus cultum latriæ soli Deo debitum, concedo: cultum dulciæ, subdistinguo, superstitionis, vel absolutum, concedo: relativum, nego. Tria distinguenda sunt in cultu, 1. quidem adoratio. 2. Spes in Imaginibus, quasi aliquam in se præhaberent virtutem, vel ad sanandos morbos, vel ad satisfaciendas animas. 3. Honor exhibitus lapidi, metallo & Imagini in hoc præse sistendo. Porro adoratio dicit latriæ cultum, unde soli Deo debetur, & usus nunc invaluit ut dicamus, veneramur & colimus sanctis Imagines; nusquam vero adoramus. Nec utique virtus inest aliqui supernaturalis in Imaginibus: tertium addo ex Adriano Papa in Epistola sua ad Patres Nicænos: non Imagines, sed Christum, sed Deiparam, sed sanctos in Imaginibus colimus, quia vero, & plebis, & simplicium in-

scientia non semel factum est ut quidam statuas velut numina haberent, spem in Imaginibus ponerent, easque propter se non propter sanctos venerarentur; ideo Auctor librorum Carolinorum prohibet in primo sensu adorare Imagines. Unde ne idolatriæ præbeant ansam, non vult collo deflexo & inclinato, genuflexione, thure, vel alio simili modo coli. Cultum utique etiam dulciæ abjudicat sanctis Imaginibus, sed in secundo & tertio dumtaxat sensu, in quo cum Ecclesiæ perfectissime concordat: neque enim virtutem aliquam inesse Imaginibus dicimus, neque spem in eis reponimus, neque eandem propter se, sed tantum propter Sanctos veneramus; quæ quidem omnia, tum ex probationibus, tum ex fide & usu Ecclesiæ Gallicanæ patent, immo ex ipsis librorum Carolinorum contextibus.

*Negat* quidem Auctor adorandas esse sanctorum Imagines, sed cultu latriæ etiam relativo. In primis l. 4. c. 18. conqueritur quod usus inoleverit more Gentium Imagines adorare, unde c. 27. ait: "Falluntur vere & merito falluntur, qui, cum Deus Creator omnium se solum adorari censuerit, res quidam sensu carentes adorare nituntur."

*Negat* quoque colendas esse Sanctorum Imagines spem suam in eis reponendo, quasi vel gratiam, vel bona nobis suppeditare temporalia possent; libro enim 3. c. 18. sic Auctor loquitur: "Cum ergo isti pene omnem auxilii sui spem in Imaginibus defigant, non mediocriter a sancta & universali dissentiant Ecclesia, quæ spem auxilii sui non in pictura facit, non in manufactis artificum operibus, sed in Deo omnium Creator, re defigit."

*Negat* denique colendas esse Imagines sanctorum cultu absoluto & propter se: apprimè quidem, nam lignum, & metallum in se non sunt quid aut sacrum, aut sanctum sicut vasa sacra & liber Evangeliorum: vasa quippe ex contactu Sanguinis & Corporis Christi quandam contrahunt consecrationem, quocirca aliquo digna sunt honore: a fortiori liber Evangeliorum, qui ipsum Dei verbum continet: & ideo Auctor in hoc sensu non vult Imagines isto donari cultu, sed non negat eis cultum relativum propter Dei & sanctorum amorem; quod autem hic sit genuinus, germanusque sensus Auctoris librorum Carolinorum patet ex l. 4. c. 26.

in quo sic habet : " Unde , *inquit* , magna ex parte errare eos constat , cum eas sanctas esse asserunt & in locis con- taminatis statuendas esse decernunt , " scilicet Imagines .

Ceterum libri Carolini duo perstringunt Concilia , alterum Copronymi , cuius decreto ablatæ , & contrafactæ sunt sanctæ Imagines . Alterum Patrum Nicææ congregatorum quasi adorationem soli Deo debitam sanctis Imaginibus concessisset : " Frangere vero , vel destruere eas , etiam si qui voluerit , non permittimus . " & l. 2. cap. 23. recensitis Beati Gregorii verbis ex Epistola ad Serenum : " Ecce quo Magistro , quove documento venerandi Pontificis imbuto , Imagines in Ecclesiis habere non reuimus , sed earum adorationem prorsus abdicamus : cuius institutis contra ire se , quisque eas frangit , vel adorât , modis omnibus recognoscat . " cap. vero 31. Auctor librorum comparat utramque Synodum ad invicem : primum scilicet , Copronymi , quæ frangi sanctas Imagines finit , & damnat ; alteram dicit eas adorare , & hoc abjicit . Postea hæc subdit : " Ut nec cum illis prorsus abolendas dijudicemus , nec cum istis adorandas decernamus , sed solum Deum adorantes & ejus sanctos venerantes secundum antiquum Patrum & Ecclesiasticam Traditionem eas in Ecclesia , in ornamenta & in memoriam rerum gestarum si liber habeamus . " Er sic patet ad singulas objectionis partes responso .

*Ad primam* quidem , distinguo : libri Carolini prohibent adorari SS. Imagines cultu latræ , concedo : dulciæ , nego .

*Ad secundam* , similiter distinguimus : prohibent coli sanctas Imagines cultu quo veneramur vasa sacra & librum Evangeliorum , concedo : abjudicant eis omnem cultum , nego . Cum sanctæ Imagines nullam in se aut virtutem , aut consecrationem habeant , nonnisi cultu relativo ad sanctos colendæ sunt : porro Auctor concedit sanctos esse colendos in se & propter Deum ; igitur nec abnuat cultum relativum pro sanctis Imaginibus , cum eas illo prosequi cultu , sit solos in eis venerari sanctos quos nostris subijciunt oculis .

*Ad tertiam* partem adhuc distinguo : auctor etiam negat cultum dulciæ sanctis Imaginibus exhibendum esse , sed absolute , ita ut eas propter se veneremur , concedo : cultum relativum ad sanctos

quos in Imaginibus veneramur & colimus , nego .

*Ex Concilio Parisiensi , videlicet ex quibusdam Episcopis & auctoribus Gallicanis .*

OBJICIUNT Hæretici contra cultum sanctarum Imaginum Concilium Parisiense sub Ludovico Pio congregatum anno 824. quod putant multum adversari cultui & honori quem redit Ecclesiæ sanctis Imaginibus : hujus autem Concilii Patres in Epistola ad Ludovicum asserunt legisse Adriani Epistolam qua cultum SS. Imaginum stabilis : hunc quidem Pontificem laudant quod dilacerantes SS. Imagines zelo Apostolico perstringerit : sed ægre ferunt quod eas adorari permiserit . Multas deinde Patrum in varia Capitula distributas subijciunt sententias , quibus probare conantur SS. Imagines non esse adorandas & præcipue in decimo , cuius est titulus , contra illos qui Imagines se adorare profitentur . Ergo , &c.

*Respondeo* 1. Concilium istud Parisiense non esse verum Concilium , sed Conventum Regium , ut constat ex contextu Epistolæ , quem Rex ad Summum Pontificem mittere debebat , ut legatis Imperatoris Constantinopolitani , quos ad ipsum remittebat , responderet quid pro cultu SS. Imaginum faciendum , quidve sentiendum ipsis explanaret : sic enim habetur in exemplari Epistolæ Regis , quæ refertur in dicta Synodo : " Nos tamen , *inquit* Rex , non Synodum congregando , sed quemadmodum a vobis postulavimus , licentiamque agendi percepimus . " Igitur ex hac Præsumptione definitione nihil contra cultum SS. Imaginum erui potest .

*Respondeo* 2. distinguendo : Patres Synodi Parisiensis damnant cultum latræ absolutum , immo & relativum , superstitiosum sanctis Imaginibus exhibitum , concedo : cultum ordinatum & relativum , nego . Patet ex probationibus Patres non denegare SS. Imaginibus cultum religionis , cum eundem , quem ipse S. Gregorius concedebat , utique se concedere fateantur ; sed cultum dumtaxat latræ , tam relativum , quam absolutum : sed cultum solummodo superstitiosum , quem Græcos illi concedere suspicabantur : sed cultum quo aliquis honorat SS. Imagines , vel spem in eis habendo , vel etiam aliquam in ipsis agnoscendo virtutem . Quod quidem ex duobus

bus facile colligitur. 2. Ex ipsis Concilii Capitulis. Capituli tertii hic est titulus: "Contra eos qui indebito cultu eas colunt & adorant & sanctas nuncupant & sanctimoniam se sperare assequi fatentur; sicut in illa Græcorum Synodo insertum est, &c., 2. Male interpretabantur illi Patres Concilium secundum Nicænum & errorem secuti sunt librorum Carolinorum. Auctor quippe credebatur Patres Nicænos eundem cultum, qui redditur Sanctissimæ Trinitati Deificæ, concedere SS. Imaginibus; ita refertur l. 3. c. 17. num. 332. spem in Imaginibus ponere l. 1. c. 18. num. 117. sanctimoniam ab Imaginibus expectare, l. 3. c. 6. num. 321. relativum saltem latræ cultum annuere l. 3. c. 6. num. 376. Cæterum cum fuerit diversa diversis temporibus disciplina, non mirum si modi venerandi SS. Imagines fuerint utique diversi.

*Instant*: eadem Synodus Parisiensis asserit bonum esse si sanctæ Imagines sint in Ecclesiis non ob cultum sed tantum propter Sanctorum & memoriam & amorem. Ergo, &c.

*Respondeo* distinguendo: bonum est si Imagines ponantur in Ecclesia non ob cultum aut indebitum, aut superstitionem, concedo: mere ad ornamentum excludendo cultum etiam ordinatum, nego. Primum tantummodo intendit Synodus, ut omnis tolleretur scandalum occisio: sed nusquam secundum, cum potius firmet cultum religiosum pro SS. Imaginibus, eo ipso quo vult in Ecclesia eas apponi tum in memoriam, tum propter Sanctorum amorem.

*Obijciunt* 2. ad impugnandum cultum SS. Imaginibus debitum quasdam alias Episcoporum Galliæ auctoritates. Primo loco venit Hincmarus Rhemenfis Archiepiscopus qui opusculo 55. c. 20. de Concilio Francfordiensi loquens, ait: "Auctoritate hujus Synodi nonnihil repressi est Imaginum veneratio.", 1. Agobardus Lugdunensis Archiepiscopus, l. de picturis & Imaginibus commemorat unum ex Deut. 4. locum, quo prohibet Moyses Israelitis ullam habere creaturæ similitudinem, nequidem cæli, deinde subdit: "In quibus verbis summo opere notandum est, quia si opera manuum Dei non sunt adoranda & colenda, nec in honore Dei; quanto magis opera manuum hominum non sunt adoranda & colenda, nec in honore eorum, quorum similitudines esse dicuntur? ", 3. Jonas Aurelianen-

sis Episcopus l. de cultu SS. Imaginum ait: "Nos signenta & Imagines non colimus & habentibus non præjudicamus.", Ergo, &c.

*Respondeo* distinguendo: & hi omnes cultum dumtaxat aut latræ, aut diluæ superstitionem SS. Imaginibus adhibere, concedo: cultum Ecclesiæ iudicio regulatum, nego. Eodem errore tenebantur illi Episcopi, quo Carolus Magnus, quo Concilium Francofurtense adversus Nicænum secundum, existentibus istud inclusite cultum superstitionem pro SS. Imaginibus quod quidem impugnare suscipiunt; unde non alium e sanctis imaginibus eliminant cultum, quam vanum & indebitum: sed religiosum eis reddendum esse prorsus non abnegant.

*Hincmarus* certe non abnegat: ita asserit Flodoardus lib. 3. Historiæ Rhemenfis, c. 29. ubi asserit ipsum sigillantibus Coepiscopis suis librum scripsisse, de modo quo Imagines Salvatoris nostri & Sanctorum venerandæ sint: jam vero si quid forte contrarium dicat, haud dubie ea solum intentione sic scribit, ut omnem eliminet cultum superstitionem. Cæterum verba in objectione allata non sunt Hincmari. Ipse fatetur Dallæus: "Hæc, inquit, quamquam Hincmari nomine ab ipso Baroni allata & sugillata, velut inconsulte ac temere dicta; ego tamen Hincmari vere esse non arbitror."

*Agobardus* non abnegat quoque cultum sanctis Imaginibus debitum, cuius rei argumentum est quod laudet & celebret locum sanctæ Gregorii Epistolæ ad Serenum, & vult sic ille Pontifex Imagines non frangi & dilacerari: sed potius servari in memoriam Sanctorum propter amorem quo sanctos Martyres prosequitur Ecclesia: igitur solum cultum superstitionem damnat: in eos quippe invehit dumtaxat, qui divinum cultum operibus manuum hominum exhibent: quod hic fit germanus Agobardi sensus patet ex eo quod afferat in probationem sententiam Augustini ex l. 10. de Civ. c. 1. de promptam, ubi sanctus Doctor dicit cultum, qui latræ nuncupatur, soli Deo tribui, alterum vero alio nomine insignitum, concedi sanctis hominibus; sic enim habet S. Augustinus: "Latræ quippe nostri, ubicumque sacrarum Scripturarum positum est interpretari sunt servitutem; sed et servitus quæ debetur hominibus alio nomine græcè nuncupari follet:



„let : latria vero secundum consuetudi-  
 „nem qua locuti sunt , qui nobis divina  
 „eloquia conderunt aut semper , aut  
 „tam frequenter , ut pene semper ea di-  
 „citur servirus , quæ pertinet ad colen-  
 „dum Deum : proinde si tantummodo cul-  
 „tus ipse dicatur , non soli Deo deberi vi-  
 „detur . Dicimus enim etiam colere ho-  
 „mines , quos honorifica vel recordatione ,  
 „vel præsentia frequentamus . „

„Jonas Aurelianensis cultum ordinatum  
 non abnegat SS. Imaginibus : sic enim l. i.  
 de cultu SS. Imaginum effatur : „ Opus  
 „ namque Dei corpora Sanctorum , quæ  
 „ non adoranda adoratione divinitati debi-  
 „ta , sed pie sunt amore complectenda &  
 „ honoranda utpote Sancti Spiritus Tempia  
 „ sacrata . „ Et infra : „ Gallia , inquit ,  
 „ Imagines Sanctorum ad præmissas causas  
 „ & habet & habere solet : eas vero ado-  
 „ rari , & in Dæmonum cultum venerari  
 „ magnæ detestationi & abominationi ha-  
 „ bet : „ Quibus verbis luce clarius apparet  
 „ Jonam cultum dumtaxat propellere pro  
 „ SS. Imaginibus superstitionem .

„Perperam Hæretici in suas trahunt partes  
 „Dungalum & Vvalfridum Strabonem :  
 „hi quippe in eodem quo cæteri Patres ,  
 „loquuntur sensu , nec aliud volunt quam  
 „aut abutimur , aut superstitionem perstringe-  
 „re . Primus quidem suum opus adversus  
 „Claudium Taurinensem Iconomachum con-  
 „scripsit : igitur non cultum quemcumque  
 „SS. Imaginibus abjudicat , sed solummodo  
 „superstitionem , alius nihil contra Iconoma-  
 „chum probasset , nec ab errore Claudium  
 „ad meliorem frugem adducere habuisset .  
 „Quid plura adiciam ? Dungalus laudat E-  
 „pistolam Beati Gregorii ad Serenum , qua  
 „præcipitur ne SS. Imagines frangantur &  
 „abiciantur , unde hæc subjicit ut os lo-  
 „quentium iniqua contundat . „ Neque San-  
 „ctorum Imagines in parietibus pictas ,  
 „neque eorum , scilicet Martyrum , cor-  
 „pora in sepulchris condita , sicut Deum  
 „adoramus . Neque eis sacrificia ponimus ,  
 „sed tantum eos , quorum effigies , vel  
 „corpora sunt , in Deo veneramur & per  
 „eorum intercessionem divinum nobis po-  
 „stulamus adesse subsidium . „ Sic scribit  
 „Monachus ille , reclusus in Monasterio S.  
 „Dionysii in agro Parisiensi .

„Vvalfridus Augiæ divitis Abbas eodem  
 „prope modo loquitur in suo libro de rebus  
 „Ecclesiasticis , cap. 8. ibi enim ex professio  
 „probat cultum non quidem cultui Divi-  
 „no supparem esse reddendum sanctis Ina-

„ginibus , sed regulatum , sed cultum ex  
 „amore & reverentia erga Sanctos proma-  
 „nantem . Postea sic concludit Caput de Im-  
 „aginibus & picturis . „ Ergo sicut omnia  
 „munda mundis , coinquinatis autem &  
 „infidelibus nihil mundum , quia iniqui-  
 „nata est eorum mens & conscientia : ita  
 „malis omnes viæ offensionibus plenas  
 „sunt , & sicut boni etiam malis bene ,  
 „sic mali etiam bonis male utuntur . Sic  
 „itaque Imagines & picturæ habendæ  
 „sunt & amandæ , ut nec despectu utili-  
 „tas annulletur & hæc irreverentia in ip-  
 „sorum , quorum similitudines sunt , re-  
 „dundat injuriam ; nec cultu immoderato  
 „fidei sanitas vulneretur , & corporalibus  
 „rebus honor nimie impensius arguat nos  
 „minus spiritualia contemplari . „

#### *Solvuntur objectiones Iconomachorum ex ratione procedentes .*

„OBJICIUNT 1. pictura est Artificis inven-  
 „tio ad lucrum aliquod comparandum , nec  
 „originem habet in traditione : igitur reji-  
 „cienda .

„Respondeo distinguendo : pictura materia-  
 „liter sumpta est inventio hominum , con-  
 „cedo ; formaliter sumpta , nego . Ortum  
 „enim habet a Deo , qui voluit Cherubim  
 „alatos apponi ad Arcam : a Christo , qui  
 „corporis sui imaginem in sindone expressit  
 „ut ejus mortis servaretur memoria : a Pa-  
 „tribus , ut dicit Adrianus ; unde Leon-  
 „tius supra citatus l. 5. Apol. pro Chris-  
 „tianiis pag. 383. ait : „ Ergo ut sæpe di-  
 „xi , in omni salutatione & adoratione  
 „intentio ipsa requiritur & expectatur ,  
 „tu vero cum me criminalis quod ut  
 „Deum lignum Crucis adoro : quid est ,  
 „quamobrem non vertis in crimen Ja-  
 „cob adorantem in summitate baculi Jo-  
 „seph ? „

„Instant , Deus effigie corporis exprimi  
 „non potest utpote purus Spiritus : igitur  
 „pictura etiam formaliter sumpta , est in-  
 „ventio .

„Respondeo distinguendo : Deus sicuti est  
 „in se pingi non potest , concedo : ut in-  
 „carnatus & prout in carne apparuit , ne-  
 „go : in se quidem non pingitur & tabel-  
 „læ quæ paucis ab hinc sæculis , annuente  
 „Ecclesia , repræsentant Sanctissimam Tri-  
 „nitatem , se habent ut signa & quædam  
 „symbola ad cognitionem rei invisibilis quali  
 „manu nos ducentia . Cum enim corporales  
 „simus , per visibilia ad cognitionem &

amo-

amorem invisibilis ascendimus; hac de causa Verbum sub forma Regis in Throno sedentis apparuit Isaïæ: immo non semel Scriptura nobis Deum invisibilem repræsentat ut brachia & manus habentem ad exprimendam his symbolis ejus fortitudinem: igitur Pater aternus sub forma Senis pingi potest, ut intelligamus eum esse primum Divinitatis originem & principium non de principio; filius vero sub forma hominis eo quod factus sit homo; Spiritus Sanctus sub forma Columbæ, quia & sub ista specie super caput Christi apparuit.

Epiphanius in Concilio secundo Nicæno, tom. 3, pag. 501. sic respondet ad argumentum: "Non est Imaginem structura pictorum inventio, sed Ecclesiæ Catholicæ probata legislatio & traditio.... Consilium & Traditio ista non est pictoris, ejus enim sola ars est, verum ordinatio & dispositio Patrum sanctorum quæ ædificaverunt, intellige Tempia, in quibus Deus & Sancti honorantur, postea sic prosequitur: hoc autem nomen Christus significativum est & Deitatis & humanitatis, duarum Christi perfectarum naturarum. Secundum autem illam naturam qua visus est, homines Christiani illius Imaginem depingere didicerunt non secundum eam qua invisibilis erat."

Insunt: non potest effingi Christus ut Deus: ergo nec ut homo. Probitur consequentia: Humanitas a Divinitate separari non debet, hoc quippe redoleret Nestorianismum: ergo, &c.

Respondeo negando consequentiam & paritatem; cum enim Verbum caro factum sit, potest ut homo effingi, secus ut Deus & in se nisi improprie & symbolice. Ad probationem, distinguo: humanitas a verbo separari non debet per distinctionem realem & separationem, concedo; quod enim Verbum assumpsit, nunquam dimisit, & si quando Verbum reliquisset humanitatem, ipsa humanitas periisset, quandoquidem habet & existere, & subsistere per Verbum: non potest a Verbo separari per mentem, nego. At vero Christus est Deus & homo, igitur potest in ipso considerari tantum humanitas, & sic in tabellis subijci oculis nostris absque hæresos periculo. Porro latum est inter Catholicos & Nestorianos descricimen: isti non solum mentem, sed & suppositivalem dividunt Christum, duas scilicet in ipso admittendo hypostasies, alteram divinam, humanam al-

teram; illi vero e contra: quamobrem pingere Christum ut hominem veluti a divinitate hypostatice distinctum, nedum hæresis, sed & abominatio est.

Solutio est Epiphani, qui ibidem p. 504. sic revincit Iconomachos arguentes: "Audiant igitur isti veritatem Christiani unum Emmanuel Christum Deum noscentes, ipsum pingunt secundum hoc, quo Verbum caro factum est. Varia insuper deliramenta a se rejiciunt, simplici mente omnia, quæ in Ecclesiâ tradita sunt, recipientes & picturas inspicientes, nihil animo cogitant quam quod in his significatur; nam cum in pictura Virginem peperisse conspiciunt, Angelosque cum Pastoribus adstantes, Deum hominem factum esse reputant, nitum ob nostram salutem, atque id etiam contentur, dicentes: is qui extra carnem est, incarnatus est: Verbum corpus induit, increatus est creatus; intangibilis, est palpatum; eumque unum in Deitate & Humanitate perfectum prædicant: dictum est autem in præcedentibus de Nestorii impia hæresi, quod scilicet Imaginum effigiationes nihil cum ea convenient."

Rursus pag. 507. "Quandoquidem aut negati sunt in Imagine divini naturam circumscribi, exidentes a vero sermone, in reprobum sensum traditi sunt; Petro enim & Paulo in Imagine figuratis certum est eorum non esse animam; cum neque etiam quispiam, ipso Petri corpore præsentem, animam illius videre possit; & cum ipsa non videatur, quisnam, rogo, qui veritati studet, dixerit, separatam esse carnem Petri ab anima illius? quibus verbis mendaces ostendit hæreticos qui ut Sanctis propestant Imagines prædicant Deum circumscribi per eas, & Divinitatem ab Humanitate divelli, cum solum subsistant oculis picturæ & significant id quod volumus cogitare & faciant in mentem venire & Deum invisibilem & Verbum caro factum & ipsi Sanctorum victrices mundi & inferni animas, licet neque Deum, neque Verbum Incarnatum, neque ipsas animas etiam, præsentibus corporibus, in se videre valeamus."

Urgent: Si imago repræsentaret Christum maxime ut unum Christum: atqui non potest repræsentare ut unum, alias induceret in errorem Eutychianorum qui confundebant in Christo naturas. Quid pti-

plura? Imago non reddit mortuum, vivum, fallit igitur dum Sanctum aliquem vita functum exprimit ut viventem.

*Respondeo* concessa maiore, negando minorem: ad probationem dico, Imaginem non repræsentare Christum ut quid ab eo indistinctum, ita ut sit ipsa realitas, neque illum exprimere sicut Filius Patrem exprimit; hoc quippe Imagini vivæ tantum competit; sed repræsentat significative, eo prope modo quo conceptus noster scriptis exprimitur: quando igitur Christi intuemur Imaginem, cogitamus Christum qualem esse nos edocet fides, nempe perfectum Deum & perfectum hominem, non confusione utriusque naturæ, sed unitate Personæ: cogitamus Sanctos in cælis viventes & triumphantes, quos Imago subijcit oculis corporis & postea mentis, & sic stimulo Sanctorum memoriam, quodammodo in nobis vivificat mortuos. Igilur nulla est allucinatio, nulla fraus, nullum mendacium. Imagines enim dantur solum in recordationem, inquit Epiphanius, tom. 8. pag. 517. Typ. Reg.

*Opponent* 2. Sola Eucharistia est Christi Imago, juxta illud ipsius Christi effatum ad discipulos de tanto Sacramento: *Hoc facite in meam commemorationem*: igitur cæteræ de Christo Imagines, non sunt licitæ.

*Respondeo* distinguendo: Eucharistia ante consecrationem, seu Panis Eucharisticus est typus & figura Christi, concedo; post consecrationem, nego. Ita respondet Epiphanius tom. 3. pag. 509. & 510. "Nemo enim unquam, inquit, Sanctorum Apostolorum, qui tubæ sunt Spiritus Sancti, aut gloriosorum Patrum nostrorum incruentum nostrum Sacrificium in memoriam Passionis Christi Domini Dei nostri & totius dispensationis factum, Imaginem Corporis illius dixerit." Postea probat ex Apostolo realitatem Corporis Christi in sanctissimo altaris Sacramento; tum subdit: "Legas quousque voles, numquam invenies, neque Dominum, neque Apostolos, neque Patres, incruentum illud Sacrificium, quod a Sacerdotibus offertur. Imaginem dixisse, verum ipsum Corpus & ipsum sanguinem; attamen ante sanctificationis consecrationem quibuldam Patribus pie sane visum est, *virtutibus*, hoc est exemplar similis formæ nominare."

*Dices*. Beatus Nilus sic scribit ad Olympiodorum Proconsulem, ut refertur in

Concilio 2. Nicæno; A. 4. pag. 375. "Debet enim esse firma & virilis sententia genuinum, in sacro loco ab Oriente sanctissimi Templi unicam & solam effigiari Crucem." Igitur sola Crucis imago habenda est, Imagines vero Sanctorum prorsus abiciendæ.

*Respondeo* distinguendo: Beatus Nilus rejicit Imagines avium & reptilium, concedo: Imagines quæ referunt Sanctorum utriusque Testamenti historias, nego. Etvero respondet ad quæsitum. Petebat Proconsul an Imagines volucrum cum Crucis imagine in Templo depingendæ forent & hoc objicit S. Præsul: "Scribis mihi, inquit, num decorum putem, cum in animo habeas fanæ ædificationem in honorem sanctorum Martyrum, ut imagines in sacro loco omnigenarum animalium per parietes, undique fieri cures.... ego vero ad scripta sic respondeo, puerile plene esse & stultum ejuscemodii rebus fidelium oculis fascinare velle: debet enim esse firma & virilis sententia genuinum, in sacro loco ab Oriente sanctissimi Templi, unicam & solam effigiari Crucem.... Verum novi & veteris Testamenti historiis hinc inde parietes Templi repleti doctissimi pictoris opera velim, quo scilicet, hi, qui litteras non norunt, neque sacram Scripturam legere queunt, contemplatione picturæ in memoriam reducant, quinam germane vero illi Deo per fortia facta servierunt atque in certamen excitentur gloriosorum & laudatorum facinorum, per quæ cum cælo terram commutarunt, venerantes scilicet per contemplationem ea quæ non viderunt. In communi vero domi, in qua multa fuerint habitacula, sufficiat singulis veneranda Crucis imago." Quibus sententiis tria vultu Beatus Nilus: 1. Imagines volucrum & reptilium a domo Dei excludendas esse: 2. In eadem sanctorum Martyrum depingi Imagines, & repræsentari certamina, ut illiterati commoveantur ad imitationem & coronam: 3. In privata domo sufficere sanctæ Crucis imaginem; non excludit tamen cæteras, sed illam ad ciendos pietatis affectus sufficere autumat.

*Juvat* nunc ad contundendam proterviam hæreticorum, qui multa Ecclesiæ Catholicæ falsa atque infusa imponunt, referre & dicere qua intentione, tum Christi, tum Sanctorum Imagines, aut pingere, aut arte sculpturæ effingere licitum est. Juvat explanare

planare modum quo & colimus sanctas Imagines, & invocamus sanctos. Juvat hic texere quantum a superflitionis labe distat cultus noster. Omnia hæc momenta clare ac dilucide explicat Concilium secundum Nicænum Aët. 4. pag. 402. 413. 414. his verbis.

„ Igitur, inquit, humanitatis illius characteris & juxta carnem indiscretæ hominis formæ Imaginem figurant, & ipsius incomprehensibilem Deitatem atque invisibilem, unde ea quæ nostræ fidei præcipua sunt nascuntur, ostendere nequimus. Non enim juxta phantasiam & umbratice nostram naturam sibi induit, ut quidam ex veteribus hæreticis errantes tradiderunt, verum reipia, vereque homo perfectus per omnia, excepto, quod ab hoste nobis insitum est, peccato, factus est. Hanc ob causam in fide certi, sanctæ illius carnis characterem in Imaginibus delineantes salutamus & cultu & honore omni, quo decet, dignamur, nec ob aliud, nisi in recordationem divinitatis illius vivificæ & inexpressæ humanitatis. Eadem ratione & intemeratæ ejus, juxta carnem Matris sanctæ Deiparæ Virginis similitudinem referimus; hoc modo ostendentes quod mulier juxta naturam existens & a nostra massa haudquaquam aliena, Deum invisibilem & omnia manu sua continentem, ultra omnem & hominum & Angelorum existimationem in ventre suo conceperit & incarnatum genuerit. Etenim ob id eam, ut vere & proprie veri Dei Matrem veneramus & magni facimus & quavis visibili & invisibili creatura superiorem reputamus. Adhuc sanctos Martyres Christi, Apostolos, Prophetas, tanquam conservos nostros, & veros Dei Ministros bonis operibus & divina prædicatione veritatis, item perpeffione pro ipso Deo afflictionum gloriosos amicos Dei veros, quibus in se etiam magnam loquendi confidentiam dedit, admiramur & Beatos prædicamus, necnon ad recordationem fortitudinis eorum & rectam pro Christo servitutem, similitudinem eorum depingimus, non quod de divina natura participent, per hoc demonstrant volentes, neque debitum tantummodo divinæ Potestati & gloriæ honorem illis tribuentes, verum desiderium nostrum & amorem, quo erga eos affecti sumus, hæc etiam per pingibilem imitationem

„ ad stabiliorem nostram instructionem collocamus; quando & ipsi sancti Dei in unum & solum Deum cultum adorationis & glorificationem & procreationem conservantes pro Christo Sanguinem suum effuderunt & veræ confessionis coronam acceperunt. Hæc Imaginum apparatus ratio est, non quod nos adorationem in Spiritu & veritate, incomprehensibili & investigabili Deitati decentem, in manufactas Imagines, aut in opera hominum artefacta, aut sane in ea quæ subsunt Deo, sive visibilia sint, sive invisibilia, transferre studeamus; verum ut dilectionem nostram, quam juxta in Sanctos Dei servos habemus, per istum modum exhibeamus; & per honorationem illorum, in eum, qui per illos glorificatus est, quique illos glorificavit in confessionem potentiae suæ, Christum glorificationem & cultum referimus; ita ut imitatores fortitudinis eorum & dilectionis erga Deum per bonorum opera contra passiones resistentium, fiamus. Hunc autem esse Imaginum in Ecclesia Dei usum, unusquisque per hanc instructionem cognoscit neque aliunde nos salutis spem, sive in hoc mundo, sive in futuro sæculo expectare, nisi ab unigenito Filio Dei, qui simul cum Patre & Spiritu Sancto divina dona largitur, non enim aliud nomen, per quod salvari queamus, in hominibus datum est.

„ Pergit. „ At si Domini & Servatoris nostri, item & intemeratæ ejus Matris vere Deiparæ, necnon Sanctorum Imagines salutamus, confestim etiam fidem & dispositionem mentis erga illos habemus, sed unum Deum sine principio, sine fine, qui omnia in manu sua habet, factorem nostrum & omnis creaturæ & vere Servatorem, habentem potestatem in cælo & in terra pro genere humano, hominem factum agnoscimus; ancillam autem & Matrem illius existentem, vere pro genere nostro intercedentem præsentissime, ita ut Dominus quidem noster salutem dispenseret, illa vero Mater no affectu pro nobis poscat, agnoscimus: Sanctos denique omnes, tanquam conservos nostros & ejusdem nobiscum naturæ participes, gratissimus Dei Ministros, ut dictum est, & hac gratia a Deo donatos, ut beneficia a Deo data nobis ministrant: curationes, inquam, morborum, & periculorum liberationes, quando per

„ memo-

memoriam eorum; Dei invocatio sit, quatenus nobis in hypodis & glorificationibus possibile est, memoria autem eorum cum encomio celebratur, ut ait Scriptura Prov. 10. agnoscimus.

Hinc explicatio accedit ejusdem Concilii hæc eximia definitio, quæ Actione 7. pag. 584. & 589. his exprimitur terminis.

Dehinc cum omni diligentia & cura, venerandas & sanctas Imagines ad modum & formam venerandæ & vivificantis Crucis e coloribus & tessellis aut alia quavis materia comode paratas, dedicandas, & in Templis Dei collocandas habendasque: tum sacris vasis & vestibus, tum in parietibus & tabulis, in ædibus privatis, in viis publicis; maxime autem Imaginem Domini & Servatoris nostri Jesu Christi, deinde interemeratæ Dominæ nostræ Deiparæ, venerandorum Angelorum & omnium deinde sanctorum Virorum. Quo scilicet per hanc Imaginum picturam inspectionem, omnes qui contemplantur, ad prototyporum memoriam & recordationem & desiderium veriant, illisque salutationem & honorariam adorationem exhibeant, non, secundum fidem nostram, veram latrariam, quæ solum divinæ naturæ competit: sed quemadmodum typo venerandæ & vivificantis Crucis, & sanctis Evangelii, & reliquis sacris oblationibus suffictorum & luminarium reverenter accedimus; quemadmodum in veteribus pie in consuetudinem hoc adductum: Imaginis enim honor in prototypum resultat & qui adorat Imaginem, in ea adoratur quoque descriptum argumentum. Sic enim sanctorum nostrorum Patrum obtinet disciplina, vel Traditio Catholicæ Ecclesiæ, quæ a finibus usque ad fines Evangelium suscepit. Paullo ergo sic in Christo loquenti, omni- que Apostolico cœtui & Patribus sanctis idem sentientibus inhaerentes (servamus Traditiones, quas accepimus.) Thessalon. 2.

Pergit. Quare & victoriæ carmina ad Ecclesiam cum Propheta accinimus: Gaude valde filia Sion, prædica filia Jerusalem, exulta & lætare ex toto corde tuo: a te Deus abstulit iniquitates adversantium tibi, liberata es de manu inimici tui, Dominus Rex tuus in medio tui, & pax tibi in sempiterna sæcula.

Igitur, qui ausi fuerint aliud sentire, & docere, aut more impiorum hære-

ticorum Ecclesiasticas Traditiones contaminare, aut vanam quandam vaniloquentiam inducere, aut quidquam de consecratis in Ecclesia abicere, Evangelii, inquam, depictum codicem, aut figuram Crucis, aut Imaginis alicujus picturam, aut reliquias Martyrum, quas sciverint esse germanas & veras, aut contra istas improbe aliquid excogitare, quod sit contra Constitutionem Ecclesiasticam, aut uti tanquam communibus, sacratis Deo, repositis pretiosis, aut Monasteriis reverendis, si fuerint Episcopi aut Clerici, deponantur; si Monachi aut Laici, communione priventur.

## SYNOPSIS PROBATIONUM.

### *Cultu religioso colendæ sunt Sanctorum Imagines.*

PRIMO: Hoc ipsum non in uno sed multiplici loco innuit sacra Scriptura: legitur quippe in ea Josue prorsum in terra adorasse Arcam Domini, Serpentem æneum Christum præudentem eo elevatum fuisse scopo ut a serpentibus ignitis læsi mediatorem in Imagine venerarentur, & credendo in illum sanarentur.

Secundo: Hanc sanctorum Imaginum religionem declaravit & legitimam & sacram Synodus secunda Nicæna generalis quæ expresse auctoritate Patrum & usu Ecclesiæ probat, postea & proferbit Iconomachos. Concinit Concilium Tridentinum.

Tertio: Idem est motus in Imaginem & prototypum: sed sanctos & Amicos Dei veneramus: igitur & sanctas Imagines relative ad eos quos representant colore sicut æquum ita & pium atque religiosum est.

## SYNOPSIS OBJECTIONUM.

### ET RESPONSIONUM.

PRIMO: Colere Imagines & Scultus in se, idololatram quidem redolet; nusquam vero si solummodo relative ad Sanctos eas veneremus.

Secundo: Congressus quorundam Episcoporum & Conciliorum circa sanctorum Imaginum cultum, fuit solum ad rescindendos abusus; & hoc unum probat disciplinam Ecclesiæ fuisse pro isto momento diversam.

Ter-

*Tertio:* Tamen absque sanctis Imaginibus aliquis servando legem & circa principalia dogmata fidem possit salvari, nefas tamen grande foret cultum sanctarum Imaginum damnare. Argumenta Iconomachorum primum tantummodo probant.

*Ad solutionem* omnium objectionum tria observanda sunt. Primo quidem adorationis vocabulum quod non sœpius invenitur in sacris Scripturis & in sanctis Patribus non unam habere significationem, quandoque enim salutationem, nonnumquam etiam piæ amicitia deoscultationem importat: *ἡμεῖς* quippe antiqua Græca vox, & salutare & osculari significat, *προpositῶν* præpositio, augmentum quoddam significat amoris, unde cum ponitur *προσκύνησις*, designatur summus honoris gradus. In isto prorsus sensu 1. Reg. 20. 41. legitur David & adorasse & deosculatum fuisse Jonathan: Heb. 11. 21. Jacob adorasse sistigium virgæ Joseph; hoc est deosculando labiis tetigisse. Secundo, Adoratio in isto usurpata sensu multiplex est: quædam dicitur adoratio in gratiarum actionem, quædam vero summa præ timore concessio reverentia: prioris exemplum habemus Genes. 22. 7. ubi habetur Abraham adorasse filios Heth propter sepulturæ locum pro Sara concessum; alterius vero ibidem 30. 3. cum dicitur Jacob adorasse fratrem suum Esau. Tertio, adoratio patriæ soli Deo determinatur his vocibus, vocabulo adorationis, additis, *illi soli servies*. Ita habetur ibidem 47. *Dominum Deum tuum adorabis, & illi soli servies*; Ista quippe verba non solum nudam salutationem; & reverentiam illi dicunt, sed humilitatem & reverentiam soli qui est Dominus vitæ & mortis.

*Legitur* ut omnis tollatur æquivocatio, adoramus Sanctos, reliquias Martyrum, sanctas Imagines adoratione tantum salutationis, deoscultationis, venerationis, nusquam vero patriæ: neque etiam cultu mere civili sanctas Imagines colimus sed sacro & religionis, quatenus eas propter relationem ad Sanctos qui sunt Deo conjunctissimi, veneramus: quæ quidem explicatione adhibita & posita, evanescent omnia & veterum & recentiorum Iconomachorum commenta. Quia vero hoc ita traditur a Patribus Nicænis, non abs erit hic ponere pro corone eorum definitionem & fidei explanationem.

*Definitio & explanatio fidei Patrum secundæ Concilii Nicæni pro cultu sanctorum Imaginum.*

**PATRES** Synodici in Spiritu Sancto congregati sic loquuntur in Epistola ad Imperatorem Constantinum & Irenem eius matrem quæ habetur in Actibus Concilii Act. 7. Itaque Apostolicas & Paternas Traditiones sequentes; videmus autem dicere, conspiratione sanctissimi Spiritus consonantes, invicemque collecti universi, concordantes nobis habentes Traditionem Ecclesiæ Catholicæ, consonantis quæ formatae sunt a Sanctis sex universalibus Conciliis concordantes effecti sumus. . . . Et sicut manus & pedes concorditer animæ motibus agitantur, ita ab Spiritu accepta gratia & fortitudine, vestriq; Imperii concursus pietate priter & auxilio habito, simul acclamavimus, veritatem, quæ prædicavimus: omnibus modis videlicet recipiendas venerabiles Imagines Domini nostri Jesu Christi, secundum quod perfectus est homo factus; & quæcumque historice secundum Evangelicam narrationem scribuntur: atque intemeratæ Domini nostræ sanctæ Dei Genitricis, sanctorumque Angelorum, ut enim homines apparuerunt his qui digni facti sunt apparitione ipsorum, uni cum omnibus Sanctis. Necnon & certaminum eorum agones figurandos decrevimus tam in tabulis & parietibus, quam in sacris vasibus & vestibus, quemadmodum a priscis temporibus sanctæ Dei Catholica Ecclesia recepit, & in legem accepit tam a Sanctis primitivæ doctrinæ nostræ Magistris quam ab eorum successoribus egregiisque Patribus nostris: & has adorandas, idest salutandas: idipsum enim est utrumque: *ἡμεῖς* quippe antiqua Græca Lingua, & salutare & osculari significat: & *προpositῶν* præpositio augmentum quoddam significat amoris; quemadmodum *ἡμεῖς* & *προσκύνησις*, *ἡμεῖς* & *προσκύνησις*, quod salutationem indicat, & secundum propensionem amicitiam. Quod enim quis osculatur & adorat: & quod adorat, profecto & osculatur; sicut testatur humana affectio, quæ a nobis ad amicos habetur, & lectio hæc ambo perficiens. Hoc autem non solum apud nos, sed apud veteres in divina Scriptura.

„puta scriptum reperimus. In historiis  
 „namque Regum Scriptum est 1. Reg. 20.  
 „*Et David surrexit, & cecidit in faciem*  
 „*suam, & adoravit tertio. Jonathan, & oscu-*  
 „*latus est eum.*” Quid autem Dominus de  
 „Phariseis rursus evangelice ait? *Amant*  
 „*primos recubitus in canis & salutationes*  
 „*in foro.* Certum est quod hic salutatio-  
 „nem adorationem appellet. Pharisei quip-  
 „pe jactantem sensum habentes, seque-  
 „ntes opinantes, adorari ab omnibus fe-  
 „stinabant, non ore ad os osculari: hoc  
 „enim est potius humilitatis, & non Pha-  
 „risaici tumoris indicium. Iterum autem  
 „Paulus divinus Apostolus, sicut Lucas  
 „in Actibus Apostolorum describit Act. 21.  
 „*Quia cum venissemus Jerusalem, libenter*  
 „*exceperunt nos Fratres. Sequenti autem die*  
 „*introibit Paulus nobiscum ad Jacobum; om-*  
 „*nesque collecti sunt Seniores. Quos cum salu-*  
 „*tasset, narrabat per singula quae fecisset Deus*  
 „*in Genibus per ministerium ipsius.*” Ergo  
 „& hic salutationem honoratorium adora-  
 „tionem quam invicem exhibemus, Apo-  
 „stolicus sensus describit; quemadmodum  
 „& de Jacob ait: *Adoravit fastigium vir-*  
 „*gæ ejus.* Heb. 11. Consona vero istis  
 „& Gregorius cognomento Deiloquus di-  
 „cit: Bethleem cole, & præsepe adora.  
 „Quis, putas, eorum qui recte & sine-  
 „re intelligunt quæ divina Scriptura pro-  
 „feruntur, intelligat, quod, hæc de adora-  
 „tione quæ in spiritu fit, pronuntien-  
 „tur? Nisi forte de insensatis sit, vel ex  
 „his qui totius Scripturæ scientiæ ac pa-  
 „ternæ doctrinæ inexportes existunt. Num  
 „quidnam fastigio virgæ servivit Jacob?  
 „aut præsepi præcepit Theologus Grego-  
 „rius deservire? & rursus quoque nos vi-  
 „vificam Crucem salutantes consone ca-  
 „nimus: Crucem tuam adoramus, Domi-  
 „ne, & adoramus linceam quæ aperuit  
 „vivificum latus tuæ bonitatis, quod cer-  
 „tissime salutatio est & dicitur, sicut in-

„dicat istud, quod hæc propriis labiis no-  
 „stris contingimus. Jam est multoties in-  
 „venitur adoratio in divina Scriptura  
 „& urbane loquentibus Patribus nostris  
 „pro servitute quæ est in spiritu, cum  
 „vox multa significet, una tamen signifi-  
 „catione ejus tantummodo reperitur, quæ  
 „scilicet sola manifestat adorationem quæ  
 „est secundum latræm. Adhuc autem ado-  
 „ratio est ea quæ per honorem & per a-  
 „morem ac timorem fit, sicut nos adora-  
 „mus & gloriosissimum & mansuetissimum  
 „imperium vestrum. Est & alia per timo-  
 „rem tantum, sicut Jacob adoravit Esau  
 „Gen. 33. Est et per gratiam, sicut Abra-  
 „ham adoravit filios Heth, Gen. 23. pro  
 „agro quem accepit ab eis in sepulturam  
 „Saræ uxoris suæ. Iterum autem expe-  
 „ctantes quidam a sublimioribus benefi-  
 „cium consequi, adoravit eos sicut Jacob  
 „Pharaonem, Gen. 47. Hinc enim divina  
 „Scriptura docens nos, Luc. 4. *Dominum*  
 „*tuum adorabis, & illi soli servies.* Adora-  
 „tionem sine prohibitione dixit, tanquam  
 „diversas quidem significationes, sed Ho-  
 „monymam vocem habentem, & non so-  
 „li addidit. Porro servies illi soli dixit:  
 „Etenim soli Deo servitutem nostram re-  
 „ferimus. His ergo sic comprobatis, ve-  
 „raciter & incunctanter esse coram Deo  
 „acceptum & beneplacitum constat, Im-  
 „aginales formationes dispensationis Domi-  
 „ni nostri Jesu Christi & intemeratæ Dei  
 „Genitricis semperque Virginis Mariæ,  
 „ac honorabilium Angelorum, & omnium  
 „Sanctorum, adorare & osculari. Et quis-  
 „quis sic se non habuerit, sed discepta-  
 „verit, vel etiam clanguerit erga venera-  
 „billum Imaginum adorationem, hunc a-  
 „nathematizat sancta nostra universalis Sy-  
 „nodus quæ munita est divini Spiritus  
 „operatione, ac Paternis & Ecclesiasticis  
 „Traditionibus.

## TRACTATUS TERTIUS

DE

INTELLECTU

ET SCIENTIA DEI.



SCIENTIÆ divinæ arcum ita abditum est, ut fatius foret humanæ infirmitati profundum hoc secretorum divinorum pelagus venerari, quam investigare. Et vero, inquit Aug. lib. de Spiritu

& litt. cap. 34. n. 6. Jam si ad illam profunditatem scrutandam quisquam nos coarctet, tunc illi ita suadeatur ut persuadeatur, illi autem non ita, duo sola occurrunt intervium quæ respondere mihi placeat: o altitudo divinitarum! & numquid iniquitas apud Deum? Cui responsio ista displicet, querat doctiores, sed caveat ne inveniat presumptores. Rursus serm. 2. de Verbis Apostoli c. 6. Queris tu rationem, ego expavecam: tu ratiocinare, ego miror; tu disputa, ego credam. Alitudinem video, ad profundum non venio, requirit qui invenit admirationem. Quia tamen morem Theologis gerere tum ad explicationem, tum ad defensionem fidei, opus est, ideo præscientiam divinam tremantes simul & adorantes speculabimur, memores judicii Dei esse altissima, immo & super filios hominum terribilissima. Quis enim, inquit unus & Thomis nostris, invenitur tum perfidæ frontis, tantæ impudentiæ incude occellens, tam adamantinæ pertinaciæ, qui tam altis judiciorum Dei labyrinthis non stupeat? Tantis motibus gravissimis non succumbat? Tantis ponderibus oppressus non fatiscat? Tantis milleis divinæ non conquiescat? Tantis postremo divinorum decretorum fulminibus non conteratur, juxta illud percelebre adagium, tot funellis comprobatur experimentis. SCRUTATOR MAJESTATIS OPPRIMETUR A GLORIA. O homo! exclamat Apostolus Rom. 9. 20. tu quis es, qui respondeas Deo? Cæcutite sane in scrutandis Dei mysteriis humana mens, Hinc quidam impii apud Job

cap. 22. 24. de Deo sic loquuntur? *Nubes latibulum ejus, nec nostra considerat.* Alii posuerunt præscientiam fatum inducere, & necessitatem vitæ imponere humanæ, ita ut voluntas non sit amplius libera sive in fuga mali, sive in prosecutione boni. Etiam orthodoxi in varias, de quibus disputare licitum est, abeunt sententias, quæ licet Catholicæ, in multis tamen discrepare videntur. Contra primam fides est defendenda: cum aliis vero explicanda & concordanda. Quæ quidem fieri possunt quatuor potissimum mōnēntis. 1. Ostendendo esse in Deo scientiam illi coævam. 2. Omnia a Deo cognosci, omnia inquam, tum quæ intra, tum quæ extra illum sunt, aut possunt esse. 3. Cognoscere etiam conditionate futura. 4. Præscientiam Dei non nocere libertati & sanctitati; uno verbo de scientia Dei secundum se spectata agemus; de medio in quo Deus cognoscit possibilia & absolute futura; de medio in quo cognoscit futura conditionata; de efficacia scientiæ Dei. Sic igitur

## DISSERTATIO PRIMA.

De scientia Dei secundum se spectata.

*Contra negantes omnia a Deo cognosci.*

QUIDAM in suis evanescentes cogitationibus, ausi sunt aut asserere, aut corde saltem dicere, a Deo multa ignorari, vel etiam Deum ad omnia non attendere. Sed contra Prov. 13. *Infernus & perditio coram Domino:* & illud Psalm. 138. 6. *Mirabilis facta est scientia tua ex me, confortata est, & non potero ad eam.*



*Dogma de scientia Dei quatuor probatur argumentis.*

**PRIMO**, quia datur intellectus in Deo, & scientia est unum ex ejus attributis.

**Secundo**, quia Deus cognoscit omnia quae sunt in se ipso.

**Tertio**, quia omnia cognoscit quae sunt extra se.

**Quarto**, quia scientia Dei est causa rerum, & sine ea factum est nihil.

## ARTICULUS PRIMUS.

*Utrum Deus sit intelligens, & sit in eo scientia.*

**A**D intellectum divinum pertinet scientia, quae licet in Deo idem sit realiter cum intellectu, addit tamen supra praecisam rerum notitiam, hoc quod est cognoscere aliquid per causam. Hinc duo simul impraesentiarum, quaerimus: videlicet, an Deus sit ita intelligens, ut sciat rerum essentias. 2. Utrum easdem per causam cognoscat. Pro quorum resolutione sit.

### CONCLUSIO PRIMA.

Deus cuncta cognoscit per causas: immo Scientia est unum ex ejus attributis celeberrimum.

*Probatur auctoritate & ratione.*

**Primo**, ex Scriptura sacra.

**PRIMO**. Psalm. 138. v. 6. Mirabilis facta est scientia tua ex me, confortata est & non potero ad eam. v. 5. Tu cognovisti omnia novissima & antiqua.

**Secundo**. 1. Reg. 2. Deus scientiarum Dominus est; & ipsi praeparantur cogitationes.

**Tertio**. Rom. 11. O altitudo divitiarum sapientiae & scientiae Dei!

**Quarto**. Jacob. 1. 17. Omne datum optimum, & omne donum perfectum desursum est, descendens a patre luminum, apud quem non est transmutatio, nec vicissitudinis obumbratio.

**Quinto**. Job. 12. Apud ipsum est fortitudo & sapientia: ipse habet consilium & in-

telligentiam. Ex his sequitur istud argumentum. Ille habet intellectum, qui habet scientiam mirabilem, qui est scientiarum Dominus, pater luminum, apud quem non est vicissitudinis obumbratio, in quo sunt omnes scientiae thesauri, qui est ipsa & sapientia & intelligentia: atqui ex scriptura haec omnia sunt in Deo, ergo & intellectus. Ergo Deus est sciens & intelligens.

**Secundo**, ex Patribus.

**PRIMO**. Nemeseus Christianus Philosophus I. de Providentia c. 44. Ignorantia, inquit contra negantes Providentiam, & imperitia prorsus aliena est, a beata illa substantia, scilicet Dei, ipsius enim est cognitio & sapientia & scientia.

**Secundo**. Synesius libro de insomniis, ait; Deo sola ad cognoscendum natura facta est.

**Tertio**. Irenaeus l. 2. c. 47. sic loquitur: Deus cum sit totus mens, totus ratio, & totus spiritus operans, & totus lux, & semper idem, & similiter existens, &c.

**Quarto**. Augustinus solil. 13. mirabundus alloquens Deum, ait: Lux a qua omnis lux; lumen a quo omne lumen. . . . Lux cui omnes tenebrae lumen, cui omnis obscuritas lux: lux supra quam non obnubilat caecitas, quam caligo non bebetat, quam tenebrae non obfuscant, quam nulla obstantia claudunt, quam nunquam separat aliqua umbra: lux quae illuminans omnia tota simul, semel & semper, absorbe me in tuae claritatis abyssum, ut videam undique te in te, & me in te.

**Quinto**. Succinit D. Thomas hic 1. p. qu. 14. art. 1. Cum Deus sit omnino immaterialis, in ipso scientia est perfectissimo modo. Ex Patribus, Deus est totus mens, totus ratio, totus lux, quam tenebrae obscurare non valent, totus immaterialis & spiritalis: ergo & totus intelligens & sciens, cum scientia nihil aliud sit quam intelligentia & cognitio alicujus rei, quam lux omnia detegens, quam mens de omnibus judicans, quam ratio omnia ponderans, quam sapientia attingens omnia a fine ad finem fortiter & suaviter disponens; quae quidem sapientia ita est in Deo, ut teste Propheta, Ps. 146. Et sapientiae ejus non sit numerus.

Ter-

Tertio, ex rationibus.

*Prima* sic exponitur : Deus est primum movens ; igitur & intelligens . Probatur consequentia . Multa sunt in rerum natura , quæ ab intrinseco non moventur principio , ut elementa ; & tamen prorumpunt in centrum , & ad suum a creatore institutum finem tendunt : sed non possunt recte moveri versus centrum seu finem sibi impositum , nisi a supremo dirigantur motore ; directio vero ad varios fines , seclusa in dirigente scientia , non fit ; quæ causa opus naturæ , opus intelligentiæ vocatur : ergo si Deus est primum omnium motor , utique & intelligens : quinimmo , ut essantur Patres , totus mens , & totus ratio .

*Secunda* sic se habet : Deus est immutabilis & omnia immotus movens ; igitur est intelligens , & habet scientiam . Probatur consequentia : quæ sunt pure materialia , sunt determinata ad unum , nec aliquid novi sine mutatione , transendo ab una forma ad aliam , acquirunt : ergo si Deus est immutabilis , utique & purus spiritus , cuncta concipiens & intelligens ; alias posset recipere aliquid , transendo ab una forma ad alteram , ut entia pure materialia : unde enim tanta in Deo universalitas , nisi quia teste Joanne ; in principio Deus erat verbum , erat lux , erat scientia , & omnia in ipso vita erant , quatenus scit ab æterno quidquid in tempore futurus est .

*Tertia* : Deus est totius universi gubernator supremus ; igitur est intelligens & sciens : probatur consequentia : gubernatio est ordo rerum in finem per media apta & debita : sed talis ordinatio non fit sine mira scientia , non absque profunda intelligentia , alias omnia in mundo casus forent : igitur si Deus est supremus rerum gubernator , est etiam suprema intelligentia & scientia .

*Quarta* hæc cæteris adjungitur : Deus est prima omnium causa , præcontinens in se consequenter rerum omnium rationes , unde ens & verum convertuntur , inquit D. Thomas , sed quomodo ? nisi quia quod fit , est conforme intelligentiæ agentis : ergo eo ipso quo Deus est omnium causa , utique est intelligens & scientiarum Dominus .

*Quinta* : Omnes perfectiones in inferioribus dispersæ , profecto adunatæ sunt in

Boncat Theol. Tom. I.

superioribus , modo non implicent contradictionem ; sed videmus homines habere scientiam & perfectam rerum cognitionem : ergo a fortiori Deus illam habet , maxime quia scientia in suo conceptu formali tantummodo dicit cognitionem rei certam & evidentem , quod quidem ab omni imperfectionis labe purum est .

*Sexta* : Scientia inest nobis per hoc quod noster intellectus est universalium , recipit enim omnium formas ; recipit vero , quia est a materia elevatus : sed intellectus divinus est universalior , quippe qui a materia infinite semotus sit : igitur potest in se videre rationes rerum , & sic omnium habere scientiam .

*Septima* pro coronide ponitur : Scientia est cognitio certa & evidens rerum omnium per causas ; sed Deus est causa rerum omnium , & se cognoscit ut talem ; igitur est intelligens , & quidem scientificæ ; unde dicimus scientiam esse attributum , quandoquidem fluit ab essentiali divina ut proprietas promanat ab essentiali .

## DIVISIO SCIENTIÆ DEI.

**S**CIENTIA Dei , alia dicitur necessaria , alia vero libera : necessaria illa dicitur , quæ terminatur ad Deum ; libera vero quæ terminatur ad creaturas , quas Deus potuit ac potest creare , vel non creare . Rursus scientia Dei dividitur in scientiam simplicis intelligentiæ , & scientiam visionis . Scientia simplicis intelligentiæ , ea dicitur , quæ spectat res mere possibiles ; visionis vero , quæ futuris attingit : tertiam distinguit Molina , quam vocat mediam , quia Deus futura cognoscit conditionata , ut ista ; si Petrus ponitur in tali circumstantia , laudabit Dominum : si Joannes talem videt personam , peccabit . Dicitur media , quia mediatur duas priores .

## SOLVUNTUR OBJECTIONES.

*Obijcies* 1. S. Joannes Chrysost. hunc refert Maximi locum ex centuria prima , c. 82. in suo opere c. 9. *Deus , sive substantiam dicamus , non habet potestatem intelligendi , quæ naturaliter cum eo intelligitur ; ne habeatur compositus . Sive dicamus cognitionem , non habet subjectam substantiam , quæ naturaliter recipiat cognitionem .*

Ff In

In hoc loco dicit, non esse in Deo potestatem intelligendi, propter tria. 1. Quia nihil cum eo intelligi potest. 2. Quia si haberet, esset in Deo compositio, quandoquidem scientia cum intellectu facit compositionem, quod simplicitati Dei adversatur. 3. Quia Deus foret subiectum scientiæ; enimvero reciperet cognitionem seu scientiam, quod utique arguit compositionem, immo & potentialitatem; nam Deus & perficeretur a scientia, sicut intellectus creatus perficitur ab ea: igitur scientiam in Deo admittere non convenit.

*Respondeo* 1. argumentum nimis probare; sequeretur enim Deum nequidem fore ens a se: Et vero, existentia secundum nostrum concipiendi modum, advenit essentia, & facit cum ea compositionem; & tamen ipsa ratio dicit Deum esse, immo esse actum purum, esse primum ens, & cæterorum causam.

*Respondeo* 2. Imperfectiones, quæ concipiuntur scientiæ annexæ, eas oriri, vel ex limitatione, quam habet ipsa scientia in nobis, vel etiam ex imperfecto nostro illam concipiendi modo. Revera quidem, scientia secundum se dicit tantummodo cognitionem claram, certam & evidentem: nos vero illam concipimus etiam in Deo ad modum rerum creaturarum videlicet ei advenire, cum illo compositionem quandam facere, quæ quidem imperfectiones non sunt in Deo, quippe qui nihil recipiat, sed sit ipse omnia: unde proprie & in rigore loquendo, Deus non habet scientiam, sed est ipsa scientia.

*Respondeo* 3. distinguendo. Deus neque scientiam, neque intelligendi potestatem seu potentiam habet imperfectam, ita ut scientia sit in ipso tanquam forma in subiecto a quo dependeat, concedo: perfectam, nego. Quinimodo, Deus habet scientiam omnium perfectissimam, cum ipsa nihil sit quam implet Deus, qui juxta patrum dicta est totus mens, & tota ratio. Quod autem hic sit genuinus Maximi sensus, patet ex verbis laudatis; ita enim vult Deum cognoscere, ut cognitio cum ipso non constituat compositionem; vult ut scientia Deo non adveniat, sed sit ipsi cœva, nec sit aliud ab ipso; unde subdit: *Non habet subiectam substantiam, quæ naturaliter recipiat cognitionem: sed id ipsum quod secundum substantiam est, cognitio est Deus, & totus Deus, & solum,*

*& ipsa cognitio substantia; & totus substantia, & solum, & supra substantiam totus; & supra cognitionem solus: quia unitas est indivisa, expers partium & simplex.* Igitur in eo solum sensu Maximus negat in Deo scientiam, quo conciperetur accipere aliquid novi, aliquid accedens, & extraneum, aliquid quod esset aliud ab illo, & cum ipso faceret compositionem.

*Ad primum:* nihil cum Deo intelligi potest, distinguo, quod sit realiter ab illo distinctum, & aliud ab ipso, concedo: quod sit tantummodo virtualiter distinctum, nego. Attributa concipiuntur emanare ab essentia divina tanquam proprietates a natura fluentes; unde ab ea distinguuntur, non quidem realiter, aut formaliter ex natura rei, bene vero virtualiter; ita tamen ut ea actu non distinguat Deus, sed tantum concipiat & intelligat ut primum suam concipit essentiam multis æquivalere perfectionibus, quæ realiter distinguuntur in creaturis. Nos vero concipiendo attributa, ea actu distinguimus adinvicem: cum enim unico essentiam Dei actu & adæquare & comprehendere non valeamus: eam iteratis actibus apprehendimus: alio igitur conceptu intelligimus sapientiam divinam, alio bonitatem, alio omnipotentiam; & tamen ista omnia re sunt quid unum.

*Ad secundum:* si Deus haberet scientiam, foret in eo compositio, distinguo; si haberet ut nos homines infirmi habemus, concedo; scientia enim est perfectio egregia, nostro adveniens intellectui: si haberet semota omnis imperfectionis labe, ita ut scientia sit ejus substantia, & ejus esse, sicut de facto est, quia in Deo omnia sunt Deus, nego. Quod autem cognitio Dei sit ipse Deus, sonat ipsum Dei nomen; quandoquidem vox *Θεός*, quæ secundum Græcos Deum significat, dicitur a *θεωμαι* quod est considerare & videre.

*Ad tertium:* Deus reciperet cognitionem, distinguo; secundum nostrum concipiendi modum, concedo: secundum se, nego. Ab æterno est Deus, ab æterno intelligens & sciens quicquid potest facere, & facturus erat; unde cum aliquid produciat in tempore, nihil acquirat novi, sed ponit ad extra cognitionis terminum, qui ante erat ad intra secundum ideam: immo, ideo res sunt ex

Aug.

Aug. quia illas novit Deus : *Fecit enim Caelos in intellectu*, inquit Propheta psal. 135. non accipit igitur scientiam a rebus sicut nos, sed res accipiunt esse a scientia divina, & ideo scientia Dei non est aliud ab ipso.

*Hanc præclaram de scientia Dei doctrinam tradit Cyrillus in fine libri 31. thesaurorum his verbis :* „ Simplex, inquit, „ & minime compositus omnium prædicatione celebrabitur Deus. Quomobrem „ absurdum est ipsum de se talem habere „ cognitionem dicere, qualem nos habemus. Nam si ipse aliud quidquam est, „ alia vero ac diversa est ab eo quæ inest ipsi cognitio, compositus erit, & „ non simplex. Cum vero omnium confessione sit simplex, non est aliud ab eo diversum illius cognitio. Nostra autem „ est alia causa. Nam propria quadam ratione sumus secundum substantiam, „ in substantia vero sitam habemus cognitionem, velut colorem in corpore. Igitur non similiter & eodem modo „ sciemus quippiam ac Deus, qui non eodem atque illo modo nos habemus. Sed ipse quidem, tanquam hoc „ ipsum mens omnium suprema, itidem „ ut Deo convenit, tum ea, quæ sunt, „ tum se ipse contempletur, nos autem, „ qui datam nobis mensuram transgredi nequimus, velut in speculo & ænigmate, incomprehensibilem cernimus „ Deum. „

*Instabis :* Ut Deus aliquid cognoscat, debet species rerum accipere, silem essentia divina novo modo intellectui divino unitor necesse est : sed hoc potentialitatem innuit ; prius enim est Deum esse quam cognoscere alia a se : igitur Deus aliquid recipit, si rerum scientiam habet ; quod consequens, cum absurdum sit, ergo & antecedens.

*Respondeo 1.* multos percellentes Theologos propagare, essentiam Dei formaliter & Metaphysice sumptam, esse intelligere actualissimum, maxime, quia Deus est actus purus : igitur intelligere, juxta istam sententiam, est id quod est primum in Deo, unde eodem actu se & alia cognoscit : quia tamen creature sunt Deo posteriores, dicimus Deum prius prioritate ordinis se, & postea alia a se intelligere.

*Respondeo 2.* Deum non accipere species a rebus ; omnia si quidem, teste Beato Joanne c. 1. in eo vita sunt ; ideo omnium habet in se ideas, & cognoscit rationes.

*Respondeo 3.* distinguendo : essentia divina novo modo se habere debet respectu intellectus, & illi uniri per modum speciei tum impressæ, tum expressæ, absque vicissitudinis & imperfectionis adumbratione, concedo : secus, nego. Omnia in Deo sunt unum : quia vero Deus suam contemplantando essentiam, videt se & alia a se, ideo concipimus istam ineffabilem essentiam novo modo uniri intellectui divino, cum tamen revera nihil recipiat Deus, nihilque sit ab eo distinctum. Unde esse divinum non est in Deo cognitione prius, nisi ad summam prioritate a quo, emanationis scilicet & ordinis, respectu nostri, in quantum ad ordinandos conceptus nostros, intelligimus cognitionem Dei ab ipsius intellectu, intellectum vero ab ejus purissima essentia, fluere.

*Divus Aug.* hanc tradit solutionem Epist. 102. cum dicit in Deo aliud non esse quod intelligitur & quod intelligit, sicut in nobis. Ita l. 15. de Trinit. c. 13. & in 2. de Gen. ad litt. c. 5. n. 10. his verbis : *Non enim habet informem vitam verbum filius, cui non solum hoc est esse, quod vivere ; sed etiam hoc est ei vivere, quod est sapienter, & beate vivere.*

*D. Thomas* hic l. p. q. 14. art. 4. eandem tradit his verbis. „ *In Deo intellectus intelligens, & id quod intelligitur, & species intelligibilis, & ipsum intelligere, sunt omnino unum & idem.* „

*Plotinus*, scholæ Platonice antesignanus eandem tribuit doctem numinibus, ita ut testimonium ab ipsius fidei inimici habeamus. Nam Enn. 5. l. 9. cap. 5. Sic loquitur de mente summa & divina : *Itaque si quid intelligit, a se ipsa intelligit. Si quid habet, a se ipsa habet ; quod si a se ipsa & ex se ipsa intelligit, ipsamet est ea quæ intelligit.* „

*Opponet 2.* Omnis sciens reflexit ; cognitio enim est reductus ad se ipsum, & reminiscencia : sed hoc ipsum potentialitatem & imperfectionem redolet : ergo scientia nullo modo est in Deo admitenda.

*Respondeo 1.* negando absolute majorem : enimvero quando sciens identitificat sibi & suam potentiam intellectivam, & intelligere, quando est semper in actu intelligibilem, ideo actu semper omnia videt, prima apprehensione cognoscit omnia ; cum igitur Deus sit suprema & prima intelligentia, cuncta in sua essentia & ip-

sam suam essentiam, intuetur, eo prope modo quo Doctor hylens subtilissimam intelligentiam, sine discursu, sed primi rerum apprehensione, conclusionem videt in principiis.

*Respondeo* 2. distinguendo: Sciens inter creaturas reflectit & cognoscit rerum naturas sive per remissionem & reflexionem, sive per reditum ad res, concedo: sciens increatum, subdistinguo; reflectit secundum nostrum modum concipiendi, concedo: in rei veritate, nego. Non enim aliam habet reflexionem, aliamque reditum, nisi quod per se subsistat, & in hoc sensu redit ad se ipsum, quia est omnia.

*Ita* Aug. lib. 2. ad Simplicianum q. 2. his verbis: "Cum meminimus aliquid", sensisse nos vel intellexisse, ut id cum volumus, recolamus. Quod si ita in Deo est, ut possit proprie dici, intellegit, & intellexit, sentit & sensit, admittit tempus, & subreptit nihilominus illa mutabilitas, quæ longe a Dei substantia removenda est. Et tamen & scit Deus, & præcitat Deus ineffabili modo. Sic eum & pænitet ineffabili modo. Cum enim scientia Dei longe distet ab humana scientia, ita ut irridenda sit comparatio, utraque tamen scientia vocetur " &c. Subdit modos humanæ scientiæ imperfectos insinuare quidem scientiam Dei, sed non adæquare, quia in Deo non est transitus, motus mutationis, & aliud intelligens & cognitio intelligentis.

D. Thomas ibidem art. 2. explicite difficultatem, & sic respondet: *Ad primum ergo dicendum, quod reducere ad essentiam suam, nihil aliud est quam rem subsistere in se ipsa. Et in corpore: Cum igitur Deus nihil potentialitatis habeat, sed sit actus purus, oportet quod in eo intellectus, & intellectum sint idem omnibus modis.*

*Inquit* 3. scientia est discursiva; igitur in meditatione & reflexione funditur. Probat antecedens: 1. Scientia procedit ab uno ad aliud, est enim cognitio rei per causas: 2. Cognitio est egressus ab alio ad aliud, unde est motus importans mutationem; siquidem tendit ad novum terminum, ut cum producit de novo aliqua creatura: sed hæc omnia involvunt imperfectionis labem: igitur a Deo removenda est scientia.

*Respondeo* negando antecedens; scientia enim secundum se spectata, dicit solum-

modo cognitionem certam, claram & evidentem rei per causas, quam quidem unico intuitu habet Deus, quatenus unico & eodem actu suam comprehendit essentiam ut rerum omnium causam. Unde ad primam probationem distinguo: in creaturis scientia procedit ab uno ad aliud, concedo: in divinis, ne o: nec mirum, intellegens, intellectio & intellectum, sunt unum & idem in Deo. Ad secundam probationem distinguo similiter: cognitio est egressus ab uno ad aliud in creaturis, concedo: in divinis, nego. In Deo est actio pure immans, & intra intellectum, qui cum sit ideò re cum essentia, quæ est omnium causa, non egreditur Deus extra se ut cognoscit omnia: cognoscit enim effectus in sua essentia tanquam in causa rerum, unde nulla ei advenit ex cognitione rerum mutatio.

*Ita* Didymus tom. 3. Bib. PP. in enarratione Epistolæ canonice Joan. 3. Igitur, inquit, Trinitatis scientia substantialis est, creaturarum vero, effectus quidam suscipiens majus & minus. .... cum Deus mens sit intellectu naturali & substantiali, movit ea quæ novit: creatura vero, licet habeant ut sint mens, attamen & scientiam habeant quæ est factura, dum mens eorum est facta. Igitur Deus est sciens, quinimo est ipsi scientia, vel dicam super omnem scientiam.

D. Thomas utramque difficultatem sic solvit, primam quidem hic art. 1. ad 2. dicens divisa in inferioribus, adunita esse in superioribus, adeoque scientiam, consilium, prudentiam in Deo semotis imperfectionibus ceneri. "Ad secundum", dicendum quod ea quæ sunt divisa & multipliciter in creaturis, in Deo sunt simpliciter & unita. . . . horro autem secundum diversa cognita habet diversas cognitiones. Nam secundum quod cognoscit principia, dicitur habere intelligentiam: scientiam vero secundum quod cognoscit conclusiones: sapientiam secundum quod cognoscit causam altissimam: consilium vel prudentiam secundum quod cognoscit agibilia. . . . sed hæc omnia Deus uni & simplici cognitione cognoscit. Unde simplex cognitio Dei omnibus istis nominibus nominari potest: ita tamen quod ab unoquoque eorum secundum quod in divinam prædicationem venit, secludatur, quidquid imperfectionis est. "Secundum

hoc

hoc dicitur Job. 121. *Apud ipsum sapientia & fortitudo, & ipse habet consilium & intelligentiam*. Igitur scientia est sine discursu in Deo, sicut consilium sine inquisitione, & hæc sunt attributa diversa, licet enim re unum, illa tamen res æquivalet multis quæ a parte rei in creaturis distinguuntur.

Ad id vero quod dicitur, cognitio est egressus ab uno ad aliud, sic respondet D. Thomas hic art. 4. ad 1. *Intelligere non est operatio exiens ab ipso operante, sed manens in ipso*.

*Inhabis*: Cum intellectus acquirit scientiam, recipit species rerum; immo ipsa scientia est forma & habitus de novo adveniēns & perficiēns subiectum; sed absurdum est dicere Deum & aliquid recipere, & a formi creata perfici: ergo, &c.

*Respondeo*, distinguo maiorem, intellectus creatus, qui est & a cognitione & ab objecto distinctus, recipit species rerum, concedo; divinus, qui est suum intelligere, nego. Unde licet Deus cognoscat creaturas, & sint quid ab eo distinctum, non tamen in causa, scilicet in essentia divina, in qua illas cognoscit: igitur scientia non est habitus in Deo, sed solum in creaturis; nec est de ratione ejus essentiali, & secundum se considerata, ut sit habitus; sed solum ut est creata, & in creaturis, quia, ut dicit D. Thom. hic, formæ sunt in rebus secundum modum suum, unde in creaturis quæ sunt finitæ, perfectiones & formæ quæcumque sint, sunt utique finitæ, sed nusquam in Deo.

*Solutio* est S. Jo. Damasceni qui l. 1. de fide cap. 18. sic loquitur: "In nobis prudentia & sapientia & consilium tanquam habitus accedit, & abicit; non autem in Deo. In ipso enim nihil oritur & definit; est enim variationis & mutationis expers: neque de ipso dici accedens oportet. Porro bonum Deus habet cum substantiâ suâ concurrens." Eandem tradit solutionem D. Th. qui hic art. 2. ad 2. negat Deum aliquid recipere a rebus quas intelligit: "Intellectus divinus, inquit, qui nullo modo est in potentia, non perficitur per intelligibile, neque assimilatur ei; sed est sua perfectio & suum intelligere." Et art. 1. ad 1. negat scientiam in Deo esse habitum. "Perfectiones, quæ sunt in creaturis, sunt in Deo semotis imperfectionibus. Unde scientia non est qualitas in Deo, vel habitus, sed substantia & actus purus."

Bonac. Theol. Tom. I.

*Objicies* 3. Ideo ex D. Th. scientia est in Deo pura & summa perfectio, quia intelligere, intelligibile & intellectum sunt unum & idem: sed hæc ratio nulla est: & probatur. Cum Deus aliquam cognoscit creaturam, creatura intellecta non est Deus, implicat enim creaturam esse Deum; igitur intellectum & intelligibile in Deo non sunt idem.

*Respondeo*, negando minorem, ad probationem distinguo. Creatura secundum se & ut est a parte rei, non est Deus, concedo; ut est in causa, nego. Est enim ipsa essentia divina ut tali modo participata, vel participabilis: porro Deus non est sicut homo; non enim accipit scientiam a rebus, sed scientia & cognitio ejus, dat esse rebus, & sic patet intelligere & intellectum ad intra, esse unum & idem apud Deum.

*Dices*, ergo non erit discrimen inter Deum & creaturam ad intra.

*Respondeo* negando sequelam, quia essentia divina est objectum primum, illudque necessarium scientiæ divinæ. Essentia vero, ut participabilis ad extra, & ut connotat creaturas futuras, objectum liberum & secundarium.

*Objicies* 4. Scientia est universalium & particularium; sed universale non est in Deo; universale enim est ens rationis: neque particulare, quia singulare est in materia immersum: igitur nec scientia.

*Respondet* Divus Thomas ad hoc argumentum hic art. 1. ad 3. Scientium non esse in Deo ut in creaturis. "Et ideo, inquit, cum modus divinæ scientiæ sit altior, quam modus quo creaturæ sunt: scientia divina non habet modum creaturæ scientiæ, ut scilicet sit universalis, vel particularis, vel in habitu, vel in potentia, vel secundum aliquem talem modum disposita."

*Respondeo* 2. distinguendo minorem, universale Logicum & singulare Physicum non sunt in Deo, concedo; universale reale & plenum, & singulare per plenitudinem, nego. Deus est causa universalis, sed non per rationem & indeterminationem, verum potius per plenitudinem, sicut & singularis, unde dicendum potius Deum esse supra universale & singulare.

## SYNOPSIS PROBATIONUM.

*Deus cognoscit omnia.*

**PRIMO**, quia Pl. 138. habetur: *Mirabilis facta est scientia tua ex me, confortata es, & non potero ad eam.*

**Secundo**, quia ex Patribus, Deus est totus mens, lux & ipsa veritas.

**Tertio**, quia est rerum omnium & causa & gubernator, in semetipso igitur cuncta videt, cuncta scit & intuetur.

*Synopsis solutionum ad argumenta in contrarium.*

**PRIMO**, Patres quandoque scientiam esse in Deo negant: sed loquuntur de scientia quæ accipitur a rebus per species, de scientia quæ veluti accidens inhaeret intellectui, quæque comparatur per discursum: nusquam vero de scientia secundum se sumpta.

**Secundo**, Scientia absolute loquendo non dicit inquisitionem, sed cognitionem rei in se certam & evidentem; hanc autem esse in Deo, quis non videt, cum sit omnium causa?

**Tertio**, Scientia creaturæ; utpote limitata, est tantummodo de universalibus; scientia vero Dei, cum sit infinita, est etiam de singularibus.

## ARTICULUS SEUNDUS.

*Utrum Deus intelligat seipsum & suas perfectiones.*

## CONCLUSIO.

Deus intelligit se, & omnia quæ in ipso sunt, personas scilicet & attributa: & est de fide.

*Probatur auctoritate & ratione.*

**PRIMO**, ex Scriptura sacra.

1. **IOAN. 1.** In principio erat Verbum, & Verbum erat apud Deum: sed Verbum est cognitio & expressio Dei, & illa expressio est apud ipsum & in ipso: ergo Deus se & alia quæ in ipso sunt cognoscit.

2. **Ibidem.** Nemo novit Patrem nisi Fi-

lius; iterum Filius de Patre dicit Jo. 8. 55. *Novi eum.* ibid. 17. 6. *Pater manifestavit nomen tuum hominibus:* igitur Filius Dei cognoscit Patrem, sed Filius & Pater unum sunt, juxta illud Jo. 10. *Ego & Pater*, inquit Christus, *unum sumus:* ergo si Filius cognoscit Patrem, Deus se cognoscit & intelligit, & consequenter attributa, quia sunt ipse Deus.

3. **1. Cor. 2.** *Quæ sunt Dei nemo novit nisi Spiritus Dei:* & iterum ibidem v. 10. *Spiritus enim omnia scrutatur, etiam profunda Dei:* Igitur Spiritus sanctus cognoscit omnia quæ in Deo sunt: sed Spiritus sanctus est Deus; ergo Deus se & alia quæ sunt in se intelligit & intuetur.

**Secundo, Ex Patribus.**

**AUGUSTINUS** lib. 15. de Trin. c. 44. de Personis Sanctissimæ Trinitatis, sic loquitur: "Sciunt ergo invicem Pater & Filius, sed ille gignendo, ille nascendo. Et omnia quæ sunt in eorum scientia, in eorum sapientia, in eorum essentia, unusquisque eorum simul videt."

**Isidorus** l. 3. de summo bono c. 3. *Sola sibi nota est Trinitas*, intellige comprehensive: igitur Deus se intelligit, & quidem intellectione perfectissima, scilicet comprehensive.

**Divus Thomas** hic qu. 14. art. 2. ait: *Deus cum sit actus purus in summo immaterialitatis, intelligit se per seipsum.*

**Tertio, Ex Ratione, eaque multiplici D. Thomæ** 1. contra Gentes c. 47.

**PRIMA** sic exponitur: Purus Spiritus, qui est totus mens, se & alia, quæ in ipso sunt, cognoscit: sed Deus est & purus Spiritus & totus mens: igitur se & ea quæ in ipso sunt, perfecte cognoscit.

**Secunda** ita se habet. Quo magis ens aliquod a materia abstractum est, eo plures potest in seipso recipere rerum formas & species, in quibus velut in speculis lustret & contempletur objecta: hinc homo plura quam bellus nescit; quandoquidem formam habet seu animam a materia immanem: Angelus vero plura quam homo, quippe qui abstrahat ab omni materia physica, & sit purus Spiritus: enimvero cognoscit divisa indivisibiliter, composita simpliciter, materialia immaterialiter:

liter : sed Deus est supra omnem materiam, etiam metaphysicam ; liquidem est ens a se & omnia : igitur perfecte se-intelligit.

*Tertia*, Deus est actus purus : igitur se & omnia, quæ in ipso sunt, intelligit & cognoscit. Probatur consequentia. Esse actum purum, est esse in actu omnium perfectionum, & intelligibilium, idest habere omnes perfectiones, & actu videre & comprehendere omnia ; sic oculus dicitur in actu visibilium, quando actu percipit coloratum : ergo eo ipso quo Deus est actus purus, actu se, & omnia quæ in ipso sunt, perfecte intelligit.

*Quarta*, cognitio fit per hoc quod cognoscibile est in cognoscente ; oculus v. gr. videt arborem per hoc quod species arboris est in ipso, & postea in intellectu a quo utique cognoscitur : sed essentia & omnia attributa sunt præsentia intellectui divino, immo sunt idem cum illo : igitur Deus perfectissime se intelligit.

*Quinta*, denique tanta est virtus Dei in cognoscendo, quanta est actualitas in existendo, quia esse & intelligere sunt unum & idem apud Deum ; ergo sicut Deus est ens a se, ita & intelligere per essentiam : igitur Deus adæquate se intelligit, idest perfectissime & comprehensive.

#### *Diluantur Objectiones.*

*Obiectio 1.* Si Deus se intelligit, suam intelliget intellectionem : & rursus in infinitum ista intellectio se intelliget, quia cum intellectio Dei sit idem cum esse, & Deus intelligat suam esse, dabitur processus in infinitum, quod sane non est admittendum.

*Respondeo* distinguendo. Deus intelligit suam intellectionem ut est ens a se idem cum essentia, concedo : ut est operatio, nego, & cum illa operatio sit per se subsistens, non oportet procedere in infinitum, inquit Div. Thomas hic art. 4. ad 3. Cæterum omnia in Deo sunt unum & idem realiter, ipse est actus purus, est intellectio & vita per essentiam ; quia vero mirabilis illi essentia facit id omne quod intellectus creatus operatur, ideo distinguimus & intellectum ab essentia, & intellectionem ab intellectu. In Deo igitur est intellectus, est intellectio actualis, qua se intelligit & generat Verbum ; Verbum vero est intel-

lectio passiva, est conceptus & intellectionis terminus, & sic non datur intellectio intellectionis, in ratione operationis, sed datur intellectio passiva quæ est terminus intellectionis actualis, & est Verbum.

*Oppones 2.* Scientia est cognitio rei per causas : sed essentia Dei non habet causas : igitur Deus non habet scientiam de se : igitur non se intelligit.

*Respondeo* distinguendo. Scientia de rebus creatis, concedo majorem ; de divinis, subdistinguo : est cognitio per causas secundum quid, & improprie, concedo : adæquate & proprie, nego. Scientia secundum se dicit solum esse cognitionem certam & evidentiam : talis est in Deo, qui ita se cognoscit, ut etiam se comprehendat. In creatis vero scientia est cognitio rei per causas ; nihil enim magis demonstrat effectum, quam necessaria connexio, quam habet ipse effectus cum causa a qua essentialiter dependet ; quia tamen Deus suam cognoscit essentiam, ut fontem & principium a quo fluunt omnia attributa, & nos cognoscimus ineffabiles istas perfectiones per ordinem ad ens divinum ; nam iudicamus Deum esse omnipotentem, esse summum bonum, quia est ens a se : Essentia concipitur non quidem ut causa rigorosa, a qua dependeat attributa ; sed ut ratio, per quam cognoscuntur.

*Instabis* : Attributa non habent causam, ergo Deus illa non cognoscit ut in causa ullo modo.

*Respondeo* distinguendo. Attributa non habent causam rei, concedo ; sunt enim idem entitative cum essentia divina : non habent causam cognitionis, nego. Habent pro fonte & principio essentiam a qua fluunt, nos vero cognoscimus ea per essentiam tanquam per causam virtutalem, a qua, sine dependentia quidem emanant.

*Rursus instabis* : Deus non cognoscit attributa etiam ut virtualiter ab essentia distincta, quandoquidem unico actu & sine distinctione cognoscit essentiam suam & attributa : ergo non cognoscit essentiam ut causam cognitionis virtutalem ; igitur non habet scientiam.

*Respondeo* distinguendo. Deus non cognoscit essentiam actu distinctam ab attributis, nec utique distinguit, concedo : non cognoscit fundamentaliter distinctam, nego. Revera quidem Deus non cognoscit essentiam ab attributis distinctam,



quia sunt unum entitative, neque distinguuntur per operationem sui intellectus, cum unico actu comprehendat omnia, in quo differt a nobis, qui propter mentis nostrae limitationem, eandem rem infinite perfectam concipimus iteratis intellectionibus, & distinguendo per mentem quod in se indistinctum manet: attamen Deus concipit essentiam suam ut principium virtuale attributorum; unde videt istam entitatem posse concipi a nobis ut ens multiplex, ita ut etiam secundum nostrum concipiendi modum inferamus Deum habere perfectiones mirabiles, quia est ens a se, & sic attributa habent causam cognitionis respectu nostri, sed non respectu Dei: quia tamen hæc omnia perfectissime cognoscit, scientia altissimo modo in Deo est, & ideo iidem cum nostra vocatur nominibus, tametsi non dicatur cognitio rei per causas.

*Urgetur adhuc:* Si Deus unico intellectus actu intelligit se & suas perfectiones, sequitur sapientiam, scientiam, prudentiam & consilium non esse attributa diversa: sed saltem consequens; ergo & antecedens.

*Respondetur distinguendo.* Si Deus non cognoscit suam mirabilem & ineffabilem essentiam æquivalente perfectionibus, quæ revera distinguuntur a parte rei in creatis, concedo: si cognoscit, nego. Deus unico quidem mentis intuitu suam intelligit & cognoscit essentiam, sed simul videt æquivalere omnibus perfectionibus quæ sunt & reperiuntur in creaturis, unde concipit esse in ea multas rationes, eum ex ipsa Scriptura, Spiritus Dei sit unus simul & multiplex: & ideo sapientia, scientia, consilium & prudentia sunt attributa diversa, sicut & intelligentia. Ista quippe videt conclusionem in principiis, sapientia cognoscit per altissimas causas, scientia per proximas; consilium inquiri media pro agilibus, prudentia vero ordinat & imperat; quæ quidem omnes rationes sunt diversæ; quia vero Spiritus Dei hæc omnia eminentissimo modo, semotis quibuscunque imperfectionibus, habet & operatur, verum est dicere: Deus est intelligens, sapiens, sciens, considerans, immo ipsa est sapientia, &c.

*Obijciunt.* 3. Si Deus se intelligit, maxime intellectione comprehensiva; sed in hoc videtur inconveniens: & probatur: quod comprehenditur, est finitum: sed

essentia divina est infinita: igitur comprehendendi non potest.

*Respondetur* negando minorem, ad probationem distinguo: quod comprehenditur a finito, est finitum, concedo: sic a quo comprehenditur in vase, & est quid finitum. Quod comprehenditur ab infinito, nego. Comprehensio quantitative & physice sumpta est quid finitum; secus metaphysice considerata; sub isto enim respectu dicit solum adæquatam alicuius virtutis mensuram, & cum tanta sit actualitas Dei in intelligendo, quanta est in essendo, ideo intellectio divina est vere & perfecte comprehensiva, quatenus Deus tantum se cognoscit, quantum cognoscibilis est. Ita Div. Thom. hic quæst. 14. art. 3.

Quod autem Deus se intelligat, ipsi Philosophi Pagani confessi sunt, maxime Platonici, quorum interpres est Alcinoon c. 10. ubi sic loquitur: "Quoniam autem prima mens præstantissima est: necesse est præstantissimum ei intelligibile propositum esse. Nihil autem se ipsa præstantius habet; quare semetipsam, notionesque suas semper intelliget."

## SYNOPSIS PROBATIONUM.

*Deus & suam naturam & suas perfectiones intelligit atque cognoscit.*

*PRIMO,* Joan. 1. habetur: *In principio Deus erat verbum. . . . erat lux in hoc mundo.* ibidem: *Nemo novit Patrem nisi Filius.* Unde Augustinus l. 15. de Trin. c. 24. *Sciunt ergo invicem Pater & Filius.*

*Secundo,* Deus est purus Spiritus: igitur totus mens, & lux, immo ipsa veritas, ipsa sapientia; ipsa scientia.

*Tertio,* Cognitio fit per hoc quod cognoscibile est in cognoscente. Porro Deus est in semetipso, quippe qui sit ens a se; igitur se & sui intelligit attributa: tum quia cognitione & intellectione generat Verbum.

*Synopsis Responsionum ad objectiones in contrarium.*

*PRIMO,* tametsi Deus se & sui cognoscat, non datur tamen cognitio cognitionis & processus in infinitum: cognoscit quidem suam intellectionem, quatenus

tenus illa est ens a se, nusquam vero ut intellectus est: namque intellectus est id quo Deus se sua novit, unde nihil ultra datur.

Secundo, Scientia in creaturis quidem est cognitio per causas: at vero secundum se importat tantummodo ut sit cognitio certa & evidens. Ceterum non implicat scientiam Dei esse cognitionem utique per causam secundum quid: nullus quippe Theologus essentiam divinam esse causam virtutalem abnegabit; illumque sub isto respectu a Deo intelligi.

Tertio, Deus se cognoscendo comprehendit. Ergone finitus? minime; comprehensio nullis clauditur terminis nisi in creatis.

## ARTICULUS TERTIUS.

*Utrum Deus intelligat alia a se, id est omnes creaturas.*

### CONCLUSIO.

Deus cognoscit omnes creaturas posibles, omnes futuras, & præteritas; cognoscit secreta cordium, & quicquid est aut esse potest in omni creatura, tam secundum rationes genericas & communes, quam particulares consideratum, & hoc unico & simplici intuitu.

*Probatum auctoritate & ratione.*

*Primo, Ex Scriptura sacra.*

1. **G**EN. 1. *Vidit Deus cuncta quæ fecerat, & erant valde bona.*

2. **JOB.** 28. v. 3. *Tempus posuit tenebris, & universorum finem ipse considerat: lapidem quoque caliginis, & umbram mortis.* v. 24. *Iose enim fines mundi intuetur; & omnia quæ sub celo sunt respicit.* c. 31. v. 4. *Nonne ipse considerat vias meas, & cunctos gressus meos dinumerat?*

3. **PSALM.** 49. *Meæ sunt, inquit Deus per os Prophetæ, seræ silvarum, jumenta in montibus & boves. Cognovi omnia volatilia cæli.* **PSALM.** 137. *Excelsus Dominus, & humilia respicit, & alta a longe cognoscit.* **PSALM.** 138. *David sic loquitur: Domine probasti me, & cognovisti me, tu cognovisti sessionem meam & resurrectionem meam. Intellexisti cogitationes meas de longe,*

*semitam meam & funiculum meum investigasti. . . . . Ecce, Domine, tu cognovisti omnia novissima & antiqua.*

4. **PROVERB.** 15. *In omni loco oculi Domini contemplantur: bonos & malos, & c. 16. omnes viæ hominum patent oculis meis, inquit Deus.*

5. **ECCLESIASTICI** 1. *Omnis sapientia a Domino Deo est, & cum illo fuit semper, & est ante ævum. Arcem maris & pluvie guttas, & dies sæculi quis dinumeravit? altitudinem cæli, & latitudinem terræ, & profundum abyssi quis dimensus est? & concludit: Unus est altissimus Creator omnipotens, & Rex potens & metuendus nimis; sedens super Thronum illius, & dominus Deus: ipse creavit illam in Spiritu sancto, & vidit, & dinumeravit, & mensus est.*

6. **ESTHER** 14. 14. *Domine, qui habes omnium scientiam.*

7. **HEB.** 4. *Omnia, inquit Apost. nuda & aperta sunt oculis ejus.* Ibidem v. *Pertingit usque ad divisionem spiritus & animæ, compagem quoque & medullarum: est discretor cogitationum & intentionum cordis, & non est ulla creatura invisibilis in conspectu ejus.* Ex his sequitur istud argumentum. Qui videt cuncta quæ fecit qui cognoscit omnes hominum vias, secreta cordium, altitudinem cæli, abyssi profunditatem, & ipsam mortis umbram, omnia a se alia intelligit: atqui ex Scriptura Deus habet istorum omnium scientiam: igitur intelligit alia omnia a se.

*Secundo, Ex Patribus.*

*Clemens Alexandrinus, l. 6. Stromat. sub finem ait: "Deus omnia novit, non solum quæ sunt, sed etiam futura, & quemadmodum erit unumquodque; ac particulares motiones prævidens, omnia prospicit, & audit omnia; nudam intrinsecus animam videns, uniuscuiusque etiam & singularibus æternam habet intelligentiam, & quod in theatris usu venit, & in partibus cuiusque, inspicendo, circumspiciendo, & simul aspiciendo; hoc ipsum & in Deo evenit. Nam simul, confertimque omnia, & & particulatim singula, applicatione una contempletur.*

*Subscribit Hilarius in Psalm. 137. "Superbæ, inquit, & insolentes cogitationes Deum non fallunt. Cognoscit omnia & nihil scientiæ ejus impene- trabile est.*

*Acceſſus Ambroſius* l. de interpellat. c. 2. excolicans illud Pfal. 71. 11. „ Quomodo ſcit Deus, & ſi eſt ſcientia in excelſo, ait, qui ſe exiſtimat ab eo qui omnia videt, non videri, & tenebris credere commiſſi ſua poſſe celeri, umbram pretendit. Sed fruſtra latere ſe credit, cum oculus Domini lucidior ſole occulta omnia deprehendat.

*Non prætereundus eſt S. Auguſtinus* l. 15. de Trin. c. 14. ſic loquitur: „ Novit itaque omnia Deus Pater in ſeipſo: novit in Filio. Sed in ſeipſo, tanquam ſeipſum; in Filio tanquam Verbum ſuum, quod eſt de his omnibus quæ ſunt in ſeipſo. Omnia ſimiliter novit & Filius, in ſe ſcilicet, tanquam ea quæ nata ſunt de iis, quæ Pater novit in ſeipſo: In Patre autem tanquam ea quæ nata ſunt, quæ Pater novit in ſeipſo: in Patre autem tanquam ea de quibus nata ſunt, quæ ipſe Filius novit in ſeipſo. „ Ibidem. „ Deus non particulatim vel ſigillatim omnia videt, velut alternante conceptu hinc illuc, inde huc: ſed omnia videt ſimul. „ & l. 12. de Civit. c. 18. „ Quamvis infinitorum numerorum nullus ſit numerus, non tamen incomprehenſibilis eſt ei, cujus ſcientiæ non eſt numerus.

*S. Ephrem Syrus* cæteris adiungitur, *Tractatu de Vita ſpirituali* ſic ſcribit: „ Quod ſi ſubdole ab adverſario nolis in re aliqua ſupplentiri, crede nihil te agere vel cogitare quod lateat Deum.

Tertio, *Ex ipſis Paganis Philoſophis & Poetis.*

*Vetus Poeta* apud Petavium de Deo uno l. 4. pag. 254. quaſi Chriſtiane cecinit:

*Oculum ingentem formidemus, qui & ſub terram.  
Reſpicit; & majoris magnum profundum,  
& quæcumque tegit  
Mens hominum; nihil autem abſcindit  
tempus, ſed  
Adiungit omnia Deo.*

*Plotinus* Platonicius, velut Enn. 3. l. 2. c. 5. extollit Providentiam omnibus videntem & omnibus vigilantem. Aug. l. 20. de Civ. c. 14. ſic loquitur de eo. „ De Providentia certe Plotinus Platonicius diſputat, eamque a ſummo Deo, cujus eſt intelligibilis, atque ineffabilis

pulchritudo, uſque ad hæc terrena, & ima pertingere ſoſcutorum, atque ſoliorum pulchritudine comprobat.

*Thales* apud Clem. Alex. l. 5. Strom. p. 434. ait: „ Interroganti cuidam, an quidpiam agens latere Deum homino poſſit, & quomodo, inquit, qui ne cogitans quidem? „ Idem *Ægyptii* apud eundem Clementem ibid. p. 413. *Aures*, inquit, oculoſque exquiſita ex materia fingentes, Dii conſecrare ſolebant, in Templis appendentes: ut hoc ſignificarent, Deum omnia videre & audire.

*Philo* denique *Judæus* in l. in quo offendit Deum eſſe immutabilem p. 207. ſic loquitur: „ Manifeſtum igitur eſt, & eorum quæ genita ſunt, ſatorem & fabricatorum artiſicem, & curatorem, eorumque in tutela ſua habet, neceſſario ſcientem eſſe oportere. At vero Pater ille, & artiſex & curator revera eſt eorum quæ in cælo ſunt a mundo. „ Fateantur igitur omnes Deum omnia videre; immo & debere videre: igitur Deus intelligit alia a ſe.

Quarto, *Ex ratione multiplici deducta ex D. Thoma* 1. p. 9. 14. & 1. cont. Gent. c. 49. 50. & ſeq.

*Prima* ſic exponitur. Deus intelligit ſe, ergo cognoviſcit omnia. Probatur conſequentia. Cum eſſentia divina ſit ens a ſe & plenum, continet omnium creaturarum perfectiones, igitur Deus ſe cognoviſcendo cognoviſcit omnia; quatenus videt omnia quæ in ſua relucent & continentur eſſentia.

*Secunda*, qui habet in ſe omnium rerum rationes, cognoviſcit omnia alia a ſe: ſed Deus habet in ſe omnium rerum rationes, quæ nihil aliud ſunt quam eſſentia divina tali vel tali modo in infinitum participabilis, & hoc cognoviſcit Deus ſe cognoviſcendo, igitur & alia a ſe.

*Tertia*, qui cognoviſcit cauſam, cognoviſcit effectus: ſed Deus cognoviſcit rerum omnium cauſas, ſuam ſcilicet virtutem & omnipotentiam, a quibus cuncta procedunt; ſcit enim quid poteſt facere, & quomodo poteſt facere; alias ageret cauſaliter & cæco modo: igitur cognoviſcit alia a ſe, immo & ſingularia; quia eſt cauſa rerum & ſecundum rationes genericas atque communes, & ſecundum ſpecificas,

etis, & secundum individuales, nam & materia & accidentia, immo & omnes rerum modi, sive intrinseci, sive extrinseci, sunt ab ipso; siquidem attingit omne ens: tum quia si quid Deum lateret, jam non esset causa illius quod ipsum lateret: omne enim agens intellectuale cognoscit prius quicquid vult facere. Quis autem audebit dicere aliquid in creatura latere Deum, cum infernus ipse & perditio coram Domino sint?

*Quarta*, omnia sunt Deo præsentia, juxta illud Aët. 17. 28. *In ipso vivimus, movemur & sumus*: igitur Deus cuncta videt, cuncta cognoscit & intuetur.

*Quinta*, Deus est rerum omnium gubernator, a quo & omnis ordo rerum in finem: igitur cuncta cognoscit, aliis non posset creaturas ad suos perducere fines, quandoquidem ordinatio est actus intellectus.

*Sexta*, Deus comprehendit omnia quæ subiecta sunt ei, id est cognoscit perfectissime, & secundum omnem cognoscibilitatis quantitatem & mensuram, unde de Sapientia increata dicitur Sap. c. 8. v. 1. *Attingit omnia a fine ad finem fortiter: & disponit omnia suaviter*. Sed omnis creatura, & quicquid in illa est, Deo subjicitur. Igitur Deus cognoscit creaturas omnes & possibiles, & præteritas, & præsentes, & futuras, immo & omnia quæ in eis sunt.

*Septima*, tanto major & extensior censetur cognitio, quanto fortior & efficacior est vis intellectiva; sed virtus intellectiva Dei est infinita, sed eadem virtus omnipotens est rerum prorsus omnium factiva, juxta illud Psal. 135. *Qui fecit celos in intellectu*: igitur Deus unico & simplici intuitu alia a se perfecte cognoscit.

#### *Solvuntur Objectiones.*

**OBJICIES.** Hieronymus in primum caput Habacuc dicit: "Abstrudum esse ad hoc deducere Dei Majestatem, ut sciat per momenta singula, quot nascantur culices; quotve moriantur; quæ cicum & pulicem, & muscarum sit in terra multitudo; quanti pisces in aqua natent; & qui de minoribus majorum prædæ cedere debeant: ergo ex Hieronymo Deus non scit omnia, quinimo absurdum est dicere eum attendere ad vilissima."

*Respondeo* contrarium ex probationibus

supra allatis patere: Unde dicendum est Hieronymum solummodo velle Theologum prudentem non debere, vel minutissimarum proferre exempla creaturarum, quas ipse auditor parvi facit, ad probandum Providentiam, tum Dei omnipræsistentiam; ne ex vili opere, homini alias corrupto & terreno vilescat ipse artifex. Quod autem hic sit genus Hieronymi & sensus & scopus, colligitur ex his quæ initio Comment. in Jeremiam dicit. Ibi enim docet Deum cuncta sic cognoscere, ut etiam ea quæ futura sunt veluti jam facta in æternitate intueatur. Cui; inquit, *nec dum facta, jam facta sunt: secundum illud quod Apostolus loquitur: qui vocat ea quæ erant, quasi ea, quæ essent*.

*Respondeo* 1. distinguendo. Deus non videlicet vilissima nec ad ea attendit Providentia speciali sicut ad creaturas spirituales, quæ ad finem nobiliorem, scilicet supernaturalem, per gratiam ordinantur, concedo: Providentia generali & communi; nego: & sic redditur sensus Hieronymi.

*Oppones* 2. Augustinus l. 83. qq. q. quæst. 46. dicit: *Non enim extra se quidquam possum Deus intueri*. Ergo ex Aug. Deus non videt alia a se, sed ea solum quæ sunt in se. Confirmatur. 1. quia Deus non accipit speciem ab objectis creatis, alias ab ipsis penderet ipsis scientia, & tamen scientia comparatur per species acceptas a creaturis. 2. Quia objectum intellectus est perfectio intelligentis, nulla autem creatura potest esse perfectio Dei. 3. Quia de facto scientia Dei a creaturis penderet; siquidem scientia specificatur ab objecto.

*Respondeo* distinguendo. Deus non intuetur quidquam extra se, in specie illius propria & creata, concedo: in essentia sua, nego. Sensus Aug. est Deum non accipere speciem & scientiam a rebus sicut nos, quia ipsius scientia est causa rerum: sed omnia in se ipso videre & intueri. Solutio est D. Th. hic q. 14. art. 5. "Ad primum ergo dicendum, quod verbum Aug. dicentis quod Deus nihil extra se intuetur, non est sic intelligendum, quasi: nihil quod sit extra se intueatur: sed quia id quod est extra seipsum, non nisi in se ipso intuetur." Et ad secundum sic concedit: "Unde non sequitur, quod aliquid aliud sit perfectio divini intellectus"

„ lectus quam ipsa essentia Dei. „ Et sic patet solutio ad primam & secundam probationem : itaque

*Respondeo* ad tertiam distinguendo. Scientia specificatur ab objecto primario, concedo : ab objecto secundario, nego. Porro creaturæ sunt solummodo objectum scientiæ Dei secundarium ; unde nec ab eis specificatur, nec ab eis dependet. Ita D. Th. ibidem art. 5. ad 3. „ Ad „ tertium, inquit, dicendum quod ipsum „ intelligere non specificatur per id, quod „ in alio intelligitur, sed per principale „ intellectum, in quo alia intelliguntur „ ..... unde non oportet quod ipsum „ intelligere divinum, vel potius ipse „ Deus, specificetur per aliud quam per „ essentiam divinam.

*Inhabis* : atqui si Deus cognoscit alia a se, videtur quod ipsius scientia dependeat a creatis, & probatur. Si scientia divina se extendit ad creata, destructis creaturis, scientia destrueretur ; sublato enim objecto, perit scientia : igitur scientia Dei dependebat a creaturis, si illas tanquam objectum respiciat.

*Respondeo* negando sequelam. Ad probationem distingo, destructis creaturis scientia Dei destrueretur, si creaturæ essent objectum scientiæ divinæ primarium, concedo ; si solummodo secundarium, nego. Dictum est autem essentiam divinam esse objectum primarium scientiæ Dei, & in illa Deum ut in medio alia a se cognoscere : cum igitur ipse sit immutabilis, urique est & scientia indelebilis.

*Rursus inhabis*, in causa universalis cognoscitur res solum in communi & secundum rationes generales : sed Deus cognoscit alia a se in sua essentia ut in causa universalis : igitur solum imperfecte, & non scientifice, ea cognoscit. Confirmatur : cognitio perfecta habetur per propriam rationem : sed omnes rerum rationes non possunt simul esse in eadem causa universalis : ergo, &c. 3. Creatura non cognoscit naturaliter quæ sunt in Deo propter inhinitum distantiam : sed Deus tam distat a creatura, quam ipsa ab illo : ergo a pari non cognoscit quæ sunt in creatura.

*Respondeo* distinguendo. In causa universalis creata non cognoscitur res perfecte, concedo : in causa increata, nego. Creatura est solum universalis per abstractionem a materia, & mutando species objectorum a rebus, sic intellectus noster

est universalis, & hoc per defectum virtutis : e contra vero Deus est universalis per plenitudinem, quia virtus divina est causa rerum secundum omnes rationes, etiam specificas & individuales ; unde non est similis ratio, inquit D. Th. hic art. 6. ad 1. „ Sic igitur dicendum est, „ quod Deus non solum cognoscit res esse in seipso, sed per id quod in seipso „ continet res, cognoscit eas in propria „ natura : & tanto perfectius, quanto „ perfectius est unumquodque in ipso.

*Ad confirmationem* similiter distingo, rationes rerum non possunt simul inveniri in causa universalis creata, concedo quia est limitata & solum universalis per abstractionem, unde non potest sua virtute omnia adæquare. In causa increata & infinite perfecta, nego. Enimvero non solum suo ambitu omnium entium creatorum perfectiones continet, sed in immensum excedit. Ita Div. Thom. ibidem ad 3. his verbis : „ Dicendum quod idem „ non potest accipi ut ratio diversorum „ per modum adæquationis, sed essentia „ divina est aliquid excedens omnes creaturas ; unde potest accipi ut propria ratio uniuscujusque secundum quod diversimode est participabilis, vel imitabilis a diversis creaturis. „ Et sic patet solutio ad tertium ; creatura enim comparatur ad Deum ut actus imperfectus inquit D. Th. ibidem ad 2. sed Deus & perfectissimus, & omnium causa est unde videt quæ sunt in creatura, sed non e converso creatura videt quæ sunt in Deo, nisi gratia adjuvetur.

*Obijciat* 2. Intellectus divinus non cognoscit singularia & probatur. 1. Intellectus hominis illa propter eorum in materia immersionem non cognoscit, & propter hanc rationem res a materia abstractas solummodo contemplatur ; sed intellectus divinus magis est a materia semotus quam intellectus humanus ; igitur si ille non cognoscit singularia, nec Deus cognoscet ille, videlicet divinus. 2. Deus cognoscit solum res in se ; sed res in Deo non sunt singulares, in eo quippe sunt absque materia : igitur Deus non cognoscit singularia.

*Respondeo* negando antecedens. Ad probationem nego pariter : dictum est supra intellectum humanum intelligere singularia solum per abstractionem, & in eo duntaxat sensu universalem esse, sed intellectus divinus ea cognoscit in sua essen-

sentia, non mutuando species ab objectis; quia vero universalis est per plenitudinem, ipsius immaterialitatis non impedit ejus de singularibus scientiam. Responsio 1. est D. Th. hic art. 11. ad 1. his verbis. "Dicendum quod intellectus noster speciem intelligibilem abstrahit a principiis individuantibus. Unde species intelligibilis nostri intellectus, non potest esse similitudo principiorum individuum. Et propter hoc intellectus noster singularia non cognoscit: sed species intelligibilis divini intellectus, quæ est Dei essentia, non est immaterialis per abstractionem, sed per se ipsam principium existentium omnium principiorum quæ intrant compositionem rei, sive sint principia speciei, sive principia individui. Unde per eam Deus cognoscit non solum universalia, sed etiam singularia.

*Respondeo* ad secundum distinguendo minorem: res in Deo non sunt singulares per immersionem in matetia, concedo: per virtutem in qua continentur, nego: virtus divina præbuit omnium rerum rationes, & se extendit ad eas: res igitur, immo & ipsi materia non quidem ut est potentia, sed ut esse ens, sunt in Deo per quandam similitudinem, quatenus scilicet sunt divinæ essentiae participationes; unde Deus suam cognoscendo essentiam infinitis modis participabilem, cognoscit etiam omnia individua; quandoquidem singularia ut singularia sunt perfectiones a Deo emanatæ. Solutio est D. Thom. ibidem art. 11. ad 2. "Quamvis species intellectus divini secundum esse suum, non habeat conditiones materiales, sicut species receptæ in imaginatione & sensu: tamen virtute se extendit ad immaterialia & materialia. " & ad 3. "Materia licet recedat a Dei similitudine secundum suam potentialitatem, tamen in quantum vel sic esse habet, similitudinem quandam retinet divini esse.

*Infurget* 4. Videtur quod Deus non cognoscat omnes continui partes: ergo non cognoscit omnia: probatur antecedens: partes continui sunt infinitæ, sed infinitum est ignotum, ergo, &c.

*Respondeo* negando antecedens, ad probationem distinguo minorem cum D. Thoma hic q. 14. art. 12. infinitum quantitativum, de quo controversia movetur, est ignotum per numerationem, conce-

do: per comprehensionem, nego. Duplicis generis sunt partes in continuo, alie aliquotæ & a continuo separabiles, & sunt veluti metaphysicæ, quia sunt ipsæ partes aliquotæ quæ concipiuntur in initium divisibiles. Exhaustitur quidem continuum numeratis partibus aliquotis; devenitur quippe ad unam quæ non est ulterius divisibilis physice: aliquotas etiam numerando, minime vero secundum partes aliquantas, utpote a continuo propter quantitatis tenuitatem inseparabiles, sed a Deo cognoscuntur, & secundum essentiam, & secundum partes aliquotas in quibus continentur, quia comprehendit totum. Sic, inquit D. Thomas, si darentur infiniti numero homines, contineretur ille numerus intra aliquam essentiam, unde cognita essentia, utique & cognosceretur.

*Respondeo* secundo aliter distinguendo minorem, infinitum est ignotum creaturæ propter suam limitationem, concedo: est ignotum Deo, nego. Cum enim Deus sit infinitus, non est inconveniens, quod cognoscat infinitum secundum omnes rationes quibus cognosci potest, nec sequitur partes continui non esse in infinitum divisibiles, siquidem Deus adequat suam cognitionem id totum quod est, & potest esse in sua creatura, nec utique sequitur infinitum esse impertransibile, quia non fit finitum dum cognoscitur ab intellectu infinito; est enim impertransibile respectu solius creaturæ.

#### *Diluantur Objectiones ex aliis principiis petite.*

**OBJECIONES.** Deus habet solum scientiam entium; ergo non cognoscit negationes & consequenter omnia: enimvero negationes non sunt entia.

*Respondeo.* Distinguendo antecedens, habet scientiam entium quæ sunt talia vel mediate vel immediate, concedo: eorum solum quæ sunt talia immediate, nego. Negationes non sunt quidem in se entia, aliquam tamen habent veritatem in entibus, quorum negationes sunt. Sic Deus cognoscens intellectum pueri, cognoscit omnes scientias quas ille homo potest habere: & in hoc sensu intelligi debent Patres quum dicunt Deum solum entia cognoscere, idest immediate: cognoscendo enim potentiam cujuslibet creaturæ, in illa cognoscit etiam negationes.

Solutio est D. Th. hic q. 14. art. 9. ad 1. his verbis : " Dicendum quod secundum quod sunt in potentia, sic habent veritatem ea quae non sunt actu, verum est enim ea esse in potentia : & sic sciuntur a Deo .

*Inflabis* . Deus cognoscit res in seipso, sed nullae sunt in Deo negationes, igitur illas non cognoscit . 2. Debet esse similitudo & proportio inter scitum & scientem : sed non est proportio inter scitum & scientem : sed non est proportio inter Deum & negationem, ergo, &c. 3. Scientia Dei est causa scitorum ab ipso, sed non est causa negationis, quia non est ens : ergo, &c.

*Respondeo* distinguendo . Deus cognoscit res positivas in seipso, concedo : negativas, subdividuo ; mediate, concedo ; immediate, nego . Immediate cognoscit entia, videndo vero potentiam & capacitatem physicam quam habent ad multa, cognoscit & intelligit : unde concessa minore distinguo pariter consequens, Deus non cognoscit negationes immediate, concedo : sic enim non sunt cognoscibiles, quia sunt entia solum in potentia ; mediate, nego . Non cognoscit eas in se, sed cognoscit esse in alio .

*Ad secundum* distinguo pariter, debet esse proportio inter scitum positivum quod per se terminat scientiam, & inter scientem, concedo : inter scitum negativum quod solum mediate cognoscitur & in alio, nego .

*Ad tertium* distinguo similiter, scientia Dei est causa scitorum positivorum, concedo : solum enim ens positivum habet causam efficientem : scitorum negativorum, nego .

*Inflabis* iterum . Saltem Deus non cognoscit peccata : & probatur 1. Abacuc. cap. 1. 13. habetur : *Mundi sunt oculi tui ne videas malum, & respicere ad iniquitatem non poteris* . 2. Peccata sunt privationes : sed privatio non est visibilis & cognoscibilis : ergo, &c.

*Respondeo*, distinguendo : non cognoscit peccata per ideam propriam, quia illa earent, non cognoscit scientia approbationis, ut dicit Aug. vel quia illa diffimulat, ait Ambr. vel quia tandem illa non operatur, inquit Epiphanius, concedo, non cognoscit, idest non scit quid est peccatum, subdividuo ; immediate, concedo : mediate & ratione formae, scilicet gratiae sanctificantis, cui opponitur,

negotio . Attendas velim, benevole Lector, Deum cognoscere peccatum in triplici medio : primo quidem in decreto permissivo, quo hominem in manu consilii sui relinquitur complacuit . 2. In forma, cui opponitur, nimirum in gratia . 3. in actu Physico, qui quidem concipitur tanquam materiale peccati, ut motio manus v. g. quae de se est indifferens ad bonum vel malum operandum : profecto in ista motione cognoscit Deus peccatum, quatenus praescit peccatorem eam ad peccandum detorquere : videt suos prius abuti concursu, de quo per Prophetam plurimum conqueritur, dicens impiis : *servire me fecisti in peccatis tuis* . Videt peccati deformitatem in actu physice sumpto, quia privatio iustitiae refultat ad actum mala intentione ad prava obliquatum .

*Urgebis* . Quod cognoscitur, per propriam dignoscitur speciem & similitudinem : alias, si per alienam, jam cognitio imperfecta est & subobscura : atqui neque peccatum propriam habet similitudinem, quandoquidem est iustitiae & rectitudinis privatio : neque cognitio Dei imperfecta dici potest : igitur Deus non cognoscit peccatum .

*Respondeo*, distinguendo majorem : si quod cognoscitur habet similitudinem, concedo : si non habet, ut de facto peccatum non habet, quia non est ens, nego . Ad aliud similiter distinguo, cognoscere aliquid per aliud est imperfectum, si illud sit cognoscibile per se, concedo : si non sit, nego . Peccatum autem, utpote privatio, non est cognoscibile per se, unde non est imperfectum illud cognoscere per aliud . Haec doctrina est Divi Thomae hic art. 14. ad 1. *Deus igitur*, inquit, *non cognoscit malum per privationem in se existentem, sed per bonum oppositum* .

*Inflabis* adhuc . Peccatum non est Deo oppositum, quandoquidem essentia Dei non est corruptibilis, unde Aug. l. 12. de Civ. dicit Deum non habere contrarium : ergo non cognoscit Deus peccatum etiam in bono opposito .

*Respondeo*, distinguendo : peccatum non est Deo oppositum immediate propter rationes allatas, concedo : mediate, nego . Opponitur enim effectibus bonitatis Dei, scilicet gratiae significanti, & quidem privative . Ita Divus Thomas ibidem art. 10. ad 2. " Scientia Dei, inquit, non est causa mali, sed est causa boni in quoquo .

quo cognoscitur. & ad 3. "Dicens quod licet malum non opponatur essentiae divinae, quae non est per malum corruptibilis: opponitur tamen effectibus Dei, quos per essentiam suam cognoscit, & eos cognoscens, mala opposita cognoscit.

## SYNOPSIS PROBATIONUM.

*Deus cognoscit alia a se.*

PRIMO, Psal. 138. habetur: *Tu cognovisti omnia novissima & antiqua.* Unde Clemens Alex. l. 6. Strom. ait: *Deus omnia novit.*

Secundo, quia Deus est causa rerum omnium: igitur cuncta cognoscit, eo enim ipso quo est causa rerum, eas utique praecognoscit; dictum est autem Deum videre quae in ipso sunt.

Tertio, quia vis intellectiva Dei est infinita, & consequenter ad omnia se extendit.

## SYNOPSIS RESPONSIONUM,

*Ad Objectiones.*

PRIMO, cum Hieronymus dicit Deum non attendere ad vilissima, probare solum vult non dari specialem pro rebus vilissimis, sed tantum pro creaturis ratione praeditis Providentiam.

Secundo, recte dicitur Deum nihil extra se videre, quia non accipit scientiam a rebus, sed a se ipso.

Tertio, quandoque Patres Deum cuncta non videre asserunt. At tunc loquuntur, vel de negationibus, vel de privationibus, quae non immediate & in seipsis, sed mediate tantum & in formis oppositis cognoscuntur.

## ARTICULUS QUARTUS.

*Utrum scientia Dei sit causa rerum.*

SCIENTIA Dei duo dicit & importat, unum ex parte intellectus, alterum ex parte voluntatis: ex parte quidem intellectus dicit ideam, quia omne agens directe agit, alias caeco modo operaretur: ex parte vero voluntatis decretum, quia agens debet determinare ideam ad aliquid, & hoc fit per voluntatis placentum: igitur scientia Dei connotat intellectum & vo-

luntatem. Observandum est utique scientiam Dei posse concipi esse rerum causam dupliciter; primo quidem directive, sic idea dicitur causa artefacti: deinde efficienter & per realem influxum eo prope modo quo semen est causa arboris. Status controversiae est de ista secunda causalitate, pro cuius resolutione sit

## CONCLUSIO.

Scientia Dei adjuncta voluntate est causa realis & vera rerum,

*Probatur ex Scriptura sacra.*

1. GENESIOS 1. habetur: *Fiat lux, & facta est lux.* Sed illud verbum est actus intellectus; est enim actus imperii promanans primo quidem ab intellectu, qui suum dirigit conceptum ad aliquid; deinde a voluntate: Deus enim tale respiciens objectum, scilicet lucem, ad hoc se determinat, ut fiat lux, & eodem modo facta est lux. Igitur scientia Dei est causa rerum.

2. Psal. 135. dicitur: *Qui fecit caelos in intellectu*, ergo intellectus Dei est causa quae fecit caelos: igitur scientia Dei est causa rerum.

3. Joannis 1. legitur: *In principio erat Verbum... omnia per ipsum facta sunt.* Sed Verbum est intellectus Dei & ipsius conceptus: ergo scientia Dei est causa rerum.

*Probatur ex sanctis Patribus.*

DIONYSIUS de Divinis nominibus c. 7. sic loquitur: "Divina mens omnia continet antecellente omnibus cognitione; ratio, ne illa qua est causa omnium; etenim semetipsa, quae causa est, omnium cognoscens, non utique quae a se profecta sunt, & quorum causa est, ignorare poterit. Ad hunc itaque modum Deus ea quae sunt cognoscit, non eorum scientia, sed suimetipsius.

Maximus interpres Dionysii in scholiis ad cap. 5. l. de divin. nomin. ait: "Eatenus intelligit entia, scilicet Deus, quatenus seipsum intelligit, & cum quae insunt, injungitur. Ipsa enim ejus notio eorum, quae sunt, est productio.

Ambrosius lib. 1. Hexaem. c. 2. Deum esse omnium rerum causam propugnat adversus eos qui putabant mundum coaluisse



ex atomis materiae. "Quod visibilibus atque invisibilibus substantiis, origines, & causas rerum mens sola divina contineat.

*Augustinus* lib. 4. de Trinit. c. 10. asserit. "Ihi novit omnia Deus quæ fecit per ipsam scilicet sapientiam & artem, & ideo cum decedant, & succedant tempora, non decedit aliquid vel succedit scientiæ Dei. "Rursus l. 15. de Trinit. c. 13. "Universas creaturas suas & spirituales & corporales, non quia sunt, ideo novit; sed ideo sunt quia novit. Non enim nescivit quæ fuerat creaturus, nec aliter ea scivit creata, quam creanda. Non enim ejus sapientiæ aliquid accessit ex eis, sed illis existentibus sicut oportebat, & quando oportebat, illa mansit ut erat.

*Gregorius* l. 20. Moral. cap. 23. succinit. "Nam & quæ sunt non ab æternitate ejus, ideo videntur quia sunt, sed ideo sunt quia videntur.

*Anselmus* in Monol. c. 10. hanc statuit differentiam inter scientiam artificis & scientiam Dei, quod artifex non inveniat materiam in sua scientia ad aliquid faciendum: Deus vero in sua habeat omnes perfectiones quibus creaturam producere valet. "Multum tamen, inquit, in hac similitudine inuicem dissimilitudinem. Illa namque, scilicet scientia Dei, nihil omnino aliunde assumptit, unde vel eorum quæ factura erat, formam in se ipsa compingeret, vel ea ipsa id quod sunt, perficeret. "Igitur scientia Dei est causa rerum, cum ex Patribus omnium rerum contineat rationes, cum omnium rerum præcontineat realitates & perfectiones, ipsasque cuilibet gratis clariguntur, cum res ideo sint quia novit: certe, si ea solum præcognosceret scientia mere speculativa, non ideo essent quia novit: siquidem particula, *ideo*, denotat causalitatem secundum esse & existere.

*Divus Thomas* hic qu. 14. art. 8. Ex professo docet scientiam Dei esse causam rerum adjuncta voluntate: "Manifestum est, inquit, quod Deus per intellectum suum causat res, cum suum esse sit suum intelligere, unde necesse est quod sua scientia sit causa rerum secundum quod habet voluntatem conjunctam.

*Probatnr ratione, eaque multiplici.*

PRIMA sic exponitur: Deus est causa rerum: sed intelligere, teste Div. Thoma,

est de substantia Dei, igitur scientia Dei est causa rerum, maxime si intellectui adjungatur voluntatis placitum.

Secunda, agens naturale, illudque mere materiale est sui effectus causa per formam & virtutem sibi innatam, sic ignis est causa ignitionis per calorem, agens vero spirituale per formam, quæ suo inest intellectui; non enim alia causalitas puro spiritui tribui potest quam per intellectum a voluntate determinatum ad opus, unde Patres passim docent rationes rerum in Deo præexistere, igitur scientia Dei est causa rerum adjuncta voluntate; quis enim Deo virtutem realem, eamque physicam ad producendum creaturas negabit? illam autem in intellectu residere nemo distinebitur; quandoquidem purus spiritus agit & operatur solummodo per intellectum. Hanc explanat rationem D. Thomas hic art. 8. dicens scientiam Dei eodem prope modo esse rerum causam, sicut calor est causa ignitionis: atqui calor est causa physica, igitur & scientia Dei.

Tertia sic se habet: scientia Dei non est mere speculativa, non sterilis, non infœcunda, qualis scientia vel Angelorum, vel hominum, quia qualibet creatura quantumvis perfecta, a sua tamen scientia profusus distinguitur, quandoquidem supponit semper, & nullo modo facit objecta: & vere artifex, neque ligna neque lapides eret, verum potius supponit producta cum construendum concepit donum: non sic profecto Deus, eo enim ipso quo aliquid ad extra facere intendit & rem ipsam, & media præhabet in sua virtute, juxta illud Joan. 1. *Omnia in ipso vita erant. Ipse dixit*, inquit Propheta, & facta sunt: hinc ipsius intellectus non supponit suæ scientiæ objectum, sed illud concipiendo adjuncta voluntate operatur: igitur scientia Dei est causa rerum.

Quarta, eaque validissima est. Cuncta fecit Deus per suæ vocis imperium; sic enim *Genesis* 1. scriptum est: *Fiat lux, & facta est lux*. Sed imperium est actus intellectus ad unctam voluntatem, quandoquidem est ordinatio efficax & practica ad atsequendum mediorum finem præconcepit: ergo scientia Dei adjuncta voluntate est causa rerum.

Quinta denique, Deus formaliter & dupliciter ut verus, est causa rerum, cum ens & verum, teste D. Thoma, convertantur: sed veritas in intellectu residet, eatenus quippe Deus est verus, qua-

quatenus est intellectivus. Igitur scientia est causa rerum.

*Fat satis Objectionibus.*

**Obijciat 1.** Origenes in cap. 8. Epist. ad Rom. sic loquitur: "Non propterea aliquid erit, quia id scit Deus futurum: sed quia futurum est, ideo scitur a Deo, antequam fiat." Idem dicit Justinus Martyr l. 99. q. 58. igitur scientia Dei non est causa rerum, siquidem res sunt independentes a cognitione Dei ut a causa. Siquidem ipsi supponuntur.

*Respondeo* distinguendo, & loquitur Origenes de peccato quod non est a Deo, cum non habet causam efficientem, sed deficientem, concedo: & loquitur de bono, nego. Ad secundam partem propositionis, *sed quia futurum est, ideo scitur a Deo*, distinguo, ideo scitur illarive, concedo: ex hoc enim quod res futura sit, inferimus a Deo cognosci: ideo scitur casualiter, nego. Omne enim ens creatum a scientia Dei procedit.

*Div. Thomas* hic art. 8. ad 1. in hoc prorsus sensu explicat Origenem. "Dicendum, quod Origenes locutus est attendens rationem scientiæ, cui non competit ratio causalitatis, nisi adiuncta voluntate, ut dictum est. Sed quod dicit, ideo præscire Deum aliqua, quia sunt futura: intelligendum est secundum causam præscientiæ, non secundum causam essentialem. Sequitur enim, si aliqua sunt futura, quod Deus ea præscierit: non tamen res futuræ sunt causa quod Deus sciat." Et sic patet solutio ad Justinum.

*Insuper*. Ideo res futuræ sunt, quia novit Deus, eo quod alias sequeretur scientiam Dei specificari a rebus creatis, a quibus consequenter sicut nostra dependeret: sed hæc ratio nulla est: & probatur. Deus cognoscit peccata futura, & tamen scientia Dei non specificatur ab eis. Ergo, &c.

*Respondeo* negando paritatem: cum enim peccata non habeant causam efficientem, sed deficientem, non ideo sunt quia novit Deus, siquidem ab ipso non causantur, unde scientia Dei non specificatur ab eis: secus si non esset causæ entium positivorum, tunc enim ab eis acciperet scientiam.

*Dices.* Ergo Deus accipit scientiam a peccatis, cum enim non sint a Deo, ideo novit Deus quia sunt, etiam in sensu casuali.

*Respondeo*, distinguendo, ideo novit peccata quia sunt, si sint cognoscibilia per

*Brucati Theol. Tom. I.*

se, concedo: si per aliud, nego. Dictum est supra cum Div. Thom. peccatum cognoscitur in homo opposito, igitur illud cognoscit Deus in bono cuius est ipse causa, v. g. cognoscit peccatum in gratia sanctificante cuius est privatio. Videt actum peccaminosum expellere gratiam. Igitur non est verum dicere, ideo Deus cognoscit peccatum, quia futurum est. Cum enim peccatum non sit ens, sed privatio, non habet causam illationis per modum causæ.

*Urgetis.* Div. Thomas sæpius asserit scientiam Dei eodem prope modo esse causam rerum, sicut scientia artificis est causa artefacti: atqui scientia artificis est solum causa directiva, non effectiva artefacti: ergo hoc ipsum passim SS. Patres prædicant.

*Respondeo* distinguendo. Scientia Dei inadequata sumpta est causa rerum tanquam scientia artificis est causa artefacti, transeat: non enim Deus sicut artifex accipit ideas a creaturis, sed potius illas mutuatur a sola sua essentia, quatenus est infinite participabilis: adequate sumpta, nego. Scientia Dei plura dicit atque importat. Dicit & ideas & intellectum & voluntatem, ad summum hæc omnia connotat & complectitur. Igitur si intellectus concipiatur adjunctis tantummodo ideis, scientia sub isto respectu dicitur solum directiva: verum si adequate & cum ipsa spectetur voluntate, prorsus est effectiva rerum: voluntas enim se habet respectu divini intellectus veluti brachium & manus se habent respectu artificis: enimvero, & executioni mandat opus, & dat eue rebus, seu potius intellectus adjuncta voluntate idipsum operatur per actum imperii.

*Ad confirmationem*, dico Patres in his & similibus momentis loqui de scientia Dei inadequata sumpta, sub isto quippe respectu est causa operis solummodo directiva. Verum de eadem adequate spectata instituunt sermonem, cum istam Scripturæ proferunt sententiam: *Omnia quæcumque voluit, fecit Deus in celo & in terra.* Cum docent cognitionem seu intellectionem Dei esse rerum effectricem: cum asserunt res ideo esse, quia novit eas Dominus.

*Oppones 2.* Non dantur ejusdem effectus plures causæ: sed ars divini dicitur esse causa rerum: igitur non scientia.

*Respondeo* distinguendo: non dantur plures causæ, non subordinatæ, concedo:

Gg

do: subordinatæ, nego. Deum omnia per se operari nemo doctus non novit: non enim est distinctio inter naturam divinam, intellectum, scientiam, artem & omnipotentiam: sed quia essentia omnium creaturarum præhabet in se & complectitur perfectiones, ideo intellectus creatus, qui hæc omnia unico non potest adæquare conceptu, distinguit: igitur alio actu concipit essentiam, alio intellectum, alio omnipotentiam, tametsi entitative unum sint: intellectum quidem concipimus & distinguimus quatenus Deus cuncta cognoscit: scientiam ut rerum omnium scrutatur rationes: artem, cum aliquid ordinat ad esse & producit: jam vero cum isti omnes conceptus sint ad invicem subordinati, manifeste sequitur, & compertum habemus unicam constituere effectus alicujus causam totalem.

*Obijciat* 4. Prius est rem existere quam cognosci: igitur scientia Dei non est causa rerum.

*Respondeo* distinguendo, prius est rem esse quam cognosci a creaturis, concedo: quam cognosci a Deo, nego. Scientia nostra est mere speculativa, quippe quæ suum supponit & non faciat objectum: sed non sic scientia Dei, est enim practica, unde apud eum non est prius decretum, deinde cognitio, verum potius simul sunt, & conjunctim concipi exigunt: quinimmo, ipsa scientia veluti prior habetur & concipitur quam voluntatis placitum, quandoquidem prius concipimus Deum habere alicujus rei ideam, deinde illam contemplari, & postea determinatione voluntatis rem ordinare ad executionem, seu eam executioni mandare.

*Instabis*. Ergo decretum, non vero scientia, est causa rerum, cum decretum det & esse & existere.

*Respondeo* distinguendo, decretum est causa rerum per intellectus operationem, concedo: secus, nego: intellectus concipit opus, decretum vero determinat ad esse; immo dat existentiam.

*Insurgat* 5. Si scientia Dei esset causa rerum sequeretur creaturas fore ab æterno: & probatur. Posita causa ponitur effectus: sed causa, scilicet scientia Dei est ab æterno, sicut & decretum, per quod opus ponitur a parte rei: igitur creaturæ forent ab æterno.

*Respondeo*, negando sequelam. Ad probationem distinguo, posita causa, ponitur effectus in tempore quo causa est determinata ad illum producendum, concedo: in alio, nego. Effectus sequitur modum & determinationem causæ: licet autem scientia Dei sit ab æterno, non est tamen a Deo determinatum creaturas esse ab æterno, sed in tempore. Ita D. Thomas hic art. 8. ad 2. his verbis: "Dicendum quod scientia Dei est causa rerum secundum quod res sunt in scientia. Non fuit autem in scientia Dei quod res essent ab æterno. Unde quamvis scientia Dei sit æterna, non sequitur tamen quod creaturæ sint ab æterno."

## SYNOPSIS PROBATIONUM.

*Scientia Dei est causa rerum.*

*PRIMO*, sic habetur Psalm. 135. *Qui fecit cælos in intellectu*: aspirantur primorum sæculorum Patres, qui passim Deum cuncta creasse per suam Sophiam prædicant.

*Secundo*, intelligere non est accidens in Deo, sed ipsa Dei substantia: igitur intellectus seu scientia Dei est causa rerum efficiens.

*Tertio*, scientia Dei non est sterilis, sed practica, faciens quod significat, juxta illud Gen. 1. *dixit Deus: Fiat lux, & facta est lux*. Porro imperium in Deo est actus practicus intellectus divini.

*Synopsis solutionum pro difficultatibus.*

*PRIMO*. Patres non in uno loco negant scientiam Dei esse causam rerum: sed vel loquuntur de peccatis quæ causam deficientem habent: vel de causa adæquata, non enim scientia Dei est causa rerum in eo sensu quod causa secunda excludatur.

*Secundo*, non negamus illud axioma, prius est rem esse quam cognosci, si sermo sit de causa secunda, nusquam vero de prima.

*Tertio*, tametsi Deus cuncta cognoscat ab æterno, non sequitur res creatas utique esse ab æterno: Deus eas quidem ab omni ævo cognoscit, sed ut sint in tempore.

# DISSERTATIO SECUNDA

D E

## MEDIO IN QUO DEUS

*Cognoscit possibilis & absolute futura.*



**P**ECATOR obsecratur credit Deum abscondita non cognoscere, dicens saltem in corde suo: *Non videbis Dominus, nec intelliget Deus Jacob*, ut refertur Psal. 93. 7. de quo ipse Deus conqueritur dicens Psal. 49. 21. *Existimasti inique quod ero tui similis, arguam te & statuum contra faciem tuam.*

*Dogma fidei de scientia possibilium & absolute futurorum quatuor modis explicatur & probatur.*

**PRIMO**, quia Deus rerum omnium habet ideas.

**Secundo**, quia omnia illi sunt præsentia in æternitate.

**Tertio**, quia scientia simplicis intelligentiæ attingit possibilis.

**Quarto**, quia scientia visionis omnia absolute futura intuetur.

### ARTICULUS PRIMUS.

*Utrum Deus cognoscat omnes creaturas in ideis.*

**S**ENSUS quæstionis est utrum dentur in Deo idee rerum; sed antequam istud resolvamus quæsitum, quædam prælibanda sunt id punctum hujusce controversiæ dirimendum, & ut ab aliquo difficultatis nodum spectante sumamus exordium, operæ pretium est prius enucleare quid sit idea. Communiter definitur forma extrinseca objecti intellectui intra ipsum existens, ad quam respiciens artifex operatur; quæ definitio legitima videtur cum consistet genere & differentia: genere qui-

dem, per hoc enim quod idea sit forma, cæteris formis affinis est & cum eis convenit: per alias vero dotes discrepat. 1. Dicitur forma extrinseca cui res producenda conformatur & sic distinguitur a formis naturalibus, quæ suam habent causalitatem in compositione totius, cui se se communicant; non enim aliter anima rationalis v. gr. constituit hominem quam corpori se præbendo, & coniungendo. 2. Vocatur forma nedom extrinseca, sed & intellectui objecta. Quibus ultimis particulis secernitur tum ab habitibus, tum a speciebus quæ quidam sunt formæ accidentales intellectui inherentes, sed per modum principii intellectiōis, & non per modum objecti. Et vero, licet idea sit species & conceptus cognoscens, tamen non ex ratione dicitur idea quatenus est principium vel terminus cognitionis, sed potius quatenus reddit objectum expresse cognitum tanquam rationem exemplandæ res ad extra. Hoc quippe proprium est rerum repræsentantium, quod non solum considerentur secundum suam entitatem, verum etiam in eis attendatur objectum depictum & repræsentatum: sic in speculo, non unum intuemur crystallum, sed & objectum in crystallo expressum: igitur conceptus noster non est idea præcise prout reddit hominem intelligentem, sed potius ut exhibet objectum imitandum. Additur in definitione ( intra intellectum existens ) ut idea distinguatur ab exemplaribus externis, quibus non semel utuntur pictores dum aliquam elaborant tabellam: idea enim insluit in opus intelligibiliter; ex quo manifeste sequitur intra intellectum præexistere. Subditur tandem ( ad quam respiciens artifex operatur ) per hoc iterum distinguitur a forma naturali quæ quidem absque ulla aut meditatione, aut reflexione suum producit effectum. Quis enim asseret bellum vel

G g 2

ipsiū hominem aliquam formam imitandam conspiciere, ut eum generatione propaget & communicet?

Observandum est utique ideam pluraliter dici: cum enim sit ratio rerum, totuplex esse censetur, quotuplex illa ratio: porro alia est ratio pro cœlis condendis, alia pro hominibus, alia pro arboribus, hæc enim omnia diversas constituunt species. Non abs re erit illud etiam annotare ideas quandoque accipi a rebus, quandoque non; illas artifex sic accipit, nusquam vero Deus, quia est omnia & a seipso habet ut cuncta faciat. Jam quaeritur utrum sint in Deo ideæ, seu rationes ad quas attendens supremus artifex suas producat creaturas? Pro cuius resolutione sit

### CONCLUSIO.

Dantur in Deo rerum omnium ideæ.

*Probatum auctoritate & ratione.*

*Primo, Ex Scriptura sacra.*

**S**CRIPtum est Exodi 25. 40. *Inspice & fac secundum exemplar quod tibi in monte monstratum est.* Sed ideæ teste Dionysio l. de div. nom. c. 5. nihil aliud sunt quam exemplaria divina, & rationes quas Deus habet ab æterno de rebus: igitur dantur ideæ rerum in Deo.

Rursus Joā. 1. habetur: *Quod factum in ipso visa erat; quæ quidem verba explanans D. Augustinus tract. 1. in Joā. ait: Quid est hoc, visa erat? facta est terra, sed terra facta est, non est visa; est autem in ipsa sapientia spiritualiter ratio quædam, qua terra facta est; sed illa ratio est ideæ in Deo ab æterno præexistens: igitur dantur ideæ in quibus Deus cuncta prænovit.*

*Secundo, Ex SS. Patribus & Doctoribus.*

Dionysius lib. de div. nom. c. 7. sic loquitur: „Divina mens omnia continet „... ratione illa qua causa est omnium „ ibidem c. 5. „ Exemplaria sunt „ divinæ voluntatis determinativæ & essentialiæ rerum.

Accedit Augustinus l. 83. 44. q. 46. ait: „Tanta vis in ideis constituitur, ut nisi „his intellectis, sapiens esse nemo possit „ sit. „ Rursus ibidem „ Namque ideæ

„ principales formæ quædam, vel rationes „ rerum stabiles atque incommutabiles: „ quæ ipsæ formæ non sunt, ac per hoc „ æternæ. „ Et iterum l. 6. de Trin. c. 10. ait: „ Verbum Dei esse artem quædam omnipotentis atque sapientis Dei, „ plenam omnium rationum viventium incommutabilem.

Totum hoc mysterium clarius explicat l. ad Orosium contra Priscillianistas c. 8. his verbis: „ Unde illud quod ajunt in „ ejus sapientia jam fuisse facta omnia, „ antequam in istas formas & modos proprios proferrentur, atque in suis ordinibus apparerent, non sobrie dicitur. Facta enim quando essent, antequam facta essent? Sed in Dei sapientia omnium faciendarum rerum rationes esse potuerunt, non tamen factæ, omnia enim per ipsum facta sunt, & non ipsa facta est, quia & ipsa est verbum, de qua dicitur, omnia per ipsum facta sunt. Noverat ergo Deus omnia quæ fecit antequam faceret.

Anselmus Monol. c. 9. egregie illud explicat momentum. „ Illa autem forma rerum, inquit, quæ in ejus ratione res creandas præcedebat, quid aliud est, quam rerum quædam in ipsa ratione locutio, veluti cum faber facturus aliquid suæ artis opus, prius illud intra se dicit mentis conceptione?

D. Thomas q. 15. art. 1. sic loquitur: „ Quia igitur mundus non est casu factus, sed est factus a Deo per intellectum agentem, ut infra patebit, necesse est quod in mente divina sit forma ad cuius similitudinem mundus est factus: & in hoc consistit ratio ideæ „ art. 2. sic sequitur. „ Unaqueque autem creatura habet propriam speciem, secundum quod participat aliquo modo divinæ essentiali similitudinem. Sic igitur in quantum Deus cognoscit suam essentiali ut sic imitabilem a tali creatura, cognoscit eam ut propriam rationem.

Ex sanctis Doctoribus Deus præhabet in se rationes omnium quæ vult facere, sed illæ rationes sunt ipsæ Dei essentiali ut est diversimode participabilis; igitur Deus se cognoscendo cuncta cognoscit in ideis.

*Probatum 3. ratione ulteriori, eaque multiplici.*

PRIMA est. Idea est forma ad quam respiciens agens liberum & spiritale operatur.

ratur, non enim agit cæco modo, sed propter finem aliquem, nempe propter effectum producendum: sed talis est in Deo, attingit enim Deus omnia a fine ad finem fortiter, a fine quidem, scilicet ab idea quæ est principium operationis directivum: ad finem vero, quia omnia propter suam operatur gloriam: igitur dantur ideæ in quibus facienda prænotificat Deus.

*Secunda:* Agens universale debet agendo determinari ad aliquem certum effectum: alias non esset ratio cur unum potius quam alterum produceret, cum produceret leonem, verbi gratia, potius quam hominem: sed Deus est agens universale; idea vero est id quod determinat, quatenus Deus respiciens ad istam potius quam ad aliam, dirigitur ad talem effectum producendum: ergo dantur in Deo ideæ rerum in quibus facienda Deus innotuit.

*Tertia hæc,* duobus prioribus adiungitur. Deus est prima veritas & in essendo, quandoquidem est ens a se: & in cognoscendo, quippe qui sit ipsum intelligere actualissimum: quinimmo cætera sunt vera solum per ordinem ad Deum. Igitur Deus rerum omnium habet ideam, in quibus cuncta videt & cognoscit. Probatur consequentia. Res in tantum sunt veræ, in quantum sunt primæ & supremæ veritati conformes: sed illa veritas consistit, teste sancto Augustino, in conformitate cum idea: ergo eo ipso quo Deus est prima veritas, omnium habet ideam, in quibus cuncta cognoscit.

*Quarta,* Deus est vita a qua, per quam & in qua vivunt quæcumque vivunt omnia, inquit Augustinus: atqui res in tantum vivunt in Deo, in quantum earum præconceptas habet ideam: cum enim in priori ante decretum, nondum sint futura, non aliter quam per ideam possunt vivere in Deo: maxime quia vita Dei, teste D. Thoma, in intelligere tota sita est; hinc aliquid vivere in Deo, est ab eo cognosci: &c.

*Quinta & ultima* ea est. Idea est ratio quædam participabilis: atqui omnis creatura participat de essentia divina, videlicet, alii de ejus claritate, ut sol, alia de ejus firmitate & soliditate, ut terra: alia de ejus intelligentia, ut homo & Angelus: igitur dantur ideæ, in quibus Deus, veluti in repetito speculo, omnia creata cognoscit & contemplatur.

### Solvuntur Objectiones.

**OBJECTIONES.** 1. Dionysius c. 7. de divinis nom. dicit Deum non cognoscere res secundum ideam: igitur non dantur ideæ in Deo.

*Respondeo* distinguendo. Deus non cognoscit res secundum ideam æternam a se independentem & extrinsecus sibi affixam, ut volebat Plato, concedo: secundum ideam sibi intrinsecam, quæque sit ipsa essentia divina ut participabilis, nego: ita D. Th. hic q. 15. art. 1. ad 1. his verbis: „Ad primum ergo dicendum, quod Deus non intelligit res secundum ideam extra se existentem. Et sic etiam Aristoteles improbat opinionem Platonis de ideis, secundum quod ponebat eas per se existentes non in intellectu.

*Oppones* 2. D. Anselmus in Monolog. c. 29. ait: „Satis manifestum est in verbo per quod facta sunt omnia, similitudines rerum, non esse. Sed ideæ sunt rerum similitudines: ergo ex Anselmo non sunt in Deo.

*Respondeo* distinguendo, non sunt in Deo similitudines acceptæ a rebus externis & creatis, concedo: similitudines ab ipsa essentia divina fluentes, nego: ideæ aliæ sunt ab objectis acceptæ, sic artifex ex visione palatii format ideam domus: alia ab ipsa essentia divina, ut diversimode participabili emanante. Ideæ non sunt primo modo in Deo, inquit D. Th. hic art. 1. si enim acciperet Deus aliquid a creatura, ab ipsa utique dependeret, sed sunt secundo modo. In isto loquitur sensu Anselmus, quod patet ex verbis quæ subdit: *Verbum non est similitudo rerum, sed res sunt imitationes verbi.* Eandem solutionem repetit D. Thom. qu. 3. de verit. ad 1.

*Oppones* 3. Aug. l. 83. qq. q. 46. docet creaturas esse in mente divina eo modo quo arca est in mente artificis: sed hoc non potest intelligi in sensu proprio; alias Deus scientiam a rebus creatis acciperet, sicut de facto eam ab eis suscipit artifex; enimvero receptis ab objectis speciebus format rerum ideam, unde & ab eis dependet eius scientia, quæ quidem imperfectio a supremo numine prius eliminanda est.

*Respondeo* distinguendo. Et hæc paritas est secundum quid & inadæquate, concedo: & hæc paritas est omnimoda & adæquate, nego. Vult solum sanctus Augustinus,

G g 3 mus,

nus, sicut artifex ideam habet de arca quam fabricare intendit, ita & Deus habere ideam de creatura quam vult producere; siquidem summa sapientia & non casuum ad perfectionem dirigit opus: disparitas vero in eo est, quod artifex ideam a rebus accipiat, Deus autem tantum a seipso; quandoquidem, ex Augustino, Deus cuncta cognoscit solummodo in sua essentia, in qua rerum omnium præexistunt rationes.

*Obijcies* 4. Deus non seipsum cognoscit per ideam: ergo nec alia. Confirmatur: idea ponitur ut principium operandi: sed ad hoc sufficit essentia divina: igitur inutilis est idea ut sit & cognitionis & operationis principium.

*Respondet* negando paritatem: cum enim Deus non habeat causam, & idea sit causa operis, consequenter Deus de se non habet ideam, bene vero de aliis, quia est causa, & quidem intelligens, igitur quæ in conceptione effectum præhabere debet. Solutio est Divi Thomæ hic art. 1. ad 2. ubi sic respondet: "Dicendum quod licet Deus per essentiam suam se & alia cognoscat: tamen essentia ejus est principium operativum aliorum, non autem sui ipsius: ideo habet rationem ideæ secundum quod ad alia comparatur: non autem secundum quod operatur ad ipsum Deum."

*Ad confirmationem* distinguo: ad hoc sufficit essentia divina, ut forma exemplaris rerum, quas quidem connotat & a quibus est participabilis, concedo: sufficit secundum se, seu ut operatur ad intra, nego. Solutio est ejusdem D. Thomæ hic art. 1. ad 3. "Dicendum quod Deus secundum essentiam suam, est similitudo omnium rerum, unde idea in Deo nihil aliud est quam Dei essentia."

*Obijcies* 5. Idea continet formaliter ideatum; sic idea domus, est imago formalis domus in mente artificis præexistens: sed leo, v. g. non potest contineri formaliter in Deo; cum enim sit animal irrationale, dicitur imperfectionem, adeoque ejus conceptus non invenitur in Deo: 2. Nec in Deo est idea negationum. 3. Item nec peccatorum: igitur Deus non cognoscit res in ideis.

*Respondet* distinguendo: idea continet ideatum formaliter eminenter, concedo: formaliter tantum, subdistinguo: idea creata & a rebus accepta, concedo: divina, nego: continere formaliter effe-

ctum, est habere virtutem illum producendi, & ab illo nominari; continere formaliter eminenter, est habere virtutem altius effectus producivam, sed semotis imperfectionibus, ita ut causa non suscipiat denominationem, reique imperfectionem aliquam aut importet, aut sapiat. Sic se habet virtus divina ad creaturas; cum enim omnium abique limitatione præhabeat in se perfectiones, continet quoque omnem effectum creatum, nullus quippe est qui divinam in aliquo gradu non participet essentiam. Leo, verbi gratia, participat de ejus esse: habet utique aliquam cognitionem, sed admodum imperfectam; quocirca non dicitur, Deus est leo: bene vero, Deus & leonis & omnium creaturarum completur perfectiones.

*Ad secundum* dico Deum non habere ideam immediatam de negationibus, sed tantum mediatam, quatenus cognoscit eas in formis oppositis: idem dicendum de peccatis, quandoquidem non sunt per se cognoscibilia. Item non habet ideam immediatam de materia prima, quia cum sit pura potentia & quid incompletum, eam sine non cognoscit nisi in idea quam habet de toto composito. Denique non habet Deus ideam de rebus quæ neque sunt, neque erunt nisi in virtute, seu non habet ideam de eis, ut idea est exemplar; sic enim dicit ordinem ad esse: sed tantum ut idea est ratio, quia in Deo sunt rationes rerum infinitarum pure possibilem, quas posset producere si vellet: igitur cognoscit omnia entia futura in ideis suis immediate mediate vero negationes & privationes, scilicet in formis oppositis quarum habet ideam. Cognoscit mediate & in idea totius compositi materiam primam: cognoscit omnia possiblem etiam in ideis ut significant rationes rerum quæ sunt infinitæ in sua essentia, non tamen ut dicunt exemplaria. Ita D. Th. hic in toto articulo tertio.

*Inflabis*. Licet sol eminenter sit calidus, attamen non habet ideam caloris: ergo licet Deus contineat eminenter creaturas, non sequitur earum habere ideas & cognoscere alia a se in ideis.

*Respondet* negando paritatem: quia sol est solum causa inadaquata & limitata sublunarium, & se solo non producit calorem in corporibus sublunariis: at vero Deus licet causa universalis, est tamen causa adæquata prima; namque attingit in entibus omnes rationes quæ in eis distinguuntur.

gunntur. Secunda disparitas ea est; sol non est agens per intellectum sicut Deus, unde non potest præhabere effectum secundum formam intellectualem, sed solummodo secundum virtutem naturalem: ita colligitur ex Div. Thomæ hic art. 1. ubi dicit agentia naturalia & inanimata suos continere effectus secundum formam naturalem: spiritualia vero secundum formam intelligibilem.

*Iterum instabis:* idea est ens rationis; est enim respectus Dei ad creaturas, quæ quidem relatio neque est quid reale in Deo, alias dno absurda sequerentur: primum fore quinque in Deo relationes, & plures quam tres personæ, quia illa relatio novam constitueret personam, nam personæ constituuntur per relationes: secundum vero, creaturam fore ab æterno, siquidem ille respectus realis foret in Deo ab æterno. Illa relatio seu respectus non est utique in creatura, quandoquidem non est ab æterno. Atqui ens rationis neque est in Deo, nec Deus illud potest facere, alias conciperet ad modum entis realis quod non est reale; hoc autem Deo, qui est prima veritas, repugnat: igitur omnibus æqua lance discussis, Deus non potest habere idem rerum, illasque in tali medio cognoscere.

*Respondeo* distinguendo: idea creata & quæ accipitur ab objectis, est ens rationis, concedo: visis enim multis domibus, artifex formit ideam de aliqua magnifica domo quam vult facere; idea divina, nego: est enim ipsa essentia divina ut diversimode participabilis, quam certe ut sic cognoscit intellectus divinus, unde non facit & componit ens rationis, quia cognoscit id quod est a parte rei.

*Respondeo* 2. Nulla ex hoc sequi absurda. Enimvero respectus est realis fundamentaliter, quia est ipsa essentia divina reduplicative ut communicabilis ad extra, & ideo non multiplicat personas, tum quia eidem est in omnibus, tum quia nihil per hoc opponi relative potest: in Deo siquidem opera ad extra omnibus personis sunt communia. Nec sequitur utique creaturam esse ab æterno, sed solum essentiam divinam esse ab æterno participabilem. Quid plura? Dictum est Deum non cognoscere creaturas ut sint ab æterno, sed in tempore. Cæterum quando producit creatura, resultat in ipsa relatio dependentiæ, & in Deo rationis a nobis formata, quæ tamen care-

nus illum denominat realiter Creatorem, quatenus funditur in actione reali creaturæ productiva. Sic ex unione Verbi cum humanitate resultat relatio realis in humanitate producta & immutata, rationis vero tantum in Verbo, cum nihil accipiat, sed totum det, & hoc sine sui immutatione.

*Solutio* est Divi Thomæ hic q. 15. art. 2. ad 3. „Dicendum quod huiusmodi respectus quibus multiplicatur idea, non „causantur a rebus, sed ab intellectu di- „vino comparantur essentiam suam ad „res. „ & ibidem ad 4. „Dicendum, „quod respectus multiplicantes ideas non „sunt in rebus creatis, sed in Deo: „non tamen sunt reales respectus, sicut „illi quibus distinguuntur personæ, sed „respectus intellecti a Deo.

*Adhuc instabis:* si Deus cognoscit alia 2. se in ideis, sequitur plures esse in Deo ideis: atqui hoc repugnat: Probatur, 1. non potest dici quodam sit illarum subiectum. 2. Neque quod sint essentia divinx; est enim una: 3. Neque multa attributa; nam est unica in Deo sapientia: ars unica, item unicum Verbum divinum, igitur & unica idea.

*Respondeo:* esse plures ideis. Ita Dionysius citatus & cæteri Patres, quas alii exemplaria divina, alii rationes rerum cum D. Thom. hic art. 2. appellant; cum enim ejusmodi ideæ sint ipsa essentia divina, ut participabilis ad extra, & diversimode a creaturis participetur, oportet quoque ut sint & diversæ & plures.

*Ad primum:* dico ideis divinas non habere in Deo subiectum, cum sint ipsa essentia divina, sed tantum in nostro intellectu, qui concipit perfectiones divinas quasi essent in se distinctæ: igitur ideæ in Deo sunt ipsa essentia divina ut virtualiter multiplex, & ut in infinitum participabilis: non sunt igitur actu plures in essentia, sed solum fundamentaliter, in quantum essentia, propter suam eminentiam, præbet intellectui nostro fundamentum illas actu distinguendi: igitur ante operationem intellectus sunt solum plures fundamentaliter.

*Ad secundum* distinguo: essentia divina est una entitative & virtualiter multiplex, concedo: & non est, nego: in se quidem est una, sed intellectus divinus illam cognoscit ut multis & infinitis modis participabilem.

*Ad tertium:* est unicum attributum idea-



le, essentia scilicet ut participabilis; unde quod a multis participetur ad extra, non ideo multiplicatur ejusmodi attributum, quia est unica ratio in Deo idealis, scilicet essentia divina ut participabilis.

*Ad quartum* : nego paritatem, namque ex D. Thom. hic art. 2. sapientia est id quo Deus intelligit, & ars id quo facit : sed idea est id quod intelligitur : plura autem concipiuntur participare diversis modis essentiam divinam, absque eo quod creaturæ possint unquam ipsius exhaustire fecunditatem. Igitur oportet plures in Deo agnoscere ideas, unicam vero sapientiam & unicam artem.

*Ad quintum* : est unicum in Deo Verbum, quia exhaurit & adæquat essentiam divinam, repræsentando Patri id totum quod est tum in natura, tum in perfectionibus sub ratione veritatis, sicut est unicus amor subsistens qui dicitur Spiritus sanctus, quia & adæquat totam Dei bonitatem & illam includit : similiter unicus est in divinis Pater, quia omne quod est principium non de principio est in illo solo : sed una aut altera creatura, immo centum & infinitæ non possunt adæquare essentiam divinam, quæ communicata uni creaturæ, manet adhuc in infinitum communicabilis; unde debent admitti in Deo plures ideæ creaturarum; unicum vero Verbum, unicus Spiritus sanctus, unicus Pater.

*Instabis*. Si omnes ideæ sunt ipsa essentia divina, non erit ratio cur una creatura sit leo potius quam homo; & probatur quia omnes participant eandem essentiam; ergo, &c.

*Respondeo* negando sequelam : ad probationem distinguo; participant diversimode, concedo : eodem modo, nego : homo participat essentiam ut essentia est intelligens & libera : leo vero ut est ens, & principium motus.

*Dices*, ante operationem intellectus, non sunt plures ideæ : ergo non debent dici & nominari plures.

*Respondeo* negando consequentiam; attributa non distinguuntur in Deo realiter, sed solum virtualiter : dicuntur tamen plura, quia essentia divina æquivaler multis re distinctis in cretis, & illa præcontinet. Idem dicendum de ideis.

## SYNOPSIS PROBATIONUM,

*Deus cognoscit res in ideis.*

**PRIMO**, quia Joan. 1. habetur : *Quod factum est in ipso vita erat : quæ quidem verba ponderans Aug. tract. 1. in Joan. ait : Quid est hoc, vita erat, facta est terra . . . est autem in ipsa sapientia spiritaliter ratio quædam qua terra facta est.*

**Secundo**, quia omne agens spiritale operatur secundum quod præconcepit opus; alias cæco prorsus modo ageret.

**Tertio**, quia agens spiritale potest multa facere; igitur requiritur quædam forma quæ illud ad istum potius quam ad aliud producendum determinet; illa autem forma est idea, quæ ideo definitur, forma intra mentem existens, ad quam respiciens artifex operatur.

### *Synopsis Responsonum ad Objectiones.*

**PRIMO**, quando Patres affirmant Deum res non cognoscere per ideam, loquuntur in sensu opposito Platoni, qui ideam extrinsecus Deo affixam, eamque æternam & per se subsistentem admittebat.

**Secundo**, tamen si Deus cunctis cognoscat in ideis, neque tamen accipit a rebus scientiam, neque ab eis ullo modo pendet.

**Tertio**, est in Deo unicum Verbum quia ejus generatio totam exhaurit fecunditatem : at vero multæ saltem virtualiter, & dicuntur, & sunt ideæ creaturarum, propter oppositam rationem.

## ARTICULUS SECUNDUS.

*Utrum Deus cognoscat creaturas in sua æternitate.*

**CERTUM** est Deum ab æterno omnia cognoscere; alius cum creatura sit in tempore, aliquid novi adveniret cognitioni Dei, & sic mutaretur; immo multa sent homo ignoraret, quæ quidem imperfectiones repugnant divinitati : igitur omnia sunt Deo præsentia in æternitate. Num vero sint realiter præsentia, an solum obiective & in ideis, magna est inter Theologos controversia. Quod non sint præsentia realiter secundum proprium esse, liquet; alius essent ab æterno. Quod res pure possibiles non sint

sint realiter præsentes, utique patet, cum nullam habeant realitatem neque ex parte sui, nunquam enim erunt; neque ex parte Dei, nullum quippe formavit decretum de eorum existentia, nullamque habet, nec habuit de eis voluntatem: Totā igitur difficultas procedit de rebus futuris, quæ quidem in tempore tali vel tali habebituræ sunt; existentiam: quæritur ergo, an æternitatis, ita realiter contineat rerum futurarum durationem, ut physice & realiter sese ad eam extendat, ita ut Deus res futuras in æternitate tanquam in speculo videat & intueatur. Affirmant nostri Thomistæ, cum quibus sit

## CONCLUSIO.

Deus cognoscit futura tanquam in sua æternitate realiter præsentia.

Probatur auctoritate & ratione.

Primo, ex Scriptura sacra.

**L**EGITUR Joannis 1. *Quod factum est, in ipso vita erat.* Hic textus nostram manifeste docet conclusionem; quæ ratione vero hoc fit demonstratur isto ratione. Vitam habere, est realiter esse alicui durationi præsens, hoc quippe sonant istæ particule, *vitam habere*; jam vero vitam in Deo habere, est intelligi & cognosci a Deo; namque intelligere, est, teste Divo Thoma, vivere Dei: sed ex S. Joanne, omnia quæ sunt in tempore, vitam antea habebant in Deo, seu in Deo vita erant. Igitur cuncta prænovit Deus in æternitate: igitur cuncta erant ab æterno vere & realiter Deo præsentia.

Secundo, Ex sanctis Patribus.

GREGORIUS NYSSENUS l. 1. contra Eunom. pag. 98. de Deo sic loquitur: „At vero illa nullius indigens rei, & æterna, & ea, quæ sunt, complexa natura, neque in loco est, neque in tempore: „Hinc reddit rationem cur omnia sint Deo præsentia, videlicet, quia essentia divina nullis locorum & temporum clauditur terminis:

HILARIUS l. 12. de Trinit. similia effatur. „Quid ergo est, inquit, præparanti Deo cælum genitum ab eo æternitatem; cum nec creatio cæli ex

præparatione consistat, neque naturæ Dei sit, in apparatu cogitandi operis commorari? Nihil enim non semper cum Deo, fuit, quicquid in rebus est. „Quæ etsi ad creationem sui cœpta sunt, non sunt tamen a Dei vel præsentia, vel potestate inchoata; & testis est nobis Propheta dicens: „Iia. 45. 11. „Deus qui fecisti omnia quæ futura sunt, licet in eo, quod creanda sunt; adhuc sient, Deo tamen, cui in creandis rebus nihil novum ac recens est, jam facta sunt: dum & temporum dispensatio est, ut creentur; & jam in divinæ virtutis & præscientiæ efficientia, sint creata.

Theodoretus qu. 37. in Gen. pag. 32. subscribit „Universorum Deus natura quidem est immutabili: novit autem ea quæ nondum facta sunt, tanquam jam facta sint.

Ambrosius l. 1. de fide c. 7. de Deo operante & cognoscente, ait: Ut quæ futura sunt, vel quali præsentia, vel quæ si facta dicantur. . . . Deo enim quæ sunt futura, præsentia sunt, & ei tui præcognita sunt omnia, ventura perfectæ sunt, sicut scriptum est, qui fecit quæ ventura sunt.

Idem l. 5. de fide c. 7. „Sed dicis, quia præsentem novit, nescit futurum; licet inepta sit propositio, tamen ut de Scripturis sanctis faciam tibi fati, dice, quod non solum præterita fecit, sed etiam quæ futura sunt, sicut scriptum est, qui fecit quæ adventura sunt. Et alibi ait Scriptura, per quem & facta sunt sæcula. Splendor est gloriæ & character sublimitatis ejus. Sæcula enim & præterita & præsentia & futura sunt.

Augustinus l. 11. Confess. c. 11. suum addit calculum: „Quis tenebit cor hominis, & igitur illud, ut vasculum ster, & paululum rapit solvendum imper stantis æternitatis, & videt esse incomparabilem, & videat longum tempus, nisi ex multis prætereuntibus motibus, qui simul extendi non possunt, longum non fieri: non autem præterire quidquam in æterno, sed totum esse præteritum.

Rursus ibidem l. 1. c. 6. „Quam multi nostrum dies & Patrum nostrorum, per hodiernum diem transierunt, & transibunt adhuc alii. Tu autem idem ipse es, & omnia crastina, atque ultra, omniaque hesternæ, & retro hodie facies.

„ hodie fecisti. Quid ad me si quis non  
 „ intelligat? Gaudeat & ipse, & amet  
 „ non inveniendi invenire potius, quam  
 „ inveniendi non invenire te.

„ *Bernardus* audiendus est: namque serm.  
 8. in Cant. sic loquitur: „ Tempora, sub  
 „ ea scilicet æternitate transiente, non ei;  
 „ futura non expectat, præterita non re-  
 „ cogitat, præsentia non experitur.

„ *Acedit Petrus Damianus* opus. 36. c. 8.  
 „ Omnipotenti Deo, inquit, non est he-  
 „ ri vel cras, sed hodie sempiternum, cui  
 „ nihil defluit, nihil accidit; cui nihil  
 „ est vanum, nihil a se diversum. Il-  
 „ lud hodie æternitas est incommutabilis,  
 „ indefectiva, inaccessibleis, cui scilicet  
 „ nihil addi, nihil valet imminui: &  
 „ omnia quæ apud nos elabendo discun-  
 „ runt, aut per temporum vicissitudi-  
 „ nes se variant, apud illud hodie stant  
 „ & immutabiliter perseverant; in illo  
 „ scilicet hodie dies adhuc immobilis est,  
 „ in quo mundus iste sumpsit originem,  
 „ in illo jam & ille nihilominus est, quo  
 „ iudicandus est per æterni iudicii æqui-  
 „ tatem.

„ *Non præterendus Anselmus* l. de conec-  
 „ dia in princip. „ Eterno præsentia simul  
 „ clauditur omne tempus, & quæ sunt  
 „ in quolibet tempore; non enim dico  
 „ actionem meam crassimam nullo tempo-  
 „ re esse, sed hodie tantum nego esse,  
 „ quæ tamen semper est in æternitate.

„ *Denique Divus Thomas* hic qu. 14. art. 12.  
 „ ex professo illam propugnat veritatem. „  
 „ Æternitas, inquit, simul existens am-  
 „ bit totum tempus. Unde omnia quæ  
 „ sunt in tempore, sunt Deo ab æterno  
 „ præsentia, non solum ea ratione qua  
 „ habet rationes rerum apud se præsen-  
 „ tes, ut quidam dicunt, sed quia ejus  
 „ intuitus fertur ab æterno supra omnia  
 „ prout sunt in sua præsentialitate.

### Tertio, Ex rationibus Patrum, & Divi Thomæ.

**PRIMA**, quæ nunc sunt, sunt Deo  
 realiter præsentia: sed ex Patribus omnia  
 etiam futura sunt hodie apud Deum: er-  
 go omnia cognoscit realiter in sua æter-  
 nitate.

**Secunda**, effectus est actu præsens cau-  
 sa quando sit actu: sed ex Patribus res fu-  
 turæ apud Deum representantur in æter-  
 nitate, etiam secundum suam existentiam,  
 quatenus æternitas tangit omnia tempora.

quæ in illa uniuntur, sicut lineæ conjun-  
 guntur in centro, quod quidem centrum  
 utpote indivisibile æqualiter tangit omnes  
 lineas; a fortiori æternitas omnia tempora  
 quæ in illa adunantur; ergo omnia sunt  
 realiter præsentia Deo in æternitate.

**Tertia**, ex Patribus æternitas futura  
 non experitur, sed tota est simul & per-  
 fecta rerum possessio: ergo omnia sunt  
 realiter præsentia Deo in æternitate; alias  
 si novo modo præsentia essent illi obje-  
 cta, scilicet realiter, & alio modo futu-  
 ra, si alio modo æternitas mensuraretur pri-  
 ma & alio modo secunda, aliquid ei ad-  
 deretur dum res actu sit, & futura expe-  
 ritur: utrumque autem est contra Patrum  
 testimonia, utrumque contra rationem æ-  
 ternitatis: ergo, &c.

**Quarta**, æternitas mensurat realiter quæ  
 sunt actu: ergo & quæ sunt futura; tum  
 quia æqualiter omnia mensurat, omnia  
 quippe ambit tempora: tum quia Deus est  
 semper in actu in æternitate, non enim  
 transit ab actu primo ad secundum, sin-  
 minus mutaretur, & non esset actus purus;  
 nam datur solum actus primus & secundus  
 in creatura, quæ secundum se transit a  
 non esse ad esse: igitur omnia sunt realiter  
 præsentia in æternitate; alias æternitas  
 non esset tota simul rerum possessio, non  
 ambiret in suo sinu omnia tempora, quin-  
 nimmo aliquid novi Deo adveniret.

**Quinta**, veritas Dei includit realiter om-  
 nes veritates, bonitas omnes bonitates;  
 scientia se extendit ad omnia præsentia fu-  
 tura & præterita, lumen enim ipsius infi-  
 nitum est; omnipotentia continet realiter  
 omnes effectus præsentēs & producentes,  
 siquidem attingit realiter creaturas secun-  
 dum omnes rationes, tum genericas, tum  
 específicas & individuales: sed æternitas  
 non est minus efficax in ratione mensuræ  
 ad mensurandas omnes durationes, illas  
 quippe realiter continet: ergo cum tem-  
 pus præsens mensuret realiter res quæ fi-  
 unt, quæque sunt illi præsentēs, & ex  
 alia parte æternitas realiter contineat tem-  
 pus præteritum, præsens & futurum, di-  
 cendum est omnia esse Deo realiter præ-  
 sentia in æternitate, & Deum eadem rea-  
 liter in ejusmodi mensura videre.

### Solvuntur Objectiones.

**Objectiones**: Non potest concipi quo-  
 modo res futura realiter sit præsens in æ-  
 ternitate, siquidem hoc implicat.

Ref-

*Respondeo* 1. cum Aug. nihil detrimenti advenire veritati, etiam si hoc ipsum capere non possumus, quia plura potest Deus, quam possumus comprehendere.

*Respondeo* 2. Res futuras esse realiter Deo præsentem multipliciter : 1. Objective & in ideis, quatenus Deus omnium habet rationes etiam individuales . 2. Causaliter & in decreto, virtus enim ipsius est rerum omnium productiva, & fluunt ab illa secundum id omne quod habent . 3. Ut in mensura durationis, scilicet in æternitate, cuius virtus est infinita & intrinsece in ratione durationis, & extrinsece seu extensive in quantum se extendit ad omnes durationes quæ sunt ab ipsa : sicut enim omnis effectus est a Deo ut prima causa, & omnes consequenter illos continet, ita & omnia tempora sunt ab æternitate : igitur illa realiter continet : & cum in Deo nihil sit præteritum, nihil futurum in ratione causæ, ita nec in ratione durationis igitur non implicat, immo convenit, omnia esse Deo realiter præsentia in æternitate.

*Inflabit* : quod est realiter in tempore, non potest esse Deo ab æterno præsens ; aliis foret quoque ab æterno : sed creaturæ sunt solum in tempore : igitur non sunt præsentem realiter Deo in æternitate, sed ad summum objective & idealiter, sicut artefactum præconceptum est præsens in mente artificis.

*Respondeo* distinguendo : quod est realiter in tempore non potest esse præsens Deo ab æterno, in propria mensura, concedo : in mensura superiori, nego. Mensura propria creaturæ est tempus cui ipsa subjicitur per actionem illius productivam & immutativam, & sic non est Deo præsens. Superior mensura est æternitas quæ in se mensuras inferiores præcontinet ; cum igitur creatura sit realiter præsens temporis, & æternitas continet ipsum tempus, utique continet realiter creaturas.

*Ad* id autem quod dicitur sequi creaturas esse æternas, distinguo, si existerent ab æterno tam in propria quam in superiori mensura, concedo : si sint ab æterno solum in superiori mensura, nego. Æternitas cum sit sola Dei mensura, denominat quoque solum res esse æternas in Deo : unde cum propria rerum mensura sit tempus, denominat eis in seipsis factis in tempore.

*Inflabit* : ergo res sunt simul ab æterno & in tempore, ex nihilo & tamen

non ex nihilo factæ, simul cum æternitate & post æternitatem, in mensura indivisibili & simul in successiva ; quandoquidem sunt simul ab æterno : sed hæc omnia implicat : ergo, &c.

*Respondeo* distinguendo, creaturæ sunt hæc omnia sub diverso respectu, concedo : sub eodem, nego : unde non est contradictio. Igitur in superiori mensura creaturæ sunt ab æterno, non quidem propter se, sed propter Deum, cuius æternitas sua extensione omnia complectitur tempora, & hoc arguit Deum solum æternum esse ; in propria vero mensura sunt in tempore, & ideo factæ ex nihilo, quatenus factio respicit tempus & terminat in tempore actionem productivam, de qua fuit decretum æternum ; sunt quoque in mensura indivisibili, si considerantur in mensura superiori ; in mensura vero successiva, si eas in propria intueamur mensura, quia sunt in tempore, quod habet successionem.

*Iterum inflabit* : quando creatura aliqua producitur actu in tempore, æternitati novo modo, & quidem reali coexistit ; ergo antea non erat realiter præsens æternitati, si enim realiter erat præsens æternitati, novo modo non coexistit cum sit : & vero quamvis potest esse differentia, nisi quod antequam fiat, erat solum objective in æternitate præsens : at vero cum sit, est realiter.

*Respondeo* distinguendo : creatura quæ producitur, novo modo virtuali coexistit æternitati, concedo : novo modo actuali, nego. Præ oculis semper habendum est Deum eodem actu intelligere res, eodem eas facere, nec unquam aliquid novi Deo advenire ; quia tamen actus ille æquivallet multis a parte rei realiter ad invicem distinctis, concipitur ut multiplex ; unde Deus dicitur eodem actu intelligens & volens, agens ad intra & ad extra ; ad intra quidem, ut respicit essentiam, personas, & attributa : ad extra vero, ut connotat creaturas. Porro tamen si Deus exequatur tantum in tempore quod decrevit in æternitate, actus tamen ejus semper æternus est : hinc æternitas multos veluti firmos & virtualitates continet, in quantum cuncta includit tempora : quando igitur producitur creatura, novo quidem modo reali existit in se, scilicet in tempore, sed non in æternitate, quæ omnes complectitur durationes : quia tamen tempus in quo producitur creatura,

cor-

correspondet uni æternitatis puncto, ideo dicitur coexistere novo modo virtuali; sed hæc novitas magis se tenet ex parte creaturæ in tempore productæ, quam ex parte æternitatis.

*Adhuc instabis*: quum creatura produci- tur in tempore præsentis, resultat nova re- latio ad æternitatem, cui coexistit tem- pus in quo fit creatura: ergo novitas se tenet etiam ex parte æternitatis.

*Respondeo* distinguendo: resultat relatio realis in creatura ad tempus & ad æterni- tatem, concedo: in ipsa æternitate & in Deo, nego. Nihil reale advenit Deo; sed quando fit creatura, resultat relatio realis in creaturam solam, quia sola im- mutatur & transit a non esse ad esse, rationis vero & in Deo, ex eo quod ipsius actio æterna se extendat ad illam: & in æternitate quæ se extendit ad tempus in quo produciitur creatura; tempus enim ap- plicatur æternitati illam tangendo in pun- cto, quod Deus connotat ab æterno.

*Instabis* de novo: si Deus videt futura realiter præsentia in æternitate, non erit discrimen inter creaturas præteritas, futu- ras & jam præsentis, sed omnia creata erunt promiscue realiter præsentia, adeo- que nunquam producta, sed æterna: ab- surdum consequens: ergo & antecedens.

*Respondeo* negando minorem: quia & ipsa tempora correspondent diversis virtualita- tibus æternitatis. Sicut ergo diversa sunt attributa virtualiter, licet re nunc sint, ita in ipsa æternitate diversæ virtualiter mensuræ, licet re unica sit æternitas.

*Persifies*: ideo dicuntur creaturæ reali- ter in æternitate præsentis, quia non est successio apud Deum & in actu & in du- ratione; Deus enim est semper in actu in- telligibilem & agibilem: sed hæc ratio nulla est; & probatur 1. Si Deus esset semper in actu agibilem; jam de facto res producerentur ab æterno; quod falsum est: 2. licet Deus sit actus purus, attamen incipit solum in tempore tangere reali- ter creaturam, ergo antea illam non vi- debat realiter præsentem.

*Respondeo* negando minorem: ad primam probationem distinguo, si Deus esset in actu tam ad extra, quam ad intra res fie- rent ab æterno, concedo, si esset in actu solum ad intra, nego. Est unicus in Deo actus primo terminatus ad intra, secun- dario solum ad creaturas, adeoque in tem- pore: tangit quidem illas Deus in men- tura sua ab æterno, sed non in tempo-

re: tangit illas in se, sed non in seipsis immediate, unde non sunt productæ ab æterno. Ad secundam probationem di- stinguo: Deus tangit creaturas, & se extendit ad illas de novo in tempore, concedo; de novo in æternitate, nego: se solo tangit creaturas in æternitate: in tempore vero tangit illas simul cum causis secundis, quas movet & applicat ad actum.

*Rursus instabis*: Angelus coexistit nostris durationibus, & tamen hoc fit successive: ergo idem dicendum de Deo, igitur nec res sunt Deo realiter præsentis in æterni- tate, nec illas in ipsa realiter Deus vi- det.

*Respondeo* negando paritatem: quia An- geli duratio nec est infinita, nec invariabilis, nec ipse est nostrorum causa actuum, unde non coexistit rebus, nisi quum fiunt; secus vero Creator.

*Persifies*: licet immensitas Dei sit infinita, non tamen actu se extendit ad spacia imaginaria: ergo a pari nec æternitas ad futura. Probat ur paritas: quamvis spacia imaginaria possint repleri ab aliquo corpore, quia tamen nihil sunt actu, non tan- guntur ab immensitate. Similiter, tametsi futura aliquando habitura sint esse, quia tamen nondum habent, non debent tan- gi ab æternitate saltem realiter.

*Respondeo* negando paritatem, quia con- tactus immensitatis fit per operationem virtualiter transeuntem qua produciitur crea- tura; unde Deus est actus præcens solum in rebus positivis, & quæ jam habent esse; contactus vero æternitatis per exten- sionem ad omnes durationes, quas quidem de facto ambit in suo sinu; unde cum continet realiter tempus, continet quo- que ea quæ realiter sunt in tempore; & sic patet esse in objectionibus æquivoca- tionem; fit enim transitus a mensura tem- poris ad mensuram æternitatis.

## SYNOPSIS PROBATIONUM.

*Deus cognoscit futura in sua æternitate, & quidem tanquam objecta rea- liter sibi præsentia.*

PRIMO, quia Joan. 1. habetur: *Quod factum est in ipso vita erat.* Quid est vivere in Deo? nisi rem esse illi realiter præsen- tem; æternitas quippe inquit Bernardus, futura non expiratur.

Secundo, quia futura præcontinentur in Deo

Deo tanquam in causa: porro Deus cognoscit realiter & suam essentiam, & suam omnipotentiam, & cuius finem cuncta fluunt.

Tertio, quia æternitas omnia compiectitur tempora, nec ullis clauditur alicuius durationis terminis.

## SYNOPSIS SOLUTIONUM

### AD DIFFICULTATES.

PRIMO, tametsi Deus futura tanquam præsentia cognoscat, non inde sequitur res esse ab æterno; siquidem non sunt in æternitate tanquam in propria mensura præsentis.

Secundo, neque ulla inde sequitur contradictio: namque secundum unum respectum res dicuntur esse in æternitate, videlicet objective: secundum vero alterum respectum, nempe in concreto, & secundum se, dicuntur esse in tempore.

Tertio, futura, præsentia & præterita quamvis in æternitate præsentia, non ideo confunduntur, quia respondent diversis virtualiter æternitatis sinibus.

## ARTICULUS TERTIUS.

*Utrum Deus cognoscat res possibiles per scientiam simplicis intelligentiæ.*

DUPLEX distinguitur in Deo scientia, ut dictum est supra, nimirum una simplicis intelligentiæ, altera vero visionis: illa Deus speculatur & contemplatur res possibiles, ista vero futuras & ea omnia quæ vult & decrevit facere. Prima est mere speculativa: secunda speculativa simul & practica. Quæstio præsens movetur de possibiliibus. Jam sit

### CONCLUSIO.

Deus per scientiam simplicis intelligentiæ cognoscit res possibiles.

*Probatum auctoritate & ratione.*

Primo, *Ex Scriptura sacra.*

HEBR. 4. 13. legitur de Deo: *Omnia nuda sunt & aperta oculis eius*: sed res possibiles sunt objectum scientiæ simplicis intelligentiæ; Deus enim intelligit & cognoscit, ne dum ea quæ facit & fa-

ciet, verum etiam ea quæ potest facere; igitur Deus cognoscit per illam scientiam res possibiles. Confirmatur: ex eodem Apostolo Deus vocat ea quæ non sunt tanquam ea quæ sunt: hoc est novit ea quæ non sunt, tanquam ea quæ erunt: atqui res possibiles non existunt; ergo easdem novit & cognoscit.

Secundo, *Ex sanctis Doctoribus.*

Ex Augustin. l. 83. qq. q. 46. Deus omnium rerum cognoscit rationes. Ex Div. Thomæ hic q. 34. Deus cognoscit & ideas quæ exemplaria vocantur, eas scilicet quæ futura repræsentant; & eas quæ simpliciter rationes rerum nominantur, eo quod cuncta, quæ latent, in omnipotentia exprimant; sed ex eodem Angelico Doctore, Deus & ea quæ non sunt, & ea quæ nusquam erunt, per scientiam simplicis intelligentiæ novit: & probatur, ejusmodi objecta sunt mere possibilia, igitur scientiam mere speculativam, qualis est ea quæ simplicis intelligentiæ nomine donatur, spectant: igitur ea cognoscit Deus per suam simplicem intelligentiam.

Tertio, *Ratione & quidem multiplici.*

PRIMO, Deus comprehendit suam essentiam, illamque videt non solum participatam, & in futurum participabilem a creaturis futuris, sed infinite adhuc participabilem; quia nulla creatura potest exhaurire ejus itæcunditatem, & sic multa sunt possibilia. Sed illa possibilia intuetur mere speculative; nullum quippe exit ab ipso decretum de eorum futuritione; igitur cognoscit ea in seipso per scientiam simplicis intelligentiæ. 2. Non cognoscit ea per scientiam visionis, hæc enim se solum extendit ad ea quæ futura sunt, quæque sunt ipsi præsentia ut in prima causa: ergo superest ut ea cognoscat per scientiam simplicis intelligentiæ. 3. Deus cognoscit ideas rerum infinitarum, quas nunquam producturus est; sed illa simpliciter intuetur & contemplatur; igitur eas cognoscit per scientiam simplicis intelligentiæ.

*Solvuntur objectiones.*

Obijciens: quod non est, neque erit, non potest assignari pro objecto scientiæ; scientia enim suum supponit objectum: sed

possibilia nihil sunt, neque erunt: ergo non potest dici Deum ea per scientiam simplicis intelligentiæ cognoscere.

*Respondeo* distinguendo: quod non est neque actus, neque potentia; concedo: quod non est actus, sed potentia, non est obiectum scientiæ, subdistinguo: visionis, concedo: simplicis intelligentiæ, nego: possibilia sunt in potentia Dei, unde aliquod esse habent in sua essentia, immo sunt ipsa essentia ut infinitis modis participabilis: igitur sunt obiectum scientiæ simplicis intelligentiæ. Ita D. Thom. hic qu. 14. ubi dicit Deum cognoscere omnia quæ concluduntur & latent in sua essentia. Ad id vero quod dicitur scientiam supponere obiectum, hoc intelligitur de scientia creata, quæ non est causa rerum: at vero Deus est causa rerum per scientiam suam, & potest esse rerum possibile. Cæterum in priori rationis scientia Dei suum etiam quodammodo. supponit obiectum; prius enim concipimus essentiam divinam existere, quam participabilem esse ad extra.

*Insuper*: possibilia sunt ipsa Dei essentia: ergo nihil sunt in se & in potentia: igitur non cognoscuntur per scientiam simplicis intelligentiæ.

*Respondeo* distinguendo: sunt ipsa essentia divina relative considerata, concedo: secundum se & absolute sumpta, nego. Possibilia non sunt essentia divina absolute sumpta, sic enim spectata est ipse Deus; sed relative & ut connotat creaturas; cum enim in ipsa sint rationes rerum, non solum faciendarum, sed & non faciendarum, connotat creaturas etiam possibiles, unde in ea concipitur relatio rationis, & quidam respectus ad eas; igitur possibilia sunt obiectum scientiæ simplicis intelligentiæ.

*Rursum insuper*: attributa sunt obiectum scientiæ simplicis intelligentiæ, sicut natura divina: ergo non est dicendum possibile esse obiectum scientiæ simplicis intelligentiæ.

*Respondeo* distinguendo: attributa & natura divina sunt obiectum primum non excludens secundarium, concedo; excludens, nego: scientia Dei terminatur primario ad Dei naturam & perfectiones, a quibus specificatur; secundario vero ad creaturas.

*Opponeo* 2. Deus cognoscit possibilia in ideis: ergo inutile est ad hoc scientiam simplicis intelligentiæ ponere.

*Respondeo* distinguendo: & ipsæ ideæ divinæ interviunt scientiæ Dei; sunt enim veluti speculum in quo Deus contemplatur possibilia, concedo: & excluditur scientia, nego: cæterum ad cognitionem non sufficit idea & materia circa quam, sed potentia cognoscitiva attingens obiectum, ex quo resultat terminus, seu cognitio positiva, quæ scientiæ dicitur. Præterea summa est perfectio cognoscere rem aliquam omnibus modis quibus est cognoscibilis; sic qui cognoscit triangulum per physicam & mathematicam, doctior est & perfectior illo qui solummodo illum cognoscit per physicam.

*Objicies* 3. Deus cuncta cognoscit per scientiam visionis, quia omnia sunt ipsi præsentia: igitur non cognoscit possibilia per scientiam simplicis intelligentiæ.

*Respondeo* distinguendo: omnia cognoscit Deus per scientiam visionis late sumptam, concedo: per scientiam visionis stricte sumptam, subdistinguo: per scientiam visionis entitative, concedo; formaliter, nego. Scientia visionis considerari potest multipliciter, 1. ut dicit cognitionem claram, & in hoc sensu scientia simplicis intelligentiæ potest dici scientia visionis, sicut & in sensu identico, quia in Deo omnia sunt unum. 2. Formaliter, quatenus scilicet respicit res futuras & faciendas; profecto in hoc sensu distinguitur virtualiter a scientia simplicis intelligentiæ.

## SYNOPSIS. PROBATIONUM.

*Deus cognoscit res posibles per scientiam simplicis intelligentiæ.*

PRIMO, hoc ipsum patet ex illo Hebr. 4. *Omnia nuda sunt & aperta oculis eius.*

Secundo, quia Deus cognoscit, quicquid potest facere.

Tertio, quia suam comprehendit essentiam, in qua quidem omnes rerum etiam possibilem rationes præcontinentur.

## SYNOPSIS SOLUTIONUM

### AD OBJECTIONES.

PRIMO, concedimus res posibles nondum esse, verum possunt esse: igitur a Deo per scientiam simplicis intelligentiæ cognoscuntur.

Secundo, natura divina, personæ & attributa sunt quidem scientiæ simplicis intelligentiæ.

zelligentiæ objectum primum, sed nihil verat ad eandem scientiam res possibiles ut objectum secundarium pertinere.

*Tertio*, Deus futura per scientiam visionis cognoscit, per scientiam vero simplicis intelligentiæ possibilia attingit, nec ista scientia nisi improprie scientia visionis appellari debet.

## ARTICULUS QUARTUS.

*Utrum Deus cognoscat futura per scientiam visionis.*

**FUTURA** quedam sunt necessaria, ut illud; sol anno proximo lucebit, & solitos producat effectus; quedam vero libera & contingentia, quale est illud secundum, Petrus studebit pro Laurea Doctoratus consequenda; cum enim sit liber, potest non studere. De his omnibus quæstio instituitur: pro cuius resolutione sit

## CONCLUSIO.

Deus per scientiam visionis cuncta cognoscit futura.

*Probatur auctoritate & ratione.*

*Primo, Ex Scriptura sacra.*

**SCRIPTUM** est Heb. 4. 12. *Virtus enim sermo Dei & efficax, & penetrabilior omni gladio ancipiti.*, Expressius 1. Cor. 2. 10. *Spiritus enim omnia scrutatur, etiam profunda Dei.* Propheta Regius multis in locis eandem prædicat veritatem, maxime Psalm. 138. *Intellexisti cogitationes meas de longe, semitam meam & funiculum meum investigasti.* Ibidem: *Et omnes vias meas prævidisti.* Scripturam loqui de scientia visionis luce clarius apparet; nam instituit sermonem de scientia quæ nedom futura, sed & futurorum circumstantias attingit, quæ cuncta rimatur & a longe penetrat atque prævidet: igitur Deus præscit futura omnia per scientiam visionis.

*Secundo, Ex sanctis Doctoribus.*

**AUGUSTINUS** non semel in hac aut simili prope materia laudatus asserit res ideo esse, quia Deus eis novit esse; quam sententiam tanti Præfulis interpre-

tatur Div. Thomas de scientia visionis respectu futurorum. Cæteri Patres dicunt ea obijci oculi Dei, unoque intuitu ab eo videri. Non abs re erit de hoc momento audire Petrum Damianum, qui opusc. 36. c. 7. de Deo sic loquitur: „Nec diversis obtutibus diversa considerat, ut cum intendit præteritis, vacet a præsentibus vel futuris . . . sed uno duntaxat ac simplici præsentissime iniectionis intuitu, simul omnia comprehendit.

*Tertio* utique ejusdem veritatis Honorius Augustodunensis est; namque lib. de prædest. & lib. arb. cap. 8. ait: „Deus omnia præscit, & hoc æternitati ejus congruit, quia nihil futurum quasi sciendum, nec aliquid præteritum quasi transactum novit, sed omnia scienda & transacta immutabili intuitu præsentia prospicit.

*Quid* referam D. Thomam? sanctus Doctor hic qu. 14. ex professo docet Deum cuncta præscire etiam secundum rationes individuales, futura in propria sua voluntate prospicere, quinimmo & cognoscendo eadem facere, hoc est ejus scientiam adjunctis voluntate rerum esse causam. Quæ quidem locutiones & similes Deum per scientiam visionis futura prænoscerent indignant.

*Tertio, Ex Ratione.*

**DEUS** cognoscit per scientiam visionis ea omnia quæ sunt illi præsentia; unde enim scientia nominatur visionis, nisi quia præsentia per eam videntur? atqui futura quæcumque nedum absoluta, sed & libera atque contingentia sunt Deo ab æter, no præsentia; primo quidem in ideis rerum quippe omnium præhabet rationes: deinde in æternitate; nam illas omnes in vastissimo suo sinu complectitur rationes; tertio in voluntate, in ipsa siquidem ut effectus in causa præcontinetur; decretum enim dat rebus existentiam, seu ad esse & existere determinat: igitur futura per scientiam visionis attingit & intuentur.

*Diluantur objectiones.*

*Obijciat* 1. Multa sunt futura libera quæ Deo abscondita videntur; siquidem de actionibus humanis certam & infallibilem non habet scientiam: & probatur. Jerem.



Jerem. 26. 3. habetur. *Noli*, inquit ipse Deus Prophetæ, *subtrahere verbum*, si forte audiant, & convertantur. Ecce veluti dubitat & circa futurum veluti anxiatur. Rursus Ezech. 2. 5. *Hec dicit Dominus Deus*, si forte vel ipsi audiant; & si forte quiescant, quoniam domus exasperata est. Ergo, &c.

Respondeo negando minorem, ad probationem distinguo: vox forte dicit dubitationem ex parte hominum, concedo: ex parte Dei, nego. Loquitur Deus secundum usum hominum, ut intelligibilem se ipsis præbeat. Ita Augustinus in Plal. 2. v. 12. verba enim illa: *Nequando irascatur Dominus*, hoc modo interpretatur: „cum dubitatione positum est; non secundum visionem Prophetæ, cui certum est: sed secundum eos ipsos qui monentur; quia cum dubitatione solent cogitare iram Dei, quibus non aperte revelatur...“ Sic loquitur Deus ut intelligamus inesse homini liberum arbitrium, nec divina lædi præscientia. Ita Hieronymus in cap. 26. Jeremias. „Verbum ambiguum forsitan, non potest Domini maiestati convenire; sed nostro loquitur affectu, ut liberum homini servetur arbitrium, nec in præscientia ejus quasi necessitate facere quid vel non facere cogatur.“ Sic loquitur Deus ut indigeat rei difficultatem & hominum in malo obstinationem. Ita Aug. tract. 10. in Joan. ad hæc verba Christi: *Si me sciretis, & Patrem meum sciretis*: „Non dubitat, inquit, sed increpat Christus.“ Dubitationis verbum est quando dicitur, ab homine ideo dubitante, quia nesciente cum vero... ab eo illa dubitatione arguitur infidelitas.

Oppones 2. Ambrosius, l. 1. de fide, c. 7. de scientia divina differens, non ait objecta creata simpliciter esse Deo præsentia, sed quasi præsentia. *Ut quæ futura sunt*, inquit, *vel quasi præsentia*, vel quasi facta dicantur. Vox, quasi cognitionem importat obscuram, immo & prorsus imperfectam: igitur ex Ambrosio Deus non cognoscit certo futura contingentia.

Respondeo 1. vocem, quasi, ut supra dictum est, tantummodo monere liberum per præscientiam non adimi arbitrium. Vel etiam dici potest, D. Ambrosium duntaxat intendere futura contingentia non esse Deo tam præsentia in æternitate sicut cum sunt aut eveniunt in tempore; tunc enim tangunt punctum æterni-

nitatis, cui præsentia esse nemo differtur: cum quia Deus nedum in mensura superiori, verum etiam & in inferiori, videlicet in tempore ea cognoscit. Revera quidem quodlibet cognoscitur secundum quod est a parte rei, unde cum futura nondum sint in propria & connaturali mensura, non mirum si dicantur quasi & non simpliciter in æternitate Deo præsentia.

Objicies 3. Quæ cognoscuntur solum conjecturaliter a Deo, sane non cognoscuntur per scientiam visionis, cum illa res absolute futuras attingat: atqui Deus cognoscit futura contingentia solummodo conjecturaliter, & probatur: cognoscit Deus futura qualia sunt in se; sed in se sunt contingentia, possunt enim esse & non esse; igitur & contingenter solum seu conjecturaliter Deus ea noscit.

Respondeo negando minorem: ad probationem distinguo, cognoscit Deus futura qualia sunt in se & in causis superioribus, concedo: cognoscit tantum qualia sunt in se & in causis secundis, nego. Duplex distinguitur causa; prima scilicet, quæ determinat omnia; secunda vero, quæ movetur & determinatur a prima: illa est Deus, ista est agens creatum futurum contingens & præsens Deo, & in æternitate quæ omnes complectitur durationes, & in decreto, in quo continetur ut in principio a quo sunt omnia: igitur cognoscitur a Deo determinate in utraque mensura; sed ut contingenter eveniat respectu causarum secundarum, quæ potest agere, vel non agere, quæ si spectetur relative ad causam primam, sum utique clare prodit effectum, quatenus Deus præscit & quid facturus est in causis secundis, & quid causis secundis libere se movendo operabitur, inquit Augustinus. Audiamus Ambrosium, qui l. 3. de fide, c. 7. sic loquitur: „Sapientia autem id convenit, ut suorum operum & virtutes noscant, & causam: & ideo creator omnium non potuit ignorare quod fecit, nescire quod donavit.“

Instas 1. e duabus propositionibus de futuro contingenti neutra est determinata vera; neutra determinate falsa: igitur Deus non cognoscit per scientiam visionis futura contingentia, cum ipsa nullam habeant determinatam veritatem.

Respondet Estius, dist. 38. c. 5. absurdum esse dicere propositiones de futuro contingenti, neque esse determinate veras,

ras, neque determinate falſas : quia , inquit , licet contingentes , una in tempore ſequenti determinatur , & cum æternitas ſe extendat ad omnia tempora , manifeſtum eſt Deum illas clare in æternitate cognoscere , alias Deus cognosceret certo futuri contingentis veritatem ſolum quando actu eveniret , quod eſt abſurdum dicere.

*Reſpondeo* 2. diſtinguendo ut ſupra ; neutra propoſitio eſt determinata in cauſis ſecundis , concedo : in cauſa prima , nego. Deus autem , ut dictum eſt , non accipit ſcientiam a rebus ; utpote ab omnibus creaturis independens ; ſed cognoscit creaturas ſecundum omnes rationes etiam individuales in ſeipſo : quia res habent id omne , quod ſunt a Deo optimo , maximo.

*Iterum inſtabis* : futura contingentia & abſoluta nondum habent exiſtentiam : ſed ſcientia viſionis reſpicit ſolum objecta exiſtentia ; ideo enim viſionis dicitur , quia videt & attingit præſentia : ergo &c.

*Reſpondeo* diſtinguendo : futura nondum ſunt in ſe & in cauſis ſecundis , concedo : in menſura ſuperiori , nego. Dictum eſt cum Patribus æternitatem futura non experiri , & cum ideæ rerum & virtus Dei menſurentur æternitate , & ab æterno Deus videt futura , quæ præſentia , inquit Ambroſius , & in ideis & in ſua omnipotentia , & in ipſa æternitate quæ omnia includit tempora . Ergone res non ſunt futuræ ? minime : quandoquidem denominantur a cauſis proximis & ſecundis quæ ſunt in tempore , quæque agere nondum concipiuntur , & ideo res ſunt vere futuræ .

*Obijcies* 4. non ſunt multiplicandæ ethia ſine neceſſitate : ſed Deus omnia cognoscit per ſcientiam ſimplicis intelligentiæ , etiam futura libera : ergo fruſtra ad hoc admittitur ſcientia viſionis .

*Reſpondeo* ſcientiam viſionis & intelligentiæ eandem eſſe entitative ; per iſtam Deum cuncta cognoscere in priori rationis , qua ad res producendas determinatur ; per illam vero , quidquid facere decernit . Porro ſcientia ſimplicis intelligentiæ fundatur in ideis , quibus quidem Deus ſuum dirigit opus , viſionis vero innititur decreto , habet enim illa adiunctum volun-

tatem ; unde & eſt rerum effectiva . Igitur quales res futuræ ſunt , Deus eas videt & cognoscit .

## SYNOPSIS PROBATIONUM.

*Deus cognoscit futura per ſcientiam*

*viſionis .*

*PRIMO* , juxta illud Pfal. 138. *Intellexi cogitationes meas de longe , ſemitam meam & funiculum meum inveſtigavi . Ibidem : Et omnes vias meas prævidiſti .*

*Secundo* , hoc ipſum declarant Patres , Petrus Damiaſus , opuſc. 26. c. 7. Honorius Auguſtodenſis , l. de præd. & lib. arb. c. 8. D. Thom. hic ; qu. 14. ex proſſo .

*Tertio* , per ſcientiam viſionis eam intelligimus quæ fertur circa objectum præſens : ſed omnia futura ſunt Deo præſentia in æternitate ; quæ cuncta completur tempora , Deus vero videt quidquid ipſi præſens eſt : igitur & futura per ſcientiam viſionis cognoscit .

## SYNOPSIS SOLUTIONUM

### AD OBJECTIONES.

*PRIMO* , nonnumquam Scripturæ ſacræ cognitionem futurorum per particulas *forte* ; *forſitan* , explanat : hoc tamen non incertitudinem aliquam in Deo arguit , quæſi futuri non foret præſcius , ſed ſolum ex parte cauſæ ſecundæ , quæ poteſt deficere .

*Secundo* , neque Patres ab hac diſcedunt ſententia , cum ajunt futura eſſe quæſi Deo præſentia ; hac enim voce , *quæſi* , & ſimilibus utuntur , ut denotent nimirum , nec Dei præſcientiam libertati humanæ adverſari , nec res ita eſſe præſentes quando futuræ , ſicut & quum a parte rei ponuntur , & propria donantur exiſtentia .

*Tertio* , verum eſt Deum cognoscere futura contingentia eo modo quo ſunt futura , ſed contingentia & incertitudo eſſeſtus attenditur penes cauſam ſecundam : igitur futura illa certo prænoſcit Deus , verum prænoſcit ut contingenter eveniant , inquit Div. Thomas hic .

## DISSERTATIO TERTIA.

D E

## MEDIO IN QUO COGNOSCIT DEUS

*Futura libera conditionata.*

**D**EUM cuncta cognoscere tum in ideis, tum in æternitate, quæ omnes in sinu suo immenso ambit & complectitur durationes, non semel demonstravimus. Quæritur tamen, num futura libera, eaque conditionata, novo aliquo & speciali modo cognoscat Deus, puta vel in veritate eorum objectiva, vel per scientiam mediam, vel in suæ voluntatis decreto.

Lutherus & Calvinus contendunt Deum cognoscere actus humanos quoscumque solum in decretis necessitantibus; adeoque præscientiam tollere libertatem, nec ulla esse futura contingentia conditionata. Sed contra, dicit Scripturæ, Sap. 8. *Attingit omnia a fine ad finem fortiter, & disponit omnia suaviter.*

*Hoc dogma fidei quatuor probatur argumentis.*

**PRIMO**, quia dantur de facto futura contingentia conditionata, & ea cognoscit Deus.

**Secundo**, Deus eadem cognoscit in seipso absque decreti ope, secundum multos Doctores.

**Tertio**, illa cognoscit Deus per scientiam mediam independentem utique a decreto, secundum gravissimos Theologos.

**Quarto**, quia secundum Thomistas; ejusmodi futura cognoscit Deus in decretis liberis, independentem a scientia media.

## ARTICULUS PRIMUS.

*Utrum dentur futura conditionata contingentia, & ea cognoscat Deus.*

**FUTURUM** dicitur conditionatum dupliciter, scilicet per ordinem ad objectum, & per ordinem ad subiectum. Per ordinem ad objectum, quando suspensio se tenet ex ipsius parte, ut istud: si Petrus venit hodie mane in domum, prænabitur mecum: ex parte vero subiecti, quum suspensio se tenet ex parte cognoscentis, & insert in agente dubietatem; ut in isto exemplo: si essem Episcopus, solummodo propter meritum conferrem beneficia. Certum est futurum non posse dici conditionatum ex parte Dei, quippe qui sit immutabilis, & in cognitione, & in operatione, immo nec datur contingens; quandoquidem Providentia divina in sui dispositione non fallitur: futurum igitur dicitur & contingens & conditionatum respective ad causas secundas creatas, & sunt vere futura libera; licet enim Deus omnia præsciat, relinquit tamen hominem in manu consilii sui, ut agat & operetur ex libertate sibi innata. Quia vero multi negant dari futura conditionata, operæ pretium est probare & explicare ea, ad fidei tum elucidationem, tum etiam defensionem; quod quidem momentum facile complebitur, si duo ostendamus; scilicet licet dari futura libera conditionata, eaque a Deo cognosci.

## CONCLUSIO PRIMA.

Dantur futura libera conditionata.

Probatum auctoritate &amp; ratione.

Primo, Ex Scriptura sacra.

1. 1. **R**egum 23. ait David: "Domine Deus Israel, audivit famam servus tuus quod disponit Saul venire in Ceilan, ut evertat urbem propter me: si tradent me viri Ceilae in manus ejus? Domine Deus Israel, indica servo tuo. Et ait Dominus: "tradent."
2. 4. Reg. 13. dixit Eliseus ad Joam Regem Israel: *Si percussisses quinquies, aut sexies, five septies, scilicet jaculo terram, percussisses Syriam usque ad consumptionem; nunc autem tribus vicibus percussit eam.*
3. Matth. 11. "Vae tibi, Corozain, vae tibi, Bethsaida, quia si in Tyro & Sidone factae essent virtutes quae factae sunt in vobis, olim in cilicio & cinere, poenitentiam egissent."
4. Ibidem, sic protequitur Christus: "Et tu, Capharnaum, numquid usque in coelum exaltaberis? usque in infernum descendens: quia si in Sodomis factae fuissent virtutes, quae factae sunt in te, forte mansissent usque in hanc diem. In his omnibus exemplis agitur de futuris liberis, quae potuerunt esse vel non esse, dependenter a voluntate humana: poterat enim David remanere in urbe Ceila, & tunc inimicorum molitione periisset. Poterat si voluisset Joas percutere jaculo terram sexies, & tunc percussisset Syriam usque ad consumptionem: potuissent Tyrii & Sidonii, audita Christi praedicatione, visusque ejus miraculis, agere poenitentiam, & tunc salvi facti fuissent: ergo dantur futura libera conditionata."

Secundo, Ex Patribus.

AUGUSTINUS lib. de praed. SS. c. 10. n. 19. ait: "Praedestinatio quippe ea, praecivit quae fuerat ipse facturus; hic non loquitur de futuro simpliciter; alias posuisset quae erat facturus, non quae fuerat facturus, quod verbum, *fuerat*, futurum denotat conditionatum."

Item I. de dono persever. c. 9. n. 22. agens de reprobis sic loquitur: "Ut enim

non dicam, quam sit possibile Deo, a veritas & adversitas in eadem suam hominum convertere voluntates, & in eorum cordibus operari, ut nullis adversitatibus cedant, nec ab illo aliqua superati tentatione discedant; cum possit & quod ait Apostolus, facere, ut non eos permittat tentari supra id quod possunt: ut ergo id non dicam, certe poterat illos Deus praeciens esse lapsuros, antequam id fieret, auferre de hac vita. Futurum igitur erat, quod salvati fuissent, si ab hac vita fuissent rapti. Igitur ex Augustino dantur futura conditionata."

5. Prosper Idem docet in responsione octava ad excerpta Genuensium: "Cum aliqui pereunt, inquit, non dubitemus ipsorum meritis deputari quod pereunt: quos utique Deus iuste posset dampnare, si vellet. Et cum aliqui liberantur, non audemus definire, quod digni fuerint liberari; quos utique Deus posset iuste dampnare, si vellet... de Tyriis autem & Sidoniis, quid aliud possumus dicere, quam non esse eis datum ut crederent, quos etiam credituros Veritas dicit, si talia, qualia apud non credentes facti sunt, signa vident... non solum Tyrios & Sidonios, sed etiam Corozaim & Bethsaida potuisse converti, & fideles ex infidelibus fieri, si hoc in eis Dominus voluisset operari. Quid clarius?"

Dicitur Thomas alius esse ejusdem veritatis testis; nam qu. 23. de verit. art. 3. dicit voluntatem antecedentem, quae est in Deo, esse veram voluntatem. Et in 1. dist. 46. qu. 1. art. 1. ad 2. vocat illam conditionatam his verbis: "Voluntas antecedens potest dici conditionata, nec tamen est imperfectio ex parte voluntatis divinae, sed ex parte voliti, quod non accipitur cum omnibus circumstantiis quae exiguntur ad rectum ordinem in salutem. Igitur ex Divo Thoma dantur futura conditionata."

Ex ratione.

PRIMA sic exponitur: multa sunt apud nos homines futura conditionata, v. g. istud cum dicimus: si tempus serenum & commodum erit, deambulabimus: sed Deus permittit, & finit causas liberas sic agere cum conditione: ergo de facto dantur futura conditionata.

H h 2

Se-

*Secunda* : homo est liber : ergo dantur futura libera conditionata : probatur consequentia. De ratione libertatis est, non solum ut homo agat, vel non agat, sed ut positus quibuldam circumstantiis sibi commodis operetur, quæ si desint, non agat : alias necessitaretur ad agendum : ergo eo ipso quo est liber, dantur futura contingentia : quandoquidem potest pro libito conditiones actioni futuræ apponere.

*Tertia* : Petrus disputabit, si Joannes illum ad hoc stimulet ; Claudius studebit, si proponatur ei præmium, sunt futura, & quidem conditionata, cum non sint futura necessaria ; liberum est enim primo disputare, alteri vero studere : non sunt etiam futura simpliciter, quia si desint conditiones, neque Petrus disputare, neque Joannes studere valebunt : ergo relinquitur esse futura conditionata : maxime vero quia Deus relinquit hominem in manu consilii sui, ut pro innata libertate aut bonum, aut malum eligat.

## CONCLUSIO SECUNDA.

Deus certo cognoscit futura conditionata. Hoc sequitur ad primam conclusionem. Nihilominus

*Probatur multipliciter.*

*Primo, Ex Scriptura sacra.*

**D**EUS ea futura cognoscit, quæ ipsa prædixit : atqui multa prædixit futura conditionata, & probatur 1. Reg. 23. David petit a Domino num viri Ceilæ eum tradituri sint Sauli ? respondet, tradent ; tunc fugit ab eis. 2. Reg. Deus injungit & Salomoni & filiis Israel ne mulieres alienigenas in uxores assumant, alias, inquit, certissime avertent corda vestra, ut sequamini Deos suos constilates : cujus eventus probavit in ipso rege effati veritatem. Elifæus unicus dixit Joæ : Si percussisses quinquies, aut sexies jaculo terram, percussisses Syriam usque ad consumptionem ; item inter omnia conditionata futura celeberrimum est illud apud Matth. Væ tibi, Corozain ; væ tibi, Bethsaida, inquit Christus, quia si in Tyro & Sidone scirent virgines, quæ factæ sunt in te, egissent penitentiam in cilicio & cinere : ergo, &c.

*Secundo, Ex Patribus.*

GREGORIUS NYSS. Orat. de infantibus ; qui acerba morte ab hac vita rapiuntur, 2. tom. pag. 764. ait : " Divinæ esse Providentiæ, ejusque perfectæ, non solum sanare contractos morbos, sed etiam ne omnino quispiam in illicitis versetur, prospicere. Est enim consentaneum, ab illo, qui peræque futurum novit ac præteritum, prohiberi parvuli progressionem ad ætatem perfectam, ne malum illud, quod præsciens illa vis & facultas cognoverit, in eo qui victurus esset ita perficiatur : atque ei qui ea voluntate, arbitrioque victurus fuisset, materia nequitia vita fiat. Ibi agitur de futuro conditionato, scilicet, de mala vita, & reprobatione futura parvuli, si vixisset, quod quidem præsciens Deus, rapit eum ex misericordia, ne malitia mutet intellectum ejus. Ergo.

Cyrillus Alexandrinus, l. 3. contra Julianum, de Adami lapsu, Porphyrium laudat, quod tradat eadem de immatura morte, ac ipse Gregorius Nyss. " Porphyrius, inquit, sic in libro ad Numerum scribit : Deus autem qui futura novit, alios propter pietatem adhuc juvenes e vita præcipit : alios ob detrimenta, quæ per illos erant necessaria suis importanda : alios item, ob ingentes, quæ futuræ erant calamitates, ante subtrahit.

Augustinus eandem clarissime explanat veritatem, l. de Prædest. Sanct. c. 14. n. 26. explicans enim illa verba Sapientiæ 10. Raptus est ne malitia mutaret intellectum ejus, ait : Distum est enim secundum pericula vitæ hujus, non secundum præscientiam Dei, qui hoc præscivit quod futurum erat, non quod futurum non erat : idest, quod Deus mortem immaturam fuerat largiturus, ac temptationum subtraheret incerto, non quod peccaturus esset, qui mansurus in tentatione non esset.

Suffragatur Fulgentius, l. 1. de veritate prædestinationis contra Pelagianos, sic loquitur : " Neque enim Dominus rerum omnium conditor facienda præscisset, quæ facienda non essent. Scimus namque præscientiam Dei sic esse veram, atque immutabilem, ut quæ futura præcæ, vere futura sint.

Divus Thomas, hic, qu. 24. art. 1. n. 1. Ma-

Manifestum est quod contingentia & infallibiliter a Deo cognoscuntur in quantum subduntur divino conspectui secundum suam praeentialitatem, & tamen sunt futura contingentia suis causis proximis comparata. In his omnibus sancti Doctores loquuntur de futuris contingentibus, etiam de conditionatis: ergo ex eis illa omnia novit Deus.

### Tertio, Ex ratione.

PRIMA: dictum est supra, Deum omnia cognoscere in ideis, & in sua virtute omnium rerum productiva, & in aeternitate quae in se omnia tempora complectitur: igitur certe cognoscit futura conditionata. Secunda: Deus cognoscit quidquid creatura aut futura est, aut potest facere, siquidem illum comprehendit: igitur & futura conditionata; alias eveniret aliquid in tempore quod Deo ignotum fuisset: sed hoc est impossibile. Ergo &c. Tertia: futura conditionata, quorum conditio non purificabitur, pertinent ad possibilita quae Deus cognoscit in ideis: illa vero, quorum conditio ponenda est, futura sunt & cognoscuntur a Deo per scientiam visionis; ea enim in sua essentia, in qua veluti in speculo omnia collucunt, intuetur; ergo & dantur futura conditionata, & cognoscuntur a Deo talia.

*Objectiones contra utramque Conclusionem proponuntur simul, & promiscue diluuntur.*

OBJECIES 1. Matth. II. habetur: Si in Sodomis factae fuissent virtutes quae factae sunt in te, forte mansissent usque in hanc diem: ecce futurum contingens conditionatum: sed Deus illud non cognoscit certo & infallibiliter; ergo non cognoscit futura conditionata, nisi conjecturaliter. Probat minor, verbum, forte, dicit cognitionem dubiam; ergo, &c.

Respondeo negando minorem, ad probationem dico cum Hieronymo, verbum, forte, non apponit quasi Christus eiset futuri eventus inficius, sed ut denotetur de creaturæ in agendo libertas, & ipsius Dei in miserando libera dispositio: si enim factae fuissent virtutes in Sodomis quales petratas a Salvatore videntur Judaei, essent pro peccatis poenitentiam; Deus vero in misericordis dives potuisset eis parcere,

forte pepercisset, hoc est libere & gratuito, & non ex necessitate, quasi a creatura dependens.

Oppone 2. Aug. explicitis illud Sapientiae 10. Raptus est ne malitia mutaret intellectum ejus, l. de praedict. Sanct. c. 13. n. 26: ait: Dictum est, secundum pericula vitae hujus, non secundum praesentiam Dei, qui hoc praescivit quod futurum erat, non quod futurum non erat; si non praescivit quod futurum non erat, ergo ex Augustino Deus non cognoscit nisi conjecturaliter futura conditionata, quorum conditio non purificabitur.

Respondeo distinguendo, & loquitur ibi Augustinus per ordinem ad causas secundas, concedo: per ordinem ad causam primam, nego. Cum loquitur Deus per Prophetas hominibus, prae misericordia sese accommodat ad modum quo homines solent ipsi res concipere, ut eis intelligibilem se praebet, & ideo plura praedicta sunt per Prophetas futura, quae apud Deum non erant futura. Talia quidem per ordinem ad causam secundam erant, minime vero respective ad primam. Sic Itaias praedixit Ezechiam brevi moriturum: sed hoc secundum morbi gravitatem & pondus: verum scribat Dominus quod cedere piissimi Regis & orationi & lacrymis, Ezechiam non solum a mortis periculo miraculose servaret, sed & quod ad quindecim annorum spatium usque, ejus prolongaret vitam. Sic Jonas pronuntiavit Ninivitis exterminium: sed & eorum praenotens poenitentiam Deus volebat misereri & parcere. Simili modo loquitur Augustinus, dicens, multos, si longius vixissent, cedentes periculis & tentationibus, reprobos evasuros fuisse, qui tamen misericordia magna reperi sunt, ne malitia perverreret corda eorum. Bene igitur dictum est, secundum pericula vitae, non attendendo ad praesentiam Dei, qui novit ea quae non sunt, tantum ea quae sunt.

Respondeo 2. Augustinum ibi agere contra Pelagianos, qui volebant ideo pueros cum Baptismo & vita decedentes, salvari, quia ex praevisione meritorum suorum, si vixissent, Deus illis gloriam contulisset; e contra vero alii, qui sine Baptismo morerentur, ex praevisione demeritorum, poenas infligissent aeternas; quod quidem validissime refellit sanctus Doctor, dicendo: Deum non praescire quod futurum non erat,

H h 3 ut

ut det vel iustis gloriam, vel peccatoribus poenam: non negat igitur Deum omnia tam futura, quam possibilia præscire, sed non præscire quod futurum non est, ea intentione ut præmet vel puniat propter merita, aut dederit imaginaria. Cæterum quod quidam pueri decedant cum Baptismo, & donentur vita æterna: o misericordia! quod alii sine Baptismo decedentes ea priventur: o alicuius divitiarum sapientiæ & scientiæ Dei, quam incomprehensibilia sunt iudicia ejus, & investigabiles viæ ejus!

*Dicitur Augustinus* esse sui ipsius interpres; ibidem quippe subdit, & sic loquitur: „Præscivit quod futurum erat, non „quod futurum non erat, id est, quod „et mortem immaturam fuerat largiturus, ut tentationum subtraheretur incerto; non quod peccatorum esset, qui mansurus in tentatione non esset. De hac quippe vita legitur in libro Job. 7. r. Numquid non tentatio est vita humana super terram? sed quare aliis concedatur, ut ex hujus vitæ periculis dum iusti sunt auferantur; alii vero iusti donec a iustitia cadant, in eisdem periculis vita productiore teneantur; quis cognovit sanctum Domini? & tamen hinc intelligi datur, etiam illis iustis, qui bonos, pioque mores usque ad senectutis maturitatem, & diem vitæ huius ultimum servant, non in suis meritis, sed in Domino esse glorandum: quoniam qui vitæ brevitate rapuit iustum, ne malitia mutaret intellectum ejus, ipse in quantacumque vitæ longitudine custodit iustum, ne malitia mutet intellectum ejus. Cur autem hic tenuerit casurum iustum, quem priusquam caderet, hinc posset auferre, iustissima omnino, sed inscrutabilia sunt iudicia ejus.

*Obijciat* 2. D. Thomas, hic art. 13. & q. 12. de Verit. art. 10. & in 1. distinct. 38. q. 1. art. 5. dicit futura contingentia posse spectari dñpñeiter, vel in se ipsis, & ut sunt a parte rei; vel in causis, & in iis cognitionem detaxat conjecturalem terminare. Igitur ex Div. Thoma non cognoscuntur, nisi conjecturaliter.

*Respondet* distinguendo: futura contingentia terminant cognitionem tantummodo conjecturalem, ut spectantur in causis secundis, concedo: in causa prima, nego: Causæ secundæ, si agatur de actibus humanis, sunt libere: 1. possunt aut su-

spendi in operando, aut etiam per aliquid extrinsecum totaliter impediri; unde comparative ad eas dubius est, & plurimum contingens effectus: nusquam vero per ordinem ad primam; quandoquidem & causæ secundæ, & media ad effectum conducentia, ejus subiiciuntur dominio: igitur Deus certe cognoscit futura contingentia, ut docet Div. Thomas ibidem qu. 14. art. 12. 13. 14. 15. & 16. unde cum dicit ea cognitionem tantummodo conjecturalem terminare, loquitur de his per ordinem ad causas secundas, ut seipsum ibidem explicat.

*Obijciat* 4. Si certo cognoscuntur a Deo futura libera conditionata, jam non sunt futura conditionata, sed absoluta: & probatur. Jam sunt absolute, aut putæ possibilia, si conditio non purificanda est, quia hoc certo cognoscit Deus: aut futura absolute, si conditio est apponenda, quandoquidem hoc utique certo cognoscit Deus: ergo &c.

*Respondet* negando sequelam, ad probationem distinguendo; non sunt conditionata respectu causæ primæ, Dei scilicet, quia novit omnia quæ facturus est, aut non facturus, concedo: respectu causæ secundæ, & in seipsis, nego. Effectus specificatur a causa secunda, quæ libere agit, & ab ea dicitur contingens. Sicut igitur cognitio, quam Petrus haberet per revelationem, de futura morte Joannis in bello, non impediret quin Joannes ad bellum liberrime pergeret, & consequenter quin mors foret dubia & contingens; ita pariter nec scientia Dei impedit quin effectus sit contingens, quandoquidem præscit Deus, quid creatura libere agens futura est. Quid plura adiciam? Quamvis Deus certo cognoscat effectum futurum, hoc tamen non impedit talis effectus contingentiam: aliud quippe est aliquid esse sub conditione futurum, aliud cognoscere certo exitum rei futurum. Ad primum sufficit Deum cognoscere & substantiam actus, & effectus ipsos quales sunt in causis secundis, unde manet semper effectus contingentia. Ad secundum prærequiritur solummodo ut Deus præsciat futurum, quale est in se, & qualiter eveniet. Quod quidem facile intelligitur, cum teste Augustino, l. 3. de Lib. arb. c. 3. Deus præscit sit & voluntatis humanæ.

*Quinimmo*, nec præscientia impedit quin futurum a Deo cognoscatur etiam reduplicative ut conditionatum, unde & quo-

quodam modo etiam respectu Dei evadit & manet tale, quatenus Deus præsciens creaturam liberam tali vel tali modo ad unam partem determinandam fore. Et certe Deus cognoscit futurum cum conditione apponenda; v. g. istud: si Christus respiciat Petrum, Apostolus flebit amare: Christus Dominus profecto Petri præciebat poenitentiam sub ista conditione futuram. Nec inde sequitur Deum non certo cognoscere futura, aliud quippe est rem esse futuram sub conditione, aliud cognosci. Primum petitur ex conditione apponenda; secundum vero ex parte medii, quo utitur intelligens ad aliquid cognoscendum; cum autem cuncta pateant in ipsis, & in essentia divina, & in æternitate, cuncta utique certo, nusquam vero conjecturaliter, & dubitanter cognoscit Deus.

*Inflabis*: ex dictis nullum est futurum contingens conditionatum ex parte Dei: ergo nullum esse debet etiam ex parte sui, si Deus certo cognoscit illud; & probatur: scientia Dei est causa rerum, adeoque futura ab illa specificantur & denominantur: ergo, &c.

*Respondeo* 1. ex hoc etiam sequi omnia esse necessaria; quia omnia entia necessario cognoscit Deus, quandoquidem nihil ipsum latere potest. Aliud est igitur futurum esse conditionatum, aliud cognosci a Deo. Deus omnia necessario cognoscit, sed cognoscit entia secundum quod sunt; libera cognoscit ut libera, necessaria cognoscit esse necessaria, cuncta vero & infallibiliter & semper, ita ut non possit manere suspensus circa cuiusque rei cognitionem, quasi gradatim, ut homo, ascenderet a minori ad maiorem, a conjecturali ad certam notionem; futurum vero esse contingens & conditionatum, promittit a causa secunda, quæ libera, & quibusdam positis conditionibus operatur: unde manet semper conditionatum in conspectu Dei, tametsi a Deo perfecte cognoscitur.

*Respondeo* 2. negando consequentiam, ad probationem, distinguo: scientia Dei est causa rerum cum causa secunda, concedo: se sola, nego. Effectus non sortitur naturam causæ primæ, sed causæ secundæ & proximæ: cum autem causa secunda sit libera & contingens, futurum est utique, & contingens, & conditionatum.

*Rursus inflabis*: supposito quod Petrus disputet, si donetur Laurea Arcium; hoc

est absolute futurum, & ut tale cognoscitur a Deo: igitur nullum datur futurum conditionatum, cuius conditio purificabitur, sed est futurum absolute; cognoscitur enim semper ut tale: vel si cognoscatur ut conditionatum, cognoscitur conjecturaliter, quandoquidem eodem modo se habet & ad causam primam, & ad secundam, scilicet conditionare.

*Respondeo* distinguendo: est absolute futurum respectivo ad causam primam, transeat in se & respectivo ad causam secundam, nego: istud futurum est in se conditionatum, & cognoscitur ut tale; sed Deus scit certo futurum, quia scit conditionem esse ponendam; unde certitudo se tenent ex parte Dei cognoscentis, non ex parte rei cognitæ, quæ quidem in se non est absolute futura. Respectu vero Dei est absolute futura, non quidem ratione sui sed propter scientiam Dei, cui & futurum & conditio subduntur. Igitur est in hoc hallucinatio magna; non enim illud futurum debet dici in se absolute futurum, quia cognoscitur a Deo infallibiliter; siquidem Deus non accipit scientiam a rebus adeoque nec certitudinem, sed a se. Quamobrem nusquam dicendum est futurum conditionatum esse absolute futurum in se, licet verum sit dicere Deum illud certo cognoscere, quia certo cognoscit causam secundam liberam operaturam esse.

## SYNOPSIS PROBATIONUM.

*Dantur futura conditionata, & ea Deus certe cognoscit.*

*PRIMO* hanc veritatem docet ipse Christus, Matth. 11. Si in Tyro & Sidone factæ essent virtutes quæ factæ sunt in vobis, in cilicio & cinere, poenitentiam egissent.

*Secundo*, idem propugnant Augustinus, l. de don. pers. c. 9. & c. 14. explicans illud Sap. 10. Raptus est ne malitia mutaret intellectum ejus, ait, dictum est secundum pericula vite hujus. Subscribit D. Thomas hic q. 14. art. 3.

*Tertio*, quedam sunt futura sub quibusdam conditionibus, sed ea novit ab æterno Deus; alias aliquid novi adveniret ejus scientiæ, quum res sit in tempore; quod quidem impossibile est: ergo, &c.



## SYNOPSIS SOLUTIONUM

## AD OBJECTIONES.

**PRIMO**, tamen si Deus certo cognoscit eventus sub conditione futuros, non inde sequitur non dari futura conditionata; talia quippe sunt & denominantur per ordinem ad causam secundam, quæ sub conditione nonnumquam operatur.

**Secundo**, nec ideo præscientia Dei est in se aut vacillans, aut conjecturalis; nam Deus certo quidem cognoscit eventus futuros eo modo quo sunt futuri, videlicet sub conditione, nam & media & finem comprehendit; unde conditio, aliquam inducens aut suspensionem, aut dubietatem, se tenet ex parte causæ secundæ, quæ deficere potest. Igitur futura in se manent vere conditionata, & cognoscuntur a Deo qualia sunt.

**Tertio**, vacillatio aut incertitudo eventus reperitur quidem in scientia hominum, quippe qui non comprehendant effectus, nec impedimenta quibus eventus prædicti potest, vincere semper queant. Deus e contra & cuncta novit, & scit quid ipso aut facturus est non facturus est in creatura, & cum creatura: quid facturus, si apponatur conditio requisita; quid non facturus, si desit & denciat.

## ARTICULUS SECUNDUS.

*Utrum Deus cognoscat futura contingentia, maxime conditionata, in seipsis independentes a decretis, ut contendunt multi Doctores Parisienses.*

**ALTIQVANDO** potest cognosci dupliciter. Primo in se ipso, & in veritate sua objectiva: 2. prout continetur & repræsentatur in causâ superiori: primo modo, non cognoscit Deus futura, accipiendo scilicet scientiam a rebus, ut nos qui accipimus ab objectis, alijs ab eis denderet: igitur solum ea cognoscit in se ipso, & quidem perfectissime, & secundum omnes rationes: sed difficultas est inter Theologos, an Deus cognoscat futura independentes a decreto, seu in priori quam se determinet ad ea producenda? an ad hoc requiratur scientia media? Omnes Ca-

tholici conveniunt in dogmate, quod scilicet Deus cognoscat in se omnia futura conditionata, sed discrepant in explicatione. Doctores multi Academiæ Parisiensis, ut Isambertus & alii, tenent Deum cognoscere ea independentes a decreto, seu in priori rationis ad illud. Doctores Societatis Jesu, ad hoc admittunt scientiam mediam. Thomistæ vero decretum sine scientia media ad majorem fidei explicationem requirunt. Singulas Catholicorum opiniones referemus, & singulas probabimus, ut pro gustu varietate, unusquisque eligat quod sibi aut placeat, aut ardeat magis. Impresensiarum primam explicationem agredimur & movemus.

## CONCLUSIO.

Secundum Isambertum, & multos alios Doctores Academiæ Parisiensis percelebres, Deus cognoscit futura omnia contingentia etiam conditionata in se ipsis, id est, in eorum veritate objectiva, & quidem perfectissime independentes a decretis.

*Probatur auctoritate & ratione.*

*Primo, Ex Scriptura sacra.*

1. DANIEL 13. *Qui nosse omnia antequam fiant.*
2. ECCLESIASTICI 23. *Domino Deo, antequam crearentur, omnia sunt agnita.*
3. SAP. 8. *Signa & monstra scitis antequam fiant, & eventus temporum & seculorum.*
4. *Qui vocat ea quæ non sunt, tanquam ea quæ sunt.*

Arguitur ibi de futuris contingentibus, quæ possunt esse, & quorum multa sunt conditionata. Sed illa cognoscuntur a Deo antequam fiant; ergo & in se ipsis, & hoc independentes a decreto, da quo Scriptura nullam mentionem facit.

*Secundo, Ex Patribus, & sanctis Doctoribus.*

GREGORIUS NASS. Orat. de Inf. ait. „Est enim consentaneum ab illo, qui peræque futurum novit, ac præteritum, prohiberi parvuli progressionem ad perfectum ætatem, ne malum illud quod præsciens illa vis & facultas cognove-

„ vit in eo, qui victurus esset, ita per-  
 „ ficiatur: atque ei qui ea voluntate,  
 „ arbitrioque victurus fuisset, materia ne-  
 „ quitiae vita fiat. „  
 „ Chrysostomus l. 1. ad Stagirium, pag. 99.  
 „ Quid igitur, ait, cum antequam ad eam  
 „ pervenerint aetatem, in qua bona discer-  
 „ nere possint a malis, tanquam magna  
 „ scelera commiserint, aliqui puniuntur?  
 „ huic argumento contra Providentiam  
 „ respondet, multos illorum nosse Deum  
 „ malos aliqui futuros: atque ideo veluti  
 „ pedicis quibusdam, sic eos poenis coer-  
 „ cere. „

„ Augustinus l. 2. qq. ad Simplicianum q. 2.  
 „ „ Quid est enim praescientia, nisi scien-  
 „ tia futurorum? quid autem futurum est  
 „ Deo, qui omnia superaddidit tempo-  
 „ ra? si enim scientia Dei res ipsas ha-  
 „ bet, non sunt ei futurae, sed praesentes;  
 „ ac per hoc non jam praescientia, sed  
 „ tantum scientia dici potest. „

„ Anselmus, l. de concord. praescientiae Dei  
 „ cum libertate nostra, ait: „ Quoniam  
 „ quae tempore praeterita sunt, ad simi-  
 „ litudinem aeterni praesentis omnino im-  
 „ mutabilia sunt. In hoc quidem magis  
 „ similia sunt aeterno praesenti tempora-  
 „ liter praeterita, quam praesentia: quo-  
 „ niam quae ibi sunt, nunquam pos-  
 „ sunt non esse praesentia: „ Ansel-  
 „ mus loquitur de scientia vere speculati-  
 „ va, qua Deus praescit, ut ordinet me-  
 „ dia ad finem; igitur cognoscit futu-  
 „ ra contingentia ante decretum & inde-  
 „ penderet ab eis, quia praescit ante-  
 „ quam faciat, & quasi ut videat quid  
 „ faciendum. In eodem sensu loquitur  
 „ Chrys. Aug. & Gregorius recurrunt ad  
 „ praesentiam rerum in aeternitate, non ad  
 „ decretum, ut offendant Deum omnia co-  
 „ gnoscere: ergo, &c.

„ Divus Thomas hic q. 14. art. 6. docet  
 „ Deum cognoscere alia a se propria cog-  
 „ nitione, scilicet in seipsis, et cognoscere  
 „ secundum omnes rationes in sua essentia,  
 „ quatenus illam cognoscit infinite participa-  
 „ bilem, nihil dicendo de decretis; immo  
 „ ad hoc explicandum, etiam recurrit ad  
 „ praesentiam rerum & in Deo & in aeterni-  
 „ tate; igitur cognoscit Deus res in se ipsis  
 „ independentes a decretis.

„ Probatur antecedens: Divus Thomas  
 „ ibi sic loquitur, „ habere propriam cog-  
 „ nitionem de rebus, est cognoscere  
 „ res non solum in communi, sed se-  
 „ cundum quod sunt ab invicem distin-

„ ctas. Sic autem Deus cognoscit res. Un-  
 „ de dicitur Hebr. 4. quod pertingit us-  
 „ que ad divisionem spiritus & animarum,  
 „ compagum quoque & medullarum: &  
 „ discretor cogitationum & intentionum  
 „ cordis; & non est ulla creatura in-  
 „ visibilis in conspectu ejus. „ Infra in  
 „ Corp. „ Oportet igitur dicere, quod alia  
 „ a se cognoscat propria cognitione, non  
 „ solum secundum quod communicant in  
 „ ratione entis, sed secundum quod unum  
 „ ab alio distinguitur. . . . Cum essentia  
 „ Dei habeat in se quicquid perfectio-  
 „ nis habet essentia cujuscumque rei al-  
 „ terius; & adhuc amplius: Deus in se  
 „ ipse potest omnia propria cognitione  
 „ cognoscere. „ Ibi loquitur de cog-  
 „ nitione omnium rerum, & ideo dicit a  
 „ Deo cognosci, quia cuncta illi sunt praes-  
 „ entia, quia suam videt essentiam qua  
 „ omnium continet perfectiones: igitur ex  
 „ Div. Thom. Deus cognoscit futura con-  
 „ tingentia in se ipsis, & hoc independentes  
 „ a decreto, scilicet in essentia quam certe  
 „ in priori rationis ante decretum cognoscit,  
 „ adeoque & alia a se.

„ Idem ibidem probat art. 12. ex profes-  
 „ so Deum cognoscere futura contingentia,  
 „ quia sunt omnia Deo in aeternitate praes-  
 „ entia; unde recurrit S. Doctor ad praes-  
 „ entiam rerum in aeternitate, non ad de-  
 „ cretum, sic enim ait: „ Omnia quae  
 „ sunt in tempore, sunt ab aeterno Deo  
 „ praesentia; non solum ea ratione qua  
 „ habet rationes rerum apud se praesen-  
 „ tes, ut quidam dicunt: sed quia ejus  
 „ intuitus fertur ab aeterno supra omnia,  
 „ prout sunt in sua praesentialitate, un-  
 „ de manifestum est, quod contingentia  
 „ & insalubriter a Deo cognoscuntur,  
 „ in quantum subduntur divino conspe-  
 „ ctui secundum suam praesentialitatem,  
 „ & tamen sunt contingentia, suis cau-  
 „ sis proximis comprata: „ Quibus ver-  
 „ bis duo probat S. Thomas, primum qui-  
 „ dem Deum cognoscere futura contingen-  
 „ tia secundum se & insalubriter; alterum  
 „ vero ex cognoscere in aeternitate inde-  
 „ penderet a decreto: ergo, &c.

„ Nemesius Philosophus Christianus l. de  
 „ natura hominis, ubi providentiam Dei  
 „ contra impunitates defendit c. 44. idem  
 „ docet his verbis „ Nos enim futuro-  
 „ rum nihil sciens omnino, & in praes-  
 „ entia dimittat intuitus, perperam  
 „ evanta dissuademus: Deo vero etiam  
 „ futura perinde sunt ac praesentia. „

Ergo

Ergo Deus futura contingentia cognoscit perfectissime in se ipsis, quia omnia illi lunc in aeternitate praesentia.

Tertio, *Ex rationibus Theologicis.*

PRIMA: Deus omnia cognoscit in ideis, in quantum cognoscit essentiam suam a creaturis participabilem: sed ideae concipiuntur in Deo ante decretum & voluntatis determinationem; in illo enim priori essentia infinitis modis concipitur participabilis: sed ideae repraesentant res omnes, & veritatem cujuslibet objectivam; siquidem sunt causae rerum exemplares, ad quas respiciens superius Artifex operatur; igitur Deus & cognoscit res in se ipsis & ante decretum, adeoque independentem a decreto. Ita docet D. Thom. hic q. 15. art. 1. & 2.

Secunda: licet non sit in Deo, successio tum actuum, tum perfectionum, attamen multa distinguimus in eo, eo quod ipsius perfectio & actus aequivalet omnibus perfectionibus & actibus creatis, qui de facto inter se distinguuntur: sed Deus in priori quam se determinet ad aliquid faciendum, cognoscit omnia creanda & creabilia, cum suam comprehendat essentiam, & comprehendendo videat quibus modis participabitur a creaturis: igitur Deus cognoscit res in se ipsis & secundum omnes rationes, quae continentur in sua essentia ut in principio a quo debent fluere. Ista ratio, traditur a Div. Thom. hic qu. 14. artic. 11. "Essentia autem divina, per quam intellectus divinus intelligit, est similitudo sufficientis omnium, quae sunt, vel esse possunt, non solum quantum ad principia communia, sed etiam quantum ad principia propria uniuscujusque, ut ostensum est. Unde sequitur quod scientia Dei se extendat ad infinita, etiam secundum quod sunt ab invicem distincta."

Tertia: scientia Dei est speculativa: sed ejus officium & munus est intueri & cognoscere objecta; ad omnipotentiam vero & voluntatem spectat ea facere: igitur Deus cognoscit res independentem a decreto; maxime, quia suam videt essentiam, in qua cuncta repraesentantur. Probat per antecedens ex D. Thom. qui hic qu. 14. art. 16. querens utrum Deus habeat scientiam de rebus speculativis, sic respondet in argumento, sed contra. Om-

ne quod est nobilius, Deo est attribuendum, sed scientia speculativa est nobilior quam practica, ut patet per Philosophum in principio Metaphysic. ergo Deus habet de rebus scientiam speculativam.

Quarta: Cognitio rerum apud Deum pertinet ad intellectum: sed decretum est actus voluntatis; igitur decretum non est ratio formalis cognoscendi res apud Deum.

Quinta: praesentia Dei humanae nullo modo adversatur libertati: sed si fundaretur in decreto praedestinante, liberum vix salvaretur arbitrium; enimvero decretum praedestinans est antecedens & inmutabile, unde illo semel posito, necessario sequitur effectus. Alias propositum Dei falli posset, quod summum foret inconveniens. Haec ratio est S. Chrysostom. qui Hom. 17. in Joan. ait: Non praevent nostras voluntates; ne perdat nostrum liberum arbitrium.

Sexta: si Deus cognosceret futura conditionata libera in decreto, videtur quod esset auctor peccati; tum quia cognosceret peccatum futurum in tali decreto; tum quia scientia ipsius esset causa rerum quas ipse intuetur, adeoque & peccati, sed hoc non potest dici; igitur Deus non cognoscit futura contingencia in decreto, sed in seipsis, & in eorum veritate objectiva.

Quarto, *Ex rationibus Philosophicis.*

PRIMA est. Deus cognoscit essentias rerum ut sunt, v. g. hominem esse animal rationale: sed essentiae rerum ex natura sua sunt immutabiles & aeternae veritatis, idest, verum est ab aeterno dicere homo est animal rationale independentem a decreto; alias si subderetur illi, posset mutari; & sic propositio non foret aeternae veritatis: igitur Deus cognoscit res in seipsis per ideas independentem a decreto.

Secunda: e duabus propositionibus de futuro contingenti, ut Petrus disputabit, Petrus non disputabit; una est determinate vera ex se, altera determinate falsa. 1. Quia una est conformis objecto; 2. quia verum est dicere quod aliquando erit; 3. quia decretum non potest illam mutare; alias, ista propositio: Petrus disputabit; ante decretum esset falsa, si non vera, manet igitur unam a se determinate veram, alte-

alteram vero determinate falsam; 4. quia veritas & falsitas sunt proprietates propositionis, & illi necessario conveniunt: 5. quia in propositionibus disjunctivis, una est determinate vera, altera determinate falsa: igitur & in aliis: 6. denique quia neutra potest esse vera: igitur una est determinate vera, altera determinate falsa. Sed Deus cognoscit res ut sunt: ergo cum sint veræ ante decretum, eas cognoscit independentem a decreto.

*Tertia*: si Deus futura contingentia cognosceret dependenter a decreto, nullum foret discrimen inter ejusmodi futura, & alia quæ dicuntur necessaria: illa liquidem infallibiliter & necessario sicut ista evenirent: sed latum est inter ea discrimen: igitur dicendum est Deum cognoscere futura contingentia independentem a decreto. Tum quia voluntas de opere patrandi supponit opus in idea formatum & præconceptum, quandoquidem idea est exemplar, ad quod respiciens artifex operatur; sin minus, cæco ageret modo, inquit Div. Thomas, hic q. 15. art. 1. Igitur prius est rem cognosci & esse in idea, quam agens eam velle facere, maxime vero cum in sententia opposita decretum dei rei existentiam.

#### Respondetur ad objectiones.

**OBJECIES I.** Ephes. 1. habetur *operatur omnia secundum consilium voluntatis suæ*, scilicet Deus. Unde sic arguitur Deus cognoscit res eo modo quo illas facit, sed illas producit secundum consilium suæ voluntatis; igitur illas cognoscit semper in decreto.

*Respondetur* distinguendo: Deus cognoscit res eo modo quo illas facit directive, concedo: quo illas facit relictive & a parte rei, subdistinguo; illas cognoscit in æternitate, concedo: dependenter a decreto, ita ut illud sit causa a priori & cognitionis & scientiæ rerum, nego: voluntas, utpote cæca, non est ratio & medium scientiæ, sed intellectus, unde ad summam se habet concomitantem ad scientiam.

Ut igitur omnis tollatur æquivocatio, duo sunt distinguenda; videlicet cognitio rei antequam fiat, & cognitio rei factæ, seu ideæ rei faciendæ & executio. Primum est tantum opus intellectus,

cujus est cognoscere & contemplari rerum essentias tum in ideis, tum in æternitate, in quo duplici medio res tam possibiles quam futuræ repræsentantur, & hæc cognitio est scientia, sed more speculativa, ut dicit D. Thom. hic q. 14. art. 16. Secundum vero, scilicet executio, est opus voluntatis omnipotentis, cui omnia obediunt. Cuncta igitur cognoscit Deus, sed in ideis & in æternitate ubi repræsentantur, ita ut decretum se habeat solum ut quid concomitans, nusquam vero ut causa cognitionis, cum medium notitiæ sit & idea, quæ est forma in qua veritatem objectivam repræsentatam intuetur intellectus, & æternitas, quæ omnia completitur tempora.

*Opponer* 2. Div. Thom. hic q. 14. dicit Deum cognoscere res non solum in ideis & in æternitate, verum etiam in virtute earum productiva: sed illa virtus est decretum: Igitur Deus cuncta futura cognoscit in decreto.

*Respondetur* 1. D. Thomam non dicere Deum cognoscere res solum in decreto, immo in locis supra laudatis, asserit Deum & in ideis & in æternitate eas clare perspicere.

*Respondetur* 2. distinguendo: dicit Deum cognoscere res in decretis, ut ipsa decreta repræsentantur in æternitate, concedo: cognoscere ut in causis prædeterminantibus & prædeterminantibus, nego. Deus comprehendit quidquid est in sua essentia; videt, inquit Suarez, hic, quasi decretum futurum, quia juxta Patres scit Deus, quicquid facturus est; igitur videt res in veritate objectiva independentem a decreto, saltem ut a causa cognitionis.

*Instabis*: D. Thom. q. 6. de Verit. art. 3. ad decimum, docet nihil esse Deo futurum, sic enim loquitur: *Actus prædeterminationis commensuratur æternitati, nunquam cadit in præteritum, sicut nunquam est futurum, sed semper consideratur ut egrediens a voluntate per modum libertatis*. Ergo decretum non potest concipi ut futurum.

*Respondetur* 1. non dari ideam de Deo, quia idea est aliud a cognoscente, inquit Div. Thom. hic q. 15. sed Deus semetipsum immediate cognoscit, creaturas vero in medio prius cognito, videlicet in ideis, in æternitate, in virtute suæ omnipotentis. Quid plura? cum liberum sit Deo creare vel non creare, manifestum est

est decretum connotare creaturas producendas; quinimo ipsum decretum representantur, tum in ideis, tum in æternitate, non implicat; quandoquidem hoc est potius creaturas quam Deum representare.

*Respondeo* 2. distinguendo: nihil est futurum in Deo absolute, concedo: relative; subdistinguo: futurum mere divinum, concedo: divinum connotans creaturas, iterum subdistinguo: nihil est futurum realiter & in tempore, concedo: virtualiter, & posterioritate a quo, nego: quædam sunt absoluta in Deo, ut attributa: quædam relativa, ut personæ: quædam relativa ad creaturas, ut decreta libera. Quæ sunt simpliciter absoluta, neque sunt futura, neque ut veluti futura concipiuntur, quippe quæ sint ipse Deus. Eadem prorsus ratione personæ divinæ nusquam dicuntur futuræ, verum potius intelliguntur ut semper agentes, & quædam ut egredientes, at vero absolutum relativum ad creaturas, quale est decretum liberum de earum productione, potest concipi quodammodo ut futurum; in quantum prius est & Deum esse, & se ipsum intelligere, quam formare decretum de condendis creaturis, quandoquidem creaturæ non habent necessariam cum Deo connexionem; nec mirum, potuerunt enim esse, & non esse.

*Obijciat* 3. Hilarius l. 9. de Trin. sic loquitur: *Que Deus facere decrevit, in sua voluntate cognovit*: ergo Deus cognoscit futura conditionata solum in decretis, seu in determinatione suæ voluntatis.

*Respondeo* distinguendo: Deus cognoscit quæ facere vult in sua voluntate, quoad executionem & existentiam a parte rei, concedo: quoad veritatem objectivam, nego. Siquidem hoc pertinet ad ideis: Duo igitur cognoscit Deus in futuro, nempe veritatem objectivam, deinde executionem; veritatem scilicet, deinde creaturam ponendam a parte rei & in tempore tali. Primum antecedenter ad decretum cognoscit, secundum vero in decreto, in quantum voluntas vult rem fieri in tali tempore; & ideo recte dicitur Deus scire quid facturus est.

*Respondeo* 2. iterum distinguendo: Deus cognoscit in suo decreto ut representato in æternitate quæ mensurat omnia, & mensurando continet, concedo: in decreto prævio & prædestinante, nego.

Certum est res non a seipsis, sed a Deo habere esse; atque unum maxime annotare juvat, Deum, tum in ideis, tum in æternitate præscire quid creatura, agendo & se determinando ad opus, libere factura est; vult enim & sic statuit eam libere agere, nec inde sequitur creaturam esse sui actus causam primam, cum ad operandum & mediate, virtute scilicet a creatore accepta, & per concursum ejus simultaneum adjuncta, sese applicet ad opus.

*Respondeo* 3. rursus distinguendo, sed aliter: Deus in sua voluntate concomitante & applicante intellectum ad objecti contemplationem futura cognoscit, concedo: in voluntate prævia & prædeterminante, nego: hæc igitur actuum humanorum a Deo præscitorum æconomia est: voluntas applicat intellectum divinum ad creaturas; cum enim non habeant necessariam cum Deo connexionem, nisi voluntas divina accedat, nullæ futuræ sunt: hinc D. Thom. hic q. 14. ait, scientiam Dei de futuris contingentibus habere voluntatem adjunctam: igitur voluntas se habet ut concomitans & concurrentis, applicando potentiam intellectivam ad futura libera consideranda, minime vero ut causa prævia & prædeterminans.

*Obijciat* 4. si non datur decretum prædeterminans, sequitur Deum non esse primam actus liberi causam: & probatur: creatura seipsam determinabit; ergo, &c.

*Respondeo* negando sequelam, ad probationem distingo, se ipsam determinabit creatura, per virtutem acceptam a Deo & per concursum immediatum Dei illam adjuvantem, concedo; se determinabit independentem a concursu, nego: datur concursus Dei medius, datur & immediatus; medius in quantum consistit virtutem creaturæ ut ex se agat, juxta illud Lucæ 20. *Videte ficulneam & omnes arbores, cum jam ex se producant fructum*; immediatus, quia Deus producit effectum cum causa secunda; utrumque concursum explicat Concilium Arausicum, canone nono, his verbis: *quoties bona agimus, Deus in nobis atque nobiscum, ut operemur, operatur*. Agit in nobis, ecce concursus medius; agit nobiscum, ecce immediatus: in ordine quidem naturali agit in nobis per virtutem innatam, in ordine vero supernaturali per gratiam.

*Inflabis*: quod est in potentia, debet reduci ad actum per id quod est semper in actu: sed illa virtus meditata innata, est etiam in potentia; igitur, requiritur concursus prævius illam applicans ad actum. Confirmatur; concursus immediatus non sufficit, quia est quid extrinsecum, & se tenet solummodo ex parte effectus. Hæc omnia probant decreta prædeterminantia, in quibus Deus futura cognoscit contingentia.

*Respondeo* distinguendo majorem: quod est in potentia debet reduci ad actum per id quod est semper in actu, per concursum simultaneum, concedo: per concursum prævium, subdistinguo, si causa secunda non sit libera, concedo: si sit, nego: causæ necessariæ & naturales, ut sol, ignis, & similes applicantur ad actum per concursum prævium, unde causa prima eas necessario applicat ad actum; sed non ita est de homine; nam cum sit ex innata virtute liber, se ipsum applicat ad actum, siquidem relictus est in manu consilii sui: adjuvatur autem per concursum simultaneum, & per prænotiones morales, idest per objectum quod prius movet & excitat potentiam: sic, inquit Aug. Tract. in Joan. *ostendit nunc pueri & attrahit illum ad te*: Igitur creatura movetur moraliter per objectum, physice vero per concursum simultaneum, qui reilit illam adjuvat, & sic excitata & adjuva profilit ex innata virtute ad actum.

*Obijciat* 5. August. lib. 26. contra Faustum, cap. 4. sic loquitur: *concedo fieri posse, sed utrum nescio, & ideo nescio, quia quid habeat de hac re voluntas Dei me latet: illud me tamen non latet sine dubio futurum, si hoc Dei voluntas habet*. Per hæc verba laudatus Doctor totam futuritionem repetit a decreto; ergo Deus cognoscit res solum in decreto prædeterminante.

*Respondeo* distinguendo: August. totam futuritionem a decreto repetit, ut res in tempore producantur, concedo; ut cognoscatur, subdistinguo; ab homine, concedo, a Deo, nego. Augustinus loquitur de cognitione rerum respectu nostri; nos autem ignoramus futura libera utpote abscondita, hinc & cognoscimus res solum quando sunt & sunt; quia vero nihil sit nisi Deus velit, ideo dicit August. *si Deus aliquid decrevit, futurum profecto est, & aliquando erit*: sed non loquitur de cognitione quam habet Deus ab æterno de re-

bus antequam fiant, & consequenter antequam existant; eis igitur ab æterno cognoscit solum per ideas, & suam comprehendendo essentiam.

*Oppones* 6. Decretum Dei de rebus producendis, est æternum & causa rerum; sed Deus ex D. Thom. hic q. 14. art. 3. in sua virtute, quæ est causa rerum & principium, futura cognoscit: igitur in decreto.

*Respondeo* distinguendo: decretum est æternum & subsequitur ad cognitionem rerum, concedo: & non subsequitur, sed est determinans, nego: prius est Deum esse, quam decernere creaturas, cum sint quid liberum & contingens, non habens necessariam cum Deo connexionem. Videt autem Deus, inquit Div. Thom. hic q. 14. art. 3. & 4. in sua essentia omnia quæ facturus est. Deinde videt decretum quasi futurum, videt in illo futurum contingens, videt in æternitate quæ ipsum representat decretum: denique decretum utpote potentia executiva magis respicit productionem rei, quam cognitionem ejus objectivam.

*Inflabis*: D. Thom. hic q. 16. art. 7. ad 3. ait: "Illud quod nunc est, ex eo fuit futurum antequam esset; quia in causa sua erat ut fieret." Unde sic arguitur; futurum est solum futurum per decretum: ergo cognoscitur solum in eo.

*Respondeo* 1. Div. Thom. hic q. 14. art. 6. dicere Deum cognoscere alia a se secundum omnes rationes, quia continet omnium rerum perfectiones. "Cum Deus in se, inquit, omnes contineat perfectiones, comparatur Dei essentia ad omnes rerum essentias, non sicut cernit ad propria, ut unitas ad numerum, vel centrum ad lineas, sed sicut actus perfectus ad imperfectos. . . sic igitur, cum essentia Dei habeat in se, quicquid perfectionis habet essentia cuiuscunque rei alterius, & adhuc amplius cognoscit omnes res propria cognitione secundum quod ab aliis distinguuntur." & art. 11. "Cum enim sciat alia a se per essentiam suam, in quantum est similitudo rerum, vel ut principium activum eorum: necesse est quod essentia sua sit principium sufficientis cognoscendi omnia." Igitur in dependenter a decreto de quo nullum hic facit mentionem Divus Thomas. Et vero si ad hoc requireretur decretum, profecto essentia divina non foret suffi-

cientia

ciens rerum principium, quod est a mente Angelici Doctoris alienum. Cæterum cognoscere aliquam rem, est cognoscere ejus naturam: porro quælibet creatura essentiam habet & naturam a prima & suprema essentia, quatenus illam tali vel tali modo participat. Et cerce, cognitio non terminatur ad existentiam nisi in concreto, & ut dicit totum ens in se completum: existentia enim in se & in abstracto spectata est terminus cognitionis tantummodo secundarius, siquidem est solum substantiæ modus, & veluti conditio, sine qua non foret a parte rei.

*Respondeo* 2. distinguendo: res non est futura nisi per decretum, tanquam per conditionem sine qua non poneretur a parte rei, concedo: tanquam ratio a priori cognitionis, nego. Decretum est conditio ad existentiam, sed essentia rei sumitur a cognitione essentia divina, cujus est emanatio, unde sola essentia est causa rerum. Quando vero Div. Thom. dicit res cognosci in virtute sua, ut in causa, virtutem essentia divina, non decreti intelligit: nam hic qu. 14. art. 4. asserit Deum cognoscere alia a se, quia cognoscit suum esse & virtutem sui esse: art. 5. addit cognoscere singula propria cognitione, quia ipsius essentia continet omnium perfectiones.

*Respondeo* 3. D. Thomam in loco adducto ubi de causa rerum loquitur, intelligere essentiam, cui per se competit aternitas; quia vero essentia divina est æterna & rerum æternum principium, ideo res sunt futuræ solum per ipsam, quia habent naturam a parte rei solummodo per illam. Ad tertium, inquit, dicendum, quod illud quod nunc est, ex eo futurum fuit, antequam esset, quia in causa sua erat, ut fieret: unde sublata causa, non esset futurum illud fieri. Sola autem causa prima est æterna, unde ex hoc non sequitur quod ea quæ sunt, semper fuerint, iterum ea esse futura, nisi quatenus in causa sempiterna fuit, ut essent futura; quæ quidem causa solus est Deus. Denique qu. 14. art. 13. ubi agit ex professo de cognitione futurorum contingentium, recurrit ad æternitatem, ut probet ea cognosci a Deo. Igitur decretum non est causa cognitionis rerum, sed solummodo causa productionis in tempore, quia productio terminatur per se primo ad existentiam, cognitio vero ad essentiam & naturam rei.

*Obijciat* 7. ante decretum nihil est futurum, sed omnia sunt ære possibili, ergo Deus cognoscit futura contingentia solum in decreto prævio & prædefiniante. Probat antecedens: ante decretum nulla causa est determinata ad producendum effectum: non prima, quia nondum est voluntatis Dei determinatio: non secunda, quia movetur & determinatur a prima, quæ concipitur ante decretum indifferens: ergo, &c.

*Respondeo* distinguendo: ante decretum connotatum, nihil est futurum, concedo: ante decretum factum, subdistinguo; nihil est futurum in actu secundo, & quoad existentiam, concedo: quoad essentiam, nego. Futurum contingens, verbi gratia, Petrus Dominum in cruce confitebitur, potest considerari dupliciter: 1. Secundum essentiam & ut confessio Christi est: 2. Secundum existentiam quatenus confessio erit tali tempore; iste pietatis actus est futurus per essentiam divinam ut decretum connotat, quia decretum est virtus emanans ab essentia divina, quatenus est participabilis secundum suam sanctitatem: existentia vero actus producendi est per decretum simul & determinationem creaturæ, quæ, ut diximus, adjuva per consensum Dei simultaneum, seipsam determinat ad actum elicendum. Igitur essentia divina ut connotans voluntatis divina decretum, continet in se futura contingentia, eaque educit e statu mere possibilitatis: essentia vero considerata secundum se & sine ordine ad voluntatis determinationem possible continet, quæ in ea cognoscuntur: spectata igitur cum decreto, repræsentat existentiam actualem, quæ in æternitate sua relucet: & sic Deus videt futurum contingens in essentia sua ut connotat decretum: videt secundum existentiam in essentia conjuncta cum decreto, sed non in decreto prædeterminante: videt iterum in æternitate quæ tempus in quo futurum erit, complectitur.

*Instabis*: e duabus propositionibus de futuro contingenti, nulla est determinate vera aut falsa: & probatur: nullæ causæ concipiuntur determinatæ ante decretum: ergo &c.

*Respondeo* distinguendo: nulla est determinate vera aut falsa quoad existentiam & in concreto: id est nulla est a parte rei, concedo: quia causa secunda nondum agit; quoad essentiam, subdistinguo: respective ad

ad causam secundam, utpote quæ concipitur tunc indifferentes, concedo: quoad se & causam primam, nego. Essentia sunt æternæ veritatis & immutabiles: essentia istius, verbi gratia, futuri, Petrus Christum confitebitur in cruce: Petrus non confitebitur; una erit & eveniet. Veritas autem affirmativa cognoscitur a Deo in sua essentia modo supra explicato: scit enim ab æterno Deus quid homo libere agens faciet in tempore.

Solvitur difficile argumentum.

**OBJICIENS:** scientia Dei est causa rerum, juxta illud Psal. *Qui fecit celos in intellectu*: Igitur alia a se cognoscit Deus in voluntate, cui omnia obediunt, & sine qua scientia sterilis foret: ergo cognoscit in decreto prævio omnia futura contingentia.

**Respondet 1.** istud argumentum & alia ejusmodi probare solummodo decretum connotari, illudque se habere ut concomitans & applicans intellectum ad cognitionem & productionem rerum, minime vero ut prævium, ita ut independentem a creaturis liberis, aliquid sit futurum: immo connotat creaturas quæ debent agere; igitur non prævenit hominum voluntates, ne lædatur liberum arbitrium.

**Respondet 2.** distinguendo, scientia Dei est causa rerum directiva, concedo: effectiva, subdistinguo: ut connotat decretum & causas secundas, concedo: secus, nego. Ipse D. Th. tam sæpe laudatus, dicit essentiam solam esse principium effectivum rerum, & hoc per ideas, in quantum est participabilis a creaturis. Immo scientia divina supponit objectum, & ex eodem S. Doctore est speculativa; prius est igitur concipere res in virtute divina, scilicet in ipsius essentia contentas, quam Deum illas cognoscere. Est igitur scientia causa rerum directiva per ideas, quia ad eas aspiciens Deus, seu ad suam essentiam, operatur, effectiva vero & reductiva, ut connotat determinationem voluntatis seu decretum, quia sic conjuncta cum decreto, non est præcisè speculativa & scientia, sed principium & causa productiva ad extra.

**Urgebis:** Dion. de divinis nom. dicit expresse scientiam Dei esse causam rerum, & Maximus ipsius interpret in scholiis ad c. 5. de divinis nom. Dion. ait: *Ipsa enim ejus, scilicet Dei, ratio, rerum quæ sunt est*

productio. Ergo scientia Dei est causa rerum non solum directiva, sed & productiva.

**Respondet** distinguendo: est productiva directiva, concedo: per se, nego. Ex D. Thom. q. 15. hic art. 1. & 2. Scientia Dei est causa rerum per ideas quæ dirigunt, quia ad eas ut ad exemplaria respiciens Deus, agit; realiter vero, ponendo res a parte rei solum ut connotat voluntatis determinationem. Ita D. Thom. hic q. 14. art. 8. his verbis: "Forma intelligibilis, inquit, non nominat actionis principium secundum quod est tantum in intellectu, nisi adjungatur ei inclinatio ad effectum, quæ est per voluntatem. Cum enim forma intelligibilis ad opposita se habeat, cum sit eadem scientia oppositorum, non produceret determinatum effectum, nisi per appetitum determinatum ad unum, ut dicitur 9. Metaphysic. manifestum autem est quod Deus per intellectum suum causet res, cum suum esse sit suum intelligere: unde necesse est quod sua essentia sit causa rerum secundum quod habet voluntatem conjunctam."

**Instabis:** locus iste D. Thomæ, probat clare nihil esse futurum nisi per decretum: ergo Deus cognoscit res solum in decreto.

**Respondet** distinguendo consequens: cognoscit Deus futura contingentia in decreto comite, concedo: in decreto prædefiniendo, nego. Vel aliter distinguo: in decreto quod concipit quasi futurum & quod scientia connotat, concedo: in decreto ut in causa formali, nego: namque causa formaliter effectiva rerum, est essentia divina participabilis, & cui aliquantulum assimilantur creaturæ producendæ: quæ quidem non dicuntur similes decreto, sed similes Deo & ipsius essentia secundum quid, & in linea in qua participant ejus perfectiones.

**Iterum instabis:** Gregorius I. 2. moral. c. 23. ait: *Quæ sunt ab æternitate ejus, ideo videntur, quia sunt, sed ideo sunt, quia videntur*: igitur scientia Dei est causa rerum per decretum prævium; & probatur: non sunt ante decretum & scientiam, sed per decretum & scientiam, quandoquidem sunt, quia noscuntur; ergo, &c.

**Respondet** distinguendo: decretum præcedit existentiam rerum in tempore, concedo: prius est enim causam esse quam rem productam; præcedit veritatem rei objectivam, nego. Veritas enim illa est ipsa essentia divina tali vel tali modo participabi-



bilis. Solutio colligitur ex Origene, qui in c. 8. Epist. ad Rom. sic loquitur: *Non propterea aliquid eris, quia id scit Deus futurum, sed quia futurum est, scitur a Deo antequam fiat*. Cæterum dictum Gregorii probat solummodo essentiam Dei esse causam rerum, & dicimus cum Div. Thom. hic q. 15. ideas esse causas rerum, quia ad diversos modos, quibus essentia divina est participabilis, respiciens Deus, operatur; unde recte inferitur ideo res esse, quia novit Dominus, idest, quia novit in essentia & idea, vel quia novit essentiam suam esse hoc modo participabilem. Igitur non requiritur decretum prædeterminans, item probe dicitur, ideo res esse quia novit Deus, & non e contra, ut intelligamus Deum non accipere scientiam a rebus sicut & nos: nam nos supponimus, verbi gratia, solem de quo multa demonstramus, sed Deus nihil supponit, quia est causa rerum omnium de quibus habet scientiam; Igitur res sunt quia Deus eo sensu eas novit.

### SYNOPSIS PROBATIONUM.

*Deus cognoscit futura conditionata in sua essentia ante decretum.*

**PRIMO**, quia Scriptura sacra Danielis 13. de Deo loquens, ait: *Tu nosti omnia antequam fiant*: unde eadem Scriptura, quotiescumque sermonem facit de cognitione rerum apud Deum, nusquam meminit decreti; nec mirum, operationem respicit, & rei alicujus executionem, sed non cognitionem.

**Secundo**, quotiescumque Patres loquuntur de præscientia Dei, recurrunt semper & ad ideas & ad æternitatem: igitur Deus cognoscit futura independentem a decreto.

**Tertio**, cognitio pertinet ad intellectum: sed decretum est voluntatis actus: igitur actio formalis res cognoscendi apud Deum non est decretum.

### SYNOPSIS SOLUTIONUM

#### AD ARGUMENTA IN CONTRARIUM.

**PRIMO**, verum est Deum omnia operari secundum consilium voluntatis suæ, nec quidquam esse futurum nisi velit, sed ex hoc sequitur solum decretum se habere concomitanter, seu connotari pro cogni-

tione rerum apud Deum, sed non formaliter se habere, enimvero cognitio est actus intellectus, non voluntatis.

**Secundo**, verum est utique nihil esse futurum in concreto independentem a decreto, hoc est, nihil habere existentiam a parte rei absque voluntatis divinæ beneplacito; æst potest esse futurum objective antecederet ad decretum, tum quia nihil verat ipsum decretum in priori præscientiæ futuri conditionati concipi quasi futurum.

**Tertio**, non inde sequitur creaturam esse ad aliquid independentem a Deo determinatam; quandoquidem nulla causa potest ad effectum aliquem producendum sese determinare nisi per concursum Dei mediatum, immo & per immediatum simultaneum, unde jus primæ causæ per omnia servatur.

**Quarto**, Nec obest scientiam esse causam rerum, hoc quippe intelligendum est directive, nusquam vero efficienter.

### ARTICULUS TERTIUS.

*Utrum Deus cognoscat futura contingentia conditionata per scientiam mediam.*

### CONCLUSIO.

Deus cognoscit futura conditionata libera per scientiam mediam secundum Theologos Societatis Jesu, & de facto datur juxta illorum sententiam talis scientia.

*Probatur auctoritate & ratione.*

**PRIMO**, ex Scriptura sacra.

1. **MATTH. 11.** *Væ tibi, Corozain, inquit Christus, væ tibi, Bethsaida, quia si in Tyro & Sidone factæ essent virtutes, quæ factæ sunt in vobis, olim in cilicio & cinere poenitentiam egissent.*

2. **Ibidem.** *Et tu, Capharnaum, nunquid usque in caelum exaltaberis? usque in infernum descendes. Quia si in Sodomis factæ fuissent virtutes quæ factæ sunt in te, forte mansissent usque in hanc diem.*

3. **Rom.** *Quos præcivit, hos & prædestinavit conformes fieri imaginis filii sui. Datur igitur in Deo præscientia, & quidem futurorum conditionatorum; de his enim*

enim sit mentio in duobus primis locis, & etiam in tertio; præcivit quippe electos bene acturos, si ponerentur in tali vel tali bona circumstantia, & propter hoc elegit eos ad gloriam; sed hæc præscientia est scientia mediæ inter scientiam visionis & scientiam simplicis intelligentiæ; est enim de conditionatis futuris, quæ sunt mediæ inter possibilia & absolute futura. Igitur Deus cognoscit futura conditionata libera per scientiam mediæ.

Secundo, *Ex sanctis Patribus.*

AUGUSTINUS l. 1. ad Simplicia. q. 2. sic loquitur: „Verum est ergo, multi vocati, pauci electi. Illi enim electi, qui congruenter vocati: illi autem, qui non congruebant, neque contempebantur vocationi, non electi, quia non secuti, quamvis vocati. Item verum est, non volentis neque currentis, sed miserentis est Dei: quia etiam multos vocet, eorum tamen miseretur, quos ita vocat, quomodo eis vocari aptum est, ut sequantur. “ l. de qq. Pagan. q. 2. quærentibus Paganis cur Christus tam tarde venerit? huic quæstioni respondet: „Tunc Christum voluisse hominibus apparere, quando & ubi sciebat esse qui in eum fuerant credituri.

RURSIUS l. 22. n. 2. de civ. Dei cap. 1. ait, „Qui cum præciviret Angelos quosdam per elationem, qua ipsi sibi ad beatam vitam sufficere vellent, & tanti boni desertores futuros, non eis hanc ademit potestatem, potius & melius eis se iudicans, etiam de malis bene facere quam mala esse non finire. „ Ecce scientia mediæ verbis clavis delineata; namque prævidens Deus Angelorum lapsum, ne eorum lædatur arbitrium, finit ad nutum illos agere: qui quidem Aug. sententiæ liquet, quantum libertati creatæ conservandæ, amica sit & conveniens ejusmodi scientia.

Ad eandem recurrit scientiam S. Doctor l. de corr. & gr. cap. 8. cum ait, Deum quosdam e vita rapere, eo quod prævideat, ne si diutius viverent, malitia immutati & perversi, reprobi evaderent. Simili innixus principio. l. de dono pers. c. 14. n. 33. loquitur de Tyriis & Sidoniis quos non ita obduratos commemorat, ut credere renuissent. Ex quo, inquit, apparet habere quosdam in ipso ingenio,

divinum naturaliter munus intelligentiæ, quo moveantur ad fidem; si congrua suis mentibus vel audiant verba, vel vel signa accipiant. „ His & similibus lententis totum gratiæ prædestinationis negotium per scientiam, qua cuncti prævidentur & præparantur mediæ, explanat B. Augustinus; ita ut nihil ultra, ipso testis, importet prædestinatio.

Sic futur. lib. de dono Pers. cap. 14. num. 33. „An quisquam dicere audebit, Deum, non præcivisse quibus esset daturus ut crederent, aut quos daturus esset Filio suo, ut ex eis non perderet quoniam? quæ utique si præcivisset, profecto beneficia sua, quibus non dignatur liberare, præcivisset. Hæc est prædestinatio sanctorum, nihil aliud. Præscientia scilicet, & præparatio beneficiorum Dei quibus certissime liberantur, quicquidem liberantur. Iterum ibidem c. 17. n. 41. „Ista igitur sua dona quibus cumque Deus donat; procul dubio se donaturum esse præcivisset, & in sua præscientia præparavit. „ Igitur præscientia cognoscens Deus quid homo acturus sit in tali vel tali circumstantia, præparat ei gratiæ auxilia quibus certissime liberantur, namque providentia in sui dispositione non fallitur: prævidet consensurum Petrum gratiæ, decernit in tempore illo congruo open dare, & sic gratia per scientiam mediæ præparata, suum infallibiliter consequitur effectum.

Quid plura? vocari secundum propositum ad sanctitatem & gloriam, est vocari per scientiam mediæ in mente Augustini, qui lib. de Corrupt. & Gr. c. 7. num. 23. explicans ista Apost. Rom. 8. 28. verba: Diligentibus Deum omnia cooperantur in bonum, his qui secundum propositum vocati sunt: ait: „ostendens autem quid sit secundum propositum vocari, mox addidit ea quæ jam supra posui: quoniam quos ante præcivisset, & prædestinavit conformes fieri imagini filii ejus... illa omnia jam facta sunt; præcivisset, prædestinavit, vocavit, iustificavit, glorificavit.

Damasceus, l. 2. de Fide c. ult. idem prorsus dicit: „Illud quidem scire Inter est, Deum quidem omnia præcivisse, sed non omnia præfinire: præcivisset enim ea quæ in nostra potestate & arbitrio sita sunt: at non ea præfinire; neque enim vitium admitti vult, nec rursus vim virtuti asserit.

Bernardus serm. 54. in Cant. sic ait: „  
 11 „Deus

„Deus interdum subtrahit gratiam, non pro superbia quæ jam sit, sed quæ futura esset, nisi gratia subtraheretur. Patres passim dicunt Deum nostras non prævenire voluntates, ne lædatur liberum arbitrium, sed cum prævidet nos bene acturos, tunc adjuvare. Damascenus docet expresse Deum omnia præscire, sed non omnia præfinire & prædeterminare, ne, inquit, vitium admitti sinat, & vim inferat virtuti, quam libere exercere debemus. Bernardus vero vult Deum omnia præscire antequam fiant: ergo ex illis Patribus datur scientia media, qua Deus speculatur quid creatura futura sit in quibusdam temporis circumstantiis. an gratiæ resistat & peccet; an consentiat inspirationi & beneficiat. Et sic per scientiam mediam videt Deus futura conditionata libera, sive pro bono, sive pro malo; quod quidem maxime aridet libertati, in quantum Deus neminem aut eligat aut reprobet, nisi prius lustrando quid voluntas humana posita in quibusdam circumstantiis, pro innata libertate & innato jure, eligere debeat, juxta illud Eccli. 15. 17. *Apposuit tibi aquam & ignem, ad quod volueris, porrigere manum tuam.*

Div. Thomas qu. 6. de veritate art. 3. collimare videtur; ait enim præscientiam in Deo non importare semper rationem causæ, respectu illorum de quibus est; asserit Deum omnia præscire, sed non omnia prædestinare. Rursus 2. 2. qu. 17. art. 1. & qu. 12. de Verit. art. 30. distinguit duplex Prophetiæ genus, alterum prædestinationis, qualis est resuscitatio Lazari, alterum præscientiæ. Primum genus dicit esse secundum operationem Dei & ipsius voluntatem, alterum vero secundum operationem causarum secundarum, de quibus datur præscientia, non prædestinatio. Quia Propheta prædicit quid creaturæ futuræ sint quod præcipienti Deus revelat. Igitur ex D. Thom. datur scientia media; alias scientia Dei foret causa rerum omnium, illas quippe cognosceret Deus in decreto, adeoque omnes prædestinaret; quia quod est a decreto, censetur in doctrina D. Augusti. & D. Thomæ prædestinatum.

Idem sanctus Doctor 3. p. qu. 1. art. 3. sic loquitur: „Prædestinatio supponit scientiam futurorum.“ Igitur datur præscientia a decreto independens de futuris contingentibus, quæ quidem præscientia vocatur media.

Idem ibidem art. 5. ad 2. asserit rationem Divi Augustini dicentis, tunc Christum voluisse apparere, quando prævidebat multos in ipsum credituros, & hanc rationem approbat. Iterum qu. 12. de veritate art. 1. ait, ea quæ complentur per causas secundas non esse prædestinata, bene tamen præcita; porro loquitur de futuris contingentibus & conditionatis, nimirum de actibus humanis; igitur ex D. Thom. Deus cognoscit futura contingentia per scientiam mediam, & hoc independenter a decreto; cum omnia ex eodem sancto Doctore, non sint de facto prædestinata, & tamen sint præcita.

### Tertio, Ex ratione multiplici.

PRIMA sic deducitur: datur in Deo præscientia conditionatorum: sed illa est scientia media: & probatur: mediat inter scientiam simplicis intelligentiæ & scientiam visionis; quandoquidem illa est de possibilibus, ista vero de futuris quæ sunt simpliciter futura: ergo datur tertia de futuris conditionatis liberis.

Secunda hæc est: scientia specificatur per ordinem ad objecta: sed futurum conditionatum liberum est objectum ex natura sua distinctum a possibilibus & absolute futuris: igitur & scientia illud attingens.

Tertia: scientia conditionatorum distinguitur a scientia simplicis intelligentiæ & a scientia visionis: ergo est media: probatur antecedens: futura conditionata distinguuntur a possibilibus & futuris, absolute & simpliciter; ergo & scientia conditionatorum a scientia simplicis intelligentiæ & a scientia visionis. Et vero si scientia visionis attingeret conditionata futura, si scientia intelligentiæ eadem respiceret, jam essent aut simpliciter futura, aut pure possibilis, & non conditionata; sed absurdum consequens; ergo & antecedens.

Quarta: licet in Deo sit unicus intellectus & unicus ipsius actus, scientia tamen dicitur multiplex, quia multis æquivalet scientiis in creatis realiter distinctis, unde per ordinem ad creata, scientia dicitur virtualiter multiplex, & hoc secundum diversa objecta formalia: sed ibi est objectum formale distinctum, scilicet conditionatum liberum: ergo & scientia de illo: igitur scientia conditionatorum est ab aliis duabus distincta, quia habet diversum objectum formale.

Quin-

*Quinta:* tamen si non dentur futura conditionata respective ad Deum, dantur tamen per ordinem ad causas secundas: sed per ordinem ad causas secundas illa futura distinguuntur a possibilibus & ab his quæ absolute ac simpliciter futura sunt: ergo datur scientia distincta ab aliis duabus, eaque media.

*Sexta:* Deus non cognoscit futura conditionata per decretum prædefinienti: ergo per scientiam mediam. Probatur antecedens.

*Primo,* quia sapiens provisor debet prius prævidere, quid sit in creatura & quid exigit, antequam eam moveat ad operationem, ne si moveat eam in circumstantia intempestiva, ipsa resistat motioni, eamque reddat inutilem.

*Secundo,* si omnia Deus cognoscit in decreto, iniusta videretur increpatio Corazain & Bethsuidæ facta; responderent enim Deo, cum omnia, Domine, tu nosti in decreto, si decrevisset dare nobis gratiam efficacem, eam utique habuissimus; tunc tacti dolore intrinsecus, egissemus in cilicio & cinere penitentiam.

*Tertio,* si Deus cognosceret omnia in decreto, cum illud sit efficax & infallibile, nihil esset conditionate futurum; namque omnia forent absolute futura: quod est absurdum.

*Quarto,* hoc posito decreto prædefiniente, non provideretur sufficienter libertati: enimvero res non posset non esse, siquidem decretum moveret insuperabiliter; unde futurum foret necessarium, & non contingens.

*Quinto,* Deus in hypothese videretur auctor peccati: decretum enim est causa rerum: igitur Deus non cognoscit futura conditionata in illo, tum quia peccatum conditionate futurum in eis non cognoscitur voluntate, quandoquidem voluntas Dei contraria semper peccato est, & manet: & certe quoniam passio Deus decerneret peccatum, quod non habet causam efficientem, sed solum deficientem?

*Solvuntur objectiones primo ex sacra Scriptura petite.*

**OBJECIES 1.** Eph. 1. Apostolus de Deo sic loquitur: *Omnia operatur secundum consilium voluntatis suæ.* Sed si datur scientia mediæ, Deus jam non secundum consilium voluntatis suæ, sed potius humanæ operabitur; quandoquidem prius iustare

debebit quid actura sit voluntas humana, in una potius quam in altera circumstantia, ad hoc ut conferat gratiam quæ illam efficaciter moveat ad agendum; sin minus, suo frustraretur effectu: ergo &c.

*Respondeo* distinguendo minorem: si voluntas humana ageret tantum virtute propria, concedo: si ageret viribus gratiæ prævenientis, nego. Voluntas humana prævenitur gratia sufficiente, qua quidem ad libitum, & uti potest, & eidem resistere: quia vero Deus reliquit hominem in manu consilii proprii, ipse vult ut salva libertate voluntas humana operetur, immo & adjuncta gratia. Ipe ipsa ad agendum vel non agendum determinet. Verum ut gratia uberior collata suum obtineat effectum, attendit Dominus in quam circumstantia creatura rationalis assentiet, & tunc illam gratuito & misericorditer elargitur. Deus igitur non agit secundum consilium voluntatis humanæ, sed suæ, quæ quidem vult ut homo sciat aut reprobare malum, aut eligere bonum: non enim illum gratia præveniendo & adjuvando necessitat, ne, inquit Chrysostomus, liberum lædatur arbitrium. Deus vocat, inquit Augustinus, sed tempore quo scit congruere, & tamen secundum suæ voluntatis placitum cuncta operatur.

*Objicies 2.* Eph. 2. ait Paulus iterum de Deo loquens: *Ipsius factura sumus, creati in Christo Jesu in operibus bonis, quæ præparavit Deus, ut in illis ambulemus.* Si opera facit Deus, si ab ipso & creantur & præparantur, jam non sunt per scientiam mediam, sed per decretum & non per voluntatis humanæ consensum præparata: alias non erit verum dicere, ipsius factura sumus in operibus bonis creati. Confirmatur: creatio dicit totum a Deo: ergo inutilis est scientia mediæ, quæ consensum voluntatis humanæ exploret.

*Respondeo* distinguendo: ipsius factura sumus creati in bonis operibus, quia voluntas præparatur a Domino per primam gratiam, quæ est in nobis sine nobis, & sic præparati ipsius factura sumus per gratiam efficacem adjuvantem & cooperantem, concedo: quia Deus prævenit per præmotionem physicam, nego. Facile intelligitur, quomodo Dei factura sumus, creati in operibus bonis, quæ præparavit ipse Deus ut in illis ambulemus; siquidem tanquam de fide conceditur & superponitur primam gratiam esse in nobis sine nobis, & pure gratuitam: sic igitur creati

sumus per eam in operibus bonis, quatenus per eam præparatur voluntas a Domino: voluntas vero adjuncta per gratiam uberiorem, scilicet efficacem operatur bonum.

*Ad confirmationem distinguo:* creatio strictè & proprie sumpta nihil supponit, concedo: sit enim ex nullo præsupposito subiecto: creatio late sumpta, qualis sumitur in ordine supernaturali, indistinguo: nihil supponit pro meritis ad primam gratiam consequendam, concedo; ista enim est pura gratuita: nihil supponit data prima gratia, nego. Supponit cooperationem, ut definiuit contra Lutherum & Calvinum sacra Synodus Tridentina. Jam vero si cooperatio necessario admittatur, opus supernaturalis ordinis, non simpliciter, sed solummodo secundum quid creatum dicitur.

*Dices:* posita scientia media, non gratia præveniens & preparans voluntatem, sed solum subsequens admittenda est: absurdum consequens, ergo & antecedens. Probatur sequela: scientia illa impossibilis est cum præmotione, adeoque cum gratia præveniente.

*Respondeo* distinguendo: non admittitur gratia efficax antecedens & physice movens, concedo: gratia moralis & sufficiens, nego. Admittitur prima gratia quæ est in nobis sine nobis, quæque movet & excitat voluntatem humanam ad agendum, tum piis illustrationibus, tum sanctis excitationibus. Unde ad probationem, distinguo: scientia media impossibilis est cum gratia præveniente efficaci & prædeterminante, concedo; hæc enim non admittitur ne lædatur liberum arbitrium: cum gratia efficaci congrua & concomitante, nego. Immo scientia congrua concurret ad eius efficaciam, in quantum dirigit providentiam, ut illam conferat Deus eo possibilis tempore quo prævidet creaturam rationalem consenturam. Gratia igitur est concomitans, sed non peditur, nisi ratione effectus. Ita Div. Thomas 1. 2. qu. 109.

*Oppones 3. 1. Cor. 4. habetur: Quis te discernit? quid habes quod non accepisti? si autem accepisti, quid gloriaris quasi non acceperis?* Posita autem scientia media homo se discernit & probatur. Seipsum determinat independentem a causa prima, & hoc juxta genium suum, cum Deus primus speculetur quid voluntas humana in tali circumstantia operatura sit, antequam illi

conferat gratiam, ut illam applicet ad opus: ergo &c.

*Respondeo* negando voluntatem seipsam fecerere. Ad probationem distinguo: voluntas elevata & præventa gratia sufficienti, adjuncta vero efficaci concomitante seipsam determinat, concedo: secus, nego. Igitur voluntas præparatur a Domino per gratiam prævenientem, & sic elevata pro innata libertate, adjuncta per gratiam efficacem, seipsam applicat ad opus; cum igitur se sola nihil possit facere, & duplici adjuvetur gratia, sufficiente scilicet & efficaci concomitante, non a seipso, sed a gratia homo discernitur.

*Instabis:* posita scientia media, gratia est congrua, idest dependens a genio, a dispositione temperamenti, ab amicis temporum circumstantiis. Item est solum efficax dependenter a consensu voluntatis, quod est absurdum; quia consensus est ipsius gratiæ effectus, & ad hoc datur ut operetur homo: ergo inutilis est illa scientia & ad cognitionem futurorum conditionatorum, & ad dirigendum Deum in operibus gratiæ suæ.

*Respondeo 1.* Multos Doctores sacre Facultatis Parisiensis, ut Hæbertum, seculæ scientia media, propagare gratiam congruam, nec velle gratiam ideo dici præcise congruam, quia dependet a genio, verum potius quia & movet hominem conformiter suæ naturæ, idest libere, & facit omnia sibi servire; datur enim in quadam & loci & temporis opportunitate, in qua homo non resistit; & hoc, inquit Augustinus hom. 23. inter quinquaginta, sic disponitur a providentia, sub qua cadunt etiam bonæ circumstantiæ. Scriptum enim est: *Diligentibus Deum omnia cooperantur in bonum.* Unde

*Respondeo 2.* posita scientia media, efficacia gratiæ dependet a genio & circumstantiarum dispositione, ut a conditione sine qua non, concedo: ut a causa influente, subdistinguo: influente extrinsece & per ordinem providentiæ, concedo: intrinsece, nego. Ista bonæ dispositio tum genii & temperamenti, tum circumstantiarum loci, concurret solum & negative, in quantum homo non ponit obicem gratiæ, & extrinsece, quia sic ordinat providentia, unde se habent ut conditiones, sine quibus voluntas gratiæ non consentiret: at vero secundum se nihil active influunt in opus supernaturale. Quod autem ejusmodi dispositiones bonæ sint a Deo sic ordinante, audi Augustinum, qui

ipsum Deum introducit peccatori sic loquentem hom. 23. inter quinquaginta : „Adulter non fuisti, in illa vita tua præterita plena ignorantia nondum illuminatus.... hoc tibi dicit Deus tuus, regem me tibi, servabam te mihi, ut adulterium non committeres fualor deus, ad tempus defecit, & ut hæc deesset ego feci.“

Ad aliud respondeo; posita scientia media, gratia foret efficax per voluntatis consensum procedentem ab ipsa gratia ut a causa concurrente, & a voluntate elevata per gratiam sufficientem, ut a causa, concedo : procedentem a voluntate sine gratia, nego. Assertores scientiæ mediæ, ne quidem cogitant unquam dicere bonum opus supernaturale esse a voluntate humana sibi relicta, sed esse & a gratia efficaci concurrente, seu adjuvante, & ab ipsa voluntate humana, adjuncta per gratiam : actus quippe bonus, est totus a Deo ut a prima causa per gratiam sufficientem & efficacem, & totus a creatura elevata agente cum Deo; juxta illud Concilii II. Arausiaci can. 9. *Quoties bona agimus, Deus in nobis atque nobiscum ut operemur, operatur.*

Ad id vero quod dicitur, consensum esse ipsius gratiæ effectum, distinguo : sub diverso respectu, concedo : sub eodem, nego. In omnium opinione, consensus est efficacia simul & effectus gratiæ ; efficacia quidem, si consideretur active & ut procedens actu a gratia & voluntate, seu ut dicit exercitium utriusque causæ agentis : effectus vero, si consideretur passivus, & in facto esse, ut terminus causæ adequatæ, gratiæ scilicet & voluntatis. Et vero non possumus completam concipere efficaciam causæ, nisi actum ipsum concipiamus ; vel si malueris, dicendum est efficaciam gratiæ esse concursum suum cum potentia, & utriusque motum & actionem.

*Obijctes* 4. Mysterium gratiæ, ipsa testante Scriptura, est ineffabile ; cur enim unus trahatur, alter vero relinquitur, quis novit sensum Domini ? inquit Apostolus Rom. 12. & Augustinus cum eo, o altitudo divitiarum sapientiæ & scientiæ Dei ! Sed posita scientia mediæ, non est ineffabile ; & probatur : admissa scientia mediæ, futuræ consensus voluntatis exploratiæ, in talibus vel talibus circumstantiis, redditur ratio cur unus consen-

tat gratiæ & salvetur, alter vero minime : nimirum, quia primus erat naturaliter bene dispositus in tempore quo data est illi gratia, & quia locus & tempus ipsi favebant, quod certe alteri non competeat. Ergo scientia mediæ videtur Apostolo & Divo Augustino adversa, adeoque non est admittenda.

*Respondeo* negando minorem propter multa. Primo quidem, quia in hac opinione, prima gratia a qua initium ducit salus, est in nobis sine nobis : secundo est ineffabile & omnino incomprehensibile prædestinationis mysterium : Enimvero cur gratia detur congruo tempore uni, & suum habeat effectum, detur vero alteri intempestiva circumstantia, & careat effectu, quis novit sensum Domini, & quis consiliarius ejus fuit ? Unde frustra debachantur quidam contra scientiam mediæ, pluris quam oportet facientes argumentum propositum, cum gratiæ mysterium maneat ex utraque parte prorsus absconditum. Unde ad probationem distinguo, redditur ratio aliqua & secundum quid, concedo : ratio a priori, nego : cur enim gratia detur uni in circumstantia bona, & fructum afferat, & non detur alteri, nemo novit. Immo etiam in alia opinione redditur de hoc momento aliqua ratio : querenti enim a Thomistis, cur unus gratiæ consentiat, alter non consentiat ? respondet, quia unus habet præmotionem physicam, alter vero non.

*Secundo Argumenta ex Augustino & Divo Thoma de præmissa dissolvuntur.*

*Obijctes* : Augustinus ubique docet Deum cognoscere futura conditionata in decretis prædestinantibus : ergo non in scientiæ mediæ. Probatur antecedens. I. de bono persév. c. 17. ait : „Si nulla est prædestinatio quam defendimus, non prædestinantur a Deo.“ Loquitur de initio fidei, & de bonis operibus. Ibidem. „Si Deus bona opera præscivit, profecto prædestinavit : quæ vero non prædestinavit bona, non præscivit.“ Per vocem prædestinare intelligit, ut ipsum verbum sonat, decernere, & per vocabulum præscire ; prædestinare : ergo ex Augustino Deus cognoscit futura conditionata solum in decreto prædestinante & prædestinante. Similia dicit in libro de Prædestinatione SS. c. 9. ubi asserit sese loquutum fuisse absque præjudicio latentis

confilii Dei, cum respondens ad Paganos quærentes cur Christus tam tarde venerat, dixit venisse quando præscivit multos in ipsum credituros. Quinimmo homilia 23. inter quinquaginta, docet ipsas temporis congrui circumstantias cadere sub decretum; ait enim Deum facere, ut & locus & tempus deficiant, ne homo sit adulter.

*Respondeo* ejusmodi argumenta manere soluta ex præcedentibus, cum diximus Deum cognoscere futura in ideis, in essentia sua ut in virtute, immo & in æternitate in qua decreta suæ voluntatis repræsentantur; duo enim distinximus, cognitionem scilicet rei secundum se, & cognitionem rei a parte rei ponendam: primam videt Deus in æternitate; ad secundum requiritur quidem decretum, quia Deus nihil operatur, nisi velit; sed illa voluntatis determinatio, est simul cum determinatione voluntatis humanæ connotata, in quantum data prima gratia, vult Deus ut creatura concurret, ipse vero non prævie, sed concursu simultaneo agit ut prima causa ad effectum in tempore producendum. Merito igitur Augustinus recurrit ad decretum, agendo de productione rerum in tempore; nisi enim Deus velit, nihil fiet; sed videt illud decretum Deus in sua æternitate; unde & ideæ & æternitas, sunt veluti cognitionis divinæ media, quatenus ex ratione sua habent repræsentare res, minime vero decretum; quod cum sit voluntatis actus, repræsentantur, sed non repræsentat, nisi ad summum, ut conditio sine qua non. Unde

*Respondeo* 2. distinguendo: Deus cognoscit futura conditionata in decreto prædeterminante, nego: in decreto concurrente simultanee, subdistingno; ut ipsum decretum relucet in æternitate, concedo: secus, nego. Cæterum aliud est rem esse futuram, aliud cognosci ut futuram. Primum est formaliter a decreto, secundum ab ideis & æternitate repræsentante & obijiciente oculis Dei futura.

*Inhabis:* Augustinus certus factus per litteras Divi Prosperi, quod Semipelagianii admitterent scientiam mediam a decreto independentem, ne læderetur libertas, ne Deus esset auctor peccati, ne decisset correctioni locus; ut redderetur ratio cur unus assumeretur alter vero non; cur unus puer sine Baptismo moreretur, & reprobus esset, alter vero

cum Baptismo migraret e vita & salvaretur: non respondet admitendo scientiam mediam, sed duos scripsit libros, unum scilicet de prædestinatione Sanctorum, alterum de dono perseverantiæ, ad relinquendos errores & Pelagianorum & Semipelagianorum; ubique autem recurrit ad decretum, ut libro de Prædestinatione Sanctorum, c. 1. libro de dono perseverantiæ c. 17. ergo &c.

*Respondeo* 1. D. Aug. non usum fuisse scientiam mediam, ne favere videretur Semipelagianis qui ea utebantur. Unde respondeo 2. distinguendo: rejecit scientiam mediam August. in sensu Semipelagianorum, concedo: in sensu Catholico, nego. Chrys. hac utitur scientia, quandoque etiam ipse Aug. ut ex probationibus liquet, sed rejciunt in sensu Hæreticorum qui ea utebantur, ut facerent voluntatem sacrilegam & a Deo independentem ad initium fidei. Per hanc utique supponebant falsa demerita: in pueris, propter quæ asserere eosdem infantes puniri præmatura & sine Baptismo morte. Deus autem, inquit Aug. non punit quod non est futurum: moriuntur pueri, nec ad adultam perveniunt ætatem, nihil igitur est futurum in bono vel in malo pro eis: unde ex eo quod quidam morerentur sine Baptismo, quidam vero cum Baptismo, recurrit ad Dei voluntatem, qui potestatem habet facere vas aliud in honorem, aliud in contumeliam, & hoc ut foveat Hæreticos qui etiam abscondita Dei judicare audebant.

*Inhabis:* D. Thomas Augustini fidelis interpres, rejcit sententiam eorum qui propugnant gloriam dari ex prævisione meritum, quæ quidem prævisio est media. Igitur ex Divo Thoma, Deus non cognoscit futura conditionata per scientiam mediam. Probatur antecedens, 1. p. q. 23. art. 5. sic illos refutat Angelicus Doctor. *Sed isti videntur distinguere inter id quod est ex gratia, & id quod est ex libero arbitrio: non est autem distinctum quod est ex libero arbitrio & prædestinatione, sicut non est distinctum quod est ex causa secunda & causa prima; diuina enim providentia producit effectus per operationes causarum, secundarum, unde & id quod est per liberum arbitrium, est ex prædestinatione.* Quibus verbis vult ipsam voluntatis humanæ cooperationem cadere sub decreto.

*Respondeo*, Divum Thomam non reprehendere sententiam aliorum in eo: quod præ-

prævisionem meritorum per scientiam medium admitterent, sed quod viderentur separare liberum arbitrium a gratia; certum est autem & de fide, liberum arbitrium non posse absque gratiæ auxilio elicere actum supernaturalem; quia vero hoc ipsum est a Deo donante & adjuvante secundum suæ voluntatis beneplacitum, merito dicitur a Divo Thoma cadere sub prædestinatione; quosdam enim Deus adjuvare, quosdam vero abscondito & iusto semper iudicio relinquere vult. Cæterum non agitur hic præcisè de præscientia & rerum cognitione, sed de executione actus meritorii, & de ipso merito. Dictum est supra non dari decretum præmovens, sed tantummodo cooperans & concurrens.

*Insuper* in scientia media adhibetur, ut præscientia Dei sit infallibilis, ut Deus propiciat quid sit in creatura & quid actura sit posita in talibus vel talibus circumstantiis, ne providentia in sui dispositione fallatur: sed hoc rejicit adhuc D. Thomas; totam enim præscientiæ infallibilitatem repetit ex decreto. Et probatur, q. 6. de Verit. art. 3. ad 4. sic loquitur: "Dicendum quod causa secundum quam oportet supponere ad inducendum prædestinationis effectum, etiam ordini prædestinationis subjacet, & ideo ordo prædestinationis, quamvis sit cum suppositione voluntatis humanæ, nihilominus tamen habet absolutam certitudinem."

*Respondet* distinguendo: D. Thomas infallibilitatem præscientiæ divinæ repetit ex decreto prædeterminante, nego: ex decreto cooperante, subdistinguo; & etiam a scientia media, concedo: a solo decreto, nego. Ibi ponit sanctus Doctor pro causa adæquata effectus prædestinationis Deum & creaturam ad idem opus concurrentes, ut sit a parte rei. Utrumque stat cum scientia media, quæ in ideis & æternitate omnia prævidet: sed non in decreto prædeterminante: quandoquidem Deus decrevit, ut causa secunda elevata per primam gratiam concurrat, & simul cum semetipso per gratiam congruam producat effectum.

*Tertio fit suis objectionibus ex ratione deductis.*

**OBJECIES 1.** Scientia media est inutilis ad præscientiam & futurorum con-

ditionatorum; & probatur. Futura illa sunt in duplici differentia, quædam scilicet quorum conditio nunquam purificabitur, quædam vero quorum conditio ponetur; prima sunt pure possibilia, igitur cognoscuntur per scientiam simplicis intelligentiæ: cætera sunt vere futura, & cognoscuntur per scientiam visionis: ergo &c.

*Respondet* negando antecedens: ad probationem, distinguo: omnia sunt vel futura absolute, vel possibilia respectu Dei, concedo; respectu creaturæ, nego. Si scientia consideretur respectu Dei, in quo omnia sunt unum, sequitur quod nequidem sit scientia duplex, sed eadem pro possibilibus & futuris absolute. Sed si consideretur respectu ad causas secundas, sub quo respectu scientiæ multiplicatur, secundum multiplicationem objecti formalis; cum aliud sit objectum pure possibile, aliud absolute futurum, aliud futurum sub conditione & habens bonitatem hypotheticam, diversas scientias admittere conveniens est. Sicut igitur, quia actus intellectus Dei æquivaleret scientiis creatis, quæ attingunt possibilia & absolute futura, dicitur esse in intellectu divino scientia & simplicis intelligentiæ & visionis; ita & scientia media, quandoquidem datur in nobis scientia, quæ inter utramque mediat, quæque futurum attingit conditionatum medians inter possibile & simpliciter futurum. Quid plura? futurum conditionatum quodammodo tale est etiam respectu Dei; in eo scilicet sensu, quo Deus cognoscit res quales sunt in se: verum conditio non cadit sub divinæ præscientiæ aspectum, ita ut inducat in Deum aut dubietatem, aut obscuritatem: aliud quippe est futurum esse conditionatum; aliud a Deo cognosci ut tale; eventus est quidem contingens, sed clare cognoscit Deus exitum.

*Objicies 2.* Scientia media, nequidem libertati favet; igitur nullo modo est admittenda. Probatur: antecedens, posita scientia media, futurum conditionatum transit in absolutum, gratia quippe data in circumstantia explorata, suum infallibiliter, addam & necessario, consequitur effectum: ergo &c.

*Respondet* negando sequelam: ad probationem, distinguo: gratia necessario necessitate hypothetica & consequenti habet effectum, concedo: necessitate absoluta & antecedenti, nego. Prior neces-



scitis oritur ex gratia movente congrue, & ex innata libertate hominis, qui vult agere; igitur scientia media explorans circumstantias utiles, facit futurum absolutum hypothetice, in quantum prævidens Deus quomodo se geret Petrus in tali circumstantia, dat illi gratiam. Præterea licet Deus certo sciat, inquit Div. Thom. hic q. 14. art. 2. eventum futurum, tamen manet contingens & conditionatum, quia causa secunda potest non agere, si deficiat conditio sibi propolita ad actionem; res enim non dicitur dubia & conditionata respectu Dei, immo nec futura, cum omnia sint illi in æternitate præsentia.

*Instabis*: posita scientia media, gratia insuperabiliter movet: ergo necessario necessitate absoluta. Probatur antecedens: gratia directa per scientiam mediam, non potest suo frustrari effectu: ergo &c.

*Respondeo* distinguendo: gratia perseverantiae, concedo: gratia efficax ut sic, subdistinguo: movet insuperabiliter in sensu composito, concedo: in sensu diviso, nego. Sola gratia perseverantiae movet insuperabiliter, quia duo dicit, scilicet auxilium gratiæ, & ex hac parte movet libere, liberum enim semper est homini perseverare in bono; deinde dicit providentiam extraordinariam disponentem causas secundas ut afferant mortem in circumstantia qua homo est iustus, contritus, amans Deum; quæ quidem suavis dispositio non pendet a nobis, sed a misericordia. Unde Thr. 3. *Misericordiæ Domini, quia non sumus consumpti*. Unde & alia Scriptura: *Raptus est, ne malitia mutaret intellectum ejus*. Sap. 4. 11.

*Iterum instabis*: scientia media est utique quid extrinsecum, & a nobis independentem: ergo infert necessitatem operis per gratiam.

*Respondeo* distinguendo: scientia media est quid extrinsecum ad actum liberum terminatum, concedo: eo quippe datur scopo, ut explorat Deus, an homo potius in tali circumstantia consensurus sit, & hoc præintellecto, datur gratia quæ adjuvat voluntatem liberam ad agendum: scientia media est quid extrinsecum imponens necessitatem per dispositionem insuperabilem & a nobis independentem, qualis est providentia: quæ disponit de causis elementariis, ut afferant mortem in tali circumstantia, nego. Non valet igitur consequentia, quia præscientia per scientiam

mediam directa non officio libertati, quin potius illam fovet & protegit.

*Oppones* 3. Scientia media non satis salvat sanctitatis Dei jura; & probatur: reddit voluntatem quasi a Deo independentem, siquidem antequam detur gratia, Deus explorat prius, quomodo voluntas humana actura sit & ipsam applicabit: præterea gratia juxta hanc sententiam datur solum ad cooperationem, non ad applicationem; quod implicat: ergo &c.

*Respondeo* negando antecedens: ad probationem, dico jura sanctitatis ex integro salvari per assertores scientiæ mediæ; siquidem primam gratiam agnoscunt esse in nobis sine nobis, per hanc voluntatem præparari a Domino, per gratiam vero congruam adjuvari, & sic hominem sine Deo nihil posse facere, immo sufficientiam hominis ex Domino penitus esse.

*Ad* confirmationem respondeo, ex mente illorum Theologorum, plurimum assurgere liberi arbitrii cooperationem; cum juxta illorum sententiam gratia non sit efficax nisi per voluntatis consensum.

*Instabis*: si assertores scientiæ mediæ admittunt necessitatem gratiæ prævenientis, tenentur admittere scientiam a decreto prædefiniende dependentem, & sic nulla erit scientia media; & probatur: gratia præveniens est effectus decreti prædeterminativi, alias non esset præveniens, sed concomitans: ergo &c.

*Respondeo* negando sequelam: ad probationem, distinguo: gratia præveniens physice ad actum deliberatum, concedo: gratia præveniens solum moraliter, & hoc ad actum indeliberatum, nego. Hic est ordo decretorum & volitorum a Deo? secundum nostrum concipiendi modum.

1. Deus voluit hominem condere in gratia propter magnam gloriam suam. 2. Iusto & incomprehensibili judicio permittere lapsum, ut non glorietur omnis caro in conspectu ejus & sublimitas sit solius Dei. 3. Rediungere per Filium suum hominem ad exaltationem suæ misericordiæ. 4. Hominem sanum prævenit gratia, seipsum movere & convertere ad Dominum, tum gratiæ cooperando, tum adimplendo in carne sua quæ defunt passionum Christi. Certum est Christum prævivum esse ante justos, & esse primum prædestinatorum: cum igitur homo lapsus, omni fuerit & gratia & jure ad gratiam spoliatus, debuit misericordia præveniri; igitur

igitur intuitu meritorum Christi, homo recuperat jus ad gloriam, homo praevenitur gratia, ut possit operari bonum supernaturale, ad quod de se insufficiens est. Jam vero si primae non resistit gratia, datur illi fortior, scilicet efficax, quae facit facere, quae duritiam cordis emollit, & operatur conversionem. Duplex igitur a Theologis Catholicis distinguitur gratia, sufficiens una, efficax altera: prima dat posse bonum & quidem proxime; secunda vero dat actu agere; illa praevenit, ista adjuvat & cooperatur, juxta illud Apostoli, *Non ego, sed gratia Dei mecum*: igitur per omnia libertati favet scientia media.

*Dices* 4. Scientia media ab omnibus fere Theologis rejicitur ut minus Scripturae sacrae & Patribus consona; igitur non est admittenda. Probatur antecedens: ex Academia Complutensi, illam rejicit Villegas. Ex Oliensi Gaspar, ex Salmaticensi Curiel & Basilius Regionensis, qui cum illam primo docuissent, postea se retractaverunt. Ex Parisiensi Corvus & Isambertus. Ex Duacensi Estius & Sylvius: ex Lovanicensi omnes fere Doctores, asseruntque in quodam decreto, talem scientiam obterege Dei bonitatem, nec satis exaltare iustitiam, nec majestatis divinae juribus sufficienter consulere: Scorus in prima distinctione 39. q. 1. illam utique rejicit, sicut & ex Patribus Societatis Henricus Henriquez, Tiphanius, Azorius, ex professo, l. 4. institutionum moralium, c. 22. q. 1. ergo &c.

*Respondet* Clementem VIII. post varias profundasque coram ipso habitas disputationes, Gregorio de Valencia defendente scientiam mediam, Thomam Ledesma illam impugnante, & decreta Dei praedestinantia propugnante, permisisse quaestionem istam de auxiliis in utramque partem agitari in Scholis, tum ad maiorem fidei explicationem, tum ad fovendam animorum palaestram, sed absque verbo injuriae; maxime vero quia utraque Schola, Societatis scilicet Iesus, & Angelica Thomistarum, convenit in dogmate fidei, convenit in essentia libertatis assignanda & defendenda.

*Quid mirum* jam, si in ipsa Societate, quae majorem Dei gloriam, vera & nusquam fucata pietate alumnos velut aquila provocat ad volandum versus iustitiae solem, ipsam diversis opinionibus contemplari sinat & glorietur, ut veritas variis

explicata & quasi nutrita sententiis, omnium in se convertat oculos & corda?

*Respondet* 2. in diversis Europae Academicis licitum esse quaestionem de scientia conditionatorum in utramque partem movere. In Academia Parisiensi, verbi gratia, cæterarum parente, publice pro Laureæ Doctoratus sæpe propugnatur scientia media.

*Obijcies* 5. scientia media datur ad cognoscenda futura conditionata, ad explorandum an homo gratiae consensurus sit in tali vel tali circumstantia positus, expectando ut voluntas obediat & velit bonum; sed talis scientia rejicitur absolute a Conciliis: & probatur. Arausicanum secundum Canone 4. sic loquitur: "Si quis, ut a peccato purgemur, voluntatem nostram Deum expectare contendit, non autem ut purgari velimus per Spiritum sancti infusionem & operationem in nos fieri confitetur, resistit Spiritui sancto" dicenti Proverb. 19. *Præparatur voluntas a Domino*. Ergo &c.

*Respondet* distinguendo minorem: scientia media in sensu Semipelagianorum rejicitur, concedo: volebant enim initium bonorum operum, maxime fidei esse a natura, & ideo statuebant scientiam mediam ad explorandum utrum natura inciperet, & postea gratia consummaret: scientia media rejicitur secundum se, nego. Concilium solummodo damnat abusum, quem faciebant Semipelagiani de scientia media; & hoc patet ex modo quo eos revincit, dicendo fidem vere esse a Spiritu sancto, initium boni operis a gratia promanare; quod certe non negant assertores scientiæ mediæ, sed potius prædicant & semper supponunt.

## SYNOPSIS PROBATIONUM,

*Deus secundum multos Theologos cognoscitur futura conditionata per scientiam mediam.*

*PRIMO*, hoc ipsum innuit Scriptura Rom. 8. 29. *Quos præscivit, & prædestinavit*.

*Secundo*, idem colligitur ex Divo Augustino, l. 22. de Civ. c. 1. n. 2. *Qui cum præsciret Angelos quosdam per elationem; tanti boni desertores futuros, non eis ademisti hanc potestatem &c.*

*Tertio*, ratio hujus est: Scientia multiplicatur secundum diversa objecta formalia:

lia: porro tria objecta scientiæ Dei distinguuntur seu assignantur, videlicet possibile, futurum simpliciter & absolute postea futurum sub conditione: igitur præter scientiam simpliciter intelligentiæ quæ versatur circa mere possibilia, & scientiam visionis quæ fertur circa futura absolute, datur mediæ quæ respicit futura conditionata.

## SYNOPSIS SOLUTIONUM

### AD DIFFICULTATES.

**PRIMO**, manet semper ex suppositione scientiæ mediæ Deum agere secundum propositum voluntatis suæ, quandoquidem præparatur voluntas a Domino per gratiam excitantem & prævenientem.

**Secundo**, Augustinus nonnunquam rejicit scientiam mediæ, sed in sensu opposito Semipelagianis, qui eatenus admittebant scientiam mediæ, quatenus lustrandum prius erat, num voluntas humana ex se ipsa absque Dei adjutorio inciperet; sic propugnabant Massiliæ Presbyteri.

**Tertio**, nec utique sequitur ex scientia mediæ circumstantias congruas in actum supernaturalem positive influere, sed ad summum negative, seu extrinsece, & hoc ut divini providentiæ subjiciantur ordini. Ergone gratiæ & prædestinationis mysterium, non ineffabile, non inscrutabile? minime, quod enim unus trahatur, alter vero relinquatur: quod unus gratiam accipiat in circumstantia bona, seu amica & convertatur, alter vero non, & resistat atque reprobetur: O altitudo! quis novit sensum Domini?

## ARTICULUS QUARTUS.

*Utrum Deus cognoscat futura conditionata in decretis, independentem a scientia mediæ.*

### CONCLUSIO.

Deus cognoscit futura conditionata in decretis independentem a scientia mediæ.

**H**Æc sententia videtur magis consona & Scripturæ & Patribus. Certum est futura conditionata cognosci a Deo in ideis, & in æternitate quæ conti-

net omnia tempora: sed difficultas est an ea cognoscat & in decretis suæ voluntatis; quod & asserimus.

*Probatum auctoritate & ratione.*

**Primo, Ex Scriptura sacra.**

1. Ephes. 1. *Operatur omnia secundum consilium voluntatis suæ.* Ibidem: *Ipsius factus sumus creati in Christo Jesu in operibus bonis, quæ præparavit Deus, ut in illis ambulemus.*

2. 1. Corinth. 4. *Quis te discernit? quid habes quod non accepisti? si autem accepisti, quid gloriaris, quasi non acceperis?*

3. Rom. 8. 28. *Diligentibus Deum omnia cooperantur in bonum, his, qui secundum propositum vocati sunt Sancti.*

4. Actuum 13. 48. *Crediderunt quoque quotquot erant præordinati ad vitam æternam.* & illud Petri Act. 10. 41. *non omni populo, sed testibus præordinatis a Deo.* & Rom. 1. *Antequam quidquam boni aut mali egissent ... Jacob dilexi, Esau odio habui.*

*Jam vero si Deus operatur omnia secundum consilium voluntatis suæ, ad agendum non accipit consilium a creatura, explorando prius per scientiam mediæ quid ipsa aut velit, aut actura sit, antequam ipse agat in creaturis, & de illis disponat, sed facta earum, in voluntatis suæ determinatione, novit futura; ipse enim novit quid facturus est in creatura: ergo, &c.*

*Si ipsius factura sumus creati per Christi merita in operibus bonis, Deus non expectat creaturæ consensum, ut cognoscat quid futurum sit, sed est ipse prima causa præmovens & applicans causas ad agendum; unde cognoscit, inquit D. Thom. hic quæ 14. in sua virtute quid futurum est, non accipiendo scientiam a rebus, quæ nihil operantur nisi prius ab ipso motæ sint: igitur in decreto prædestinante, & non in scientia mediæ Deus præscit futura.*

*Si homo non se discernit, sed a gratia discernitur, ut docet Apostolus, Deus profecto non cognoscit futura conditionata per scientiam mediæ, & explorando creaturæ consensum; quandoquidem creatura absque Dei adjuvantis auxilio nihil potest facere: jam vero cum gratia sit mere gratuita & prima futuri consensui causa, ad voluntatem seu decretum antea omnia attendendum est, ut futurum cognoscatur.*

Si

Si omnia eveniant secundum propositum Dei, & ipsius voluntatis placitum, si sit causa rerum, certe in decretis independenter a scientia media Deus cognoscit futura conditionata.

Secundo, Ex Augustino.

AD INTELLIGENTIAM Augustini qui in hac materia, sic ordinante Clemente VIII. in disputationibus de auxiliis, maxime audiendus est cum D. Thoma, operæ pretium est prænotare tria ista vocabula, *prædestinare*, *prædefinire*, & *præscire* apud antiquos Patres in idem incidere, & idem significare ut supra dictum est: sed *prædestinare* est pro bonis supernaturalibus, *prædefinire* pro naturalibus, *præscire* pro omnibus futuris indifferenter, etiam pro peccatis, quæ Deus permittit & non decernit. Igitur *prædestinatio*, *prædefinatio* & *præscientia* idem sonant ac decretum; nam & in decreto permissivo Deus cognoscit peccata, sed non *prædestinat* aut *prædefinit*, quia non decernit positive & influendo. Hæc doctrina colligitur ex Dionysio, de div. nom. cap. 5. ex Isidoro, l. 5. sent. cap. 19. ex Dam. Oratione prima de sanct. Imag. & maxime ex August. l. de præd. SS. cap. 10. ubi sic loquitur: *Prædestinatione quippe Deus ea præscivit, quæ fuerat ipse facturus*. Igitur *prædestinatio* non semper sumitur pro creaturæ rationalis transmissione a peccato ad gratiam & gloriam per media infallibilia, sed pro decreto Dei, maxime cum agitur de electorum vocatione. Hanc enim tradit regulam Aug. l. de dono pers. c. 19. "Quid, inquit, ergo nos prohibet, quando apud aliquos verbi Dei tractatores legimus Dei præscientiam, & agitur de vocatione electorum, eandem prædestinationem intelligere?" Unde apud Augustinum præscire idem est ac prædestinare.

Observandum adhuc venit Semipelagianos admittisse scientiam mediam, ut colligitur ex Epistola D. Prosperi ad sanctum Augustinum propter quatuor; 1. ne læderetur libertas per gratiam efficacem; 2. ne locus correptionis & exhortationis deficeret, si gratia esset per se efficax; 3. ne Deus fieret auctor peccati, si foret causa omnium præmovens; 4. ut daretur ratio cur e duobus parvulis; alter cum Baptismo, alter sine Baptismo moreretur, quia Deus prævidebat primum

bene, secundum. vero male victurum, & sic per omnia scientia media abutebantur, tum negando gratiam primam, tum illam faciendo naturæ pedisequam, & a viribus naturalibus innatæ libertatis dependentem, tum etiam secundum opera bona vel mala imaginaria, & secundum phantasmata futura, de sorte parvulorum impune dijudicando. Idem colligitur ex Epistola S. Hilarii Arelatenfis Episcopi ad S. Augustinum.

Denique sanctus Prosper in sua Epistola hanc sibi difficultatem resolveri ab Augustino petit, utrum præscientia Dei ita secundum propositum maneat, ut eo ipso quo opera sunt proposita, sint accipienda ut præscita? quaerit deinde an hæc discrepancia possit statui inter parvulos & adultos, quod in illis qui nihil operaturi salvantur, quasi solum Dei propositum videatur existere; in istis vero qui aliquid boni acturi sunt, per præscientiam possit stare propositum? an vero uniformiter præscientia sit innixa proposito? certe non potest clarius proponi quæstio, quam cum quaeritur an Deus cognoscat futura contingentia libera & conditionata ante vel post propositum seu decretum voluntatis.

Dionys Hilarius ex sua parte exponit in sua ad Augustinum Epistola, Semipelagianos ad ponendam scientiam a decreto independentem, uti argumento veluti ad hominem, responsione scilicet, quam D. Aug. attulerat in libro de qq. Pagan. q. 2. ubi Pagani quaerentes cur Christus tam tarde venisset, quibus responderat tunc voluisse hominibus apparere, quando & ubi sciebat esse qui in eum erant credituri, nullam faciens mentionem de proposito seu decreto, sed solum de scientia media exploratrice. Lectis Epistolis Prosperi & Hilarii, in quibus Semipelagianorum referebantur errores, duos Augustinus conscripsit libros; alterum de prædestinatione SS. alterum de dono perseverantiæ, quos ad utrumque Patrem direxit, & in his agitur de futuris conditionatis, maxime de quæstione a Paganis proposita, nimirum cur Christus tam tarde venerit, cum prius venire poterat, si vero prius venisset, quid factum fuisset: unde loca ex illis duobus libris excerpta, maximi sunt ponderis pro quæstionis resolutione ex mente Augustini; jam exponendi sunt ipsius textus.

1. Libro de dono perf. sic loquitur de initio fidei & de aliis bonis operibus ad salutem conducentibus, cap. 17. n. 47. "Si nulla est prædestinatio quam defendimus, mus, non præsciuntur a Deo." Ibidem: "Si Deus bona opera præcivit, profecto prædestinavit: quæ vero non prædestinavit bona, non præcivit." Quid clarius poterat respondere Aug. ad quæstionem D. Prosperi quaerentis, an omnia bona opera electorum flarent super propositum: igitur præscientia Dei est in iuxta & fundata in decreto.

2. Libro de prædestinatione SS. c. 10. n. 9. sic habet: "Quando ergo promissit Deus Abraham in semine ejus fide gentium dicere, patrem multarum gentium posui te... non de nostræ voluntatis potestate, sed de sua prædestinatione promissit. Promissit enim quod ipse facturus erat, non quod homines; non autem sic creditur Abraham, sed creditur dans gloriam Deo, quoniam quæ promissit potens est & facere, non ait prædicere, non ait præscire, sed ait potens est facere." Quibus verbis scientiam consensus exploratricem explodere videtur Augustinus. Enimvero asserit sanctus Doctor Deum non ad aliam quam ad suam recurrere voluntatem. Quid plura? scientiam mere speculativam, qualis est media, rejicit: non dicit Apostolus, inquit, præscire, prædicere, sed potens est facere. Igitur B. Augustinus eam solummodo admittit scientiam, quæ in decreto prædestinante fundatur.

3. Idem sanctus Pater certior factus Semipelagianos in suum trahere sensum, ea quæ ad quæstionem Paganorum de adventu Christi protulerat, seipsum explicat, l. de præd. SS. c. 9. n. 18. "Cernitis-ne, inquit, me sine præjudicio latentis consilii Dei, aliarum causarum, hoc de præscientia Christi dicere voluisse, quod convincendæ Paganorum infidelitati, qui hanc objecerant quæstionem, sufficere videretur? Quid enim est verius quam præscisse Christum, qui, & quando & quibus locis in eum fuerant credituri? sed utrum prædicato sibi Christo, a seipsis habituri essent fidem, an Deo donante sumpturi, id est, utrum tantummodo eos præscierit, an etiam prædestinaverit Deus, quære ac differere tunc necessarium putavi." Profecto ibi Augustinus loquitur de scientia in decreto fundata, quandoquidem aliquid plusquam quod ad

quæstionem Paganorum pronuntiaverat, & dicit, & docet, inmo suam veluti de scientia mere speculativa corrigens sententiam ait, absque præjudicio latentis consilii Dei se prima vice fuisse locutum. Ergo &c.

### Tertio, Ex Divo Thoma.

Non injucundum erit pro eodem momento aliqua hic texere Div. Thomæ loca; 1. part. qu. 14. art. 8. sic fatetur: "Manifestum est quod Deus per intellectum suum causat res, cum suum esse, sit suum intelligere: unde necesse est quod sua scientia sit causa rerum, secundum quod habet voluntatem conjunctam." Igitur ex D. Thoma, Deus præcivit futura in decreto, alias præscientia non foret causa rerum.

Ibidem qu. 16. art. 7. ad 3. sic habet: "Illud quid nunc est, ex eo futurum fuit antequam esset, quia in causa sua erat ut fieret, unde sublata causa non esset futurum illud fieri. Sola causa autem prima est æterna, unde ex hoc non sequitur quod ea quæ sunt, semper fuerint verum esse futura, nisi quatenus in causa sempiterna fuit, ut essent futura." Igitur si sint futura solum per Dei voluntatem, quæ est causa prima, Deus in ea profecto futura pronoscit.

Rursus 1. part. qu. 23. art. 5. eos qui prædestinationem ex prævisione meritorum per scientiam mediam statuiebant revincit his verbis: "Isti videntur distinguere inter id quod est ex gratia, & id quod est de libero arbitrio. Non est autem distinctum quod est ex libero arbitrio & prædestinatione, sicut non est distinctum id quod est ex causa secunda & causa prima. Divina enim providentia producit effectus per operationem causarum secundarum; unde & id quod est per liberum arbitrium, est ex prædestinatione." Vult ergo omnia cadere sub decreto. Igitur ex D. Thoma Deus cognoscit futura conditionata in decreto, & quidem independentem a scientia media.

Audiat iterum S. Doctor, 3. p. q. 1. art. 5. ad 2. explodit sententiam eorum qui volebant Deum cognoscere futura libera independentem a decreto, quique in probationem, responsionem Augustini ad quæstionem secundam Paganorum asseriebant, dicit enim Augustinum se retractasse iterum acque iterum recurrendo ad pro-

positum. " Sed hanc, inquit, responsio-  
nem reprobans August. in l. de pers.  
dicit, numquid possumus dicere Tyrios  
& Sidonios talibus apud se virtutibus  
credere noluisse, aut credituros non  
fuisse si fierent, cum ipse Deus eis at-  
testatur quod acturi essent magnæ hu-  
militatis pœnitentiam, si in eis facta  
essent divinarum illi signa virtutum :  
proinde ut ipse solvens subdit, sicut  
Apostolus ait non est volentis neque  
currentis, sed miserentis Dei. " Vides,  
benevole Lector, quomodo appeller Div.  
Thom. cum Paulo & Augustino id solum  
Dei voluntatem pro futuris conditionatis  
de conversione hominum.

*Quid plura ?* q. 6. de verit. art. 3. ad  
4. repetit Angelicus Doctor insubilitatem  
scientiæ divini, non a scientia me-  
dia, sed a decreto. " Dicendum, inquit,  
quod causa secunda quam oportet sup-  
ponere ad inducendum prædeterminationis  
effectum, etiam ordini prædeterminationis  
subjacet, & ideo ordo prædeterminationis,  
quamvis sit cum suppositione voluntatis  
humani, nihilominus tamen habet ab-  
solutam certitudinem. " Igitur si ipsa  
causa secunda subjacet decreto, Deus scientiam  
conditionatorum a decreto, & non a  
scientia media, quæ prius lustrat cau-  
sam, mutuatur.

#### Quarto, Ex multiplici ratione.

PRIMA sic proponitur. Deus est pri-  
mum movens; creatura enim utpote de  
se in potentia, debet reduci ad actum  
per id quod est semper in actu: igitur  
Deus cognoscit futurum conditionatum in  
decreto prædefiniente independentem a  
scientia media; ista quippe scientia specu-  
latur causam secundam, tanquam a se-  
ipsa ex innata libertate determinandam:  
hoc autem supposito, Deus non esset pri-  
mum movens, sed solum concussa & si-  
mul movens: jam vero si sit primum mo-  
vens, cognoscit in voluntatis suæ deter-  
minatione quod futurum est. Hæc ratio  
traditur a Divo Augustino, l. de Trin. c.  
4. n. 10. his verbis: " Cum hæc omnia,  
quæ per corporales motus in illo corpo-  
re fiunt, operetur, movens præmitus in-  
visibilia ministrorum, sive animas homi-  
num, sive occultorum spirituum sibi  
subditis servitutes. "

Secunda, hæc est: Deus cuncta creatura  
cognoscit in seipso, ut in causa: sed scientia  
Dei est causa rerum, adjuncta volun-  
tate: igitur Deus cognoscit futura in de-  
creto independentem a scientia media. Hæc ratio assertur a D. Hilario, a Div.  
Thom. hic q. 14. & a Patribus supra citatis, ubi ostendimus scientiam Dei esse  
causam rerum; & maxime ab Aug. l. 26.  
contra Faustum, c. 4. reddens enim ra-  
tionem cur nesciat aliquid, ait: " Ideo  
nescio, quia quid habet de hac re Dei  
voluntas, me latet: illud tamen me  
non latet sine dubio futurum, si hoc  
Dei voluntas habet. " Futuritionem  
rei a voluntate divina repetit: igitur ex  
Augustino Deus cognoscit futura in de-  
creto &c.

Tertia. Deus cognoscit ipsas futuri cir-  
cumstantias in decreto prædefiniente; igitur  
inutilis est scientia media ad explo-  
randum in v. gr. Petrus positus in tali,  
vel tali circumstantia aut loci, aut tem-  
poris, operaturus sit, cum omnia depen-  
deant a decreto, & ipsum sit ratio a pri-  
ori futuri eventus. Ita colligitur ex Divo  
Augustino, hom. 23. inter 30. ubi sic ait:  
" Adulter non fuisse in illa vita tua præ-  
terita plena ignorantia, nondum illu-  
minatus. . . . hoc tibi dicit Deus  
tuus, regebam te mihi, servabam te  
mihi ut adulterium non committeres;  
suasor defuit, ut suasor deesset ego fe-  
ci, locus & tempus defuit, & ut hæc  
deessent ego feci. "

Quarta. Nihil est futurum ante decre-  
tum, quia causæ nondum intelliguntur  
determinate: non prima, ut supponitur;  
a fortiori nec secunda, quippe quæ de-  
terminetur per primam; ergo Deus co-  
gnoscit futura libera solum in decreto:  
nec mirum, cum sint futura duntaxat  
per decretum prædefinienti. Hæc ratio  
est Divi Augustini, lib. de dono pers.  
c. 17. " Si Deus bona opera præcivit,  
profecto prædestinavit. " Et Div.  
Thom. 1. p. q. 16. art. 7. ad 3. " Quod  
nunc est ex eo futurum, fuit ante-  
quam esset, quia in causa sua erat ut  
fieret. "

Quinta. Deus non expectat consensum  
voluntatis ut aliquid sit futurum, quia  
ipse dat velle & perficere; igitur cogno-  
scit futura libera conditionata in seipso  
& in voluntatis suæ determinatione in-  
dependentem a scientia media. Hæc ra-  
tio colligitur ex Apostolo dicente de  
Deo,

Deo, Philip. 2. *Operatur in nobis velle & perficere*. Traditur utique a Concilio Araus. II. can. 4. "Si quis ut a peccato purgemur voluntatem nostram Deum expectare contendit: non autem ut etiam purgari velimus per sanctum Spiritum infusionem & operationem in nos fieri constitetur, resistit Spiritui sancto dicenti Prov. 19. *Præparatur voluntas a Domini*. "Ibi Synodus sua perstringit sententia Semipelagianos qui dicebant initium fidei esse a natura, quod nusquam quidem dixere assertores Catholici scientiæ mediæ, sed attendendum ad rationem Concilii: ideo enim negat Deum expectare voluntatem humanam ut velimus, quia ipse præparatur voluntatem ut velimus, si præparatio voluntatis sit ab ipso, non indiget explorare per scientiam mediam genium & circumstantias, ut cognoscat certo quid creatura actura sit, sed videt in suo decreto prædefiniente, a quo est & ipsa voluntatis humanæ præparatio ad bonum, & ipsum bonum.

*Sexta*. Sine decreto libero Dei nullum est futurum liberum, juxta illud axioma, quod est per se primo tale, cætera non sunt talia nisi per ordinem ad illud. Et vero, quomodo decretum prædefinienti opprimeret voluntatem, cum sit libertas essentialis a qua omnis libertas? quis dicit actum voluntatis humanæ esse involuntarium eo quod a Deo mota & determinata procedat, cum actus sit libertatis exercitium? a fortiori nihil potest esse liberum nisi per decretum prædefinienti, quia per illud creatura rationalis participat libertatem Dei. Et hoc duplici modo: primo quidem in quantum Deus applicat voluntatem ad actum quæ de se est in potentia. Certum est autem libertatem sitam esse in indifferentia actuali, & non in pura potentia agendi vel non agendi, namque libertas essentialis & prima scilicet Dei consistit in eo quod libere agat ad extra. Porro sine decreto prædefiniente voluntas humana nunquam posset actu agere: igitur decretum præmovens solvit potentialitatis vinculum; verum & cum sit aliud adhuc solvendum vinculum, impediens hominem ab operibus bonis, nempe infirmitas & corruptio, gratia præmovens sanat corruptionem & adjuvat infirmitatem, sicque libertatem quam primus homo granditate peccati ex parte amiserat, restituit. Hæc

responsio colligitur ex ipsius Christi verbis, Joan. 8. 36. *Si ergo, inquit, vos filius liberaveris, omnes liberi eritis*. Colligitur utique ex Beato Augustino, qui hoc argumento non semel utitur contra Pelagianos & Semipelagianos, qui ideo negabant illi ex integro, isti ex parte necessitatem gratiæ, ne liberum læderetur arbitrium; quippe qui defenderet sola gratia hominem reddi liberum libertate qua donavit nos Christus, tum applicando voluntatem nostram ad bonum, tum ejus sanando infirmitatem; qua de causa sanctus Doctor scientiam Christi vocat auxilium quo & efficaciam: quod & agnovit Propheta Regius dicens Ps. 115. *Dirupisti, Domine, vincula mea, tibi sacrificabo hostiam laudis*.

*Septima*. Decretum prædefinienti fovet & nutrit, immo accendit & auget sanctitatem Dei servando jura ipsius, scriptum est enim Psal. 118. *Quoniam omnia servant tibi*. Et iterum 2. Math. 9. 12. *Justum est subditum esse Deo*. Quod quidem jus non videtur sufficienter salvari, si creatura seipsam non prius a Deo mota determinet: enimvero in omnibus a Deo dependet, Deus non indiget explorare per scientiam mediam quid creatura factura est, sed potius in propriis suis debet respicere voluntate quid in creatura operaturus sit, ut cognoscat futurum conditionatum. Hæc ratio est Divi Augustini, qui l. de gr. & l. arb. c. 1. de Deo dicit: *Ille facit ut faciamus præbendo vires efficacissimas voluntati*. Est Divi Bernardi, qui in l. de libero arbitrio versus finem ait: *Deus voluntatem applicat operi*. Est & D. Thomæ qui 1. 2. q. 109. art. 1. sic loquitur: *Actio cujusvisque entis creati dependet a Deo quantum ad duo, uno modo in quantum habet ab ipso perfectionem seu formam per quam agit: alio modo in quantum ab ipso movetur*. Et in 2. distinctione 37. qu. 2. art. 2. *Non posset vitari, inquit, quin voluntas humana esset primum agens, si ejus actio in aliquo prius agens non reduceretur sicut in causam*.

*Octava*. Deus non accipit scientiam a rebus, sed a seipso, sed a voluntatis suæ determinatione: ereo cognoscit conditionata futura in decreto prædefiniente & non per scientiam mediam, alias acciperet scientiam a rebus, quia deberet explorare genium creaturæ, explorare circumstantias, ut posset judicare quid esset facturus. Hæc ratio fundatur in doctrina

Hi.

Hilarii qui l. 9. de Trinit. c. Quæ Deus, inquit, facere decrevit, in sua voluntate cognovit. Item Augustini & Gregorii Patres, qui dicunt ideo res esse, quia eas novit Deus. Sic habet S. Gregorius, l. 2. moral. c. 23. Quæ non sunt ab æternitate ejus, ideo videntur quia sunt, sed ideo sunt quia videntur.

*Nona.* Cognitio futurorum contingentium etiam conditionatorum in Scriptura sacra refunditur in decretum Dei: ergo &c. Probatur antecedens: Josue c. 8. Josue incertus de eventu obsidionis Hai consuluit Dominum qui sic respondet: Ecce tradidi in manu tua Regem ejus, & populum urbemque & terram. Judicum 1. consuluerunt filii Israel Dominum post obitum Josue, quomodo se gererent, ut Cananæum certando vincerent, & quinam foret dux belli; quibus sic respondit: Judas ascendet, ecce tradidi terram in manus ejus. Ibidem 2. consuluerunt Dominum alii Tribus contra Beniamin, dicentes: Exire ultra debemus ad pugnam contra filios Benjamin fratres nostros, an quiescere? Quibus ait Dominus: Ascendite, cras enim tradam eos in manus vestras. 1. Reg. 23. quærit a Domino David utrum viri Ceisæ illum Sauli traderent, respondit Dominus, tradent. Ergo &c.

*Decima.* Scientia media est inutilis: ergo non est admittenda. Probatur antecedens: si est sermo de futuro conditionato cujus conditio non ponitur, est possibile, & cognoscitur per scientiam simplicis intelligentiæ, licet enim futurum conditionatum sit futurum, quia tamen conditio non purificanda est, ut conversio Tyrionum & Sidoniorum supposita prædicatione Christi & suppositis ipsis miraculis, reducendum est ad mere possibile: sicut et contra futurum conditionatum cujus conditio ponitur, est respectu Dei vere futurum, & ideo reducendum est ad ordinem futurorum contingentium absolutorum, adeoque per scientiam visionis cognoscitur. Igitur scientia media est inutilis.

*Confirmatur.* Vel Deus cognoscit per scientiam mediam, v. g. Petrum in tali vel tali circumstantia positum, consensurum gratiæ, vel non: si primum, inutilis est scientia media, quandoquidem independentem ab ea Petrus converteretur ad Dominum, cum enim illa scientia sit mere speculativa, nihil profecto ponit in re. Si secundum, hoc est si non convertatur;

a fortiori inutilis prorsus. Quamobrem Clemens VIII. summus Pontifex licentiam concessit disputandi in utramque partem salvo fidei dogmate: ergo &c.

*Solvuntur Objectiones ex Scriptura procedentes.*

**OBJECTIONES.** 1. Matth. 11. habetur: Væ tibi, Corozain, væ tibi, Bethsaida, quia si in Tyro & Sidone factæ essent virtutes quæ factæ sunt in vobis . . . poenitentiam egissent. Hoc posito, sic arguitur: Christus non cognovit in decreto istud futurum conditionatum, nimirum conversionem & Tyrionum & Sidoniorum sub conditione prædicationis Christi futuram. Et probatur: si cognovisset in decreto, injusta fuisset increpatio facta Judæis: enimvero ad hoc, unum potissimum requiritur, videlicet ut Corozain & Bethsaida patres in auxiliis fuerint cum aliis: atqui hoc non apparet ullo modo verum, quandoquidem, si Christus evangelizasset Regnum Dei tum Tyris, tum Sidonibus, habuissent gratiam efficacem præmovementem, qua ad futuri obsequium præstitissent fidei, credidissent & conversi fuissent ad Dominum. Ergo &c.

*Respondeo* 1. retorquendo argumentum. Corozain & Bethsaida non habuerunt quoque gratiam congruam quam alii habuissent per scientiam mediam, si conditio de prædicatione & Christi miraculis apposita fuisset. Quod igitur non crediderint Judæi, alii vero credidissent, hoc refundit ad Dei judicia Aug. in l. de dono pers. c. 11. n. 3. "His quos prævidet, si apud eos facta essent, suis miraculis credituros, quibus noluit subvenire, non subvenit; de quibus in sua prædestinatione occulte quidem, sed jure ille aliud judicavit. Idem respondet S. Prosper in responsione octava ad excerpta Genuensium: "Cum aliqui pereunt, non dubitemus ipsorum meritis deputari quod pereunt: quos utique posset Deus juste damnare si vellet: & cum aliqui liberantur, non audeamus definire, quod digni fuerint liberari, quos utique posset Deus damnare si vellet. . . de Tyris autem & Sidonibus quid aliud possumus dicere, quam non esse eis datum ut crederent, quos etiam credituros fuisse ipsa veritas dicit, si talia, qualia apud nos credentes facta sunt signa viderent. . . non solum Ty-  
rios



„rios & Sidonios: sed etiam Corozain  
„& Bethsaida potuissent converti, & fide-  
„les ex infidelibus fieri, si hoc in eis Do-  
„minus voluisset operari.”

*Respondeo* 2. negando primum & secundum antecedens. Ad aliud, distingo: ut iusta sit increpatio, debuissent Judæi fuisse pares cum Tyriis & Sidoniis in auxiliis sufficientibus, concedo: in efficacibus, nego. Auxilium sufficiens dat posse proximum, & ideo, inquit D. Th. imputatur peccatori ad poenam, si bonum non operetur. Fuerunt autem Judæi pares in auxiliis sufficientibus in hypothesei cum aliis: maxime vero, quia Tyrii & Sidonii Christum & evangelizantem audientes, & signa facientem videntes, nullum gratiæ prævenienti posuissent obicem, hinc & gratiam efficacem oblatam Judæis, sed ab eis procul factam, receperunt. Igitur Judæi plurimum inexcusabiles, immo penitus & omnibus, ne dicam digni, sed & subijciendi poenis.

*Instabis*. Si Deus decrevisset dare gratiam efficacem Judæis, sicut decreverat dare Tyriis & Sidoniis supposita prædicatione, eam dedisset de facto, & Judæi utique fuissent conversi, illa siquidem gratia auferet cor lapideum, inquit Aug. l. de præd. SS. c. 8. *Ideo tribuitur, ut duritia cordis primitus auferatur*. Ergo Judæi non erant culpandi, supposito quod Deus omnia cognoscat in decreto.

*Respondeo* 1. Rotorquendo argumentum; si Deus dedisset gratiam congruam; si prædicatione Christi facta fuisset apud Tyrios, Sidoniosque eo potissimum tempore quo Deus eos prævidebat deciles, certe credidissent: par est igitur in utraque opinione difficultas. Consimilis utique Apostoli Rom. 9. 20. responsio adhibenda: *O homo! tu quis es qui respondeas Deo? numquid dicitis sementum et, qui se finxit, quid me fecisti sic?*

*Respondeo* 2. distinguendo: & Deus Judæis obtulit gratiam, ipsi vero ex innata & corrupta voluntate resisterunt, concedo: & non resisterunt, nego. Poterant igitur credere, sed noluerunt. *Lux lucet*, inquit Joan. c. 1. *& tenebræ eam non comprehenderunt*. Deus posset ad bonum necessitare, sed ex dispositione mirabili non necessitat, quia reliquit hominem in manu consilii sui. Et cum homo ex seipso habeat quod possit deficere, aliquando gratiam resistit, sicut de facto Judæi resisterunt, juxta illud Actuum 7. *Vos semper*

*Spiritu sancto resistitis; & ideo sunt inexcusabiles.*

*Rursus* instabis. Judæi non poterant credere sine gratiâ efficaci; ea autem caruerunt; posito vero decreto habuissent & Tyrii & Sidonii: igitur admisso decreto prædestinante nulla erat paritas.

*Respondeo* 1. negando antecedens. Enimvero Judæi habuerunt gratiam sufficientem, immo sufficientissimam, si non resisterent, habuissent efficacem.

*Respondeo* 2. præceptum credendi appellare supra posse; cum igitur habuerint Judæi illud posse, poena digni sunt ut legis & mandati prævaricatores. Unde distinguo: non poterant credere, id est actu non crediderunt, concedo: non poterant ut sic, nego.

*Oppones* 2. Rom. 8. 20. habetur: *Quos præcivit, hos & prædestinavit*: Apostolus ibi distinguit præscientiam a decreto, scilicet a prædestinatione: ergo prius est Deum præscire futura conditionata, quam prædestinare: igitur ea cognoscit independentem a decreto.

*Respondeo* 1. distinguendo: Apostolus præscientiam a decreto distinguit, verbo tenus, & ad majorem explicationem, sicut solemus eandem rem repetitis vocibus & synonymis explanare, concedo: vere & realiter, nego. Immo ista duo jungit Paulus, ut ostendat præscire ac prædestinare idem esse: solutio est Augustini qui lib. de dono perseverantiæ cap. 18. dicit illa duo vocabula idem significare, quando agitur de vocatione electorum.

*Respondeo* 2. aliter. Apostolus distinguit præscientiam a prædestinatione finali, transeat a decreto prædestinante, in quo bona futura novit, nego. Prædestinatio sumitur dupliciter, ut initio articuli secundum mentem Augustini prænotavimus: primo pro decreto prædestinante, in quo Deus videt bona futura quæ vult facere in creatura, & hæc prædestinatio idem sonat ac prædestinitio & præscientia, præscire & prædestinare idem est ac prædestinare, quando agitur de vocatione electorum: alio modo sumitur prædestinatio pro transmissione rationalis creaturæ a statu peccati ad statum beatum per mediū infallibilis; & hæc potest in aliquo sensu supponere præscientiam mediorum & ipsius finis, quæ Deus præscit in sua voluntate, quia præscit quod est ipse facturus, juxta illud Augustini, lib. de dono persever. cap. 17. *Quod si & dantur, media, & ea*

Et ea se daturum esse præscivis; profecto prædestinavit.

**Objectiones.** 1. In Scripturis sacris futura conditionata revelantur per respectum ad causas secundas, ut 2. Reg. 23. David petens a Deo an viri Ceilæ ipsum Sauli traderent, respondit Deus, tradent: idem Dominus instruens, 3. Reg. c. 11. Israelitas, ait: Non ingredimini ad eas, scilicet filias gentium: Certissime enim avertent corda vestra. Ergo Deus cognoscit res futuras in seipsis per scientiam mediam.

**Respondeo**, Deum quandoque revelare futura libera per ordinem ad causas secundas, ut se accommodet ad nostrum concipiendi modum, vel etiam ut ostendat præscientiam, libertati humanæ nusquam adversari: quandoque & sæpius, ut supra notavimus, eadem revelat per ordinem ad suæ voluntatis arbitrium & determinationem, ut cum Jerem. 23. dicit: Ecce ego dabo civitatem istam in manus Regis Babylonis & capiet eam. Unde & ipse Christus in passione sua sæpe attendit ad decreta voluntatis divinæ, ut Joan. 19. Ut consummaretur Scriptura dixit: Sitio. Vas ergo erat aceto plenum, . . . cum ergo accepisset Jesus acetum, dixit: Consummatum est. Et iterum Matth. 26. Filius quidem hominis vadit sicut scriptum est, idest sicut decretum est.

Ex Augustino.

**Objectiones.** S. Doctor lib. 1. ad Simplic. qu. 2. dicit: Illi enim electi, qui congruenter vocati. Sed vocatio congrua est per scientiam mediam, quæ circumstantias commodas & convenientes explorat, ut voluntas humana oblatæ gratiæ non resistat & convertatur ad Dominum: igitur Deus cognoscit futura conditionata independentem a decreto prædestinante. Confirmatur: Si non consultatur voluntas humana, totum opus refundetur in causam primam, unde & creatura non erit laude vel increpatione digna: sed absurdum consequens; ergo & antecessus.

**Respondeo** distinguendo majorem. Et ipsæ circumstantiæ cadunt sub decreto & providentia, concedo: & non cadunt, sed sunt independentes, ita ut res sint ex innata libertate hominis futuræ, nego. Solutio est ipsius Augustini qui homilia 23. inter 50. introduxit. Deum, peccatori sic loquentem: Ut adulterium non committeres suavior desisti . . . . locus

Pencat Theol. Tom. I.

Et tempus desisti, & ut hæc desister ego feci. Quod autem res non sint futuræ ex innata voluntatis humanæ libertate patet ex eodem Augustino dicente: Ideo res sunt quia eas novis Deus.

**Ad confirmationem.** Semipelagiani hanc testibus Hilario & Prospero in Epistolis ad sanctum Augustinum proponunt objectionem, quam tamen non solvit sanctus Præsul recurrendo ad voluntatem humanam, sed ad propositum Dei, quia vero in responsione ad quæstionem Paganorum, decretum tacuerat, in libro de prædest. SS. cap. 9. veluti se corrigendo ait, tunc fuisse locutum: Absque præjudicio latentis consilii Dei. Igitur jam distinguo si non consultatur humana voluntas, idest, si seipsam non moveat ad actum, & non habeat quo possit se movere, non erit laude aut vituperio digna, concedo: idest si Deus expectat ipsius consensum ad cognoscendum futurum, nego. Immo hoc videtur impossibile; quandoquidem Deus est prima causa, creatura vero causa secunda adeoque mota a prima. Immo in opinione contraria, creatura debet præveniri gratia ut sese moveat, gratia autem est a Deo non a natura. Igitur ex concedendis Deus videt in decreto prædestinante & largiente gratiam quid facturum est in creatura, quid ipsa creatura agens libere factura sit cum ipso. Namque Deus & actum & libertatem & omnia in sua cognoscit voluntate, dat posse, dat agere: si creatura non cooperetur, sed resistat, poena digna est: laude vero e contra si agat. Solutio est Augustini, lib. 3. de lib. arbit. cap. 2. Voluntas ergo erit, quia voluntatis est præsciens.

**Respondeo** 2. Deum ut primam causam determinare secundam suaviter, & ideo congrue, quia libere; vult enim ut creatura libere agat sive acceptando, sive recusando gratiam efficacem oblatam: ut libere agat, vel resistendo gratiæ sufficienti, vel etiam consentiendo. Quomodo vero hoc fiat; o altitudo divitiarum! Credamus captivantes intellectum in obsequium fidei, alias scrutator majestatis opprimetur a gloria. Unde enim tor Heretici, nisi quia temerarii homines etiam profunda Dei scrutari, immo & comprehendere voluerunt: hinc evanescentes in cogitationibus, factum est insipiens cor eorum; dati sunt in desideria cordis pravi, in passionibus ignominia & postea in reprobam sententiam.

K k

In

*Inhabis*. Si ad decretum confugiendum est, maxime propter illud Apostol. ad Rom. 9. *Non est volentis, neque currentis, sed misereantis Dei*. Sed Augustinus non propter hoc recurrit ad decretum, bene vero ad congruitatem, ibidem enim sic loquitur: *Verum est, non volentis neque currentis, sed misereantis est Dei: quia etiam si multos vocet, eorum tamen miseretur quos ita vocat, quomodo eis vocari aptum est ut sequantur*. Igitur ad scientiam medium & exploratricem genii, recurrit sanctus Doctor.

*Respondeo* 1. hoc argumentum probare eandem esse difficultatem pro altera opinione quam pro ista, & in utraque ad iudicia Dei inscrutabilia recurrendum cur unus trahatur, alter vero relinquatur; cur unus habeat gratiam congruam, vel praevenientem, alter vero minime.

*Respondeo* 2. distinguendo. Et sic loquitur Div. Augustinus, quia congruitas cadit sub decreto & est ab ipso Deo, concedo; hanc enim congruitatem utique cum Augustino admittimus: quia est in dependens a decreto, nego. Enimvero & actio & circumstantiae sunt a voluntate Dei; nihil quippe illam fugit. Ipse peccator, inquit D. Thom. dum ab ea declinat ut misericordia est, incidit in illam ut est iustitia vindictiva. Igitur omnia Deus cognoscit in seipso & in sua voluntate, quandoquidem nihil fieri potest sine ipso.

*Inhabis iterum*: Augustinus l. 2. 30. qq. q. 2. respondet interrogantibus Paganis cur Christum tam tarde venisset: *Tunc Christum voluisse hominibus apparere quando ubi sciebat esse qui in eum fuerant credituri*. Ecce scientia media christissime exposita. Item l. de dono persever. c. 14. dicit quoddam habere in genio divinum naturaliter minus intelligentiae quo moveantur ad fidem, si congrua suis mentibus vel audiant verba, vel signa percipiant. Augustinus id confirmat ex oraculo Christi Matth. 11. dicentis, quod Tyri & Sidonii credidissent si & ipsius audissent praedicationem, & ejus signa magna vidissent: nondum igitur ibi de gratia interiori loquitur, sed de genio ad fidem accomodato, quod quidem Christum praevidebat in eis, & non in decreto, alias si penes decretum conversio erat, Corozain & Bethsaida debuissent credere, vel si non crederent, absque culpa non erederunt, quia non fuit pro eis decretum.

*Respondet* ipse Aug. l. de praed. SS. c. 9.

ad primum: *Comitissae me sine praedictio latentis consilii Dei altariumque causarum, hoc de praesentia Christi voluisse dicere?*

*Respondeo* ad secundum, distinguendo. Quidam habent in genio dispositionem negativam, concedo: quia tantas non habent passiones, & ideo non tot occurrunt impedimenta vincenda: habent dispositionem positivam, ita ut vis naturalis genii sit causa influens in actionem supernaturalem, negant ipsi altiores scientiae mediae & nos cum eis. Primum igitur solummodo intendit Aug. Quod autem non loquatur de congruitate explorata in qua Deus praesciat futura libera, patet ex eo quod multorum conversionem praescierit adveniente congruitate, qualis est conversio S. Pauli qui adhuc spirans minarum in Discipulos Domini conversus est: Unde Christus illi dicebat: *Durum est tibi contra stimulum calcitrare*. Item conversio Latronis in cruce pendens absque ulla genii congruitate fuit: nam & ipse tunc primum infusus Christum lacebatur contumeliis. De utroque enim reo legitur Marci 15. 32. *Et qui cum eo crucifixi erant, conviciabantur ei*.

*Respondeo*, ad confirmationem, argumentum nimis probare: & vero ex his in objectionem allatis, sequeretur Tyrios & Sidonios ad fidem vel visus Christi signis, vel audita tantummodo ejus praedicatione convertendos esse: quasi vero aut solum probae vitae exemplum, aut miracula, aut Evangelii praedicatio ad convertendas animas, ut contendebat iterum atque iterum proscriptus Pelagius, sufficerent: unde distinguo. Visus Christi miraculis Tyrii & Sidonii per gratiam efficacem & praevenientem ad fidem conversi fuissent, concedo: secus, nego. Verum est & ultro fatemur, idololatram sicut & depravatos mores esse magna ad conversionem impedimenta; hinc qui honeste vivunt, minorem habent ad fidem oppositionem: esto: quod possint & miraculis & praedicatione & exemplis adduci ad fidem, sed ad summum extrinsece, & moraliter suadendo, sola quippe gratia efficax est causa efficiens eaque intrinseca conversionis ad fidem.

*Inhabis adhuc*. L. de lib. arbit. c. 3. ait: "Quomodo non potest aliud fieri quam praescivit Deus si voluntas non erit," "quam voluntatem futuram ille praesciverit? cum enim sic praescius voluntatis nostrae, cuius est praescius, ipsa erit." "Voluntas ergo erit, quia voluntatis est praescius, nec voluntas esse pote-  
rit,

rit, si in potestate non erit. Ergo & potestatis est præscius. Non igitur per ejus præscientiam, mihi potestas adimittitur; quæ propterea mihi certior aderit, quia ille ejus præscientia non fallitur, adfuturum mihi esse præscivit. Certe per hæc verba totam præscientiam ejusque certitudinem fundat in præscientia futuræ voluntatis humanæ: ergo Deus ex Augustino non præscit res in decreto prædeterminante, sed in voluntate futura hominis, quam S. Doctor ideo dicit Deum præscire quia erit tale hominis placitum.

*Respondeo* distinguendo. Et Deus voluntatem in suo præscivit decreto, concedo: & non præscivit, nego. Beatus Augustinus, l. 3. de lib. arb. c. 3. asserit Deum non solum voluntates eorumque actus, sed & circumstantias præscire, quatenus cuncta cadunt sub ejus voluntatem. Et vero Dominus futuram præscit voluntatem, porro nihil esse futurum ante decretum propugnant Thomistæ.

*Insuper.* Ex Augustino, Deus præscit quidem voluntatem humanam ut futuram, sed in seipsa, quandoquidem si non esset futura, nihil profecto præsciret Deus, neque vero humanæ voluntatis tollitur libertas, namque Deus præscit & vim ejusdem voluntatis electivam: aut non videtur libertati locus si præscientia fundetur in decreto, utpote quod & antecedit liberi arbitrii determinationem, & sic immutabile. Ergo &c.

*Respondeo* distinguendo: Deus præscit voluntatem humanam in seipsa dependenter a decreto, concedo: independenter ab illo, nego. Certum est Deum præscire quidquid futurum est in creatura: sed a suo dependenter placito, quatenus causæ secundæ actus a prima dependet causa. Immo cum Deus sit primum agens liberum, omnis voluntas libera, seu actus quicumque liber & ab ipso ut a primo fonte promanat, & ab eodem habet quod sit liber. Motus igitur primi moventis præcedit naturæ, & casualitate motum mobilis, salva tamen semper libertate. Non mirum, cum utrumque movens simul simulatæ temporis ætat: Nec detur actus nisi prævia deliberatione, & electione, ut fufius dicitur infra.

*Oppones* 2. S. Aug. passim dicit omnia præscita non esse prædestinata; ergo ex ipso Deus non cognoscit omnia in decreto prædeterminante.

*Respondeo* distinguendo: Et loquitur Aug. de peccatis quæ Deus præscit, sed non prædestinat, concedo: de operibus bonis, nego. Dictum est supra cum D. Thoma, Deum cognoscere privationes in formis oppositis: igitur Deus cognoscit malum, in bono opposito, impietatem reprobi, in devotione prædestinati &c.

*Ex Divo Thoma.*

**OBJECIES** 1. D. Thomas, q. 6. de verit. art. 3. dicit præscientiam in Deo non importare semper rationem causæ respectu omnium quæ attingit. Rursus hic t. p. q. 14. art. 8. docet præscientiam esse causam rerum, eo probe modo quo scientia artificis est artificis causa: sed scientia artificis est mere speculativa: igitur talis est scientia Dei; adeoque est a decreto independens.

*Respondeo*: ad primum, D. Thomam loqui de peccatis quæ certe Deus nec prædestinat, nec prædestinat. Ad secundum, dictum est supra comparationem inadæquatam esse. Deus dirigitur quidem per ideas in cognitione quam de futuris habet: sed dat rebus futuritatem per suæ voluntatis decretum: igitur scientia Dei comparatur scientiæ artificis quoad aliquid, non penes omnia, hoc est sicut artificis idea dirigit opus, ita & suum supremum opifex: sed Dei scientia adjunctam habet voluntatem, inquit D. Thomas hic q. 14. unde & est causa rerum juxta illud Psalmistæ: *Qui fecit celos in intellectu*.

*Oppones* 2. D. Thom. 2. 2. q. 174. art. 1. & q. 12. de verit. art. 1. distinguit duplex Prophetiæ genus, alteram prædeterminationis, ut resuscitationem Lazari: alteram puræ præscientiæ ut Ezechielæ mortem per Isaiam prædictam: primam Prophetiam dicit infallibilem, alteram vero minime, in eo quod præscientia in ea dirigitur per causas secundas. Igitur ex D. Th. præscientia non fundatur in decreto, sed in cognitione causæ secundæ secundum quod actura vel non actura est.

*Respondeo*, distinguendo: & vult solum Div. Thomas effectus libere futuros revelari quandoque per ordinem ad causam primam, quandoque etiam per ordinem ad causam secundam, ut Deus sese hominum captui accomodat, concedo: & vult Deum scientiam a rebus, & non a suæ voluntatis decreto accipere, nego. In loco pro objectione in medium adducto,

K k a agi-

agitur de cognitione Prophetiæ ejusque medio; nusquam vero de cognitione Dei in ordine ad se, hæc posterior siquidem sumitur semper a decreto, altera vero modo a decreto, videlicet cum effectus revelatur per ordinem ad causam primam, & tunc dicitur, inquit D. Thomas, Prophetia prædestinationis; modo etiam per ordinem ad causas secundas, qualis fuit prædictio mortis Regis Ezechiae, quæ quidem secundum morbi gravitatem mox futura erat; de quo tamen eventu propter ejusdem Principis pietatem aliter disponere decreverat Dominus: Porro ista Prophetia sicut & alia quævis non abhinciles Prophetiæ, nomine comminationis apud eundem Div. Thomam celebrantur.

*Obijciat* 3. 3. p. q. 1. art. 3. ad 4. sic loquitur: *Prædestinatio supponit scientiam futurorum*. Igitur præscientia ex D. Thomam non fundatur in decreto. Ibidem art. 5. ad 2. assert rationem D. Aug. dicentis in q. 2. Paganorum, tunc Christum voluisse apparere, quando prævidebat quinam essent in ipsum credituri, quam quidem sine restrictione approbat. Igitur non opponitur scientiæ mediæ. q. 12. de verit. art. 1. docet ea quæ complentur per causas secundas, non esse prædestinata, bene tamen præscita, & loquitur de futuris liberis, namque loquitur de actibus humanis: igitur non intendit Div. Thomas præscientiam fundari in decreto.

*Respondeo* ad primum, distinguendo. Prædestinatio Christi supponit scientiam futurorum, concedo: prædestinatio late sumpta & pro decreto ad aliquod opus a parte rei ponendum, nego. Jamjam dictum est prædestinationem a D. Thomam sumi dupliciter, 1. pro transmissione creaturæ infallibili ad finem supernaturalem, 2. pro determinatione voluntatis divinæ ad aliquod agendum in creatura quæ non se movet ad actum nisi prius nota. Prædestinatio æterna primo modo sumpta supponit secundum nostrum concipiendi modum prævisionem peccati originalis, quod quidem delere voluit Deus per mortem sui unigeniti & de qua loquitur D. Th. sicut etiam, inquit, si Deus vellet operari salutem alicujus per orationem Sanctorum ut de facto operatus est salutem Pauli per orationem Divi Stephani, prius concipitur oratio sancti Levitæ futura, quam conversio Pauli: sed prædestinatio futuri contingentis, non supponit præscientiam, quia ante decretum concipitur me-

re possibile; simul igitur præscitur in ideis & prædestinatur per decretum.

*Solutio* patet ex iplo textu Divi Thomæ qui ad 4. sic loquitur: *Prædestinatio præsupponit præscientiam futurorum, & ideo sicut Deus prædestinat salutem alicujus hominis per orationes aliorum implendam, ita etiam prædestinavit opus incarnationis in remedium humani peccati*.

*Ad secundum* nego, Thom. approbare responsum Augustini pro scientia mediæ. Illam quidem refert, verum addit: „Hanc responsum reprobans idem Aug. in l. de pers. c. 9. dicit: Numquid possumus dicere Tyrios & Sidonios talibus apud se virtutibus factis credere, noluisse, aut credituros non fuisse si fierent; cum ipse Deus attesteretur eis, quod adhuri essent magnæ humilitatis poenitentiam, si in eis facta fuissent divinarum ista signa virtutum, proinde ut ipse solvens subdit, sicut ait Apostolus, non est volentis neque currentis, sed misercordis Dei, qui his quos prævidit, si apud eos facta essent, suis miraculis credituros, quibus voluit subvenit; aliis autem non subvenit, de quibus in sua prædestinatione occulte quidem, sed aliud juste judicavit: ita misericordiam ejus in his qui liberantur, & veritatem in his qui puniuntur, sine dubitatione credamus. „ Ex quibus animadvertere est quomodo Aug. & cum iplo D. Thomas recurrit ad Dei placitum pro futuris contingentibus.

*Ad tertium* distinguo. Quæ complentur per causas secundas non sunt prædestinata, si sint peccata, concedo: si bona opera, subdistinguo: non sunt prædestinata si considerentur per ordinem ad causas secundas, quæ sunt fallibiles, concedo: si considerentur respective ad causam primam, nego. Uterque sensus est D. Thomæ.

*Inflabit* D. Thom. hic q. 14. ubi agit ex professo de scientia Dei, non recurrit ad decretum pro cognitione futuri contingentis, etiam conditionati: & probatur art. 5. Dicit Deum alia a se cognoscere non per speciem propriam, sed per essentiam suam quam intelligit. Rursum art. 6. asserit Deum cognoscere alia a se propria cognitione, idest secundum omnes rationes, quatenus rerum perfectione in divina continentur essentia formaliter aut saltem eminenter, adeoque illas in ea velut in speculo conspici. Art. 8. Docet scientiam Dei esse causam rerum eo: pro-

pe modo quo scientia artificis est causa artefacti, & consequenter mere directive & speculative. Art. 13. Ubi ex professo de futuris tractat contingentibus dicit, a Deo illa cognosci prout sunt in æternitate præsentia; in isto autem articulo altum est de decreto silentium. Art. 16. ait, scientiam speculativam esse practicam nobiliorem, ex quo concludit scientiam Dei eam esse quæ speculativa dicitur: sic enim ad propositam respondet quæstionem in argumento, sed contra: *Omne quod est nobilius est Deo tribuendum: sed scientia speculativa est nobilior quam practica: ergo Deus habet de rebus scientiam speculativam.* Igitur scientia Dei non est practica, & in decreto prædefiniente fundata.

*Respondeo 1.* Constare ex multis D. Thomæ auctoritatibus adductis S. Doctorem admittere præsentiam a decreto dependentem; cum igitur in hac decima quarta quæstione S. Doctor explicet causam futuri contingentis adæquatam, non mirum si quandoque loquatur de directione, quandoque etiam de ipsa futuri essentia. Certum est a Deo futura cognosci in ideo quæ nihil aliud sunt quam essentia divina diversis modis in infinitum participabilis: sub isto respectu scientia dicitur mere speculativa, etenim ut sic primus est veluti gradus productionis rei, & in hoc sane comparatur scientiæ artificis. Deus idem futurum in sua cognoscit æternitate, quæ quidem omnia complectitur tempora; porro ex hac parte præsentia est adhuc mere speculativa: sed insuper Deus in sua virtute seu voluntate in qua futurum tantum in causa præcontinetur, videt eventus qui quandoque existentiam in tempore habituri sunt; & ex hac parte scientia Dei est causa rerum, etque effectiva & practica.

*Respondeo 2.* distinguendo: Divus Thomas non loquitur de decreto cum de causa futuri inadæquata sermonem instituit, concedo: cum de causa adæquata loquitur, nego. Deus est quidem in se causa semper adæquata, quandoquidem unicus actus, unicaque entitas & dicitur & est; quia tamen ejus mirabilis & prorsus ineffabilis essentia æquivalere perfectionibus creatis a se invicem distinctis, ideo juxta nostrum concipiendi modum scientiam & speculativam & practicam distinguimus. Primam quæ fundatur in ideo inadæquatam vocamus, eandem ut habet voluntatem adjunctam nominamus & practicam &

adæquatam ex parte primæ causæ, adeoque effectivam & in decreto fundatam.

*Hoc patet* ex art. 8. ubi D. Thomas non solum scientiæ artificis comparat Dei scientiam, sed & calori qui est principium calefactionis effectivum, immo ibidem probat ex professo scientiam Dei esse causam rerum effectivam adjunctam voluntate, idest per decretum. "Dicendum, inquit, quod scientia Dei est causa rerum. Sic enim se habet scientia Dei ad omnes res creatas sicut scientia artificis se habet ad artificiatas, scientia autem artificis est causa artificiatorum, eo quod artifex operatur per intellectum. Unde oportet quod forma intellectus sit principium operationis, sicut calor est principium calefactionis. . . . Manifestum est autem quod Deus per intellectum suum causat res, cum suum esse sit suum intelligere. Unde necesse est quod sua essentia sit causa rerum secundum quod habet voluntatem conjunctam."

*Hoc utique patet* ex art. 16. ubi S. Doctor dicit scientiam esse quidem respectu Dei speculativam, speculativam vero simul & practicam respectu creaturarum. "Dicendum est, inquit, quod Deus seipso habet scientiam speculativam tantum: ipse enim operabilis non est. De omnibus vero aliis habet scientiam & speculativam & practicam. Speculativam quidem quantum ad modum: quidquid enim in rebus nos speculative cognoscimus definiendo & dividendo, hoc totum Deus multo perfectius novit. Sed de his, quæ potest quidem facere, sed secundum nullum tempus facit: non habet practicam scientiam, sed secundum quod scientia dicitur practica a fine. Si autem habet scientiam practicam de his, quæ secundum aliquod tempus facit: mala vero licet ab eo non sint operabilia, tamen sub cognitione practica ipsius cadunt: sicut & bona in quantum permittit vel impedit, vel ordinat ea, sicut & ægritudines cadunt sub scientia practica medicum, in quantum per artem suam curat eas." Quibus verbis Divus Thomas docet Deum cognoscere mere possibile per scientiam speculativam & simpliciter intelligentiæ, futura libera per scientiam visionis & practicam; bona quidem in decreto positivo: mala vero in decreto permissivo.

## Ex aliis Patribus.

**Obijciēs 1.** Gregorius Nyssenus oratione de infant. sic loquitur : " Est enim consentaneum, ab illo, qui peræque futurum movit ac præteritum ; prohiberi parvuli progressionem ad perfectam ætatem, ne malum illud quod præsciens illa vis & facultas cognosceret, in eo, qui victurus esset ita, perficiatur : atque ei, qui ea voluntate, arbitrioque victurus fuisset, materia nequitie vita fiat. " Ibi Gregorius loquitur de scientia media, loquitur enim de scientia qua prævidens Deus, quod si puer viveret, vita esset illi materia nequitie, rapit eum : ergo cognoscit Deus futura conditionata in scientia media, & non in decreto.

*Respondeo* negando, Gregorium loqui de scientia media ; agit liquidem de prædestinatione pueri qui post Baptismum rapitur ne militia immuret intellectum ejus. Certe ratio raptus non est meritum imaginarij prævilij, immo prævidentur solum mala si viveret ; igitur ipsius prædestinationi stat solummodo secundum propositum, quia sic placet Deo illum tollere. Ita explicandi sunt alij Patres cum similia proferunt.

**Obijciēs 2.** S. Chrysostomus Hom. 11. in Epist. ad Hebr. sic habet : " Oportet nos eligere primum, quæ bona sunt, & tunc ipse, scilicet Deus quæ sua sunt, introducit : non antecedit nostras voluntates, ne lædatur liberum arbitrium. " Cum nos elegerimus, tunc multam nobis offert auxilium. " Igitur ex S. Chrysostomo Deus non cognoscit futura contingentia in decreto prædefiniēte ; alias liberum læderetur arbitrium.

*Respondeo* distinguendo. Deus non cognoscit futura libera in decreto prædefiniēte necessitante, concedo ; præveniente suavit, non lædendo, sed potius humanam fovendo libertatem, nego. Quod autem sanctus ille Doctor in primo solum sensu loquitur, patet ex duobus momentis. Primo quidem quia contra Manichæos, qui quoddam fatum in victim hominis inducebant, insurgit. Secundo quia gratiam prævenientem a qua omne inchoatur bonum, ipse admittit, asserendo omnia iusta & sancta operi esse a Deo. Sic autem loquitur Hom. 18. in Epistolam primam ad Corinth. " Pontius te esse dignum

laudibus, & vere habere gratiam nec esse corruptum hominum judicium, nam nec liquidem oportet te efferre & superbire, nihil enim habes domo altarium, sed a Deo acceptum : quid ergo te habere præ te fers quod non habes ? at tu hoc habes & alii tecum acceptum, ergo habes, non hoc autem illud, sed omnia quæ habes, non enim tua sunt hæc recte facta, sed gratiæ Dei. " Rursus Hom. 8. in Epist. ad Philip. de Deo dicit : *Propensionem voluntatis ipse nobis dat & operationem*. Si dat initium boni operis, si desiderium, & ipsius boni inclinationem, manifestum est secundum doctrinam Chrysostomi bona omnia esse a decreto prædefiniēte, adeoque Deum ea videre in tali causa.

**Obijciēs 3.** Origenes apud Eusebium, l. 6. de præp. sic loquitur : " Ac si ita loqui fas est, non est præscientia causa rerum quæ sunt. Non enim illum, qui peccatum admisurus esse præscit, attigit Deus, cum peccat : sed ( ut quod dictum quidem magis est mirabile, sed tamen verius, eloquar ) quod futurum est, causa est cur talis sit ipse præscientia ; non enim ex eo quod cognitum est, fit illud, sed quoniam futurum erat, fit cognitum. " Igitur ex Origene Deus & accipit scientiam a rebus, & eas futuras non in decreto, sed in earum veritate objectiva cognoscit.

*Respondeo* distinguendo. Deus res futuras cognoscit in veritate objectiva secundum consequentiam, hoc est, ex eo quod res sint, sequitur illas cognosci a Deo, concedo : secundum causalitatem, nego : in eo prorsus sensu explicat Origenem D. Thomas hic q. 14. art. 8. ad 1. & hoc potissimum patet ex modo loquendi Origenis per diminutum, quæ quidem verba sufficienter manifestant ejus expressionem non sumendam esse ad litteram. Porro sic loquitur maxime ut duo demonstret : primum quidem Dei præscientiam libertati non adversari : alterum vero res non esse ab æterno existentes, tametsi Deus eas in æternitatis mensura secundum omnes rationes cognoscat. Eo loquendi modo utitur Origenes etiam ut ostendat Deum non esse peccati auctorem. Et vero cum peccatum non habeat causam efficientem, sed deficientem, sane non cognoscitur a Deo per decretum positum, unde sancti Doctores recte asserunt peccatum præsciri quidem a Deo ; nullum vero prædestinari.

Olji-

*Obijciat* 4. Damascenus l. 2. de fide c. ult. ait: Illud quidem scire interest, Deum quidem omnia præscire, sed non omnia prædefinire, præscit enim ea quæ in nostra potestate & arbitrio sita sunt, & non ea præscit; neque enim vitium admitti vult; nec rursus virtuti vim affert. Igitur ex Damasceno, Deus non cognoscit futura libera in decreto, quia non prædefinit ea quæ sunt in potestate nostri liberi arbitrii, ne vim inferat virtuti aut sit causa peccati. Certe istæ rationes nullius essent ponderis, si in decreto futura libera prædefiniret Deus.

*Respondeo* distinguendo. Deus ex Damasceno non prædefinit peccata, concedo; bona opera futura, subdistinguo: necessitatem inducendo & fatum, concedo: movendo ad libertatis exercitium, nego. Loquitur Damascenus secundum phrasim antiquorum Patrum Græcorum; refutat enim fatum, quod in vitam humanam inducebant Manichæi; Patres vero loquendo contra aliquam hæresim, quasi in aliud extremum prorumpere videntur, ut magis urgeant & fortius premant fidei hostes. Quod autem Damascenus loquitur excludendo duntaxat fatum necessitatis, patet ex terminis: *Neque enim, inquit, vitium admitti vult, nec rursus virtuti vim affert.* Manichæi autem inducendo fatum, & tollebant libertatem, & Deum faciebant auctorem peccati. Solutio est Divi Thomæ, 1. p. q. 23. art. 1. qui hoc fibi proponit argumentum quod postea solvit. "Videtur quod homines non prædestinentur a Deo, dicit enim Damasc. in 2. l. oportet cognoscere quod omnia quidem præcognoscit Deus: non autem omnia prædeterminat. Præcognoscit enim ea quæ in nobis sunt: non autem prædeterminat ea." Cui argumento sic respondet: "Ad primum dicendum quod Damascenus nominat prædeterminationem, impositionem necessitatis, sicut est in rebus naturalibus, quæ sunt prædeterminatæ ad unum. Quod patet ex eo quod subdit, non enim vult malitiam, neque compellit virtutem. Unde non excluditur prædeterminatio."

*Obijciat* 5. Gaudentius Brixianus tractatu 3. de Pasche. "Synagoga quippe Judæorum, inquit, quod erat crudeliter facta, prædictum est, non ut fieret, iustum est: nec ideo factum est, quia prædictum erat, sed ideo prædictum

est, quia erat futurum, ut præscientiam suam in his, quæ per libertatem arbitrii hominum futura erant, ostenderet. Libertatem dicimus arbitrii, quia voluerunt Judæi facere, quod fecerunt, & utique si voluissent, non fecissent. Ibi loquitur de morte Christi: sed ideo dicit non prædefiniri, quia libertas tolleretur. Igitur Deus non cognoscit futura libera in decreto prædefiniente."

*Respondeo* 1. Gaudentium loqui de peccato horribili Judæorum qui Filium Dei crucifixerunt: supra autem dictum est peccata præsciri quidem, sed non prædestinari a Deo. 2. Loqui in sensu aliorum Patrum & contra fatalitatem, ibi enim addit: *Præscientia Dei quidem non fallitur, sed nec homini concessa semel voluntatis libertas auferitur.* Igitur asserunt Patres rationem libertatis, non ad rejiciendum decretum liberum prædefinienti & præmovens, a quo omnis libertatis exercitium est, cum vim præmotione Dei, creatura maneret semper suspensa, & in sua potentitate ligata, nec unquam ageret; sed ut ostendant non dari fatum ethnicum perimens liberum arbitrium. Sic intelligendi sunt ex Patribus Græcis Justinus qu. 8. ad orthodoxos. Theodoretus lib. 5. de div. offic. c. de provid. Ex Latinis Arnobius in Psalam. 50. Tertullianus, Hieronymus & alii.

#### Ex ratione multiplici.

*Obijciat* 1. Deus cognoscit futura libera ante decretum prædefinienti & independenter ab ipso. Probatur, 1. Rationes omnium rerum sunt in ideis divinis quæ concipiuntur ante decretum, sunt enim ipsa essentia divina infinitis modis participabilis. Et certe futura libera tam representantur futura in ideis, quam alia. 2. Quia essentia rerum sunt in essentia divina ut participabili, & non in decreto, quod solummodo respicit existentiam: porro essentia sunt immutabiles, nec dependent a decreto libero: ergo in eo non cognoscuntur futura conditionata.

*Respondeo.* Ut jam supra prælibatum est, & ad omnem æquivocationem tollendam, Deum omnia simul, & possibilia, & futura cognoscere, non enim datur in ipso successio, cum sit æternus purus & sit semper in actu suorum intelligibilium: igitur prioritas rerum in cognitione Dei, est solum



prioritas ordinis & conceptionis nostræ, propter dependentiam creaturæ a Deo.

*Respondeo* 2. negando antecedens. Ad primam probationem, distinguo: rationes rerum ideales & Metaphysicæ sunt in Deo ante decretum, concedo: rationes Physicæ & reales, nego. Duplex est essentia rei, alia abstracta & Metaphysica, & est idea rei atque conceptio secundum se adeoque indifferens ad esse futurum. Alia Physica & concreta, & sunt ipsæ res consideratæ ut entia realia cum existentia actuali vel connotata. Rationes rerum sunt in Deo ante decretum primo modo, nihil enim aliud sunt, quam essentia divina ut participabilis: secundo vero modo, per decretum & voluntatem Dei, quæ dat rebus esse reale juxta illud Psalm. 113. *Omnia quæcumque voluit fecit.* Quæstio autem præiens movetur de futuris liberis, adeoque de rebus cum existentia consideratis, quæ quidem repræsentantur in ideis, sed adjuncto decreto, alias essent pure possibiles.

*Ad secundam* probationem, dist. essentia rerum repræsentantur solum in ideis, essentia metaphysicæ, concedo: physicæ, nego. Istæ repræsentantur in decreto & in virtute in quâ continentur realiter: sicut arbor repræsentatur in semine. Ad id quod dicitur, essentias esse æternas & ante decretum, distinguo: quoad enumerationem propositionis, & metaphysice consideratas, concedo: ab æterno enim ante decretum, verum est dicere in genere & in abstracto, essentia hominis est, quod sit animal rationale, quia essentia divina sic est participabilis ante decretum. Quoad futuritionem de qua est quæstio, & realitatem, subdividuo: per decretum, concedo: a soli enim Dei voluntate Petrus habet quod sit actu: sine decreto, nego. Existencia est de essentia rei in concreto considerata, videlicet ut talis est a parte rei ponenda. Igitur cum hoc sit a solo decreto, res cognoscitur ut futura solummodo per Dei voluntatem.

*Insuper*, Deus antecedenter ad decretum, cognoscit infinita, etiam omnia futura, alias ipsius intellectus maneret in potentia ad aliquid cognoscendum, immo aliquid novi conciperetur illi advenire, adeoque conceptus de Dei cognitione non esset perfectus: sed absurdum consequens, ergo & antecedens. Confirmatur. Deus antecedenter ad decretum comprehendit

omnia quæ in virtute sua continentur, cognoscit in ea quicquid potest facere & facturus est: ergo & futura libera, quæ certe antecedenter ad decretum, præcontinentur in essentia divina; quandoquidem omnes rerum perfectiones & a Deo sunt, & præexistunt in Deo. Ad summum, inquit subtiliter Suarez, potest Deus in suæ essentia comprehensione decretum ut futurum & omnia in ipso cognoscere; maxime, quia omnia videt Deus in æternitate; æternitas autem illi ante decretum convenit, cum sit attributum essentialis & duratio ipsam mensurans essentiam; decretum vero, utpote liberum, est posterius. Ergo Deus cognoscit futura libera independentem a decreto; tum quia ante illud videt infinita, tum quia omnia comprehendit, tum quia omnia in æternitate intuetur.

*Respondeo* distinguendo. Antecedenter ad decretum Deus videt infinita, eo modo quo sunt cognoscibilia, concedo: alio modo, nego. Videt & futura, quia videt quicquid facere potest, sed videt quatenus possibilia, nondum quippe sunt futura, siquidem e statu possibilitatis educuntur per decretum. Ad id quod additur, quod intellectus divinus concipere in potentia ad novum objectum cognoscendum; nego propter duo. 1. Quia cognoscit omnia etiam futura ante decretum, sed quatenus possibilia. 2. Quia in eodem instanti cognoscit & se & alia; quando igitur non concipitur cognoscere possibilia, postea futura, hæc posterioritas est solum a quo & ordinis, in quantum concipitur prius possibile ab essentia divina fluere, deinde futurum; & si qua est in concipiendo potentialitas, tota se tenet ex parte intellectus creati, qui propter suam limitationem concipit divina ut humana.

*Ad confirmationem* similiter, distinguo: Deus comprehendit omnia, & ipsi possibilia prius ab ipso fluere, deinde futura per decretum, concedo: secus, nego. Respectu Dei non datur prius & posterius in cognitione, cum voluntatis actus idem sit realiter cum actu intellectus, & ipsa futura quæ dependent ab ipsius voluntate, simul cum possibilibus cognoscantur; sed datur respectu rerum & nostri, in quantum unum prius concipimus a Deo fluere quam aliud: sicut enim propter illum ordinem concipimus esse in Deo & intellectum & voluntatem, quia entitas divi-

divina facit quicquid facit & intellectus & voluntas noſtra, ita & diverſas virtualiter cognitiones ſecundum diverſitatem & ordinem objectorum in Deo diſtinguimus. Et ideo etiam in opinione oppoſita, alia eſt cognitio poſſibilem, alia futurorum: quidni igitur & dicemus poſſibilia cognoſci quidem ante decretum prius prioritate naturæ & ordinis, deinde ipſa futura videri in decreto tanquam in medio, in quo relucent & præcontinentur, ſicut effectus in cauſa?

*Ad rationem Suarezii;* nego decretum repræſentari ut futurum in æternitate; ideo enim Patres ſæpe recurrunt ad præſentiam rerum in æternitate quæ facta noſtra divino objicit intellectui, ut a peccatis deterreat peccatores, qui a paſſionibus illuſi credunt Deum, aut oblivifci futurorum, aut etiam præſentia cæteris hominibus impervia ignorare; ſed non excludunt per hoc dependentiam rerum creaturarum a divina voluntate: unde & in iſto medio videt Deus futura libera a tuo dependere beneplacito: igitur hæc ratio concludit pro nobis, & oſtendit decretum non poſſe concipi futurum, ut poſſuit Suarez; maxime cum non detur inſtans in quo tale decretum non ſit actus voluntatis divinæ. Solutio eſt D. Thomæ qui q. 6. de veritate art. 3. ad 10. ait: „Actus prædeterminationis cum menſuretur æternitate, nunquam cadit in præteritum, ſicut nunquam eſt futurus, ſed ſemper conſideratur ut egrediens a voluntate per modum libertatis.“ Obſerves velim, Lector benevole; Divum Thomam loqui de actu libero ad creaturam terminato: igitur & actus proceſſionum ad intra, & ipſe actus Dei liber ad extra non concipiuntur ut futuri; ſicque ruit ratio in contrarium.

*Rurſus inſtabis.* Scientia ſimplicis intelligentiæ concipitur ante ſcientiam viſionis: igitur & cognitio futuri decreti poſteſt concipi ante cognitionem particularem futuri; maxime quia divina concipiuntur ante creata; decretum autem eſt actus liber divinæ voluntatis; poſteſt igitur & prius concipi & in eo futurum liberum videri, antequam de ſacto exeat illud decretum a voluntate divina pro productione rei. Confirmatur. Si Angelus eſſet ab æterno, dilectio tamen creaturæ ab Angelo poſſet concipi futura, eo quod prius eſſet Angelum exiſtere, quam amare; ſic prius eſt actum voluntatis divinæ

eſſe, quam terminari ad creaturam: igitur decretum de creatura poſteſt concipi ut futurum, adeoque futurum conditionatum poſteſt cognolci antecedepter ad decretum. Probatum iterum. Decretum Dei liberum a quo dependet creatura, addit ſolum aliquid rationis ſuper actum voluntatis divinæ, ſcilicet connotationem creaturæ: ſed ante illam connotationem, Deus ſuam cognolcit voluntatem & omnia quæ in ea ſunt; ergo antecederet ad decretum, & cognolcit futurum conditionatum, & ipſum decretum poſteſt concipi ut futurum; præſertim vero cum creaturam non producat niſi in tempore.

*Reſpondeo* diſtinguendo. Scientia ſimplicis intelligentiæ concipitur ante ſcientiam viſionis; & ideo prius concipitur Deus poſſibilia cognolcere quam futura libera, concedo: & ideo decretum concipitur ut futurum, nego. Tametiſi decretum terminetur ad creaturas, eſt tamen quid divinum, & ideo non poſteſt concipi ut futurum, divina enim menſurantur æternitate eſſentiali, in qua ſunt æqualiter præſentia. Deinde decretum illud, quod juxta Suarezium conciperetur ut futurum, eſſet tantum indiſſerens, quia voluntas divina in illo priori nondum conciperetur determinati ad productionem rei, aliis jam poſitum eſſet decretum, & ſic in noſtrum incidit ſentium: vel dicendum quod in illo priori decretum conciperetur ut poſſibile, adeoque & alia a ſe, pure poſſibilia & non futura, quia in illo priori conciperetur voluntas divina ut potens multa facere. Sed hoc non coheret cum doctriſa D. Thomæ, qui hic q. 16. negat Deum habere idem da ſe, adeoque de actu ſuæ voluntatis, quia, inquit, idea eſt ad aliud; unde Deus ſe & ſua attributa non cognolcit per ideam & aliquod medium, ſed in ſeipſo.

*Reſpondeo* ad confirmationem, negando paritatem, propter duo. Primo, quia Angelus non poſteſt ſibi ſuam identificare voluntatem, quæ eſt facultas, adeoque aliud a ſua ſubſtantia, nec utique poſteſt ſibi ſuam identificare ſuæ voluntatis actum: unde prius eſt Angelum eſſe, quam diligere: igitur ipſius dilectio poſteſt concipi ut futura, niſiquam vero decretum Dei, propter rationes jam allatas. Secundo, quia dilectio Angeli eſſet æterna æternitate ſolum participata, at vero decretum Dei eſt æternum æternitate eſſentiali; quia vero eſt liberum pro rebus ad extra, ſolummo-

lummodo sequitur creaturam concipi ut futuram, & esse de facto talem.

*Respondeo* ad aliam probationem, distinguendo: decretum addit tantum aliquid rationis respective ad creaturam, concedo: concipitur enim relatio duntaxat rationis & non realis in Deo ad creaturam connotatam, quia Deus ab ipsa non dependet: est aliquid rationis respectu Dei, nego. Est enim voluntatis divinæ actus, qui quidem simul est eminenter & liber & necessarius; in quo certe connotatio ad creaturam producendam fundatur. Ad id quod additur, ante connotationem Deus suam videt voluntatem & omnia in ea: distinguo, videt ut possibilia, concedo: ut futura, nego. In illo enim priori rationis suam videt Deus voluntatem nondum determinatam; quia per decretum, quod nondum intelligitur, determinationem habet. Igitur, cum nihil sit futurum ante decretum, dicendum Deum futura libera conditionata & alia in decreto prædefiniente cognoscere.

*Opponit* 2. E duabus propositionibus de futuro contingenti, una est ex se determinate vera altera determinate falsa; verbi gratia, Petrus disputabit, Petrus non disputabit: & probatur, una ex se ante decretum est conformis objecto enuntiato, altera non; quia sunt contradictoriae, adeoque una debet esse falsa, alia vera, sin minus non essent contradictoriae.

*Respondeo* negando anteced. ad primum probationem, nego unam propositionem esse ante decretum objecto & veritati conformem, alteram vero difformem, quia tunc nihil est futurum, cum causæ nondum intelligantur determinatæ: non quidem primi, quia supponitur nihil adhuc decrevisse; neque secundæ, quia determinatur per primum, nec seipsam applicat ad actum, nisi præmota per illam; unde propositiones non sunt nisi materialiter contradictoriae, sed extenus indifferentes, quatenus objectum est in potentia ad esse vel non esse.

*Urgetur*. Ista propositio vel Petrus disputabit, vel non disputabit, est determinate vera ante decretum, altera falsa: ergo & una ex istis, Petrus disputabit, Petrus non disputabit. Confirmatur. Effectus necessarius, ut eclipsi lunæ, potest cognosci futurus independenter a decreto: ergo & contingens, cum non magis dependere debeat a decreto, quam effectus necessarius.

*Respondeo* concessio antecedente, negando consequentiam; ad veritatem enim unius disjunctivæ, sufficit rem posse esse vel non esse; & sensus est, vel causa prima & secunda, se determinabunt ad hoc vel non. Sed in duabus propositionibus de futuro contingenti, una dicitur determinate vera, altera determinate falsa: quod autem est determinatum, est absolute futurum, quia supponit causam primam, ad unum membrum determinatam.

*Respondeo* ad confirmationem, distinguendo: effectus necessarius potest cognosci futurus quoad speciem & in genere, seu vage independenter a decreto, concedo: futurus in particulari & actu, nego. Astro-nomus potest propter aliqua signa cognoscere in genere eclipsim lunæ, sed ante decretum non est illa eclipsis determinate futura; tum quia potest impediri a Deo; tum quia causæ necessariæ secundæ indigent utique præmotione Dei ut exeant ad actum: cum enim sint potentiales, debent reduci ad exercitium per id quod est semper in actu, scilicet per primam causam, quæ movet creaturas secundum exigentiam naturæ, necessarias scilicet necessario, liberas vero libere.

*Obijciat* 3. Scientia conditionatorum in Deo est media inter scientias simplicis intelligentiæ & visionis: igitur Deus cognoscit futura libere independenter a decreto. Probatur antecedens. 1. Scientia simplicis intelligentiæ est de pure possibilibus, scientia vero visionis de futuris absolutis. Igitur datur media, quæ est de conditionatis. 2. Scientia specificatur ab objecto; unde ubi sunt objecta formaliter diversa, sunt etiam diversæ scientiæ: sed futurum conditionatum est formaliter distinctum a possibili & a futuro absoluto: igitur specificat specialem scientiam. 3. Si futurum conditionatum non est formaliter diversum ab aliis divinæ scientiæ objectis, erit vel simpliciter possibile, vel simpliciter & absolute futurum, & nullo modo conditionatum: ut contrarium ostensum est, cum dari futura conditionata probavimus. Ergo &c.

*Respondeo* distinguendo antecedens. Scientia conditionatorum est media, in terminis & quoad nomen, seu loquendi modum, concedo: cum enim futura conditione respective ad causas secundas dependant a conditione quæ potest poni vel non, præscientiæ eorum concipitur quasi media secundum modum loquendi. Est media in

rei veritate & cum fundamento, nego. Qualitas enim præscientiæ consideratur & meniuratur in ordine ad Deum & secundum quod videt; jam vero, cum respectu Dei conditionata reducatur vel ad possibilita, si conditio non est purificanda, vel ad futura absoluta, si ponenda est conditio, & Deus certo sciat quod ponetur conditio, vel non ponetur, futurum conditionatum cognoscitur, vel per scientiam simplicis intelligentiæ, vel per scientiam visionis.

*Ad primam probationem*, distinguo : & scientiæ simplicis intelligentiæ est de futuris conditionatis quorum conditio non purificabitur, scientia vero visionis de aliis quorum conditio ponetur, concedo ; pertinent enim illi reductivè ad alterutram scientiam : scilicet, secus, nego.

*Ad secundam probationem*, distinguo : objecta sunt formaliter diversa, quoad nos & quoad causas secundas, concedo : quoad Deum, nego. Ignoramus quippe an conditio ponenda sit, vel non, tum quia causæ secundæ concipiuntur partim determinatæ, partim non determinatæ : idem respectu nostri objecta sunt specie formaliter diversa, possuntque diversas in nobis constituere scientias : sed dictum est Deum non accipere scientiam a rebus, bene vero a seipso ; cognoscit enim possibilia in ideis, futura in decretis, omnia in æternitate : sequitur igitur præscientiam Dei res attingere quales erunt & non erunt ; si enim futurum foret conditionatum respectu Dei, præscientia non esset certa & infallibilis : ideoque objectum non est respectu Dei formaliter diversum, sed vel possibile vel futurum simpliciter. Illud tamen cognoscit Deus ut vere conditionatum, quia tale est respectu causæ secundæ a quo specificatur. Aliud est igitur cognoscere futurum conditionatum, aliud cognoscere conditionate : primum competit Deo ; alterum vero tantum creaturæ ; & sic patet solutio ad tertium.

*Infalis*. Est unicus in Deo actus intellectus, quia tamen cognitio Dei æquivalere scientiis multis, quæ realiter distinguuntur in creatis, in ipso utrique distinguuntur virtualiter, & plures concipiuntur scientiæ : sed præscientia Dei æquivalere scientiæ possibili, & scientia futurorum absolutorum, & scientia conditionatorum quæ formaliter sunt diversæ in creatis : igitur sunt & in Deo tres virtualiter scientiæ, una scilicet mediæ inter scientiam simplicis intelligentiæ, & scientiam visionis.

*Respondeo distinguendo*. Si scientiæ creatæ ex natura rei sint diversæ, actus intellectus Dei habet scientias virtualiter diversas, concedo : si scientiæ creatæ sint solum per accidens diversæ formaliter, nego. Scientia conditionatorum in creaturis est diversa a scientia simplicis intelligentiæ & a scientia visionis defectu luminis : nam objecta diversam ab eo non a sua natura inducunt rationem, cum ex se sint vel puræ possibilia, vel simpliciter futura, & solum conditionate futura propter potentialitatem creaturæ : igitur cognoscuntur ab homine ut conditionate futura defectu sufficientis luminis, quod si plenum adesset, homo eandem inveniret rationem in objectis, scilicet vel rationem puræ possibilitatis, vel puræ futuritionis. Porro in Deo est lumen infinitum, & ideo non potest esse scientia media conditionatorum, utpote quæ argueret in eo imperfectionem, quatenus responderet nostræ conditionatorum scientiæ, quæ est conjecturalis & imperfecta. Cognoscere triangulum medio mathematico, & ut abstrahit a materia individuali, & cognoscere medio physico, & ut est a parte rei sensibilis & individualis, arguit duplicem scientiam, sed cognoscere medio probabili arguit imperfectionem ; objectum enim non apparet formaliter diversum nisi propter imperfectionem luminis in homine, unde in ipso cognitio conjecturalis parit habitum medium, scilicet opinionem, sed nunquam in Deo.

*Infalis iterum*. Objectum scientiæ specificum a causis secundis desumitur : sed futurum conditionatum est tale & in se, & per ordinem ad causas secundas : igitur arguit scientiam formaliter diversam a scientiis simplicis intelligentiæ & visionis : aliis nihil erit conditionate futurum, sed omnia erunt vel possibilia, vel absolute futura.

*Respondeo distinguendo*. Objectum specificatur a causis secundis, & a ratione propria quæ est illi intrinseca, concedo, a causis secundis tantum, nego. Corpus humanum est objectum medicinæ simul & physicæ, non præcisè quia a sciente consideratur, siquidem Tyro attingit illud medio probabili, & habet solummodo opinionem, verum potius in ratione objecti formalis constituitur ut est sanabile & mobile. Primo modo attingitur a medicina, secundo modo a physica : illæ enim rationes & sunt diversæ, & illi intrinsece : sed

sed quod sit conditionatum & dubium obiectum, habet hoc solum ab extrinseco, & defectu luminis in sciente & contemplante; quia tamen dependet a conditione, est futurum vere conditionatum.

*Solutio* est Divi Thomæ qui hic qu. 14. art. 13. sic respondet ad difficultatem.

„Ad primum ergo dicendum, quod licet  
„causa suprema sit necessaria, tamen effectus potest esse contingens propter causam proximam contingentem. Sicut germinatio plantæ est contingens propter causam proximam contingentem; licet  
„motus solis, qui est causa prima, sit  
„necessarius: & similiter scita a Deo sunt  
„contingentia, propter causas proximas,  
„licet Dei scientia quæ est causa prima  
„sit necessaria.”

*Respondeo* 2. distinguendo. Obiectum formale a causis secundis desumitur, & a modo & a tendentia speciem habet, concedo: & non habet, nego. Obiectum triplex distinguitur, materiale scilicet, formale quod, & formale sub quo. Materiale est res ipsa in se spectata; formale quod, est ratio quæ attingitur in obiecto: formale sub quo, est medium quo facultas rem vel attingit, vel considerat. Quod quidem variis potest illustrari exemplis. Pariet, verbi gratia, est res ab oculo visa: color, est ratio quam oculus attingit in pariete: lumen naturale medium quo possidet obiectum. Corpus humanum est utique res circa quam occupatur medicina: corpus ut sanabile seu sanabilitas, ratio quæ respicitur: lumen naturale & discursus, medium: sic in facto præfenti: futurum conditionatum est id quod consideratur a Deo in decreto conditionato: verum si futurum habet conditionem non purificandam, pertinet ad scientiam simplicis intelligentiæ, quia intellectus divinus in eo videt solum possibilitatis rationem: si vero conditio ponenda est, ad scientiam visionis spectat; siquidem habet existentiam vere futuram, & in æternitate tanquam præfens sistitur oculis Dei. Ratio sub qua scientia attingit ejusmodi futurum primo modo consideratum, est speculatio, seu lumen puræ intelligentiæ: ratio seu medium quo Deus intelligit & cognoscit futurum conditionatum secundo modo sumptum, est lumen practicum habens adjunctam voluntatem, adeoque visionis lux & scientia.

*Respondeo* 3. distinguendo iterum. Scientia specificatur ab obiecto, & a modo ten-

dendi in obiectum, & a ratione quæ in obiecto consideratur, concedo: ab obiecto materialiter sumpto, nego. Tres quidem res & tria apparent obiecta, videlicet possibile, futurum absoluteum, & futurum conditionatum; verum istud non multiplicat in Deo scientiam, quia reducit vel ad possibile, vel ad futurum simpliciter. Et vero si conditio non est purificanda, circa illud se habet intellectus divinus speculative & ut ad rem possibilem; sin minus, tendit practice in illud, & tanquam vere futurum contemplatur: igitur neque modus tendendi diversus est, neque ratio distincta ab ea quæ attingitur per scientiam simplicis intelligentiæ & visionis.

*Dices.* Creaturæ futuræ habent solum esse objective in Deo, non enim realiter & actu præexistunt in eo; alias æternæ forent sicut ipse Deus, quod est contra fidem: sed obiecta sunt in se diversa; quid enim magis diversum concipi potest quam res alia mere possibilis, alia simpliciter futura, alia vero conditionate futura? Igitur & sunt diversæ formaliter, & distinctæ scientiæ, seu diversas formaliter terminant in Deo scientias.

*Respondeo* distinguendo. Creaturæ in propria mensura spectatæ, videlicet in tempore, habent tantum esse objective, concedo: in mensura æternitatis, nego. Futurum igitur duplici modo spectari potest, nimirum in propria mensura, deinde in superiori: si spectetur in propria, profecto habet esse mere objectivum, nondum quippe est; sed aliquando erit: at vero si spectetur in superiori, & in Deo dicitur esse realiter præfens, propter duo; primo quidem quia continetur ut effectus in prima sua causa; deinde vero, in æternitate, quæ cuncta includit tempora, repræsentatur: cum igitur Deus illud in ista intueatur mensura, certe futurum cognoscit eo modo quo futurum est, scilicet vel cum conditione purificanda, vel cum conditione non purificanda: si primo modo, ad scientiam visionis spectat, si secundo, ad scientiam simplicis intelligentiæ. Igitur scientia media ad hoc momentum prorsus inutilis videtur.

*Obijcies* 4. Sapiens provisor prius cogitat faciendū, deinde ponderat mediā ad finem, antequam operetur: ergo cum in Deo sit sapientia infinita, debet esse & scientia mediā, ut cuncta ordinet, antequam operetur per decretum; decretum igitur prædehniens amovendum est.

*Respon-*

*Respondeo*, distinguendo antecedens & ad omnia ordinanda datur scientia simplicis intelligentiæ, concedo: scientia media, nego: ad hoc enim scientia media prorsus inutilis est, siquidem in ideis divinis sunt rerum omnium rationes; unde scientia simplicis intelligentiæ a D. Thom. hic q. 15. dicitur causa rerum directiva, decretum vero eas educit e statu puræ possibilitatis, quatenus statuit Deus eas producere.

*Inflabis*: Atqui scientia media ad hoc non est inutilis: & probatur: scientia media salvat creaturæ libertatem; per eam quippe lustrat Deus quid creatura velit, ut illam postea moveat & adiuvet ad agendum: decretum vero prædefinienti movet creaturam independentem ab ea: ergo illud removendum; scientia vero media, utpote suavis, admittenda est.

*Respondeo* negando sequelam: ad probationem, distinguo. Scientia media salvat libertatem imperfectam & sterilem, concedo: perfectam & fecundam, nego. Duplex distinguitur libertas: altera potentialis & imperfecta, altera actualis & perfecta. Prior est pura potentia ad agendum, & hanc solum salvat scientia media, siquidem relinquit creaturam suspensam & proprio potentialitatis vinculo alligatam; enimvero debet creatura seipsam applicare ad agendum. Sed quomodo se determinabit, nisi mota ab alio, cum ejus agendi virtus sit in potentia? Altera libertas est liberum voluntatis exercitium in quo consistit essentialis libertatis; siquidem libertas Dei quæ est exterarum libertatum radix, semper actualis est: porro per solam Dei voluntatem & actum ejus liberum seu decretum, potest creatura habere libertatem perfectam: igitur decretum non perimit, sed fovet & nutrit liberum arbitrium. De hac difficultate superior redibit sermo in disputatione sequenti, ubi agemus de concordia libertatis humanæ cum præscientia Dei.

*Salvatur argumentum desumptum ex læsione sanctitatis Dei.*

**OBJECES.** Deus non cognoscit peccata in decreto suo prædefiniente; alias cum decretum sit causæ rerum; Deus foret auctor peccatorum: ergo datur scientia media, saltem ad ista cognoscenda.

*Respondeo* distinguendo. Deus non cognoscit peccata in decreto permissivo, nego: in decreto positivo, subdistinguo: se-

cundum formale peccati, concedo: secundum materiale, nego. Dicitur est supra in prima disputatione, Deum cognoscere mala & privationes in bono opposito: ita Div. Thomas ex professo hic q. 14. art. 10. *Per hoc*, inquit, *quod Deus cognoscit bona, cognoscit etiam mala, sicut per lucem & cognoscitur tenebræ*, unde dicit Dionysius<sup>s</sup> c. 7. de div. nom. *Quod Deus per semetipsum tenebrarum accipit visionem, non aliunde videntem tenebras quam in luce.* Ad majorem difficultatis explicationem, duo sunt consideranda in peccato, scilicet id quod est physicum & ens, verbi gratia, motio manus tenentis enssem; & formale seu privatio & deformitas ad regulas morum. Materiale ut sic, est quid indifferens ad bonum vel malum, ut in exemplo allato, motio manus ad enssem; siquidem aliquis potest movere gladium contra inimicum patriæ, & tunc non est peccatum, vel contra civem & in vindictam, & tunc est culpa grandis; formale igitur peccati causatur ex intentione, quæ detorquet actionem physicam manus ad malum perpetrandum, sicut virtus vitiata in tibia, inquit D. Thomas, detorquet ad malam motionem vitalem de se tendentem in bonum, & facit claudicare: igitur Deus non potest esse auctor peccati, quia malum habet solum causam deficientem, non efficientem.

*Inflabis*. Formale peccati sequitur ad materiale: ergo si Deus prædefinit materiale & est causæ illius, videtur quod & influat in formale.

*Respondeo*, distinguendo. Formale sequitur ad materiale obliquatum, concedo: ad materiale ut sic, & quatenus solum est ens, nego. Actus peccaminosus potest considerari dupliciter: ut est ens quoddam reale & positivum in se, sine ordine ad regulas morum, sed isto respectu est quid indifferens, immo & quid bonum physice, quia ens & bonum convertuntur: 2. ut est tendentia in obiectum dissonum, qualis est intuitus mulieris cum malo desiderio; sub ista consideratione est materiale obliquatum, & ut sic profecto est malum: 3. ut est privatio justitæ resultans ad illum actum, & hoc vocatur formale peccati. In obus his posterioribus modis non est a Deo: igitur peccatum non est a Deo; quæ ideoquidem habet solum quod sit peccatum formaliter, per ordinem ad regulas morum dissonas, & per privationem.

*Rursus instabis.* Approximatio stupæ ad ignem est causa ignitionis: sed sic se habet materiale ad formale peccati; est enim necessaria connexio inter utrumque: igitur si Deus per decretum præmoveret ad materiale peccati, videtur quod consequenter in hypothesei moveat & ad formale.

*Respondeo*, distinguendo minorem. Eodem modo se habet materiale obliquatum, concedo: materiale ut sic, nego. Istud enim est indifferens ad bonum & malum, nec subest bono aut malo nisi per intentionem; juxta illud axioma, *quidquid faciant homines, intentio judicat omnes*: igitur formale peccati sequitur solum sequela ordinis ad materiale ut sic, nisi quum vero sequela causalitatis, nisi sit materiale jam obliquatum.

*Instabis adhuc.* Posita præmotione ad materiale ut sic, sequitur necessario formale: ergo si decretum prædefinens est ad materiale, erit & ad formale, quod certe dici non debet.

*Respondeo 1.* retorquendo argumentum. Posito concursu simultaneo Dei ad materiale peccati, sequitur utique peccatum formaliter, & quidem infallibiliter: eisdem igitur pro utraque parte procedit & currit difficultas.

*Respondeo 2.* distinguendo: posita præmotione, sequitur formale, sequela ordinis, concedo: sequela influxus & causalitatis, nego. Non datur præmotio ad materiale obliquatum & formale, ista enim duo non habent causam efficientem sed deficientem: ad quid igitur & quo scopo confertur? claret eo fine dari, ut creatura exeat de potentia in actum physicum; unde ne quidem indirecte ad peccatum concurrat præmotio. Dei, quia peccatum reduplicative ut peccatum, est deformitas, & rectitudinis privatio.

*Instas.* Deus cognoscit peccatum in decreto permissivo, decernendo negare gratiam: ergo decretum si admitatur, erit causa ipsius peccati: & probatur: denegatio gratiæ est causa peccati, siquidem fine ei non potest vinci tentatio.

*Respondeo* distinguendo. Denegatio gratiæ est causa peccati causalitate consequentiæ, idest, sequitur hominem peccare si non habet gratiam, concedo: est causa peccati causalitate influxus, nego. Sola voluntas humana detorquens in malum motionem physicam, quum maliciose sibi facit servire, est causa mali. Cæterum, cum Deus sit provisor generalis finit

causas secundas liberas ad nutum agere, unde si homo vel per peccata præterita, vel per iteratam inspirationibus sanctis obnitentiam, indignum gratiæ efficaci se præbuerit, iustissime ea privatur: quod vero, defectu gratiæ, in nova ruat peccata, est per accidens, quandoquidem denegatio gratiæ est causa peccati tantum negativa, in quantum maxima remanent ad vincendas tentationes occurrentes impedimenta.

*Instabis.* Denegatio gratiæ infallibilem habet cum peccato connexionem; denegata quippe gratia pro certo sequitur peccatum: ergo &c.

*Respondeo* distinguendo. Denegatio gratiæ infallibilem habet cum peccato connexionem ordinis, concedo: connexionem causalitatis, nego. Sequitur quidem peccatum, ex denegatione gratiæ; sed gratiæ denegatio non est causa peccati, nihil enim ad hoc influit, sola mali voluntas deficiens illud operatur; unde *perditio tua Israel*, ait Dominus *Osee* 13. 9.

*Instabis.* Si denegatio gratiæ infallibilem habet cum peccato connexionem ordinis, duo exinde sequuntur absurdum: primum quidem, voluntatem humanam manere ex se ad malum determinatam; alterum vero, eandem, nullum omnino posse bonum: ergo &c.

*Respondeo*, negando utramque sequelam: primam quidem; namque homo gratiam habet sufficientem qua potest operari bonum; si uberiori ad faciendum opus habeat, oret sicut oportet, & obtinebit: neque vero aliud sequitur inconveniens; gratia quippe prævenit peccatorem ut declinet a malo & faciat bonum.

## SYNOPSIS PROBATIONUM.

*Deus secundum Thomistas cognoscit futura conditionata in decretis.*

**PRIMO.** Apostolus id declarare videtur; loquens enim de Deo *Ephes.* 1. 11. ait: *Omnia operatur secundum consilium voluntatis sue*: ibid. 2. 10. *Ipsius factura sumus, creati in Christo Jesu in operibus bonis.*

**Secundo.** Idem ex Augustino confirmatur l. de dono. pers. c. 17. *Si Deus*, inquit, *bona opera præscribit, profecto prædestinavit, hoc est decrevit.* Concinit D. Thomas hic 1. p. q. 16. art. 7. ad 3. *Illud quod nunc est, ex eo futurum fuit antequam esset, quia in causa sua erat ut fieret.* & q.

14. art. 8. *Neceffe est quod sua scientia sit causa rerum secundum quod habet voluntatem conjunctam.*

*Tertio*, Ratio suffragatur. Ante decretum nihil est futurum; nullæ enim causæ sunt ad agendum determinatæ: non quidem prima, ut supponitur; sed neque secunda, quia a prima moveri & determinari debet, cum id quod est in potentia debet determinari, per id quod est semper in actu.

## SYNOPSIS SOLUTIONUM

### AD ARGUMENTA IN CONTRARIUM.

**PRIMO.** Tametsi Deus cuncta futura cognoscat in decreto, non inde sequitur injuste Judæos a Christo increpari, quippe qui sui culpa, gratia efficaci ad conversionem caruerint, juxta illud B. Stephani eos sic objurgantis A. 7. *Vos semper Spiritui sancto resistitis*: Nonnunquam tamen Scriptura revelat futura per ordinem ad causas secundas, sed non excludit primam, immo supponit.

*Secundo*, Quandoque etiam Patres asserunt Deum omnia præscire, sed non prædeterminare; observandum est igitur, eos loqui de peccatis, quæ quidem non habent causam efficientem, sed tantum deficientem.

*Tertio*, Augustinus interdum dicit Deum eo vocare modo, quo scit congruere; sed non ideo divinum exsufflat decretum; maxime vero cum dicat hom. 23. inter 30. etiam circumstantias concludi in beneplacito. Eodem proflus modo explicandus est, cum ait, ideo aliquid esse futurum—quia Deus humanæ præscius est voluntatis: sed quo modo, & quo in medio præscius, nisi in decreto.

*Quarto*. Nec utique negamus D. Thomam recurrere pro futuratione rerum & ad ideas, & ad æternitatem sicut multi Patres; sed quid mirum? non enim una aut altera, sed multiplex causa ad eundem concurrat effectum; idea quidem directiva, decretum vero efficienter. Ergone læditur aut libertas hominis, aut sanctitas Dei? nusquam profecto; namque decretum movet causas liberas libere, ad peccatum vero nullo modo concurrat.





## DISSERTATIO QUARTA.

D E

## CONCORDIA LIBERTATIS

## CUM PRÆSCIENTIA DIVINA.

*In Scholis Sanctæ Ecclesiæ Romanæ,*

ROTESTANTES negant libertatem hominis cum præscientia divina consociari. Sed contra quod dicitur Eccli. 15. *Apposui tibi aquam & ignem; ad quod volueris, porrigere manum tuam.*

*Dogma de concordia libertatis hominis cum præscientia Dei quatuor momentis explicatur & defenditur.*

PRIMO, quia est de fide hominem viatorem esse liberum.

Secundo, quia præscientia non lædit, sed potius fovet hominis libertatem.

Tertio, quia sic ab omni ævo docuerunt Theologi cordati & orthodoxi.

Quarto, in hoc potissimum puncto citra dubium conveniunt omnes Academiæ Catholicæ.

Puritas fidei in hoc momento plurimum commendatur virtute & religione Sacre Facultatis Parisiensis.

Affulget quoque non mediocriter in Schola Angelica, nedum eruditione, sed & auctorum sententiis, supra modum vero sanctitate & mirabili D. Thomæ Aquinatis sapientia.

Rutilat denique in cæteris Ecclesiæ Academicis, quarum Theologi non pauci, verbo irreprehensibili, doctissimis scriptis. & virtutum omnium apparatu, fidem & contra impugnantes defenderunt, & adversus adulterantes intactam prædicare & custodire fategerunt.

## ARTICULUS PRIMUS.

*Utrum homo lapsus sit liber libertate vera, idest non solum a coactione, sed a necessitate, in actionibus sive ordinis naturalis, sive ordinis supernaturalis.*

MANICHEI admittebant fatum & quamdam violentiam inducebant in voluntatem humanam. Lutherus assert. 36. Calv. l. 2. inst. c. 4. §. 6. docent liberum arbitrium non posse sine gratia facere actiones etiam civiles & moraliter bonas: primus art. 36. asserit liberum arbitrium per peccatum penitus ablatum, esse titulum sine re, trahique a gratia ut inanime quoddam. Astipulatur Calv. lib. 2. inst. c. 2. §. 26. & 27. nam & voluntatem ad malum trahi necessario non semel dicit Jansen. Ypr. l. 3. de statu naturæ lapsæ, in hunc collimat errorem: ibi enim scribit hominem per peccatum, non solum amisisse libertatem ad bonum faciendum, sed etiam ad abstinendum a malo, & loco libertatis indifferentiæ ad bonum & malum, inductam fuisse necessitatem ad utrumque.

Ex his falsis & erroneis sententiis sequitur scientiam Dei libertati humanæ adversari: verum si semel probaverimus, neque Dei gratia, neque concupiscentia vim voluntati nostræ, vel ad bonum vel ad malum operandum inferri, luce clarius patebit præscientiam cum libero arbitrio apprime conciliari: sed ut ordine procedamus, repetendum est principium. Triplex igitur ex dictis contra libertatem creaturæ rationalis colligitur error, cum dicitur 1. liberum arbitrium esse titulum sine re, & trahi ut inanime quoddam, ita ut mere passive se habeat ad bonum & malum: 2. nihil valere ad bonum su-

per-

pernaturale, & a gratia necessitari. 3. totam hominis libertatem sitam esse in voluntario spontaneo. Hinc & tria ad veritatem stabiliendam demonstranda sunt. Primo quidem inesse homini lapso liberum arbitrium, seu libertatem indifferentiæ & ætatis. 2. Hominem sub dominio gratiæ esse liberum ad bonum salutis operandum. 3. Libertatem essentialiter consistere in indifferentia, & talem prædicari tum ab Ecclesia, tum a Conciliis, tum a sanctis Patribus. Datur igitur libertas a coactione; homo viator nullam vim in actibus interioribus experitur. Datur libertas a necessitate; homo libere se movet ad agendum. Datur libertas a passionibus & concupiscentia; homo per gratiam Christi solvitur a vinculis peccatorum. Nunc ad singula probanda properare juvat.

## SECTIO PRIMA.

*Utrum homo lapsus sit liber libertate indifferentiæ ad bonum & malum.*

### CONCLUSIO.

Homo lapsus est vere & intrinsece liber libertate indifferentiæ ad bonum & malum, morale & civile.

*Probatum auctoritate & ratione.*

Primo, *Ex Scriptura sacra veteris Testamenti.*

1. **GENES. 4.** Deus Cainum sic allocuitur: *Si bene egeris, recipies; si male, statim in foribus peccatum aderit: sed sub te erit appetitus tuus, & tu dominaberis illius.* Ex hac sententia liquet inesse homini libertatem indifferentiæ ad bonum & malum, quandoquidem utrumque operari potest; alius quare adhortaretur ut suo dominetur appetitui ne faciat malum, si ad peccatum vi & impetu concupiscentiæ rapiatur ut inimice quoddam. Porro observandum est Scripturam ibi de homine lapso habere sermonem; jam enim peccaverit Adam, cum Deus Cainum allocutus est; jam ipse Cainus invidia adversus fratrem tabescente mala molitus fuerat; Deus tamen eum ad meliora adhortatur: poterat igitur Cainus operari bonum, & se convertere.

2. Deuteronomii 30. Deum ad Israeli-  
*Boucat Theol. Tom. I.*

tas hæc dixisse refertur: *Proposui vobis vitam & mortem, benedictionem & maledictionem; elige ergo vitam.* Quod quidem oraculum dilucide probat libertatem quam prædicamus.

3. Ecclesiast. 15. *Ante hominem vita & mors, bonum & malum, quod placuerit ei, dabitur illi.* Ubi est electio, ibi est libertas indifferentiæ: atqui ex Scriptura, bonum & malum, vita & mors, proponuntur homini lapso, ut eligat quod voluerit; siquidem de solo homine lapso loquitur Ecclesiasticus, quippe qui sermonem instituat ad instructionem & morum directionem: igitur homo est vere liber libertate indifferentiæ ad bonum & malum.

### Ex Novo Testamento.

1. **LUC. 9. 23.** Christus: *Si quis vult post me venire, abneget semet-ipsam.* Et iterum Matth. 20. 29. *Qui reliquerit patrem autem matrem, . . . propter nomen meum, centuplum accipiet & vitam æternam possidebit.* Utrumque proponitur sub electione: igitur est in potestate hominis facere vel non facere, eligere unum & relinquere alterum.

2. Apostolus 1. Cor. 7. loquens de virginitate ad arbitrium colenda sic loquitur: *Si quis autem turpem se videri existimat super virgine sua, quod sit super adultera, & ita oportet fieri: quod vult faciat, non peccat, si nubat.* Nam qui statuit in corde suo firmus, non habens necessitatem, potestatem autem habens suæ voluntatis, & hoc iudicavit in corde suo, servare virginem suam, bene facit: sed habere potestatem suæ voluntatis, & posse facere vel non facere quod placuerit, est esse liberum: igitur homo lapsus est liberrimus; loquitur enim Apostolus de patre, qui potest jungere virginem suam in matrimonio, vel non jungere.

3. Apoc. 2. Angelo Ephesi Ecclesiæ scribe . . . scio opera tua & laborem & patientiam tuam . . . sed habeo adversum te, quod charitatem tuam primam dereliquisti. Memor esto itaque unde excideris, & age penitentiam & prima opera fac. Sin autem, venio tibi, & movebo candelabrum de loco suo. Ibi laudatur Episcopus de bonis operibus suis, increpatur vero quod a prima charitate exciderit. Illum hortatur Propheta Evangelicus, ut prima bona opera iterum ex animo faciat, poterat iterum

L I facere

facere; alias frustranea foret exhortatio, pariter & iniusta increpatio atque comminatio. Ibi, ut patet, agitur de homine lapsio, & tamen liberrimo ad bonum & malum: igitur homo lapsus est liber libertate indifferentia.

Secundo, Ex Traditione & Patribus.

PRIMUM SÆCULUM. Primo loco occurrunt Auctores canonici; qui ab ipso Deo edocti de actibus humanis, tanquam de rebus, quæ ad nutum nostrum possunt esse vel non esse, loquuntur. Juxta illud Matth. 23. 37. Quoties volui congregare filios tuos, quemadmodum gallina congregat pullos suos sub alas & noluisti? Rursus Prov. 1. 24. Vocavi & renuisti. Certe si homo determinatus foret ex necessitate ad bonum, Israel utique fecisset opera salutis, quandoquidem iterata gratia eum compellebat ad observationem mandatorum, sed pro innata libertate & ex certa malitia obedire renuit. De hoc conqueritur Deus. Vos semper, inquit Judæis, Act. 7. Spiritui sancto resistitis sicut Patres vestri. Jam vero iusta non videretur increpatio, si homines ex necessitate compellerentur ad malum. Enimvero responderent Judæi, ideo nolumus, quia tracti & ad peccatum ex impetu rapti, aliter facere nusquam potuimus.

Secundum sæculum. Justinus Martyr. apol. 1. Sed enim quia liberi arbitrii & Angelorum & hominum genus ab initio creavit Deus, iusto iudicio pro peccatis suis supplicium in igne sempiterno reportabunt. Illa quippe ortæ cuiusque rei natura est, ut virtutis & vitii sit capax, neque quidquam eorum quæ creata sunt laude dignum esset, nisi vim ac potestatem altero versum se convertendi obtineret. Igitur ex Justino inest homini potestas ad vitium & virtutem, ad unum aut ad alterum amplectendum: ergo voluntas humana est formaliter electiva & libera.

Irenæus l. 4. advers. hæres. c. 11. similia dicit: Posuit autem in homine potestatem electionis, quemadmodum in Angelis & c. 72. Si igitur non esset in nobis potestas faciendi hæc, aut non faciendi, quam causam habebat Apostolus, & ipse Dominus, consilium dare quædam quidem facere, a quibusdam vero abstinere?

Clemens Alex. l. 1. Strom. astipulatur: Quoniam libera electio & appetitio peccati

primum inchoat, juve insignuntur supplicia. Ubique prædicatur electio, & consequenter libertas indifferentia, quæ definitur vis electiva.

Tertium sæculum. Tertullianus l. 2. contra Marcion. c. 6. eandem confirmat veritatem, & sic loquitur: Tota ergo libertas arbitrii in utramque patrem concessa est illi, scilicet homini, ut sui Dominus constanter occurreret, bono sponte servando, & malo sponte vitando: quoniam & alias positum hominem sub iudicio Dei, oportebat iustum illud efficere de arbitrii sui meritis, hileri scilicet. Cæterum nec boni, nec mali merces jure pascere ei, qui aut bonus aut malus necessitate fuisset inventus. Ponderanda sunt verba: essentia liberi arbitrii est esse ad utramque partem, ad bonum vel malum eligendum, ut sit merces & meritum; requiritur ad hoc, ut opus sit spontaneum non quacumque spontaneitate, sed ea quæ opponitur & violento, & necessario.

Origenes l. 6. in Epist. ad Rom. primas etiam in hac parte obtinet sedes. Hoc est ergo, inquit, quod hoc in loco Apostolus docet: quia unusquisque in manu sua habet; & in arbitrii potestate, ut peccati servus sit, aut iustitie.

Cyprianus epist. 55. ad Cornelium ejusdem est labii; ait enim de Christo, ad Apostolos suos dixit: Numquid & vos vultis ire? servans scilicet legem, qua homo libertati sue relictus, & in arbitrio proprio constitutus, sibiemptipsum vel mortem appetit, vel salutem.

Athanasius non prætereundus, namque oratione contra gentes c. 4. de homine lapsio sic loquitur: Potest enim ut ad bona se inclinaret, ita bona quoque aversari, quæ cum liberum sui ius arbitriumque induitur: & sentit se in utramque partem corporeis membris uti posse, tum ad ea quæ sunt, tum ad ea quæ non sunt. Ea autem quæ sunt, appello bona, quæ non sunt, mala. Ex illis Patribus, homo est sui juris, habet potestatem & in suos actus, & in utramque partem; ex illis potest eligere, igitur ex eisdem est liberrimus.

Quartum sæculum. Hilarius enarrat. in Psal. 2. Basilus hom. 31. de lib. arb. idem docent, & præcipue Ambros. l. 2. de Cain & Abel c. 7. sic exponit verba Dei ad Cainum: Nonne si bene egeris, recipies? &c. Non habes quod excuses, non habes in quo necessitatem magis quam mentem tuam arguas. In te retorquetur improbitas. Tu princeps operis tui, tu dux criminis. Non te in-

et involuntum, non imprudenter error attraxit, sed voluntarius reus, iudicio non lapsu, scilicet dolum quo te divina injuria reum ipse convinctus. Igitur homo libere, elective, iudicio, non necessitate peccat: igitur est & a violentia & a necessitate in peccando immunis.

Quintum seculum. Aug. in tribus l. de lib. arb. contra Manichæos, ex professo probat libertatem indifferentiæ esse in homine lapsu ad bonum & malum. Item l. de gr. & lib. arb. c. 2. n. 2. sic loquitur: Revelavit autem nobis Deus per Scripturas suas sanctas, esse in homine liberum voluntatis arbitrium. Multas de hoc affert rationes, quia, inquit, ipsa divina præcepta homini non prodesse, nisi haberet liberum voluntatis arbitrium quo ea faciens, ad promissa præmia perveniret.

Idem l. 3. c. 18. Quis enim peccat in eo quod nullo modo caveri potest? peccatur autem: cavere igitur potest.

Idem l. de vera Religione c. 14. ait: Tales enim servos suos meliores esse judicavit Deus, si ei servirent liberaliter. Quod nullo modo fieri posset, si non voluntate, sed necessitate servirent. Igitur est in homine ex Aug. libertas a necessitate.

Percelebris est textus Divi Augustini libri de gratia & libero arbitrio, a numero tertio ad quintum usque, ubi disertè probat auctoritate utriusque Testamenti, libertatem & datam fuisse primo homini, & remansisse in homine lapsu. Istud momentum, videlicet pro homine lapsu apparebit maxime ex Evangelio & Epistolis quorum loca adducit quæ intelligi nequeunt, nisi de homine peccatore. Sic igitur intonat num. scilicet 3.

" Liber Ecclesiasticus dicit: (a) Ne dixeris, quia propter Dominum recessi, quæ enim odit non facias. Ne dixeris, quia ipse me induxit: non enim opus habet viro peccatore. Omne execramentum odit Dominus. & non est amabile timentibus illum. Ipse ab initio fecit hominem. & reliquit eum in manu consilii sui. Si volueris, conservabis mandata, & fidem bonam placiti. Apponit tibi ignem & aquam, ad quodcumque volueris extende manum tuam; in conspectu hominis vita & mors, & quodcumque placueris dabitur ei. Ecce a perterritissime videmus expressum liberum humanæ voluntatis arbitrium. Pergit n. 4. & ait: " Quid illud, quod tam multis locis omnia mandata sui cu-

stodiri & fieri jubet Deus? quomodo iubeat, si non est liberum arbitrium? Quid beatus ille, de quo Psalmus dicit, quod (b) in lege Domini fuit voluntas ejus? nonne satis indicat, voluntate sua hominem in lege Dei consistere? Deinde tam multa mandata, quæ ipsam quodammodo nominatim conveniunt voluntatem sicut est, (c) Noli vinci a malo: & alia similia; sicut sunt, (d) Nolite fieri sicut equus & mulus, quibus non est intellectus, & (e) Noli repellere consilia matris tuæ: & (f) Noli esse sapiens apud teipsum: & (g) Noli desicere a disciplina Domini: & (h) Noli negligere legem: & Noli abstinere bene facere egenis: & (i) Noli salutare in amicum tuum mala: & (k) Noli intendere fallaci mulieri: & (l) Noluit intelligere ut bene ageret: & (m) Noluerunt accipere disciplinam. Et innumerabilia alia in veteribus libris divinatorum clouquorum, quid ostendunt, nisi liberum arbitrium voluntatis humanæ? In libris etiam novis Evangelicis & Apostolicis, quid aliud ostenditur, ubi dicitur? (n) Nolite vobis condere thesauros in terra: & (o) Nolite timere eos qui occidunt corpus: & (p) Qui vult venire post me, abneget semetipsum: & (q) Pax in terris hominibus bonæ voluntatis. (r) Et quod dicit Apostolus Paulus: (s) Quod vult faciat, non peccat, si nubit: qui autem statuit in corde suo, non habens necessitatem, potestatem autem habens suæ voluntatis, & hoc statuit in corde suo, servare virginem suam, bene facit. Item dicit: (t) Si autem volens, hoc facio, mercedem habeo. Et alio loco: (u) Sobrii estote iuste, & nolite peccare. Et iterum (x) Ut quemadmodum promptus est animus voluntatis, ita fit & perficiendi. Et ad Timotheum dicit: (y) Cum enim in deliciis egerint in Christo, nubere volunt. Et alibi: (z) Sed & omnes qui pie volunt vivere in Christo Jesu, persecutionem patientur.

- |                    |                    |
|--------------------|--------------------|
| (b) Ps. 1. 2.      | (n) Matth. 6. 19.  |
| (c) Rom. 12. 21.   | (o) Ibid. 10. 28.  |
| (d) Ps. 31. 9.     | (p) Ibid. 16. 24.  |
| (e) Prov. 18.      | (q) Luc. 2. 14.    |
| (f) Ibid. 3. 7.    | (r) Luc. 2. 14.    |
| (g) Ibid. 11.      | (s) 1. Cor. 7. 36. |
| (h) Ibid. 27.      | (t) 1. Cor. 9. 17. |
| (i) Ibid. 29.      | (u) Ibid. 15. 31.  |
| (k) Ibid. c. 5. 2. | (x) 2. Cor. 8. 11. |
| (l) Ps. 35. 4.     | (y) 1. Tim. 5. 11. |
| (m) Prov. 1. 29.   | (z) 2. Tim. 3. 11. |

(a) Eccl. 15. 11.

Ll 2 tur.

„tur. Et ipsi Timotheo: (a) Noli negli-  
 „gere gratiam que in te est. Et ad Philemonem: (b) Ne bonum tuum velut ex nece-  
 „ssitate efficit, sed ex voluntate. Servos etiam  
 „ipso noner, ut Dominis suis (c) ex ani-  
 „mo serviant cum bona voluntate. Item Ja-  
 „cobus: (d) Nolite itaque errare, Fratres  
 „mei, & nolite in perjonarum acceptione ha-  
 „bere fidem Domini nostri Jesu Christi: &  
 „(e) Nolite detrahete de alterutro. Item  
 „Joannes in Epistola sua: (f) Nolite di-  
 „ligere mundum. Et cætera hujusmodi,  
 „nempe ubi dicitur, noli hoc, & noli  
 „illud, & ubi ad aliquid faciendum vel  
 „non faciendum, in divinis monitis opus  
 „voluntatis exigitur, satis liberum de-  
 „monstratur arbitrium. Nemo ergo Deum  
 „causetur in corde suo, sed sibi imputet  
 „quique cum peccat. „

Patres sequentium sæculorum idem docent, maxime Damascenus l. 2. de fide orthod. c. 25. 26. 27. & 28. Bernard. tractatu de gr. & de lib. arb. D. Th. passim, & præcipue q. 6. de malo, art. unico. Ipse Calvinus l. 2. insit. c. 2. §. 2. 3. & 4. fatetur Patres Latinos & Græcos, immo & ipsos Philosophos agnoscere voluntatem humanam sui juris esse, & ideo apud Latinos nomen liberi arbitrii semper extitisse; Græcos vero sui ipsius potestatem appellasse; unde non parum laborat, ut illos in alienum trahat sensum.

#### Tertio, Ex Decretis summorum Pontificum.

INNOCENTIUS I. in rescripto ad Concilium Carthage. sic loquitur: *Quid tam mortiferum, tam præceptis videatur ad casum, tam expositum ad omnia pericula, si hoc solum nobis putantes posse sufficere, quod liberum arbitrium, cum nasceremur, accepimus, ultra jam a Domino nihil queramus, id est auctoris nostri obliti, ejus potentiam ut nos ostendamus liberos, adjuvemus: quasi tam amplius quod dare possit nam habeat, qui te in tuo ortu liberum fecit.*

Calixtus I. epist. ad Episcop. Gallie c. 9. idem confirmat: *Quo utique auxilio & munere Dei non auster liberum arbitrium, sed liberatur, ut de tenebroso lucidum, de pravo rectum, de languido sanum, de*

*imprudens sit providum. Uterque Pontifex defendit liberum arbitrium, etiam sub dominio gratiæ a qua dicunt non quidem obui, sed mirum in modum perfici.*

Leo X. in Bulla contra Lutherum hanc 31. damnat propositionem: *Liberum arbitrium post peccatum, est res de solo titulo.*

Innocentius X. in sua Constitutione contra librum Janfenii Yprensis, quinque proferbit propositiones, quarum secunda & tertia destruiunt libertatem.

#### Quarto, Ex Conciliis.

ARAUICANUM 2. can. 13. sic loquitur: *Arbitrium voluntatis in primo homine infirmatum, nisi per gratiam Baptismi, non potest reparari: quod amissum, nisi a quo potuit dari, non potest reddi. Unde veritas ipsa dicit: si vos filius liberaveritis, tunc vere liberi eritis.* Quibus verbis docet liberum arbitrium manere sub dominio gratiæ etiam ad bonum supernaturale, a fortiori ad naturale.

Palestinum ex S. Aug. Epist. 106. & Constantiensie contra art. 27. VViclefi idem docent.

Tridentinum sess. 6. can. 5. sic definit: *Si quis liberum hominis arbitrium post Adæ peccatum, amissum & extinctum esse dixerit, aut rem esse de solo titulo, immo titulum sine re, figmentum denique a Satana inventum in Ecclesiam, anathema sit.* Ergo &c.

#### Quinto, Ex ipsi Philosophis, Oratoribus & Poetis Paganis.

ARISTOTELIS 3. Ethic. c. 5. Cicero l. 3. de natura Deor. liberum propugnant arbitrium: immo & ipsi Poetæ illud in suis operibus passim aut asserunt, aut supponendo prædicant. Et vero ubique homines introducunt libere modo agentes, modo etiam loquentes. Sic Virgilius l. 2. Æneid. Laocoon commemorat qui consilium dat Trojæ civibus, ne inter civitatis mœnia equi machinam a Græcis oblatam, in suam recipiant perniciem. Fabula quidem est, sed clare denotat liberum arbitrium, quatenus Trojanis sicut licitum, ita & librum erat, ut supponit Poeta, equum vel recipere, vel abicere.

In primis Seneca contra fatum necessitans infureit, sic enim loquitur l. 2. naturalium quæst. c. 37. & 38. *Quedam a Diis immortalibus ita suspensa relicta sunt, ut in bonum vertant si admodum preces fuerint.*

Qui-

(a) 1. Tim. 4. 14.

(b) c. 14. (c) Eph. 6. 6.

(d) Jac. 2. 1.

(e) Ibid. 4. 11.

(f) 1. Joan. 2. 15.

Quibus verbis notat res ex innata hominum libertate, posse aliter atque aliter se habere.

Sexto, *Ex ratione multiplici.*

**PRIMA** sic procedit. Experientia comprobamus quotidianam nos modo unum, modo alterum velle & facere per electionem; modo amare unum objectum, modo idem non amare, & quandoque odio habere: ergo inest homini libertas indifferentiæ; siquidem inest nobis potentia ad oppositum, alias quod semel amamus, semper & immutabiliter amaremus.

**Secunda.** Ubi est objectum contingens & liberum, & proponitur ut tale voluntati, ibi est prolecatio objecti libera: atqui omne objectum creatum sic est. Et probatur 1. habet perfectionem solum aliquam, eamque finitam, & ex hoc in omni creatura apparet defectus, in quantum caret multis perfectionibus ad quas inhiat cor hominis, appetit enim bonum infinitum; quid mirum igitur, si respiciat quandoque bona creata etiam licita? unde hoc? nisi ex innata libertate, alias necessario amaret omne bonum finitum eo ipso quo illi proponitur; sed heu! inquit Aug. quidquid Deo minus est explere non potest. 2. Objectum bonum propositum voluntati, reclamantibus passionibus, nonnumquam apparet malum; talis eleemosyna videtur avaro; cum igitur solum bonum sit voluntatis objectum, ipsa respuit omnequod ab intellectu iudicatur malum; hinc si avarus consilium accipiat a passione, non dat eleemosynam, quam tamen aliquando motu compassionis elargitur; ex indifferentia igitur objecti, oritur indifferentia intellectus iudicantis, ex indifferentia vero intellectus, indifferentia voluntatis; quia nihil amatum quin præcognitum ut bonum, & tale iudicatum: igitur voluntas fertur libere in objectum, vel per modum fugæ, vel per modum amoris; odiendo, vel amando: faciendo, vel non faciendo.

**Tertia.** Libertas est perfectio creaturæ rationalis ejus consequens naturam; Deus enim creavit hominem liberum; peccatum corruptit quidem, sed non penitus extinxit naturam, unde, inquit D. Thomas 1. p. naturalia permanferunt in demonibus: igitur & libertas in homine lapsa, intermixta quidem, attamen vera pro utroque ordine, naturali scilicet & supernaturali.

Boucat Theol. Tom. I.

**Quarta.** Cuncta orbis terrarum imperia, omnes civitates, families, singule, omnes uno verbo homines consilio reguntur, eligendo scilicet media fini præconcepto proportionata: igitur datur libertas actus in homine, cum insit ipsis vis electiva.

**Quinta.** Homo distinguitur essentialiter a brutis: sed distinguitur per rationem, & per libertatem. Probatur 1. quidem ratio eligit media ut media ad finem conducentia; porro si homo foret ad unum determinatus, jam ipso facto non se moveret ad media, illa eadem conferendo cum fine. 2. Belluæ sunt ad unum determinatæ, proindeque exhortationis incapaces: sed est de hie hominem exhortationis & consilii esse capacem, siquidem illum incessanter Deus adhortatur ad bonum tum juris naturalis, tum etiam supernaturalis suscipiendum: igitur homo distinguitur etiam intrinsece per libertatem a belluis.

*Solvuntur Protestantium objectiones, quas ex Scriptura sacra deducunt.*

**OBJICIUNT:** Tunc non est libertas, ubi totus effectus est a Deo, independentem a voluntate humana: atqui tales sunt actiones humanæ. Et probatur variis Scripturæ sacre auctoritatibus. 1. Gen. 43. Jacob mittens secundo filios in Ægyptum, ut haberent frumentum pro vita alenda & conservanda, sic oravit: *Deus faciat vobis cum placabilem*, scilicet Josephum, totum expectans a Deo, qui hominum corda ad quod vult convertit. 2. Exod. 11. Deus conciliat Israelitis Ægyptiorum voluntates; ut illi mutuo vasa aurea & argentea præberent. 3. Utiq; scriptum est, Deum compulisse Saulem ad peccatum 4. 2. Reg. 17. legitur Dominum dissipasse consilium Archicophel ut salvaret David; in quibus & similibus sententiis totum, nulla facta mentione causæ secundæ, Deo tribuitur.

**Respondeo**, negando minorem. Num cum Deus sit prima omnium rerum causa, ideo effectus tribuitur illi soli, tacito nomine causæ liberæ; sed non inde causæ secundæ excluditur cooperatio, cum ipse Dominus in Scripturis sanctis hortetur homines ad bonum, cum præmia proponat bene agentibus, supplicia vero pro peccantibus decernat: verum eos movet libere, scilicet conformiter eorum naturæ. Sic pronuntiat D. Th. 1. 2. q. 10. art. 4. ad 1. *Voluntas divina*, inquit, *non tantum se*

L1 3 exten-

extendit, ut aliquid fiat per rem quam movet, sed ut etiam eo modo fiat quo congruit ipsius naturæ.

Ad primum, distinguo. Deus fecit placabilem Dominum Ægypti filiis Jacob, hoc est, inclinavit ipsius cor ad beneficiendum Israelitis, concedo: hoc est necessitavit, nego. Cæterum Joseph erat, & iustus, & frater filiorum Jacob: quia iustus, inspirante & adjuvante Deo, volebat bona pro malis retribuere: quia frater, volebat & ex pietate erga patrem, & ex amore erga fratres dare omnia ad vitam necessaria, & hoc liberrime, & hoc generose propter Deum summe dilectum: quippe qui sciret non sine magna providentia clavum Regni Ægypti se tenere ut salvaret Israel, unde c. 45. fratres conterritos videns propter scelus nefandum in semetipso commissum, ait: *Nolite pavere, neque durum esse vobis non videatur quod vendidistis me in his regionibus: pro salute enim vestra misi me Deus ante vos in Ægyptum; biennium est enim quod cæpit famem esse in terra, & adhuc quinque annis restant, quibus nec arari poterit, nec meti.*

Ad secundum, conciliavit Deus Ægyptios Israelitis, distinguo. Dando istis gratiam ut placerent inimicis, & gratiores facti obtinerent necessaria, tum ad peregrinandum, tum ad sacrificandum Deo in deserto, concedo: & aliquam induxit Deus in corda Ægyptiorum necessitatem, nego. Igitur Ægyptii Israelitis libere necessaria suppeditarunt: 1. ut citius egrederentur Hebræi e terra Ægypti: 2. ut Ægyptii consulerent propriæ salutis: timebant enim ne novis plagis perirent: 3. quia ut habetur c. 12. Dominus dedit Hebræis gratiam coram Ægyptiis ut eis commodarent: profecto gratia quam Dominus dedit Hebræis non necessitavit Ægyptios, & si Ægyptii ex eratia commodarunt, certe non ex necessitate, ut contendit Calvinus.

Ad tertium, distinguo. Deus compulsi Saulem ad peccatum, hoc est permisit ut peccaret, concedo: auctor fuit & causa cur pravificaretur, nego. Neque vim fecit Deus Sauli, neque necessitando compulsi ad peccatum; permisit solummodolum hominem magis ruere in peccata, ut qui propria voluntate deliquerat, etiam propria voluntate puniretur. Et vero, quis illum compellebat ad sacrificandum & libandum Deo ante adventum Samuelis, ad quem solum offerre sacrificium spectabat?

hinc Rex pravificator dictus in prælio manus violentas sibi inferri voluit, unde propria voluntas, quæ peccati causa fuerat, utique fuit & perditionis.

Ad quartum similiter, distinguo. Permisit Deus ut Absalon manus, dimisso consilio Architophel, audiret solum Cusam ad salvandum David penitentem, concedo; necessitavit Absalonem, nego. Nulla ibi sane necessitas, ubi ex omni parte consilium patet: unum dat Architophel, aliud dat Cusai. Liberum erat Absaloni sequi alterutrum.

*Instant Calvinistæ.* Jeremias 20. habetur: *Non est hominis via ejus, nec viri est ut ambulet & dirigat gressus suos.* Igitur homo non habet libertatem; alias ad ipsum pertineret dirigere gressus suos.

Respondeo 1. Opponendo scripturam scripturæ; nam ibidem c. 18. legitur: *Dirigite vias vestras & studia vestra.* Igitur verba in objectionem laudata non sunt sumenda in sensu Calvinii.

Respondeo 2. distinguendo. Non est in hominis potestate dirigere vias suas; cum ad sunt extrinseca impedimenta fortiora, quæ ipse non valet amovere, concedo: non est in hominis potestate eligere bonum & malum, nego. Propheta vult ostendere hominem in omnibus a Deo dependere, dicendo non esse semper in ipsius potestate ad felicem rerum exitum pervenire: sic mercator mari se committit, ut abeat in regionem longinquam ad thesauros comparandos; verum sæpius furenti mari & ingruente tempestate, quam avertere nequitiam potest, perit. Igitur homo in omnibus advocat subsidium debet, ut prosperas faciat misericos Pater semitas ejus.

*Instant Hæretici.* Joan. 6. habetur: *Nemo, inquit Christus, potest venire ad me, nisi Pater meus qui misit me, traxerit eum.* Sed qui trahitur, cogitur & vim patitur: igitur homo non est liber.

Respondeo, distinguendo minorem. Si trahatur ab extrinseco vim inferente, concedo: si non trahatur, nego. Deus est qui demum extrinsecus homini, sed illabitur in animam nostram per gratiam, non ut perimatur libertatem, sed potius ut illam foveat & adjuvet; nam cum sit prima causa, eaque liberrima, omnis libertas est ab ipso, juxta illud axioma philosophicum, quod est per se primo tale, cætera non sunt talia nisi per ordinem ad illud: unde & de sapientia æterna legitur. quod o-

omnia attingat a fine ad finem & disponat suaviter, quare? nisi quia attingit modum agendi cuiuslibet rei connaturalem, & ideo facit homines agere libere, præsertim amore. Ita Aug. tract. 26. n. 4. in Joan. ubi locum in objectione alatum sic explicat: "Nolite cogitare invitum trahi. Trahitur animus & amore... forsitan reprehendamus, & dicatur nobis; quomodo voluntate credo, si trahor? ego dico parum est voluntate, etiam voluntate traheris. Quid est trahi voluntate? delectare in Domino & dabit tibi petitiones cordis tui... trahis sua quemque voluptas; non necessitas, sed voluptas; non obligatio, sed delectatio... ramum viridem ostendis ovi, & trahis illam; nubes puero demonstrantur, & trahitur... cordis vinculo trahitur. Si ergo ista, quæ inter delicias & voluptates terrenas revelantur amantibus, trahunt, quoniam verum est, trahit sua quemque voluptas, non trahit revelatus Christus a Patre? quid enim fortius desiderat anima quam veritatem?"

*Rursus instans, Joan. 15. habetur: Sine me: inquit Christus, nihil potestis facere. 2. ad Tim. 2. Respiciant a diaboli laqueis, a quo captivi tenentur ad ipsius voluntatem. Si homo nihil potest de se facere, jam non est liber. Si est servus, si captivus & si tenetur voluntate dæmonis, ubi est libertas? sed tamen utrumque dicit Scriptura: ergo homo non habet libertatem.*

*Respondet distinguendo. Et hæc omnia denotant solummodo hominem se solo non posse facere bonum supernaturale, tum propter excellentiam ex parte objecti, tum propter infirmitatem ex parte subjecti, concedo: denotant non esse in homine liberum arbitrium, nego: ad quid enim tot in Scriptura exhortationes, si homo non est liber ad malum & bonum? Unde*

*Ad primum, distinguo: sine gratia Christi homo non potest facere aliquid meritorium & ad vitam æternam conducentem, concedo: homo non est liber absolute, nego. Solutio est Augustini tractatu 81. in Joan. n. 3. ubi verba in objectionem posita sic explanat: "Ne quisquam putaret, saltem primum aliquem fructum posse a semetipso palmitem ferre; cum dixisset, hic fert fructum multum, non ait quia sine me primum potestis facere, sed nihil potestis facere... quamvis autem Christus vitis non esset, nisi homo esset; tamen istam gratiam palmitibus*

*, non præberet, nisi etiam Deus esset. Verum quia ita sine ista gratia non potest vivi, ut & mors in potestate sit liberi arbitrii, &c. Patet igitur ex ipsis verbis consequentibus Christum loqui de actibus meritoris; nam ibidem immediate ante verba in objectionem allata, ait: Ego sum vitis, vos palmites: qui manet in me & ego in eo, hic fert fructum multum.*

*Ad secundum, distinguo: homo est captivus diaboli voluntarie & libere, concedo: involuntarie, subdistinguo; secundum quid, & ratione concupiscentiæ a peccato originali in anima relictæ, concedo: simpliciter, nego. Homo manet semper liber, sed quia pronus est ad adolescentiam ad malum, reclamantibus passionibus, perversam sapie sequitur inclinationem & obedit tentatori; sed voluntarie & liberissime; dicitur tamen secundum quid captivus, quia passionibus sunt veluti vincula, quibus ligatus non facit nisi cum difficultate bonum. Verum ut solutio clarius innotescat, dicendum multiplicem esse necessitatem, aliam violentam, & est coactio; aliam spontaneam, & est determinatio ad unum ex inclinatione; aliam miseriarum, & est subiectio concupiscentiæ ac cæteris passionibus; aliam peccati, & est amor inordinatus rerum sensibilium, quæ dicitur servitus, captivitas & lex peccati. Totuplex est libertas opposita: est igitur libertas a coactione & in exemptione a violento sita est; libertas a necessitate, & est vis electiva ad opposita; libertas a miseris, & est dominari passionibus, libertas a peccato, & est amor iustitiæ: primam & secundam habuit homo in prima sui productione, eamque retinuit, ut probatum est ex Scripturis, & ipsa experientia testatur; tertiam vero & quartam habet per gratiam Christi, quæ nostram adjuvat infirmitatem ad faciendum bonum.*

*Dixit Bernardus totum hoc negotium, explicat gratia de grat. & lib. arb. his verbis: "Cum igitur triplex sit nobis posita libertas, a peccato, a miseria, a necessitate; hanc ultimo loco positam, contulit nobis in conditione naturæ; in primam restauratur a gratia; media nobis reservatur in patria; dicitur igitur prima libertas naturæ, secunda gratiæ, tertia gloriæ & vitæ... Verum libertas a necessitate aque & indifferenter Deo, universæque, tam malæ quam bonæ convenit rationali creaturæ. Nec*



peccato nec miseria amittitur, vel minuitur: nec major in iusto est, quam in peccatore; nec plenior in Angelo quam in homine. . . . . manet ergo libertas voluntatis; ubi etiam sit captivitas mentis, tam plena quidem in malis, quam & in bonis; sed in bonis ordinatur: tam integra quoque pro suo modo in creatura quam in creatore; sed in illo potentior. „

*Infiunt Calvinus & ejus Sectatores. Non major est libertas sub dominio Dei, a quo homo in omnibus dependet, quam in luto in manu figuli: sed sicut ille facit de luto quod vult, vas vel in honorem, vel in contumeliam; ita & Deus disponit de hominibus; & hoc probatur ex illo Rom. 9. Quid adhuc queritur? voluntati ejus quis resistit? o homo! tu quis es, qui respondeas Deo? numquid dicit figmentum ei qui se finxit: quid me fecisti? an non habet potestatem figulus luti, ex eadem massa facere aliud quidem vas in honorem, aliud vero in contumeliam? Ergo &c.*

*Respondeo distinguendo: &c.* comparatio hominis cum luto est inadæquata, concedo: & est adæquata, nego. Agit ibi Apostolus non de libertate quam multis locis in homine agnoscit, maxime 1. Cor. 7. sed de prædestinatione Sanctorum quæ est gratuita, si consideretur secundum primam gratiam quæ est in nobis sine nobis, & secundum perseverantiam finalem, vultque quod sicut figulus potest facere de luto vas vel in honorem, vel in contumeliam; ita Deus poterat prædestinare hominem vel non; salvare vel non salvare: nemini quippe gratiam debet nisi per Christum. Sed profecto non est sensus, hominem in manu Dei mere passive se habere ut lutum & inanius quoddam, cum consistat ex Scripturis sacris relatum fuisse in manu consilii sui; vult etiam Apostolus hominem sine gratia nihil pro salute facere: unde ibidem Rom. 9. 39. subdit: *Nisi Dominus Sabaoth reliquisset nobis semen, sicus Sodoma facti essemus.*

*Respondeo 2. aliter distinguendo: nullus voluntati Dei generali; qua suam in omnibus querit gloriam, potest resistere, concedo; voluntati particulari qua creature rationalis querit salutem, nego. Duplex igitur distinguenda est in Deo voluntas; una ad seipsum ad ejus gloriam terminata; altera vero quæ hominis salutem spectat. Priori neminem posse resistere asserit S. Thomas, cum enim, inquit, sit*

universalissima, omnes effectus cedunt ipsius gloriam, quinimmo ipse peccator, etiam dum actu in nova prolabitur peccata, tantæ voluntatis dominum impedire non valet, dum enim fugit & declinat Dei voluntatem secundum lineam bonitatis, eatenus eidem subijcitur, quatenus iusta est, hinc & prævaricator Dei adimplet in pœnis pro peccato inflictiis voluntatem, quæ vult impœnitens extremis affici suppliciis. Non sic de voluntate Dei ad salutem hominum terminata: ei enim posse resisti nemo non movet: ipsi Prædestinati nonnumquam ei resistunt. Petrus tamen electus negando Dominum divinæ resistit voluntati, sed flevit amare, & flendo nedum abstergit peccatum, sed & ad majorem resurrexit gratiam. Nullus igitur nisi heterodoxus hominem posse Deo resistere negabit. Apostolus eo loci loquitur in primo sensu, nusquam vero in secundo: hoc est neminem posse resistere voluntati universalissimæ qua Deus suæ consulit gloriæ, propagandæ: voluntati vero qua Deus offert homini media salutis, eum & posse resistere, & ut plurimum resistere non semel asserit.

*Ceterum in loco quem objicit Calvinus contra libertatis humanæ jura, non dicit Apostolus nullum posse Deo resistere, sed de facto non resistere; sic enim habetur: Voluntati ejus quis resistit? quæ duo sane discrepant: Quamvis enim nemo Deo suavit & efficaciter vocanti non resistat, non inde sequitur aliquem posse resistere. Instanti Protestantes; Eccl. 7. habetur: Considera opera Dei quod nemo possit corrigere quem ille despecteris. Rursum Rom. 7. Apostolus ait se facere malum quod non vult. Igitur, non est in homine libertas; alias posset corrigi, nec malum invito animo & recalcitrante operaretur.*

*Respondeo ad primum, distinguendo: nullus potest corrigere impium, id est difficulter corrigitur impius eo quod habitudine mala semper illum inclinet ad malum, concedo: nullo modo potest corrigi, nego. Si hoc esset, ad quid perpetua ad bonum invitationes? unde Aug. 1. 3. de Lib. arb. c. 18. dicitur: Quis enim peccat in „ eo quod nullo modo caveri potest? peccatur autem; ergo caveri potest. „*

*Ad secundum, distinguo: & loquitur Apostolus de moribus primo primis & indeliberatis concupiscentiæ, concedo: de moribus deliberatis, nego. Nam ibidem subiungit: Nunc autem jam non ego operor istud „*

huc, sed quod habitat in me peccatum; id est concupiscentia, quam vocat Angelum Satanæ colaphizantem, sed dictum est illi: Sufficit tibi Paule, gratia mea, nam virtus in infirmitate perficitur. Cæterum malum illud, motus scilicet concupiscentiæ primo primus, erat solummodo malum causaliter, in quantum concupiscentia inducit & provocat ad peccatum, sed non formaliter & in se.

*Exploantur argumenta ex auctoritate Divi Augustini de prompta.*

**OBJICIUNT:** Augustinus dicit hominem per peccatum amisisse liberum arbitrium; sic enim loquitur in Enchirid. ad Laurentium c. 30. n. 9. "Liberum arbitrium male, utens homo, & se perdidit & ipsum." Epist. 107. "Liberum arbitrium ad diligendum Deum, primi peccati granditate, perdidimus." Ergo, &c.

**Respondeo** distinguendo: homo per peccatum perdidit liberum arbitrium quoad perfectionem, concedo: quoad se, nego. Amisit quidem facilitatem & inclinationem ad bonum, minime vero ipsum liberum arbitrium. Div. Aug. est sui ipsius Interpret. 1. ad Bonifacium contra duas Epist. Pelag. c. 2. n. 5. his verbis: *Quibus autem nostrum dicat, quod primi hominis peccato, perierit liberum arbitrium de humano genere? libertas quidem perijt per peccatum, sed illa quæ in paradiso fuit, habendi plenam cum immortalitate iustitiam: propter quod natura humana divina indiget gratia.* Ita & Bernardus supra citatus.

**Urgent:** S. Augustinus Epist. 145. ad Anastasium ait: *Quod sine Dei gratia nullo modo voluntas implet humana, quæ nec libera dicenda est, quamdiu est vincens & vincens cupiscentibus subdita, a quo enim quis derisus, huic & servus additus est.* Igitur homo gratia privatus, non est liber.

**Respondeo** distinguendo consequens, homo absque gratia non est liber, hoc est opera ad salutem conducentia, secluso Dei auxilio, facere non valet, concedo: non potest bonum morale naturalis ordinis se solo & viribus innatis operari, nego. Absque gratia homo non potest aliquid ad salutem conducentis operari, manet tamen semper & ubique liber ad actiones moraliter bonas ordinis cum naturalis, tum supernaturalis, quandoquidem gratia semper in arduis adest, ut adjuvet infirmitatem: hinc istud axioma promanavit apud sanctos Doctores: facienti quod in se est, viribus scilicet gra-

tiae præventis, Deus non denegat uberiorem gratiam. Ita censet & docet S. Augustinus l. de grat. & lib. arb. c. 15. *Per hanc gratiam, inquit, nimirum efficacem, fit ut homo sit bonæ voluntatis. . . sic quispe adjuvantur, ut fiat quod iubetur.* Habet igitur omnis homo gratiam iustificantem, qua quidem Dei potest adimplere præcepta: jam vero oratione & deprecationibus efficacem, qua de facto illa adimpleat, advocare debet, juxta illud S. Augustini lib. de perfectione iustitiæ, cap. 10. *Oret gemitu voluntatis, ut impetret donum facultatis.*

**Instant adhuc:** voluntas cogitur a cupiditate; ergo non est libera ad bonum faciendum: Probatur antecedens. Aug. l. 1. retract. c. 15. n. 3. ait: *Qui cogenti cupiditati, bona voluntate resistere non potest, & ideo facit contra præcepta iustitiæ, jam hoc ita peccatum est, ut sit etiam pena peccati.* Idem dicit lib. 3. de lib. arbit. c. 18. Ergo, &c.

**Respondeo** distinguendo antecedens: voluntas cogitur a cupiditate, idest, cupiditas exardescens maxime ad peccandum allicit, concedo: cogitur simpliciter & absolute, nego. Hoc enim manifeste adversatur menti S. Aug. qui non semel dicit voluntatem humanam esse semper & ubique in præsentis statu liberrimam, quod dilucide probat in toto libro de correptione & gratia: inde enim correptionis utilitatem & necessitatem concludit, quia quamdiu homo peregrinatur a Domino, a viis pravis desistere, & ad Deum sese convertere potest. Igitur ad probationem, distinguo: voluntas, premente cupiditate, ex S. Aug. se sola resistere non potest, concedo: cum gratia, nego. Ibi S. Doctor debellat Pelagianos qui naturam ita sanam prædicabant, ut & graves tentationes superaret, & bonum salutis innatis viribus operari posset, quod certe adversatur Apostolo dicenti 2. Cor. 3. 3. *Sufficientia nostra ex Deo est.* Hoc igitur unum eo loco contendit S. Aug. voluntatem humanam absque gratiæ adiutorio cupiditati exardescenti non posse resistere. Quia vero gratia sufficiens, cum urget præceptum, semper adest, ut bonum possimus; verum est dicere hominem etiam prementi cupiditati posse resistere: ut autem actu resistat, indiget quidem gratia ulteriori, videlicet efficaci, sed ore, & habebit. Ita censet S. Doctor qui est sui ipsius interpres; nam ibidem n. 4. subiicit: *Quantum est, quod valet voluntas sub dominante cupidi-*

piditate, nisi forte si pia est, ut oret auxilium: in tantum enim libera est, in quantum liberata est. Igitur per gratiam victricem liberatur.

*Perisunt.* S. Augustinus ibidem asserit non esse homini lapso liberum abstinere a peccato, & hoc ipsum esse peccati primi Parentis poenam, quod quidem his confirmat verbis l. 3. de lib. arb. c. 18. n. 52. *Ille est enim peccati poena iustissima, ut . . . qui recte facere cum posset, noluit; amittat posse cum velit.* Et l. de nat. & grat. peccatum sic delineat: *Est voluntas retinendi, & unde liberum est abstinere.* Iliis meminit definitionis l. 1. Retr. c. 15. n. 3. & hoc inter hominem innocentem & lapsum statuit discrimen, quod prius a malo abstinere posset: alter minime propter cupiditatem. Sic igitur explanat definitionem datam: *Quod propterea dictum est, ut in hac definitione volens a volente discernetur, & sic ad illos referretur intentio, qui primi in paradiso fuerunt humani generis origo mali, nullo cogente peccando, hoc est libera voluntate peccando, quia & ut scientes hoc fecerunt, & ille tentator suavit ut hoc fieret, non coegit.* Igitur dicit l. hominem in praesenti statu non posse omnino a malo abstinere. 2. Amittere posse cum velit. 3. Cogi a cupiditate ad malum patrandum, in quo differt ab homine innocente qui libere consentiendo tentationi peccavit: ergo peccatum originale extinguit libertatem.

*Respondeo* ad primum, distinguendo: non est liberum in praesenti statu abstinere ab omni peccato etiam leviori in genere & collective, concedo. *In multis enim, ait B. Jacobus 3. 2. offendimus omnes.* Modo levitate peccamus, modo inadvertentia, quandoque etiam ex malitia; quia vero ignorantia inducta per peccatum primi hominis, est causa cur contra legem multa patrentur, quae quidem impedienda in statu innocentiae non erant, hinc Propheta Regius ait Psal. 50. *Delicta iuventutis meae & ignorantias meas ne memineris.* Non est liberum in particulari, subdistinguo: si sit sermo de peccato originali & de concupiscentia quae est mala in radice, quaeque ad peccatum inclinat, concedo: si de peccato actuali, nego. Possumus, adjuvante Deo, qui nunquam deest nobis in necessariis, omne vitare peccatum: porro quod per amicos possumus, per nosmetipsos, inquit Divus Thomas 1. 2. possumus: Deus autem non solum amicus, sed & Pater misericordiarum est. Bervus autem Augustinus in primo solum sensu loquitur; quod quidem patet ex ejus scopo, quippe qui agit contra Pelagianos

peccatum originale per fas & nefas negantes, sed illud eis probat multis momentis, videlicet ex ignorantia, ex concupiscentia, immo ex multitudine leviorum peccatorum in quae etiam sanctissimi inter homines praenimia mentis instabilitate prolabantur, quaeque Propheta eatenus necessitates vocat, quatenus abique privilegio soli Deiparæ concessio, ea omnia collective vitare non possumus: Everso dum attendimus ad unum, mens ad alia rapitur, & in altero deficimus: sed nunquam negat S. Doctor liberum esse homini lapso abstinere a peccato. Igitur S. Augustinus in definitione peccati non excludit exemptionem a necessitate, sed praedicat solummodo difficultatem ad bonum, qua Pelagianis peccatum originale probare satagit.

*Quod* autem S. Augustinus non excludat libertatem a nobis, audi eundem loquentem in l. 1. Retractionum c. 15. n. 2. *Peccatum autem quod nunquam est nisi in voluntate, illud praecipue intelligendum est, quod iusta damnatio consecuta est.* Hoc enim per unum hominem introivit in mundum. Si peccatum est semper in voluntate, est utique semper liberum. Et cum Julianus objecisset Sancto Augustino: *Cum igitur & illa fateamur in hominibus esse peccata, quae committuntur, non necessitate, sed voluntate, quae tantummodo peccata sunt, unde ab eis liberum est abstinere?* Hoc falsum esse asserit sanctus Doctor l. 1. operum Perfecti contra Julianum his verbis: *Peccatum secundum definitiones tuas, jam nec in moribus invenitur.*

*Respondeo* 2. iterum, sed aliter distinguendo: non est liberum abstinere a peccatis, hoc est a quibusdam ignorantis, quae moraliter loquendo vinci non possunt, quae sunt poena peccati originalis, quaeque nonnumquam dicuntur peccata in radice, seu etiam causaliter quatenus ad culpam voluntariam compellunt, concedo: non est liberum abstinere a peccatis contra legem quae cognoscitur, nego. Solutio colligitur ex Augustino qui ibidem l. 1. operum Perf. sic prosequitur: *Et peccatis de ignorantia & affectionum necessitate venientibus quae jam non solum peccata sunt, verum etiam poenae peccatorum, plenum sit genus humanum; quomodo dicis, definitionibus nostris, peccatum nec in moribus inveniri?*

*Ad secundum, distinguo:* amittit peccator obduratus in poenam peccati posse proximum & ultimum ad conversionem, concedo: omne posse proximum, puta ad oran-

orandum, nego. Ex habituali resistentia gratiæ refrigescit charitas & sic peccator amittit posse uberius, sed oratione illud potest recuperare ex S. Augustino: non igitur amittit omne posse, siquidem potest semper facere bonum, sed languescit voluntate, & retinente languescit gratia, & parva admodum est.

*Ad tertium*, distinguo ut supra: voluntas cogitur cupiditate; idest maxime allicitur ad malum, concedo: necessitatur, nego. Patet & ex probationibus & ex superioribus responsionibus S. Augustinum loqui solummodo de inclinatione & pronitate ad malum; minime vero de necessitate Physica & absoluta, cum perpetuo dicat hominem non necessitari in actibus suis, a fortiori non cogi. Divus Thomas rem totam explicat q. 6. de malo art. unico, ad 10. his verbis: *Dicendum quod consuetudo facit necessitatem, non simpliciter, sed in repentinis, precipue, nam ex deliberatione quantumcumque consuetus, potest contra consuetudinem agere.*

*Diluntur objectiones ex ratione procedentes.*

**Obijciunt:** homo necessario vult bonum; ergo non est in eo libertas. Probat ut antecedens: solum bonum est ejus voluntatis objectum: igitur necessario vult bonum.

*Respondeo* distinguendo: necessario vult bonum in genere, concedo: in particulari, nego. Modo enim vult bonum verum, modo apparet: modo eligit istud bonum, modo relinquit juxta illud Ecclesiastici 31. 10. *Erit illi gloria æterna; qui potuit transgredi, & non est transgressus, facere mala & non fecit.*

*Instabis:* eo ipso quo bonum proponitur voluntati, rapitur & necessario illud amat: & probatur. Non potest velle malum. Ergo amat necessario bonum sibi propofitum.

*Respondeo* negando antecedens: ad probationem, distinguo: voluntas non potest appetere malum ut malum, concedo: malum sub ratione boni, nego. Passiones representant, v. g. poenitentiam ut malum corporis, lex vero ut bonum animæ, sed voluntas seducta sæpe rejicit istud ut indiget corpori.

*Iterum instas:* non datur indifferentia in voluntate: probatur, non datur electio, quandoquidem objectum semper proponitur ut bonum, voluntas vero necessario fertur circa bonum: ergo, &c.

*Respondeo* negando antecedens. Ad probationem, distinguo, objectum proponitur sub ratione boni & simul sub ratione mali, & ideo datur electioni locus, concedo: proponitur semper sub ratione boni, nego. Sub duplici tacite proponitur objectum, si de se sit bonum creatum, primo quidem sub ratione boni, sicut de facto est: secundo sub quadam ratione mali, quatenus non habet totam boni rationem, adeoque habens defectus, utpote carens multis perfectionibus. Jam vero cum solum bonum infinitum possit satiare voluntatem, ideo homo libere eligit bonum creatum amandum, immo si amat, sæpius cessat amare, quia vult majus bonum & querit. Si vero objectum sit malum ut v. g. fornicatio, dum proponitur ut bonum sensuale, lex prohibens ostendit ut malum ab animi vitandum, & sic datur semper electioni locus.

*Instas adhuc:* ergo voluntas saltem amat Deum necessario, vel ut auctorem naturæ, vel ut auctorem gratiæ, & probatur: Deus est summum bonum, adeoque totam replens appetitus rationalis capacitatem; igitur amatur necessario.

*Respondeo* negando sequelam: ad probationem, distinguo: Deus est summum bonum & non apparet semper tale voluntati, concedo: & apparet, nego. Hic Deum, ex parte cognoscimus, inquit Apostolus, namque ut auctor naturæ cognoscitur solum per creaturas; ut auctor gratiæ cognoscitur quidem per fidem, sed obscure & non intuitive, adeoque imperfecte, cum igitur finito apprehendatur modo, & non clare sicuti est, apparet ut bonum finitum, adeoque libere amandum: maxime quia bona sensibilia utpote magis proportionata, magis etiam & placent & alliciunt: ex alia parte natura propter corruptionem est de se prona ad malum, hinc fit ut homo sæpe creaturam creatori anteponat; dixit enim insipiens peccator in corde suo, inquit Propheta, non est Deus, Deum invisibilem quasi nullum reputat. Cæterum Deus ut auctor gratiæ dura eaque gravissima naturæ præcipit, quæ de causa peccator, teste Propheta, noluit intelligere ut bene ageret, & sic bonum sensibile, relicto bono incommutabili, plurius facit & eligit amandum de quo conqueritur Dominus Jerem. 17. his verbis: *Dereliquerunt me fontem aquæ vivæ, & foderunt sibi cisternas, cisternas dissipatas.*

## SYNOPSIS PROBATIONUM.

*Homo lapsus & intrinsece liber ad bonum & malum morale.*

*Primo.* Deus ipse hanc pronuntiat veritatem, Gen. 4. sic enim alloquitur Cainum: *Si bene egeris, recipies, si male, statim in foribus peccatum aderit.* Rursus Eccl. 15. *Ante hominem vita & mors, bonum & malum quod placuerit ei, dabitur illi.*

*Secundo.* Idem prædicant omnium sæculorum Patres. In primis S. Augustinus l. de vera Relig. c. 14. *Tales enim servos suos meliores esse iudicavit Deus si ei servirent liberaliter; quod nullo modo fieri posset, si non voluntate, sed necessitate servirent.* Tridentina Synodus hoc ipsum declaravit de fide sess. 6. Can. 5.

*Tertio.* Ratio D. Thomæ non una est, ex ipso homo lapsus liber est libertate indifferentiæ, quia inest ei vis electiva, inest consilium & deliberatio. Quid plura? correctionis & exhortationis capax est, immo perfectum habet in suis actus dominium.

## SYNOPSIS RESPONSIONUM,

## AD OBJECTIONES.

*Primo.* frustra objicit Calvinus Deum esse humanarum actionum auctorem, neminem ad Christum accedere nisi a Patre trahatur, non inde profecto læditur, sed potius asstruitur libertas, siquidem Deus est causa, sed suadendo, sed suaviter & libere movendo; immo, inquit S. Augustinus, non vi sed amore trahit, seu potius allicit.

*Secundo.* non minus S. Augustinus, sed multi sancti Doctores dicunt primum hominem granditate peccati suum amisisse liberum arbitrium, sed intelligas velim, benevole Lector, quoad perfectionem, hic est genuinus S. Augustini sensus, eo quippe loci agit contra Pelagianos liberi arbitrii inflatores, eisque probat se solum, ut contendebant, ad bonum salutis faciendum non sufficere. Cæterum si sanctus Doctor vincula concupiscentiæ quibus nonnumquam ligatur voluntas, nominat, neque coactionem aut necessitatem, sed difficultatem tantummodo ad bonum intelligit.

*Tertio.* voluntas non appetit malum quo malum, sed semper bonum, ergo & ne-

cessario? minime: tametsi enim, bonum in communi ex innata inclinatione velit, libere tamen & electivè in particulari: enimvero bonum modo verum, modo etiam tantummodo apparens eligit ac prosequitur, unde & libere; immo bonum verum cognitum & propositum ut tale, libere amat, quia cum sit bonum finitum & contingens, nec rapit, nec satiat voluntatem, quæ cum inhiat infinitum, ita diligit primum ut nec ligetur, nec necessitetur ad ejus prosequutionem; unde & experientia comprobatur quotidiana, nonnumquam postea se odio habere quod vehementer amavit.

## SECTIO SECUNDA.

*Utrum homo sit liber ad actiones supernaturales faciendas.*

## CONCLUSIO.

Homo est liber ad actiones supernaturales faciendas.

**P**ROBATA quidem manet ista assertio ex præcedenti Sectione, quia tamen specialis in hoc puncto occurrit difficultas, eo quod homo absque gratia non possit suam operari salutem, quod quidem momentum urgent Lutherus art. 36. & Calvin. l. 2. Inst. c. 2. §. 26. & sequentibus: ideo hanc veritatem ad exaltationem fidei Catholicæ iterum probandam suscipimus.

*Probatur auctoritate & ratione.*

*Primo, Ex Scriptura sacra.*

1. REDIMERE peccata eleemosynis, est bonum ordinis supernaturalis propter motivum: sed illa actio ab homine libere agente procedit; præcipitur enim Nabuchodonosori juxta illud Daniel. 4. v. 24. *Peccata tua eleemosynis redime.* Ergo homo est liber ad actiones supernaturales faciendas.

2. Declinare a malo & facere bonum propter salutem, est actio supernaturalis: atqui homo lapsus utrumque potest, quia utrumque lex illi præcipit: addo & libere potest juxta illud Eccl. 31. 10. *Eris illi gloria æterna: qui potuit transgredi & non est transgressus, facere mala & non fecit.* Ergo, &c.

3. Diligere inimicos, & illis propter Deum benefacere est actio supernaturalis, im-

immo & heroica : atqui homo potest hoc facere libere , quandoquidem hoc ipsum præcipitur : nihil autem impossibile præcipit lex : igitur homo est liber ad actiones supernaturales faciendas , immo ita liber ut possit etiam non facere , & sapius non faciat .

4. *Abstiner* a fornicatione & ab immunditiis propter Deum , est quid maxime supernaturale ; atqui homo potest ab his abstinere libere propter Deum : ergo est liber .

5. *Diligere* Deum ex toto corde ut finem ultimum & remuneratorem , est actio maxime supernaturalis : atqui homo lapsus hoc potest & præcipitur illi tam in veteri , quam in novo testamento , juxta illud Deut. 6. 5. & Matth. 22. 37. *Dilige Dominum Deum tuum , ex toto corde tuo .* Ergo , &c.

#### Secundo , Ex Conciliis .

ARAUSICANUM secundum can. 13. dicit liberum arbitrium adjuvari a gratia ad faciendum bonum opus supernaturale .

TRIDENTINUM sess. 6. c. 15. Can. 4. ait : *Si quis dixerit liberum arbitrium a Deo motum & excitatum , nihil cooperari assentiendo Deo excitanti , atque vocanti quo ad obtinendam justificationis gratiam se disponat , ac præparet , neque posse dissentire si velit , sed velut inanime quoddam , nihil omnino agere , merereque passivè se habere , anathema sit .* Certe loquitur de opere supernaturali ; loquitur enim de libero arbitrio moto per gratiam , asseritque hominem posse facere vel non facere bonum , posse vocantem audire vel ei resistere . Igitur homo est liber ad actiones supernaturales faciendas . Et iterum Can. 5. *Si quis dixerit liberum hominis arbitrium post Ade peccatum , amissum & extinctum esse , aut rem esse de solo titulo , immo titulum sine re , figmentum denique a Satana invehitum in Ecclesiam , anathema sit .* Hoc patet etiam ex Decretalibus summorum Pontificum in Sessione præcedente laudatis .

#### Tertio , Ex Patribus .

TERTULLIANUS sc. loquitur l. 2. contra Marcionem c. 5. *Liberum & sui arbitrii & suæ potestatis invenio hominem a Deo institutum : nullam magis imaginem & similitudinem Dei in illo animadvertens , quam ejusmodi status formam : neque enim facie & corporalibus lineis , tam variis in genere huma-*

*no , ad uniformem Deum expressus est , sed in ea substantia , quam ab ipso Deo traxit , id est , animæ ad formam Dei splendentis , & arbitrii sui libertate & potestate signatus est .* Rursus in exhortatione ad castitatem l. 2. ait : *Cum utrumque ex præceptis ejus didicerimus , quid velit , & quid nolit , tamen est nobis voluntas eligendi alterum , sicut scriptum est , ecce posui ante te bonum & malum .*

Cyprianus eodem prope modo loquitur Epist. 55. ad Cornelium : namque explicans illa Christi ad Apostolos verba : *Numquid & vos vultis ire ?* ait , *servans legem ,* „ qua homo libertati suæ relictus , & in „ arbitrio proprio constitutus , sibi metipsum mortem appetit , vel salutem . „ Idem dicit l. 3. de testimoniis ad Quirinum .

Ambrosius succinit in Psalm. 40. *Homini dedit eligendi arbitrium , quod sequatur .*

Hieronymus Epist. ad Cresiphontem sic alloquitur Pelagium : *Frustra blasphemas nos liberum arbitrium condemnare , damnatur ille qui damnat .* & l. 3. contra Pelagianos : *Ergone , inquit , liberum tollo arbitrium , quia in tota disputatione mea , nihil aliud egi , nisi ut omnipotentiam Dei cum libero arbitrio conservarem ?* Controversia movebatur in his disputationibus , de opere supernaturali quod Pelagius affirmabat a solis naturæ viribus promanare , ne gratia liberum læderet arbitrium . Hieronymus autem duo probat , scilicet & voluntatem humanam sine gratia nihil boni in ordine ad salutem operari posse , saltem proxime , & manere sub dominio gratiæ liberam .

S. Augustinus eisdem Hæreticis idem repetit & inculcat , maxime Epist. 89. ad Hilarium : *Neque enim , inquit , voluntatis arbitrium ideo tollitur , cuius juvatur : sed ideo juvatur , quia non tollitur .* Rursus lib. de correctione & gr. c. 8. hæc dicit de oratione Christi pro Petro : *Quando rogavit ergo , ne deficeret fides ejus , quid aliud rogavit , nisi ut haberet liberrimam , fortissimam , invictissimam , perseverantissimam voluntatem ?* Et infra : *Ecce quemadmodum secundum gratiam Dei , non contra eam , libertas defenditur voluntatis .* Voluntas quippe humana , non libertate consequitur gratiam , sed gratia potius libertatem , & ut perseveret , delectabilem perpetuitatem & insuperabilem fortitudinem .

#### Quarto , Ex Ratione .

PRIMA est ; præcepta divina quorum objectum est bonum salutis , proponuntur homini ut materia laudis & præmii : ergo homo

homo est liber ad illa adimplenda : Etvero si essent illi impossibilia , frustra proponerentur adimplenda : si gratia quisquis adjutus , necessario adimplet , nullum est meritum , nullusque laudis & præmii locus , igitur homo est liber ad opera ordinis supernaturalis facienda .

*Secunda* . Ille liber est qui dominium habet cordis proprii : atqui licet cuncta creata sint bona Dei , & omnia ejus sint , reliquit tamen homini cordis proprii dominium , ut seipsum hostiam laudis suo offerret creatori . Ergo , &c.

*Tertia* . His altera ista ratio accedit : Deus proponit bonum non solum naturalis , sed & supernaturalis ordinis faciendum , quomodoquidem homo elevatus est ad illum intuitive videndum . Igitur liberum est homini lapsus utrumque operari , & in hoc Deum colit , & glorificat , juxta illud Eccli. 31. 10. *Qui potuit transgredi & non est transgressus , sacre mala & non fecit* .

*Quarta* , sic exponitur : Homo lapsus bonis operibus vitam promeretur æternam , sed ideo meretur , quia liber est ad bonum & malum , quia abstractus & illeclus a concupiscentia non cedit tentationi , unde post verba Scripturæ modo laudata ista sequuntur : *Ideo stabilita sunt bona illius in Domino* . Igitur homo lapsus liber est ad bonum supernaturale faciendum .

*Quinta* hæc est . Bonum salutis proponitur homini faciendum juxta illud Decalogi præceptum : *Unum. cole Deum* . Sed illud præceptum nullam imponit aut vim , aut necessitatem : & probatur . Tamen Deus sit summum bonum , attamen viator cognoscit illum solummodo per effectus & per fidem quæ est obscura ; qua de causâ non-judicat iustum bonum , licet in se infinitum , necessario amandum ; immo passionibus illudunt impij qui dicit in corde suo non est Deus : igitur bonum incommutabile quia abscissus & invisibile , apparet viatoribus veluti contingens , & ideo libere & per electionem amatur . Ratio a priori ea est , quod ut viator bonum æternum suo prosequatur amore , illud , etiam reclamantibus passionibus , esse tale judicare debet intellectus , idest præ omnibus bonis creatis multo melius : hanc præscribit regulam Propheta dicens Psal. 83. 11. *Elegi abiectus esse in domo Dei mei , magis quam habitare in tabernaculis peccatorum* . Ergo &c.

*Sexta* non minus suadet : gratia non

tollit liberum arbitrium , ut perperam contendunt Hæretici . Igitur homo manet liber sub dominio gratiæ ad actiones supernaturales . Probatur antecedens . Gratia fovet & adjuvat liberum arbitrium . Etvero homo lapsus duplicem habet ad faciendum bonum ordinis supernaturalis difficultatem moralem , eamque maximam . Primam quidem ex parte ipsius boni quod sane multum excedit hominis in se relictæ vires , siquidem est ordinis superioris : alteram ex parte concupiscentiæ & passionum quæ sunt veluti vincula quibus voluntas jam per peccatum lauciata irretitur ne faciat bonum : sed gratia utrumque tollit impedimentum , primum quidem , quia elevat hominem & ponit in ordine supernaturali : secundum vero quia concipit passionibus : unde Propheta de his mirabilibus loquens Psal. 115. ait : *Dirupisti , Domine , vincula mea , tibi sacrificabo hostiam laudis* . Et iterum alia Scriptura Joan. 8. 36. *Si ergo vas Filius liberaverit , vere liberi eritis* . Igitur gratia fovet & dat libertatem filiorum Dei .

*Septima* , eaque validissima suavitas gratiæ quæ datur ut homo currat viam mandatorum , nullam vim imponit voluntati humanæ : igitur homo manet liber sub dominio gratiæ . Probatur antecedens : tunc voluntas amat , quia vult amare : amat quia proponitur illi bonum verum , & tale in unctione docente experitur : agit quidem , posita & data gratia , sed libere ; amat enim per electionem . vide licet quia judicavit intellectus esse verum bonum , creaturam vero allicientem , & fucatum , & ideo libere prorsus operatur voluntas .

*Octava* premit fidei hostes : ille manet liber sub dominio gratiæ qui potest ei resistere , ejusque impedire effectum : sed homo lapsus potest resistere gratiæ , & de facto sæpius obnititur : quinimmo de hac animi ingratitude plurimum conqueritur Deus , juxta illud Proverb. 1. 24. *Vocavi , & non venistis* . Rursus act. 7. 51. *Dura cervix & incurcissimi cordibus & auribus , vos semper Spiritui Sancto resistitis* . Ergo , &c.

*Solvuntur objectiones Hæreticorum* .

**OBJICIUNT** . Justificatio est opus supernaturale : sed homo non potest cooperari gratiæ : igitur non est liber ad actiones supernaturales . Probatur minor Psal.

2. 2. habetur : *Non justificabitur in conspectu tuo omnis vivens* . 2. IIa. 64. 6. *Quasi pannus menstruatus universa justitia nostræ* . 3. ibidem c. 1.6. *A planata pedis usque ad verticem non est in eo sanitas* . Ergo, &c.

*Respondeo* 1. distinguendo minorem : homo sine gratiæ adjutorio non potest justificari, concedo : quia sine gratia non habet sufficientes vires ad operandum bonum supernaturale ; tum quia justificatio excedit vires naturæ, infirmæ, tum quia est superioris ordinis ; non potest cum gratiæ auxilio, nego . Deus autem dat omnibus gratiam sufficientem ut possint agere . Jam vero si consideretur peccator sine gratia, certe non justificabitur, justitiæ ipsius nullæ sunt, nullam quippe sanitatem habet, plaga universalis est, ignorantia scilicet in intellectu, inquit V. Beda, malicia in voluntate, rebellio in appetitu sensitivo & excessus in irascibili : porro Scriptura in locis allatis loquitur de homine considerato secundum se, vel in peccato mortali existente, vel per peccatum originale fangiato : in hoc sensu S. Chrysostomus Homilia prima in Adventu dicit : *Omnis homo totus peccatum est* .

*Respondeo* 2. aliter distinguendo : homo non justificabitur in conspectu Dei, idest, justitia ejus tam distat a sanctitate Dei, ut prope nihil sit, ut ipsius puritas sit sceleris, quia est inter utramque justitiam distantia infinita, concedo ; non justificabitur, idest, non potest cooperari justificationi, nego ! Et vero homo non ut inanime quoddam ad opus justificationis assumitur, sed ut gratiæ prævenienti & adjuvanti cooperator fidelis, dicite Domini peccatoribus, Zachar. 3. *Convertimini ad me, ait Dominus exercituum, & convertar ad vos* .

*Ad primum* : non justificabitur in conspectu Dei omnis vivens, distinguo : idest, homo comparatur Deo tanquam nihilum ante ipsum est, teste Propheta, non enim solis viribus absque misericordia & gratiæ auxilio justificari potest, concedo : nullo modo potest, nego .

*Ad secundum* : justitiæ vestræ sunt sicut pannus menstruatus, etiam distinguo : hoc est justitiæ leges sanctitate interiori destitutæ sunt, concedo : justitiæ vestræ ex motivo amoris Dei factæ, nego . Propheta sermonem instituit de prioribus ; arguit enim Judæos de peccato hypocrisis, eo quod ad litteram legis solummodo atten-

dentes, procul facerent spiritum, & cultum dumtaxat externum exhiberent : Et vero jejunabant quidem, Neomenias celebrabant ; sed superbi, & usurarii & pravaricatores erant, & ideo justitiæ eorum non solum erant prosus vacuæ, sed peccato hypocrisis maculatæ .

*Ad tertium*, solutio patet : loquitur enim Propheta de iisdem Judæis qui in nullo legis puncto fideles, ibant in adventionibus suis : hinc in nova peccata ruere gloriabantur, & ideo plaga universalis & veluti insanabilis inerat eis .

*Opponunt* 2. Qui ex natura sua malus est, nullum potest facere bonum : atqui homo lapsus ex natura sua malus est, juxta illud Eph. 2. *Natura sumus filii iræ* . Igitur homo non est liber ad operandum bonum ; quippe qui sit in maligno totaliter positus . Confirmatur . Chrysostomus Hom. 37. in Matth. asserit hominem propria voluntate veluti vinculo alligatum manere, ita ut quod vult bonum, non faciat : igitur non est liber .

*Respondeo* distinguendo : qui ex natura sua malus est ut natura dicit essentiam, concedo : ut dicit solummodo originem, nego . Et distinguo minorem, sumus natura filii iræ, juxta illud Prophetæ effatum Psal. 50. 6. *Et in peccatis concepit mater mea, concedo : essentialiter, nego* . Vidit enim Deus cuncta quæ fecerat & erant valde bona : igitur homo non est essentialiter malus, præsertim vero cum peccatum irrepsit in naturam alias justam & innocentem : licet autem eam plurimum læserit, non tamen, inquit Div. Thom. totaliter corruptit bonum naturæ, immo teste Dionysio naturalia permanserunt in Dæmonibus, igitur & in primis parentibus . Libertas autem est perfectio naturalis & intrinseca naturæ : igitur remansit, sed fuit debilitata, quod ultro fatemur .

*Respondeo* 2. Argumentum Hæreticorum nimis probare, sequeretur enim ex hoc quod nequidem Apostoli potuissent aliquid operari bonum vitæ æternæ dignum, erant enim ab origine sicut cæteri homines natura filii iræ, & tamen Apostolus de se loquens ait : *Reposita est mihi corona justitiæ quam reddet mihi in illa die justus judex* . 2. Tim. 4. 8.

*Ad confirmationem*, distinguo : peccator habitibus malis alligatus non est liber a servitute diaboli, concedo : scriptum est enim 2. Petr. 2. *A quo quis servatus est, hujus*



*bujus & servus est*: non est liber libertate naturali & indifferentiæ, nego: licet enim homo pronus sit ad malum eo quod per versa inclinatione peccet, attamen potest & non peccare, & a peccato si in illud prolapsus sit, resurgere; immo Deus ad hoc illum iterum atque iterum adhortatur, sic enim per os Osæ c. 3. loquitur: *Convertimini filii revertentes, & sanabo aversiones vestras*. S. Chrysostomus loquitur tantum in primo sensu, & est ipsi interpres Hom. 3. in Gen. *In corporalibus naturæ affectiones sæpe immobiles sunt, in voluntate autem, non ita se res habet. Sæpe enim si volueris etiam qui malus est, mutatus & fit bonus, & qui bonus per ignorantiam excidit, & fit malus, quia liberi arbitrii esse nostram naturam fecit omnium Dominus.*

*Instant*: homo in peccato mortali existens non potest operari bonum: ergo verum est hominem ad peccatum per propriam voluntatem ligatum, non esse liberum. Probatur antecedens. Homo ille habet pro fine ultimo creaturam, adeoque agit propter illam, & consequenter necessario semper peccat. Ergo, &c.

*Respondeo*, negando antecedens. Ad probationem, distinguo: habet pro fine ultimo habituali creaturam, concedo: pro fine semper actuali, nego. Enimvero non semper cogitat & agit propter creaturam. Nonne Scripturæ sanctæ adhortantur impios ad opera bona? possunt ergo illa facere. Nonne injungitur peccatoribus, dolere de peccatis? juxta illud Christi, Luc. 13. 3. *Si poenitentiam non habueritis, omnes similiter peribitis*. Et iterum alia Scriptura, Joel. 2. *Scindite corda vestra, & non vestimenta vestra*, ait Dominus omnipotens. Igitur peccatores bona opera possunt facere.

*Obijciunt* 3. Prædestinatio inducit necessitatem: namque si homo est prædestinatus, necessario salvabitur; siquidem prædestinatio non potest falli. Si vero non sit prædestinatus, necessario peribit, quia soli electi salvabuntur. Ergo, &c.

*Respondeo*, negando sequelam. Ad probationem, distinguo: si homo est prædestinatus, necessario salvabitur necessitate hypothetica, & supposito quod libere agendo operetur bona, concedo: necessitate absoluta & antecedente, nego. Liberum est Deo prædestinare quem vult, hoc enim ab homine non pendet; Deus quinque suorum donorum Dominus est, sed intuitu meritum dilecti Filii sui dedit homini-

bus jus ad gloriam, dat omnibus gratiam sufficientem, vult ut justus per merita & bona opera, vitam consequatur æternam: igitur prædestinatio ex parte causæ secundæ quæ est contingens, potest falli. Ita colligitur ex Div. Thom. 3. contra Gent. c. 94. ubi dicit effectus divinæ Providentiæ esse contingentes ex parte causæ secundæ. Sed de hoc fusior erit sermo ubi de præscientia Dei. Addo secundum gravissimos Theologos prædestinationem & secundum intentionem agentis, & secundum executionem esse post prævisa merita. Denique B. Apostolus Petrus hoc momentum salva libertate explanat cum 1. Epist. 1. 19. dicit: *Satagite ut per bona opera certam vestram vocationem & electionem faciatis*. Igitur certitudo salutis dependet ab operibus bonis quæ unusquisque ad nutum suum facere potest. Igitur prædestinatio Sanctorum in nullo offendit libertatem voluntatis humanæ.

*Opponunt* 4. Voluntas humana se sola non potest adimplere legem & amare Deum ut auctorem gratiæ igitur non est libera ad actiones supernaturales. Probatur consequentia, si esset libera, posset elicere tales actiones: sic non dicitur de brutis quod sint liberæ ad ratiocinandum, ad consilium dandum, quia hoc non possunt, eo quod sint ad unum determinatæ: igitur a simili creatura rationalis ad actiones supernaturales eliciendas, nullo modo est libera.

*Respondeo*, distinguendo; voluntas humana se sola non potest proxime elicere actum supernaturalem, concedo: non potest ullo modo, nego. Actus amoris Dei, v. g. est actus vitalis a voluntate eliciendus: igitur inest homini potentia aliqua remota ad illum producendum: quod & probatur ratione a simili. Tametsi oculus corporalis, seculo solis lumine, actu objecta videre non valet, non est tamen verum simpliciter dicere, illum non posse ea intueri, eodem prope modo licet voluntas indigeat auxilio gratiæ, & ut possit proxime amare, & ut actu amet, nemo tamen eam secundum se spectatam simpliciter & absolute ad amandum physice impotentem dicit. Potest igitur potentia remota operari bonum salutis, non tamen positive, & proxime absque gratiæ adiutorio. Ad confirmationem, nego paritatem Bruta enim potentiam ad ratiocinandum ne quidem remotam habent.

*Instant*. Gratia nec pendet ab homine, nec

nec est in ejus potestate illam habere ad nutum: igitur homo non est liber ad actiones supernaturales eliciendas & probatur; absque auxilio gratiæ non est ad eis producendas expeditus: igitur cum gratiam ad hoc necessariam non habeat quando vult, hæc & similia salutis negotia operari non valet.

*Respondeo*, distinguendo illam partem: non est in potestate hominis physica & absoluta habere gratiam quando vult, quia de facto ab ipso non pendet gratia, cum solum Deum habeat auctorem, concedo: non est in potestate morali, nego. Gratiæ est moraliter in potestate hominis in quantum Deus non deficit in necessariis, quia incuit meritorum Christi, ut jam dictum est, dat omnibus gratiam sufficientem & offert efficacem quando præceptum urget. Ceterum, inquit Div. Thom. 1. 2. q. 109. quod per amicos possumus, per nos ipsos possumus, unde dicebat Apost. Phil. 4. 13. *Omnia possum in eo qui me confortat*. Et iterum alia Scriptura Pl. 54. 23. *Justicia super Dominum curam tuam & ipse te eructet, non dabit in æternum fluctuationem iusto*. Et adhuc Psal. 113. *Qui timent Dominum speraverunt in Domino, adiutor eorum & protector eorum est*. Cum igitur Deus sit non solum amicus, sed Pater misericordiarum & Deus totius consolationis, gratia nemini deest, nisi homo prius gratiæ de se resistendo, quinimmo os loquentium iniqua rejiciendo culpas in delectum gratiæ, occcludit Spiritus Sanctus dicens Eccl. 15. 11. *Non dixeris per Deum abest*. Et Osee 12. 9. *Perditio tua ex te Israel, tantummodo in me auxilium tuum*.

*Auctor* Libri de vocatione Gentium c. 20. faciat satis omnibus difficultatibus in hoc puncto occurrentibus, paucis sed efficacissimis verbis: "Gratiæ Dei in omnibus justificationibus principaliter præminet; sed etiam voluntas hominis subjungitur, atque conjunctur quæ adest prædictis, excitata prædiis, ut divino in se cooperetur operi, de sua habens mutabilitate si deficit, de gratiæ opultatione si proficit, quæ opultatio per innumeros sive occultos, sive manifestos modos omnibus adhibetur, & quod a multis deservitur, ipsorum est nequitia." *Obijciunt* 4. Liberum arbitrium amissum est per peccatum, & reparatum per gratiam, sic enim loquitur Arausianum 2. Can. 13. *Arbitrium voluntatis in primo homine informatum, nisi per gratiam Baptismi*  
Boucat Theol. Tom. I.

*non potest reparari: quod amissum, nisi a quo potuit dari, non potest reddi*. Ergo ex Concilio homo lapsus secundum se nullam habet libertatem.

*Respondeo* distinguendo: liberum arbitrium amissum est per peccatum quoad statum & perfectionem, concedo: enimvero in homine innocente erat sanum, & cum gratia conjunctum. Amissa autem innocentia & gratia, mansit infirmatum: amissum est quoddam se, nego. Naturalia quippe permanserunt & in Angelis & in primis parentibus peccantibus. Igitur per gratiam Christi, liberum restauratur arbitrium quatenus per illam, vim habet ad operandum bonum etiam in arduis. Immo & restituitur, non quidem quoad se, sed quoad virtutem operandi propter Deum.

*Instant*: licet liberum arbitrium adjuvetur ad bonum supernaturale, attamen non manet vere liberum, sed ab ipsa gratia rapitur ut inanime quoddam: & probatur. Aug. 1. de gratia Christi: *Us quando defenditur liberum arbitrium, negari Dei gratia videatur: quando autem asseritur Dei gratia, liberum arbitrium putetur auferri*: Ergo, &c.

*Respondeo* negando antecedens. Ad probationem dico B. Augustinum nusquam docere gratia liberum petiti arbitrium, verumtamen hoc ipsum quibusdam videri. Et quibus? nisi ignaris & simplicibus. Quandoque locutiones per se ferunt qualdam difficultates, eo quod Patres aliquod dogma propugnantes, totum pro hoc momento concludere satagant. Non mirum igitur si Augustinus contra Pelagianos qui omnia naturæ tribuebant, partem oppositam quasi per excessum gratiam exaltando defendat, salvo tamen semper liberi arbitrii jure. Ipse se explicat contra Julianum c. 8. "Ego dixi istam questionem ad discernendum esse difficilem, non autem dixi non posse discerni. Multo minus ergo dicere, quod me dixisse mentiris, negari liberum arbitrium, si gratia commendetur, & negari gratiam si liberum commendetur arbitrium.... non dixi negari gratiam, sed ut negari gratia videatur, non dixi negari liberum arbitrium vel auferri."

*Instant iterum*: Posita gratia efficaci, non manet indifferenter & potentia ad oppositum: ergo nec liberum arbitrium sub dominio gratiæ. Probatur antecedens. Voluntas non potest agere, quia eo ipso quodatur gratia efficax, jam est consensus:

Mm

led

sed ut voluntas esset libera, deberet posse non agere etiam sub dominio gratiæ, atque ipsa præsentē. Ergo, &c.

*Respondeo* negando antecedens. Ad probationem, distinguo: voluntas non potest non agere in sensu composito, concedo: in sensu diviso, nego. Sensus compositus est actus conjunctus cum potentia, & certe quando est consensus, non potest non esse, nullus potest componere simul actum & non actum. Sensus divisus est cum potentia consideratur vel secundum se, vel etiam cum gratia & in illo priori antequam eliciat actum. Jamvero potest non agere quando offertur & datur gratia efficax, quia potest illi resistere, Tridentino dicente sess. 6. Can. 4. Si quis dixerit liberum arbitrium motum non posse dissentire si velit, anathema sit. Quid plura? voluntas manet libera etiam in ipso actu, tum quia elicit illum prævia electione, tum quia potest cessare ab illo, & contrarium facere.

Ad id quod dicitur, quando datur gratia efficax, jam est consensus, nego. Prius enim est gratiam dari, gratiam in voluntate recipi & ipsam voluntatem moveri & applicari ad actum, quam agere: unde manet libera sub dominio gratiæ, maxime cum gratia efficax secundum gravissimos Theologos sita sit solum in motionibus moralibus, quibus ad nutum potest resistere voluntas humana.

*Deo* præcipua Calvinī argumenta, alterum ex prædestinatione desumptum, alterum ex gratia insuperabili humanam lædente libertatem, confutata manent ex doctrina S. Prosperi qui sententia sexta post responsum ad capita Gallorum sic loquitur: *Qui dicit quod liberum arbitrium in homine nihil sit, sed siue ad bonum, siue ad malum prædestinationi Dei in hominibus operetur, non est Catholicus. Arbitrium enim hominis gratia Dei non abolet, sed adolet & ab errore in viam revocat & reducit, ut quod sua libertate erat prævium, Spiritu Dei agente fit rectum.*

*Adhuc* insunt Heterodoxi: Gratia movet insuperabiliter, juxta illud Aug. l. de corr. & 9. cap. 12. num. 38. *Subventum est infirmitati voluntatis humane, ut divina gratia indeclinabiliter & insuperabiliter ageretur, & ideo quamvis infirma, non tamen deficeret, neque ad versitatem aliquā vinceretur.* Igitur sub dominio gratiæ non manet potentia ad oppositum: alias jam non indeclinabiliter, sed declinabiliter gratia moveret voluntatem humanam ad opus bonum.

*Respondeo* distinguendo, gratia perseverantia finalis, concedo: gratia efficax ut sic, nego. Gratia perseverantia finalis dicit Providentiam specialissimam quæ jungit infallibiliter mortem cum gratia: at vero gratia efficax secundum se non sic movet; quandoquidem liberum arbitrium ab ipsa motum, affirmante Tridentino; potest dissentire si velit. S. Augustinus loquitur tantummodo de priori gratia; namque ibidem num. 38. subdit post verba in objectionē laudata: *Ita factum est, ut voluntas hominis invalida & imbecilla in leno adhuc parvo perseveraret per virtutem Dei: cum voluntas primi hominis fortis & sana in bono amplius non perseveraverit.* Qua quidem sententia non relinquitur circa mentem Augustini ambigendi locus; nam ibi in eo maxime Christi gratiam celebrat, quod det finalem in bono perseverantiam quam ipse Adamus tamen sanus & fortis vi gratiæ suæ non habuit.

## SYNOPSIS PROBATIONUM.

*Homo est liber ad actiones supernaturales.*

**PRIMO**, Redimere peccata elemosynis, inimicis condonare, sunt actiones supernaturales: sed præcipiuntur in Scripturis: igitur homo est in his momentis exequendis liber, alias frustra hæc præciperentur, quod enim sit necessarium, neque consilio, neque deliberationi subijcitur.

**Secundo**, Gratia non perimit sed adjuvat liberum arbitrium, juxta illud Augustini Epist. 89. "Neque enim voluntatis arbitrium ideo tollitur, quia juvatur; sed ideo juvatur, quia non tollitur." Igitur ruit Calvinī fundamentum.

**Tertio**, Ratio in prompta & quidem in Scripturis sacris suffragatur. Ideo homo justus laude dignus est, quia cum possit transgredi non transgreditur: igitur in homine ex integro intacta manet ad actiones supernaturales libertas.

## SYNOPSIS SOLUTIONUM

**QUIBUS DILUUNTUR ARGUMENTA IN CONTRARIUM.**

**PRIMO**, incassum ab Heterodoxis in medium adducuntur Scripturæ sacræ loca in quibus quandoque dicitur hominem in conspectu Dei non justificari, mortali-

lium iustitias nihil esse; ista quippe & similia libertati non adversantur, sed unum dumtaxat probant, hominem absque Dei auxilio nec quidquam mereri; nec suam assequi salutem.

*Secundo*, Bene dicitur hominem in se relictum non habere posse proximum salvare, a fortiori ipsam salutem, nisi donante Domino, qui teste Apostolo, operatur in nobis velle & perficere, ergone tollitur libertas? Quinimmo elevatur & perficitur, quatenus dat posse proximum, immo & actum, quem quidem voluntas praevis gratiae consensu & praevis electione elicit.

*Tertio*, Non negamus gratiam infallibiliter movere, sed suaviter, namque liberum arbitrium motum ipsi potest in sensu diviso resistere; cæterum cum voluntas malis actibus & propria concupiscentia veluti tot vinculis obstricta dicitur, difficultas solum ad bonum, nusquam vero ad malum necessitas designatur. Quid plura? non gratia interior & efficax ut sic movet insuperabiliter, sed tantum gratia perseverantiae, quæ Providentiam importat extrinsecam & extraordinariam qua mors cum charitate conjungitur.

### SECTIO TERTIA.

*Utrum libertas essentialiter posita sit in indifferentia actus.*

### CONCLUSIO.

Essentia libertatis consistit in indifferentia actus.

**I**STA propositio sequitur ex dictis in duabus superioribus Sectionibus, & colligitur ex Canone quarto, Sessionis sextæ Concilii Tridentini.

*Probatur in particulari auctoritate & ratione.*

*Primo, Ex Scriptura sacra.*

**LEGITUR I.** Cor. 7. *Non habens necessitatem, potestatem autem habens suæ voluntatis.* Eo loci Apostolus loquitur de homine qui potest ad libitum nubere vel non nubere, sumere vel non sumere uxorem: sed illa potestas in eo maxime sita est quod homo possit, uno relicto, alterum pro incepta libertate & voluntatis arbitrio elige-

re: ergo libertas consistit formaliter in indifferentia. Et vero ut ipsum verbum sonat, esse liberum, est non esse ligatum, seu necessitate compulsus ad aliquid, esse posse facere illud vel non facere.

*Secundo, Ex D. Augustino, & D. Thoma.*

**S. AUGUSTINUS** quidem in omnibus locis jam supra citatis perpetuo prædicat libertatem cum potentia ad oppositum secundum voluntatis electionem, sed præcipue l. 2. de actis cum Felice Manichæo c. 4. *Habet, inquit, unusquisque in voluntate aut eligere quæ bona sunt, & esse arbor bona, aut eligere quæ mala, & esse arbor mala.* & l. de Spiritu & littera c. 34. *Consentire vocationi Dei, vel ab ea dissentire propria voluntatis est.* Unde si argumentor: indifferentia activa hominis in eo potissimum consistit, quod possit eligere unum ex duobus, alio relicto, quia ubi est necessitas, ibi non est electio, sed ad unum determinatio: atqui ex S. Augustino unusquisque habet in voluntate quod eligat bonum vel malum; propriæ voluntatis est, inquit, consentire vel dissentire vocationi Dei: igitur ex eodem libertas consistit in indifferentia activa, & in eo quod homo possit aliquid facere vel non facere.

**Divus Thomas** ubique libertatem in indifferentia activa & in immunitate ab omni necessitate constituit, ut q. 24. de verit. art. 1. sed præcipue qu. 6. de malo art. unico ubi sic loquitur: *Quidam posuerunt quod voluntas hominis ex necessitate moveatur ad aliquid agendum, nec tamen ponebant quod voluntas cogereetur, non enim omne necessarium est violentum, hæc autem opinio est hæretica, tollit enim rationem meriti & demeriti in humanis actibus.* Igitur libertas consistit in indifferentia activa & contrarium asserere, hæreticum est. Quid efficacius poterat sanctus Doctor dicere ad proscribendam Jansenii sententiam? quæ clare manet damnata in utroque sancto Doctore, Augustino scilicet, & Angelo Scholæ, sicut & in Trid. Can. 4. Sess. 6. cum dixit: *Si quis dixerit liberum arbitrium motum a Deo non posse dissentire si velit, anathema sit.*

*Tertio, Ratione, eaque multiplici.*

**PRIMA** est: in hoc formaliter consistit libertas, in quo illam semper consistere

M m 2 de-

designat Scriptura sacra : atqui ubi Scriptura loquitur de libertate , semper illam prædicat in indifferentia activa voluntatis quæ unum , alio relicto , potest facere , juxta illud Gen. 4. 7. *Sub te erit appetitus ejus , & tu dominaberis illius* . Et istud Eccl. 15. *Ante hominem vita & mors ; bonum & malum , quod placuerit ei , dabitur illi* . Hoc ipsum confirmat Apostolus 1. Cor. 7. his verbis : *Non habens necessitatem , potestatem autem habens voluntatis sue* . Igitur essentia libertatis in indifferentia activa potissimum sita est .

*Secunda* , Essentia libertatis in eo maxime consistit , in quo Traditio , Scripturæ sacræ fidelis interpres , illam constitui censet : atqui Traditio Patrum nomine indifferentiæ activæ illam celebrat : Justinus supra laudatus dicit inesse hominibus vim & potestatem , ut sese pro nutu vel ad bonum , vel etiam ad malum convertant ; Clemens Alexandrinus eos , utriusque electionem habere asserit : id ipsum propugnat Tertullianus ; id Ambrosius , id Augustinus . Ergo , &c.

*Tertia* , eaque validissima , homines sunt exhortationis & correptionis capaces : sed hoc habent solum ratione indifferentiæ activæ ; ratione virtutis electivæ , quæ tametsi mali , possunt tamen flecti ad bonum ; namque ubi est aut coactio , aut vis & necessitas , ubi sane non relinquitur consilio locus , quandoquidem voluntas manet determinata ad unum : igitur libertas consistit formaliter in indifferentia activa . Hæc urget & explanat rationem S. Augustinus in libris de gratia & libero arbitrio , de correptione & gratia , & alibi .

*Quarta* , Homo ratione libertatis meretur , si propter amorem Dei abstinere a malo : atqui homo propter amorem Dei , quandoque abstinere a malo , juxta illud Eccl. 31. 10. de Justo : *Qui potius transgredi & non est transgressus , facere mala & non fecit , adeo stabilitus sunt bona illius in Domino* . Igitur libertas in indifferentia actus formaliter constituitur .

*Quinta* , Libertas essentialiter sita est in dominio quod voluntas humana in suos actus habet , ratione cuius est sui juris , potestque vel Creatori , vel creaturæ servire : sed illud dominium attenditur secundum quod homo potest unum , alio relicto , eligere ; nullus quippe dicitur Dominus actionis ad quam aut necessitate , aut vi compellitur : igitur libertas consistit in indifferentia actus .

*Diluuntur objectiones Heterodoxorum ex auctoritate Divi Augustini & Divi Thomæ desumptæ .*

OBSCIUNT 1. Augustinum qui l. 2. de lib. arb. c. 3. sic loquitur : *Illud nos habere in potestate dicimus , quod cum volumus , facimus* . Ergo ex Divo Augustino ut opus sit liberum , sufficit quod sit voluntarium .

*Respondo* distinguendo consequens : ut opus sit liberum sufficit quod sit voluntarium per electionem , concedo : per spontaneitatem & necessitatem , nego . Sicut animal est genus contrahibile per rationale & irrationale , ita voluntarium per liberum & spontaneum , usus tamen invaluit sumi pro libero , siquidem cum volumus exprimere aliquem fecisse aliquid libere , ex more dicimus , voluntarie fecit . In hoc sane sensu loquitur August. & quod sit ipse mens , patet ex probationibus superioribus ubi multa sancti Doctoris loca aliis clarissima pro asserione nostra in medium adduximus . Carterum l. 3. de Spiritu & littera c. 1. est sui ipsius interpres his verbis : *Hoc quisquis habere in sua potestate quod si vult facit , si non vult non facit* .

*Instat* idem l. 5. de Civit. Dei c. 9. & 10. disputans contra Evodum & Ciceronem docet præscientiam Dei non nocere libertati , tametsi , quod Deus præscivit , infallibiliter eveniat , quia , inquit , remanent voluntates & volitiones admodum liberae , quatenus voluntarie & nulla vi cogente aut compellente , operamur . Igitur voluntarium & liberum apud Augustinum sunt unum & idem : igitur sufficit quod spontaneæ agamus , ut liberi simus .

*Respondo* 1. ex hoc principio sic statuto duo sequi absurda . Primum quidem processionem Spiritus Sancti esse liberam ; est enim voluntaria : alterum vero ipsas belluas esse liberas , quippe quæ spontaneæ agant & operentur .

*Respondo* 2. ut supra : Et Augustinus loquitur de voluntario per electionem , concedo : de voluntario mere spontaneo , nego . Hoc ipsum patet ex scopo sancti Doctoris qui vult ostendere præscientiam neque tollere libertatem , neque ullam rebus humanis imponere necessitatem : profecto nihil concluderet , si in probationem afferret volitiones ex necessitate procedentes . Arguebat enim ibi contra Ciceronem , qui teste Nemæio lib. de natura

tura hominis admittebat fatum & necessitatem in actibus humanis, quos tamen voluntarios dicebat, illumque revincit S. Doctor, dicendo nullum esse fatum ex præscientia, quia voluntates manent liberæ, ad bonum & malum flexibiles. Eodem modo explicandi sunt alii sancti Doctores qui eadem phrasi explicant libertatem per voluntarium; usus quippe invlruit, ut per hoc intelligeretur semper voluntarium per electionem & cum potentia ad oppositum.

*Obijciunt* 2. Divus Thomas passim dicit necessitatem non nocere libertati, sic 1. p. q. 82. art. 1. ad 1. *Necessitas naturalis non aufert libertatem voluntatis*. Igitur libertas in voluntario spontaneo sita est.

*Respondet*, distinguendo: non tollit libertatem potentie, concedo: libertatem activam seu actus, nego. Voluntas potest considerari dupliciter, scilicet ut natura & ut libera: ut natura quatenus ex inclinatione fertur in bonum tanquam in proprium & connaturale objectum: fertur enim ut sic necessario ad illud, sicut quælibet creatura naturaliter tendit in centrum. Et vero voluntas non potest appetere malum quo malum; tendit igitur naturaliter & per actum primo primum illumque indeliberatum ad bonum ut sic. Potest voluntas alio modo spectari, scilicet ut libera, quatenus agit per electionem præviam & circa tale bonum in individuo, tunc actus est deliberatus & liber. Igitur necessitas naturalis & inclinatio generalis ad bonum ut sic, non tollit libertatem potentie; licet enim per actum indeliberatum & ex inclinatione agat, manet tamen potens, ad agendum cum deliberatione, ut amet tale vel tale bonum in individuo; sed si necessitas inveniretur in actibus qui per electionem ex natura, deliberatione prævia, procedunt, nulla foret libertas, quia nulla foret nisi nomine & voce tenuis electio. Primum solummodo intendit Divus Thomas, cujus mens sufficienter in probationibus aperitur & explicatur.

*Urgent*: idem 2. dist. 25. q. 1. art. 4. ait: *Liberum arbitrium dicitur esse eo quod cogi non potest*. Ibid. art. 1. dicit Beatos habere liberam electionem circa visionem Dei & ipsius amorem, qui tamen actus sunt necessarii. Igitur ex D. Thoma ad libertatem sufficit exemptio a coactione.

*Respondet*, ad primum distinguendo: liberum arbitrium dicitur esse quod non est coactum, ut coactum fuitur generice &

dicit id omne quod non est violentum & necessitate ligatum: concedo. Nam omnis necessitas etiam spontanea est quædam violentia, saltem pro natura libera, ut sumitur solum pro exemptione a violento extrinseco vim inferente, non conferente passio, nego. Loquitur D. Thom. tantum in primo sensu.

*Respondet* ad secundum, 1. Divum Thomam solummodo velle visionem & amorem Dei in Beatis non asserere vim & violentiam, sed potius summum parere gaudium & in eo sensu amoris actum esse liberum, quia maxime voluntarius est; siquidem ad Deum tendit anima beata ex pondere & inclinatione tanquam ad centrum. Solent etiam sancti Doctores explicare voluntarium per vocem illam, liberum, quatenus omne liberum opponitur violento: enimvero omne liberum, est voluntarium, sed non omne voluntarium est liberum, ut liberum dicit libertatem formalem.

*Respondet* 2. ad eandem difficultatem distinguendo: Beati habent electionem liberam circa visionem & amorem Dei ut est ratio diligendi creaturas, concedo: in ordine ad seipsum, nego. Deus potest considerari a Beatis dupliciter, primo quidem ut est ratio diligendi creaturas quæ ejus dona participant; deinde vero ut est ratio seipsum diligendi, & quatenus est bonum inestimabile, illudque summum & infinitum. Beati amant Deum libere in primo sensu: nec mirum videri debet, nam amare Deum ut est ratio diligendi creaturas, est potius amare donum quam donatorem. At vero iidem Deum necessario amant, cum eum propter se & ut summum bonum diligunt. Porro Divus Thomas concedit quidem visionem Dei intuitivam & ejusdem amorem esse in Beatis actus liberos in prima significatione acceptos, nusquam vero sub secunda consideratione & ut immediate ad Deum in se visum terminatur: sic enim sunt tantummodo spontanei.

*Rursus instant*: idem 2. q. 6. art. 1. ad 1. *Laus*, inquit, & vituperium consequuntur actum voluntarium secundum perfectum voluntarii rationem: sed perfecta voluntarii ratio, est spontaneitas. Et probatur: voluntarium est magis perfectum in Beatis quam in nobis, quia voluntas melius ac suavius coniungitur objecto, & tamen est necessarium respectu Dei. Ergo, &c.

*Respondeo* distinguendo : & illa perfecta ratio voluntarii est quod sit voluntarium liberum per electionem, ideo enim ad ipsum sequuntur laus & vituperium, juxta illud : *Qui potuit transgredi : & non est transgressus, facere mala & non fecit, ideo stabilita sunt bona illius in Domino*, concedo : quod sit voluntarium necessitans ; subdistinguo : respectu Dei clare visi, concedo ; respectu boni creati, nego. Libertas est summa creaturæ rationalis perfectio, qua ab omni alio libera & immunis dicitur & quanto magis est libera ad eligendum, tanto magis est domina, quod autem Divus Thomas loquitur de voluntario secundum istam rationem quam existimat perfectam, patet ex hoc quod addit, *secundum perfectam voluntarii rationem quale non invenitur in brutis*. Attamen voluntarium spontaneum est in illis : igitur S. Doctor loquitur de voluntario libero per electionem, quando loquitur de perfecta ratione voluntarii. Si vero obiectum sit summum bonum & perfecte possessum, tunc voluntarium est quid perfectius, sed illa necessitas promanat & ex obiecto perfecte satiente, & ex plenitudine gratiæ consummata, quæ firmat voluntatem in bono, & ex ipsa voluntate quæ vult amare summum bonum tamdiu desideratum ac tandem possessum ; illa autem necessitas, ut patet, non limitatione, sed ex plenitudine & abundantia fluit.

*Ceterum* in via perfectius est amare libere, quia amor liber viatori convenit, & solus est meritorius ; necessitas vero quæ in præsentis statu invenitur, est aut violenta, aut imperfectio, quandoquidem ligat voluntatem ad unum per servitutem, & non per dominium in actus.

*Adhuc instans* : Idem in 3. dist. 12. q. 2. art. 1. ad 3. sic loquitur : *Impotentia coactionis quæ opponitur voluntario tollit rationem meriti, non impotentia quæ est in perfectione, in bonitate vel malitia, quia hoc voluntarium non tollit, sed ponit voluntarium confirmatum ad unum*. Igitur ex Divo Thoma sola coactio opponitur libertati.

*Respondeo* distinguendo, sola coactio opponitur omnimode libertati, concedo : & necessitas non opponitur, subdistinguo : necessitas quoad specificationem, concedo : necessitas quoad actum in individuo spectatum, nego. Coactio est ab extrinseco nihil conferente passio, unde omnibus modis humanæ opponitur libertati : non sic de necessitate discurrendum : duplex

quidem distinguitur ; una obiecti, altera vero actus : prima est lex quædam singularis indita creaturis rationalibus querendi beatitudinem in communi, amandi bonum in genere, nusquam vero appetendi malum quo malum, & vocatur necessitas quoad specificationem : secunda est determinatio ad unum actum, ita ut non remaneat potentia alium contrarium eligendi, & eliciendi : necessitas obiecti libertati non officit ; nam etsi homo quærat & amet necessario tum beatitudinem, tum bonum in communi, nusquam tamen hic & nunc in individuo : immo experientia comprobatur quotidiana, quosdam beatitudinem in divitiis, quosdam in dignitatibus ponere : alios amare bonum apparens, alios vero adhærere Domino : Divus Thomas autem vult tantum necessitatem obiecti, seu amorem beatitudinis in communi nullum libertati actus & indifferentiæ asferre impedimentum.

*Respondeo* 2. iterum, sed aliter distinguendo, impotentia seu confirmatio in bono vel in malo opponitur cujuscumque actus libertati, ut coactionem vel necessitatem importat, concedo : & Divus Thomas vult actum esse dumtaxat voluntarium, nego. Christus etiam viator erat quidem impeccabilis, attamen liber erat libertate contradictionis, poterat enim & quædam facere bona, & ab eisdem, saltem ad tempus abstinere : at vero homo qui est aut coactus, aut ad unum ex necessitate determinatur veram profecto non habet libertatem, adeoque sicut mereri, sic & demereri non potest. Et sic patet responsio ad Divum Thomam.

*Ad* multarum difficultatum quæ obici possunt, solutionem, observandum est, quod, si interduo Patres libertatem explicant per spontaneitatem, eos de spontaneitate in gradu perfecto, & ut habet admixtum sibi liberum, loqui manifestum sit ; omne quippe liberum est voluntarium : in hoc sane sensu liberum potest definiri, id quod a coactione immune est, sic sancti Doctores illud quandoque delineant, sed coactio tunc sumitur latissime, nimirum ut vim, & necessitatem importat. Omne liberum est spontaneum & voluntarium, sed non e contra.

*Argumenta ex ratione deducta discutuntur, & diluuntur.*

**OBJICIUNT** : Deus est liber ad erga & tamen actus ejus est necessarius : ergo  
sui-

sufficit ad libertatem, actum esse voluntarium. Probatur antecedens: actus voluntatis Dei, est ipse Deus: igitur est necessarius, quia tamen est spontaneus, ideo dicitur & liber.

*Respondeo*, distinguendo: actus voluntatis Dei est necessarius & eminenter liber, concedo: est necessarius tantum, nego. Si actus ille entitative sumatur, est necessarius, quia est ipse Deus; si vero consideretur per ordinem ad creaturas, est liber: cum enim Deus non habeat necessariam cum eis connexionem, potuit illas creare, vel non creare.

*Instant*: Decretum de condendis creaturis est æternum, non enim Deus aliquid novi suscipit in sua voluntate quando res producuntur: ergo necessario illas producit, alias falleretur ejus Providentia.

*Respondeo*, distinguendo: est æternum ut creatura producat libere, concedo: ut producat necessario, nego. Primo quidem concipitur Deus esse, in secundo vero instanti concipitur se determinare ad creaturas condendas, sed libere; alias creaturæ quodammodo forent a Deo independentes quoad esse; non enim datur electio de iis quæ necessario aut fiunt, aut debent fieri.

*Opponunt* 2. Christus Dominus erat liber ad moriendum, immo & ad amandum Deum Patrem: atqui tamen neque poterat non mori neque non amare Deum, utpote impeccabilis, etiam ut viator. Deinde erat in via beatus quoad animam, unde & ex hac parte non poterat non amare Deum. Ergo, &c.

*Respondeo*, distinguendo: Christus non poterat non mori, quatenus libere acceptaverat mortem, concedo: hoc est necessitate compulsus mortuus est, nego. Cardinalis de Lugo Tractatu de Incarnatione asserit quod mortem crucis plurimum ignominiosam Pater Æternus præsummo erga nos homines amore subeundam proposuerit Filio suo dilectissimo, qui & eadem commotus dilectione, cum posset non acceptare, sed leviori Passione, immo & aliquo charitatis actu elicto mundum redimere, elegit Martyrium supra modum crudele, ut redamare non pigeat, qui tanti nostram fecit salutem, ut etiam pro hoc momento sum præciosum effunderet sanguinem. Quod quidem innuit Scriptura sacra dicens, *Oblatus est, quia ipse voluit*. Igitur erat liber pro morte subeunda; si qua enim affulget in hoc ne-

cessitas, est tantum hypothetica, & ex propria Christi voluntate profluens.

*Ad aliud* de amoris præcepto, utique distinguo: Christus non poterat non amare Patrem, hoc est præceptum amoris secundum se spectatum non adimplere, concedo: non enim erat liber libertate contrarietatis propter impeccabilitatem; non poterat non adimplere in tali vel tali circumstantia, tali vel tali tempore, tali vel tali modo, nego. Præceptum amoris obligat quidem omnes sub pœna peccati mortalis, sed cum sit affirmativum, non obligat pro semper: igitur Christus Dominus erat liber libertate contradictionis ad amorem, quatenus poterat suum prodere amorem tali vel tali tempore, modo actibus humilitatis, modo etiam orationis & pietatis, alteriusve virtutis. Ergo non erat liber circa substantiam præcepti? absit, quia circumstantiæ non separantur a præcepto, quandoquidem præceptum appellat supra actum in individuo seu in concreto; idest supra amoris actum omnibus vestitum circumstantiis.

*Obijciunt* 3. Illud est liberum quod est in nostra potestate: sed actus eo ipso quo est voluntarius & spontaneus, jam est in nostra potestate. Et probatur: illud esse in nostra potestate censetur, quod facimus quia volumus: sed actum elicimus spontaneum quia volumus. Ergo, &c.

*Respondeo*, distinguendo majorem: illud est liberum quod est in nostra potestate tum physice, tum moraliter, concedo: quod est in nostra potestate tantummodo physice, nego. Similiter distinguo minorem: actus eo ipso quo est voluntarius & spontaneus, est in nostra potestate physice, concedo, moraliter, nego minorem & consequentiam. Aliquid in nostra potestate esse dicitur duplici modo, videlicet physice, quatenus a potentia aliqua vitali promanat; moraliter vero, cum ab eadem, prævia electione, producitur; namque voluntatis dominium super actus suos penes electionem attenditur, unde eatenus censetur libera & suorum actuum domina quatenus unum, alio omisso, potest facere. Porro actus mere voluntarius & spontaneus, a voluntate quidem procedit, sed ut natura, inquit Divus Thomas, minime vero ut libera: hoc est ex impetu & necessario, & non electivo a facultate profluit. Ad probationem, distinguo majorem: illud in nostra potesta-



te esse censetur quod facimus quia voluntarius voluntate ut libera, concedo: voluntate ut natura & sine prævia deliberatione, nego. Et sic distincta minore, nego consequentiam.

*Instans*: libertas est summa perfectio: sed posse unum præ alio eligere sapit imperfectionem: & probatur. Hoc ipsum potentialitatem importat: sed potentialitas nunquam arguit defectum. Ergo, &c.

*Respondeo*, negando minorem: ad probationem concessi maiore, distinguo minorem: Potentialitas magnum arguit defectum late sumptum, idest quid Deo minus perfectum, concedo: defectum proprie & in rigore Logico sumptum, nego. Defectus duplex distinguitur; unus lato modo sumptus, alter vero stricte: primus dicit quid finitum, quod quidem comprative ad Deum est imperfectum, hoc est minus perfectum: secundus vero importat alicujus boni privationem; puta si aliquis aut oculis, aut usu rationis careret. Libertas creata, utpote finita, potentialitatem importat; sed quid mirum? cum nec sit actus purus, nec sit de ratione ejus quod sit semper in actu: igitur ejusmodi potentialitas dicit quid imperfectum primo, sed non secundo modo. Præterea, non est de essentia libertatis indifferentiæ importare potentialitatem, quandoquidem Deus est ad extra liberrimus, & unum præ alio eligit amandum absque potentialitatis defectu.

*Instans*: amor circa finem ultimum perfectissimus est, & liber; tamen absque prævia electione a voluntate promanant: atqui indifferentia actus non est de ratione istius libertatis: probatur minor. Necessario beatitudinem anamus. Ergo, &c.

*Respondeo* 1. Unumquodque propriè gaudere perfectione, unde tamen amor beatitudinis sit liber libertate tantum a coactione, non inde sequitur libertatem veram in mere voluntario & spontaneo finem esse; quia alia est ratio amoris & propensionis, alia libertatis. Amor meus, pondus meum, ut fert adagium: sufficit ad amorem ut sic, & secundum se consideratum quod sit pondus: at vero de ratione essentiali libertatis est quod sit vis electiva.

*Respondeo* 2. distinguendo istam partem majoris: amor circa finem ultimum est liber libertate a coactione, concedo: libertate a necessitate, subdistinguo: amor circa finem ultimum in particulari, con-

cedo: circa finem ultimum in communi, nego. Omnes homines in genere ex impetu naturæ & necessario appetunt beatitudinem, voluntas quippe bonum in se & in tota latitudine tanquam proprium objectum respicit: at vero in particulari, nonnisi prævia electione; quod quidem quotidiana comprobatur experientia; quidam enim beatitudinem in divitiis, quidam in gloria mundanis non pauci in voluptatibus etiam obsecanis ponunt, raro admodum homines eam in bonis æternis aut quæriunt, aut constituunt.

*Persistens*: atqui amor beatitudinis tamen si necessarius, est tamen liber eo ipso quo est voluntarius: ergo nulla solutio. Probatur antecedens. Amor ille est magis liber quam actus quo bellua appetit pabulum: sed actus belluæ spontaneus est: igitur amor beatitudinis etiam in communi, plusquam spontaneus, sed liber dicendus est, maxime quia perfecte voluntarius. Igitur aliquid liberum est eo ipso quo voluntarium.

*Respondeo*: negando antecedens: ad probationem, distinguo majorem: amor beatitudinis in communi est magis liber quam actus quo bellua appetit pabulum, magis radicaliter, concedo: magis formaliter, subdistinguo, secundum quid, concedo: absolute, nego. Triâ impræsentiarum distinguenda sunt, & nullum confundenda, videlicet, spontaneum voluntarium, & liberum: primum ab instinctu & proprio naturæ sensitivæ pondere tendentis in suum bonum ad sui conservationem, fuit: secundum procedit a natura intellectiva & spirituali finem ut finem præcognoscenti: tertium ab eadem promanant ex prævia electione & mediorum ad finem, & ipsius finis. Spontaneum in belluis invenitur, quatenus ex instinctu rapiuntur ad pabulum: voluntarium in sola natura intelligenti admittendum est; illa quippe sola cognoscit finem ut finem; unde licet beatitudinem in communi necessario appetat, hoc fit tamen ex cognitione finis ut finis, & ideo ejusmodi actus est moralis, quinimmo & radicaliter liber, quatenus profuit a facultate, quæ ponderatis omnibus, bonum aliud quod ex omnibus pro sua beatitudine eligere potest: liberum denique formaliter illud solum censetur, quod ex prævia deliberatione fit. Ex quo patet amorem beatitudinis in communi esse magis liberum, quam amorem pabuli in bellua, quia vo-

lun-

luntarius est; sed non est liber formaliter, quia non fit cum electione.

*Atque instant:* intellectus necessario assentitur conclusioni, & tamen assensus fit prævia electione & ponderatione præmissarum: ergo licet voluntas necessario velit obiectum, nihilominus erit libera.

*Respondet,* negando paritatem: intellectus enim est tantum radicaliter liber, unde non mirum, si, proposita veritate, statim & necessario assentitur conclusioni. Sed voluntas est formaliter libera, adeoque sola electiva: si igitur ad unum determinaretur, jam non foret libera, quia non esset electioni locus. Cæterum necessario quidem intellectus assentitur conclusioni, sed solum necessitate hypothetici, bene scilicet dispositis præmissis in quo incipit clarescere libertas.

*Persistunt:* colere parentes est actus moralis & liber, sicut & elicere conclusionem Mathematicam de triangulo; sed huiusmodi actus sæpe sunt mere voluntarii atque necessarii: Et probatur. Ista propositio; colendi sunt parentes; ab omnibus prima apprehensione & sine deliberatione concipitur: sic & Doctor in Mathematicis cognoscit conclusionem sine discursu in principio. Ergo, &c.

*Respondet,* negando huiusmodi actus esse liberos, si sint pure voluntarii: ad probationem nego paritatem: aliud enim est cognoscere aliquam veritatem, aliud operari bonum. Primum est actus intellectus qui est tantum radicaliter liber, maxime circa prima principia quæ sunt per se nota, unde ex prima apprehensione cognoscitur colendos esse parentes; item peritus in Mathematicis potest videre conclusionem in principio, verum in hypothesi, tamen non sit discursus formalis, est tamen virtutis, quatenus ex apprehensione & cognitione prompti terminorum, Mathematicis inferit conclusionem, quandoquidem scientifice concludit: igitur illud fit ex discursu virtuali. At vero voluntas est formaliter electiva, & ideo ita ponit actum, ut possit non ponere; unde quavis multi naturaliter sciunt colendos esse parentes, non tamen illos absque longa, eaque seria deliberatione actu colunt; immo non pauci, ne detrimentum aliquod vel in bonis, vel in dignitatibus incurrant, eodem oblivioni dari, tanquam quid melius, obexatione voluntaria iudicant.

*Iterum atque iterum instant:* si indifferentia actus est de libertatis essentia, se-

quitur. impios & obduratos qui promiscue in varia labuntur peccata, ita ut nullis irretiti conscientie stimulis latentem cum malefecerint, non tam graviter quam timoratos peccare; isti siquidem inter bonum & malum hærentes ex infirmitate & repetito Dæmonis impetu tentationi cedunt: sed absurdum consequens; ergo & antecedens.

*Respondet,* negando sequelam propter multa. Primo quidem, si impij iniquitatem velut aquam ebibant, hoc sine ex cæcitate voluntaria ortum habet; & ideo gravius peccant, quatenus absque timore Dei & ex determinata malitia obediunt passionibus, hinc & peccatum eorum est grande scelus, quandoquidem ibi est major Dei contemptus; cæteri vero vel ex infirmitate, vel ex tentationum irruentium impetu prolabantur in peccata. Secundo sufficiens deliberatio inest impijs, in quo quia est promptior ut in contemptum Dei sibi indulgeant, hinc & enormis est culpa; indifferentia enim ad libertatem expetita, non attenditur præcise secundum magnum, longuinque temporis spatium, sed penes intelligentiam & finis, & mediocrum ad finem malum conducentium. Tercio indifferentia non offensæ causâ adæquata est, sed contemptus Dei & peccantis motivum influit: quia vero impius Deum præ cæteris peccatoribus procul facit & aspernatur, ideo gravius peccat: maxime vero quia non præcise conversionem ad creaturam & voluptatem quærit, sicut facit qui ex fragilitate peccat: iste enim, inquit Divus Thomas, solus sibi indulgere satagit, quod, & si fieri posset absque offensâ Dei, perficere optaret; verum directe insurgit adversus Dominum obcræatus, juxta illud Job de imperio 15. 26. *Contra omnipotentem roboratus est. Currebat aduersus eum erecto collo.* Et iterum alia Scriptura Psal. 35. 4. *Noluit intelligere ut bene ageret.* Et adhuc de obduratis Psal. 13. 3. *Non est timor Dei ante oculos eorum.*

## SYNOPSIS PROBATIONUM.

*Libertas essentialiter consistit in indifferentia activa.*

**PRIMO.** Hoc sequitur ex omnibus Scripturæ locis quibus ascribitur potentia ad bonum & malum, uno aut altero relicto, faciendum juxta illud Eccli. 31. 10. *Qui*

po-

*potuit transgredi, & non est transgressus.*  
Rursus 1. Cor. 7. *Non habens necessitatem, potestatem autem habens suæ voluntatis.*

*Secundo.* Hoc ipsum prædicat S. Augustinus l. 1. de actis cum Felice Manichæo c. 4. *Habet unusquisque in voluntate aut eligere quæ bona sunt, & esse arbor mala.* Divus Thomas qu. 6. de malo art. unico contrariæ opinioni hæreticos libem inungere non dubitat.

*Tertio.* In tantum voluntas est libera, in quantum est suorum actuum Domina: sed est Domina, quatenus unum, altero relicto, potest elicere: igitur libertas essentialiter consistit in indifferentia activa; nihil quippe aliud est, quam vis electiva, seu potentia quæ ad opposita pro nutu voluntatis versatur.

## SYNOPSIS OBJECTIONUM

### ET SOLUTIONUM.

*PRIMO.* Non semel Divus Augustinus & Divus Thomas voluntarium confundunt cum libero, sed nusquam liberum cum spontaneo. Cæterum omne liberum est voluntarium, sed non e contra.

*Secundo.* Angelicus Doctor quandoque dicit necessitatem libero non opponi, sed vel loquitur de Actibus primo primis, qui libertatem potentia non auferunt: potest enim anima ad se redire, & per electionem agere; vel de necessitate finis; omnis quippe beatitudinem in communi necessario appetit: aut manet libertas ad actum in individuo, cujus rei certissimum & irrefragabile argumentum illud est, quod alii beatitudinem in divitiis, alii in voluptatibus, pauci admodum in Deo constituent: igitur homo liber est libertate actus.

*Tertio.* Christus utique habebat libertatem actus & circa mortem subeundam, hanc quippe libere acceptavit; & circa amorem Patris, eum enim hoc vel uno modo, tali vel tali tempore producebat: igitur erat liber, non quidem libertate contrarietatis, bene tamen contradictionis.

*Quarto.* Non negamus obduratum minus quam alium in peccando hære, quia tamen ista perversa facilitas ex iteratis peccatis promanat, ideo & gravius peccat.

## ARTICULUS SECUNDUS.

*Utrum libertas creata sit cum divina præscientia?*

### CONCLUSIO.

Stat libertas humana & quævis creata cum præscientia divina, & est de fide.

*Probatum auctoritate & ratione.*

*Primo, Ex scriptura sacra.*

1. **H**Oc ipsum constat ex omnibus locis quibus probatum est hominem esse liberum, Gen. 4. *Sub te erit appetitus tuus, & tu dominaberis illius,* & 1. Cor. 7. de eo qui potest nubere vel non nubere: *Potestatem autem habens suæ voluntatis.* Sed Deus præscit quod est in homine; si igitur homo est liber, si ex Tridentina Synodo sub ipso gratiæ dominio potest dissentire vel consentire, sequitur præscientiam non tollere libertatem: tum quia attingit objectum ut est; tum quia Deus cognoscit hominem eo modo quo est homo, scilicet liber: igitur præscientia divina non tollit libertatem, sed cum ea stat & consociatur.

2. *Sapientia divina*, ad quam pertinet omnem ordinare universum, cuncta attingit a fine usque ad finem, & disponit omnia suaviter, ut legitur Sap. 8. 1. Sed ista suavitas in eo potissimum consistit quod regat & moveat omnes creaturas conformiter earum naturæ, videlicet causam necessariam, necessario; liberam vero, libere: igitur non tollit libertatem. Ista expositio est Divi Thomæ qui 1. p. qu. 19. art. 8. sic loquitur: *Cum igitur voluntas divina sit efficacissima, non solum sequitur quod fiant ea quæ Deus vult fieri sed quod eo modo fiant, quo Deus ea fieri vult,* & ad 2. *Ex hoc ipso quod nihil voluntati divine resistit, sequitur quod non solum fiant ea quæ Deus vult fieri, sed quod fiant continenter, vel necessario quæ fieri vult.*

3. *Apostolus asserit non solum sibi, sed & his qui diligunt adventum Domini, coronam justitiæ deberi: sed opus meritum est opus liberum, Deus vero præscit illud ut a voluntate creata libere promanat: igitur cum præscientia Dei nostros attingat actus eo modo quo fieri debent, movendo causas liberas libere, sequitur*

quitur eam cum libero arbitrio optime con-  
feciari. Ervero, si tolleretur libertas quia  
Deus opus a creatura faciendum præscit,  
cum cuncta præsciat, nullum foret libe-  
rum in homine arbitrium, cuius tamen  
contrarium non semel in Conciliis, maxi-  
me in Tridentino de fide definitum est.

Secundo, *Ex Patribus.*

*Origenes* primus nobis occurrit l. 6. de  
præp. pag. 169. "Non enim ex eo quod  
cognitum est, fit illud, sed quoniam  
futurum erat, est cognitum . . . di-  
stinctione illic opus esse dixit. "Nam si  
quod dicitur omnino esse futurum, sic in-  
terpretatur aliquis, ut necesse sit fieri,  
quod præscitum sit, hoc illi non concedi-  
mus: "Neque enim dicimus, quandoqui-  
dem præscitum erat proditorem fore  
Judam, prorsus necesse fuisse, uti Ju-  
das esset proditor . . . Sin ita quispiam  
narrat, omnino illud fore, hoc ipsum  
significans, ista ipsa sic futura, ut ra-  
men aliter habere potuerint, id nos  
tanquam verum admittimus: nam Deus  
mentiri nullo modo potest; potest de  
iis quæ contingentia sunt, ut fieri vel  
non fieri possint, cognoscere, futura  
ipsa vel non futura. "Conlociat *Origenes*  
libertatem cum præscientia, asse-  
rendo scientiam Dei non esse adæquatam  
rerum causam, easque Deum non solum  
in decreto cognoscere, sed & in ideis, &  
in æternitate, & in ipsis causis secundis,  
quarum præscit actiones & motus; immo  
præscit peccata: nullus tamen præter im-  
pios eum esse peccati auctorem dicit: igitur  
ex *Origene* præscientia libertati non  
adversatur.

*S. Hieronymus* eodem principio liberta-  
tem cum præscientia componit: namque  
in Comment. in cap. 2. *Ezech.* explicans  
illa verba: *si forte vel ipsi audiant*, cap.  
26. ait: "Loquitur hæc Deus ambigen-  
tis affectu, ut liberum hominis mon-  
stret arbitrium, ne præscientia futuro-  
rum mali vel boni, immutabile fiat quod  
Deus futurum noverit. Non enim quia  
ille ventura cognoscit, necesse est nos  
facere quod ille præscivit, sed quod nos  
propria voluntate sumus facturi, ille no-  
vit futurum quasi Deus. "

*Augustinus* eodem modo explanat liber-  
tatem sub dominio præscientiæ l. de unite  
Ecclesiæ cap. 9. "Quis dubitaverit  
quod Judas Christum, si voluisset, non

utique tradidisset? & Petrus si voluisset, ter Dominum non negasset? Sed  
ideo fuit de istis certa prædictio, quia  
& Deus facili præclaroque exemplo ex-  
plicat mysterium. Sicut, *inquit*, non  
sibi adversantur hæc duo, ut tu præ-  
scientia tua noveris, quod alius sua vo-  
luntate facturus est, ita Deus neminem  
ad peccatum cogens, prævidet tamen  
eos qui propria voluntate peccabunt:  
& sicut tu memoria tua non cogis fa-  
cta esse quæ præterierunt, sic Deus  
præscientia sua, non cogit facienda quæ  
futura sunt. "

*Anselmus* librum integrum conscripsit de  
concordia libertatis cum præscientia divi-  
na, ubi variis, mirifique modis rem totam  
explicat his verbis: "Si quis intellectum  
Verbi proprie considerat, hoc ipso,  
quod præsciri aliquid dicitur; futurum  
esse prænuntiari. Non enim quod futu-  
rum est, præscitur; quia scientia non  
est nisi veritatis. Quare cum dico, quia  
si præscit aliquid, illud futurum esse  
necesse est, idem est, ac si dicam, si  
erit, ex necessitate erit. "

*Gaudensius Braxianus* ultro asipulatur,  
Tractatu 3. de Pasch. "Synagoga, *inquit*,  
quippe Judæorum quod erat crudeliter  
factura, prædictum est, non ut fieret  
iustum est: nec ideo factum est, quia  
prædictum erat sed ideo prædictum est,  
quia erat futurum: ut præscientiam  
suam Deus in his quæ per libertatem  
arbitrii hominum futura erant, osten-  
deret. "Igitur nihil derogatur libero  
arbitrio per præscientiam, quandoqui-  
dem præscire nihil aliud est, quam præco-  
gnoscere quæ sunt in corde hominis, nul-  
la facta violentia.

*Boetius* l. de Consol. Philosophiæ, Pro-  
sa 3. 4. 5. & 6. fuccinit: "Deus ea fu-  
tura quæ ex arbitrii libertate prove-  
niunt, præsentia contuerur. Hæc igitur  
ad intuitum relata divinum, neces-  
saria sunt per conditionem divinæ  
rationis: per se vero considerata, & ab-  
soluta naturæ suæ libertate non dehi-  
ciunt. "

*D. Thom.* 3. contra Gent. eandem veri-  
tatem suo munit calculo, c. 94. "Ad pri-  
mum, *inquit*, quod effectus divinæ Pro-  
videntiæ, non solum est aliquid eveni-  
re quocumque modo, sed aliquid eveni-  
re vel contingenter vel necessario, &  
ideo evenit infallibiliter & necessario  
& evenit contingenter & libere: sed

„divinæ Providentiæ ratio habet, ut con-  
tingenter & libere eveniat. „ Quibus  
verbis docet præscientiam non solum non  
tollere libertatem, sed & providentiam  
esse specialem ut conservetur.

*Seneca* ipse licet *Paganus* refellit *Philosophos* admittentes fatum; quinimmo lu-  
culentissime probat libertatem hominis in-  
tactam manere sub dominio divini Numi-  
nis l. 2. naturalium quæstionum c. 37. &  
38. sic eorum argumento satisfacit: „ Quæ-  
dam a Diis immortalibus ita suspensa  
reliata sunt, ut ad bonum vertant si  
admotæ preces fuerint, &c. „ Supponit  
igitur postulata posse esse & non esse, ad-  
coque esse libera.

### Tertio, Ex ratione multiplici.

*PRIMA* sic exponitur: est de fide homi-  
nem esse liberum; ergo præscientia liber-  
tati non nocet: alias nullo modo foret  
verum dicere hominem liberum.

*Secunda* hæc est: Deus non semel per  
Prophetas revelavit futura, nec tamen ul-  
la vis, ullaque imposita est hominibus a-  
gendi necessitas: quinimmo eorum contra  
monita salutis pluries celebrat libertatem:  
sic Salomon abiit post mulieres alienigen-  
as, tamen prædixisset Dominus quod a-  
verterent corda filiorum Israel ut illarum  
colerent deos confatiles: sic Achab accep-  
it a Michæa funestum belli futurum exi-  
tum, & tamen non obstante præscientia,  
voluit committere cum Rege Syriæ præ-  
lium, sed sagitta ducta in incertum con-  
fossus obiit & periit. Igitur sub præscien-  
tiæ Dei stat ubique hominis libertas.

*Tertia*: cognitio rei præsentis, quæ  
omnium oculis subest, non tollit liberta-  
tem: evero quis mentis suæ compos di-  
cet Petrum videntem Jacobum: evidenti  
vitæ periculo se committentem, vim ali-  
quam ischi inferre ut se occidat, ex hoc  
solum quod illam manus violentas sibi as-  
serentem intueatur? Igitur præscientia,  
qua Deus cuncta novit ab æterno, non  
lædit libertatem.

*Quarta*, eaque demonstrativa est: datur  
in hac vita exhortationis & correptionis  
locus, quod, si quis negaret, quotidiana  
experientia cito vinceretur & damnare-  
tur, cum non semel videamus permultos  
ad meliorem vitæ frugem, tum promissis,  
tum conuinationibus, tum etiam poenis  
quandoque pro peccato iuste inflitis pro-  
vocari & redire: sed si præscientia tolle-

ret libertatem, nullus daretur exhortatio-  
nis & correptionis locus; ad quid enim  
tot repetitæ in Scripturis increpationes?  
ad quid repetita flagella ut ad cor redeat  
Ierusalem? si abique consilio & omni se-  
clusa deliberatione, homo aut vi, aut  
virtute quadam superioris agentis comel-  
latur, modo ad bonum, modo etiam ad  
malum: quæ cum ita sint, dicendum est  
libertatem sub dominio præscientiæ divi-  
væ integram permanere.

*Quinta*, ex Conciliis in superiori articulo  
citatis: liberum arbitrium etiam a  
gratia divina motum, potest pro nutu ad  
unam vel alteram partem flecti: sed ex  
eisdem Conciliis Deus omnia prænotat,  
quia est, & in natura, & in cognitione  
incommutabilis; si quid vero novi in tem-  
pore cognosceret, quod ab æterno ipsum  
latuisset, certe mutaretur: igitur præ-  
scientia non nocet libertati: sed ista man-  
et cum illa.

*Sexta*: præscientia Dei secundum se est  
mere speculativa, & practica solum per  
adjunctionem voluntatis, ut dictum est in  
præcedentibus: sed ex neutro capite ad-  
venit libertati vis & violentia. Et probatur:  
Non advenit quidem ex parte scientiæ  
secundum se consideratæ, quia cum  
sit mere speculativa ut sic, solum attingit  
res ut sunt, eaque ita intuetur Deus: ne-  
que vero advenit ex parte voluntatis divi-  
vinæ, quandoquidem Deus vult homines  
libertate donari, immo omnis libertas a  
voluntate divina ut a primo libero pro-  
manat. Hanc rationem egregie explanat  
Boetius l. 5. de consol. Philosophiæ, Pro-  
p. 6. Hæc enim scientiæ vis præsentaria no-  
tione cuncta complectens; rebus modum om-  
nibus ipsa constituit. Igitur præscientia non  
nocet libertati humanæ.

### Eis satis objectionibus Protestantium.

**OBJICIUNT:** JOH. 12. habetur de Judæis:  
Propterea non poterant credere, quia iterum  
dixit Isaias, excæcavit oculos eorum. Sed  
ideo Deus excæcavit, quia præcivit pec-  
cata quæ voluit punire; igitur præscien-  
tia est causa excæcationis & ratio cur Ju-  
dæi non poterant credere.

*Respondeo* 3. nullam ibi fieri mentio-  
nem de præscientia: igitur nihil adver-  
sum libertati debet in illam ut in cau-  
sam, refundi: sequitur solummodo Deum  
prænovisse scelera Judæorum, minime ve-  
ro vim intulisse eorum voluntati, alias

videretur esse auctor peccati, quod est di-  
ctum impium.

*Respondeo* 2. distinguendo: Judæi non poterant credere, idest hoc difficile erat propter duritiam cordis, concedo: hoc erat impossibile, nego. Dicitur autem quod execraverit eos Deus, non quidem positive, peccatum enim non habet causam efficientem, sed permittendo magis ac magis illos ruere in peccata, quod quidem prævidit Dominus, sed non præciendo influxit. Etenim Propheta eodem sensu dicit Judæos obsecratos quo Joan. 5. dicuntur non credere, scilicet propter malitiam & superbiam. *Quomodo*, inquit Christus eis, *vos potestis credere, qui gloriam ab invicem accipitis?*

*Opponunt* 2. Aug. in Psal. 106. n. 4. dicit de quibusdam peccatoribus: "Si forte nostri sunt in occulta præscientia Dei, necesse est ut redeant." Quibus verbis videtur innuere præscita a Deo necessario evenire: idem Ench. c. 103. n. 27. "Et ideo sit rogandus ut velit, quia necesse est fieri, si voluerit."

*Respondeo* distinguendo: aliquid si est in præscientia, necesse est fieri necessitate consequentiæ & hypothetica, concedo: necessitate antecedenti & absoluta, nego. Duplex distinguitur necessitas, una antecedens & intrinseca rei, quæ dicitur naturalis, quæque competit alicui ex natura sua, sic competit soli lucere, & igni urere, namque ejusmodi entia sunt de se ad unum determinata: alia consequentiæ & hypothetica, & convenient rei, facta aliqua suppositione, v. g. si Petrus ambulat, sequitur quod se moveat. Talis est in facto necessitas, si enim Deus præcitat aliquid, sequitur futurum esse & quidem propter duo. Primo quidem quia Deus præcitat causarum secundarum actus ab æterno, eo modo quo sunt in tempore futuri: secundo, quia præscientia falli non potest; sed hæc necessitas, ut patet, non lædit libertatem, immo supponit. *Solutio* est Divi Anselmi qui in lib. de concordia libertatis cum præscientia, sic respondet ad difficultatem: "Cum dico quia si præcitat aliquid, necesse est illud esse futurum, idem esse ac si dicam, si erit, ex necessitate erit .... rei positionem non præcedit, & idem valet ac si pronuntietur, quod erit, ex necessitate erit. Non enim aliud significat hic necessitas, nisi quia quod erit, non poterit simul non esse." Unde, &c.

*Respondeo* 2. ad illud & alia similia argumenta, distinguendo: quod est præscitum necessario evenit, & non potest non esse, in sensu composito, concedo: in sensu diviso, nego. Sensus compositus ille est qui dicit simul actum, & non actum. Divisus qui dicit alterutrum. Certum est idem non posse simul esse & non esse, sed quod sit a creatura, potest non fieri seu potius potuit non fieri.

*Ad secundum* Augustini locum, dico nihil urgere contra nos. Primo quidem quia de præscientia Dei non procedit, sed potius de ejus voluntate. 2. Dicit sanctus Doctor rogandum esse Deum ut velit. Igitur res potest ex sancto Augustino, Deo volente, aliter atque aliter se habere. 3. Tesse S. Doctore Deus finit creaturas agere juxta modum sibi proprium. Ita I. de Civ. c. 30. "Sic Deus, inquit, administrat omnia quæ creavit, ut etiam propriis exercere & agere motus sinat, idest ut secundas causas ab agendo non impediatur, neque proprium ac naturalem modum agendi earum tollat, sed magis in eis secundum ipsorum naturas quas eis attribuit, cuperetur."

*Jam* in forma respondeo distinguendo: si Deus aliquid velit, hoc ipsum necesse erit necessitate consequentiæ, concedo: eatenus enim vult creaturam agere, si hoc ipsa expostulat, quatenus vult concurrere ad actionem causarum secundarum juxta earum exigentiam: hinc sequitur, si Deus vult, necesse erit, quandoquidem vult, cum ipsa creatura pro innata libertate elegit agere. Si Deus voluerit, necesse erit necessitate absoluta, nego. S. Doctor I. de dono pers. c. 15. n. 38. hanc sibi proponit difficultatem, & sic respondet: "Nunquid enim si hoc audito nonnulli in torporem, segnitatemque vertantur & a labore proclives ad libidinem post concupiscentias suas erunt, propterea de præscientia Dei falsum putandum est ille, quod dictum est? Nonne si Deus illos bonos futuros esse præcivit, boni erunt, in quantumlibet nunc malignante versantur: si autem malos, mali erunt; in quantumlibet nunc bonitate cernantur?" Vult S. Præful præscientiam non lædere libertatem, quia Deus præcitat res eo prorsus modo quo ab hominibus libere agentibus sunt faciendæ.

*Officiunt* 2. Quod est æternum, immutabile est; æternitas quippe vicissitudinem

rem nescit: sed Deus ab æterno cuncta præcise futura: igitur sub præscientia Dei omnia sunt immutabilia, nulla vero libera.

*Respondeo* distinguendo: quod est æternum essentialiter immutabile est, concedo: quod est tale solummodo per participationem, nego. Deus solus, utpote ens a se, æternus est primo modo: cætera tantum per participationem, & ut diserte ait Divus Thomas hic q. 14. Deus ab æterno voluit ut futurum promanaret liberè & contingenter a causa libera; unde cum dicitur quod est ab æterno præscitum, est utique æternum, sic distinguitur; est æternum æternitate propositionis & enuntiationis, concedo: æternitate sibi naturali & intrinseca, nego. Soli Deo convenit æternitas extrinseca, qui quidem ideo ens necessarium vocatur. Porro æternitas participata quæ convenit rei ratione causæ primæ a qua dependet in esse, vocatur æternitas propositionis seu enuntiationis, quæ quidem dicitur de rebus dupliciter: primo quatenus participant esse a Deo, & sub isto respectu divinæ essentię participationes nominantur: in hoc sensu verum est dicere istam propositionem, homo est rationalis, esse æternæ veritatis, quia ab æterno verum est dicere essentiam divinam esse hoc modo participabilem: hæc igitur propositio est necessaria simpliciter, licet habeatur per participationem, necessitas enim appellat supra Dei essentiam, necessario & ex se participabilem: alio modo dicitur propositio æternæ veritatis, in quantum res enuntiata habet existentiam & est a parte rei per causam primam, eamque æternam. Hæc propositio utique est ab æterno vera, sed solum hypotheticæ & supposita causæ secundæ liberæ determinatione: Deus istam, v. g. si Christus respiciat Petrum, isle flebit amare, præscit: igitur æternitas præscientiæ, de qua impræsentiarum agitur, nullam inducit in rebus necessitatem, quippe quæ supponat effectus liberè a causis secundis procedentes: enimvero intuitus Dei æternus eo modo fertur in res quo faciendæ sunt in tempore. Solutio est Augustini & Anselmi.

*Primus* l. 3. de lib. arb. c. 3. sic loquitur: "Quomodo non potest aliud fieri, quam præcivit Deus, si voluntas non erit, quam voluntatem futuram ille præciverit? cum enim sit præcivus vo-

luntatis nostræ, cuius est præcivus, ipsa erit; voluntas ergo erit, quia voluntatis est præcivus, nec voluntas esse poterit, si in potestate non erit. Ergo & potestatis est præcivus; non igitur per ejus præscientiam mihi potestas admittitur, quæ præterea mihi certior aderit, quia ille, cuius præscientia non fallitur, adfuturam mihi esse præcivit. Ibi docet Augustinus ideo Deum præscire aliquid futurum, quia præscit nostram voluntatem, quia præscit actus nostros in nostra esse potestate, quia omnia videt & intuetur: igitur absque libertatis detrimento illud contingit; siquidem præscientia attingit res ut futuræ sunt in sua natura.

*Secundus* in l. de concordia libert. cum præsc. dicit ideo libertatem non offendi per præscientiam, quia præscientia res in æternitate intuetur, quæ quidem æternitas omnia repræsentat tempora ut præsentia; ait enim: "Vim illam æternitatis quæ claudit omne tempus, & quæ sunt in quolibet tempore, facere ut præsentia Dei & liberum arbitrium nequaquam invicem repugnent."

*Instant*: præscientia fundatur in decreto: sed decretum est in se æternum & absolute evenit; est enim actus voluntatis Dei, actus autem Dei est necessarius essentialiter: igitur & futurum ad quod terminatur decretum, tale esse debet.

*Respondet* Estius dist. 38. §. 7. decretum de contingentibus non esse æternum, nisi secundum quid, & ratione entitatis, non formaliter; quia, inquit, dicit aliquid rationis, connotationem scilicet creaturæ immutandæ in tempore. Immo supposito quod mundus esset ab æterno, adhuc, inquit, non esset ex necessitate, quia potuisset et Deus illum non condere.

*Respondeo* 2. distinguendo: decretum est ens necessarium entitative, concedo: est enim ipsa Dei entitas, cum quicquid est in Deo, Deus sit: decretum est ens necessarium formaliter, nego. Sub ista quippe consideratione connotat creaturas in tempore procedendas, & ideo est quid liberum. Cæterum Deus finit creaturam agere suæ conformiter naturæ: igitur homines manent, semper sub dominio præscientiæ libertissimi.

*Rursus instant*: quod Deus prævidit, certo evenit, alias falleretur præscientia: igitur præscientia cum libertate, non consociatur.

*Respondeo* distinguendo: certo evenit quod Deus.

Deus prævidit certitudine absoluta appellante supra præscientiam, concedo: supra creaturam agentem, nego. Sensus est, quod præscit Deus, necessario evenit, siquidem præscit rem ut in tempore a causa secunda libere faciendam, quia vero præscientia non potest falli, ideo evenit, sed libere ex parte agentis creati. Etenim effectus non specificatur a causa prima, sed a causa secunda, quæ si sit contingens, etiam eventus erit & contingens. Ita Div. Anselmus in l. de concordia libertatis cum præscientia ubi sic solvit argumentum: "Porro sicut quamvis in æternitate non fuit, aut erit aliquid, sed tantum est, & tamen in tempore fuit, & erit aliquid sine repugnantia: ita quod in æternitate mutari nequit, in tempore aliquando per liberam voluntatem, antequam sit, esse mutabile probatur, absque inconvenientia." Boetius l. 5. de consol. Philosoph. Prosa 3. 4. 5. & 6. eandem sibi proponit difficultatem his verbis: "Quod eventurum Deus videt, id non evenire non potest; quod autem non potest non evenire, hoc ex necessitate contingit. Cui argumento sic respondet: "Idem futurum cum ad divinam notionem referatur, necessarium; cum vero in sui natura penditur, liberum prorsus, atque absolutum videri. Duz sunt enim necessitates: simplex una: veluti quod necesse est omnes homines esse mortales: altera conditionis, ut si aliquem ambulare scias, eum ambulare necesse est; quod enim quisque novit, id esse aliter, ac notum est, nequit. Sed hæc conditio minime secum illam simplicem trahit, hanc enim necessitatem non propria facit natura, sed conditionis adjectio. Nulla enim necessitas cogit incedere voluntarie gradientem; quamvis eum tamen, cum graditur, incedere necessarium sit. Eodem igitur modo si quid Providentiæ præsens esset, id esse necesse est, tamen nullam habeat naturæ necessitatem: atqui Deus ea futura, quæ ex arbitrii libertate proveniunt, præsentia contuetur. Hæc igitur ad intuitum relata divinum necessaria sunt per conditionem divinæ notionis: per se vero considerata, absoluta naturæ suæ libertate non deficiunt."

*Insunt:* possibili posito in actu non sequitur absurdum: sed si futura contingen-

tia prævisa ut contingentia, aliter evenirent quam sunt prævisa, sequeretur absurdum, quod scilicet, ut jam dictum est, scientia Dei falleretur: Igitur futura contingentia sunt necessaria sub intuitu præscientiæ etiam ex parte sui; alias possent de facto aliter evenire, sicut convenit & expedit rei contingenti.

*Respondet* distinguendo: possibili posito in actu non sequitur absurdum, si ponatur eo modo quo est possibile, concedo: alio modo, nego. Effectus contingens potest considerari dupliciter, scilicet per ordinem ad causam secundam, & per ordinem ad causam primam. Primo modo potest non esse, quia causa secunda est libera ad agendum & non agendum; secundo modo, necessario quidem evenit, sed necessitate solum consequentiæ, quatenus causa prima illum prævidet & intuetur ut futurum est in causa secunda libere agente, unde hanc reddit propositionem sub conditione veram, si Petrus, v. g. libere pœnitentiam agat, Deus scit & ab æterno videt, quod liber agendo flebit amare peccatum. Ita August. qui dicit Deum etiam præscire & voluntates humanas & ea quæ in eis sunt. Ita Boetius qui loco mox laudato asserit necessitatem esse tantum consequentiæ, & in sensu composito, possibile autem nunquam poni in actu implicante.

*Rursus insunt:* objectum nondum habet determinatam veritatem cum præscitur, alias non esset contingens: ergo debet posse actu non evenire ut maneat libertas.

*Respondet* distinguendo: objectum non habet determinatam in se veritatem, concedo: quia nondum est, & causa secunda non est utique determinata, & ideo est perfecte contingens. Non habet in causa superiori, nego. Cum igitur omnia in tempore faciendi, sint in æternitate præsentia, sequitur Deum ea intueri & scire; & hoc absque libertatis offensa, quia ut non semel dictum est præscit quomodo causa secunda se determinabit, & ad quid. Unde eatenus præcognoscit eventum, quatenus præscit quomodo erit, & in se & in causa secunda.

*Obijciunt* 4. Ex causæ secundæ dependentiæ a causa prima sequitur fatum: sed fatum tollit libertatem: igitur & præscientia. Probatum sequela majoris. Fatum est series quædam causarum inter se & ordinatio quam nullus transgredi potest, ita ut, posita dispositione causarum, se-

qui-



quatur necessario effectus: sed posita per præscientiam ordinatione causæ primæ ad causam secundam, causæ secundæ ad effectum, & utriusque ad causam primam, sequitur necessario effectus: ergo & fatum.

*Respondeo* negando sequi. Ad probationem, distinguo: fatum est series causarum inter se connexarum ab extrinsecis causis ad unum determinatis, concedo: connexarum a prima causa quæ attingit omnia a fine usque ad finem fortiter & disponit suaviter, nego. Duplex est series & ordo causarum, una a constellationibus effectum ex necessitate producentibus, quatenus sidera ad unum fuit determinata, & quoddam producent effectus sublunares determinatos, v. g. in plantis: porro Ethnici putabant astra eodem modo influere in actus humanos, unde ex eis vitæ seriem aut faustam, aut infaustam sequi arbitrabantur; præfectio series ista vocatur & fatum libertatem perimens. Alter est causarum ordo primæ scilicet causæ a qua omnis libertas emicat, quæque non solum causarum secundarum efficientiam non impedit, sed prævenit & adjuvando & dando liberum exercitium; prævidens quidem omnia, sed ut sunt in ipsis hominum voluntatibus libere agentibus. Talis est mirabilis ordo Providentiæ: igitur præscientia non inducit fatum.

" Absit, *inquit Greg. hom. 10. in Evangelia*, a fidelium cordibus, ut aliquid esse fatum dicant. Viram quippe hominum solus hanc conditor, qui creat, vitæ administrat, neque enim propter stellas homo, sed stellæ propter hominem factæ sunt, & si stella fatum hominis dicitur, ipsis suis ministeriis summe esse homo perhibetur. Ordo igitur & subordinatio causarum secundarum cum prima, non est fatum, sed Providentiæ mirabilis effectus. Si quis tamen, *inquit Aug. l. 2. contra duas Epist. Pelag.* c. 5. hoc modo intelligat fatum, sententiam teneat, linguam corrigat & non dicat fatum, sed Providentiam Dei. Cæterum si qua reperitur necessitas, est solummodo necessitas consequentiæ & hypotheticæ.

*Urgent*: ideo fatum ethnicum perimit libertatem, quia est causarum ordinatio immobilis quam nullus potest impedire: sed ordinatio causarum secundarum cum prima est utique immobilis, immo ita a prima causa dependens, ut nullus hominum eam possit impedire, unde Esther

13. 9. Non est qui possit resistere voluntati ejus. Ergo hæc ordinatio inducit fatum.

*Respondeo* distinguendo: quia est immobilis absolute & ex omni parte, concedo: quia est immobilis tantummodo secundum quid & hypotheticæ, nego. Similiter & distinguo minorem: ordinatio causarum secundarum cum prima est immobilis secundum quid & hypotheticæ, concedo: absolute, nego. Fatum inducit necessitatem absolutam quatenus a causis necessariis ad unum determinatis, videlicet a stellis promanare censetur. Verum Deus est causa quidem universalis, sed infinite perfectæ, hinc ab illo sunt & naturæ rerum, & modus agendi cuilibet connaturalis. Igitur immobilitas Providentiæ quæ in sui dispositione non fallitur, ex cognitionis universalitate procedit & ortum habet; præficit enim Deus non solum actus liberos, verum etiam & modum quo ipsi actus a causa libera producuntur. Quia vero Deus vult causas secundas libere agere, ideo ut & semper adimpletur ejus voluntas, in bonis quidem positiva, in malis vero permissiva.

*Divus Thomas*, 1. p. q. 116. art. 3. hanc suam Dei ordinationem egregie explanat, his verbis: Dicendum, *inquit*, quod fatum secundum considerationem causarum secundarum mobile est, secundum quod subest divinæ Providentiæ, immobilitatem fortitur, non quidem absolute necessitatis, sed conditionatæ, secundum quod dicimus hanc conditionem esse veram, si Deus præcivit, hoc futurum erit. Unde cum Boetius dixisset fari seriem esse mobilem, post pauca subdit, quæ tamen ab immobilis Providentiæ proficiantur exordiis, ipsamque immutabilem esse necesse est.

## SYNOPSIS PROBATIONUM.

*Libertas humana optime cum præscientia Dei consociatur.*

**PRIMO**, hoc ipsum passim divinæ testantur paginæ: cum hominem liberum esse ad bonum & malum faciendum asserunt, iuxta illud de homine iusto pronuntiatum: *Qui potuit transgredi & non est transgressus; facere mala, & non fecit.*

**Secundo**, hoc idem incurrenter & docent & prædicant SS. Patres, Origenes l. 6. de principiis pag. 169. Hieronymus in cap. 2. Ezech. Augustinus l. de unitate Eccles. c. 9.

*Ter-*

*Tertio*, hoc denique probat ratio Theologica. Et vero homo ex Scriptura & sanctis Doctoribus potest ad nutum & bonum & malum operari; sicut præcepta ita & correctionis atque emendationis capax est. Igitur præscientia Dei humanæ non adversatur libertati: tamen enim Deus præscit quid homo operaturus est, ipsius tamen non adimit liberum arbitrium, ut aliud velit.

## SYNOPSIS OBJECTIONUM

### ET SOLUTIONUM.

*PRIMO* quidem legitur de Judæis quod non poterant credere, sed cito respondet S. Augustinus, quia volebant.

*Secundo*, nec quidquam accessit quod ipse S. Doctor ait, necesse esse peccatorem converti, si Deus hoc eventum præscivit, tunc enim sermo est de necessitate solum hypothetica: id est, quod Deus in humana voluntate libere agente præscivit, pro certo evenit, præscientia quippe falli non potest.

*Tertio*, nec magis urget, cum dicitur decretum Dei de re aliqua aut facienda cum creatura, aut permittenda, esse & æternum & irrevocabile; quandoquidem Deus decrevit movere libere creaturam rationalem ad agendum, quocirca decretum non solum libero non adversatur arbitrio, sed potius illud ad agendum adjuvat.

## ARTICULUS TERTIUS.

*Utrum Patres & Theologi a Christo nato ad nostra usque tempora conveniant de concordia libertatis humanæ cum divina præscientia.*

**Q**UAMQUAM hæc quæstio sufficienter ex iis quæ diximus in duobus præcedentibus articulis tum de libertate, tum de natura præscientiæ, pateat; non abs re tamen erit ostendere in particulari quomodo scholæ Patrum, SS. Doctorum & Theologorum, quamvis aliquando in variis diversæ opinionis, semper tamen unanimes fuerint in hoc puncto, ut non remaneant in ore Protestantium redargutiones. Sit igitur

## CONCLUSIO.

A Christo nato fuit semper una fides & una cum Patrum, tum Theologorum orthodoxorum sententia de concordia libertatis humanæ voluntatis cum præscientia Dei.

**I**STAM propositionem probamus multipliciter, texendo a Christo usque ad nos traditionem fidelem de illo fidei dogmate: 1. ex Patribus omnium sæculorum. 2. Ex Conciliis & SS. Doctoribus, qui contrariam opinionem ut hæreticam habuerunt, & uti talem proseripserunt. 3. Ex Theologis omni exceptione majoribus. 4. Ex variis Academiis.

## SECTIO PRIMA.

*Traditio pro concordia libertatis cum præscientia Dei & SS. Patribus.*

**SANCTUM** Evangelium passim introductum Christum, vel secreta pandentem ut cum Matth. 9. 4. respondet ad cogitationes Judæorum, vel futura prædicit, ut cum Luc. 19. 41. devastationem Jerusalem per Romanos futuram flendo & gemendo exponit, abique eo quod ulla appareat libertatis læsio: quinimmo, Judæi agebant & vivebant quasi nihil eis dixisset Christus, ubique hortatur eos ad meliorem vitam, ubique consilia salutis exhibet, hinc sicut primus est in nova lege libertatis prædicator; ita & primus liberi arbitrii cum divina præscientia consiliator. Verum ad Traditionem Patrum sententiis firmatam transeamus.

*Dionysius* de Div. Nom. pag. 218. & 219. sic loquitur de divina Providentia quæ cuncta præordinat suaviter: "Itaque inconsideratum vanumque multorum verbum non probabimus, qui ajunt oportere Providentiam invitos etiam nos ad virtutem impellere. Neque enim Providentiæ est, naturam interimere & tollere. Itaque ut Providentia uniuscujusque naturæ conservatrix, et quæ suis appetitionibus utuntur, ut ejusmodi gubernat & universos & singulos, accomodate utrisque, quatenus eorum quæ Providentia reguntur, natura capit universæ Providentiæ beneficia, quæ cuique pro captu suo dantur.

*Justinus* Apol. 2. ait: "Nec fatis homini

N n

„ nes facere aut pati quicquam eorum quæ  
„ fiunt & veniunt, iudicamus, sed voluntate  
„ ac iudicio unumquodque bene agere aut peccare .

„ *Idem* dialogo cum Tryphone : „ Quod  
„ si verbum Dei plane significat de nonnullis  
„ & Angelis & hominibus sumptum iri  
„ supplicium, ipse quod improbos obstinato  
„ animo futuros eos prænoverit, hæc prædixit,  
„ non quod tales eos effecerit . Itaque si  
„ omnes qui misericordiam a Deo consequi  
„ volunt, superioris vitæ pæniteat, id præstare  
„ possunt .

„ *Irenæus* l. 4. adversus hæres. ejusdem est  
„ libii c. 9. „ Homo vero rationalis & se-  
„ cundum hoc similis Deo, liber in arbitrio  
„ factus, & suæ potestatis, ipse sibi est  
„ causa, ut aliquando quidem frumentum,  
„ aliquando autem palea fiat; quapropter  
„ & iuste condemnabitur .

„ *Tertullianus* l. 2. adversus Marcionem c. 4.  
„ expressius loquitur : „ De præscientia  
„ vero quid dicam? quæ tantos habuit testes,  
„ quantos fecit Prophetas? quamquam  
„ quis præscientiæ titulus in omnium  
„ auctore qua universa utique disponendo  
„ præcitat, & præsciendo disposuit? . . .  
„ Igitur si & fuerunt in Deo istæ facultates,  
„ præ quibus nihil mali evenire homini  
„ aut potuisset, aut debuisset, & nihilominus  
„ evenit, videamus & hominis conditionem,  
„ nec per illam potius eveniret quod pervenire non  
„ potuit . Liberum & sui arbitrii & suæ  
„ potestatis invenio hominem a Deo institutum  
„ . . . . Tota ergo libertas arbitrii in utramque  
„ partem concessa est illi, ne sui dominus  
„ constanter occurreret; & bono sponte  
„ servando, & malo sponte vitando, quoniam  
„ & alias positum hominem sub iudicio  
„ Dei, oportebat justum illud efficere, de  
„ arbitrii sui meritis, liberi scilicet . Cæterum  
„ nec boni nec mali merces jure pæniaretur  
„ ei qui aut bonus aut malus necesse fuisse  
„ inventus, non voluntate .

„ *Clementis Alex.* l. 1. Strom. pag. 341.  
„ Quoniam autem libera electio & appetitio  
„ peccata primum inchoat, falsa autem  
„ nonnunquam dominatur opinio a qua cum sit  
„ ignorantia & inficitia, recedere negligimus;  
„ jure infliguntur supplicia . Febrile enim est involuntarium,  
„ sed cum per se & propter suam intemperantiam  
„ febricit, cum eum reprehendimus, utpote quod  
„ vitium sit

„ voluntarium, nemo enim malum eligit  
„ quatenus malum, sed abductus ab ea quæ  
„ inest in ipso voluptate, id bonum ratus  
„ suscipiendum existimat, quæ cum ita se  
„ habeant, liberari ab ignorantia & a mala  
„ & delectabili electione & ante omnia non  
„ assentire fallacibus illis phantasias & visis,  
„ situm est in nostra potestate .

„ *Origenes* in Philocalia c. 21. dicit in nostra  
„ esse potestate facere res laude vel vituperatione  
„ dignas, & fuisse probat in nobis esse  
„ liberum arbitrium c. 23. non offendit per  
„ præscientiam Dei variis comprobatur  
„ argumentis, & sic loquitur : „ Quemadmodum  
„ autem Prophetiæ de Juda dictiones  
„ examinatæ non fuisse Deum causam  
„ proditiōis offendunt, sed solum præsignificasse,  
„ quæ ex malignitate ipsius futura  
„ præviderat: sic si quis altius voluerit  
„ præscientiæ Dei universaliter rationes  
„ scrutari, nec cum qui præscivit, nec eas  
„ res quibus præcita imprecia sunt, verum  
„ ante cognitarum causam esse profecto  
„ intelligat, Deum igitur omnia præscire .

„ *Eleutherius* Papa apud Damasum l. 1. Paral.  
„ c. 9. suum addit calculum : „ Deus hominem  
„ liberum ac suæ potestatis condidit, ut  
„ quod sibi ipsi per se fecerit & inobedientiam  
„ fecit, hoc ipsi nunc Deus per benignitatem  
„ suam & misericordiam donec .

„ *Athanag.* exhort. ad Monach. eidem veritati  
„ subscribit : „ Ab illicitis cavere, jugum  
„ necessitatis est: permittitur vincere, munus  
„ arbitrii .

„ *Basilii* hom. 6. in Hexaem. „ Ubi necessitas  
„ & fatum dominatur, ubi nullum locum  
„ habet æstimator pro dignitate, quod  
„ iusti iudicii præcipuum exivit . Et hom.  
„ quod sine divina virtute Diabolus nullus  
„ resistere potest . Liberum illud quod in  
„ potestate hominis est arbitrium in eo  
„ situm est, vel velis, vel nolis, resistere  
„ Diabolo .

„ *Cyrillus Alexand.* hom. 6. de Festis Paschalibus : „ Nullum fatum, inquit, vitam  
„ nisi usquequoque pro arbitrio moderatur,  
„ singulorumque aut pravi tenaces, aut virtutis  
„ sectatores facit, sed sponte quæque  
„ & volens fertur in utrumque .

„ *Cyrillus Hieros.* Catech. 4. de statu hominis : „ Liberum arbitrium habet anima,  
„ & potest quidem Diabolus incitare, cogere  
„ autem præter voluntatem omnino non potest .

*Basilius Emisenus* hom. 4. de Epiph. "Nemo dicat, fato urgente, peccavi, nemo calum conditionis suae ignarus accuset, nemo dominari astringat fatum. "  
*Gregorius Naz.* orat. 4. "Volentium & non coactorum, salutis est mysterium. "  
*Chrysostomus* orat. 5. in principio col. 684. "Si fatum admittatur, frustra leges & iudices, frustra reprehensiones & admonitiones. "  
*Hieronymus* l. 5. super Jerem. sic definit c. 26. "Non ex eo quod Deus scit futurum aliquid, idcirco futurum est, sed quia futurum est, Deus novit, tanquam praecisus futurorum. " Et l. 1. super Ezech. c. 2. "Non quia ventura Deus cognoscit, necesse est nos facere quod ille praecivit, sed quod nos propria voluntate sumus facturi, ille novit. "  
*Ambrosius* l. 1. de Jacob. c. 3. "Non est quod culpam nostram attribuamus culpam, nisi nostrae voluntati: nemo enim tenetur ad culpam, nisi voluntate propria deflexerit. "  
*Augustinus* per omnia mirabilis accedit l. 1. de vocat. Gent. c. 3. "Deus vindicat justos, quae fieri non cogit praecisus. "  
*Idem* l. 11. de Genes. ad litt. c. 9. Deus malos creavit quos tales futuros esse praeciebat: quia sicut praevidebat quid mali essent facturi, sic etiam praevidebat de malis factis eorum, quid boni esset ipse facturus. "  
*Idem* l. 5. de Civ. Dei c. 9. "Absit a nobis Dei negare praescientiam ut liberi esse velimus, quo adjuvante sumus liberi. "  
*S. Prosper* Epist. ad Rufinum de lib. arb. c. 2. Nihil quidquam fato geri, sed omnia Dei iudicio novimus ordinari. " Ibidem: "Homo qui in libero arbitrio fuit malus, in ipso libero arbitrio factus est bonus, sed per se malus, per Deum bonus. " Idem ait sententia 6. post responsionem ad capita Gallorum. "  
*Fulgentius* l. 1. ad Monimum c. 27. Peccata hominum, cuncta quidem Deus in peccatoribus praescivit futura, & quia ipse non ea praedestinavit facienda, iuste praedestinavit in iudicio punienda. "  
*Gregorius Magnus* l. 33. moral. c. 20. Reprobi coelestis patriae praemia non percipiunt, quia ea nunc cum prome-

ri poterant, ex libero arbitrio contemplerunt. "  
*Cassianus* coll. 7. c. 8. "Sicut in demonibus est insatiationis copia, ita & in nobis cum Dei adiutorio virtus reipendi sive acquiescendi, libertas est attributa. "  
*Damasceus* l. 2. de fide orthod. c. 3. Id omne quod ratione utitur, arbitrii quoque libertate praeditum est. "  
*Hugo Viß.* l. 4. de Arca Noe: "Gratia Dei praevinit & excitat liberum arbitrium, ut possit velle sanari. "  
*Hugo Cardinalis* super Ecclesiast. c. 5. Ne putes omnia casu vel fato agi, & nihil a Deo providi, ne tradat te in reprobum sensum. "  
*Gaudentius* tract. 3. "Praescientia Dei non fallitur, nec homini concessa semel voluntatis libertas auferitur, ne nihil de eo judicare possit, qui liber non fuerit in agendo. "  
*Anselmus* l. de concordia praescientiae & praedestinationis & liberi arbitrii: "Si aliquid est futurum sine necessitate, hoc ipsum praescit Deus qui praescit omnia futura. Quod autem praescit Deus, necessitate futurum est, sicut praescitur: necesse est itaque aliquid esse futurum sine necessitate. Nequaquam ergo recte intelligenti haec repugnare videntur, praescientia quam sequitur necessitas, & libertas arbitrii a quo remouetur necessitas: quoniam & necesse est, quod Deus praescit, futurum esse, & Deus praescit aliud aliquid esse sine omni necessitate. "  
*Divus Bernardus* Tract. de gr. & lib. arb. sic probat Deum non imponere per gratiam suam necessitatem, "Cavendum ergo, inquit, ne cum haec invisibiter intra nos & nobiscum, aditari sentimus, aut nostrae voluntati attribuamus, quae infirma est, aut Dei necessitati quae nulla est; sed soli gratiae quae plenus est. Ipsa liberum excitat arbitrium cum seminat cogitatum; sanat, cum immutat affectum; roborat, ut perducatur ad actum; servat, ne sentiat defectum. Sic autem ista cum libero arbitrio operatur, ut tantum illud in primo praevocet, in ceteris comitetur. Ista tamen, quod a sola gratia ceptum est, prae-ter ab utroque proficiscitur, ut mixtum, non sigillatim; simul, non vicissim, per singulos profectus operentur. Non partim gratia, partim liberum arbitrium; sed

„ sed totum singula opere individuo per-  
agunt.

*Laurentius Justinianus* de casto connubio  
c. 13. „ Nobis in medio constitutum libe-  
rum Deus præbuit arbitrium, ut quod  
volumus, elizamus. „

*Landovicus Blosius* in can. vitæ spiritualis  
c. 6. „ Fata illa, factorumve necessitas,  
„ quas vel ethnici vel impii Christiani con-  
„ fingunt, pii Christiani procius negant  
„ & execrantur. „ Ibidem: „ voluntatis  
„ arbitrium, quod in te liberum, gratiæ  
„ Dei adjuuge, simulque cum ea labo-  
„ ra. „

*Omittam* cæteros brevitatis causa; uno  
verbo dicam omnes & liberum agnoscere  
arbitrium, & fatum rejicere: omnes  
præscientiam cum libertate confociare,  
quatenus Deus præcitat futura ut sunt in  
causis secundis: confociare cum præde-  
stinatione, quia eligit Deus homines  
ad vitam æternam per bona opera,  
eque liberrima assequendam: confociare  
cum gratia, non enim perimit sed  
adjuvat liberum arbitrium; unde hæreti-  
ci graviter aberrant a veritate, dum pu-  
tant præscientiam Dei libertati adversum  
esse, cum & Scriptura sacra, & Patres  
hominem esse liberum ubique & per om-  
nia commemorent. Sic igitur contra eos  
insurgere fas est. Constat ex sententia  
SS. Patrum & Doctorum qui a Christo  
nato floruerunt; præscientiam Dei non  
nocere libertati, omnes asserunt hominem  
esse liberum, fatum vero & quidquid ne-  
cessitatem inducit pronuntiant execran-  
dum; Deum prædicant, cuncta quidem  
in æternitate intueri, sed ut sunt in  
causis secundis & ab eis sicut a primi-  
cipiis dependentia sunt; illum præmiare  
bona, punire vero mala opera, quippe  
qui talia ut ab hominibus factura præ-  
scit. Igitur a Christo nato SS. Patres &  
Doctores liberum hominis arbitrium præ-  
scientiam Dei non perimi, sed astrui &  
conservari agnovere, alias si Dei præ-  
cognitio necessitatem imponeret creaturis  
spiritualibus, non euet verum dicere ho-  
minem esse liberum, eic, modo laude,  
modo etiam vituperio & pœna dignissi-  
mum.

## SECTIO SECUNDA.

*Concordia libertatis humanæ cum gratia, cum  
præscientia Dei, & cum prædestinatione  
Sanctorum specialiter ex Divo Augustino  
ostenditur.*

S. AUGUSTINUM eximium esse gra-  
tiæ Doctorem ipsa non sèvel declaravit  
Ecclesia, quæ ejus de gratia Mediatoris  
doctrinam multis celebravit encomiis.  
Quia tamen aliqui Theologi tanti Doct-  
oris mentem in varios, pravosque detor-  
quent sensus, ita ut libertatem indiffe-  
rentiæ actus sub dominio gratiæ efficacis-  
simæ, qualis, a sancto Præsule passim a-  
struitur, remanere aut dubitent, aut quod  
pejus est, absolute negent; non ab re erit  
breviter hic texere quo fine, quoque scopo  
S. Augustinus de gratia Mediatoris scrip-  
serit, quibus mediis & armis eam adver-  
sus impugnantem defendat; quo zelo &  
studio eandem cum libertate humani con-  
societ, ut qui rectitudinis & veritatis lem-  
nitatem tenere gloriantur, in lumine S. An-  
tistitis videant lumen, quod certe nescit er-  
roris occasum.

*Habent* Congruistæ ex Augustini doctri-  
na quo gratiam ita suavem defendant, ut  
cuncta cedant, ea operante, in bonum  
electorum: habent Thomistæ quo ita effi-  
cacem propugnent, ut de nolentibus salu-  
tem faciat volentes: habent cupulcumque  
Academici Magistri quo ita potentem &  
necessariam prædicent, ut & prævenien-  
do in nobis incipiat, & adjuvando, libe-  
ro cooperante arbitrio, perficiat bonum:  
unde S. Augustinum & pro necessitate gra-  
tiæ, & pro ejusdem efficacia audiendum  
esse jure merito contendimus.

*Iam* vero num gratia sit per se efficax,  
vel non, discipetur in Scholis, immo &  
de ipsius S. Augustini mente circa illud  
momentum, timesti affirmativa probabi-  
lior appareat. Unum indubite propugnat  
S. Doctor, videlicet libertatis cum gratia  
etiam efficacissimi confociationem, ut om-  
ni legenti & iuste judicanti patebit, ma-  
xime ex scopo & fine quo eximius ille  
Ecclesiæ Doctor de gratia Mediatoris  
scripsit, quod ex discussione operum ejus  
de hac materia facili negotio omnibus pa-  
teat.

*Ex locis* Divi Augustini in ultima Sectio-  
ne adductis luce clarius appareat, S. Præ-  
sulem fortiter simul & suaviter defendere  
liber-

libertatis humanæ cum gratia, cum præscientia Dei, & cum prædestinatione confoederationem: nunc vero fundatius enucleanda est mens S. Doctoris, ut omnes legentes intelligant quænam sit altitudo, profunditas simul & suavitas D. Augustini de gratia Christi doctrina.

Non est animus impræsentiarum omnes libros, quos B. Augustinus ad refellendos varios tum Manichæorum, tum Pelagianorum errores conscripsit, exponere; sed illos solum in quibus specialiter de libertate contra Manichæos, de necessitate gratiæ contra Pelagianos & Semipelagianos, de ejusdem gratiæ efficacia cum libero arbitrio confociata agit: quorum hæc est series.

*Libri tres de Libero arbitrio, Tom. I. Editionis Benedictinæ.*

*Unus de Spiritu & Littera contra Pelagianos, Tom. X.*

*Unus de Natura & Gratia adversus eosdem, ibidem.*

*Unus de Gratia Christi contra eosdem Heterodoxos, ibidem.*

*Quatuor contra duas eorundem Epistolas, ibidem.*

*Unus de Gratia & Libero arbitrio ad Valentinum Monasterii Adrumetini Archimandritam & Monachos, ibidem.*

*Unus de Correctione & Gratia ad eosdem, ibidem.*

*Unus de Prædestinatione Sanctorum adversus Massilienses, ibidem.*

*Unus de dono Perseverantiæ contra eosdem, ibidem.*

*Appendix Operum sancti Augustini de necessitate & efficacia Gratiae cum observationibus.*

## PUNCTUM PRIMUM.

De tribus Libris qui hunc præ se ferunt titulum, de Libero arbitrio.

**H**oc opus anno 388. inchoatum perfecit S. Augustinus anno 395. ad explodendum Manichæorum commentum, quo factum quoddam in actiones humanas inducebant, ita ut hominem ex necessitate compelli ad bonum vel malum asserere non dubitarent.

In primo libro S. Præsul mali originem non a Deo sane, sed a sola voluntate creati repetit, quippe quod non habeat cau-  
sam efficientem sed deficientem: porr-

*Boncat Theol. Tom. I.*

tamenti passionibus ut plurimum eadem voluntas serviat, ad iis tamen famulandum a nullo aut cogi aut necessitari demonstrat Augustinus.

In secundo quæcumque bona a Deo optimo ut a primigenio fonte, homine libere cooperante, promanare validissimis ostendit rationibus.

In tertio peccatum a sola creatura illud volente & eligente fluere docet: præscientiam vero de malis libertati humanæ non adversari clarissime probat S. Aug. Epist. 32. & 34.

Idem S. Doctor l. 1. retract. cap. 11. de his momentis sic loquitur: "propter eos quippe disputatio illa suscepta est, qui negant, ex libero voluntatis arbitrio mali originem duci, & Deum, si ita est, creatorem omnium malorum culpandum esse contendunt: eo modo volentes secundum impietatis errorem (Manichæi enim sunt) immutabilem quandam & Deo coæternam introducere mali naturam. De gratia vero Dei, qua suos Electos sic prædestinavit, ut eorum, qui jam in eis untur libero arbitrio, ipse etiam præparet voluntates, nihil in his libris disputatum est propter hoc, proposita questione. Ubi autem incidit locus, ut hujus gratiæ fieret commemoratio, transeunter commemorata est; non quali inde ageretur operosa ratiocinatione defensa. Aliud est enim querere, unde sit malum, & aliud est querere, unde redeatur ad pristinum, vel ad majus perveniatur bonum."

His verbis duplici occurrit difficultati S. Augustinus, uni Pelagianorum qui S. Doctorem liberi arbitrii partes suscipientes intelligentes, credebant eum in sua versari sententia, qua sicut malum ita & bonum meritis malis & bonis naturæ tribui propugnabant: alteri vero eorum qui voluntatem ad peccatum vi concupiscentiæ necessario compelli arbitrabantur. Priores refellit, cum dicit gratiam, qua præparatur voluntas a Domino, se non excludere dum liberi arbitrii jura defendit; de ea tamen ex professo contra Manichæos sermonem non instituit, quia caput controversiæ non erat de gratia qua restituitur libertas filiorum Dei ad bonum, sed de malo quod suam ducit originem non quidem a Deo, qui intentator malorum est, sed a voluntate, tamen vicio concupiscentiæ ad illud patrandum neque

N n 3

no-

necessitur, neque cogatur. Audiamus loquentem ibidem l. 1. retr. c. 9. "Quapropter novi hæretici Pelagiani, qui liberum sic afferunt voluntatis arbitrium, ut gratiæ Dei non relinquunt locum, quandoquidem eam secundum merita nostra dari afferunt, non se extollant, quasi eorum egerim causam: quia multa in his libris (de quibus nunc) dixi de libero arbitrio, quæ illius disputationis causa poscebat."

*Aliorum* quoque qui libertatem modo concupiscentiæ, modo etiam gratiæ energiæ premi contendebant, debellat errorem: namque in primo libro c. 1. 12. 13. 14. 16. diserte probat hominem suorum actuum ita dominum esse, ut sicut malum, ita & bonum, istud ad laudem, illud ad vituperium possit & eligere & facere. In libro secundo idem propugnat. cap. 1. sic loquitur: "Homo enim ipse, in quantum homo est, aliquid bonum est, quia recte vivere, CUM VULT, POTEST; & cap. 18. "Dixi recte fieri non posse, nisi eodem voluntatis arbitrio." Idem probat l. 3. cap. 1. 3. 16. 17. & cap. 18. n. 50. QUIS PECCAT IN EO, QUOD NULLO MODO CAVERI POTEST? PECCATUR AUTEM: CAVERI Igitur POTEST.

*Incausum* opponunt hæretici S. Augustinum ignorantiam etiam involuntariam l. 3. c. 18. inter peccata annumerare, sicut & motus concupiscentiæ quibus adversus rationem insurgit. Hæc enim & similia peccata vocat tantummodo radicaliter peccata, quatenus sunt pœna peccati originalis, "Hæc omnia, inquit l. 1. retr. c. 9. hominum sunt ex illa, mortis damnatione venientium. Nam, si non est ista pœna hominis, sed natura; nulla ista peccata sunt, nisi casualiter, seu in causa, videlicet in peccato originali. Attende; benevole Lector, S. Aug. scopum esse eo loci probare adversus Pelagianos peccatum originale, quod ad posteros Adæ transmitti negabant, ita ut & ignorantiam, & concupiscentiam, quibus ex origine in pœnam prævaricationis Protoparentum subijcitur, non effectum peccati; sed quid naturale ad naturam hominis necessario consequens, esse propugnantes in sensu igitur opposito dicit S. Doctor esse peccata ex necessitate, hoc est in radice vitiosa, non tamen formaliter, & immediate, utpote quid involuntarium. S. Præsul pñt sui

ipsum interpres: ibidem enim ait: "aprobare ista pro veris ut erret invitus, & resistente atque torquente dolore carnalis vinculi, non posse a libidinosis operibus temperare, non est natura instituti hominis, sed pœna damnati. Cum autem de libera voluntate recte facienda loquimur, de illa scilicet, in qua homo factus est, loquimur." Eo loci duo statuit S. Doctor: primum quidem, motus primos concupiscentiæ esse involuntarios, quod ista indignant verba, ut erret invitus, adeoque peccata non nisi materialiter & in radice nuncupari: alterum, ejusmodi motus non esse de natura hominis, sed pœnam damnati: sicque & Pelagianos negantes peccatum originale, & Manichæos alioque libertatem hominis lapsi abnegantes perstringit: illos quidem quatenus ejusmodi miseriæ peccati originalis argumenta sunt: istos vero dum eas ex origine, non ex voluntate nostra produisse contendit; unde, ipso teste, in peccatum homini lapsio donec eis libere & prævia electione consentiant, non imputantur, ut fuse sese explicando probat l. 1. retr. cap. 9.

## PUNCTUM SECUNDUM

De Libro cuius titulus est,  
de Spiritu & Littera.

QUA ratione, quoque scopo S. Augustinus scripserit librum cuius titulus est, de Spiritu & Littera, ipse dicit l. 2. retr. c. 27. ut scilicet gratiæ necessitatem adversus Pelagianam perfidiam propugnaret, ostendendo legem tamen bonam, sanctique refertam præceptis, ad cognitionem quidem boni, minime tamen ad ipsam iustitiæ perfectionem comparandam sufficere, quod explicat illa Apostoli sententia 2. Cor. cap. v. 3. 6. Littera occidit, spiritus autem vivificat. Hoc est; lex sola ad nihil perfecti sine spiritu gratiæ præparantis & adiuvantis adducit, ex qua concludit adversus Pelagianos qui legem solummodo pro gratia habebant, eatenus occidere & homines magis peccatores facere, quatenus per legem evacuabant gratiam Mediatoris, quod quidem sensu litterarum occidere, spiritum vero gratiæ vivificare propugnat.

In id argumenti venit Sanctus Præsul occasione cuiusdam quæstionis sibi a Marcel-

cellino proposita, quomodo fieri posset illud quod ipse dixerat, hominem, adjuvante Deo, a peccato immunem vivere posse; inde enim gratiæ necessitatem adversus malignantes defendere S. Augustinus statuerat: quia vero Pelagiani ex laudibus quibus lex omnino donatur, maxime a Propheta Regio Psal. 118. eam ad sanctæ felicitæque vivendum sufficere credebant, eos fortiter refellit S. Doctor et potissimum ratione, quod littera occidat, spiritus vero vivificet: hoc est, lex non in eo sensu bona dicenda est, quo tantum energię habeat ad faciendum bonum, sicut perverse interebant Pelagiani, ut gratia non sit necessaria, adeoque litteram occidere Pelagianos vel potius Pelagianos seipsos occidere, & a regno Christi sese excludere contendeat S. Aug. videlicet dum ad litteram, non ad spiritum legis seu gratiam non attendebant: qua de causa suum de hoc momento librum, de spiritu & littera inscripsit S. Doctor.

*Verum* S. Præsul ibi non ita exaltat gratiam, ut damnet & proscribat legem, cum eam a Deo optimo tanquam aliquid bonum & sanctum promanasse ostendat in omnibus operibus adversus Manichæos, qui illam tanquam malam explodebant, sed ut demonstret contra Pelagianam pravitatem neque ad faciendum bonum, neque ad operandam salutem, secluso gratiæ auxilio, legem sufficere, suum scripsit de spiritu & littera librum.

Graviter igitur allucinatur Janfenius, dum l. 3. de g. Salv. c. 7. 8. & 9. adversus legem debacchatur, & eam tantummodo scisse peccatores audet asserere. Hic enim est capitis octavi titulus, *Status veteris Testamenti figurativus & propheticus non assererat Judæis gratiam sufficientem, sed potius impediendam. Quanta fuerit in Judæis servitus & ignorantia gratiæ & auctoris ejus. Ecce capitis noni inscriptio. Status veteris Testamenti, ut talis, non erat justitiæ & salutis, sed potius peccati & mortis. Paucissimi justii sub illo Testamento & gratia sufficiente muniti. Gratia illa sub natura & lege continetur. Sic enim legem Dei conviciari, sapit Manichæismum: aliud quippe est legem ad iustitiam operandam non sufficere, aliud malam esse, & operari peccatum, primum affirmare catholicum, quod alterum vero profus erroneum, quandoquidem lex illuminat hominem, ut, præveniente &*

adjuvante gratia, a malo declinet & faciat bonum: præcepta iusta, eaque sancta & continet, & proponit: igitur ex se non est mali, sed ex malitia peccatoris qui videt bona & deteriora, prævia mentis & voluntatis electione, sequitur, fit inutilis.

S. Augustinus est ipse sui interpretes, eo enim solum sensu nonnumquam dicit per legem viviicari peccatum, quatenus ignorantia, posita & propolita lege, non amplius excusat a peccato; tum quia etiam homo ex innata pravitare & ad malum pronitate nititur in vetitum, & in id quod prohibetur magis inardescit appetitus depravatus, nusquam vero defectu legis. Sic loquitur l. de spiritu & litt. c. 4. n. 6. pag. 6. 83. "Ideo elegit Apostolus generale quiddam, quo cuncta complexus est, tanquam hæc esset vox legis ab omni peccato prohibentis, quod ait, non concupisces: neque enim ullum peccatum nisi concupiscendo committitur: proinde quæ hoc præcipit, bona & laudabilis lex est. Sed ubi sanctus non adjuvat spiritus, inspirans pro concupiscentia mala concupiscentiam bonam, hoc est, caritatem diffundens in cordibus nostris, profecto illa lex quamvis bona, auget prohibendo desiderium malum: sicut aquæ impetus si eam partem non cesset influere, vehementior sit obice opposito, cuius molem cum vicerit, majore cumulo præcipitatus vehementius per prona provolvitur. Nescio quod enim modo, hoc ipsum quod concupiscitur, sit jucundius dum veratur."

Rursus ibidem c. 6. n. 9. pag. 89. Demonstranda enim fuerat homini sceleris linguoris ejus, cui contra iniquitatem suam nec præceptum sanctum & bonum profuit, quo magis aucta est iniquitas, quam minuta, quandoquidem lex subintravit, ut abundaret delictum, ut eo modo convictus atque confusus, videret non tantum Doctorum sibi esse necessarium, verumetiam adiutorem Deum, a quo ejus itinera dirigantur, ne dominetur ei iniquitas, & confugiendo ad opem divinæ misericordiæ sanetur: atque ita ubi abundavit delictum, superabundavit gratia; non peccatis merito, sed subvenientis auxilio. Igitur ex S. Augustino lex optima est, & ratione auctoris qui est Deus, & ratione mandatorum quæ



bonum præcipiunt, malum vero prohibent, & ratione finis, dirigit ad vitam æternam; quinimmo necessaria erat, teste S. Præfule, ut vias vitæ homines edoceret, sed absque gratia nec iustificat, nec prodest. Quo sensu igitur peccatum per legem subintravit in mundum, in eo laue, inquit Augustinus, quod ostenderit malum, quod quidem homines, qui suam corruperant viam, non satis agnoscebant, unde de illo convicti, gravius errant, cum non obstante lege, quæ dicit, *non concupisces*, Rom. 7. iterum tamen atque iterum prohibita concupiscunt: & ideo jam ex militia aperta peccant: verum lex non est causa peccati, e contra vero ab illo retrahit, quatenus illud & offendit in quo situm est, & prohibet.

Sed redeat ad liberum de spiritu & littera oratio. De illo sic loquitur B. Augustinus c. 2. retract. cap. 37. "ad quem scripseram tres libros, quorum titulus est, *de peccatorum meritis & remissione*, ubi diiugenter disputatur etiam de baptismo parvulorum, rescripsi mihi se fuisse permotum, quod dixerim, fieri posse ut sit homo sine peccato, si voluntas ejus non desit, ope adjuvante divina; quamvis nemo tam perfectæ iustitiæ in hac vita vel fuerit, vel sit, vel futurus sit. Quæsit enim quomodo dixerim posse fieri, cujus rei desit exemplum. Propter hanc ejus inquisitionem scripsi liberum, cujus est titulus, *de Spiritu & Littera*, pertrahens apostolicam sententiam, ubi ait, 2. Cor. 3. 6. *Littera occidit, spiritus autem vivificat*, in quo libro, quantum Deus adjuvet, acriter disputavi contra inimicos gratiæ Dei, qua iustificatur impius."

S. Augustinus in hoc opere duo præcipue ostendit, videlicet legis insufficienciam, gratiæ vero necessitatem. Cap. 2. n. 4. ait Pelagium non aliam admisisse gratiam, quam liberum hominis arbitrium & doctrinam. Cap. 3. n. 5. gratiam Christi esse delectationem interiorum, seu Spiritus Sancti motum quo lex placet & amatur. Cap. 4. 5. 6. Legem non sufficere absque gratia ad salutem, & ad litteram tantum attendentes occidere, quatenus allucinati in sola lege, confidentes superbiendo de lege accepta, Christi evāgeant gratiam. Cap. 7. & 8. Cuncta bona a gratia profluere docet. Cap. 7. Compescit Judæorum socordiam

qui in sola gloriabantur lege eo quod soli illam acceperant. Cap. 10. n. 16. Exaltat Christi gratiam his verbis: "Per ipsum, iam quippe iustificatur gratis, idest, nullis suorum operum præcedentibus, meritis, Rom. 11. 6. *Alioquin gratia jam non est gratia*: quandoquidem ideo datur, non quia bona opera facimus, sed ut ea facere valeamus, idest, non quia legem implevimus, sed ut legem implere possimus: Ille hinc dixit Rom. 11. 6. *Non veni solvere legem sed implere*: de quo dictum est Joan. 1. 13. *Vidimus gloriam ejus, gloriam tamenquam unigeniti a Patre, plenum gratia & veritate*."

Pergit S. Doctor gratiam Christi commendare cap. 11. 12. 13. Capite 14. demonstrat nequidem Decalogum, seculo gratiæ auxilio, homini ad salutem sufficere. Cap. 15. 16. 17. 18. instituit comparisonem inter legem vererem & novam, istam vero alteri præminere asserit, quatenus lex per Moysen data, gratia & veritas per Christum facta sit. Eundem prosequitur sermonem cap. 19. 20. 21. 22. 23. 24. 25. cap. 26. illud Apostoli Rom. 2. 14. *Gentes quæ legem non habent, naturaliter, quæ legis sunt, faciunt*, explicat de fidelibus novi Testamenti, subdit vero n. 44. non auditores, sed factores legis iustificari & salvari cap. 27. n. 47. propugnat legem fieri naturaliter, nihil aliud esse quam fieri per naturam gratia adjuvantem. n. 48. Fulsus explicat idem Apostoli oraculum, dicens quod & de infidelibus possit intelligi qui bona aliqua facere possunt. "Si autem hi qui naturaliter quæ legis sunt, faciunt, nondum sunt habendi in numero eorum quos Christi iustificat gratia; sed in eorum potius, quorum etiam impiorum, nec Deum verum veraciter iustitque colentium, quædam tamen facta vel legimus, vel novimus, vel audimus, quæ secundum iustitiæ regulam non solum vituperare non possumus, verum etiam merito recteque laudamus. Quamquam si discutiantur quo fine fiant, vix inveniuntur quæ iustitiæ debitam laudem deificationemve mereantur: reveruntamen quia non usque adeo in anima humana inigo Dei terrenorum affectuum labe detrita est, ut nulla in ea velut lineamenta extrema remanserint, unde merito dici possit etiam in ipsa impietate vitæ suæ facere aliqua legis, vel

sape-

„sapere; si hoc est quod dictum est, quia  
 „*Gentes quæ legem non habent*, Rom. 2.  
 „14. hoc est, legem Dei, *naturaliter quæ*  
 „*legis sunt, faciunt*, & quia huiusmodi  
 „homines ipsi sibi sunt lex, & scriptum  
 „*opus legis habent in cordibus suis*, idest,  
 „non omnimodo deletum est, quod ibi  
 „per imaginem Dei cum crearentur, im-  
 „pressum est.”

S. Presul cap. 29. ostendit iusticiam esse  
 donum Dei. Sic incipit caput trigesium:  
 „Liberum ergo arbitrium vacuumus per  
 „gratiam? Absit: sed magis liberum  
 „arbitrium statuimus.” Cap. 31. explicat  
 quo sensu fidem esse in nostra potestate di-  
 cendum sit. Cap. 32. quæ fides laudanda:  
 cap. 33. fidem donum Dei esse. Sed inter  
 omnia egregium & celeberrimum est testi-  
 monium quo docet Deum velle omnes &  
 singulos salvos fieri, nulli liberum adimendo  
 arbitrium: subdit enim „quo vel bene vel  
 „male utentes iustissime judicentur.” Eo  
 loci n. 58. pag. 118. solvit illam difficulta-  
 tem ab aliquibus pro gratia necessitante tam  
 decantatam, scilicet voluntatem Dei invi-  
 tam esse, ita ut nemo ei resistere queat,  
 dicendo hoc in eligi de voluntate Dei ad-  
 æquate sumpta, quam nequidem impius  
 impedire potest, quatenus dum eam pec-  
 cando fugit ut bonam & misericordem, in  
 eandem incidit, ut iustam, quæ vult pec-  
 catores obduratos ultimis affici suppliciis.”  
 „Ille igitur reus erit ad damnationem sub  
 „potestate ejus qui contempserit ad cre-  
 „dendum misericordium ejus.”

Denique cap. 34. n. 60. pag. 120. mi-  
 rum in modum libertatem humanam non  
 semel coassociat cum gratia. „His ergo  
 „modis quando Deus agit cum anima ra-  
 „tionali, ut ei credat: neque enim cre-  
 „dere potest quodlibet libero arbitrio,  
 „si nulla sit suasio, vel vocatio cui credat,  
 „profecto & ipsum velle credere  
 „Deus operatur in homine, & in omnibus  
 „misericordia ejus prævenit nos: CON-  
 „SENTIRE AUTEM VOCATIONI DEI, VEL AB  
 „EA DISSENTIRE, SICUT DIXI, PROPRIÆ  
 „VOLUNTATIS EST.”

### PUNCTUM TERTIUM.

De Libro cujus titulus, *De Natura &  
 Gratia.*

\* D. AUGUSTINUS certior factus de  
 erroribus quos & viva voce & scriptis  
 ad evacuandam Christi gratiam usque in

perniciem animarum Pelagius sparge-  
 bat, scripsit ad illum debellandum li-  
 brum cujus est inscriptio, *de Natura &  
 Gratia*, in quo quidem demonstrat natu-  
 ram humanam, non qualis primitus con-  
 dita est, existere, & a primæva tum re-  
 stituitur, tum iustitia, tum etiam integritate  
 defecisse; quippe quæ peccato ad-  
 modum fauciata, passionum serva, vitis  
 veluti tot vinculis constricta sit; quocirca  
 indiget, inquit, gratia Christi ut in pri-  
 stinum restitaturum statum, videlicet ut  
 sanetur & liberetur. Sic loquitur cap. 3.  
 n. 3. „Natura quippe hominis primitus  
 „inculpata & sine ullo vitio creata est:  
 „natura vero ista hominis, quo unus-  
 „quisque ex Adam nascitur, jam medi-  
 „co indiget, quia sine non est.” Dein-  
 „de respondet objectionibus Pelagii, ostens-  
 „dens gratiam non esse gratiam, si non  
 gratuita est, cum ideo dicatur gratia quia  
 gratuita.

Subdit, nec Christi mortem quidquam  
 prodesse, sed illum gratis mortuum, si ut  
 contendit Pelagius, natura innatis viribus  
 possit & declinare a malo, & facere bonum:  
 quod certe, inquit, secluso gratiæ  
 auxilio, nullus potest; quinimo, ait nul-  
 los iustos, si Beatissima Virgo excipiat,  
 totum vitæ spatium sine aliquo vel leviori  
 saltem peccato pertransisse.

Sic loquitur. Cap. 36. n. 42. „Excep-  
 „pta itaque sancta Virgine Maria, de  
 „qua propter honorem Domini nullam  
 „proprus, cum de peccatis agitur, ha-  
 „beri volo questionem: unde enim sci-  
 „mus, quid ei plus gratiæ collatum fue-  
 „rit ad vincendum omni ex parte pecca-  
 „tum, quæ concupere ac parere meruit,  
 „quem constat nullum habuisse peccatum?  
 „Hæc ergo Virgine excepta, si omnes  
 „illos Sanctos & Sanctas, cum hic vive-  
 „rent, congregare possemus, & interro-  
 „gare utrum essent sine peccato, quid  
 „fuisset responsuros putamus, utrum hoc  
 „quod ille dicit, an quod Joannes Apo-  
 „stolus? Rogo vos quantalibet fuerint in  
 „hoc corpore excellentia sanctitatis, si  
 „hoc interrogari potuissent, nonne una  
 „voce clamassent, si dixerimus quia pec-  
 „catum non habemus, nos ipsos decipi-  
 „mus & veritas in nobis non est.”

S. Doctor occurrit propositis difficultati-  
 bus Pelagii orationis medio: & sic urget  
 adversarium. Petimus auxilium Dei ut a  
 tentationibus soluti, bonum a lege pre-  
 ceptum operemur: Igitur nullus se solo  
 illud

illud potest; frustra quippe aliud expos-  
tularec homo, si illud ipsum in ejus foret  
potestas. Sic intonat cap. 18. n. 10. "Di-  
vinitus tamen esse expianda peccata  
commisisti, & pro eis Dominum exoran-  
dum fuitur (*Pelagius*) propter veniam  
scilicet promerendam: quia id quod  
factum est, facere infectum, multum  
ab ista laudata potentia illa naturæ &  
voluntas hominis, etiam ipso fatente,  
non potest: quare hac necessitate res-  
stat, ut oret ignosci. Ut autem adju-  
vetur, ne peccet, nusquam dixit non  
hic legi, mirum de hac re omnino si-  
lentium: cum oratio Dominica utrum-  
que petendum esse commoneat, & ut  
dimittantur nobis debita nostra, & ut  
non inferamur in tentationem, illud ut  
præterita expiantur, hoc ut futura vi-  
tentur. Quod licet non fiat nisi volun-  
tas adsit, tamen ut fiat, voluntas sola  
non sufficit; ideo pro hac re nec super-  
flua, nec impudens Domino immolatur  
oratio. Nam quid stultius, quam orare  
ut facias, quod in potestate habes?,"  
Gradum postea facit S. Præfult ad pal-  
mare Pelagii argumentum, qui cuncta boni  
naturæ in se relictæ possibilia esse ef-  
futebat, quia præcipiuntur: Deus enim  
ita iustus, & misericors est, ut jugum  
ejus sit leve, & mandatum non sit supra  
naturæ vires; sin minus, impossibile foret;  
unde & transgrediendo nullus peccaret;  
nemo quippe peccat in eo quod vitare  
non potest. Cui difficultati facit satis S.  
Doctör, & quidem dupliciter; primo qui-  
dem dicendo Deum impossibilia non jube-  
re, cum adjuvet nos ut quod jubet, ad-  
implere valeamus: deinde ostendendo, quo-  
modo jugum Domini suave sit, & qua ra-  
tione mandatum fiat possibile; nimirum  
gratia præveniente & adjuvante, sicut &  
summo erga Deum affectu & amore.  
Cap. 43. num. 30. Ista responsione solvit  
difficultatem: "Non igitur Deus impossi-  
bilia jubet: sed jubendo admonet, & fa-  
cere quod possis, & petere quod non  
possis. Jam nunc videamus unde possit,  
unde non possit. Ille dicit, voluntate  
non est, quod natura potest. Ego dico,  
voluntate quidem non est homo iustus,  
si natura potest: sed medicina poterit,  
quod vitio non potest. Hoc est gratia  
præveniente & sufficiente peccator habet  
posse bonum, gratia efficaci illud velle,  
oret ut uberiori habeat qua non solum  
velit, sed operetur bonum & convertatur.

*Pergit c. 69. nu. 83. explicare modum  
quo præcepta Dei possibilia dicuntur, &  
sunt: "Valde autem bona sunt præcep-  
ta, si legitime hi utamur. Eo quip-  
pe ipso quo firmissime creditur, Deum  
justum & bonum impossibilia non po-  
tuisse præcipere; hinc admonemur, &  
in facilibus quid agamus, & in diffi-  
cilibus quid petamus. Omnia quippe  
sunt facilia caritati; cui uni Christi  
sarcina levis est, aut ea una est sarci-  
na ipsa quæ levis est. Secundum hoc  
dictum est Matth. 11. 30. *Et præcepta  
ejus, gravia non sunt*: ut cui gravia  
sunt, consideret non potuisse divini-  
tus dici 1. Joan. 5. 3. *gravia non sunt*,  
nisi quia potest esse cordis affectus cui  
gravia non sunt, & petat quo destitui-  
tur, ut impleat quod jubetur. Et quod  
dicitur ad Israel in Deuteronomio, si  
pie, si sancte, si spiritaliter intelliga-  
tur, hoc idem significat: quia nique  
cum hoc testimonium commemorasset  
Apostolus, *prope te est verbum in ora  
tuo, & in corde tuo*, Deuter. 30. 14.  
quod hic jubet, *in manibus tuis*; in  
corde enim sunt spirituales manus, Rom.  
10. 8. *Hoc est*, inquit, *verbum fidei*  
*quod prædicamus*. Conversus ergo qui-  
que, sicut ibi præcipitur ad Dominum  
Deum suum ex toto corde suo, & to-  
ta anima sua, mandatum Dei non ha-  
bebit grave. Quomodo est enim grave,  
cum sit dilectionis mandatum? Aut e-  
nim quisque non diligit, & ideo grave  
est: aut diligit, & grave esse non po-  
test. Diligit autem, si quod illic admo-  
netur Israel, conversus fuerit ad Do-  
minum Deum suum ex toto corde suo  
& ex tota sua anima."*

S. Augustinus movet controversiam de  
gratia Christi adæquate sumpta, videlicet  
& de gratia habituali qua Filii Dei su-  
mus, & de gratia præveniente qua bo-  
num possumus, & de gratia efficaci qua  
bonum operando justificamur, & mandata  
adimplemus.

*De prima* sic loquitur cap. 4. nu. 4. "  
Hæc autem Christi gratia, sine qua nec  
infantes, nec ætate grandes salvi fieri  
possunt, non meritis redditur sed gratis  
datur, propter quod & gratia nomen im-  
matur. Justificati, inquit, gratis per san-  
guinem ipsius. Unde ii qui non per illum  
liberantur, sive quia audire nondum po-  
tuerunt, sive quia obedire noluerunt,  
sive etiam cum per ætatem audire non  
pos-

„ possent, lavacrum regenerationis, quod accipere possent, per quod salvi fierent, non acceperunt, iuste utique damnantur : quia sine peccato non sunt, vel quod originaliter contraxerunt, vel quod malis moribus addiderunt. „

De secunda instituit sermonem cap. 43. num. 10. cum ait : „ Non igitur Deus impossibilia jubet : sed iubendo admonet, & facere quod possis. „ Ecce gratia sufficiens, quæ possumus bonum, designata; nemo enim præter Pelagianos aut Semipelagianos hominem se solo aliquid pro salute posse, dixerit. Cum igitur S. Aug. dicat, *admonet facere quod possis*, supponit gratiam prævenientem sufficientem quæ proxime possumus bonum salutis.

De tertia potissimum est & controversia, & sermo : ubique enim loquitur S. Aug. saltem præcipue de gratia quæ efficienter justificatur impius, nimirum per contritionem & amorem, seu caritatem ut ad gratiam sanctificantem & iustitiam perveniat. Cap. 18. n. 20. *Ut fiat bonum, voluntas sola non sufficit*. Cap. 42. n. 49. Homo adjuvante gratia potest esse sine peccato. Cap. 51. nu. 62. Homo liberatur a malo culpæ solum efficacia gratiæ.

De gratia quæ actum cum potentia conjungit, puta de ea quæ producit amoris affectum in Deum, quia iugum sit suave; ubi namque amor, ibi non est labor. Sic effatur cap. 42. nu. 49. „ Neque, inquit, *Pelagio*, de ipsa possibilitate contendendo, cum sanata & adjuva hominis voluntate, te possibilitas ipsa simul cum effectu in sanctis proveniat, dum caritas Dei... diffunditur in cordibus nostris per Spiritum Sanctum. „ Eo loci loquitur de gratia efficaci, & de habituali; de gratia quæ actum cum potentia conjungit iterum loquitur cap. 69. n. 83.

Observer velim S. Doctorem ibi supponere gratiam sufficientem, quam non semel passim indigitaverat l. de Spiritu & lit. & indigitat in cæteris libris, ubi de gratia pertractans ait, omnem bonam & inspirationem & cogitationem esse a Deo, eam vero maxime in isto opere supponit, tum quia tractat de gratia operis, de ea scilicet sine qua nec impius justificatur, nec iustus in iusticia conservatur, tum quia ait Deum impossibilia non jubere, quia adjuvat ut possis, subdit vero & petere quod non possis : profecto gratia præveniens prærequiritur ad orandum; porro non oramus ut possimus orare, sed ora-

mus ut gratiam quæ præcepta adimpleantur habeamus : igitur ex S. Augustino gratia sufficiens orationis, seu quæ quis orare possit, datur omnibus, etiam obduratis, cum sanctus Doctor consilium det etiam impiis ut orent, ad hoc ut possint adimplere & de facto præcepta adimpleant : ita sane Deus intuitu meritorum Christi confert omnibus & singulis, quatenus omnes, & singulos vult salvos fieri l. de spirit. & lit. cap. 33. num. 58. „ VULT AUTEM DEUS OMNES HOMINES SALVOS FIERI, ET IN AGNITIONEM VERITATIS VENIRE; NON SIC TAMEN UT EIS ADIMAT LIBERUM ARBITRIUM QUI BENE VEL MALÉ UTENTES IUSTISSIME JUDICENTUR. Quod cum fit, infideles quidem contra voluntatem Dei faciunt, cum ejus Evangelio non credunt; nec ideo tamen eam vincunt, verum se ipsos fraudant magno, & summo bono, malisque pœnalibus implicant, experturi in suppliciis potestatem ejus, cujus in donis misericordiam contemplerunt. „

Sed ut oratio finiat unde fumpsit Exordium, videlicet a sancto Doctore, non absere erit hic subtexere quæ de orare, cujus titulus, *de natura & gratia*, scribit l. 2. retrac. c. 42. „ Venit etiam tunc in manus meas quidem Pelagii liber, ubi hominis naturam contra Dei gratiam quæ justificatur impius, & quæ Christiani sumus quanta potuit argumentatione defendit. Librum ergo quo huic respondi defendens gratiam, non contra naturam, sed per quam natura liberatur & regitur, *de natura, & gratia* nuncupavi. „

## PUNCTUM QUARTUM.

De Libro primo qui hunc præ se fert titulum, *de gratia Christi*.

SANCTUS Augustinus de isto opere l. 2. Retr. cap. 50. mentionem facit „ Postea quam Pelagiana hæresis cum suis auctoribus ab Episcopis Ecclesiæ Romanæ, prius Innocentio, deinde Zosimo, cooperantibus Conciliorum Africanorum litteris, convicta atque damnata est, scripsi duos libros adversus eos, unum de gratia Christi, alterum de peccato originali. „

De primo impræsentiarum agimus. In isto libro duo potissimum offendit S. Præsul : videlicet, Pelagium in rei veritate nuf-

nusquam admisisse gratiam Christi actua-  
lem, sive eam quæ gratia possibilitatis  
vocatur, quam Theologi vulgo sufficien-  
tem appellant, sive eam quæ simpliciter  
dicitur gratia operis, & juxta præsentem  
Scholæ usum gratia efficax. Deinde utrum-  
que propagant & defendit Augustinus ma-  
xime vero gratiam operis, de qua erat  
principalis inter ipsum & Pelagium con-  
troverſia.

*Pauca* hic texere ad nostrum institutum  
habemus, cum non de mente Pelagii,  
sed Augustini circa gratiam agere animus  
sit. Unum duntaxat observandum venit,  
scilicet gratiam veram non esse quamcum-  
que aut illuminationem, aut inspiratio-  
nem, sed illuminationem & inspiratio-  
nem quæ intus agunt, & immutant cor,  
ut homines ex nolentibus bonum, fiant  
volentes, ad quod & legem & liberum  
hominis arbitrium non sufficere contendit  
S. Doctor, qui sic loquitur variis in locis  
de ista gratia, eamque sic definit & de-  
lineat. cap. 10. n. 21. pag. 235. "Nos  
eam gratiam volumus . . . qua futuræ  
gloriæ magnitudo non solum promitti-  
tur, verum etiam creditur & spera-  
tur; nec solum revelatur sapientia, ve-  
rum & amatur; nec solum suadetur  
omne quod bonum est, verum & per-  
suadetur."

Cap. 14. n. 15. pag. 237. "Quando Deus  
docet non per legis litteram, sed per  
spiritus gratiam; ita docet, ut quod  
quisque didicerit, non tantum cogno-  
scendo videat, sed etiam volendo appe-  
tat, agendo perficiat."

Cap. 24. n. 25. pag. 241. "Legant er-  
go & intelligant, intueantur atque fa-  
teantur *Pelagiani*, non lege atque do-  
ctrina insonante forinsecus, sed interna  
& occulta, mirabili ac ineffabili pote-  
state operari Deum in cordibus homi-  
num, non solum veras revelationes, sed  
bonas etiam voluntates: His & simi-  
libus sententiis gratiam operis eam esse  
contendit Augustinus, qua cor ita immu-  
tatur ut ex nolentibus bonum, faciat vo-  
lentes, quæ possibilitatem nostram ita ad-  
juvet, ut ipsa det & possit proxime bo-  
num, & ipsum actum operari, seu posse  
cum actu conjunctum.

## PUNCTUM QUINTUM.

*De quatuor Libris adversus duas Pelagianorum Epistolas conscriptis.*

UT PRIMUM S. Augustinus audit  
Pelagianos duas scripsisse Epistolas in quibus  
gratiam, qualem ipse propugnabat,  
adversari & voluntati humanæ meritis,  
& ipsi innatæ homini libertati contende-  
bant, has & quasdam alias de bono con-  
jugali contumelias propellere æquum duxit:  
qua de causa quatuor elucubravimus  
libros, quos ad Bonifacium Summum Pon-  
tificem direxit, in quibus vanorum homi-  
num commenta debellat & explodit. De  
hoc momento l. 2. Retr. cap. 61. sic scri-  
bit. "Sequuntur libri quatuor, quos  
contra duas Epistolas Pelagianorum ad  
Episcopum Romanæ Ecclesiæ Bonifa-  
cium scripsi, quia cum in manus ejus  
venissent, ipse mihi eas miserat, inve-  
niens in illis calumniose interpositum  
nomen meum. Hoc opus sic incipit:  
*Noveram te quidem fama celeberrima  
prædicante.*"

*De Libro primo.*

S. Doctor capite secundo, n. 5.  
pag. 413. ait liberum arbitrium non pe-  
riisse Adæ peccato, sed tantummodo ex-  
tenuatum fuisse defendit, ita ut gratia  
sanetur & adjuvetur, nusquam vero de-  
struatur. Contrarium illi tribuentes sic  
perfringit & calumniam explodit. "Li-  
berum autem arbitrium defendendo  
præcipitant (*Pelagiani*) ut de illo po-  
tius ad faciendum justitiam, quam de  
Domini adjutorio confidatur, atque ut  
in se quisque, non in Domino glori-  
rietur. QUIS AUTEM NOSTRUM DICAT,  
QUOD PRIMI HOMINIS PECCATO PERIERIT  
LIBERUM ARBITRIUM DE HUMANO GE-  
NERE? Libertas quidem perit per  
peccatum, sed illa quæ in Paradiso  
fuit, habendi plenam cum immortalitate  
justitiam; propter quod natura  
humana divina indiget gratia, dicente  
Domino, si vos Filii liberaverit,  
tunc vere liberi eritis: Joan. 8. 36.  
UTIQUE LIBERI AD BENE JUSTEQUE VI-  
VENDUM. Nam liberum arbitrium us-  
que adeo in peccatore non perit, ut  
per illud peccent, maxime omnes qui  
cum

„cum delectatione peccant & amore peccati, hoc eis placet quod eos liberat. Unde & Apostolus Rom. 6. 20. Cum essetis, inquit, servi peccati, LIBERI FUISTIS JUSTITIÆ. Ecce ostenduntur etiam peccato minime potuisse, nisi alia libertate, servire: liberi ergo a justitia non sunt nisi arbitrio voluntatis: liberi autem a peccato non sunt, nisi gratia Salvatoris. Propter quod admirabilis Doctor etiam verba ipsa discevit: cum enim servi essetis, inquit, peccati, liberi fuistis justitiæ.

*His peractis* S. Præsul cap. 3. n. 6. pag. 414. explicat quid sit trahi a patre per gratiam: deinde eam sic cum libero arbitrio consociat: „Datur ergo potestas ut filii Dei fiant, qui credunt in eum, cum hoc ipsum datur ut credant, in eum. Quæ potestas nisi detur a Deo, nulla esse potest ex libero arbitrio: quia nec liberum in bono erit, quod liberator non liberaverit, sed in malo liberum habet arbitrium, cui delectationem malitiæ vel occultus vel manifestus deceptor inservit, vel sibi ipse persuasit: „

*Ibidem* S. Doctor partes liberi arbitrii ita propugnat, ut neminem vel a concupiscentia, vel ab ignorantia necessitari contendat: subdit enim n. 7. pag. 414. „Non itaque, sicut dicunt nos quidam, dicere, & ille audent insuper scribere, omnes in peccatum, veluti inviti, carnis suæ necessitate coguntur: sed si jam in ea ætate sunt, ut propriæ mentis utantur arbitrio, & in peccato suâ voluntate retinentur, & a peccato in peccatum suâ voluntate præcipitantur. Neque enim agit in eis, etiam qui suadet & decipit, nisi ut peccatum voluntate committant, vel ignorantia veritatis, vel delectatione iniquitatis, vel utroque malo & cæcitatibus & infirmitatibus. Sed hæc voluntas quæ libera est in malis, quia delectatur malis, ideo libera in bonis non est, quia liberata non est. „ Ex Aug. motus concupiscentiæ & ignorantie in se peccata non sunt, donec a voluntate & eligantur, & consentiendo acceptentur, quocirca voluntatem liberam in malis esse prædicat: quo sensu vero non est libera in bonis, ipse aperit & manifestat, quatenus scilicet se sola bonum facere non potest, & sanari prius & adjuvari Mediatoris gratia indiget, ut illud & proxime possit,

& de facto operetur. Ex quo claret gratiam juxta S. Aug. mentem non adimere libertatem, sed potius eam & restaurare & adjuvare, ut homo libere velit bonum salutus, & faciat.

*Rursum*, & ex professo explicans illam Apostoli sententiam Rom. 7. 15. *Non enim quod volo, hoc ago: sed quod odi, illud facio.* cap. 10. 11. 12. 13. dicit motus concupiscentiæ primo primos non esse peccata nisi in radice, quatenus ad peccatum originale sublequantur, nusquam vero formaliter & in se, nisi accedat consensio, cuius rei argumentum est, quod in Apostolo non erant, quandoquidem & erat in gratia constitutus, & ejusmodi motus seipsum operari negat, sed a carne peccati, hoc est vitiata illos promovere asserat, namque legi Dei se condelectari secundum interiorem hominem testatur: qui autem concupiscentiæ consentit, eam se & nolle & operari dicere non valet. Jam audiamus Augustinum loquentem capite 10. n. 18. pag. 420. ait. „An forte metuumus ea, quæ sequuntur, Rom. 7. 15. *Quod enim operor, ignoro: non enim quod volo hoc ago, sed quod odi illud facio:* ne forte ex his verbis quispiam consensio carnis concupiscentiæ ad opera mala suspiceret Apostolum? Sed considerandum est quod adjungit: si autem quod nolo hoc facio, consentio legi quoniam bona est. Magis enim se dicit legi consentire, quam carnis concupiscentiæ. Hinc enim peccati nomine appellat. Facere ergo se dixit & operari, non affectu consentiendi & implendi, sed ipso motu concupiscendi. Hinc ergo, inquit, consensio legi quoniam bona est; consensio, quia nolo quod non vult. Deinde dicit, nunc autem jam non ego operor illud, sed id quod habitat in me peccatum. Quid est, nunc autem; nisi jam nunc sub gratia, quæ liberavit delectationem voluntatis a consensione cupiscentiæ? Non enim melius intelligitur, non ego operor, nisi quia non consentit exhibere membra sua arma iniquitatis peccato. Nam si & concupiscit, & consentit, & agit; quomodo non ipse illud operatur, etiam si le operari doleat, & vinci graviter infemiscat?

*Eundem* iterum atque iterum exhibet sensum, eandem explicationem nu. 19. 20. & n. 21. pag. 421. „Nulla ergo conde-

„nnatio

„mnatio est his qui sunt in Christo Je-  
 „su. Non enim damnatur; nisi qui con-  
 „cupiscentiæ carnis consentit ad ma-  
 „lum. „ Ex quibus patet delectationem  
 „malam quantumvis exuberantem, ad ma-  
 „lum neminem necessario compellere, cum  
 „motus concupiscentiæ malæ non sit for-  
 „maliter peccatum, donec accedat volun-  
 „tatis consensus, qui nonnisi prævia ele-  
 „ctione & deliberatione fit.

S. Doctor rursus dirimit questionem  
 cap. 11. 12 maxime cap. 13. ubi ex pro-  
 fesso propugnat neque concupiscentiam,  
 neque ignorantiam per peccatum Proto-  
 parentis inductam, esse in se peccata,  
 nisi accedat delectatio, & complacentia  
 voluntaria in eo quod vel concupiscitur,  
 vel ex culpa propria ignoratur: non in-  
 congrue tamen Fideles in Oratione Do-  
 minica postulare dimitti sibi delicta, non  
 ea vitia quæ nascendo contraximus, ut-  
 pote involuntaria, sed quæ propria volun-  
 tate, modo, levitate, & fragilitate,  
 modo, etiam malitia commisimus, quæ  
 duo momenta ad mentem sancti Augusti-  
 ni discussa & intellecta, premunt Prote-  
 stantium, aliorumque Heterodoxorum mo-  
 litiones: & prorsus explodunt; qui certe  
 de concupiscentiæ motus, & ignorantiam  
 juris naturalis peccata esse incassum con-  
 tendunt.

S. Augustinus. nu. 27. pag. 423. de pri-  
 mo momento. scilicet concupiscentiam &  
 ignorantiam invincibilem non esse in se,  
 sed solummodo in radice peccata, de  
 secundo vero. Fideles orare ut eis di-  
 mittantur peccata actualia propriæ vo-  
 luntatis electione commissa, sic loquitur.  
 „Sed de ista concupiscentia car-  
 „nis falli eos credo, vel fallere; cum  
 „qua necesse est ut etiam, baptizatus,  
 „de hoc sit diligentissime proficis, & spi-  
 „ritu Dei agitur, pia mente configat.  
 „Sed hæc etiam si vocatur peccatum,  
 „NON UTIQUE QUIA PECCATUM EST SED  
 „QUIA PECCATO FACTA EST, SIC VOCATUR:  
 „sicut scriptura manus cuiusque dicitur;  
 „quod manus eam fecerit. Peccata au-  
 „tem sunt, quæ secundum carnis con-  
 „cupiscentiam vel ignorantiam illicita  
 „sunt, dicuntur, cogitantur: quæ trans-  
 „acta etiam reos tenent, si non remit-  
 „tentur. Et ista ipsa carnis concupi-  
 „scentia in baptismo sic dimittitur, ut  
 „quævis tracta sit a nascentibus, nihil  
 „noceat renascentibus. Ex quibus ta-  
 „men, si filios carnaliter gignunt, rur-

„sus trahitur; rursusque est nocitura na-  
 „scentibus, nisi eadem forma renasen-  
 „tibus remittatur, & insit nihil obfu-  
 „tura vitæ futuræ, quoniam reatus ejus  
 „generatione tractus regeneratione di-  
 „missus est: & ideo JAM NON SIT PEC-  
 „CATUM, SED HOC VOCATUR, SIVE QUOD  
 „PECCATO FACTA SIT, SIVE QUOD PEC-  
 „CANDI DELECTIONE MOVEATUR, ET SI  
 „EI VINCENTE DELECTIONE JUSTITIÆ  
 „NON CONSENTIATUR. Nec propter ip-  
 „sam, cuius jam reatus lavacro regene-  
 „rationis ablumptus est, dicunt in Ora-  
 „tione baptizati, dimitte nobis debita  
 „nostra, sicut & nos dimittimus debito-  
 „ribus nostris: sed propter peccata quæ  
 „fuerint, sive in ejus consensionibus, cum  
 „ab eo quodlibet vincitur quod placet,  
 „sive cum per ignorantiam malum quasi  
 „bonum placet. Fiunt autem sive ope-  
 „rando, sive loquendo, sive quod fa-  
 „cillimum atque celerimum est, co-  
 „gitando. A quibus omnibus quis et-  
 „iam fideliū gloriabitur cassum se ha-  
 „bere cor, aut quis gloriabitur mun-  
 „dum se esse a peccato? Illud sane  
 „quod in Oratione sequitur, propter  
 „ipsam dicitur Matth. 6. 13. Ne nos in-  
 „feras in temptationem, sed libera nos a  
 „malo. Unusquisque enim, sicut scrip-  
 „tum est, Jac. 1. 14. tentatur a concu-  
 „piscencia sua abstractus & illeceus; dein-  
 „de concupiscencia cum conceperit, parit  
 „peccatum... „

S. Præsul cap. 19. num. 37. pag. 428.  
 conciliat efficaciam gratiæ Christi cum  
 libertate humana. „Quis, inquit, tra-  
 „hitur, si jam volebat? Et tamen ne-  
 „mo venit, nisi velit. Trahitur er-  
 „go, miris modis ut velit, ab illo  
 „qui novit intus in ipsis hominum cor-  
 „dibus operari, NON UT HOMINES. QUOD  
 „PER SE NON POTEST, NOLENTES CREDANT,  
 „SED UT VOLENTES. EX NOLENTIBUS.  
 „FIANT. „

Pergit. ibidem. n. 38. Et exquisitis scri-  
 pturæ locis probat gratiæ energiam, ita  
 tamen ut voluntas sub ejus dominio non  
 solum maneat libera, sed fiat per Dei  
 adiutorium ad bonum operandum multo  
 magis & libera & expedita. Sic loquitur  
 sanctus Doctor: „Hoc verum, esse  
 „non conjectura suspicatur humana, sed  
 „evidentissima divinarum Scripturarum  
 „auctoritate dignoscimus. Legitur in Pa-  
 „ralipomenon libris, 2. Paralipomen.  
 „30. 12. Et quidem in Juda facta est

„ minus Dei ut daret illis cor unum, ut  
 „ facerent præceptum Regis & Principum  
 „ in verbo Domini. Item per Ezechielem  
 „ Prophetam Dominus dicit :  
 „ Ezech. 36. 26. 27. Dabo eis cor aliud,  
 „ & spiritum novum dabo eis, & revelam  
 „ cor eorum lapideum de carne eorum;  
 „ & dabo eis cor carneum, ut in  
 „ præceptis meis ambulent, & justificationes  
 „ meas observent, & faciant eas.  
 „ ( Esther. 14. 13. ) Quid est autem quod  
 „ Esther illa regina orat, & dicit, da  
 „ sermonem concinnum in os meum, &  
 „ verba clarifica in conspectu Leonis,  
 „ & converteretur cor ejus in odium in-  
 „ pugnantium nos ? Ut quid ista in ora-  
 „ tione dicit Deo, si non operatur Deus  
 „ in cordibus hominum voluntatem ? Sed  
 „ forte hoc mulier insipienter oravit.  
 „ Videamus ergo utrum inaniter præmis-  
 „ sus fuerit orantis affectus, & consecutus  
 „ non fuerit exaudiens effectus. Ecce  
 „ ingreditur ad Regem. ( Esther  
 „ 15. 5. ) Ne multa dicamus : & quia  
 „ non ordine suo ingrediebatur, magna  
 „ necessitate compulsa, intuitus est eam,  
 „ sicut scriptum est, velut taurus in im-  
 „ petu indignationis suæ. Et timuit regi-  
 „ na, & conversus est color ejus per  
 „ dissolutionem, & inclinavit se super  
 „ caput delicatæ suæ, quæ præcedebat  
 „ eam. Et convertit Deus & transiit  
 „ indignationem ejus in lenitatem. Jam  
 „ sequentia commemorare quid opus est,  
 „ ubi Deum complevisse quod illa roga-  
 „ verat, divina Scriptura testatur, ( Es-  
 „ ther. 16. ) operando in cor Regis,  
 „ quid aliud, quam voluntatem, quæ ius-  
 „ tit, & factum est, quod ab eo regina  
 „ poposcerat ? Quam Deus jam, ut hie-  
 „ ret, exaudierat, ut cor Regis, ante-  
 „ quam mulieris sermonem polcentis au-  
 „ didisset, occultissima & efficacissima po-  
 „ testate convertit, & transiit ab indi-  
 „ gnatione in lenitatem, hoc est, a volun-  
 „ tate lædendi ad voluntatem favendi :  
 „ & secundum illud Apostoli, Phil. 2.  
 „ 13. Deus operatur in vobis velle. Num-  
 „ quid homines Dei qui hæc scripserunt,  
 „ immo ipse spiritus Dei, quo auctore  
 „ per eos ista conscripta sunt, OPPUG-  
 „ NAVIT LIBERUM HOMINIS ARBIT-  
 „ RIUM ? ABSIT. Sed omnipotentis in  
 „ omnibus, & judicium justissimum, &  
 „ auxilium misericordissimum commendavit.  
 „ Sufficit enim scire homini, quod  
 „ non est iniquitas apud Deum. Jamquo-

„ modo ista dispenset, faciens alios se-  
 „ cundum meritum vasa iræ, alios secun-  
 „ dum gratiam vasa misericordiæ, quia  
 „ cognovit sensum Domini, aut quis con-  
 „ siliarius ejus fuit ?

*Ex loci B. Augustinus* propugnat gratiam non solum efficacem, sed & efficacissimam : & saltem secundum nos Thomistas, per se efficacem : attamen tametsi efficacissima & potentissima sit, nihilominus ex D. Aug. manet sub ea voluntas humana liberrima : ratio ejus est, quod gratia non detur ut adimat, sed potius ut faveat & adjuvet liberum hominis arbitrium. Ibidem liber Estheris prædicatur canonicus & a Deo inspiratus.

## De Libro secundo.

VARIOS quoque in hoc libro debellat Pelagianorum errores S. Augustinus, variasque & insulas propulsat calumnias. cap. 3. num. 5. defendit inconcussam Romanæ Cathedræ fidem, maxime Innocentii primi, & Zosimi qui Pelagianam pravitatem proscrisperunt, & licet ille primum benigne audiisset Cælestium, qui hdei confessionem in verbis sanam, sed revera animo hæretico conscriptam, fraude postea detesta, eum anathemate percussit. „ Nunc vero, inquit, num. 5. „ pag. 434. Cum primitus beatissimi Patris Innocentii Litteræ Episcoporum litteris respondentis Afrorum, pariter hunc errorem, quem conantur isti persuadere, damnaverint : successores quoque ejus sanctus Papa Zosimus hoc tenendum esse, quod isti de parvulis sentiunt, nunquam dixerit, nunquam scripserit ; insuper etiam Cælestium se purgare molientem ad consentiendum supra dictis sedis Apostolicæ litteris crebra interlocutione constrinxerit : profecto quidquid interea lenius actum est cum Cælestio, servata dumtaxat antiquissima & robustissima fidei firmitate, correctionis fuit clementissima suasio, non approbatio exitiosissima pravitatis. „

S. Præsul cap. 4. refert gesta in causa Cælestii coram Zosimo Papa cap. 3. n. 9. pag. 436. iterum atque iterum propellit calumnias Pelagianorum, præsertim vero eam quæ liberum arbitrium gratia ab ipso supra modum efficaci prædicata primi effutiebant ; quod centies negat S. Doctor qui unum solummodo incunctanter defendit, vide-



videlicet hominem innatis viribus non posse bonum salutis, seclius gratiæ sanantis & adiuvantis auxilio, operari.

Observe velim, benevole Lector, Pelagianos obijcere S. Augustino gratiam quæ tollit libertatem actus & potentiam ad extrema opposita, ab eo defendi; ipse vero hoc firmiter negat, illanque se asserere testatur: igitur ut solvat argumentum adversariorum, ex professio libertatem indifferentiæ & docet & defendit. Sic ait "

" Jam nunc illa videnda sunt, quæ in Epistola sua nobis objicientes, breviter posuerunt, quibus hæc est nostra responsio. Peccato Adæ arbitrium liberum de hominum natura perisse non dicimus, sed ad peccandum valere in hominibus subditis Diabolo; ad bene autem pieque vivendum non valere, nisi ipsa voluntas hominis Dei gratia fuerit liberata, & ad omne bonum actionis, sermonis, cogitationis adjuva, & n. 10. pag. 437. Ex his eorum verbis intellexi, ob hoc illos, vel putare vel putari velle factum nos asserere sub nomine gratiæ, quia, gratiæ Dei non secundum merita nostra dicimus dari, sed secundum ipsius misericordissimam voluntatem, qui dixit, miserebor, cui misertus ergo, & misericordiam præstabo cui misericors fuero. Ubi consequenter adiunctum est, igitur non volentis, neque currentis, sed miserentis est Dei. "

S. Doctor cap. 6. n. 12. fati definitionem asserit, subditque gratiæ non posse convenire; quippe quæ sit non solum supra stellas & sidera, sed & supra omnem creaturam etiam angelicam, & a Deo optimo promanare, unde nullam vim inferre cordibus, sed suaviter simul & fortiter, pro ut humanæ competit naturæ, ad bonum movere. Cap. 7. n. 13. ostendit non esse acceptionem personarum apud Deum, tamen gratiam uni conferat, alteri vero neget, quod illustrat n. 15. Exemplo Jacob qui præ Esau a Deo dilectus prædicatur antequam quidquam boni aut mali egissent: laudat quoque exemplum duorum filiorum quorum unus tamen meretricis proles baptismum recipit, alter vero mulieris honestæ foras non recipit: deinde concludit, iniustitiam non ideo reperiri in Deo, sed iudicium potius & misericordiam: iudicium in iis qui a regno excluduntur, quia nihil debet filiis iræ: misericordiam vero in aliis qui salvantur & non propter naturæ merita, quatenus gra-

tiam eis misericorditer propter merita dilecti Filii sui concedere complacuit.

*Insurgit* specialiter S. Augustinus contra illud Pelagianorum commentum, quo initium saltem boni operis a natura in se relictâ promanare contendebant, immo & consummationem, tamen hoc ipsum gratiæ adiutorio facilius adimpleri non differerentur: eos autem suo perstringit stylo censorio, eique auctoritate Scripturæ probat, & finem boni operis seu complementum, & initium, quinimmo ipsius boni cupiditatem: quid dico cupiditatem? ipsam boni cognitionem a Deo esse. Cap. 8. n. 18. pag. 443. ait " Audiant & Apostolum. Dominus enim cum Joan. 15. " 5. ait, *Sine me nihil potestis facere*: Hoc uno verbo initium finemque comprehendit. Apostolus vero tanquam sententiæ Dominicæ expositor apertius utrumque distinxit, dicens, Phil. 1. 6. Quoniam qui in vobis opus bonum cepit, perhiciet usque in diem Christi Jesu, sed in Scripturis sanctis apud eundem Apostolum, isto unde loquimur, amplius invenimus. Loquimur enim nunc de boni cupiditate, quam si volunt a nobis incipere, a Domino perfici, videant quid respondeant dicenti Apostolo, 2. Cor. 2. " 5. " *Non quia idonei sumus cogitare aliquid quasi ex nobismetipsis, sed sufficientia nostra ex Deo est.*

S. Doctor eo loci asserit etiam gratiam sufficientem, quam indiget S. P. dum ait, cogitare bonum ex Deo, ut a primigenio omnium gratiarum fonte profuere, & ex ipsa nostram esse sufficientiam. Et vero nomine gratiæ sufficientis intelligimus modo illuminationem quæ bonum operandum proponit, modo salutare boni desiderium: porro sancta cogitatio nonnumquam est absque boni cupiditate, eo quod illuminationi obnitentes quandoque in sola hæremus cogitatione: cogitatio sancta & boni desiderium quandoque absque ulteriori effectu sunt in nobis, quatenus gratiæ resistentes, ad affectum perfectum seu ad actum deliberatum & ad opus nos non accingimus; tunc enim gratia est mere sufficiens, quæ licet actum bonum pro fine habeat, illo tamen culpa nostra privatur: eam esse enim D. Augustini mentem non est relictus ambigendi locus; subdit enim ibidem " *Cogitamus quippe quod cupimus, nec tamen cupimus omne quod cogitamus nonnumquam & quod non cupimus, cogitamus.* "

Clarius circa istud momentum se explicat, dum distinguit duplicem cordis a Deo præparationem; alteram inchoatam, alteram perfectam: inchoata fit illuminationibus interioribus, piis inspirationibus, bonis desideriis, & hæc omnia gratiæ sufficienti tribuuntur; verius dicam, sunt ipsa gratia sufficiens quæ est in nobis sine nobis, infunduntur quippe in animi ejusmodi & illuminationes & inspirationes: perfecta vero præparatio est opus & scetus gratiæ efficax quæ applicat voluntatem ad bonum, quæque cum charitate agit & operatur. Præparationem quæ est per gratiam sufficientem delineat S. Doctor, cum ait, "Nonnumquam & quod quæ non cupimus, cogitamus; eam quoque quæ est cum bono cæpto desiderio, sed absque effectu ex parte nostri describit in l. 8. Confess. cap. 12. stimulatus quippe ad conversionem, diu inter desideria hæsit. Præparationem vero quæ est a gratia efficaci hic cap. 9. n. 19. commemorat; explicans enim ista Prov. 16. 1. verba, *Homini est præparare cor, & a Domino responsio lingue*, subdit: "Quis enim potest sine bona cogitatione ad bonum cor præparare? Absit ut sic intelligant, nisi superbi sui arbitrii defensores & Fidei catholicæ desertores. Ideo quippe scriptum est, *Homini est præparare cor, & a Domino responsio lingue*: quia homo præparat cor, non tamen sine adiutorio Dei. " & n. 21. Quapropter multa Deus facit in homine bona, quæ non facit homo. " Nimirum illuminationes, piis motiones: ecce gratia præveniens & sufficiens: " Nulla vero facit homo, quæ non facit Deus ut faciat homo. " Ecce gratia efficax simul & adjuvans. Deinde gradum facit ad desideria perfecta quæ sunt actus deliberati, quos, adjuvante gratia, elicit homo, quique cum & charitate & amore conjuncti sunt, & hoc dupliciter; primo quidem est amor inchoatus: quis enim cupit & desiderat Deo conjungi, nisi Deus per gratiam ei dulcescere incipiat? deinde est amor & charitas perfecta & actualis qua diligitur Deus propter se, & habitualis quæ cum gratia sanctificante infunditur in justificatione peccatoris.

De amore inchoato & ad justificationem præparatorio loquitur S. Augustinus c. 8. n. 18. pag. 443. "Cum igitur minus sit cogitare quam cupere; potest enim homo cogitare bonum, quod nondum cupit;

Bonic at Theol. Tom. I.

& proficiendo postea cupere, quod antea non cupiendo cogitavit. " & cap. 9. n. 21. pag. 445. "Tunc enim bonum concupisci incipit, quando dulcescere cœperit. " De charitate vero perfecta ibidem ait "Quid est enim boni cupiditas, nisi charitas, de qua Joannes Apostolus sine ambiguitate loquitur, dicens, 1. Joan. 47. Charitas ex Deo est? Nec initium ejus ex nobis; & perfectio ejus ex Deo. " Denique cap. 10. n. 23. pag. 446. concludit librum sententia omnia acceptione digna, Deum nusquam impossibilia jubere, quia dat ut adimpleatur quod jubet. " Quæ cum ita sint, nihil in Scripturis sanctis homini a Domino video juberi probandum liberum arbitrium, quod non inveniatur, vel dari ab ejus bonitate, vel posci propter adiutorium gratiæ demonstrandum.

In his & similibus sententiis omnia distinguit S. Doctor: primo ait præparationem cordis ad bonum incipere opus bonum, & esse a pia & salutari cogitatione: secundo hanc præparationem quandoque sine boni cupiditate reperiri testatur: tertio & cogitationem & bonum desiderium non semel esse absque conversione asserit, cum scilicet peccator hæret inter boni cogitationem & desiderium: adversus enim gratiæ imbrem recrudescentiam suam quandoque procrastinat conversionem: Quarto docet præparationem perfectam, quæ conjunctam habet impii justificationem, esse a gratia præveniente non solum sufficienter & per bonas inspirationes, sed efficaciter, & hoc applicando & determinando voluntatem ad actum. Quæ cuncta si ponderentur, absque magno negotio tum gratiæ, tum libertatis humanæ jura conciliabit. Sic sancta & immaculata, eaque Apostolica & Romana semper tenuit & tenet Ecclesia.

### De Libro tertio.

PERGIT in hoc libro S. Augustinus propellere insulas sibi a Pelagianis illatas calumnias, maxime circa legem Mosaicam, quam veluti malam illum propugnasse conviciabantur. Ait legem esse in se bonam, nec datam fuisse ut peccatores gravissimos faceret: Absit, inquit, hæc dicere, quandoquidem lex bona & optima est, si vero per ejus promulgationem reviviscat peccatum, est per accidens, & defectu hominis, qui videns & cognoscens bonum,

O o ex

ex innata malitia deteriora, prævía mentis electione, sequitur. Jamjam dictum est ex S. Augustino in hoc tantummodo sensu eam peccatum exsuscitare, quatenus homines carnales, qui suam ita corrumperant viam, ut obliuiscantur quædam committentes, præ mentis hebetudine illa esse peccata non arbitrabantur; quocirca Deus dedit legem ut & bonum faciendum, & malum fugiendum ostenderet, adeoque ut homines in posterum essent in peccatis omnibus modis inexcusabiles. In hoc prorsus sensu, ait Apostolus Rom. 7. *Peccatum non cognovi, nisi lex diceret: non concupisces. . . . sine enim lege peccatum mortuum erat*, quatenus ignorantia invincibilis excusat a culpa. Subdit: *Ego autem vivebam sine lege aliquando. Sed cum venisset mandatum: peccatum revixit*, hoc est, per legem cognitum est: & ideo omnis ignorantie excusatio evanuit. Pergit: *Itaque lex quidem sancta, & mandatum sanctum, & iustum, & bonum. Quod ergo bonum est, mihi factum est mors? Absit, sed peccatum, ut appareret peccatum, per bonum operatum est mihi mortem*: id est, qui sciens voluntarie prævaricatur, jam culpa reus est.

Ex his claret quam graviter allucinatur qui legem Moisaicam datam fuisse autumant, ut graviore peccatores, & reprobos faceret: & hanc Augustino assignere sententiam seu potius contumeliam irrogare non erubuerunt: verum quidem est illud agadium, *nitimur in vetitum*, cum aliquid prohibetur, eo ipso homo rebellis & corruptus in hoc magis exardescit, juxta illud Jerem. 2. 30. *A seculo confregisti jugum meum, rupisti vincula mea: & dixisti, non serviam. Ergo lex peccatum inducit, & malos facit?* absit, sed est culpa inobedientis hominis, unde Scriptura non semel dicit: *Ne dixeris per Deum abest: perditio ex te Israel*. Sed audiamus S. Augustinum a calumniis per Pelagianos sibi illata seipsum purgantem: sic loquitur cap. 2. n. 3. pag. 447. *Legem veteris Testamenti nos, ajunt, dicere, non ob hoc datam fuisse, ut justificaret obediētes, sed ut gravioris fieret causa peccati.* Prorsus „ non intelligunt quid de lege dicamus, „ quia id quod dicit Apostolus, quem non „ intelligunt, dicimus. Quis enim non „ dicat, non justificari eos qui sunt legi „ obediētes; quando nisi justificarentur, „ non possent esse obediētes? Sed dici- „ mus lege fieri, ut Deus quid fieri ve-

lit, audiat: gratia vero fieri, ut legi obediatur. Non enim auditores legis, ait Apostolus, justi sunt apud Deum, sed factores legis justificantur. Lex ergo auditores justitie facit, gratia factores. . . . Nec littera malum est, quia occidit; sed malos prævaricatorum res convincit.

In reliquo isto libro multa de veteri lege, ejulque præceptis & cæremoniis discutit relative ad legem Evangelicam, quam quidem altera perfectiorem esse prædicat, quatenus nedum bonum operandum demonstrat, sed gratiam qua fiat largitur, juxta illud Joan. 1. *Lex per Moysen data est, gratia & veritas per Jesum Christum facta est*. Dominus Jesus legem Moisaicam non damnavit, sed laudavit, sed adimplevit, sic enim Matth. 5. effatur: *Non veni solvere, sed implere*. Rursus ibidem: *Iota unum, aut unus apex non præteribit a lege, donec omnia fiant*.

#### De Libro quarto.

Quæ dicit S. Augustinus in hoc libro est veluti priorum librorum appendix & conclusio. Cap. 2. n. 2. refert vanas & insulas liberi arbitrii laudes quibus illud Pelagiani offerebant ut evacuarent gratiam Christi. Idem peragit cap. 4. n. 4. illos hæreticos perstringit n. 6: asserens omnes miseras esse peccati effectus, solumque Christum mortem abique reatu peccati petulisse. Cap. 5. n. 11. Probat existentiam & necessitatem gratiæ adversus negantes: legem enim non gratiam qua bonum facimus, esse testatur. Cap. 6. Iterum in medium adducit fuitiles liberi arbitrii laudes ab hostibus gratiæ indutas. & n. 13. Offendit solum gratiam prævenientem ex reluctantibus facere volentes. n. 14. pag. 476. Variis exquisitisque Scripturæ textibus probat efficaciam gratiæ, qua seclusa, voluntas humana quantumvis libera, iners ad bonum operandum manet. & n. 16. Cur Deus alios, oves faciat; alios, non; refert ad inscrutabilia Dei judicia. Cap. 19. 20. 21. Probat auctoritate SS. Cypriani & Ambrosii peccatum originale: deinde gratiæ necessitatem tum ad initium, tum ad consummationem bonorum operum, maxime vero ad perseverantiam finalem in charitate.

## PUNCTUM SEXTUM.

De Libro cuius hic est titulus, *de Gratia & Libero arbitrio*.

INCASSUM Heterodoxi in suas trahere partes S. Augustinum pro gratia necessitante tentant. Etvero num liberum flet arbitrium sub dominio gratiae operis, quaestio delata est a Valentino Monasterii Adumetini Archimandrita ad S. Doctorem: disceptatio quippe de hoc momento non levis erat inter Monachos. Namque quidam inter eos gratiam ita perimere liberum arbitrium & necessitate autumabant, ut de gestis in vita nullam fore rationem in iudicio Dei tremendo reddendam, multorum esset opinio & sententia.

Dic quaeso, benevole & amantissime Lector, num responsioni S. Doctoris pro isto puncto standum sit? Garriant Protestantes pro more: si dicant S. Augustinum nihil quidquam definire pro controversia, dum gratiae inimicos Pelagianos infestatur, profecto causa cadunt cum aliis haereticis; sicut & cum liberum arbitrium praedicant peccato Adae extinctum, quandoquidem quae dixit in eius gratiam adversus Pelagium S. Augustinus, nusquam retraxit: sed in isto maxime libro ex matutino S. Praeful, interficit omnes peccatores terrae, qui negant hominem in actibus suis non esse liberum libertate vera, eaque actus & indifferentiae od oppositum, de qua solummodo tunc temporis inter illos Monachos circumferebatur disceptatio; quocirca S. Doctor ut faciat satis, & animos perturbatos sedare faciat, exquisitis tum veteris, tum novi Testamenti contextibus hanc propugnat in homine sub dominio gratiae etiam efficacissimae libertatem.

Sanctus Augustinus l. 3. Retr. cap. 66. de motivo quo hunc scripsit librum sic loquitur: "Propter eos, qui, cum defensionem Dei gratiae, putantes negari liberum arbitrium, sic ipsi defendunt liberum arbitrium, ut negent Dei gratiam, asserentes eam secundum merita nostra dari, scripsi Librum, cuius titulus est, *de Gratia & Libero arbitrio*, ad eos autem scripsi Monachos Adumetinos, in quorum Monasterio de hac re coeperat esse contentio, ita ut me consulere aliqui eorum cogerentur."

Rursus in Epist. ad Valentinum priore quae est 214. n. 1. ait: "Venerunt ad nos duo iuvenes, Cresconius & Felix de vestra Congregatione se esse dicentes, qui nobis retulerunt, Monasterium vestrum nonnulla dissensione turbatum, eo quod quidam in vobis sic gratiam praedicent, ut negent hominis esse liberum arbitrium, & quod gravius est, dicant, quod in die iudicii non sit redditurus Deus unicuique secundum opera eius: etiam hoc tamen iudicaverunt, quod plures vestrum non ita sentiant, sed liberum arbitrium adjuvari fateantur per Dei gratiam."

Rursus ibidem n. 2. "Si igitur non est Dei gratia, quomodo salvat mundum? Et si non est liberum arbitrium, quomodo iudicat mundum? Proinde Librum & Epistolam meam quam solum supra dicti ad nos attulerunt, secundum hanc fidem intelligite, ut neque negatis Dei gratiam, neque liberum arbitrium sic defendatis, ut a Dei gratia separetis."

Rursus ibidem n. 5. "Multa erant quae vobis mittere cupiebam; quibus lectis, totam ipsam causam, quae Conciliis Episcopalibus acta est adversus eisdem Pelagianos haereticos, diligentius & plenius nosse possitis: sed festinaverunt fratres, qui ex numero vestro ad nos venerunt; per quos vobis non rescripsimus ista, sed scripsimus. Nullus enim ad nos vestrae charitatis litteras attulerunt: tamen suscepimus quoniam simplicitas eorum satis indicabat, nihil illos nobis potuisse contingere."

Rursus Epist. 2. ad eundem quae est inter Augustinianas 215. ait exponens quaestionis statum: "Soli enim parvuli, qui nondum habent opera propria, vel bona, vel mala, secundum solum originale peccatum damnabuntur, quibus per lavacrum regenerationis non subvenit gratia Salvatoris. Caeteri autem omnes, qui jam utentes libero arbitrio, sua propria peccata originali peccato insuper addiderunt, si de potestate tenebrarum per gratiam Dei non eruuntur."

Et ut multa paucis complectar, eo in libro S. Praeful duplicis generis hominum debellat erroneas circa gratiam opiniones. Quidam enim inter Monachos Adumetinos ex efficacia gratiae liberi arbitrii extinctionem inferebant: alii vero ut intactum servarent, gratiae ad bonum

incipiendum abnuebant necessitatem, hinc ad Pelagianismum declinabant. Omnes revincit S. August. priores quidem ostendendo variis, exquisitisque utriusque Testamenti auctoritatibus libertatem indifferentiæ sub dominio gratiæ quantumvis efficacis, intactam permanere: posteriores vero probando liberum arbitrium se solo ad eliciendos actus supernaturales, secluso Dei auxilio, non valere. Ita colligitur ex Epistolis supra laudatis.

*Juvat* nunc percurrere Librum. Cap. 2. n. 2. Probat S. D. ex divinis præceptis liberum arbitrium in homine lapso remansisse, ita ut eligere vel bonum ad laudem vel malum ad poenam cuniliber fas sit homini: sic loquitur S. Præsul: "Revelavit autem nobis per Scripturas suas sanctas, *Deus*, esse in homine liberum voluntatis arbitrium. Quomodo autem revelaverit, commemoro .... Primum quia ipsa divina præcepta homini non prodesse, nisi haberet liberum voluntatis arbitrium, quod ea faciens ad promissa præmia perveniret. Ideo enim data sunt, ut homo excusationem de ignorantia non haberet: sicut Dominus dicit in Evangelio de Judæis, Jo. 15. 22. "Si non *venissem*, & locutus ei fuisset, peccatum non haberet." Eo loci non solum liberum propugnat S. Augustinus arbitrium, sed illam quoque ignorantiam, quæ vinci potest, adhibita sufficienti diligentia, dicit peccatum.

*Alio medio* probat S. Præsul libertatem indifferentiæ actus, quatenus scilicet homo in peccando inexcusabilis est, eo quod possit declinare a malo, & præ innata malitia non faciat, unde excusatio frustra quaeritur in culpa. Sic peccatores revincit S. Augustinus n. 3. pag. 719. "Deo se excusare conantur, quibus dicit Apostolus Jacobus, Jacob. 1. 3. *Nemo cum tentatur, dicat, quoniam a Deo tentatur. Deus enim intimator malorum est: ipse autem neminem tentat. . . . & liber Ecclesiasticus dicit, Ecclesiast. 15. 11. Ne dixeris quia propter Dominum recessi; quæ enim odis, non facias. Ne dixeris quia ipse me induxit: non enim opus habet viro peccatore. Omne execramentum odit Dominus, & non est amabile timentibus illum. Ipse ab initio fecit hominem, & reliquit eum in manu consilii sui. Si volueris, conservabis mandata, & fidem bonam placitis. Apponis tibi ignem & aquam ad quodcumque*

*volueris extende manum tuam. In conspectu hominis vita & mors, & quodcumque placuerit, dabitur ei.*" Ecce apertissime me videmus expressum liberum humanæ voluntatis arbitrium. "Duo inconcussè propugnat S. Augustinus. Primum quidem hominem ex se posse eligere malum, & illud operari: alterum vero posse quoque bonum salutis, sed modo gratiæ & præveniat & adjuvetur, quæ certe non deficit, unde mandata semper possibilia sunt; maxime vero cum urget præceptum. Sic propugnat S. Doctor multis in locis ut l. 2. contra duas Epist. Pelag. cap. 10. n. 23. pag. 446. his verbis: "Nihil in Scripturis sanctis homini a Domino video juberi propter probandum liberum arbitrium quod non invenitur VEL DARI AB EJUS BONITATE, VEL POSCI PROPTER ADJUTORIUM GRATIÆ DEMONSTRANDUM."

*Pergit* S. Augustinus, & primum fusiori calamo explanat argumentum, videlicet probando inesse homini libertatem indifferentiæ ex mandatis ipsi impositis ad laudem, cum hæc penes sint voluntatis electionem. Hoc ipsum demonstrat undecim ex veteri Testamento depromptis, septendecim vero ex novo desumptis auctoritatibus.

Capite 3. n. 5. Commemoratur eos, qui legem audierunt & mandata, eis tamen ex cæcitate voluntaria obedire noluerunt. Cæteros vero qui nec legem, nec mandata noverunt: illos perituros, istos judicandos, omnes e regno Dei exules prædicat; ita tamen quod mitius erit pro eis qui in infidelitate negativa mortui sunt. "Quia ergo, inquit, noverunt divina mandata, auferunt eis excusatio, quam solent homines habere de ignorantia. Sed nec ipsi sine poena erunt, qui legem Dei nesciunt. *Qui enim sine lege peccaverunt, sine lege peribunt: qui autem in lege peccaverunt, per legem judicabuntur.* Rom. 2. 12. Quod mihi non videtur Apostolus ita dixisse, tanquam pejus aliquid significaverit esse passuros, qui legem nesciunt in peccatis suis quam illos qui sciunt. Pejus enim videtur esse perire, quam judicari: sed cum hoc de Gentibus & de Judæis loqueretur, quia illi sine lege sunt, isti autem legem acceperunt, quis audeat dicere Judæos qui in lege peccant, non esse perituros, cum in Christum non crediderint; quandoquidem de illis dictum est, *per legem judicabuntur*? Sine fide enim

» Chri-

Christi nemo liberari potest, ac per hoc ita judicabuntur ut pereant. Nam si peior est condicio nescientium, quam scientium legem Dei, quomodo verum erit quod Dominus in Evangelio ait, Luc. 12. 47. & 48. *Servus qui nescit voluntatem Domini sui, & facit digna plagis, vapulabit pauca; servus autem qui scit voluntatem Domini sui & facit digna plagis, vapulabit multa?* Ecce ubi ostendit gravis peccare hominem scientem quam nescientem. Nec tamen ideo confugiendum est ad ignorantie tenebras, ut in eis quisque requirat executionem. Aliud est enim nescisse, aliud scire noluisset. Voluntis quippe in eo arguitur, de quo dicitur Psal. 35. 4. *Noluit intelligere ut bene ageret.* Sed & illa ignorantia quæ non est eorum qui scire nolunt, sed eorum qui tanquam simpliciter nesciunt, neminem sic excusat, ut sempiterno igne non ardeat, si propterea non creditur; quia non audit omnino quid crederet; sed fortasse ut mitius ardeat. Non enim sine causa dictum est Psal. 78. 6. *Effunde iram tuam in Gentes quæ se non noverunt.* Et illud quod ait Apostolus 2. Thessal. 18. *Cum veneris in flamma ignis dare vindictam in eos, qui ignorant Deum.* Verumtamen ut habeamus & ipsam scientiam, ne dicat unusquisque nescivi, non auctori, non intellexi, voluntas convenit humana, ubi dicitur Psal. 31. 9. *Nolite esse sicut equus & mulus, quibus non est intellectus,* quavis peior appareat, de quo dictum est Proverb. 29. & 19. *Verbis non emendabitur servus durus: si enim intellexeris, non obaudiet.* Quando autem dicit homo, non possum facere quod præcipitur, quoniam concupiscentia mea vincit: jam quidem de ignorantia non habet excusationem, nec Deum causatur in corde suo, sed malum suum in se cognoscit & dolet; cui tamen dicit Apostolus Roman. 12. 21. *NOLI VINCI A MALO, SED VINCE IN BONO MALUM.* Et utique cui dicitur: *NOLI VINCI, ARBITRIUM VOLUNTATIS EJUS SINE DUBIO CONVENITUR. VELLE ENIM ET NOLLE PROPRIÆ VOLUNTATIS EST.*

Et loci duo pertrahat momenta S. Doctor. Alterum de ignorantia, alterum de concupiscentia. Questionem primam movet de jure positivo, videlicet de cogni-

tione Christi per legem Evangelicam: & attulerit Judæos perituros, & gravius quam Gentes, esse puniendos, quippe qui audierint & credere noluerint: non ideo tamen per ignorantiam invincibilem ita mündantur seu exculantur Gentes, ut absque fide in Christum salvandi sint, nam sine fide nemo salvabitur: cum igitur peccato originali, & infidelitate teneantur, haud dubie a regno Dei propelluntur, sed mitius ardebit Gentilis quam Judæus qui sciens noluit credere. Ergone ignorantia invincibilis juris positivi & Evangelici peccatum est? absit; nec ipse refragarur Janfenius. S. Augustinus l. 1. contra duas Epistolas Pelag. n. 6. & 7. eam solam ignorantiam dicit esse peccatum, quæ est voluntaria. Jusse tamen damnabitur Gentilis & propter peccatum originale, & propter alia peccata, immo & quodammodo propter infidelitatem, quatenus poterat legem naturalem, adjuvante Deo, adimplere, & adimplendo attrahere vel illuminationem interiorum, vel prædicationem ut de fide in Christum instrueretur, & credendo salvaretur: sic propugnat Divus Thomas fidelis S. Augustini interpres q. 14. de verit. art. 11. ad 1. hoc ipsum & prædicat & docet S. Aug. ut fusius suo loco dicemus.

Questionem alteram de concupiscentia dimittit S. Præsul, & huic respondet objectioni, *concupiscentia mea vincit*: ne igitur aliquis excusationem in peccato quaerat, attulerit neminem concupiscentia ad peccatum necessario compelli, nec concupiscentiam esse peccatum donec accedat propriæ voluntatis consensus, quod probat S. Doctor ex præceptis & consiliis quibus Deus hortatur peccatorem ne cedat concupiscentiæ titillanti, quæ quidem exhortatio sicut inutilis, sic & injusta foret, si homo concupiscentia necessitaretur ad peccandum: ubi enim adest necessitas, ibi consilium frustra exhibetur, & tamen Deus, non aliam & levem, sed omnem quantumvis gravem, vult vinci ab homine tentationem; ne cedat, illum adhortatur, ita S. Augustinus: *Noli vinci, arbitrium voluntatis ejus sine dubio convenit.* Idem docet l. 1. contra duas Epist. Pelag. cap. 3. n. 7. pag. 722.

Sanctus Augustinus cap. 4. n. 7. Probat Scripturarum testimonii necessitatem gratiæ ad præcepta adimplenda. Proinde carissimi, sicut superioribus testimoniiis

„sanctarum Scripturarum probavimus, ad bene vivendum & recte agendum esse in homine liberum voluntatis arbitrium, sic etiam de gratia Dei, sine qua nihil boni agere possumus, quæ sint divina testimonia, videamus. Idem prosequitur n. 8. 9. & n. 10. pag. 23. sic. liberum arbitrium consociat. Cum dicit Deus Zach. 1. 3. *Convertimini ad me, & convertar ad vos*: unum horum videtur esse nostræ voluntatis, idest, ut convertamur ad eum; alterum vero ipsius gratiæ, idest, ut etiam ipse convertatur ad nos. Unde exp. 6. n. 15. pag. 726. ait: „Dona sua coronat Deus, non merita tua.”

Capite 7. n. 18. docet S. Doctor & fidem sine operibus ad salutem & justificationem non sufficere. Cap. 8. n. 19. hanc proponit questionem, quomodo vita æterna dici possit simul & gratia & merces seu corona. Solvit n. 20. & 21. dicendo illam esse gratiam, quatenus bona opera quibus comparatur, secluso Dei auxilio non sunt: eatenus vero coronam esse, quatenus bona opera a voluntate humana promanant.

Capite 13. n. 25. ait: „Si ex natura iustitiæ, ergo Christus gratis mortuus est.” & n. 26. Probat gratiam perutilem esse non solum ad remissionem peccatorum præteritorum, verum etiam ad futura præcavenda.

Capite 15. n. 31. p. 734. ait hominem posse adimplere mandata, quia Deus adjuvat ut possimus. *Dabo vobis cor novum, & spiritum novum dabo in vobis*, Ezech. 36. 26. Quomodo ergo qui dicit, *facite vobis*: hoc dicit, *dabo vobis*? Quare jubet, si ipse daturus est? Quare dat si homo facturus est? nisi quia dat quod jubet, cum adjuvat ut faciat cui jubet? Semper est autem in nobis voluntas libera, sed non semper est bona. Aut enim a iustitia libera est, quando servit peccato, & tunc est mala, aut a peccato libera est quando servit iustitiæ, & tunc est bona. Gratia vero Dei semper est bona, & per hanc fit ut sit homo bonæ voluntatis, qui prius fuit voluntatis malæ. Per hanc etiam fit, ut ipsa bona voluntas, quæ jam esse cœpit, augeatur, & tam magna fiat, ut possit implere divina mandata quæ voluerit, cum valde perfectæque voluerit. Ad hoc enim valet quod scriptum est Eccli. 15. sec. LXX. Si

*volueris, conservabis mandata*: ut homo qui voluerit, & non potuerit, nondum se plene velle cognoscat, & oret ut habeat tantam voluntatem, quanta sufficit ad implenda mandata. Sic quippe adjuvatur, ut faciat quod jubetur: tunc enim utile est velle, cum possumus; & tunc utile est posse, cum volumus: nam quid prodest, si quod non possumus, volumus, aut quod possumus, nolumus?

Quatuor eo loci ostendit S. Augustinus: primo quidem nostram sufficientiam esse a Deo qui sua nobis reddit mandata possibiliter: secundo hoc fieri per gratiam prævenientem qua voluntas incipit esse bona, quæ quidem gratia vocatur sufficiens: tertio idem perfecte fieri per gratiam operis & efficaciam quæ jungit potentiam cum actu, & hoc vocat posse quod jubetur, idest facere. Denique voluntatem humanam sub utriusque gratiæ dominio manere liberam.

Capite 16. n. 32. idem susius pertrahit, probatque & mandatorum possibilitatem, & liberum voluntatis arbitrium, præparatum quidem a gratia, sed nusquam necessitatum: denique efficaciam gratiæ adjuvantis quæ facit facere quod jubetur. Contra luxuriam Deus quam multa mandavit: faciat ea, quia si voluerit conservabit mandata. Quid est quod clamat ad Deum Eccli. 23. 6. *Ventris appetitus & concubitus ne apprehendant me*? Si hæc ei præcipienti dicemus, rectissime nobis responderet & diceret, ex ista oratione mea, qua hæc a Deo peto, intelligite quomodo dixerim si volueris conservabis mandata. Certum est enim nos mandata servare si volumus; sed quia præparatur voluntas a Domino, ab illo petendum est ut tantum velimus, quantum sufficit ut volendo faciamus. Certum est nos velle cum volumus, sed ille facit ut velimus bonum, de quo dictum est Prov. 8. sec. LXX. quod paulo ante posui: *Præparatur voluntas a Domino*: de quo dictum est Pl. 36. 23. *A Domino gressus hominis dirigentur, & viam ejus volet*: de quo dictum est Phil. 2. 13. *Deus est qui operatur in vobis ea velle*. Certum est nos facere cum facimus, sed ille facit ut faciamus, præbendo vires efficacissimas voluntati, qui dixit Eccli. 36. 27. *Faciam ut in justificationibus meis ambuletis, & judicia mea observetis & faciatis*. Cum dicit Eccli.

11. 19. & 36. 26. *Faciam ut faciat* : quod aliud dicit : *Nisi auferam a vobis cor lapideum*, unde non faciebatis : *Et dabo vobis cor carneum*, unde faciat ? Et hoc quid est, nisi auferam cor durum, unde non faciebatis ; & ideo cor obediens, unde faciat ? Ille facit ut faciamus, cui dicit homo Psalm. 38. 2. *Pone, Domine, cussodium ori meo*. Hoc est enim dicere, fac ut ponam cussodium ori meo : quod beneficium Dei jam fuerat consecutus, qui dixit Psalm. 140. 3. *Posui ori meo cussodium*.

Certe in illo loco S. Augustinus prædicat gratiam efficacissimam, & secundum multorum gravissimorum Theologorum interpretationem, ubi gratiam propugnat per se efficacem ; eam tamen ita suavem commemorat, ut non lædat, sed sanet, sed roboret, sed adjuvet liberum arbitrium ; hinc hominem adjuvum, aliter ipsum facere bonum, quod elegit & vult, & adimplere mandata quia vult : & ne circa istud momentum aliquis maneat in legentibus scrupulus, S. Doctor hanc perpetuo repetit sententiam, *si volueris, conservabis mandata* : unum tantummodo exigit S. Doctor, ut liberum voluntatis arbitrium gratia præparetur & adjuvetur, & hoc ipsum, si imbecit gratiæ fateantur, nulla manet inter eos & cum de gratia Mediatoris controversia. Prædicat ibi liberum voluntatis arbitrium, iterum atque iterum asserit peccato Adæ infirmum, sed nusquam extinctum : illud cum gratia quantumvis efficaci confociat : modo jura gratiæ serventur, nihil ultra expostulat. Quid suavius ?

Capite 17. n. 33. pag. 736. Eandem prosequitur materiam de possibilitate mandatorum, adjuvante gratia, & sic loquitur : *Qui ergo vult facere Dei mandatum & non potest, jam quidem habet voluntatem bonam, sed adhuc parvam. & invalidam : poterit autem, cum magnam habuerit & robustam. Quando enim Martyres magna illa mandata fecerunt, magna utique voluntate, hoc est, magna caritate fecerunt : de qua caritate ipse Dominus ait Joan. 15. 13. *Majorem hac caritatem, nemo habet, quam ut animam suam ponat pro amicis suis*. . . ipsam caritatem Apostolus Petrus non dum habuit, quando timore Dominum ter negavit. 1. Joan. 4. 18. *Timor enim, non est in caritate*, sicut ait Joannes Evangelista in Epistola sua, sed*

*perfecta caritas foras mittit timorem*. Et tamen quamvis parva & imperfecta, non deeat, quando dicebat Domino Joan. 13. 37. *Animam meam pono pro te* : putabat enim se posse, quod se velle sentiebat. Et quis istam etiam parvam dare coeperat caritatem, nisi ille qui præparat voluntatem, & cooperando perficit, quod operando incipit ? Quoniam iple ut velimus, operatur incipiens, qui volentibus cooperatur perficiens. Propter quod ait Apostolus Phil. 1. 6. *Certus sum, quoniam qui operatur in vobis opus bonum, perficiet usque in diem Christi Jesu*. Ut ergo vidimus, sine nobis operatur, cum autem volumus, & sic volumus ut faciamus, nobiscum cooperatur : tamen sine illo vel operante ut velimus, vel cooperante cum volumus, ad bona pietatis opera nihil valemus. De operante illo ut velimus, dictum est, *Deus est enim qui operatur in vobis & velle*. De cooperante autem cum jam volumus & volendo facimus : *Scimus*, inquit, *quoniam diligentibus Deum omnia cooperantur in bonum*.

Miror Janfenium l. 3. de gr. Christi c. 13. hunc S. Augustini locum celebrare, ut probet quadam mandata etiam iustis, etiam conantibus esse impossibilia, cum ex hac auctoritate contrarium manifeste sequatur : primo ex scopo S. Doctoris qui eo in libro unum maxime intendit probare, videlicet liberum voluntatis arbitrium integrum manere sub dominio gratiæ quantumvis efficaci, & hoc adversus multos Monasterii Adremetini Monachos qui aliter sentiebant. Secundo hoc ipsum constat ex variis S. Augustini sententiis qui eo loci omnem gratiæ æconomiam delineat, ne super sit aliqua circa ejus de libertate humana sub dominio gratiæ efficaci opinionem suspicio : namque loquitur de duplici posse, altero se tenente ex parte actus primi, quod nomine auxilii sufficientis a multis sæculis celebratur in scholis : altero se tenente ex parte actus secundi quod jungit actum cum potentia, & quod gratiam vocamus efficacem, nos Thomistæ per se efficacem : primum actum extenus S. Aug. vocat caritatem inchoatam, quatenus peccator gratia præventus incipit velle Deum & amare ut bonum sibi ipsi utile & juxta Tridentinum ut totius iustitiæ fontem ; caritatem imperfectam & invalidam, quatenus.



nus seminat in nobis quoddam bonum desiderium: hoc posse a S. Augustino vocatur præparatio a Domino, sed adhuc imperfecta, quandoque enim peccator hæret in desideriis; alterum actum & posse appellat S. Præsul caritatem perfectam, live efficientem, quatenus gratia efficax facit ut facimus, scilicet ut peccator eliciat contritionis actum quo perfecte convertitur ad Dominum: live formaliter, quando actus ab ipsa caritate habituali elicitur, ut in Martyribus, qui præ magno in Deum amore animam suam pro hie posuerunt; porro illud posse habet teste S. Aug. actum conjunctum, & gratiæ tribuitur efficaciam, quippe quæ faciat facere. Ex eodem proximum & expeditum ad actum, operatur Deus in nobis sine nobis; alterum vero habet actum conjunctum, & istum nobiscum operatur idem Deus optimus: ex quo patet quomodo jus humanæ libertatis sub dominio gratiæ servetur, cum exigit Deus nostram cooperationem, quæ nonnisi prævia boni primum inspiratione electione, fit.

*Beatus Petrus* ex S. Augustino habebat parvam caritatem, bonum desiderium, primum posse, primam præparationem quæ est a gratia præveniente & sufficienti; namque illa imperfecta caritas erat a gratia, sed certe non triumphanti, cum hærens in desideriis Christum timore perterritus negaverit: Martyres vero habuerunt perfectam & hoc per gratiam valde efficacem quæ facit facere. Quid ergo intendat S. Doctor cum ait. "Qui ergo vult facere Dei mandatum & non potest, jam quidem habet voluntatem bonam, sed adhuc parvam & invalidam." Certe hoc non est propugnare mandata esse impossibilia, cum loquatur S. Aug. de homine jam gratia prævento, de homine jam habente bonam voluntatem & caritatem imperfectam: hæc quippe contradictoria sunt: sed vult summum illud non habere posse conjunctum cum actu, videlicet gratiam operis & efficaciam. "Poterit autem, inquit, S. Doctor, cum magnam habuerit & robustam. Quando enim Martyres magna illa mandata fecerunt, magna utique voluntate. Hoc est magna caritate fecerunt." Ecce opus: ecce posse conjunctum cum actu, ecce S. Augustinus sui ipsius interpret. Quod autem primum posse sit a gratia sufficiente & præparante, alterum vero a gratia efficaci, patet quod

primum posse quandoque sit absque secundo, patet etiam in Petro qui illud, non istud habebat, quando Christum negavit: hæc cuncta notat & inculcat S. Præsul qui de Petro sic loquitur: *Putabat enim se posse, quod se velle sentiebat*: ex quo se velle sentiebat? nisi per gratiam sufficientem. Pergit & qualis sit illa gratia, magis aperit: *Quis istam, & parvam dare coeperat caritatem, nisi ille qui præparat voluntatem, & cooperando perficit, quod operando incipit? Quoniam ipse ut velimus operatur incipiens, qui volentibus cooperatur perficiens.*

Parva caritas & invalida est pia motio quæ præparatur voluntas a Domino, quæque est in nobis sine nobis: si homo resistat, ut Petrus, quando ipse negavit Christum; jam hæret in illo desiderio: hinc tamen habet posse proximum & expeditum ad agendum, non tamen præ resistantia habet actum perfectum & deliberatum, quem S. Augustinus vocat caritatem perfectam atque robustam, sicut evenit Petro. Verum si illuminatus & motus, atque præparatus a Domino non obnascitur, Deus quod incipit seminando bona desideria, perficit operando per gratiam efficacem quæ quidem uberius præparat voluntatem, illam scilicet fortiter excitando, immo & applicando, quocirca infert conversionis actum. Audiamus iterum S. Augustinum eo prorsus modo sese explicantem: *Ut ergo velimus, sine nobis operatur: ecce bonum desiderium, ecce pia motio, eaque indeliberata quæ est in nobis sine nobis gratia præveniens, gratia præparans & sufficiens: subdit. Cum autem volumus, & sic volumus ut faciamus, nobiscum cooperatur.* Ecce consensus & actus deliberatus atque perfectus, qui est a gratia efficaci: ita tamen ut initium & consummatio operis sit a Deo præveniente & adjuvante: *Tamen sine illo, inquit Aug. vel operante ut velimus, vel cooperante cum volumus, ad bona pietatis opera nihil volumus.*

Vide, pie & cordate Lector, quam aberret sententia Jansenii a vera & genuina S. Augustini de possibilitate mandatorum.

#### PUNCTUM SEPTIMUM.

De Libro qui inscribitur, *de correctione & Gratia.*

Quoniam pacem inter Monachos Adremuntinos de efficacia gratiæ dissidentes, com-

ponere posse putaverat S. Augustinus, qui mira de gratia & libero arbitrio scripsit, novas movit in animis multorum tragedias: quidam enim efficaciam gratiæ in sensu a sancto Præsule intento, longe alieno iterum atque iterum intelligentes, ex ea nullum remanere correctioni locum propugnabant: unde & ecce nova de die in diem inter fratres conturbatio, novus quæstus, nova in pejus de energia gratiæ discrepatio.

De hoc momento Valentinus Archimandrita in Epistola quæ est inter Augustinians 216. certum facit S. Doctorem. "Ceperunt, inquit, memorari Fratres, qui omnia subverterunt, innocentum animas commovere, mea pravitate peccatus ignorante, in tantum Conventus illorum murmurantis nescii, ut nisi Frater Florus de Carthagine repedans, & eorum perturbaciones agnoscens mihi sollicite nuntiasset, furiva & tanquam servilis erat inter eos de non intelligenda veritate contentio. . . Hoc credimus, docente te, venerabilis Pater, quia Dominus interrogat iustum & impium, quia a dextris & a sinistris positus bonis & malis imputat remuneranda opera pietatis, enumerat puniendam tenacitatem impietatis. Ubi erit gratia, quando pro sui qualitate dispensentur opera, sive bona sive mala?" Pergit ibidem: "Sed cur non directum non timet proferri mendacium? Liberum arbitrium Dei gratia curatum non negamus; sed per Christi quotidianam gratiam proficere credimus, & adjuvari confidimus. Quid homines dicunt, in mea est potestate, & ut faciam bonum? Si tamen facerent homines bonum. O inanis gloriatio miserorum! quotidie peccata arguunt, & ipsi sibi assument nudum liberum jactantes arbitrium, non discutientes conscientiam suam, quæ non potest curari nisi per gratiam."

Ex his liquet omnes discrepantes, quorum alii ex efficacia gratiæ & libertatem & correctionis locum adimi putabant, alii ut jura liberi arbitrii secundum suamphantasiam servarent, gratiæ explodebant necessitatem, in sua tunc temporis remanuisse sententia, ad quos revincendos novum scripsit S. Augustinus librum cuius titulus est, de *Corruptione & Gratia*: in quo quidem & gratiæ necessitatem atque efficaciam prædicat, & correctionem pec-

cantibus, etiam impiis, etiam obduratis, etiam reprobis ad ultimum usque vitæ terminum absque intermissione fieri debere contendit.

Ipsæ de motivo istud elucidandi opus l. 2. Retr. cap. ult. sic loquitur. "Rursus ad eosdem scripsi alterum librum quem de corruptione & gratia prænotavi, cum mihi nuntiatum esset dixisse ibi quemdam, neminem corripiendum, si Dei præcepta non facit, sed pro illo, ut faciat, tantummodo orandum. Hic liber sic incipit: *Lesisti litteris vestris, Valentine frater dilectissime.* Incipit S. Augustinus librum gratulandum Valentinum quod inter ejus Monachos multum tenerent, in *Dominio pacem, & in veritate consensum*. Postea n. 2. distinguit id quod est a lego, id quod a libero arbitrio; id vero quod est a gratia: lex, testis S. Doctore, bonum faciendum, malum vero fugiendum monstrat, liberi arbitrii munus est eligere, sed gratia & bonum inspirat & adjuvat ut fiat. "Qui ergo legitime lege utitur, discit in ea malum & bonum, & non confidens in virtute sua, confugit ad gratiam, qua præstante declinet a malo & faciat bonum. . . . Ac per hoc & desiderare auxilium gratiæ, initium gratiæ est. . . . Liberum itaque arbitrium & ad malum & ad bonum faciendum confitendum est nos habere: sed in malo faciendo liber est quisque justitiæ, servusque peccati; in bono autem liber esse nullus potest, nisi fuerit liberatus ab eo qui dixit, Joan. 8. 36. *Si vos Filii liberaveritis, tunc vere liberi eritis.* " Hoc est nullus hominum, secluso gratiæ auxilio, potest operari bonum salutis: ibidem gaudet hanc invenisse fidem in Floro Monacho Adumetino; " Unde, inquit, hi potius corrigendi sunt, quos quidem propitio Deo correcto esse jam existimo, qui eum non intelligebant. "

Capite 2. nu. 3. sic delineat S. Doctor gratiam Mediatoris. "Intelligenda est enim gratia Dei per Jesum Christum Dominum nostrum, qua sola homines liberantur a malo, & sine qua nullum prorsus sive cogitando, sive volendo & amando, sive agendo faciunt bonum. " Probat vero multis, exquisitisque Apostoli auctoritatibus hanc gratiam a qua ipse boni inspiratio venit & promanat a Deo: hanc vero adversus efficaciam gratiæ objectionem proponit nu. 4. "Non se itaque

fallant, qui dicunt, *Ut quid nobis prædicatur atque præcipitur ut declinemus a malo & faciamus bonum, si hoc nos non agimus, sed id velle & operari Deus operatur in nobis?* Scivit vero asserendo nos utique agere, sed ad hoc gratia nos indigere contendit: "Sed potius intelligant, inquit, si Filii Dei sunt, spiritu Dei se agi, ut quod agendum est, agant; & cum egerint, illi a quo agunt gratias agant. Aguntur enim ut agant, non ut ipsi nihil agant; . . . Quando autem non agunt, sive omnino non faciendo, sive non ex charitate faciendo; orant, ut quod nondum habent, accipiant. "

*Infantiam* contra ejusdem gratiæ energiam refert c. 3. n. 5. Ergo, inquit, præcipiant tantummodo nobis quid facere debeamus qui nobis præsent, & ut faciamus orant pro nobis: non autem nos corripiam & arguant, si non fecerimus; eam vero dirimit auctoritate Apostoli qui 1. Corint. 6. Corrigit inquietos, & orat pro eis ut charitate flagrent. "Præcipit, inquit, Aug., ut habeatur charitas: corripit, quia non habetur charitas: orat, ut abundet charitas. O homo, in præceptione cognosce quid debeas habere, in correptione cognosce tunc te vitio non habere, in oratione cognosce unde accipias quod vis habere. "

*Invalens* inimicus gratiæ & c. 4. n. 6. sic loquitur: *Quomodo, inquit, meo vitio non habetur, quod non accepi ab illo, a quo nisi detur, non est omnino aliud unde tale ac tantum munus habeatur?* Ad hæc, inquit S. Præsul n. 7. respondemus: quicumque Dei præcepta sunt tibi nota non facis, & corripis non vis, etiam propterea corripiendus es, quia corripis non vis. Non vis enim tibi tua vitia demonstrari: non vis ut seriantur, si tibi tibi utilis dolor, quomedicum quæras: non vis tibi tu ipse ostendi, ut cum deformem te vides, reformatorem desistas, eique supplices, ne in illa remaneas sorditate. "Corruptio ex S. Augustino perutilis est peccatori, & ut deterreatur a malo patrandum, & ut de vitio erubescens, quærat medicum quo sanetur. Obstupescit iterum adversus gratiæ auxilii necessitatem, & efficaciam. cap. 6. n. 9. *Apostolus* inquit, ait 1. Cor. 4. 7. *Quis enim te discernit? Quid autem habes quod non accipisti? Si autem & accepisti, quid gloriaris, quasi non acceperis?* "Cur

ergo corripimur, arguimur, reprehendimur, accusamur? Quid facimus, qui non accipimus?"

*Respondet* ibidem S. Aug. & nondum regeneratos, & jamjam regeneratos jussu corripit: non regeneratos quidem, nametsi peccatum originale a protoparente traxerint, est tamen etiam suum, quatenus omnes in Adam peccaverunt, unde corripit debent, ut desideret regenerationem: cæteros quoque ut gratiam propriam & sola culpa amissam recuperent. "Peccata quidem ista originalia ideo dicuntur aliena, quod ea singuli de præparentibus trahunt: sed non sine causa dicuntur & nostra, quia in illo uno omnes, sicut dicit Apostolus, peccaverunt. Corripitur ergo origo damnabilis, ut ex dolore correptionis voluntas regenerationis oriatur: si tamen qui corripitur filius est promissionis, ut strepitu correptionis forissecus infonante ac flagellante, Deus in illo intrinsecus occulta inspiratione operetur & velle. Si autem jam regeneratus & iustificatus in malam vitam sua voluntate relabitur, certe ille non potest dicere, non accepi: quia acceptam gratiam Dei suo in malum libero amittit arbitrio. Qui si correptione compunctus salubriter ingemuit, & ad similia bona opera vel etiam meliora revertitur: nempe hic apertissime utilitas correptionis apparet. "

*Persistit* hostis gratiæ n. 10. "An adhuc, & ille nolens corripit, & potest dicere, quid ego feci, qui non accepi? Quem constat accepisse, & sua culpa quod acceperat amisisse? "Possum, inquit, possum omnino, quando me arguis, quod ex bona vita in malam meam voluntate relapsus sum, dicere adhuc, quid ego feci, qui non accepi? Accepi enim fidem quæ per dilectionem operatur: sed in illa usque in finem perseverantiam non accepi. An quisquam dicere audebit istam perseverantiam non esse donum Dei, & hoc tam magnum bonum ita esse nostrum, ut quisquam id habuerit, non ei possit Apostolus dicere. "Quid enim habes quod non accepisti? quoniam hoc sic habet, ut non accipit. 1. Cor. 4. 7.

*Solvit* istud argumentum B. Augustinus concedendo perseverantiam finalem esse summum Dei donum, quod variis Scripturæ sententiis probat. Deinde c. 7. n. 11. subjungit, multis denegari; quibusdam

dam quidem propter peccatum originale ut pueris, & etiam infidelibus qui nihil de fide in Christum, sine qua non est salus, audierunt: istis vero aliis, qui audierunt, propter peccatum actuale. Quæ cum ita sint, corripimus tamen eos, justoque corripimus qui cum bene viverent, non in eo perseveraverunt. Ex bona quippe in malam vitam sua voluntate mutati sunt: & ideo correptione; etsi nihil eis correptione profuerit, sed in vita perditam usque ad mortem perseveraverint, etiam divina in æternam damnatione sunt digni.

S. Præsul loquitur, n. 13. de electis qui perseverantiam finalem accipiunt, quibus omnia cooperantur in bonum, etiam peccata, quatenus si exorbitant, humiliati per poenitentiam ad maiorem redeunt gratiam: eos ibidem vocat electos secundum propositum, hoc est per misericordiam, & non secundum naturæ merita: Sed quoniam secundum propositum vocati sunt, profecto & electi sunt per electionem, ut dictum est, gratiæ, non præcedentium meritorum suorum, quia gratia illis est omne meritum. Idem repetit n. 23. & 24.

Unum maximi momenti observat S. Doctor cap. 8. n. 17. videlicet gratiam perseverantiæ tametsi fortissimam, & insuperabilem, non solum humanam non auferre libertatem, verum potius augere, quinimo, ex professo hoc probat, ut inquietorum hominum sedare valeat scrupulum, atque gratiam quantumvis efficacem non adimere libertatem indifferentiæ actus, contrarium tamen illi Monachi Aduerterni tanquam pro Aris & Focis defendebant, & de hac gratia efficacissima erat potissimum controversia, Ecce, inquit, quemadmodum secundum gratiam Dei, non contra eam, libertas defenditur voluntatis. Voluntas quippe humana non libertate consequitur gratiam, sed gratia potius libertatem, & ut perseveret, delectabilem perpetuitatem, & insuperabilem fortitudinem.

Hanc statuit S. Præsul discrepantiam inter largitionem gratiæ & libertatem, quod gratia sit in nobis sine nobis: libertas vero, gratia præparante & adjuvante, sit in nobis, dum, relicto malo, eligimus bonum.

Rursus cap. 11. n. 31. de gratia efficaci, plurimum instituit sermonem, eamque gratia Adami si non lætior, fortior

tamen & abundantior prædicat: sed attendas velim, benevole Lector, istam gratiam per se efficacem, non solum juxta S. Augustinum non lædere libertatem, sed potius restaurare. Audiamus S. Doctorem loquentem primum de gratia Adami, deinde de altera: Nec illa quidem parva erat, qua demonstrata est etiam potentia liberi arbitrii, quoniam sic adjuvabatur, ut sine hoc adiutorio in bono non maneret, sed hoc adiutorium si vellet, desereret. Hæc autem tanto major est, ut parum sit homini per illam reparare perditam libertatem, parum sit denique non posse sine illa vel apprehendere bonum, vel permanere in bono si velit, nisi etiam efficiatur ut velit. Eo loci S. Augustinus egregie libertatem humanam cum gratia valde efficaci consociat: quandoquidem & libertatem perditam per gratiam restaurari, & hominem in bono perseverare ad nutum & si velit, posse prædicat.

Rursus cap. 12. n. 35. asserit liberum arbitrium in hoc præsentis naturæ lapsu statu non solum manere intactum sub dominio gratiæ efficacissimæ, sed majorem quam in statu innocentie, libertatem requiri & necessarium esse, ut, terrente vel alliciente mundo, voluntas eligat bonum & vincat tentationes: ætvero in statu innocentie Adam utpote in gratia & absque defectu conditus de se & veluti ex impetu ad bonum operandum pronus & inclinatus erat, nunc e contra.

MAJOR QUIPPE LIBERTAS EST NECESSARIA ADVERSUS TOT ET TANTAS TENTATIONES, QUÆ IN PARADISO NON FUERUNT, DONO PERSEVERANTIÆ MUNITA ATQUE FIRMATA, UT CUM OMNIBUS AMORIBUS, TERRORIBUS, ERRORIBUS SUIS VINCATUR. HIC MUNDUS: HOC SANCTORUM MARTYRIA DOCUERUNT.

A capite octavo usque ad decimum quartum perpetuus est sermo de gratia Adæ & Christi: gratiam Mediatoris non quidem altera lætior sed abundantior, & efficacior extenuis prædicat, quatenus non solum posse perseverare ut primi, sed & actu perseverare consert. Capite 11. num. 29. ait Adamum habuisse magnum sed disparem a nobis gratiam: quandoquidem ille, beneficio Creatoris, justus & absque vitio creatus est: nos vero naturæ filii iræ gratiam ex meritis Christi & obtinemus, & thesaurum in vasis fictilibus, quæ sibi

ad invicem faciunt angustias, portamus. Gratia habebat primus Homo posse perseverare si vellet: gratia vero Christi datur & velle & operari bonum. n. 31. sic loquitur Augustinus " Tale quippe erat adjutorium, *status innocentie*, quod defereret, *Adam*, cum vellet, & in quo permaneret si vellet; non quo fieret ut vellet. Hæc prima est gratia quæ data est primo Adam: sed hæc potentior est in secundo Adam. Prima est enim qua fit ut homo habeat iustitiam si velit: secunda ergo plus potest, qua etiam fit ut velit; & tantum velit, tantoque ardore diligit, ut carnis voluntate contraria concupiscentem voluntate spiritali vincat. "

*Nostri* Thomistæ & alii permulti hac utuntur S. Augustini auctoritate, ut gratiam esse per se efficacem demonstrarent, quatenus hoc statuit S. Doctor discrimen inter gratiam Adami & gratiam præsentis status, quod illa daret solum posse bonum si vellet homo, ita ut ejus veluti consensum ad suam efficaciam expectaret: ista vero det & operari & ipsum velle operari.

S. *Præsul* cap. 12. suam roborat sententiam de efficacia gratiæ Christi quæ sua energia superat gratiam primi Hominis. n. 34. distinguit duo adjutoria, aliud sine quo nullus potest operari bonum, aliud quo actu bonum operatur, & in eo usque dum ultimum tandem clausit vitæ diem perdurat. Primum Adamo tribuit; secundum vero Sanctis in regnum Dei intrantibus. " Ipsa adjutoria distinguenda sunt. Aliud est adjutorium sine quo liquid non fit, & aliud est adjutorium quo aliquid fit. . . . Primo itaque homo, qui in eo bono quo fixus fuerat reclusus, acceperat posse non peccare, posse non mori, posse ipsum bonum non deferere, datum est adjutorium perseverantiæ, non quo fieret ut perseveraret, sed sine quo per liberum arbitrium perseverare non posset. Nunc vero Sanctis in regnum Dei per gratiam Dei prædestinatis non tale adjutorium perseverantiæ datur, sed tale ut eis perseverantia ipsa donetur; non solum ut sine isto dono perseverantes esse non possint, veram etiam ut per hoc donum nonnisi perseverantes sint. "

*Luce* clarius apparet S. Augustinum de adjutorio sine quo, & de adjutorio quo

perseverantiæ loqui, primum quidem habuit Adam innocens, sed non secundum, utrumque vero habent impræsentiarum electi Dei: unde ex hæc divisione adjutorii perseverantiæ Jansenius admittit auxilium sine quo pro statu primi Hominis, sed incassum negat pro præsentis. Schola Angelica propugnat adjutorium & sine quo & quo ad bonum operandum tum in statu innocentie, tum in statu naturæ lapsæ. Hoc unum ex divisione allata sequitur: videlicet Adamum habuisse quidem adjutorium sine quo perseverare non posset, minime vero illud quo de facto perseveraret.

S. *Augustinus* n. 36. explodit commenta eorum qui prædestinationem ex prævisione meritum naturæ in se relitæ fieri contendebant: ait enim Deum non solum præscire quid sancti facturi sint pro sua salute, sed & facere ut ipsi bonum faciant & operentur.

S. *Præsul* n. 38. gratiam Christi efficacissimam, immo & insuperabilem prædicat: sed observes velim, cordate & amatissime Lector, eo loci S. Doctorem sermonem habere de gratia perseverantiæ finalis; quam esse indeclinabilem nemo non novit, cum figat justum immobiliter in bono: nusquam vero de gratia efficaci ut sic, & secundum se spectata. De prima solummodo loqui a Capite octavo usque ad decimum quartum facile comperies, si attendas S. Doctorem perpetuo probare gratiam Christi esse gratia Adami si non lætorem saltem efficaciorē, quatenus nēdum posse perseverare, sed & actu atque finaliter perseverare conferat. Instat omnium Augustini auctoritatem ex isto libro desumptarum sit ista. " Subventum est igitur infirmitati voluntatis humanæ; ut divina gratia indeclinabiliter & insuperabiliter ageretur; & ideo, quamvis infirma, non tamen deliceret, neque adversitate aliqua vinceretur. Ita factum est, ut voluntas hominis invalida & imbecilla in bono adhuc parvo perseveraret per virtutem Dei. "

*Ex his* liquet, Calvinum & alios quosdam hæc & simili alia auctoritate B. Augustini perperam uti, ut gratiam probent esse necessitantem, quia vocat eam insuperabilem: præsertim vero cum ipsa perseverantiæ gratia, eodem teste Augustino summam laudato, nullam vim, necessitatemve libero imponat voluntatis arbitrio, cum potius det inquit cap. 8. n. 17. " LIBER-

„*rimam*, fortissimam, invictissimam, perseverantissimam voluntatem. „ Tum quia immobilis in bono habetur ex providentia Dei extrinseca, quæ ita disponit in gratiam electorum causas secundas, ut mortem afferant eo præcile momento, quo homo est in charitate; quid enim est perseverantia finalis, nisi ipsa mortis cum gratia conjunctio? quocirca gratiæ consummatæ nomine donatur & celebratur.

S. *Augustinus* cap. 14. n. 45. probat variis exquisitisque Scripturæ locis Deum magis habere in sua potestate voluntates hominum quam ipsi suas. Exemplum Saulis in regem augurati, cui potentes, quorum Deus tetigerat cor, adhæserunt, & Davidis quem ut Principem suum Israel & Juda agnovērunt, istud probant momentum: hæc etiam percelebri auctoritate utuntur Theologi, alii quidem ut probent efficaciam gratiæ, alii vero ut eam esse perse efficacem, & probabilius, demonstrare satagant.

Denique cap. 15. concludit rebelles & inquietos corripiendos esse. n. 49. sic effatur. Proinde quantum ad nos pertinet, qui prædestinatos a non prædestinatis discernere non valemus, & ob hoc omnes salvos fieri velle debemus; omnibus ne pereant, vel ne alios perdant, adhibenda a nobis medicinaliter severa correctio: Dei est autem eam facere utilem, quos ipse præcivit & Prædestinavit conformes Imaginis Filii sui.

Nihil impræsentiarum movemus de libris quorum alter inscribitur de Prædestinatione Sanctorum, alter vero de Dono perseverantiæ, cum animus sit utrumque infra exponere. Primus scriptus est post retractationum Libros anno Christi circiter 428. contra Semipelagianos qui aliquod fidei initium esse naturæ essutiebant; quique merita quædam ficticia parvulorum cum gratia baptismi morientium, tanquam prædestinationis motivum celebrabant. Eos refellit S. Doctor ostendendo prædestinationem ad gratiam esse mere gratuitam; & omne salutis bonum a gratia profluere, quæ quidem est & ad initium, & ad progressum, & ad consummationem bonorum operum absolute necessaria. Cæterum Deum non merita naturæ, sed quod ipse sui gratia pro electorum salute facturus est, præscire contendit.

Librum de Dono perseverantiæ S. Augustinus composuit eodem proflus tempore, quo alterum, videlicet anno 428. vel 429. con-

tra eorundem Massiliensium errores. In eo potissimum demonstrat perseverantiam esse specialissimum Dei donum: cur autem ex duobus parvulis unus post baptismum susceptum, alter vero abique regenerationis lavacro moriatur, jure merito cum Apostolo exclamat, *O altitudo sapientiæ & scientiæ Dei quam incomprehensibilia sunt judicia ejus!* Prædestinationis gratiæ mysterium Dominicus verbi de Tyrriis & Sidoniis explanat. Afferit prædestinationis definitionem utilitati exhortationis & correptionis non esse adversam; tameti enim dicatur *Præparatio mediorum quibus certissime liberantur quicumque liberantur*, congrua tamen ratione prædicari jubet.

## PUNCTUM OCTAVUM.

S. *Augustinus* cuncta gratiæ actualis materiam ad metam fidei parti facilitatæ, sollicitatæ, & profunditatæ, immo & claritatæ pertrahit.

CIRCA gratiam Mediatoris tria potissimum inquirere solent Theologi. Primo quid sit? Secundo quænam ejus efficacia? Tertio. quænam ejusdem necessitas? Aliqua de quolibet momento dicere juvat, ne superlit aliquis de mente D. Augustini in hæc materia ambigendi locus.

Primo, de definitione gratiæ in multiplici loco loquitur S. Aug. gratiam actualis, de qua erat inter ipsum & Pelagianos controversia, probat S. Doctor in omnibus operibus quæ adversus eos conscripsit, atque hanc gratiam non esse aut liberum hominis arbitrium, aut legem; maxime in libro de gratia Christi, ubi ex professo a Capite primo usque ad quadragesimum septimum respondet Pelagianorum objectionibus: ea enim solum gratia dicenda est c. 3. n. 9. quæ sanat & adjuvat, quod certe lex non operatur.

S. Doctor gratiam, quæ præter liberum arbitrium & doctrinam ad operandum necessaria est, eam esse dicit quæ aperit quod latebat, & inardescere facit ut homo adhæreat Creatori. Sic loquitur l. de Spirit. & Litt. cap. 3. num. 5. „ Nos autem dicimus humanam voluntatem sic divinitus adjuvari ad faciendam justitiam, ut præter quod creatus est homo cum libero arbitrio voluntatis, præterque doctrinam qua ei præcipitur, quemadmodum vivere debeat, accipiat Spiritum sanctum, quo fiat in animo ejus „ di-

„dilectio quæ summi illius atque incom-  
 „mutabilis boni, quod Deus est, etiam  
 „nunc cum adhuc per fidem ambulatur,  
 „nondum per speciem; ut hac sibi velut  
 „arraha data gratuiti muneris inardescat  
 „inbærere Creatori, atque inflammetur  
 „accedere ad participationem illius veri  
 „luminis; ut ex illo ei bene sit a quo  
 „habet ut sit. Nam neque liberum ar-  
 „bitrium quidquam nisi ad peccandum  
 „valet, si lateat veritatis via: & cum id  
 „quod agendum, & quo nitendum est  
 „cœperit non latere, nisi etiam dele-  
 „ctet & ametur, non agitur, non susci-  
 „pitur, non bene vivitur.”

„Eandem gratiam S. Doctor l. 1. contra  
 „duas Epist. Pel. vocat virtutem qua pec-  
 „cator trahitur ad Patrem, sic ait cap. 3.  
 „n. 6. ” Ille quippe trahitur ad Christum,  
 „cui datur ut credat in Christum. Da-  
 „tur ergo potestas ut filii Dei fiant, qui  
 „credunt in eum. Quæ potestas nisi de-  
 „tur a Deo, nulla esse potest ex libero  
 „arbitrio: quia nec liberum in bono erit,  
 „quod liberator non liberaverit.”

„Rursus ibidem cap. 19. nu. 37. eandem  
 „gratiam ex nolentibus bonum facere vo-  
 „lentes asserit. ” Trahitur ergo miris mo-  
 „dis ut velit, ab illo qui novit intus in  
 „ipsis hominum cordibus operari non ut  
 „homines, quod fieri non potest, nolen-  
 „tes credant, sed ut volentes ex nolen-  
 „tibus fiant.”

„S. Præsul l. de gratia & libero arbitrio  
 „docet gratiam esse donum cœleste, quo  
 „peccatoris voluntas ad faciendum bonum  
 „præparatur a Domino & quæ facit ut fa-  
 „ciamus; ita cap. 16. n. 32. ” Certum est,  
 „inquit, nos velle cum volumus, sed ille  
 „facit ut velimus bonum, de quo dictum  
 „est, quod paulo ante posui, præparatur  
 „voluntas a Domino.”

„S. Doctor hanc quoque de gratia notio-  
 „nem l. de Corr. & Gr. c. 2. n. 3. exhibet.

„Intelligenda est enim gratia Dei per Je-  
 „sum Christum Dominum nostrum, qua  
 „sola homines liberantur a malo, & sine  
 „qua nullum prorsus sive cogitando, si-  
 „ve volendo & amando, sive agendo fa-  
 „ciunt bonum: non solum, ut monstra-  
 „te ipsa, faciant cum dilectione quod  
 „sciunt. Hanc quippe inspirationem bonæ  
 „voluntatis atque operis posebat A-  
 „postolus eis, quibus dicebat 2. Cor. 13.

„7. Oramus autem ad Deum, ne quid fa-  
 „ciatis mali, non ut nos probati appare-  
 „amus, sed ut vos quod bonum est, faciatis.

„Duo potissimum observanda veniunt;  
 „primum quidem S. Doctorem non semel  
 „loqui de gratia qua peccator illuminatur,  
 „movetur, & ad bonum compellitur, de  
 „gratia qua præparatur voluntas a Domi-  
 „no, quæque dat posse bonum proxime &  
 „expedite; alterum, secundam gratiam  
 „eainque uberiores, quæ nomine gratiæ  
 „efficacis donatur, ab eodem S. Doctore ce-  
 „lebrari. Ista præparat etiam voluntatem,  
 „excitat & movet ad bonum, sed faciendo  
 „facere, & applicando ad actum.

„De gratia sufficiente loquitur S. Præsul l.  
 „2. contra duas Epistolas Pelagianorum cap.  
 „8. n. 18. ” Minus est cogitare quam cupere.  
 „re. Cogitamus quippe omne quod cupi-  
 „mus, nec tamen cupimus omne quod  
 „cogitamus; quoniam nonnunquam &  
 „quod non cupimus, cogitamus. Cum  
 „igitur minus sit cogitare quam cupere,  
 „potest enim homo cogitare bonum, quod  
 „nondum cupit; & proficiendo postea cu-  
 „pere, quod ante non cupiendo cogitavit:  
 „quomodo ad id quod minus est, idest,  
 „ad cogitandum aliquid boni non sumus  
 „idonei tanquam ex nobismetipsis; sed  
 „sufficiencia nostra ex Deo est; & ad id  
 „quod est amplius, idest, ad cupiendum  
 „aliquid boni sine divino adjutorio ido-  
 „nei sumus ex libero arbitrio.”

„Eo loci S. Doctor revincit Pelagianos qui  
 „divinæ gratiæ utilitatem & necessitatem  
 „existere volebant; contendit enim eam  
 „esse necessariam ad cupiendum aliquid bo-  
 „num, immo & ad illud cogitandum: ibi  
 „docet & cogitationem boni, & deside-  
 „rium esse a gratia: primum nonnunquam  
 „fieri absque secundo; hoc est, nos quan-  
 „doque aliquid boni cogitare, quod non-  
 „dum cupimus, deinde vero proficiendo,  
 „illud ipsum cupere, postea & operari quod  
 „prius & cogitavimus, & desideravimus.  
 „Attendas velim, benevole Lector, ibi S.  
 „Præsulem apprime delineare gratiam suf-  
 „ficientem qua præparatur voluntas a Do-  
 „mino ad opus. Etvero illius præparatio-  
 „nis initium ducitur a bona cogitatione,  
 „quæ quidem nonnunquam est absque boni  
 „desiderio: igitur illa salubris cogitatio non  
 „a gratia efficaci, sed sufficienti promanet:  
 „ille vero qui cogitavit bonum, proficien-  
 „do, etiam illud cupit, illud boni deside-  
 „rium habet homo, sentit & experitur,  
 „sed incompletum, sed nondum efficace;  
 „sæpius enim hæret peccator in desiderio,  
 „immo & sæpiissime resistit, sicut resistit  
 „Saulus persequendo Ecclesiam Dei, unde

Chri-

Christus ei apparens dixit Act. 9. *Saule, Saule quid me persequeris? . . . durum est tibi contra stimulum calcitrare.* Hoc est, gratiæ, te vocanti ad vitam, resistere: igitur & illa gratia quæ bonum in corde seminat desiderium, est tantummodo gratia sufficiens: quod si quis adversus illam non recrudescit, efficacem oblatam recipit, & bonum quod cogitavit & cupivit, operatur.

Eandem gratiam sufficientem non semel delineat Sanctus Augustinus in Confessionum libris. Etvero nomine gratiæ sufficientis intelligimus Dei auxilium quo Deus prulatum & gradatim præparat peccatoris voluntatem ad conversionem, quæ bonum seminat in corde & cogitatum & desiderium, cui sæpe resistit peccator hærendo in bonis tum cogitationibus, tum desideriis, qua stimulus deterretur a malo patiendo, qua commotus anceps manet inter vitam & mortem, & conversionem, tametsi aliquod immiduum a Deo experitur bonum operandi desiderium: atqui ejusmodi gratiam ubique & passim prædicat S. Augustinus: igitur inter gratias actuales annumerat sufficientem qua præparatur voluntas a Domino. Probatu maior ex ipsa Confessione S. Aug. qui testatur illam gratiam non semel expertum fuisse, ei sæpius resistisse, tandem vero cessasse vocanti & majoris gratiæ auxilio ad Dominum sese convertisse.

*Sic loquitur l. 6. cap. 4. nu. 5.* "Cum ergo nescirem quomodo hæc subsisteret Dei imago tua, pulsans proponerem quomodo credendum esset, non insultans opponerem, quasi ita credendum esset: tanto igitur acrior cura rodebat intima mea quid certi retinerem, quantum me magis pudebat tam diu illudum." Ecce gratia stimulus, gratia deterrens S. Augustini animam ab erroribus, quos tamen citò citius non abiecit constare: unde illam non fuisse primum efficacem nemo non novit.

Rursus ibidem cap. 5. n. 7. loquitur de gratia qua adhuc renitens paulatim præparabatur ad fidem: "Ex hoc tamen quod jam præponens doctrinam Catholicam modestius ibi, minimeque fallaciter sentiebam juberi ut crederetur, quod non demonstratur, sive esset quid, sed cui forte non esset: sive ne quid esset, quam illis temeraria pollicitatione scientiæ credulitate irridere: & postea tam multa fabulossima, & absurdissi-

ma, quia demonstrari non poterant; credenda imperari. Deinde paulatim tu Domine manu mitissima & misericordissima pertractans & componens cor meum, consideranti quam innumerabilia crederem quæ non viderem, neque cum generarentur adfuissem, sicut tam multa in historia Gentium, tam multa de locis atque urbibus . . . quæ nisi crederentur omnino in hac vita nihil ageremus, &c."

Rursus cap. 6. n. 9. "Inhiabam honoribus, lucris, conjugio, & tu irridebas." Patiebar in eis cupiditatibus amarissimas difficultates, te propitio tanto magis, quanto minus sinebas mihi dulcescere quod non eras tu. Quis non videat S. Augustinum ibi clarissime loqui de gratia sufficiente, de gratia videlicet excitante ad bonum & stimulantem, quas terribus concupiscentiis peccatorem, non sinebat illi dulcescere quod non erat Deus, & sic, tametsi adhuc obnitens & contradicens esset, tamen tamen ad conversionem disponebat? Ergo, &c.

Rursus cap. 11. n. 18. S. Augustinus se prodiit gratiæ vocanti resistentem & cum ex colluctantem, ita tamen inter bonum & malum anceps manebat, ut eras speraret se convertiturum: igitur tunc temporis sola gratia sufficiente, eaque præveniente & præparante, agebatur. Audiamus loquentem: "Et ego maxime mirabar sapientem & recolens quam longum tempus esset ab undevigesimo anno ætatis meæ, quo fervere cæperam studio sapientiæ, disponens, ex inventa, relinquere omnes vanarum cupiditatum spes inanes, & insanias mendaces: & ecce jam tricenariam ætatem gerebam, in eodem luto hæsitans aviditate fruendi presentibus, fugientibus & dissipantibus me, dum dico, cras inveniam, ecce manifestum apparebit & tenebo, ecce faustus veniet, & exponet omnia." Hinc de suæ conversionis gradibus iterum loquens l. 7. cap. 8. n. 11. ait: "Residebat tumor meus ex occulta manu medicinæ tuæ, aciesque conturbata & contentorata mentis meæ acri collyrio salubrium dolorum de die in diem sanabatur." Gratia sua Deus pulsabat ad cor Augustini, ipse vero conturbatus horrore vitium incipiebat, donec tandem uberiori & efficaci illuminatus, motus & roboratur cederet Deo vocanti & obediret.

De eadem gratia qua præparabatur gradatim



tim ad conversionem loquitur cap. 17. n. 23. " Et mirabar, quod jam te amabam, non pro te phantasma. Et non stabam, frui Deo meo, moxque diripiebar abs te pondere meo, & ruebam in ista cum gemitu : & pondus hoc, consuetudo carnalis. Sed mecum erat memoria tui, neque ullo modo dubitabam cui cohererem, sed nondum esse me cui cohererem. " Augustinus recalcitrabat contra gratiae stimulum, sed cum gemitu : igitur gratia movebatur, sed nondum gratiae obediebat ; ex quo liquet gratiam hanc praevenientem tunc temporis fuisse solummodo sufficientem, praesertim vero cum ab amore Dei Aug. proprio & vitioso pondere distractus, ruebat cum gemitu & contra gratiae stimulum in carnalia.

S. Augustinus l. 8. cap. 5. n. 10. rationem reddit cur motus ad poenitentiam, eam tamen sicut & conversionem resistendo gratiae pulsanti procrastinaret : " Suspirabam ligatus, non ferro alieno, sed mea ferrea voluntate. Velle meum tenebat inimicus & inde mihi catenam fecerat, & constrinxerat me. Quippe ex voluntate perversa, facta est libido. Et dum consuetudini non resistitur, facta est necessitas. Quibus quasi anulis sibi innoxius unde catenam appellavi, tenebat me obstrictum dura servitus. Voluntas autem nova quae mihi esse coeperat ut te gratis colere, fruique te vellem, Deus sola iucunditas, nondum erat idonea ad superandam priorem vetustate roboratam. Ita duae voluntates meae, una vetus, alia nova; illa carnalis, illa spiritalis, confligebant inter se atque discordando dissipabant animam meam. "

Multa observanda sunt in hoc contextu. Primo quidem duarum voluntatum inter se lucta, ita ut nova quae erat per gratiam, nondum victrix super vetustam & carnalem evaderet ; tametsi bona coeperint inesse Aug. desideria, quae quidem omnia gratiae sufficienti animam peccatoris paulatim ad conversionem praeparanti conveniunt ; nam & Aug. peccator, ea simulante, a malo patrando deterrebitur ; porro etsi, vincente libidine, adhuc tentationi cederet ; non tamen sine gemitu, & nonnisi anceps prius inter bonum & malum manendo, quandoquidem utriusque propositione veluti anulus sibi annexis, in eligendo malum suspensus haerebat. Secundo nomine necessitatis per consuetudinem malum ad peccandum inducitur nihil in-

telligit S. Doctor praeter magnam ad peccandum facilitatem, ad bonum vero conversionis operandum, summam difficultatem, cuius rei argumentum est, quod refragante mundo, reclamante carne, obmurmurante & recalcitrante passione, tandem victus, gratiae cesserit & Deum vocantem, relictis creaturis, secutus sit, ut infra ex ipsius patebit Confessione. Tercio illa gratia dicitur nondum potens & idonea, hoc est, nondum conjuncta cum actu conversionis. Sed ea solum dabat posse proximum converti.

Iterum cap. 7. ibidem n. 16. narrat gratiae cum natura vitiosa congressum ; illi tamen & non illi, quamquam magis ac magis pulsanti obediebat, ex quo gratiam illam quae praeparabatur voluntas Augustini a Domino fuisse tantummodo sufficientem luce clarius apparet. " Narrabat, inquit, haec Pontianus. Tu autem Domine verba ejus retorquebas me ad me, ipsum, auferens me a dorso meo ubi me posueram, dum nollem me attendere, & constitueres me ante faciem meam, ut viderem quam turpis essem, quam distortus & fordidus, maculosus & ulcerosus. Videbam & horrebam, & quo a me fugerem non erat. Etsi conabar a me avertere aspectum, narrabat ille quod narrabat, & tu me rursus opponebas mihi, & impingebas me in oculos meos, ut invenirem iniquitatem meam & odissem. Noveram eam, sed dissimulabam & connivebam & obliviscebam. " Ecce impressiones gratiae praeparantis & disponentis ad conversionem, sed nondum efficacia & triumphantis.

Iterum atque iterum lucta gratiae cum voluntate peccatricis describitur, quae quidem emollitur, sed nondum superatur & ideo gratiae solummodo sufficientis motu tunc agebatur Augustinus peccator. Ibidem cap. 11. n. 25. " Sic, ait, aegrotabam & excruciebar accensans membra, ipsum solito acerbius nimis, ac volvens & versans me in vinculo meo, donec abrumperetur totum quo jam exiguus tenebar, sed tenebar tamen. Et instabas tu in oculis meis Domine, severa misericordia flagella ingeminans, timoris & pudoris, ne rursus cessarem & non abrumperetur idipsum exiguum & tenue, quod remanserit, & revaleiceret iterum & me robustius aligeret. Dicebam enim apud me intus : ecce modo fiat : modo fiat & cum

ver-

„ verbo jam ibam in placitum . Jam pe-  
 „ ne faciebam .... retinebant nugæ nu-  
 „ garum , & vanitas vanitatum antiquæ  
 „ amicæ meæ , & succutiebant vestem  
 „ meam carneam , & submurmurabant . „  
*Rurſus* idem ſpiritus cum carne confi-  
 „ ſtus in Auguſtino , ab eodem delineatur .  
 Cap. 12. n. 28. Ego , *inquit* , ſub quadam  
 „ ſici arbore ſtravi me nescio quomodo ,  
 „ & dimiſi habenas lacrymis , & prori-  
 „ perunt flumina oculorum meorum ; ac-  
 „ ceptabile facrificium tuum . Et non quid-  
 „ dein his verbis , ſed in hac ſententia  
 „ multa dixi tibi : & tu Domine ! Uſ-  
 „ quequo Domine iraceris in finem ? Ne  
 „ memor fueris iniquitatum noſtrarum an-  
 „ tiquarum . Sentiebam enim eis me te-  
 „ neri : jaſtabam voces miſerabiles . Quam-  
 „ diu ? Quamdiu ? Cras & cras ? Quare  
 „ non modo ? Quare non hac hora finis  
 „ turpitudinis meæ ? „ Non poteſt gratiæ  
 „ prævenientis , præſentis & ſufficientis ,  
 „ quæ dat poſſe proximum & expeditum ,  
 „ clariſ explicari quam illo cum naturæ  
 „ vitiatæ & colluſtantis congreſſu : jam  
 „ cor Auguſtini emollitum , jam Peccator  
 „ conſcientiæ ſeu potius gratiæ ſtimulis præſ-  
 „ ſus nondum quidem convertitur , ſed in  
 „ brevi hoc ipſum faciet : jam conturbata  
 „ horrore turpitudinis mens , vitium vix  
 „ approbat , & ſi peccatum committitur ,  
 „ nonniſi cum gemitu & pudore committi-  
 „ tur . Quid plura ? adeo verum eſt hanc  
 „ primam gratiam alternatis vicibus proxi-  
 „ me præparaſſe cor Auguſtini ad conver-  
 „ ſionem , ut lucente in anima uberiore  
 „ lumine , & gratiæ robuſtiore efficaciter mo-  
 „ vente victus , tandem converſus ſit ad Do-  
 „ minum .

*His* gratiæ vocantis operationibus quas  
 ipſe S. Auguſtinus adhuc in errore Ma-  
 nichæiſmi & paſſionum detentus , ſubiit ,  
 exſulſtantur varia circa gratiam Janſenii  
 commenta . 1. l. 3. de gratia Chriſti cap. 2.  
 gratiam ſufficientem qualem hodie om-  
 „ nium Nationum & Univerſitatum Docto-  
 „ res propugnant , non eſſe Mediatoris gra-  
 „ tiam aſſerit , nec aliam pro præſenti ſta-  
 „ tu quam per ſe efficaciem , eamque victri-  
 „ cem & neceſſitatem agnoſcit . 2. Ibidem  
 cap. 15. poſſibilitatem remotam boni fa-  
 „ ciendi in libero arbitrio nude ſumpto re-  
 „ ponit , proximiorē in fide , adhuc pro-  
 „ ximiorē in charitate , ſed nuſquam ſuf-  
 „ ficientem & proximam niſi per gratiam  
 „ efficaciem , quæ ſi deſit , præcepta quæ-  
 „ dam ſunt impoſſibilia , etiam juſtis , im-

mo & conantibus . 3. Ibidem cap. 27. gra-  
 „ tias interiores quibus quandoque reſiſtitur ,  
 „ quæque ſuum non ſortiuntur effectum ,  
 „ gratias tantummodo temporales & non  
 „ præciſe Chriſti gratias eſſe aſſerit . 4. Ibi-  
 „ dem cap. 11. docet infideles omni carere  
 „ gratia : idem dicit de obduratis cap. 10.

*Sed* hæc fucata doctrina funditus con-  
 „ vellitur ex ipſa narratione , quam S. Au-  
 „ guſtinus facit de gratis , quibus ante ſuam  
 „ converſionem donatus eſt ; gradatim ejus  
 „ anima a Domino ad perfectam poeniten-  
 „ tiam & fidem ita præparata eſt , ut om-  
 „ nibus abjeſtis erroribus , ad Deum ſeſe con-  
 „ verterit . Cujus quidem gratiæ vocantis  
 „ hæc fuit œconomia .

*Primo* quidem gratia ſtimulabat Augu-  
 „ ſtinum peccatorem & vocabat : namque  
 „ iſtam vocationem fuiſſe non naturæ , non  
 „ mundi , qui , ipſo teſtante , ad libidinem  
 „ & terrenas delicias perpetuo delibandum  
 „ provocabat , ſed gratiæ excitantis ſectum  
 „ fuiſſe conſtat . Jam vero hanc fuiſſe ſol-  
 „ lummodo gratiam ſufficientem cui reſiſti-  
 „ tur , ſi quis negat , ipſi contradicit Augu-  
 „ ſtino dicenti Deo vocanti , *cras , cras* . 3.  
 „ Certe iſta gratia erat gratia Mediatoris  
 „ & non mere temporalis , cum fuerit gra-  
 „ tia electi & ad Deum in æternitate poſ-  
 „ ſidendum vocans peccatorem , unde non  
 „ temporalis in ſenſu Janſenii fuit . 4. Iſta  
 „ eadem gratia dabat poſſe bonum proxime ;  
 „ cum immediate reſpiceret operationem ,  
 „ proxime quidem poſſe orare , remote ve-  
 „ ro ſeſe convertere . De illa orationis gra-  
 „ tia , quæ quidem uberior requiritur pro  
 „ converſione , multus eſt ſermo apud S.  
 „ Doctorem qui hominibus in peccato habi-  
 „ tudinis detentis orare ſine fine præcipit ,  
 „ tum ut ſerventius operentur bonum , tum  
 „ ut perfectæ corde ad Deum ſeſe conver-  
 „ tant . Certe illud poſſe proximum , quod  
 „ ipſe Auguſtinus habebat per gratiam exci-  
 „ tantem & prævenientem , non a natu-  
 „ ra promanabat , ut dictum eſt , ſed non a  
 „ fide & charitate , cum his careret S. Do-  
 „ ctor , qui tunc temporis nequidem bapti-  
 „ zatus erat , & tamen habebat gratiam vo-  
 „ cantem ad bonum , compellentem , tamenſi  
 „ & obduratus & adhuc infidelis ; igitur  
 „ gratia ipſis & obduratis & infidelibus non  
 „ deſicit in neceſſariis , ut perperam con-  
 „ tendit Janſenius .

*Quid* plura adiciam ? inaniſſimum abhorret  
 „ Yprenſis gratiam ſufficientem , & negat  
 „ poſſe proxime bonum ab ea profluere , eo  
 „ quod ulterior ad actum operandum requi-

ratur gratia; cum enim efficaci actu operemur, non ea certe posse operari dicimur, sed potius actu operari: de eo qui actu operatur non dicimus, potest operari, sed actu agit; & certe prius est posse agere, quam actu agere. Igitur datur ex principiis S. Augustini gratia præveniens quæ præparatur voluntas a Domino, & quæ dat posse proximum & expeditum: datur & alia quæ præparat applicando ad actum, & dat actu operari: prima sufficientis, altera efficacis nomine celebratur.

De gratia efficaci nunc suo ordine occurrat sermo, de ea potissimum pertractat S. Aug. in operibus quæ adversus Pelagianam conscripserat pravitatem, quandoquidem discipulatio palmaris erat inter Pelagium & S. Doctorem, ut non semel observavimus, de gratia operis.

Hanc gratiam plurimum pro sua conversione celebrat S. Augustinus, eamque ab energia & effectu secuto fecerit a prima, cujus iteratis motibus paulatim sed non magna & longa absque resistencia præparata fuerat ejus anima ad conversionem. Audiamus peccatorem mirabiliter poenitentem. Sic estatur ibidem num. 29. "Dicebam hæc & flebam amatissima contritione cordis mei. Et ecce audio vocem de vicina domo cum cantu dicentis & crebro repetentis, quasi pueri, an puellæ, nescio: Tolle, lege, tolle, lege. Statimque, mutato vultu, intensissimus cogitare cœpi, utrumnam soleant pueri in aliquo genere ludendi cantitare tale aliquid: nec occorrebat omnino audivisse me quippiam.... itaque concitus redii ad eum locum ubi sedebat Alypius: ibi enim posueram codicem Apostoli cum inde surrexeram. Arripui, aperui, & legi in silentio capitulum, quo primum conjecti sunt oculi mei: Non in conversationibus & ebrietatibus, non in cubilibus & impudiciis, non in contentione & emulatione: sed induite Dominum Jesum Christum, & carnis providentiam ne feceritis in concupiscentiis. Rom. 13. 13. Nec ulla volui legere, nec opus erat. Statim quippe cum sine hujusce sententiæ, quasi luce securitatis infusa cordi meo, omnes dubitationis tenebræ diffugerunt. " Ecce gratia admodum efficax, gratia tenebras dissipans; gratia auferens cor lapideum, gratia convertens animas: hanc expertus est Augustinus sanctificatus ibidem n. 30. "Convertisti enim me, ad te,

ait ad Dominum Deum suum, ut acc uxorem quærerem, nec aliquam spem sæculi hujus, stans in ea regula indei in qua me ante tot annos ei revelaveras. Et convertisti lustrum ejus in gaudium multo uberius quam voluerat, & multo carius atque castius quam de nepotibus carnis meæ requirebat. "

Eandem gratiæ efficaciam fuso explanat, calamo l. 1. contra duas Epist. Pelag. cap. 20. nu. 38. ubi refert Deum inclinasse cor Regis Aslueri in lenitatem ut salvarentur Judæi de quorum salute molitionibus Aman actum erat: "Ecce ingreditur ad Regem, scilicet Esther, ne multa dicamus: & quia non ordine suo ingrediebatur, magna necessitate compulsa, intuitus est eam, sicut scriptum est Esther 1. 5. & seq. Velut taurus in impetu indignationis sue. Et simul Regina, & conversus est color ejus per dissolutionem & inclinavit se super caput delicatæ suæ quæ præcedebat eam. Et convulsus Deus, & transiit indignationem ejus in lenitatem. " Jam sequentia commemorare quid opus est, ubi Deum complevisse quod illa rogaverat, divina Scriptura testatur, operando in corde Regis, quid aliud quam voluntatem qua jussit & factum est, quod ab eo Regina poposcerat? Quam Deus jam, ut fieret, exaudierat, qui cor Regis, antequam mulieris sermonem poscentis audisset, occultissima & efficacissima potestate convertit, & transiit ab indignatione ad lenitatem, hoc est a voluntate lædendi, ad voluntatem savendi: secundum illud Apostoli Philip. 2. 13. Deus operatur in vobis & velle. "

Gratiæ energiam non absimilibus delineat coloribus l. de gratia & libero arbitrio cap. 16. nu. 32. quam variis exquisitisque Scripturæ sententiis probat; ubi enim Deus ait peccatoribus: faciam ut in justificationibus meis ambuletis, auferam a vobis cor lapideum & dabo novum. Quod certe summam inesse gratiæ Mediatoris efficaciam arguit. Hoc ipsum demonstrat sanctus Augustinus l. de corr. & grat. cap. 14. nu. 43. exemplo Israelitarum in quorum cordibus operatus est & ut Saulen agnoscerent Regem, & illo mortuo, Davidi adhererent. Ex his & similibus exemplis infert S. Doctor Deus magis habere in sua potestate hominum voluntates, quam ipsos suas, adeoque gratiam esse admodum efficacem.

Num

Num gratia sit per se efficax, vel per consensum voluntatis humanæ gratia aliqua jam præventa disputant Theologi, etiam de mente S. Augustini circa illud momentum. Nos vero Thomistæ cum multis aliis omni exceptione majoribus contendimus eam esse S. Doctoris opinionem, videlicet gratiam Christi esse per se efficacem. Jam vero in quo sita sit illa efficacia non una est Academicarum sententia. Quidam enim gratiam per se efficacem in quadam congruitate & circumstantiarum attemperacione consistere, ut Isambertus & Grandinus autumant: quidam illam reponunt in delectatione victrici, salva tamen indifferentia actus. Ita propugnant Habertus Vabrensis Episcopus in sua Patrum Græcorum de gratia Mediatoris Theologia: Gasto Chamillari Professor Regius Sorbonicus in suis Manuscriptis. Angelica D. Thomæ Schola hujus gratiæ energiam in præmotione morali simul & Physica sitam esse contendit. Quidquid sit, omnes in petra fidei adunati a S. Augustino, salva liberi arbitrii cum gratia quantumvis efficaci consociatione, defendi ultro fatentur.

*Tertium*, quod S. Præsul de gratia explanat momentum, illudque præcipuum & palmare, est necessitas gratiæ. Eam in omnibus quos exposuimus libros ex professo defendit contra Pelagianos, præsertim vero in l. de gratia & libero arbitrio: namque in toto quarto capite eam multiplices divinarum Scripturarum auctoritate probat. Eandem speciali quoque modo defendit adversus Semipelagianos l. de Præd. SS. cap. 3. & hoc auctoritate S. Cypriani quam fuso pertrahit calamo: similiter & cap. 4. Divi Ambrosii suffragio. Pergit cap. 5. & pro tali momento iterum atque iterum laudat & commemorat Apostoli sententias, quibus luce clarius offendit gratiam non solum ad consummationem actus supernaturalis, sed & ad initium esse necessariam. In libro de dono perseverantiæ eam supra modum requiri ad perseverandum finaliter pronuntiat, hinc & perseverantiam finalem in bono donum Dei specialissimum esse omni auctoritatum & rationum genere probat.

## PUNCTUM NONUM.

*S. Augustinus circa palmares de gratia actuali difficultates fidelis sui ipsius interpret est.*

Hanc quoque pro defensione doctrinæ Divi Augustini Provinciam læto & alacri animo ea qua par est erga tantum Doctorem reverentia impræsentiarum suscipimus defendendam, ne in variis tum de scientia Dei, tum de Prædestinatione Sanctorum, tum de liberi arbitrii concordia cum efficacia gratiæ, & potentissimæ voluntatis Dei maneat circa mentem tanti Doctoris ambigendi locus.

Hoc ipsum jam claret ex solutione objectionum quæ solent adversus S. Præsulis doctrinam fieri quas supra sicut retulimus, ita & ad mentem S. Augustini solvimus. Quasdam ultiores ad majorem elucidationem proponere & dicere juvat.

*Primo* Protesantes aliqui non pauci Heterodoxi liberum hominis arbitrium peccato Adæ periisse contendunt, iis innixi S. Augustini verbis Ench. c. 30. „Libero „arbitrio utens homo, se perdidit & ip- „sum. „Inseruntque hominem necessario compelli, ad malum quidem per concupiscentiam, ad bonum vero per gratiam. Verum Augustinus l. 2. contra duas Epist. Pel. c. 5. n. 9. est sui ipsius interpret ut jam suo loco diximus. Unum impræsentiarum addere non injuncundum dicit; propositionem Calvinii & aliorum non solum non esse S. Doctoris opinionem, sed insulam a Pelagianis sibi irrogatam calumniam, quam pro virili propellit his verbis: „Jam nunc illa videnda sunt, „quæ in Epistola sua nobis objicientes, „brevisiter posuerunt, quibus hæc est nostra responsio. PECCATA ADÆ ARBITRIUM „LIBERUM DE HOMINUM NATURA PERIISSE „NON DICIMUS: sed ad peccandum valere „in hominibus subditis diabolo; ad bene „autem pieque vivendum non valere, „nisi ipsa voluntas hominis Dei gratia „fuerit liberata, & ad omnem bonum „actionis, sermonis, cogitationis adjuncta. „Quid plura? liberum arbitrium etiam pro præsentis statu l. de spir. & litt. cap. 32. n. 5. sic definit: „Media vis quæ vel inclinat ad finem, vel inclinari ad infidelitatem potest. „Igitur ex S. Augustino manet potentia ad oppositum sub dominio gratiæ.

Secundo quædam præcepta esse impossibilia iustis conantibus, deesse quoque homini gratiam qua possibilia fiant, propugnat Janfenius, innixus quoque, ut putat, S. Aug. auctoritate: incassum sane pro hoc momento appellat ad Augustinum, cum contrarium a S. Doctore passim in suis operibus, ut dictum est, demonstratur. Quomodo vero possibilia sint mandata, apprimè explicat S. Præsul triplicem distinguens possibilitatem, unam scilicet quæ Sanctis competit, quæque est simul cum effectu conjuncta: unam quæ inest peccatoribus, etque proxima & expedita ad bene vivendum, sed quam ipsi rejiciunt gratiæ invitanti ad bonum resistendo: tertiam, quæ quidem remota dicitur ad conversionem, sed proxima ad orandum, ut oratione & deprecatione uberius & robustius habeant peccatores, qua de facto convertantur & salvi fiant: ex quibus liquet mandata esse omnibus possibilia; iustis quidem dum sanctè & pie vivunt, iustis conantibus & ipsis peccatoribus, dum omnes invitantur, & adiuvantur ad opus bonum; etiam obduratis, dum orare possunt & supplici oratione gratiam conversionis obtinerequeunt. Namque præcipit & eos adhortatur perpetuo S. Augustinus ut pro hoc momento orent; supponit igitur eos & posse orare, & gratiam ad orationem eos invitantem & excitantem illis concedi: alteram vero uberius eisdem offerri, qua de facto orent & deprecantur Dominum, quatenus gratiam conversionis eis elargiri dignetur.

De prima possibilitate loquitur Augustinus l. de natura & gratia contra Pelagium cap. 43. n. 49. "Neque, inquit, de ipsa possibilitate contendo, cum sanata & adjuvata hominis voluntate possibilitas ipsa simul cum effectu in sanctis proveniat, dum charitas Dei, quantum plenissime natura nostra sana atque purgata capere potest, diffunditur in cordibus nostris per Spiritum Sanctum qui datus est nobis."

De secunda possibilitate astruenda sermone habet ibidem cap. 43. n. 50. Ibi enim de homine lapso specialiter agens, ait nihil quidemquam impossibile ei juberi. "De illo, loquitur quem semivivum latrones in via reliquerunt, qui gravibus faucibus confossusque vulneribus non ita potest ad iustitiæ culmen ascendere, sicut potuit inde descendere: qui etiam jam

in stabulo est, adhuc curatur. Non igitur Deus impossibilia jubet: sed jubendo admonet & facere quod possis & petere quod non possis. Jubeat facere quod possis: supponit igitur S. Aug. peccatorem cui præcipitur adimplere mandata & a fortiori iustum conantem adimplere, hoc ipsum omnes posse, omnes habere gratiam qua mandata proxime fiant possibilia: quod enim illa possibilitas penes naturam non intelligatur, ut volebat Pelagius, quem ibi S. Doctor infestatur, patet; namque ibidem Heterodoxi objectionem proponit & sic solvit, "Ille dicit, *Voluntate non est, quod natura potest*. Ego dico, voluntate quidem non est homo iustus, si natura potest: sed: medicina poterit, quod vitio non potest. Quibus verbis non solum Pelagii sed & Janfenii de impossibilitate mandatorum commenta prorsus exploduntur. Ea iterum atque iterum exufflat S. Doctor. Ibidem cap. 89. n. 83. "Valde autem bona sunt præcepta, si legitime his utamur. Eo quippe ipso quo firmissime creditur, Deum justum & bonum impossibilia non potuisse præcipere; hinc admonemur, & in facilibus quid agamus, & in difficilibus quid petamus. Ecce iterum gratia commendata omnibus data ut in facilibus operemur bonum: & alia uberius petenda pro difficilibus: igitur ex S. Augustino de fide est Deum impossibilia non præcipere, adeoque prima Janfenii Yprensis propositio non solum Augustini doctrinæ, sed & fidei juxta S. Doctoris effatum & principium, adversa est."

De tertia possibilitate aperta quoque S. Augustini mens est, cum ipse jubeat orare & petere auxilium quod peccator nondum quidem pro conversione habet, sed obtinere proxime potest. Habet igitur gratiam qua proxime oratio fit illi possibilis, ut oratione & deprecatione uberius pro conversione obtineat. Et sic mandata nulli sunt, etiam peccatoribus, etiam obduratis impossibilia. Quod sane non in uno aut altero sed multiplici loco propugnat S. Doctor, præsertim vetero l. de grat. & lib. arb. cap. 15. n. 35. "Ad hoc enim, inquit, valet quod scriptum est Eccli. 15. *fecit LXX. Si vero, inquit, conservabis mandata*, ut homo qui voluerit, & non potuerit, nondum se plene velle cognoscat, & oret ut habeat tantam voluntatem, quanta sufficit ad implenda mandata."

Jam

*Jam* vero si orare debet peccator ut habeat quo actu mandata adimpleat, luce clarius apparet, juxta Augustinum posse mandata observare, quatenus posse proximum orationis habet qua mediante, gratiam operis & actus obtineat. Observes igitur velim, cordate & benevole Lector, quod quotiescumque apud Augustinum legitur peccatorem non posse bonum operari, S. Praefulem hoc intelligere vel de natura in se relicta, vel de possibilitate conjuncta quæ habetur per gratiam efficacem & charitatem, nusquam vero de possibilitate proxima in se considerata, cum adsit omnibus, etiam magnis peccatoribus gratia orationis qua juxta inconvulsam S. Praefulem principia, potuerunt obtinere gratiam efficacem pro salute operanda. Uno verbo dum S. Doctor ait hominem quandoque non posse, sed orare debere ut possit, loquitur de potentia conjuncta cum actu quæ est orationis motivum, ut liquet ex verbis modo laudatis "Oret ut habeat tantam voluntatem, quantam sufficit ad implenda mandata," non dicit ad posse mandata implere, sed *ad implenda mandata*. Hac genuina Augustinianæ mentis explanatione evanescunt cuncta Heterodoxorum pro impossibilitate mandatorum commenta.

*Incaustum* igitur hæc & similia S. Augustini loca Janfenius in alienum prorsus ab auctore intentum detorquet sensum: maxime istud ex libro tertio de libero arbitrio cap. 18. n. 52. excerptum, quod l. 3. de gratia Christi cap. 13. affert, ut probet quædam præcepta esse impossibilia. Quæ apud Aug. sic habetur. "Illa est enim peccati poena justissima, ut amittat quisque quo bene uti noluit, cum sine ulla posset difficultate, si vellet. Id est autem ut qui sciens recte non facit, amittat scire quid rectum sit: & qui recte facere cum posset, noluit, amittat posse cum velit." Quis non videt S. Doctorem loqui vel de charitatis habitu, quo justus uti potest ad beneficiendum, amittit vero peccando, adeoque & illud posse, & hoc in peccati poenam? vel etiam de gratia efficaci quæ offertur, & quæ dat posse cum actu conjunctum, quod tamen posse amittit homo & abjiciendo gratiam oblatam, & prævaricando: quod enim non loquatur de posse proximo ut sic ad bene operandum, nemo non videt: quandoquidem S. Doctor ait, illum peccatorem amittere

posse cum velit: si vult, profecto habet posse, cum illa voluntas tamen debilis, attamen a gratia præveniente adeoque & sufficienti promanet: cæterum amittit posse, igitur habebat: & servare mandata poterat.

*Jam* audiamus quid ex omnibus dictis pro possibilitate mandatorum concludat S. Augustinus l. 2. contra duas Epist. Pelag. cap. 10. n. 23. "Quæ cum ita sint, inquit, nihil in Scripturis sanctis homini a Domino video juberi propter probandum liberum arbitrium quod non inveniatur vel dari ab ejus bonitate, vel posse propter adiutorium gratiæ demonstrandum." Quia vero Janfenius Propositionem de impossibilitate mandatorum l. 3. 3. de Grat. Chr. cap. 13. pag. 135. edit. Rothomagi. in primis auctoritate ex libro 3. de lib. ar. cap. 18. probare conatur, operæ pretium est hic texere textus Beati Augustini subsequentes, & cito citius clarebit, consequentias, quas Ypresis vult ex ejus auctoritate deducere, prorsus alienas esse Sancti Doctoris menti.

*Observandum est*, S. Augustinum libros tres de libero arbitrio scripsisse adversus Manichæos, qui hominem esse in actionibus liberum abnegabant propter naturæ corruptionem, quam quidem corruptionem in Deum quemdam malum, malum molientem & operantem refundebant. Eos autem revincit in his libris S. Doctor tria probando: primo quidem malum non esse a Deo, quandoquidem peccatum non habet causam efficientem sed deficientem, adeoque a naturæ rerum culpam Adami corrupta profluere. Secundo ignorantiam, concupiscentiam, difficultatem ad bonum, alioque defectus ex hoc impuro fonte promanare, cujus rei argumentum est, quod hæc mala non sint ex natura instituti hominis, sed poena peccatoris: quos etiam defectus nonnumquam appellat peccata in radice, videlicet in Adamo qui libere inobediendo peccavit. Tercio liberum arbitrium tamen ad bonum operandum debilitatum, attamen vere & formaliter eatenus inesse homini lapsi, quatenus in eo remansit indifferencia actus ad oppositum, ita ut omnis necessitas & simpliciter simplex, qualem propugnant Calvinus; & relativa, quæ transit in absoluta, qualem defendit Janfenius, a voluntate hominis juxta inconcussa S. Augustini principia eliminanda sit.

In libro 2. de libero arbitrio pergit S. Praeful insectari Manichaeorum errores circa naturam primi principii & liberum arbitrium, ostendendo neque praescientiam Dei, neque ejusdem cum hominibus operantibus concursum humanae adversarii libertati, cui si adjungeret, ut incertum propugnat Jansenius peccandi necessitatem & praepcepta adimplendi impossibilitatem, certe nihil omnino adversus Manichaeos probaret. Igitur jam luce clarius apparet Yprensem contra scopum ab Augustino intentum ex ejus auctoritate concludere quaedam praepcepta etiam iustis etiam conantibus esse impossibilia: sed ne verba & voces tantum contra Jansenii doctrinam opponi aliquis credat, in medium adducere juvat textum S. Aug. capituli 18. libri tertii de libero arbitrio.

S. Doctor n. 52. sic loquitur. "Nec mirandum est quod vel ignorando non habet homo arbitrium liberum voluntatis ad eligendum quid recte faciat: vel resistente carnali consuetudine quae violentiae mortalis successione quodammodo naturaliter inolevit, videat quid recte faciendum sit, & velit, nec possit adimplere. Illa est enim poena peccati iustissima, ut amittat quisque quo bene uti noluisset, cum sine ulla posset difficultate, si vellet. Id est autem ut qui sciens recte non facit, amittat scire quid rectum sit: & qui recte facere cum posset noluisset, amittat posse cum vellet. Nam sunt revera omni peccanti animae duo ista poenalia, ignorantia & difficultas. Ex ignorantia dehonestatur error, ex difficultate cruciatus affligit. Sed approbare falsa pro veris, ut erret invitatus, & resistente atque torquente dolore carnalis vinculi, non posse a libidinosis operibus temperare, non est natura instituti hominis, sed poena damnati. Cum autem de libera voluntate recte faciendi loquimur, de illa scilicet, in qua homo factus est, loquimur.

Eo loci, ut patet, hanc instituit S. Augustinus comparationem inter hominem innocentem & hominem lapsum: quod primus & gratiam & charitatem sibi congenitam haberet, idcirco & perfectam recte faciendi libertatem, facilitatem & magnum posse bonum, quam quidem libertatem, non quoad substantiam, sed solummodo quoad perfectionem & recte faciendi facilitatem, in poenam peccati ami-

sit; subdit S. Aug. istud posse a gratia innocentiae & charitate in homine innocente profluxisse, cujus hanc optimam reddit rationem: "illa est enim poena peccati iustissima, ut amittat quisque quo bene uti noluisset." Cum ergo illud posset bene faciendi primo homini innatum, amissum sit, homo lapsus non nisi, mediante gratia salvatoris, illud recuperat & habet. Posse igitur bonum adesse homini lapsi facienti quod in se, & oranti, centies asserit S. Augustinus, qui sensum hunc tanquam suum approbat, cum haec subiungit verba, "cum autem de libera voluntate recte faciendi loquimur, de illa scilicet, in qua homo factus est, loquimur." Ecce conclusio Jansenii ex auctoritate S. Augustini deducta: ergo homini lapsi etiam iusto, etiam conanti quaedam praepcepta sunt impossibilia, deest quoque gratia qua possibilia fiant: & ecce confessio S. Aug. homo lapsus sine gratia Christi non potest adimplere praepcepta nemini sunt impossibilia; sic enim ait l. de nat. & g. cap. 43. n. 50. "Non igitur Deus impossibilia jubet, quin immo nemini deest gratia ut adimpleat, peccator enim & potest orare, & efficacia orationis habere charitatem qua perfecte obedit legi: Sed jubendo admonet, inquit S. Doctor, & facere quod possit, & petere quod non possit." Yprensis aliam deducit ex auctoritate S. Aug. consequentiam: Illa est peccati poena iustissima, &c. videlicet hominem lapsum quandoque necessario compelli ad peccatum: hoc enim sequitur ex impossibilitate mandatorum. Quidam quoque tempore B. Augustini eandem ex necessitate gratiae deducebant. Verum S. Doctor toto mentis affectu hanc abhorret illationem, & ne quisquam talem ex auctoritate sua his verbis expressa, Illa est, &c. deducat, solvit argumentum.

Sic respondet ibidem cap. 18. n. 53. immediate post ista verba: "Cum autem de libera voluntate recte faciendi loquimur, de illa scilicet, qua homo factus est, loquimur." Ne enim dimittat adversarios, & aliqui impossibilitatem recte faciendi homini lapsi assignant, subdit: "Hic occurrit illa quaestio, quam inter se murmurantes homines vomere consueverunt, qui quodlibet aliud in peccando quam se accusare parati sunt. Dicunt enim, si Adam & Eva peccaverunt, quid nos miseri facimus, ut

„ cum

„ cum ignorantia cæcitate & difficulta-  
 „ tis cruciatibus nasceremur, & primo  
 „ erraremus nescientes quid nobis esset faci-  
 „ endum, deinde ut nobis inciperent  
 „ aperiri præcepta justitiæ, vellemus ea  
 „ facere, & renitentis carnis concupi-  
 „ scentia nescio qua necessitate nonvale-  
 „ remus? „ Ecce clara, sed perversa  
 „ consequentia quam Janſenius deducit ex il-  
 „ la S. Aug. auctoritate, *Illā est peccati pœ-  
 „ na justissima*, &c. Quam quidem conte-  
 „ quantiam detestatur S. Doctor, eamque  
 „ pro virili, & toto mentis affectu impu-  
 „ gnat. Ergo pergit, & sic revincit excu-  
 „ santes se hæcitiæ necessitatis prætextu in  
 „ peccatis. „ Quibus, inquit, breviter re-  
 „ spondetur ut quiescant, & adversus  
 „ Deum murmurare desistant. Recte e-  
 „ nim fortasse quererentur, si erroris &  
 „ libidinis nullus hominum victor existeret,  
 „ cum vero ubique sit præsens, qui  
 „ multis modis per creaturam sibi Domi-  
 „ no servientem averſum vocet, doceat  
 „ credentem, conſoletur sperantem, di-  
 „ ligentem adhortetur, conantem adju-  
 „ vet, exaudiat deprecantem; non tibi  
 „ deputatur ad culpam, quod invitus igno-  
 „ ras sed quod negligis quæreret quod igno-  
 „ ras; neque illud quod vulnerata membra  
 „ non colligis, sed quod volentem sanare  
 „ contemnis: ista tua propria peccata sunt.  
 „ Nulli enim homini oblatum est scire  
 „ utiliter quærere, quod inutiliter ignoratur,  
 „ & humiliter confitendum esse imbecilli-  
 „ tatem, ut quærenti & confitenti ille  
 „ subveniat, qui nec errat dum subvenit,  
 „ nec laborat. „

Certe aureis istis verbis & sententiis B. Augustinus quasi hæreseos Janſenianæ præſci-  
 „ ſus, totum fucatum, erroneumque Ypren-  
 „ ſis subvertit ſyſtema. Primo quidem Jan-  
 „ ſenius exorbitante concupiſcentia, propu-  
 „ gnat hominem non poſſe libidini reſiſte-  
 „ re; contrarium aſſerit S. Auguſt., cuius  
 „ rei argumentum hoc aſſert, peccatorem  
 „ conſentiendo carni titilanti, reum eſſe,  
 „ quatenus poteſt obſtiti & vincere tenta-  
 „ tionem, cum multos de ſacto reſiſtiſſe  
 „ compertum ſit, *Recte enim inquit, for-  
 „ taſſe quererentur peccatores, ſi erroris & li-  
 „ bidinis nullus hominum victor exiſtiſſet*.  
 „ Secundo contendit Janſenius gratiam qua  
 „ præcepta poſſibilia ſunt, ut ad malum  
 „ neceſſario non compellantur, non ſolum  
 „ peccatoribus, ſed & juſtis etiam conan-  
 „ tibus nonnumquam deſſe: e contra San-  
 „ ctus Auguſtinus docet omnibus aſſe,

etiam magnis peccatoribus, qui ſi eam  
 „ humiliter a Deo expoſtulent, proſecto  
 „ habebunt & adimplebunt mandata „ cum  
 „ vero Deus ubique ſit præſens, qui  
 „ multis modis per creaturam ſibi Do-  
 „ mino ſervientem averſum vocet, do-  
 „ ceat credentem, conſoletur ſperan-  
 „ tem, diligentem adhortetur, conan-  
 „ tem adjuvet, exaudiat deprecantem. „  
 „ Tertio Janſenius ignorantiam etiam in-  
 „ vincibilem juris naturalis ex peccato ori-  
 „ ginali promanantem vult eſſe peccatum:  
 „ ſed hoc contra erroneum dogma acriter  
 „ inſurgit S. Præſul, docendo illam eſſe  
 „ peccatum ſolummodo in Adamo, qui in-  
 „ obediendo cauſa ejus fuit, nulquam ve-  
 „ ro in hominibus, niſi ei libere con-  
 „ ſentiant, debitam non adhibendo dili-  
 „ gentiam, ut ſi fieri poteſt, eam devin-  
 „ cant. Sic pronuntiat Sanctus Auguſtinus,  
 „ non tibi deputatur ad culpam, quod  
 „ invitus ignoras; neque illud quod vulnera-  
 „ ta membra non colligis, ſed quod volentem  
 „ sanare contemnis: iſta tua propria pec-  
 „ cata ſunt. „ Quid expreſſius pro Janſenii  
 „ dogmatibus proſcribendis?

Yprenſis alteram laudat S. Auguſt. au-  
 „ thoritatem pro impoſſibilitate præcepto-  
 „ rum l. 3. de g. Chriſti cap. 13. pag. 138.  
 „ col. 2. quam ex l. 3. de lib. arb. cap. 18.  
 „ Sancti Auguſtini excerptit. „ Qui cogenti  
 „ cupiditati bona voluntate reſiſtere non  
 „ poteſt, & ideo facit contra præcepta  
 „ juſtitia, jam hoc ita peccatum eſt, ut  
 „ ſit etiam pœna peccati „ ex hoc con-  
 „ cludit Janſenius etiam volentem non poſſe  
 „ adimplere mandata. Hæc ſunt enim ejus  
 „ verba immediate antecedentia *de volentibus loquelatur*, S. Auguſtinus, *quando dicebat, qui cogenti, &c.*

Reſpondeo hanc auctoritatem non repe-  
 „ ri in editione nova, eo ſaltem loco ab  
 „ Yprenſi citato. Quidquid ſit, huic diffi-  
 „ cultati occurrit S. Auguſt. & hanc con-  
 „ trariam omnino deducit conſequentiam  
 „ neminem ſcilicet concupiſcentia neceſſa-  
 „ rio ad malum compelli, nec libidinis mo-  
 „ tum eſſe peccatum niſi libere ei aſſentia-  
 „ tur homo. Sic inchoat cap. 18. nu. 30.  
 „ libri tertii de libero arbitrio „ An for-  
 „ te violenta eſt, & cogit invitum? „ Num  
 „ „ eadem toties replicaturi ſumus? Remi-  
 „ niſcere ſuperiorum, quæ a nobis tam  
 „ multa de peccato, & voluntate libera  
 „ dicta ſunt. Sed ſi laborioſum eſt om-  
 „ nia mandare memorie, hoc brevissi-  
 „ mum tene. Quæcumque iſta cauſa eſt  
 „ „ volu-



„ voluntatis, si non ei potest resisti, si-  
 „ NE PECCATO EI CEDITUR: si autem  
 „ potest, non ei cedatur, & non pecca-  
 „ bitur. An forte fallit incautum? Ergo  
 „ cavet ne fallatur. An tanta fallacia  
 „ est, ut caveri omnino non possit? Si ita  
 „ est, nulla peccata sunt: QUIT ENIM  
 „ PECCAT IN EO, QUI OD NULO MO-  
 „ DO CAVERI POTEST? PECCATOR AUTEM,  
 „ CAVERI IGITUR POTEST.

Obtrepit iterum Heterodoxus, propu-  
 gnatque inesse homini juxta B. Augustini  
 sententiam ad peccandum modo ex igno-  
 rantia, modo ex concupiscentia ortam ne-  
 cessitatem; deinde a simili concludit, sed  
 perverse, nonnunquam inesse homini &  
 præcepta adimplendi impossibilitatem: quo  
 innixus fundamento? Si quæras, respon-  
 det sic docere S. Augustinum, qui quan-  
 doque peccatore sic loquentem introdu-  
 cit lib. de grat. & liber. arbitrio cap. 3.  
 num. 5. non possum facere quod præcipi-  
 tur, quoniam concupiscentia mea vincor;  
 quandoque etiam illum Apostoli laudat  
 locum Roman. 7. 15. *Non enim quod vo-  
 lo, hoc ago: sed quod odi, illud facio.*

S. Augustinus hanc sibi a Pelagianis fa-  
 ctam propellit calumniam: unde nescio  
 quo ausu hoc ipsum immiculatæ tanti Do-  
 ctoris sententiæ tribuant & Protestantes  
 & Jansenius veluti in eorum collimans  
 opinionem. Sic objectioni respondet S.  
 Doctor l. i. contra duas Epist. Pel. cap. 5.  
 num. 7. „ Non itaque, sicut dicunt nos  
 „ quidam dicere, & ille audet insuper  
 „ scribere, omnes in peccatum, veluti in-  
 „ viti, carnis suæ necessitate coguntur. Sed  
 „ si jam in ea ætate sunt ut propriæ  
 „ mentis utantur arbitrio, & in pecca-  
 „ to sua voluntate retinentur, & a pec-  
 „ cato in peccatum sua voluntate præci-  
 „ pitantur. Neque enim agit in eis et-  
 „ iam qui suadet & decipit, nisi ut pec-  
 „ catum voluntate committant, vel igno-  
 „ rantia veritatis vel delectatione iniqui-  
 „ tatis, vel utroque modo & cæcitatibus &  
 „ infirmitatibus.

Quibus verbis docet sanctus Doctor ne-  
 que ignorantiam, neque concupiscentiam  
 esse peccatum formaliter & in se, nisi  
 accedat voluntatis consensus. Quod ex  
 professo probat cap. 3. 4. 5. 6. 7. 8. 9.  
 10. 11. 12. & cap. 13. num. 27. ait de  
 concupiscentia tradans: „ Jam non sit pec-  
 „ catum, sed hoc vocetur, sive quod  
 „ peccato facta sit, sive quod peccandi  
 „ delectatione movetur, etsi ei vincente,

„ delectatione justitiæ non consentia-  
 „ tur.

Cæterum falsum est S. Augustinum ad-  
 mittere peccandi necessitatem, ait qui-  
 dem inesse homini lapsio in genere quan-  
 dam necessitatem, nusquam vero neces-  
 sitatem simplicem live physicam sive rela-  
 tivam. Sic seipsum explicat l. de natura  
 & gratia cap. 66. n. 79. ubi sic alloquitur  
 Pelagium: „ Redi ergo ad apostolicam  
 „ sententiam: Rom. 5. *Charitas Dei dis-*  
 „ „ *posita est in cordibus nostris per Spiritum*  
 „ *Sanctum qui datus est nobis.* A quo nisi ab  
 „ illo qui ascendit in altum, Psal. 4. 8.  
 „ *Captivavit captivitatem, dedit dona ho-*  
 „ *minibus?* Quod autem ex vitiis naturæ,  
 „ non ex conditione naturæ, sit QUE-  
 „ DAM PECCANDI NECESSITAS, au-  
 „ diat homo, atque ut eadem necessitas  
 „ non sit, discat Deo dicere, de neces-  
 „ sitatibus educ me.

Gratiam necessitantem propugnat Ypren-  
 sis, quam falso auctoritate S. Augustini  
 innixam putat, duplicemque pro hoc mo-  
 mento laudat S. Præfatus locum. S. Do-  
 ctor, inquit, dicit voluntatem Dei mo-  
 do invictam, modo etiam insuperabilem  
 esse: si invicta est, nunquam ei resisti-  
 tur, si vero insuperabilis, ne quidem ei  
 resisti potest. Ex quo concludit gratiam  
 necessitare ad bonum: S. Aug. l. de Spir.  
 & Litt. cap. 33. n. 58. sic loquitur: *Vo-*  
 „ *luntas Dei semper invicta est.* Libro vero  
 de Corr. & Grat. c. 12. nu. 58. *Subventum*  
 „ *est igitur infirmitati voluntatis humane, ut*  
 „ *divina gratia indeclinabiliter & insuperabi-*  
 „ *liter ageretur.*

Respondeo nihil magis esse a genuina Di-  
 vi Augustini sententia alienum quam gra-  
 tiam necessitantem. S. Doctor est sui ip-  
 sius interpres. In primo loco tantum  
 abest, ut quidquam pronuntiet adversus  
 liberum arbitrium, illud ipsum & astruit,  
 dum ait esse medium vim ad oppositum,  
 & defendit, cum docet Deum ita vel-  
 le omnes homines salvos fieri, ut eis non  
 adimat liberum arbitrium quo possunt be-  
 ne vel male uti, ita tamen quod si ma-  
 le, punientur, ex quo jure merito con-  
 cludit voluntatem Dei esse invictam, qua-  
 tenus qui ab illa ut bona est & remunera-  
 tiva peccando aberrant, in eandem ut  
 scelera punit prolabantur. Duplex igitur  
 distinguitur Dei voluntas: una quidem  
 generalis qua suam in omnibus querit  
 gloriam, altera ad homines terminata  
 qua vult eos omnes salvos fieri. Primam  
 im-

impedire nequidem peccator impius potest, quia etiam damnatio peccatoris cedit in gloriam iusti vindicis, & de illa loquitur S. Aug. cum ait voluntatem Dei esse invitam. Alteri vero aut resistere aut ejus impedire effectum perfectum posse, nemo non experitur: efflo quod voluntas hominis gratia efficaci ad bonum mota non resistat, potest tamen resistere.

*Jam* audiamus S. Augustinum qui libro citato de Spir. & Litt. cap. 33. n. 58. ait "Libertum arbitrium naturaliter attributum a Creatore animæ rationali, illa media vis est, quæ vel intendi ad fidem, vel inclinari ad infidelitatem potest est . . . . Vult autem Deus omnes homines salvos fieri, & in agnitionem veritatis venire; non sic tamen ut eis admittat liberum arbitrium quo bene vel male utentes iustissime judicantur. Quod cum sit, infideles quidem contra voluntatem Dei faciunt, cum ejus Evangelio non credunt: „ ecce resistentia: subdit vero. „ Nec ideo tamen eam vincunt, verum se ipsos fraudant magno & summo bono, malisque prænalibus implicunt, experturi in suppliciis potestatem ejus, cujus in donis misericordiam contempserunt. „ Quid ex hoc concludit S. Doctor, voluntatem Dei qua in omnibus suam querit gloriam, vinci non posse? „ Ita, inquit, voluntas Dei semper invicta est: vinceretur autem, si non inveniret quid de contemptoribus faceret, aut ullo modo possent evadere quod de talibus ille constituit.

*Quod* autem homo voluntati Dei eum per gratiam ad vitam vocanti possit resistere, audi eundem Augustinum ibidem de hoc momento seclæ explicantem cap. 34. n. 60. „ Agit Deus, ut velimus & credamus, sive extrinsecus per evangelicas exhortationes. . . . sive intrinsicus, ubi nemo habet in potestate quid ei veniat in mentem, sed consentire, „ vel dissentire propriæ voluntatis est. „

*Respondet* ad secundam ex libro de Correctione & gratia depromptam auctoritatem, illam apprime intelligi posse de voluntate Dei qua Deus in omnibus suam curat & querit gloriam, quæ quidem voluntas insuperabilis est, ut ex dictis modo liquet. Verum alia occurrit clara ad mentem S. Doctoris solutio; eum enim de gratia perseverantiæ finalis, quæ agit iustum immobiliter in bono, dum mortem cum charitate conjungit, loqui certissimum

est, quam tamen gratiam libero hominis arbitrio non esse adversam ipse docet, ipse incunctanter prædicat. Cap. 8. n. 17. sic effatur de Christo qui hanc pro Petro exposculavit gratiam. „ Quando ergo ne fides ejus deficeret, quid aliud rogavit, nisi ut haberet in fide LIBERRIMAM, fortissimam, invictissimam, PERSEVERANTISSIMAM voluntatem? „

*Rursus* ibidem cap. 11. n. 31. de gratia Mediatoris, ait, gratia primi Hominis multo robustiorem esse. „ Hæc autem tanto major est, ut parum sit homini per illam REPARARE PERDITAM LIBERTATEM, „ parum sit denique non posse sine illa vel apprehendere bonum, vel permanere in bono si velit, nisi etiam efficiatur ut velit. „ Igitur homo manet liber sub dominio gratiæ quantumvis efficacissimæ, cum eo detur scopo, non ut extinguat libertatem, sed ut perdatam, quæ sane non dissentibus etiam Protestantibus in indifferentia actus sita erat, restauret & reddat. Quinimo gratiæ perseverantiæ, si spectetur secundum seriem gratiarum interiorum quibus pervenitur ad finem, homo iustus potest resistere, cum electos nonnumquam a gratia excidisse, postea ad eam poenitentia ductos resurrexisse constat. Et certe immobilitas & insuperabilitas finalis in bono non est, donec accedat providentia specialis extrinseca, quæ jungat mortem cum gratia habituali & charitate: unde perseverantia finalis nonnisi adæquate sumpta, hoc est, & pro serie gratiarum qua perdurat iustus in bono cæpto, & pro pretiosa morte, gratia insuperabilis dicenda est.

*Veniamus* nunc ad alteram pro objectione propositam auctoritatem quæ quidem cap. 12. n. 8. refertur, ut appareat non de alia quam de perseverantiæ gratia S. Augustinum loqui: hæc enim subiungit post ista verba de voluntate hominis per gratiam mota, *insuperabiliter ageretur*; „ Et ideo quamvis infirma, non tamen deficeret, neque adversitate aliqua vinceretur. Ita factum est, ut voluntas hominis invalida & imbecilla in bono adhuc parvo PERSEVERARET per virtutem Dei.

*Et hæc* impræsentiarum sufficiant pro genuina mente D. Augustini circa gratiæ difficultates, quas iterum atque iterum sub diversa & multiplici tum facie tum methodo exhibuimus, ut clare videamus in lumine tanti Doctoris, quid recte sentien-

tiendum, quidve docendum & prædicandum de gratia Mediatoris ad metam fidei sanctæ matris Ecclesiæ Apostolicæ Romanæ quæ sola ejusdem fidei depositum, ut vera & amantissima Christi sponsa incorruptibiliter & servavit, & servat & servabit in sæcula.

*Synopsis eorum omnium quæ de libris eximii gratiæ Doctoris dicta sunt pro consociatione liberi hominis arbitrii cum Christi adiutorio.*

**PRIMO:** in tribus libris de libero arbitrio S. Augustinus explodit commenta Manichæorum qui fatum quoddam & ad malum patrandum necessitatem hominibus inesse effutiebant. Probat adversus eos in primo quidem libro originem mali a sola voluntate humana libere admodum agente promanare: in secundo omnium bonorum Deum esse primam causam, ita tamen ut moveat homines ad salutem libere, & eorum conformiter naturæ: in tertio nec præscientiam mali libero adversari arbitrio; nec concupiscentiam & ignorantiam esse peccatum, nisi accedat voluntatis consensus.

**Secundo:** in libro de Spiritu & Littera S. Doctor ostendit legem ad salutem non sufficere, gratiam ad hoc necessariam esse iterum atque iterum demonstrat, ita tamen suaviter, ut & libertas indifferentiæ & actus sub ejus dominio integra permaneat, & hoc potissimum cap. 29. & 34. docet.

**Tertio:** in libro de Natura & Gratia Beatus Præful ostendit adversus Pelagium gratiæ Mediatoris necessitatem & miram ejus cum libero arbitrio concordiam: Heterodoxi solvit objectiones, & mandata Dei esse possibilia iterum atque iterum, maxime vero Cap. 69. ostendit.

**Quarto:** necessitatem gratiæ iterum propugnat S. Aug. in libro de Gratia Christi contra Pelagium: agit ibi maxime de gratia operis, quam non esse aut libero arbitrium, aut legis illuminationem asserit.

**Quinto:** eandem propugnat gratiæ necessitatem S. Præful in libris quatuor contra duas Epistolas Pelagianorum: libro 1. cap. 2. propellit hanc sibi irrogatam contumeliam a Pelagianis de extinctione liberi arbitrii, asseritque illud peccato Adæ infirmatum quidem, sed nusquam fuisse destructum: gratia quoque adjuvari sed non

necessitari docet. Idem probat cap. 10. 11. 12. 13. & 19. In isto multa dicit de efficacia gratiæ & de ejusdem cum libertate concordia. l. 2. cap. 5. multa quoque differit de libertate indifferentiæ. Cap. 8. fuso calamo gratiæ necessitatem pertrahat. Ibidem loquitur de præparatione voluntatis a Domino, tum ex parte actus primi per gratiam sufficientem, tum ex parte actus secundi per gratiam efficacem. Cap. 10. ait nihil juberi a Deo quod non inveniat vel dari ab ejus bonitate, vel posci propter adiutorium gratiæ demonstrandum. In l. 3. defendit legem Mosaicam contra impugnant. Cap. 2. eam esse bonam, tametsi non omnibus numeris absolutam, sicut est nova, propugnat. lib. 4. cap. 5. pluribus auctoritatibus efficaciam gratiæ demonstrat.

**Sexto:** S. Augustinus iterum atque iterum celebrat gratiæ cum libero arbitrio consociationem in libro qui inscribitur de gratia & libero arbitrio contra Monachos Aduemetinos illam insipientes, maxime cap. 2. ubi variis Scripturæ contextibus ostendit inesse homini liberum arbitrium: eandem prosequitur materiam cap. 5. nec illud a concupiscentia necessario ad malum compelli: cap. 15. asserit hominem posse Dei servare mandata: cap. 16. fusiori calamo probat mandata Dei esse homini possibilia. Eandem prosequitur materiam cap. 17.

**Septimo:** Partes liberi arbitrii adversus Monachos Aduemetinos suscipit defendendas in libro de correptione & gratia: ibi S. Doctor ostendit gratiam tametsi ad bonum opus necessariam, attamen neque nocere libero arbitrio, neque correctionis locum præripere. Cap. 1. distinguit id quod est a voluntate humana libere & ex prævia electione operante, id vero quod est a gratia ad bonum, & applicante & adjuvante. Cap. 2. 3. 4. probat gratiæ necessitatem salvo liberi hominis arbitrii jure, & respondet objectionibus quæ ex correptionis inutilitate proponunt Monachi. Cap. 8. propugnat gratiam Christi sicut fortissimam & perseverantissimam in bono voluntatem, ita & liberrimam dare. Cap. 11. dicit gratiam non solum libertati hominis adversam non esse, sed deperditam restituere & reparare. Cap. 12. ait gratiam Christi gratia Adami eatenus efficacioris esse, quatenus non solum posse perseverare sed & actu perseverare conserat.

Con-

*Conclusio quæ conaturaliter ad dicta, & prædicata in istis Libris sequitur, est, hominem sub dominio gratiæ quantumvis efficiacis liberum manere.*

1. S. AUGUSTINUS in tribus de libero arbitrio libris impugnât Manichæos qui hominem fato quodam ad malum necessario compelli dicebant, ita ut non remitteret in homine indifferentia actus ad bonum & malum: profecto si aut concupiscentia ad malum, ad bonum vero per gratiam necessario induci doceret, non vincerentur Manichæi, nec quidquam adversus eos pro libero hominis arbitrio probaret S. Doctor, cum fatum & ad malum per concupiscentiam, & ad bonum per gratiam remaneret. Quæ cum a mente S. Augustini & ejus conclusionibus prorsus aliena sint, si quis verus evadit tanti Doctoris Discipulus & auditor, eum, indifferentiam actus in statu naturæ laplæ ex professo propugnare fatebitur.

2. S. Doctor in Libris de Spiritu & Littera, de Natura & Gratia, de gratia Christi, in aliis quatuor contra duas Epistolas Pelagianorum revincit istos Heterodoxos, qui ut gratiam, qualem prædicabat S. Augustinus evacuarent, libertatem humanam a tali gratia destrui asserbant, ipsi autem libertatem indifferentiæ & actus fortiter defendebant, nec in eo certe errabant, verum potius quia illam ut servarent, non aliam liberi arbitrii inflatores gratiam præter legem, quæ dicit, declina a malo & fac bonum, agnoscebant. Eos censorio perstringit stylo S. Doctor & debellat: profecto non negando libertatem indifferentiæ & actus, quinimmo stupidam, insulsumque eorum propellit calumniam, dum illi talem negare libertatem improperabant: iterum atque iterum eum & prædicat & omni auctoritatis genere probat, unum tantummodo ab adversariis expostulat, ut liberum hominis arbitrium gratia Mediatoris ita sanari & adjuvari fateantur, ut nihil boni ad salutem conducentis, aut incipere, aut continuare, secluso Dei auxilio, queant: hoc unum perpetuo adversus malignantes concludit: ex quibus liquet S. Præfulem causa cadere si libertatem indifferentiæ, actus per gratiæ efficaciam adimi contendat: quod certe toto cælo distat a tanti & tam amabilis Doctoris sententia.

3. S. Præsul in libris de Gratia & libe-

ro Arbitrio, & de Correlatione & Gratia, iterum gratiæ & liberi hominis arbitrii hostes impugnat, Monachos scilicet Adrumetinos, quorum alii Pelagianis affines, libertatem humanam efficaciam gratiæ tolli effutiebant, hinc & gratiæ necessitatem ad initium fidei abnegabant: quidam vero gratiæ necessitatem per omnia admittentes, liberum hominis arbitrium sub dominio tanti auxilii adimi arbitrabantur. Quocirca & correlationem inutilem esse interebant: eos omnes revincit S. Augustinus libertatem indifferentiæ actus cum gratia etiam efficacissima conciliando & propugnando; namque de tali libertate humana erat controversiæ caput; & ideo suum inscripsit tractatum, *de gratia & libero arbitrio*. Adversus vero pertinaciores non adimi correctionis locum sub gratia quantumvis robusta contendit, quare? quia, ipso teste, remanet semper in homine libertas ad malum vel bonum eligendum, ita tamen ut homo ex se possit operari malum, bonum vero non nisi adjutus a gratia. Idem probat contra Semipelagianos in libris de Prædest. SS. & de dono pers. Dicas velim, cordate Lector, si S. Præsul necessitatem ad malum stimulantem & exaltantem concupiscentiam, necessitatem vero ad bonum, moventem & adjuvantem gratia propugnasset, numquid in tanto disceptationis conflictu & congressu, aliquid adversus impugnantes probasset? Pudeat igitur Protestantes hanc irrogare S. Præsuli contumeliam, videlicet eum defendere, sicut ipsi ad spiritum erroris attententes faciunt, hominem ad malum per concupiscentiam, ad bonum vero per gratiæ efficaciam necessario compelli.

4. Eximius gratiæ Doctor, nihil quidquam eorum quæ dixit, docuitque pro liberi arbitrii cum gratia efficaci consortio retraxit, quocirca inoffenso pede amantissimus Doctor & pro necessitate & pro efficaciam gratiæ audiri potest, & nos sicut eum audire, ita & ipsi adhærere gloriamur: et vero pari soliditate, profunditate, immo & claritate probat actus defendit libertatem indifferentiæ actus sub dominio gratiæ. Liberum hominis arbitrium per gratiam vult sanari, moveri & adjuvari, quid justius dicam, & quid suavius.

*Consequentiae quas Janſenius ex S. Auguſtini locis adducit ſunt omnino verbis, ſenſui, & ſcopo Sancti Doctōis oppoſitæ.*

- *Prima conſequentia* : Janſenius l. 3. de gratia Chriſti cap. 13. pag. 138. col. 2. ex Auguſtino dicente conſequentia cogi voluntatem ad malum, concludit abſolute & ſimpliciter nonnunquam compelli ad peccatum, ipſe vero S. Aug. hanc ex profeſſo debellat conſequentiam l. 3. de lib. arb. cap. 18. n. 50. aſſerens actionem humanam numquam evadere peccatum ubi adeſt neceſſitas : ad peccatum exigit libertatem indiſpenſatæ actus, eo quippe loci impugnat Manichæos qui talem abnegabant : unde S. Præſul cum verbo *cogere* utitur, loquitur tantum de motibus primo primis & indeliberatis concupiſcentiæ, cujus rei argumentum eſt quod in probationem aſſertat illa Rom. 7. 19. verba : *Non enim quod volo facio bonum, ſed quod volo malum, hoc ago.* Qui quidem motus non erant niſi in radice mali, namque inerant Apoſtolo ſub gratia & charitate conſtituto : ita ſeſe explicat S. Aug. ibidem n. 51. & 54. l. 1. retr. c. 9. & paſſim in aliis operibus polemicis ; ex quo liquet vocem *cogere*, non niſi in ſenſu lato ſumī a S. Doctore, & eatenus tantum ignorantiam & concupiſcentiam innatam cogere ad malum perpetrandum, quatenus ad peccatum inducunt & inclinant.

- *Secunda* : Yprenſis l. 3. de gratia Salvatoris cap. 7. 8. & 9. ex variis S. Aug. aſſeritibus, maxime ex libro de Spiritu & Littera depromptis inferit & concludit ſtatum veteris Teſtamenti non gratiam ſufficientem attuliſſe Judæis, ſed potius peccati ſtatum, immo & legem Moſiſtam occidiſſe. Sanctus vero Auguſtinus ubique hanc etiam, ut legentibus patebit, impugnat illationem ; unum tantummodo contra Pelagianos probare intendit, legem, ſecula Chriſti gratia, ad ſalutem non ſufficere, eam tamen dicit bonam, immo & ad docendum vias juſtiæ perutilem : hæc expreſſe ſcribit & docet l. de Spiritu & litter. cap. 4. n. 6. & c. 7. & 8. cap. 12. 13. 14.

- *Tertia* : Janſenius variis in locis, ſed in primis l. 3. de gratia Salvatoris cap. 11. & 12. multiplici S. Doctōis auctoritate excerpta tum ex libro de Spiritu & littera, tum ex capite 3. libri quarti contra Julianum probare conatur omnia infidelium

opera eſſe peccata : ſed contrarium concludit abſolute S. Auguſtinus, contendens ea ſolummodo eſſe mala, quæ perverſo ſunt motivo ; quinimmo l. de ſpiritu & litt. c. 27. nu. 48. expreſſe ait : quædam infidelium opera eſſe bona & laudabilia, cujus effati hanc reddit rationem, quod imago Creatoris non ita ſit attrita in eis, quin aliquæ ejus impreſſiones in eis remaneant, quibus incitati aliquod ordinis naturalis bonum & facere queant, & de ſaſto faciant, atque operentur.

*Quarta* : Neminem poſſe reſiſtere gratiæ interiori iterum atque iterum ex locis Divi Auguſtini concludere enititur Janſenius l. 2. de gratia ſal. cap. 4. pag. 41. cap. 24. pag. 81. hoc ipſum inferit maxime ex libro de corr. & grat. in quo quidem S. Auguſtinus prædicat gratiam admodum efficaciem : Hanc conſequentiam deducebant quoque Monachi Adrumetini ex efficaciâ gratiæ, hanc vero totis viribus negat Aug. immo pro deſenſione liberi arbitrii ſub dominio gratiæ, hinc de corr. & grat. ſcripſit librum. Unde cap. 1. n. 2. ait liberum arbitrium remanere in homine lapſo : & cap. 8. nu. 17. ſubdit, gratiam dare quidem inviſam in bono voluntatem, ſed ſimul & liberam. Libro vero de ſpiritu & litt. cap. 34. num. 60. ſic pronuntiat : *Conſentire autem vocationi Dei, vel ab ea diſſentire, propriæ voluntatis eſt.*

*Quarta* : legitur in toto capite decimo tertio libri tertii de gratia Chriſti : nimirum quædam præcepta Dei impoſſibilia ; non ſolum peccatoribus, verum etiam quandoque juſtis, etiam conantibus : quam conſequentiam ex innumeris prope locis D. A. Janſenius deducere & credit, & gloriatur, maxime vero ex duobus & capite 18. libri tertii de libero arbitrio, ubi S. Doctō ait illam eſſe peccati pœnam : juſtiſſimam, ut qui bene facere cum poſſet noluit, amittat poſſe cum velit : ubi etiam S. Præſul videtur innuere hominem a cupiditate neceſſario compelli ad peccatum : quam conſequentiam ipſe S. Auguſtinus ita impugnat, ut illam adverſus Deum obmurmurantibus tribuat, eandem deinde explodit ibidem num. 53. aſſerendo neminem peccare in eo quod vitare non poteſt. Acritus inſurgit ſanctus Præſul ibidem num. 50. adverſus eandem conſequentiam dum ex violentia cupiditatis quidam ſui etiam temporis illam eruere volebant ; & ſic pronuntiat : *Si non ei poteſt reſiſti,*  
ſine

*sine peccato ei ceditur.* Cæterum non in uno loco docet S. Doctor omnia præcepta esse omnibus hominibus possibilia : sic propugnat l. de natura & gratia cap. 43. n. 50. ibid. cap. 69. n. 83. &c.

*Quinta :* Yprensis l. 3. de grat. Christi cap. 20. ait Deum nolle vera & sincera voluntate omnes & singulos homines salvos fieri ; quam consequentiam probare outat auctoritate S. Augustini : sed istam illustrationem impugnat S. Præful l. de spirit. & litt. cap. 33. n. 58. immo penitus expellit : hinc non est circa mentem sancti Doctoris relictus ambigendi locus : ait enim Deum ita velle omnes salvos fieri , ut eis liberum non adimat arbitrium, ita ut male illo utentes reproberentur , eos vero qui bene utuntur , gloria donentur æterni ; unde antecedenter ad merita & demerita eadem , ut patet , voluntate generali vult Deus omnes & singulos homines salvos fieri .

*Sexta hæc est :* Liberum arbitrium granditate peccati amissum : homo ad bonum efficacia gratiæ necessario compellitur , ad malum vero vi concupiscentiæ . Istas consequentias passim eruit Janfenius , ut credit , ex auctoritate S. Aug. & hoc , tomo 3. pag. 5. 12. 39. 40. in primis c. 4. de gratia Christi cap. 10. in isto libro pag. 183. col. 2. sic loquitur : " Nam quemadmodum hic ante gratiam istius cœlestis delectationis , non poterat quicquam agere boni , dominante ei sola delectatione creaturæ ; ita post eam absorptam , extinguanturque penitus , nihil potest agere mali , dominante ei sola delectatione Creatoris . Inter quæ duo extrema quædam in hac vita post acceptam gratiam militat Deo , æternæ creaturæ & creatoris delectatione , nunc recte , nunc perperam facit , prout cœli aut terræ delectatio consensum ejus abriperit . " Eo loci manifeste propugnat Yprensis hominem in hoc præfenti statu bonum & malum , prout erit aut gratiæ , aut concupiscentiæ impetus , necessario facere , ita ut sub dominio alternantis delectationis ei non remaneat libertas indifferentiæ actus ad oppositum .

*Pergit* ibidem pag. 184. col. 1. & ait : " Hinc secundo patet , quia ratione verum sit , quod in homine lapsò ante gratiam ( cui , & multo potentiori ratione rationes addi possunt ; ) non sit amplius illa primæva flexibilitas , qua bene vel male possit & male , hoc est , cur non pos-

sit alteram libertatis partem promovere , quæ bene agendo exercetur . Boni agentis quippe libertatem ante gratiam esse perditam , & peccandi inductam esse servitutem . Augustinus , ut ante declaratum fuit , expresse sententias docet . " Ibi , ut patet ad aperte , concludit ex auctoritate B. Aug. in pravum prorsus detorta sensum , nullam inesse homini lapsò libertatem indifferentiæ actus .

*Prosequitur* ibidem Heterodoxus & sic pronuntiat : " Hæc libido ad singulas occasionem , per omnia peccatorum genera concitata motibus delectationum suarum , voluntatem premit , nec eam finit ad redamandum bonum surgere quod amisit . Hinc ergo fit , quod liberum arbitrium ante gratiam , ex Augustini doctrinâ non sit amplius liberum ad agendum bonum , sed tantummodo ad malum , nam illi primæva integræ libertatis gratia non est ullo modo accommodata ad liberandam a tam immuni delectationum pondere voluntatem , quæ solummodo prona est ad sequendum nutum , atque impulsum ejus . Non potest autem ea se facilitate sursum erigere , quia deorsum cecidit . Ita quippe delectabiliter captiva detinetur , ut neque libeat , neque velit , neque possit , neque sciat surgere . Nam hæc omnia per aliud gratiæ genus ægrotæ & mortuæ dari debent . " Observes velim , benevole Lector , Yprensem eo loci multa propugnare . Primo quidem liberum arbitrium in præfenti statu absque gratia nullum posse bonum , etiam ordinis naturalis , nihil quippe excipit : secundo nequidem posse bonum habere virtute gratiæ sufficientis , dum gratiam primævæ integritatis quam ipse non in uno loco mere sufficientem reoratur , insufficientem tamen impræfentiarum ad hoc potest & prædicet , ita ut cum illa sola homo lapsus non habeat potentiam proximam & expeditam ad agendum .

*Porro* prior consequentia ita est adversa doctrinæ S. Doctoris , ut dicat esse calumniam sibi a Pelagianis irrogatam , unde totis viribus illam debellat , asserendo nusquam se dixisse liberum hominis arbitrium Adæ peccato perisisse , sed tantummodo debilitatum fuisse : ita expresse docet l. 1. adversus duas Epist. Pelag. cap. 2. n. 5. ibidem alteram debellat illustrationem , namque partes libertatis humanæ defendendas suscipit n. 7. & illam propu-

pugnat libertatem quam Pelagiani illi improperando volebant necessitate gratiæ destrui, eam scilicet quæ indifferentiam actus ad oppositum importat. Quid plura? ibidem n. 38. liberum arbitrium cum gratia efficacissima consociari docet. Illudque a concupiscentia nusquam perimi prædicat l. 1. contra duas Epist. Pelag. cap. 3. n. 7. & l. de gratia & lib. arb. c. 3. n. 5.

Fufor essem, si alia systematis Janfenii capita vellem percurrere. Unum sufficit & claret, doctrinam S. Aug. Ecclesiæ Doctoris eximii, ita esse alienam a nævis quæ Janfenianæ tribuuntur, si ut amabili & benevolo Lectori cuncta ad regulas justitiæ fideliter discutienti apparebit, ideam gratiæ actualis ab Yprensi propugnatam, non Augustinianam esse, sed potius Anti-augustinianam.

Ne mireris, benevole Lector, si iterum atque iterum S. Augustini mentem, sicut verum decet Thomistam tanti Doctoris discipulum, exposuerim: & primo quidem in objectionum solutione; ut non nosser, sed Augustini sensus afflueat: deinde in explanatione librorum S. Præf. nequis putet locum avulsim in alienum ab Augustino sensum a nobis trahi: tertio in difficultatibus quas S. Doctor exprofecto solvit. Denique in illationibus quæ connaturaliter ad ejus consequuntur principia, ut quisquis unico velut oculi ictu & intuitu genuinam sancti Præfatis sententiam a fucata secernere queat.

Abstine alias, quam veritatis, quam fidei & S. Augustini ac Divi Thomæ doctrinæ suscipere partes. Omnes Academicorum orthodoxarum ea quæ par est reverentia, salvo fidei dogmate, veneror opinioniones: sicut non meum est judicare de variis quæ circumferuntur, ita nec juxta Clementis VIII. præceptum aliquam ex eis reprehendere: utinam omnes Ecclesiæ Sanctæ & Apostolicæ Romanæ Theologi, sicut in fide adunantur, ita sint & caritate conjuncti, ut adversus fidei hostes debellandos egressiantur sicut vir unus: tunc in mirabili illa Fortium cohorte adimplebitur illud Jeremiæ 1. *Ecce dedi verba mea in ore tuo: ecce constitutus te hodie super Gentes, & super regna: ut evellas, & destruas, & disperdas, & dissipet, & ardesces & plantet. . . . . Bellabunt adversum te, & non prævalerunt: quia ergo tecum sum.*

Juvat totam hanc, ad laudem & exaltationem doctrinæ veri & sancti Aug. ex-

planationem claudere aureis tanti Doctoris sententiis & verbis ex libro de spiritu & littera excerptis cap. 30. n. 52. ubi sic loquitur: "Liberum ergo arbitrium evacuamus per gratiam? Absit: sed magis liberum arbitrium statuimus. Sicut enim lex per fidem, sic liberum arbitrium per gratiam non evacuatur, sed statuitur. Neque enim lex impletur nisi libero arbitrio: sed per legem cognitio peccati, per fidem impetratio gratiæ contra peccatum, per gratiam sanatio animæ a vitio peccati, per animæ sanationem libertas arbitrii, per liberum arbitrium justitiæ dilectio, per justitiæ dilectionem legis operatio. Ac per hoc, sicut lex non evacuatur, sed statuitur, per fidem, quia fides impetrat gratiam, quæ lex impleatur: ita liberum arbitrium non evacuatur per gratiam, sed statuitur, quia gratia sanat voluntatem, quæ justitiæ libere diligitur. Omnia hæc quæ velut catenatim connexi, habent voces suas in Scripturis sanctis. Lex dicit Exod. 20. 17. *Non concupisces*. Fides dicit Psalm. 40. 5. *Sana animam meam quoniam peccavi tibi*. Gratia dicit Joan. 5. 15. *Ecce sanus factus es, jam noli peccare, ne quid tibi deterius contingat*. Sanitas dicit Psalm. 29. 3. *Domine Deus meus exclamavi ad te, & sanasti me*. Liberum arbitrium dicit Psalm. 55. 8. *Voluntarie sacrificabo tibi*. Dilectio justitiæ dicit Psalm. 118. 85. *Narraverunt mihi iniqui delectationes, sed non sicut lex tua, Domine*.

### SECTIO TERTIA.

*Traditio pro concordia libertatis cum præscientia Dei iterum explanatur ex libris Patrum exprofecto pro hoc momento conscriptis & ex definitione Conciliorum, quæ quidem contrarium docentes perstrinxerunt.*

GRATIANUS in Decreto p. 2. causa 26. quæst. 6. Can. Non observetis: "fato qui credit, mortaliter peccat." & Gloss. ord. super Epist. ad Rom. c. 9. col. 129. litt. E. tom. 6. "Præscientia Dei habet definitum qualis uniuscujusque futura sit voluntas, ex qua damnetur vel coronetur." Igitur non datur fatum, hinc laus aut supplicium non oritur præsciæ ex præscientia, sed ex voluntate humana, cuius Deus præscit boni aut mala. Unde eadem Gloss. super Josue c. 24. di-

dicat: " Si nulla esset in hominibus arbitrii libertas, nulli essent laudandi, nec vituperandi. " Igitur ex definitione juris constat præscientiam non tollere libertatem.

Sed hanc veritatem ex refutatione hæresum contra liberum arbitrium per singula sæcula ostendere præstat.

1. *Fatum* non solum admisit Cicero & alii Philosophi; sed multi etiam ex antiquis contra negantes probant Providentiam rerum omnium non minori quam admirabili sapientia modum agendi connaturalem conservare.

*Seneca* l. 2. naturalium questionum c. 37. & 38. luculentissimis rationibus fatum impugnat.

*Nemesius* Philosophus Christianus etiam partes libertatis propugnat & fatum suo perstringit stylo censorio.

*Augustinus* l. 1. de Civ. c. 1. l. 10. c. 14. & sequent. eruditissime scribit contra fatum Gentilium & probat præscientiam Dei in nullo humanam offendere libertatem.

2. *Manichei* 2. 3. 4. & 5. sæculo Ethnicorum errorum plagiaris, fatum defensionibus & hominis liberum arbitrium negantibus, illorum hæresim, multi Patres & dictis & scriptis, certatim impugnaverunt.

*Iustinus* citatus, *Irenæus*, *Athanasius* & alii fatum semper ut quid impium abhorrentes, scripserunt hominem inanere ubique sub dominio tum scientiæ Dei, tum prædestinationis & gratiæ liberum.

3. *S. Augustinus* pugnavit adversus Monachos Adrumentinis, qui ex efficacia gratiæ & præscientia Dei, inferebant necessitatem in actiones humanas induci, ita ut nequidem ullum correctionis locum remanere effutirent; de quibus certior factus *S. Præsul*, scripsit librum de correptione & gratia: in quo quidem disertissime probat hominem sub dominio & præscientiæ & gratiæ manere liberum, subditque inquietos, aliove crassa ac supina pro salute negligentia laborantes sedula correptione excitandos, & seria commotione ad bonum faciendum adjuvandos, immo & pœnis compellendos esse contendit, ut supra ostensum est.

4. *Quinto sæculo* quidam *Lucidus Presbyter* prædestinationem necessitantem propugnabat: verum Ecclesia, impiam hanc execrans doctrinam, tam in Concilio Arelatensi proscripsit.

5. *Nono sæculo* *Gotescalcus* renovavit de prædestinatione necessitante errorem: contra ipsum insurrexerunt *Rabanus*, *Hincmarus*. Ille damnavit novatorem in Concilio Moguntino: ille proscripsit in Carisiaco.

6. *Decimo quinto sæculo* *Lutherus* & *Calvinus* antiquiorum Hæreticorum de prædestinatione necessitante opinionem defendentes, statim a Tridentino can. 4. 5. & 6. anathemate percussi sunt. Unde ex his

*Sic argumentor*: eadem fuit semper Ecclesiæ sententia de concordia libertatis cum præscientia Dei, si aut in Conciliis, aut per suos Doctores Ecclesia semper insurrexerit contra impugnantes liberum arbitrium: atqui quoties apparuit aliquis error, hæresive contra liberum arbitrium, toties habuit Ecclesia libertatis defensores: quinimmo impugnantes de libro viventium seu Catholicorum deleri voluit, eorumque proscripsit errores: igitur una & eadem semper fuit Ecclesiæ sententia & fides circa concordiam liberi arbitrii cum præscientia Dei.

## SECTIO QUARTA.

*Traditio pro concordia libertatis cum præscientia Dei ex sententia unanimi Theologorum orthodoxorum propugnatur.*

*MAGISTER* Sententiarum dist. 39. q. 5. docet contingentia & libera manere semper talia sub dominio & certitudine scientiæ Dei. *Scotus* vero l. 1. sent. explicans *Magistrum* ita docet.

*Alexander de Ales* q. 24. de præscientia Dei membro 4. pronuntiat præscientiam Dei non nocere libertati: " Dei præscientia, inquit, infallibilis est. . . . nec imponit rebus necessitatem. " Membro 5. *Iulius* explicat quomodo præscientia Dei consociatur cum libero arbitrio.

*Albertus Magnus* 1. p. Summæ Theologiæ tract. 15. membro 8. instituit questionem, cuius titulus est, quomodo præscientia Dei concordet cum libero arbitrio, & ex professo docet bene concordari, ita ut si qua reperiatur necessitas, sit solum illationis & consequentiæ, nusquam vero absoluta. Et sic solvit argumentum in contrarium: " Ad primum ergo dicendum quod non est inconveniens, quod idem non secundum idem subjaceat necessitati positionis, & contin-

gen-



gentiæ liberi arbitrii; necessitati positionis in quantum est præcîtum, contingentiæ secundum quod absolute & secundum se acceptum est . . . quia sicut Dionysius mutabilia scit Deus immutabiliter, &c.

*D. Bonaventura* subscribit in Sent. & super Psal. 114. ubi sic loquitur. "In homine nihil melius & subtilius libero arbitrio, & in 1. dist. 47. art. 1. q. 1. Deus, inquit, præcît hoc, ergo hoc erit, sed tantum non necessario præcît, quia in actu præcîendi frequenter notatur effectus contingens.

*Henricus Gandavensis* tom. 2. q. 18. quo lib. 1. ultro asilipulatur. Enimvero docet liberum arbitrium remanere post peccatum in homine, & consilere in indifferencia ad actum vel non actum.

*Richardus de media Villa* 2. quodlib. q. 6. dicit libertatem cum prædestinatione coherere, & conatus hominis prædestinati esse contingentes, idest liberos.

*Egidius* Columna Romanus præceptor Philippi Pulchri & Archiepiscopus Bituricensis in l. 2. Sent. dist. 25. demonstrat liberum arbitrium a Deo non necessitari. "Etsi, inquit, non potest cogi a Deo, potest immutari a Deo: in sequentijs Capitulis fule probat libertatem hominis pro præsentis statu.

*Durandus* in Sent. l. 1. dist. 39. q. 3. Libertatis humanæ existentiam & ejus cum præscientia concordiam disertissime defendit.

*Joannes major* l. 2. Sent. q. 2. dist. 36. ostendit præscientiam Dei non nocere libero voluntatis arbitrio. Fusior essem si singulos referre vellem. Unum impræsentiarum dicimus, universitates omnes tum Galliæ, tum Germaniæ, tum Hispaniæ, tum Italiæ in hoc semper convenire & conveniisse, liberum arbitrium esse in homine, nec præscientiam illi officere, ita inter omnes alios Estius Universitatis Duacensis Doctör & Professor percelebris.

*Hic autem* l. 1. dist. 39. §. 6. *Querit utrum præscientia divina libertati creaturæ noceat*, sic respondet. "Dici non potest præscientiam Dei imponere rebus prævisis necessitatem, quia præscientia prout est nuda futurorum notitia, non est rerum causa, ut verissime ab Origene & Hieronymo, locis supra citatis dictum sit, non ideo aliquid esse futurum, quia præcîtum est. Non er-

go præscientia facit aliquid eventire necessario. A quo enim res habet esse, ab eodem habet modum essendi, ut sit vel necessario vel contingenter. 2. Præscientia Dei non est necessaria. . . . 3. Deus eodem intuitu aspicit futura quo præsentia & præterita. . . . Sequeretur Deum ipsum necessario & non libere agere."

*Quia vero Scholæ* possunt reduci ad triplex Academicarum genus, scilicet Sacræ Facultatis Parisiensis, Thomistarum & Societatis Jesu; operæ pretium est, ut in iis specialiter immoremur, ostendendo istas omnes Academijs esse unius labii, pro tuenda concordia libertatis humanæ cum divina præscientia.

## SECTIO QUINTA.

*Concordia Libertatis cum præscientia Dei ex Sententia Sacræ Facultatis Parisiensis.*

JAM OSTENDIMUS unam, eandemque fuisse semper Sorbonæ sententiam circa concordiam libertatis cum præscientia; cum ipsius Doctores D. Thomas, D. Bonaventura, Scotus, Albertus Magnus, quorum retilimus sententias, id totis viribus asserant. His accedunt sapientissimi & supra modum eruditi Professores, quorum scripta, non sine magna animi & consolatione & admiratione perlegimus, qui pari eruditione & profunditate demonstrant libertatis cum præscientia divina æconomiam: aliquos tamen inter alios qui codices suos juris fecerunt publici, elegimus; Isaacum scilicet Habertum Vabrensem Episcopum, Gamachæum, & percelebrem Humbertum ut ex his quisque cordatus intelligat, quænam sit, & semper fuerit in universo mundo Sacræ Facultatis Parisiensis pro præsentis momento mens & sententia.

*Ante omnia* Decretum Sacræ istius Facultatis contra hæreses Luteri & Calvinii qui præscientiam libertati adversam & prædestinationem necessitantem defenderant, in medium proferre animus est.

*Anno* Domini 1560. die Jovis 27. mensis Julii, Sacratissima Theologiæ Facultas Parisiensis, post Missam apud Collegium Sorbonæ ex more celebratam in eodem Collegio per juramentum congregata est in materia Fidei, super Propositionibus infra scriptis, per

„can-

„ eandem Facultatem cum matura deli-  
 „ beratione Magistrorum nostrorum cen-  
 „ sura notatis, quas Frater Petrus de  
 „ Quercu Guardianus Conventus Nivel-  
 „ lensis, & Frater Ægidius de Querce-  
 „ to Guardianus Athesiensis, prædictæ Fa-  
 „ cultati Theologiæ miserunt, sigillis præ-  
 „ dictorum Conventuum signatas; rogan-  
 „ tes obnixè, ut super iis dicta Facultas  
 „ censuram ferret. Quarum Propositio-  
 „ num tenor sequitur, cum censura ad  
 „ eandem.

## I. PROPOSITIO.

„ *Librum* arbitrium hominis, non ha-  
 „ bet potestatem ad opposita, nec illi  
 „ convenit ea potestas ex ipsius naturali  
 „ & intrinseca ratione.

## CENSURA.

„ *Prima* pars hujus Propositionis est hæ-  
 „ retica: secunda est falsa & erronea, &  
 „ & morali Philosophiæ adversa.

## SECUNDA.

„ *Libertas* & necessitas eidem conve-  
 „ niunt respectu ejusdem, & sola vio-  
 „ lentia repugnat libertati naturali homi-  
 „ nis.

## CENSURA.

„ *Hujus* Propositionis prima pars inclu-  
 „ dit contradictionem, & est hæretica: se-  
 „ cunda est falsa.

„ *Numerantur* adhuc sexdecim Propositio-  
 „ nes tum circa liberum arbitrium, tum cir-  
 „ ca gratiam in iisdem Sorbonæ conitiis pro-  
 „ scriptæ; sed duæ priores ad quæstionem  
 „ propositam sufficiunt; hinc ad cæteras re-  
 „ mittimus curiosum Lectorem.

„ *Jam* venio ad testimonium Theologo-  
 „ rum.

„ *Primas* tenet sedes Illustrissimus ac Re-  
 „ verendissimus Isaacus Habertus Episcopus  
 „ & Comes Vabrensis Universitatis Pari-  
 „ sientis Doctor Sorbonicus, non solum elo-  
 „ quentia sed & sententiarum tenacitate ad-  
 „ versus hæreses alter Chrysostomus. Hic  
 „ libro secundo de gratia omnibus mediis  
 „ sed maxime auctoritate Patrum Græcorum  
 „ partes liberi arbitrii strenue propugnat ad-  
 „ versus Protestantes. In capite primo sep-  
 „ tem adducit rationes: primo quidem osten-

Boucat Theol. Tom. I.

dit liberi arbitrii cum gratia necessitudi-  
 „ nem: deinde liberi arbitrii nomenclatu-  
 „ ram secundum Patrum Græcorum senten-  
 „ tiam delineat: tertio eadem Patrum &  
 „ etiam S. Aug. auctoritate libertatem post  
 „ Adami peccatum supersitem demonstrat.  
 „ Postea dicit esse facultatem innatam &  
 „ naturalem in sententia istorum Patrum.  
 „ Quinto loco libertatem in indifferentia  
 „ activa prorsus sitam esse clarissime docet.  
 „ Sexto liberum esse homini, non Deo pec-  
 „ care: denique, non tantum coactionem,  
 „ verum etiam & necessitatem libero adver-  
 „ sari arbitrio auctoritate tum D. Aug. tum  
 „ D. Thomæ irrefragabiliter probat: quibus  
 „ quidem argumentis perfectam libertatis cum  
 „ gratia concordiam, & consequenter cum  
 „ præscientia & voluntate Dei, gratiæ ac-  
 „ tualis virtute & efficacia reperiri, luce  
 „ clarius ostendit. Juvat nunc ipsius audire  
 „ sententias.

„ Divelli, *inquit*, non potest liberi ar-  
 „ bitrii consideratio ab integra, plenaque  
 „ gratiæ divinæ contemplatione, cujus  
 „ omne punctum & operæ pretium in u-  
 „ triusque cognoscenda, faciendaque con-  
 „ cordia collocatum est.

„ *Rursus* „ liberum igitur arbitrium quan-  
 „ tum ad nomen ipsum attinet, non mi-  
 „ nus honorifico vocabulo a Græcis Phi-  
 „ losophis primum, dein istis Ecclesiæ Pa-  
 „ tribus *αὐτὴν ἐκείνην* dictum est . . . . .

„ Homo suæ voluntatis Dominus est per  
 „ dominium voluntatis, sui ipsius Domi-  
 „ nus, quod tantum abest ut divinæ po-  
 „ tentiæ jus ac dominium supremum vel  
 „ gratiæ auxilium ab eo abroget, quin  
 „ potius ostendit ac firmat, ut postea cla-  
 „ rum erit. Interim ex Græcis sufficit  
 „ B. Irenæi dictum l. 4. c. 4. ( Homo  
 „ liber in arbitrio factus & suæ potesta-  
 „ tis. ) „

„ *Pergit* ibidem: „ a nomine ad rem ve-  
 „ niamus: & primo quidem ad rei ipsius  
 „ existentiam qua quid credere debeant  
 „ omnes orthodoxi doceat nos Tridentina  
 „ Synodus ( Si quis liberum hominis ar-  
 „ bitrium post Adæ peccatum amissum &  
 „ extinctum esse dixerit, aut rem esse de  
 „ solo titulo, imo titulum sine re, fig-  
 „ mentum denique a Satana inventum in  
 „ Ecclesiam, anathema sit. ), „

„ *Suldit* „ dicimus continuo cum ratione  
 „ conjunctam esse arbitrii libertatem. Om-  
 „ nis natura rationalis libera est. Eadem  
 „ more suo excerptis ac scriptis S. Joan-  
 „ nes Damascenus. Ex eo factum ut li.

Qq „ be-

berum arbitrium etiam post peccatum in Angelis & hominibus superfuerit. l. 2. de fide c. 27. "

*Expressius* & definitive postea loquitur, essentiam libertatis aperit, statique longa Patrum Latinorum & Græcorum serie formaliter in indifferentia activa esse positam. " Afferunt etiam, *inquit*, Latinorum Theologi liberum arbitrium creaturæ cuiuscumque rationalis esse versatile & flexibile ad bonum & malum, quam libertatem contrarietatis appellant: & ad agendum vel non agendum, quam vocant libertatem contradictionis, adduntque positam esse libertatis rationem in indifferentia quadam, sed activa, qua homo potest ab intrinseco & ex propria virtute sese determinare ad bene vel male agendum, vel non agendum. . . ut ad verum igitur venimus, libertas creaturæ consistit in potentia ad utrumlibet, bene vel male agendum, qua ratione definit explicatque liberum arbitrium etiam S. Aug. variis in locis librorum trium de libero arbitrio quos ipse etiam senior recensuit & probavit l. 1. Retr. c. 9. clarissime libro de Spiritu & Litt. c. 3. (Hoc quilibet in sua potestate habet, quod si vult faciat, si non vult, non facit. "

*Postea* ad Patrum Græcorum auctoritatem appellat & sic prosequitur, " Dilucida & pertinax in hac veritate Græcorum Patrum unanimesque mens est, Clementem Alexandrinum, Eusebium, Origenem prætereo, Clem. 1. Strom. Orig. 1. de pr. Euseb. l. 16. præp. Sanctos audiamus. Athanasius Oratione ad Gentes ( Anima cognoscens liberum sui arbitrium, videt se posse uti corporis partibus ad utraque, & ad ea quæ sunt & ad ea quæ non sunt, ea quæ sunt, bona sunt; quæ non sunt mala sunt ) . . . Epiphanius contra hæresim Phariseorum l. 1. ( Citra dubium est libertatem homini a Deo concessam cum ita dixerit: si volueritis & si nolueritis adeo ut bene agere, vel mala appetere illius arbitrio sit relictum. ) Basiliius l. de Spir. s. 10. 2. ( Affirmat invisibiles potestates esse liberi arbitrii & æque ad virtutem & vitium verti posse, ideoque gratia spiritus indigere. ) "

*Confirmat* præcedentia concludendo ex indifferentia activa peccatum a creatu-

ra sola, nusquam vero a Deo procedere ( Consecutaneum est, inquit, ex hac indifferentiæ ad bene vel male agendum aut non agendum doctrina, ut apprimè distinguamus inter actum peccandi & potentiam ipsam peccatricem. Actus peccandi a Deo nec est, nec esse potest, &c. "

*Denique* sic concludit explodendo Janse-  
nii pervertam sententiam quæ in actus humanos necessitatem sub fucato libertatis nomine inducit; & sic loquitur: " Quod autem spectat ad ea quæ liberum hominis arbitrium violant aut extinguunt, nullum equidem durius telum adversus illum, aut letalius est necessitate, &c. "

*Jam* vero libertatem indifferentiæ actus, omni prorsus eliminata necessitate, cum gratia efficiat non minus suaviter quam fortiter demonstrat c. 17. " Veritas hæc quæ omnem ab efficacia gratiæ necessitatem proprie dictam expungit, cæteris Græcorum Patrum mirum in modum semperque approbata est, quod probat ex Dionysio de Div. nom. c. 4. n. 11. ex Greg. Nyss. hom. 5. in cant. Chryl. hom. 13. Cyrillo Alex. Glaphyr. l. 4. denique ex D. Aug. de Spir. & Litt. c. 34. sic loquente ( Misericordia Dei prævenit nos: consentire autem vocationi Dei, vel ab ea dissentire, propriæ voluntatis est. )

*Gamaheus* in primam partem fuse probat hominem in præsentī statu habere liberum arbitrium; præcipue a fol. 124. usque ad 130. adeoque præscientiam non nocere libertati: et vero si noceret, cum Deus præsciat omnia, profecto nulla foret in homine libertas.

*Isambertus* idem probat fusiori calamo in tractatu speciali de arb. in septem disputationibus: in primis disp. 7. art. 6. primo quidem istud sibi objicit argumentum. " Omnia eveniunt prout Deus decrevit: at ejus decreto nemo potest resistere: igitur non potest homo hanc & illam rem non agere. "

*Respondet* distinguendo duplex decretum, alterum generale, antecedens omnes actiones, quo Deus statuit suum dare concursum cuilibet creaturæ ad agendum conformiter naturæ sibi propriæ; particulare alterum, quo vult adjuvare creaturam ad hanc vel illam actionem ad quam prius creatura concipitur se se determinasse. " Jam, inquit, ex vi prioris

de

„decreti nulla ponitur in nobis actio,  
 „sed tantum datur paratum auxilium ge-  
 „nerale, quod est necessarium nobis a-  
 „gere volentibus, neque etiam ex vi po-  
 „steriori decreti nobis eripitur libertas  
 „ad agendum, quia nostro modo confi-  
 „derandi, voluntas nostra prius sese de-  
 „terminat ad agendum & exercendum  
 „hanc & illam actionem civilem & ex-  
 „ternam, quam tale decretum secundum  
 „ponatur a Deo, quia causa secunda de-  
 „terminat concursus causæ primæ, ut  
 „docent Theologi agendo de concursu  
 „Dei, & proinde, quia Deus per al-  
 „tissimam suam scientiam, qua omnia  
 „cognoscit, prævidit hominem in tem-  
 „pore sese determinare ad hanc & il-  
 „lam, hoc & illo modo, exercendam  
 „actionem; sese etiam ex vi prioris de-  
 „creti, quo ex pacto cum tota natura  
 „inito, promissit illis suum concursum,  
 „decernit talem actionem in particulari  
 „futuram, unde cum prius intelligamus  
 „hominem sese determinare saltem obje-  
 „ctive, quam ipsum Deum; non potest  
 „per ejusmodi Dei terminationem tolli,  
 „vel impediri libertas quoad ejusmodi a-  
 „ctiones.

„Alteram libi proponit objectionem circa  
 „illud momentum. Illud non est liberum,  
 „quod non potest fieri a sua causa: sed  
 „actiones etiam civiles non possunt non  
 „fieri ab homine, quia quod Deus ab æ-  
 „terno præcivit futurum in tempore,  
 „non potest non esse in tempore, alias  
 „præscientia Dei falli posset, &c.  
 „Respondet ibidem ad hanc difficultatem  
 „his verbis dicendo: „Scientiam Dei nul-  
 „lo pacto impedire aut eripere liberta-  
 „tem voluntatis, quia semper supponit  
 „voluntatem se ad hanc & illam par-  
 „tem determinasse, nec ab ea deflexu-  
 „ram... Ex eo quod Deus videat de-  
 „terminationem voluntatis creatæ ad hanc  
 „& illam actionem, & penetret volunta-  
 „tem nunquam sese revocaturam, nul-  
 „lam imponit ei necessitatem ad sic vel  
 „sic agendum. „ Et ita conciliat libe-  
 „runt voluntatis libertatem cum præscientia di-  
 „cendo Deum prævidere ipsius liberi arbi-  
 „trii determinationem, & illud movere ad  
 „quod ipsa creatura vult. Quid clarius,  
 „tutiusve?

## SECTIO SEXTA.

*Concordia libertatis cum præscientia Dei ex  
 sententia Scholæ Societatis Jesu.*

OMNES piæ istius Societatis Theolo-  
 gi unanimi omnium consensu docent præ-  
 scientiam divinam nullo modo esse liber-  
 tati creatæ infensam; utrumque vero con-  
 ciliant dicentes Deum per scientiam me-  
 diam prius prævidere voluntates homi-  
 num, & quid acturi sint positi in ta-  
 li vel tali circumstantia, antequam eas  
 aut per concursum simultaneum aut per  
 gratiam congruam applicet ad opus. Ali-  
 quos inter celebriores citare non abs re  
 erit.

Suarez l. de scientia conditionatorum  
 c. 8. docet Deum in priori rationis signo,  
 antequam se ad aliquid determinet, præ-  
 cognoscere suum decretum veluti futu-  
 rum, & in illo prævidere futurum libe-  
 rum, ita ut nihil decernat nisi conformiter  
 ad causam secundam cujus prænoſcit vo-  
 luntatem, sicque omnia abique libertatis  
 læsione componit.

Molina in prima p. disp. 15. dicit Deum  
 omnia comprehendere, & in illa super-  
 comprehensione tum suæ essentiae, tum  
 causæ secundæ præcognoscere quid actu-  
 rus sit cum creatura in tempore, & quid  
 ipsa creatura operatura sit: disp. 16. mo-  
 dum conciliandi libertatem cum Dei præ-  
 scientia peculiarem sed suavem explanat.  
 „Quamvis enim, inquit, omnes conve-  
 „niamus, etiam posita libera determi-  
 „natione voluntatis divinæ qua Deus  
 „creare decrevit hunc ordinem rerum,  
 „quas creare constituit, non ideo libe-  
 „rum arbitrium creatum facturum esse  
 „hoc potius quam oppositum, quia Deus  
 „id præcivit, sed e contrario, ideo  
 „Deum id præcivisse, quia liberum ar-  
 „bitrium pro sua innata libertate, id e-  
 „rat facturum, cum si vellet, posset se  
 „ipsa facere oppositum, dissidemus tamen,  
 „quia, ut duabus præcedentibus dispu-  
 „tationibus explicatum est, asserimus  
 „Deum ex altitudine & perfectione sui  
 „intellectus atque suæ essentiae tanquam  
 „objecti primarii certissime cognoscere in  
 „se ipso, & in causis secundis, quid  
 „pro libertate earum contingenter fit fu-  
 „turum, ita tamen quod possit contin-  
 „gere oppositum, etsi futurum esset, ut  
 „revera potest, Deus ex æternitate id

„ certissime scivisset, & non id quod actu  
 „ sit. Quare servato integro jure liber-  
 „ tatis arbitrii creati, illæque omnino  
 „ persistente cognoscitæ rerum.... Deus  
 „ certissime cognoscit futura contingen-  
 „ tia, non quidem certitudine quæ pro-  
 „ veniat ex objecto, quod in se est con-  
 „ tingens, potestque aliter evenire, sed  
 „ certitudine quæ proficiscitur ex altitu-  
 „ dine atque infinita, illimitataque per-  
 „ sectione cognoscens, qui certo ex se  
 „ ipso cognoscit objectum, quod secun-  
 „ dum se est incertum & fallax.

*Doctissimus* Petavius l. 4. de Deo uno  
 hanc ex professo pertractat materiam, &  
 probat libertatis creatæ cum præscientia  
 divina coherentiam variis auctoritatibus  
 & luculentissimis rationibus: numero primo  
 asserit necessitatem quæ inest Deo cun-  
 ctis sciendi non nocere libertati, quia  
 respectu nostri non est nisi necessitas con-  
 sequentiæ. n. 2. probat S. Augustini tes-  
 timonio præscientiam Dei nullo modo  
 humanæ libertati adversam esse, quando-  
 quidem Deus præsciendo actionem, præ-  
 scit, inquit S. Doctor & voluntatem nos-  
 tram. N. 3. ejusdem innixus S. Augustini  
 auctoritate ait, nos esse liberos sub domi-  
 nio præscientiæ, quatenus Deus nostram  
 præsciendo voluntatem, præcit utique  
 modum agendi liberum nobis connatural-  
 em: subdit Deum ideo prænocere pec-  
 catum, quia futurum est, nusquam vero  
 futurum esse quia prænocitur. N. 4. ean-  
 dem confirmat veritatem Boetii auctori-  
 tate: Deus, inquit, præcit futura ut sunt  
 in æternitate præsentia, sicut igitur Pe-  
 trus non tollit libertatem Paulo quem vi-  
 det orantem, ita nec Deus qui hominum  
 opera in sua intuetur æternitate, illis  
 imponit agendi necessitatem, maxime ve-  
 ro quia æternitas omnes complectitur du-  
 rationes, omnia tempora; ex quo sequi-  
 tur Deum futura contingentia eo prorsus  
 modo quo eveniendi sunt & faciendi in  
 tempore præscire & præcognoscere. Ean-  
 dem probat veritatem Petavius variis tum  
 Origenis, tum Gaudenti sententiis &  
 oraculis. N. 6. Commendat pro eodem  
 momento D. Anselmi auctoritatem. 7.  
 Profert utique in medium verba Guillel-  
 mi Parisiensis. N. 8. Laudat ipsorum  
 Philosophorum opinionem ut Plotini Enn.  
 4. l. 4. c. 12. Ammonii in Commenta-  
 riis ad librum Aristotelis de interpreta-  
 tione.

*Gregorius de Valentia* suum addit pro

nostra catholica sententia calculum disp.  
 1. q. 23. de prædest. puncto 4. ibi enim  
 fufse probat præscientiam divinam humanæ  
 non adversari libertati.

*Subscribit* Vasquez in 1. p. disp. 65. n.  
 12. eo loci docet ille Theologus Deum  
 futura non præcognoscere, nisi præno-  
 scendo determinationem causæ secundæ;  
 & quum aliquid a Deo præcinitum est, id  
 necessario quidem futurum esse, sed so-  
 lum in sensu composito, quatenus dicit  
 præscientiam simul & actionem ut libere  
 a determinatione causæ secundæ egre-  
 dientem: disp. 68. num. 5. & 6. fufius &  
 ex professo libertatem cum præscientia  
 componit, docendo Deum nihil præscire  
 nisi quod est in libero arbitrio.

*Moeratus* disp. 39. in 1. part. sect. 1.  
 num. 8. asserit præscientiam nullo modo  
 rebus humanis inferre necessitatem, im-  
 mo ne ullum quidem futuræ necessitatis  
 suboriri signum. Idem probat Ariaga tra-  
 ctatu de scientia Dei disp. 21. sect. 4.  
 num. 12. sed inter omnes eminent R. P.  
 Dechamps ejusdem Societatis Doctor Theo-  
 logus qui l. de hæc. Jan. disp. 2. in vi-  
 ginti quinque capitibus liberum arbitrium  
 manere sub dominio gratiæ propugnat.  
 Concedit quidem peccatum minuisse pri-  
 mævam ad faciendum bonum facilitatem,  
 sed non ex integro delevisse luce clarius  
 demonstrat. Ita & alii Societatis Docto-  
 res, qui omnes una voce conclamant præ-  
 scientiam non nocere libertati.

## SECTIO SEPTIMA.

*Concordia libertatis cum præscientia Dei  
 ex sententia Scholæ Anglicæ Divi  
 Thomæ Aquinatis.*

**HÆC SCHOLÆ** quam ex præcepto  
 repetito nostrorum Capitulorum Genera-  
 lium sequimur, sicut in defensione fidei  
 in variis Conciliis Generalibus nulli fuit  
 secunda, ita nec in concordanda liberta-  
 te cum præscientia fuit & erit posterior:  
 exosos siquidem semper habuit omnes hæ-  
 reticos & totis viribus, voce, scriptis,  
 re & professione insectata est, in primis  
 Lutherum & Calvinum, qui præscien-  
 tiam more antiquorum hæreticorum, ne-  
 cessitatem ac necessario prædestinantem,  
 non sine magno scandalo & manifesta  
 animarum perditione prædicaverunt. Hos  
 impugnarunt Doctores Anglicæ Scholæ,  
 præsertim in Tridentino cum cæteris Pa-  
 tri-

tribus : hos in Catechismo eruditissimo iussu Pii quarti edito : eodem iterum atque iterum in suis tractatibus Theologicis perstrinxit, debellavit, devicit ; ita sapientissimus & eruditissimus R. P. Gonetius in Apologia Thomistarum tom. 1. clypei Theologiæ Thomisticæ, ubi luce clarius offendit toto cælo differre sententiam Thomistarum de decretis Dei efficacibus a sententia Protestantium quam toto mentis affectu abhorrent. Pari animi alacritate insectantur Thomistæ quinque Janlenii Yprensis Propositiones a Summis Pontificibus non semel iuste proscriptas. Populus igitur Scholæ D. Thomæ, populus est & semper fuit unius lalæi cum cæteris sanctæ Matris Ecclesiæ Doctoribus in omnibus fidei dogmatibus ; sed maxime in coherencia libertatis creatæ cum præscientiæ Dei. Hoc momentum jam fuisse expandimus art. 2. huiusce disputationis, sed. quibus modis & peculiaribus Thomistæ veritatem explicant & demonstrent, operæ pretium est impræsentiarum, duce D. Thoma, explanare. Bannes, Capreolus, Alvarez, Ledesma & omnes tam antiqui, quam recentiores Thomistæ, ubique in scriptis suis partes liberi arbitrii sub dominio gratiæ, præscientiæ, & prædestinationis suscipiunt ; aliquos solum, brevitatis causa, referam.

*Primus tenet sedes Th.* in quo omnes alii videntur, quippe qui hauriant cum gaudio de eodem & suavissimo isto fonte, quidquid aut de Deo, aut de gratia, aut de libertate, aut de præscientiæ cæterisque mysteriis dicunt atque pertractant.

*Primus modus conciliandi libertatem* hic est : Deus prænovit quidquid est in potentia suæ creaturæ ; est autem in ejus potentia quod sit libera & libere agat : igitur præscientiæ attingit libertatem & non destruit ; Deus enim cognoscit & intuetur res sicut sunt in se : iste modus traditur a D. Thoma hic 1. p. q. 14. art. 13. his verbis : " Dicendum, quod cum supra ostensum sit quod Deus omnia sciat, non solum quæ actu sunt, sed etiam quæ sunt in potentia sua, vel creaturæ : horum autem quædam sunt contingentia nobis futura ; sequitur quod Deus futura contingentia cognoscit. "

*Secundus modus libertatem cum præscientiæ conciliandi* ille est : Deus futura præscit contingentia, nihil de eorum

natura immutando ; cum igitur causa secunda sub dominio præscientiæ servet modum agendi sibi connaturalem qui in eo potissimum consistit ut libere & per indifferentiam agat, profecto electione prævia operatur, cuius rei testimonium cuilibet inest homini. Hoc sanæ doctrinæ caput colligitur ex D. Thoma. Sibi quippe obijciens præscientiam esse causam necessariam, adeoque nullum esse sub præscientiæ futurum contingens, sic respondet hic art. 15. ad 1. " Dicendum quod licet causa suprema sit necessaria : tamen effectus potest esse contingens propter causam proximam contingentem. Sicut germinatio plantæ est contingens propter causam proximam contingentem ; licet motus solaris, qui est causa prima sit necessarius. Et similiter scita a Deo sunt contingentia propter causas proximas, licet scientia Dei quæ est causa prima sit necessaria. "

*Tertius modus* & quidem suavissimus ille est : Deus movet causas secundas conformiter earum naturæ necessarias necessario, sic solem movet ad lucendum : liberas vero libere, ut hominem : & hoc habet Deus ex potentissima virtute quæ cum sit rerum omnium causa prima & cujuslibet creaturæ naturam conservet & perficiat nihil ab ea detrahens, quin potius suo adjuvans concursu ut modo conjuncturali exeant in suas operationes, prævidet quidem omnia, sed non ut offendant aut lædant libertatem, verum potius ut illam foveat & tueatur ; juxta illud Sap. 8. 1. *Attingit omnia a fine, usque ad finem fortiter & disponit suaveriter* : hic modus traditur a D. Thoma 3. contra Gentes c. 94. his verbis : " Ad primum dicendum, quod effectus divinæ providentiæ non solum est aliquid evenire quocumque modo, sed aliquid evenire vel contingenter vel necessario, & ideo evenit infallibiliter & necessario, & evenit contingenter, & libere, quod divinæ providentiæ ratio habet, ut contingenter & libere eveniat. "

*Quartus modus* : Deus movet causas secundas solum ut causa universalis, adeoque solum adjuvans nihil de eorum causalitate naturali detrahens, quin potius, inquit Gonetius in Apologia Thomistarum, movet eas secundum earum exigentiam & inclinationem ; ipsæ vero pro innata li-

bertate fleunt motionem Dei ad quod volunt : quamobrem Deus conqueritur apud Isaiam 43. 24. de peccatore dicens : *Servire me fecisti in peccatis tuis*, quomodo ? Nili quia detorquet concursum Dei prævium ad actionem malam, quæ certe non est a Deo, tum quia intentator malorum est, tum quia peccatum non habet causam efficientem, sed solum deficientem : Deus igitur ut prima causa movere creaturam ad universale bonum, illam applicando de potentia ad actum, quatenus omne quod movetur, ab alio movetur, ipsa vero sic mota se applicat ad actum in individuo. Et sic præscientia fundata in decreto prædefiniente non lædit libertatem, quia, ut non semel annotavimus ex Isamberto, decretum est solummodo generale ad concurrendum & adjuvandum creaturas, illud exigit D. Thom. solum ut reducatur de potentia ad actum : particulare vero decretum, seu particularis Dei influxus fit particularis, ut ita dicam, a causa secunda quæ illum modificat & determinat ad actum talem & in individuo. Determinatur igitur, homo quatenus per concursum prævium reducitur de potentia ad actum, se etiam determinat, quia in alio genere causæ utitur influxu Dei ad quod vult.

Ita colligitur ex D. Thom. 4. contra Gentes c. 149. "Motio moventis præcedit motum mobilis causalitate & natura", in 2. dist. 37. q. 2. art. 2. "Non potest vitari quin voluntas humana esset primum agens, si ejus actio in ali- quod prius agens non reduceretur sicut in causam. Est igitur prima causa, sed movens ad bonum universale ;", audite iterum D. Thom. qui 1. 2. q. 9. art. 6. sic loquitur : "Ad tertium dicendum quod Deus movet voluntatem hominis, sicut universalis motor ad universale objectum voluntatis, quod est bonum : & sine hac universali motione, homo non potest aliquid velle. Sed homo per rationem determinat se ad volendum hoc vel illud ; quod est vere bonum, vel apparens bonum. Sed tamen interdum specialiter Deus movet aliquos ad aliquid determinate volendum, quod est bonum : sicut in his quos movet per gratiam, ut infra dicitur. Igitur ex D. Thom. Deus movet voluntatem humanam solum ut causa universalis motione universalis, in ordine quidem naturali, & voluntas mota

se ipsam movet ad actum in individuo. De ordine vero supernaturali dicitur infra.

Quintus modus, voluntas etiam conjuncta cum decreto, se ipsam determinat ad speciem & exercitium actus : actus enim a causa secunda specificatur, nam speciem non desumit a causa prima, alias actio non diceretur humana, sed divina : si humana, igitur semper libera & contingens sub domino Dei, tum in ordine naturali, quia potest detorquere motionem etiam ad malum faciendum, tum in ordine supernaturali, quia potest resistere gratiæ, & resistendo ejus impedire effectum, ita ut ubique appareat ipsius libertas. Ita Div. Thom. 1. p. qu. 83. art. 1. ad 3. "liberum arbitrium, inquit, se ipsum movet ad agendum . . . Deus est igitur prima causa movens & naturales & causas voluntarias . . . Non aufert quin actiones sint liberæ.", Rufus in 2. Sent. dist. 39. q. 1. ait : "Sed quod determinatio exeat in hunc vel illum actum, non est ab alio determinante, sed ab ipsa voluntate : determinatio actus relinquatur in potestate rationis & voluntatis.", Quid clarius? Duo hic docet S. Doctor ; primum quidem quod Deus determinet voluntatem ut motor universalis ad universale bonum : alterum vero quod voluntas sic mota, non ab alio, sed a se ipsa determinetur ad actum in individuo. Hæc prævidet Deus, hæc prævidendo vult sic fieri, & sic manet libertas ex integro sub dominio & præscientiæ & decreti divini.

Sed ut mens D. Thomæ adhuc clarius pateat, observandum est S. Doctorem in prima secundæ quæstione nonnulli insinuare specialiter de motione voluntatis creatæ : in art. 3. quærit an voluntas humana se ipsam moveat ? Et respondet affirmative in argumento sed contra ? "Quia, inquit, voluntas domina est sui actus, & in ipsa est velle & non velle : quod non esset si non haberet in potestate movere se ipsum ad volendum.", In Corp. "Manifestum est autem quod intellectus per hoc quod cognoscit principium, reducit se ipsum de potentia in actum, quantum ad cognitionem conclusionum, & hoc modo movet se ipsum : & similiter voluntas per hoc quod vult finem, movet se ipsam ad volendum ea quæ sunt ad finem.", Et ad 3. "Non eodem

„modo voluntas movetur ab intellectu & a se ipsa: sed ab intellectu quidem movetur secundum rationem objecti: a se ipsa vero quantum ad exercitium actus secundum rationem finis. „ Sed ut tollatur omnis æquivocatio, art. 6. querit S. Doctor utrum voluntas moveatur a Deo ut a principio exteriori? Respondet moveri a Deo, ut a causa universali circa bonum universale finis, sed se ipsam determinare ad volendum hoc vel illud bonum; & sic manet ubique semper libera voluntas humana, & hoc ex ipsa Dei ordinatione qui præceptum posuit & non præteribit, ut homo se moveret libere & pro nutu ad bonum verum vel apparens.

*Sextus modus*, præscientia innixa est decreto libero quod est actus voluntatis Dei: voluntas autem Dei est fons & origo totius libertatis creatæ, siquidem voluntas divina est primum liberum, adeoque tantum abest ut divina præscientia adjuncta voluntate lædat libertatem, quin potius illam fovet & perficit juxta illud tritum axioma, quod est per se primo tale, cætera non sunt talia nisi per ordinem ad illud.

*Ista ratio* colligitur ex D. Thom. qui ubique & indefinenter repetit Deum movere causas secundas conformiter earum naturæ & dispositioni. Sic enim loquitur in 2. Sent. dist. 25. q. 1. art. 1. „Deus operatur in omnibus, ita tamen quod in unoquoque secundum ejus conditionem. „ Sed specialiter 1. 2. q. 10. art. 4. ubi probat ex professo voluntatem non moveri ex necessitate ab exteriori principio, quod est Deus. „ Dicendum, inquit, quod sicut Dionysius dicit 4. cap. de Div. Nom. ad providentiam divinam non pertinet naturam rerum corrumpere, sed servare: unde omnia movet secundum eorum conditionem, ita quod ex causis necessariis, per motionem divinam consequuntur effectus ex necessitate; ex causis autem contingentibus, sequuntur effectus contingenter. Quia igitur voluntas est principium activum non determinatum ad unum, sed indifferenter se habens ad multa, sic Deus ipsam movet quod non ex necessitate ad unum determinat, sed remanet motus ejus contingens, & non necessarius, nisi in his ad quæ naturaliter movetur.

*Septimus modus*, consociandi libertatem

cum præscientia, ille est: Deus omnia videt præsentia in æternitate quæ universa complectitur tempora, in illa nihil est præteritum & futurum, sed perpetuum præsens; porro cognitio actualis alicujus facti, non tollit ejus contingentiam, sic inquit Patres, qui videt proximum aliquid facientem, ab ipso non adimit in operando libertatem. Hic modus traditur a D. Thoma qui 1. p. q. 14. art. 13. ait: „Æternitas autem, inquit, tota simul existens ambit totum tempus, ut supra dictum est. Unde omnia quæ sunt in tempore, sunt Deo ab æterno præsentia. Non solum ea ratione qua habet rationes rerum, apud se præsentem, ut quidam dicunt, sed quia ejus intuitus fertur ab æterno supra omnia, prout sunt in sua præsentialitate. Unde manifestum est quod contingentia & infallibiliter a Deo cognoscuntur, in quantum subduntur divino conspectui secundum suam præsentialitatem: & tamen sunt futura contingentia suis causis proximis comparata.

*Omnes Thomistæ* sic edocsi a D. Thoma his modis conciliant libertatem creatam cum præscientia Dei. Ita Gonetius tract. attrib. disp. 4. art. 5. §. 7. art. 6. §. 1. 2. 3. & disp. 5. art. 4. §. 1. 2. 3. art. 6. §. 1. 2. Ita Conson. de attrib. differt. 10. c. 2. de concordia voluntatis creatæ cum præscientia. Quod quidem variis potest illustrari exemplis: primum est Christi, in quo Verbum physice movebat & applicabat humanitatem ad opera, & tamen ista opera erant liberrima, utpote meritoria. Secundum est ejusdem Christi qui præcepta Patris tum de morte subeunda propter nostram salutem, tum de amore erga Patrem libere adimplevit. Tertium est objecti supra modum delectabilis allicientis potentiam, cui posset resistere voluntas, sed non vult; hinc amat libere licet infallibiliter. Quartum est amoris, cui nihil difficile juxta illud S. August. „Amor meus pondus meum: „ eo feror quocumque feror. „ Si amor ita efficax est ut operetur magna, & tamen libere, a fortiori Deus poterit operari in creatura, eamque efficaciter movere; & tamen libere. Quintum est eloquentiæ: si enim verborum pompa & majestas leporibus allicit Auditores, si sententiarum congruitate suspenditur animus: si concionis impetus & suavitas, ad quodcumque vult orator, flectit vo-



luntates, quid Deus unitione gratiæ non faciet, siquidem teste Apostolo, operatur in nobis velle & perficere bonum? Igitur efficaciter & tamen libere. Et vero quis famelicus oblatum panem rejicere potens, pro innata libertate de facto rejiciet? Immo toto cordis hiatu sumet & manducabit. Peccator potest resistere gratiæ efficaci, sed moraliter loquendo non resistit, quia experientia felici scit, quoniam 'Iurvis est Dominus'. Immo dolet suam procrastinasse conversionem. "Sed, ro te amavi, inquit August. penitens, pulchritudo tam antiqua & tam nova, sero te amavi." Mitto alios innumeros ejusdem Scholæ qui una voce, uniusque alacritate & sinceritate toto corde docent, scribunt, prædicant voluntatem creatam liberam esse libertate actus sub dominio Dei ejusque præscientiæ; & hoc tanquam dogma fidei.

*Soluntur objectiones ex præscientia decretis præmoventibus directæ.*

OBJECTIONES quas hæretici adversus Congruistarum sententiam aut proponere, aut etiam urgere possunt, solutæ manent ex responsionibus ad argumenta generalia adversus concordiam præscientiæ cum libertate humana: superest impræsentiarum diluere difficultates quæ tum ab Hæreticis, tum a Catholicis Theologis contra Thomistarum opinionem proponuntur.

*Obijcies 1.* Præscientia divina secundum Thomistas fundatur in decreto prædeterminante: sed ejusmodi decretum humanam tollit de medio libertatem: igitur & præscientia. Probatur minor: voluntas creata tali resistere decreto non valet. 1. Quia decretum est effectus voluntatis omnipotentissimæ, quæque est per se efficax. 2. Tale decretum causa secunda fortius est, & ei dominatur. 3. Operatur ut prima omnium causa, cui creatura obedire tenetur. 4. Posito ejusmodi decreto sequitur & desperationis, & corruptionis inutilitas; immo & virtutis contemptus; quandoquidem si Deus aliquid decrevit, velit nolit homo, ita fiet.

*Respondeo 1.* Ista omnia jamjam a Massiliensibus objecta fuisse S. Augustino: eadem quippe ex doctrina S. Doctoris de efficacia gratiæ consequi absurda autumabant. Sic refert S. Prosper in sua ad B. Augustinum Epistola. Idem scribit in Epi-

stola ad Rufinum directæ. Quinimmo ipse Faustus Regiensis Præsul l. 1. de libero arbitrio c. 4. ait contra Augustinum: "Sub pietatis fronte Gentilitatis malum, & inter gratiæ vocabula, absconditum erit, fatale decretum." Item teste S. Prospero in eadem ad B. Augustinum Epistola. Ex efficacia gratiæ, qualem admittebat S. Augustinus, signitum & in virtute prosequenda torporem, immo & ipsius salutis desperationem consequi nedum credebant, sed & prædicare & asserere non cessabant iidem Semipelagiani.

Non ideo tamen S. Doctor aliquid de sententia circa efficaciam gratiæ retractavit, sed perpetuo & incunctanter propugnavit fatum, desperationem, aliæque inconvenientiæ minime sequi aut ex gratiæ efficaci, quia non est talis naturæ, quin illi resistere possit voluntas humana; aut ex præscientia, quia Deus præcivit & voluntates & quomodo homines sint acturi in tempore pro innata libertate, ita l. 11. de Gen. c. 9. & alibi. Unde l. 2. contra duas Epist. Pelag. c. 5. ad objectionem capitalem quæ procedit de fato, sic respondet: "Nec sub nomine gratiæ fatum asserimus, quia nullis hominum meritis Dei gratium dicimus antecedi: si autem quibuscumque omnipotentissimam Dei voluntatem placeat fati nomine nuncupare, profanas quidem verborum novitates devitamus, sed verbis contendere non amamus." Et hæc est prima nostra ad argumenta responsio.

*Respondet* alio modo B. Augustinus ad objectiones Gallorum l. de bono perf. c. 15. ut præveniat cætera quæ possunt dici, tum de præscientia quæ habet adjunctionem voluntatem, tum de prædestinatione singulorum, tum etiam de gratiæ efficaci: "Ista cum dicuntur, ita nos a contentione Dei gratiæ vera, idest quæ non secundum merita nostra datur, & a contentione præscientiæ Dei; si quis de illa populo sic loquatur & dicat, sive nunc recte vivatis, sive non recte, tales vos eritis postea, quales vos Deus futuros esse præcivit, vel boni si bonos, vel mali si malos. Nam quidem si hoc audiet, nonnulli in corpore signitumque verantur." Subdit ibidem quemdam Monachum hæc profunda mysteriorum, nimis scrupulose scrutantem, fugisse e Monasterio & vitam abnegasse monasticam. Unde c. 16. sic pergit ut a curiositate deterreat homines circa consilia

filia Dei quæ sane sunt abyssus multa :  
 " Cavendum est igitur, ne dum timemus,  
 " tepescat hortatio & extinguat oratio,  
 " accendatur elatio. „ Jam venio ad ar-  
 gumentum.

*Respondeo* distinguendo : præsentia funda-  
 tur in decreto prædefiniæ exemplari-  
 ter, concedo : prædefiniæ quod exi-  
 stentiam & rerum futuritionem, subdi-  
 stinguo, prædefiniæ in genere, con-  
 cedo : in speciali, in individuo, in parti-  
 culari, adhuc distinguo : supposita &  
 prævisi voluntatis determinatione, con-  
 cedo : non prævisi, nego. Igitur prædefini-  
 tiones in Deo multæ distinguuntur.  
 Quædam exemplares, & sunt idæ quas  
 habet Deus de quolibet bono. Dionys.  
 de div. nom. c. 5. eas vocat exemplaria  
 & bonas voluntates existentium prædeter-  
 minativus ; quomodo vero prædetermina-  
 tivæ & prædefinitivæ sunt ? nisi quia Deus  
 ad extra operatur conformiter ad ideam  
 rei, quam ab æterno habuit, quæ qui-  
 dem idea dicitur causa præexistens in  
 mente, ad quam respiciens artifex operatur,  
 inquit Div. Thomas hic 1. p. q. 15.  
 art. 1. 2. & 3. prædefinitio alia est quæ  
 respicit existentiam rei in tempore futu-  
 ram, & hæc est duplex ; una particula-  
 ris qua Deus se determinat ad talem ve-  
 l talem creaturam producendam : alia ge-  
 neralis qua ex pacto quodam misericordi-  
 ter into cum natura humana, statuit  
 adjuvare quamlibet creaturam, cumque  
 ad actum & præmovere & applicare ;  
 nam cum creatura sit in potentia, non  
 potest reduci ad actum, nisi per eum qui  
 est semper in actu, qualis est Deus ; jam-  
 vero cum non detur processus in infinitum,  
 deveniendum est ad primam cau-  
 sam, quæ cæteras immota moveat, sed  
 voluntas mota seipsam determinat & mo-  
 vet ad actum in particulari, in quo qui-  
 dem adjuvatur adhuc a Deo, sed per  
 concursum simultaneum, qui dicitur de-  
 cretum speciale, quia attingit effectum in  
 individuo.

*Solutio* colligitur ex Divo Thoma qui  
 1. 2. qu. 109. art. 2. ad 1. sic loquitur :  
 " Homo est Dominus suorum actuum &  
 " volendi & non volendi propter deli-  
 " berationem rationis quæ potest flecti  
 " ad unam partem vel ad aliam : sed  
 " quod deliberet vel non deliberet, &  
 " si hujusmodi sit Dominus, oportet quod  
 " hoc sit per deliberationem præceden-  
 " tem, & cum hoc non procedat in in-

finitum, oportet quod finaliter devenia-  
 tur ad hoc quod liberum arbitrium ho-  
 minis moveatur ab aliquo exteriori  
 principio quod est supra mentem hu-  
 manam, quod est Deus. „ & in 2. sent.  
 dist. 39. qu. 11. " Sed quod determinatio  
 " exeat in hunc vel illum actum, non est  
 " ab alio determinante, sed ab ipsa vo-  
 " luntate. „ Igitur est prædefinitio exem-  
 plaris secundum ideam : est prædefinitio  
 ad existentiam, ut talis creatura produca-  
 tur, est prædefinitio ad operationem, ut  
 creatura reducatur de potentia ad actum :  
 est prædefinitio ad producendum cum crea-  
 tura effectum. Prima est ante creatu-  
 ram ; siquidem est ipsa essentia divina ut  
 diversimode participabilis. Secunda utique  
 est independens ab omni creatura, Deus  
 quippe libere egit, & eas quas voluit  
 produxit creaturas. Tertia dicit quidem  
 respectum ad creaturam, est voluntarie  
 & gratuito datur, quatenus ipse Domi-  
 nus suas vult movere creaturas ad pul-  
 chritudinem universi ; ipsum quidem an-  
 tecedat voluntatis humanæ motum, sed  
 ea utitur præmotione creatura ad libitum,  
 & mota seipsam movet ad actum in indi-  
 viduo ; unde etsi præmotio antecedit,  
 non tamen libertati nocet. Quarta est  
 prædefinitio concomitans ; Deus agit simul  
 cum creatura, & ideo adjuvat libertatem  
 sicut tertia ; & sic nulla fit læsio, nulla-  
 que injuria libero arbitrio. His præliba-  
 tis, omnia evanescunt argumenta contra  
 decreta præmoventia.

*Jam* ad primum distinguo, voluntas  
 non potest resistere decreto prædefiniæ  
 existentiam & productionem creaturæ,  
 quia Deus eas producit creaturas quas vult  
 & ad nutum suum, concedo : prædefiniæ  
 operationem & ad illam præmoventi,  
 nego. Licet enim concursus Dei a crea-  
 tura non pendeat, creatura tamen, sic ordi-  
 nante Providentia, illo utitur concursu  
 quando vult, & ad quod vult : quinimo  
 flectit motionem Dei modo ab bonum,  
 modo etiam ad malum. De quo pluri-  
 mum conqueritur Deus dicens Isa. 43.  
*Servire me fecisti in peccatis tuis.* Et sic ap-  
 pareat quanta sit sub dominio Dei præde-  
 finiente hominis libertas, cum Deus si-  
 nat hominem suo uti concursu prævio ad  
 nutum. Unde Div. Thom. 1. 2. qu. 10.  
 art. 4. istud sibi proponens argumentum,  
 voluntas ex necessitate movetur a Deo,  
 quia nihil potest illi resistere, juxta illud  
 Rom. 9. *Voluntati ejus quis resistit?* Sic res-  
 pon-

ponder: " Ad primum dicendum quod voluntas divina, non solum se extendit, ut aliquid fiat per rem quam movet, sed ut etiam eo modo fiat, quo congruit naturæ ipsius: & ideo magis repugnaret divinæ motioni, si voluntas ex necessitate moveretur, quod suæ non competit naturæ, quam si moveretur libere prout competit suæ naturæ. Igitur efficacia voluntatis divinæ non opponitur libertati nostræ, immo quia est potentissima, facit ut quodlibet agens creatum suæ conformiter naturæ operetur.

Ad secundum distinguo pariter, decretum prædefinienti est causa prima & fortior causa secunda, immo & ab illa independens quoad se, concedo: quoad usum, nego. Concursum prævius entitative est a creatura independens, & ipsa fortior, siquidem est aut ipsa Dei operatio immediate creaturam tangens, aut vis ab ea profluens; sed Creator vult ut creatura tali utatur concursu ad libitum, immo ut ipsa motionem illam generalem determinet seu sileat ad actum in individuo; in quo quidem sensu relinquit hominem in manu consilii sui: Quia vero hoc fit ex sapientia infinita, Eccli. 15. 14. cuncta suaviter ordinante, nullum profecto inde sequitur inconveniens: igitur decretum prædefinienti non lædit, sed potius fovet, verius dicam, dat libertatem, saltem confert exercitium; quandoquidem creatura absque auxilio Dei non posset ad actum reduci.

Ad tertium distinguo, voluntas divina prædefinienti agit ut prima causa universalis quæ non excludit consortium causæ secundæ, concedo: & excludit, nego. Causa prima movet ad bonum universale, immo ad bonum particulare. Sed quod determinatio, inquit Div. Thomas, exeat in hunc vel illum actum, non est, ab alio determinante, sed ab ipsa voluntate. Igitur voluntas humana se determinat ad actum in individuo.

Ad quartum, quintum & sextum, nego ex decreto prædefiniente modo explicato sequi desperationem, correctionis inutilitatem, virtutis torporem atque contemptum: tum quia voluntas determinat se ad actum in individuo, & in hoc homo est laude vel vituperio dignus: tum quia Deus præordinans finem, præordinat in suis decretis & media, volendo ut gratia efficax suum fortiatur effectum completum, per consensum, seu cooperatio-

nem voluntatis humanæ, ut ipsa prædestinatio executioni mandetur per bona opera libera & vitæ æternæ meritoria. Enimvero actus conversionis, utpote vitalis, est & a gratia & a voluntate hominis ut a causa adæquata.

Ita S. Prosper qui l. 2. de Vocac. Gent. cap. 36. ait: " Quamvis, quod statuit Deus nulla possit ratione non fieri, studia tamen non tolluntur orandi, nec per electionis propositum, liberi arbitrii dilectio relaxatur, cum implendæ voluntatis Dei ita sit prædestinatus effectus, ut per laborem operum, per instantiam supplicationum, per exercitia virtutum, fiant incrementa meritorum, & qui bona egerint non solum secundum propositum Dei, sed etiam secundum sua merita coronentur. Ob hoc enim in remotissimo ab humana cognitione secreto prædestinitio hujus electionis abscondita est.

Idem docet Div. Thom. locis supra citatis, & etiam 1. p. q. 23. art. 8. ubi sic loquitur: " Sicut sic providentur naturales effectus, ut etiam causæ naturales ad illos naturaliter effectus ordinentur, sine quibus illi effectus non provenirent, quanta prædestinatur salus alieni, ut etiam sub ordine prædestinationis cadat quidquid hominem præmoveret in salutem, vel orationes propriæ vel aliorum, vel alia bona, vel quidquid hujusmodi sine quibus aliquis salutem non consequitur.

Denique ad id quod additur, si Deus aliquid decreverit, necessario eveniet, jam iterum atque iterum factum est satis: adhuc tamen distinguo, necessario evenit, necessitate hypothetica & in sensu composito, concedo: in sensu diviso, nego. Sic respondet Divus Anselmus supra laudatus, sic Divus Thomas, sit omnes orthodoxi Theologi loquuntur. In primis Gonetus hic disp. 4. art. 5. 6. & 7. ubi docet & concludit præscientiam in decreto fundatam, non esse humanæ adversam libertati. Sic Contensonius differt. 10. de concordia libertatis c. 2. Nec mirum, divinæ infallibilitatis præscientiæ non oritur ex limitatione causæ universalis ad unum determinatæ, sed ex summa omnium omnino perfectionum plenitudine causæ superioris, quæ quidem omnia attingit a fine ad finem usque fortiter, & disponit suaviter. Cæterum S. Augustinus non semel pro hoc momento citatus cuncta

solvit, dicendo Deum etiam humanas præscire voluntates, & cuncta suavi dirigere & ordinare Providentia.

*Inflabis*, admissio & posito decreto prædefiniēte, adest semper sensus cum præscientia compositus. Igitur nusquam erit cum decreto præmovente libertas. Probat ut antecessens: omnis creatura, adeoque & omnis actus dicit semper ordinem ad decretum; ab eo quippe habet & esse & existere secundum Thomistas qui hac ratione ducti scientiam Dei esse causam rerum etiam Physicam & effectivam asserunt. Ergo, &c.

*Respondeo* distinguendo: est semper sensus compositus pro rerum productione, concedo: a Deo quippe solo pendet producere vel non producere aliquid: pro productione operationis causæ secundæ, subdistinguo: est sensus compositus cum decreto generaliter præmovente, sed determinabili per causam secundam ad actum in individuo, concedo: non determinabili, nego. Duo sunt potissimum consideranda & ponderanda; primum quidem creaturam quatenus dicit ordinem ad Creatorem, alterum vero ipsum Creatorem ut suam spectat creaturam. Mundus primo modo consideratus a solo Deo dependet & in esse & in conservari. Igitur Deus liberissimus fuit in condenda creatura, supposito tamen quod illam condere decreverit, mundus sub tali decreto de sua existentia formatus, necessario quidem, sed necessitate tantum hypothetica creatus est: hinc nulla est ex parte Dei absoluta necessitas; neque ex parte creaturæ rationalis in suis vicissim humanis operationibus.

*Potest* igitur spectari causa secunda ut producta & habens ex Creatoris munere innatam agendi & sese movendi virtutem: quia vero & creatura & ipsa creaturæ virtus sunt in potentia ad agendum, neutra quippe est actus purus, inde sequitur voluntatem divinam indigere præmotione quæ illam applicet ad actum quem vult & desiderat producere. Cæterum præmotio est influxus causæ solum generalis & universalis, adeoque ad talem actum in individuo per causam secundam determinandus, unde etiam sub dominio concursus prævii creatura eatenus manet libera, quatenus illo utitur, prævia sua & deliberatione & electione, ad quod vult.

*Respondeo* 2. negando absolute loquendo, sensum adesse semper compositum. Aliud

quippe est dicere ordinem ad decretum præparans auxilium: aliud vero creatum habere auxilium & agere cum illo & per illud. Primum importat solummodo auxilii præparationem; alterum dicit auxilium cum potentia conjunctionem; quinimmo & ipsum actum seu potentiam in actu: certo certius est creaturam recipientem auxilium, posse agere vel non agere, quatenus ei resistere valet: posse bonum vel malum operari, quia concursus ordinis naturalis potest flectere ad alterutram partem, illum vero qui est superioris ordinis prorsus abjicere, sed, posita præmotione applicante ad actum, ipsa vero creatura agente & cooperante, profecto voluntas in isto sensu composito non potest non agere, alias jungeret actum cum non actu, quod est impossibile.

*Respondeo* 3. iterum distinguendo, posito decreto seu prævio concursu, est semper sensus compositus, & in isto sensu voluntas non potest agere potentia futuritionis, concedo: potentia possibilitatis, nego. Prima dicit actum cum potentia conjunctionem; altera potestatem ab actu cessandi si voluntati placet; quam quidem vim & facultatem habere in ipso sensu composito nemo est qui non videat & experiatur.

*Verum* ut veritas in perfecto elucescat die, observandum est voluntatem humanam teste D. Thoma 1. 2. q. 9. art. 4. se movere ad actum per deliberationem rationis: unde prius illi proponitur objectum; quod quidem sub duplici apparet facie, v. g. elemosyna, videlicet sub ratione boni ut misericordiæ consonum, deinde sub quadam mali specie, quatenus est quoddam crumenæ incommodum, quum penitatis ex utraque parte rationibus voluntas agere desiderat: tunc Deus qui ut præmotor universalis non deficit in necessariis, illam & physice movet, & applicat ad actum; illa vero sic præmotam flectit motionem Dei ad actum in individuo: & sic eatenus manet libertas, quatenus voluntas, v. g. prius mota moraliter a gratia quæ teste Augustino movet modo illuminando, modo suadendo & semper excitando, potest resistere vel consentire. Quia vero præmotio Physica est solummodo ad conjunctionem actuum cum potentia, supponit semper voluntatis deliberationem; unde manet ex integro immune ab omni necessitate liberum arbitrium. Divus Augustinus l. 3. de

de libero arbitrio c. 3. totum explicat  
 „ Ita fit, *inquit*, ut Deum præscium om-  
 „ nium futurorum, & nos tamen velimus  
 „ quod voluntas, cum enim sit præscius  
 „ voluntatis nostræ, cujus est præscius,  
 „ ipsa erit. Voluntas ergo erit, quia vo-  
 „ luntatis est præscius. Nec voluntas esse  
 „ poterit, si in potestate non erit. Ergo  
 „ est potestatis & præscius. Non igitur  
 „ per ejus præscientiam mihi potestas adi-  
 „ mitur, quæ propterea mihi certior ade-  
 „ rit, quia ille cujus præscientia non fu-  
 „ litur, adfuturam mihi esse præcivit.”  
*Rursus* instabis: omnis suppositio ante-  
 cedens tollit libertatem. Et probatur:  
 prævenit consensum: igitur non manet  
 indifferencia.

*Respondeo* distinguendo, suppositio ante-  
 cedens particularis, absoluta & ad unum  
 determinata, ut influxus siderum respectu  
 plantarum, concedo: generalis & deter-  
 minabilis per voluntatem ad actum in in-  
 dividuo, nego. Præmotio est influxus cau-  
 sæ universalis, adeoque solum generalis:  
 physice quidem recipitur in potentia, &  
 ipsa per deliberationem rationis agens uti-  
 tur libere & ad nutum ista motione, eam-  
 que flectit ad quod vult: igitur manet  
 sui actus domina & perfecte libera; enim-  
 vero intellectus per deliberationem ratio-  
 nis, determinat voluntatem quoad specifi-  
 cationem; idest, ad tale vel tale bonum  
 eligendum & amandum; ipsa vero se de-  
 terminat ad actum in individuo, sic doc-  
 et D. Th. 1. 2. qu. 97. art. 3. ad 3. ” Non  
 „ eodem modo, *inquit*, voluntas movetur  
 „ ab intellectu & a seipsa, sed ab intelle-  
 „ ctu quidem movetur secundum ratio-  
 „ nem objecti: a seipsa vero quantum ad  
 „ exercitium actus.”

*Adhuc instabis*: Ex hoc duo sequuntur  
 absurda, primum quidem præmotionem  
 quæ voluntatem determinat, ab ipsa vo-  
 luntate vicissim determinari. Alterum ve-  
 ro absurdum est, concursum decreti præ-  
 definientis a quo voluntas humana depen-  
 det, ab ipsa voluntate humana alternata  
 vice pendere; quæ omnia manifestam im-  
 plicant contradictionem. Namque erit de-  
 terminatio & non determinatio: depen-  
 dentia & non dependentia.

*Respondeo* negando utramque sequelam.  
 Ad probationem, distinguo: erit deter-  
 minatio & non determinatio sub diverso  
 respectu, concedo: sub eodem, nego.  
 Voluntas quidem physice movetur a Deo

& reducitur de potentia ad actum: mota  
 vero & excitata determinat influxum Dei  
 ad actum in individuo, seu potius flectit;  
 unde ad summum influxus primæ causæ  
 pendet a creatura solum determinative:  
 verius dicam non est dependentia; quis  
 enim sanæ mentis dicit Deum a sua de-  
 pendere creatura, eo quod cum illa agat?  
 quinimmo tota dependentia solum est ex  
 parte causæ secundæ, quippe quæ eate-  
 nus solum operetur, quatenus a prima &  
 movetur & adjuvatur.

*Instas*: Deus humanam movet volun-  
 tatem immediate quoad omnia, siquidem  
 non solum rationes genericas & specifi-  
 cas, sed & individuales attingit; est enim  
 prima omnium causa, eaque efficacissima:  
 jam vero si decretum est præmovens,  
 omnes profecto antecedit istas rationes,  
 adeoque non relinquetur sub præscientia  
 prædefiniente ullus libertati humanæ lo-  
 cus.

*Respondeo* distinguendo, decretum ad  
 omnia utque pertingit tanquam causa uni-  
 versalis determinabilis a causa secunda ad  
 actum in individuo, concedo: ut causa  
 particularis & non ulterius determinabi-  
 lis, nego. Ultero fateamur causam primam  
 omnes actus rationes attingere, sed solum  
 ut causa universalis Physica, quæ non  
 excludit causæ secundæ determinationem.  
 In omni ratione actus tum genericæ, tum  
 specificæ, tum etiam individuales duo  
 potissimum sunt distinguenda, videlicet id  
 quod est ens, & id quod est ens tale at-  
 que determinatum; primum est immédia-  
 te a Deo, secundum vero a Deo & a  
 creatura simul. Quod autem præmotio  
 Physica sit solum ad actum moralem ut  
 sic, ad actum vero in individuo nonnisi  
 mediante voluntate, patet ex D. Tho-  
 ma, qui ubique duo statuit inconcussa,  
 primum quidem motionem divinam eate-  
 nus solum esse necessariam, quatenus de-  
 bet & reducere causam secundam de po-  
 tentia ad actum, & ejus virtutem veluti  
 sopitam excitare ut ipsa operetur. Alter-  
 rum vero voluntatem humanam seipsam  
 determinare ad actum in individuo, im-  
 mo & pro isto momento motionem Dei  
 flectere ad quod vult & elegit. Nec mi-  
 rum, nisi voluntas sese determinando ad  
 producendum aliquem effectum agat, ni-  
 hil sane fiet. Igitur determinatio ad actum  
 in individuo est quidem a prima causa sed  
 mediante secunda, & sic illæsa manet sub  
 decreto prædefiniente libertas.

*Insurgens iterum* : decretum præmovens de omnibus disponit rationibus, etiam de individualibus ; namque cuncta a fine ad finem attingit, ad medullas ulque compingum pertingit ejus occultissima vis : & quis resistet ? igitur posito decreto de aliquo effectu, rem fieri necesse est ; voluntas ut pedissequa præmotionis, necessario sequitur efficaciam & operabitur.

*Confirmatur* . Nihil est determinate futurum in hypothese, nisi per decretum prædefinientis : igitur cum sit præmovens, velit, nolit causa secunda, sequitur effectus : maxime in ordine supernaturali gratiæ in quo Deus teste Apostolo operatur secundum propositum, seu secundum consilium voluntatis suæ . Quia vero decretum a voluntate divina admodum suavi quæ est summa & suprema bonitas, promanet ; ideo actus humanus ad summum voluntarius & spontaneus erit, sed non liber.

*Respondeo* 1. argumentum nimis probe : sequeretur enim actionem fore divinam, quatenus specificatio actus a solo promanaret decreto, unde creatura neque odio, nec laude digna evaderet, quod nullus certe admittit Catholicus.

*Respondeo* 2. distinguendo : decretum de omnibus disponit ut causa generalis determinabilis per causam secundam ad actum in individuo, concedo : ut causæ particularis & a creatura ulterius non determinabilis, nego . Observat D. Thomas in 2. dist. 39. q. 1. voluntatem se determinare moraliter per deliberationem rationis ad actum talem vel talem, & ab alio non determinari ; unde decretum de creatione mundi, est quidem ab omni creatura independens, sed supposito quod primus homo sit productus, Deus vult eum libere & per deliberationem rationis agere.

*Ad confirmationem*, distingo : nihil est futurum nisi per decretum determinans physice voluntatem creatam, ut sic mota seipsam determinet ad actum in individuo, concedo : nihil est futurum nisi per decretum sine creaturæ cooperatione, nego . Et vero Deus & creatura sunt causa adæquata & totalis effectus producendi : igitur decretum non dat existentium effectui producendo absque causa secunda, quia sic vult Deus, ut servetur libertas . Hic est igitur ordo : 1. Deus decrevit ab æterno præmovere creaturas liberas ad operationem, illas reducendo de potentia

ad actum quando volunt agere . 2. Decrevit ut creatura pro privilegio libertatis, uteretur motione primæ causæ ad libitum, illam determinando moraliter ad actum in individuo . 3. Posita electione voluntatis creatæ de aliquo amando, eam ad id applicat physice Deus, illa vero sic mota seipsam applicat simul physice & moraliter utendo præmotione ad effectum producendum . Igitur decretum prædefinientis dat futuritionem determinatam primo movendo physice voluntatem in genere, secundo physice influendo in actum individuum ut est a voluntate determinatum ad individuum : tertio simul concurrente ut actus producat & habeat esse seu existere.

*Sic servantur* omnia jura Dei . Est prima causa præmovens & non potest creatura se determinare nisi prius non a Deo . Actus est a prima causa etiam secundum rationes específicas & individuales, quia creatura illas attingit ut mota, & utendo motione divina ad illas ; rursus concursus Dei a voluntate humana moraliter determinatus, influit in omnia : & sic Deus est præmovens & simul agens . Item servantur jura voluntatis creatæ, quatenus seipsam determinat ad speciem & individuationem actus, quandoquidem flexitionem primæ causæ ad quod vult, unde est sui actus dominus . Jam vero Deus videt omnia futura in decreto suo prædefiniente ut movente creaturam ad actum ; futuritio rei est ab ipso : voluntas enim hominis nihil prorsus potest absque primæ causæ concursu, eoque utitur ut suum eliciat actum : nihil utique est determinate futurum ante motionem Dei, quia creatura non potest sese ad actum determinare nisi prius a prima causa moveatur, quibus omnibus ponderatis, cuncta libertatis jura cum præscientia in decretis prædefinientibus fundata, facile conciliantur . Et vero nullus inter Thomistas etiam rigidissimus negabit præmotionem physicam se tenere ex parte actus secundi ; *est id*, inquit Alvarez de aux. disp. 19. *quo voluntas agit* : supponitur igitur deliberatione transacta antequam præmotio Physica detur, & voluntatem ad actum applicet . Hæc doctrina fundatur in D. Augustino qui l. 3. de lib. arb. c. 3. nu. 6. sic loquitur : " Res ergo universas quartum Deus est præcius, non voluntate sed necessitate fieri putas . Omnia ita puto . Ex-  
" perscrutare tandem teque ipsum paulu-  
" lum

lum intuere, & dic mihi, si potes, qualem sis habiturus cras voluntatem, utrum peccandi, an recte facienda nescio. Quid Deum ibidem, nescire hoc putas? nullo modo id putaverim. Si ergo voluntatem tuam crastinam novit, & omnium hominum, sive qui sunt, sive qui futuri sunt, futuras prævidet voluntates, multo magis prævidet, quid de justis, impiisque facturus est. Prorsus si meorum operum præscium Deum dico, multo fidentius eum dixerim præscire opera sua.

Idem colligitur ex D. Thoma qui in 2. sent. dist. 39. qu. 1. sic loquitur: "Sed quod determinatio exeat in hunc vel illum actum, non est ab alio determinante, sed ab ipsa voluntate. Determinatio actus relinquatur in potestate rationis & voluntatis. Quibus verbis docet sanctus Doctor Deum licet præmovere, non tamen prædefinire actus creaturæ in specie & in individuo antedecenter ad ipsam voluntatis determinationem & seclusa ejus cooperatione; alius actus omnes eissent a solo Deo complete, siquidem essent a Deo & quoad speciem & quoad individuationem sine ope creaturæ, quod est absurdum.

Oppones 2. Aug. 1. 26. contra Faustum c. 3. dicit unicuique rei esse naturale quod a Deo moveatur: sed moveri naturaliter a Deo, est moveri necessario: igitur decretum prædefinienti nocet libertati.

Respondeo distinguendo: est naturale cuilibet rei a Deo moveri, id est, subijci primo motori, qui quidem non movet nisi conformiter naturæ rerum, concedo: unde naturale sumitur ab Augustino ut opponitur violento: est naturale ita ut causæ liberæ moveantur necessario, nego. Sic explicant S. August. & D. Thomas 1. 2. qu. 10. art. 4. ad 2. "Dicendum, inquit, quod naturale est unicuique, quod quod Deus operatur in ipso, ut sit ei naturale: sic enim unicuique convenit aliquid, quod Deus vult quod ei conveniat."

Obijciens 3. Calvinus admittebat præmotionem physicam & decreta prædefinientia: sed propter hoc damnatus est a Concilio Tridentino: igitur præscientia fundata in decreto prædefiniente non est admittenda.

Respondeo distinguendo: Calvinus admittebat præmotionem & decreta prædefini-

nientia necessitantia, concedo: libere moventia, nego. Dicebat voluntatem non esse liberam, sed trahi ut inanime quoddam a gratia: unde si aliquam admisit cooperationem liberi arbitrii, admisit solum vocetis & ad summam spontaneitatem. Sic enim explicat locum Rom. 9. Non est volentis neque currentis 1. 9. Inlūit. c. 29. apud Stapletonium in Antidoto: "Non dubitemus Apostolum omnia misericordie Domini donare." Et in Antidoto ad Can. 5. Sess. 6. Trid. "Quid ergo, inquit, sibi vult Aug. cum de libertate voluntatis loquitur, nempe quod toties repetit, non cogi homines inviti & Dei gratia, sed voluntarios regere, ut sponte pareant, ac sequantur?"

Dices 4. vel effectus producendus dirigitur per scientiam, vel per decretum; si primum, igitur datur scientia media: si secundum, jam non relinquatur libertati humanæ locus: tum quia decretum antecedit omnem creaturæ conatum sicut & præmotio quæ est ejus efficacia, tum quia decretum est infallibile, nec suo potest frustrari effectu.

Respondeo dato & non concesso effectum producendum dirigi per scientiam, non inde sequeretur scientiam mediam peritalem esse, cum effectus conditionatus futurus per scientiam visionis optime dirigatur; maxime vero quia habet conditionem purificandam, unde ad scientiam futurorum reducitur.

Respondeo 2. effectum dirigi per scientiam quæ habet voluntatem adjunctam, nec ullam ex decreto sequi pro libertate offensam & læsionem, cum potius omnis libertas sit a voluntate Dei ut a primo totius libertatis fonte: hinc, inquit Div. Thomas non semel citatus, Deus facit agere creaturas libere sicut earum congruit naturæ; habet quidem decretum infallibilem connexionem, sed duntaxat moralem, quæ libertati humanæ professio non adverfatur: antecedit utique præmotio actum, sed prioritate tantummodo naturæ & non temporis: antecedit, non quidem ut perimat liberum arbitrium, sed ut applicando voluntatem ad bonum, det ipsam libertatem actualem, quatenus eam adjuvat; unde & actus liberi est prima causa.

Insuper: decretum suo non potest frustrari effectu, alias non foret efficax. Ergo, &c.

*Respondeo* distinguo: decretum suo non potest frustrari effectum in sensu composito, concedo: in sensu diviso, nego. Observandum itaque duplex esse Dei decretum, alterum pro præmotione generali quo statuit Deus generaliter concurrere ad actum creaturæ: alterum particulare pro præmotione speciali quæ est per gratiam, quo statuit Deus, in ordine supernaturali specialiter præmovere & quidem efficaciter ad bonum salutis, sed præscit voluntates hominum, inquit Augustinus; præscit num creatura operatura sit vel non, præscit quid eligendo homo faciet: hinc præscientia in decreto fundata nullo modo humanam offendit libertatem.

*Dices:* ex his inferitur primo dari scientiam mediam qua suum Deus dirigit decretum. Secundo decretum nec præmovere, nec determinare causam secundam sed ejus expectare consensum. Tertio ante decretum effectum producendum objectivam habere veritatem, in qua quidem cognosci potest. Ergo, &c.

*Respondeo* negando primam sequelam; siquidem scientia visionis dirigitur effectus conditionate futurus qui conditionem purificandam habet.

*Ad secundum* nego primam partem sequelæ; ad secundam autem, distinguo: Deus expectat consensum voluntatis humanæ cuius est prima causa, concedo: expectat consensum a gratia independentem nego. Magna est apud auctores hanc impugnantes opinionem allucinatio, quæ quidem in hoc potissimum consistit, quod credant Deum se solo & facere, & determinare actum, ita ut nihil creaturæ operandum supersit. Dico igitur, propugno duplicem requiri ad effectum aliquem producendum determinationem: alteram ex parte primæ causæ, alteram ex parte secundæ: utraque enim causa unicum constituit totale & adæquatum agendi principium, sed ut Aristoteles dicit, primo movens movet secundum, non autem istud primum: nihil igitur est determinate futurum ante primæ causæ decretum, sed neque ante causæ secundæ determinationem, quandoquidem est utique & causa effectus: igitur Deus scit & quid facturus est, & quid ipsa creatura cum ipso libere cooperante operabitur: & ideo nulla libertatis læsio: hoc utitur inconcusso principio Augustinus; nam cum per gratiam libertatem offendi autumarent Pelagiani, præscit, inquit eis S. Doctor, Deus voluntates hominum.

*Ad tertiam*, nego pariter sequelam: namque ante causæ primæ determinationem nihil est futurum, quia ipsa causa secunda nequidem est determinata: enim vero movetur a Deo ut sese determinet prævia electione ad actum. Quare vero posita Dei voluntate, positoque ejus decreto, cuncta sunt determinata? ratio in promptu adest, quia decretum seu ejus præmotio movet voluntatem; quæ mota & adjuva se ipsam movet & applicat ad actum; hinc merito dicimus Deum in decreto præmovente omnia præscire, inmo in eo præscit ipsas hominum voluntates, non in eo sane Calvini sensu quod Deus determinet effectum per exclusionem a libera creaturæ determinatione; verum potius in isto, quod creatura a primæ causæ motu dependens se ipsam ad actum determinet & accingat. Quid plura? nullus est inter Thomistas rigidissimus qui neget præmotionem physicam se tenere ex parte actus secundi; est quid incompletum, inquit Alvarez de auxili. disp. 19. quo actu agit voluntas: supponit ergo tempus deliberationis transactum, cum advenit præmotio Physica; namque dum actus elicitur, ex electione & deliberatione facta elicitur, nec tunc adest deliberationis locus, alias actus posset simul esse & non esse in eodem prorsus instanti, quod sine implicat. Igitur præmotio non adversatur libertati, sed potius est ipsius libertatis exercitium: igitur nec se habet formaliter ad actum moralem qui ex deliberatione profuit, sed tantummodo materialiter.

*Solvitur argumentum ex gratia per se efficaci de promptum.*

*Obijces:* præscientia innixa decreto prædefiniente insert gratiam per se efficacem ad actiones in ordine supernaturali eliciendas: sed libertas humana coherere non potest cum ejusmodi decreto: igitur decretum prædefinienti tollit libertatem, adeoque non est admittendum. Probat minor in qua est difficultas. Deus specialiter movet voluntatem humanam per gratiam ex se efficacem, ita ut totum ab ipsa procedat. Igitur non manet libertas.

*Respondeo* nos sufficienter demonstrasse in superioribus contra Protestantem, hominem esse liberum etiam in actionibus supernaturalibus eliciendis; unde nego minorem: ad probationem distinguo, Deus spe-



specialiter movet per gratiam, quia movet etiam ad velle, etiam dat boni supernaturalis cogitationem, concedo: quia movet excludendo liberi arbitrii cooperationem, nego. Apostolus enim dicit se gratiæ cooperari, 1. Cor. 15. 10. *Non ego, inquit, sed gratia Dei mecum*. Quia igitur non sumus sufficientes ex nobis aut cogitare, aut operari aliquid pro vita æterna consequenda, siquidem supereminet & rationi & virtuti nostræ, indigemus moveri a Deo per gratiam & circa finem, & circa media: in ordine vero naturali virtute innata possumus velle, immo & facere aliquod bonum; & ideo concursus generalis primæ causæ præmovens ad hoc sufficit. Igitur initium & consummatio operis boni ad vitam æternam conducentis est a gratia, & ideo Deus movet specialiter & specialissime voluntatem in ordine supernaturali: actus tamen est ita a Deo, ut sit etiam a nobis; juxta illud Concilii Arausicani secundi Can. 9. *Quoties bona agimus, Deus in nobis atque nobiscum ut operemur, operatur*. Unde liberum arbitrium manet sub dominio gratiæ.

*Instabis*: atqui liberum arbitrium non manet sub gratia efficaci: ergo nulla solutio. Probatur antecedens; totum est a Deo per gratiam, etiam velle, etiam perficere, ipso testante Apostolo Phil. 2. 13. *Deus est enim, inquit, qui operatur in vobis velle & perficere*. Igitur voluntas non est libera. Sic prævidit Deus, sic statuit, sic voluit: igitur non coheret libertas cum decreto prædefiniente.

*Respondeo* negando subsumptum: ad probationem distinguo antecedens; totum est a Deo ut a causa prima non excludente cooperationem causæ secundæ, concedo; secus, nego. Gratia sufficiens dat bonas cogitationes & voluntates inchoative, quæ dicuntur semina virtutum: voluntas movetur moraliter ad bonum quod illi proponitur, verbi gratia, ad faciendam eleemosynam propter Deum: si non resistit, augetur & inspiratio & gratiæ impressio; sic a Domino præparatæ voluntati, modo non ponat obicem, conceditur gratia efficaciæ quæ fortius movet & pulsatur, quæ determinat & applicat ad bonum. Jam vero per gratiam sufficientem, pulsatur ad cor Deus, per efficacem aperit: & utrique potest resistere voluntas; impressioni quidem gratiæ sufficientis, & hoc probat infelix & quotidiana experientia, juxta il-

lud Actuum. 7. *Vos semper Spiritui Sancto resistitis*: impressioni vero gratiæ efficaci: sicut enim Petrus fortiter pulsus potest, adhibita omni fortitudinis virute, resistere, ita & voluntas contra gratiam efficacem recrudescere, maxime si exardeat plurimum concupiscentia, & hoc declarat sacra Synodus Tridentina his verbis, sess. 6. can. 4. *Si quis dixerit liberum arbitrium a Deo motum & excitatum... neque posse dissentire, si velit, sed veluti inanime quoddam nihil omnino agere, mereturque passivæ se habere, anathema sit*. Igitur motum, sub dominio gratiæ moventis & efficaci potest respuere si velit; quod autem hoc sit possibile, scriptura declarat, adhortando hominem ut non recrudescat contra gratiam efficacem quam fluminis impetui comparat dicens, Ecc. 4. 32. *Ne coneris contra istum fluvium*, & Psal. 94. 6. *Hodie si vocem ejus audieritis, nolite obdurare corda vestra*. Et illud Christum ad Saulum persecutorem. Act. 9. 6. *Durum est tibi contra stimulum recalcitrare*. Quid est contra stimulum recalcitrare, nisi adaperito & deliberato voluntatis præviæ impetu, ipsum gratiæ frangere impetum? non tamen facit quia vult obedire. Igitur Deus non prædefinivit movere hominum voluntates, quin possint per innatam libertatem resistere. Ideoque libertas non destruitur.

*Urgebis iterum*: atqui totum ita est a Deo per gratiam ut non maneat indifferentia & vis electiva in voluntate, ergo &c. Probatur antecedens, Deus per decretum statuit præmovere per gratiam hominem ad bonum; vult enim quod gratia ex se determinet voluntatem, non solum ad bonum, immo & ad actum in individuo: nam per gratiam sufficientem inspiratur v. g. eleemosyna faciendæ; per efficacem per se determinatur ad tale bonum, & ad talem actum: igitur tota determinatio est a Deo & nihil est a voluntate. Confirmatur: prædefinit Deus dare gratiam efficacem per se: igitur & decrevit dare gratiam prædeterminativam: posita vero & data ejusmodi gratia, jam est actus: igitur non potest voluntas resistere; adeoque non est libera sub dominio decreti præmovens.

*Respondeo* 1. argumentum nimis probare, sequeretur enim voluntatem trahi ut inanime quoddam per gratiam efficacem, quæcumque illa sit, & excogitetur in Scholis; quia gratia efficaciæ determinaret causam secundam secluso ipsius consorcio; ista

ista gratia five congrua, five physica semel posita, homo non posset ei resistere: certum est tamen voluntatem ab objecto allectam, gratia sufficienti præparatam, adjutam efficaci, eligere bonum, & per deliberationem rationis se ipsam determinare, ut repetit perpetuo Div. Thomas. Igitur gratia elevat, gratia sanatur, gratia determinat & applicat voluntatem ad bonum absque libertatis dispendio.

*Respondeo* 2. negando subsumptum. Ad probationem distingo. Deus prædefinit voluntatem a gratia præmoveri ad tale bonum; & simul prædefinit voluntatem se ipsam ad illud determinare libere, concedo; ita prædefinit voluntatem a gratia præmoveri ad tale bonum ut non simul prædefinit illam se determinare libere, nego. Ultero fatentur omnes Theologi orthodoxi voluntatem præveniri gratia sufficienti, ut incipiat velle bonum; addunt Thomistæ per gratiam efficacem moveri ad ipsum actum, ut sic mota eligat & operetur bonum quod nec sine prima gratia homo incipit velle, nec sine altera se movet ad illud volendum efficaciter, & operandum. Gratia igitur efficaci movet ad actum bonum moraliter secundum Congruistas, moraliter & physice secundum Thomistas, secundum omnes liberrime: unde enim meritum, nisi quia voluntas mota ad bonum potest facere malum? juxta illud Eccli. 31. *Qui potuit transgredi & non est transgressus, facere mala & non fecit, ideo stabilita sunt bona illius in Domino, & eleemosynas illius enarrabit omnis Ecclesia Sanctorum.*

*Ad confirmationem* distingo: posita gratia efficaci voluntas non potest non agere in sensu composito, concedo: in sensu diviso, nego. Sensus compositus ille est qui jungit actum cum potentia: certe in omnium opinione; qui agit non potest non agere, hoc implicat: sensus divisus concipitur, cum gratia datur: certum est enim prius esse, gratiam dari, & voluntatem determinare se seu propulsare ad bonum, quam voluntatem eligere, quam velle efficaciter, & agere; nam ad hoc datur gratia, ut voluntas mota se ipsam determinet, ut eligat, ut velit efficaciter bonum, ut illud operetur: quæ quatuor momenta si recte ponderentur, facile, in quantum heri potest, conciliabitur libertas cum præscientia & decreto

prædefiniēte. Itaque observandum est 1. Gratiam efficacem dari ut moveat & determet voluntatem ad bonum 2. Voluntatem jam inclinatam & præparatam per gratiam sufficientem, & ultimatē atque fortiter determinatam per efficacem, eligere bonum. 3. seipsam determinare ad bonum hic & nunc faciendum. 4. Illud actu facere & operari. Qui quidem omnes gradus quasi in instanti currunt: quando igitur voluntas concipitur recipiens gratiam ad agendum, quis sanæ mentis dubitat, quin possit non facere, cum prius secundum nostrum concipiendi modum debeat eligere, deinde facere?

*Quid ergo præcitat Deus in gratia efficaci?* omnia humanæ causæ libertati; præcitat quod voluntas intrinsece excitata ad bonum per gratiam sufficientem, extrinsece vero per objecti propositionem, quod inclinata & præparata ad virtutem exercendam, quod mota iterum per auxilium efficax se ipsam movebit per deliberationem rationis ad bonum, quod præmotā tandem & physice adjuncta illud operabitur.

*Adhuc instabis:* atqui voluntas humana sub dominio gratiæ efficaciis præmovenis non se determinat ad actum, immo non potest: igitur nulla solutio. Probat subsumptum; primo quidem jam est determinata per gratiam efficacem; sed quod est determinatum, non indiget ulteriori determinatione; ergo &c. Secundo gratia efficax, alio prorsus modo eoque fortiori gratiæ sufficientis determinatione, movet, adeoque, posita per efficacem determinatione, ulterior non expectatur; maxime vero cum gratia præmovens efficaciter se teneat ex parte actus secundi. Tertio si alia rursus necessaria est determinatio, gratia non est per se efficax: denique gratia per se efficax qualis est præmovens, movet infallibiliter: igitur & necessario.

*Respondeo* negando subsumptum: ad primam probationem distingo: voluntas jam jam est determinata per gratiam efficacem exigentem consortium causæ secundæ, concedo: non exigentem, nego. Voluntas determinatur & actuatur a gratia ut se ipsam determinet & moveat ad bonum salutis, quod sibi relicta operari non valet, unde elevatur, sanatur & movetur a causa prima ad bonum supernaturalis ordinis ut seipsam ad illud hic & nunc faciendum determinet, & exeat in actum. Sicut igitur discipulus præmo-

tus ad scribendum, se ipsum applicat & movet ad hoc; ita & voluntas præmota ex se & libere operatur. Sicut discipulus præmokus ad scribendum actu potest resistere motioni actuali, & quandoque de facto resistit cessando operari; ita & voluntas præmota a gratia potest resistere. Duplex igitur distinguitur determinatio, altera primi moventis, altera vero secundi, & cum determinatio causæ secundæ subordinetur determinationi causæ primæ a qua procedit, nullum sequitur inconvenientem.

*Ad secundum* distinguo: non expectatur ulterior determinatio ex parte causæ primæ, concedo: ex parte causæ secundæ, nego: immo gratia efficax ideo datur ut voluntas de se iners ad bonum supernaturale moveatur & exeat in actum.

*Ad tertium*: dico dari gratiam efficacem, & talis esse naturæ ut moveat ad actum; sic autem nominatur & quia est uberior gratia sufficiente, consistit enim in præmotione morali simul & physica: & quia dat velle completum, gratia vero sufficiens, incompletum: & quia etiam se tenet ex parte actus secundi; inserit enim ipsum actum, sed libere, liquidem voluntas agit per deliberationem rationis.

*Ad quartum* distinguo: gratia per se efficax movet infallibiliter secundum quid, concedo: simpliciter, nego. Efto quod movet infallibiliter, sed secundum quid: hæc enim infallibilitas a sola gratia non procedit, sed etiam ab ipsa voluntate quæ se determinavit & voluit bonum: infallibilitas autem absoluta est a voluntate humana omnino independens & immutabilis, sicut ea quæ profluit a gratia finali perseverantia ut dicit providentium disponentem causis ad hoc ut mors eveniat quando peccator dolet vehementer de peccatis. Quod autem infallibilitas gratiæ efficacis non sit absoluta, patet, quia in sensu diviso & dum datur, potest voluntas ei resistere.

*Inflabis de novo*: atqui infallibilis gratiæ per se efficacis est absoluta: igitur non relinquitur voluntati humanæ locus, ut se ipsam determinet, adeoque non est libera. Probatur antecedens. Concilium Aransieanum secundum Can. 4. dicit: Si quis, ut a peccato purgemur, voluntatem nostram Deum expectare contendit: non autem ut etiam purgari velimus per Sancti Spiritus infusionem & operationem

in nos fieri constituit, resistit Spiritui Sancto dicenti Proverb. 19. *Præparatur voluntas a Domino*. Ergo post determinationem quæ est a gratia per se efficaci, non datur locus voluntatis humanæ determinationi, alius expectaret Deus, ut a peccato nos purgaret, nostræ voluntatis determinationem.

*Respondeo* negando antecedens. Soli quippe hæretici hoc docent, soli hoc contendunt & affirmant, nempe gratiam esse ita efficacem, ut sit absolute insuperabilis & in eo sensu quod rapiat, aut, saltem necessitet voluntatem. Et vero, variæ circumferuntur de gratia per se efficaci sententiæ, quædam scilicet hæreticæ, quædam vero orthodoxæ. Calvinistæ & Lutherani tenent decreta prædefinientiæ necessitate, adeoque gratiam ita esse per se efficacem, ut rapiat necessario voluntatem ut inanime quoddam: Jansenius contendit gratiam in eo sensu esse per se efficacem quod suaviter quidem moveat, & spontaneæ, at tamen necessario, ita ut non superest indifferentia in voluntate & vis electiva ad bonum aut malum, ad actum & non actum; qua quidem opiniones proscriptæ manent & ex definitione Conciliorum, & ex Decretis Summorum Pontificum. Aliæ sunt saniores in Ecclesiæ Scholis circa istud nomen opiniones. Prima est Humberti in Academia Parisiensi quondam celebri Regiæ Professoris qui propugnat gratiam esse per se efficacem in actu primo, quia gratia præveniens est in nobis sine nobis, & nos ad bonum movet, in actu vero secundo esse efficacem concurrente voluntatis consensu, & dependenter ab ipso. Secunda est quorundam Theologorum qui gratiam per se efficacem in suavitatem constitui volunt, in quantum delectatione gratiæ ita emolliatur cor peccatoris, ut ab ipsa habeat vim sese determinandi libere ad bonum: dico libera, quia, inquirunt, eodem prope modo ratiocinandum est de delectatione spiritali gratiæ, sicut de terrena: licet autem aliquod bonum sensibile maxime delectet, quandoque tamen eligimus contrarium quod non ita delectare videtur, quia sic iudicat intellectus propter rationes oppositas quibus convictus inder voluntati eligere, quandoque etiam & ut plurimum, intellectus iudicat pro eo quod magis sensibilibiter delectat: ita tamen ut electio maneat libera, etiam exardecente quicumque concupiscentia. A fortiori

niori in supernaturalibus; siquidem homo a gratia adiutus magis liber est, quippe qui a passionum vinculis ejus adiutorio solvitur, unde de bono proposito facilius judicat; hinc & liberrime deliberat de actu eliciendo: quæ quidem doctrina contrariis videtur etiam D. Thomæ qui ubicunque contendit voluntatem se ipsam ad actum in individuo determinare, minimam gratiam posse cuilibet concupiscentiæ resistere. Sic enim loquitur 3. p. q. 62. art. 6. "Minima gratia potest resistere cuilibet, bet concupiscentiæ. Quod sane non intelligit de gratia habituali solum, sed de gratia habituali connotante gratiam actualem ad quam spectat, resistere concupiscentiæ, quia est per se activa, non gratia habitualis: tum quia loquitur de effectu Circumcisionis quæ erat quoddam sacramentum; unde producebat ex opere operantis gratiam sacramenti, habitualem scilicet connotantem gratias actuales ad quas habendas conferebat & dabat quoddam jus in institutione & ordinatione Dei fundatum.

Denique est sententia Thomistarum qui propagant gratiam esse per se efficacem, non quidem excludendo liberi arbitrii & determinationem & cooperationem, sed quia dat ut nos determinemus ad bonum, sed quia præmoveret ad faciendum: voluntas vero mota se determinat ad agendum per deliberationem rationis; mota se ipsam ultimatè movet & producit actum: quid tutius pro libertate dici potest, cum ab ipsa gratia habeat voluntas solvi a vinculo suspensionis & inertie, a vinculo passionum alligantium, & fiat expedita ad agendum actu?

Jam respondeo ad probationem instantiæ. Deus ex Concilio Arausicano non expectat determinationem voluntatis creatæ ex viribus naturæ procedentem, ut a peccato purgemur, concedo: determinationem a viribus gratiæ profluentem, nego. Deus ut prima causa movet quidem voluntatem ad bonum, sed vult etiam ut voluntas humana sese determinet & moveat ad actum, cum actus specificetur & procedat vitaliter a causa secunda: excludit igitur Concilium determinationem voluntatis creatæ a viribus naturæ promanentem, & a qua dependet gratia, ut nos purget a peccato. Quod autem hic sit genuinus sensus Concilii patet ex duobus. Primo qui agit contra Semipelagianos, qui volebant, & initium fidei,

& bonas cogitationes: & bona desideria salutis esse a nobis, ita ut natura determinaret gratiam, & non ab ipsa determinaretur ad opus. Secundo quia agit de gratia qua præparatur voluntas a Domino, prius enim est voluntatem excipari per gratiam sufficientem & prævenientem, deinde moveri per efficacem, quam se ipsam determinare ad actum bonum, & illum elicere. Unde Deus non expectat ut purgari velimus, sed ipsa voluntas expectat ut det Deus velle purgari saltem inchoative, expectat ut moveatur & determinetur per gratiam, ad hoc ut velit efficaciter, & per actus poenitentiae de facto purgetur a peccatis: quæ quidem omnia ut non semel dictum & probatum est, sunt maxime libertati consona.

Insurgit: atqui Deus non expectat determinationem voluntatis etiam adiutæ, ut purget hominem a peccatis, sed independentem a determinatione ulteriori dat homini ut velit purgari a peccatis, & de facto purgetur: ergo nulla solutio. Probatur antecedens ex D. Thoma qui 1. 2. q. 9. art. 6. ad 3. sic loquitur: Dicendum quod Deus movet voluntatem hominis sicut universalis motor ad universale objectum voluntatis . . . . sed homo per rationem determinat se ad volendum hoc vel illud; quod est verum bonum vel apparens bonum. Sed tamen interdum specialiter Deus movet aliquos ad aliquid determinate volendum, quod est bonum: sicut in his quos movet per gratiam. Duo potissimum dicit in hoc textu D. Thomas, primum voluntatem motam ad universale bonum, seipsam posse movere ad actum in individuo, ad hoc vel illud bonum in particulari: alterum vero voluntatem humanam in ordine supernaturali etiam moveri, sed specialiter per gratiam ad actum: igitur excludit voluntatis determinationem in illo ordine. Confirmatur: posita determinatione ad actum per gratiam, inutilis est determinatio voluntatis, quia ipsa est jam determinata; siquidem determinatio per gratiam est in voluntate, & in ipsa versatur ac subiectatur: ergo &c.

Respondeo negando subsumptum: ad probationem distinguo. In ordine supernaturali voluntas movetur etiam specialiter, adeoque non solum ad bonum universale sed etiam ad actum bonum in particulari.

riculari, hoc est, ad ipsum actum, & simul voluntas mota per gratiam se determinat, concedo: & ita specialiter determinatur a gratia, ut more passive se habeat & rapiatur aut necessitetur, nego: D. Thomas non dicit voluntatem non se determinare ad actum supernaturalem; sed specialiter moveri per gratiam, quod verissimum est. Statuit ergo hoc discrimen inter ordinem naturalem & supernaturalem quod in illo voluntas mota ad universale bonum per concursum generalem prævium, seipsam moveat, postea per virtutem innatam quoad specificationem, idest, ad hoc vel illud bonum, ad verum vel apparens: in isto vero indigent gratia & ut eleveatur, & ut sanetur: indiget, & ut cognoscat bonum, & ut illud velit, & ut etiam illud operetur: igitur indiget specialiter moveri ad tale bonum, quia nisi inspiraretur, de illo non cogitabit anima, sed inspirata, sed excitata, sed mota per gratiam, etiam se movet per deliberationem rationis, etiam eligit, reclamantibus passionibus, quia intellectus practicus iudicat bonum virtutis solum esse vere bonum, etiam se determinat consentiendo determinationi & motioni gratiæ: igitur manet libera & sub decreto prædefiniente & sub gratiæ per se efficaci dominio.

*Ad Confirmationem* nego determinationem voluntatis esse inutilem, posita gratiæ moventis determinatione; siquidem ad hoc datur gratia ut agat voluntas suæ conformiter naturæ, idest per electionem: præsertim vero, quia actus desumit speciem a causa secunda, & cum ipsa commensuratur. In catholicorum omnium sententia datur prima & secunda causa, primum & secundum movens: utrumque, inquit D. Thomas cum Philosopho, dicimus moveri, sed magis primum, quippe quod moveat secundum, non autem istud primum.

*Perfisset*: atqui determinatio voluntatis humanæ est inutilis. Et probatur: Si ulterior voluntatis creatæ determinatio requiritur, jam gratia non erit per se efficax: idem dicendum de decreto prædefiniente: quandoquidem sine voluntatis humanæ determinatione nihil est futurum.

*Respondet* negando sequelam: ad probationem dico non esse hic determinandi locum an gratia sit per se efficax, vel

non: sed supposito quod sit, ut defendimus; negamus sequi eam non esse per se efficacem, ex eo quod requiratur voluntatis humanæ determinatio ad actum; siquidem gratia non dicitur per se efficax in eo sensu quod rapiat aut necessitet voluntatem, hoc enim est hæreticum; sed in eo quod applicet & præmoveat voluntatem ad bonum, quod det illi agere, quod ipsa voluntas non operetur bonum nisi prius sanata, & mota per gratiam.

*Ad ultimam probationem* distinguo: si requiratur voluntatis determinatio, nihil erit futurum & determinatum ex parte causæ secundæ, concedo: ex parte causæ primæ, nego. Causa primi movendo suas agit partes: deinde causa secunda, suas utique adimplet; cum ideo gratia deur ut cordis duritia penitus auferatur, inquit Augustinus. Quia vero influxus primæ causæ in secundam est causa determinationis ipsius creaturæ, quæ non se determinat nisi mota; recte dicitur quod, posita primæ causæ determinatione, effectus est certe futurus: siquidem motio primæ causæ connotat causam secundam motam, & præscit Deus quod operabitur, siquidem ex Aug. præscit ipsas hominum voluntates.

*Inflabit adhuc*: ex his omnibus sequitur nullam gratiam esse efficacem sed solummodo sufficientem: absurdum consequens: ergo & antecedens. Probatur sequela: eo ipso tempore quo requiritur voluntatis determinatio subsequens ad causæ primæ motionem, voluntas potest impedire effectum gratiæ; ab ipsa siquidem dependebit eligere vel non eligere; si bonum apparens, urgente concupiscentia, iudicet intellectus verum bonum, certe voluntas ei adhærebit. Item cum prius sit voluntatem eligere bonum quam ponere actum ad quem gratia efficax compellit, si deliberatio, stante passione, perversa est, ut non semel evenit, etiam sequetur gratiam suo carere effectu, adeoque nulla erit gratia efficax, sed pure indifferens & determinabilis ad actum per voluntatem humanam, quod profecto sapit Semipelagianismum.

*Respondet*. Theologos admittentes gratiam efficacem congruam, etiam defendere eam non esse in actu secundo efficacem nisi per consensum voluntatis humanæ, & tamen toto cælo discrepare a Semipelagianis; siquidem gratiam præven-

nientein, qua præparatur voluntas a Domino, omni mentis affectu propugnant: isti vero e contra voluntatem incipere contendunt, ita ut non gratia voluntatem, sed voluntas potius gratiam etiam in actu primo moveat & determinet ad hunc vel illum actum bonum: quod manifeste pugnat adversus Apostolum dicentem, non sumus sufficientes cogitare aliquid ex nobis tamquam ex nobis.

*Respondeo* 2. negando sequelam. Ad probationem dico gratiam efficacem eatenus suum habere effectum, quatenus voluntas humana per eam mota, ordinarie loquendo, vult semper agere, licet possit non agere: sicut famelicus, præfente mensa cibis referta, vult manducare, quamvis ex phantasia posset cibos paratos abnuere: vult sic etiam operari voluntas, modo sanetur, modo adjuvetur, modo illuminetur ut cognoscat veritatem: hinc Augustinus poenitens recogitans annos suos in amaritudine animæ suæ suspirans, Deo dicebat l. 10. Confessi. c. 17. *Sero te amavi pulchritudo tam antiqua: & alibi: Noverim te, noverim me.* Gratia autem efficax applicat potentiam ad agendum: fortius movet ipsa gratia sufficiente, quia movet moraliter simul & physice: movet humanam immutando voluntatem: quid mirum si sic mota voluntas bonum operetur? maxime vero cum illud solum pro suo habeat obiecto: igitur si fortiter & suaviter mota & excitata fuerit, illi sane toto nisu adhærebit; ex quo manifeste sequitur decretum prædeterminans optime cum libertate creata consociari. Cæterum non una solum determinatio causæ primæ necessaria est, sed & causæ secundæ; quandoquidem utraque unicum & adæquatum constituit effectus principium. Ergone gratia versatile & indifferens erit? minime; quippe quæ determinet creaturam, non autem ista, gratiam.

*Dixit Bernardus* hæc libertatis cum decreto & gratiæ efficaci præmovente concordiam egregie admodum explicat & explanat tractatu de gratiæ & libero arbitrio, his verbis: „Cavendum est, inquit, ne cum hæc invisibiliter intra nos ac nobiscum agitari sentimus, aut nostræ voluntatis attribuiamus, quæ inhræta est, aut Dei necessitati, quæ nulla est; sed soli gratiæ, quæ plenus est. Ipsa liberum excitat arbitrium cum seminat cogitatum; sanat, cum immutat

*Boucat Theol. Tom. I.*

„affectum; servat, ne sentiat defectum. Sic autem ista cum libero arbitrio operatur, ut tantum illud in primo præveniat, in cæteris comitetur. Ita tamen quod a sola gratiæ conceptum est, pariter ab utroque proficitur; ut mixtum non sigillatim, simul non vicissim.

*Solvitur argumentum quod ex gratiæ prædeterminationis Sanctorum eruitur.*

*Obiicies:* præscientia fundata in decreto præmovente dicit prædeterminationem necessitantem: igitur ex hac parte coherere non potest libertas cum decreto prædeterminante. Probatur antecedens dupliciter. Primo quidem quia decretum prædeterminans præmovento, etiam antecederet ad actus voluntatis præviſos, eligit; unde electio dicitur prædictio, & secundum propositum. Secundo quia ille qui semel est prædeterminatus, non potest reprobari, alias prædeterminatio falli posset, quæ tamen infallibilis est.

*Respondeo* negando antecedens: jam ostensum est supra libertatem non ladi per prædeterminationem. Deus enim omnipotens ita elegit ut servet liberi arbitrii iura. Ad primam probationem distinguo, & Deus prædeterminando vult voluntatem per innatam libertatem seipsam determinare ad actum in individuo, concedo: & non vult, nego. Duo statuit inconcussa principia D. Thomas, ut jam jam dictum est, primum quidem voluntatem humanam determinari necessario ad bonum generale, seu ad beatitudinem in genere; nam cum bonum sit ipsius obiectum, nequit appetere malum quo malum: alterum vero eandem voluntatem semper esse liberam circa beatitudinem in particulari; quidam enim illam ponunt in divitiis, quidam in terrenis voluptatibus, quidam a sapientiores, in Deo. Igitur homo est semper liber libertate actus, semper potest vel bonum vel malum eligere: potest agere vel non agere: Deus autem, inquit Augustinus, est præsciis voluntatis humanæ: igitur ita statuit & ordinat omnia, ut maneat semper voluntas libera in actibus tum naturalibus, tum etiam supernaturalibus.

*Ad secundam* probationem, distinguo; qui semel est prædeterminatus reprobari non potest in sensu composito, concedo: in sensu diviso, nego. Prædeterminatus potest considerari secundum se, potest etiam con-

considerari ut perseverat finaliter. Primo modo est sensus divisus, & potest reprobari, quia potest peccare: iustus v. g. qui a iustitia excidit, delectur ad tempus de libro vitæ, nam peccatum mortale occidit animam: iterum vero inscribitur, quando resurgit per poenitentiam. Si vero prædestinatus consideretur ut perseverat finaliter in gratia, non potest ut sic reprobari; alias iungeret simul prædestinationem & reprobationem. Sed hoc ne utiquam dicit necessitatem absolutam & consequentis, sed solum necessitatem hypotheticam & consequentiæ: ita ut sensus sit, si prædestinatus in gratia perseveret, reprobari non potest: solutio colligitur ex illa Sententia 1. Joan. 3. 9. *Omnes qui natus est ex Deo, peccatum non faciunt, quoniam semen ipsius in eo manet, & non potest peccare.* Quæ verba explicans D. Thomas in Comment. ait: "Peccatum non facit, scilicet mortale, quod est contrarium generationi spirituali. Et intelligendum est cum reduplicatio-  
ne, in quantum scilicet ex Deo natus est; vel intelligendum est conjunctum, quandiu natus, id est natiuitatis gratiam custodit. . . . Et non potest peccare, quasi dicat, non solum non peccat, sed non potest peccare. Glossa. *Quandiu Verbum retinet, & intelligitur de potentia disposita & propinqua, non remota.*"

D. Bonaventura in 1. dist. 47. art. 1. q. 1. egregie etiam istud solvit argumentum: querens enim utrum voluntas beneplaciti Dei possit impediri? Respondet: "Voluntatem absolutam necesse esse impleri, conditionalem vero minime. . . . sed attendendum quod est necessitas consequentiæ, sicut supra dictum est de præscientia; ipsa enim non habet necessitatem consequentis, sed consequentiæ, quia necessario inferitur, & sequitur. Deus præscit, ergo hoc erit, sed tantum non necessario præscit, quia in actu præsciendi, frequenter notatur effectus contingens: sic in voluntate intelligendum est, quod voluntas Dei absolute connotat eventum rei, & ideo est ibi necessitas consequentiæ, sed non consequentis."

*Inflabitur*: atqui videtur quod libertas humana non subsistat sub dominio præscientiæ, quæ innicitur decreto prædestinante & præmovente: ergo nulla solutio. Probatur antecedens. Prædestinatio

est omnium gratiarum maxima, nempe præparatio mediourum quibus certissime liberantur quicumque liberantur ex D. Augustino: sed qui certissime liberantur, non possunt non liberari: igitur prædestinatus, posita præscientia innixa decreto præmovente, non potest in ullo sensu damnari.

*Respondeo*, negando sequelam: ad probationem distinguo: prædestinatio est præparatio mediourum & a Deo & partim etiam a voluntate humana libere cooperante promanantium, concedo: est præparatio mediourum independenter a bonis operibus, nego. Verum quidem est eos liberari, quicumque liberantur: sed unde ista certitudo? Profecto non a sola gratia sed utique & a bonis operibus, juxta illud 2. Petr. 3. *Satagite ut per bona opera vestra, certam vestram vocationem & electionem faciatis.* Igitur nulla irrogatur iniuria libertati humanæ per præscientiam prædestinantem, & præmoventem ad bonum.

*Iterum* instabis: atqui voluntas humana non apparet libera sub prædestinatione involvente certissimum exitus eventum; ergo nulla solutio. Probatur antecedens. Prædestinatio innixa decreto præmovente antecedit omnem virtutis propriæ conatum, immo attingit omnia a fine usque ad finem fortiter: igitur nulla inest homini libertas sub præscientia innixa decreto; nec mirum, cum & ipsum antecedit voluntatis actum. Quid plura? Antecedit ipsum cogitatum, ipsum velle, hæc quippe omnia sunt a Deo qui, ut ait Apostolus, Philipp. 2. 13. *Operatur in vobis velle & perficere*: ergo, &c.

*Respondeo* negando antecedens; certitudo enim exitus tria dicit: primum, scilicet gratiarum quibus prædestinatus possit omnem propellere tentationem, concupiscentiam compescere, & adimplere præcepta. Secundum, liberam prædestinati cooperationem; tertium, præscientiam quas Deus scit quid faciet, quid ipsa creatura operabitur, quæ quidem omnia recte cohererent cum libertate humana. Ad probationem distinguo: prædestinatio antecedit in æternitate voluntatis propriæ conatum, concedo, siquidem Deus præscit ab æterno quæ eventura sunt in tempore. Prædestinatio innixa decreto præmovente antecedit in executione, subdistinguo, antecedit per primam gratiam quæ est in nobis sine nobis & quæ seminat in anima bo-

bonum cogitatum, bonumque velle, concedo: per gratiam efficacem, nego. Ista enim gratia non antecedit prioritatem temporis voluntatis actum, sed ad summum prioritatem naturæ, in quantum propter dependentiam creaturæ a gratia, prius concipimus Deum, ut primam causam, movere & applicare voluntatem creatam, quam ipsum liberum arbitrium agere. Sed & prima & secunda causa, ut dicit S. Bernardus supra laudatus, simul & eodem tempore agunt. Magister movet Discipuli manum ad scribendum, & Discipulus motus simul cum magistro & ad placitum scribit: non ergo aut cogitur aut necessitatur: ita pariter nec creatura quæ per gratiam mota operatur bonum: sicut igitur gratia præmovens non tollit sed dat & adjuvat libertatem, tollendo potentialitatem, ita pariter nec prædestinatio innixa decreto præmovere, cum gratia sit ipsius & virtus & efficacia.

*Persiftes:* atqui prædestinatio innixa decreto præmovere ita antecedit in executione voluntatis creatæ motum, ut ipsi non remaneat ulla indifferentia activa: ergo nec libertas. Probatur antecedens. Prædestinatio est independens a cooperatione voluntatis humanæ, primo quia est gratuita & ante prævisa merita. Secundo quia est magna & specialissima gratia; & unde specialissima? Nisi quia totum est a Deo per gratiam; qua de causa prædestinati dicuntur præelekti & prædilekti.

*Respondео* negando antecedens. Ad probationem, distinguo: prædestinatio est gratuita adæquate sumpta, concedo: inadæquate considerata, negant multi, nec refragari videtur Divus Thomas. Prædestinatio adæquate sumpta dicit Deum ex misericordia vocantem & prædestinantem hominem, quem nec elevare ad finem supernaturalem, nec reparare, & consequenter ad gloriam prædestinare tenebatur: dicit media infallibilia quibus certissime liberantur, quicumque liberantur, videlicet primam gratiam & ipsam perseverantiam finalem; quæ quidem omnia nec dependent a nobis, nec cadunt sub merito: inadæquate vero spectata dicit boni opera juxta illud 2. Petr. 2. *Satagite ut per bona opera certam vestram vocationem & electionem faciatis*: bona autem opera procedunt ab homine libere operante; igitur præscientia prædestinans nullo modo libertati nocet.

*Ad secundam probationem, distinguo.* Prædestinatio est gratia specialissima & ex parte Dei qui non tenetur dare sua bona, quia nihil debet homini; & ratione gratiæ tum prævenientis sine qua homo nequidem cogitare bonum salutis haberet, tum finalis, cujus seculo auxilio potentissimo, nullus unquam suam consequeretur salutem, concedo: est gratia specialissima ita ut tollat liberum arbitrium, nego. Prædestinatio radicaliter a Deo dependet, quatenus ad ipsum solum pertinet eligere; immo est omnium gratiarum maxima, cur enim unus trahatur & alter relinquatur? *O altitudo divitiarum*, inquit Apostolus, *quis novit sensum Domini?* Prima gratia, a qua inchoatur prædestinatio, est in nobis sine nobis: perseverantia finalis excedit omne meritum. Sed hæc omnia non nocent, immo potius adjuvant voluntatem ad agendum libere. Omnibus datur gratia sufficiens ad salutem, omnibus licitum est non resistere, qui vero non obnititur, habet gratiam efficacem qua bonum operatur; scriptum est enim, regnum celorum iis, qui in bonis exerceantur operibus, donari juxta illud Matth. 5. *Beati qui persecutionem patiuntur propter justitiam, quoniam ipsorum est regnum celorum.*

*Adhuc instabis:* atqui prædestinatio ita est independens, ut tollat libertatem. Ergo nulla solutio. Probatur antecedens: qui non est prædestinatus, salvari non potest: igitur prædestinatio tollit libertatem. Probatur antecedens si posset prædestinatus non salvari, jam prædestinatio non esset gratia specialis, quippe quæ foret omnibus communis: rursus prædestinatus reprobari nequit; alias si posset, cum possibili posito in actu non sequatur absurdum, supposito quod de facto prædestinatus non salvaretur, jam ex hac parte prædestinatio non esset gratia specialissima.

*Respondео*, negando subsumptum: ad primam probationem distinguo: qui non est prædestinatus, salvari non potest, eo quod male vivat, concedo: præcise quia non est prædestinatus, sub distinguo: non potest salvari potentia consequentiæ & hypothetica; concedo: potentia consequentiæ & absoluta, nego. Non est de fide prædestinationem esse ante prævisa merita; bene vero eum qui bene vivit & perseveravit in bono, salvari. Igitur duplex potentia distinguenda est, altera



conditionata & consequentia, quæque reducit ad actum, posita conditione; altera absoluta & consequentis, & est ea quæ conjungitur cum actu independenter a quocumque. Verum est omnem hominem salvari posse; sed supposito quod præcepta transgrediatur, nec velit aliter facere, sequitur & est consequentia, non præcise quod non possit salvari, sed quod hæc faciens, non salvabitur. Et in hoc tantum sensu dicitur, qui non est prædestinatus salvari haud valet, seu potius non salvabitur, immo ideo non est prædestinatus, quia renuit intelligere ut bene ageret. Potentia consequentis absoluta nuncupatur, eo quod procedat a causa superiori omnem antecedente voluntatis conatum, atque virtutem, a causa impellente ad quod vult & quidem necessario. Certe hujusmodi potentia non admittitur in prædestinatione nisi ab hæreticis blasphemantibus.

Quod autem non inducat necessitas voluntati creatæ a præscientia prædestinante, dicit & propugnat Divus Thomas hic 1. p. q. 10. art. 8. ubi sibi objiciens illud Augustini: "Nullus fit salvus nisi quem Deus voluerit salvari," & ideo rogandus est ut velit, quia necesse est fieri, si voluerit. Respondet, per illud verbum Augustini: "Intelligenda est necessitas in rebus voluntatis a Deo, non absoluta, sed conditionalis; necesse est enim hanc conditionem veram esse, si Deus hoc vult, necesse est hoc esse." Et ad 3. "Et quæ sunt a voluntate divina, talem necessitatem habent, qualem Deus vult; ea habere, scilicet vel absolutam, vel conditionalem tantum, & sic non omnia sunt necessaria absolute." Et iterum in 1. sent. dist. 47. q. 1. art. 1. ad 2. "Quamvis voluntas Dei sit immutabilis & invincibilis, tamen sequitur quod omnis effectus ejus sit necessarius, non necessitate absoluta, sed solum conditionata.

Ad secundam probationem diximus in quo sensu prædestinatio est gratia specialis; immo specialissima, nempe propter tria: quia procedit 1. a Deo misereante qui hominem e missæ perditionis misericorditer educit; 2. a gratiarum longa serie quæ sunt necessariae, tum ad propellendas tentationes, tum ad præcepta adimplenda usque ad finem; 3. a perseverantia finali quæ jungit mortem cum

gratia. Denique dictum est etiam prædestinatum posse non salvari in sensu diviso, minime vero in sensu composito. Ad id quod subditur, possibili posito in actu non sequitur absurdum, distingo: posito in actu eo modo quo est possibile, concedo: alio, nego. In sensu diviso prædestinatus potest non salvari, id est, homo secundum se potest peccare, & reprobari: sed non in sensu composito, hoc est, si ad finem usque bene vivat, si servet mandata, si perseveret finaliter in bono, certe reprobari ut sic non potest, hoc enim implicare nemo non videt D. Thomas hanc sibi proponit difficultatem l. 2. q. 10. art. 4. & illam sic solvit: "Ad tertium dicendum quod si Deus movet voluntatem ad aliquid, impossibile est, et poni, quod voluntas ad illud non moveatur: non tamen est impossibile simpliciter; unde non sequitur, quod voluntas a Deo ex necessitate moveatur."

## SECTIO OCTAVA.

*Fusus explicatur concordia libertatis creaturæ rationalis cum decretis præmoventibus.*

MULTA prius ad intelligentiam & resolutionem difficultatum observandi sunt, quibus debite ponderatis, cito apparebit perfectæ libertatis concordia cum decretis præmoventibus, quæ propugnant Thomistæ.

Primo concursus in genere definitur adiutorium primæ causæ respectu secundæ. Alius est moralis, alius physicus. Moralis ille est qui movet excitando, suadendo, alliciendo vel per simplicem objecti propositionem, & præsentiam unde vulgo dicitur objectum movet potentiam; vel per verba & rationes quæ mentem flectunt ad aliquid prosequendum & amandum, vel per interioriorem illuminationem, puta quando Deus aliquid animæ aperit & revelat quod erat antea penitus absconditum. Physicus vero concursus ille censetur qui applicat physice animam ad actum vitalem seu physicum, verius dicam ad id quod est physicum in actu. Et vero duo sunt distinguenda in actu morali, nempe materiale & formale: materiale est id quod est ens in actu, quod est reale, quod vitale & physicum: formale vero est idem actus, quatenus est tendens.

dentia in objectum consonum vel dissonum regulis morum.

*Secundo* : concursus duplex iterum distinguitur ; unus scilicet mediatuſ, alter vero immediatuſ. Mediatuſ eſt ille quo prima cauſa adjuvat cauſam ſecundam ad agendum, puta mediante virtute, quam cuiſlibet conceſſit creaturæ in ipſo creationis exordio, juxta illud Evang. Luc. 21. 29. *Videte ſcilicet ficum & omnes arbores cum jam producant ex ſe fruſtum*; veletiam mediante objecto, ſi ſit ſermo de motione dumtaxat morali. Immediatuſ vero dicitur ille quo Deus immediate agit in creaturis; qui quidem concursus ſe tenet & ex parte cauſæ ſecundæ quæ adjuvatur ad operandum, & ex parte effectus qui producit: reſpectu creaturæ agentis eſt intrinſecus, at vero ſolum extrinſecus reſpectu effectus producentis.

*Tertio* : concursus immediatuſ etiam duplex eſt, alter ſcilicet præviuſ, alter vero ſimultaneuſ: præviuſ, qui priuſ prioritate naturæ applicat cauſam ſecundam ad agendum; ſimultaneuſ, qui ſimul cum cauſa ſecunda producit effectum. Primuſ dicitur præviuſ non prioritate quidem temporis, ſed tantum naturæ, & merito; licet enim, v. g. Magiſter ſimul cum Tyrone ſcribat, priuſ tamen propter dependentiam iſtiuſ a ſe dicitur priuſ ſcribere. Nec mirum, priuſ eſt enim manum Tyrone moveri & dirigi, quam ſeipſam movere & ſcribere. Eo prope modo priuſ concipitur primuſ movens agere quam ſecunduſ; primuſ quippe movet ſecunduſ, non autem iſtud primuſ. Jam vero concursus præviuſ moralis ille appellatur qui movet moraliter, ſuadendo nimirum & excitando: phyſicuſ vero, qui applicat potentiam ad actum. Idem proportionally dicendum de ſimultaneo. Unum tantum advertendum eſt, concuſum ſcilicet ſimultaneuſ ſe tenere ex parte effectus, extrinſecum vero eſſe reſpectu cauſæ ſecundæ operantis; ut videre eſt in duobuſ, v. g. equiſ rhedam eundem trahentibuſ: unusquiſque trahit, nulluſ vero alteri addit vires ut trahat, hinc ſi unus deficit, hæret alter nec ampliuſ trahit.

*Quarto* : ſemper eſt præmotio moralis, ſemper & phyſica pro actu morali: quia in actu morali, puta in actu amoris Dei, duæ reperiuntur rationeſ, nempe ratio moralitatis, quæ conſiſtit in conformitate cum regulis morum, deinde ratio phyſica; nam actuſ eſt enſ & quid vitale.

Actuſ igitur ſecunduſ rationem puri entis conſiderati eſt quid materiale & indiſſerens ad bonum vel malum; amor enim, v. g. poteſt terminari ad bonum, vel malum finem; ſi ſit propter Deum & et intentione ut gloriſicetur Deus, eſt bonus, ſi vero terminetur ad objectum diſſonum regulis morum, eſt maluſ. Igitur antequam aliquiſ eliciat actuſ bonuſ, priuſ proponitur illi objectum & ſiniſ ſub duplici ſacie, v. g. actuſ amoris proponitur ſub ratione boni pro ſalute; quia vero amor ille exigit obſervationem legiſ cruciantis naturam, ſub hoc reſpectu apparet ut quoddam malum; hinc ſequitur libera electio & meritum vel demeritum; hinc utique inſertur præmotio nem phyſicam ſubſequi determinationem voluntatiſ moraleſ, quæ ratione ducta, eligit bonuſ: inſertur, inquam: priuſ enim eſt voluntatem eligere bonum quam illud ſacere. Sequitur denique præmotio nem ſiſtyſicam attingere actuſ moraleſ ſolummodo ſecunduſ materiale & ut eſt enſ; præmotio nem vero moraleſ attingere actuſ formaliter ſumptuſ; nec mirum, effectus & cauſa debent eſſe ejuſdem ordinis: agitur hic actuſ formaliter morali; ergo cauſa ejus formaliter ſumpta eſt motio moralis, ſiquidem ſuam ab ea ſortitur effectus naturam.

*Dices*: moralitaſ actuſ boni eſt quid poſitivuſ: igitur eſt a præmotio nem phyſica Dei; namque ſolum peccatuſ eatenuſ attingitur ſecunduſ materiale a præmotio nem, quatenuſ malum habet tantummodo cauſam deficientem.

*Reſpondeo* moralitatem actuſ boni eſſe etiam a præmotio nem phyſica, ſed tantum ſecundario, & quia imbiſitur in actu phyſico in quo ſubſectatur: moralitaſ illa eſt quid poſitivuſ, ſed relativuſ & non phyſicuſ ſeu abſolutuſ; unde motio moralis per ſe primo inſiſtit in eum. In malum vero Deus neque moraliter neque phyſice inſiſtit, nequidem ſecundario & indirecte.

*Quinto*: cum nihil fiat in tempore, niſi Deus velit, & ab æterno voluerit atque ordinaverit, eſt enim prima omnium cauſa, ideo ſecunduſ varioſ effectus diſtinguimus multas in Deo voluntateſ ſeu volitioneſ actuſ, quos & decreta vocant Theologi, ſeu propoſita, aut etiam beneplacita, de quibuſ meminit S. Pauluſ in ſuiſ Epistoſiſ; non quod plureſ ſint in Deo voluntateſ actuſ, cum unico actuſ Deus velit omnia; ſed ille actuſ dicitur virtualiter multiplex, eo quod æquivalent plu-

pluribus actibus voluntatis creatæ : cum igitur divina ad modum rerum creatarum pro modulo nostro concipiamus, ideo sicut alio voluntatis actu volumus bonum amici, alio punitionem inimici : ita pariter varios distinguimus in Deo voluntatis actus, seu decreta. Tria impræsentiarum distinguimus decreta, unum generalissimum, alterum speciale, tertium specialissimum, quæque vocantur præmovenia, quatenus procedunt a prima causa a qua secunda præmoveri debet ad agendum & moraliter & physice : siquidem est in potentia, adeoque debet reduci ad actum per id quod est semper in actu; solus autem Deus est semper in actu moraliter & physice ad agendum : igitur creatura debet ab ipso præmoveri tum moraliter, tum physice ad actum. Jam vero decretum generalissimum illud est, quo Deus ab æterno statuit præmovere causas secundas ad hoc ut transeant de potentia ad actum, seu ad excitandam earum virtutem, ut motus seipsas postea moveant ad actum per deliberationem rationis & conformiter suæ naturæ. Decretum speciale illud censetur quo Deus vult specialiter movere creaturam ad actus supernaturales, quæ virtutis naturalis conatum excedunt, ut sic motus ad bonum supernaturale seipsas deinceps moveant ad actum in individuo. Decretum denique præmovens specialissimum illud vocatur, quo anima ultra modum ordinarium movetur a Deo ut in raptu & instinctu prophetico, a decretis autem promanant diversæ præmotiones quæ sunt omnipotentissimæ Dei voluntatis effectus.

Sexto duplex est ordo; alter naturalis, alter vero supernaturalis: in primo considerantur actiones quæ connaturaliter sunt a natura; in secundo, aliæ quæ excedunt naturæ virtutem, quæque a gratia adiuvante procedunt: diximus autem creaturam rationalem moveri moraliter & physice ad actum moralem atque deliberatum; de illo quippe solum hic agimus. Quamobrem quæstio præfens non movetur de actibus primo primis & indeliberatis: in his enim voluntas movetur & non se movet saltem libere; neque de raptu & instinctu prophetico, hoc enim est mysterium altissimum, quod quidem nemo scit, nisi qui accipit.

In ordine igitur naturali, Deus præmovere causam secundam ut excitet ipsius virtutem ad agendum. Etiam creatura

præmoveretur moraliter ab objecto, immo seipsam ultimatè applicat ad actum, illi-umque elicit. Igitur pro ordine naturali hæc est ordinatio causarum: 1. creatura præmoveretur physice ut virtus ejus motrix excitetur & ipsa tollatur potentialitas. 2. Præmoveretur ab objecto alliciente. 3. Seipsam determinat moraliter videlicet per deliberationem rationis ad actum & quoad specificationem & quoad individuationem seu in individuo: quoad specificationem quidem, quia bonum morale ordinis naturalis est ipsi proportionatum, unde virtute propria atque innata illud respicit: quoad individuationem vero in quantum ratione liberationis potest ponere actum vel non ponere: agere, vel non agere. 4. Denique voluntas determinata ad agendum præmoveretur physice ad actum quem ipsa prius elegit, adeoque suæ conformiter naturæ a Deo: ipsa vero physice præmota seipsam utique physice applicat ad actum & illum elicit. Cæterum præmotio physica prima, eaque generalis quæ creaturæ inertem excitat virtutem, absolute loquendo sufficit in isto ordine, nec ulterior requiritur ad actum hic & nunc eliciendum, siquidem voluntas semel mota & excitata se sola eum potest elicere; quia actus nec ejus vires excedit, nec extra naturæ ordinem est.

In ordine supernaturali movetur voluntas specialiter a Deo, nimirum quoad specificationem: cum enim non simus sufficientes cogitare aliquid ex nobis quoad salutem spectet, tanquam ex nobis; Deus intuitu meritum Christi, omnibus dat gratiam prævenientem, quæ movet voluntatem moraliter & physice ad bonum salutis, ab ipsa siquidem oriuntur illuminationes, ab eadem fluunt inspirationes & inclinationes ad bonum: ipsa inchoat actum conversionis in peccatore, eadem movet & inclinat, modo ad eleemosynam pro satisfactione peccatorum elargiendam, modo ad actum contritionis eliciendum; unde illuminationes & piæ motiones ab ipsa fluentes dicuntur a sanctis Patribus semina virtutum.

Dixi Deum præmovere per gratiam excitantem voluntates ad bonum, quia nos prævenit ut cogitemus de bono salutis & ad illud nos inclinât. Dixi præmovere moraliter, quia hæc gratia tota est ad actus morales & salutis. Dixi præmovere physice, quia vere & realiter stimulat potentiam ad actum vitalem, & physicum elici-

eliciendum & dat potentiam agendi proximam. Voluntas vero humana sic mota videt & contemplatur bonum salutis propositum, & quidem sub duplici facie, nempe: ut bonum pro ipso spiritu, deinde ut quoddam malum respectu carnis quæ mortificationem odit & abhorret. Quod explicat Apostolus Rom. 7. 22. his verbis: *Condelector enim legi Dei secundum interiorem hominem. Video autem aliam legem in membris meis repugnantem legi mentis mee.* Deinde intellectus pronuntiat iudicium, si non resistit gratiæ prævenienti, voluntas gratiam uberiorem obtinet & sic adpta eligit bonum per deliberationem rationis & ad illud se determinat in individuo: ut primum seipsam determinavit, præmovetur physice a Deo ad actum physice eliciendum, ipsa vero sic præmotā, prævia sua propria electione, elicit actum physice. Est igitur in ordine supernaturali hæc motio tum Dei, tum creaturæ series. 1. Voluntas prævenitur a gratia sufficiente qua movetur physice & moraliter, sed inchoative ad bonum, & quidem specialiter, tum quia movetur ad bonum salutis proprias excedens vires, tum quia movetur ad tale bonum, puta ad contritionem, ad amandum Deum, &c. 2. Illuminata per gratiam & mota fere inclinata ad bonum, si fidelis & non resistat primæ gratiæ, novam, eamque uberiorem oblatam recipit, qua mediante, seipsam determinat per deliberationem rationis ad bonum faciendum. 3. Postquam seipsam determinavit, præmovetur physice & applicatur ad actum ad quem præmotā seipsam simul applicat, & elicit illum.

Hæc doctrina est D. Thomæ & cito apparebit quanta fit secundum tanti Doctoris mentem decretorum præmovementum suavitas; quanta sit inter ea & libertatem atque sanctitatem concordia, 1. 2. q. 9. art. 6. ad 3. sic loquitur: "Dicendum quod Deus movet voluntatem hominis, sicut universalis motor ad universale objectum voluntatis: sed homo per rationem determinat se ad volendum hoc vel illud; quod est vere bonum vel apparens bonum: sed tamen interdum Deus specialiter movet aliquos ad aliquid determinate volendum, quod est bonum: sicut in his quos movet per gratiam." Multa paucis explicat. Deus movet ad universale bonum objectum voluntatis; ecce præmotio physica pro or-

dine naturali: homo per rationem determinat se ad volendum hoc vel illud bonum; ecce determinatio quoad specificationem ab ipsa voluntate creata promans. Nec alia, ut dictum est, absolute requiritur præmotio ad actum ponendum; cum voluntas mota possit seipsam applicare ad actum; quod quidem innuit Divinus Thomas tum loco mox citato, tum in 2. sent. dist. 39. q. 1. his verbis: "Sed quod determinatio exeat in hunc vel istum actum, non est ab alio determinante, sed ab ipsa voluntate." Si vero admittatur præmotio nova physica ad actum physicum in individuo, sequitur solum ad determinationem moralem voluntatis quæ prius se determinavit moraliter per deliberationem rationis, unde nihil officit libertati, quod utique fundamentum habet in D. Thoma qui ubique dicit & præcipue 1. 2. qu. 10. artic. 4. Deum movere creaturas conformiter earum naturæ; necessarias quidem necessario; liberas vero libere. Denique 1. 2. q. 9. art. 6. ad 3. dicit: "Sed tamen interdum dum Deus specialiter movet aliquos ad aliquid determinate volendum, sicut in his quos movet per gratiam." Ecce præmotio specialis qua voluntas movetur ad bonum salutis.

Jam salvatur libertas indifferentiæ sub dominio præmotionis physiciæ tam in ordine naturali quam supernaturali; in ordine quidem naturali, quia voluntas præmotā ad bonum universale, seipsam posita determinat ad tale bonum verum, vel apparens, & de se exit in actum: in ordine vero supernaturali, quia præventa & adjuvata a gratia seipsam determinat ad actum in individuo ad agendum vel non agendum: nec applicatur ad actum nisi prius ad eum per deliberationem rationis se determinaverit, unde & gratiæ prævenienti potest resistere & mota per gratiam efficacem potest utique resistere; quamvis enim efficaciter mota, non tamen elicit actum nisi etiam physice seipsam moveat & determinet ad illum.

Jam salvatur libertas cum gratia etiam per se efficaci, quatenus voluntas non applicatur ad actum, nisi prius seipsam determinaverit per deliberationem rationis elevatæ, nisi elegerit actum in individuo ponendum; præmotio quippe physica ad hanc sequitur deliberationem, illamque supponit, unde proprie & in rigore vel etiam sincere loquendo, non est prædeter-

terminatio sed solum præmotio; & in hoc profecto sensu non perimit, sed potius adjuvat libertatem. Etenim eatenus ex Div. Thomæ Deus creaturam rationalem movet conformiter ejus naturæ & exigentiæ, quatenus illam non applicat ad actum nisi prævia rationis deliberatione, ita ut voluntas creata possit ipsi resistere præmotio: sic pronuntiavit, sic docuit, sic definiit Concilium Tridentinum dicens sess. 6. cap. 4. *Si quis dixerit liberum arbitrium a Deo motum excitatum. . . . neque posse dissentire, si velit. . . . anathema sit.*

*Jam* salvatur libertas cum præscientia Dei, quia Deus præscit quomodo voluntas præventa per gratiam se determinatura sit moraliter ad hunc vel illum actum, & præmoverit illam physice, seu applicat ad actum quem ipsa prius elegit per deliberationem rationis.

*Jam* salvatur libertas cum decretis præmoventibus. Et certe, licet Deus statuatur præmovere voluntatem ad bonum universale, quod est ejus objectum, ipsa tamen seipsam determinat per deliberationem rationis ad hoc vel illud bonum, ad actum vel non actum. Si vero sermo sit de ordine supernaturali, præmoveretur quidem voluntas per gratiam ad hoc bonum in particulari, puta ad actum contritionis, sed ad illum ponendum seipsam per deliberationem rationis determinat, nec applicatur physice ad actum in individuo, nisi bonum prius elegerit.

*Jam* salvatur libertas indifferentiæ cum ipsa prædestinatione. Etenim prædestinatio vel est post prævia merita, vel ante: si primum, manifestum est prædestinationem supponere libertatem, quia supponit actus liberos & meritorios ad quos sequitur, quippe quæ fiat ex prævisione meritum; si secundum, utique permanet libertas: licet enim prædestinatio sit ante prævia merita, Deus tamen non excludit a regno aliquem nisi ex præscientia peccati & resistantiæ peccatoris, quem scit futurum suæ gratiæ rebellem: est quod non prædestinet ex prævisione meritum, bene tamen ex prævisione obedientiæ peccatoris qui gratiam primam non recipiat a qua incipiet habere meritum, præscit quod voluntas præmotæ, ultro se determinabit ad bonum etiam in individuo. Ita passim Augustinus, sed maxime l. 3. de liber. arb.

cap. 3. ubi de Deo prædefiniente sic loquitur: "Cum enim sit præscius voluntatis nostræ, cujus est præscius, ipsa erit."

*Jam* salvatur sanctitas Dei, quia præmotio non attingit nisi materiale peccati & quod est ens. Præterea præmotio ad actum in individuo sequitur solum ad deliberationem rationis.

*Dices.* Hoc posito non est præmotio, quia non præcedit.

*Respondeo* negando antecedens. Ad probationem dico præmotionem ad bonum universale antecedere determinationem voluntatis, istam vero antecedere applicationem physicam ad actum in individuo: & hoc in ordine naturali. In supernaturali vero præmotionem ad tale bonum priorem esse determinatione voluntatis: electionem vero esse priorem ipsa applicatione physica ad actum in individuo, unde dicimus gratiam efficacem consistere in præmotione morali simul & physica, quia actus ad quem datur, est simul moralis & physicus: moralis formaliter, physicus materialiter & quatenus est ens. Notio moralis gratiæ est prior determinatione voluntatis: determinatio vero moralis voluntatis antecedit præmotionem physicam, siquidem Deus movet physice creaturam rationalem conformiter ejus naturæ, supposito scilicet quod prius elegerit bonum, & ad illud adjuncta a gratia seipsam determinaverit: sed præmotio physica subsequens ad deliberationem voluntatis, est prior prioritatem naturæ applicatione physica & actuali voluntatis ad agendum, quia prius est voluntatem moveri & applicari per gratiam ad bonum, quam bonum operari & eligere actum. Igitur ubique & per omnia est dependentia creaturæ a Creatore; ubique & per omnia libertas: quia ubique seipsam voluntas movet & determinat ad agendum, nec applicatur ad actum nisi hunc prius & voluerit & elegerit. Igitur præmotio physica non perimit, sed adjuvat voluntatem, tollendo ipsius ad agendum potentialitatem ut actu agat. Cæterum, si sint qui durius circa hoc momentum scripserint, relictis, soli Angelo Scholæ, cujus genuinam exposuimus mentem, adherere gloriamur.

## Diluuntur Objectiones.

OBJECIES I. Requiritur præmotio ut voluntas consentiat & eligat bonum : igitur reddit difficultas.

*Respondeo* distinguendo : præmotio moralis, concedo : physica, subdistinguo, generalis, concedo : specialis, iterum subdistinguo, ad consensum per actum positivum expressum, concedo : ad consensum ut sic, nego. Duo sunt distinguenda, scilicet, non resistere gratiæ ; hic consensus est partim positivus, partim negativus, & est veluti præparatio ad actum ; deinde consentire eliciendo actum, & hic dicitur ex omni parte & simpliciter positivus. Ad primum profecto sufficit præmotio physica generalis supernaturalis quæ comitatur moralem, quia hic solum inchoatur & gratia efficax & quodammodo effectus producendus : ad secundum requiritur præmotio specialis & physica & moralis uberrima, ita tamen quod ista antecedit primum & sit ad formale actus, supposita deliberatione, physica vero sit tantummodo ad materiale & ad id quod est ens & physicum in actu. Solutio colligitur ex Bellannino l. 4. de gratia & lib. arb. c. 16.

*Inflabit* : Thomistæ tum veteres, tum recentiores contendunt præmotionem physicam se extendere non solum ad materiale, sed & formale actus ; immo attingere omnes ejus rationes tum genericas, tum specificas, tum etiam individuales ; atqui nullus D. Thomæ mentem melius, quam illi, affecutus est : igitur est a sensu tanti Doctoris prorsus alienum restringere præmotionem physicam ad materiale actus.

*Respondeo* 1. ut supra, nos ad mentem Divi Thomæ solummodo attendere : quinam vero aut melius, aut suavius attingant, liquet profecto eos esse qui præmotionem admittunt, salvo tum libertatis humanæ, tum sanctitatis Dei jure. Certe modus altitatis plurimum est D. Thomæ sententiæ consonus, quandoquidem est sensus ejus verborum obvis, germana vero Tridentini mens, cui etiam indirecste refragari, nescis foret. Cæterum alii Theologi, immo & severioris doctrinæ de gratia per se efficaci defensores vel illum ut duriorum abnuunt, vel cogitatu incomprehensibilem reputant, ne dicam etiam irrident.

*Respondeo* 2. Thomistas propugnare Deum concurrere ad materiale actus peccaminosum, nusquam vero ad formale : ea innixos ratione quod peccatum reduplicative ut peccatum, sit privatio, habeatque causam deficientem, non vero efficientem, nisi quatenus ens est, & formalis malitiæ subiectum : si igitur ratio diversa in eodem actu occurrens actu diversificat causarum influxum, pari & non absumili jure dicere possumus, præmotionem moralem attingere in actu quod morale est : physicam vero id quod ens & materiale. Sermonem juvat iterum convertere ad eosdem Theologos. Si profecto, ut in eodem peccati sistamus exemplo, docent influxum creaturæ peccantis præcedere in genere causæ formalis motionem Dei ad actum peccati ut ens est, maxime vero quia materiale est id quod minus principale censetur, ideoque ordine posterius : igitur non abs re sane erit pronuntiare, præmotionem moralem antecedere præmotionem physicam in actu supernaturali ; cum illa sit pro formali, ista vero pro materiali.

*Respondeo* 3. Ex his colligi nullam esse implicitantiam, nullumque jus lædi, propugnando Deum præmovere tantum moraliter ad actum supernaturalem, ut moralem, realiter tamen, quia non aliam sub isto respectu exigit causam nisi moralem ; præmovere vero physice ad eundem actum tantummodo ut ens est. Nec mirum, cum præmotio physica neque sit illuminatio neque inspiratio. Quæ ratione enim conciperetur influere in actum moralem ut moralem, cum omnis Dei influxus per gratiam designetur tum a Scriptura, tum a Conciliis per illuminationem & inspirationem, juxta illud Ps. 23. *Accedite ad eum & illuminamini & facies vestre non confundentur*. Rursum Eccli. 4. 12. *Sapientia filiis suis vitam inspirat, & suscipit inquirentes se, & præbuit in via justitiæ*. Tridentinum similiter tradit gratiæ actualis notionem sess. 6. c. 5. his verbis : *Tangente*, inquit, *Deo cor hominis per Spiritus Sancti illuminationem*. Ita passim B. Augustinus qui eandem gratiam vocat modo illuminationem, modo inspirationem, quandoque etiam delectationem, nunquam vero præmotionem physicam, illam saltem, quæ neque sit illuminatio, neque inspiratio.

*Respondeo* 4. Thomistas Theologos ante Banneſium docuisse Deum ita præmovere creaturæ

creaturas, ut voluntas humana maneret semper sui actus domina, ita ut numquam foret ad unum determinata, sed posset pro libito ponere actum vel non ponere: quæ quidem doctrina est D. Thomæ, immo omnis alia a mente S. Doctoris profus aliena est, sic enim loquitur q. de creatione art. 7. ad 12. de voluntate humana a Deo mota. „Deus voluntati hominis dedit dominium sui actus, ut non esset obligata ad alteram partem contradictionis. „Quod quidem probat illo Scripturæ testimonio: „Derelinquit Deus hominem in manu consilii sui. „Ibidem subdit: „Et ideo determinatio actus relinquitur in potestate rationis & voluntatis. „In 2. sent. dist. 25. q. 1. art. 1. „Deus operatur in omnibus, ita tamen quod in unoquoque secundum ejus naturam. „S. Doctor ubique & semper asserit Deum quidem movere causas necessarias necessario, liberas vero libere: igitur est contra D. Thomæ mentem dicere & docere præmotionem determinare causam secundam ad unum absque ipsius creaturæ prævia & libera deliberatione seu electione. Et vero si semel quis admittat voluntatem humanam ad actum in individuo a præmotione physica determinatam, jam non expectatur ulterius hominis determinatio, cum omnia ex parte actus tum primi, tum secundi independentem ab ea adsint, & sic nullus relinqueretur & electioni & libertati locus, quod est absurdum. Unde S. Doctor l. 1. contra Gent. c. 68. loquens de motione Dei ait: „Per quod in ejus potestate, (scilicet voluntatis humanæ) est velle & nolle, non excludit influentiam superioris causæ, a qua est ei esse & operari. „Rursus in 1. sent. dist. 39. quæst. 1. art. 1. „Deus non ita agit in voluntate ut eam determinet ad unum. „Et iterum 1. 2. qu. 109. art. 2. ad 1. „Homo est dominus suorum actuum volendi & non volendi, propter deliberationem rationis, quæ potest flecti ad unam partem vel aliam. „Et adhuc q. 3. de potentia quæ est de creatione art. 7. ad 13. sic loquitur: „Causa prima non ita agit in voluntate, ut eam de necessitate ad unum determinet, sicut determinat naturam, & ideo determinatio actus relinquitur in potestate rationis & voluntatis. „

Ex his omnibus constat, principia D. Thomæ secundum solutionem datam inconcussa manere. Et vero Deus est prima

causa movens & moraliter & physice secundam; moraliter quidem ad formale actus moralis; physice vero ad materiale, seu ad id quod est ens absolutum in actu: præmotionem moralem gratiæ non semel vocat illuminationem & excitationem, physicam vero qualitatem vitalem & incompletam, quam quidem comparat modo coloribus in aeris medio sparsis & disseminatis; modo etiam virtuti impressæ ab artifice in instrumento. Præmotio sic explicata, cuncta libertatis humanæ & sanctitatis divinæ jura mirum in modum conservat. Hinc R. P. Daniel in suo Tractatu de Gratia Efficaci Tom. II. a pagina 217. usque ad 249. edit. Par. 1706. non modo illam non abhorret, sed ut genuinum D. Thomæ mentem, verumque sæctum agnoscit, quod clarissimis & solidissimis ratiociniis explanat; ea quidem conditione ut voluntas seipsam determinaret ad actum in individuo. Nos quidem addimus insuper præmotionem physicam, sed quæ se habeat solum materialiter, & in hoc medio apparet veritas sententiæ Thomistarum quæ ex variis scriptorum irradiationibus & explanationibus clarescit.

Dicit ex D. Thomæ: etsi voluntas se determinet per deliberationem rationis, hoc habet per aliam deliberationem præcedentem; scilicet primæ causæ: unde Thomistæ recentiores non dicunt determinari ad unum sine potentia ad oppositum, sed per deliberationem præcedentem, cui voluntas potest resistere & sic salvant libertatem. Ecce verba D. Thomæ qui 1. 2. q. 109. art. 2. ad 1. sic loquitur de homine: „Sed quod deliberet vel non deliberet hujusmodi etiam si sit dominus, oportet quod hoc sit per deliberationem præcedentem & cum hoc non procedat in infinitum, oportet quod finaliter deveniat ad hoc quod liberum hominis arbitrium ab aliquo exteriori principio, quod est supra mentem humanam. „Quibus verbis docet D. Thomas hominem quidem seipsam per deliberationem determinare ad actum, sed per deliberationem præcedentem & procedentem a causa prima. Igitur voluntas determinatur etiam ad actum in individuo per motum primæ causæ.

Respondet recentiores Thomistæ toxicis viribus, toroque mentis affectu prædicare & defendere libertatem, quæ formaliter consistit in indifferentia activa ad opposi-

positum, & ut dicit D. Thomas ad alterutram partem: sed videtur quod non satis hæc indifferentia salvetur, si voluntas determinetur ad actum in individuo per primam causam, in hac siquidem hypothese non seipsam determinaret voluntas, tum quia hoc inutile foret, cum jam esset per præmotionem determinata: tum quia non posset se determinare, cum posita præmotione, jam sit actus; tum quia passivè se haberet, aut saltem necessario sese determinaret ad actum, quandoquidem absolute sequi deberet determinationem primæ causæ ad actum in individuo.

Ad probationem distingo: voluntas se determinat ad actum in individuo per præcedentem deliberationem a prima causa promanantem quoad speciem actus, concedo: quoad actum in individuo, subdistinguo; mediate, concedo: immediate, nego. Gratia præveniens excitat & movet immediate voluntatem ad bonum, non enim sumus sufficientes aliquid cogitare ex nobis tanquam ex nobis. Mediante vero gratia superiori quæ illi offertur, se determinat ad actum in individuo.

*Inflabis:* sequeretur ex hoc gratiam subijci libero arbitrio, & esse naturæ ancillam: sed hoc adversatur doctrinæ Patrum, nempe Augustini & Prosperi qui contendunt contra Semipelagianos, gratiam non sequi voluntatis humanæ determinationem, nec subijci naturæ constibus. Ergo &c.

*Respondet* negando sequelam; neque enim gratia operans, neque cooperans subijciunt voluntati humanæ: operans quidem, quia est in nobis sine nobis, & dat velle bonum: cooperans vero, quia agit nobiscum, a fortiori nec præmovens sive moraliter sive physice, cum prioritate naturæ præcedat liberi arbitrii conatum & illud determinet & applicet ad agendum. Sequitur igitur solum quod effectus totus sit a Deo ut a prima causa, inquit S. Bernardus, & totus a creatura ut a causa secunda: quod liberum arbitrium utatur gratia ad bene agendum. Porro Patres merito rejiciunt vocabulum, *subijci*, sed in sensu opposito Semipelagianorum qui dicebant naturam incipere bonum & determinare gratiam ad hoc vel illud bonum patrandum, quod profecto est a fide prorsus alienum.

*Diximus* supra voluntatem eligere bonum, postea præmoveri & applicari ad

actum in individuo quem prius elegit: quæ quidem doctrina est D. Thomæ qu. 6. de malo ar. unico c. 17. ubi sic ait: "Voluntas quando incipit de novo eligere, transmutatur a sua propria dispositione, quantum ad hoc quod prius erat eligens in potentia, & postea "ut eligens actu; & hæc quidem transmutatio est absque aliquo movente, inquantum ipsa voluntas movet se ad agendum, & inquantum etiam movetur ab aliquo exteriori agente, scilicet Deo. " Ubique Div. Thomas vult voluntatem humanam eligere: igitur mota ad bonum ab exteriori principio se ipsam movet ad actum in individuo.

*Inflabis:* voluntas humana in ordine supernaturali immutari debet immediate & in se ut operetur bonum salutis, quia tale bonum ejus vires excedit: igitur præmoveretur immediate ad actum in individuo.

*Respondet* distinguendo antecedens: voluntas humana immutari debet moraliter virtute gratiæ prævenientis ad bonum supernaturale prosequendum, concedo: physice, subdistinguo, supposita & prævia deliberatione, concedo: non supposita, nego. Gratia præveniens seu sufficiens movet & excitat voluntatem quam inchoative immutat, efficax vero & uberior hoc idem & fortius & perfectius exhibet, quia & complete: voluntas illuminata, excitata & mota deliberando eligit & bonum & ad hoc sese determinat; determinata vero applicatur ad actum per præmotionem physicam, illumque elicit & producit.

*Ceterum* non existimandum est, hanc sententiam discedere a doctrina D. Thomæ & Scholæ ejus Angelicæ, cum & antiqui, & recentiores Thomistæ præmotionem physicam pro ordine naturali aut parum, aut nullo modo propugnent utilem & necessariam, eamque potissimum exigant pro actibus salutis, ad quos eligi debet profecto immutari voluntas. Jam vero quis neget eam immutandam esse moraliter per gratiam, quæ tota est pro bonitate & moralitate actuum humanorum? actus igitur formaliter ut moralis primas in isto ordine tenet sedes: si quid vero ultra quaeritur, est pro eo quod est materiale, seu ens & physicum in actu. Sic omnia reddimus. Et vero duplicem admittimus præmotionem, unam quidem gene-



generalem; alteram vero specialem. Prima est a gratia præveniente seu sufficienti, quæ pulsât & movet ad bonum altera a gratia efficaci quæ determinat ad bonum. Prima se tenet ex parte actus primi & utique duplex distinguitur, moralis nimirum & physica, gratia quippe præveniens movet moraliter illuminando, & inspirando bonum; movet utique physice: namque creatura realiter & excitatur & immutari incipit; jam potentialitas activitati cedit locum: deinde fit deliberatio, immo & electio boni per præmotionem moralem specialem & uberio-rem, concurrente & cooperante voluntate, quæ mota a gratia eligit virtutem prosequi: facta vero deliberatione, datur præmotio physica ad actum. Audiamus nunc Scholæ Anglicæ Theologum Ledes- mam in opere cuius titulus: Congregatio de Auxiliis die decima Januarii ann. 1606. qui sic loquitur; "Ad tertium dicendum, nullo modo ex doctrina de physica præ-  
"determinatione sequitur, quod Deus sit  
"causa peccati, vel quod ad peccatum  
"physice prædeterminet. 1. Quia potest  
"optime quis defendere physicam præ-  
"determinationem pro actibus superna-  
"turalibus, & ex isto capite non coar-  
"ctatur ad illam defendendam pro acti-  
"bus aliis facillimis naturalis ordinis, &  
"pro actionibus peccatorum. Et ratio  
"est, quia respectu actuum supernatura-  
"lium est peculiaris ratio, præter illam  
"generalem subordinationem causæ se-  
"cundæ ad primam, ob quam specialem  
"rationem, quidquid sit de illa subordi-  
"natione generali, est constituenda phy-  
"sica prædeterminatio in voluntate, qua  
"Deus faciat illam bene operari super-  
"naturales actiones. Quia respectu hu-  
"jusmodi supernaturalium, cum sint ele-  
"vatissimæ & supra voluntatem, illam  
"omnino excedentes, oportet quod Deus  
"immutet, & determinet voluntatem  
"ad illas.

Contenſionius similia dicit l. 8. Theolo-  
giæ dissert. 2. c. 2. specul. 3. "Illud,  
"inquit, etiam diligenter observari avco,  
"quod licet sententia de prædestinatione  
"ad actus naturales, atque etiam ad ma-  
"teriale peccati tanquam probabilior a  
"Thomistis eligatur; non ita tamen ab  
"illis traditur ut ex præmotione ad actus  
"naturales, vel ad materialia peccati, pen-  
"deat veritas illa cardinalis de gratia per  
"se efficaci ad actus supernaturales &

meritorios salutis necessaria. Genera-  
lem quippe prædeterminatione admit-  
tunt duntaxat Thomistæ, ut probabi-  
lem secundum rationem naturalem, &  
non ut necessario cum Fide Catholi-  
ca connexam."

Reverendus Pater Serry, in suo Libro  
de Schola Thomistica vindicata pag. 192.  
idem & dicit & propugnat; in probatio-  
nem vero, utramque assert auctoritatem.  
Igitur non est doctrina necessaria ex Tho-  
mistis: præmotio physica in ordine natu-  
rali, & si admittitur in ordine superna-  
turali, profecto recipi debet pro actu se-  
cundum id quod est in eo ens & mate-  
riale; formale enim cum sit morale, non  
exigit nisi causam moralem quæ sufficien-  
ter immutat voluntatem: nam ex S. Au-  
gust. gratia immutat cor illuminando, ex-  
citando, inspirando, tangendo; quæ qui-  
dem causalitas est totaliter moralis.

Dices: materiale non separatur a forma-  
li: igitur si præmotio physica requiritur  
pro materiali, utique erit & pro formali.

Respondeo distinguendo: materiale non  
separatur a formali ex parte actus, & ut  
est ens quoddam a parte rei existens,  
concedo: ex parte agentis & influxus,  
nego antecedens & consequentiam. In  
omnium opinione Deus concurrit saltem  
simultaneæ ad actum peccaminosum ut ens  
est, & non secundum formale. Sic v.g. qui  
putans occidere aprum, occidit hominem,  
non peccat, quia non concurrit ad forma-  
le, nempe ad occisionem reduplicative  
ut hominis occisionem. Nec mirum, a-  
ctus moralis formaliter spectatus, est quid  
relativum, tum ad intentionem agentis,  
tum ad obiectum ad quod tendit, unde  
emanavit istud adagium: *Quidquid faciant  
homines, intentio judicat omnes.* Igitur in-  
fluxus & causalitas moralis est distincta a  
causalitate actus in esse physico, adeo-  
que potest ab illa separari, aut saltem di-  
stingui.

Denique rem totam iterum utque iterum  
compendiosis verbis absolvo, ut in istu  
mentis oculi absque ulla aut æquivocatione  
aut difficultate nostra manifesta fiat sen-  
tentia. Ab ordine igitur naturali ortum  
ducat sermocinatio. 1. Datur præmotio  
physica generalis ad universale bonum,  
quod quidem est voluntatis obiectum. 2.  
Sequitur propositio simul & motio ob-  
iecti allicientis potentiam. 3. Intellectus  
omni ponderat, judicatque de objecti bo-  
nitate, & hoc iudicium vocatur motio  
quoad

quoad specificationem, quia intellectus iudicat tale obiectum esse amandum. 4. Ad iudicium intellectus sublequitur determinatio voluntatis ad actum circa finem præconceptum eliciendum: cum enim nihil sit amatum quin præcognitum; ut primum intellectus iudicavit tale vel tale obiectum esse amore prosequendum, illico, & absque mora voluntas per istam rationis deliberationem sese movet & determinat ad actum eliciendum: præmotionem generalem ad hoc sufficere dicit D. Thomas, dicit Ledesma, dicit Contensonius: indigitat ipsa ratio; quia cum bonum sit ordinis naturalis, adeoque & potentiae proportionatum, absque ulteriori auxilio homo se ipsum determinat & quoad specificationem, eligendo scilicet tale vel tale bonum, & quoad actum, illud amore prosequendo vel etiam rejiciendo, si tantum malum habetur & ut tale ab intellectu iudicatum est: igitur est præmotio generalis physica qua voluntas movetur physice ut exeat de potentia ad actum: est moralis ex parte objecti propositi allicientis ad sui amorem: cæteræ determinationes sunt tum ab intellectu, tum a voluntate.

*Pro ordine vero supernaturali idem prorsus servatur ordo causarum.* Primo quidem est præmotio physica & moralis ad bonum salutis in genere per primam gratiam quæ est in nobis sine nobis, quæque ideo præveniens, simul & excitans immo & sufficiens vocatur: quæ quidem motio dicitur specialis propter tria: nempe quia movet ad bonum particulare, scilicet salutis: quia movet quoad specificationem, nimirum proponendo & subijciendo mentis oculis bonum supernaturale, quod ne quidem viribus innatis cognoscere valemus: denique quia movet inmutando voluntatem & sanando saltem inchoative, ut poenitentiam, quam omni conatu abhorret peccator, incipiat velle, immo & amare: jam igitur per istam duplicem motionem creatura incipit reduci de potentia ad actum: jam est mota & non amplius potentialitate seorsum ligata: enimvero pulsatur Dominus ad ostium cordis iteratis motibus: hinc novæ & continuæ illuminationes: hinc inspirationes repetitæ & fortiores: hinc scrupuli, hinc iudiciorum Dei timor, hinc horror peccati, si non obnitatur voluntas: intellectus sic iterum atque iterum illuminatus cuncta æqua lance ponderat, bonum terrenum

& cœleste appendet in ætatera recti iudicii; tunc sequitur, cum non ponitur gratiæ obex, gratia superior, videlicet repetitum lumen & omni gladio ancipiti penetrantius: sequitur inspiratio ulque ad medullas cordis pervadens, & eo tempore iudicat in gratiani virtutis & poenitentiae: hoc peracto iudicio, sequitur tertia operatio, nimirum fit electio boni, voluntas gratiæ moventi assentitur, idest, non resistit: post istum consensum partim negativum, quod est non dissentire, partim positivum quod est consentire, sequitur quarto loco actus eliciendus: posita igitur electione & objecti acceptance, gratia physice præmovens eaque specialissima datur, quæ movet physice voluntatem ad actum, verius dicam quæ unit actum cum potentia; voluntas vero sic præmotâ se ipsam cooperando movet & determinat ad actum in individuo quem de facto physice elicit, sed supposita deliberatione: quis enim catholicæ, immo & sanæ mentis unquam dicit voluntatem proflire in actum, nisi supposita & deliberatione & electione boni? & sic ipse consensus positivus sicut & actus sunt primitus a gratia per se efficaci quæ sita est in præmotione morali simul & physica. Jam vero quod non sint neque aliter ordinandæ causæ, ad conciliandam cum præmotione aliæve Dei concursu libertatem, neque ultiores multiplicandæ præmotiones, liquido constat tum est omnibus D. Thomæ supra laudatis auctoritatibus: tum a simili ratione deducta ex præmotione generali physica in ordine naturali, si enim sola sufficit ad seriem moralitatis, & ad ipsum actum eliciendum, quidni sufficiens erit præmotio generalis gratiæ ad bonum supernaturale propositum homini saltem inchoandum? putâ illud ad attendendo, & illud ipsum contemplan-do, de eodem bene & iudicando, & ejus prosecutionibus a gratia generali physica & morali promanantibus, auxilio gratiæ per se efficaci voluntas & præmotâ specialius & adjuncta vehementius atque sanata illud de facto per actum positivum, & perfectum faciat & operetur.

Nec detertere debet ista instantia quam severiores Theologi palmarum & insuperabilem existimant, dicentes requiri ad ipsam deliberationem & electionem, gratiam specialem & intrinsece efficacem: ad hanc quippe objectionem parajam factum est satis, & iterum facio sic distinguendo: requiritur gratia specialis, eaque efficax moralis,

ralis, concedo: gratia præmovens physice subdistinguitur, generalis quæque præsupponitur, concedo: specialis, iterum distinguo: ad electionem conjunctam cum actu amoris & affectionis objecti, concedo: ad electionem ut sic, nego. Nam præmotio generalis physica & motio moralis uberior sufficiunt maxime vero cum deliberatio & electio sint dispositiones tantum præviae ad actum, & illas supponere omnes cordati Thomistæ teneantur: immo ultro fatentur præmotionem specialem esse tantummodo ad actum, nusquam vero ad dispositiones ad actum; quandoquidem doceant præmotionem specialem supernaturalem applicare voluntatem ad actum, est id, quo actu agit voluntas, inquit Alvarez. Quinimmo & Complutenses, & Conetus sic ordinant actus morales, sive naturalis sive supernaturalis æconomiam, & ea quæ sequuntur distinguunt 1. Inquirent, requiritur cognitio finis 2. Intentio finis. 3. Electio mediorum. 4. Volitio objecti. 5. Eiusdem fruitio, primo activa, deinde passiva; quæ quidem omnia, ipsis contentibus, sunt unico veluti instanti & ad unum ordinantur actum: nullus autem dicit, gratiam per se efficacem requiri ad primum actum: quot enim bonum noverunt, minime tamen faciunt? neque ad secundum, non pauci siquidem intendunt & proponunt conversionem: ergone propterea omnes semper propositura sequuntur? Minime: multi utique bene judicant de fine, immo & media eligunt, tum satisfaciendo v. g. jejuniis præcepto: tum elemosynam erogando pauperibus: volunt conversionem, ne dicam conversioni consummandæ assentiuntur: verum cum hic & nunc de fructu operanda est, proficiendo post tergum deos alienos, creaturam scilicet & relinquendo & abhorrendo, hoc opus, hic labor est: tunc requiritur gratia physice & moraliter, fortiterque præmovens, ut voluntas conversionis actum tandem aliquando eliciat.

*Dices:* igitur gratia efficax formaliter sita est in præmotione physica.

*Respondet* negando: immo formaliter est præmotio moralis, quia actus est formaliter moralis, unde præmotio physica attingit solummodo materiale actus & id quod est physicum: unde dato præmotionem specialem requiri ad electionem objecti, & ad actum prosecutionis eliciendum, dico præmotionem moralem, an-

tecedere physicam; siquidem est causa formalis actus, adeoque intactam manere libertatem: tum quia cum datur præmotio moralis, adest causa formalis actus eliciendi, qui quidem actus prius ab ea, quam a præmotione physica promanare concipitur: enimvero formale actus est ante id quod in eo materiale & physicum est: tum quia, omnibus Theologis Catholicis contententibus, voluntas potest motui morali dissentire si velit: tum quia Tridentinum gratiam voluntatem efficaciter moventem delineans, eam vocat modo illuminationem, modo inspirationem & impulsu Spiritus Sancti cor humanum tangentis, adeoque formaliter moralem, tum quia denique præmotio physica non est secundum se capax assensus vel dissensus, sed dicitur vinculum quo actus conjungitur cum potentia, maxime vero cum, ipso teste Alvarezio de aux. disp. 19. se teneat ex parte actus secundi, cum sit illud quo voluntas actu agit, adeoque, transacto deliberationis & electionis momento, siquidem operatio sequitur ad consilium, nec datur ad actum eliciendum optio, cum hic & nunc producit. Sic Divi Thomæ mentem a qua vel minimum aberrare erubescerem, attingere reor; maxime vero quia Sanctus Doctor 1. 2. q. 109. & sequentibus ubi de divinæ gratiæ auxiliis tractat, gratiam nomine motionis & ut plurimum illuminationis & inspirationis vocat atque definit, nec ullum quidem verbum de præmotione physica profert: at vero de motione Dei pro ordine naturali sermonem faciens, q. 3. de potentia art. 7. ad 7. 1. 2. q. 110. art. 2. ait illam motionem physicam esse virtutem incompletam, modo virtuti impressæ in instrumento ad artificem parem, modo colori in aere sparso non ab similem, modo esse quoddam virtutis agendi innatæ complementum, quo causa secunda operatur, dicit; ut indigret eam solummodo ad id quod est in actu vitali physicum, se extendere: verum loquens de actu morali, ut 1. 2. q. 109. illam vocibus illuminationis & inspirationis celebrat: ibi enim de actibus ut moralibus agit præcise.

*Quid plura* adiciam? datur præmotio moralis simul & physica generalis ad actus imperfectos, videlicet ad cognitionem finis, ad ipsius volitionem inchoatam, ad non ponendum gratiæ uberiori oblatæ impedimentum, & a gratia præveniente

flu-

fluit, seu potius est ipsa gratia sufficiens, illuminans, movens & excitans ad bonum. Datur utique præmotio moralis & physica specialis ad actum in individuo hic & nunc eliciendum. Verum actus alius est physicus, alius vero moralis: ille ex impetu naturæ, vel saltem absque attentione ad finem fit qui & actus hominis appellatur: iste ex intentione finis produci- tur, & humanus est. Præmotio physica ad primum eliciendum sufficit: ad secundum vero moralis prærequiritur, illa attingit id quod est materiale & physicum in actu; ista, id quod est morale & regulis morum conforme.

Ceterum gratia efficax a Thomistis propugnata vel est illuminatio, vel inspiratio, vel neutrum, sed quod impervium rationi & virtus quædam similis aut coloribus in aere resperlis, aut virtuti impressæ instrumento ut agat: si primum aut alterum, est quid morale formaliter cui potest etiam in sensu composito resisti; nam quotidie resistitur & illuminationibus & motionibus. Si tertium, jam est quid physicum extra moralitatis metam existens; adeoque attingens id quod est physicum & materiale in actu. Porro id quod est physicum procedit a voluntate ut natura, id vero quod est morale ab eadem promanat ut libera.

Parcas velim, benevole Lector, si, repetitis vicibus, eadem pertractamus; hæc quippe materia tot & tantis difficultatum nodis alligata manet, ut et nonnisi, alternatis explicationibus, solvere vix possimus, hinc & repetita ad claritatem proferre æquum, immo & perutile est.

*Responsiones secundum rigidiorum Thomistarum opinionem, ad ea quæ obijciuntur contra præmotionem physicam in momento seu negotio libertatis servanda.*

QUONIAM Angelicæ Scholæ discipulum esse me semper glorior sum, ne ab ea vel minimum quidem in opiniohum consensu pro concordia libertatis cum præmotione physica dissentire videar, ad abundantiam juris, juxta perantiqua rigidiorum Thomistarum principia, objectionibus supra allatis satisfacere juvat, ut unicuique pro gustus varietate, ea quæ par est erga tam venerabilem Scholam reverentia, omnibus fiat satis: verum quæ-

dam ad quæstionis elucidationem præmit- tendam sunt, maxime de variis Thomista- rum atque eorum opinionibus, quæ in qua- tuor classes dividi seu bipartiri possunt, juxta Didaci Alvaris placitum qui l. 3. de auxiliis divinæ gratiæ disputatione decima nona sic loquitur in titulo: *Quidnam sit motio illa prævia, qua Deus movet, & applicat causas secundas ad operandum.* Postea singulorum sententias & rationes quibus fulciri videntur his sequen- tibus verbis refert.

„Prima sententia est quorundam Tho-  
„mistarum assensitum, præmotionem  
„primæ causæ in secundis causis recep-  
„tam, qua ad operandum moventur, &  
„applicatur, esse qualitatem, non qui-  
„dem per modum permanentis, sed per  
„modum dispositionis transiens cum o-  
„peratione causæ secundæ. In probatio-  
„nem diversa D. Thomæ loca asserunt  
„istii auctores, in primis illa verba. 1.  
„p. q. 109. art. 9. in corp. *Nulla res crea-  
„ta potest in quocumque prodire, nisi vir-  
„tute motionis divinæ.* Rursus ibidem  
„art. 1. *Quantumcumque natura aliqua  
„corporalis vel spiritualis ponatur perfecta,  
„non potest in suum actum procedere nisi  
„moveatur a Deo.*

„Secunda sententia asserit per opposi-  
„tum extremum, auxilium actuale, seu  
„motionem Dei non importare aliquid  
„receptum in causis secundis. antece-  
„dens, etiam ordine naturæ, & causa-  
„litatis, operationes earum; sed esse ip-  
„sum Deum, seu voluntatem divinam,  
„quatenus parata est, & exposita ad con-  
„currentem simul cum causis secundis,  
„quocienscumque ipsæ vel ex necessitate  
„naturæ operentur, vel ex innata liber-  
„tate operari voluerint. In causis au-  
„tem secundis, dicunt, motionem Dei  
„solum importare, aut ponere ipsam o-  
„perationem causæ, quatenus procedit  
„efficienter ex concursu Dei simultaneo,  
„sicut creatio in creatura nihil ponit dis-  
„tinctum a substantia illa, sed est ipsa  
„creatura, secundum quod procedit effi-  
„cienter a Deo.

„Tertia sententia affirmat auxilium,  
„seu motionem actualem qua Deus mo-  
„vet, & applicat causas secundas ad ope-  
„randum, esse aliquid receptum in ipsis  
„causis secundis prius natura, quam ope-  
„rentur: etsi inquiratur, quid sit, rel-  
„pondent esse realiter ipsam operatio-  
„nem causæ secundæ, quatenus procedit

„ a Deo, eam applicante & promoven-  
 „ te efficaciter ad operandum, ex quo  
 „ inferunt quod præmotio efficax, seu  
 „ prædeterminatio, qua Deus prædeter-  
 „ minat voluntatem ad actionem liberam,  
 „ non sit distincta realiter a determina-  
 „ tione actuali, qua voluntas se ipsam  
 „ determinat per suam operationem, sed  
 „ eadem. Cum enim voluntas formaliter  
 „ se determinat, elicendo actum liberum,  
 „ idem actus, secundum quod procedit a  
 „ Deo præmovente, dicitur prædetermi-  
 „ natio Dei; quatenus vero procedit a  
 „ voluntate simul tempore sed posterius  
 „ natura cooperante, dicitur determinatio  
 „ voluntatis. . . . Differt autem hæc  
 „ sententia a præcedenti: nam licet ut-  
 „ traque afferat concursum Dei genera-  
 „ lem, sive auxilium actuale non distin-  
 „ gui realiter ab operatione causæ secun-  
 „ dæ; auctores tamen primæ sententiæ  
 „ dicunt, quod auxilium actuale est ipsa  
 „ operatio causæ secundæ; ut procedit ex  
 „ influxu Dei non quidem prævio, sed  
 „ simultaneo; non enim volunt admitte-  
 „ re, quod in aliquo priori etiam ratio-  
 „ nis, sive causalitatis physice moveat  
 „ Deus voluntatem ad actum nostrum li-  
 „ berum antecedenter ad influxum creati  
 „ arbitrii. Auctores autem hujus tertiæ  
 „ sententiæ dicunt, quod auxilium actua-  
 „ le Dei realiter ipsa operatio causæ se-  
 „ cundæ ut procedit ex influxu Dei præ-  
 „ movente & prædeterminante causam se-  
 „ cundam ad influendum & operandum,  
 „ ut semper salvetur, quod solus Deus  
 „ est, qui primo incipit, qui efficienter  
 „ facit ut faciamus, & operatur ut ope-  
 „ remur. „

„ Quarta sententia est aliorum Thomi-  
 „ starum, asserentium auxilium Dei, si-  
 „ ve motionem præviam, qua movet &  
 „ applicat causas secundas ad operandum,  
 „ esse in illis aliquid realiter distinctum  
 „ ab earum operationibus, & esse quod-  
 „ dam complementum virtutis activæ:  
 „ ( *Quo actualiter agat* ) ut dicit S. Tho-  
 „ mas, q. 3. de potentia art. 7. ad 7. &  
 „ quoniam hæc sententia est ad mensum  
 „ S. Thomæ &c. eam pro nostra adop-  
 „ tamus. „

„ Ex his sequitur concursum prævium,  
 „ juxta primam opinionem esse qualitatem  
 „ incompletam receptam in voluntate huma-  
 „ na per modum transeuntis: juxta secun-  
 „ dam, non esse aliquid receptum prævie  
 „ per modum causalitatis, sed esse ipsum

Deum ut paratum simultanee concurrere  
 ad operationem voluntatis: juxta cer-  
 „ tiam, non esse etiam quid realiter distin-  
 „ ctum ab ipsa operatione voluntatis, qua  
 „ se ipsam ad actum determinat: sed potius  
 „ eandem creaturæ operationem quæ concipitur  
 „ prius natura tantum a Deo fluere. Juxta  
 „ quartam, esse quoddam complementum  
 „ virtutis activæ: ( *Quo actu agit* ) illud-  
 „ que ab ea realiter distinctum.

„ *Observes* velim, benevole Lector, duo  
 „ distinguenda esse instantia, alterum in quo  
 „ concipimus potentiam a Domino per gra-  
 „ tiam sufficientem præparatam, alterum in  
 „ quo actualiter agit & operatur. Potentia  
 „ mota & excitata per gratiam prævenien-  
 „ tem, dicitur actus primus: potentia vero  
 „ applicata per gratiam efficacem ad opera-  
 „ tionem, vocatur actus secundus & perfec-  
 „ tus. Porro totum libertatis negotium at-  
 „ tenditur maxime ex parte actus primis,  
 „ scilicet deliberationis & electionis; ab illo  
 „ quippe primo motionis divinæ instanti,  
 „ usque ad instantem actus secundi, est libera-  
 „ ra, & utrumque respicit extremum: suam  
 „ actu potest & de facto exercet indifferen-  
 „ tiam: tunc vis electiva est & in motu,  
 „ & elevata, & sanata per gratiam suffi-  
 „ cientem: tunc est tempus deliberationis  
 „ & electionis, tunc potest transgredi vel  
 „ non transgredi: anima tunc potest impe-  
 „ dire ne moveatur efficaciter ab objecto ad  
 „ bonum: tunc potest resistere gratiæ exci-  
 „ tanti & uberiores oblatam respicere; si  
 „ non resistit, datur præmotio, quæ se te-  
 „ net ex parte actus secundi: ita Gonetius,  
 „ Contentionius, Goudinus, Alvarez; est  
 „ id quo voluntas, teste D. Thomæ, actu  
 „ agit & operatur, libere quidem, quia li-  
 „ bere se determinavit; insuperabiliter ve-  
 „ ro, quandoquidem præmotio semper cum  
 „ actu conjungitur, est id quo actu agit vo-  
 „ luntas; qui autem operatur, non potest  
 „ non operari, nisi potentia possibilitatis,  
 „ inquit nostri Thomistæ, nusquam vero  
 „ futuritionis, alias actum cum non actu si-  
 „ mul conjungeret.

„ Jam sit satis illi argumento, quod est  
 „ apud auctores contrariæ sententiæ palma-  
 „ re. Posita præmotione voluntas non potest  
 „ non agere: gratia præmovens physice in-  
 „ superabiliter movet, nec quisquam po-  
 „ test illi resistere: igitur adversatur liber-  
 „ tati, & consequenter penitus rejicienda  
 „ est.

„ *Respondeo*, relicta prima sententia, cui  
 „ subscribere nolunt Alvarez & Ledesma,  
 „ nul-

nullum ex aliis sequi inconveniens quod minimum vel quidem libertatis iura offendere queat. Sic igitur distinguo: posita pramotione voluntas non potest non agere in sensu composito, & ut alii Thomistæ ajunt, potentia consequenti, concedo: in sensu diviso seu potentia antecedenti, nego. Potentia antecedens est sensus divisus qui attenditur secundum actum primum: potentia vero consequens & sensus compositus actum secundum spectant: ultro fatentur Thomistæ voluntatem non posse non agere in sensu composito, quia jam est actus, nec aliarum Scholarum Theologi refragantur, idem prorsus dicunt, posito concursu simultaneo: voluntas secundum omnes non potest tunc non agere, sed illa impotentia non solum libertati non nocet, immo est ejus effectus; actus siquidem ex voluntate libere agente tanquam genuinus ejus sorsus oritur, unde dicitur impotentia consequens, quippe quæ ad voluntatem libere se moventem sequatur: vel etiam impotentia hypothetica vocetur. Etvero, supposito quod voluntas agat, non potest, non agere, sin minus, non foret libera. At vero in sensu diviso potest non agere: potest in illo primo instanti quod est deliberationis & electionis locus: tunc voluntas mota, excitata, preparata utrumque extremum respicit, tunc potest vel gratiæ sufficienti resistere & efficacem oblatam propellere; vel utrique consentire.

Ita tamen & propugnant Thomistæ secundæ sententiæ qui asserunt pramotionem duo libertati prorsus amica impotare videlicet voluntatem Dei paratam simul concurrere cum causa secunda, quando operari voluerit, & ad ipsam creaturæ operationem: quam responsionem nou semel supra delineavimus propugnando Deum esse paratum applicare voluntatem humanam ad opus, cum illum ad agendum paratam & accinctam inuenitur. Ita descendunt Auctores etiam tertiæ sententiæ qui id ipsum proficentur, asserendo pramotionem non esse quid ab operatione creaturæ distinctum, concursum quidem Dei appellat prævium, sed prioritate tantummodo naturæ, prioritate causalitatis & dependentiæ: quis autem cordatus & justus rerum æstimator dicet, pramotionem quæ est ipsa operatio creaturæ ut Deo subordinata, liberum offendere arbitrium, cum potius libertati

tem penes ipsam voluntatis actionem esse contra impugnantes defendamus? ita prolocis & aris ad libertatis iura salvanda solutionem datam auctores quartæ sententiæ propugnant: totum libertatis negotium & essentiale exercitium, tota vis electiva actum primum respicit primum scilicet in ordine ad finem: pramotio se tenet ex parte actus secundi secundum eos, est complementum (quo actualiter agat) inquit Alvarez post S. Thomam: jam est sensus compositus, jam transacta est electio, sed est libertatis actuale exercitium: operatio est libera, & in actu primo & in actu secundo: in actu primo, quia voluntas eligit: in actu secundo, quia ponit actum quem ipsa elegit & voluit.

Ad confirmationem, distinguo: gratia efficax Perseverantiæ insuperabiliter movet, concedo: gratia efficax ut sic & secundum se sumpta, subdistinguo: in actu secundo seu in sensu composito, concedo: in actu diviso, nego. Gratia efficax perseverantiæ est ipsa in bono finalis perseverantia, inquit Aug. l. 1. de dono perv. c. 1. unde implicat non movere insuperabiliter, alias justus perseveraret finaliter, & non perseveraret: idem potest dici de pramotione, unde recte dictum est supra, eam esse vinculum actus cum potentia, nec esse aut dissensus, aut assensus, capacem, quandoquidem & ex D. Thoma, & ex Alvarezio est complementum (quo actualiter agat) voluntas: est secundum alios Thomistas ipsa creaturæ operatio; implicat autem actum esse & non esse.

Cæterum præ oculis semper habendum est electionem & deliberationem voluntatis ad libertatem prærequiri: utramque in omni actu libero hominis vitoris reperiri nemo præter heterodoxum negabit: quo loco, quoque momento collocandæ sint, dicant inter nostros Thomistas rigidissimi: certe vel in priori pramotionis, vel concomitanter & simul cum ea, vel subsequenter ad eam. Certe non in secundo instanti; inquisitio quippe successionem importat, nec actus tunc temporis cum potentia conjunctus concipitur: hanc tamen conjunctionem adualem physica infert pramotio: a fortiori electio & deliberatio in instanti subsequente Dei motionem non reponendæ sunt, alias pramotio ad voluntatem determinandam foret inutilis, cum posita pramotione, adhuc voluntas de actu ponendo

deliberaret; igitur electio & deliberatio præcedunt præmotionem & ipsius actus exercitium. Si cui tamen placeret deliberationem & electionem repouere vel cum præmotione, vel post præmotionem, perfecta semper affligeret voluntatis indifferentia, & mira liberi arbitrii cum motione concordia, cum vel præsentente vel etiam subsequente motione, voluntas non solum deliberare & eligere queat, sed de facto actu deliberet de actu ponendo vel non ponendo eligat. Jam vero si deliberatio & electio physicam antecederent præmotionem, ut non semel dictum est, luce clarius apparet præmotionem humanæ non aduerlari libertati.

Dices contra primum: præmotio se tenet ex parte actus primi: igitur ruit totum solutionis datæ fundamentum. Probatur antecedens, ex ipsis Thomistis primæ sententiæ qui apud Alvarezium loco supra citato sic loquuntur: "Hujusmodi actus supernaturalis eliciuntur a potentiis elevatis solum per auxilium actuale, seu motionem actualem gratiæ adjuvantis, non autem per habitus, vel qualitates permanentes: quia ut supponitur, non habent in se habitus infusos: ergo necesse est, quod eleventur & constituentur in actu primo per aliquam transeuntem qualitatem, ut tanquam causa principalis efficiant eisdem actus."

Respondeo 1. Alvarezium & Ledelsmam non subscribere primæ sententiæ quam paulo duriorem esse autumant. 2. Distinguen- do, præmotio generalis se tenet ex parte actus primi, concedo: specialis, nego. Duplex est gratia actualis, alia scilicet sufficiens, alia vero efficax. Unde & duplex præmotio cuilibet gratiæ respondet, altera generalis & est gratia sufficiens quæ & motio præveniens vocatur: altera specialis & a gratia efficaci promanat, immo est ipsa gratia quæ utique motionis nomine celebratur: illa constituit actum primum, ista vero secundum. Thomistæ primæ opinionis loqui de prima præmotione quid vetat? cum in suæ præmotionis probationem hæc afferant verba Concilii Tridentini sess. 14. c. 4. dicentis gratiam *Esse donum Dei, & Spiritus Sancti impulsam, nondum quidem inhabitantis, sed moventis, quo paritens adiutus, viam sibi ad justitiam parat*. Quæ quidem sententia maxime con- venit gratiæ prævenienti, tum quia per

eam præparatur voluntas a Domino: tum quia est motus Spiritus Sancti non solum inhabitantis, tum quia cæteri Thomistæ præmotionem ad actum potivum immediate pertinere docent. Ledelsma de auxil. quæst. unicus art. 12. duplicem agnoscit præmotionem delineatam, primam dicit antecedere tempore operationem creaturæ; secundam causalitate tantum explicans enim illa verba Tridentini sess. 6. c. 5. ita ut tangente Deo cor hominis per Spiritus Sancti illuminationem neque homo iple nihil omnino agat, inspirationem illam recipiens, quippe qui illam abjicere potest, in quo loco, inquit, aperte loquitur Concilium de omni præmotione gratiæ quæ tempore vel causalitate antecedit liberum consensum, & hac intelligit sub illa vocatione & inspiratione Ergo secundum Concilium fieri potest ut idem homo cum eadem vocatione & præmotione operetur & non operetur, sed resistat, & per consequens, cum equali auxilio antecedenti consensum liberi arbitrii, unus convertatur, & alius non convertatur. Quibus verbis adaperite propugnat Ledelsma & voluntatem posse resistere præmotioni antecedenti, immo quandoque de facto resistere, & æquales in ea remanere vires tum ad resistendum gratiæ, tum etiam ad propulsandam tentationem. Igitur ex illo Doctore duplex est præmotio, una generalis & antecedens tempore operationem se tenens ex parte actus primi cui liberum arbitrium potest resistere & quandoque de facto resistit: altera specialis se tenens ex parte actus secundi, quæ actu voluntas agit, cuique voluntas potest resistere in sensu diviso, eam scilicet rejiciendo, sed non in sensu composito nisi potentia possibilitatis, quatenus potest cessare ab operatione quam mota & applicata seu determinata elicit, & contrarium facere. Cæterum si quid ambiguum vel etiam contrarium quidam dixerint, standum est Alvarezii effato: qui dicit motionem esse secundum D. Thomæ mentem id (quo actualiter arat) voluntas. Ledelsma coram Paulo V. in disputationibus de auxiliis idem propugnavit tom. 3. p. 1. tract. 4. c. 23.

Insuper, præmotio antecedit: igitur se tenet ex parte actus primi. Respondeo distinguendo; antecedit prioritate naturæ & causalitatis, concedo: prioritate temporis, nego antecedens & consequentiam.

Infra-

*Insuper:* Concilium Tridentinum defini-  
vit liberum arbitrium motum a gratia  
etiam efficaci, posse dissentire si velit;  
aut enim contra Lutheranos & Calvinis-  
tas qui gratiam efficacem, necessitatem  
antecedentem & absolutam imponere con-  
tendebant: sed ex responsione data nul-  
lus potest resistere pramotioni in sensu  
composito & dum actu movet, quia jam  
est operatio: igitur pramotio physica  
juxta sententiam Thomistarum cum liber-  
tate coherere non potest.

*Respondeo*, jam factum esse satis huic  
instantiæ cum supra diximus gratiam ef-  
ficacem suam esse formaliter in pramotio-  
ne morali cui resisti posse nemo non  
videt. Si quis tamen inter Thomistas  
velit pramotionem physicam gratiam ef-  
ficacem formaliter constituere, respondeo  
distinguendo majorem: liberum arbitri-  
um motum per gratiam sufficientem po-  
test resistere & dissentire si velit, con-  
cedo: motum per gratiam efficacem,  
subdistinguo: potest dissentire potentia  
possibilitatis, concedo: potentia futuri-  
tionis, nego. Juxta secundam Thomista-  
rum sententiam qui motionem in sola  
voluntate Dei paratam concurrere, quan-  
do voluntas pro innata libertate operari  
voluerit, reponunt, profecto liberum ar-  
bitrium potest actu resistere, cum possit  
actioni Dei concurrentis obicem pone-  
re. Juxta tertiam opinionem ubique vo-  
luntas potest obniti; namque pramotio  
non est quid ab operatione creaturæ dis-  
tinctum; quis autem dicit voluntatem  
hoc non habere in suos actus dominium,  
ut ab eis si velit, abstinere queat? Jux-  
ta quartam opinionem liberum arbitrium  
motum potest resistere gratiæ efficaci in  
actu primo consideratæ; inchoatur enim  
per motiones gratiæ prævenientis, &  
secundum aliquos etiam Thomistas gra-  
tia sufficiens & efficax entitative unum  
sunt, & penes gradum solummodo dis-  
tinguuntur: potest igitur resistere gra-  
tiæ efficaci in actu secundo spectatæ, &  
quidem dupliciter, primo dum recipi-  
tur; hanc enim potest rejicere pecca-  
tor, sed non faciet: deinde dum actu  
voluntatem applicat ad actum, quatenus  
ab isto actu cessare potest, & sese ad  
contrarium convertere: unde ex omni  
parte collucet indifferentia actus sub do-  
minio gratiæ prævenientis.

*Dices:* etiam in sensu Calvini volun-  
tas mota potest cessare ab actu; igitur

non stat sufficiens discrimen inter gratiam  
physicæ prævenientem Thomistarum, &  
gratiam efficacem quam propugnavit Cal-  
vinus.

*Respondeo* sententiam Scholæ Anglicæ  
toto celo differre tum a Calviniana,  
tum a Janseniana; a Calviniana quidem,  
nam Calvinus admittit 1. Decreta ne-  
cessario prædestinantia ad vitam & ad  
mortem. 2. Fatum in hominum sorte;  
ex ipso enim qui de fœdere est, bene  
vivat vel non, gloria donabitur, sin  
minus e contra. 3. Necessitatem absolutam  
modo ex concupiscentia exuberante com-  
pellente ad peccatum; modo ex delecta-  
tione cælesti superiori determinante  
ad bonum; hinc necessitas est antee-  
dens, qua de causâ actus non solum ne-  
cessarius necessitata pythetica & con-  
sequente sed & absoluta dicitur: unde  
nullo modo potest dici liber cum procedat  
a voluntate necessitata & passive se  
habente respectu gratiæ; immo quandiu  
viget delectatio, neque ab actu cessare,  
neque velle contrarium potest. At vero  
non sic nostri Thomistæ; nam & præ-  
destinationem a bonis operibus dependen-  
tem prædicant & fatum omni quo p̄r  
est horrore ab actibus humanis longe fa-  
ciunt, & potentiam tum ad malum propul-  
sandum tum ad bonum operandum  
proxime expeditam toto mentis affectu  
agnoscunt: & vim electivam atque actus  
indifferentiam zelo secundum scientiam  
propugnant: & mentem Tridentini per  
omnia assequuntur; cum indifferentia  
activa in actu primo stet, scilicet in actu  
electionis; in illo quippe primo duratio-  
nis instanti voluntas mota potest unum  
eligere & alterum relinquere. Stat uti-  
que in actu secundo: & in secundo in-  
stanti, quatenus liberum arbitrium a gra-  
tia efficaci motum, libere & ex innata  
libertate se determinat ad actum; unde  
gratiæ etiam efficacissimæ, homo recrude-  
scere, cessare ab actu, & contrarium  
facere, valet.

*Pari zelo*, parique horrore abscedunt ii-  
dem Doctores a Janseniana opinione quæ  
in materia de auxiliis in Calvinii senten-  
tiam collimare videtur: everto Jansenius  
1. necessitatem relativam, exuberante una  
delectatione præ alia, conse-  
quenter absolutam, eamque antecedentem  
esse docet; unde secundum ipsum,  
si dilectio terreni superior est cælesti,  
necessario peccatur, quia, inquit, volun-



tas veluti vinculis constricta & alligata ad malum tunc manet, sicut pondus gravius in statera physice & absolute præponderat leviori. 2. Ex eodem nequidem posse saltem proximum tum ad vincendam tentationem, tum ad bonum operandum habet. 3. Gratiam sufficientem omnem eliminat, efficacem vero paucis admodum concedi propugnat. Nos vero Thomistæ viam salutis regiam incedentes, dictis, scriptis, factis, ore & corde omnem necessitatem antecedentem detestamur, posse proximum pro bono operando per gratiam sufficientem dari prædicamus. Eandem, quando urget præceptum, omnibus concedi ad posse bonum & efficacem offerri ad faciendum, vere credimus. Unde gratiam sufficientem sufficientes prorsus vires ad tentationem devincendam dare defendimus: hoc ipsum colligitur ex B. Augustino qui l. 12. de Civ. c. 6. dicit ex duobus in æqualitate & gratiæ & tentationis positis, unum resistere gratiæ, alterum vero consentire & vincere tentationem. Idem ex professo docet Ledesma de auxil. q. unica art. 12. quod quidem probat auctoritate tum Scripturæ sacræ, tum Concilii Tridentini & Patrum.

*Oppones* 2. Præmotio physica non est gratia: igitur frustra adducitur in hoc actu humanorum momento, immo & libertati adversatur. Probat antecedens: 1. Quod est physicum ex impetu naturæ venit, & est quid commune creaturis irrationabilibus, unde D. Thomas distinguit voluntatem ut naturam & ut liberam: a prima actiones naturales seu physicas: a secunda morales docet profuere. 2. Nulla ex proprietatibus quibus delineatur gratia, præmotio physica convenit: namque gratia modo illuminationis, modo inspirationis nomine celebratur in sacris Scripturis: sic, a Conciliis definitur, sic describitur a Patribus. Thomistæ vero præmotionem physicam esse dicunt, alii ipsam Dei voluntatem puram concurrere cum voluntate humana quando vel pro necessitate, vel pro innata libertate operari voluerit: alii ipsam creaturæ operationem ut dominio Dei subiectam; alii virtutem vialem & incompletam, alii denique complementum (quo actu agat) voluntas, aut illam se tenere ex parte actus secundi. Quod æquivocatione non caret, cum ex Ledesma dentur præmotiones actum primum

spectantes quibus non semel resistitur.

*Respondeo* Scripturam, Concilia & Patres gratiam sæpius indigitaræ sub nomine motionis & impulsus, illam esse physicam, quis potest negare, cum & insinuat, & illuminatio, & Spiritus Sancti motionem sint quid reale in anima receptum, voluntatem realiter immutans, realiter sanans? ultero concedimus motiones divinas esse in nobis sine nobis, quid consequenter indehæratum utpote infusum; alii, talia auxilia sunt actionis physice principia & causæ efficientes: dico actionis physice, quia vitalis; dico liberæ, quia a principio vitæ libero promanat, puta actus fidei ab intellectus, actus amoris a voluntate: non alia tribuunt gratiæ auctores concursum dumtaxat simultaneum propugnantes: eadem omnino pro jure libertatis servando defendunt assertores opinionis Angelicæ: nec quidquam aliud invenies discrimen, nisi quod Thomistæ concursum prævium quidem, sed prioritate tantummodo naturæ, prioritate causalitatis & dependentiæ propugnent: majorem quidem dependentiam causæ secundæ a prima exigunt; sed si crimen, amoris summi & reverentiæ erga Deum Optimum Maximum est: quasi unus populus cum cæteris Theologis ad debellandos libertatis inimicos, Protestantes scilicet & Heterodoxos mane & vespere, idem semper, ubique & in omni loco, audacter progrediuntur, ut inimicorum Ecclesiæ phalanges magno & victorici impetu, diripiant, frangant, superent, devincant.

*Jam vero* si de natura gratiæ actualis agatur, suum quisque habet Theologus cuiuslibet Academiæ sensum, verum in uno, aut altero puncto essentiali adunatur omnes, nimirum quod sit in nobis sine nobis, deinde vero quod voluntatem libere & ejus conformiter naturæ moveat. Nunc venio ad argumentum, & respondeo negando antecedens. Ad primam probationem, dico gratiam, quæcumque sit sive motio moralis; sive physica, non promanare a natura; non est igitur quid physicum in eo sensu quod sit actus primo primus, bene tamen si actus primi ut illuminatio & pia motio considerentur vel ut producti a gratia, quæ est in nobis sine nobis, quales sunt actus gratiæ prævenientis; vel ipsa gratia: non enim semel gratiæ sufficientis nomine insignuntur.

Ad confirmationem patet solutio ex dictis.

Ad id vero quod dicitur D. Thomam fecerere voluntatem ut natura est a voluntate ut libera est, recte loqui non dicitur, omnes Thomistæ distinguunt actum indeliberatum a deliberato in eo quod istum dumtaxat appellant moralem, quia solus dominio voluntatis subijcitur, quippe qui cum electione ab ea procedat: alter vero mere physicus vocatur; quandoquidem ex impetu naturæ proflire consistit: sed quid inde contra præmotionem physicam? nonne actus amoris Dei, v. g. est actus vitalis? nonne consequenter licet moralis vere physicus? nonne hujus causa est, gratia præmovens? immo, non potest in ulla opinione recte negari gratiam efficacem, quæcumque sit, esse causam physicam, si non vis præviam ne lædatur libertas; hinc quidem volunt Thomistæ, sed ut de facto solvatur libertas quatenus ejus ope voluntas humani exit de potentia ad actum, salvo libertatis jure, maxime juxta secundam sententiam Thomistarum, qui alierunt Deum piratum esse concurrere, præmovere, quando transacto deliberationis tempore, voluntas jam a Domino præparata per gratiam sufficientem pro nata libertate vult agere.

*Obijciat* 3. Præmotio physica non est gratia Mediatoris: frustra igitur admittitur pro gratia efficaci ad actus supernaturales eliciendos. Iteitur procul scienda, cum ad libertatem sub ejus dominio componendam non parum claudere videantur Thomistæ. Probatur antecedens: præmotio physica & gratia per se efficax, iplis consentientibus Thomistis, erat in statu innocentie necessaria: & tamen gratia Mediatoris a gratia Adami prorsus diversa est. Ergo, &c.

*Respondeo* 1. Janſenium l. 7. de gratia Christi c. 11. fortiter propugnare præmotionem physicam non esse gratiam Mediatoris, nec ullum hujusmodi auxilium in Beato Augustino invenisse vestigium: unde Dominus Paschal non eam semel floccifacit & suo stylo perfringit censurio, sicut & gratiam sufficientem Scholæ Thomistæ, maxime litt. 2. Igitur ex ipso Janſenio & Domino Paschali non contumitur Thomistæ cum Novatoribus: sententia Academicæ Anglicæ de gratia toto cælo discrepat ab opinione fucati Augustini Ypresiensis. Quo fronte igitur audent

dicere ejus Afflicte eandem se propugnare de gratia actuali doctrinam quam defendunt Thomistæ? suam profecto vident causam nullo fulciri fundamento valido: hinc post naufragium apud Thomistas quærent tabulam, ut æternam consequantur salutem, sed quæritur ut fideles sint, ut sincere & non ficto agant animo, ut depositis erroribus, libertatem non solum statum sed & actus agnoscat & propugnent, sicut vere cordati agnoscunt Thomistæ.

*Respondeo* 2. in forma, negando antecedens: dico Beatum Augustinum non in uno loco, si non verbo, saltem quoad rem, admittere præmotionem physicam in utroque statu, videlicet naturæ integræ & naturæ reparatæ, ut in tractatu de gratia suis demonstrabitur: sufficiat impræsentiarum hæc Augustini proferre verba l. 3. de Trin. c. 4. "Deus, inquit, operatur omnia, movens prius sive animos hominum, sive cunctorum spirituum sibi subditas servitutes." Jam venio ad probationem, & dico gratiam novi Testamenti non distingui penes præmotionem a gratia primi hominis, sed potius penes virtutem & efficaciam. Præmotio necessaria quidem erat Adamo innocenti & ratione dependentie causæ secundæ a prima, & ratione supernaturalitatis; nunc vero ea opus habemus etiam rationes infirmitatis. Gratia naturæ integræ adjuvabat hominem, nunc vero & adjuvat, & sanat: præmotio immutat cor, sanat actuale infirmitatem, & impotentiam magnam, movet & applicat ad bonum. Gratia primi hominis, inquit Augustinus l. de corr. & gr. c. 11. faciebat ut homo haberet justitiam si vellet: gratia secundi hominis plus operatur, ea fit, ut etiam velit. Denique gratia Creatoris dabat posse perseverare in bono, gratia Mediatoris dat multis, etiam actu perseverare, quæ quidem omnia diversis Spiritus sancti impulsionibus & motionibus sunt: hinc gratia Christi lætior est atque robustior, inquit Augustinus, juxta illud Apostoli Rom. 9. *Ubi abundavit delictum, super abundavit & gratia*.

*Respondeo* 3. distinguendo argumentum istud: præmotio physica admittitur pro utroque statu & est virtute diversa, concedo: plures enim & speciales respectu nostri habet effectus: & est eadem virtute, subdistinguo, quantum ad aliquid, quatenus & primum & secundum hominem.

nem determinat & applicat ad bonum, concedo : quantum ad omnia , nego . Nunc est motio uberior , adfunt enim repetitæ motiones gratiæ sufficientis . Et vero quot inspirationes virtutis , quot poenitentiae ? adfunt efficaciæ semper & singulis oblatæ , quinimmo multis & non ponentibus obicem conceduntur . Gratia primi hominis fundata erat in pacto Dei inito cum natura humana , nostra vero in prætio , *Empti enim essis* , inquit Apostolus , *pretio magno* ; in Sacramentis quæ illam & continent , & digne suscipientibus conferunt : primus homo amissa prima gratia , illam recuperare non potuit : sed non sic in præfenti statu ; quoties amissa , toties meritis Christi recuperari potest .

*Obijcies* 4. gratia præmovens & efficax est gratia Janſenii . Et probatur , eo ipso quo prævalet super infirmitatem , jam superior evadit , si superior , necessario compellit ad bonum : si vero non superior , jam non distinguitur a sufficiente , nec quidquam plus facit , unde sufficiens erit & sola gratia sanativa , adeoque a gratia primi hominis indistincta .

*Respondeo* voluntatem sufficientem habere vires ad resistendum gratiæ interiori : sic vult Deus ut salventur libertatis jura , maxime vero quia malum non habet causam efficientem sed deficientem : si non resistit voluntas , tunc ipsa cooperante , gratia vincit cupiditatem : agitur hic de effectu reali & in individuo , qui certe habet pro causa adæquata & gratiam & voluntatem : non enim gratia dicitur efficax in abstracto , sed in concreto , videlicet cum suum habet effectum : quia vero voluntas de se potens est ad malum , sed iners ad bonum salutis , habet a gratiâ vires ad agendum ; ideo gratia dicitur per antonomasiam vitrix , sed non excludendo liberam voluntatis cooperationem ; gratia sufficiens incipit sanare hominem , efficax perficit & dat complementum . Hac suavitæ profecto non gaudet gratia a Janſenio propugnata , tum quia omnem eliminat novator gratiam insufficientem qua præparatur voluntas a Domino , ut detur locus deliberationi . Mediat quippe spatium temporis , aut formale , aut saltem virtuale inter actum primum & actum secundum ; & in illo intervallo fit deliberatio , fit electio & determinatio , postea vero applicatio voluntatis ad agendum vel non agendum , ad aman-

dum vel odio habendum , tum quia delectatio ex Janſenio independentem a voluntatis cooperatione inert actum , eo ipso quo superior est : nullæ igitur remanent in libero arbitrio vires ad resistendum sub domino gratiæ Janſenianæ , ergo necessario compellit , verius dicam necessitat ad bonum .

*Instabis* : requiritur præmotio ad non resistendum gratiæ : & sic duo sequuntur absurda . 1. Dari processum in infinitum , nam ulteriori præmotione opus erit ad consentiendum primæ , & sic iterum &c. 2. præmotionem se tenere ex parte actus primi .

*Respondeo* distinguendo antecedens : requiritur præmotio generalis a gratia sufficiente promanans ad non resistendum gratiæ , concedo : præmotio specialis quæ est a gratia efficaci , subdistinguo : ad non resistendum per actum positivum bonum , concedo : ad non resistendum negative , nego . Non resistere duplici modo intelligitur ; primo negative non ponendo obicem quem voluntas ex libertate innata deficiendo potest asserre ; ad malum enim operandum , ex se valet : alio modo positive , puta eliciendo actum , vel contritionis , vel humilitatis quo tentationi obnitatur . Porro ut non resistat negative habet a gratia præveniente , quæ , teste Cardinali Noricio in suis vindiciis dissertatione postrema , ad actus ejusmodi imperfectos ponendos sufficientes dat vires : a gratia vero efficaci ut non resistat operandum bonum , & sic nullum sequitur absurdum : non primum quidem , nam ex D. Thoma 1. 2. q. 109. non datur dispositio ad primam gratiam , bene vero ad justificationem , & sic intelligi debet S. Doctor cum ait hominem debere se disponere ad gratiam , intellige sanctificantem : rursus cum dicit facienti quod in se est , Deus non denegat gratiam , hoc est , facienti quod in se viribus gratiæ actualis , non denegat justificationis gratiam . Et vero prima gratia est in nobis sine nobis ex meritis Christi : dat igitur Deus singulis gratiam sufficientem & offert efficacem quam utique non ponentibus obicem confert , ut ejus ope peccator eliciat contritionis actum , & hoc mediante perveniat ad iustitiam . Nec utique secundum sequitur absurdum , præmotio quippe generalis quæ est ipsa gratia sufficiens se tenet quidem ex parte actus primi ; at vero præmotio quæ a gratia efficaci pro-

manat, tota est pro actu secundo; est enim id quo voluntas actu agit, inquit Alvarez.

*Solutio* est D. Thomæ: Deus, inquit, omnem hominem venientem in hunc mundum illuminat; sed multi ne illuminentur actu, ne gratiam efficacem oblatam recipiant & bene agant, cordis fenestram, vel ex fragilitate, vel etiam ex malitia ocludunt. Eodem prope modo mysterium explicat Alvarez l. 3. disp. 18. n. 20. quo loco tria statuit quæ auctoritate D. Augustini, D. Thomæ & D. Anselmi comprobant. 1. Non esse quidem in potestate hominis, ut habeat gratiam efficacem, bene vero, ut oblatam respuat, & accepta bene utatur. 2. Deum hanc eandem offerre gratiam eo ipso quo sufficientem confert. 3. Merito imputari peccatori ad penam si neque recipiat efficacem, neque bene vivat, quia cum posset bene facere abijciendo gratiam efficacem oblatam, noluit. *Ut homines*, inquit Aug. l. 2. de peccat. meritis & remissione c. 2. *non adjuvantur a gratia Dei, in ipsis causa est, non in Deo.* Succinit D. Thomæ 3. contra Gent. c. 159. ait enim rationabiliter imputari homini ad culpam si ad Deum non convertatur: quia, inquit, licet auxilium gratiæ non sit in potestate hominis, sed solius Dei, est tamen in potestate hominis impedire ne illi conferatur: eidem doctrinæ subscribit D. Anselmus l. de casu Diaboli c. 3. ait enim de illo. "Ista est causa, quare Deus non concessit Diabolo gratiam? quia ipse noluit eam accipere, nec paratus fuit." Hoc totum momentum explanat isto exemplo Alvarez. Loquens enim de peccatore rebeli, ait: "Si non operetur actum qui est in præcepto, imputabitur illi ad culpam, eo quod sua culpa se impedit, ne daretur illi auxilium efficax, quod necessarium erat ut actualiter operaretur actum virtutis qui est in præcepto; sicut si Deus imponeret homini præceptum volandi, & quantum est ex parte sua offerret illi alas, & adiutorium necessarium, ut volaret, ipse autem sua libertate, responderet, Domine nec volo alas accipere, nec volare, merito reputaretur reus, & transgressor præcepti, etiam si non posset absque alis volare, quia sua culpa se impedit, ne illi donaretur a Deo."

*Ledesma* familia dicit & propugnat in Panop. tom. 4. tract. 3. c. 5. & 6. quæ pari & non absimili comprobat exemplo, dicens hominem non posse quidem gratiam promereri efficacem sine qua actu non converteretur, sed posse impedire illam abijciendo, ne in ipso recipiatur. Unde concludit culpam non esse refundendam in negationem gratiæ præmovenis, bene vero in voluntatem adversus gratiæ imbrem recrudescens. Deus igitur dat gratiam sufficientem & offert efficacem: si non ponit obicem peccator, recipit oblatam & operatur bonum atque salvatur, porro adjuvus a gratia sufficienti potest actu non ponere obicem: sed si ex innata libertate ponat, tunc peccat & sæpius damnatur: peccatum igitur totaliter ab ipso est, ut docet Alvarez disp. 24. n. 37.

*Bellarminus* suum addit solutionibus datis calculum l. 4. de gratia & libero arbitrio c. 16. ibi enim admittit præmotionem physicam his verbis: "Altera ratio conciliandi libertatem humanam, cum operatione divina, & fortasse etiam probabilior est, iuxta sententiam S. Thomæ, qui docet cooperationem divinam, non ita concurrere cum causis secundis etiam liberis, ut non solum eis dederit, & conservet virtutes operatrices, sed etiam eas moveat, & applicet ad opus ut cognosci potest ex l. p. q. 105. art. 5. l. 3. contra Gent. c. 70. & in q. 3. de potentia art. 7. quæ sententia videtur valde consentanea, tum Scripturæ, quæ dicit nos in Deo esse, vivere & moveri act. 17. tum etiam rationi & ordini quem habet prima causa cum secundis." Deinde respondet uni in contrarium difficultati quam quidem solvit, dicendo præmotionem non esse qualitatem a Dei impressam, ab ipsa creatura distinctam. Respondet deo, inquit, Deum non movere loca, licet causam secundam, neque in illa qualitatem ullam imprimere, sed tantum illa uti tanquam instrumento ad opus efficiendum, quocirca virtus a Deo impressa per modum transeuntis, dum causa secunda operatur, non distinguitur ab ipsa virtute naturali, sed est illa eadem, quatenus illa Deus utitur ad illam actionem perficiendam. Est autem necessaria hæc motio Dei ex parte causæ secundæ, quæ cum sit

„ sit talis, idest secunda, habet neces-  
 „ sariam dependentiam a causa prima,  
 „ in cuius virtute operatur. „  
 „ *Prosequitur* & ait: „ His explicatis,  
 „ ut ostendamus, juxta hanc S. Thomæ  
 „ sententiam, recte defendi liberum ar-  
 „ bitrium, sciendum est; influxum seu  
 „ virtutem Dei, qua voluntas movetur,  
 „ & applicatur ad opus, recipi in causis  
 „ secundis, secundum earum dispositio-  
 „ nem, „ ut idem S. Thomas in q. 3.  
 „ de malo art. 2. „ Attendendum, *inquit*,  
 „ quod motus primi moventis, non re-  
 „ cipitur uniformiter in omnibus mobi-  
 „ libus, sed in unoquoque secundum pro-  
 „ prium modum. „ Et in 1. 2. qu. 10.  
 „ art. 2. „ Ad providentiam, *inquit*, Dei  
 „ pertinet, naturam non corrumpere,  
 „ sed servare. Unde omnia movet se-  
 „ cundum eorum conditionem, „ Et in-  
 „ fra. „ Quia, *inquit*, voluntas est acti-  
 „ vum principium non determinatum ad  
 „ unum, sed indifferenter se habens ad  
 „ multa; sic Deus ipsam movet, quod  
 „ non ex necessitate ad unum determi-  
 „ nat, sed reminet motus ejus contin-  
 „ gens, & non necessarius, nisi in his,  
 „ ad quæ naturaliter movetur. „  
 „ *Subdit* doctissimus ille Cardinalis „ Por-  
 „ ro iste modus, seu conditio in volun-  
 „ tate, secundum quam recipitur in eo  
 „ motus Dei, nihil aliud est, nisi nega-  
 „ tiva quædam determinatio præcedens,  
 „ tum influxum Dei, tum actum elici-  
 „ tum voluntatis. Nimirum quod volun-  
 „ tas sinat se moveri ab objecto per ra-  
 „ tionem sibi proposito, vel non sinat.  
 „ Hæc enim determinatio, dicitur ne-  
 „ gativa, quia non consistit in actu posi-  
 „ tivo, sed in negatione actus, cum ta-  
 „ men voluntas, non minus sit libera ut  
 „ agat, quam ut non agat. „ Hunc sol-  
 „ vendi difficultatem & libertatem cum vo-  
 „ luntate humana consociandi modum con-  
 „ firmat auctoritate D. Thomæ. „ Explicat  
 „ id, *inquit*, S. Thomas in qu. 1. de ma-  
 „ lo ar. 3. ubi dicit non uti regula ratio-  
 „ nis, præintelligi in voluntate ante in-  
 „ ordinatam electionem: hujus autem quod  
 „ est, non uti regula rationis, non opor-  
 „ tere querere aliam causam, nisi vo-  
 „ luntatis libertatem, qua videlicet in ejus  
 „ potestate est, ut sinat se moveri a ra-  
 „ tione, vel non sinat. Et rursus in q. 3.  
 „ de malo ar. 2. idem S. Thomas dicit,  
 „ requiri in homine dispositionem quan-  
 „ dam ad recipiendum influxum Dei, &

„ juxta eam dispositionem produci bonum  
 „ vel malum actum. Non potest autem  
 „ prærequiri ante influxum Dei ulla dispo-  
 „ sitio positiva, cum nihil positivum sine  
 „ Deo fieri possit. „ Sola igitur prærequi-  
 „ ritur dispositio negativa. „

„ *Postea* suam cum motione Dei liberta-  
 „ tis concordiam sic concludit percelebris il-  
 „ le Theologus. „ Atque hinc fit, ut vo-  
 „ luntas sit vere libera, & se ipsa deter-  
 „ minent, tamen Deus illam moveat,  
 „ & applicet ad opus, quoniam ipsa Dei  
 „ motio in ejus potestate est, sive ut lo-  
 „ quitur Cajetanus in 1. p. q. 19. art. 8.  
 „ Dei motione voluntas nostra libere uti-  
 „ tur. Nam si moveri sinat ab objecto  
 „ proposito, Deus eam applicat & mo-  
 „ vet ad actum eliciendum, si non sinat,  
 „ Deus eam non applicat, neque movet.  
 „ Et ideo S. Thomas in 1. 2. q. 10. art. 4.  
 „ ad 3. concludit, posita Dei motione,  
 „ impossibile esse ut voluntas non movea-  
 „ tur; absolute autem non esse impossi-  
 „ bile, quia videlicet potest voluntas non  
 „ se disponere per negativam determina-  
 „ tionem ad motionem Dei recipiendam. „  
 „ Igitur voluntas liberrima est sub dominio  
 „ præmotionis propter duo. 1. Quia gratia  
 „ sufficiente adjuva & præventa potest  
 „ finire se ab objecto proposito moveri,  
 „ quod si faciat, recipit gratiam efficacem  
 „ præmoventem, & actu elicit & operatur  
 „ actum positivum bonum. 2. Quia ex se  
 „ sufficientes habet vires tum ad resistendum  
 „ gratiæ sufficienti ad bonum eam propul-  
 „ santi, tum ad rejiciendam gratiam effica-  
 „ cem quæ in eodem profus instanti ad eli-  
 „ ciendum actum offertur.

„ Hanc libertatis cum gratiæ concordiam  
 „ ad mentem D. Thomæ profus concinna-  
 „ tam esse credit R. P. Massoulie Domini-  
 „ canus. Unde in Opere suo cui titulus  
 „ est: *Dixit Thomas sui ipsius interpret*, diss.  
 „ 1. div. mot. q. 1. art. 2. p. 7. sic loqui-  
 „ tur: „ Adeo communi Thomistarum sen-  
 „ tentiæ favet, ut ne quidem unica linea  
 „ sit, quam rigidissimus Thomista expun-  
 „ ctam esse optare debeat. „

„ *Subscribit* Illustrissimus & Reverendissi-  
 „ mus Dominus D. de Fenelon, Camera-  
 „ centis Archiepiscopus, in sua Instructione  
 „ Pastoralis per modum Dialogi descri-  
 „ pta anno 1714. parte secunda. Vir sæ-  
 „ ne dilectus Deo & hominibus, pietate  
 „ percelebris zelo pastoralis supra modum  
 „ conspicuus, liberi arbitrii acerrimus pro-  
 „ puginator, in rebus dogmaticis clare  
 „ suli-

solide & profunde indagandis nulli secundus, dignus certe ut in lumine ejus videamus lumen. Litt. 12. & 13. Partes agit Angelicæ Scholæ & luce clarius demonstrat frustra Heterodoxos ad D. Th. aliarum umbram confugere, ut Ecclesiæ declinent iterata anathemata, neque D. Thomam, nec ejus veros Discipulos esse cum eis, Janſenianam doctrinam Thomisticæ omnino adversari, Thomistis Doctores pro Aris & Focis ad defendendam libertatis jura pugnare. Litt. 12. Erudite explanat Bellarmini sententiam, quam tanquam genuinam D. Thomæ sententiam propugnat. Litt. 14. Perfectam libertatis cum gratia concordiam in sententiis Thomistarum vere reperiri ostendit, unde sicut in Scholæ Congruistarum, sic & in Angelica D. Thomæ Janſenium causa cadere docet, ostendit invictissimis rationibus, egregie suadet.

*Inſeſſes*, voluntas divina est prima causa omnium rerum, & jam ab æternitate decrevit Deus, quid velit aut non velit fieri: nulla igitur esse potest in homine libertas arbitrii, maxime sub decreto præmovenſe, & sub ipsa præmotione ejus efficacissima virtute.

*Respondet* Bellarminus ad hoc Calvini argumentum ibidem c. 16. his verbis: „Voluntas divina est quidem prima causa, sa omnium rerum, & ab æterno decrevit quid velit aut non velit fieri; „sed in particularibus, & maxime libris actionibus, id non decrevit, nisi „præcognita prius dispositione & determinatione secundarum causarum.” Ergone requiritur scientia media? Respondemus negative, quia scientia visionis sufficit ad præſcienda futura conditionata quorum conditio purificabitur. Ergone etiam explodenda sunt decreta præmovenſia? Minime: admittimus generalia quibus Deus statuit movere causas secundas quando pro innata libertate operari expostulat: particularia utique, sed ea regulat Deus secundum præſcientiam: hac ratione utitur Augustinus ad perſtringendos Pelagianos: cum enim gratiam efficacem, quam defendebat S. Doctor, libertatem perimere prædicarent, respondet eis l. 3. de lib. arb. c. 3. Deus præſcius est voluntatis humanæ; ſciens igitur quid actura sit sub præmotione, decernit actionem, nec aliter certe, salvo libero arbitrio, potest statuere, cum quaestio sit de actione libera quæ sane fu-

tura est dependenter & a causa prima, & a causa secunda, cum ab utraque ut a principio adæquato profluat. Ergone aliquid est determinate futurum ante decretum? nullo modo, cum causa secunda se se non possit ad actum accingere, nisi moveatur a prima. Numquid concursus Dei dicitur duntaxat simultaneum? esse sit simultaneus tempore, sed non causalitate: licet enim prima & secunda causa eandem simul producant effectum, prius tamen prioritate naturæ prima concipitur agere.

*Rursus instat*: homo quandoque gravi exacerbatus tentatione resistit & vincit: quandoque vero urgente minore, cedit; igitur victoria parta in primo instanti signum est & argumentum gratiam non solum præmovere sed & necessitate quinimmo, inquit Calvinus, rapere ad bonum.

*Respondet* negando gratiam quantumvis efficacem vel minimam voluntati imponere necessitatem: maxime vero quia voluntas est de se potentissima ad malum: namque & hæc est creatoris instituta lex; ut habeat vires sufficientes tum ad bonum tum ad malum operandum; alias incassum Spiritus Sanctus conclamaret, quod absit dicere, *Qui potuit transgredi & non est transgressus, facere mala & non fecit, ideo stabilita sunt bona illius in Domino.* Sed quid mirum quod ingravescente concupiscentiæ prælio, quandoque fortius homo obnitatur? tunc enim, inquit ibidem Bellarminus, tentatus magis vigilat, tunc vehementius orat, tunc arma ad propellenda rugientis inimici tela ardentius quaerit, tunc ex impetu Dæmonis; de sua salute, si consentiat, actum esse intelligit: hinc periculum imminens, novas læpius ad media pro salute quaerenda addit vires. Cæterum, peccator illuminatus a Deo cuncta ponderans judicat melius esse Domino quam Dæmoni servire, & illo judicio prædicto, adjuvante gratia, oritur victoria.

*Obijciat* 2. mysterium gratiæ esse inscrutabile, ut multis in locis post Apostolum fatetur Augustinus: sed si libertas cum gratia secundum captum humanum componatur, profecto ineffabile & incomprehensibile non est: igitur concipi non potest, maxime sub dominio gratiæ præmovenſis, libertatis jura servari.

*Respondet* mysterium gratiæ esse quidem secundum se inscrutabile, sed supposita fi-

de de libertatis incommutabilitate, concordia liberi arbitrii cum gratia tametsi difficilis non tamen incomprehensibilis est. Hanc Augustinus l. de grat. Christi c. 7. n. 52. & Epistola 215. ad Valentinum non dicit impenetrabilem. Epist. 214. ait: *Paucis inelligibilem*, non tamen omnibus. Et vero si foret inscrutabilis, ad quid tot S. Doctoris in tribus libris de libero arbitrio explanationes? ut probet libertatem cum gratia efficaci optime conciliari, unde l. de spiritu & litt. cap. 31. n. 54. asserit, Deum quidem gratia sua movere homines: *Non sic tamen ut eis adimat liberum arbitrium*. c. 34. n. 6. gratiæ delineat inavertatam dum affirmat movere suadendo, consiliando: rursus l. 1. ad Simplicianum q. 2. ait Deum movere quomodo scit congruere: unde l. 6. Conf. c. exclamat: *Paulatim, tu Domine, manu mitissima & misericordissima pertractans & componens cor meum*. Quid plura? gratia Christi est potentissima vis Sapientiæ incarnatæ quæ cuncta attingit a fine usque ad finem fortiter & disponit suaviter.

Hanc suavem ad componendam libertatem cum gratia modum propugnant Scholæ vere Catholicæ; quocirca Clemens VIII. opinionem Congruistarum & Thomistarum in congregatione de auxiliis intactam reliquit, districte prohibendo, ut nullus parti alteræ notam aliquam erroris inurere auderet: at vero Janenianam, iterum atque iterum anathemate percussurum Summi Pontificis; immo, damnata manet in decretis Concilii Tridentini adversus Protestantes: ita enim loquitur sancta Synodus sess. 6. *Si quis dixerit liberum, arbitrium motum non posse dissentire si velit anathema sit*.

Ne mireris, benevole Lector, si repetitis responcionibus, argumenta adversus Thomistarum opinionem in materia gratiæ præmoventis solvimus; ex abundantia quidem juris, maxime vero ex gratiæ erga Scholam Anglicam animi obsequio, quam sane tanti facimus, ut eam in ejus potissimum antiquis Doctoribus tanquam Magistram audire congaudeamus.

Hic est utriusque systematis in componenda libertate cum gratia præmovente modus. Cum voluntas humana sit in potentia tum physice, tum moraliter; ad agendum requiritur semper motio moralis & physica, primo quidem generalis quæ est a gratia sufficiente, quæ utroque modo movet ad bonum saltem, sed imperfe-

ctæ: actus enim ejus est indeliberatus; sequitur deliberatio & electio; postea motio moralis uberior, & physica ad actum perfectum eliciendum, utraque motio est a gratia efficaci, sed motio moralis se habet formaliter, physica tantum materialiter. In secundo systemate præmotio physica se habet etiam materialiter, ita tamen ut se teneat ex parte actus secundi, & supponat deliberationem: unde voluntas potest non agere in sensu diviso. Eligere quod malueris.

## SECTIO NONA

*Conclusio concordie libertatis cum præscientia, & synopsis probationum.*

CONCLUDITUR ex sanctis Patribus libertatem cum gratia Mediatoris & præscientia optime conciliari; omnes, siquidem docent hominem esse liberum, posse transgredi, & non transgredi, præcepta facere & non facere, unde factum Ethnicum & Manichæum quatuor primis sæculis pro virili debellare non cessarant.

Concluditur ex Div. Augustino præscientiam Dei non lædere libertatem, quoniam cuncta præscit Deus, immo ipsas hominum voluntates, & quicquid pro innata libertate acturi sumus: unde præscientia est cognitio certa, eaque necessaria ex parte quidem Dei quem nihil latet, nec latere potest, sed hypothetica seu conditionata ex parte causæ secundæ: supposito enim quod hoc vel illud velit, novit profecto Dominus, sed non ideo vim infert voluntati, quinimmo, relinquit hominem in manu consilii sui: porro quid in tali positus circumstantia facturus est, scit & videt. S. Doctor l. 6. de Gen. ad litt. cap. 17. sic loquitur: "Secundum quasdam futurorum causas notum erat Ezechias, cui Deus addidit quindecim annos ad vitam; id utique faciens quod ante constitutionem mundi de facturum esse præciebat & in sua voluntate servabat. Non ergo id facit quod facturus non erat: hoc enim erat magis futurum quod sese facturum esse præciebat. Nec tamen illi anni additi recte dicerentur nisi aliquid adderet quod se aliter in aliis causis habnerat: secundum aliquas igitur causas inferiores, jam vitam finire

„rat, secundum illas autem quæ sunt in  
 „voluntate & præscientia Dei, qui ex  
 „æternitate noverat quod illo tempore  
 „facturus erat, & hoc vere futurum  
 „tunc erat vitam finiturus, quando fini-  
 „vit vitam. Quia & si oranti concessum  
 „est, etiam sic oraturum ut tali oratio-  
 „ni concedi oporteret, ille utique præ-  
 „sciebat, cujus præscientia falli non po-  
 „terat; & ideo quod præsciebat, neces-  
 „sario futurum erat. „Necessario qui-  
 „dem sed ex parte præscientiæ, non vero  
 „objecti & causæ secundæ, id est supposito  
 „quod creatura libera hoc vel istud faciat,  
 „cum Deum nihil lateat, absolute præscit  
 „omnia quæ eventura sunt: ipsam igitur  
 „Ææchiæ orationem Deus præsciebat, si-  
 „cut & aliæ quæ sunt in tempore: isto  
 „suavi prorsus modo Augustinus libertatem  
 „cum præscientia innixa decreto per se ef-  
 „ficaci mirabiliter componit.

S. Doctor l. 3. de libero arbitrio clarius  
 adhuc se explicat c. 4. n. 10. ubi omnem  
 solvit in contrarium difficultatem: „Uu-  
 „de tibi videtur adversum esse liberum  
 „arbitrium nostrum præscientiæ Dei,  
 „quia præscientia est, an quia Dei præ-  
 „scientia est? quia Dei potius? Quid er-  
 „go si tu præscires peccatum esse ali-  
 „quem, non esset necesse ut peccaret?  
 „Immo necesse est ut peccaret: non enim  
 „aliter esset præscientia mea, nisi certa  
 „præscirem. Non igitur quia Dei præ-  
 „scientia est, necesse est fieri quæ præ-  
 „scierit, sed tantummodo quia præscien-  
 „tia est. Quæ si non certa prænoscit,  
 „nulla est.

Concluditur ex D. Thoma præscientiam  
 prædeterminantem cum libertate conciliari,  
 quia tametsi gratia efficax præmoveat vo-  
 luntatem humanam ad agendum, ista ta-  
 men se determinat ad actum in individuo,  
 seu ad actum hic & nunc eliciendum.  
 Sic loquitur Sanctus Doctor in 2. dist. 39.  
 q. 1. „Sed quod determinatio exeat in  
 „hunc vel illum actum, non est ab alio  
 „determinante, sed ab ipsa voluntate de-  
 „terminatio relinquatur in potestate ra-  
 „tionis & voluntatis. „Rursus 1. p. q.  
 83. art. 1. ad 3. „Deus est igitur primi  
 „causa movens & naturales & causas vo-  
 „luntarias. . . . non aufert quin actio-  
 „nes earum sint libere. „Unde q. 24.  
 de virtutibus art. 1. ad 13. ait: „Ex præ-  
 „scientia Dei non potest concludi quod  
 „actus nostri sint necessarii necessitate ab-  
 „soluta quæ dicitur necessitas consequen-

„tis, sed necessitate conditionata, quæ  
 „dicitur necessitas consequentiæ.

Concluditur ex Divo Anselmo libertatem  
 optime stare cum gratia efficaci & cum  
 decreto prædeterminante, quia voluntas uti-  
 tur gratia si vult, & liberrime suum eli-  
 cit actum, semper profecto potens est pro-  
 xime & sufficiens ad contrarium ponend-  
 um. Ita se explicat subtilissimus ille Do-  
 ctor l. de concordia gratiæ cum libero ar-  
 bitrio c. 3. „Debet Deus sic temperare  
 „gratiam, ut ea homo possit uti vel non  
 „uti pro libito.

Concluditur ex omnibus Theologis ortho-  
 doxis libertatem hominis intactam mane-  
 re sub dominio tum præscientiæ, tum  
 prædeterminationis, tum gratiæ efficaci-  
 s: omnes de hoc dogmate conveniunt, &  
 tantum in diversis sese explicandi modis  
 discrepant. Etvero omnes agnoscunt vo-  
 luntatem a Domino per gratiam sufficientem  
 ad actum eliciendum præparari, for-  
 tius adjuvari per efficacem, sed semper  
 libere; ita ut voluntas facta & prævia  
 deliberatione seipsam determinet ad actum  
 in individuo.

Concluditur specialiter ex Thomistis qui  
 libertatem ne in minimo quidem puncto  
 lædi aut per decreta præventionis, aut  
 per ipsam præmotionem physicam afferunt:  
 non quidem per decreta, quandoquidem,  
 duce D. Thoma, Deum creaturas move-  
 re conformiter earum naturæ præpugnant:  
 neque per ipsam præmotionem physicam.  
 Etvero vel se habet mere materialiter ad  
 actum, ut satis clare demonstravimus, vel  
 etiam se habet juxta rigidos Thomistas  
 formaliter: si primum, luce clarius patet  
 libertatis iuribus non adversari, cum  
 tota actus humani æconomia penes sit,  
 saltem principaliter, præmotionem moralem,  
 cui posse resisti nemo difficitur:  
 si secundum, sequitur utique liberum ar-  
 bitrium non perimi, quandoquidem præ-  
 motio physica se tenet ex parte actus se-  
 cundi, unde ad deliberationem prius factam  
 subsequi constat; quis autem absque  
 verbo injuriæ, immo & calumniæ diceret,  
 actum ex matura deliberatione factum non  
 esse liberum? Ex his conclusionibus in ip-  
 so oculi mentis actu seu intuitu mira gra-  
 tiæ cum libertate concordia apparet.



## SYNOPSIS SOLUTIONUM,

AD ARGUMENTA CONTRA CONCORDIAM  
CUM LIBERTATE ET GRATIA.

PRIMO non negamus Deum ab æterno cuncta prænoscere; nec posse ejus falli præscientiam asserimus, non inde tamen offenditur humana libertas, quia prænosceat Dominus eventus eo modo quo a causis secundis debent fluere, quocirca necessario, sed necessitate se tenente ex parte cognoscentis quem nihil latere potest, nusquam vero ex parte effectus: immo & præcitat & prædefinit Deus, sed ut eveniat contingenter, inquit D. Thomas: certitudo igitur præscientiæ ex aliquo voluntates hominum aut cogente, aut necessario ad aliquem actum compellente non oritur, sed ex universalitate & efficacia intellectus divini cuncta prænoscentis.

Secundo, verum est prædestinatos certissime salvari: ergone inducitur necessitas in actibus humanis? nullo modo: prædestinatio quippe sive ante, sive post prævisis meritis, executioni mandatur bonis operibus quæ quidem a voluntate cum deliberatione agente procedunt: nec illa prædestinationis certitudo a solo decreto promanat, non a sola gratia, sed utique a voluntate cujus Deus liberam præcitat gratiæ suæ cooperationem.

Tertio, gratia præmovens a Thomistis quidem prædicatur, sed præmovens prioritate tantum naturæ, causalitatis & dependentiæ, sed præmovens supposita deliberatione; sed præmovens esslo si vis indeclinabiliter, at tantum in sensu composito, quippe quæ se teneat ex parte actus secundi.

Desinant igitur Hæretici contumeliis lacessere Theologos sanctæ Matris Ecclesiæ Romanæ, dicendo non solum in sententiis, sed etiam in fidei dogmatibus discrepare; sic enim contra Catholicos debacchari non desinunt ut fucum faciant simplicibus, & suos vinciant manicis plusquam ferreis, pertinacia scilicet & firmitate in errore, de quibus hæc verba sancti Job, heu gemens dico, possunt proferri: *Si apparueris eis aurora, (sanæ nimirum doctrinæ) arbitrantur umbram mortis.* Quin potius denirentur Ecclesiam Romanam nescire in fide novitatem & varietatem. Dicant si quis inter ejus Theologos libertatem hominis sub domi-

nio gratiæ unquam negaverit: si quis fatum per præscientiam Dei actibus humanis affixerit: si quis prædestinationem vel ad vitam vel ad mortem necessitatem induxerit. Quod si quidam a trita illa sanctorum Patrum atque Doctorum rebus via attendentes ad spiritus erroris & mendacii deflexerint, statim & absque mora tanquam Ethnicos & Publicanos haberi voluit, statuit, definivit: quia vero virtus fidei mater & nutrix est, probitatem morum, suavitatem & sanctitatem Scholarum Catholicarum celebrare juvat, ut discant inimici veritatis quibus modis verbo & exemplo semper Theologi sanctæ Ecclesiæ, fidem tenuerint & bella Domini adversus eos invicto animo gesserint. Sed ne fusior sit sermo, gradum sistimus in quibusdam Academiis jam jam laudatis.

## ARTICULUS QUARTUS.

*Puritas fidei plurimum commendatur sapientias, virtute & sanctitate Scholarum sanctæ Ecclesiæ Romanæ.*

LUCERE vanum, inquit Bernardus: (a) quis enim crederet prædicanti qui factis negat quod lingua docet & confitetur? ardere parum: cæci enim cæcos ducunt, & omnes cadunt in soveam: sed lucere & ardere perfectum: maxime si Doctor ardeat charitate, si operibus, si fide, si humilitate & cæteris virtutibus abundet. Primi Evangelicarum veritatum Theologi, doctrinam portentis & miraculis confirmarunt. Patres exemplo, Doctores sanctitate, pietate, sapientia & morum probitate, ita ut mille elypei pendeant ex eorum virtute quibus fides saluberrima gignitur, nutritur, roboratur.

## SECTIO PRIMA.

*Puritas fidei celebratur virtute, scientia & sanctitate multorum Doctorum Universitatis Parisiensis.*

UNIVERSITAS Parisiensis (b) fundatorem habuit Carolum Magnum qui sic Galliarum, Imperiique Germanici gloriam susti-

(a) *Serm. de Nat. D. Joan. Bap.*

(b) *Antiq. Paris. per le Maire.*

flnuir, ut vix alter fuerit ipso major. Primum Professore nonnulli tenent fuisse Alcuinum, cujus nomen præconium est maximus, qui & Elypandum doctissimus & ineluctabilibus contulavit argumentis, quibus vestigiis semper inhærens, etiam a Summis Pontificibus frequenter magnis ornatur laudibus. Enimvero alii studium Parisiense fundamentum Ecclesiæ vocare, (a) alii omnes fere orbis Christiani Ecclesias ab hac Academia Præfules accepisse, alii cæterarum Univerſitatum esse matrem, alii tandem amœnissimo fonti, cuius aquæ universam Ecclesiæ faciem irrigant ad jucunditatem, assimilare non dubitaverunt.

Sed unum inter multa demirandum maxime, quod Eugenius III. summus Pontifex, nihil contra Gilberti Porretani errores decernere voluerit, nisi prius Doctorem Parisiensem sententiam compertam haberet, ut armatura illorum fortium quasi munitus, & hæresim sciret usque ad interitum, & fautorem converteret ad salutem. Quid mirum jam, si hæc Academia hæreticos subvertere ab incunabulis assueta, viderit Adamum du Petitpont pari argumentorum subtilitate & rationum soliditate Gilbertum errantem confundere? Petrum Aliacum, Joannis de Montefono stupidos debellare nævos? Hinc ista Univerſitas summo fuit in honore apud Galliæ Reges erga quos obedientiam & reverentiam subditis semper commendavit. Præcipuum tamen accepit decus 1252. in quo facilliter, fortunatæque exordium sumpsit fulgentissimæ Sorbonæ Societas, in ortu quidem minima apparuit, sed brevi crevit in arborem magnam. Protoparentem habuit Virum pietatis ac religionis zelo coruscantem cujus nomen est Sorbon. Adjutorem simul & dotatorem immortalis memorie sanctum Ludovicum, approbatorem vero Clementem quartum inter summos Pontifices celeberrimum.

His ergo fusa hæc supernarum scientiarum Palæstra, subito fecundi instar campi clarissimos protulit Viros qui vel ingenii claritate, vel tractandarum Regni rerum prudentia celebres fuere. Hæreses profligavit, immo nascentia errorum monstra debellavit, schismatum iniqua molimina abhorrens pacem restituere & consilio & labore fatigavit. Et vero quis error, quæ hæresis, quæ perverſitas antiqua ab eis proscripta non fuit? Millenarios, Al-

(a) Davy.

bigenſes, Valdenses, Lutheranos, Calvinistas, Novatores, hac omnes perduellium cohortes detestata ejecit, propugnavit, debellavit, devicit. Nec antiquorum ætates temporum hic referam aut depingam. Viderunt oculi nostri invictissimos Doctores omnia hæreticorum schismata pari facilitate & animi fortitudine solventes. Vidimus tela in ipsos adversarios retorta: vidimus de eis victoriam reportantes, vidimus laureatos in Ecclesia & pro Ecclesia triumphantes.

Quid memoriam Bossuetium Meldenſem Episcopum, quem Univerſitas Parisiensis habuit Doctorem eximium, quem ultima ætas demirata est ut Ecclesiæ Patrem invictissimum? Hic repetitis præliis, Calvinistarum, Lutheranorumque impetus non semel laceſcivit, sed laceſitos semper superavit, immo ipsi rebelles invictas sentientes manus siluerunt.

Illud tamen prætereundum non est, quod Univerſitas Parisiensis plurimos peperit Auctores qui vel rerum Ecclesiasticarum facta, vel Scripturæ implicatos sensus, vel doctrinæ thesauros posteris tradiderunt. Inter recentiores demirando annueramus Duvallium, Gamachium, Ysambertum, Grandinum & alios permultos omni exceptione majores, in quibus nec fidei ardor, nec erga sancti Petri Cathedram devotio senuerunt.

At meminisse juvat ipsos Franciæ Reges Doctorem hujusce Academiæ Cathedras dotasse (a). Inter suos Provifores nonnullos annotat Cardinalitia purpura decoratos, Eminentissimum scilicet Albertum de Gondi, Cardinalem de Retz, & nunquam oblivioni dandum Armandum Richellium qui collabentem Sorbonæ Domum extruxit superbo quo nunc cernitur modo. Mazarinus ei Proviforis officio successit. Sed absit filere Ludovicum Borbonium Cardinalem Cenomaniensis Ecclesiæ Præsulem qui magno duxit honori inter Sorbonæ Provifores adscribi; (b) ut primum enim electus apparuit, lætabundus exclamasse dicitur, ecce nunc tandem votorum meorum corpus factus sum. (c) Quid de Eminentissimo Cardinali Lud. Ant. de Noailles qui jam a sæculo extinctum Theſeos reſumptivæ actum etiam suscitavit? Mitto alios plurimos sicut pietate ita & doctrina atque sa-

(a) Mory.

(b) Paris. antiq. & nov. Le Maire Gall. Pur.

(c) Frizon Gall. Pulp.

piencia perillustres, qui hanc præclare adimpleverunt Provinciam. Non prætereundus vel ipse Clemens VI. alias Doctor Parisiensis, deinde felici admodum numine Pontifex Maximus, hoc tamen Provisoris titulo insignitus, hunc usque ad ultimum vitæ terminum ferre gloriatu est.

Inter Doctores suos leguntur Principes qui hoc titulo etiam gloriari delectantur. Illud vero majus est, nempe quod nulla profapia fulgentis familie, abundanti divitiis, habeatur ratio; solum scientiæ jubar ibi lucet, nullum aliud syrtus agnoscitur, & ne antiqua tempora telegere cogamur, juvat animo revocari doctissimos Viros, quos non ita pridem Thesibus ut Ecclesiæ Patres præsidere vidimus. Quid memorem de inclyto & eminenti Principe Rohan de Soubize, de Cardinali DD. de Bissy, de Illust. DD. de Gervais Archiepiscopo Bituricensi? Quid de utroque DD. Bontillier de Chavigny, illo quondam, isto nunc Trecentium, & designato Senonensium Proceribus? Quid de Vivariensi Præfule DD. de Ratabon? Quid de aliis innumeris quorum seriem hic texere fusior forem? Dicam tantum hujusce Universitatis alumnos perillustres, sic omnium difficultatum nodos vel in sustinendo, vel in præsidendo ita discutere, ut scientiam Angelorum matutinam e cælo evocasse videantur.

Plurimi Religiosi Theologicas Universitatis Parisiensis Scholas etiam ornare: inter ceteros maxime illuxerunt Hugo & Richardus a Sancto Victore quorum melliflua scripta luce clarius demonstrant, eos, cœlesti respelnduisse scientia.

*Surrexerit* (a) etiam pro utilitate Ecclesiæ Albertus Magnus: Hugo a Sancto Charo quem antiqui Academiæ Parisiensis secundum titulo decoratus inauguratum fuisset tradunt. Sed maxime solis instar orbem universum illuminavit Angelicus Doctor Div. Thomas Aquinas, Scholasticæ Theologiæ parens, dogmaticæ strenuus defensor, moralis purissimæ indagator admirabilis, Hæreticorum fulmen, lantpas Doctorum, Palæstræ decus, indeficiens Ecclesiæ lumen & ornamentum. Divi Francisci sacra Familia, (b) inter Regulares fulgentissima semper exstitit, quippe quæ quatuor summos habuerit Pontifices, & quadraginta quatuor Cardinales. Hæc

utique Sorbonæ splendorem non modice amplavit, dum super Scholæ candelabrum exposuit Alexandrum Alesensem, Sanctum Bonaventuram Seraphicum Magistrum, Scotum qui Doctoris subtilis nomine est insignitus, Joannem de Rupella, Joannem de Parma, Petrum Aureolum Aquensem Archiepiscopum, Franciscum Mayronium institutorem magni ætus Sorbonici qui florerebat circa annum 1315. & alios plures scientia claros, virtute fortes, sapientia & zelo fidei multum commendabiles, quorum memoria in benedictione est & erit in sempiternum.

*Carmelitarum Ordo* suos quoque habuit Coryphæos qui supernarum arcana rerum scriptis mandantes, mirum in modum emicarunt, præsertim vero Simon de Spira, Hubertus Leonardus, Petrus de Carza & nonnulli quorum fulgore enituit Academia Parisiensis.

Divi Augustini præclara soboles enumerat inter Sorbonæ Proceres quos gremio continuit, Ægidium Columnam Archiepiscopum Bituricensem, Gregorium Ariminensem, Thomam Argentinensem, Raimundum Altopontanum qui omnes Parentis & Institutoris sui victrices ambientes vices, lauream Doctoratus non indecore gessere.

*Alcanti* (a) jam meminimus quem Benedictionum antiquissimus & religiosissimus Ordo dedit, etiam protulit scientificum Claudium Sanctæum, Gilbertum Guinebrardum, Guidonem Juvenalem, Joachim Perionium, & hic non prætermitto etiam Divi Benedicti Filii Ecclesiæ debere, tot antiquorum scripta Patrum quæ publici fecerunt juris, ut omnibus sint ad illuminationem & consolationem.

*Eccē* quibus quondam fulsit ornamentis Academia Parisiensis, Viris nempe non pietate minus quam scientia claris. Plures vidit Doctores aut sacrarum Templorum, aut Monasteriorum, seu etiam Collegiorum Extructores, Docatores & Benefactores. (b) Verum ne ingrati animi labe notemur, hic celebrare expedit clarissimos ac piissimos Parisiensis Academiæ Doctores Dominos Joannem Quantinum & Joannem Standonium quos S. Franciscus de Paula summo prosecutus est amore, qui etiam pro-virili, & quidem feliciter Nigeonensis Conventus Provincie Franciæ capitis structuram & curare, & ad perfectionem

(a) *Moreri.*  
(b) *Darvity.*

(a) *Gallia Christiana.*  
(b) *Chronica Minima.*

tionem conducere faterentur. Mitto Dominum le Blond, & alios Venerabiles Doctores pietate & scientia insignes qui ejusdem Monasterii Bibliothecam exquisitis Libris ampliaverunt.

Quis nunc sententiam de scientia Dei, de libertate humana, de ejus cum decretis divinis ac gratia confociatione atque de Prædest. SS. tanta antiquorum Doctorum virtute sussultam lubentissimo non venerabitur? Quis veritatem omnium fortissimam, semotis aut errorum, aut passionum tenebris, vel amoris proprii in Angelum lucis ad decipiendum transformati, illusionibus, non dicet, non credet, non confitebitur? Sed juvat pergere & longius ire gradum faciendo ad alia fidei fulcimenta, quæ in aliis Ecclesiæ Catholicæ Scholis, non sine magno etiam fidei hostium stupore, emicant & plendent.

## SECTIO SECUNDA.

*Puritas fidei affulget in eximiis Scholæ Angelicæ Theologis, maxime vero rutilat sanctitate & sapientia D. Thomæ Aquinatis.*

JURE merito Doctor Angelicus D. Thomas cum Salomone dicere potest, se sapientiam amavisse, & a juventute sua exquirisse, ut eam assumeret in sponsam, propter hanc & hodie claritatem habet ad turbas, & honorem apud Seniores. Igitur laudent eum opera ejus, nam deficeret & ipsa laus in exaltando D. Thomæ gestis. Hic ergo non diversos eloquentiæ circulos, non Rhetorices ornamenta, non sermonis venustatem & flores congerere, sed ipsa super omnem laudem facta referre satagam.

Tanta eruditione consuevit ejus scripta ut omnium etiam Doctorum animum rapiat; (a) mysteriorum Dei compendium est summa D. Thomæ Aquinatis; colligit in ea quidquid doceri potest aut sciri, inquit Petrus Labbæus; & revera, ut optime satur Xistus Senensis (b); siquidem quatuor inter se implicabiliter pugnantis, indissolubili pacis fœdere conjungit, breviter scilicet, copiam, claritatem & securitatem, quæ nulli unquam litterarum Professori vel ante, vel post eum contigit necesse.

(a) Petrus Labbæus in Elog.

(b) Xistus Sen. 4. c. 16.

Qui summam D. Thomæ turrin Davidicam ex qua mille pendunt clypei ad fidei defensionem putaverit, via veritatis via non aberrabit. Etvero Trinitatem Personarum divinarum, attributa, creationem universi, quomodo facit Deus Angelos suos spiritus, & ministros suos ignem urentem, quomodo immotus omnis movet, mirum in modum explanat. Discerpit varios Scripturarum sensus, vim legum, virtutes, Incarnationem Verbi, ejusdem cum hominibus conversationem, Redemptionis beneficium, Sacramenta, rationalis creaturæ finem ultimum. Uno verbo omne scibile discutit & exponit. Hinc Gazophylacium non inepte dicitur & nominatur ab Urbano IV. Revera quidem: quod enim genus aut doctrinæ, aut disciplinæ esse potuit, quod non sit scrutatus D. Th.? Clarus in exponendo, fortis in probando; fidelis in explicando, rectus in litando; victor in argumentando: sic Græci obstupere legentes, ut ipsius contra Gentiles opera secum patrias auras repetentes asportaverint, & e Latino in Græcum sermonem ediderint.

Quid plura? (a) sapientiam omnium antiquorum exquirivit sapiens Doctor: & in Prophetis vacavit: enarrationem Vidorum nominatorum conservavit, & in versutias Parabolarum introivit: Proverbiorum occulta exquirens, in absconditis scripturarum conversatus est. Hic memorare juvat quanto lepore Prophetarum majorum oracula tam intricata & myseriosa explanavit, quanta suavitate explicuit Sponsæ sacræ cum sponso ineffabile commercium, quanta facilitate difficillimum Librum Job primus interpretatus est. Epistolas D. Pauli tam eruditae ornavit commentariis, ut, teste Possævino, nihil intactum relinquat. Scriptis & elucubravit in quatuor Evangelia opus tam mirabile, ut jure merito catena aurea nominetur. Ex sacrorum namque Doctorum dictis & sententiis tam judicandam seriem textit, ut aureis nodis tot variorum Auctorum testimonia & verba connektens, sermonem unum ab eodem ore promanentem putares.

Omnia demirantes, attoniti summi Pontifices alii tot articulos summæ D. Thomæ tot miracula dixerunt: alii vocem tanti Doctoris, vocem multitudinis sapientum nominare, alii os unum quo locuti sunt Patres, prædicaverunt: alii denique do-

cti-

(a) Eccles. 39.

Arinam ejus, ut Catholicam, Apostolicam, universalem, mirabilem, Ecclesiarum decus & fortitudinem, immo pro cæteris, una excepta canonica, proprietate verborum fulgentem, modo dicendorum ornatam, sententiarum veritatem explanantem, haberi voluerunt.

*Novæ* etiam doctrinam quam Apostolus Timotheo commendabat, nempe ut argueret, obsecraret, increparet opportune, importune; siquidem sermones luculentos protulit in quibus voce pariter & opere potens, vitium debellat, peccatores aut terribis poenarum metu, aut excitans mercedis spe: sed in his quid de fide, spe, religione, de vita & morte Christi? quid, inquam, omisit ex rebus quæ dici possunt? (a) Chrysostomo parem hunc asserere non dubitavit Didacus Stella.

Sed illud stupendum & simul demirandum videtur, quod sanctus Doctor eminentissimarum virtutum praxim cum litterarum studio conjungeret: noverat enim in malevolam animam non introire sapientiam, nec habitare in corpore subito peccatis. Orabat igitur Altissimum ut Spiritu Sapientiæ repletur mentem suam, & ideo arduarum difficultatum elucinationem a Christo potius in oratione quam ab ingenii subtilitate ac studio expectabat. Immo Clemens VIII. perhibet S. Doctorem in componendis libris, interdum SS. Apostolos Petrum & Paulum colloquentes, locaque illi quædam Dei jussu enarrantes, audivisse Julius III. affirmat Beatissimam Virginem de suæ vitæ & scientiæ integritate certiorum illum fecisse. Joannes XXII. a Diplomate quo Angelicum Doctorem in Scriptorum albo retulit, ait ipsum non sine speciali rerum infusione scripsisse, ita pariter & censuerunt Alexander I. Clemens VI. Pius V. & Paulus III. quæ una voce doctrinam ejus in veritate & charitate fundatam, celestem, inconcussam, tutissimam, sine ullo profluo errore conscriptam & expressa Christi voce comprobata, divinæ mentis interpretem fuisse a Spiritu Sancto datam, denique certissimam & doctrinæ Christianæ regulam uno ore conclamant.

*Docuerat* etiam omnipotens Magni Thomæ Aquinatis manus ad prælium, & digitos ejus ad bellum... Enimvero exortas ante ævum hæreses iterum propugnavit, iterum renascentes extinxit. Gentilium fabulosa numina malefidamque reli-

gionem deliramentum esse comprobavit. Ebionitas, Valentinianos, Gnosticos, Marcionitas, Millenarios, Sabellianos, Manichæos, Anthronomorphitas, Novatianos, Arianos, Pelagianos, Macedonistas, Nestorianos, Eutychianistas, & ut paucis omnino complectar, cunctos Hæreticos & Schismaticos domuit, debellavit, devicit, prostravit insar generosi Machabæi hostes sanctuarii ad pugnam provocavit, provocatos profligavit. Potentem experti sunt ejus dexteram Lutherus & Calvinus, mortalium omnium perditissimi; quanto zelo eis resisterit, norunt ultimæ Europæ nationes: sicut Cherubim ille qui post Adam lapsum voluptatis Paradisum custodiebat, ita D. Thomas Ecclesiæ, flammeo armatus gladio, limina defendebat ne profanum pedem inferrent lupi rapaces in Christi pascua.

*Orator* Tridentinæ Synodi, nulla Concilia a D. Thomæ obitu in orbe terrarum celebrata fuisse, quin ad Angelici Doctoris mentem opiniones omnes reducerint, eleganter scribit. Sed ne prolixior redium pariam Lectoribus, omisis cæteris, de Florentino tantum & Tridentino mentionem facere juvat. Joannes a Monte Nigro Ordinis sancti Dominici celeberrimus in Florentino Græcis negantibus Spiritus Sancti a Patre & Filio processionem, tantis hoc momentum, a sessione 18. ulque ad 25. probavit argumentis, ut vixi Græcorum doctissimi silere coacti sint, quo eventu eorum commotus Imperator, suorum consulens honori ultra progressi disputationem non est passus. Patet ex his quantum ibi refulerit D. Thomæ doctrina, quomodo per ipsius doctrinam fides integerrima nutritur, fovetur, roboratur; quomodo ipsius annatura fortes in prælio pugnent, quomodo fidei hostes repellant, quomodo vincant & triumphent.

*Ecce* defunctus iterum & sine fine loquutus Magister Angelicus, immittit velut imbres eloquia sapientiæ suæ, & licet tumultu conclusus, vivas tamen & immortales edet voces ulque in sæcula. Ecce his amplissimum Thomisticæ theatrum gloriæ; Sacro-Sancta Synodus Tridentina nihil definire videtur, nisi prius S. Thomæ auctoritatem consultam haberet. Quæritur an in ultima cæna Apostoli impresso caractere Sacerdotes incitati sint. Patres quæstionem ad mentem Angeli Scholæ cito definiunt? Post hæc, qua ducuntur temeritate qui e plebe litteratorum

vix

(a) *Tract. de modo contion. c. 2.*

vix exortī, (a) D. Thomæ doctrinam ad examen revocant, & pro tribunali sedentes, & ut ingeniose dicit quidam auctor, in eam iudices ultronei tamquam erroribus scatentem damnant, quam Ecclesia tanti fecerat in Conciliis suis œcumenicis, quam ipse Christus laudaverat, approbaveratque divinis suis verbis, *bene scripti de me Thomas*? Sed illud in primis observandum videtur, (b) tantam fuisse Concilii Tridentini erga D. Thomam ipsiisque doctrinam reverentiam, ut non dubitaverit summam ejus inter primas fidei regulas super altare collocare, ut omnibus notum foret quod si casu obscurum aliquid in Scripturis occurreret explanandum, non alio esse refugium quam ad Doctoris Angelici interpretationem, cui Deus dederat scientiam Sanctorum, quique in verbis suis hæresum monstra placare debebat. Cernebatur ergo hic liber juxta sacra Evangelia positus, & quanto emolumento eo usi sint Patres, non modice exponit hujusce Concilii Orator, sicut & Baronius qui asserit vix quemquam enarrare posse quot encomiis celebratus fuerit Angelus Scholæ, & quantum a SS. PP. in Sacro-sancto œcumenico Concilio Tridentino consistentibus fuerit acclamatus.

Taceo cæterorum scriptorum præconia. Dicam solum a D. Thomæ exitu vix scripsisse aliquem qui ejus doctrinam laudibus non celebraverit: & jam vix ullum esse Theologum qui in ejus verba non juret, vix aliquem existere professorem qui doctrinam ejus si non sectari, saltem ordinem servare, & patrocinium advocare non gloriatur.

Totius orbis omnes fere Academiarum opinioniones tanti Doctoris summo prosequuntur studio. Parisiensis quem olim habuit ut alumnus eximium, nunc audit ut Magistrum sapientissimum, eumque ab æmulis jure merito semper vindicavit, suamque erga eum reverentiam fulgentibus encomiis non semel commendare complacuit: ipsius verba silere non fas est. Cum Divus Thomas, inquit, fuerit universæ Ecclesiæ lumen preclarissimum, gemma radians Clericorum, fons Doctorum, Universalitatis nostræ speculum clarissimum, & candelabrum inigne, ac lucens per quod omnes qui vias vitæ & Scholas doctrinæ sanæ

ingrediuntur, lumen vident. Quid plura? Salmaticensis Hispaniarum celeberrima, novis procul repulsi opinionibus, publico Sacramento se obstrinxit semper & in omnibus D. Thomæ doctrinam sequi, & alumnos suos docere. Lovanienis præstito Sacramento sanxit, ut omnes sui Doctores ad obervantiam Constitutionum Apostolicarum in materia de Auxiliis, secundum inconcussa, tutissimæque dogmata S. Augustini & D. Thomæ progredierentur, ut fert Bulla Alexandri VIII. ad hanc Academiam directæ: immo ita S. Thomam colit, ut in nominis ejus prolatione alumnos suos caput discoopere voluerit. Duacena vero elegantem & honorificam statum S. Thomæ Aquinati Patrono Academicæ Duacensis, ut fert inscriptio collocata: erexit. Jussu Urbani V. Tolosanæ impositum est ut ejus doctrinam tanquam veridicam & Catholicam sectaretur. Pari zelo cæteræ Universalitates suam erga tantum Doctorem obervantiam diversis modis significare voluerunt.

Religiosi etiam ordinis plurimi maxime devinciuntur doctrinæ D. Thomæ, Fratrum Prædicatorum perillustri Familia, (a) quæ inter proceres suos quatuor SS. Pontifices annumerat, Cardinales 42. Archiepiscoporum & Episcoporum copiam multam ex quibus 23. aderant Sacro Concilio Tridentino, hæc inquam in suis Constitutionibus distincte injungit Lectoribus ut egregiam Angelici Magistri doctrinam semper legant, discant & doceant. Volumus inquit Constitutiones Augustinienium, ut Magistri regentes in lectionibus & determinationibus disputationum, in omnibus sequi & tueri doceant sanam & Catholicam doctrinam fundatissimi Doctoris nostri *Ægidii Romani*, (b) ubi vero ejus scripta non reperiuntur, ex D. Thomæ doctrina suppleatur.

Ita priter Congregatio Canonico-rum Regularium. Enimvero anno 1650. mense Septembris Capitulum Generale habitum in Abbatia sanctæ Genovefæ Parisiorum statuit ut in Scholis suis legeretur sancti Thomæ doctrina, quæ quidem Congregatio permultos celebres habuit Viros, quippe quæ inter suos annumerat Thomam a Kempis, (c) Illusterrimum Dominum Alanum de Solminhac Episcopum & Comitem, Reverendum Patrem Joannem Fron-

teau

(a) S. Thomas Aquinas. de Polyt. Christ. l. 2. c. 2.

(b) Idem. l. 2. c. 6.

(a) Davity.

(b) Const. p. 5. c. 2.

(c) Davity.

teum in Universitate Parisiensi Cancellarium, & Petrum Lallemand in eadem Universitate Rectorem eximium.

*Carmelitarum* Reformatorum Ordo sacer definit in Constitutionibus Provincie Turonensis, ut Lectores, quantum in ipsis erit, Divi Thomæ sequantur doctrinam. Eodem studio ejusdem Ordinis Disfcalceatorum (a) Congregationes tum Italiae, tum Hispaniae, tum Galliae Angelici Doctoris opinionibus adamumque prosequuntur. Immo Scholam Thomisticam fulgentissimam exornant radiis Complutensium, Salmaticensium & Philippus a Sancta Trinitate, qui Libris suis Theologicis perhibent quanti faciant D. Thomæ doctrinam.

*Sancti* tandem Francisci de Paula Ordo Religiosus quem Deus voluit humilitate crescere, & litteram & spiritum scientiæ D. Thomæ per omnia sequi, iterum atque iterum definit, statuit & voluit in Capitulis generalibus 1661. & 1709. celebratis. Quantum autem sub tanto Scholarum Magistro profecerit, non modice declarant sui alumni: in primis Gaspardus Passivei, Alphonsus de Vaga (b) qui de Gasibus conscientiae scripserunt; Joannes Garmart quondam sacrae Theologiae Doctor, Joannes Pichoveu Turonensis, Bertrandus Brunet, Joannes-Baptista des Bois qui de controversiis, Lallemand qui de attributis Dei, & Palancus nunc Episcopus de Joca qui de Providentia & conscientia.

Sed inter omnes floruit (c) Meriennus qui quilibet, quantumque fuerit tum virtutis, tum doctrinae splendore, lucubrationes ipsius, præcipue in *Genesim* contra Atheos apertius quam a nobis dici possit declarant. In B. Pauli Epistolae composuit R. P. Nicolaus Laquillier Succionensis; Jus Canonicum & regulare cum omnium actionum applausu explanavit Doctissimus Peirinis; eminet utique R. P. Giry D. Thomæ fidelis Discipulus, qui Patris Academici Parisiensis *Æmulus* Theologiam meliorem pluribus immensis voluminibus in Vita Sanctorum cum tanta gratia produxit, maxime in doctissimis de mysteriis expositionibus & dissertationibus, ut omnium Lectorum facile rapiat admirationem. Prætermitto plures alios qui variis scriptis doctrinae suae quam apud Angelum Scholæ veluti in fonte amantissimè hauserint, ut lympha purissima spargerent.

Anno 1562. (a) florebat in hac Sacra Familia insigni pietate & scientia clarus Gaspar a Fosso Rhegiensis Archiepiscopus qui in Tridentino Concilio sub Pio IV. primas egit partes post sedis Apostolicæ Legatos, quibus adeo spectatus, desideratissime tuit illius adventus, ut nihil eo absente agi vulerint. Ubi autem venit decretum de continuando Concilio, ipse tormavit & publicavit: immo præclaram & sapientiæ plenam habuit orationem de auctoritate Ecclesiæ in fidei rebus definiendis. A Gregorio XIII. Gaspar ad purpuram non obicure designatus, urbem, hunc fugiens honorem, declinavit. Sed ut fugientem insequitur umbra, sic & humilem comitatur gloria. Nam defuncto Marcello II. S. Pontifice, hic multis Cardinalium votis ac suffragiis ad supremam illam Ecclesiæ dignitatem postulatus est.

*Alii* plurimi in hoc Ordine Episcopalis muneris gloria fulgentes emicarunt. Sic Bernardus de Buile Episcopus Girondinensis, Gonzales de Angulo Episcopus Veneculæ, Gregorius a Paula Episcopus Regiocariensis, Franciscus de Maida Episcopus Lavellensis, Raphael Pizurnus Episcopus Gurdienfis & postea Sagonensis, Bernardinus a Fuscald Episcopus Opidenfis, Gaspardus Dinet Episcopus Matisconenfis, Renatus le Cler Episcopus Glandevenfis, Josephus Muria de Perimezzi Episcopus Schalæ, Joannes de Trel Episcopus Bailltræ, Franciscus Delvincan Archiepiscopus Sandonnicus, Ludovicus d'Hattichy Episcopus Augustodunensis qui Cardinalium-historiam pluribus in folio voluminibus eleganter composuit, Alphonsus de Pedraza Episcopus Placentiæ & inter multos qui etiam hodie in throno Episcopali sedent, Josephus Caste Archiepiscopus Salernæ cuius fidelitas erga Carolum V. Hispaniarum Regem enituit: qui omnes doctrina Div. Thomæ quam totis viribus protulerunt, ad hanc dignitatis celsitudinem pervenere, sed non omittendus Ignatius Verdolivius a Neapoli insignis Theologus qui ut suum erga Doctorem Anglicum demonstraret studium, summam ejus Theologicam meditationibus igne divino exardecentibus promulgavit.

*At* in his quid immoror? Magistri nostri gloriam fatari attinguntur omnes, immo & inimici nostri sunt iudices, tolle Thomam, inquitur Bucerus, & ego dis-

(a) *Const. 2. par. c. 4. n. 6.*

(b) *Davity.*

(c) *Gall. Christ.*

(a) *Chron. pag. 258. & 347.*

spabo Ecclesiam, quasi dixerit; tametsi deteriora sequar, meliora tamen, duce Angelico Doctore video, proboque, sed feliciores Eminentissimus Cardinalis Peronius & Paulus Burgenfis quorum alter factio scilicet in hæresi Calvinianæ natus & enutritus, alter in Iudaismo, ab errorum tenebris assiduè Summæ D. Thomæ lectione, adjuvante gratia in admirabile fidei lumen translati sunt: quia vero ille solus probatus est quem Deus commendat, commendatum utique a Deo Doctorem Angelicum legimus: *Bene scripsisti de me Thomas*, ait illi Christus. Mortalium silant ora, ab immortalis laudatur Vir omni ævo laudandus. *Bene scripsisti de me Thomas: Bene tibi, bene aliis, bene præsentibus, bene posteris.*

### SECTIO TERTIA.

*Puritas fidei affulget, vutilaque in aliis  
Ecclesiæ Academicis, & Theologis.*

Nunc si cæterarum Europæ Academicarum quæ in libertatis defensionem decertare debitas præterire laudes, profecto non temere iniquus viderer: etenim tam suavi fulgent Virorum tum doctrina, tum pietate illustrum varietate, ut scientiarum Palæstræ præca omni florum ornata ridentia putares. Primo intuitu, subeat Tolosana Universitas apud Gallos celeberrima tum antiquitate, tum fidei puritate. Ex hac eleganti Palæstra prodit Joannes Putneus humanæ libertatis non infirmus assertor qui plurima argumentorum serie, conglobatisque Scripturarum & Patrum Testimoniis litem omnem, quam veteres & nuperi suscitavere Heterodoxi, dirimit atque penitus extinguit; immo novorum dogmatum artificibus efficacem hinc opponit conclusionem: (a) *Libertas ideo admittitur in nobis, non quod non cogamur, sed multo magis quia non necessitatem inter operandum: ac proinde concedenda est in nobis libertas, nedum a coactione, sed etiam a necessitate.* In huius scriptoris verba numquid jurare Tolosanae Universitatis alumni? certe quidem hancque sententiam sibi & hodie tepidissimum habent.

Ventilavere quidam Theologi Belgas de fide patrocinari libertatem hominum arbitrio; ita sit, tantæ falsitatis opificibus ad inte-

rim parco: aut quid censuere primævi Belgarum Doctores, quid Malderus quem eruditio Doctorem Lovaniensem & pietas Præfulem Antuerpiensem fecit, in maximi Doctoris ore collocata sit Lovanienfis Palæstræ sententia, quid sentit, quid cogitat, quid de libertate? certe ejusdem nobiscum opinionis affirmat primam libertatem esse a coactione, hoc modo omnem actum eliciti voluntatis liberum esse: (b) illoque modo etiam Hæreticos libertatem arbitrii agnoscere, detorta nimium etymologia. Aut ne unius dumtaxat testimonium reperisse videamur, legat quicumque dubius exarata a Cunero Petri dignissima verba quibus severe licet, pro merito tamen perimentium libertatem hominis audaciam redarguit; longo textu lib. de libero arbit. cap. 5. novarum adventionum profligatorem seise exhibet. In eandem venit mentem Ruardus Tapperus quem Calvinillæ ut formidabile dogmatis pravi fulmen habuere, illius doctrinam assequutus est Joannes Vyggerius in eadem Academiæ Professor Regius: verum quid in his numerandis tempus consumo, nonne Lovanienfis Universitatis sectantes nova dogmata exhorruit, SS. Pontificum, ea qua par est animi submissione, veneranda suspiciens statuta, Patronos damnosæ novitatis expulsi, ejecit, destruxit?

Si Duacensis jam Academiæ laudes illustraverim, prohi Deus immortalis! quanta est, quam copiosa quam numerosa encomii materies: hæc a Philippo II. Hispaniarum Monarcha fundatam, a Summis Pontificibus Pio IV. & Pio V. confirmatam, Doctorum splendore coruscant, alumnorum concursu celeberrimam prospicimus. Facilius sydera enumeravero, quam insignem Doctorum catervam qua resplenduit: fulget in primis, ne prolixior sim; fulget, inquam, in Cancellario suo, Viro potenti in Litterarum Republica, Guiljelmo Estio, cuius novem dixisse sufficit, si quis unquam in exhauriendis tanti Artium Proceris ludibus sufficere queat. Et ne eritis dixisse videar, recordentur omnes hunc magnifice cunctos apud Theologos ludiri, sed juvat quæ stylo aureo in libertatis explicationem scriptis tantis inveni: *Libertas arbitrii non solum opposita necessitati coactionis quæ omnino a voluntate est aliena, verum etiam necessitati naturali, quæ voluntas etsi sponte agat, sic tamen agit,*

(a) Tom. 1. in quest. 10. dub. 2.

(a) Disp. 56. in 1. part.



agit, ut non possit non agere. Dicendum igitur est arbitrii libertatem quam contra Hæreticos veteres & novos defendit Ecclesia, consistere in facultate eligendi utrumlibet oppositorum.

Quidquid effugiant liberi arbitrii hostes, perperam dixisse videbuntur Belgii Scholas ab humana discedere libertate, elegantius non ita pridem, brevique libello venerandus tum doctrina, tum canitie Dominus de la Verduere, Prætorum institutorum, Patriæque fidei tenax salvam libertatem non ut adulterini sectatores volunt, verum ut antiqui voluere Patres, agnoscendam prædicavit, ergone apud Belgarum Academiis desit germanus germanæ hominum libertatis sensus?

Ast quanta animi obedientia ipsa Duxensis Schola Sacræ Sedis & Petri Successorum sanctiones quæ ad integram generis humani libertatem attinent, amplexata est!

Nimius essem, si cunctarum Hispaniæ Scholarum laudes sigillatim recenserem, ne tedium pariam, juxta Catholicos adeo Regni seligere Virorum testimonia illustriorum qui in libertatis humanæ fidem convenere: summi certe animum consensione conspirant plurimi. Primus sit Franciscus Honorantius Vir eruditus ac de Religionis Catholica optime meritis, has innotat voces adversus Calvinum: (a) *Esse libertatem*, teste Augustino, non quæ coactionem modo, verum etiam necessitatem excludat: Cumque Calvinus perperam Augustini patrocinio gloriaretur, addit: *Num nos cum Augustinum legimus, Calvine, necessitatem cum coactione perperam confundimus, an non magis utrumque nobis dat Augustinus, & sine coactione nos agere, & sine necessitate quod est dicere voluntarie?* Plurima adjicit quæ referrem nisi recorder non litigantis sed laudantis hic me vices peragere.

Secundus sit Didacus Alvarez veterum Hæreticorum insignis profligator, Calvini cunctos cum persecraretur errores, sic, impertinenter de libertate loquentem, reprimat: (b) *Sexta earum hæresis est Deum inchoare & perficere in nobis bonum opus movendo liberum arbitrium, ut nostra voluntas non libere, sed solum motu spontaneo motionem divinam subsequendo cooperetur.* Paucisque interjectis verbis subnectit: Se-

*prima hæresis Lutheranorum affirmat gratiam Dei ita esse efficacem ex scriptura, ut nostra voluntas eidem non cooperetur libere, sed solum sponte, ultro & non coacte.* Hucusque prudens scriptor expendit verba Heterodoxi, quam hæresim nominavit. In similem propter sententiam Petrus de Cabrera, necnon celeberrimus Franciscus Cumes quondam Ordinis Beatæ Mariæ de Redimendis Captivis Præpositus Generalis, & Universitatis Salmaticensis in orbe tam celebris, publicus Professor. Fœderata voce affirmant ad humanam exigi libertatem non solum agere libenter & spontaneè, seu voluntarie præcise quamvis hoc fiat cum advertentia & cognitione ejus, sed ulterius requiri potestatem agendi & non agendi per quam homo habet dominium in propriis actionibus. Gallis, Hispanis & Belgis conveniunt quoque celebriores Italiæ Magistri qui in eandem conspirant opinionem.

Neque vero desunt in aliis Academiis, Congregationibus percelebres Theologi, qui partes liberi arbitrii adversus impugnantes, sicut pietate, sic & doctrina sana, librisque eruditione repletis defenderint. Ex Societate Jesu propugnatorum splendidam habemus nubem, in primis Cardinales Bellarminus, Toletum & Delugo: deinde R. P. Deschamps Bituricum qui Provinciæ Parisiensis clavum non semel tenuit: Petavium qui Patrum tum Græcorum, tum Latinorum pro jure libertatis ita affectus est, ut os omnium esse videatur: habemus & Labbæum cujus vel ipsum nomen præconium est. Mitto alios complures inter quos multi fidem Catholicam usque ad interneconem sanguinis effusione propugnaverunt.

Suos etiam Congregatio Oratorii habet in Theologia Heroes. Quid memorem de Reverendo admodum Patre Amelot qui D. Augustini & D. Thomæ vestigiis insistentem de efficaciac doctrinam adversus Heterodoxos strenue defendit, Novum Testamentum Gallicè ita clare & ad mentem Vulgatæ reddidit, ut non solum Ecclesiæ Procerum, sed & omnium Catholicorum applausu, tanquam genuina & egregia admodum recitari & legatur ejus editio? Quid de R. P. Thomafino, quid de Morino? ille de Disputina Ecclesiastica, de Summis Pontificibus, de Conciliis, iste vero de Sacramentis admodum concinnate scripserunt. Omnes quantum bene meriti sint,

(a) Lib. I. c. 49.

(b) Diss. 3. n. 17.

sint de Ecclesia, intelligas velim, doctissimi Lector, tum ex libris sana & eximia doctrina reſertis, tum ex morum ſuavitatē & virtutum exemplis quibus eam ſedulo illuſtraverunt.

*Sic igitur prævio*, ut ita dicam, paſto veteribus concordant recentiores Theologi; quam glorioſum eſt quamque decorum his palæſtris intemerata veritatis tam robustos ediſſe defenſores! Creſcant ut ros eloquia tantorum Virorum, inmittant undique velut iambrem, ſanam quam docuerunt doctrinam. Conſulus taceat error, nec peregrinus incute glosietur Patronos reperiſſe; aliquos quidem ſcſcinavit non obedire veritati, aſt ipſa veritas propria virtute viſtrix, hos inflatos diſrumpet, atque deſebit.

*Quid ergo ex his colligi poteſt?* quid ſibi abſumet tenax hæreſis? variant Theologi Catholici. In quo variare videntur? an in fidei dogmate, ubi Gentium hæc recte diſta ſunt? nunquid omnes unanimi conſenſu conſideratoque animo opinioniones ſuas uni non committunt Eccleſiæ? ipſa ſatur, ſi determinat, ſi deſinit, nonne oracula omni qua par eſt reverentia, venerantur? Hæretica igitur tantum arrogans procacitas huic Chriſti ſponſæ in-

corporari nequit, quia humiliter ſentire neſcit. Nos vero licet per diverſos progrediamur calles, ad unitatis tamen centrum innixe pervenire omnes alacri animo ſtudemus, Romanam Eccleſiam, Summos Pontifices, Concilia veneramur, tota eis ſubjicimur mente. Immo vel ſanguinem fundere pro hac unitate parvi ducimus, unico eodemque ſpiritu, & fidelium ſolatio, & infidelium ſaluti incumbere delectamur. Inter Sorbonicos jam multos hac charitatis flamma incenſos diximus. Nec ipſa ventura ætas ignorabit, quinto animarum ſalvandæ ardore tenebatur S. Joannes de Matha Docteur Pariſienſis, magnique Ordinis pro Redemptione Captivorum Auſtor & Fundator, Auguſtiniens, Thomiſtas, Minoritas, Carmelitas, Jeſuitas, Religioſos Minimos pro fidei veritate trucidatos paſſim leges ſi voveris eorum Ordinum Chronologias legere. Aſt quot habuit Eccleſia Apoſtolos, tot fidei ſuæ teſtes; quot Doctores orthodoxos, tot Patres ad conſummationem Sanctorum, ut non ſimus in veritate fluctuantes, immo habet & habebit in perpetuum inviſſimos ſuæ & ſanctitatis, & unitatis, & veritatis Patronos atque Deſepliores.



FINIS

**A** Vendo veduto per la Fede di Revisione, & Approvazione del P. F. *Filippo Rosa Lanzi* Inquisitor General del Santo Officio di *Venezia* nel Libro intitolato *Theologia Patrum Dogmatica, Scholastico positiva Autore R. P. Antonio Boucat &c. Distributa in Tomos octo. Editio secunda Veneta Stampata non v'esser cosa alcuna contro la Santa Fede Cattolica, & parimente per Attestato del Segretario Nostro, niente contro Principi, & buoni costumi concediamo Licenza a *Gasparo Girardi* Stampator di *Venezia*, che possi essere stampato, osservando gli ordini in materia di Stampe, & presentando le solite Copie alle Pubbliche Librarie di *Venezia*, & di *Padova*.*

Dat. li 27. Febbraro 1764.

( *Angelo Contarini* Proc. Ref.

( *Alvise Vallarefso* Ref.

( *Francesco Morosini* 2. Kav. Proc. Ref.


Registrato in Libro a Carte 232. al Núm. 1384.


*Davidde Marchesini* Segr.

Addi 4. Marzo 1765.

Registrato nel Magistrato Eccellentissimo degli Esecutori  
contro la Bestemmia.

*Francesco Gadaldini* Segr.









5-2



